

清
實
錄

文宗顯皇帝實錄(四)

卷一八八至卷二七二
咸豐六年至八年

清實錄

第四三冊

中華書局影印

清 實 錄

(第 四三 冊)

文 宗 實 錄 (四)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 • 77 3/8 印張

1987 年 1 月第 1 版 1987 年 1 月北京第 1 次印刷

印數 0,001 — 1,500 冊

統一書號: 11018 • 1355 — 43 定價: 57.00 元

清實錄第四三冊目錄

文宗顯皇帝實錄(四)

卷一八八	咸豐六年正月上	一
卷一八九	咸豐六年正月下	一四
卷一九〇	咸豐六年二月上	二九
卷一九一	咸豐六年二月下	四四
卷一九二	咸豐六年三月上	六一
卷一九三	咸豐六年三月中	七七
卷一九四	咸豐六年三月下	九五
卷一九五	咸豐六年四月上	一〇五
卷一九六	咸豐六年四月下	一一九
卷一九七	咸豐六年五月上	一三六
卷一九八	咸豐六年五月中	一四七
卷一九九	咸豐六年五月下	一五六
卷二〇〇	咸豐六年六月上	一六六
卷二〇一	咸豐六年六月中	一七六
卷二〇二	咸豐六年六月下	一八六
卷二〇三	咸豐六年七月上	一九七
卷二〇四	咸豐六年七月下	二一一
卷二〇五	咸豐六年八月上	二二六
卷二〇六	咸豐六年八月下	二四一
卷二〇七	咸豐六年九月上	二五九
卷二〇八	咸豐六年九月下	二七五
卷二〇九	咸豐六年十月上	二九二
卷二一〇	咸豐六年十月下	三〇九
卷二一一	咸豐六年十一月上	三二六
卷二一二	咸豐六年十一月中	三三八
卷二一三	咸豐六年十一月下	三四八
卷二一四	咸豐六年十二月上	三六〇
卷二一五	咸豐六年十二月中	三七三
卷二一六	咸豐六年十二月下	三八三
卷二一七	咸豐七年正月上	三九七
卷二一八	咸豐七年正月下	四〇七
卷二一九	咸豐七年二月上	四一九
卷二二〇	咸豐七年二月下	四三七
卷二二一	咸豐七年三月上	四五一

卷二二二	咸豐七年三月下	四六六	卷二四一	咸豐七年十二月上	七二五
卷二二三	咸豐七年四月上	四八一	卷二四二	咸豐七年十二月下	七四一
卷二二四	咸豐七年四月下	四九四	卷二四三	咸豐八年正月上	七五八
卷二二五	咸豐七年五月上	五〇七	卷二四四	咸豐八年正月下	七六九
卷二二六	咸豐七年五月下	五一七	卷二四五	咸豐八年二月上	七七八
卷二二七	咸豐七年閏五月上	五二七	卷二四六	咸豐八年二月下	七九六
卷二二八	咸豐七年閏五月下	五四四	卷二四七	咸豐八年三月上	八一二
卷二二九	咸豐七年六月上	五六一	卷二四八	咸豐八年三月中	八二八
卷二三〇	咸豐七年六月下	五七六	卷二四九	咸豐八年三月下	八四六
卷二三一	咸豐七年七月上	五九二	卷二五〇	咸豐八年四月上	八五九
卷二三二	咸豐七年七月下	六〇九	卷二五一	咸豐八年四月中	八七九
卷二三三	咸豐七年八月上	六二一	卷二五二	咸豐八年四月下	九〇〇
卷二三四	咸豐七年八月下	六三五	卷二五三	咸豐八年五月上	九一七
卷二三五	咸豐七年九月上	六四七	卷二五四	咸豐八年五月中	九三二
卷二三六	咸豐七年九月下	六六五	卷二五五	咸豐八年五月下	九五三
卷二三七	咸豐七年十月上	六七七	卷二五六	咸豐八年六月上	九六三
卷二三八	咸豐七年十月下	六九〇	卷二五七	咸豐八年六月下	九七九
卷二三九	咸豐七年十一月上	七〇二	卷二五八	咸豐八年七月上	九九九
卷二四〇	咸豐七年十一月下	七二三	卷二五九	咸豐八年七月下	一〇一六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十八

監修總裁官總纂臣徐鴻儒太子太保一等侯爵傅文淵副總裁官徐鴻儒太子太保一等侯爵傅文淵

大學士管理禮部事務加三級紀錄四等侯爵徐鴻儒太子太保一等侯爵傅文淵副總裁官徐鴻儒太子太保一等侯爵傅文淵

大學士管理戶部事務加三級紀錄四等侯爵徐鴻儒太子太保一等侯爵傅文淵副總裁官徐鴻儒太子太保一等侯爵傅文淵

大學士管理刑部事務加三級紀錄四等侯爵徐鴻儒太子太保一等侯爵傅文淵副總裁官徐鴻儒太子太保一等侯爵傅文淵

大學士管理工部事務加三級紀錄四等侯爵徐鴻儒太子太保一等侯爵傅文淵副總裁官徐鴻儒太子太保一等侯爵傅文淵

敕修

咸豐六年丙辰春正月己未朔

上詣

奉先殿行禮○詣

堂子行禮○遣官祭

太廟後殿○御太和殿受朝作樂宣表如儀○

詣

大高殿

壽皇殿行禮○御乾清宮賜近支親藩等宴○

諭內閣奕諒著加恩賞還惇郡王○以學習

御前大臣景壽奕山為御前大臣○命貝勒

載治在御前行走○庚申

上御重華宮賜王公蒙古王貝勒貝子及外藩

使臣等食○諭內閣陸元烺奏水陸兵勇收

復樟樹鎮一摺逆匪由臨江分股竄擾樟樹

鎮築壘搭橋踞河抵拒經副將周鳳山督飭

都司滕國獻參將阿達春等分路進攻該逆

傾巢出拒官軍奮力鏖戰先斃六七百人賊

即潰敗我軍火器齊發立毀賊壘五座焚溺

無數並將賊船二十餘隻燒毀惟時南河候

補知府劉于瀉督率水師上岸夾擊該逆棄

壘逃竄賊營礮臺悉被踏毀其經周鳳山勦

敗之賊正由浮橋竄渡劉于瀉與水師營官

賀虎臣開礮轟擊砍斷浮橋直衝上游焚毀

賊船及被擄民船一百十餘號當將樟樹鎮

收復現在周鳳山由新淦一路渡河進剿遊

擊遮克敦布由奉新一路進剿著曾國藩陸

元烺督飭各員迅將旁竄各匪勒洗以圖克

復瑞州臨江無稍延緩現在新淦奉新均有

匪蹤聞入雖因兵力較單究屬防堵不力署
新淦縣知縣李作士奉新縣知縣竇煦均著
革職戴罪隨營以觀後效○予江西陣亡千
總劉以成祭葬世職勇丁劉聯元等賞卹如
例○緩徵直隸開東明長垣保定吳橋東光
寶坻甯河新城雄安高陽天津靜海豐潤王
田武清薊霸文安大城永清東安安肅蠡東
鹿河間獻任邱景青滄南皮鹽山慶雲晉南
和平鄉廣宗鉅鹿任永年邯鄲曲周廣平雞
澤磁元城大名南樂清豐南宮武邑衡水隆
平甯晉深武強五十八州縣被水村莊新舊
額賦展賑東明長垣吳橋東光保定開六州
縣被水災民一月口糧○展賑河南蘭儀祥
符陳留杞封邱考城六縣被水災民一月口
糧○朝鮮國使臣趙德林等二人琉球國使
臣向邦棟等二人均於重華宮瞻覲○辛酉
高宗純皇帝忌辰遣官祭
裕陵○

上詣

壽皇殿行禮○詣

闕帝廟拈香○諭內閣綿勳奏多爾濟那木
凱接班遲誤一摺向來王大臣等禁城內進
班遲誤並出班之人不待交替即自散歸者
例禁甚嚴若有別項差使勢難兼顧並非藉
詞推諉者則出班之人通融少待雖例無明
文而亦不外乎情理綿勳前因國瑞圓明園
接班稍遲具摺奏聞經朕查明國瑞係有隨
從差使故未予處分並非從寬免究茲多爾
濟那木凱於元旦亦有隨從差使接班稍遲
並未曠誤綿勳既知多爾濟那木凱並非無
故遲延何得復行奏顯因是日不能及早
出班特以申明舊例為詞假公濟私實屬非
是且據奏請或仍遵舊例或另定新章等語
尤屬負氣妄言綿勳著交宗人府議處嗣後
輪應進班之王大臣等如無別項差使而遲
逾時刻或藉端推諉曠誤不到者仍著出班

之人據實奏。奏若如國瑞多爾濟那木凱之事。出有因。人所共知者。不得挾私妄劾。以昭平允。○又諭向榮奏。蕪湖水陸截剿。疊獲勝仗一摺。逆賊負固蕪湖。節經官軍圍蹙。副將李德麟探聞江北神塘河口內賊匪數千夥。併安慶竄下賊船。在泥汊河荻港一帶窺伺。接應。十一月二十二日。李德麟帶領紅單船折赴神塘河進剿。賊衆蜂擁拒敵。經紅單船往來衝盪。轟沈賊船三十餘隻。生擒偽檢點

趙元發等八名。奪船八隻。餘賊遁入河口。總兵吳全美各船在下游。同時將裕溪口接濟賊船擊沈。截剿偷渡賊。划十二月初九日。賊復自無為州糾合上游賊船數百隻。竄應神塘河。直逼荻港。李德麟函會鄧紹良吳全美分派兵船合力助剿。李德麟督船先到。奮勇轟擊。立毀大小賊船數十隻。焚溺賊匪無算。生擒偽將軍王紀興等。奪獲礮械多件。乘勝跟剿。十二日。駛至劉家渡江面。外委劉得清

乘駕快蟹船。首先衝入賊隊。把總鄭吉星劉裕安等均各併力攻擊。計共奪船三十隻。軍器二百餘件。賊衆拌命潰逃。其應援石壘之賊。自陶陽鋪等處來犯。均被鄧紹良督勇擊回。復將范羅山守塔賊匪擊倒。該逆見勢不支。自將陶陽鋪等處賊壘焚棄。而竄。此次擊敗賊援。逆黨已成孤立。著向榮即飭各路將弁。乘此聲威。迅速埽蕩。以清江面。○諭軍機大臣等。向榮奏蕪湖水陸獲勝情形一摺。據

稱旂羅山等處賊匪焚壘回竄東梁山。已調魯港老鴉山兵勇協剿。黃池杜其內竄之路。該處直接高瀆東壩。久為逆匪窺伺。稍有鬆懈。內犯堪虞。向榮所派兵勇是否足敷堵截。此時蕪湖陸賊雖棄壘潛竄。鄧紹良一軍仍應嚴扼上游。恐不能分兵返顧。向榮前奏揀派精銳一軍以備緩急。如黃池有警。即令總兵明安泰統帶。由高瀆一帶攔剿。布置尚屬周妥。仍當確探賊蹤。盡力堵截。不可令其竄

入腹地亦不可因該逆回竄遽撤上游精銳兵勇致墮該逆牽綴之計至金陵逆匪糾合上游各路黨與分屯各門意圖援應鎮江據向榮前奏已飭德安帶江鎮得力兵勇駐劄東陽鎮斷其往來誠恐賊眾我寡專事扼截未能得力著與吉爾杭阿妥為籌商總以誘賊出巢就地勦殺使之不敢旁竄方能杜其窺伺詭謀前據托明阿奏探聞金陵首逆定於十二月十五以後二十五以前水陸齊進下援瓜鎮雖其日期不可憑信而急圖下竄之意則與向榮現奏情形符合向榮吉爾杭阿務當加意防範能乘該逆出援痛加勦洗不特可免內竄之患亦於克復城池事機更有裨益將此由六百里各諭令知之○欽差大臣向榮奏請飭甘肅提督索文赴江皖等省勦匪得旨索文人尚可可用亦頗勇往前經琦善奏調因甘省乏人未允現在甘肅兵少餉缺各鎮率皆署任正資彈壓不能令其遠

出也○壬戌諭軍機大臣等英桂奏擒匪竄回老巢亟須添兵進剿一摺擒匪張樂行等雖經柘城等縣團勇擊退全數敗回雒河集而拏獲奸細有欲向會亭馬牧等處招集夥黨會合大股之語自應趁各匪未出之先厚集兵力直搗賊巢不得因豫境暫時安謐專事防堵致令蔓延武隆額所稱調取壽春固原河州等兵均不能來河南所派兵勇僅止數千自嫌單薄惟安徽省前有鄭魁士原帶兵一千五百名已諭令和春等另委大員統帶此外有容照興慶所帶馬步隊兵及諭托明阿等酌派之吉林兵並令官文於留駐德安馬隊中量撥數百名又有和春等前派之戴世熙所帶兗州中正各兵勇龔耀倫武全之徐州潁州兩處兵各五百名為數已屬不少英桂現在督辦三省勦匪事宜權有專歸責無旁貸著即遵旨嚴催各路兵勇前赴雒河集會剿儻有逗遛畏葸情事即將帶兵各

員從嚴叅辦以肅軍令毋得任令遷延致有貽誤軍行糧餉一面飭令藩司籌款接濟將此由六百里加緊諭令知之○以直隸布政使庾長為江南河道總督未到任前以漕運總督邵燦兼署並督辦防堵事宜○以江蘇按察使錢忻和為直隸布政使江蘇常鎮通海道趙德轍為按察使○賞署山西布政使恆福三品頂帶雲南布政使史致蕃二品頂帶○予故江南河道總督楊以增祭葬卹廕

如軍營病故例○緩徵山東歷城章邱長清德平原青城陽信樂陵汶上朝城堂邑清平館陶恩博興邱齊東禹城臨邑肥城東平東阿惠民商河霑化鄒荷澤單曹金鄉鄒平長山新城齊河濟陽陵海豐蘭山莒沂水聊城茌平高苑樂安壽光平度昌邑濰高密夏津平陰濱利津滕嶧陽穀壽張城武定陶鉅野鄆城濮高唐濟甯嘉祥魚臺范六十七州縣及德州東昌臨清濟甯四衛被賊被水莊屯

本年額賦○緩徵山西洪洞縣被賊災民應完倉穀○甲子諭軍機大臣等前因武隆額督勦擒匪毫無把握已降旨專交英桂督辦所有三省會勦官兵悉歸該撫節制本日據英桂奏已飛飭嚴提興慶朱連泰等即日管帶兵勇及早會合進攻賊巢又據和春福濟奏武隆額將亳州官兵調赴永城自係歸德未經解圍以前之事英桂所奏請飭和春等續派官兵由蒙亳進逼賊巢又係未接皖省

移文尚不知鄭魁士已赴亳州塔思哈已於十二月初六日由霍山啟程之事今豫省已無匪蹤擒衆業經回竄自以潁亳一帶為喫重所有武全管帶之潁州兵徐曉峰管帶之中正勇即著由亳州一路進攻朱連泰管帶之兗州徐州兵即著由永城折回四面會合力破賊巢鄭魁士既經前往該處即著督率諸軍迅圖攻勦仍歸英桂節制如皖省勦辦緊急該匪或仍竄豫境鄭魁士即應馳往豫

省協勦總宜賊在何處兵到何處不得稍分畛域但知自固藩籬至英桂既督辦三省勦匪事宜即非河南一省之前此諭令馳赴歸德原因賊在歸德之故今既已退回安徽境內該撫即應帶兵前往交界處所扼要駐劄一面撥兵前赴會勦若如所奏俟兵勇到齊再赴歸德未免過於迂緩容照馬隊近在宿州與其調往豫境何如飭赴潁亳而該撫移營就兵較為近便其續調之信陽防堵兵五百名保安所帶山東兵五百名該撫已令先赴歸德即著催令由歸德前進會合皖兵其河北各兵並滑縣壯勇黨一時未能齊集該撫止可先行出省將武隆額現帶之兵調集進勦匪蹤烏合紛竄無定總以迅速為貴庶不至養成巨患至吉林黑龍江馬隊調出已多且恐緩不濟急魁福甫經回任未能再行調派其前調揚州軍營馬隊本日據托明阿奏稱已派吉林馬隊五百名交侍衛伊興

額協領德昌管帶由浦口六合兼程前進取道滁州馳往歸德著英桂即行提催徑赴潁亳一帶會同鄭魁士合力協勦毋庸前赴歸德其塔思哈一軍並著和春等飛催赴亳歸英桂調遣毋任稍延江南境內防禦亦關緊要署總兵傅振邦既已到任興慶即可帶兵出境探明賊蹤赴皖會勦其本境防堵事宜即由傅振邦籌辦將此由六百里各諭令知之○命大學士賈禎稽察欽奉上諭事件處○以吏部尚書翁心存為國史館總裁官○予安徽陣亡都司常孝祖祭葬世職○蠲緩安徽五河定遠蒙城壽宿鳳陽懷遠靈璧鳳臺阜陽潁上霍邱太和泗盱眙天長滁全椒來安含山二十州縣被水被旱被賊地方及屯坐各衛新舊額賦有差○乙丑世祖章皇帝忌辰遣官祭孝陵○諭內閣內務府奏訊明犯事大監大概供詞一摺國子監祭酒彥昌張家口理事同

知恆俊聽信太監丁得祿輾轉請託薦用家
丁殊屬有干例禁彥昌恆俊均著降一級調
用○又諭石景芬奏駐劄青山防堵並攻勒
賊卡獲勝一摺賊匪在金柱關搭造浮橋窺
掘濠塹意圖窺伺甯國府城經石景芬移營
青山派兵前往迎剿十二月二十三日賊由
龍山橋內犯我軍槍礮齊發斃賊三十餘人
賊衆退入卡內當經我軍火器焚燒外卡逆
賊挂帆逃逸復被官軍焚毀賊船五隻浮橋
一座逆匪焚溺甚多其間卡死守之賊亦經
把總郭桂林等拔樁先登各勇奮力環攻斃
賊三百餘人賊勢已蹙金柱關為蕪湖金陵
往來要道此次迎剿獲勝著向榮即飭該革
員隨同鄧紹良等認真堵剿迅圖克復以贖
前愆○諭軍機大臣等前因何桂清奏叅道
員石景芬私心自逞有意邀功當經降旨將
該員革職本日據該革員奏報劄營青山及
進剿金柱關賊匪情形尚能扼要布置已明

降諭旨將該革員交向榮差委矣現值軍務
需人金柱關既為金陵蕪湖賊匪往來要道
黃池一帶防兵甚單著向榮即飭該革員隨
同鄧紹良認真堵剿以杜該逆內竄之路仍
著隨時察看如該革員仍復有意矜張不知
感奮即行奏明撤退毋稍遷就儻實能奮勉
立功准其據實保奏將此由五百里諭知向
榮並諭鄧紹良知之○以已革安徽道員石
景芬留於江南軍營交欽差大臣向榮差委

○予安徽陣亡縣丞杜時升祭葬世職○丙
寅以江蘇官紳團練募勇並截拏上海餘匪
出力賞在籍都察院左副都御史程庭桂二
品頂帶下部議敘副將慶文知府世焜薛煥
同知平翰等花翎知縣陳慶長等藍翎餘加
銜升敘有差○丁卯享

太廟遣恭親王奕訢恭代行禮○

上詣

大高殿行禮○遣官祭

太歲之神。○諭內閣前因戶部尚書柏蔭謝恩摺內有奉硃筆字樣恐有人寄信通知諭令該尚書明白回奏。茲據奏稱謝恩摺件係接奉吏部來文始行拜發實無通信之人。因繙譯摺稿時未向部文校對以致字樣不符等語。柏蔭身任大員諒不敢捏詞掩飾。惟於拜發摺件並不細心覈對致增疑竇實屬疏忽。著交部議處。○又諭工部奏請飭催直隸省歲報河道錢糧並南運河歲搶修工程久未具題一摺。河工歲報河道錢糧定例於第三年具題該部照例分別准駁原以杜浮冒而重帑項。茲直隸省道光十七年以後歲報之案該部於咸豐元年奏催後迄今仍未題報。並查南運河道光二十一年歲搶修銀數均有浮多亦未據查明刪減題銷。似此任意延宕殊屬不成事體。著直隸總督迅將道光十七年以後歲報河道錢糧並道光二十一年以後南運河歲搶修工程分案按年挨次

具題以免積壓而杜蒙混。○又諭蔣蔚遠等奏匪徒竄陷城汛旋即收復一摺。貴州教匪徐廷杰等於上年十一月竄撲銅仁府屬之正大營署分防縣丞趙世欽署守備宋興邦等管帶兵練出城抵禦因眾寡不敵被匪擁入宋興邦等密約城內兵民乘夜放火開門內外夾攻斃匪多名該匪即行奔逃其自思南分撲印江之賊經署印江縣知縣何維圻率勇迎殺十數名又有另股匪徒撲來眾寡不敵賊竄入城何維圻帶領練勇殺死紅巾騎馬偽將軍一人夥賊二百餘人復密派團民入城內應砍開南門遂將印江縣城收復。按殺竄匿餘匪百數十名署銅仁協守備宋興邦署印江縣事候補府經歷何維圻於所守城汛被賊竄入咎有應得惟數日內即能設法收復尚知愧奮該員等失守處分均著免其置議署正大營分防縣丞試用從九品趙世欽被賊衝散著蔣蔚遠查明該員下落

如有逃避情事。即著從嚴叅辦。○諭軍機大臣等。蔣霽遠奏銅仁匪徒連陷府縣。請飭催川楚兩省官兵會剿一摺。前已有旨。諭令黃宗漢飭令蔣玉龍傳岷等帶兵相機進擣。與黔兵協力夾擊。並令萬福扼守川省門戶。為蔣玉龍等後援。又諭駱秉章酌量情形。令文案督兵由楚入黔。藉資堵剿。茲據蔣霽遠奏稱。該匪等奔竄思南石阡。後又有窺伺思州之信。賊氛猖獗。急需催兵會剿。自係實在情形。現在傳岷已經到黔。其蔣玉龍之兵。因秀山一帶松桃餘匪未盡。以致赴黔稍遲。文安所統各兵亦恐因道途不靖。晃沅等處阻梗。未能出境。業經屢次降旨飭催。著蔣霽遠探明川楚官兵現抵何處。派員迎提。以資協擊。並先就現有兵力。分撥進剿。毋得專待客兵。至思南石阡是否旋失旋復。並著蔣霽遠確查具奏。思州被擾。已據文安奏報。該撫亦探有匪徒竄往。應即嚴飭帶兵員弁趕緊迎剿。

毋令蔓延。將此由六百里諭令知之。○浙江巡撫何桂清奏。匪犯悔罪投誠。援案奏乞恩施。得旨。林作霖等准其免罪。儻若滋事。從嚴懲辦。○以募勇殺賊。並防護貴州省城出力。授在籍翰林院庶吉士丁寶楨為編修。並賞花翎。○以勦辦貴州安順府狎匪出力。賞馬兵崔柄等藍翎。餘升敘有差。○以勦辦貴州歸化廳狎匪出力。賞外委張爾惠等藍翎。餘升敘有差。○予貴州丹江廳殉難署通判嚴錫珍署參將烏爾滾珠守備計維富千總周開廣祭葬世職。○予貴州平越州遇賊被戕典史陸滋秀祭葬世職。額外外委周士雄賞卹如例。○戊辰以鑲白旗滿洲副都統熙拉布為鑲黃旗護軍統領。○

上以次辛祈穀於

上帝。自是日始齋戒三日。○己巳

孝全成皇后忌辰。遣官祭

慕陵。○諭內閣。曾國藩奏水陸兵勇克復樟樹

鎮並收復新淦縣城一摺上年十二月初四日官軍克復樟樹鎮業經陸元琅奏報茲據曾國藩奏副將周鳳山於克復該鎮後聞新淦縣城有賊盤踞於初九日約同水師星夜進攻該逆聞風逃竄官軍跟蹤追擊斃賊多名登岸之賊亦各遠遁當將縣城收復此次周鳳山與在籍南河候補知府劉于濤督同水陸各軍疊獲勝仗收復樟樹鎮及新淦縣城辦理尚屬得手所有在事出力文武員弁兵勇著曾國藩擇尤保奏候朕施恩○以攻勦江西湖口賊匪出力賞候選同知直隸州黃冕左宗棠花翎從九品彭斯舉等藍翎餘加銜升敘有差○庚午

上詣

南郊齋宮齋宿○諭內閣勞崇光奏請飭催實任揀發及大挑各員迅速赴粵並查明改捐員數補行揀發一摺廣西省部選及揀發人員到省者甚屬寥寥該省軍務未竣差委需

人豈容任意遷延著吏部查明單開各員催令迅速依限赴粵如有無故逗遛者即照例叅處其上屆揀發廣西各員著查明改捐指省員數在於候選人員內另行如數照例揀選帶領引見候旨發往至所稱銓選揀發後改捐歸選指省人員請飭酌議章程定以限制之處並著該部覈議具奏單併發尋奏用兵各省揀發等員不准改捐離省及改捐他省月選各員不准改捐降捐捐升者到省後方

准辦理從之○辛未祈穀於

上帝

上親詣行禮○詣

關帝廟拈香○辛圓明園○詣

安佑宮行禮○

御製書事示廷臣曰予蒙

天恩承

考命臨御天下六年於茲四海無一日安靜萬姓罹兵燹之災返躬自問

天恩未報

祖考之恩未報若稍自服逸是誠何心哉予不敢亦不忍也每逢親詣

郊壇無不心增愧慙今年新正幸園敬循成憲

次日即恭值

皇考忌辰地猶斯地

言猶在耳興念及此真堪一痛哭也斯夕常思何以使兵戢民安仰答

天

祖之恩惟有永勵斯志倍加敬勤不願徒託空言務期躬行實踐爾諸臣或曾膺

顧命或簡在賢良既為國之大臣當思共濟時

艱即使天下既安更防恬嬉之漸書曰慎終

如始我君臣其共勉之○諭內閣英桂奏請

飭撥馬匹以資勦匪等語著上駟院於牧放

蒙古捐輸馬匹內挑選膘壯馬五百匹著管

理火器營王大臣即派該營章京分起管帶

前往河南交英桂軍營聽候撥用沿途經過

地方著順天府直隸總督派員接遞護送妥為照料○以

祈穀大祀禮節嫺熟賞贊引官明康五品頂翎

○壬申

宣宗成皇帝忌辰遣官祭

慕陵○

上詣

安佑宮行禮○諭內閣麟興本日因伊母病故

懇請賞假自行具摺實屬與例不符麟興著

交部議處○又諭駱秉章奏官軍勦擊黔匪

獲勝並克復廳縣城池一摺貴州苗匪攻撲

鎮筵城垣經護辰沅永靖道翟誥派委屯弁

梁友芳及苗守備麻學道等各帶兵勇進勦

斃匪八十名該逆分路竄犯晃州復分撲沅

州府城知府方傳穆與在城文武督率兵民

嬰城固守署都司黃文燦率兵親開大礮各

城兵勇槍礮齊施斃賊數百名賊遂敗退由

大路奔竄方傳穆等督兵跟蹤追殺斃賊四

百餘名。生擒一百五十餘名。其分股賊匪竄入麻陽縣城。翟誥即飭守備張萬書等統帶兵勇分路前進。擊斬賊首七百餘級。梟水溺斃者不計其數。賊敗入城。張萬書率兵入城。生擒賊目二名。賊黨三十餘名。斬首三百七十餘級。即將縣城克復。其晃州廳亦經地方文武團練自行收復。署綏靖鎮總兵榮山等督兵勦辦永綏廳股匪。兵練奮勇下城。殺賊生擒執旗賊二名。斃賊二百餘名。同知長惠選派紳士出示曉諭。誘擒賊首各苗寨紛紛投誠。捆獻匪黨。黔省苗匪竄擾湖南晃州等處。經地方員弁兵勇合力進攻。收復城池。辦理甚為得手。所有在事文武兵勇著駱秉章擇其尤為出力者酌量保奏。○又諭駱秉章奏粵賊竄踞郴州官軍會勦收復州城並窮追疊勝陣斬首逆柳桂一律肅清一摺。前據駱秉章奏湖南桂陽茶陵兩城同日克復之後。茶陵之賊奔竄江西。桂陽之賊奔回郴州。

經駱秉章飭令選用道王鑫等兵勇會勦上年十月間在瓦窰坪等處連次獲勝。殺賊千數百名及數百餘名不等。節次移營進逼郴州。城大舉環攻。賊之出城撲營及分投掠食者均經擊殺殆盡。至十月二十六日。王鑫率同已革參將李輔朝。江西補用知府劉長佑及署知州戚天保等兵團分路進攻。齊逼州城。該匪紛紛驚竄。各路縱擊殺賊三千餘人。當將州城收復。餘賊竄逃各路。並經我軍追勦及郴州各屬團練截殺賊匪一千名。或數百十名。撙戮殆盡。地方一律肅清。逆首何祿自郴州城破後。帶傷逃竄。經官軍擒斬。當將首級及生擒賊目朱顯輝等一併解省。凌遲梟示。所辦尚為妥速。出力官紳及陣亡紳勇著查明奏請獎卹。其餘失事文武一併查叅。○諭軍機大臣等。駱秉章奏湖南軍餉不支。請仍飭川省籌銀迅解等語。據稱該省用兵日久。羅掘已空。積欠各路口糧已十餘萬兩。現

因江西情形喫緊。遵旨派兵援剿。餉需無可再籌。必得將前請借撥川餉十二萬兩。仍飭川督籌解。所奏自係實情。現在湖南剿匪。屢獲大勝。郴桂一帶。一律肅清。該撫即分兵往援江西。實能不分畛域。但兵餉支絀。鄰省中惟四川為完善之區。雖近年協撥已多。情形亦非充裕。著黃宗漢悉心籌畫。或分起撥解。以資接濟。不得以無款可籌。致有貽誤。將此由六百里諭令知之。○又諭駱秉章奏派員

帶兵會剿黔匪等語。據稱鎮筵鎮總兵文安足疾未愈。不宜鞍馬。擬派守備田宗蕃熊興柏。張萬書等督帶兵勇。由大興場邊界追剿銅仁竄匪。乘勝躡蹤前進等語。即著該撫飭令該守備趕緊剿辦。會合貴州官兵。以期痛殲匪類。而欲綏靖黔邊。尤必先清楚境。永綏鳳凰兩廳屬。尚有苗民未盡帖服。亦應迅速妥辦。庶無後顧之慮。其楚黔交界地方。仍飭文安及護道翟誥嚴扼門戶。毋令匪蹤窺伺。

將此由五百里諭令知之。○以都察院左副都御史雙福署工部左侍郎。○調正黃旗漢軍副都統侍順為正紅旗滿洲副都統。○以內閣學士載鸞為正黃旗漢軍副都統。○以湖南晃州麻陽二廳縣城被賊竄陷。革通判楊泰來知縣。楊以寶職併逮問。○以湖南郴桂陽宜章興甯茶陵五州縣城被賊竄陷。革署知州戚天保王宏謨梅震榮署知縣陳秀芝陸費蓀參將積拉明阿職。○以湖南永興縣

二縣城被賊竄陷。革署知縣梁作霖王雙福職。永不敘用。○以攻復湖南郴州城。賞主事陳士杰花翎。署知縣李逢春藍翎。道員王鑫父母四品封典。餘升敘有差。○予湖南陣亡前貴州知縣魏承祀祭葬世職。○癸酉

上詣

安佑宮行禮

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十八

實錄卷一百八十八

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十九

敕修

咸豐六年丙辰正月甲戌

上御奉三無私殿。賜近支親藩等宴。○諭軍機大臣等。本日據吉爾杭阿奏。南北會剿獲勝。並上游大股逆匪。圖援鎮江。現在堵剿情形。一摺。吉爾杭阿督兵進攻寶蓋山賊壘。獲勝。瞭見北岸礮火絡繹。知托明阿等亦同時進剿。惟據奏金陵首逆。調集上游賊眾。將由南岸竄援鎮江。如被官兵要擊。欲由北岸至瓜州渡江。以圖一逞。必須於江面扼要截剿。不可令其南北兩岸往來自如。著托明阿向榮。

嚴飭陳國泰調集師船於沙漫洲一帶嚴密防剿杜其北竄之路至金陵賊黨竄撲棲霞石埠橋等處鎮江之賊又欲潰圍而出是該逆以全力回救鎮江且有旁竄內犯之慮此次殺賊雖以千計而賊援未退勢甚猖狂余萬清馳赴東陽虎嵩林馳赴高資所帶兵勇是否足資堵剿著向榮吉爾杭阿飭令帶兵各員迅將棲霞等處之賊併力勦擊毋令下援鎮城並竄往他處致剿辦又形棘手托明

阿仍當約會吉爾杭阿於南北兩岸同時進攻使逆匪不暇兼顧儻能先克鎮江則水師劉營金山攔截江面瓜州接濟必可斷絕而金陵賊勢亦孤攻剿自易為力該大臣等務須南北通籌水陸並舉毋得日事耽延致有貽誤將此由六百里各諭令知之○予江南陣亡外委劉萬春祭葬世職○乙亥

上御正大光明殿賜大學士尚書等宴○諭內閣向榮奏金陵逆匪糾合上游黨與分股外

竄疊勦獲勝一摺逆匪糾眾數萬由上游陸續竄至歸併金陵以圖出巢衝突當經派出馬步各隊分起迎剿向仙鶴門觀音門棲霞橋等處奮力截擊於十二月二十二二十三日俘斬無算其城中衝出之賊復由龍脖子直撲濠外亦經分兵抄截該逆首尾不顧即時敗退復向南路元山第竿村一帶肆擾又被兵勇擊回殲斃多人鎮江派來之兵勇於二十四日馳抵龍潭連日接仗至正月初五六等日先後斃賊千餘人此次堵剿聲勢已振著向榮即飭各路兵勇實力堵截毋任糾連○諭軍機大臣等昨據吉爾杭阿奏上游賊黨圖援鎮江當經諭令向榮托明阿等將棲霞等處之賊速籌會剿杜其下援並毋令旁竄內犯本日據向榮奏勦截竄賊獲勝併布置情形一摺金陵逆賊糾合上游黨與眾至數萬分路竄擾經向榮截勦獲勝隨咨商怡良吉爾杭阿於丹陽地方添兵防堵並令

余萬清扼守下蜀街。調派鄧紹良移兵至棲霞一帶。吳全美紅單船赴大勝關。分投勦擊。東陽高資等處。俱已添撥兵勇堵截。布置均合機宜。該逆圖援鎮江。糾衆肆擾。非大加懲創。不足以杜其奸謀。現在金陵東路。兵勇雲集。除旁竄內犯各要隘。必應嚴堵外。仍應亟籌進剿。以殲羣醜。著向榮督飭余萬清鄧紹良等將洲地往來賊匪。併力攻剿。悉數殲除。吳全美師船。亦准其調赴大勝關。協力攻擊。其沿河港汊。並咨令吉爾杭阿。派撥戰船。分投堵禦。務令水陸各軍。聲勢聯絡。毋令竄越。其蕪湖賊壘。並著飭令李德麟等。就現有師船。迅速攻剿。該大臣前請續調紅單船。已據葉名琛奏報。雇得二十七隻。派令李明新管帶。於年前十二月初一日。自粵開行。一俟進江後。即著向榮妥為調遣。以資助剿。將此由六百里諭令知之。○又諭文俊奏。江西各屬賊勢蔓延。請飭催兵撥餉一摺。江西逆匪。久

踞瑞州。臨江。分擾袁州。吉安各屬。賊勢猖獗。人心惶惑。兵單餉絀。固係實在情形。文俊甫經到任。於該省地勢軍情。一時未能周悉。現當萬分棘手之時。儻布置稍疏。難免貽誤。曾國藩自抵江西。為時已久。賊情亦所深悉。此時江西匪蹤。幾欲蔓延全省。既不能處處調兵。又不能顧此失彼。自應擇其最要之處。先為攻剿。現在瑞州。臨江。袁州。吉安。四府。究竟何處賊情最為兇悍。周鳳山一軍。既由新淦進兵。自應急剿臨江。瑞州。以殄賊渠。周汝筠一軍。現阻泰和。尤應設法疏通。俾得迅抵吉安。劉長佑一軍。離楚後。應由何路進剿。方能扼要。著曾國藩即與文俊妥速會商。務籌全局。不可徒事張皇。亦不可專顧一處。軍情變幻靡常。大勢所關。應從何處下手。則身在行間者。必能挈其綱領。該侍郎與該撫酌度機宜。即著會同馳奏。以慰廑念。至德化縣城。據文俊奏稱。已被潯城賊匪竄踞。是否周鳳山

全軍遠撤。致有疏失。抑或居隆阿等堵剿不力。致該逆復有竄出。此路一有疏懈。關繫長江大局。該侍郎等近日如何布置。並著速行奏報。將此由六百里各諭令知之。○又諭。文俊奏賊氛四逼。請調兵撥餉一摺。現在江西省吉安城圍未解。泰和等縣及袁州府又已失守。九南吉袁瑞臨並南昌七郡屬邑均被竄擾。亟須厚集兵力。痛加剿洗。方能補救大局。昨據駱秉章奏郴桂一帶肅清。江西軍情緊急。已飭劉長佑帶兵由醴陵馳赴江西。計該員此時當已由省啟程。著駱秉章飭令迅赴袁州一帶相機進剿。所帶兵勇總宜多為添調。合成勁旅。毋令賊衆我寡。難於制勝。至該省數郡蹂躪。餉需久匱。自屬異常緊迫。所有浙江省未解部撥協濟江西餉銀十二萬兩。廣東省應解還江西墊發救援韶關餉銀七萬三千餘兩。著葉名琛相貴。何桂清仍遵前旨。如數籌撥。委員迅解江西。俾濟急需。毋

稍延緩。將此由六百里各諭令知之。○又諭。歸德擒匪。回竄皖境賊巢。英桂業已出省。調集各路兵勇。探明賊蹤。扼要兜剿。本日據容照奏擒首張樂行。及另股擒匪夏白任乾等。於正月初八日聚撲宿州。經參將塔思哈等出城奮擊。賊匪敗退。又稱十一日匪衆七八萬。全來偪城。兵力甚單。嬰城固守。勢甚危險。等語。容照帶兵未能得力。前已有旨。飭回揚州。此次奏報。是否粉飾張皇。掩其懦怯。抑欲助勦立功。藉詞留宿。著和春等查探明確。如果宿州被賊攻撲。情形喫緊。即飭鄭魁士馳赴援剿。並著英桂派撥就近帶兵各員。馳往合擊。該匪豕突狼奔。飄忽靡定。務必隨處確探。迅速截剿。不可耽延。至容照所稱守城出力將弁。請准酌保。著英桂查明實在情形。再行保奏。將此由六百里加緊各諭令知之。○予江西永豐吉水二縣殉難知縣瑞林。章裕善。祭葬世職。○予江南陣亡把總陸開先。祭

葬世職。○予安徽陣亡把總馬恒化。祭葬世職。○丙子。諭內閣。蔣霽遠奏。拏獲教首逆犯等語。貴州正安州等處有青蓮教首劉起得等。糾衆滋事。抗官拒捕。經該地方官督帶兵練。於綏陽縣屬之丁木坳等處。接仗獲勝。殲斃多名。並將謀逆首從各犯。陸續拏獲。就地正法。該逆等甫經傳教。即被該地方官次等拏獲。所有應得。大察處分。著加恩寬免。出力團首兵勇。准其擇尤保奏。○又諭蔣霽遠。孝

順奏。勦辦近省匪徒。疊獲勝仗一摺。貴州貴定等廳州縣匪徒。經蔣霽遠派候補道張鏐。署鎮遠鎮總兵佟攀梅等帶兵勦辦。該署總兵等。自上年十月二十二。至十一月初三日。於王寨小虎場等處。分投搜勦。先後擒斬賊匪一千數百人。初六日。復撲貴定縣城。被兵練內外夾攻。斃賊百餘。賊即敗退。大塘羅斛之賊。進逼定番州城。佟攀梅移師往援。斃賊七百餘名。立解城圍。賊復分股竄撲順德關。

並威遠汎城。其順德關之賊。被知縣高廷鏐等擊斃三四百名。立即奔潰。威遠汎之賊。經署知州杜琢章等擊斃數十名。孝順自上游馳至。殺賊二三百名。復督兵分路進攻。官軍奮勇齊進。轟斃偽元帥偽都督及夥匪數百人。賊衆棄城而逃。城中餘匪。搜殺淨盡。該匪徒等。逼近省垣。官兵疊次勦辦。均屬得手。所有出力員弁兵勇。著蔣霽遠等查明保奏。毋許冒濫。仍著督飭將弁。將平越貴定匪徒。剋

日勦洗。毋留餘孽。○又諭蔣霽遠。孝順奏。勦辦遵義餘匪。連獲勝仗一摺。貴州桐梓等處餘匪。乘苗匪未靖。復敢糾聚賊黨。於上年十月間。在遵義所屬之紅巖頭地方屯踞。分出肆擾。署桐梓縣知縣劉毅。署仁懷縣知縣江炳琳。各帶兵練。四路截勦。殺賊數百名。十月二十八。十一月初十等日。署遵義府知府楊書魁。遊擊祥福等督兵拿復婁山關。追至四杠李家灣等處。合力焚勦。連燒賊營五座。焚

斬匪徒計共八九百人。奪獲礮械無算。江炳琳偵知紅巖頭賊巢空虛。會同營弁先將附近賊寨焚毀。圍首蔡永清。潛在賊巢內應。乘亂夾攻。匪衆驚潰。立將紅巖頭奪回。十二月初四等日。祥福壘將四杠賊匪痛剿。斬梟偽將軍一名。沿途追殺者不計其數。潰匪百餘。逃匿巖洞。盡被官兵用火薰斃。現在脅從之賊大半解散。著將霽遠等嚴飭將弁迅速將此股廓清。並將在逃賊首徐子容等擒拏務獲。以絕根株。○予貴州陣亡知縣蹇諤千總池蓮培祭葬世職。○撥河南司庫銀八萬一千兩添備東河稽料。從河道總督李鈞請也。○丁丑順天學政吏部左侍郎張祥河因病解任。轉吏部右侍郎匡源為左侍郎。以工部右侍郎沈兆霖為吏部右侍郎。仍兼署工部右侍郎。兼管錢法堂事務。以服闋侍郎車克慎署兵部右侍郎。○命都察院左副都御史李清鳳提督順天學政。○蠲緩江蘇句容長

洲元和吳。吳江震澤常熟昭文崑山新陽華亭奉賢婁金山青浦江陰宜興荊溪丹陽金壇溧陽山陽阜甯清和桃源鹽城高郵泰東臺江都甘泉興化寶應銅山豐沛蕭陽山邳宿遷睢甯太倉鎮洋海沐陽泰興四十六州縣被水被旱災區。上年額賦有差。○戊寅諭內閣葉名琛柏貴奏勦辦歸善股匪。疊獲大勝一摺。廣東歸善縣匪徒疊經官軍勦擊。仍占踞林村等處。肆行滋擾。上年七月提督崑壽馳抵該處。派令總兵慶寅署惠州府知府海廷琛等統帶兵勇分東西兩路進兵。崑壽親督署歸善縣知縣何慶齡等由中路前進。八月初一至十四等日各路兵練奮勇攻擊。先後將林村鴨石嶺村房坑等處匪巢焚毀。十五日以後江水驟漲。崑壽督飭該將弁等乘坐船隻進剿。先將龍鬱匪巢攻破。房屋焚毀。繼將馬鞍山湖絲潭道園等處匪巢悉行焚毀。崑壽等復舍舟登岸。將沙凹匪巢焚毀。

淨盡。二十一日二十二日。焚毀冷水坑等處匪巢十六處。生擒偽司馬先鋒等多名。二十三日。焚毀鹿頸。紫溪等匪巢五處。二十四等日。追獲偽西伯侯馮秀及偽總統都督等多名。統計一月之間。平毀各鄉匪巢三十餘處。殲擒逆匪五千餘名。辦理極為得手。所有在事出力文武紳練。著葉名琛等查明保奏。其在逃餘匪。仍著崑壽督飭將弁等跟蹤搜捕。以期一律肅清。毋留餘孽。○諭軍機大臣等。英

桂奏。馳抵歸德。先清內患。並請飭兩江安徽。接濟口糧一摺。據稱歸德附近數十里。土匪四起。若不先行剿除。必致勾結為患。現有兵勇數止三千餘名。俟兵勇催齊。先將內地匪徒剿盡。即行會兵追剿。固係為慎重後路起見。惟據另片奏。該匪一撲永城。一撲鹿邑。漸有北竄之勢。該撫萬不能專顧撫綏。致增遲滯。鄭魁士曾否到亳。未見奏報。塔思哈則已在宿州。興慶之兵。尚未見奏報出境。宿州之

圍。是否已解。著和春。福濟嚴催鄭魁士等所帶各兵。四路兜剿。英桂總司會剿。亦當疏通道路。聯絡軍聲。迅速布置。豈容以道路梗阻為詞。致遲進剿。使匪勢更形猖獗。至所稱江皖兵勇口糧。請由兩江安徽督撫。接濟等語。現在豫省籌備兵餉。自顧不遑。固係實情。但皖兵已近豫境。恐廬州軍餉支絀。接濟艱難。著英桂先行籌備。以應急需。庶免停兵待餉之患。其托明阿軍營。派出馬隊各兵。即著托

明阿傳知文煜。糧臺妥為支應。徐州派出兵勇。即著怡良傳知王夢齡。妥為支應。並著怡良。迅籌款項。解交和春。福濟。再由廬州轉解鄭魁士等各營。以備支放。英桂督辦三省捻匪。一切進剿機宜。及籌備餉需。均應各路通籌。不可觀望遷延。自干咎戾。將此由六百里加緊各諭令知之。○江南河道總督庚長奏。謝恩請覲。得旨。著俟交卸後。即赴新任。不必來京。現在清江捐輸。徐州防堵。均關緊要。督

辦豐北河工。更宜認真釐剔弊端。汝到彼後。將一切實在情形。詳細具奏。○派刑部左侍郎譚廷襄倉場侍郎阿彥達前往天津。驗收海運漕糧。都察院左都御史文彩前往通州。會同倉場侍郎李嵩辦理驗收事宜。○予廣東陣亡外委曾登高陳春生祭葬世職。○己卯。

孝穆成皇后忌辰。遣官祭。

慕陵。○呼倫貝爾總管伊成額。年老休致。賞黑

龍江參領吉爾明阿。副都統銜。為呼倫貝爾

總管。○庚辰。

上詣清夏齋。問

如皇貴太妃安。○辛巳。

孝聖憲皇后忌辰。遣官祭

泰東陵。○

上詣

恩慕寺。

恩佑寺行禮。○諭軍機大臣等。容照奏。連日獲

勝情形。並請俟宿境稍清。馳回揚州。當差等語。據稱十一至十五等日。登陣派隊。乘晚縋城。均有斬獲。十六十七兩日。參將塔思哈等。帶兵出城。殺敗攻城之匪甚多。並擒匪首孫開貞一名。惟兵力尚單。亟望外援。庶可內外夾攻。早解城圍。捻匪現聚雒河老巢。前已疊諭和春福濟。飭令鄭魁士。馳往剿辦。現在宿州危急。著即嚴催前往應援。毋令遲誤。其副將朱連泰。帶往之戴世熙龔耀倫。克徐各兵。前經武隆額札調。尚未報抵歸德。約計均在毫永一帶。可以就近追剿。英桂總司會剿。到防兵勇。已有三千。此時後起各兵。當亦飛提到宋。除抽撥赴援永城外。即著親自督帶。分起前進。並調江皖協剿之兵。分路進攻。以解宿州之圍。不得久留歸德。至容照因宿城危急。無員接辦。暫緩啟程。著迅催伊興額。德昌。趕緊由滁赴宿。接管馬隊。以便容照交卸回揚。李鈞所派參將雙慶。管帶河標兵三百名。

已於初七日抵豫。並可隨同勦匪。此次容照請保在事出力各員。仍著英桂查明實在情形。酌量保奏。將此由六百里各諭令知之。○以辦理直隸連鎮軍營奏銷出力。予知州徐承光等升敘有差。○壬午。

上幸萬壽山。○諭內閣。禮部奏。遵議苗疆

三侯神廟。加封王爵一摺。湖南永綏廳。

宣威助順靈應保安靖遠侯。鎮遠侯。綏遠侯。三神久列廟祀。屢著靈感。茲復疊昭顯應。屢卻賊氛。洵能禦災捍患。有功於民。著晉封為宣威助順靈應保安靖遠王。鎮遠王。綏遠王。以答。

神庥。○諭軍機大臣等。本日據傅振邦。王夢齡奏。皖匪蔓延。請派北路官兵進剿一摺。據稱。擒匪圍攻宿州。該署鎮帶兵救援。行至符離。奮力衝殺。十九日。該匪向西南竄遁。城圍已解。而蕭縣西鄉青里集等處。有藍旗賊五六千人。並有大股屯聚濉口。欲分路併攻徐

州等語。徐州為北路咽喉。此時蕭縣境內。已有賊蹤。該總兵折回本境。迎頭截擊。惟留存兵勇僅二千餘名。添募練勇三千餘名。兵力尚嫌單薄。自應酌量調撥。以資攻剿。但北路官兵。未便輕議調動。亦恐緩不濟急。著托明阿等就近於瓜州軍營內。挑選精兵。或得力練勇。派委妥員管帶。迅速馳赴徐州一帶。交傅振邦等調遣。並飛催侍衛伊興額。協領德昌。帶領前調吉林馬隊五百名。星夜前進。毋稍貽誤。傅振邦等。仍當就現有兵勇。分路防剿。該匪多係烏合之眾。如果調度得宜。必能以少勝多。毋得專待客兵。致誤事機。並隨時知照英桂。合力會剿。以期迅殲醜類。將此由六百里諭知托明阿。陳金綬。雷以誠。並傳諭署徐州鎮總兵傅振邦。已革暫留淮徐道王夢齡知之。○又諭。文煜奏。支應馬隊官兵。啟程赴豫一摺。前諭托明阿。挑選吉林馬隊赴英桂軍營。已據該大臣。於六合浦口兩處。抽

撥五百餘名。派伊興額、德昌管帶。並經文煜。於揚州軍營糧臺內。籌補欠放口糧。配齊軍裝器械。前赴河南。俟伊興額等到宿州後。英桂即可飭令容照回揚。惟該侍衛原帶馬隊五百名。亦係歸英桂調遣。合之此次伊興額、德昌所帶。數約千名。距揚道遠。捻匪踪跡無常。進剿即無定所。斷不能仍由揚州運送糧餉。致滋貽誤。據文煜奏稱。河南本有前撥應解江北糧臺銀六萬五千餘兩。著英桂即將此款抵撥。為支應馬隊軍餉之需。其揚州派往支應容照官兵之通判蔡允壽。並著英桂飭該員仍回文煜糧臺。以資差委。本日又據傅振邦等奏。於夾溝驛剿匪獲勝。並聞蕭縣有警。該署鎮折回防剿。宿州解圍。徐州喫重等情。已諭令托明阿。再行酌撥兵勇。往援徐州矣。英桂職任督剿。當懍遵前旨。探明賊在何處。即速派兵策應。勿徒株守歸德。致聲勢隔閡。令該匪更肆猖獗也。將此由五百里諭

令知之。○又諭前因胡林翼奏請飭粵東購運洋礮。當經諭令葉名琛等趕即購運五百斤以上。千斤以下洋礮六百尊。解赴湖北軍營。諒已遵旨辦理。本日據胡林翼奏。沿江一帶。現須分撥戰船扼守。以絕賊糧軍火。惟水師十營。大礮甚少。且模範太小。不能利用。著葉名琛。相貴。仍遵前旨。速購千斤重洋礮三百尊。六百斤。八百斤重洋礮三百尊。派委兵弁。妥為護送。由湖南舟運。解赴湖北。胡林翼軍營應用。毋誤要需。將此由六百里諭令知之。○改鑄福建長福營參將關防。從總督王懿德請也。○以湖北武昌官紳防剿出力。予把總余雲龍等。升賞有差。○以湖北武昌水陸各軍剿賊獲勝。賞遊擊李成謀。巴圖魯名號。知縣李續宜。守備陳金鰲。花翎。餘升敘有差。予陣亡守備張福田。劉高選。從九品劉卓巖。千總賀采臣。劉青四。把總吳秀佩。羅長發。王美在。曾旺益。周玉堂。黎天才。外委廖自集。

鍾興。胡裕大。王祥元。朱福勝。賀芝蘭。戴有亮。黃復勝。董起隆。徐文章。祭葬世職。六品軍功。夏隆吉等。賞卹如把總例。○癸未。諭內閣。本年輪應查閱湖北。湖南。雲南。貴州。四省營伍之期。湖北著即派官文。湖南即派駱秉章。雲南即派恆春。貴州即派蔣蔚遠。均著俟該省軍務告竣。以次認真簡校。如查有訓練不精。軍實不齊。即將廢弛之將弁。據實劾參。毋得視為具文。○又諭。和春。福濟。奏官兵圍攻舒城。斬殺逆匪多名。克復縣城一摺。逆匪占踞舒城。負隅抗拒。經提督秦定三。督率官兵。節次痛剿。茲和春等。飭令總兵珠克登等。帶領兵勇。於正月十二日。直逼城下。四面圍攻。該匪火藥轟發。自相驚亂。我軍乘勢擁入。奪獲賊壘三座。砍斃賊匪一千數百名。生擒三十餘名。三十四等日。疊有斬擒。於十四日夜間。復派總兵郝光甲等。帶兵分攻各門。已革總兵音德布等。由東門首先登城。參將富昌。

都司聶桂榮等。亦同時由各門緣梯而上。齊聲喊殺。火光燭天。官軍乘勢衝下。逆匪自相踐踏。砍殺無算。其竄出之賊。復經秦定三等截剿。追至七里河。將騎馬賊首五名殺斃。統計斃賊三千餘名。砍獲首級二百六十七顆。生擒一百三十二名。立將縣城克復。著和春等。即飭在事文武。乘勝迅速前進。將巢縣等城。次第收復。毋稍延緩。○諭軍機大臣等。前據赫特賀奏。聶拉木官軍失利。當經諭令滿慶。挑派土兵。馳赴後藏。並親自前往。與赫特賀會籌剿辦。此時諒已啟程前進。本日據赫特賀奏。廓番投遞夷稟。譯出呈進。在該夷或以天氣嚴寒。藉作緩兵之計。或藉探我軍虛實。均未可知。惟聞夷稟內。於興兵打仗。均以唐古忒為辭。不敢謂與天朝抗拒。並有懇求格外施恩之語。或因宗喀等處官兵屢勝。心存畏懼。亦未可定。赫特賀現已揀派番目。前往夷營。查探情形。滿慶到後。即著與赫特賀。

悉心籌酌。如該夷果知悔罪。即可乘機開導。諭以各卡均為我地。不當占踞。如果悔悟。息兵。天朝亦必令唐古忒撤兵。不相侵犯。一面分派兵丁。扼守要隘。儻該夷按兵不動。切勿先行攻擊。仍聲言內地調兵甚衆。即日可到。以震懾其心。若肯退出占地。並遵赫特賀前次剖斷。即可向機辦理。以息兵端。滿慶奏。前藏漢土官兵。已准咨調派二千餘名。其四川省土司兵丁。當亦揀派候調。該大臣於藏地情形。素為熟悉。廓番雖桀驁不馴。應如何駕馭。使就範圍。即著與赫特賀。妥籌辦法。以副委任。至內地調兵赴藏。勞費難支。該大臣等。諒必深悉也。此次偵探情形。即著迅速馳奏。以慰廑懷。將此各諭令知之。○駐藏幫辦大臣滿慶奏。衛藏兵單。督飭漢民辦理團練。得旨。所辦甚好。著嚴行督飭操練。不可廢弛。○以克復安徽舒城縣城。賞提督秦定三。騎都尉世職。總兵官珠克登。頭品頂帶。參將惠成。

都司聶桂榮。守備吳士俊。巴圖魯名號。並花翎。總兵官郝光甲。音德布。都司慶瑞。五品銜。曹遠榮。花翎。○予安徽陣亡守備羅大松。鄧善珍。祭葬世職。○甲申。諭內閣。前據刑部議覆御史毓祿奏。請變通辦理秋審。當經諭令江蘇。安徽等省。各督撫。將各該省秋審人犯。查照直隸章程辦理。茲據福濟奏。遵旨變通辦理一摺。所有安徽省。咸豐四年及三年。停辦秋審人犯。著福濟督同臬司。遵照前旨。將例應情實者。立予正法。情有可矜。及例應緩決各犯。按照應減罪名。先行減等發配。至舊事情實免勾。並新事例應情實。向俱免勾各犯。即由該撫開單奏請減等。其議減各犯。及原犯軍流以下。有年力精壯。投營效力者。准其酌量收錄。如能殺賊立功。奏請免罪。儻或別滋事端。即著從重懲辦。其餘變通各條。著刑部速議具奏。○又諭。容照奏。擊賊大勝。宿州解圍一摺。捻匪聚黨。圍撲宿州。屢經官兵

總城下擊。疊有斬擒。本月十八日。參將塔思哈等。分隊潛出各門。併力攻勦。先將賊中車營焚毀。該匪倉皇抵拒。塔思哈等激勵兵勇。銳氣百倍。賊勢不支。紛紛潰竄。官軍合力追殺。計共斃賊二千餘名。宿州城圍立解。擒匪烏合數萬。經此次勦洗。過其兇饒。洵足寒賊膽而壯軍威。所有出力員弁兵勇。著英桂確切查明。擇尤保奏。候朕施恩。○又諭。和春福濟。奏查明李兆受滋事案內。議卹各員。請旨更正等語。安徽署桐城縣事候補縣丞任春和。署英山城守營把總高長發。前據和春等以該二員被擒首李兆受同時戕害。奏請議卹。當經降旨允准。茲據該提督等查明。任春和手格擒匪。身受多傷。絕而復蘇。高長發受傷甚重。遇救得生。所有該二員前得卹典。均著該部註銷。任春和遺失縣印。例有應得處分。惟該員挺身殺賊。曾受重傷。著將應得處分寬免。○諭軍機大臣等。本日據容照將宿

州解圍情形奏報。並另片奏稱擒匪現有五大股。分五色旗幟。一股盤踞雉河集。餘四出分擾。其大股如夏白李大喜樊懋修任乾等。俱屯聚宿境之南平孫町一帶。必須先將此數股巢穴痛加勦洗。則進攻雉河。方無後顧之慮。所奏不為無見。英桂於十三日馳抵歸德。已越旬餘。後起官兵當已陸續到防。前奏所稱先清內患。不過本境土匪。自必易於擒捕。不至牽掣軍行。現在塔思哈等兵勇在宿州勦匪。尚為得力。鄭魁士亦剋日到宿。著英桂迅速調度。先將夏白等股勦辦。節節進攻。以孤雉河集賊匪之勢。進勦自易為力。該匪為數雖多。然不過烏合之衆。一經痛勦。當必解散。現在蕭縣永城鹿邑等處。均有匪蹤。漸已蔓延北路。皖省兵勇赴援。皆係由南而北。不能遏賊之前。英桂既總司會勦。須通籌大局。迅速派兵與皖省兵勇會同進勦。毋許遷延觀望。致誤事機。將此由六百里諭令知之。

○朝鮮國王李昇遣使表賀

萬壽冬至元旦三大節並進貢方物賞賚如例

○以克復安徽英山縣城賞同知廖新等藍翎餘升敘有差○予安徽廬州等處殉難知府陳源克知縣楊昌拔顧榆訓導萬汝淵鹽大使鄭大榮鴻臚寺序班顧蓉徵都司陳步雲千總王福把總于璪元徐昌胡全壽朱占春蔡葬世職貢生趙君弼等六十八名口賞卹如例○丙戌諭內閣阿彥達李菡奏請飭

催河南幫船依限抵通一摺河南省應運漕糧前經戶部奏明限於三月初旬依限抵通原因江浙兩省海運沙船不日可到天津若同時抵壩必致剝船等項不敷輪轉茲據該侍郎等奏該省應運米麥豆石現尚未報起運數目及開行日期殊屬延宕著英桂即行查明報部並飭該糧道嚴催幫船及早開行務於三月初旬趕抵通壩以期迅速而免壅滯儻有藉詞延緩即著據實參奏○改鑄廣

東提標右營遊擊佛岡同知增城惠來河源長樂封川鶴山花縣知縣連州河源陽山儒學奏譚南津蘇州巡檢各關防印信條記從總督葉名琛請也○丁亥

孝儀純皇后忌辰遣官祭

裕陵○諭內閣何桂清奏海運米石開行日期並請飭雇備船隻一摺浙江省海運頭批米石已於本月十六日開行駛抵十潄候風放洋此後各批需用沙衛等船據蘇局報雇尚未足數著怡良邵燦吉爾杭阿督飭江蘇局員多為雇備移送浙局俾得迅速兌運以免遲誤○又諭向榮吉爾杭阿奏逆匪接應上游援賊截勦獲勝一摺逆賊困踞鎮江屢圖衝竄本月十一日官軍擒獲賊探知賊欲竄踞高資吉爾杭阿即飭各營嚴備派遊擊伊經阿等伏兵要隘並飭高資帶兵遊擊張汝琳等整隊夾擊十五日賊二千餘人由鎮江城潛出分布銀山等處官軍馳往截擊副將

慶文等用車礮轟斃賊約二百人。次日該逆千餘人由江邊潛行至七里店地方。伏兵齊起。守備周天培橫衝賊隊。賊衆紛竄。復見瓜州賊黨數千。分股而出。知府劉存厚等分路堵截。適伊經阿等自七里店追至。並用車礮環擊。賊遂麤聚金雞嶺。劉存厚等率勇搶上。殺斃黃衣賊目二名。官軍鼓勇齊登。賊衆大潰。是日鏖戰五時。斃賊約四五百名。十七十八等日。賊復在山梁誘戰。吉爾杭阿即飭劉存厚等先將山坳伏賊擊散。繼以大礮向嶺上轟擊。該逆另股由山右抄出。均被兵勇截斃。斬馘二三百名。賊之由寶蓋山合竄者。早經各路官兵攔殺數百。餘賊鼠竄。此次鎮江逆黨鋌險困鬪。經我兵截斃。賊計已窮。著向榮、吉爾杭阿乘賊勢窘蹙。迅復城池。毋稍延緩。○又諭。前據已革道員石景芬奏。攻勦金柱關賊卡。焚燒賊船五隻。斃賊三百餘人。當經降旨。將該革員留於向榮軍營。飭令隨同

鄧紹良等認真堵斃。以贖前愆。茲據怡良、何桂清奏稱。上年十二月二十四日。逆匪直撲青山營盤。旋即退去。石景芬飭勇窮追。被逆匪從旁抄襲。以致委員杜時升陣亡。各勇傷亡九十餘人。石景芬前奏。係捏報勝仗等語。已革道員石景芬前令留營差委。原冀其自知愧奮。乃既輕率債事。復敢掩敗為勝。希圖冒功。實屬昧良。業經革職。著毋庸留營差委。所帶各勇。即著怡良等飭令江長貴認真簡汰。以節糜費。而收實效。○改鑄山東平度州知州印信。從巡撫崇恩請也。○予江蘇陣亡守備王炳周、楊大興。把總侯連科。謝都鎮外委李啟秀。祭葬世職。○戊子。

上詣

大高殿行禮。○還宮。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百八十九

實錄卷之一百八十九

三十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十

臣等謹將咸豐六年二月己丑朔內閣從前內
外大員之兄弟子孫每屆五年考查一次挑
補侍衛拜唐阿其侍衛拜唐阿係近御差使
必須通曉清語技藝方為得人前於咸豐元
年考查後今已屆五年又應查辦之期惟思
該大員子弟或身體軟弱馬上平常或自幼
讀書不暇學習騎射似此挑補侍衛拜唐阿
差使又安能得力自應量為變通辦理嗣後
在京文職三品以上武職二品以上在外文
職自總督至臬司武職自將軍提督至總兵

臣等謹將咸豐六年二月己丑朔內閣從前內
外大員之兄弟子孫每屆五年考查一次挑
補侍衛拜唐阿其侍衛拜唐阿係近御差使
必須通曉清語技藝方為得人前於咸豐元
年考查後今已屆五年又應查辦之期惟思
該大員子弟或身體軟弱馬上平常或自幼
讀書不暇學習騎射似此挑補侍衛拜唐阿
差使又安能得力自應量為變通辦理嗣後
在京文職三品以上武職二品以上在外文
職自總督至臬司武職自將軍提督至總兵

臣等謹將咸豐六年二月己丑朔內閣從前內
外大員之兄弟子孫每屆五年考查一次挑
補侍衛拜唐阿其侍衛拜唐阿係近御差使
必須通曉清語技藝方為得人前於咸豐元
年考查後今已屆五年又應查辦之期惟思
該大員子弟或身體軟弱馬上平常或自幼
讀書不暇學習騎射似此挑補侍衛拜唐阿
差使又安能得力自應量為變通辦理嗣後
在京文職三品以上武職二品以上在外文
職自總督至臬司武職自將軍提督至總兵

臣等謹將咸豐六年二月己丑朔內閣從前內
外大員之兄弟子孫每屆五年考查一次挑
補侍衛拜唐阿其侍衛拜唐阿係近御差使
必須通曉清語技藝方為得人前於咸豐元
年考查後今已屆五年又應查辦之期惟思
該大員子弟或身體軟弱馬上平常或自幼
讀書不暇學習騎射似此挑補侍衛拜唐阿
差使又安能得力自應量為變通辦理嗣後
在京文職三品以上武職二品以上在外文
職自總督至臬司武職自將軍提督至總兵

臣等謹將咸豐六年二月己丑朔內閣從前內
外大員之兄弟子孫每屆五年考查一次挑
補侍衛拜唐阿其侍衛拜唐阿係近御差使
必須通曉清語技藝方為得人前於咸豐元
年考查後今已屆五年又應查辦之期惟思
該大員子弟或身體軟弱馬上平常或自幼
讀書不暇學習騎射似此挑補侍衛拜唐阿
差使又安能得力自應量為變通辦理嗣後
在京文職三品以上武職二品以上在外文
職自總督至臬司武職自將軍提督至總兵

敕修

咸豐六年丙辰二月己丑朔諭內閣從前內

外大員之兄弟子孫每屆五年考查一次挑
補侍衛拜唐阿其侍衛拜唐阿係近御差使
必須通曉清語技藝方為得人前於咸豐元
年考查後今已屆五年又應查辦之期惟思
該大員子弟或身體軟弱馬上平常或自幼
讀書不暇學習騎射似此挑補侍衛拜唐阿
差使又安能得力自應量為變通辦理嗣後
在京文職三品以上武職二品以上在外文
職自總督至臬司武職自將軍提督至總兵

該大員兄弟子孫內年已及歲堪挑補侍衛拜唐阿差使如遇五年查辦情願赴挑者該大臣等仍遵前次查辦咨報本旗該旗造冊咨送軍機處彙總具奏俟朕擬定帶領引見儻身體軟弱素有殘疾或騎射平常不堪挑補者該大臣等據實報明該旗轉行軍機處均聽其自便該旗毋庸催取花名以副朕教演旗僕之至意○庚寅

上幸圓明園○追予山西殉節舉人蘇廷直等

四十七員名卹蔭世職暨男婦一千八百四十八名口分別旌卹如例○辛卯遣官祭文昌帝君廟○諭內閣前因御史李鶴年奏敬陳管見各條當交軍機大臣會同該部議奏茲據文慶等會議具奏向來月選揀發分發各員原應依限赴省赴任乃近來用兵省分揀發人員往往經本籍及經過地方督撫大臣留營差委或留辦團練防堵等事甚至特旨簡放之員亦復觀望徘徊延不赴任似

此規避取巧以致員缺久懸尚復成何事體著各省統兵大臣及各該督撫等查明從前奏留各員如有已著勞績保奏有案者仍准留於該處差委其餘並無勞績者自奉旨之日為始勒限飭赴本任本省不得復行藉詞奏留仍一面報部查覈嗣後月選揀發分發人員概不准經過地方督撫大臣奏留差委其推升軍務省分人員應行引見赴任者如原省本無軍務尤不准奏留展限如有借端

奏請者即著該部查明奏參至失守城池罪名綦重各省州縣賊至則稱出城堵禦賊去又稱帶兵收復紛紛開脫何以申法紀而肅官常嗣後失守城池各員仍著照本例定擬罪名必實係禦賊接仗身受重傷或真能督率兵勇隨同克復城池情節實有可原者方准各省統兵大臣及督撫等奏明請旨不得概以功過相抵等詞曲為開脫至前任河南開歸陳許道周煦徵被參各款雖據英桂查

明並無實在劣蹟。請仍留該省另補。著送部帶領引見。再降諭旨。○諭軍機大臣等。本日據容照鄭魁士奏。進剿南屏殲賊首獲勝一摺。又另片奏。英桂咨調馬隊官兵赴豫。請旨遵行等語。捻匪攻撲宿州解圍後。尚踞宿境東西南三面附近村莊。容照等現已克復南屏集。正可乘勢將附近匪巢次第勦洗。不得株守宿州。若將容照所帶馬隊調赴豫省。恐該處兵力愈單。不敷勦辦。永城鹿邑之匪。

每股約二三千人。該撫已派王建泰等馳往鹿邑。並抽撥兵勇二千赴永城攻剿。邱聯恩計已行抵陳州。以現在情形而論。皖境之匪多於豫境。而河南所調之兵數已不少。自不難肅清本境。所有宿州馬隊著毋庸調至河南。英桂總司會勦。原當統籌大局。不應但防豫省。以致緩急失宜。節次諭令該撫或自行統兵出境。或酌派兵勇赴皖。會同進剿。諒必遵照辦理矣。容照帶兵是否得力。仍著英桂

查明酌量。或暫留勦匪。為伊興額等後路策應。即令該侍衛毋庸回揚州軍營。將此由六百里加緊諭令知之。○壬辰遣官祭黑龍潭。

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園惠濟祠。

河神廟。○諭內閣。前據駱秉章奏。湖南鳳凰廳勦匪出力之各苗備弁。請准撥入綠營一摺。當交兵部議奏。茲據裕誠等奏稱。現當黔匪滋事。竄擾該廳苗地。該苗備弁尚能約束良苗。兼資勦捕。誠屬深明大義。自應破格優獎。著准其於事竣後。將該苗備弁曾經賞給翎銜者。擇其尤為出力之員。據實保奏。撥入綠營學習。序補嗣後不得援以為例。至其分營序補。如何限制章程。及補用後能否鈐束

內地兵丁杜絕苗匪句結之處仍著該撫詳悉體察一併妥議具奏○諭軍機大臣等滿慶奏達賴喇嘛圖寂將商上事務暫交呼圖克圖掌管一摺據稱呼徵阿齊圖呼圖克圖人尚穩妥從前曾代辦商上事務數年均無舛錯現因達賴喇嘛圖寂該大臣已將一切事宜令該呼圖克圖暫行代管惟以後商上事務該呼圖克圖掌辦能否勝任著滿慶悉心察看再行具奏至唐古忒僧俗人等現在是否照常安靜並著該大臣妥為彈壓毋令滋事將此諭令知之○又諭前因英桂督剿擒匪不便停兵待餉托明阿軍營所派馬隊已諭令由文煜糧臺支應口糧徐州派出兵勇諭怡良傳知王夢齡支應現在各股擒匪仍踞雒河集宿州雖經解圍近城尚多賊巢蕭縣一帶亦復告警徐州喫重已諭令英桂出境就近調度惟豫省藩庫十分支絀所有江皖兵勇口糧自應各路通籌以免貽誤著

怡良吉爾杭阿仍遵前旨飭令文煜將伊興額德昌容照先後派往之馬隊千名應需餉糈由揚州糧臺源源接濟雖河南本有前撥應解江北糧臺銀六萬五千餘兩可以由豫抵撥亦須寬為籌備以濟不及其清江設立捐局本為協濟軍餉之用徐州所派兵勇除由王夢齡支給並著邵燦隨時酌撥解往接濟毋使缺乏至和春福濟上年請撥江蘇三關稅銀每月共五萬兩本日據該提督等奏兩月以來惟淮關一萬如數撥解江海關僅解二萬許墅關未解絲毫現在皖省需餉孔亟著該督撫仍飭各關按月照撥不得延誤將此由五百里各諭令知之○又諭英桂奏嚴催兵勇分援永城夏邑並徐州蕭縣一摺昨因宿州附近尚多賊巢鄭魁士等尚須就近勦洗諭令英桂統籌大局不得但防豫境茲據奏稱蕭縣告警徐州防勒喫重飛催鄭魁士帶兵救援但現在宿州城圍雖解而賊

巢未盡勦除。若令該總兵赴援蕭縣。恐宿州一路兵單。賊勢復肆猖獗。著該撫仍遵前旨。飭令鄭魁士等攻勦宿州附近賊巢。一面嚴飭傳振邦、興慶、王夢齡等於徐州一帶嚴密防勦。如該處兵力不敷。即由歸德撥兵救援。該處距徐州尚近。不致迂途。又前因徐州兵單。曾諭托明阿等酌調兵勇馳往應援。現在徐州喫重。英桂即可趕緊催提。以資防勦。較之調鄭魁士兵更無顧此失彼之患。至歸德道路漸次肅清。永城、夏邑之賊。即飭邱聯恩等督兵勦辦。本日據和春等奏。正陽水陸要衝。為匪徒出沒之區。張樂行老巢尚在雉河集。一水可通。侍衛多慧自應仍留正陽扼要防守。毋庸調往河南。所有沈邱太和等處匪衆。即令武隆額會同該地方官實力堵截。如兵力不敷。並著另行籌撥。該撫總司會勦。疊次諭令出境督辦。原以擒匪蔓延三省地方。各路軍營必須聲息相通。方能隨時策應。不

致緩急失宜。即如伊興額等已到宿州。而該撫尚未知悉。可見遠駐歸德於一切軍情未能深悉。著即懍遵前旨。出境督勦。毋得株守一隅。致於全局未能控制。所請軍餉一節。河南本有應解江北糧臺銀六萬五千餘兩。可以抵撥。本日復諭令怡良、邵燦、吉爾杭阿寬為籌備。該撫仍應先行墊撥。毋得專待鄰省解款。致誤要需。將此由六百里加緊諭令知之。○又諭和春等奏軍餉缺乏。請飭浙江酌量籌撥等語。皖省克復舒城後。亟須進剿桐廬。祇以餉銀未能湊集。軍行坐致遲延。現在賊勢漸衰。正宜乘機進取。若因待餉之故。使軍情不能踴躍。誠恐有誤事機。著何桂清接奉此旨後。即行籌撥銀十萬兩。或八萬兩。分起解皖。接濟兵餉。務於二月內先解一半。其餘俟三四月間陸續解齊。以應急需。將此由五百里諭令知之。○癸巳諭軍機大臣等。王懿德年終密考單內奏稱提督李廷鈺精力

尚健。韜略素嫻。惟二年之內。未經出洋等語。李廷鈺係浙江提督任內。獲咎人員。前因勦辦本省匪徒。克復廈門。著有勞績。是以棄瑕錄用。巡查洋面。乃水師提督專責。何以該員二年以來。並未出洋。是否精力就衰。抑或性耽安逸。現當查拏艇匪。海防喫緊之際。李廷鈺於提督重任。能否勝任。著王懿德詳細察看。據實具奏。毋稍徇隱。將此諭令知之。○甲午。

上詣

大高殿行禮。○還宮。○遣官祭

先醫之神。○諭內閣。向榮奏請將已革道員留營效力等語。已革江蘇蘇松太道吳健彰。著暫留向榮軍營效力贖罪。儻不能得力。即著仍遵前旨發往新疆。毋得稍涉迴護。○又諭蔣霽遠。孝順奏克復府廳一摺。貴州銅仁匪徒徐廷杰等。分股撲陷松桃廳。思南府等處。經署思南府知府福奎等。招集兵練。分路

進剿。賊眾潰竄。當將思南府城收復。其闖入松桃廳城匪徒。亦經該廳同知恩彬督率紳士土官。糾約兵練進剿。賊勢不支。開城逃散。當將松桃廳收復。其自湖南永綏廳敗回之賊。亦經兵勇邀擊。獲勝。此次克復兩城。勦辦尚為得手。著蔣霽遠等。即飭該府廳。按勘地方餘匪。以期肅清。所有署思南府事石阡府知府福奎。署思南營遊擊富珠隆。阿署安化縣知縣吳雲煦。松桃直隸廳同知恩彬。於失守城池後。即能迅圖收復。尚知愧奮。著免其查辦開缺。紳弁兵勇。著該撫查明請獎。○又諭蔣霽遠。孝順奏。思州石阡。勦匪情形。請將失事員弁。暫行革職。分別覈辦等語。貴州銅仁匪徒。竄入思州府及青谿玉屏兩縣境內。雖經該府等派出文武。激勵紳團。殺賊無數。即將三城收復。而防範不嚴。實難辭咎。思州府知府張瀚中。署玉屏縣兼管青谿縣事保升知縣吳曾保。均著暫行革職留任。仍著該

撫等將收復日期及該員弁有無逃避倉庫監獄有無損失各情迅速查明辦理至石阡府地方失守已將兩月該處官弁並不力圖克復尤屬延玩署石阡府事坐補都勻府知府黃培杰署石阡營都司黎平營守備陳定元均著先行革職暫留署任責令戴罪自效儻再不知愧奮即行從嚴叅辦○諭軍機大臣等托明阿等奏籌撥兵勇赴南岸助剿並瓜州接仗情形一摺瓜州最爾之區被賊占踞托明阿自督師以來總未實力進攻以致久稽克復即如正月十四十九等日之戰皆係賊匪前來撲營勉強開仗英貴等雖有斬擒而東南營盤被焚遊擊王永等陣亡實屬可惜且賊匪被擊退去官軍並未前往追剿並以連日大雪途多泥淖未能進攻為辭似此懈弛遷延實堪痛恨現在南岸賊眾廣集竄擾意圖內犯情形極為喫緊但能北岸實力攻擊亦可稍分賊勢著托明阿等督飭水

陸各軍迅速進剿務將瓜州賊巢剋日掃除毋再耽延致干咎戾將此由六百里加緊諭令知之○又諭向榮奏逆黨意圖下竄現派官軍分投堵剿一摺逆黨由洲地一路前竄急思內犯前據向榮奏自東陽以至龍潭下蜀街連營三十餘里堵扼周嚴並調下游戰船分泊高資一帶添調兵勇駐守丹陽業經諭令向榮等迅將棲霞石埠橋之賊併力剿擊毋令內竄乃覽本日奏報三汊河賊壘尚未剿除而該逆已由攔江牯等處竄入倉頭鎮倉頭賊黨尚未擊退而該逆已由顧家壩竄越嚴巷是其內竄之路漸逼漸近且處處築壘以阻我軍聲勢若不併力急攻儻丹陽句容稍有疎虞全局何堪設想前此秦如虎欲過三汊河劄營而河北先為賊踞該大臣令余萬清力扼倉頭而賊已先踞倉頭河岸李定太方欲由丁家邊進屯顧家壩賊轉從顧家壩竄過嚴巷似此著著落後則雖稱夏

家邊亭子崗等要隘均有屯兵亦屬有名無實此時江南北別無可以添撥之兵就該大臣現調兵勇計之為數不少但能分投截擊將最悍之賊最堅之壘勦除一二處則賊鋒漸挫兵力自能施展著向榮吉爾杭阿嚴督鄧紹良等務將三汊河倉頭嚴巷等處賊壘悉數埽除應扼要隘萬不可再任該逆占踞該大臣等不能迅克金陵鎮江遷延已甚若再不力圖扼截以致常州腹地復有震驚恐

不能當此重罪也將此由六百里加緊各諭令知之○欽差大臣托明阿等奏籌撥兵勇馳赴南岸堵截金陵下竄逆匪遊擊王永等追賊陣亡請飭優卹得旨瓜州賊匪屢次衝突英貴等分投截勦尚屬奮勇惟賊出可以接仗賊退即無法進攻徒作焦急之言以掩遷延之咎何日方可奏功且屢傷勇弁甚屬可惜即如王永人頗去得前經訥爾經額保舉曾蒙召見朕不知者尚不知凡幾托明阿

等日久無功不過時聞數旬敷衍入奏殊失朕委任之心汝等自返而思能無愧乎○以勦辦貴州銅仁賊匪出力賞都司楊家瑞等藍翎餘升敘有差○予江南陣亡防禦魁慶遊擊王永千總高啟榮伍元慶把總雷萬年陳玉彪外委陳遇恩祭葬世職○予貴州陣亡教授張鴻達經歷程鏞外委姜仲元祭葬世職○乙未

孝淑睿皇后忌辰遣官祭

昌陵○諭內閣王懿德等奏知縣撫馭有方據實保奏一摺福建署邵武府同知詔安縣知縣郭應辰留心教養戢暴安良地方賴以靜謐同知銜署詔安縣事龍溪縣知縣楊福五力圖整頓撫字催科著有成效均屬州縣中出色之員自應量予恩施以昭激勸郭應辰著以同知升用先換頂帶楊福五著以同知直隸州即行升用仍留署詔安縣事○給河南商邱永城夏邑虞城柘城五縣被擾貧民

一月口糧

上以祭

社稷壇自是日始齋戒三日○丙申祭

關帝廟

上親詣行禮○諭軍機大臣等前因張家口監督慶文奏請將朝陽村商貨先行照例納稅一摺當交戶部查議具奏茲據該部奏稱道光二十九年都統雙德等奏請將朝陽村貨物歸入市圍一體納稅經該部議駁有案應

仍遵照舊章俟貨物進口時嚴密稽查照例收稅所有該監督請將朝陽村鋪戶販貨到村時先行納稅之處應毋庸議等語張家口市圍商人由恰克圖販貨進口時先行納稅係道光五年定例並無朝陽村收稅之事自未容輕議更張惟該監督原奏內稱朝陽村鋪戶開設至二十餘家半係市圍分設若不令其納稅則將來市圍鋪戶紛紛遷至該處開設恐有稅之處俱成無稅張家口歷任鉅

虧未必不由於此等情該監督所奏是否因

該商人等在朝陽村囤貨即可繞越他處銷售偷漏稅課抑或句通口內胥役私行進口致有漏稅著穆隆阿慶昀秉公查訪應如何變通辦理或應仍照舊章設法稽查力除偷漏之弊著即據實奏聞總期於國課商情兩無窒礙毋得稍涉遷就慶文原奏及戶部摺均著鈔給閱看將此諭令知之○御前大臣正白旗領侍衛內大臣德木楚克扎布乞假省親允之以成郡王載銳署正白旗領侍衛內大臣鑲黃旗蒙古都統奕縉署正白旗蒙古都統○丁酉祭

先師孔子遣大學士賈禎行禮○諭內閣現在江蘇安徽江西湖北湖南廣西貴州各省正當辦理軍務之際著該督撫於所屬各員中秉公察看如有官聲才具堪勝道府之任者著各酌保數員以備簡放○又諭前因勞崇光奏請飭催實任揀發各員迅速赴粵並

請將改省指省人員酌議章程。定以限制。當交該部覈議具奏。茲據吏部遵議覆奏。現在廣西等省辦理軍務。在在需人。差委部選。揀發各員。正宜趕緊赴省。豈容任意趨避。以致委任乏人。嗣後用兵各省。揀發分發人員。均著依限赴省。概不准報捐離省。改指他省。其實缺人員。無論特旨簡放。以及月選推升。均著領憑後。即行赴任。不准改捐降捐。如有遵例捐升者。統俟到省到任後。呈明該督撫酌覈辦理。不得於未到之先。捐升歸選。其軍務省分告病人員。亦不准於病痊後。捐免坐補。原缺改捐別省。以杜規避。至各該員中。如有實心任事。不避艱險。於地方實有裨益者。並准該督撫不拘年限資格。切實保奏。請旨錄用。○欽差大臣托明阿等奏。揚營兵勇俱單防勒喫緊。萬難再議抽撥。請飭另撥他處官兵赴徐防堵。得旨。覽奏各情俱悉。著毋庸抽撥。○賞順天等省乙卯科鄉試年老諸生劉

宗渭等九十五人。舉人副榜有差。○戊戌祭大社。

大稷。

上親詣行禮。○以舉行仲春經筵。遣官告祭奉先殿。

傳心殿。

上御文華殿經筵。直講官花沙納彭蘊章進講中庸致中和。天地位焉。萬物育焉。講畢。

上宣御論曰。人主一身。固天地萬物所係屬。至

於天地平成。萬物咸若。此人主之極功也。然不得其道。則泛驚而侈求之。與畏難而輕誣之。皆由不知中和之性。而悉推而致之也。試申其旨。今夫天地大矣。萬物繁矣。此豈覩聞所能及。而君子戒謹恐懼。力慎於獨者。誠見夫受中之旨。保和之精。皆根極於隱微。試觀一人之身。喜怒哀樂。偶有得失。在己方不及知。而日星應於上。川嶽應於下。草木鳥獸應於其間。從可知天地萬物。本吾一體。而息息

相通也。然使一身之中。耳目手足失所措。陰陽血氣失所調。則吾身之缺憾未能平。安能平天地之缺憾。吾身之顛連未能拯。安能拯萬物之顛連。君子知其然也。務使性分之內。偏倚悉化。乖戾胥消。夫而後覆載生成順而推焉。無不各得其所。此中庸之極功也。非天下至聖其孰能與於斯。直講官聯順何彤雲進講易經有孚惠心。勿問元吉。講畢。

上宣御論曰。為人上者。孰不以施惠為急務哉。乃或恩命屢申。而民不見德者。何也。良以外矜保惠之名。中鮮作孚之實。所樹者私惠。而量未能宏。所好者小惠。而澤未能溥。欲求行無不得也難矣。此益之九五所以言惠心而必推本於有孚也。夫孚與惠皆心之德。其根於信而為心之所存者曰孚。其本於仁而為心之所發者曰惠。果也以孚為惠之宰。以惠為孚之徵。則欲立立人。欲達達人。其推己以為惠者。無一不出於惻怛也。所好好之所惡。

惡之。其因人以為惠者。無一不將以怨摯也。凡善政所敷布。何莫非實意所充周乎。然其心初無責效之見存也。惟知厚己之施。而人之報勿問焉。惟知善己之感。而人之應勿問焉。究之誠至者。物自動。德盛者。化自神。利用厚生之事。我既切於誠求。尊君親上之忱。彼自生於不覺。此中正之所以有慶也。謂為元吉。又何疑乎。禮成。

上幸文淵閣。賜講官及聽講諸臣茶。復賜宴於

本仁殿。○幸圓明園。○己亥。

孝康章皇后忌辰。遣官祭

孝陵。○諭內閣。有鳳李聯琇奏革員臨審捏告。意圖挾制一摺。前因福建已革通判朱璐遣抱告向都察院呈控。案內有牽涉總督大員等情。當交有鳳李聯琇會同嚴訊。該革員自應靜候查辦。乃敢捏造款蹟。嚇詐委審。及差遣各員。實屬刁健。所有該革員續控各節。均著照例立案不行。俟調齊人證。仍著有鳳等

秉公嚴審。按律懲辦。儻再逞刁誣賴。即著加以刑訊。毋任狡展。以儆刁風。而免懸宕。○諭軍機大臣等。曾國藩奏軍餉不繼。請於上海抽取釐金接濟等語。江蘇省抽取釐金。所有上海地方。是否一律辦理。現在曾國藩在江西。軍餉缺乏。但有可籌之款。自應不分畛域。力籌接濟。惟上海為夷人通商口岸。抽釐之舉。於夷稅有無窒礙。著怡良、吉爾杭阿體察情形。如該處各市鎮行貨。可以抽釐濟餉。即著酌量辦理。並照曾國藩所請。飭調在浙之前任杭嘉湖道顧椿會同松江府知府袁芳瑛專司其事。俟集有成數。奏明候撥。儻上海現在未辦抽釐。而於商情或有窒礙。亦著據實奏聞。毋庸勉強遷就。將此由六百里加緊諭令知之。○又諭英桂奏賊匪蔓延豫境。江皖防勦勢難兼顧一摺。據稱現在江皖豫三省交界之處。匪勢披猖。該撫自馳抵歸德後。即派邱聯恩等督兵迎擊。疊有斬擒。而賊踞

交界。道途梗塞。江皖兵勇亦屢次催調。未能前進。該撫只能力遏西北一帶。俟豫境肅清。始能由東南進攻等語。英桂總司勦匪事宜。責有攸歸。自當不分畛域。節節迎勦。惟現因道路不通。勢難兼顧。尚屬實情。鄭魁士已抵宿州。其皖省擒匪。即著該署鎮會同容照、伊興額、塔思哈等迅速勦辦。暫歸和春、福濟就近調度。蕭縣一帶兵力較單。但揚州營兵已據托明阿奏無可分撥。著傳振邦、王夢齡、興慶等即就現有兵勇相機堵剿。毋令闖入徐州。怡良相距較遠。即著邵燦就近調度。並籌接濟糧餉。毋使缺乏。英桂仍當嚴飭邱聯恩等將豫省擒匪次第勦除。一俟道路稍通。即當督兵迅速前進。仍將三省兵勇統歸調度。毋得株守歸德。致令擒匪愈滋。延蔓將此由六百里加緊各諭令知之。○予安徽陣亡外委陳學金祭葬世職。○庚子。諭內閣。前因太僕寺卿李維翰奏請暫停養廉以充軍餉。當

交軍機大臣會同戶部議奏。經該大臣等議將各直省文職一品至七品武職三品以上養廉暫行減成支放。今雖軍務未平。但閱時已久。恐該員等不敷辦公。非所以示體恤。所有各直省文武養廉。著戶部查照京官增給俸銀章程酌覈具奏。○辛丑諭內閣。何桂清奏准鹽由浙運楚事多窒礙。請飭停辦一摺。前據駱秉章奏請撥准鹽十萬引。由浙河運赴湖南。疊經戶部議覆。令江蘇督撫妥籌官

辦章程。以杜商私侵灌。尚未據該督撫酌議具奏。茲據何桂清奏稱。准鹽運楚。必須借資商力。私販仍難盡杜。且恐停滯浙河。隨處灑賣。又與浙省餉鹽同途並運。亦有擁擠之虞。尚係實在情形。所有部議官運准鹽。著怡良督飭運司。即行停辦。毋庸另議章程。惟准鹽頻歲滯銷。楚省需餉甚急。前次官文具奏。淮南運道暫為試改各情。仍著怡良督飭運司妥議章程。實力行運。毋得推諉延宕。至浙省

餉鹽。並著何桂清督飭承辦各員。設法疏通。源源轉運。以資接濟。○順天府府尹蔣琦瀉奏陳克己復禮二箴得旨。所進二箴留覽。陳善聞邪。心殷獻納。朕已知汝之意。而甚嘉也。惟汝摺中稱遵

先皇之盛軌。只言起用琦善一端。朕以涼薄。紹膺神器。舉凡我

皇考行政用人。治法心法。無一不應早夜以思。勉為則效。朕觀汝之奏。別有意指某事言者。

何妨明言。故作此隱約之詞。汝意何居。著將所指之事。明白具奏。尋奏所進係克己箴。故恭引起用琦善一端。以為舍己從人。量同堯舜之一證。並非為現有與前事相同之事。不敢明言。而故為隱約之辭。報聞。○壬寅春分朝

日於東郊。遣成郡王載銳恭代行禮。○諭軍機大臣等。本日據英桂奏。捻匪全數竄擾豫境。請飭鄭魁士等帶兵馳赴歸德會剿。又據奏

官兵接仗失利。擒匪近偁歸德。請調北路精兵各一摺。擒匪分五大股。屯踞各村。邱聯恩崇安等。因眾寡不敵。各勇紛紛潰散。該匪直偁郡城。存城兵勇無多。勢極危迫。自應厚集兵力。以資防剿。本日已諭和春福濟。迅飭鄭魁士等。由宿州帶兵馳赴歸德應援。徐州蕭縣現在情形稍鬆。並諭邵燦飭令傅振邦。由徐州進剿。復諭桂良酌調直隸精兵二三千名。馳往歸德。交該撫調遣。目下匪勢猖獗。急待援兵。速至。該撫接奉此旨。著即飛提徐宿兩路官兵。一面仍督飭邱聯恩等。激勵兵勇。為出奇制勝之計。該撫節制全軍。若坐困孤城。專待外援。該匪勢必愈行猖獗。設歸德稍有疏虞。則全省為之震動。該撫身任封圻。貽誤之罪。斷難寬宥。所有現在歸德如何布置。省城一路如何防備。著即迅速妥籌。毋得徒涉張皇。致誤事機。將此由六百里加緊諭令知之。○又諭現在擒匪聚眾數萬。勢極猖獗。

豫省官軍接仗失利。兵力甚單。自應厚集援兵。以資剿辦。直隸省前派大名鎮兵赴豫助剿。不能得力。業經英桂撤回歸伍。此時歸德情形。萬分喫緊。著桂良另行挑選各營精兵二三千名。遴委得力將備。星速管帶馳赴歸德。交英桂調遣。其直豫交界各要隘。並著桂良飭令地方文武員弁。嚴密籌防。毋稍疏懈。將此由六百里諭令知之。○又諭擒匪全竄豫境。綿亘三十餘里。邱聯恩等兵勇敗潰。該匪直偁歸德府城。兵勇祇五百餘名。邱聯恩等收集殘散。亦僅存千餘名。防守郡城。實形不足。現在蕭縣祇贖零匪。宿州城圍已解。夏白等各匪巢業經平毀。自應移緩就急。不得各守一隅。致誤大局。著邵燦飛飭傅振邦等。迅速抽撥兵弁。兼程前往歸德應援。一面勦除零匪。勿令闖入徐州。其鄭魁士塔思哈之官兵。伊興額德昌之馬隊。著和春福濟諭令星馳赴豫。並交英桂調遣。宿州防剿。亦須兼

顧即留容照在彼駐守邵燦等務即遵旨飛催若區分畛域令歸德稍有挫失河南省城震動貽誤大局恐難辭咎也將此由六百里加緊各諭令知之○追予山西殉節平陽府知府何維墀臨汾縣知縣周春陽於任所建立專祠親屬幕友家丁及同城殉難人員一併附祀○予河南禦賊被戕知縣郭鳳恩祭葬世職並建立專祠○予湖北陣亡守備丁懷本千總金品高把總黎文祥向德明秦裕昌外委蕭德勝胡萬隆祭葬世職○癸卯遣官祭昭忠祠○諭內閣理藩院代奏科爾沁扎薩克博多勒噶台和碩親王僧格林沁因伊生母病故呈請賞假回籍穿孝一摺僧格林沁毋庸回籍賞假百日在京穿孝並著加恩派乾清門頭等侍衛布爾赫德由驛前往該處賜奠再賞銀七百兩由廣儲司給發辦理伊母喪事伊子布彥訥謨祜著再賞假四箇月辦理喪儀○諭軍機大臣等官文奏請

飭調察哈爾馬匹一摺湖北軍營馬隊官兵所用馬匹間有倒斃自應趕緊備辦以資進剿惟察哈爾馬匹現值水草不接之時未能一律贍壯長途調用恐難得力著吳振械即行飭屬於商州地方購買贍壯馬六七百匹迅速備齊派委妥員解赴官文軍營應用不得以疲弱馬匹濫行充數官文接奉此旨著即咨商吳振械趕緊籌辦將此各諭令知之○湖廣總督官文奏聞湖南舉人左宗棠有匡時平寇之才請飭赴營聽候差遣得旨著咨詢駱秉章其人才具若何能否赴湖北軍營奏明請旨尋奏左宗棠已在駱秉章幕中無須咨調報聞○江西巡撫文俊奏吉安府城被圍前經奏調候補知府周汝筠統帶練勇赴援乃周汝筠軍抵泰和專以先克泰邑方可赴援為詞實屬不知緩急請摘去翎頂以觀後效得旨周汝筠著摘去翎頂如再託故遷延即行嚴參○以理藩院尚書聯順署

鑲藍旗滿洲都統刑部尚書麟魁署奉宸苑
事御前大臣戴垣署火器營事御前大臣景
壽署上虞備用處事○江西布政使陸元烺
因病解任以浙江按察使晏端書為江西布
政使浙江鹽運使慶廉為按察使○命已革
都察院左副都御史袁甲三隨同河南巡撫
英桂勦辦捻匪○予江西陣亡舉人羅子鄰
祭葬世職如知縣例

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十一

監修總纂官是編起居注官李士本李士書房總辦文淵閣閣學新林沈德潛學士稽察欽天監事件及御史路瑞雲吳麟慶
分掌起居注部事務加三級紀錄四次臣等稽察本官等因奉旨是編起居注官李士本李士書房總辦文淵閣閣學新林沈德潛學士稽察欽天監事件及御史路瑞雲吳麟慶
太僕寺管理戶部工部事務管理理部事務加三級紀錄十六次臣等稽察本官等因奉旨是編起居注官李士本李士書房總辦文淵閣閣學新林沈德潛學士稽察欽天監事件及御史路瑞雲吳麟慶
欽此欽此滿洲副都統部尚書管理工部事務加四級紀錄十一次臣等稽察本官等因奉旨是編起居注官李士本李士書房總辦文淵閣閣學新林沈德潛學士稽察欽天監事件及御史路瑞雲吳麟慶
達爾扎爾副都統部尚書管理工部事務加三級紀錄五次臣等稽察本官等因奉旨是編起居注官李士本李士書房總辦文淵閣閣學新林沈德潛學士稽察欽天監事件及御史路瑞雲吳麟慶

咸豐六年丙辰二月甲辰諭軍機大臣等前
因皖省捻匪逼近歸德當令桂良挑選直隸
各營精兵二三千名派員帶赴歸德交英桂
調遣諒已遵旨辦理惟直隸毗連豫境交界
要隘均須嚴密籌防著桂良酌度情形如該
省官兵不敷調撥不必拘定二三千之數或
千名或千餘名但須兵力堪用挑齊後遴員
管帶前往以資攻剿至直豫交界設防事宜
最關緊要該督現在作何布置並著多設偵
探將豫省情形隨時具奏以慰廑念將此由

五百里諭令知之。○調陝甘兵二千名。山西兵一千名。赴河南勦賊。○乙巳。

上幸靜明園詣

龍神廟拈香。○諭內閣。將霽遠等奏勦辦定番州境匪徒克復大塘汎城一摺。貴州都勻等處苗教各匪竄擾定番州境。大塘汎城陷失。當經蔣霽遠等委署鎮遠鎮副將佟攀梅帶兵進勦。提督孝順帶兵由雷波巖脚一帶會合。將大小牛場等處賊寨概行焚毀。佟攀梅由定番之打華哨擺金一路進勦。至大塘城外。連戰斃賊數百名。進攻大塘汎城。守備王敦倫等拋擲火器。我軍乘賊驚亂。一擁登城。當將城池克復。餘賊遁逃。生擒賊首吳鳳祥等多名。現在孝順進勦羅斛等處。佟攀梅暫駐大塘。安撫被脅難民。著蔣霽遠等仍即督飭將餘匪搜除。淨絕根株。所有此次出力員弁兵勇。准其擇尤保奏。候朕施恩。○諭軍機大臣等。王履謙奏歸德被圍。東省沿河喫

緊一摺。擒匪全竄豫省。與山東曹單地界緊連。邱聯恩潰敗之勇。據王履謙所奏。在曹河途次盤獲。有歸德城門關閉之語。單縣董家口已有難民紛紛逃避。並聞該匪分股在南岸劉口屯聚。有來曹單搶糧之意。現當河水乾涸之時。東省下游南北兩岸。無險可扼。防河兵勇。僅止二千餘名。極形單薄。崇恩前奏調德州高唐等營官兵六百五十名。派緒綸帶赴金鄉縣羊山。扼守曹濟咽喉。調兗中等營兵三百名。備防河策應。此時曹單情形較前更為喫緊。雖經王履謙派郝上庠前往曹縣堵勦。亟添撥精兵。分布要隘。防勦兼施。著崇恩即於山東各營汛中。星速抽調。飭同郝上庠所帶兵勇。探明何處緊要。即向何處截擊。並飭達鑄加意嚴防。至該撫前由省城調濟甯駐守之兵。及咨調兗州鎮豫備兵數共六百名。本為應援各路起見。現應如何布置。迅速馳奏。以慰廛念。至潰勇難民人數衆多。

或恐擒匪溷跡其中。並著崇恩遴委幹員於沿途要隘嚴密稽查。毋稍鬆懈。將此由六百里加緊諭令知之。○以勦辦貴州狎匪出力賞外委陳德英等藍翎。餘升擢有差。○予貴州陣亡知縣黃鳳守備王定臣外委方學林張連譽祭葬世職。○丙午諭內閣葉名琛柏貴奏神靈顯應請加封號一摺。

關帝神威助順。前已疊晉崇封。升為中祀。茲據該督等奏稱。四年六月。廣東省城各門外。

逆匪突起。攻撲城垣。仰荷

神靈默助。連獲大捷。省城得保無虞。韶州新

會三水龍川各府縣均被股匪圍撲。嬰城固

守亦賴

關帝顯應得以保全。朕心實深寅感。允宜加

崇封號。藉申虔敬。著禮部謹擬具奏。○又諭

葉名琛柏貴奏。

神靈顯佑。請頒發扁額。加崇封號一摺。前年

廣東匪徒糾眾攻撲省城北門。默邀

觀音大士靈佑。返風驅雨。官軍乘勢大獲全勝。又上年正月間。官軍於四沙水面勦捕匪船。西南風陡起。軍帆順利。雷聲轟烈。

南海神廟前。白霧橫江。官軍乘機開礮。勢如破竹。將匪船全行燒毀。東路藉以解嚴。此皆仰賴神靈默為呵護。朕心實深寅感。允宜特申虔敬。以答

神庥。所有

觀音大士及

南海神廟。朕即親書扁額。交該督撫敬謹懸

挂。

風神。

雷神。加崇封號。著禮部謹擬具奏。○又諭向

榮吉爾杭阿奏。請遴選帶兵得力人員。赴營

差委等語。著兵部傳知僧格林沁。在連鎮等

處。打仗出力人員內。擇其曉暢營務。堪以帶

兵者。酌保四五員。奏明請旨發往。○諭軍機

大臣等。怡良吉爾杭阿奏。咪喚二夷欲求更

改條約章程等語。味酋咆囑移文江蘇。有候船即赴上海重議條約之說。味酋李泰國亦有各國條約必求更改廣東絕之已甚。各國公使萬不肯再向關說之語。是其意以欲赴上海為挾制。而藉口於廣東之拒絕。情形顯然。從前五口通商條約雖有十二年再行更定之議。不過恐日久弊生。或有窒礙之處。不妨小有變通。其大段章程原未能更改。該夷前年在上海天津要求各事。均屬萬不能行。經崇綸等面加駁斥。該夷酋亦自知理屈。不復爭論。今云廣東絕之過甚。故赴上海。蘇省督撫本非總辦夷務。自不能允其所求。必至上赴天津。更屬不成事體。著葉名琛體察情形。妥為駕馭。如該夷所欲更改之事。實止細故。不妨酌量奏聞。稍事變通。如仍似前年之妄事要求。即行正言拒絕。務宜恩威並用。絕其北駛之念。勿峻拒不見。轉致該夷有所藉口。並著怡良吉爾杭阿飭令藍蔚雯轉諭各

該夷領事。告以五口通商事宜。悉歸廣東查辦。他省均不得越俎。該夷若不肯向廣東關說。別省無可代為商辦。此次照會各情。業已入奏。亦止能請交廣東欽差大臣查辦。至於更議之處。該督撫不能與聞。婉言開導。令其駛往廣東。不至別生枝節。是為至要。怡良等原片著鈔給葉名琛閱看。將此由五百里各密諭知之。○又諭向榮吉爾杭阿奏瓜鎮逆賊衝竄高資。勦擊獲勝一摺。前因金陵逆賊圖援鎮江。竄至倉頭鎮等處。諭令向榮等迅速攻剿。毋任洲地各匪日久占踞。茲聞該大臣等所奏鎮江賊匪。於金山西面夾江中築壩。直通便民河北岸洲地。遂由金山渡鮎魚套至黃泥洲。偷創賊壘。竄撲高資。吉爾杭阿等派兵接仗。雖有斬獲。而黃泥洲之賊尚未驅除。傷亡弁兵亦復不少。未操勝算。該洲去倉頭鎮三十餘里。若使上下游賊匪聯絡。則該逆內犯之志愈堅。沿江一帶地方遼闊。節

節設防。徒費兵力。惟有扼要衝擊。使賊兵不能連為一氣。以挫兇鋒。而圖制勝。著向榮、吉爾杭阿、簡派精銳。將上下游洲地各賊壘。次第勦除。並遏句容等處內竄之路。仍嚴絕鎮江接濟。勿稍鬆勁。至兵力既無可添調。而招募遣勇。總須來歷清楚者。方可收錄。勿令奸徒溷跡。致有貽誤。將此由六百里諭令知之。

○又諭駱秉章奏克復松桃銅仁兩城請飭辦善後。以弭釁端一摺。黔省苗匪肆擾。攻陷

松桃銅仁。經駱秉章督派員弁兵勇。不分畛域。由楚入黔。先後將兩城克復。辦理尚為迅速。惟首逆徐廷杰是否就戮。尚未可知。而在逃餘匪。亦必須搜捕淨盡。方能永杜亂萌。將霽遠身任該省封圻。責無旁貸。銅仁之變。既以錢糧肇釁。總由官吏辦理不善。以致頑民轉相煽惑。著將霽遠簡擇廉能文武員弁。酌帶兵勇。前赴銅仁。松桃。妥為經理。一面安撫良民。一面將在逃餘匪。嚴密搜捕。毋任漏網。

總期勦撫兼施。肅清邊境。至各該地方員弁如有貪虐激變。及臨事逃避者。即著據實叅辦。以儆其餘。將此由六百里諭令知之。○以克復廣東新興縣城。賞遊擊張遇清、巴圖魯名號。守備葉啟文、花翎。武舉歐定邦等。藍翎。餘升敘有差。○以勦辦廣東陽春縣游匪出力。賞千總呂文光等。藍翎。餘升敘有差。○以克復貴州銅仁、松桃府廳城。予湖南總兵官文安道員翟詰。下部優敘。○予江南陣亡守

備劉襄、顧維正。千總蔣國材。祭葬世職。○予廣東陣亡巡檢胡辰。祭葬世職。○丁未。

上御勤政殿聽政。○諭內閣。前年逆匪渡河北竄。持命奉命大將軍惠親王、參贊大臣僧格林沁。統帶京營勁旅。滿漢官兵。及三盟蒙古官兵。剋期進剿。業已悉數殄滅。殲擒首逆。方冀各路統兵大臣。愧奮激發。迅速圖功。俾逆氛次第掃除。吾民得安衽席。乃金陵首逆。日久稽誅。鎮江、瓜州。尚未克復。安徽、江西、湖北。

賊蹤肆擾。雖捷奏頻聞。勢已漸蹙。而勞師數載。兵力漸疲。亟應厚集精兵。以期大舉。若內扎薩克哲里木。卓索圖昭烏達錫林郭勒烏蘭察布。伊克昭各盟。於所轄四十九旗內。挑備驍健官兵。臚壯馬匹。備齊軍裝器械。聽候調遣。一俟秋高氣爽。即當簡派重臣。統帥南下。加以京營勁旅。滿漢重兵。分道出師。殄除羣醜。諒茲窮寇。不難一鼓蕩平。各路統兵大臣。仍當實力攻勦。將賊匪占踞各城。迅圖克復。若俟大兵南下。始奏膚功。遲延觀望之罪。責有攸歸。其各懍之。○諭軍機大臣等。安徽捻匪竄擾河南歸德一帶。現經英桂督辦三省會勦事宜。兵力尚單。昨已諭令直隸山西陝西各督撫。調撥兵丁。前往助勦。著穆隆阿慶昫於察哈爾官兵內。挑選精銳二千名。派委得力將領。帶赴張家口駐劄。仍飭帶兵官勤加操練。務期技藝嫺熟。候旨調遣。將此由四百里諭令知之。○又諭現在各省軍務未

竣。捻匪又在皖豫交界埽擾。各省兵勇尚恐不敷調遣。亟應先時籌撥。備禦不虞。著承志於所屬各旗兵內。挑選勁旅二千名。豫備軍裝器械。選派得力將領管帶。即在該處勤加操演。聽候調遣。一俟奉有諭旨。即令剋日啟程。將此由四百里諭令知之。○湖南巡撫駱秉章奏賊氛未靖。籌辦防勦。秋審人犯。應否仍遵四年諭旨。覈減罪名。先行發配辦理。得旨。仍著照四年諭旨。分別辦理。○以太常寺卿周玉麒為內閣學士。兼禮部侍郎銜。仍留浙江學政任。○以翰林院侍講學士倭仁為光祿寺卿。○以勦捕山西陽城縣匪徒出力。賞道員瑞昌參將張會川花翎。遊擊珠爾杭阿等藍翎。餘升敘有差。○調綏遠城兵一千名。吉林墨龍江兵各五百名。赴山東曹州防堵竄匪。○戊申。諭內閣。福濟奏請將實心任事之知縣鼓勵一摺。安徽署天長縣知縣陸豫徵解獨多。濟餉無誤。署滁州直隸州知州

揀發知縣陳麒昌辦團禦賊克保城池保升直隸州知州署霍邱縣知縣王啟秀追捕土匪安靖閭閻均係實力辦公為州縣中出色之員自應量予升階以昭激勸陸豫著免補本班以知州即補陳麒昌著免補本班以同知直隸州即補王啟秀著免補本班以直隸州知州即補○諭軍機大臣等和春福濟奏皖省擒匪未清官兵未能過境等語擒匪巢穴雖在皖境而大股數萬直逼歸德豫省兵勇為數無多待援孔亟前因道路梗塞故諭令將鄭魁士等宿州一軍暫歸和春福濟調度昨以歸德危急復諭和春等將鄭魁士塔思哈所帶官兵並伊興額德昌等馬隊飭令星馳赴豫原以皖省兵勇尚多緩急輕重之間自應統籌大局今據奏稱江皖豫三省祇能各顧本境是鄭魁士等竟不赴豫應援而以全股巨匪誘之豫省儻歸德稍有挫失匪蹤蔓及汴梁該提督等援救遲延豈能辭罪

著和春福濟仍遵前旨即飭鄭魁士塔思哈督帶官兵與伊興額德昌所帶馬隊迅速馳赴歸德聽候英桂調遣儻皖境必須留兵則於鄭魁士塔思哈二人中酌留一員其伊興額等馬隊必須全數派往如再延不赴剿朕必治和春等以推諉觀望之罪懍之至所請飭催四川陝西浙江解款已諭知各該督撫催解其山西省每月解銀五萬之處亦諭知王慶雲酌解數月矣該提督等仍當催提江海關稅銀以資接濟不得恃有此款任令延宕將此由六百里加緊諭令知之○又諭和春福濟奏皖餉匱乏請飭催各省協濟等語所奏自係實在情形著黃宗漢何桂清吳振棫將各該省應解安徽款項儘數湊解源源接濟俾資兵食無誤要需將此由五百里各諭令知之○又諭和春福濟奏前撥江蘇關稅銀兩據吉爾杭阿咨稱未能限定數目時日難以應急請飭山西省每月撥銀五萬兩

等語。皖省待餉急迫。惟山西省撥款較多。若必按月五萬。恐難如數。著王慶雲酌量情形。暫行籌解數月。俟蘇省關稅有可接濟。即行停止。將此由五百里諭令知之。○以勦辦廣東三水縣賊匪出力。賞遊擊黃曜吉。巴圖魯名號。守備何雲章等。花翎。典史王朝選等。藍翎。餘升敘有差。○以安徽亳州守禦出力。予副將朱連泰。以總兵升用。賞知州博銘。守備馬振瀛等。花翎。衛千總汪位育等。藍翎。餘升敘有差。予陣亡把總李大鵬。祭葬世職。○以安徽盤獲逆匪。賞未入流劉清泰等。藍翎。並升擢有差。○己酉。頒廣東廣州府

觀音大士廟

御書扁額曰普佑大千

南海神廟

御書扁額曰鏡海流慈。○諭內閣。前任江蘇學政奎章奏關防未能交卸。請旨遵行一摺。新任江蘇學政李聯琇。現在福建審辦案件。到

任尚需時日。所有學政關防。著交怡良暫行管理。奎章著即回旗。○又諭英桂奏總兵勦匪失利。請分別革職摘頂等語。河南南陽鎮總兵邱聯恩。河北鎮總兵崇安。經該撫派令督帶兵勇。迎勦捻匪。乃邱聯恩於前隊獲勝之時。未能整齊列陣。輕率進兵。被賊抄襲。崇安督率後隊。亦未能相機策應。俱屬咎有應得。邱聯恩崇安。均著革職。暫行留任。崇安並著摘去翎頂。以觀後效。儻不知愧奮。即著嚴

叅治罪。○諭軍機大臣等。英桂奏捻匪情形。請三省各防本境。另簡大員專駐亳州。進勦一摺。從前勦辦捻匪。未能得手。既因在事諸臣。不克和衷。此時專派英桂督勦。事權歸一。應如何統籌大局。分別緩急。催兵進勦。乃請簡派大員。進駐亳州。分投勦擊。直似江皖兵勇。皆非所轄。希圖卸責。試思封疆大吏。經朕畀以督勦重任。豈尚不得謂之大員耶。前因捻匪直逼歸德。諭令和春。福濟。即調鄭魁士。

塔思哈所帶官兵並伊興額等馬隊赴豫應援。今歸德已無匪蹤。情形一變。應令鄭魁士等先由何處進剿。著英桂即行飛調。現在河南兵力甚單。昨已諭令直隸省調兵一千二百名。山西調兵一千名。陝西二千名。馳往歸德。交英桂調遣。此項官軍陸續可到。著即分撥進剿。不可令其株守歸德。本日據王履謙奏。南岸劉口。北岸曹河。民房官舍均被該匪焚燒。是匪蹤已曾擾及北岸。現雖暫時回竄。難保不去而復來。設此路稍有疏虞。又蹈上年粵匪故轍。本日已諭崇恩帶兵出省。赴曹單一帶督防。其傅振邦等官軍。本在英桂調度之內。即飭令嚴堵蕭陽。迎頭截擊。不可任其深入徐州。英桂居中調度。總當遏賊北竄。令帶兵各員由北而南。一路截剿。方操勝算。若以重兵悉置南路。不啻驅賊北來。輕重失宜。必致蔓延腹地。此乃大局形勢。不可不知者也。連鎮帶兵得力人員。已飭部揀發赴豫。

前據僧格林沁奏。稱西凌阿善帶馬隊。史榮椿善帶步隊。人皆誠實。然須用當其才。使不至有所掣肘。方能得力。該二員現在該撫營中。著察看委任。永城之圍是否已解。虞城夏邑等處有無賊蹤。此次摺內均未敘及。瑛榮等因該匪北竄。劉家口等處省城亟應守禦。奏請派兵防剿。今劉口之匪雖已南竄。省城重地仍應嚴為設防。著傳諭該藩司等妥為布置。毋稍大意。將此由六百里加緊諭令知之。○又諭皖省捻匪分股竄擾。勢極剽悍。山東曹單等縣與河南虞城江蘇徐州等處。在接壤該匪等竄至劉口。分踞上下河灘。董口南岸亦時有騎馬匪徒往來。自係意圖北竄。且恐其窺伺豐沛。圖犯兗濟。山東省南界情形實為喫重。前據崇恩奏。稱派委郝上庠等抽調兵勇於豫東交界相機堵禦。惟兵力較單。且曹單災民甚多。亦恐郝上庠難於兼顧。著崇恩調撥該省精兵親帶出省。前赴曹

單一帶督同該護鎮等將應守要隘派撥兵勇嚴密布置一面撫恤災民毋令勾結為患前調德州等處官兵自己到防崇恩到後兵力較厚儻擒匪北竄即可相機進剿北路防堵尤關緊要設有疏虞朕惟崇恩是問該撫接奉此旨著將啟程日期先行馳報毋許遲延貽誤再據王履謙奏稱擒匪在劉口屯聚時忽有荷澤人馬振清弟兄率領千餘人在單縣東關滋擾假稱奉英桂諭令募勇三千

前往歸德旋即四散等語匪徒滋擾每恃內應馬振清等是否係該處土匪圖與擒匪勾結著崇恩密速查訪嚴拏懲辦以消內患將此由六百里加緊諭令知之○戶部奏遵覈酌增各直省文武官員養廉福建業照減成原案議增無庸再議此外各省擬即自本年夏季起文職一二品酌給七成三四品酌給八成五品以下及七品正印官與武職三品以上酌給九成其餘文職六七品以下佐貳

雜職武職四品以下以及軍營帶兵效力各員均照原額支給得旨所有各直省官員養廉自本年夏季起文職一二品三四品五品以下及七品之正印官武職三品以上均著照該部所議酌增成數支給俾資辦公以示體恤○予河南陣亡守備苗太源祭葬世職○庚戌以大學士裕祿署正白旗領侍衛內大臣○予廣東陣亡都司陳國輝祭葬世職生員陳國勳等賞卹如例○予廣西陣亡外

委邱廷榮祭葬世職○辛亥諭軍機大臣等昨有旨令崇恩調撥精兵親自督帶出省赴曹單一帶相機進剿本日據該撫奏董劉等口已無賊蹤二縣兵勇已有三千餘名嶧滕防兵單弱現擬添兵扼堵韓莊等語擒匪分踞上下河灘本圖北竄並在劉口曹河焚毀民房官舍因聞達鎮郝上庠等帶兵趕往暫時退竄難保不去而復來雖單縣民團整齊亦必有大員督剿方能鎮定人心況曹單兵

單續調赴防之濟甯防兵僅祇三百名。不足以資堵禦。且據英桂前奏。有分股由劉口竄赴碭山之語。並恐窺伺豐沛。圖犯充濟。崇恩惟有親督官兵出省。赴曹單等處。探明防剿。兼可策應。驍勝現在充曹等處。雖暫時安謐。而賊情變幻靡常。兵進則賊退。兵止則賊來。必待偵探有警。方議徵調。恐緩不濟急。徒誤事機。著崇恩迅速帶兵前進。與河南徐宿各路兵勇聯絡聲勢。合力勦擊。儻觀望不前。致令匪蹤北竄。恐該撫難當此重咎也。將此由五百里諭令知之。○又諭邵燦奏。馳抵清江。督辦防堵。並籌接濟一摺。前據英桂奏。捻匪在歸德分兩股退去。一股竄至劉家口。復東竄碭山。永城一帶。一股分路回竄潁亳等處。此時歸德已無賊蹤。而蕭碭一帶。均有竄匪。傳振邦等自應由近及遠。節節進剿。固不可自撤藩籬。亦未可以防堵為名。一味株守。著邵燦飭令該署鎮等。先行勦除蕭碭賊匪。毋

任盤踞。並與皖豫官軍聲勢聯絡。互相援應。則此烏合之衆。不難次第廓清。現在徐州一路。既歸邵燦調度。著即悉心體察情形。督飭相機前進。軍情變幻靡常。務在先其所急。所需軍餉。即設法源源接濟。毋令匱乏。將此由五百里諭令知之。○以山東各府州官紳守禦出力。予在籍侍郎車克慎。前任巡撫傅繩勳。按察使孫毓汶。議敘。賞已革巡撫馮德馨六品頂帶。知府王觀澄。遊擊王殿元等。花翎。知縣韓雲。濤。藍翎。餘升敘有差。○壬子。諭內閣。恒春奏。勦辦劫獄戕官匪徒完竣一摺。雲南彌勒縣道人朱姓。糾合夥黨多人。突入縣城。將該縣知縣璩恩。殺害。並其家屬丁役數十人。開放監犯。搶掠銀兩。當經恒春派委護鹽法道鄧爾恆。署副將陳得功。統帶官兵前往。會同迤東道潘楷查辦。並經署廣西直隸州彭克儼。汎弁馬中驥等。生擒賊首吳美朱順等。二十餘名。已革守備施家瑞。緝獲賊

首趙璞等三十餘名署阿迷州官昕督同眼線拏獲逆首朱憲即鍾潮順賊首王贊汝地方均已肅清彌勒縣典史江吉鈞於印官被戕監犯被劫毫無防範實屬無能著即革職迤東道潘楷署廣西直隸州彭克儔於所屬匪衆滋事咎有應得惟帶兵督辦殲擒首逆功過尚足相抵潘楷彭克儔均著免其議處○諭軍機大臣等邵燦奏徐州情形喫緊請添撥兵力扼守一摺前此英桂奏請三省各防本境朕因歸德已無賊蹤諭令該撫飛調鄭魁士等探明何處喫緊即先由何處進剿茲據邵燦奏稱擒匪由歸德分股東擾小楊集碭山西路賊已偏城其由夏邑太平集竄入者距城亦僅三十餘里且夏白任乾兩股並在宿州之疇町孫町一帶聲言欲往徐州報復該處為北路屏蔽捍衛宜嚴傳振邦興慶駐劄蘇家集等處堵禦兵勇極單勢難兼顧碭山著英桂傳諭鄭魁士等分兵前赴碭

山應援毋許遲延並飭傳振邦等以勦為堵不得藉詞保守徐州任令擒匪蔓延將此由六百里加緊諭令知之○命署江甯將軍福興幫辦江南軍務○命貴州布政使炳綱來京以雲南鹽法道王成璐署貴州布政使○以勦辦雲南彌勒縣土匪出力賞守備門國安花翎同知官昕等藍翎餘升敘有差予禦賊被戕知縣琿恩綬外委馬中驥祭葬世職○予江南陣亡知縣松壽祭葬世職 癸丑

遣官祭

歷代帝王廟○諭軍機大臣等官文奏師久無功自請從重治罪等語前因德安武漢等處先後被賊蹂躪楊需西凌阿勦辦無功特授官文以督師重任該大臣總統師干自當隨機應變出奇制勝乃遽以調度無方自請治罪當此事機喫緊之時豈容置身事外朕於各路統兵大臣有功者不吝爵賞有罪者亦自有權衡該大臣惟當激勵士氣設法圍

攻以副委任豈得以請罪虛文為塞責耶現在興國大冶一帶賊援踵至據稱楊載福水軍僅能遏賊上游荆襄水路分歧宜防竄突即當杜絕外援力圖克復漢陽兼顧荆襄門戶並與胡林翼等謀勇兼施聲勢聯絡以期一鼓蕩平毋得觀望畏難致挫三軍銳氣將此由五百里諭令知之○甲寅

孝昭仁皇后忌辰遣官祭

景陵○諭內閣載齡奏差派並告假赴京各員

請嚴定逗遛處分等語

各陵差派並告假赴京各員自應如期銷差茲據該總兵查明在京逗遛各員竟有二十餘人之多實屬不成事體著各該衙門查照單開各員名迅速催令銷差回任以重職守嗣後因差及告假各員如有在京逗遛者著該部明定逾限處分即由守護

陵寢大臣會同該總兵查明參奏○又諭載齡奏請將管理

陵寢樹株官員定議勸懲章程等語

陵寢樹株向由內務府官員督率樹戶澆灌培養歷年回乾數目多寡不同難保無捏報之弊著照所請嗣後回乾樹株多寡應如何酌定章程將該員等分別議處獎敘之處著該部妥議具奏○諭軍機大臣等穆隆阿等奏遵旨挑選官兵一摺察哈爾應挑官兵據奏將曾經出師年壯技優者挑拔三千名於什巴爾泰博羅柴濟地方齊集再由穆隆阿親赴該處揀選二千名跟役兵三百名備調著照所擬辦理此項官兵為豫備勦匪之用務須一律精銳毋得以老弱充數總管約遜等四員既係出師得力之員著即交該總管侍衛等分別管帶勤加操練將來調遣時即著統帶前往所需馬匹准其於各扎薩克蒙古等捐輸馬匹內挑選臚壯馬二千三百匹應用其餘軍裝器械等件並著先期豫備齊全以免臨時貽誤將此諭令知之○乙卯諭內

閣英桂奏團勇擊散擒匪永城解圍一摺擒匪前偪歸德府城因見守禦尚嚴遂分股回竄皖境其圍永城之匪日久未解先經英桂調撥兵勇援勦鄉團聞官兵將至糾集五六千人裹糧助勦署永城縣知縣劉鴻昌守備張邦瑞同官紳人等從城內殺出與團勇內外夾攻生擒匪首劉五等五名奪獲器械無算城圍立解著英桂嚴飭在事將弁將本境餘匪悉力搜捕並一面飛咨鄭魁士迅勦殲

毫一帶直搗賊巢毋使滋蔓○諭軍機大臣等英桂奏永城解圍並現在布置情形一摺擒匪大股回竄皖境歸德情形較緩永城又已解圍徐宿兩軍自可毋庸赴豫所有皖境擒匪著責成鄭魁士等實力勦除其永蕭交界之李大喜一股業已敗回若碭山亦無賊蹤則傳振邦興慶等即應由江皖毗連處所進兵會勦不可徒防本境稍存畛域之見總以嚴扼北犯不使蹂躪完善之區為要現在

賊情總其巢穴正可驅令歸巢然後聚而殲旃庶不致匪蹤四出防勦難施英桂此次奏報布置情形均尚妥協徐宗幹於山東情形素為熟悉該撫既令駐劄劉家口即可激勵鄉團以資扼守昨已有旨嚴催崇恩帶兵赴曹單一帶嚴密布置著英桂傳諭徐宗幹與崇恩聯絡聲勢並將曹單一帶情形飛報英桂隨時具奏歸德附近小股匪徒即責成邱聯恩迅速勦辦一俟內患肅清即行進兵皖

境勦賊歸巢其西通開封之路即責成崇安嚴扼毋許鬆懈現調之直隸兵一千二百名山西兵一千名均已啟程不日即可到豫其陝甘兵二千名諒亦陸續進發英桂務當飭令由北路一帶節節進勦不可株守歸德至傳振邦以防守本境為詞鄭魁士又稱進勦懷遠是否遷延觀望抑遵邵燦和春等調度幸此時歸德可緩救援若仍前危急豈不貽誤大局著邵燦和春福濟查明具奏英桂既

督勦三省擒匪此後道路不致梗阻所有蘇
皖各鎮將仍應聽英桂調度以期事權歸一
毋致歧誤將此由六百里加緊諭知邵燦和
春福濟英桂並傳諭徐宗幹知之○以河南
永城縣解圍賞知縣劉鴻昌守備張邦瑞花
翎並升擢有差○丙辰遣官祭賢良祠○諭
內閣承志等奏查看金州地震情形一摺奉
天金州地方於上年十一月十二月間連次
地震以致城垣垛口有坍塌段落並震倒旗
民住房多間雖據奏稱均係散處各村屯一
二間至十數間不等並未大有損傷朕心實
深矜憫所有鑲黃等四旗界內震倒旗民各
戶住房五百六十餘間加恩著照例給與修
費仍著該署將軍等飭令該旗民地方官妥
為安置毋令遷徙失所惟該州地震既稱於
去歲十一月初三日起至十二月十二日止
何以遲遲至今始行入奏殊屬不知緩急此
後有無復震並毗連處所有無震壓情形之

處著即隨時奏聞以慰廑念○諭軍機大臣
等滿慶奏遵查廓番情形請暫緩統帥前進
一摺前因廓番投遞夷稟情似悔罪曾諭令
赫特賀滿慶查探確情妥為駕馭茲據滿慶
奏稱廓番因天朝命將出師中懷恐懼有罷
兵求和之意所調前藏土兵已經赫特賀飭
令截留未便愈張聲勢轉啟該夷疑慮且前
藏值達賴喇嘛回教事務較繁亦未能遽置
前往等語自係實在情形滿慶若准其暫緩
馳赴後藏惟夷情反覆無常仍著赫特賀確
加偵探如該夷果知畏懼願將占踞各地方
悉行退出並遵前次剖斷自應相機辦理以
息兵端儻該夷前遞稟函不過為緩兵之計
春融以後復肆猖獗則仍應懾以聲威使知
震懾以期就我範圍一切操縱機宜並著赫
特賀與滿慶函商斟酌熟籌妥辦毋得稍涉
疏率滿慶另摺奏藏臺防兵請就地招募等
語藏臺防兵募補章程著准照所擬各條暫

行變通辦理。俟軍務告竣後。或作為定例。或仍照舊章之處。由駐藏大臣具奏請旨。將此各諭令知之。○又諭。向榮奏截勦內竄賊匪。疊獲勝仗。並沿江竄匪聯絡堵剿。喫緊一摺。該逆自占踞倉頭嚴巷後。雖經官軍連日痛剿。而賊黨愈衆。復由沿江炭渚橋頭一帶。步步築壘。綿互洲地至百餘里之遠。斷非隨處設防所能堵截。覽所奏接仗情形。將士皆能用命。而洲地港汊紛歧。必須水陸夾擊。向榮所調怡良兵二千名。即著飛提赴營。派撥助剿。本日復諭。知何桂清於浙江防兵內酌量籌撥一千。或數百名。即可飭交鄧紹良等分投堵擊。總以力埽賊壘。使沿江之賊不能與瓜鎮句連。庶可杜其內犯。至黃泥洲賊匪。既自瓜州繞越竄出。瓜州賊營必已空虛。托明阿等。即不能杜其由江邊竄越之路。豈不能乘賊空虛。力圖克復。似此因循坐視。殊屬不知大局。著懷遵前旨。迅將瓜州賊巢剋日埽

除。以分南岸之勢。無得徒事遷延。自干咎戾。將此由六百里加緊各諭令知之。○又諭。逆匪自竄踞倉頭顧家壩等處。屢圖內犯。蘇常漸與下游瓜鎮竄出股匪。繞越通聯。近復探聞上游賊援。又有萬餘踵至。欲由石埠橋東流等處衝竄。而向榮一軍。除調往各路外。存營兵不過四千名。雖經向榮會商怡良於蘇省籌兵二千。更替扼剿。仍恐兵力不敷。賊勢日增。日衆。我兵愈分愈少。覽所奏情形。實屬萬分緊急。蘇常為浙省門戶。設有疏虞。何堪設想。著何桂清即於該省存兵及各路防兵內。籌撥勁旅千名。選派得力將弁管帶。迅速馳赴向榮軍營。聽候調遣。如該省之兵實係無可分撥。亦務須酌量緩急。通籌大局。調撥數百名前往。以資攻勦。而助聲援。將此由六百里加緊諭令知之。○予江南陣亡千總彭秀剛。把總董洪升。外委吳雲忠。祭葬世職。加等。○丁巳清明節。

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝靜康慈皇后暫安寢殿○遣官祭

孝德皇后殯宮○遣官祭

端慧皇太子園寢○諭內閣將肅遠孝順奏

勦辦匪徒克復府城一招貴州銅仁匪首徐廷杰連陷四府一廳臺經官兵撲勦收復思南松桃思州該匪尚在石阡及毛家寨等處屯聚候補同知王敬烈署餘慶縣知縣彭瀾帶兵進勦署知府黃培杰約齊團練奮力迎擊追抵石阡城下官兵踴躍齊登當將府城克復毛家寨匪黨望風而潰賊巢盡行焚毀惟時湖南兵勇越境會勦業已克復銅仁餘黨潰散著將肅遠等嚴飭各員弁迅速搜勦務將匪首徐廷杰毛大先等悉數擒獲以淨根株署石阡府知府黃培杰署石阡營都司陳定元均著開復革職處分並免其查辦遊擊鄂清於楚兵協勦銅仁時帶勇打仗七次隨同克復尚屬愧奮著免其查辦○予貴州陣亡舉人劉慶元賞卹加等

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十一

實錄卷一百九十一

三十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十二

敕修

咸豐六年丙辰三月戊午朔諭軍機大臣等

和春福濟奏鳳潁各屬徧地匪蹤未便飭令
官兵赴豫一摺昨因英桂奏稱擒匪大股回
皖境擒匪責成鄭魁士等勦除原以軍情變
幻靡常全在隨地隨時相機勦辦此時歸德
情形已緩而張樂行尚在雉河潁州鳳陽所
屬均被賊擾無賴之徒煽惑幾至十數萬之
多鄭魁士等兵勇伊興額等馬隊自應留皖
勦辦惟該匪飄忽靡定如鄭魁士等勦辦得

手。餘匪復竄豫境。或擾徐州。即當迅速追擊。與英桂所派之兵。並傳振邦等會合夾攻。何處緊急。即在何處堵剿。斷不可稍存畛域之見。致誤大局。現在匪勢蔓延皖境。粵匪既未肅清。擒匪又復肆擾。設或互相勾結。為患何可勝言。鄭魁士追勦懷遠匪徒。既獲大勝。著即飭令迅將該匪次第掃除。先清皖境。毋許延誤。將此由五百里諭令知之。○己未。

上幸萬壽山。詣

廣潤祠拈香。○諭軍機大臣等。托明阿等奏。滙陳嚴截賊援。緊攻瓜州情形一摺。瓜州逆賊自我軍築圍進逼以後。既已野無可掠。雖金陵南岸及下蜀街高資並六合儀徵等處。時有出竄。急應水陸並截。一面擣破巢穴。為聚殲之計。乃月來攻剿。不過小有斬獲。而瓜州賊匪竄出。與金陵賊黨相連。已於江中洲地。徧布營壘。逆猷方張。殊堪憤懣。昨已諭令托明阿等。乘該逆竄出。攻取瓜州。並與向榮

吉爾杭阿等。掃除江洲賊壘。絕其南北相連。著即設法辦理。毋得以該逆困守不出為詞。觀望遷延。自干重咎。再據翁同書條陳軍務。請扼要津。聯陸路。斷岸奸議火攻。增小船等五條。籌畫頗合機宜。著托明阿等即將該員所陳體察情形。採擇辦理。翁同書原片。著鈔給閱看。將此由六百里諭令知之。○又諭。前據葉名琛奏。續雇紅單船二十七隻。於十二月初一日啟程。茲據托明阿等奏。稱疊次催

提。杳無信息等語。現在瓜州一帶。堵剿喫緊。此項船隻。由粵赴洋。將及三月。如已駛至浙江甯波一帶。即著何桂清嚴飭管帶船隻之護參將李新明等。趕緊駛赴江南。聽候調遣。毋任沿途逗遛。致誤事機。將此由五百里諭令知之。○欽差大臣托明阿等奏。請以丁憂總兵官鞠殿華。留營守制。如所請行。○以吏部尚書花沙納。署正白旗滿洲都統。○盛京將軍奕湘。因病解任。調西安將軍慶祺。為盛

京將軍。以署江甯將軍福興。為西安將軍。仍留署任。幫辦江南軍務。正白旗滿洲都統薩迎阿。署西安將軍。○雲南布政使史致蕃因病解任。以貴州按察使桑春榮為雲南布政使。雲南巡東道潘楷為貴州按察使。○以克復安徽舒城縣城。並辦團出力。賞知州茅念劬。陳茶遊擊吉昌。都司祁全邦。守備彭明陞。康宗洛牛應宿。周勝。宋紹科。花翎千總何玉堂等。藍翎餘升敘有差。○予安徽陣亡防禦廣陞。外委楊大頁。祭葬世職。○庚申。諭內閣。永康等奏。

風水圍牆等工。錢糧過額。請飭查勘一摺。東陵風水圍牆等工。被水衝塌。情形較重。錢糧過額。著工部於今冬查收各工時。一併敬謹查勘具奏。○諭軍機大臣等。前據滿慶奏。廓番有求和之意。諭令赫特賀等速籌妥辦。茲據該大臣奏稱。噶布倫等查明。該夷實係畏罪乞和。其中並無虛偽。先行繕給檄諭等語。

廓爾喀與唐古忒等尋釁滋事。已逾一載。輒敢占踞地方。肆意要求。經該大臣派兵前往堵剿。宗喀等處。屢次獲勝。該夷震懾。兵威特差。番目乞和。將所控多收稅課。殺傷人命各款。遵照斷牌辦理。以完前案。此次所稟。既係實心乞和。即可乘其悔悟之機。妥為籌辦。以示羈縻。至廓爾喀短收稅課。阿乃銀錢一萬元。唐古忒按年補繳一節。據噶布倫查明。此項銀兩。為該夷應收之數。每年願由商上交

給承領。此項銀兩。雖出自商上。不致有傷國體。所恐該夷因此一事。以後更肆要求。著赫特賀等諭知該夷。告以此事。不敢陳奏。如爾國實心恭順。將所占地土。退還清楚。本大臣自必詳加覈算。諭令唐古忒遵依。使爾國得有裨益。如此辦法。將來該夷不敢再生枝節。方為妥善。赫特賀此次檄諭。於繳銀一節。並不提及。頗為得體。可俟噶布倫等稟覆情形。再行酌辦。駕馭外夷。固不可示之以弱。亦不

可過事拘泥。現在該夷乞和。雖難保其實係誠心。仍當暗中防備。然亦不可稍涉張皇。致該夷心懷疑慮。務在因勢利導。以期日久相安為要。川省毗連藏地。屢次諭令樂斌等籌辦。現在該夷既悔罪乞和。計日當可歲事。前調土兵。自可暫緩派往矣。將此由五百里各諭令知之。○補鑄廣東順德縣儒學條記。從巡撫柏貴請也。○給山東聊城茌平濟陽長清齊河五縣被水災民一月口糧。○辛酉。

上詣

大高殿行禮。○還宮。○諭軍機大臣等。景瀄奏遵飭挑備餘丁。定期啟程一摺。吉林挑備餘丁。前經諭令景瀄派赴山東曹州一帶。交崇恩調遣。茲據奏稱。前挑餘丁五百名。分作兩起。令佐領勝春等統帶。定於三月初七。初九日。啟程。並籌給軍裝器械等項。均著照所擬辦理。惟餘丁向無馬匹。自應速為籌撥。著承志。定福。於大凌河馬匹內。速行挑選。臚壯馬

五百匹。俟吉林所挑餘丁等行抵該處。即將馬匹按名發給乘騎。俾得迅速前進。毋稍遲誤。將此由五百里各諭令知之。○壬戌。諭內閣。駱秉章奏收復永明江華兩城。追賊疊勝。南路肅清一摺。湖南永明江華兩縣。為廣東廣西匪徒竄踞。經駱秉章密飭選用道王鑫。由彬州分軍援剿。署江藍廳同知顏培熹等兵勇。在永明之午田橋等處。擊賊獲勝。王鑫旋督大隊。馳往合剿。賊匪聞風潛遁。旋即收復縣城。王鑫等即移軍馳剿江華之江東埠毛坪等處。擊賊連勝。疊破城東賊營。進逼縣城。賊乘夜遁逃。我軍追殺無算。收復江華縣城。王鑫復率勇跟追。沿途殺賊千餘。此時湖南南境業已肅清。其零星竄匿餘匪。均被各屬紳團擒解正法。所辦尚屬妥協。選用道王鑫督勇剿賊。厥功最著。著以道員歸部。即選署江華縣知縣。任立誠。把總李貴芳。雖隨同收復縣城。究屬疏防於前。均著革職。以示薄

懲。○又諭駱秉章奏官軍援剿江西獲勝。並克復萍鄉縣城一摺。江西逆匪占踞袁州。竄入萍鄉。經駱秉章飭令劉長佑統領瀏陽等處官軍。由醴陵進剿。先後斃賊千餘名。奪獲礮械旗幟無數。縣城旋即克復。此次湖南官軍應援江西。兩路疊獲勝仗。克復縣城。實能不分畛域。勦辦尚屬得手。著駱秉章迅飭帶兵員弁。將萬載一路股匪次第殲除。進剿袁州。以圖克復。○諭軍機大臣等。本日據文煜

馳奏瓜州逆匪竄撲運河兩岸。將各營衝破。邵伯糧臺必應那移。又據翁同書奏鎮江賊匪渡江。越圍毀營各等語。覽奏實深焦急。托明阿等圍攻瓜州。師久無功。軍心懈弛。所築長圍本不足恃。致令賊匪合股渡江。將土橋烏塔溝各營衝踞。托明阿等西岸營盤均被焚毀。該大臣退守三岔河。而毛三元營盤被賊焚燒。陳金綬雷以誠兩營亦被衝踞。揚州軍營大局已壞。該大臣等貽誤之罪殊堪痛

恨。現在賊勢鴟張。亟宜嚴防北竄。本日已諭令吉爾杭阿派撥兵勇。由下游渡江迎頭截剿。並調水師於江面扼截。續來之匪。並諭邵燦嚴防清江一帶。伊興額德昌所帶馬隊官兵已諭英桂飭赴清江。並諭崇恩撥兵前來。均歸邵燦調遣。托明阿等著即收集潰兵。扼要堵剿。杜賊北竄之路。邵伯鎮糧臺距賊甚近。自應設法那移。著傳諭文煜相度情形。妥為安設。此時江北事機萬分喫緊。該大臣等

儻不知奮勉。力圖遏截賊鋒。國法具在。斷難倖邀寬宥。現在如何籌辦情形。著隨時馳奏。並知照邵燦吉爾杭阿相機截擊。毋得再事遷延。將此由六百里加緊諭知托明阿陳金綬雷以誠。並傳諭文煜知之。○又諭瓜鎮兩處逆賊偷越出竄。縱火焚燒。托明阿等營盤兵勇多有傷亡。托明阿一退再退。竟由三岔河暫駐秦家橋。陳金綬雷以誠毛三元各營盡被衝塌焚燒。此時大局已壞。不但揚城震

動。即清江一帶兵力過單。北竄可虞。托明阿等軍心敗散。即使收拾潰卒。亦難維持全局。著吉爾杭阿飛速挑撥精壯兵勇。派令得力大員統帶。由東路過江繞出賊前。遏其北竄。其沿江水師各礮船。亦恐托明阿等調度不及。著吉爾杭阿嚴督水營將弁。在瓜州江面力圖扼截。毋令該逆接踵而至。其鎮江攻勦事宜。仍著布置周密。勿稍疏虞。將此由六百里加緊諭令知之。○又諭。現在托明阿全營兵丁大半潰散。即使收集散亡。亦難復振。設淮安清江一帶稍有疏虞。大局何堪設想。邵燦兵練為數無多。難資堵遏。豫東兩省毗連江境。亟應分兵應援。所有伊興額等馬隊千名。本日已有旨飭令同至蒙亳。此時淮揚情形緊急。著英桂即飭伊興額、德昌帶兵即日飛馳。由徐州一路前赴淮揚。崇恩出省防勦。所謂各路官兵諒已到齊。著即酌撥勁旅迅速馳赴清江。淮安一帶力扼賊衝。均歸邵燦

調遣。並確探賊情。隨時馳奏。將此由六百里加緊各諭令知之。○又諭。瓜州逆匪被圍日久。突致衝出。大肆鴟張。托明阿等各營既毀。我軍失勢。此時賊勢蔓延。既向運河兩岸。則高郵邵伯一帶接連淮安清江。勢尤可虞。邵燦現權河督。駐守清江。亟應力籌堵禦之策。徐州捻匪未滅。傅振邦等防勦近日情形未識如何。尤須豫防逆匪乘勢勾連。本日已諭吉爾杭阿派兵由江東繞出賊前。力遏北竄。又令崇恩派兵前赴淮徐一帶。協同攔勦。其伊興額等所帶馬隊一千名。亦令英桂飭調前赴淮徐。交邵燦調遣。清江防守兵單。邵燦即速將伊興額等馬隊迎提。並催提山東派撥兵勇。相機調度。力保淮徐。即以扼賊北竄之路。將此由六百里加緊諭令知之。○又諭。文俊奏吉安失陷。撫建贛南危急情形一摺。吉安被圍日久。雖在事文武竭力堅守。卒以外援不至。賊勢猖獗。以致孤城淪陷。覽奏實

深憤恨。撫建二府密通寇氣。情形倍為喫重。該逆又復分黨。廣聚泰和。南窺贛境。且由永豐竄徧樂安。此時周鳳山堅扼樟鎮。彭玉麟堵禦上游。劉于瀉駐劄市汊。皆不過以防為勦。周汝筠之勇。既因潰敗回贛。遮克敦布一軍。亦僅能扼守崇樂要隘。若不嚴飭該遊擊等節節進勦。則我退而賊進。其勢必更蔓延。著曾國藩文俊。仍令周汝筠遮克敦布各勇。探賊所向。迅速迎擊。庶可轉敗為勝。本日已

另諭葉名琛等。揀調精兵五六千名。派委得力大員統帶。前赴江西應援。應由何處進兵。著文俊等催提前進。至臬司周玉衡。理問周恩慶遇害情形。著曾國藩文俊確查具奏。再降諭旨。其闔城文武如何下落。一併查奏。周玉衡之子周炎。所募贛勇二千。本為救援吉安。現因賊踞泰和。未能衝過。亦著曾國藩等飭令隨勦隨進。以期稍遏賊氣。將此由六百里加緊諭令知之。○又諭本日。文俊奏賊匪

攻陷吉安。現在分踞泰和。撫建贛南。均被震動。並稱據胡林翼咨武漢外援賊匪。被勦下竄。有五六千人。由大冶興國竄入江西等語。楚北賊黨。既分股回擾江境。北界義甯一帶。則武昌漢陽。逆匪無多。正當乘機進取。以擣其虛。官文統師進徧漢陽。已逾數月。大小數十戰。均有斬擒。前奏水陸攻勦情形。籌畫似有把握。胡林翼亦屢獲勝仗。著該大臣等激勵將士。迅克兩城。肅清江漢。為協勦江西之

計。若楚賊已經分出。而武漢收復尚稽時日。則我師處處受其牽掣。兵疲餉絀。腹地蔓延。該大臣等豈能辭咎。羅澤南一軍。最為驍勇善戰。前此楚疆危急。經曾國藩派往應援。現在江省如此喫重。該大臣等惟有迅圖克復武漢。則羅澤南一軍。即可回援江西。再原任巡撫江忠源。前奏軍務八條。除撤提鎮一條。可無庸議外。其餘各條。著該大臣等體察近日時勢。採擇辦理。原摺鈔給閱看。將此由六

百里諭令知之○又諭江西賊勢蔓延情形萬分喫緊必應厚集兵力以資進剿此時廣東省勦辦餘匪漸次肅清著葉名琛等即行挑選精兵五六十名配齊軍裝器械派委得力將弁迅速管帶啟程前赴江西聽候文俊調遣並著將官兵啟行日期先行具奏毋稍遲誤將此由六百里加緊諭令知之○又諭前有旨令已革左副都御史袁甲三隨同英桂勦辦河南捻匪現在該匪雖竄回皖境究未大受懲創自應厚集兵勇痛加勦洗惟招募壯勇勸約鄉團必須經理得人認真督辦方不至有名無實袁甲三籍隸河南諒已抵英桂軍營與該撫籌商一切事宜於堵剿擒匪能否得力著英桂察看具奏直隸山陝官兵業經啟程赴豫現在歸德並無匪蹤即當酌量派撥馳往皖境會剿不得株守一隅徒糜軍餉伊興額所帶馬隊千名據和春等奏已令馳援歸德此時擒匪回竄自應速飭回

至蒙毫一帶與鄭魁士等合力勦捕至道員張維翰帶兵失機並釋放張樂行之姪以致該匪藐視官軍大肆猖獗著該撫查明該員貽誤情形據實奏有人奏請設立勇營並陳辦法四條著鈔給英桂閱看將此由五百里諭令知之○以江西督糧道鄧仁瑩為按察使○以湖南永順桑植兩縣勦匪出力賞都司任元經花翎守備麻學道等藍翎餘升敘有差予禦賊淹斃湖南遊擊蔣培基祭葬卹廕○以江西吉安府城被賊竄陷革候補知府周汝筠職仍責令勦賊自效○予江西陣亡鹽大使沈鵬清千總林永崇把總童隨鵬劉得泰葉啟海蕭泰行劉永清嚴勝發王先發卓炳元外委余益隆龔湘賢童必探傅雪成張明揚祭葬世職生員向國佃等賞卹如例○癸亥

上耕藉詣

先農壇行禮更服至藉田所

躬耕三推。復加一推。

御觀耕臺。命鄭親王端華。肅親王華豐恭親王奕訢。兵部尚書周祖培。都察院左都御史文彩。吏部左侍郎瑞常。戶部左侍郎肅順。禮部右侍郎杜翹。刑部右侍郎國瑞。工部右侍郎基溥。通政使司副使湯修。大理寺少卿錢寶青。各九推。畢。順天府府尹率農夫終畝。賞賚農夫耆老如例。○詣

關帝廟拈香。○幸圓明園。○以協辦大學士

工部尚書彭蘊章為會試正考官。工部尚書全慶。都察院左都御史許乃普。內閣學士劉崐為副考官。○以兵部尚書周祖培兼署工部尚書。理藩院尚書聯順兼署工部尚書。都察院左都御史文彩兼署戶部尚書。戶部左侍郎朱嶠署都察院左都御史。○以御前大臣載垣署正紅旗漢軍都統。○命莊親王奕仁。土默特貝子德勒克色楞額在後扈大臣上行走。○甲子。諭內閣。托明阿奏瓜州逆匪撲

出自請治罪一摺。並另股逆賊竄入揚城等語。托明阿等督師江北。一載有餘。瓜州最爾鎮城。不能力圖攻克。已屬大負委任。乃此次逆匪突圍出撲。由土橋一帶分股亂竄。二月二十九三月初一兩日。遂致徐家集新集子薛家樓等地方。均有逆匪上竄。各路兵勇紛紛潰敗。揚州府城復被闖入。托明阿先事既不能嚴防。迨逆匪撲出。復不能力為扼截。雖經副都統德興阿督帶馬隊連日截殺。斃賊數千。而營盤連失。府城復陷。托明阿之調度無方。實堪痛恨。陳金綬雷以誠以幫辦大員。駐兵東岸。迨逆匪直撲三汊河營盤。並不派兵接應。現在退至何處。亦未與托明阿會合。均屬懼怯無能。厥咎甚重。托明阿雷以誠均著先行革職。陳金綬業經革職。所有三品頂帶。並著先行革去。聽候查辦。正白旗漢軍副都統德興阿著賞加都統銜。授為欽差大臣。並著詹事府少詹事翁同書幫辦軍務。先就

現存兵勇。擇要嚴扼。毋令該逆擾及清淮一帶。其由揚州旁竄之路。亦即分投堵剿。毋稍疏忽。至失守營盤之總兵松齡。參將毛三元。遊擊滿祿。協領奇成額。均著即行革職。仍留德興阿軍營。戴罪自效。儻再不知奮勉。即行嚴叅治罪。○諭軍機大臣等。托明阿奏逆匪分股竄撲揚州。復陷各等語。此時清淮下游。極關緊要。該大臣等亟宜扼要駐劄。嚴防北竄。我兵自潰散後。馬步兵勇數已無多。著德興阿等先就現有兵勇。與江浦等處調來兵勇。設法堵剿。務將該逆北犯之路。設法扼住。方可徐圖攻城之策。切不可專顧攻城。為賊牽掣。致令高寶一路稍有疏虞。本日已諭令吉爾杭阿。派兵由揚州東路。繞越北渡。抄出賊前。並調山東直隸陝西等處官兵。赴清江。交邵燦調遣。該大臣即與吉爾杭阿。邵燦會商。何處扼要。即由何處扼截。總期妥為布置。以固北路藩籬。陳金綬。雷以誠。現在何處。何

以東西兩岸聲息絕不相通。著即查明。據實具奏。綠營潰兵。亟應趕緊招集。現在陳金綬革職。何人可勝幫辦之任。著德興阿於帶兵大員中。酌保一員。候旨簡派。現在革職留營之參將毛三元。聞其尚得兵心。著該大臣責令隨同所保之員。收集潰兵。加意管帶。將此由六百里加緊諭令知之。○又諭前因文煜等奏報。瓜州賊匪。越圍竄擾。運河兩岸。當經諭令吉爾杭阿。派撥兵勇。渡江由東路繞出賊前截擊。現在揚州失守。賊眾均由鎮江等處糾合而來。志在北竄。清江現無重兵駐守。情形萬分喫重。著怡良。吉爾杭阿。遵照前旨。於鎮江軍營。挑選精壯兵勇。派委得力大員統帶。由通泰繞出賊前。嚴扼清淮一帶。以杜北竄。毋許稍涉遲緩。並著將派定統兵之員。速行具奏。至金陵鎮江沿江賊壘。仍著向榮。吉爾杭阿。督飭兵勇。實力攻剿。使該逆有所牽制。不致悉數北渡。其浦口等處。並著向榮

等飭令統帶師船各員。嚴密防範。是為至要。再曾望顏奏請雇火輪船。以清江面一摺。據稱火輪船船身高大。最為利用。若雇募四隻入江。必可將江內賊船。悉行掃蕩。惟赴粵雇募。須以江南士商報效為詞等語。此項火輪船。是否可期得力。著向榮怡良。吉爾杭阿。妥速籌商具奏。原摺著鈔給閱看。將此由六百里加緊各諭令知之。○又諭。瓜州逆賊糾合南岸匪黨。分股北竄。闖入揚州府城。淮徐情形。最為喫重。已派員撥兵。在清江一帶防堵。復恐該逆由天長滁州等處直竄臨淮。與徐宿捻匪互相勾結。為害更鉅。著和春。福濟。迅派得力大員。酌帶兵勇。扼守臨淮關。杜其北犯之路。臨淮關繫甚重。和春等將何員派往防堵。並一切布置情形。均著即行馳奏。將此由六百里加緊諭令知之。○又諭。現在揚城失守。雖據托明阿咨調兵勇。一面攻勦。一面飭文煜督帶練勇。在邵伯一帶扼要堵截。兵

勇單薄。恐難得力。清江為南北往來水陸要衝。實為北地門戶。邵燦所轄河漕弁兵。除分撥徐州勦辦捻匪外。為數無多。難資堵截。當此北路空虛。事宜先其所急。著桂良即將前派赴河南酌留在長垣防堵之官兵一千八百名。仍令羅玉斌管帶。星速馳赴清江。並著英桂將陝西前調赴豫省之駐防官兵一千名。俟迎提到防後。一併飭令前赴清江。其伊興額等所帶馬隊一千名。著英桂仍遵前旨。飛催前進。勿任逗遛。各該省所調官兵到後。俱著暫歸邵燦調遣。並著桂良。英桂。一面檄調各兵。一面飛咨邵燦。俾得隨時相機調度。勿稍遲延。將此由六百里加緊各諭令知之。○以勦辦廣西潯州艇匪獲勝。賞千總曾效忠花翎。勇目曾文剛藍翎。○以勦辦廣西梧州賊匪出力。賞在籍詹事府主簿陳登仕。把總許連陞。色圖魯名號。○以勦辦廣西梧州艇匪出力。賞副將蔣福長。總兵銜。副將訥蘇

肯遊擊李楊陞守備李春華劉松芳等花翎千總鄧青等藍翎餘升敘有差○予廣西陣亡訓導胡慶麟巡檢高秉楨祭葬世職○乙丑以廣東廣州韶州新會三水龍川各府縣神威助順加

關帝封號曰精誠

風神曰誠孚

雷神曰佑安○諭內閣曾國藩奏軍營保舉人員請准給封典等語曾國藩軍營節次保舉

各員選補尚無實缺自應先被光榮著援照羅澤南李續賓給予封典前旨准其擇保尤為出力者數員按照原保升階咨部給予封典毋許冒濫其有告假回籍者概不准給以示區別而勵戎行○諭軍機大臣等翁同書奏收集潰兵嚴杜北竄並派兵由揚州北路進剿一摺邵伯為清淮門戶現經翁同書與文煜劉營六牘口自可嚴扼北路要衝惟所集潰兵僅止千餘深恐難資堵剿陳金綬雷

以誠現已革職其所帶兵勇是否全在沙頭地方即著德興阿翁同書札調布置一面力扼上游一面相機進剿其秦家橋蔣王廟兩營及沙頭六牘兩處現存兵勇併計共有若干該大臣等於收集齊全後即行分撥防剿以期振作所請添兵赴邵伯之處前已有旨令吉爾杭阿飛速挑撥精壯兵勇派令得力大員統帶由東路過江繞出賊前迎頭截擊昨復降旨令怡良吉爾杭阿選派大員管帶兵勇由東路通泰等處繞出揚州之前計該督等接奉前旨當已趕緊籌派仍著怡良等迅速催趨前進並將派兵若干何員統帶先行馳奏將此由六百里各諭令知之○又諭寄諭湖廣總督官文等曾國藩文俊奏吉安失陷石逆久踞臨江南則窺伺贛州南安北則踞守武甯新昌賊勢蔓延全省幾徧周鳳山陸軍近日又遭挫折請飭羅澤南迅速移師來江援剿本日復據胡林翼奏現在春汎

初起賊舟難於閉藏。已定計力圖克復。儻一時未能得手。先以數千人赴援等語。所籌甚是。胡林翼如能於旬日之間。攻克武漢。則羅澤南一軍。即可同援江西。儻克復尚須時日。先行派兵分援。亦須仍由羅澤南等統帶前往。方能得力。該督等務當權其緩急。不可稍存畛域之見。致誤事機。將此由六百里諭令知之。○又諭。前因文俊奏報吉安失守。當經諭令葉名琛等撥兵五六千名。前赴江西。聽候調遣。本日據曾國藩文俊奏會籌各路堵剿情形。請飭廣東迅撥重兵。防守贛州一摺。逆賊石達開。胡以晄等。糾合各路匪徒。萃於江西。連陷瑞臨。袁吉。四郡。自攻陷吉安後。復分遣賊衆。攻圍贛州。該郡為江右雄鎮。稍有疏虞。後患不可勝言。惟該省賊衆兵單。實屬不敷。勦辦。自應亟為籌撥。著葉名琛。柏貴。遵照前旨。速行挑選精兵五六千名。派委得力將弁統帶。尅日馳赴贛州。相機堵剿。該郡待

援急迫。葉名琛等務須不分畛域。迅速派撥。毋稍遲誤。該官兵等啟程日期。並著先行馳奏。將此由六百里諭令知之。○又諭。承志書元奏。遵旨挑選官兵。聽候調遣。並請派員統帶一摺。此次所調官兵二千名。既據挑選齊全。器械軍裝。亦已豫備。著承志等仍勤加操練。一俟奉有諭旨。著派希拉布管帶一千名。其餘一千名。即著派協領奇凌阿管帶。分起啟程。應需整裝銀兩。著照所議辦理。將此諭令知之。○江甯布政使文煜奏。潰勇勾應賊匪。揚城失陷。得旨。潰勇勾結。以致揚城失守。實堪痛恨。若輩本不足恃。何雷以誠任用無疑。益思琦善之先見為不謬也。○以兩淮鹽運使何俊。為江蘇布政使。○以直隸天津鎮總兵官雙銳。為提督。大沽協副將安勇。為天津鎮總兵官。○以湖北水師遇賊失利。拔遊擊劉國斌。花翎。知縣陳元炳。藍翎。予陣亡。把總周華堂。祭葬世職。○予湖北陣亡千總彭

本餘黃錦雲把總譚光福蕭登高王運發外委李正友羅龍輔劉瓊茂周勝友谷世泰胡祥發彭有順曾昌熾祭葬世職○撥准海關銀二十萬兩解赴江南糧臺以備餉需○丙寅諭內閣英桂奏請動用部發寶鈔一摺著照所請准其於部頒用印寶鈔內就近撥用三十萬串以應軍需並著戶部照數補造頒發俟鈐用藩司印後仍由該省同前發餘贖寶鈔十萬串一併解部以符定款○又諭成善奏請飭催積欠生息銀兩等語永平府屬各州縣應解山海關鹽當生息銀兩積欠至一萬四千三十餘兩之多經歷任監督屢次行催延不清解實屬玩誤著桂良即行督飭該地方官趕緊清解務令埽數全完毋得再事延宕○諭軍機大臣等惠親王奏籌備軍糧一摺現在軍務未竣南漕缺額近畿糧價昂貴自應設法籌補以實倉儲盛京地方連年豐稔上年僧格林沁曾經派員前往勸捐

除提用外尚有贏餘著承志等先將現存捐款就近購買穀石雜糧並遴委廉幹人員勸導本地紳民無論銀錢穀米均可一律報捐所有收買及捐輸各項糧石著陸續由海運津起剝解交京倉存積該署將軍等務須悉心體察妥為辦理毋誤儲峙將此諭令知之○又諭熱河一帶地方連年豐稔糧價平減著柏葰體察情形實力勸諭紳民捐買糧米所收糧石著陸續運解京倉毋誤儲峙將此諭令知之○又諭近畿糧價騰貴南漕缺額軍儲所繫綦重亟應設法籌備直隸各屬固有偏災其完善之區連年尚屬豐稔著桂良督同所屬體察情形除被黃水浸灌及曾經被擾地方毋庸勸辦外餘著實力勸導紳民捐輸米穀所收糧石著於河間府一帶地方量擇嚴密處所妥為囤積以備應用將此諭令知之○又諭惠親王奏黃河險要請飭派大員勘查等語現在瑞麟慶祺於簡調新任

之後均應來京陛見。即可取道沿河履勘。著瑞麟由黃河南岸。慶祺由黃河北岸。分路繞行。均自潼關起。至黃河決口止。親歷河干。詳細察看形勢。將兩岸扼險對渡。以及附近鎮市集場。逐一繪繕明晰圖說。於到京之日呈覽。將此各諭令知之。○又諭。翁同書奏。駐兵邵伯。嚴扼北路。文煜奏。督飭練勇。扼堵沙頭各摺片。此時揚州西北一路。據托明阿奏報。潰兵歸隊者。已及過半。浦口等處暫調之兵。

亦已趕到。西北一帶。兵力稍集。著德興阿即督飭帶兵各員。實力截勦。務將該逆悉數擊回。勿使分竄之賊。再過大營以北。然後力圖攻克揚城。方有把握。至東北一帶。兵勇過單。六牆留兵。僅止七百餘名。沙頭練勇。又止四百餘名。雖經翁同書文煜多方激勵。誠恐難期得力。昨經疊降諭旨。令怡良吉爾杭阿。派兵由通泰一路。間道赴援。此項官兵。由東岸繞赴北面時。著德興阿。翁同書。相機分撥。應

勦應堵。妥為布置。至翁同書所稱量力防堵。不敢遽行分兵。所見甚是。但究係文員。恐未能帶隊接仗。著德興阿酌派得力將領一二員。前赴六牆。交翁同書調遣。至此次逆匪。越牆竄出。究係何人營盤先失。土橋一帶各營。是否陳金綬雷以誠駐兵之地。西岸官兵接仗。何以東岸並無一兵接應。雷以誠既退沙頭。又赴艇船。並將所撤之勇。撥往仙女鎮。陳金綬甚至杳無確耗。其退避情狀。實堪痛恨。

著德興阿。翁同書確切查明。據實奏。本日又據英桂奏。伊興額德昌所帶馬隊。仍請由江北糧臺支應等語。此項馬隊。昨已諭令由宿州馳回清江。交邵燦調遣。所需餉銀。自應仍歸文煜糧臺接濟。其豫省欠解銀六萬五千兩。並著文煜行催該省。趕緊籌解。毋致延誤。將此由六百里諭德興阿。翁同書。並傳諭文煜知之。○又諭。邵燦奏。揚營兵潰。請飭山東撥兵助勦一摺。前因瓜州逆匪。越圍撲擾。

運河兩岸。諭令崇恩酌撥勁旅。馳赴清淮一帶候調。茲據邵燦奏稱。清淮防禦極為喫緊。現在兵勇無多。不敷堵剿。著崇恩仍遵前旨。於該省前調各路官兵內。迅速挑選精壯兵丁一千名。派委得力將弁統帶。尅日馳赴清江。聽候邵燦調遣。毋許遲延貽誤。並將該官兵啟程日期。即行馳奏。將此由六百里諭令知之。○以前任吏部左侍郎張祥河署刑部左侍郎。○調陝西漢中鎮總兵官伊綿阿為

平定縣志卷之七

七

喀什噶爾換防總兵官。○以辦理甘肅官錢局官票有效。予知州李懷庚升銜。○予江西捕匪被戕縣丞趙泳。把總楊凱。祭葬世職。○丁卯。諭軍機大臣等。昨因惠親王奏黃河險要。請派大員勘查。諭令瑞麟慶祺分路自潼關起。至黃河決口止。親歷查勘。復思現在情形。蘭陽決口以下。最為緊要。著瑞麟慶祺改由蘭陽漫流處所。至山東境內。分路繞行。詳細履勘。凡由江南山路。湖路。至山東必經之

所。何處扼險。以及附近鎮市場集。逐一繪繕明晰圖說。於到京之日呈覽。所有前諭由潼關查至黃河決口之處。著毋庸議。將此由五百里各諭令知之。○又諭。前據德勝奏。遵調滿洲土默特官兵啟程赴東一摺。據稱土默特蒙古官兵五百名。既係屯田操練。並無拴養官馬。該署將軍自應備齊馬匹。令其遄行赴東。著德勝於綏遠城一帶。如數採買所需銀兩。飭令歸綏道鍾秀先行籌款。將馬匹陸續解往山東。勿誤要需。將此諭德勝。並傳諭鍾秀知之。○釋遣戍軍臺已革總督訥爾經額罪。交直隸總督桂良差遣委用。○以江蘇揚州府等處團練募勇出力。予知縣徐暢達。李輝德等。升敘補用有差。

平定縣志卷之七

七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十二

實錄卷之一百九十二

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十三

欽此

欽此

欽此

欽此

欽此

敕修

咸豐六年丙辰三月戊辰

孝賢純皇后忌辰遣官祭

裕陵○諭內閣向榮奏節次掃除顧家壩下蜀

街等處賊壘淨盡連獲大勝一摺金陵逆匪

大股外竄蔓延炭渚橋頭一帶經向榮飭總

兵張國樑等帶兵會剿連日破賊七壘焚斬

溺斃賊衆共四千餘名獲械數千現在下蜀

街橋頭炭渚一帶肅清總兵吳全美江長貴

等合攻蕪湖賊壘連日均有斬獲副將李德

麟帶領師船上勦大通之賊焚毀賊船數十

餘隻擊斃淹溺賊匪無算。沿江一帶賊黨掃除。現已駛回蕪湖扼剿。仍著向榮督飭張國樑等乘勝速將黃泥洲餘賊巢壘掃蕩。會勘高資一帶。務須扼斷該逆內竄各路。並飭總兵吳全美等水陸各軍。迅將蕪湖賊股殄除。毋再遲延。○又諭向榮等奏請將提督各員分別議處革職等語。前因金陵賊匪外竄。經向榮派令陝西提督鄧紹良總統諸軍。會同余萬清通籌剿辦。該提督偏執已見。調度乖方。復不能力圖截擊。以致賊蹤上下合併。迨該逆爭壘撲營。輒以兵單為詞。毫無布置。鄧紹良著拔去花翎。並交部議處。湖南守備劉加祥。於鄧紹良調回龍潭時。任聽兵勇晝夜撤退。營盤被賊竄踞。雖經張國樑虎嵩林督兵即時奪回。而該守備不遵調度。罪有應得。劉加祥著先行革職。責令戴罪剿賊。如再不奮勉。即著嚴叅治罪。○山西巡撫王慶雲奏查閱太原鎮屬營伍。得旨。通歲軍營。晉兵

頗不得力。汝此次尤應認真巡閱。勿得視為具文。○補鑄江南京口右司關防。右翼協領圖記。從欽差大臣向榮等請也。○予江南陣亡守備徐鎮海把總虎振崗祭葬世職。○己巳祭先蠶之神。皇后親詣行禮。○諭軍機大臣等。本日據文煜奏揚城逆匪竄撲萬福橋西岸。窺伺裏下河。督勇堵截獲勝。又據托明阿奏勦敗西北兩路分竄賊匪。並中途接仗獲勝各一摺。逆匪竄踞揚城。由便益門外紮陣東渡。在萬福橋西岸焚掠。雖經練勇擊退。而揚城迤東之霍家橋嚴家橋新馬頭等處。在在堪虞。存勇祇四百名。沙頭萬福橋兩營。勢極危險。薛家樓司徒廟七里甸等處。又為西北要道。並有逆賊數萬。豫備北竄。打通儀徵六合之說。托明阿等雖獲有勝仗。而逆勢猖獗。西北兩路及東路一帶。均應嚴密設防。杜其紛竄。托明阿

請調廬州舒城官兵二千赴揚協剿。現在皖省勦匪正在喫緊。恐難分撥。已諭令和春等飭催伊興額德昌迅帶馬隊千名馳回清江。其直隸官兵一千八百名。陝西調赴豫省之駐防官兵一千名。山東官兵一千名。均赴清江。著德興阿等選派統兵得力大員駐劄清江。會同邵燦以為揚州後路聲援。如揚城一帶情形緊要。必需馬隊方能得力。即可飛咨邵燦就近將伊興額德昌等所帶之兵調撥。現據向榮奏江北情形喫緊。派鄧紹良抽帶湖南乾鎮河兵七百五十名。凱勇五百名。由龍潭取道高資渡江。會合溫紹原之勇。由儀徵一帶進剿。並據吉爾杭阿奏調派廣東官兵八百名。虎勇三百名。由焦山渡江疾趨揚州。又據翁同書奏防堵邵伯之兵僅有七百余名。揚營潰兵僅截回四百餘名。不敷分布。近復盤獲奸細。至邵伯探路。有欲攻陷高郵之說。西路大軍阻於西南。東路兵勇數千。及

鎮江援師。除撥勇數百駐劄灣頭外。餘皆以防裏下河為名。距通北大路甚遠。並片奏請簡重臣會勦。或命邵燦帶兵扼守等語。已詳細批示。萬福橋為糧臺重地。邵伯為北路要衝。設有疏虞。關繫非細。德興阿節制全軍。翁同書亦係幫辦大員。此時逆匪紛竄。固當趕緊攻剿揚州。而萬福橋邵伯兩路兵力既單。尤應分兵往助。翁同書究係文員。該大臣務揀派得力武職大員前往協同防剿。仙女鎮兵勇為數尚多。該處距北路甚遠。即當飛速調派扼要堵截。萬不可以有用之兵置之無用之地。沙頭東岸各勇營盤據雷以誠等奏稱約有三千餘名。是否足資防堵。該大臣等總當統籌大局。嚴密分布。毋再疏虞。陳金綬雷以誠所奏各情。顯有捏飾。已於摺片內嚴切批示。著德興阿等仍遵前旨。查明參辦。毋稍徇隱。此次托明阿奏副都統富春總管西昌阿協領富明阿參將成明等連日扼剿身

先士卒。斬擒極多。著該大臣等查明據實保奏。將此由六百里加緊諭知德興阿。翁同書。並傳諭文煜知之。○又諭。和春。福濟。奏擒匪由豫回竄。皖境請截留馬隊一摺。前因揚州失守。清淮兵單。諭令英桂。飛催伊興額等所帶馬隊一千名。迅赴清江。歸邵燦調遣。以杜北竄門戶。本日據托明阿奏。揚州西北兩路各股賊匪。分撲秦家橋。蔣王廟。薛家樓等處。雖經官兵擊退。而司徒廟。七里甸一帶。均為衝要。堵剿宜加嚴密。並據文煜奏。逆賊竄撲萬福橋。窺伺裏下河。我兵竭力奮殺。該逆始敗回揚。該藩司等存勇僅止四百名。勢難堵遏。所奏危急情形。較之皖省擒匪。尤為緊要。伊興額等馬隊。自應仍調赴清江。為揚州後路接應。方能杜遏北竄。蒙城。宿州。各擒匪。已經鄭魁士等。連次獲勝。惟鄭魁士兵力尚單。著和春。福濟。於廬舒軍營中。酌量添撥精兵。以便乘勝擣其巢穴。並飭鄭魁士等。迅速殲

除。毋令蔓延。其伊興額。德昌。馬隊官兵。飛催迅赴清江。毋稍遲緩。至和春等片奏。請提淮安府庫存款錢八萬串。以充皖餉等語。此時清淮正當調兵喫緊之時。需用更繁。此款萬難移解皖省。王慶雲昨奏。籌銀五萬兩。委州吏目謝錫瑩管解。已於二月二十七日啟程。解往廬州大營交納。和春等即可遣員迎提。此後仍令該撫陸續協濟。藉資給發。將此由六百里加緊諭令知之。○又諭。前因山東防堵緊要。諭令奕山等。各將挑備餘丁。派員管帶。馳赴曹州一帶。交崇恩調遣。茲據奏稱。遵將前備挑黑龍江餘丁五百名。分作兩起。陸續啟程。惟餘丁乘騎該處馬匹。沿途恐有疲乏。著承志。定福。即將大凌河牧羣馬匹內。豫為籌備。俟黑龍江餘丁過境時。馬匹如有不堪乘騎者。量予替換。以利進行。將此諭令知之。○己革直隸提督陳金綬等奏。兵食不敷。久有解體之虞。得旨。軍餉不敷。各處皆然。安

徽軍營數月未得餉者。尚能屢殲逆衆。方之揚營。何啻天淵。又奏。托明阿退守沙頭。三汊河營盤旋。即失守。批。托明阿失律喪師。尚在彼急力挽回。不似汝等逃避無蹤。又奏。請飭部嚴催原撥淮關等處餉銀。解赴糧臺。又批。始終以兵餒餉缺。資為口實。雷以誠。何不自供平日簧鼓。以致軍心解體。近又因作賀生辰。漫無防範。又奏。吉爾杭阿派兵渡江助剿。現飭令暫劄沙頭。一俟到齊。即當相機進剿。又批。吉爾杭阿所派兵勇。專為救援揚城。今雖無及。自應迅催赴托明阿等軍營。何得擁為自衛。○幫辦軍務詹事府少詹事翁同書奏。潰兵追回無多。現在激勵民團。以遏北軍。得旨。所奏已悉。鎮江援師。及原有兵勇。除撥外。皆在裏下河。實皆雷以誠畏賊如虎。豫設三窟。現已屢有寄諭。令德興阿會汝查辦。朕看雷以誠昧良罔上。如果查實。必應明正典刑。斷不能念該員平日小有才。稍從末減。若

使該員幸逃顯戮。不但無以振軍心。朕亦何以策勵羣才耶。又奏。北路難以周防。請派重臣會剿。或命邵燦扼守邵伯。批。邵燦若前駐邵伯。不惟無益。必致政出多門。○兩江總督怡良等奏。喚夷司稅李泰國。呈請買辦火輪船。以備剿逆。現已密飭護上海道藍蔚雯。隨機駕馭。得旨。近有廷寄詢問汝等能否雇用夷船。實與此事無涉。惟該夷既有此呈。前事更應斟酌。勿墮其術中。豫杜患萌。○黑龍江將軍奕山奏。色棟阿病痊。願隨餘丁自備資斧。前赴軍營効力。得旨。巴棟阿著准其赴軍營。該員前著勞績。且非休致人員可比。著仍領副都統應得之項。免其自備資斧。○命乾清門頭等侍衛蘊秀。發往揚州軍營。交欽差大臣德興阿差委。○予江南陣亡知府世煜。參將祥林。祭葬世職。○辛未。諭軍機大臣等。廉兆綸奏。江省支郡疊陷。省城危急。請速飭救援一摺。前因文俊奏報吉安府城失陷。當

經諭令曾國藩文俊相機扼剿。並諭令葉名琛等撥兵五六十名。前赴江西。交文俊調遣。茲據廉兆綸奏。撫州進賢東鄉安仁。於二月二十三等日。相繼失守。是該逆已踰贛江而東。延及饒境。省城四面要害。悉為賊踞。文俊等前派遮克敦布林福祥兩軍。分援吉安撫州。何以不飛速前進。致賊勢愈形延蔓。遮克敦布等所帶兵勇。合之周鳳山彭玉麟劉于瀄等。水陸各軍。為數不少。著曾國藩文俊督飭該副將等。迅速擇要分投攻剿。克保省垣。毋得再事株守。致逆氛愈逼。愈近。無可措手。廣信饒州兩郡。為該省完善之區。未容再有疏失。廉兆綸所請援兵。現已諭令王懿德等。撥兵三四十名。何桂清酌撥兵勇。分投赴援。即著曾國藩等。飛催各該省援兵。分別由建昌廣信等處前進。既以保衛饒廣。即可援救省城。其饒廣各屬要隘。並著廉兆綸督飭耆齡等。就現有兵勇。實力堵禦。仍相機將安仁

縣城速圖克復。與省城聯絡聲勢。並將近日情形。隨時奏報。將此由六百里諭令知之。○又諭廉兆綸奏。逆匪自攻陷吉郡後。撫州進賢東鄉安仁。紛紛失陷。近復窺伺廣饒。江西省屬地方。所在隔絕。與省城聲息不通等語。江西毗連六省。匪勢如此披猖。設省城復有疏虞。東南大局。何堪設想。著王懿德呂佺孫於所屬各營汛內。就近調撥精兵三四十名。揀派得力大員管帶。迅速啟程。由建甯取道廣信。設法進攻。以通要路。而保省垣。至浙江之兵。除各路派防外。其節次調往江蘇安徽者。為數已屬不少。惟浙省與江省唇齒相依。周起濱現在帶兵駐劄衢州。著何桂清酌量緩急。迅飭該臬司就近進兵。由廣饒一帶援救江西。毋稍延緩。將此由六百里各諭令知之。○以辦理熱河礦務出力。予刑部候補主事龐際雲等。升叙有差。○壬申。諭內閣。都察院奏。河南紳士竇世銓等。呈訴捻匪焚掠茶

毒等情。皖豫捻匪擾及歸郡。已疊降嚴旨。命英桂督率江皖豫三省兵勇。並調撥直隸山陝各省官兵。赴豫迅速剿辦。現在匪眾竄回皖境。徐州等處亦未肅清。著英桂按照該紳士所訴受害各情節。嚴密訪查。迅籌進剿。以靖閭閻。○諭軍機大臣等。前因曾國藩等請飭羅澤南。回軍援救江西。並胡林翼奏請暫留羅澤南。俟旬日以後。再行派兵赴援。當經諭令官文。胡林翼。斟酌緩急辦理。現據廉兆綸馳奏。江西自吉安失守後。賊復於二月二十三等日。連陷撫州。進賢。東鄉。安仁。各郡縣。省城四面受敵。消息不通。請速撥官兵援救。並據何桂清奏報。江西省城。探聞現已被圍等語。江西壤地毗連六省。形勢極關緊要。現在逆勢猖獗。省城危急。設有疏虞。則東南大局。豈堪設想。此時籌撥援兵。計惟羅澤南一軍。馳赴省垣。庶危城可保。著官文。胡林翼。酌量情形。如武漢賊勢。實已窮蹙。即照胡林翼

前請。先派官兵數千名。馳援江西。令羅澤南暫緩啟程。以免功敗垂成。若武昌急難克復。則羅澤南雖留無益。而江西省垣。十分喫緊。即著官文等。飭令該員統帶原有兵勇。尅日啟程。回援江省。並設法迅速。馳赴南昌。毋稍遲緩。致誤事機。勇目詹啟綸。施紹恆等。所帶各勇。如此時正資攻剿。則仍留該大臣軍營調遣。儻不能得力。即著官文。飭令詹起倫等。將所有義勇。統帶前往河南。交英桂軍營。聽候差遣。將此由六百里諭令知之。○又諭。前諭令德興阿。翁同書。將此次首先失事營盤。及陳金綬。雷以誠。退避情形。查明參辦。復因該革員等。奏報各情。顯有捏飾。降旨諭令一併查叅。本日陳金綬。雷以誠。復具摺奏報。初六日雷鳳翥。禦賊獲勝各情節。即係前日文煜所奏之仗。惟據雷以誠。稱雷鳳翥獲勝後。文煜始回仙鎮。並未駐守本營。又稱文煜扣餉不發。以致兵心渙散。且有聞警先逃。調勇

回保眷屬情事。是否屬實。著德興阿。翁同書。即遵前旨。秉公密查。務將實在確情。據實具奏。至所稱揚營兵將勇怯情形。現在事機已失。惟有嚴扼北竄。力攻揚城。豈能再任東西隔絕。各顧一隅。陳金綬。雷以誠。業經革職。聽候查辦。所帶兵勇。即著該大臣。迅派大員接帶。以資攻剿。向榮。吉爾杭阿。派來赴援之兵。應如何分撥布置。亦著妥籌扼要處所。防剿兼施。嚴杜北竄。將此由六百里各諭令知之。

○又諭。本日據英桂奏。勦辦捻匪機宜。並遵調各兵。馳赴清江等語。現在蒙宿懷遠一帶。捻匪經鄭魁士。連次獲勝。可以漸就翦除。而匪首老巢。均在亳州。必得有重兵專力攻剿。方能絕其根株。惟遽令移兵亳境。又恐蒙宿等處零匪。糾合鳩張。著和春。福濟。迅飭鄭魁士。將蒙宿等處餘匪。悉力殲除。一路進攻。駐劄亳境。使該匪有所牽制。不敢遠出肆掠。豫省之兵。由北路進攻。該匪腹背受敵。方為得

策。至英桂所請另撥馬隊一千來豫助剿。俟近調綏遠城等處馬步隊官兵。行抵東省時。再行酌量緩急。請旨調撥。其伊興額等所帶馬隊一千名。著英桂仍遵前旨。迅催前赴清江。暫交邵燦調遣。將此由六百里各諭令知之。○兩江總督怡良等奏。遵查署布政使楊能格。辦理蘇省災歉。頗能覈實。惟與漕臣意見不符。致漕臣有辦理每多掣肘之奏。得旨。邵燦未免受入慫恿。惟處事尚公。而見事不明。○浙江巡撫何桂清奏。江西軍情緊急。擬飭新任布政使晏端書。前赴廣信一帶。籌辦防剿。浙江按察使慶廉。因本省防務喫緊。且有經手事件未完。均請暫緩陞見。從之。○以辦理順天府糧臺出力。賞道員林廷禧。花翎。餘升敘有差。○癸酉。諭內閣。前據御史李鶴年奏。請採買奉天米石一摺。經戶部議令該府尹等。酌議章程。勸辦捐輸。茲據承志等奏。稱奉天省。自上年續開捐輸以來。捐銀錢者

頗形踴躍。若又改令捐米。恐人懷觀望。轉無實濟。自係實在情形。著照所請。所有奉天現辦捐輸。仍著專收銀錢。毋庸並捐米石。以昭畫一。○又諭。托明阿奏請將玩視軍令之參將張維義等革職等語。甘肅平羅營參將張維義。經托明阿派往司徒廟一帶駐守。於賊匪出擾時。並不督兵堵截。竟率弁兵不戰而潰。甘肅花馬池參將陳昇。經托明阿派令招集潰兵。而兵丁已陸續歸伍。該參將竟不知去向。似此畏葸玩誤。僅予革職。不足蔽辜。張維義、陳昇均著革職等因。交德興阿審明情節。即行正法。以肅軍律。○諭軍機大臣等。前經疊諭德興阿、翁同書將瓜州首先失事營盤。並陳金綬、雷以誠有無退避捏飾情事。及雷以誠參奏文煜扣餉不發各情。查明具奏。本日復據托明阿奏。前因道途梗阻。與東岸消息不通。至初七日始探得陳金綬、雷以誠在萬福橋舟次。初八日官軍進攻揚城。逆勢

已屬不支。若東岸早有布置。於彼時派兵夾擊。則無難立時攻克。文煜於截留邵伯兵丁每名發給全餉一月。其在揚隨勦兵丁口糧。屢經催提。僅解到銀二萬四千兩。按名給發。祇數五六成之數。以致兵丁率多離揚就邵。兵力更單。未能進取等語。揚州東路兵勇為數不少。當托明阿等分投進攻之時。何以陳金綬等並不督兵夾擊。以致揚城尚稽克復。至兵丁口糧最關緊要。文煜總理糧臺。何以任意支發。多寡不均。著德興阿、翁同書將所奏等情。並前次疊飭查辦各情事。一併查明據實具奏。毋稍徇隱。再據托明阿奏。德興阿因連日力戰。致發嘔血舊疾。該大臣現已身為主帥。總統全軍。務須於奮勉之中。加以慎重。以副委任。將此由六百里諭令知之。○又諭。前因逆匪復陷揚城。竄向運河兩岸。節經諭令邵燦力籌扼要堵禦。本日據庚長奏。馳抵清江接印。並分籌南北兩路防禦情形。一

揭。清江距揚城較近。運河東西水路。可通蔣壩。淮安等處。現在瓜儀一帶。盡係賊巢。清淮一帶。兵勇無幾。其汙港紛歧。可通舟楫處所。在在可慮。庚長現已到任。所有清江防守事宜。責無旁貸。著會同邵燦。籌商堵禦機宜。凡清江以南。清江以北。水路要隘處所。均須妥為設防。不可稍涉大意。其徐州捻匪。尤須防其與逆匪乘勢勾結。嚴密盤查。是為至要。將此由六百里各諭令知之。○直隸總督桂良奏。磁州等處土匪滋事。現飭查拏。得旨。著速行查辦。不可任其蔓延。○以勦截江南揚州賊匪出力。賞總管西昌阿。協領烏爾恭額。巴圖魯名號。協領巴林保。總管海全。副都統銜。○予江南陣亡協領奇成額。祭葬世職。○甲戌。

上幸靜明園。詣

龍神廟。

仁育宮。拈香。○以大理寺卿和潤。署刑部右

侍郎。○以鑲白旗護軍統領玉明。署鑲紅旗滿洲副都統。正紅旗滿洲副都統。侍順。署正藍旗護軍統領。○署直隸提督雙銳。丁母憂。命回京穿孝。以鑲紅旗滿洲副都統國瑞。暫署直隸提督。○加賑山東。河澤。濮范。陽穀。壽張。城武。定陶。鉅野。鄆城。肥城。東阿。東平。平陰。齊東。臨邑。禹城。十六州縣。及屯坐各衛。被水災民。一月口糧。○乙亥。

上詣

安佑宮行禮。○諭內閣。恆春。將肅遠奏。特參督辦不力之道員。請旨懲辦。一摺。貴州貴東道承齡。查辦清水江一帶匪徒。有苗教各匪。徑趨紅巖渡口。分股抄出兵練之後。以致兵練驚潰。退劄貓場。實屬調度無方。承齡著即革職。仍留營效力。以觀後效。○又諭。恆春奏。請將不能約束練勇之統兵官。先行革職。一摺。雲南昭通鎮標遊擊申有謀。於所統練丁。不能約束。致令於經過地方。逞兇滋擾。傷斃人

命。若不從嚴懲辦。何以肅紀律而靖閭閻。申有謀者先行革職。摘去頂帶。暫留本任。以觀後效。所有滋事之練丁。並飭令迅速查明。即行正法。以昭炯戒。○又諭。蔣肅遠奏。司道各府年終考語。請展限具奏一摺。各省督撫。每屆年終。將所屬司道等。出具考語。密行陳奏。甄覈所屬。吏治攸關。即使該省現在辦理軍務。道府率多署任。而於現任司道各員。平日居官政績。儘可隨時考察。繕摺密陳。何得以軍務未竣。遽行展限。所請著不准行。○又諭。蔣肅遠。孝順奏。勦辦思南石阡餘匪。生擒匪首一摺。貴州思南石阡二府。前經官軍克復。後匪首毛大先等。尚竄逃未獲。正月二十等日。署知府福奎等。於邵家橋等處。勦賊踏毀賊營三座。先後斃賊一千八百餘名。共生擒二百四十餘名。內有偽將軍李春貴等十三名。奪獲礮械甚多。其龍泉縣桶口之匪。經署知縣陳世鑣等。於正月十九等日。勦斃五百

餘名。生擒偽將軍李老七等十八名。偽先鋒謝池澄等二十八名。嗣匪首毛大先竄至江陽溝一帶地方。經候補同知王敬烈等。管帶兵練往勦。將毛大先及攻破思南之逆匪楊斗洪等四人。一併擒獲。奪獲旗幟礮械多件。又捕得攻陷石阡之逆匪李春等八名。俱分別正法。現在該處匪黨。改悔投誠者已六七千人。惟銅仁匪首徐廷杰。是否業經殲斃。仍著蔣肅遠等嚴飭在事員弁。迅速追捕。以清餘孽。○諭軍機大臣等。本日據陳金綬。雷以誠奏。江南兵勇到齊。駐劄灣頭。圖攻揚州一摺。又片奏。托明阿不察虛實。謂東岸並無兵勇。請飭訪查等語。現在向榮。吉爾杭阿。所派兵勇。均已渡江助勦。陳金綬等。令鄧紹良。與張翊國。均駐灣頭。並派勇分駐黃泥溝等處。布置所稱。邵伯為東北後路。無庸留兵。該處為糧臺重地。亦難漫無防範。至因兵力尚單。飛咨向榮。吉爾杭阿。再添精兵渡江助勦。一

節金陵鎮江防勦。亦屬喫緊。業經派撥二千餘名來揚協勦。若再行添調。該處兵力愈形單弱。勦辦豈能應手。著德興阿等查看情形。如兵勇不敷分布。即飛咨邵燦庚長。將伊興額等馬隊。及現調之直隸陝西山東各官兵內。酌量分撥。以期助勦留防。兩無貽誤。至所稱此次各勇。尚知畏懼。未敢擅退。托明阿遠在西路。不察虛實。竟謂東岸並無兵勇。以致請領口糧。文煜據托明阿行知。僅發錢三千串等語。瓜州逆匪竄撲運河兩岸。衝破營盤。疊據文煜托明阿先後具奏。何以陳金綬雷以誠奏稱西岸各營全被賊毀。東岸勉力支持。並未一律潰散。賊撲三汊河營盤。該革員等並未派兵接應。全行退至沙頭。此等情形。與潰散何異。如果平時軍律嚴明。何至遇賊輒退。著該大臣等將所奏各情。秉公查明。據實具奏。正在寄諭間。據翁同書馳奏。揚城業已克復。又據托明阿奏。金陵逆賊數千。直撲

江浦。縣城旋即失陷。各一摺。現經托明阿派撥兵勇。即飭鄧紹良武慶迅圖克復城池。及水師扼截江面。杜賊續竄之路。逆匪現在逃往何處。該大臣務即偵探明確。迅速兜擊。毋令肆行奔突。惟江浦毗連皖境。深慮該逆意圖北竄。已諭令和春福濟派撥官兵。馳往堵截。並諭邵燦庚長探明賊蹤。相機防勦。所有揚州之賊。竄往何路。武慶之兵。曾否接仗。及該縣文武下落。均著確切查明。迅速具奏。翁同書謝恩摺內。滙陳各情。覽奏已悉。該少詹事已有旨幫辦軍務。即責無旁貸。惟當與德興阿協力同心。勉圖振作。毋得畏難自阻。豫存推諉之見。致負委任。將此由六百里加緊諭令知之。○又諭。昨因清淮一帶防務喫緊。諭令邵燦庚長會商堵禦機宜。於清江南北水陸要隘。均須妥為設防。本日據托明阿馳奏。六合縣溫紹原稟報。金陵逆匪數千。於初十日。直撲江浦縣城。兵勇接仗。因眾寡不敵。

旋即失陷。雖已據托明阿。移咨鄧紹良帶兵赴江浦勦辦。復分派將領駐兵六合儀徵等處扼要堵截。惟賊勢蔓延。彼猖已極。北竄甚屬可虞。且恐與徐州捻匪勾結。辦理更形棘手。前疊諭催令伊興額等馬隊並直隸山東陝西官兵。迅赴清江。此時諒已陸續可到。著邵燦等即會商調遣。探明賊蹤所在。何處喫緊。即往何處策應。斷不可專以防守清江為重。稍事拘泥。致滋貽誤。再本日又據翁同書奏。揚城已於十三日克復。惟此股賊匪竄往何處。尚未具奏。並著邵燦等迅即確探情形。相機堵剿。隨時奏報。以慰廑念。將此由六百里加緊諭令知之。○又諭托明阿奏江浦失陷。並翁同書奏揚城克復各一摺。揚州於十三日攻克。其詳悉情形。尚未據德興阿奏到。而江浦被陷。係初十日事。據稱由金陵出賊數千。我兵衆寡不敵。以致縣城失事。江浦地連皖境。不但和州含山一帶。賊蹤恐被勾結。

若該逆竟從滁州天長等處衝突。則北竄大有可慮。且天長緊接揚州。亦恐其與瓜揚逆黨竄合。致勦辦更形掣肘。此時惟有由廬舒揀撥勁旅。以資堵截。本日已據托明阿奏。令鄧紹良前往赴剿。並飛咨和春等抽撥官兵二千名。及吉連步隊會勦等語。著和春福濟迅即就近選派精兵。委令得力統兵大員管帶。探明賊蹤。馳往江浦毗連之地。極力遏其北竄。使逆匪不至蔓延肆擾。其臨淮正陽各關隘。均為北路要途。並著節節嚴密布置。該提督等斷不可稍分畛域。仍以無兵可調為詞。致誤大局。自干重咎。將此由六百里加緊諭令知之。○以鑲黃旗護軍統領熙拉布署火器營事。兵部左侍郎載堪署管寶坻等四處官兵事務。○以浙江捐輸軍餉。再永廣鄉試中額二名。餘姚縣學額三名。山陰會稽三縣各一名。永廣商學八名。慈谿縣十名。歸安烏程三縣各六名。平湖縣五名。秀水鄞二縣

各三名。鎮海縣二名。海甯嘉興嘉善石門。長興。德興。諸暨。嵊。西安。永嘉。十州縣各一名。○以截拏江蘇上海餘匪出力。予署布政使楊能格議敘。○以勦辦雲南彌勒縣匪徒出力。賞千總張明等藍翎。餘升補有差。○予貴州陣亡千總潘玉春。岳奇斌。楊金寶。把總唐見龍。段成林。董定國。張躍龍。毛飛鵬。外委史尚義。祭葬世職。拔貢生蕭錫桂等賞卹如例。○丙子。諭內閣。步軍統領衙門。奏直隸民人焦攀龍。以書吏勒加地丁。照舊徵銀解鈔。從中漁利等詞。赴該衙門呈控。各省完納錢糧。均准搭交鈔票。前已疊降諭旨。令各督撫出示曉諭。按成收納。不准不肖官吏。漁利蒙混。茲據該民人。控訴直隸祁州書吏王飛鴻等。勒加地丁銀兩。復又重徵。仍徵銀解鈔。從中漁利。反將張來福等責押。外省鈔票不甚通行。實由於不肖官吏。徵銀於民。易鈔於官。以致民間置鈔票於無用。似此骫法殃民。必應徹

底根究。從嚴懲辦。著桂良親提嚴訊。按律定擬。○又諭。向榮奏官軍攻毀賊壘。南岸肅清一摺。總兵張國樑。於埽蕩高資。及黃泥洲一帶賊壘。後探知三汊河各壘賊匪。因被勦緊急。意圖奔竄。當即知會總兵德安等。帶兵要截。並派令副將秦如虎等。分投設伏。本月初五日。該逆乘雨棄壘竄逸。秦如虎會同德安等。由仙鶴門截殺。張國樑親督大隊。腹背夾擊。斃賊甚多。沿江賊壘。盡行燒毀。南岸一律肅清。在事員弁。踴躍用命。奮勇可嘉。著向榮擇其尤為出力者。併案保奏。候朕施恩。○諭軍機大臣等。昨據托明阿奏。金陵賊匪撲陷江浦縣城。本日據向榮奏。攻勦三汊河棲霞石埠橋一帶賊壘。踏毀南岸肅清。聞賊船多隻。於初十日由上河新江口登岸。竄撲江浦。援軍不及。城池失陷。十二日探報浦口又有失守之信。已檄張國樑。督同李發榮。蔡應龍。各兵勇二千四百名。前往攻勦。昨聞托明阿

奏報有飛咨鄧紹良馳往會同武慶克復之語。現在鄧紹良等甫經攻克揚城。於城外寶塔灣等處扼要駐守。正當令鄧紹良移得勝之師。將桂花莊三汊河各賊營次第攻剿。以圖進取。鄧紹良著仍留揚州助剿。毋庸前往江浦。至江浦地處要途。武慶係在浦口督辦大員。是否接仗失利。抑或先期退避。所有失事各情。及文武下落。仍著德興阿等確查具奏。昨已諭令和春等迅速添撥精兵。遏賊北竄。今金陵南岸官軍疊次得手。若江浦浦口不即攻復。設有蔓延。不但天長。滁和。含山。均可衝突。且慮與瓜賊北岸通聯。向榮既已派張國樑往援。德興阿身為統帥。仍當南北兼籌。水陸並扼。飭令水營將弁。於沿江一帶通達浦口之路。實力堵禦。無任蔓延。將此由六百里加緊諭令知之。○又諭。昨因江浦失陷。賊勢蔓延。諭令邵燦等探明賊蹤所在。何處緊要。即撥兵策應。本日據庚長奏。徐州剿匪

獲勝。並清淮守禦情形。所稱徐州賊匪屢受懲創。必糾合大股。意圖復逞。擬俟奉派兵到。酌撥一旅赴徐。自為會合兜剿之計。惟疊諭直隸山東等省。迅派官兵。馳赴清江。原為高寶清淮最關緊要。必須重兵駐守。以資防剿。若撥赴徐州。則揚州後路仍屬兵單。現在揚城雖已克復。而此股賊匪竄往何處。尚未據德興阿等具奏。況江浦失陷。北竄更屬可虞。邵燦等仍當遵奉前旨。相機堵剿。所有伊興額等馬隊。及直隸等省官兵到時。應調何處。仍當酌量緩急。奏明請旨。一面仍嚴飭傅振邦等。就現有兵勇竭力勦辦。不得守候容兵。轉致遷延時日。至徐州捻匪被剿後。現竄何處。並著該漕督等確探情形。隨時奏報。將此由六百里諭令知之。○禮部以宗室會試中額請得旨。取中二名。○欽差大臣德興阿奏。報祇領關防日期得旨。汝忠誠勇敢。朕甚嘉悅。惟既為統帥。總以事料機先為要務。打仗

衝鋒自有將佐。雖滿洲舊俗。以不能奮勇為恥。要不作無謀之勇也。○以吏部尚書花沙納兼署戶部尚書。工部右侍郎基溥署都察院左都御史。○以正紅旗滿洲都統仁壽署鑲白旗漢軍都統。○以翰林院侍讀戴肅充日講起居注官。翰林院侍讀學士沈桂芬著日講起居注官。○丁丑。諭內閣駱秉章奏請飭催實任揀發各員迅速來楚。並查明改捐員數。補行揀發一摺。湖南省部選及揀發人員。到省者甚屬寥寥。該省防剿喫緊。差委之人。豈容任意遷延。著吏部查明單開各員。催令迅速依限赴楚。如有無故逗遛者。即照例叅辦。其上屆揀發湖南各員。著查明改捐指省員數。在於候選人員內。另行如數揀發。帶領引見。候旨發往。○又諭德興阿等奏。截剿竄匪收復揚城一摺。逆賊竄踞揚城後。因官軍疊次痛剿。亟思竄逸。向薛家樓一帶繞撲。德興阿親督西昌阿等馬步各隊分路迎擊。

直搗中堅。轉戰多時。賊勢披靡。回遁。惟時城內逆賊紛紛出城接應。當派富春等帶隊馳往附城左近。斷賊歸路。其竄回賊衆。經官軍斬殺大半。鞠殿華等進城。擒餘匪。即將郡城收復。此次揚城失陷。雖經官軍即時克復。而賊蹤尚在附近。各鄉莊藏匿隱伏。著德興阿等督飭將弁。設法殲剿。毋稍延緩。○又諭。胡林翼奏。道員力戰受傷。殞命。懇恩加等賜卹等語。布政使銜浙江甯紹台道羅澤南。以在籍生員。倡率生徒。辦理團練。嗣因楚省賊氛猖獗。率其鄉人自效。戎行轉戰。湖南江西湖北等省。大小二百餘戰。克城二十。朕嘉其忠義奮發。屢著偉績。由訓導超擢道員。加布政使銜。方冀其攻復武漢。殄滅逆氛。克膺懋賞。茲因攻勦武昌。乘勝追賊。直徇城下。受傷殞命。覽奏之餘。深堪憫惻。羅澤南著加恩照巡撫陣亡例。賜卹。伊父羅嘉旦著賞加頭品頂帶。伊子羅兆作羅兆升均著賞給舉人。一

體會試以示朕懷恤蓋臣至意並著於湖南本籍及湖北江西地方建立專祠其湘鄉縣士民弁勇打仗陣亡者著一併附入羅澤南本籍專祠以慰忠魂尋予祭葬世職謚忠節○諭軍機大臣等德興阿等奏截剿竄賊收復揚州一摺揚城業經收復而官兵為數尚少未能兼顧守禦賊蹤距蔣王廟仍不過里許大營三面受敵鄧紹良援師現駐灣頭自應移緩就急先行馳赴大營協力助剿始可制勝該提督久經戰陣熟悉賊情自必能操勝算即著與德興阿等統籌全局何處情形喫緊即當撥兵前往堵剿前調山東兵一千名及伊興額等馬隊一千名計此時可抵清江著德興阿等行知邵燦庚長迅調來揚將薛家樓三汊河一帶賊黨次第剿除陳金綬雷以誠所帶兵勇前已諭令德興阿另派大員接管如尚未委派有人著暫令陳金綬雷以誠在萬福橋等處駐劄托明阿並著留於

德興阿軍營效力以贖前愆再昨據陳金綬雷以誠奏稱攻剿獲勝會同鄧紹良收復揚城各情與本日德興阿等奏報所稱城內各門未見他處兵勇接應之語情節不符著德興阿等與前次交查各件一併查明具奏原摺著鈔給閱看將此由六百里加緊諭令知之○又諭怡良吉爾杭阿奏喫夷呈稱福州商船一隻裝茶出口僅完稅銀一千七百兩自設關以來徵收茶稅每擔一兩五錢或不及一兩較之上海大有區別又甯波關毫不稽查全無稅則運米出洋亦不阻止數月以來上海各船皆係空出關稅必致短絀請檢查上年底帳按數扣還留抵各稅否則暫准仿照福州關茶稅酌減等語各口關稅自應畫一徵收如果福州關短價招徠任聽偷漏甯波關於米糧貨物出洋漫無稽查不但上海關稅立見短絀且恐墮該夷減稅之計況運米出洋尤干例禁著有鳳王懿德何桂清

嚴密確查。各該省徵收關稅。是否有偷漏等弊。與上海關稅。何以互有參差。糧米出洋。何以不行禁止。夷情詭譎。亦難保非藉詞尋釁。該將軍督撫等務。即按照所奏各情。詳細查明。據實具奏。原片著鈔給閱看。將此各諭令知之。○命陝西提督鄧紹良。在欽差大臣德興阿軍營。幫辦軍務。○予湖北陣亡外委陳達清。曾玉蘭。唐訓得。祭葬世職加等。文童鍾近衡。鍾楚池。王嶽峯。祭葬世職。如從九品例。○予江南陣亡佐領賡善。萬清。廣慶。防禦雙永。椿齡。圖敏。秦善成。留貴。驍騎校恆秀。雲騎尉春祥。委前鋒校陞興。祭葬世職。○緩徵湖南省節年民欠額賦。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十四

纂修總纂官臣徐恩臣等奉 上諭 纂修實錄 著徐恩臣等纂修 欽此

纂修總纂官臣徐恩臣等奉 上諭 纂修實錄 著徐恩臣等纂修 欽此

纂修總纂官臣徐恩臣等奉 上諭 纂修實錄 著徐恩臣等纂修 欽此

纂修總纂官臣徐恩臣等奉 上諭 纂修實錄 著徐恩臣等纂修 欽此

纂修總纂官臣徐恩臣等奉 上諭 纂修實錄 著徐恩臣等纂修 欽此

敕修

咸豐六年丙辰三月戊寅

上御含輝樓。閱侍衛等騎射。至辛巳皆如之。○
諭內閣。德興阿奏。浦口失事情形。現籌會剿
等語。浦口為江北要衝。逆賊大股分撲。總兵
武慶駐守日久。屢著戰功。此次由江浦撤兵。
盡力迎剿。雖因眾寡不敵。以致失利。究屬疏
防。咎有難辭。武慶著革職留任。以示薄懲。現
經德興阿派令穆克登額帶領馬隊馳往六
合。與向榮所派總兵張國樑等兵赴浦救援。
仍著德興阿督飭武慶等會合進剿。迅圖克

復。○諭軍機大臣等。何桂清奏。江西軍情緊
急。現籌防剿事宜。並廉兆綸奏。信饒危急。各
一摺。該逆因我軍扼守貴溪。分竄餘干。萬年。
樂平。德興等縣。並由撫州分股。於二月二十
八日。攻陷建昌郡城。賊勢蔓延。朕心實深焦
灼。何桂清所稱株守邊防。不如進援鄰境。自
宜如此辦理。廉兆綸請飭浙省兵勇由玉山
前進。先保廣信。以通省垣及饒州之路。亦為
急援要著。該撫現已飭饒廷選統帶閩兵駐
常山曹城一帶。調富勒興阿統帶衢州兵勇。
堵禦開化白沙關一帶。固足以保浙省門戶。
並著飛催各路官軍到齊。即速由玉山直出
廣信。節節進剿。前有旨令王懿德等迅撥精
兵三四十人。由建甯取道廣信。並據向榮吉
爾杭阿奏。抽派秦如虎。虎坤元等帶精銳兵
勇一千名。由浙赴援。廉兆綸仍當激勵民團。
藉資鎮壓。至江西省城。聞有被圍之信。現在
賊氛阻梗。著廉兆綸設法繞路。詢悉省垣消

息。並著何桂清派員偵探近日情形。飛速奏報。以慰廑念。前吏部侍郎萬青藜籍隸江西。人地較為熟悉。所有三衢廣饒一路防勦事宜。即著該侍郎會同晏端書督飭將弁相機勦辦。將此由六百里加緊各諭令知之。○又諭江西自臨江。瑞州。袁州。吉安。失守後。賊勢日益披猖。據廉兆綸。何桂清先後馳奏。該逆復於二月二十三等日。攻陷撫州府城。並連陷進賢。豐城。東鄉。安仁等縣。有分股圍攻省城之信。周鳳山在樟樹鎮堵勦。聞有挫失。羅澤南一軍。本令俟克復武昌。即行返旆回援江西。乃昨據胡林翼奏。該道竟於初二日偪賊城下。額中槍傷。旋即身歿。江西情形危急已極。必須急集援師。劉長佑之軍。雖經收復萍鄉。而萬載一帶。賊匪尚多。恐難直抵袁州。閩廣浙江應援之兵。調撥亦需時日。因思湖南南境。業已肅清。選用道王鑫帶勇素稱得力。著駱秉章添撥兵勇。飭令該員由茶陵州

進勦蓮花廳吉安府一帶。以為劉長佑後路策應。降調湖北藩司夏廷樾。因病告假。聞在長沙就醫。業已痊愈。前郴州知州朱孫詒。丁憂後尚在湖南省。該二員均籍隸江西。若令協帶兵勇赴援。能否得力。並著駱秉章查明具奏。將此由六百里諭令知之。○又諭和春等奏遵旨布置臨淮防堵。並籌勦捻匪一摺。據稱扼守臨淮。與攻勦懷遠。實可聯絡一氣。該提督等已令總兵珠克登。郝光甲。帶陝甘兵二千餘名。與遊擊俞應彪等懷遠各營。及張光第等併為一軍。現在鄭魁士受傷甚重。塔思哈。徐曉峯等不知下落。捻匪勢甚囂張。我兵僅約千人。而匪眾已逾數萬。雖已令英桂催督前隊迅擣雉河集。並諭該撫親自越境督勦。惟鄭魁士所統之軍。已經失利。該總兵瘡傷未愈。須派得力大員協同統帶。著和春。福濟。於珠克登。郝光甲內揀派一員。酌分兵力。前赴懷遠。該處與臨淮關隘相距甚近。

既可壯北路藩籬並可攻勦擒匪以遏兇鋒
所請借撥南河道庫銀二萬兩已諭庚長如
數撥解該提督等即可派員迎提以資支給
至參將塔思哈等如何下落並著和春福濟
查明具奏將此由六百里加緊諭令知之○
又諭本日據和春福濟奏遵派大員帶兵赴
臨淮防勦並請飭令英桂急攻雒河集賊巢
一摺皖境匪勢披猖亟應厚集兵力迅圖殄
滅英桂前奏各路勦匪均尚得手正宜乘勝
督兵自北而南節節進勦雒河集為該匪老
巢若我兵直抵該處奮力進攻必可以牽制
賊勢英桂督辦三省勦匪事務責無旁貸著
即馳赴皖豫交界處所扼要駐劄就近調度
並揀派得力大員帶兵赴皖與鄭魁士等合
力勦捕為一鼓殲除之計袁甲三諒已馳赴
軍營該撫啟程後歸德一帶防勦事宜即飭
袁甲三妥為籌辦毋稍疏虞英桂馳抵歸德
已逾兩月各路兵勇計已陸續到豫若株守

郡城致該匪蔓延為患師老餉糜貽誤之罪
恐難寬宥也將此由六百里加緊諭令知之
○又諭和春福濟奏皖營餉竭懇請就近酌
借南河庫項應用等語據稱現須援勦懷遠
派防臨淮徵調之師因無糧可裹不能趲行
擬於南河庫項所存三萬餘兩內就近酌借
二萬兩專員飛提以作行糧自為移緩就急
之計著庚長接奉此旨迅即於南河庫項如
數撥借以便皖省派員來提藉資餉精以速
軍行將此由六百里諭令知之○又諭官文
奏請飭催各省奉撥軍餉等語前因湖北武
漢水陸各軍需餉較繁飭令山西陝西按月
各添撥銀二三萬兩四川省按月籌撥銀五
萬兩以資接濟現在武漢攻勦喫緊各營欠
餉過多自應源源撥解俾免缺乏著黃宗漢
按照奉撥數目仍再籌款按月解往其陝西
省應解月濟楚餉並著吳振棧迅速籌撥山
東指撥漕糧變價一款為數無多即著崇恩

如數起解。總期無誤軍需。是為至要。將此由六百里加緊各諭令知之。○先是烏里雅蘇台將軍奕湘等奏。變通科布多屯田章程。請將原派屯兵二百五十戶擬裁撤五十戶。即由所留二百戶內之壯丁熟悉屯務者。挑選五十戶。抵補所裁之缺。以符原額。下軍機大臣會同理藩院議。至是奏應如所擬辦理。惟此項屯兵二百五十戶。係由圖謝圖汗部落額設一百二十五戶。三音諾顏部落額設八十戶。扎薩克圖汗部落額設四十五戶。前此出派額既不同。此次所裁之五十戶。亦應均勻分撤。以昭平允。從之。○江南提督和春等奏。皖營餉竭。請飭江海關稅銀按月均分撥解。得旨。戶部速議具奏。現在皖餉欠缺過多。實基於各路軍營所請之款。除協濟揚營外。亦不能不分餘潤於皖。並此外尚有濟急之餉。著一併籌畫。又奏。請飭伊興額馬隊折回宿懷一帶。聽鄭魁士調用。批。伊興額等馬隊

已屢有寄諭。協勦揚州。防堵清淮。現在軍情靡定。固北竄之藩籬。實為緊要。不能再留宿懷。○予安徽陣亡參將福坤。遊擊柏雲。章都司冉廣興。守備朱介福。祭葬世職。○庚辰。今上皇帝生。上之長子也。母懿嬪晉封妃。貴妃。今慈禧皇太后。那拉氏。○諭軍機大臣等。前有旨。諭令德興阿等行知邵燦。庚長。將前調山東兵。及伊興額等馬隊。迅由清江調至揚營。堵剿賊匪。本日據翁同書奏。請將前調往清江駐劄之兵。催令悉赴揚營等語。著邵燦。庚長。仍遵前旨。將前調山東兵一千名。及伊興額等馬隊一千名。俟抵清江。即迅速飭令前赴揚營。其前調陝西駐防官兵一千名。著一併飭令前赴揚營。歸德興阿等調遣。以期厚集兵力。清江為南北要衝。徐州一帶。捻匪未就肅清。防堵尚形緊要。所有前調直隸防兵一

千八百名。著仍留於清江。歸邵燦。庚長。調遣。將此由六百里加緊各諭令知之。○幫辦軍務詹事府少詹事翁同書奏雷以誠等謗咎情形。請俟賊退後逐款會查。得旨。此事自應迅速查辦。以振軍心。著將此硃批寄與德興。阿知道。○辛巳。

上詣

安佑宮行禮。○詣清夏齋。問如皇貴太妃安。○內閣欽奉

諭旨。

懿嬪晉封為

懿妃。○諭內閣。曹國藩。文俊。奏樟樹鎮接仗情形。請將各員弁分別革職留營。並自請議處一摺。廣東羅定協副將周鳳山。於克復樟樹鎮後。不乘賊匪未集。速攻臨江。乃敢遷延瞻顧。致該逆大股麇至。抄襲官軍後路。雖經兩次大勝。旋有挫失。實難辭咎。守備岳炳榮。守備銜千總黃玉芳。接應不力。亦屬咎有應得。

周鳳山。岳炳榮。均著即行革職。黃玉芳著革去守備銜。周鳳山。黃玉芳。仍著留於軍營。以觀後效。儻再不知愧奮。即著嚴參懲辦。曹國藩。調度失宜。著交部議處。○諭軍機大臣等。曹國藩。文俊。奏袁臨路梗。請催楚粵援兵。並飭浙閩兩省嚴密防堵等語。江西省賊勢蔓延。疊據何桂清廉兆綸。奏報饒州各屬均有賊蹤。建昌亦已失守。則省城四面皆形梗塞。不僅袁臨一路。前此諭令葉名琛等撥兵五六千名。由贛州一路進剿。本日復有寄諭嚴催。計日當可啓程。劉長佑一軍。於二月十二日。克復萍鄉縣城。進攻萬載。恐其孤軍深入。後路無援。復諭知駱秉章。添派兵勇。飭道員王鑫。帶往策應。並令酌派夏廷樾。朱孫詒。二員。協帶兵勇赴援。亦可陸續趕到。饒廣一路。已允何桂清所請。令萬青藜督辦防剿。除浙江本省防兵外。由鎮江調回師長。饒夏寶慶各勇一千四百餘名。由金陵各營派出。秦如

虎等兵一千三百餘名。均可由浙前進。撫建一路。當廉兆綸等奏報之時。已諭知王懿德等派兵三四十名。由建甯一帶進援。冀可保衛廣信。兼顧建昌。現在該侍郎等將九江湖口水陸各軍全數撤回。舍長江而專顧內地。亦屬萬不得已之計。但必須迅速設法。使各省援兵。能與本省兵勇相接。方可次第勦辦。若內外隔絕。聲息不通。援兵雖已漸集。省城終屬孤懸。大局何堪設想。著曾國藩文俊妥為調度。其援兵較遠省分。即飭繞道催提。一面酌量撥兵。疏通道路。俾近省先到之兵。得以迅速會合。不可束手坐困。致誤事機。至武昌回援之軍。前已屢次諭催。詎意羅澤南遽爾陣亡。新易主將。且武昌此時攻勦正在喫緊。本日復諭催胡林翼迅圖克復。以便李續賓回援江西。曾國藩等自應先就青山調回之兵。為力保省垣之計。未可專恃此軍。致成株待也。再前據駱秉章奏。江西失陷各郡。千

餘里內。無一官一兵。似此情形。即官兵克復城池。過後必為土匪竊踞。軍行仍多後顧之慮。著曾國藩等轉飭帶兵各員。遇有克復地方。即由軍營派員。暫為管理。令其撫輯難民。辦團守禦。庶文報往來。餉需轉運。皆可逐節疏通。不致有旋得旋失之患。將此由六百里加緊諭令知之。○又諭胡林翼奏。密陳南岸賊情。並籌議援勦江西情形一摺。江西自臨江。瑞州。袁州。吉安失守後。復連陷撫州。建昌等府城。並進賢。豐城。東鄉。安仁等縣。情形萬分喫緊。本日據胡林翼奏。羅澤南現已陣亡。武漢如能迅速克復。即可派兵回援。萬一久頓城下。即令李續賓一軍前往等語。李續賓著留於湖北。俟武昌克復後。再行帶兵回援江西。惟該大臣等節次奏報。總以克復在即為詞。朕心實深殷盼。若徒以粉飾之詞。遷延時日。是武漢既不能克復。而江省復不能回援。糜餉老師。豈非兩失。著官文。胡林翼督飭

水陸諸軍。將武漢剋期收復。毋得再有遷延。致滋貽誤。將此由六百里諭令知之。○又諭。前因江西省賊勢蔓延。疊諭葉名琛等撥兵赴援。嗣據廉兆綸等奏報。吉安府被陷以後。撫州。建昌。東鄉。進賢。安仁等郡縣。先後失守。本日復據曾國藩等奏稱。各路悍賊畢集。周鳳山所統兵勇。於樟樹鎮挫敗。請催廣東奉調官兵。速行赴援等語。江西壤地毗連六省。形勢極關緊要。現在各郡縣相繼淪陷。南昌孤危。非四路援兵迅速前進。不足以分賊勢。而保危城。著葉名琛。柏貴將前諭調赴江西精兵五六千名。飭令剋日啓程。馳赴贛州。奮力進剿。並將所需軍餉。寬為籌備。源源接濟。無許稍涉遷延。致滋貽誤。並將該官兵啓程日期。即行馳奏。將此由六百里加緊諭令知之。○禮部以會試中額請。得旨。滿洲取中六名。蒙古取中一名。漢軍取中二名。直隸取中二十名。奉天取中二名。山東取中十五名。山

西取中十名。河南取中十七名。陝甘取中十九名。江蘇取中十三名。安徽取中七名。浙江取中十八名。江西取中十三名。湖北取中七名。湖南取中五名。福建取中八名。廣東取中五名。廣西取中二名。四川取中九名。雲南取中七名。貴州取中五名。○以戶部左侍郎肅順。兼署都察院左都御史。○改鑄山東冠縣知縣印信。從巡撫崇恩請也。○予江西陣亡知縣馬丕慶訓導林長春。府經歷李清華。祭葬世職。○予江西陣亡知縣周祖誥。祭葬世職加等。○予湖北陣亡都司周得魁。祭葬世職。○壬午。

上詣大高殿行禮。○還宮。○諭內閣。特克慎等奏。請飭催靛茶一摺。料布多庫存靛茶。不敷支放。著王慶雲即將該處應領折賞茶塊。迅速購買。解交歸綏道衙門。以備支放。毋稍遲延。○諭軍機大臣等。穆隆阿等奏。遵旨挑選官兵

備調並軍裝等項擬勸捐辦理各等語。前因穆隆阿等奏備調官兵軍裝器械諸多不齊，並駐劄盤費無從籌畫。諭令戶部籌款撥解。已據戶部奏稱籌撥銀兩解往。所有該官兵等軍裝器械，即著穆隆阿等於所撥銀兩解到後備辦給發。其駐劄盤費亦即於此項銀兩內動給。該署都統等所請勸捐辦理之處，著毋庸議。將此諭令知之。○以鑒儀衛鑾儀使玉明為御前侍衛。○以籌備糧儲。予直隸總督桂良布政使錢圻和按察使吳廷棟優叙。○釋遣戍軍臺已革大學士賽尚阿罪。交署察哈爾都統穆隆阿遣委。○以辦理烏魯木齊鹽課有效。予迪化州知州英貴等升銜有差。○癸未諭內閣。恆春奏貴州巡撫蔣蔚遠咨送會稿。仍行移回。未經畫奏等語。各直省督撫會奏事件。例應公同商議。會列前銜。惟現在辦理軍務省分。或督撫駐劄相距較遠。往返商酌。必致有誤事機。嗣後如遇軍務

緊急事件。准各該督撫單銜具奏。無庸會銜。其餘事雖緊要尚非急迫。及尋常事件。仍照例會銜。以昭覈實而符定制。○諭軍機大臣等。德勒克多爾濟等奏接據俄夷來文一摺。俄囉斯借分界為名。欲將黑龍江松花江左岸以及海口均分給伊國守護。屢次諭令奕格景瀄等會同勘定。以杜要求。嗣據該將軍等奏稱。該夷阻冰登陸。已由陸路回國。雖經過江面尚無滋擾情事。而聲言明年仍有船隻前來。不可不加防範。現在春暖冰融。將交夏令。該夷勢必復來要約。景瀄前次奏報頗能洞悉夷情。奕山赴任以後。於一切情形想已豫為籌畫。著該將軍等遵照前旨。遇有俄夷船隻駛至該處地面時。務須暗為設防。隨機應付。勿令激生事端。將此各諭令知之。○甲申諭軍機大臣等。恆起奏籌解江北糧臺軍餉。並請另撥皖餉一摺。據稱淮宿等關近時收課甚屬畸零。俟集有成數陸續解往。其

皖省月餉。懇請另撥等語。著怡良、吉爾杭阿傳知恆起。即將現在籌備銀兩解赴江北糧臺。此後仍照部議將所徵稅課各半分解揚州、廬州軍營。以備支放。將此諭知怡良、吉爾杭阿。並傳諭恆起知之。○欽差大臣德興阿奏。灣頭等處分兵布置得旨。一切布置情形尚屬周妥。○予江南陣亡佐領富勒布、根福、盛瑞、協領隆強、遊擊富倫布、都司范汝英守備吳登元、千總仙壽昌、趙純義、何添元、把總顏兆勳等。祭葬世職。額外外委王成等賞卹如例。○

上以孟夏時享

太廟。自是日始齋戒三日。○丙戌諭內閣。德興阿、翁同書奏。官軍踏平六合賊壘。克復浦口。一摺。張國樑自六合拔營追賊。直逼浦口。該逆拌死抗拒。本月十八日。武慶、張國樑等馬步兵勇同時齊到。分路進攻。合力痛洗。計殺賊千餘人。落水淹斃者無數。次日官軍全抵

城下。逆眾驚惶。奪門四竄。均被兵勇截勦。復斃賊八九百名。即將浦口克復。維時葉常春等艇師在浦口江面截殺竄賊。擒擒殆盡。訊據賊供。偽尚書雷天佑等二十餘名。均被殺死。現在武慶等即日進攻江浦縣城。著德興阿等嚴督將弁乘勝勦洗。勿留餘孽。○諭軍機大臣等。前有旨諭令邵燦、庚長將前調山西陝西官兵及伊興額等馬隊。迅由清江調至揚營堵勦賊匪。並令將前調直隸防兵仍留清江以資扼守。本日據德興阿、翁同書奏。揚營兵力過單。西路地勢平行。瓜鎮賊黨往來。句通襄脅。防不勝防。實屬眾寡不敵等語。現在揚城已復。清江遠在上游。防堵情形尚不至十分喫緊。而揚儀賊氛較熾。亟應厚集兵力。著邵燦、庚長仍遵前旨。將前調山東兵一千名、陝西駐防官兵一千名。俟抵清江。即迅速飭令前赴揚營。其直隸防兵一千八百名。著一併飭令前赴揚營。歸德興阿等調遣。

至浦口現經克復。武慶已帶兵進攻江浦。著即飭張國樑帶兵由六合直趨儀徵迎擊。並相機就近會同揚營新調各兵。併力勦洗三汊河一帶賊壘。以期迅速掃蕩。本日又據英桂奏。鄭魁士勦辦懷遠一帶捻匪。身受重傷。兵力過單。惟恃伊興額等馬隊一軍。攻勦得力。軍情變幻靡常。自應揆度時勢。先其所急。現已諭知英桂。將前調伊興額、德昌所帶馬隊一千名。暫留該處助勦。此項馬隊如已行抵清江。著邵燦、庚長飭令迅速折回懷遠一帶。協同鄭魁士會勦。將此由六百里加緊各諭令知之。○又諭英桂奏。勦辦歸德附近捻匪漸盡。移兵進勦雒河賊巢。並請留馬隊官兵一摺。前因鄭魁士懷遠失利。諭令英桂移兵進攻雒河老巢。以分賊勢。茲據英桂奏稱。懷遠賊匪甚眾。鄭魁士兵力單弱。自屬實在情形。即著英桂將伊興額等馬隊暫留懷遠一帶。協同鄭魁士會勦。如已行抵清江。諭令

邵燦等迅即截回皖省。交英桂調遣。前諭和春等於珠克登、郝光甲兩人內。揀派一員。帶兵前赴懷遠。該提督等當已派令前進。並著英桂飛速催提。令其迅抵懷遠。協同鄭魁士設法攻勦。無許延誤。該匪等以雒河為巢穴。亟應拔其根株。則餘黨無難掃蕩。此時歸德附近地方。漸已肅清。英桂即應飭令邱聯恩等。由營廓集移營前進。迅圖直搗老巢。不得以吟域之見。稍涉觀望。該撫亦即遵照前旨。前赴皖豫交界督辦。其歸德防勦事宜。即飭袁甲三妥為籌辦。西凌阿、格綢額等馬隊。久已到豫。由京撥去之馬。且已到齊。懷毫等地。方既於馬隊相宜。並著英桂斟酌派撥進勦。藉資得力。將此由六百里加緊諭令知之。○以克復江南浦口出力。總兵官張國樑得旨嘉獎。加提督銜。開復總兵官武慶革職留任處分。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十四

宣統元年十月九十四

主

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十五

載修

咸豐六年丙辰夏四月丁亥朔享

宣統元年九月五

太廟

上親詣行禮諭軍機大臣等據崇恩奏派調
來東官兵豫籌分布並邵燦等奏催兵分撥
堵禦各一摺昨因鄭魁士勦辦懷遠擒匪身
受重傷兵力又單諭令英桂將伊興額德昌
所帶馬隊一千名暫留助剿本日據邵燦等
奏伊興額已帶馬隊五百名於三月十二日
抵徐其德昌之兵亦陸續將至因揚營尚需
兵力先其所急催令星夜赴揚此項馬隊自

未便再令折回皖境惟懷遠一帶拾匪披猖鄭魁士官兵不敷攻剿急應另籌調派茲據崇恩奏東省兗沂曹各屬距賊較遠邊界靜謐所有前調赴東協剿之綏遠城滿洲土默特蒙古兵共一千名昨經德勝奏需用馬匹已遵旨購採齊備分起啟程不日當抵直境著桂良飭令改赴河南歸英桂調遣無庸繞道山東致多周折其吉林黑龍江餘丁各五百名到直時著桂良飭赴懷遠鄭魁士軍營統歸英桂調遣並著崇恩催令此項馬隊取道徐州迅速前進至拾匪現仍屯聚蕭宿永夏一帶懷遠兵力過單經庚長等分撥直隸兵五百名協剿換回伊興額等馬隊仍恐兵力不敷現將新調曹單防堵之吉林黑龍江餘丁馬隊一千名改調懷遠將此由六百里各諭令知之欽差大臣德興阿等奏毀平賊壘逆匪分竄西南現派兵在儀揚交界夾擊得旨西竄之賊勦辦若何占踞何處著迅

速具奏貸福建海壇鎮閩安協兵丁穀價銀撫恤琉球國遭風難夷如例戊子諭內閣德興阿翁同書奏克復江浦縣一摺逆匪竄距江浦縣城經張國樞武慶移師於二十三日四面圍攻該逆由南門衝出我兵乘勢掩殺立將縣城克復旬日以來浦口江浦連次攻克勦辦尚為得手著德興阿等督飭將弁節節進攻務將三汊河等處賊巢迅速掃清毋稍延緩諭軍機大臣等德興阿翁同書奏探聞儀徵失守現擬分派各路兵勇急圖攻克等語前因儀徵兵單浦口克復後諭令德興阿等即飭張國樞帶兵由六合直趨儀徵會合新調各兵相機勦洗本日據奏副都統穆克登額帶兵馳抵儀徵二十里鋪卽聞李志和等營盤被賊燒毀儀徵業經失守毗連山陽交界之蔣壩地方該處商賈輻湊米艘停泊甚多若令闖入則清淮全局震動而六合天長一帶在在空虛尤須加意防

範不可稍有疏虞。著德興阿等嚴飭先經派出之索昌等馬隊並勒殿華博奇等馬步隊會合張國樑新克江浦之得勝兵勇趕緊將縣城克復毋許稍有稽遲致再蔓延為患並著將儀徵縣知縣范驤未經稟報緣由及現在下落查明具奏將此由六百里加緊諭令知之○又諭庚長奏庫存銀兩無幾未能撥借皖營一摺據稱河庫存銀三萬餘兩業已動用一萬餘兩其餘尚須留為兵餉等用所

有前諭撥借皖營銀二萬兩請於安徽藩庫欠解河餉銀內就近提借等語皖省庫款久已無存積欠兵餉較各軍營為尤甚該河督於奉撥之款意存畛域藉詞推諉殊屬非是庚長現經諭令督辦兩淮鹽務所有皖省餉銀河庫既無款可借著即於兩淮鹽課項下籌撥銀二萬兩派員迅速解往廬州以資接濟將此由五百里諭令知之○乙丑諭內閣朕綜理庶物恪遵

列聖成憲無日不兢兢業業以敬

天愛民為心因思知人安民垂於古訓凡文武各員如果才猷素裕著有成效者未嘗不破格錄用即大小臣工條奏事件苟有益於國計民生亦無不虛心採擇見諸施行所冀嘉言罔伏野無遺賢庶可以漸臻上理況近年以來粵匪未平河流未復各省地方亦間有偏災赤子何辜遭此慘毒朕惻隱在抱軫念民依憂勤惕厲之衷諒中外臣民所當共喻本日據侍郎王茂蔭奏稱天時人事危迫日深致力之方惟在天心之早轉又謂民之視聽一在省己一在用人二者皆本於一心而其樞則繫乎聽言等語持論切當與朕心適相符合當此時事多艱力圖補救朕惟省躬克己於用人行政之間慎益加慎以期默邀天眷海宇救安中外臣工亦當夙夜靖共交相警惕以副朕孜孜求治之心實有厚望焉○又諭李鈞奏運河漫塌各口亟應撥款堵築

一摺山東省運河北路上年刷塌各缺口俱係應修之工自應趕緊堵築以衛民田所估工需銀八千二百餘兩著崇恩按照前定章程全數撥交該河督卽督飭該管道廳迅速興辦工竣後覈實報銷如查有草率偷減情弊立即嚴叅著賠以重要功諭軍機大臣等向榮奏儀徵失守撥兵應援等語張國樑赴援之軍連克浦口江浦本擬飭令乘勝攻復儀徵嗣因賊由景德鎮竄入徽境復陷婺源祁門進擾黟縣太平縣境亦有賊蹤經向榮將該總兵調回應援而儀徵毗連六合亦須急圖克復據向榮奏稱派總兵明安泰統帶李定太陶茂森鎮草兵仁勇台勇共一千名由石埠橋渡江馳赴六合防剿此項兵勇旣經渡江卽當會同攻克儀徵縣城毋得專事防堵德興阿等前已調派穆克登額帶領吉林官兵赴援并有索昌鞠殿華博奇等馬步各兵及由吉爾杭阿派往之遊擊張汝霖

所帶壯勇千二百名會合勒辦著德興阿等飛飭穆克登額等協同江南援師乘逆賊踞城未久之時四面圍攻務將儀徵克復毋令旁竄以保江北大局其三汊河賊壘並著德興阿鄧紹良等趕緊掃除毋稍延緩將此由六百里加緊諭令知之○庚寅

上詣

永安寺

時應宮

福佑寺

昭顯廟拈香諭內閣葉名琛等奏請補行廣東乙卯科鄉試一摺前因廣東省軍務未竣暫將文武鄉試展緩現在地方業已肅清自應循例補行所有該省正副考官著禮部先期具題其應如何改道赴粵之處並著兵部查明具奏江南提督和春等奏清淮防堵較緩請仍飭伊興額等馬隊馳回宿州得旨伊興額等馬隊現已至德興阿軍營又調

吉林黑龍江續到餘丁馬隊協勒擒匪矣
賞已革大學士訥爾經額六品頂帶 予安
徽陣亡知縣汪人廉祭葬世職並建專祠千
總狄永順祭葬世職六品頂帶汪才武等十
二名賞卹如例 朝鮮國使臣樸齊憲等三
人於神武門外瞻觀 辛卯
上以常雩祀

天於

園丘自是日始齋戒三日 壬辰諭內閣戶部

奏遵議大凌河馬廠開墾地畝一摺奉天錦
州府屬大凌河東西兩岸地面遼闊前據書
元奏請准令附近旗民人等墾種輸租因為
籌畫經費起見惟該處水草暢茂為歷年牧
放官馬之區孳生蕃庶利益無窮若將附近
廠地漸次開墾勢必侵占牧養於馬政大有
妨礙著照戶部所議恪遵舊制以重牧務該
侍郎請令開墾之處著不准行至錦縣民人
穆亭揚徑自討種地畝並未據該處咨報輒

敢私墾至八千畝之多實屬大千例禁著承
志會同書元景霖確實查勘僅在馬廠界內
即將私墾地畝平毀照例懲辦嗣後並著盛
京將軍戶部奉天府府尹等隨時認真查察
如該旗民人等尚有在廠內私種及吏胥包
庇隱匿各情弊一併從嚴究辦 諭軍機大
臣等前因江西省賊勢蔓延疊諭葉名琛等
迅撥精兵五六千名馳赴贛州進剿現在江
西賊勢披猖劉長佑一軍克復萍鄉以後尚

阻袁州周鳳山兵勇近在樟樹鎮接仗失利
會國藩雖調集兵勇力保省垣而外援不至
省城終屬孤危設稍疏虞勢將由廣信玉山
關入浙境大局不堪設想江省待援情形誠
屬萬分喫緊因思大兵赴援非有大員統帶
不足以嚴軍律而壯先聲著葉名琛等將前
諭調赴江西精兵五六千名即飭令提督崑
壽統帶前往剋日啟程由贛州一帶奮力進
剿期將失守各城次第克復保衛省垣至江

西餉需久匱無可設法該督既撥兵赴援所需軍餉卽著該督等寬為籌備源源接濟毋令缺乏並著將該提督帶兵啟程日期迅由海道馳奏至崑壽啟程後所有提督印務著葉名琛派員署理將此由六百里諭令知之

又諭前因英桂奏歸德漸已肅清諭令迅赴皖豫交界督兵進剿此後情形未據該撫續行奏報擒匪於四出擄掠之後暫回巢穴若不趁其麇集之時聚而殲旃則此後出巢

勢必愈熾前諭派赴河南之綏遠城等滿蒙官兵一千名及派赴懷遠之吉林黑龍江餘丁各五百名本日據桂良奏稱該兵丁等現已陸續過境卽日可抵皖豫和春等派往懷遠官兵當亦可到著英桂一面催提一面督飭西凌阿等所帶馬隊及邱聯恩等所帶兵勇剋日移兵前進直擣堆河老巢並嚴檄鄭魁士傅振邦各帶兵勇與豫省官兵兜圍合剿以為一鼓殲擒之計該撫身總師干責無

旁貸儻意存觀望遷延不進致擒匪復出肆擾難於收拾則法紀具在斷難曲邀寬宥也將此由六百里加緊諭令知之以福建勦除延平府屬匪徒出力賞同知金萬清花翎以知府升用撫恤朝鮮國遭風難夷如例

癸巳

上詣

南郊齋宮齋宿諭內閣邵燦等奏徐州官兵出省剿匪大勝一摺擒匪張樂行等分黨滋擾三月十七日署徐州鎮總兵傅振邦等於王維嶽莊截剿殺賊三百餘名又有賊首李月及孟繼沅等屯聚永城縣茴村等地方二十等日侍衛伊興額與傅振邦等各帶兵勇馳往該匪列陣迎拒伊興額帶領馬隊衝入賊陣生擒賊首孟繼沅餘賊驚逃我軍追殺十餘里將該處賊巢全行焚毀共斃賊匪二千餘人生擒首夥六十二名奪獲軍械甚多擒匪大股分擾徐宿等境此次大加懲創焚

其巢穴所辦尚為得手著邵燦等飭該署鎮等與豫省大兵會合力殄兇鋒所有此次打仗出力員弁兵勇並著擇尤保奏○又諭邵燦等奏募勇過境請飭先期知照等語此次侍郎會國藩募勇千餘人前赴江西由山東行抵江蘇宿遷等處並無該侍郎咨會印文僅據勇目等持有鈔錄札毫地方官無憑查覈殊不足以昭慎重現經邵燦等已將此起募勇派員督押出境嗣後軍營招募民勇務

於經過地方備用印文先期知照並著派員沿途管帶不得稍涉滋擾○又諭德興阿奏遵查陳金綬雷以誠奏報不符先陳大概情形一摺據稱揚州收復雷以誠與陳金綬是日泊船萬福橋並未聞督隊進攻該革員前奏所稱東路疊次殺賊等語全無影響且呈繳所獲旗幟各件復與原報數目不符顯係事後捏飾希圖脫罪陳金綬雷以誠以幫辦大員於瓜州賊匪出撲並不實力督率致令

兵勇潰散迨收復揚城後復敢捏稱助剿辜恩昧良殊堪痛恨陳金綬業經病故雷以誠著卽拏問交德興阿等嚴行審訊請旨定奪所有交查各件仍著逐一查明具奏○浙江巡撫何桂清奏江西逆匪竄入婺源祁門卽經攻剿出嶺現籌援剿太平得旨覽奏一切情形均悉布置機宜尚屬周妥○以江蘇儀徵縣城被賊竄陷革總兵官李志和遊擊景和知縣范驤職仍留營效力甲午常寧祀

天於

園丘

上親詣行禮○詣

關帝廟拈香○諭內閣恆春奏攻破賊壘生擒首逆一摺貴州郎岱廳苗匪勾結匪徒朱大黃瓜等占踞馬鞍山壘經官軍攻剿仍敢負固拒守恆春督令署副將陳得功等悉力進攻兵丁楊太冒險先登兵練鼓勇繼進燒毀賊寨轟斃賊匪多名該逆抵禦不住由壘

後縫岸潛逸兵勇齊入賊壘按斬二百餘名生擒首逆盧阿米其逃出之賊均被伏兵截殺殆盡復探知倡亂逆首朱大黃瓜暨其妻陳氏逃往抵耳寨經已革遊擊申有謀躡蹤擒拏該寨狎苗畏懼卽將該逆首等一併網獻各苗寨漸就肅清著恆春嚴飭將弁逐節按捕俾上游一帶速臻靜謐再行移師下游次第勦辦○署貴州布政使王成璐因病解任以廣東按察使沈棣輝為貴州布政使調

湖南按察使周起濱為廣東按察使以甘肅鎮迪道毓科為湖南按察使○以禮儀嫻熟賞贊引官察杭阿五品頂帶花翎○以貴州擒獲首逆朱大黃瓜復已革遊擊申有謀職○乙未諭內閣德興阿等奏官軍擄擊竄匪大獲全勝一摺本月初二日儀徵賊匪由硯臺山至廟山一帶西北竄越意圖繞襲六合經德興阿派令協領富明阿等督帶馬隊抄前攔截遇該匪大股四五百人斃賊極多該

逆倉猝圖遁又被官兵民團在山坳按捕總兵鞠殿華等在後兜勦德興阿親督馬步隊由中路進攻將賊隊衝為兩截乘勝掩殺其廟山敗賊回奔又經富明阿等沿途追殺十餘里共斃賊八百餘名生擒三十六名內偽丞相等五名溺斃無算奪獲軍械多件是日鄧紹良等分攻三汊河亦轟斃賊匪數十名此次截勦儀徵竄匪尚為得手著德興阿卽督飭各員弁嚴扼西北山路一面分攻三汊

河務期迅速埽除毋令竄逸諭軍機大臣等德興阿等奏儀徵賊竄北山圖襲六合官兵擄擊獲勝並請催伊興額馬隊及撥紅單船歸陳國泰經管各摺片據稱德昌馬隊業已過浦計日可到揚營山東陝西官兵迄無抵淮消息伊興額馬隊尚在徐宿等語本日據邵燦等奏晚匪大股窺伺徐州伊興額會同傅振邦迎勦獲勝惟賊自懷遠雒河來者絡繹不絕是徐州現在防勦情形極為喫緊

伊興額在該處勦賊正在得手既未能剋日抵揚卽將該侍衛留於徐州勦辦擒匪至西安馬隊官兵一千名原係赴清江之兵既據英桂奏稱勦匪正在喫緊若遽行裁撤仍赴清江恐少此勁旅致滋貽誤自係為移緩就急起見所有此項馬隊並准其暫留豫省以資防勦其綏遠城土默特馬隊官兵一千名仍遵前旨赴河南歸英桂調遣毋庸改赴清江該撫軍營兵力已厚務卽督飭邱聯恩等

帶兵直抵雉河集賊巢為埽穴擒渠之計毋得日事遷延自干咎戾至揚營兵力尚單所有派赴懷遠之吉林黑龍江餘丁共一千名行抵徐州著邵燦等留五百名與伊興額等協勦擒匪其餘五百名卽令馳往揚州軍營並著邵燦等飭催山東兵一千名直隸兵一千三百名迅赴揚營統歸德興阿調遣紅單船前幫十三隻已經入江據該大臣奏稱浦口觀音門均為賊船出沒之所土橋毗連儀

六尤關緊要著准其將紅單船十隻歸陳國泰經管仍嚴飭該員分布要隘嚴密堵剿江北水師原歸德興阿調遣軍情緊要豈能事事待旨而行邵燦等所請將壩捐釐仍循舊章辦理等語蔣壩兵勇口糧不敷若將捐釐改歸皖省則該處無款支應所奏自係實在情形著准其照舊辦理將此由六百里加緊各諭令知之○又諭廉兆綸奏賊蹤旁竄籌辦廣信募勇情形並王懿德呂佺孫奏添調

兵勇赴江協勦各一摺昨據何桂清奏江西樂平景德之賊竄擾祁門婺源等處經練勇堵剿該逆遂分股從羊棧嶺箬嶺一帶竄入太平縣境現在安仁以北賊氛稍戢省城水路漸通廉兆綸暫駐廣郡新募之勇及舊招守隘各勇約有二千自應多方激勵實力訓練以資彈壓萬青藜因浙西軍情未定暫在餘杭駐劄晏端書周起濱繆梓已至玉山常山等處相機布置泰如虎一軍經何桂清調

赴甯國勦辦一俟該處得手卽當統軍會合萬青藜前往廣饒其由閩赴江之兵勇並經王懿德等調足三千名派副將張從龍陳上國管帶探明江西何路緊急卽由何路進兵廉兆綸惟當督飭地方官令將新舊練勇協助官兵堵守要隘一俟閩浙援師趕到卽可探賊所向漸次翦除至該學政所探江西省城有分遣兵勇由進賢往攻撫州及派李元度由饒州取道安仁合勦之信仍當確探消息隨時奏報其閩浙援勦之軍並著知照會國藩文俊俾得通籌全局合力勦辦將此由六百里諭令知之○又諭明誼等奏請撥經費一摺甘肅省應找撥塔爾巴哈台咸豐四五兩年並六年經費共銀六萬三千六百八十餘兩前經易棠咨行該大臣以無款可籌擬俟山陝報解到日再行撥解甘省庫項竭蹶自係實情惟該處官兵月餉全賴此項支放前因經費支絀已將鹽菜銀兩減半發給

若再不能接濟於防務殊有關係著易棠查明甘省應行找撥塔爾巴哈台經費銀兩設法通融先行撥解一半以濟要需將此諭令知之○以河南鹿邑縣等處勦擒獲勝復已革總兵官邱聯恩崇安職賞委營總莫爾賡阿花翎餘加銜升復有差○予江蘇徐州陣亡防禦開奇哩祭葬世職○丙申

上詣清夏齋

如皇貴太妃前行禮○辛酉明園○諭內閣昨

據御史伍輔祥奏總理直隸糧臺前任順天府府尹張起鵠侵漁帑項當派穆蔭將該員所辦糧臺報銷文冊查封所有張起鵠被叅各款著派花沙納全慶秉公查辦據實具奏○又諭舒興阿奏漢回互鬪滋事派兵勦辦一摺雲南楚雄府屬漢回構釁二月間因驟練殺斃回民多名回民亦糾外匪赴南安州城傷斃漢民三月初二日有臨民率驟練五六千人。在富門村一帶互鬪並敢進城殲

斃回民數十打毀住屋攫取衣物回民躲入衙署復被擄殺並攫取軍裝什物署南安州事劉名世吏目蔡家珍汎弁許春元因城內漢回逃散輒卽帶印帶犯徑赴郡城均著先行撤任交舒興阿查訊該文武等如有規避別情卽行從嚴叅辦該漢回等互鬪滋事業經舒興阿酌派官兵催令提督文祥前往勦辦卽著該撫督飭該管文武妥為彈壓秉公辦理務昭平允毋令再生事端○欽差大臣

軍機處

十

德興阿等奏收復儀徵縣城並截賊旁竄情形得旨○攔勦機宜實為扼要○丁酉諭內閣駱秉章奏請借漕折銀兩接濟軍餉一摺著准其將糧道庫徵存五年漕折等款銀兩隨時提撥軍需項下支用事竣後據實造冊報部作正開銷○諭軍機大臣等邵燦等奏催調各路官兵援勦一摺拾首張樂行因屢被徐州官兵擊敗撤回懷遠賊黨分踞永城馬村橋宿州柳子集等處意圖窺伺徐州傳振

邦兵力尚單昨已有旨將伊興額留徐協勦卽可飭該侍衛將所帶馬隊探明賊氛何處猖獗幫同傳振邦勦辦直隸防兵一千八百名除羅玉斌所帶五百名業已赴徐其餘一千三百名並准暫赴傳振邦軍營助勦其派赴懷遠之吉林黑龍江餘丁一千名昨諭邵燦等留五百名於徐州分五百名令赴揚州此項餘丁到徐後著邵燦等將直隸防兵一千三百名酌分一半或一千名飭令馳赴揚

軍機處

五

州軍營交德興阿調遣擒匪既全力窺伺徐境則雉河集老巢當必有隙可乘英桂統轄兵勇為數不少著卽飭邱聯恩等直抵賊巢痛加勦洗若但徘徊豫境致失事機恐難當此重咎將此由六百里各諭令知之○以理藩院左侍郎愛仁為繙譯會試正考官大理寺少卿孟保為副考官○改鑄浙江天台縣知縣印信從巡撫何桂清請也○戊戌大學士兩廣總督葉名琛奏謝賞福壽字恩得旨

本年三月二十三日大阿哥生朕深蒙天

祖之恩實為欣感因符卿謝摺末聯之意故特諭卿知○以鑲紅旗護軍統領春佑暫署京營左翼總兵○改鑄江蘇嘉定縣知縣印信從巡撫吉爾杭阿請也○己亥諭內閣現在孝靜康慈皇后梓宮應加漆飾著派載齡敬謹監視所有需用工匠及漆斤物料著工部堂官揀派委員帶往敬謹承辦○又諭會國藩

實錄卷百九十五

五

等奏陸軍先後獲勝克復進賢縣城一摺江西逆匪自本年二月間分竄進賢等處經會國藩等飭令候選同知李元度候選知府鄧輔綸候補同知林源恩會同進剿李元度自湖口拔營赴饒二十三日逆匪分路來撲我軍分三路抄擊殺賊六七十名餘賊奔潰追入湖口三月十一日鄧輔綸等督帶兵勇沿隄截剿該逆奔回進賢縣我軍追擊十餘里共斃匪二百餘名奪獲旗幟刀矛多件十

二日林源恩帶勇五隊當先鄧輔綸領五隊繼之各勇梯繩登城大呼同進當將縣城克復進賢為省東要路此次兩戰克復辦理尚屬得手即著飭令李元度等會合兵勇迅復撫州毋令逆匪久踞蔓延○又諭蔣蔚遠奏查明失守汎城員弁並無逃避等語前因苗匪竄撲大塘汎城失守經該撫將署州判王問政守備李應發奏參革職確查茲據奏稱該員弁實係禦賊在外以致汎城失陷尚無

實錄卷百九十五

五

逃避情事現在副將佟攀梅克復大塘汎城該員弁等帶領團練擒獲著名匪首數十人先因齊團遲延未及隨同克復尚屬有因王問政李應發業經革職仍著隨營效力以觀後效○諭軍機大臣等蔣蔚遠奏餉需急迫請飭通那撥解一摺貴州兵勇欠發鹽糧為數甚鉅僅據粵海關撥解稅銀五萬兩不敷支給日有鼓譟之虞著黃宗漢於四川省不論何款迅即籌撥銀十五萬兩分起解往黔

省其廣東省應解貴州銀十五萬兩著葉名琛等卽飭委員迅速解還四川以清款項至陝西欠解貴州銀十萬六千餘兩並著吳振械速卽籌款撥解毋再遷延將此由六百里各諭令知之○以水軍收復江西新淦縣城並樟樹鎮勒賊出力賞復都司孫昌國花翎千總李達春等藍翎餘升擢有差○以克復貴州羅斛汎城賞守備劉尊權汪文鈞花翎外委劉助祿等藍翎餘升擢有差以江西

實錄卷百五十五

事

袁州府並萍鄉縣城被賊竄陷革副將蔣益輝知縣萬清職知府紹德知縣錫榮革職留營效力○以隨同官兵克復江西豐城進賢縣城予前失守知縣張韶南史昌壽革職留任○庚子諭內閣葉名琛柏貴奏續獲洋匪審辦並請將出力人員酌保一摺廣東澳門洋面匪船竄出外洋經官軍於上年夏間疊次勤捕擒斬甚多餘匪分路逃竄復經提督吳元猷督飭水師及沿海各文武陸續圍捕

斬馘多名並生擒三百四十七名解省審辦計自上年夏間起至本年春間止各路賊擒洋匪不下二千餘名奪獲並燒沈各匪船一百四十餘隻辦理尚屬認真所有在事文武員弁著該督等擇其尤為出力者秉公保奏候朕施恩 諭軍機大臣等前因伊興額馬隊已有旨留於徐州助剿當經諭令邵燦庚長將派赴懷遠之吉林黑龍江餘丁酌分五百名前往揚州其直隸防兵除已赴徐州五

實錄卷百五十五

事

百名外其餘一千三百名亦令邵燦等酌度或分一半或分一千馳赴德興阿軍營本日據德興阿等奏稱官兵不敷派撥仍請飭催伊興額馬隊及直隸防兵自係未經接奉前旨約計此時山東官兵一千名當可先後過浦吉林黑龍江餘丁及直隸防兵亦當陸續到齊著邵燦等速將已到之兵遵旨分撥未到之兵趕緊催提德興阿等於此項官兵到揚後卽妥為布置毋稍疏忽至軍營馬隊步

隊本宜相輔而行。無論旗營綠營。但能調度得宜。皆可得力。德興阿身為統帥。非前此專帶馬隊可比。鄧紹良久。歷戎行。於步隊情形。尤為熟悉。自應妥籌調遣。於應用馬隊之處。固宜加意激勵。卽應用步隊之處。亦當認真駕馭。使之互相奮勉。方收實效。翁同書既係幫辦軍務。卽應與德興阿同在一處。方可就近商酌軍情。翁同書著卽馳往德興阿軍營。商辦一切。不必遠駐邵伯。其從前在營文員。

實錄卷一百五

辛

人數過多。並著翁同書嚴加裁汰。酌留實在可用者數員。以資差委。揚營積習已深。必須大加整頓。該大臣等務當同心協力。以振軍威。毋蹈從前故轍。各營應給兵餉。並著傳諭文煜。源源接濟。均勻支給。毋使偏枯。缺乏致令有所藉口。將此由六百里加緊各諭。令知之。○浙江巡撫何桂清奏。請飭王茂蔭回籍辦理團練捐輸事宜。得旨。張芾雖非皖人。人尚直爽。自應仍責其妥為勸捐。不必更張。所

請勿庸議。○以勦辦廣東東莞等處匪徒出力。賞參將梁顯揚。都司尹達章。黃彬。守備陳貞標。等花翎。千總馮瑞林等。藍翎。餘升擢有差。予陣亡都司王振高。祭葬世職。○辛丑。諭內閣。承志等奏。金州等處續有地震。一摺。上年冬間。奉天金州地震。曾經降旨。將該處坍塌旗民房屋。給予修費。並著地方官妥為安置。毋令失所。茲據奏稱。查明金州地方。自正月。至三月間。續報地震。雖未壓傷人口。而城

實錄卷一百五

壬

垛民房。均有震壞。覽奏。曷勝廕念。所有震倒旗民住房。四十五間。著一體給予修費。以示體恤。其城垣等工。歸入報部工程案內辦理。仍著承志等詳查該處有無續震情形。隨時具奏。○命署刑部右侍郎和潤。馳往盛京會同工部侍郎錫齡。查辦事件。○以都察院左副都御史聯奎。署刑部右侍郎。○以鑲藍旗蒙古副都統巴雅爾綽克。托署正藍旗護軍統領。○調正紅旗漢軍副都統烏爾棍泰。為

正紅旗滿洲副都統以山海關副都統富勒敦泰為正紅旗漢軍副都統（調錦州副都統定福為山海關副都統以正紅旗滿洲副都統侍順為錦州副都統

實錄卷百九十五

天

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九十六

款修

咸豐六年丙辰四月壬寅諭軍機大臣等前

有旨諭令官文等將勇目詹啟綸施紹恆等所帶各勇酌量飭赴河南交英桂軍營聽候差遣本日據英桂奏稱已詢知西凌阿此項義勇現存不過五六百名日久懈生不如從前奮勇設與兵勇不和則轉多周折若另成一隊則為數無多等語所奏自係實在情形此項義勇著仍留於該大臣軍營調遣毋庸令其前往河南並著該大臣等妥為駕馭隨時彈壓至武昌疊經大兵圍攻久未能下漢

陽間亦報有勝仗。尤屬敷衍塞責。該大臣等總統全師。身膺疆寄。若頓兵堅城。老師糜餉。日復一日。伊於胡底。著官文。胡林翼。激勵將士。督飭水陸諸軍。將武漢兩城。剋期收復。毋得再有遷延。致干咎戾。將此由六百里諭令知之。○又諭英桂。奏官軍勦匪獲勝。並統籌會勘地勢情形。各一摺。擒匪占踞雒河。四出滋擾。經英桂督飭邱聯恩等。節節進攻。疊獲勝仗。辦理尚屬得手。據該撫奏稱。雒河周圍

三四百里。均係賊黨。邱聯恩等兵勇。雖已進抵毫境。尚須漸次疏通。方免抄襲。歸德地居扼要。尚須暫時駐劄。以資控制。所陳地勢賊情。均尚明晰。英桂著准其暫駐歸德。其永城一帶。既屬緊要。即派袁甲三統帶兵勇前往相機堵剿。該撫仍督飭邱聯恩等。乘此銳氣奮勇進攻。一俟各路兵勇逼近雒河賊巢。該撫即當拔營前進。躬親調度。不得專俟一律肅清。託詞株守。吉林黑龍江餘丁。除留徐五

百名外。餘五百名。已派赴揚州。和春等前奏總兵珠克登。郝光甲帶兵二千名。已由舒城前赴懷遠。而該總兵等迄今未到。著和春福濟飭令星夜前進。會同鄭魁士與西路官兵聯絡聲勢。兜圍合剿。仍一面扼守蒙城。以免賊蹤他竄。現當勦匪喫緊之際。和春等務當嚴檄飛催。毋任延宕。將此由六百里各諭令知之。○又諭崇恩奏曹屬擒匪句結皖逆。經官軍勦滅。現擬親往曹郡督辦各等語。此股

擒匪。雖經立時撲滅。而曹單一帶毗連徐豫。素為擒匪出沒之區。據原奏內稱。恐伏而未發之匪。尚難數計。該撫既親往曹郡。即著嚴督地方官及帶兵文武實力搜捕。此等匪徒句結兇橫。平日必有蹤跡。斷不能待其糾集起事。始行知覺。今該處既有兵力可恃。民團亦能齊心。即當乘此加意嚴辦。淨絕根株。不可虛應故事。仍貽後患。本月初七日。據邵燦等奏。有山東勇千餘人。由桃源宿遷一路南

下聲稱係會國藩募勇。又無印信公文。亦不知由何府何縣招募。形跡甚屬可疑。現在已入江蘇境內。難保非擒匪勦敗之後。冒名逃逸。著崇恩即飭查明此項募勇。是否會國藩招往江西。何以地方官不行稟報。如有奸徒影射。務即確切根究。據實具奏。此外有無別項匪徒。潛行出境。亦著隨時防範。毋稍疏忽。將此由五百里諭令知之。○禮部以繙譯會試中額請得旨。京旗取中三名。駐防取中四名。○癸卯。

孝端文皇后忌辰遣官祭

昭陵。○諭內閣。有鳳李聯琇奏。遵查參員控款。誣捏審擬具奏一摺。福建已革通判朱璐。因被總督王懿德參奏降調。疊經列款訐告。並牽涉官募多人。經有鳳李聯琇逐款審訊。悉係誣捏。毫無實據。該革員因挾上司參奏之嫌。輒敢以冒功侵餉等重情。肆行訐告。並牽涉多人。意圖挾制實屬刁健。朱璐著即照該

將軍等所擬。從重發往新疆效力贖罪。王懿德於幕友姚進寶被控以後。輒聽辭退回籍。致朱璐得以藉口。亦屬咎有應得。著交部議處。○諭軍機大臣等。向榮奏甯國失守。蘇浙萬分喫緊。請調回鄧紹良赴浙援剿等語。逆賊由太平竄至甯國。一日之間。遽爾失守。該處文武毫無準備。實堪痛恨。現在窯灣一軍。又已失利。江長貴全軍退守黃池。全局為之掣動。向榮現派之明安泰。王浚。德崇額等。既

已齊集高淳。即著迅速籌攻。將甯國府城趕緊克復。不可任其久踞。金陵軍營兵本無多。而東西梁山賊黨愈眾。繁昌等處復有賊船下竄。向榮一軍。兵分愈單。務當嚴密防堵。勿致稍有挫失。現在布置尚屬妥協。惟鄧紹良既派為江北軍營幫辦。未便遠離。若此時尚未渡江。著毋庸赴浙。即由向榮另派大員赴浙督辦。儻業已前進。則揚營步隊各兵。即著德興阿。翁同書酌派得力武員。暫行代領。俟

鄧紹良回揚。再行交卸。本日復諭知何桂清酌量情形。如該省尚有帶兵大員。即令鄧紹良速回揚州。以顧江北矣。當此南北軍情。同形喫緊。向榮、德興、阿等務當彼此妥商。通籌緩急。以期上顧清淮。下保蘇浙。蔡應龍等下落。仍著向榮速查具奏。將此由六百里加緊各諭令知之。○又諭。本日據向榮奏甯國失守。蘇浙情形喫緊。請飭令鄧紹良暫行赴浙援剿各等語。已諭知向榮等酌度緩急情形。

辦理矣。甯國為蕪湖後路。處處可通。蘇杭該郡一經失陷。則蕪湖之軍。既四路受敵。而蘇杭等郡。亦全局震動。前經該撫派令副將秦如虎帶兵駐劄廣德。遏其內竄。並張芾復派周天受帶兵迎剿。該撫又撤回晏端書萬青黎各帶兵勇。回守省城。兼為湖州策應。如果浙省足資守禦。則鄧紹良新授江北軍營幫辦。未便遠離。儻已到浙。著何桂清另派大員受代。即令鄧紹良折回揚州。不致顧此失彼。

為要。現在蔡應龍遇賊潰敗。不知下落。秦如虎若能勝任。即飭由廣德州進援甯國。以保浙境。仍著飛咨向榮妥商辦理。將此由六百里加緊諭令知之。○以廣東海豐縣城被賊竄陷。革知縣梁鳳輝職。○予廣東陣亡參將何芳守備陳其祥。把總李振驤。外委陳高進。祭葬世職。○甲辰。

上幸靜明園詣

龍神廟拈香。○遣恭親王奕訢詣清漪園。

龍神廟。醇郡王奕譞詣

黑龍潭拈香。○諭軍機大臣等。昨據英桂奏。詹啟綸等所帶義勇。不過五六百名。不如從前奮勇等語。當諭令官文將此項義勇仍留該營。毋庸前往河南。本日據官文奏稱。詹啟綸現帶之勇四百八十八名。已派遊擊徐廷楷等押送。於本月初十日啟程。至河南信陽州。接交英桂大營矣。此項投誠義勇。著英桂飭知史榮椿於前在僧格林沁軍營現發往。

河南各員內熟習帶勇之人揀派一二員管帶。前往揚州軍營。交德興阿等酌量調遣。妥為駕馭。將此由六百里各諭令知之。○又諭官文奏上竄麻城新洲等處賊匪截剿大勝。惟攻剿武漢。須肅清江面各等語。武漢賊勢。疊據官文胡林翼奏報。漸就窮蹙。方冀克復有期。乃此次所稱剿辦情形。以羅澤南傷殞。李續賓撤回。西北兩岸空虛。未能杜絕賊援。須令楊載福前往青山布置。以礮船木礮阻

遏江面。使該逆餉絕援孤。不難殄滅。是克復武漢。尚無把握。老師糜餉。伊於胡底。況江面雖有船礮阻隔。而陸路處處可通。豈能斷其接濟。至欲派大員前往黃州。聯絡四邑團練。以壯聲威。亦宜早為籌及。何得事事延緩。官文總統全師。已踰半載。胡林翼圍攻武昌。屢稱即可克復。乃遷延日久。迄無成效。殊失朕望。著該大臣等嚴飭各軍。振刷精神。鼓其銳氣。剋期拔取二城。毋得以逆匪堅匿不出為

詞。遲延干咎。將此由六百里各諭令知之。○又諭御史倫惠奏。於棍私藏器械。蓄養匪人。請旨飭查一摺。據稱通州所屬之張各莊。有文生岳林盛。家藏器械。鎗礮。蓄養匪徒。勾結回民。延請教師。令子姪等逐日操練。搶奪鄰近糧石。擾害地方等語。劣紳豪霸一方。最為閭閻之害。著步軍統領衙門。順天府。按照所奏各情。嚴密查拏。從重懲辦。以儆兇頑。原摺著鈔給閱看。將此各諭令知之。○以札薩克

郡王烏爾津札布。為青海左翼正盟長。○以截剿湖北麻城新洲竄匪出力。賞委營總多隆阿副都統銜。委防禦富呢雅。于溫德勒西。富森保。委參領喀爾庫。金順。諾明阿等。花翎。委防禦尚福等。藍翎。餘升叙有差。○予江南陣亡遊擊姚麟。把總李鷺。王三元。蕭增太。外委劉占鼉。祭葬世職。○乙巳諭軍機大臣等。前據向榮奏。甯國失守。蘇浙喫緊。請調回鄧紹良赴浙援剿。當因該提督既派為江北軍

營幫辦。若尚未渡江。即毋庸赴浙。本日據德興阿奏。鄧紹良於十二日。帶勇由水路赴浙。竟不面商。先行後咨等語。該提督因向榮咨調。暫赴浙江督剿。刻即馳往。自係因該處情形緊急起見。若再令折回江北。恐徒滋周折。現在甯國被陷。蘇杭一帶處處可通。防剿最關緊要。向榮即嚴飭該提督實力督辦。毋令逆匪日肆蔓延。揚州軍營步隊官兵。必須得力之員管帶。與馬隊相輔而行。即著德興阿於各營鎮將內。詳細查看。擇其能帶步隊者。據實保奏。候旨遵行。至武慶被控之款。德興阿已派總兵安勇。馳往密查。如該員實有賄誤劣蹟。即著據實查辦。儻僅係年老精力不支。亦著奏明請旨。其浦口地方。為北路門戶。德興阿等務須妥為布置。毋稍疏虞。另片奏請撥馬匹。已諭令崇恩。將前備土默特兵馬四百匹。派員解往揚州應用。餘著德興阿等就近設法採買三四百匹。以備乘騎可也。將

此由六百里各諭令知之。○又諭。前因德勝奏調赴曹單之土默特蒙古官兵。並無拴養官馬。當諭令崇恩挑備臚壯馬四百匹。分給乘騎。嗣據崇恩奏稱。已飭隨營備辦。不致貽誤。現在土默特官兵應用馬匹。仍由德勝採買齊全。解赴山東。本日據德興阿奏。揚州從征馬隊。其馬匹倒斃甚多。買補未能足額。請飭撥給等語。著崇恩即將備辦土默特官馬四百匹。派員全數解往德興阿軍營。以備官兵乘騎。此時揚營待用甚亟。務當嚴飭管解之員。趕緊趲行。毋得稍有遲誤。將此由六百里諭令知之。○命陝西提督鄧紹良。仍歸欽差大臣向榮調遣。○以安徽甯國府城被賊竄陷。革道員鄧瀛。知府顏培文職。仍留任。○丙午。上御勤政殿聽政。○諭內閣。頭品頂帶致仕光祿寺卿湯金釗。立品端方。學問醇正。由翰林洊擢正卿。協贊綸扉。疊司文柄。供職恪勤。嗣

因降補後奏請休致蒙

皇考宣宗成皇帝賞給二品頂帶旋復

賞加頭品頂帶朕御極後因其重與鹿鳴筵宴

賞加太子太保銜方翼克享遐齡長承渥眷

茲聞溘逝軫惜殊深著派載崇帶領侍衛十

員即日前往奠醑加恩照尚書例賜卹任內

一切處分悉予開復應得卹典該衙門察例

具奏伊長孫大理寺評事湯學瀉著俟服闋

後交吏部帶領引見用示朕篤眷耆臣至意

尋奏上予祭葬諡文端○又諭恆春奏參臬

司辦事偏謬等語雲南省勦辦彌勒戕官一

案經恆春派署副將陳得功前往勦辦首夥

就獲地方肅清逆犯王贊汶解省時按察使

清盛聞其與陳得功素識親提審問及訊無

勾通情事復將王贊汶嚴刑熬審以致逆犯

監斃實屬偏謬清盛著先行交部議處並即

開缺來京交吏部帶領引見○又諭柏後奏

口外雇備車輛實在情形一摺熱河題銷前

調官兵用過往返守候回空等銀經戶部議

駁飭令追繳歸款茲據柏後奏稱口外村落

不及內地十分之一遇有兵差所需車輛必

須先期豫備往返輪送係屬實在情形所有

前次守候回空車價銀兩仍著准其開銷以

示體恤○又諭柏後奏支給官兵俸裝銀兩

與例不符請飭在於該營應領兵餉扣還等

語咸豐二年熱河河屯協八溝營官兵調赴

河南支給俸裝銀兩既經部覈與例不符著

直隸總督飭令藩司查明此項給過官兵俸

裝銀七千三十九兩零內除業經扣還副將

達年等所領俸裝銀四百九十六兩零其餘

應扣銀兩即在該協營應行請領兵餉內陸

續扣還以杜浮冒○諭軍機大臣等據光山

縣民人李思道以擒匪程本即程紹瑞等挾

仇焚搶斃伊父李三陽等詞赴都察院衙

門呈控此案擒首程三因被李思道集練拏

獲其黨程大等輒敢率眾報復圍莊斃命並

投往鄰邑充役串害。光山縣役蔣宣揚戴金鼇等通同一氣延不緝拏。夥犯蔣家榮蔣家華業經弋獲旋被該縣縱放。兇徒擾害地方。亟宜嚴拏懲辦。著英桂即照單開擒匪姓名。及舞弊庇捻各犯悉數捕獲。督同臬司秉公嚴訊。按律懲治。至該前縣將蔣家榮等縱放有無庇役受賄情弊。並著確查叅辦。毋稍徇隱。原單鈔給閱看。將此諭令知之。○又諭。前據舒興阿奏。漢回互鬪滋事。派兵勦辦。當降旨令該撫督飭文武妥為彈壓。秉公辦理。此等匪徒膽敢入城滋擾。攫取軍器。自應痛加懲創。惟該匪等究係彼此讎殺。並無抗拒重情。若辦理不能平允。驟動兵力。必致激成事端。本日恒春密陳。驟難勦辦情形。所籌不為無見。文祥現已派兵一千七百餘名備調。並即親往督辦。該提督馳抵該處。一面妥為彈壓。一面設法解散。萬勿輕舉妄動。以致別生枝節。並著舒興阿嚴飭地方官實力防守。勿

任句結滋擾。南安州文武各員仍著確查。如有規避情事。即行嚴叅。恒春另摺奏請就近撥解軍餉等語。前已諭令黃宗漢籌銀十五萬兩解黔。並諭葉名琛將應解貴州銀兩解還四川。其陝西欠解銀十萬六千兩亦諭吳振械籌解矣。將此由五百里各諭令知之。○以大學士裕誠賈禎戶部尚書朱鳳標工部尚書全慶戶部右侍郎何彤雲署兵部右侍郎車克慎工部左侍郎杜翰內閣學士景廉為殿試讀卷官。○以山東布政使屬恩官為太常寺卿。調江西布政使晏端書為山東布政使。以江西吉南贛甯道耆齡為布政使。○以貴州牙舟等處勦匪獲勝。賞副將佟攀梅總兵銜。○予貴州陣亡守備許應昌祭葬世職。○

上詣

大高殿行禮。○還宮。○策試天下貢士馬元瑞

等二百十六名於保和殿制曰朕寅承
寶命撫御兆民六載於茲矣仰荷

昊穹眷佑

列聖貽庥兢業敕幾日慎一日每維繼統傳心
之旨厚生務本之原理財制用之經講武詰
戎之畧攸關治忽宜切究圖茲當金榜掄才
臨軒授簡國楨鱗集爰訪嘉謨爾多士其敬
聽朕命伊古心法治法傳自唐虞典謨所載
皆帝德之隆軌王謨之懿蹟先聖後聖其揆

一也三代以下見知聞知端在講學所以奉
執中之訓握建極之原漸至於咸五登三之
盛者舍學無由焉孔子刪詩書定禮樂修春
秋會子傳大學子思述中庸而論語之末簡
孟子之終篇皆述統緒之傳以詔來世宋范
祖禹撰帝學真德秀著大學衍義大旨若何
元蘇天爵之治世龜鑑明張九韶之理學類
編有相發明足資省覽者可臚舉歟民為邦
本食則民天嘗觀周禮之設官豳風之矢詠

以逮雅頌所陳大田良耜諸篇婦孺若躬列
於旁宮臺若親見其事其風何淳俗何美也
豈非愛土物而心臧習勤勞則思善之故歟
積儲者生民之大命也自漢而後莫不講求
其法或云歲有四秋或云人給二鬴地利不
患不盡人力不患不勤而一值青災則鴻嗷
滿野周制荒政外若前史所紀發廩弛徵輸
粟貸種酌而行之不在良有司歟社倉義倉
欲使籌儲備於先善斂發於後厥道何從古

者金有三品銅為赤金鐘鼎刀劍皆銅鑄也
漢以後用以鑄器者漸少豈銅之多已不如
昔歟漢賈誼言收銅不令作兵器唐劉秩請
禁銅以給錢之用夫因銅乏而籌銅除開採
外祇有收銅禁銅二策而或斯令一出有司
急於奉承小民不勝誅責然則欲裕銅而不
至擾民果遵何道歟前代多就礦設冶往往
運錢而不運銅其法亦可議行歟頃因漢運
稽遲設局買銅果何術而能使銅源日裕無

誤鼓鑄也。六韜有水戰篇。蒼兕舟楫。著於盟津之誓。豈水戰即始於周歟。漢有伏波樓船。下瀨戈船。各將軍之號。然僅用之南粵東夷耳。後漢岑彭裝戰船以破蜀。晉王濬作大船連船以伐吳。唐李靖帥戰艦破蕭銑。遂屢以舟師奏績。明舟制尤詳。江海各異。載於史志者。蓋約言之。夫舟師可進可止。其以舟師進者。何代為優。以舟師守者。何地為要。茲當江淮未靖。現飭粵省艇船。勦截進守之宜。果如何而後能應機制勝歟。凡此者。崇聖學以端主極。敦本業以勸農功。整園法以阜民財。飭武備以彰國憲。皆國家思艱之切務。古今御世之鴻模。爾多士學古入官。其有舊聞及所心得。悉著於篇。毋隱毋泛。朕將親遴焉。○諭軍機大臣等。英桂奏。擒匪糾眾撲營。官軍先挫後勝一摺。擒匪黨與過多。一經官軍進剿。輒復分股抄襲。卹聯恩等已早抵界溝。此次賊眾來撲。雖殲斃千餘。轉危為安。而兇鋒尚

未大挫。著卽飭令卹聯恩等將附近賊巢剋日掃除。以便直擣雒河老巢。庶不致以賊眾兵寡。心存瞻顧。今賊勢益形猖獗。西安馬隊早已到營。西安綠營官兵一千名。綏遠城滿洲土默特官兵一千名。何尚未到。著飛檄嚴催分投攻剿。步步前進。毋許再涉延宕。前命和春等於珠克營。郝光甲兩員內。揀派一員。分兵至鄭魁士軍營。並撥吉林黑龍江餘丁馬隊五百名。前赴徐州。又准將直隸官兵酌分一半。留徐協剿。兩處兵力。不為不厚。著英桂檄飭鄭魁士。傳振邦等。分派兵勇。合力圍攻。以期迅速竣事。將此由六百里諭令知之。○以鴻臚寺卿王發桂為廣東鄉試正考官。陝西道御史張興仁為副考官。○戊申。引見癸丑科散館及補行散館人員。得旨。此次散館之編修吳鳳藻。呂朝瑞。業經授職。二甲庶吉士汪承元。浦安。沈祖諫。王澐。張錫榮。郭夢惠。陳亮。疇。黃鈺。高延祐。杜瑞聯。徐申。錫。袁承

未大挫。著卽飭令卹聯恩等將附近賊巢剋日掃除。以便直擣雒河老巢。庶不致以賊眾兵寡。心存瞻顧。今賊勢益形猖獗。西安馬隊早已到營。西安綠營官兵一千名。綏遠城滿洲土默特官兵一千名。何尚未到。著飛檄嚴催分投攻剿。步步前進。毋許再涉延宕。前命和春等於珠克營。郝光甲兩員內。揀派一員。分兵至鄭魁士軍營。並撥吉林黑龍江餘丁馬隊五百名。前赴徐州。又准將直隸官兵酌分一半。留徐協剿。兩處兵力。不為不厚。著英桂檄飭鄭魁士。傳振邦等。分派兵勇。合力圍攻。以期迅速竣事。將此由六百里諭令知之。○以鴻臚寺卿王發桂為廣東鄉試正考官。陝西道御史張興仁為副考官。○戊申。引見癸丑科散館及補行散館人員。得旨。此次散館之編修吳鳳藻。呂朝瑞。業經授職。二甲庶吉士汪承元。浦安。沈祖諫。王澐。張錫榮。郭夢惠。陳亮。疇。黃鈺。高延祐。杜瑞聯。徐申。錫。袁承

業周譽蒼顏宗儀梁肇煌恩吉周恆祺周學源馬恩溥薛春黎楊榮緒宋夢蘭黃圖南袁方城俱著授為編修三甲庶吉士童棧趙新任兆堅宗室瑞聯俱著授為檢討修撰陸增祥業經授職該員即補贊善著即註銷仍罰俸六箇月會光斗林慶貽林式恭張鼎輔張德容黃先瑜朱學勤鄭守廉程維清教冊賢靳邦慶郝鐸蔡兆槐陳蘭彬李鶴齡包欣芳劉洪簡王作孚田景瀛俱著以部屬用范鳴璠吳蘭芳俱著以內閣中書用曹貽誠吳仰賢鄧賢芬袁嵩齡武驪珠柳炯趙昌業張曰銜陳元楷李恩長曼惠吉葛桐銜姚亮臣徐賡臣聶泰俱著以知縣即用陳介猷王兌汪雨時俱著歸原班銓選繙譯庶吉士毓瑞著授為編修訥仁著以部屬用○已酉諭內閣英桂奏遵旨查明統兵大員及帶兵道員被叅各款一摺前因王履謙奏叅武隆額畏葸避賊道員張維翰縱還匪犯各款當交英桂

確查具奏茲據奏稱該員由永城分兵前赴夏邑係因捻匪有竄撲胡橋之信恐其與山東曹州匪徒勾結追賊撲夏邑正在接仗忽又分股向西北疾趨該員恐歸德有失繞道前進保守郡城尚無兵勇先期潰散情事其賊竄虞城係在該員已抵歸德之後亦非賊至虞城始行退守等語武隆額以督勦大員不能力扼賊衝以致夏邑虞城相繼失陷尚非有心避賊而節節退守實屬懼怯無能至李成喜一犯係徐州府拏獲即使訊非張樂行之姪亦應解回徐州辦理何以輒由夏邑釋放并稱係前任知縣郭鳳恩釋放顯係因郭鳳恩業已陣亡無憑質證飾詞諉卸情節尤覺支離武隆額著即革職候補道張維翰當武隆額提到李成喜時正在省城並不知情著毋庸議○朝鮮國王李昇遣使謝頒時憲書並進貢方物命留抵下次正貢○以江南徐州鎮總兵官張殿元署湖南提督○以

河南歸德府守城出力。賞參將懷塔布等。藍翎。予知府王榮第等升擢有差。○賞會試年老舉人鄭士珩等十一人。編修檢討學正職銜有差。○庚戌。

上御乾清宮。召讀卷官。入親閱定進呈十卷甲第。○辛亥。

上御太和殿傳臚。賜一甲翁同龢。孫毓汶。洪昌燕。三人進士及第。二甲鍾寶華等一百人進士出身。三甲孫彥等一百十三人同進士出身。

○幸圓明園。○壬子。諭內閣。京察記名人。將次簡放完竣。著內閣部院各衙門。於京察一等未經記名各員內。遴選才具優長者。出具切實考語保送。由吏部帶領引見。○又諭。蔣蔚遠奏。勦平清水江匪徒。生擒首犯一摺。貴州清水江地方。時有奸徒勾結苗匪。屢出肆擾。上年被官兵擊散後。本年二月間。復有教匪宋神保。施士典等。暗約江內匪徒龍起瀾。糾黨焚掠。蔣蔚遠飭委即用知府徐河

清署參將張才。會同貴東道承齡等。督帶兵練。分路進剿。殺賊二百餘名。餘匪遁入江外老陰洞。鼠伏不出。三月初六至初八等日。兵勇連日環攻。破毀石牆。衝至洞口。當將龍起瀾及著名匪犯拏解省城。首匪宋神保等。尚在高處山洞。負險待援。十二日。張文標等攀援登山。兵練魚貫而上。生擒首匪宋神保等百餘名。燒斃及投水死者無數。救釋被脅難民。將各山洞填封。江岸一律肅清。此次勦辦清水江匪徒。旬日之間。全股就滅。辦理尚屬迅速。所有出力員弁紳勇。均著蔣蔚遠擇尤保奏。毋許冒濫。○命新授貴州布政使沈棟輝。開缺。暫署廣東按察使。以長蘆鹽政文謙為貴州布政使。○以訪獲貴州清水江教匪出力。賞知州賈致恂。花翎。○以勦辦浙江杭嘉湖台四府匪徒出力。予參將和致等。加銜升叙有差。○以阿克蘇採辦銅廠出力。賞回子郡王愛瑪特等各一級。○以貴州下江廳

城被匪竄陷。革代理通判張淑度護遊擊陳源職並逮問。○予安徽軍營淹斃遊擊王定宇祭葬卹廕傷亡外委曹榮祿祭葬世職。○癸丑諭內閣廉兆綸奏請將克復金谿縣城之紳士擇尤保奏等語。江西金谿縣城被匪竄陷。經該學政飭令帶勇之上饒縣廩生郭守謙等由貴谿移營漁塘相機進剿。於本月初九日由北門攻入。逆眾驚潰。奪門奔逃。各勇分路追殺。殲斃逆匪多名。立將縣城克復。該紳士等前次防堵貴谿頗稱得力。現復督勇克復金谿縣城著有微勞。所有該二案中出力紳士著廉兆綸擇尤酌保三四員。候朕施恩。○諭軍機大臣等前因江西賊勢猖獗。諭令葉名琛撥兵五六千名往援。續復諭令將所撥官兵交提督崑壽統帶由贛州一路進剿。本日據廉兆綸奏九江兵勇撤赴撫州等處。後南康郡城隨復失陷。現在石逆雖已下竄。而八郡悉為賊踞。逆氛甚熾。大勢難支。

請於閩廣兩督臣中簡派一人或另簡大員馳赴江西統領各路援兵剿辦。庶失守各城可期以次克復等語。江西毗連六省形勢極關緊要。現在賊蹤延蔓非迅速剿除則東南均難安枕。惟閩廣督臣均膺海疆重寄未便遠離職守。自應將各路援兵催集剿辦。昨據葉名琛奏永安股匪竄入海豐提督崑壽因攻勦和平匪徒正在得手未便移師前往此時江西情形危迫自應移緩就急。葉名琛於接奉諭旨後定已將所調精兵五六千名挑派齊全著即遵照前旨交崑壽統帶。剋日啟程。由贛州一路進剿。其和平勦匪即著葉名琛派員接辦。毋稍延緩。崑壽啟程日期並著先行馳奏其餘各路援兵據王懿德奏派撥漳州兵勇三千名交副將張從龍陳上國等統帶業已啟程。胡林翼奏派撥湘營等勇四千一百名交曾國藩之弟曾國華統帶亦已由鄂啟程赴援。湖南劉長佑一軍已克萍鄉。

進攻萬載。昨復諭駱秉章。飭令王鑫帶兵為劉長佑等後路援應。是各省大兵。不日雲集。失守各城。當無難次第收復。至廣饒兩郡。未遭蹂躪。守禦尤為緊要。仍著廉兆綸督同地方官。將勸捐辦團等事。實心經理。以資保障。將此由六百里各諭令知之。○又諭英桂奏豫省勒匪獲勝。並皖省另股擒匪。竄擾潁上一帶。窺伺潁州。亟須嚴防扼勒等語。豫省擒匪。經邱聯恩、史榮椿等疊次進剿。已挫兇鋒。而分路堵拒。詭詐百出。擒首祝幃安。復糾聚數千人。在潁上縣之韓擺渡等處。過河焚掠。直逼縣城。擒首冀得。又分遣夥黨。在潁上縣東十八里鋪盤踞。意圖窺伺郡城。現在豫省兵勇。既由北路進攻。則皖省南路。尤不可稍形鬆懈。必須分兵策應。南北兜剿。方可悉數殲除。不致分途竄擾。珠克登、郝光甲等。業已帶兵二千。行抵懷遠。該處百里以內。查無賊蹤。正可飭令前進。會同堵剿。著和春、福濟督

飭該鎮等。會同鄭魁士。由懷遠前進。將潁上潁州一帶賊匪。次第掃除。並著和春等酌量派兵。扼其南竄。為埽穴擒渠之計。英桂身膺統帥。固宜防賊北竄。亦不得託詞株守。自顧疆圉。著嚴飭邱聯恩等。節節進剿。期與皖省南路之兵會合。直搗雉河賊巢。該撫亦即拔營前進。躬親調度。以副委任。將此由六百里各諭令知之。○以鑲紅旗漢軍都統劉鈺署鑲黃旗蒙古都統。正藍旗漢軍都統華豐署正白旗蒙古都統。○甲寅。諭內閣。入夏以來。京畿得雨。尚未深透。降旨於本月二十九日。在黑龍潭。覺生寺。設壇祈禱。朕親詣黑龍潭拈香。昨日午刻。濃雲密布。澍雨優渥。仰荷昊慈垂佑。從此續沛甘霖。農田益資霑潤。寅感之下。冀盼尤深。著暫停開壇。朕於二十九日。

仍親詣

黑龍潭。先行拈香報謝。○又諭吳振棫奏請將陝西攤徵鹽課變通辦理一摺。據稱陝省鹽課改歸地丁併徵。諸形窒碍。請仿照河南鹽課改行河東招販。先課後鹽之法。變通辦理等語。著王慶雲將前辦章程悉心參酌。通盤籌畫。其有應行變通之處。即咨行吳振棫會商妥辦。以裕國課而便民食。○欽差大臣德興阿等奏勒平西北山賊巢並籌攻三汊

實錄卷之百九

十一

河賊壘情形。得旨。現在既能專力攻三汊河賊壘。自應趕緊進剿。平毀斷不可再任其負隅日久。致生他變。○以陝西防堵團練出力予道員常瀚等升叙有差。○予江南陣亡驍騎校康安。把總王忠。祭葬世職。○乙卯。

孝慎成皇后忌辰。遣官祭

慕陵。○

上詣

黑龍潭拈香謝雨。○遣惠親王綿愉詣

覺生寺。恭親王奕訢詣清漪園

龍神廟。醇郡王奕譞詣靜明園

龍神廟拈香報謝。○丙辰。諭內閣。勞崇光奏

請補行廣西文武鄉試一摺。前因廣西省辦

理軍務。暫將文武鄉試展緩。諭令該撫察看

情形。如地方安靖。即行奏請。於咸豐六年。特

開一科。將乙卯及辛亥兩科。歸併舉行。現在

地方漸就肅清。該省文武鄉試。著即遵照前

旨補行。所有該省正副考官。著禮部先期具

實錄卷之百九

十一

題。應如何改道赴粵之處。並著兵部查明具奏。○又諭。勞崇光奏越南國正貢屆期。據情代奏一摺。越南國王阮福時。以丁巳年正貢屆期。咨呈勞崇光奏請。恭進方物等情。具見該國王誠悃可嘉。惟現在用兵省分。尚未能一律肅清。若令繞程跋涉。轉非所以示體恤。所有越南國此次例貢。著緩至下屆兩貢並進。用副朕懷柔遠方至意。○又諭。前因御史伍輔祥奏。張起鵠侵漁帑項。降旨交花沙

納全慶秉公查辦。茲據花沙納等奏。按款查覈。雖無欠發口糧。及剋扣賞卹情事。惟通判龔國瑞捐輸錢文。並未報部請獎。已屬含混。又於在營各員。濫行支應。並將糧臺餘存軍裝器械。移交接管之員。作銀一萬一千餘兩。雖非私賣入己。惟以官物作價。亦屬不合。該員被叅各款。已有確證。且收支帳目。遲至十餘日之久。復行補送。更難保無增減情事。前順天府府尹張起鵠。著即革職。交花沙納。全

實錄卷一百九十六

十一

慶會同刑部審訊。○又諭業布冲額奏。試鍊鉛礮設局鼓鑄一摺。甘肅迪化州福壽山地方。經訪獲鉛礮煎鍊得銀。著即准其設立籌裕局。運鉛分鑄。仍督飭該委員等。悉心籌辦。所有在事出力。及捐備口糧人員。著業布冲額覈實請獎。毋許冒濫。○諭軍機大臣等。德興阿等奏。緊攻三汊河。削平賊營一摺。揚儀兩城克復。後逆黨尚在三汊河死踞。本為牽掣官軍。追攻瓜州之路。現已踏平賊營。奪其

所恃。賊膽已寒。即可乘此士卒用命之時。進拔瓜州賊壘。惟逆蹤詭秘。或堅匿不出。故老我師。或抵隙乘瑕。恣其奔突。務須謀勇兼施。力圖攻克。方足以固江北大局。前此托明阿等頓兵日久。與賊相持。致官兵虛實。皆被所窺。得逞其走險突圍之計。前鑒不遠。諒德興阿等必能振刷精神。妥籌盡善。該大臣督師以來。尚能連摧兇鋒。瓜州雖叢爾一隅。水陸皆能竄突。進攻之法。必須會約舟師。同時並

實錄卷一百九十六

十二

舉。使該逆應接不暇。庶勦辦易於得手。勿得久事遷延。徒糜軍餉。將此由六百里加緊諭令知之。○又諭容照奏。宿城兵單。請飭豫省南河撥兵防勦等語。捻匪久踞宿境。經官軍節次擊退。現在捻首夏自業。經容照等設計誘殺。其餘黨難保不勾結大股匪徒。再行肆擾。該州為南北要衝。據奏城中兵勇現止三百餘名。設有疏虞。所關匪細。著英桂接奉此旨。即酌撥兵一千名。或數百名。迅派得力將

備管帶。馳赴宿州。會同容照等。勦除擒匪。如該處情形喫緊。並著邵燦。庚長。分撥精兵前往應援。務當會合兜剿。毋得稍分畛域。將此由五百里各諭令知之。○又諭。前因御史伍輔祥。奏參張起鵠。總理糧臺。侵漁帑項。當交花沙納。全慶。秉公查辦。本日據花沙納等。將查出各款具奏。已降旨。將張起鵠革職。交花沙納。全慶。會同刑部審訊。至伍輔祥。奏參張起鵠。那移置產一條。內稱該員於五年五月

實錄卷之百九十六

三十三

告病。置買完縣城內帳局一所。鋪號德生。長藥鋪一所。鋪號永和堂。完縣中下邑帳局一所。鋪號德生。厚。又完縣鄉下堆積販賣糧食若干萬石。此外存銀處所。有京中城外臧家橋源義和錢鋪。保定府生源銀號等語。張起鵠在完縣地方。是否置有田產。及開設帳局藥鋪。並販賣糧食。寄存銀兩。著賈楨。蔣琦。瀉桂良。嚴密確查。據實具奏。將此各諭令知之。○欽差大臣德興阿等。奏裁汰揚州官兵。以

節廉費。得旨。所見甚是。照擬行。○以誘擒安徽擒首夏白出力。賞參將恩臨等藍翎。餘升擢有差。○予廣西武宣縣殉難知府黃輔相陣亡遊擊福格外。委吳錦蘭祭葬世職。○予浙江陣亡從九品王大川。祭葬世職。

實錄卷之百九十六

三十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十七

大學士臣等謹將前次奉旨交部議處各員分別開列其應行革職者著交部議處其應行革職者著交部議處其應行革職者著交部議處

大學士臣等謹將前次奉旨交部議處各員分別開列其應行革職者著交部議處其應行革職者著交部議處其應行革職者著交部議處

大學士臣等謹將前次奉旨交部議處各員分別開列其應行革職者著交部議處其應行革職者著交部議處其應行革職者著交部議處

大學士臣等謹將前次奉旨交部議處各員分別開列其應行革職者著交部議處其應行革職者著交部議處其應行革職者著交部議處

大學士臣等謹將前次奉旨交部議處各員分別開列其應行革職者著交部議處其應行革職者著交部議處其應行革職者著交部議處

教修

咸豐六年丙辰五月丁巳朔諭內閣書元奏

參運員貽誤公事一摺奉天省運赴通州米
豆為接濟京倉要需前因凍阻展限茲當春
融之際該運員等失察船戶潛行回籍以致
未能開行實屬辦理不善戶部六品官恒光
牛莊防守尉錫凌阿丁憂署海城縣知縣李
文森著交部分別議處盛京戶部侍郎書元
著一併交部議處仍著責成該運員迅速裝
載開行毋許再有遲誤改鑄湖南新化縣
知縣印信從巡撫駱秉章請也以捐修盛

京錦州府

文廟城垣等工予副都統定福等升敘有差

戊午諭內閣主懿德奏遵旨保舉人材各

等語福建在籍前任甘肅西甯府知府即用

道莊俊元兵部員外郎莊志謙均著送部帶

領引見河南在籍前任江甯布政使王庭蘭

前太常寺少卿李棠階著俟該省剿匪事竣

再行送部引見又諭前因福濟奏參劣紳

越境擅殺當降旨將安徽捐納員外郎孫家

泰革職交福濟嚴行審辦茲據該撫奏稱訊

明所殺陳大倫等四命均係投賊受職並作

奸細之人查無私設公座用刑拷問及聽從

私囑情弊惟以本籍紳士越境收詞干預公

事發貼木戳告示僭列欽命字樣實屬謬妄

孫家泰業經革職著毋庸議六安州知州茅

念劬於孫家泰致送土物先經退還嗣因公

出復送交家丁處尚非有心收受惟失於檢

點著交部察議諭軍機大臣等和春等奏

請調伊興額馬隊回宿保守危城等語。捻首夏白被練總朱庭芳計誘擒殺其黨思圖報復。昨因容照奏宿州兵單已諭令英桂酌撥兵一千名或數百名赴宿會剿。並諭邵燦庚長察看該處情形。如果緊急分撥精兵應援。該漕督等當必遵照辦理。伊興額所帶吉林馬隊五百名已調往揚州二百五十名留徐者數已無多。河南所撥官兵當可得力。現在邵燦等已飭伊興額傅振邦會合皖豫官兵

出境協剿。本非專顧徐州。該提督等即飛咨英桂調兵到宿。並咨商邵燦庚長分兵策應。互相捍衛。以挫兇鋒。而殲醜類。將此由六百里諭令知之。又諭廬州軍營因江海關及淮北鹽課一時均難接濟。著王慶雲於應解京餉內每月撥銀五萬兩解赴皖省。並著吳振械先行籌銀數萬解往廬州。以後再行酌量情形設法籌濟。毋誤要需。將此由五百里各諭令知之。又諭穆隆阿等奏操練官兵

籌畫經費一摺。察哈爾蒙古備調官兵現經穆隆阿等挑出精壯二千名跟役三百名。既據查驗該兵丁箭射無準。即著准其改演鳥槍。惟支發盤費每月需銀三千餘兩未免難以為繼。該都統等於訓飭戎行之中仍須力求撙節。此項官兵著飭令賽尚阿於五月內勤加操演。至六月即行停止。令兵丁等各回本處。俟七八月間再行酌調演看。一二次仍令聽候調遣。其所請補造鳥槍刀矛准其自

行修造。以資利用。將此諭令知之。又諭御史倫惠奏革吏蒙官舞弊請旨飭拏一摺。據稱有已革書吏王蘭坡改名張濟潛往通州與伊子王恩榮串同革吏沈棠魯頌包辦漕糧。將緊要漕務案卷藏匿。並在天津安設下處。南糧到日即影射分肥。包攬勒索等語。蠹吏把持漕務結黨營私不法已極。著步軍統領衙門順天府嚴密查拏。並將所藏案卷追出從重懲辦。以儆奸蠹。原摺著鈔給閱看。將

此各諭令知之。命大學士賈楨刑部尚書
麟魁教習庶吉士。授一甲一名進士翁同
龢翰林院修撰二名進士孫毓汶三名進士
洪昌燕編修。命福建水師提督李廷鈺來
京另候簡用。以福建福甯鎮總兵官林建猷
為水師提督。以勦辦安徽竄匪出力。賞已
革江西巡撫張芾五品頂帶。以安徽擒獲
捻首夏白出力。賞練總朱庭芳藍翎。以千總
補用。予安徽陣亡千總歐陽彬把總程朝

貴祭葬。世職紳董程懋恩曹元振葉邦本葉
星若賞卹如例。己未

孝誠仁皇后忌辰遣官祭

景陵。諭內閣戶部奏搭用制錢成數並籌辦
章程一摺。制錢大錢相輔而行。豈容任意低
昂。近日大錢漸見流通。而各錢鋪開發錢票
並不搭用制錢。以致民間零星日用諸多窒
礙。自應亟籌變通。以期盡利。嗣後京城各官
號開放兵餉及開發寶鈔。凡兵民到鋪取錢

每京錢一吊均著搭用制錢十分之一。其民
間錢鋪開發錢票並著步軍統領衙門順天
府五城出示曉諭一體遵照。不得專用大錢。
儻有奸商不遵搭放制錢之數及將制錢收
買出京漁利並擡價售賣者。即著各衙門嚴
拏懲辦。其錢數不及京錢一吊者或用大錢
或用制錢悉聽民便。至阻撓大錢前經定有
罪名。仍著各該地方官實力訪查。以重國法
而利民用。諭軍機大臣等有人奏江南裹

下河七州縣素稱產米之鄉。距六牘仙女廟
等處甚近。賊匪意在擄糧。宜嚴守要隘。以裕
軍餉。由仙女廟至泰州約二百餘里。為裏下
河往來要路。河港曲窄。宋明以來皆於此處
屯兵防禦。前明備禦倭寇亦在泰州北鄉港
口鎮一帶為窩子。會請飭仿照辦理等語。著
德興阿翁同書悉心酌覈。應如何設法嚴防
以資保衛。使賊蹤不致旁竄。而完善之地得
免疏虞。另片奏雷以誠軍營委員雷鳳翥黃

鍾吳雲翁壽慶虞詠齡皆雷以誠之私人眾稱為五虎其勸捐發餉等事種種營私索詐甚至有勒倡釀命情事著德興阿等按照所參各款提集該委員等一併歸案嚴行審訊毋得稍有不實不盡自干咎戾原摺片著鈔給閱看將此由五百里諭令知之庚申以內閣學士景廉兼鑲白旗蒙古副都統烏里雅蘇台參贊大臣哈勒吉那因病解任以喀喇沙爾辦事大臣玉通為烏里雅蘇台參贊大臣賞已革四川總督裕瑞三等侍衛為喀喇沙爾辦事大臣辛酉山東巡撫崇恩奏親歷兗曹濟甯等屬察看紳民團練近日勦匪深資其力得旨覽奏各處團練頗有得力之處實為鎮內禦外要著隨時激勸勿令怠疲○以禮部右侍郎寶璽兼正紅旗蒙古副都統○以京口副都統都興阿為江甯將軍調正紅旗蒙古副都統綢閩為京口副都統○以乍浦副都統穆克德訥為廣州將軍

廣州協領來存為乍浦副都統予故廣州將軍穆特恩祭葬卹廕諡勤確展緩山東省各商節年未完引課壬戌諭軍機大臣等胡林翼奏水陸勦賊連獲勝仗一摺覽所奏情形自三月十五至四月十六日已踰一月不過零星勝仗於克復城池毫無把握該署撫於三月初間疊次奏報均稱旬日之間城池可復又稱春漲初起賊船可以盡燒今已遷延數月始稱水陸扼截斷賊貲糧直似從前並未籌及且所稱剗營洪山等處斷賊陸運剗營沙口斷賊水運而四月十六日賊船下駛仍復窮追不及是其布置實未周而徒以空言搪塞直似無計可施官文共事一方亦不聞其互相匡救著即嚴督水陸各營合力進攻務將武漢城池剋期攻克若再事遷延朕必治其老師糜餉之罪至江忠濟陣亡岳州一帶何人扼守本日已諭知駱秉章妥籌布置該督撫亦當豫籌策應不可專恃

赴援江西之軍以為必能埽蕩賊蹤也將此由六百里各諭令知之。又諭德興阿翁同書奏江浦失守並進攻瓜州情形江浦等處收復以後疊經德興阿等將派兵防禦情形入奏乃賊匪甫經竄至江浦即復被陷將士之不用命已可概見該處地關緊要著德興阿等派撥精兵前往攻剿務將該縣城池剋日收復毋任逆眾久踞至與江浦毗連之六合儀徵等處前經德興阿等奏稱派令李志和等帶兵駐守並著飭令該總兵等嚴密防堵相機攻剿勿令賊蹤蔓延致干重罪瓜州叢爾之區久為賊踞該處一日不復則江北一帶不得休息所奏攻剿情形尚屬毫無把握難免曠日持久該大臣等身膺督師重任務當申明紀律使將弁兵勇咸知奮勉將瓜州賊巢迅速攻毀毋得老師糜餉仍蹈從前積習自取咎戾將此由六百里諭令知之。又諭前以揚營攻剿喫緊疊次諭令邵燦庚

長將調赴清江之直隸等省官兵分撥揚州交德興阿等分布進剿自應迅速遵諭催行本日據德興阿等奏逆賊復攻撲江浦縣城又被失陷瓜州死黨連被官兵圍攻鼠伏不出惟我軍步隊過單未能直擣賊巢各等語是揚營需兵十分緊急該處距揚州不遠一切軍情不難與德興阿等札商以期緩急得宜著邵燦等即將已抵清江各省官兵及吉林等處餘丁遵照歷次諭旨分撥啟行剋期馳赴揚州毋再遲延將此由六百里諭令知之。又諭據胡林翼奏候選道江忠濟駐兵通城與賊接仗力竭捐軀所部將弁同時殉難等語通城為入江西省要路與湖南接壤現在江西賊匪大股回竄江忠濟業已陣亡該省岳州一帶亟須嚴密防堵不可稍形鬆懈著駱秉章相機扼要妥籌布置其江忠濟如何殉難及接仗失利情形著一併詳查具奏將此由五百里諭令知之。引見新科進

士得旨一甲三名翁同龢孫毓汶洪昌燕業
經授職外鍾寶華史崧秀趙有瀄徐昌緒沈
秉成陳彬綬宗室延煦譚鍾麟洪調緯汪祖
綬華晉芳楊秉璋蔣彬蔚唐嘉德徐景軾夏
同善柴友芝李士芸葉衍蘭于光甲銘安任
傳綸孔憲穀龐掌運潘祖同紹祺李鼎范運
鵬馬元瑞邢景周高廷棟夏獻馨賈春暉陳
蒸翁延緒喻秉綬李宏謨劉昭文蕭延福羅
賢升范鴻謨范希瀄劉鍾祥王題雁黃廷金

孫欽昂陳壽祺洪麟綬董文煥汪朝榮陳傳
奎秦賡彤黃文璧許業香張其蕙頓福之周
維翰孫官雲彭桂馨吳增達俱著改為翰林
院庶吉士雷榜榮李壽蓉馮端本張衍熙龔
嘉儔周才錦邵占鼇彭潤芳繆冠瀛錫瀄胡
義質鍾孟鴻卓景濂何維烈嚴昉張振新于
宗綬黃體立張敬生楊澤山余上華首調元
陳蓋章李文瀛趙貢王傳慶貽於藻胡延夔
宗室豁穆歡劉廷輝林其年梁炳漢范鳴珂

任重光莊錫級員鳳林陳穀丁遜之孫彥何
樞守正薛允升楊兆運張錫基文輅宋良薰
王汝礪張樹甲鄧宗衡盛植型黎兆棠蔡同
春孫家穀陶寶森郭長清杜田之孫堪畢瀚
昭王芳衡宓昞娘戈尚志李昶元赫慎修劉
正品閻汝弼烏拉喜崇阿劉餘慶廖正亨夏
獻蓉孫長綬傅馴鮑勛張殿棟唐國賓周鶴
張文瀾邵涵孫廷彥俱著分部學習李應莘
李貽良劉書雲饒軒陳萼芬張興留俱著以

內閣中書用顏卓之何崧泰邱對欣劉觀光
錢杞夏錫麒楊景孟陳森娘李璋周丕灃汪
敏修張師亮孫鳳翽田依渠薛嶸俞世銓何
履亨薛桂丁徐錫麒任連升張光藻程豫韓
欽關國光適攀龍盧天澤張景福常維潮屈
永清譚能高王達材黃金鉞吳毓芳曹大俊
韓經畬黃湛昌黃成采朱策趙士舉任熙弼
芮繼宗鄭猗萊楊昌江蘇文炳王日烜劉子
英陳鑑張元健魏象乾佛爾國春廉隅田得

吉梁鳳瀚張九搏范邦綏袁輝山王和軒陳
頌揚黃起元方炳文陳國鼎俱著交吏部籤
掣分發各省以知縣即用吏部額外主事涂
覺綱著俟報滿作為候補主事後以該部主
事即補餘著歸班銓選以江蘇江浦縣城
被賊竄陷革總兵官薩炳阿職知縣曾勉禮
革職仍責令戴罪自效以湖北疊次勦匪
出力賞守備蘇在位李朝斌周清元等花翎
湖南訓導吳炳崑等藍翎餘升賞有差予

湖北咸甯通城勦賊陣亡知縣汪靜淵教授
熊繡教諭黎鴻漸訓導賀壽椿從九品但懋
城王道平祭葬世職六品軍功汪樹聲祭葬
世職如把總例予湖北武昌府陣亡把總
賀連城鄰友廷文德元水師哨官宋富元祭
葬世職加等○癸亥諭內閣文熊奏請提撥
關稅銀兩辦理大運一摺蘇州織造承辦大
運紬緞向於藩庫支銀現因提支未能如額
著照上兩年成案准其將潞墅關徵收稅銀

先儘提辦俟辦竣後仍將稅銀趕解軍需以
資接濟又諭江蘇巡撫吉爾杭阿由郎中
揀發江蘇道員屢立戰功超擢巡撫上年克
復上海懋著勤勤賞加頭品頂帶法施善巴
圖魯名號並令幫辦江南軍務自圍攻鎮江
以來一切布置頗合機宜本年擊勦金陵內
竄賊匪盡力籌防不辭勞瘁方冀恢復堅城
正資倚畀乃據向榮德興阿等同日奏到該
撫因勦賊煙墩山登高瞭望中槍殉難深堪

憫惜吉爾杭阿著追贈總督即照總督陣亡
例賜卹賞給一等輕車都尉世襲罔替並准
其入城治喪任內一切處分悉予開復應得
卹典該衙門察例具奏伊子戶部筆帖式文
鈺著俟百日孝滿後由該旗帶領引見用示
朕褒嘉忠藎至意尋予祭葬諡勇烈諭軍
機大臣等向榮奏賊陷黃泥洲煙墩山營盤
撫臣殉難並德興阿等奏派兵赴鎮歸余萬
清調遣各情該撫捐軀殉難深堪憫惻聞帶

兵將弁如縋關虎嵩林劉存厚等尚不知下落丹陽句容等處內竄可虞雖向榮德興阿均各調撥兵勇往援仍當確探南岸情形會商余萬清辦理至江浦被陷李德麟紅單船未能下駛江北師船自嫌力單所有都司黃彬管帶前幫紅單船十隻本日業諭向榮等飭歸江北軍營調遣即可分布要隘悉力堵禦該大臣務當迅擣瓜州賊壘攻克江浦縣城毋再延緩將此由六百里加緊諭令知之

又諭向榮奏逆賊連陷黃泥洲煙墩山營盤撫臣殉難並據德興阿等奏吉爾杭阿中槍陣亡等語逆匪糾合瓜鎮大股南竄黃泥洲煙墩山兩營先後失陷縋關虎嵩林等亦不知下落賊勢猖獗已極丹陽常州防守空虛儻該逆乘勢內犯於大局殊有關繫京峴九華各兵勇即著該大臣傳諭余萬清就近統帶相機堵剿其內犯各路尤須嚴密設防向榮現派李定太等暫駐句容並調明安泰

馳赴橫水橋接統各軍以扼小丹陽秣陵關一面令張國樞福興前往迎剿布置尚為周妥惟該大臣兵勇分剿各處愈形單薄蘇常一帶若專恃向榮派兵援應亦恐鞭長莫及怡良近在常州一切堵剿機宜亟應早為籌備毋得專待向榮之軍致滋貽誤江蘇巡撫已有旨命趙德轍署理該督即與該署撫會商籌辦妥為調度毋令該逆內犯至金陵大營尤不可輕為掣動使該逆愈無忌憚本日

據德興阿等奏派已革參將陳昇都司富羣帶兵四百名又選練勇六百名渡江馳赴鎮營此項兵勇到後即歸余萬清調遣現在江北浦口觀音門等處賊踪出沒且江浦復失情形亦極緊要德興阿請將此次上駛紅單船歸江北調遣即著向榮遵照辦理俟北岸稍清再與德興阿商酌何處喫緊即撥往何處截擊此時我軍新挫賊勢方張該大臣等務當統籌全局實力防剿以慰廑念將此由

六百里加緊各諭令知之。以江蘇按察使趙德轍署巡撫。以殲勦貴州苗匪擒獲首逆賞都司陳鶴齡守備韓寶同知石均花翎千總趙連科等藍翎餘升擢有差。予貴州陣亡把總鄔仲翔祭葬世職。甲子諭軍機大臣等德興阿等奏九華山營盤失陷添撥兵勇援勦並片陳揚營存兵單薄等語逆黨連陷黃泥洲煙墩山營盤復將九華山大營占踞意在窺伺句容丹陽圖擾蘇常一帶賊

青錄卷百九十七

下

勢愈張官軍新挫余萬清初領各軍未知能否得力雖有李定太兵勇駐劄句容明安泰赴橫水橋扼小丹陽秣陵關等處而東南大局已不免掣動昨據向榮奏檄調張國樑選帶勁旅會福興前往迎勦德興阿等復派李志和毛三元帶練勇及河州兵七百五十名並前派之陳昇富羣等兵練一千名統交分帶著即飭該員等會商余萬清等勦辦以固蘇常門戶瓜州尚未克復今鎮江又復失利

青錄卷百九十七

末

據難民有逆黨仍欲渡江竄越江北之言該大臣仍當督飭各營加意嚴防勿令江南賊匪與瓜州聯為一氣此時揚營兵力甚單所有直隸宣化兵諒已早抵清江除羅玉斌所帶五百名赴徐助勦其餘一千三百名著邵燦庚長即令全數速赴揚州交德興阿等調遣其吉林黑龍江馬隊餘丁一千名該漕督等仍遵前旨分撥一半赴揚協勦現在瓜鎮賊匪鴟張日甚揚州軍情較徐州尤形喫重邵燦等務當嚴催各兵前進不得任聽徐州截留致有貽誤將此由六百里加緊各諭令知之。又諭胡林翼奏水師火攻賊船並勦賊均獲大勝一摺現在漢陽江岸賊船已盡數焚毀而援軍中途勦賊亦獲勝仗辦理尚屬得手其鮎魚套賊船並黃州一帶賊船三百餘隻即著楊載福乘勝下駛痛加勦洗勿令上竄官文總統全師已逾半載胡林翼圍攻武昌屢稱即可克復此次逆眾戰艦既經

焚燒殆盡斷其接濟賊膽已寒亟應乘此聲威迅圖攻克二城著該大臣等嚴飭各軍振刷精神水陸合剿以期及早奏功毋再遲延干咎至搜獲該匪偽文有糾約援賊夾擊官兵營盤之語並著加意嚴防毋墮奸計將此由六百里諭令知之○又諭英桂奏勦辦永城等縣股匪獲勝並袁甲三等會勦進駐亳州請飭皖省官兵兜剿一摺永城夏邑鹿邑邊界均有股匪窺伺經各該地方官勦辦頗

實錄卷百五

十九

有新擒袁甲三邱聯恩崇安等會督大兵進剿直抵亳州大獲全勝自豫赴亳之路已就疏通可見擒匪雖眾如果認真督辦原不難次第肅清惟該匪奔突靡常必須乘此聲勢南北兜剿為埽穴擒渠之計珠克登郝光甲帶兵二千早抵懷遠自應直趨雒河雖中間界溝集等處尚有股匪亦當趕緊勦除毋任該員等藉詞延宕儻懷遠一帶尚須官兵勦辦即著於珠克登郝光甲二員中先派一員

帶兵馳赴亳州會同進剿並著英桂督飭袁甲三等乘勝逼近賊巢與皖兵合力夾擊如將首匪殲除則餘黨自易解散另片奏楚豫交界地方有遊匪二三千人聚眾滋事經慶德鄭元善等帶兵擊退等語此項遊匪雖係散勇亦當迅速解散免致別生事端著英桂嚴飭邊沿禮查明搶掠滋事者勦捕懲辦其中回籍良民分別資送交該地方官妥為安置並知照官文派員會同辦理勿令盤踞滋

實錄卷百五

二十

擾將此由六百里加緊各諭令知之○以已革湖南提督余萬清為雲南鶴麗鎮總兵官仍留鎮江督辦防勦事宜○以安徽界溝集勦匪奮勇賞副將樂善總兵銜以克復河南光州息縣二城生擒首逆易添富賞同知鄭元善知縣金朝棟參將成景花翎守備特合圖等藍翎餘升擢有差以勦辦河南彰德衛輝懷慶開封許河南六府州聯莊會匪並新鄉縣守城出力予總兵官崇安等優敘

賞道員聯捷。周士鐸按察使銜。知府蔣斯崇。高應元。張廷璽。知縣祝壇。遊擊王鳳祥。德魁。佐領哈忠。阿花翎。知府厲文煒等。藍翎。餘升擢有差。○以河南固始縣防勦出力。賞在籍四品卿銜王庭蘭花翎。予湖北陣亡參將遇壽祭葬世職。○乙丑。以故阿勒台烏梁海散秩大臣達什濟克巴子三濟密都布襲職。為阿勒台烏梁海散秩大臣。○丙寅。上幸萬壽山。詣

實錄卷百九十七

三

廣潤祠拈香。○以翰林院侍講學士畢道遠。為廣西鄉試正考官。編修丁紹周為副考官。○改鑄廣東鹽運使司運同印信。從巡撫柏貴請也。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之一百九十七

實錄卷百九十七

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之一百九十八

監修總裁官經筵講官直學士徐壽朋傳文淵閣閣學劉世安等纂修纂修官徐壽朋等纂修

大營管理兵部事務加主級紀錄五次實授廣東總督張之洞奏請太子太傅文淵閣閣學劉世安等纂修纂修官徐壽朋等纂修

大營管理兵部事務加主級紀錄五次實授廣東總督張之洞奏請太子太傅文淵閣閣學劉世安等纂修纂修官徐壽朋等纂修

大營管理兵部事務加主級紀錄五次實授廣東總督張之洞奏請太子太傅文淵閣閣學劉世安等纂修纂修官徐壽朋等纂修

大營管理兵部事務加主級紀錄五次實授廣東總督張之洞奏請太子太傅文淵閣閣學劉世安等纂修纂修官徐壽朋等纂修

教修

咸豐六年丙辰五月丁卯諭軍機大臣等向

榮奏派兵馳赴高資嚴防內犯一摺。此次逆
匪併力內犯。猖獗已極。余萬清既能力扼京
峴山。尚不致全行決裂。本日已命幫辦江南
軍務著與福興、張國樑等力挫兇鋒。保全大
局。谷韞燦、劉營丹、陽虎嵩林等。劉營練、胡固
為保守蘇常門戶。然必能勒而後能守。如有
機可乘。仍當督兵迎出。與余萬清等合力夾
擊。不可株守內地。秦如虎、甯國營中。既抽兵
二千前赴句容。鄧紹良已赴浙江。小丹陽一

路直達高湍東壩。尤為常州緊要鎖鑰。明安
泰兵僅千餘。是否足資扼截。現聞該逆又有
欲撲大營之說。該大臣布置固屬周妥。終覺
兵單可慮。此時惟有將鎮江一軍立定營壘。
牽制逆匪。使不敢南北肆竄。則我軍聲勢復
振。然後分投勦辦。次第廓清。庶可挽回大局。
諒該大臣等必能籌畫萬全。以慰朕念也。怡
良總督全省。近在常州。昨已諭令妥為調度。
嚴防內犯。趙德輟熟悉金陵一帶民情。此時

大營兵單。如能激勵鄉團齊心助剿。於大勢
亦屬有益。至該處兵餉。著該督撫等力籌接
濟。萬不可使有缺乏。以固軍心。將此由六百
里加緊各諭令知之。○又諭連日據向榮等
先後奏報鎮江賊勢猖獗。煙墩九華兩山營
盤全失。巡撫吉爾杭阿副都統綢關均已陣
亡。現少帶兵得力大員。因思都興阿新放江
甯將軍。仍在湖北督帶馬隊。近日江南情形
較湖北更為緊急。都興阿如能前赴向榮軍

營協同帶兵勦賊必可得力。著官文等體察情形迅速具奏。如令都興阿前往其所帶馬隊各兵著官文等揀派得力之員接續管帶。毋令鬆勁。將此由五百里各諭令知之。又諭向榮奏賊謀內犯甚急請派兵助勦一摺。賊勢鴟張。丹陽句容等處在在危急。雖經向榮等派撥兵勇分投援勦。而金陵鎮江之賊兩路同時竄撲。向榮大營兵分力單。實為可慮。東南大局攸關。亟應撥兵助勦。前據王懿德奏撥漳泉等屬兵勇三千名。派副將張從龍陳上國統帶前赴江西交界會同衛防。文武籌辦防勦。現在是否已抵常玉山等處。著王懿德何桂清飭令張從龍將所帶兵勇三千名悉數帶赴金陵大營。交向榮調遣為移緩就急之計。該官兵應由何路行走。並著何桂清就近飛檄行知。令其剋日啟程。毋許遲延。致滋貽誤。將此由六百里加緊各諭令知之。又諭向榮奏賊勢蔓延急須馬隊攻勦

請飭就近調馬五百匹趕解軍營等語。金陵前調馬隊馬匹多有倒斃不敷乘騎。現在江南賊勢鴟張。馬隊甚為得力。必應添調備用。著桂良於直隸南路各營趕緊挑選壯馬五百匹。派委妥員迅速解赴江南軍營。以資攻勦。毋得稍涉遲延。儻該省官兵馬匹調撥後不敷應用。即著該督酌量奏請於察哈爾馬匹內就近撥還。將此諭令知之。命雲南鶴麗鎮總兵官余萬清幫辦江南軍務。以前任甯古塔副都統巴棟阿為京口副都統。調派赴河南陝西官兵一千名。改赴江南軍營勦賊。予江蘇陣亡京口副都統綢關道員劉存厚祭葬世職加等。予陣亡江蘇巡撫吉爾杭阿於殉難地方建立專祠。京口副都統綢關道員劉存厚一併附祀。戊辰改鑄陝西布政使印信。從巡撫吳振棧請也。己巳遣官祭關帝廟。庚午

上還宮。○諭軍機大臣等。前據恆春奏黔省賊勢鴟張。撫臣勦辦未能得手。請親往督辦等語。蔣霽遠在黔數年。於地方事務尚未見其竭蹶。自桐梓等處匪從滋事以來。蔓延各屬。未能迅速肅清。前年勦辦楊馮一股。全係川滇官兵之力。上年勦辦徐廷杰一股。又係湖南援兵出境。始就殲除。而該撫保舉出力人員。已至十數次之多。前因其所保過濫。曾於此摺內嚴切指示。特念該省兵單餉絀。不得

不勉從所請。以勵軍心。本日奏報羅斛一帶雖有勝仗。而勝乘等處傷亡員弁。仍復不少。似此日久耽延。恐致貽誤。蔣霽遠辦理軍務。能否調度得宜。若恆春密加訪察。如果尚堪勝任。邊圉重地。原不必驟易生手。若實在調度無方。難資整頓。即著據實密陳。毋稍徇隱。將此由六百里密諭知之。○又諭蔣霽遠奏急需川兵會勦苗匪。並懇飭令籌餉接濟一摺。覽所奏各情。自係萬分緊急。前調蔣玉龍

一軍因秀山一帶松桃餘匪未靖。以致赴黔稍遲。現在松桃等城已復。川黔交界亦已肅清。著黃宗漢即飭蔣玉龍迅速前赴鎮遠。勦辦與黔兵協力夾擊。以期節節疏通。城圍立解。毋任逗遛。所需軍餉。黔省凋敝之餘。萬難支應。並著黃宗漢設法籌撥。源源接濟。庶免餉需匱乏之憂。至黃宗漢身任總督。地方尋常事件。應奏者已屬不少。況各省撥兵調餉。關涉軍務者。更當由驛馳遞。豈容積壓遲延。

何以本年以來。未見該督奏報。從前黃宗漢在浙省奏事。耽延僅加薄責。曾於謝恩摺內。手批訓諭。望其痛加悛改。乃曠廢因循。復蹈故轍。大負委任。覈計該督應行覆奏之件甚多。何竟至若罔聞。殊堪詫異。黃宗漢接奉此旨後。著即明白回奏。並將應奏事件。隨時具奏。毋許再有積壓。自干重咎。將此由五百里諭令知之。○又諭前因貴州需餉。疊經諭令葉名琛撥銀二十萬兩。解往應用。茲據蔣霽

遠奏稱廣東頭批餉銀已由楚迎提至黔其
二批餉銀五萬兩接據湖南巡撫咨稱暫留
截用俟廣東應解南餉到日解還於黔省停
兵待餉情形意存膜視應請勒令剋日赴解
等語貴州省苗匪蔓延兵勇待餉甚急其頭
批餉銀既經解到則道路並無梗阻何以擅
將餉銀截留所有廣東解黔二批餉銀五萬
兩著駱秉章陸續派員解往貴州此後粵省
再有解黔銀兩毋許截留以免貽誤至黔省

匪徒滋事為日已久蔣霽遠保奏出力人員
幾難數計朕念該省餉絀兵單亦俱勉從所
請給予獎敘方謂將士等定知激勸茲聞該
撫所奏下游滋蔓情形尚復如故糜餉老師
肅清何日蔣霽遠身任疆圉責無旁貸著督
飭在事文武將各屬匪徒迅速剿除毋得徒
以餉需不繼為辭該遇他人自干咎戾將此
由六百里各諭令知之○予貴州陣亡知縣
張禮度把總劉鄭勝李定忠唐萬賓劉大鈺

外委許恩貴吳華奇主治興游啟貴從九品
陽餘齡祭葬世職○以全家殉節予貴州知
縣張禮度於死事地方建立專祠並以伊母
及眷屬親幕等二十三名口附祀○辛未諭
內閣怡良奏特參失守城池之文武員弁請
革職提審一摺本年二月揚州府城失陷該
文武員弁防禦不力失陷城池咎有應得自
應審明分別治罪署江都縣事委用知縣李
輝德署甘泉縣事實應縣知縣唐守道署甘

泉縣典史候補未入流劉發榮題補揚州營
中軍守備千總常繼春兼署揚州營千總把
總李其鼐著一併革職提省審明辦理署揚
州營參將河標右營遊擊祥林前經翁同書
奏據委員稟報業已遇害茲據該督查明該
遊擊受傷墜馬被救得生著一併革職提審
審辦所得卹典著即撤銷○諭軍機大臣等
英桂奏豫省大兵由亳州進剿擒匪大獲勝
仗一摺此次袁甲三邱聯恩等進攻翟村寺

匪巢追擊三十餘里。擒斬擒首多名。辦理甚屬得手。該匪經連次痛剿。其勢已蹙。正宜乘勝直搗賊巢。著英桂即飭袁甲三等由翟村寺東南步步進逼。毋稍觀望。該撫亦即察看情形。拔營前進。為袁甲三等後路援應。則我軍聲威愈壯。辦理更易。為力。其鹿邑賴上一帶。亦關緊要。並著嚴飭各該員。實力防剿。毋令該匪紛竄。大兵進逼雒河。南路堵剿。亦極喫緊。鄭魁士傷已痊愈。折回懷遠。珠克登。郝

光甲。已由懷安前進。如傅振邦進駐百善鎮。則各路兵勇。即可會合兜剿。諒茲羣醜。不難一鼓殲除。黑龍江餘丁五百名。已抵歸德。即准其撥赴邱聯恩崇安等軍營。以資攻剿。昨因江南需兵甚急。諭令該撫將陝西綠營兵一千名。撥赴金陵大營。交向榮調遣。現在江南情形。萬分緊急。此項官兵。即飭令星馳前往。毋許遲誤。將此由六百里加緊諭令知之。○壬申。以喀什噶爾堵截回匪出力。辦事大

臣倭什琿布幫辦大臣穆特恩奏。下部議欽。賞守備惠奇。花翎。委領催烏勒登等藍翎。餘升敘有差。○

上以夏至祭

地於

方澤。自是日始。齋戒三日。○癸酉。諭軍機大臣等。恆春奏。黔省需餉甚急。請飭四川籌銀墊解等語。現在黔省軍務上游業已肅清。下游亦漸次得手。惟兵餉必須亟籌接濟。方可蕲

事。陝西省現有應解黔餉十萬六千兩。業經部催迅解。第陝省距黔較遠。不能指日解到。若停兵待餉。有誤要需。關係非細。著黃宗漢於該省無論何款項下。先行籌撥銀五萬兩。派委妥員。星速解黔。俟陝餉行抵川中。再行截留歸款。將此由五百里諭令知之。○又諭。和春等奏。擊退額上擒匪。聞江浦復陷。請移清淮防兵馳援等語。江浦失守。經德興阿等派往浦口之安勇穆克登額等。由石佛寺進

攻斃賊甚多。德興阿等復派鄧鳳林帶兵四百餘名前往。當數勦辦。清淮防兵前已調赴揚州。現在無可移撥。昨據德興阿奏。賊在江浦之江心洲。搭蓋浮橋。以通江路。又有欲從烏江直犯全椒。滁州來安。抄截浦口。六合後路之計。則皖省清流關一帶。情形喫緊。亟應豫籌扼截。前年賊匪由浦口北犯。即由此路竄出。和春等務當嚴飭帶兵員弁。就近堵遏。如有北竄。惟和春等是問。懍之。將此由六百

中書奏

三

里諭令知之。○予貴州陣亡州同劉寶善。子總劉國恩。祭葬。世職武生。劉煥章。賞卹如例。○撥熱河礦課銀一五千兩。接濟濟駐防官兵餉需。○撥淮關銀三萬兩。解往安徽廬州。以濟軍需。○甲戌諭內閣。舒興阿奏省城回匪滋事。殲除殆盡。一摺。據稱昆陽州回匪馬三新率黨千餘人。竄至省城外。與該處回匪互相勾結。肆行劫殺。當經兵練立時殲擒。並將首逆馬三新當場格斃。其城外回匪亦經

中書奏

十二

兵練殲除殆盡等語。覽奏。寶深詫異。省城重地。豈容外來匪徒肆行滋擾。該地方各官於馬三新等竄至時。未能即行拏辦。致令與本境匪徒勾結為患。非尋常疏忽可比。雲南巡撫舒興阿。並署任藩臬兩司。均著交部議處。其餘該管地方文武各員。著該撫查明。奏諭軍機大臣等。怡良奏金陵賊眾兵單。不敷分撥。請飭直隸陝甘速調精兵赴援等語。據稱小丹陽一帶賊勢蔓延。兵力甚形單薄。蕪湖逆船日聚。日多。窺伺東壩。逆黨復分屯太平神策等門。有分股來犯石埠橋及圍撲大營之信。向榮營兵甚單。亟須添調。以資援勦。覽所奏情形。需兵實屬緊急。惟直隸現在無兵可調。即陝甘等省相距較遠。亦恐緩難濟急。前日因向榮奏請添兵。已諭知王懿德。何桂清。將福建派赴江西交界之漳泉等屬兵勇三千名。飭令悉赴金陵。此項兵勇未知行抵何處。著怡良飛咨何桂清。探明迎提。催

令迅速金陵大營歸向榮調遣至句容東壩一帶實為內地門戶前經疊諭該督加意防守現在賊氛甚熾仍著派撥兵勇擇要嚴密堵扼毋稍疏虞將此由六百里加緊諭令知之○又諭英桂奏請將徐州截留之吉林餘丁改赴揚營等語本日據邵燦等奏徐州截留餘丁五百名已交伊興阿統帶其餘五百名遵旨催赴揚州此項餘丁前經降旨分撥一半赴揚一半赴徐此時亳州一帶捻辦捻

實錄卷一百六

十一

匪正在得手所有黑龍江餘丁五百名未便遽行撤動蕭場一帶情形稍鬆即著邵燦庚長將現留徐州之吉林餘丁五百名飭令馳赴德興阿軍營以資助剿其黑龍江餘丁五百名即留亳州毋庸調回現在亳州等處連獲大勝亟須江皖官兵會合兜剿著邵燦庚長察看情形如徐州境內已無匪蹤即飭傳振邦等帶兵出境與袁甲三等合力兜圍如尚有零星股匪亦著迅速揔捕督兵前進不

得株守本境將此由六百里加緊諭令知之○又諭英桂奏官軍進剿捻匪大勝直搗雒河請飭江皖官兵迅速會剿一摺袁甲三等督率豫省兵勇由永城進抵亳州連獲勝仗復由翟村寺進兵白龍王廟將該處捻匪悉數殲除現即直搗雒河為埽穴擒渠之計惟擒匪等勢既窮蹙亟應四面兜圍懷遠地方已經肅清珠克登等不應逗遛該處此時豫省官軍由西北進攻設東南一面空虛該匪

實錄卷一百六

十四

必致乘間竄逸著和春福濟嚴飭鄭魁士等各帶兵勇剋日前進與豫省官兵合力圍剿毋許稍遲儻再有意觀望致擒匪脫逃復擾他處不獨鄭魁士等難邀寬宥即和春福濟亦不能當此重咎也至和春頓兵三河已逾數月既不能迅克賊巢又不能分攻他處以牽制賊兵現在金陵上游賊眾廣至向榮一軍四面受敵深恐因兵分力薄難以支持現調陝西福建兵四千名恐緩不濟急鎮江江

浦失事。德興阿等。均派兵援救。揚州兵力。亦難再分。此時惟有和春。福濟。能出一旅之師。攻賊所必救之地。當可稍分金陵賊勢。以保東南大局。著即籌度機宜。出奇制勝。以慰殷盼。至清流關。為北來門戶。昨經諭令扼守。諒已遵辦。其三河地方。無險無城。不過賊壘數處。豈容藉口。耽延著和春等。速籌掃蕩。毋為賊所牽掣。置有用之兵於無用之地也。將此由六百里加緊諭令知之。○又諭寄諭河南

實錄卷百六十八

十五

巡撫英桂。豫省大兵。疊獲全勝。直偪雒河集。老巢。辦理已屬得手。際此賊勢窮蹙。著該撫連飭袁甲三等。剋期進攻。為掃穴擒渠之計。毋令該匪乘間竄逸。致滋他擾。至東南兩面。需兵控扼。已屢諭和春等。撥兵會擊。本日並諭邵燦。庚長。察看徐州一帶。如無擒匪。即飭傅振邦。督兵前進。該撫當一面催提。一面就現有兵力。節節布置。迅籌勦洗。不得因待會合之師。致形鬆勁。前諭令將陝西緣營兵一

千名。撥赴江南。此時金陵情形喫緊。該撫迅遵前旨。照數撥往。向榮軍營。俾資調遣。將此由六百里加緊諭令知之。○雲南巡撫舒興阿奏。楚雄回匪。疊受懲創。勦撫兼施。尚易得手。惟尋甸悍匪。理喻不從。地方多被擾害。現已飛調昭通開化各鎮兵。相機勦辦。得旨。尋甸豈不能勦撫兼施。若必期勦洗殆盡。焉有多兵。但不可遷就了事也。○予安徽陣亡千總陳衛林。祭葬世職。○乙亥夏至祀

實錄卷百六十八

十六

地於

方澤

上親詣行禮。○詣

覺生寺拈香。○幸圓明園。○湖南巡撫駱秉章奏。遵訊守備哈清阿。於賊竄藍山時。帶兵出城防堵。尚無畏賊潛逃情事。經知縣張嗣康稟揭。提省查訊。途中遇賊被殺。應毋庸議。外委唐雲開。聽從同往。亦罪有應得。得旨。近來文員惡習。多以齊團為名。擅離城守。此案

張嗣康因未能先期脫身解圍後稟揭既於己之守禦又可諉罪於他人居心殊屬險詐張嗣康究未失陷城垣著免其治罪查該員有無保舉之案具奏請旨哈清阿雖已被害惟未能豫防搶擄繞道攔截勿庸議給卹典唐雲開業經斥革著免其餘罪○命左春坊左庶子殷壽彭提督廣東學政○以勦辦湖南永明等州縣竄匪出力賞都司李承立守備方開榜花翎知州馮汝榮等藍翎餘升敘

實錄卷之六

十七

有差○以勦辦廣東佛山等處股匪出力賞在籍郎中王福康知州李應榮守備黃大榮馮元亮保安吉花翎教諭歐陽楨等藍翎餘升賞有差○丙子諭內閣都察院奏安徽阜陽縣民人王尚雅以土匪滋擾親族被戕等詞赴該衙門呈控據稱匪首龔得王玉等因伊弟武舉王調元團練築寨與匪接仗挾讎糾眾圍攻該寨王調元力戰被害親族多人盡被殺害該匪又焚燒房屋發掘墳墓等情

案關土匪擾害良民肆行荼毒不法已極何以該地方官並不嚴緝究辦著交福濟迅速查明將首匪龔得王玉等悉數擒獲盡法懲辦以儆兇頑原告民人王尚雅該部照例解往備質○諭軍機大臣等常清法福禮奏經費未能接濟請飭陝甘省籌銀迅解一摺新疆南路各城換防兵丁月支經費全賴內地接濟據稱現在待餉孔殷萬分緊急僅據陝甘省解銀一萬兩分撥各城不敷一月之用

實錄卷之六

太

若因經費匱乏致人心不定啟外夷窺伺之虞關係非細著易崇迅即籌撥銀兩派委妥員趕緊解往以濟該處各城要需毋稍遲誤將此由五百里諭令知之

聯絡高瀋。並抽派親軍。令張國樞督勦。布置均尚周妥。而內地尤須防範。怡良身任封疆。責無旁貸。著嚴飭溧陽。荆宜。各處地方官。實力堵遏。並通飭蘇常各屬。查拏奸細。毋令勾結貽患。不得以防勦之事。專委之向榮。致有疏失。至向榮存營兵力。本甚單薄。現在逆眾又全股遁回金陵。該大臣親軍。並各勇。又復調出千餘名。當此攻勦緊要。賊勢蔓延。急應添調馬隊。協助抄截。著德興阿將現在營中

馬隊五百名。迅速調往江南。歸向榮調遣。本日已諭英桂將黑龍江餘丁五百名。撥交德興阿軍營。以補調撥金陵之數。並諭和春福濟酌抽馬隊四五百名。即赴向榮軍營。以資勦辦。至余萬清業經簡授鶴麗鎮總兵。並令幫辦軍務。在鎮江督兵勦賊。此次向榮奏報。稱其力扼京峴東路。著有勞績。惟鎮江一軍。關繫重大。有人奏該總兵難當一面。恐將士呼應不靈。致多掣肘等語。著向榮毋存成見。

察看該總兵能否統率各軍。勝此重任。迅速奏聞。如須另易大員接管。即著於各營提鎮中。擇其堪資統率者。奏明請旨。將此由六百里加緊各諭令知之。○又諭江蘇鎮江一帶。現經向榮派兵援勦獲勝。而溧水縣城復被賊竄陷。該處咫尺東壩。接壤溧陽。於東南大局情形。實屬萬分緊急。必得馬隊分馳。迅速攻勦。方可得力。現在向榮軍營。僅有馬隊八百餘人。不敷分派。本日已諭德興阿將營中

馬隊五百名。撥赴金陵。惟揚營官兵。現攻江浦瓜州等處。亦須馬隊助勦。著英桂即將黑龍江餘丁五百名。全數撥赴揚州。交德興阿調遣。並著和春福濟迅速撥馬隊四五百名。剋期馳赴向榮軍營。以資攻勦。毋稍遲誤。將此由六百里加緊各諭令知之。○又諭廉兆綸奏瀝陳江省實在情形一摺。逆匪竄擾江西。蔓延八府。前據曾國藩等奏報克復建昌。東鄉。兩縣。而瑞州。奉新。尚未得手。撫州等府。猶

為賊踞。該侍郎等自應揀派妥員分投勦辦。乃據廉兆綸奏稱。自省城派出之兵。以捐職知府鄧輔綸主之。該員年少輕脫。本不知兵。又非江西官員。伊父鄧仁堃係本省臬司。其子本不應與聞公事。現在帶兵萬餘。時將兩月。軍情重大。該省豈無妥員可派。何以令鄧輔綸管帶兵勇。設有疏虞。各將誰諉。著曾國藩文俊接奉此旨。即將鄧輔綸撤回。另行揀派得力大員前往。會同李元度趕緊攻勦。毋許延誤。至臬司鄧仁堃兼署藩司糧道。錢漕各項均係該員經手。據廉兆綸奏。捐辦城壕各工。不能潔己遠嫌。致物議沸騰。怨聲載道。又令伊子鄧輔綸辦理軍務等語。現在軍餉支絀。臬司鄧仁堃如有營私舞弊情事。曾國藩等近在省城。見聞較近。即著嚴密確查。據實參奏。毋得稍有徇隱。即有未能勝任之處。亦著曾國藩等奏明撤任。並據奏石逆下竄。賊勢漸鬆。各府大抵土匪長髮賊甚少等語。

土匪嘯聚。勦辦較易。正宜乘此機會。分路進剿。迅圖克復。著曾國藩文俊亟籌勦辦。毋令該匪日久盤踞。將此由六百里諭令知之。尋曾國藩奏。鄧仁堃於城工及營務差使。好引用同鄉親族。請託易行。致滋物議。應請旨交部嚴加議處。從之。○以援勦江蘇鎮江賊匪出力。賞副都統德崇額參領色爾固善遊擊李鴻勳。委佐領穆克德恩。巴圖魯名號。予陣亡副將周兆熊。防禦鍾祿。驍騎校富貴慶明。都司湯廷槐。把總楊大得。祭葬世職。○予安徽陣亡副將蔡應龍。遊擊楊瑞乾。都司楊萬青。守備張揚保。千總曾魁。徐剛。把總李毓發。阮執中。外委曾華順。李益昌。陳仁發。韋玉雄。從九品王祥瑞。徐駿。通祭葬世職。○戊寅。署湖北巡撫胡林翼奏。遵奉諭旨。訓飭嚴明。惟誓與兵事相終始。期於殄滅此賊而已。萬一變生。亦不敢退怯。得旨。汝督軍進剿。固不可稍存畏怯。然國體具在。亦應寓慎重於其中。

○予湖北陣亡守備李登進千總熊有章向三元。把總左玉佩。鄴友廷。羅祖績。外委雷光友。何添元。祭葬世職。六品軍功趙國樑等賞卹如例。○己卯。

孝恭仁皇后忌辰遣官祭

景陵○諭軍機大臣等。本日據蔣蔚遠奏請以候補道張鏌補授貴東道一摺。朕聞張鏌前在黔省。多有不洽輿情之事。上年安南等縣逆匪滋事。即係興義府所屬。彼時該員在任。

有無辦理不善之處。並其歷任聲名若何。現在督辦下游苗匪。能否得力。是否堪勝貴東道之任。著恆春秉公詳細確查。據實具奏。將此諭令知之。○予貴州陣亡千總龔士貴。何九錫。霍元慶。把總王大魁。楊芝元。水興邦。外委王啟奉。張發科。蔣大春。李開元。王齡。傅燦。連。唐友發。羅廷貴。六品職銜鄧炳陽。從九品職銜蔡官龍。祭葬世職。五品軍功袁維德等。賞卹如例。○旌表守正被戕。山東黃縣民婦。

刁劉氏。○庚辰引見京察一等未經記名人員。得旨。斌越。奎昌。劉熙載。黃安。綬。許彭壽。奇克坦泰。趙元模。恩麟。張鵬志。覺羅吉長。景惠。周立瀛。啟芳。訥蘇肯。葉球。李瑞。章福厚。文祥。錫惠。柏壽。王景澄。麟光。英喜。孟洋。汪槃。鄧廷枏。俱著交軍機處記名。以道府用。○以勦辦江南徐州捻匪出力。賞頭等侍衛伊興額。副都統銜。實授傅振邦。江南徐州鎮總兵官。賞都司常瑞等花翎。知州楊韞緒等藍翎。餘升。

擢有差。○辛巳。諭內閣。何桂清奏。叅畏蕙無能。及不諳紀律之帶兵各員。請分別懲處。一摺。浙江提標後營遊擊徐天麟。帶兵赴太平縣應援。輒敢擅回。廣德。迨經何桂清派赴甯國。又不趕緊劄營扼守。實屬畏蕙無能。徐天麟著即革職。該員前在秀水勦辦土匪出力。奏保之案。並著撤銷。雲南開化鎮總兵都隆阿。浙江候補州判捐升同知徐慮善。帶兵防勦。並不確探賊蹤。往來繞道。致賊乘間肆竄。

均屬不諳紀律。都隆阿徐慮善均著交部議處。仍責令該員等督兵赴甯國進剿。如再不知奮勉。即著何桂清從嚴叅辦。○壬午。

上幸靜明園詣

龍王廟。

仁育宮拈香。○諭軍機大臣等。奕山、景瀛等奏俄夷復由水路下駛。現在籌辦情形一摺。該夷沿途留有人船。寄存糧石。雖稱接濟伊國往來口糧。而不候允許。遽行占地建房。其

心終屬叵測。現在該夷既無倨慢之跡。內地又無阻止之法。該將軍等所稱陽撫陰防。及俟木哩斐岳幅到時。正言向商之處。均尚操縱合宜。著即照所議辦理。惟防備之法。固不可稍示張皇。亦不可遽涉大意。仍當隨事相機。善為駕馭。使目前勿啟釁端。而日後亦不致漫無限制。方為妥善。至該夷屯糧地方。尤當曉諭居民。禁止與該夷往來交易。以防勾結而杜生事。此後夷船續來。情形若何。著隨

時具奏。將此由四百里各諭令知之。○又諭。本日據官文奏。武漢援賊勦盡。水陸疊勝。現在圍攻一摺。武漢兩城被賊占踞已久。本月疊據胡林翼奏報。武昌賊糧已絕。漢陽賊船被焚。乃北岸官軍並未聞其合力進攻。殊不可解。本日覽官文奏報所稱勝仗。不過斬擒零星。外援賊匪至二城情形。則疊卡重濠。堅拒死守如故。乃云專待追下樊口一軍折回。始能齊力攻進。殊屬支吾掩飾。官文總統全師已逾半載。朕遇事惟知責以實效。豈能任其以搪塞空言。掩其糜餉老師之罪。著即會同胡林翼。仍遵前旨。嚴督水陸諸軍合力進攻。出奇制勝。迅將二城攻克。毋得再事遷延。致干咎戾。都興阿既不能即赴金陵。著仍留湖北。俟武漢克復後。再令前往可也。將此由五百里諭令知之。○又諭。英桂奏官兵進攻雒河。連獲全勝。直破賊巢一摺。捻匪占踞雒河。負隅抗拒。經豫省官軍奮力進攻。連次獲

勝。遂能直破賊巢。覽奏深堪嘉尚。惟匪巢攻破以後。殲斃之匪。雖已不下數千。而餘眾尚向東南竄逸。自應速籌兜剿。以淨根株。前因豫省大兵。祇能由西北進攻。而東南一帶。必應江皖官軍。會同堵剿。曾諭和春等嚴飭珠克登。郝光甲。迅速進兵。現在傳振邦已帶兵勇進至宿州之臨渙集。而珠克登等尚駐龍亢。逗遛不進。潁州另股捻匪。尚復不少。若令雉河餘逆。得以前往勾結。則剿辦復須費手。

所有珠克登等一軍。著和春。福濟遵照前旨。嚴行檄諭。飭令剋日前進。堵遏雉河竄匪。極力攻擊。若敢仍前玩泄。必治和春等以調度無方之罪。該提督等恐不能當此重咎也。英桂已移師亳州。著即妥為調度。督飭袁甲三等。乘此聲威。迅速追剿。務將首逆張樂行。及竄逸餘匪。悉數殲除。以期一律肅清。至股首蘇添幅。是否實係中礮殞命。其餘各股首作何下落。仍著嚴密查訪具奏。金陵逆賊猖獗。

亟須馬隊助剿。現在西凌阿剿匪有攻著英桂體察情形。如能將逃竄捻匪迅速剿除。即令該都統將所有馬隊統帶馳赴向榮大營聽候調遣。其餘各營兵勇。據該撫奏擬酌量裁減。並著悉心斟酌。如係本處募勇。遷地不能得力。及技藝平常之兵。自應裁汰。其素有紀律。武藝嫺熟者。與其裁撤。不如調赴金陵。以資攻剿。著英桂酌定。後迅速奏聞。將此由六百里加緊各諭令知之。○又諭駱秉章奏。

援剿江省官軍獲勝。直逼袁州府城。克復萬載一摺。江省外郡疊陷。經駱秉章派兵自瀏陽醴陵出境。節節攻剿。疊獲勝仗。業經克復萍鄉。萬載兩城。覽所奏情形。剿辦可漸期得手。惟北路自平江至瑞州南路自茶陵至吉安。尚無策應之軍。恐中路一軍轉戰而前。不免為賊牽掣。所陳自係實在情形。夏廷樾。朱孫詒二員。據稱尚未能迅赴各營協剿。著駱秉章查明夏廷樾足疾。是否可以痊愈。朱孫

詒散勇。何時可以招集。迅速酌量緩急。添撥兵勇。催令該二員統帶。馳赴江省。為劉長佑。蕭啟江。各軍。後路聲援。以期厚集兵力。至王鑫一員。帶勇素稱得力。並著駱秉章察看情形。如該員病能痊愈。仍遵前旨。添撥兵勇。飭令由茶陵州進剿蓮花廳吉安府一帶。以資策應。將此由六百里諭令知之。○以督勦安徽河南捻匪出力。復已革察哈爾都統西凌阿職。已革都察院左副都御史袁甲三。以三品京堂候補。○以勦辦安徽亳州捻匪疊次出力。賞佐領富勒德恩布。巴圖魯名號。委參領色克通額。佐領扎斯洪阿。佛爾果春。防禦德順。穆克登額。額勒洪額。輕車都尉訥恩德。善副將珠隆阿。遊擊鄭邦俊等花翎。驍騎校常德等藍翎。餘升擢有差。○以巡護海運無誤。予浙江知府何紹祺等。并補有差。○以故安徽巡撫江忠源母陳氏。毀家助軍。予江忠源父母三代一品封典。○予湖南陣亡道員

江忠濟。千總徐以祥。祭葬世職。附祀安徽巡撫江忠源專祠。○予湖北陣亡遊擊玉山。祭葬世職。○癸未。諭內閣。前據怡良奏。參揚州府城失守員弁。當降旨將署江都縣知縣李輝德等。一併革職。提省審辦。茲據德興阿等奏。遵查揚城文武下落。請分別辦理等語。已革署江都縣知縣李輝德。署甘泉縣知縣唐守道。據該大臣查明。該員等平日官聲尚好。督率民團。隨同勦賊。亦甚得力。均著免其審辦。仍留軍營。責令督辦團練。以觀後效。外委吳觀宸。史致廣。達掄才。均著革職。同業經革職之署揚州營參將遊擊祥林。守備常繼春。把總李其鼐。仍遵前旨。一併交怡良查明辦理。○又諭。易崇泰。請將疏防番賊搶掠及追捕不力之文武員弁。分別革職議處一摺。甘肅玉門縣赤金峽地方。突有番賊竄出。搶掠過往車輛貨物。並將遞送伊犁等處摺報。扯損。該管文武員弁。緝捕廢弛。非尋常疏防可

比護赤金營都司金塔營千總郭孝護嘉峪關營遊擊肅州鎮標雲騎尉楊鳳翥均著革職留於失事地方協緝。玉門縣知縣崔暘署靖逆營遊擊高臺營都司石源著一併撤任。交部議處。仍責令協緝賊務。獲究辦。○諭軍機大臣等。德興阿等奏密籌水陸並舉。先擣金山。會攻江浦。並撥兵援應金陵一摺。此次官軍進攻瓜州。雖經誘賊出巢。而所殺逆匪祇十餘名。勦辦尚未得手。著德興阿等設法迅攻。不得以逆眾溝塹難踰。任令久踞。其江浦縣城。業經穆克登額等分路進攻。並六合練勇。斃賊甚多。當可指日克復。著即飭令羅玉斌等。剋期會攻。並分兵攻打九洑洲。以分賊勢。至向榮存營兵力。本甚單薄。加以逆賊數萬。圍撲大營。實屬萬分危急。現經德興阿派遊擊石皓管帶直隸官兵。並令李志和統帶兵勇。由間道馳赴金陵助剿。當可聯絡聲勢。惟逆氛甚熾。尚須厚集重兵。著俟江浦

得手。迅即再撥兵勇。渡江援應。至合攻金山。水陸並進。務當密約定計。毋使賊匪先行知覺。豫有防備。如能奪獲金山。水陸防守。既可斷瓜州之接濟。又可扼鎮江之要害。勦辦當必得手。甯國溧水。能否即時克復。以杜內犯。並近日金陵勦匪情形。著向榮等迅速馳奏。以慰廑念。將此由六百里加緊各諭令知之。○又諭。前因粵匪肆擾。疊次諭令各直省舉行團練。並刊刻明亮德楞額奏築堡禦賊疏。龔

景瀚堅壁清野議。頒行各省。數年以來。頗有奉行得力之處。而視為具文者。亦復不少。本日據文慶等奏實行團練。任官督率。酌擬整頓事宜數條。並代奏戶部主事王錫振呈遞團練事宜。朕詳加披覽。於現在防剿機宜。頗中切要。逆匪飄忽靡常。官兵徵調有數。團練得力。則人自為戰。家自為守。使賊黨日孤。盜糧漸絕。然後濟以兵力。方無顧此失彼之虞。所謂以民助兵。以堵為剿。制賊之法。未有善

於此者。現在湖北。湖南。江西。廣西。河南。安徽。江蘇。浙江。或被賊竄擾。或逼近賊氛。自應趕緊舉行團練。其河南之歸德。江蘇之徐州等屬。為捻匪出沒之區。及直隸。山東。要隘處所。均應一律舉行。著各該督撫。各就地方情形。酌量辦理。司道府州。既各有團練之責。固當擇賢而任。至州縣為親民之官。團練起於州縣。民心之向背。視州縣之賢愚。亦非碌碌庸才。所能勝任。該督撫等。辦理此事。當以得人

為先務。著將擬辦章程。先行具奏。至團練皆土著之民。易於招募。不得以無賴游民充數。致別啟釁端。故欲行團練。必先嚴保甲。使奸宄無從溷跡。而後同心敵愾。眾志成城。所屬各員及紳民之充團總團長者。如能實心辦理。著有成效。准各督撫據實保奏。朕必立予恩施。儻或藉團練為名。苛派勒捐。侵漁肥己。即著從嚴叅辦。亦必重治其罪。當此用兵日久。師老餉匱。大局堪憂。該督撫等。務各激發

天良。盡心籌辦。使小民自衛身家。不受遷徙流亡之苦。紳士共明大義。各天同仇。偕作之心。以期早殄逆氛。同登衽席。毋負朕諄諄告誡之至意。又據侍郎沈兆霖奏。請行民團一摺。亦以先清保甲為要務。與文慶等奏大畧相同。其另片奏。非現辦軍務省分。雖不盡行團練。亦當嚴查保甲。所奏不為無見。並著各督撫一體遵行。文慶等摺及王錫振所呈各條。均著鈔給閱看。將此各諭令知之。○福州

將軍有鳳。閩浙總督王懿德。奏遵查福州省城南臺稅口。並無減稅短徵。任聽偷漏。惟外國奸商。每由小港繞出大關。擬確查洪塘各港。分別設卡。認真巡查。得旨。均照所擬辦理。又奏。暎夷請設司稅官。已咨商兩廣督臣會籌妥議。批。俟葉名琛咨覆到日。再行酌量情形具奏。是時斷難允行。○以鎮國公奕興為宗人府右宗人。○鑲黃旗蒙古都統奕綰。因病解任。以前任黑龍江將軍奕格。為鑲黃旗

蒙古都統○甘肅肅州鎮總兵官武慶休致。以前任雲南鶴麗鎮總兵官音德布為甘肅肅州鎮總兵官。○予故前任熱河都統疏書祭葬。謚恭靖。○予江蘇禦賊被戕知縣朱守讓外委田登祿。王長發祭葬世職。童生朱步雲賞卹如例。○甲申。諭內閣。庚長奏覆覈前次另案工程。無可再減。請准照例估銷一摺。咸豐三年分。南河另案清單銀數。經該部駁令該河督據實刪減。茲據庚長奏稱覆覈底案。均係刪定之工。委難再行覈減。自係實在情形。著准其按照原奏清單銀數。次第題銷。此後另案各工。仍著該河督認真覈減。不得因此次特旨允准。任聽該道廳藉詞掩飾。致開冒濫之端。○又諭庚長奏拏獲私販硝磺人犯一摺。硝磺為軍營要需。私販例禁綦嚴。該犯吳懷玉等八名。販運硝磺。至一萬一千四百餘斤之多。實屬目無法紀。著飭該地方官嚴行審訊。按律定擬。並著訊明該犯等所

販硝磺。係從何處購買。奏明究辦。現在賊匪未平。此輩匪徒。恐尚不少。著該河督嚴飭各屬營縣。並各關口。實力查拏。毋稍疏懈。此次拏獲私販硝磺之員弁。著准其酌量保奏。以示鼓勵。○又諭都察院奏直隸景州文生馬國樞。以劣監蠹吏。包納錢糧。買鈔批解等詞。遣抱告馬延齡。赴該衙門控告。各省完納錢糧。均准按成收納鈔票。上年冬間。因直隸士民。以地方官吏徵糧。俱索實銀。屢次京控。均交桂良訊辦。茲復據該文生。控訴監生張鳳儀。蒙充官銀匠名目。與其父張銓。勾串戶書石大成等。夥開錢鋪。包納錢糧。勒折浮收。不准民間交鈔。及批解時。私向武營買鈔搭解。似此漁利營私。把持盤踞。不法已極。該地方官。不加嚴審。含混完結。難保非有意徇縱。必應徹底根究。該省於此等案件。層見疊出。該上司何竟置若罔聞。著桂良親提張鳳儀等。嚴行審訊。按律定擬。並查明該地方文武如

怡良趙德轍激勵鄉團協同堵剿並設法接濟軍餉該大臣等營壘已定務當奮力出剿以冀轉敗為功庶可稍贖前罪現在江南大兵已撤逆賊無所顧忌江北情形亦極喫重前調河南防剿之陝西綠營官兵一千名本赴向榮軍營今已諭令英桂調赴揚州交德興阿等相機布置如江北兵力足敷攻剿而江南尚在需兵再行調往向榮軍營其黑龍江餘丁五百名到揚後即交德興阿等調遣

向榮現駐丹陽距大江已在百里以外所有紅單各船恐難兼顧著德興阿翁同書余萬清分飭上游各船攻剿觀音門一帶賊船下游各船攻打瓜州金山等處以分賊勢使不得全力內犯亦不敢分股北竄俟向榮統兵前進重整軍威仍即南北聯絡再籌剿辦之方今當官兵新挫逆敵方張該大臣等務須同心協力謀勇兼施冀早挽回大局以慰朕懷所有紅單船餉糈已諭令怡良等力籌接

濟矣將此由六百里加緊各諭令知之○又諭前因金陵逆匪併力內犯疊諭怡良等實力防堵接濟軍餉本日據向榮馳奏上下游大股援賊踵至糾合金陵逆眾數萬圍撲大營我軍竭力抵禦因眾寡不敵營盤相繼失陷現在收集各軍扼守丹陽等語賊勢猖獗蘇常情形更屬萬分喫緊怡良總督全省責無旁貸著即妥籌布置仍遵照前旨迅飭宜興荆溪各處地方文武嚴密防範並通飭蘇

常各屬查拏奸細毋令勾結貽患至沿江陸兵已全行撤退惟留紅單船分泊大江南北尚可牽制賊勢而向榮退至丹陽距江已遠難以調度現已諭令德興阿余萬清分飭各船於江面助剿使金陵逆賊有所顧忌所需軍餉並著怡良等籌畫接濟毋使缺乏現在向榮軍營兵力甚單趙德轍曾任江甯府知府熟悉金陵民情如能將秣陵關溧化鎮一帶民團聯絡以輔兵力之不足該署撫即可

出省。為向榮後路援應。該民團果能奮勇立功。即著奏請優獎。朕必破格施恩。以收眾志成城之效。著趙德轍酌度情形。相機妥辦。將此由六百里加緊各諭令知之。○又諭。本日向榮等奏。上下游大股援賊。糾合金陵賊匪。圍撲我營。該大臣因兵分力單。營盤被陷。退扼丹陽。以遏內犯。蘇常情形。更為喫重。即江北一帶。亦恐逆匪生心。北竄。前諭英桂調赴金陵之陝西綠營兵一千名。已據該撫奏。籌

給軍裝。飭遊擊興貴等帶由永城前往。現在向榮已移劄丹陽。著英桂飛飭該遊擊將此項官兵。改赴揚州。德興阿軍營。聽候該大臣調撥。其黑龍江馬隊餘丁五百名。亦已諭令全數撥往揚州。並著英桂迅即飭令啟程。勿再延誤。雒河集捻匪老巢。既經袁甲三等攻破。其餘各股捻黨。當必聞風解散。英桂已赴亳州。務即剋期將餘匪殲。勒淨盡。即可調此得勝兵勇。赴江南協剿。以遏賊氛。將此由六

百里加緊諭令知之。○欽差大臣向榮等奏報金陵逆匪糾眾撲陷營盤。並請從重治罪。得旨。向榮久歷戎行。素諳機宜。雖賊數過多。而悍何至如此大挫。一再而退。展布全無。殊屬辜恩之至。著奮勉以補前愆。趁此梟獍萃集。未必不轉好機會。爾若豫存拏問發遣。以遂脫離之心。是真喪良也。料爾或不出此。○以江南金陵軍營失利。退守丹陽。欽差大臣湖北提督向榮幫辦軍務西安將軍福興。均

革職。拔去花翎。仍留任。○貸福建提標五營及泉州城守營兵丁穀價銀。○丁亥。諭軍機大臣等。蔣霽遠奏請飭催廣東應解黔餉。並將川省赴黔官兵糧餉。由川續撥各等語。廣東省指撥貴州兵餉。疊經降旨飭催。據該督撫奏報。按每批五萬兩。業已先後起解。猶恐該省道路遙遠。復諭令黃宗漢於四川先行籌解。再由廣東解還。是此項銀兩。已可源源接濟。勿庸再事飭催。至川省官兵赴黔協剿。

本省裹帶之糧業已籌至六月亦不為少况陝西欠解黔餉亦經諭令黃宗漢先行籌墊若再責令自備兵糧是四川一省既為貴州墊他省之款又為貴州協進勒之兵恐難兼顧以本省應辦之事而全數仰給於鄰疆雖黔餉支絀部撥尚謂不足耶似此小醜跳梁蔽功無日老師糜餉伊於胡底試問該撫身任封圻所司何事乃竟一籌莫展過分彼此豫存成見至於若是著黃宗漢仍遵前旨將

代墊陝西廣東等省銀兩陸續分起迅速解黔以資應用此項銀兩解到後無論川兵黔兵皆可通融支應原不應區分畛域蔣爵遠仍當嚴督在事文武迅將苗匪剋日蕩平不得徒以餉匱為詞束手無策將此由五百里各諭令知之○又諭蔣爵遠奏請由湖南採辦米糧就近運交鎮遠糧臺轉運行營一摺滇黔兵勇較多現在匪蹤未清糧米難於採辦自係實在情形著駱秉章即飭辰沅等府

就近採買米糧三萬石迅即派員運赴鎮遠糧臺以資支放所需米價運費即在湖南續收咸豐五年漕米變價項下應解貴州軍餉五萬兩內動支扣算毋稍稽延將此由五百里諭令知之○以貴州勒辦石峴苗匪出力免同知恩彬參將鄂清千總萬年春處分○戊子諭軍機大臣等前因通政司參議曾望顏奏請雇火輪船以清江面當經諭令向榮等籌商具奏嗣據向榮等覆奏以紅單船已

足制賊雇募夷船入江易滋流弊已如所議停止茲據宗人府府丞宋晉奏江南情形危急請飭護送海運之火輪船由圖山關入江焚攻金焦一帶賊船先將瓜州攻克再由儀徵而溯浦口力勦北岸賊匪與六合諸軍犄角則可解江南之急而江北亦就肅清其紅單船一項請無庸分撥應令併歸一處乘此夏令風順將蕪湖攻克則甯國亦不攻自退等語所奏不為無見此項護送海運之火輪

船前據向榮等奏。候護運事竣。飭調入江助
勦。現在護送海運業已竣事。火輪船入江之
舉。正在此時。著怡良。趙德轍。何桂清。即行飭
知帶船各員。迅由圖山關入江。會同紅單各
船。聽候向榮。德興阿等調度。又另片奏。請再
行多雇輪船。並責成道員。繆梓。楊裕深。金安
清。辦理雇船事宜等語。護送輪船。僅止二隻。
為數本少。若再行多雇。既恐需費不貲。又恐
入江後。船大難於駕駛。前此夷酋李泰國呈

報。有新製小火輪船之語。如能添購數隻。較
之大號輪船。行駛更當便捷。著怡良等。妥速
會商。如事屬可行。須由內地官紳管帶。斷不
可令夷人錯雜其間。以杜後患。應需經費。並
著該督撫等。妥為籌畫。迅速奏聞。其繆梓等
三員。能否前往上海甯波等處。辦理船隻。並
著何桂清酌度具奏。至紅單船。昨因向榮一
軍。距大江較遠。諭令德興阿等。就近調度。本
日據德興阿等奏。攻擊金山情形。似亦可牽

掣賊勢。現在金陵既無大軍鎮壓。該逆勢必
更肆猖獗。南北沿江處所。在在堪虞。如得火
輪船。協同紅單船。上下游往來攻勦。以挫兇
鋒。尚可牽制賊眾。使不敢深入紛竄。該大臣
等著即妥為布置。以速為貴。至水師無陸兵
相輔而行。亦恐勢成孤立。向榮。德興阿。余萬
清。各營。能否抽兵相助。並著會商妥辦。將此
由六百里諭知向榮。德興阿。怡良。趙德轍。何
桂清。並諭福興。余萬清。翁同書知之。○江南

提督和春等奏報。頑壽勦擒獲勝情形。得旨。
辦理頗屬得手。另片奏。協力守城。亦係蔡昌
言之功。該參將甚為出色。○欽差大臣德興
阿等奏報。攻勦金山。瓜州。賊匪情形。得旨。南
軍失利。雖會攻金山。未必得手。然正可牽制
逆匪北犯。○命前任福建按察使徐宗幹。幫
辦安徽防勦事宜。○以安徽布政使畢承昭。
暫署巡撫。安徽按察使恩錫。兼署布政使。○
緩徵山西洪洞縣被擾災區舊欠額賦。○已

丑

上御勤政殿聽政○諭內閣慶如等奏遵議酌增養廉成數一摺烏里雅蘇台各司員應支鹽菜銀兩自本年夏季為始准其悉照原額支給其出差官兵應領行裝銀兩原減成數過多未免拮据著照原額銀數改為覈減二成支放以示體恤○庚寅諭內閣永康等奏直隸欠解餉銀請飭嚴催申解一摺又另片奏請墊放各款等語直隸遵化州應解

東陵兵役米折暨薊州豐潤縣所欠本年餉米折銀屢催罔應實屬延玩其遵化一州總以尚未領到為詞尤恐飾詞搪塞著桂良即飭該藩司速行發交該州迅速申解儻該州已先行具領那移延宕致誤兵糈即著據實叅辦薊州豐潤欠款一併催追以濟要需至遵化州欠項解到需時兵役待餉孔殷著照所請准其由永濟庫先行借支俟解項到時再行按數分扣歸款○又諭綿森奏請飭催直

隸省欠解兵米改折銀兩等語馬蘭鎮綠營兵丁應支粟米折價應由遵化州向直隸藩庫領解以濟兵食乃自五年夏季至本年春季均未解到兵糈攸關豈容任意延宕著桂良迅飭藩司將此項銀兩發交遵化州轉解鎮營俾得及早散放毋再遲延如查該州有那移情弊即著嚴叅懲辦○以拏獲直隸新城縣私鑄鐵錢人犯賞守備明誠花翎千總張維翰等藍翎餘升敘有差○辛卯

上詣清夏齋問

如皇貴太妃安○諭內閣崇恩奏海運漕船被劫等語本年海運南來有金天來漕船一隻行至山東石島洋面被匪船劫去銀物擄去舵工一名雖漕米並未損失惟該管水師將弁未能先事防範實屬疏忽著查明專巡各該將弁嚴行奏叅以示懲儆並督飭水師鎮將嚴緝盜匪務獲懲辦仍令實力巡查防護漕船毋得再有疏懈○又諭扎拉芬泰等奏

官兵廉俸餉銀請仍按三成開放等語。前因各直省文武養廉減成支放。恐致辦公拮据。令戶部議增成數。以示體恤。茲據該將軍等奏。伊犂協餉未充。仍擬照前摺節。所有各營兵丁餉銀。著暫按三成發給。俟甘肅協餉稍充。再由該將軍等隨時酌量加增。藉資當差。其伊犂各官養廉。著自本年秋季為始。按照三成支領。俟軍務告竣。再照舊例如數發給。○諭軍機大臣等。前因金陵賊勢猖獗。諭令

和春等派兵攻其所必救。以分賊勢。本日據該提督等奏稱。官兵圍剿三河。無可分撥。僅派馬步兵四百餘名。赴金陵協剿。自係為皖省防剿緊要起見。惟自向榮退守丹陽後。金陵一帶陸路無兵。逆匪愈肆。鳴張和春等既未能派一旅之師。出奇截擊。而據稱裕溪運漕之間。添賊萬餘。焦湖有賊船數百隻。往來接應。又在巢縣製造數千快槳。實屬防不勝防等語。殊堪詫異。焦湖密邇廬州。巢縣本有

官兵攻剿。何以任聽該逆聚眾萬人。在彼製造船隻。且至數千之多。一旦駛下長江。為患不可勝言。該提督等何竟不知思患豫防。著即督飭員弁。迅將逆船設法焚毀。毋得養癰貽患。日後儻有快槳賊船。駛至大江。及由小口竄入下游腹地者。惟和春福濟是問。前因福濟患病。賞假調理。並派徐宗幹前往幫同辦理。徐宗幹於皖省情形。究未熟悉。和春等可酌量委辦事件。福濟即日病痊。所有應辦

軍務。仍著會同和春悉心籌畫。認真督辦。毋得稍存推諉。致負委任。將此由六百里諭令知之。○以安徽廬州等處剿匪出力。賞署壽春鎮總兵官鄭魁士黃馬褂。委營總富音保慶喜。委參領德楞額。玉慶。守備胡會龍。戎崐等。花翎。千總陳繼寬等。藍翎。餘升敘有差。○賑山東鉅野縣災民一月口糧。○癸巳上幸同樂園。賜王公大臣及蒙古王貝勒貝子等食。○諭軍機大臣等。向榮奏連日布置情

形並請調廣東官兵助剿一摺已有旨諭令葉名琛等挑選精兵四千名由海道駛赴江南其所請提督崑壽等統兵之處並諭該督等斟酌辦理矣至福建兵三千名已由邵武至撫州雖距江南較遠然較之廣東兵到尚為迅速著該大臣即行催提以資攻剿至丹陽地方為蘇杭緊要門戶我兵業已完築營盤收集兵勇惟甯國溧水尚未克復而句容又被賊陷內犯之路幾不勝防該大臣於丹

陽一帶布置既定仍當激勵弁兵以勦為防毋得株守一隅以致鞭長莫及難資控馭更有意意外之虞將此由六百里加緊諭令知之○又諭向榮奏丹陽防剿兵單請添調官兵一摺向榮所統兵勇前因分援鎮江徽甯等處抽撥過多存營不滿五千適值金陵各路梟獍紛集致眾寡不敵紫金山大營失陷弁兵傷亡不少該大臣退劄丹陽為保守蘇常之計而溧水句容復先後被踞該逆意在內

犯恐兵單不敷堵剿著葉名琛柏貴於廣東各標營中挑選得力精兵四千名多備擡槍鳥槍兼程前赴江南助剿如能由海道行走較之陸路更為妥速著葉名琛等迅速查商辦理至統兵大員向榮擬請飭令提督崑壽總兵通安及參將梁顯揚衛佐邦等帶兵前往現在廣東各路漸次廓清能否即令該提鎮等前往丹陽之處並著葉名琛酌量調派迅速奏聞將此由六百里諭令知之○以江

蘇白兔鎮勦賊出力賞把總李桂芳花翎以守備補用○以江蘇句容縣城被賊竄陷降副將西林為守備革遊擊張汝琳都司玉興李譜職○以金陵隨營糧臺被毀前任鹽運使彭玉雯知府王曾樾下部議處○予江南陣亡副將巴圖參將陳明志都司李發榮劉秀珠李振甲守備朱德隆張德祿祭葬世職馬甲恩明僧生郝聯蕙賞卹如例○甲午萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝靜康慈皇后暫安寢殿○遣官祭

孝德皇后殯宮○遣官祭

顯佑宮

東嶽廟

城隍廟○

上詣

安佑宮行禮○御正大光明殿王以下文武大

臣官員蒙古王貝勒貝子等行慶賀禮○幸

同樂園賜王公大臣及蒙古王貝勒貝子等

食○江南提督和春等奏報股匪窺伺願上

現在辦理情形得旨龔得雖已受傷不可便

存大意著名擒首設法離間或懸賞購緝務

殲除淨盡○葉爾羌參贊大臣常清等奏報

巴爾楚克新墾荒地十一頃四十畝有奇下

部知之○乙未諭內閣邵連科等奏勦辦臺

灣各案游匪一律肅清請將出力官紳酌保

等語咸豐三年十二月間彰化縣屬漳泉匪

黨構釁焚搶路途梗塞四年正月間淡水廳

屬粵閩匪黨構釁焚掠均經該鎮道等督兵

彈壓曉諭解散並將淡水拒捕之匪徒痛加

勦洗陸續拏獲首從各犯二百十八名閏七

月間復有內地小刀會匪船竄入雞籠地方

經官兵五路進攻殲擒二百三十餘名截殺

百餘名。其逃入船中之賊復被水師於臺澎洋面擊沈匪船多隻。擒斬無算。五年七月間。斗六門匪徒林房等戕官謀逆。經官兵迅往掩捕。殲擒淨盡。十月間復有鳳山縣匪徒王辦等在崗山地方聚眾豎旗。經各路兵勇併力圍攻。生擒偽元帥陳子仲等九名。並先後拏獲逆首王辦等四十四名。現在臺灣南北兩路悉臻安靜。洋面一律肅清。所有在事出力官紳自應量予鼓勵。著准其擇尤保奏。候

朕施恩。○諭軍機大臣等。前因江西吉贛一帶與本省道路梗阻。屢經諭令葉名琛等調兵五六千名。交提督崑壽統帶。前赴贛州援剿。嗣聞該督等奏報於未奉諭旨之先已派總兵壽山帶兵一千五百名。從九品孫福同等帶勇一千八百名。越境赴援。復批令該督等將崑壽應否暫緩前往之處。斟酌速奏。本日據曾國藩文俊奏。贛州道途久梗。請飭廣東先撥兵勇一二千名。星速踰嶺。先據上游。

力保贛州。再圖進援吉安等語。自係未知粵省業已調兵。此時江西南路專待援於廣東。必應如前降諭旨。全數派往方資得力。惟現在江南情形萬分緊急。昨諭該督等撥兵四千名兼程赴援。並酌量調派崑壽等統帶前往。亦屬刻不可緩。恐粵省兵力不敷。所有派援江西之兵。業經撥往三千餘名。此外如尚未啟程。即著暫緩。先將向榮所調四千名飭令迅赴江南。毋稍耽延。此兩路兵勇派出之

後。如果粵省兵力尚敷。調派仍著續行調赴江西。補足原調五六千名之數。以期得力。將此由六百里諭令知之。○兵部右侍郎曾國藩等奏。水師克復豐城。懇請酌保數員。得旨。賊先竄出。焉得謂克復。姑念其打仗奮勇。著准其酌保數人。○賞惠親王子奕詳。雙眼花翎。奕訥。奕謨。花翎。○以攻勦江西饒州賊匪獲勝。賞都司畢金科。巴圖魯名號。○以攻勦福建鳳山縣賊匪出力。賞知府孔昭慈。鹽運

使銜同知洪毓琛。花翎。○以勦捕福建噶瑪
蘭匪徒出力。賞知縣冉正品。遊擊湯得升。祝
延齡。花翎。千總吳朝成等。藍翎。餘加銜升敘
有差。○予福建因公被戕縣丞陸士興。祭葬。
卹廕。兵役賴忠等五十八名。賞卹如例。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百一

監修總裁官總辦日講起居注官大司諫士吉度總辦傳大司閤領閣事外府院掌院書士指察校筆士諭布仕役國史館學管議政
大器主管理兵部事務加十二級紀錄十四次臣寶楨當不繼茲官總辦道清官大司之條文開領閣事武選殿後執官改有恩七品職任同

大學士管理工部工庫事務官理戶部事務加十二級紀錄十六次臣周祖培總辦道官大司少保管理內閣書房事務制大器軍機大臣
鑾路駐滿洲都統戶部尚書管理工庫事務加四級隨帶加五級紀錄十五次臣寶琮總辦道清官弘龍版於督清又請達上書為忠請

遼東史館總纂五品秩家右都御史部尚書管理太常寺卿等官務加一級實功加四級隨帶加八級紀錄五次臣徐邦彥等奉

救修

咸豐六年丙辰六月丙申以攻勦貴州乾魚

關等處苗匪出力賞守備張正倫花翎以都司升補訓導丁卓選藍翎弓陣亡文生孫元勳賞卹如例○丁酉諭軍機大臣等扎拉芬奏奏喀什噶爾換防官兵現已派往更換請將舊班官兵暫緩回營一摺喀什噶爾應換伊犁防兵已據該將軍照數揀選派員管帶前往至所稱換回之兵向係新班一到舊班即日啟程維時值夏秋之交夷匪出沒請令暫緩回營自係為慎重邊防起見著照所請

准其將舊班官兵暫留喀什噶爾。緩至九月初一日啟程回營。以壯聲威。而資彈壓。將此諭令知之。○又諭勝保奏。西甯甯夏等處兵丁。因請餉滋鬧。蘭州省城。復有兵眾圍繞總督衙署。打碎藩司段大章。知府劉仲璠。肩輿之事。並漢回匪黨。於關內外搶劫。或假冒野番。或勾結番匪。行旅為之裹足。甚至餉銀奏摺。均被搶掠。請飭整頓等語。甘肅省地處邊陲。凡約束兵丁。防範番匪。在在均關緊要。前

據易棠奏稱。西甯鎮標兵丁。因餉銀改發糧石。聚眾鬧關。設法解散。各州縣兵丁。亦多恃眾要求。請發銀兩。抗不領糧。亦經地方官調劑息事。現據勝保所奏情形。該兵丁等尤屬兇橫。何以未見該督奏聞。甘肅餉銀。雖山西等省陸續撥解。不能足數。所有各營兵丁。易棠仍須督飭將弁。設法駕馭。妥為約束。毋令習成藐玩。致生事端。尤不可苟且目前。繡縫了事。至番賊搶劫。餉銀奏摺。雖經易棠具奏。

惟是否漢回匪徒假冒野番。抑係勾結番賊。入卡搶掠。必當嚴行查辦。以靖地方。斷不可養癰貽患。自干咎戾。著易棠據實復奏。將此諭令知之。尋奏本省因庫款支絀。以糧抵餉。甯夏各營兵丁。懇求仍發銀兩。經地方官解散。並未滋事。又出征兵丁數十人。向藩司求發卹賞銀兩。亦經臬司曉諭解散。尚無兇橫情形。至春間玉門縣地方。疏失餉鞘摺包之案。經提臣索文。拏獲隨賊番子。訊明實係四

川松潘廳之果洛克土番。勾結肅州熟番。行劫。當即移咨提臣帶兵赴西甯會同辦事。大臣協力勦捕。報聞。○又諭前因黑龍江餘丁五百名。在毫勒辦擒匪。未便撤動。諭令邵燦等。將留徐之吉林餘丁五百名。飭赴揚州德興阿軍營。嗣據邵燦等。以徐軍單弱。難以抽撥。因於河南派赴宿州之西安馬隊一千名。內改撥五百名。赴揚助勦。本日據德興阿等奏。南岸賊黨陸續過江。亟圖北竄。正須勁兵。

助剿以固清淮門戶。仍請將前調黑龍江餘丁五百名。飭令迅速來揚。藉資利用等語。此項餘丁。本日據英桂奏稱。趕緊調回。全數撥赴揚州。飭令迅速啟程。計不日即可行抵清江。著邵燦。庚長。仍遵前旨。迅速飭令全數赴德興阿軍營。以資攻剿。毋許截留。致有貽誤。將此由六百里諭令知之。○又諭英桂奏。馳抵亳州。派兵進剿。並布置各路情形。一摺。檢首張樂行。自雉河巢穴攻破後。僅餘敗匪三百餘人。迨至蒙城。裹脅已有千餘。是其黨與蔓延。仍不免沿途勾結。現在該匪圍撲賴上。業已盡趨南路。正應合力追擊。使之無從喘息。方能淨絕根株。昨據和春福濟奏。自褚家湖至蒙城。數十里中。捻匪竟有三十八股。數逾萬人。今張樂行屯聚賴郡一帶。勢必併為死黨。現在郝光甲已帶兵前進。英桂添派之佐領松志等。並懷遠派來之遊擊俞應彪。正陽關派來之守備陳廣譽。計已先後會合。傳

振邦亦由臨渙集前進。正可四面兜剿。著英桂督飭諸軍。剋期會剿。先將賴匪大股殲除。其餘分投迎擊。則脅從之眾。諒即解散。總期互相援應。不可任令各軍稍分畛域。英桂已駐亳州。呼應較靈。即著妥為調度。毋失機會。至歸德一帶。自應有大員彈壓。以顧亳州之北。惟徐宗幹。昨已有旨令其馳往安徽軍營。著英桂詳加酌度。如歸德一時無人鎮撫。即令徐宗幹暫緩前進。儻有結實可委之員。仍當令其速往廬州。藉資襄辦。金陵逆賊。窺伺江北。揚州軍營需兵甚急。所有黑龍江餘丁。即著飭令迅速啟程。毋再遲延。將此由六百里諭令知之。○伊犁領隊大臣勝保奏。繳硃批。並陳前辦軍務情形。得旨。汝現雖非統帥。何妨歷陳所見所知。並舉汝素所信者。汝受朕厚恩。不料汝乃不實若是。此疏雖思自效。而云羣情不諒。是汝之獲咎。似誰為傾軋。即使真有其人。朕豈肯明受彼欺。朕治汝之罪。

亦非朕先存成見。皆汝之自取也。汝今棄瑕復用。不思自愧。仍作是不平之詞。事君之義。顧當如是乎。豈尚未自悟耶。抑故態復萌耶。汝尚非無血性者。惟自是非人。迴護己過。若云少年心性。年近四旬。亦不為少。若畢生莫悛。非廢物而何。朕曾用汝信汝。故是時雖在邊荒。尚不惜詳細批諭。不知汝悔恨否。又奏甘肅官兵滋事。漢回句結野番於關內外搶劫。批此奏甚是不似正摺。空言塞責。○命伊

犁領隊大臣勝保來京。賞二等侍衛伊昌阿頭等侍衛。為伊犁領隊大臣。○己亥。諭內閣。德勒克多爾濟等奏哲布尊丹巴呼圖克圖領受金冊謝恩。呈進佛位哈達。並派喇嘛懇請轉奏呈進九白一摺。哲布尊丹巴呼圖克圖領受金冊謝恩。擬派喇嘛進九白貢。所請尚屬出於至誠。著准其呈進九白。並賞給哲布尊丹巴呼圖克圖黃哈達。○庚子。諭內閣。桂良奏。力民聚眾滋事。請將防禦不力各員。

分別懲處一摺。直隸鉅鹿縣匪徒楊進榜等。聚眾抗糧一案。經該督委員將該犯等拏獲起解。楊進榜之子楊黃毛。膽敢誘脅多人。闖入縣署。劫放監犯。燒毀監屋。該地方文武毫無抵禦。實非尋常疏忽可比。鉅鹿縣知縣汪福庚。著摘去頂帶。交部議處。同代理鉅鹿汛把總外委郭俊德。一併撤任。留於地方勒限嚴緝。務獲究辦。順德府知府趙楨生著交部議處。○諭軍機大臣等。何桂清奏請飭和春

幫同向榮分路籌勦。並建平已有賊蹤。急籌堵剿等語。現在向榮退保丹陽。往來布置。尚有福興張國樑諸人。和春督兵廬州。該處被陷州縣。未復者尚屬不少。勢難遽離皖省。惟向榮兵力實單。甚為可慮。現在捻匪漸平。已諭英桂酌撥精兵。前往丹陽助剿矣。據奏甯國連獲大勝。現已進逼城垣。如能將甯郡趕緊克復。則句容溧水。不難次第奏功。現在賊犯建平。浙省固屬喫緊。而東壩為蘇常門戶。

未可遽撤防兵。著與向榮會商布置。未可顧此失彼。墮逆賊聲東擊西之計。廣德建平距丹陽較遠。即著何桂清統籌防剿。毋令賊蹤內竄。將此由六百里諭令知之。○又諭何桂清奏紫金山大營失利。請籌添兵將。並奏賊從博望竄至定埠。窺伺建平等情。向榮退守丹陽。原為嚴防內犯起見。隨後句容復陷。逆匪現又窺伺建平。秦如虎東壩一軍已馳赴該處。以固浙省門戶。惟定埠之賊竄至下壩。

已在東壩後面。秦如虎既與浙江委員仲孫懋拔營往援建平。而東壩為蘇常門戶。現在何人往守。向榮近在丹陽。必當兼顧。不可稍有疏虞。據何桂清奏甯國連獲大勝。現已進偪城垣。若能克復甯郡。稍振聲威。則句容溧水當不難次第克復。丹陽大營布置既定。向榮仍應督飭張國樑等相機進剿。戰守兼籌。斷不可因大軍新挫。專以株守為事。江面紅單等船。能否沿江攻剿。以挫賊鋒。前諭令護

漕火輪船入江助剿之處。諒必與怡良等商辦。至向榮軍營兵力單薄。前調陝西綠營官兵一千名已馳赴揚州。該大臣即咨商德興阿。派令迅速渡江協剿。其前調閩廣各兵一時未能即到。已諭令英桂將該營西安馬隊一千名酌量抽撥。並另選得力官兵一二千名由揚州取道前赴丹陽。交向榮調遣。該大臣即飛咨德興阿等。一俟河南撥兵過境。務即催令渡江。以資攻剿。將此由六百里諭令

知之。○又諭前因向榮兵單。諭英桂將陝西綠營兵一千名調往助剿。嗣因金陵營盤失陷。全軍退扼丹陽。復諭英桂將此項官兵改赴揚州。交德興阿查看江南情形。再行由揚撥調。其撥往揚州之黑龍江餘丁五百名亦諭該撫催令啟程。至西安馬隊官兵一千名前經調往宿州軍營。現據英桂奏已派令隨同袁甲三等節節攻剿。擒匪惟擒巢已破。其勢漸衰。而向榮軍營存兵甚少。自當先其所

急著英桂酌量情形。或將西安馬隊一千名。全行調赴揚州。再由揚取道前往丹陽。或因馬隊得力。未能即行全數撥出。亦著分撥若干。另抽得力步兵一二十名。飭令迅由揚州取道。前赴丹陽。俾向榮兵力稍厚。得保江浙完善之區。此乃今日急務。該撫務當竭力籌畫。斟酌應付。以顧大局。至擒匪零股雖多。但能先將擒首張樂行殲除。其餘次第搜捕。加以解散脅從。諒不難於淨盡。仍著該撫嚴飭

帶兵將弁。實力追擣。如能悉數捕滅。則兵力有餘。正可調撥大江南北。以助聲威。將此由六百里諭令知之。○追予直隸連鎮軍營病故莫爾根巴圖達瓦祭葬卹廕。○辛丑

上幸萬壽山。○諭軍機大臣等。怡良等奏。內河布置情形。及荆宜民團捕匪得力等語。逆匪由白兔。五里鋪。分股撲營。我軍大獲全勝。焚毀新劉逆巢。賊雖未敢再犯丹陽。而通達蘇常之路甚多。溧陽東壩等處。雖經向榮派江

長貴。明安泰。就近堵截。未知有無把握。向榮軍威稍振。自應乘勝追勦。步步前進。俾逆賊有所忌憚。方可捍衛蘇常。但應防隘口甚多。兵力益形單薄。怡良近駐常州。調度較易。著會同趙德轍。加意籌防。此時惟有實行團練。以民助兵。以勦為防。內圍既固。而後可戰可守。該逆自不敢內犯。此次宜興。荆溪。練丁。殲除外來船匪。足見辦團禦侮。著有明效。此外各縣。均須普律辦理。以濟兵力之不及。怡良

等務當認真督勸。勿稍鬆懈。腹地應行堵守之處。該督等不得專恃向榮。致有疏失。將此由五百里諭令知之。○又諭。昨因向榮軍營需兵甚急。諭令英桂。將西安馬隊官兵酌量分撥。並令抽步兵一二十名。均由揚州取道。前赴丹陽。所調官兵。必須鎮將大員統帶。方能得力。因思徐州鎮總兵傅振邦。曾在向榮軍營。尚屬出力。現在安徽擒匪。漸就肅清。著英桂。傳知傅振邦。令其馳往向榮軍營。隨同

勦賊英桂所派前赴丹陽官兵著即交傳振邦統帶前往務須揀選精兵俾資得力至擒匪老巢既破雖蒙城一帶裹脅尚多大率皆烏合之眾如將首匪殲除餘黨自不難於解散著英桂會同袁甲三督飭各路將弁迅將餘匪趕緊殄滅其徐州鎮總兵著派史榮椿署理所有該處防勦事宜即責成該鎮認真督辦勿稍疏失將此由六百里諭令知之○又諭舒興阿奏回匪句結日眾現飭分股勦

辦一摺又另片奏漢回讐鬪勢難姑息擬次第查辦等語滇省漢回互鬪相習成風全在地方官辦理得宜自能消患未萌不致釀成巨案茲據奏稱該處回匪自燒搶漢民村莊及至省城滋事後仍敢四處糾人遠近響應迤東之尋甸迤西之姚州皆有匪徒聚伏而近省之宜良嵩明等州縣亦有圍撲城池阻截文報之事現經該撫等派撥官兵練勇分投救護嵩明州城圍已解宜良賊眾亦殲斃

多名餘匪逃竄並將攻撲鎮南州城回匪先後擊退匪勢鴟張非痛加勦洗不足以儆兇頑惟其中良莠不齊自應分別勦撫兼施著即責成舒興阿文祥先將啓不畏法之徒痛加勦辦聲威所至餘眾自必畏罪投誠儻官軍一到即能悔悟捆獻首逆者即予免罪仍剴切曉諭解散黨與總當除莠安良先勦後撫分別辦理既可折服漢回之心亦不致久勞兵力恆春現在貴州所有滇省回匪應如

何布置辦理之處仍著隨時知照舒興阿等妥籌商辦將此由六百里各諭令知之○以江蘇句容溧水二縣城被賊竄陷革候補知府趙廷銘知縣周硯銘職仍留署任戴罪效力○命散秩大臣阿那洪阿往奠故科爾沁圖謝圖親王色登端魯布茶酒賞銀三百兩治喪予祭葬○甲辰諭內閣前因戶部議覆糧臺章程並奏陳軍營冒濫積弊當經諭令各路統兵大臣及糧臺各大員將支發總數

每月開單奏報。並勒限一箇月。將放款章程。先行覈定。聲明例案。詳晰奏報。以備查覈。乃自咸豐三年十二月間。通諭之後。已逾兩載。各路糧臺。總以趕辦不及為詞。惟向榮軍營。曾有遵照填報之奏。亦未見續有奏報。當此軍務未竣。度支孔亟。若再任今日久稽延。恐奏銷時弊。竇叢生。愈無稽考。其應如何酌定期限。隨時清釐。以杜浮冒之處。著戶部再行妥議章程具奏。○諭軍機大臣等。前因有人

實錄卷一百一

五

奏。雷以誠軍營委員雷鳳翥。黃鍾。吳雲。翁壽。慶。虞詠齡。勸捐發餉。種種營私索詐。當經諭令德興阿等。查提歸案嚴訊。本日復有人奏。吳雲以泰州人徐震甲為牙爪。無利不搜。現在蘇州城內開設布莊。黃斌。黃鍾在揚州方家巷置買潘莊田產各等語。軍營委員。似此藐法營私。科斂肥己。實屬大干法紀。著德興阿等就近查訪。揚州有無黃斌等所置田莊。其吳雲在蘇州開設布莊。並著移咨趙德轍。

一併查辦。再據向榮奏。管帶馬隊協領德昌。前因打仗。面受石傷。諭令隨營醫治。並不遵令。竟帶馬隊潛行渡江等語。業經明降諭旨。將德昌革職。留營效力。仍著德興阿等查明該協領。因何帶領馬隊。潛行渡江。有無別故。一面具奏。一面勒令該協領仍帶馬隊。回至向榮軍營戴罪自效。毋稍稽延。將此由五百里諭令知之。○又諭向榮奏賊眾撲犯丹陽營盤。迎勦獲勝一摺。此次逆賊糾眾來撲。雖

實錄卷一百一

一

經擊退。而全州鋪及白兔鎮等處。均有賊壘分布。即就丹陽一路而論。已屬防不勝防。況此外內通蘇常之路。不止一處。即如溧水一股。由毛公鋪竄至定埠。已在東壩東南。昨據何桂清奏報。建平北門外二十里。已有賊蹤之語。向榮此次摺內。尚稱派江長貴會同秦如虎。攔截東壩之賊。不知秦如虎。同浙江委員仲孫懋。已離東壩前往建平。可見專駐丹陽。於各路聲息。轉形稽滯。必須進扼金陵。重

整舊時壁壘。方能統馭兼籌。此時暫駐東路。原為休養銳氣。仍圖進取。若僅能專顧一隅。而於各路布置。未能周密。恐中該逆聲東擊西之計。總以四路控馭。絕其內犯。為最要關鍵。俟軍威稍振。仍當進逼金陵。不可被賊牽掣。致成鞭長莫及之勢。所請閩廣各兵。已疊降諭旨飭催。而調到需時尚久。本日復諭和春福濟再行撥兵一千六百名。連前撥馬步四百餘名。湊足二千之數。前赴丹陽。較之閩廣更為近便。其火輪船入江一節。前令向榮等酌調助剿。即著咨商怡良。趙德轍。何桂清。催趲入口。並將應備口糧子藥。寬為籌備。與紅單等船。一併接濟。其前此諭令添購輪船。亦著會商各該督撫。迅速籌辦。至總辦糧臺彭玉雯。聞其年力已邁。此次餉銀被搶。雖係倉猝失事。究難保無疏於照料之處。著向榮查明該員是否精力不繼。其平日支應一切。有無浮濫。如果不能得力。即將該員撤回。另

行委員接辦。儻尚無貽誤。亦著據實覆奏。將此由六百里加緊諭令知之。○又諭。前因金陵需兵。並溧水失守。疊經諭令和春等派撥重兵。渡江應援。旋據奏稱。兵勇無可分撥。僅派協領輯順等帶馬步兵四百餘名。前往協助等語。向榮大營失利。已於五月十九日退守丹陽。而句容縣城復陷。溧水等處賊匪。蔓延定埠。窺伺建平。內犯之路甚多。賊眾兵單。難資堵禦。蘇杭各屬。為東南財賦之區。大局攸關。該提督等近在鄰封。豈可擁兵膜視。前此皖省情形緊急。均由向榮軍營抽調兵將前來救援。今向榮因兵單不振。而廬州擁兵雖眾。日久無功。和春等於請餉。則極言兵勇之多。至撥兵。則又言兵勇之少。即如徽甯等屬。均福濟所轄地方。業經委諸江浙。即池州等屬。民皆從賊。近日江面水師。攻克銅陵。拏獲賊船糧石。皆係僞冒民間供億。此外州縣村莊。類此者諒尚不少。亦不聞該撫設計搜

勒直似廬州巡撫自衛營盤於境內多賊久踞竟置若罔聞實堪痛恨該處兵勇除撥赴懷遠宿州等處外尚屬不少著和春福濟刻即挑選精銳馬步官兵一千六百名連前次派出之四百名共湊足二千名派委得力員弁統帶即日前赴丹陽交向榮大營調遣不得心存畛域仍以無兵可調為辭遲延貽誤將此由六百里加緊諭令知之○欽差大臣向榮奏謝革職留督軍務恩得旨汝雖退守

實錄卷三十一

十一

丹陽務期步步前進直擣金陵勿為賊勢所乘現在固應稍養銳氣若進時尤不可遲疑○以海運漕糧驗收完竣賞刑部左侍郎譚廷襄道員英毓花翎倉場侍郎阿彥達下部優敘道員書齡等升敘有差○以湖南籌辦軍需出力賞在籍兵部郎中左宗棠父母五品封典道員裕麟知府厲雲官等花翎從九品豐家焯等藍翎餘升敘有差○予江南江甯甯國陣亡遊擊扎拉芬子總宋玉貴武略

劉鎮揚郭銘勲白天眷龍騰高把總楊再松等祭葬世職○予湖北武昌陣亡守備陳仁蘭千總曹起龍把總胡立發等祭葬世職○免直隸東光縣被擾竈地舊欠額賦○乙巳諭內閣永康等奏請將擺晾陳設不慎各員議處並自請議處一摺

陵寢供奉陳設理宜慎重乃該員等於

裕陵殿內擺晾陳設之時並不小心安放致孤山圖手卷有開裂之處實屬疏忽員外郎鐵

實錄卷三十一

十一

樸主事德榮內管領慶恆內副管領兆瑞均著交部議處永康繼善綿森未能先事諄飭著一併交各該衙門議處開裂手卷即著派員送交內務府修整○湖南巡撫駱秉章奏失守晃州廳通判楊泰來請留原任戴罪效力得旨楊泰來平昔居官若何前奏並未聲明遽因士民懇留即免其罪向來無此政體該革員既能殺賊數十或者尚能奮勉著暫緩拏問仍撤任留於該處協防○以湖南湘

鄉縣紳勇防勦出力。永廣文武學額各三名。
○以克復湖南茶陵。郴。桂陽宜章。四州縣城。
賞守備曹福勝。花翎知縣苗如璋等藍翎餘。
升擢有差。○貸湖南鳳凰乾州。永綏冕州。古。
丈坪五廳苗疆丁佃籽種口糧。並免永綏廳。
苗佃原貸穀石。

實錄卷二百一 二十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二
○以克復湖南茶陵。郴。桂陽宜章。四州縣城。
賞守備曹福勝。花翎知縣苗如璋等藍翎餘。
升擢有差。○貸湖南鳳凰乾州。永綏冕州。古。
丈坪五廳苗疆丁佃籽種口糧。並免永綏廳。
苗佃原貸穀石。

咸豐六年丙辰六月丙午諭軍機大臣等據

翁心存奏籌防宜興東壩並豫堵太湖水路
一摺所稱賊越東壩而南恐由間道內竄則
丹陽常州之兵隔在西北不及救援等語於
籌防形勢不為無見惟鄧紹良現在總統甯
國諸軍張國樑又須往來策應均不能令其
專駐下游一隅之地宜興一路既距無錫較
近自不可不嚴為之防昨據怡良奏派兵三
百名赴該處駐劄是否足資堵禦東壩一路
自秦如虎折回建平後江長貴是否已由金

壇前往明安泰。現在溧陽所統兵勇約有五
六千人。能否責令兼顧東壩。著向榮等妥籌
辦理。荆溪宜興民團焚船殺賊頗能得力。亦
著怡良等加意激勵。令其自衛。萬不可稍形
懈怠。致有意外之虞。向榮前奏驅逐寶堰一
帶船隻。係防賊內犯常州。其由太湖入蘇之
路。該尚書所指長蕩滬湖東西沈等處。亦應
一體收集船隻。毋為賊用。太湖波濤浩渺。港
汊紛歧。非尋常船隻所能遠涉。果能盡收各

口湖船。賊匪自無從偷渡。太湖協水師副將
周希濂現在上游督帶艇船。其本缺係何員
署理。自應責令嚴密稽查。以資防範。另片奏
近日蘇常諸郡有按畝捐輸制錢百文之說。
請飭停止等語。如果並未舉行。事屬可已。自
宜停辦。儻因軍餉不充。不得已而出此。亦宜
查照從前辦過成案。酌減捐數。以順輿情。勿
致滋生事端。原摺片著鈔給閱看。將此由六
百里加緊各諭令知之。○又諭。和春等奏。現

辦防剿情形。並請催江豫官兵進剿。捻匪各
摺片。廬營兵勇分駐軍鋪等處。並未實力進
攻。和春等所稱廬汙桐城無為巢縣安慶擬
以次攻擄等語。雖似極力籌畫。仍屬毫無把
握。此時巢縣賊船足為長江之患。吉順駐兵
該處。已閱年餘。並未實力按剿。既據和春等
奏稱。現籌設法焚毀。著即飭吉順迅速設法
辦理。毋再延玩。致貽後患。雉河捻巢經袁甲
三等攻拔。因東南無兵堵截。致首匪張樂行

等由蒙城竄至潁州。英桂已派令佐領松志
參將成齡等統帶馬步兵勇分往潁州。潁上
援剿。是豫省官兵實已深入皖境數百里。徒
以皖兵未與會遇。致和春等未能知悉。該兵
勇等裹糧遠行。道路生疏。著和春福濟飭令
珠克登郝光甲並鄭魁士所募壯勇奮力前
進。與豫省官兵前後夾擊。將此股餘匪速即
殲除。毋得遷延株守。致誤事機。其正陽關潤
河集等處股匪。並著督飭多慧袁太華黃元

吉等分投堵截使擒匪迅就肅清專力攻勦
廬州屬邑次第克復各城庶不至勞師糜餉
無尺寸之功大負委任也將此由六百里諭
令知之○丁未諭軍機大臣等葉名琛奏喚
咪啡各國請重訂條約現已設法開導阻止
一摺據稱咪夷伯駕照會內稱條約章程第
三十四條載十二年後兩國派員酌辦本年
六月期滿請代奏喚夷咆哮咪夷顧思亦先
後照會等語前年該國夷酋駛至天津呈出

祈請各條率多謬妄經崇綸等正言斥駁礙
難入奏其中惟上海欠稅非從前所及料廣
東茶稅係隨後增加民夷相爭之案本為條
約所載恐現在辦理不善允其查辦當經諭
令葉名琛怡良等酌量辦理現在該夷酋等
又以十二年屆期懇請代奏咪酋伯駕並有
啟程赴京之語雖經葉名琛力為阻止但恐
伯駕從中煽惑約同咆哮顧思等復行北駛
不可不防各夷議定條約雖有十二年後公

平酌辦之說原恐日久情形不一不過稍有
變通其大段斷無更改故有萬年和約之稱
況前年到津業已加恩酌免關稅等項天朝
懷柔遠人之意不可謂不厚若再藉詞曉瀆
斷難允准葉名琛惟當據理開導絕其覬覦
之心如其堅執十二年查辦之語該督等亦
只可擇其事近情理無傷大體者允其變通
一二條奏明候旨以示羈縻若該夷酋等竟
至上海等口有妄求代奏之件著怡良等諭

以兩廣總督為辦理夷務之欽差大臣無論
何事總須回粵呈請兩江總督不能代奏設
有欲至天津之語並著葉名琛等諭以天津
本非通商口岸爾等前往顯背條約上次天
津所派大臣已與爾等言明爾若再至天津
斷不能再派大員與爾等會晤如此剴切曉
諭庶可杜其妄念至伯駕在粵既居心叵測
此時若到上海怡良等務須暗中防範毋令
句通粵逆別生事端又本日據文煜奏糧臺

兵餉無著已降旨飭部飛咨各督撫嚴催撥款但恐緩不濟急著怡良等於江北地漕鹽課關稅及江海關稅內先行酌撥銀兩以資接濟毋令缺乏將此由五百里各密諭知之○予故升任貴州布政使署廣東按察使沈棣輝祭葬卹陰如軍營病故例○予廣東陣亡遊擊嚴世坦把總溫經籌何銓方強外委溫瓊璘吳榮高盧朝樑黃鳳章朱振亮從九品李玉齡李炳垣祭葬世職○予廣西陣亡

副將福格祭葬世職○戊申遣官祭

火神廟○諭軍機大臣等前因曾國藩奏請在上海抽收釐金接濟江西軍餉等情當諭令怡良等體察情形具奏茲據奏稱江蘇軍需局用款浩繁專賴抽釐濟餉未能分撥江西且上海地雜華夷該地方官紳年餘以來辦理尚屬相安若再另行派員前往辦理實多窒礙所奏自係實情抽釐濟餉本屬不得已之舉況江蘇本省需餉已多所有上海釐

金祇可留作蘇省經費曾國藩所請飭調顧椿專辦抽釐以濟江西軍餉之處著毋庸議將此由四百里各諭令知之○又諭直隸試用知府劉衡前在定州直隸州知州任內告病開缺經桂良以該員病痊難以起用咨部以原品休致嗣因在連鎮軍營出力以知府遇缺選用現赴直隸候補該員係曾經休致之員是否能勝知府之任到省後著桂良隨時察看據實具奏毋稍遷就將此諭令知之

尋奏該員當賊氛逼近亟求交卸如此存心恐難望其盡心辦事得旨著原品休致○庚戌諭內閣前因各直省大錢鈔票未能暢行疊經諭令各該督撫剴切示諭民間按成搭解錢糧以期通行無滯惟錢鈔之行必自近及遠本日據給事中仙保奏直隸保定府清苑縣至今並未出示曉諭以致商民無所取信鈔票大錢仍多窒礙直隸一省尚形阻滯他省自更難流通著桂良查明該省地方官

如果未經出示曉諭其為收銀買鈔或買大錢搭交藩庫營私肥己情弊顯然即著據實參奏○辛亥

上幸靜明園詣

龍神廟拈香○諭內閣前據花沙納全慶奏遵查前任順天府府尹張起鵷承辦糧臺於捐輸錢文並不報部車馬津貼濫行支應並將餘存軍械移交作價參款已有確證且於應交底帳日久始行呈出當降旨將該員革

職審訖茲據花沙納等會同刑部審明各款與前奏大致相同其交出底帳內竟將違例字樣添注它改已屬有心弊混其在直隸完縣地方置買房產並在京城錢鋪存錢又適當糧臺甫撤之後據供係廉俸所餘並非那移公項殊難憑信龔國瑞捐項並未將數目咨明山東亦屬含混張起鵷著暫行監禁所有原封文冊及續交帳目均責令原辦委員勒限一月造冊報銷俟戶部工部查覈明確

有無浮冒侵蝕再行定擬罪名具奏該革員所有完縣地方置買房產並著查封備抵○又諭桂良奏永定河正隄漫溢現在親往勘辦一摺據稱本年伏汛大雨連朝南七工正隄河水壘長壩身墊陷隄面漫溢過水約四十餘丈深約尺餘等語該廳汛員弁於河水盛漲之時搶護不力厥咎甚重署三角廳通判涿州州同曹文懿署南七工東安縣主簿錢寶珊均著革職留工效力其未能先事籌防之永定河道崇祥著革職留任桂良督率無方著一併交部議處該督現已馳往該工查勘著即嚴飭該管員弁趕緊盤築裹頭毋令續有刷塌至被淹村莊輕重情形如有應行撫恤之處並著桂良迅速查明具奏○以克復江蘇揚州儀徵府縣二城並三汊河等處勦匪出力賞副都統富春參領富明阿參將鄧鳳林巴圖魯名號佐領永慶吉勒圖堪麟祥魁斌參將英貴游擊梁愷都司丁希鳳

等花翎驍騎校富勒琿等藍翎餘升擢有差
○壬子諭內閣和潤錫齡奏審明疊次京控
案情分別定擬一摺此案奉天蓋平縣差役
姜兆祥以蠹役詐贓致斃人命本係按律應
斬歸入上年秋審情實之犯既據和潤等審
明罪無屈抑著即行處斬以杜狡避已革員
外郎佛爾果春已革主事春霖于承審命案
輒敢得受屍親銀兩雖未枉入人罪實屬貪
污不職均著依擬定為絞監候勒限追贓限

內全完再行改發新疆充當苦差候選知縣
舉人丁文浚於人命重情赴縣關說著即行
斥革已革蓋平縣知縣劉汝新於蠹役詐贓
並不究辦迨經釀成命案猶復聽人說合率
准領屍已革郎中覺羅嵩山已革員外郎色
克通阿已革主事煥德於該犯翻控後仍復
隨同審訊既不呈請迴避亦未究出贓款均
屬有心徇庇以上四員業經革職著毋庸議
前任海城縣知縣升任遼陽州知州王肇光

既經驗出屍傷並不取具正犯供結又因迴
護同官不請覆檢顯係意存瞻徇著交部嚴
加議處奉天府治中曹敦錡通判巴克坦兩
次派委會審承德縣知縣奎壽續派會審均
未能究出贓情著交部分別議處盛京刑部
侍郎調任戶部侍郎書元於司員書役得受
多贓毫無覺察並於府尹應訊之案移咨到
部並不據實駁回輒派原審司員審訊已屬
辦理乖謬又將本部司員審擬之案指為奎

壽一人承審尤屬意存掩飾著交部嚴加議
處升任都統前兼署奉天府府尹恆毓於專
咨案件輒移刑部會審亦屬錯謬著交部議
處其餘各犯罪名著刑部覈議具奏○諭軍
機大臣等廉兆綸奏廣饒情形危迫請迅速
撥兵救援一摺據稱饒州自畢金科一軍接
仗失利賊勢猖獗防守喫重廣信水陸可通
饒州而練勇僅二千餘人不敷分撥勢極孤
危等語覽所奏情形自係萬分緊急業經諭

令王懿德呂佺孫何桂清於附近廣饒等處酌撥官兵助剿矣。惟賊踞徽甯。浙之湖州一帶防堵正形喫緊。閩省前調兵勇三千。令改赴江南。尚未過浙。恐軍裝器械急切不能完備。今調赴廣饒之兵。亦恐一時未能即到。現在廣饒二郡。尚為該省完善之區。斷不可再有失事。著曾國藩文俊通籌大局。設法分兵兼顧饒州。即以保全廣信。毋令與省城聲息不通。致成孤危之勢。其援兵未到以前。著廉

兆綸督同地方官實力團練。以固藩籬。將此由六百里加緊各諭令知之。○又諭。本日據廉兆綸奏。饒州緊急。廣信孤危。請速飭派兵救援一摺。江西情形。現止廣信一府。尚稱完善。可與省城通氣。饒州既形緊迫。該處勢處孤危。不得不急籌援應。前調福建兵三千名。已令改赴江南。著王懿德等於鄰近廣饒各營汛內。籌撥兵二千名。派員管帶。迅速取道前往饒州。廣信一帶。擇要援應。至浙江現在

辦理甯國防剿。兵力自屬難分。惟廣信為浙省藩籬。亦應兼籌策應。何桂清前派往衢州防剿兵勇。除調回外。尚存若干。若能派往廣信。即可以剿為防。如兵數已屬無多。即於金衢嚴各屬內。酌量抽撥官兵一千名。前赴廣饒一帶。藉資堵剿。將此由六百里加緊各諭令知之。○署刑部右侍郎和潤等奏。報前往永陵會查河道。得旨。河道風水所關。實為要務。朕聞蘇子河。並非舊河身。勢未朝拱。爾等詳

細查勘。務期敬慎。並將

陵寢樹株情形。一併查勘。○予遇賊被戕雲南舉人楊達。慶桂。春。賞卹如例。○癸丑諭內閣。和春。福濟。奏。剿辦捻匪。獲勝一摺。捻匪自雉河集擊敗後。分股竄擾蒙城。壘經鄉圍堵。剿該匪等。欲由沙河竄赴潁上。署蒙城縣知縣俞澍。派令勇目顧其行。會同三義集等處團練萬餘人。馳往截擊。斃匪一千餘名。奪獲馬匹器械無算。太和縣地方另股匪徒。亦經該

縣侯樞臣督團堵剿於五月十四等日在高公廟等處斃匪數百名生擒擒首五名餘匪敗竄該二縣團練於擒匪竄至均能隨同官軍勦辦實屬奮勉出力仍著和春等飭令各路官兵將敗殘零匪悉數殲除毋留餘孽○以山東鄆城縣勦匪出力賞團長文生季錫魯六品翎頂○予安徽陣亡千總嚴國英祭葬世職○甲寅諭軍機大臣等昨因廉兆綸奏廣饒情形危急已有旨令曾國藩等設法兼顧饒州保全廣信毋令與省城聲息不通本日復據奏稱饒郡於六月初五日失守廣信萬分危急攻勦建昌愈難鬆勁請將撥赴向榮軍營之閩省兵勇三千全數截留以資分撥等語饒郡與省城撫州廣信壤地毗連現既為賊竄踞當防其四出滋擾僅由安仁餘干橫撲則省城道路梗塞文報餉運無路可通即撫建兩路進攻亦恐未能得手著准其將張從龍所帶兵一千六百名專攻建昌

陳上國所帶兵一千五百名馳往廣信會合本郡練勇分防要隘仍即相機規復饒州以遏賊勢該侍郎等亦當統籌全局設法兼顧一面趕緊攻克撫建一面酌撥兵勇與閩兵會合務將饒郡及早克復庶不受逆賊牽掣之患現在金陵勦匪正當喫緊其由閩省續派琳潤等所帶兵勇一千四百名如過江西境內即飭迅赴金陵大營至昨諭福建添調兵二千名原為援應廣饒之用今廣信既截

留兵一千五百名所有續調福建兵二千名已諭知王懿德等飭令馳赴向榮軍營江西毋得再行截留致滋貽誤將此由六百里加緊各諭令知之○又諭昨據廉兆綸奏江西廣饒兩郡情形危急前調閩兵三千已改赴江南當即諭令王懿德等於廣饒鄰近各營挑揀選精兵二千迅速派往以資堵禦本日復據廉兆綸奏饒郡業已失守勢更危急所

有福建派往江南之張從龍陳上國所帶官

兵已准其分撥廣建兩郡助勦矣。廣信現既留兵一千五百名。則昨諭續調之閩兵二千名。自可毋庸再赴江西。向榮扼守丹陽東壩等處。賊眾兵單。亟須添助。著王懿德等卽飭將琳潤禧祿所帶官兵一千四百名。飛催速往江南。並將續調之官兵二千名。迅速揀選精銳。派委得力將弁。一併馳赴向榮軍營。以資調遣。毋任延緩。將此由六百里加緊諭令知之。○又諭本日據何桂清奏。遵調護運火

輪船入江。並委員赴上海籌辦添購輪船一摺。據稱所有甯商護運之火輪船。業經派員管帶。由圖山關飛駛入江。聽候向榮調遣。其需添購之輪船。亦已委令金安清。何紹祺。張庭學。楊坊。陳元鼎等。前往上海。妥為購募。並籌款辦理。此項船隻入江助勦。於江南軍務大局。甚有關繫。所有滬商護運之火輪船。著怡良等迅速派員督帶入江。統歸向榮調度。至添購一節。自不可少。而需費較鉅。必當設

法辦理。著怡良。趙德轍。遴委幹員。飭令前赴上海。會同金安清等。迅速籌商。務令經費有著。得以剋日奏功。將此由五百里諭令知之。○又諭本日復據廉兆綸奏。報饒州於六月初五日失守。並據何桂清奏。稱饒州情形緊急等語。廣信毗連浙省。值此賊勢鴟張。情形危迫。所有派出官兵。著何桂清飭令迅速前進。交廉兆綸調遣。遠防不如近剿。但能廣信無虞。即浙東亦可安堵。該撫定能通籌大局。

悉心辦理。此外應如何嚴密防堵。並著嚴飭在防文武。實心籌辦。至涇縣。祁門等處。時有賊匪窺伺。著何桂清傳諭張芾。相機堵剿。毋得再有疏虞。致干咎戾。將此由六百里加緊諭令知之。○又諭英桂奏。擒匪分竄。疊次追剿。並各路布置情形。一摺。擒匪竄撲。三河尖。距固始縣城九十餘里。其勢尚復鴟張。該撫飭邱聯恩帶兵前往。會同地方官紳合力攻擊。尚恐不能力挫兇鋒。儻令深入豫境。又將

蔓延北路。英桂袁甲三。分駐亳州。潁州。重兵全在皖境。必須盡力追擊。由北而南。使匪蹤不敢回竄。方不失會剿本意。不可專駐亳州。致成鞭長莫及之勢。英桂現擬由陳州前往光屬。即著迅速前進。迎頭兜截。此時蒙城。潁上一帶。匪勢尚未肅清。而以三河尖一股為最巨。似兇悍捻首。多在其中。果能將此股殲除。其餘自當瓦解。較之零星剿辦。更為扼要。著英桂酌度機宜。迅籌妥辦。多慧塔思哈。扼

守正陽。珠克登。扼守蒙城。西凌阿。崇安。扼守雉河集。徐宗幹。暫駐歸德。所有北路布置。尚為周妥。無論皖兵豫兵。皆在該撫調度之中。據稱客兵僅止直隸一千七百。山東一千五百。是專指由豫帶往兵數而言。其江皖兩省撥來之兵。不在此數。如果不分畛域。通盤總計。剿匪之兵。正復不少。一俟辦理得手。即可撥赴江南。以應急需。傳振邦。督帶西安馬隊。於何日啟程。該鎮原帶官兵內。尚能抽撥若

千名。均著附報具奏。將此由六百里諭令知之。○又諭。前據胡林翼奏。貴州候補知府韓超。素稱知兵。訓練有方。自苗匪滋事。該員帶勇助剿。現聞在台拱清江之間。年餘無餉。勸諭良苗供食。恐其終必饑困。坐失良將等語。貴州候補知府韓超。前於剿辦桐梓逆匪時。帶勇打仗。甚為出力。現在剿辦苗匪。據恆春等奏報。亦屢敘其戰功。其於軍務得力。自屬可信。當此軍務需人。將材難得。著恆春查明

該員現在有無饑疲乏餉情事。如果屬實。亟應設法濟餉。加以委任。俾得奮勉立功。以備干城之選。將此諭令知之。○以攻破貴州翁樹河賊巢出力。賞遊擊巴揚阿。巴圖魯名號。守備王萬祥。花翎。餘升敘有差。○以剿辦安徽甯國建平賊匪出力。賞千總秦坤。五品頂帶。花翎。予受傷同知銜仲孫懋升用。○乙卯諭內閣。大學士賈楨。在上書房宣力有年。簡任綸扉。甚屬勤慎。現丁母憂。著暫行開缺。給

假六箇月。扶柩回籍。並著加恩賞給廣儲司銀四百兩。經理喪事。假滿後即行來京當差。○諭軍機大臣等。昨據恆春奏兵餉支絀。請飭催撥等語。貴州剿匪喫緊。該督到黔後。各路均獲勝仗。而兵勇口糧。欠發甚多。斷難停兵待餉。致有貽誤。四川墊解粵餉銀十五萬兩。僅據報解銀六萬五千兩。其餘銀八萬五千兩。尚未撥解。著黃宗漢迅速籌款。即日派員解往貴州。以備接濟。毋得以無款可撥為詞。遷延干咎。將此由四百里諭令知之。○又

諭前因黃宗漢本年以來未見奏報。諭令該督明白回奏。迄今月餘未據覆奏。黃宗漢身任總督。地方尋常事件。應奏者已屬不少。況各省撥兵調餉。關涉軍務者。更當由驛馳奏。乃半年以來並無奏報。實堪詫異。該督平日尚能認真辦事。並非因循廢弛之人。何以遲延貽誤若此。是否該督近體患病。精力不支。抑或別有意見。樂斌近在同城。諒必知其情。

節著即查明據實具奏。毋得代為掩飾。將此由四百里諭令知之。○命大學士文慶為實錄館監修總裁官。上書房總師傅。○以吏部尚書翁心存署翰林院掌院學士。○命戶部尚書朱鳳標教習庶吉士。○以刑部左侍郎譚廷襄署兼管順天府府尹事。○改鑄浙江長興縣知縣印信。從巡撫何桂清請也。○以浙江派防東交出力。賞同知白讓卿花翎。守備汪安邦等藍翎。餘升敘有差。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百二

監生均設官廳逐月講起居注官太子太保一員房總訓導人理閣開闢市街侯府院學士禮部欽差六部侍郎等處巡按御史一員
大學士管理兵部事務十二級紀錄十四次臣曹維藩奉地職官經筵講官太子太傅文淵閣開闢市武安殿講義官教習庶常一體同
大學士管理戶部事務十二級紀錄十四次臣周祖培總裁官太子少詹事洪州繕書局事務引見奏議會
大學士管理工部事務十二級紀錄十六次臣寶善堂總裁官巡撫蘇省德慶嚴敷教習入籍道丁家房總務
豫監蘇州州院戶部尚書管理二庫事務加四級隨帶正副紀錄十員實發糧米官巡撫蘇省德慶嚴敷教習入籍道丁家房總務
遼河及錦州裁官五品監察各都統禮部尚書管理參政鴻臚寺事務加二級軍功四級隨帶八級紀錄九員候補旗弁每季

咸豐六年丙辰秋七月丙辰朔享

太廟遣恭親王奕訢恭代行禮。○諭軍機大臣等。昨因江西饒郡失守。廣信危急。諭王懿德等將張從龍陳上國所帶各兵。飭赴建昌廣信防勦。並諭由閩續調官兵迅速馳往向榮軍營。茲據該督等奏順昌九龍山土匪糾合江西汀廣奸民分股滋擾。調赴江右援兵未敢驟撤藩籬等語。閩省毗連江西地面。本有督糧道王訓等在彼督辦防務。現雖有匪徒覬覦而滋事未久。如果實力圍捕。當易撲滅。

該督已另調省標及各營兵一千名。派遊擊蘇遇春等管帶前往順昌協拏。著即責成王訓金萬清妥為調度。迅掃賊氛。其張從龍陳上國之兵著仍遵昨降諭旨。令赴建昌廣信。分投防剿。該處距閩不遠。亦可牽制賊勢。為順昌等處聲援。至琳潤等所帶兵勇及續諭添調兵二千名。仍當迅速抽赴向榮軍營。俾資勦辦。將此由六百里諭令知之。○以勦辦廣東香山虎門賊匪出力。賞知縣邱才穎。守

備胡廷陞趙連等花翎恩騎尉邢麟閣等藍翎餘升敘有差○以克復安徽涇縣城予遊擊周天受以副將補用○予安徽陣亡知縣張學襄國子監典籍程立釐都司倭克津三等侍衛額勒和訥千總郎錦魁把總程步雲外委馬錦鈴胡福春游進森祭葬世職附生程立義吳疆祭葬世職如八品官例○丁巳諭軍機大臣等向榮奏連日攻勦逆匪焚毀賊壘獲勝並請將鄭魁士傅振邦飭調一員

前赴江南等語。逆匪撲犯丹陽。並繞往東南。蔓延結壘。意在包抄我軍營盤。經向榮派兵日夜轟勦。焚毀鳳凰岡賊壘二座。我軍聲威稍振。惟逆數尚多。內犯之路。處處可虞。該大。臣布置各情。雖尚周妥。究恐賊眾兵單。不敷分布。前有旨諭英桂。飭傅振邦帶兵馳往江南助勦。據該撫奏稱。陝西綠營官兵一千名。黑龍江餘丁五百名。業經先後啟程。嗣又抽撥西安馬隊千名。交傅振邦督帶。並飭該鎮

於原帶官兵內。抽撥帶往。復諭和春等。挑選馬步官兵一千六百名。連前次所派之四百名。湊足二千名。即日前赴丹陽。所有皖豫各兵。當可陸續趕到。該大臣即可隨時布置。其張從龍。陳上國。所帶閩兵。因江西勦賊喫緊。赴建昌。廣信。分投防勦。已諭王懿德。飭催琳潤。禧祿。所帶兵一千四百名。飛速馳往江南。並諭令添調精兵二千名。一併交向榮調遣矣。該大臣扼守丹陽。雖屢挫兇鋒。而句容之

茅山。薛埠。丹徒之寶堰等處。皆可徑至常州。無須經過丹陽。况宜荆太湖。水陸分歧。並可直達蘇浙。內竄之路。幾於防不勝防。該大臣惟當嚴飭明安。秦泰。如虎等。實力防勦。並遵疊次諭旨。激勵兵勇。相機進勦。勿得株守一隅。致誤全局。浙省護運火輪船。已據何桂清奏調入江。復派員赴上海購募。並諭怡良。趙德轅。將滬商護運之火輪船。迅速派委妥員。督帶入江。統歸該大臣調度。此項輪船。駛入

大江。即著向榮妥為布置。如能肅清江面。亦可牽制賊勢。將此由六百里加緊諭令知之。○黑龍江將軍奕山等奏。俄夷續來人船數目。及去留情情形。得旨。該夷情形。不過豫作通商地步。現在固不可不嚴為之防。尤不可稍露形色。惟使該夷受我羈縻。不能盡遂所願。方妥。此批。惟汝三人知之。不可宣示。密之。○予江蘇陣亡參領凌保。胡興阿。林春吉。凌阿。佐領伊經阿。防禦毓秀。魁永。薩薩佈。驍騎校

長庚守備譚金常潘龍蛟姜廷富王登王道泰千總吳廷燦戴天保安泰馬殿元陳綱把總江應魁劉敬端王榮棟雍仁寬等祭葬世職○戊午諭內閣桂良奏永定河北岸漫溢馳往勘辦一摺直隸永定河南岸漫口後大雨不止河水疊次增長各汛隄埝紛紛被衝大溜直漫隄頂北四上汛北三工隄工衝缺二十餘丈該廳汛員弁當河水盛漲並不加意防範以致北岸復有漫溢實非尋常玩誤可比知府銜北岸同知婁煜署北四工上汛涿州州同試用縣丞施成釗北三工涿州州判朱秉璋協防北岸把總蔡鐸著一併革職仍責令隨工效力永定河道崇祥前因南岸漫口業經革職留任北岸又復漫溢未能實力防護著即行革任桂良著再行交部議處該督俟南岸查勘詳明後即著馳赴北岸嚴飭該管員弁趕緊堵築被淹村莊應如何撫恤之處並著桂良迅速查明具奏○又諭葉

名琛柏貴奏查封革員家產請旨辦理等語已革江蘇蘇松太道吳健彰被叅各款業經怡良等查明奏結所有該革員原籍貲財家產著即發還○又諭和春福濟奏皖省軍需匱乏墊款一時難補請飭在徐屬地丁銀內扣還等語皖省製造局向在徐州辦解一切軍裝均由該道墊支除疊次截留皖餉充抵歸款外尚欠還銀二萬七千餘兩著准其在於徐屬應解地丁銀內照數扣留以歸欠款

嗣後地丁銀兩仍不准率請扣留充抵○以廣東南澳勦賊出力賞千總謝騰瑞等藍翎餘升敘有差○己未諭軍機大臣等朕聞福興近日在營與張國樑不能和衷將士無所適從並聞怡良有函知許乃釗令其前往開導之事軍營將帥不和必致貽誤大局斷非空言開導勉強解釋所能了事自鄧紹良渡江之後揚營武職正少幫辦大員該將軍才優年壯尚能督帶馬隊若將福興移往江北

較為合宜。著向榮即將福興與張國樑不能和衷之處據實速奏候旨派調。或令福興自統一軍分營防勦。尚可藉資得力。則不必移往江北。即徽甯等處亦可酌量撥往。總期各盡所長。不致互相掣肘。貽誤大局為要。至丹陽軍營現在軍威稍振。張國樑總統諸軍尚能奮勇。若畀以幫辦。能否勝任。著向榮一併據實具奏。當此軍務孔棘。全在將帥得人。萬不准稍存瞻徇。前次諭令查看之余萬清彭

玉雯二員亦著一併確查。附報奏聞。將此由六百里諭令知之。○長蘆鹽政烏勒洪額奏報到任日期得旨。一切稅務必須實力隨時整飭。不可日久廢弛。○緩徵廣東被賊滋擾之英德歸善陸豐潮陽普甯惠來高要開建恩平長樂連陽山十二州縣未完額賦。○庚申諭內閣。官文奏堵勦下游賊援並黃州漢陽勦賊屢獲勝仗一摺。武漢逆賊被圍日久。密約下游賊黨往援。經官文派撥兵勇前往

堵截。六月初九日。行至黃州鵝公頸地方。適與賊遇。都司王玉琳等分東西兩路迎擊。署黃州府知府許廣藻督率團練助戰。斃賊千餘名。賊眾敗逃。復追殺數百名。溺死者無數。奪獲旗械數百件。將軍都興阿等乘勝進攻黃州。將城外賊壘焚燒。斃賊百餘名。二十一日。武昌賊船數十號。由襄河口上駛。官軍開礮轟擊。並縱火焚燒。賊船數隻落水死者不計其數。維時陸路有賊千餘。由米廠河來撲。

官兵奮力進剿。斃賊五百餘名。生擒十餘名。奪獲馬匹器械多件。官文等圍攻武昌漢陽日久無功。此次各路雖皆獲勝。於克復尚無把握。實屬遷延貽誤。著該大臣等振刷精神。督飭將弁兵勇實力勦辦。剋期收復城池。不得以小有勝仗。鋪張搪塞。儻再因循觀望。國法具在。恐該大臣等不能當此重咎也。○又諭。王慶雲奏請嚴禁鹽務需索一摺。河東銷鹽經行山西陝西河南三省。業經王慶雲會

同吳振械妥議章程。於所過各境嚴禁官吏需索。惟河南會興鎮一路銷鹽較多難保無官吏藉端阻撓。且信陽州現辦抽釐接濟湖北軍餉。僅需索未能盡除。必致商販裹足。著英桂嚴飭河陝汝道及行銷潞鹽各屬。無論文武員弁幕丁兵役人等。均不准需索留難。如有此等情弊。即著從嚴究辦。以整疆綱而暢課運。○實授昇福山東按察使。○予湖北陣亡副將駱永忠殉難知府易容之並其子

候補府經歷觀揚知縣鈕芳津。察葬世職。○辛酉諭內閣桂良奏。勘明永定河漫口情形。現籌堵築一摺。永定河南七等工。既因北岸掣動大溜。已成旱口。自屬施工較易。著桂良督飭道廳各員。趕緊勘定引河工頭。乘此已交秋令。水勢漸落。剋期堵合。毋稍遲延。所需經費著即照所請迅速籌辦。其被水之固安永清等縣。前因賊鋒逼近。或曾辦團練。或供應兵差。民困未蘇。朕心方深軫念。茲復被水

漫淹。亟應加恩撫恤。著即遴員分往確查。據實速奏。至北岸漫口工程。應如何亟籌堵築之處。並著妥籌速辦。○又諭葉名琛柏貴奏。匪眾竄入和平縣城。官兵攻勦克復一摺。廣東和平縣地方。屢被江西擊敗餘匪。及該省河源股匪分投竄擾。於上年十二月該匪乘間闖入東門。占踞縣城。經崑壽督帶兵勇由河源一路進剿。屢獲大勝。於五月初五日分三路進攻。乘大霧籠罩。先將小南門攻破。兵

勇入城截殺。匪眾由東門逃遁。計追斃賊匪一千餘名。和平縣城被匪先後竄擾。現經圍攻克復。著葉名琛等仍嚴飭員弁兵勇追擊擒捕。無留餘孽。該地方文武雖經隨同克復城池。究屬堵勦不力。咎無可辭。署和平縣知縣候補知縣陳義典。典史章鑄文。護和平營都司守備梁肇慶。把總葉志光。均著即行革職。以示懲儆。其在事尤為出力人員。著該督撫查明保奏。○又諭葉名琛柏貴奏。官軍攻勦

江西股匪克復雩都。上猶縣城。贛州府城解圍一摺。江西南贛一帶。賊匪肆擾。經葉名琛等派撥廣東兵勇馳往助剿。四月初九日。候選從九品孫福同在新城縣赤石塘與匪接仗。獲勝。殲賊一千餘名。將匪巢盡行焚毀。五月十四日。進攻白鵠橋匪營。並將上猶縣城克復。潮州鎮總兵壽山於十九日帶兵圍攻雩都縣城。用地雷轟塌城牆。斃匪五百餘名。當將縣城克復。二十二日。攻勦贛州城外賊

匪。擊沈匪船七十二隻。餘匪分竄。贛州府城圍立解。此次廣東兵勇赴援江西。克復城池。各員弁奮勇接仗。尚屬得力。兵勇亦能用命。著該督等嚴飭各路將弁。乘勝進剿。疏通江西下游。以期迅掃賊氛。○諭軍機大臣等。前據葉名琛奏。咪酋伯駕與暎咈二國夷酋在粵各遞照會。欲求重訂條約。伯駕並有欲行北上之語。已經葉名琛阻止。猶恐其各處要求。請飭嗣後該酋無論行抵何省。如有懇求

代奏之件。總令其回粵查辦。已諭知怡良照議辦理。妥為防範。本日據王懿德奏。咪酋呈遞國書。代為呈進。覽其呈遞之件。大意仍在更定條約。其事萬難准行。王懿德接到此件。自應正言拒絕。告以一切夷務。皆由廣東辦理。他省不能入奏。令其將原件齎回廣東。一面照鈔密奏。不使該夷知悉。方為得體。前年該酋駛抵上海。天津。怡良崇綸等皆係如此辦理。該酋始俯首帖服。起碇南還。今王懿德

既已代為呈遞。惟有設法開導。令其仍回廣東。告以此次雖經入奏。因非閩浙總督應行管理之事。不能據所奏查辦。已將原件發還。若再為陳奏。必致上千重譴。與爾國仍無所益。只有前往廣東聽候辦理。上年爾往天津。皆係徒勞往返。今福建事同一律。即具奏亦難邀允准。該夷狡詐成性。遇事生風。固不可過於峻拒。激成事端。亦豈可一味通融。授之以柄。所有代遞夷書各件。著原匣發還。嗣後

不得再為呈進。發還之後。該夷酋作何動靜。是否遵諭赴粵。並著速行密奏。將此由四百里密諭知之。○又諭。前據葉名琛奏。夷酋復請更定條約。並有欲行赴京之語。已諭知該督。據理開導。並阻其再至天津。諒該督必能體會此意。斟酌妥辦。乃咪酋伯駕駛至福建。呈遞國書。求為轉奏。王懿德即將原件代為進呈。覽其大意。欲遣人住居京師。仍是要求改約之意。萬不能行。惟葉名琛前奏。該夷在廣東並不述及有國書之事。顯係明知廣東無可觀覲。故不肯在廣東呈遞。又因前年在上海天津計無所施。希冀向福建一為嘗試。其居心叵測。不言可見。本日已將原件發還王懿德。諭令開導。該酋仍回廣東。所有譯出之夷書文憑各一件。著鈔錄一分。給葉名琛閱看。俟該夷駛回廣東。即著遵照前旨。妥為曉諭。能堅持定議。無所更改。固為妥善。即必不得已。亦只可擇其無礙大局者。酌量變通。

一二條。若遣人來京之說。則悖謬無理。諒葉名琛自能駁斥。毋俟再三諄諭也。至前此諭令葉名琛撥兵四千名。酌量派提督崑壽總兵通安等統帶。由海道前往江南。本日據該督奏。崑壽已由和平前赴贛州。通安現署崑壽之缺。自係遵奉從前諭旨辦理。惟此時江南情形較贛州尤為喫緊。廣東派往江西大員已有壽山、謝焜等。其派赴江南之兵。不可無大員督帶。如崑壽尚未出粵境。著即飭令帶兵仍赴江南軍營。如業已抵贛。或酌量調回。或另派得力大員督帶江南援兵。均著葉名琛酌量情形。迅速具奏。將此由六百里密諭知之。○又諭。德興、阿翁同書奏。進剿瓜州。江浦各情形一摺。瓜州賊匪據稱愈聚愈多。是其意圖他竄。顯而易見。德興、阿等自應嚴密圍攻。即可杜其旁竄。若徒以緩急兩難為慮。必致該匪四出滋擾。防不勝防。稽延時日。江浦地居要衝。亦應亟籌克復。著德興、阿等。

督飭將士實力攻勦務將瓜州江浦賊眾悉數殲除毋得再涉延緩致該匪竄擾他處陝西綠營兵一千名准其將一半留於揚營其餘一半即飭速赴向榮軍營聽候調遣該大臣等請飭已革提督孔廣順前赴揚州已諭令官文將孔廣順能否前往之處酌量辦理將此由六百里諭令知之○又諭本日據德興阿奏浦口為南北咽喉江北軍營現乏提鎮大員派往專駐請飭派已革提督孔廣順

兼程來揚等語孔廣順現在官文軍營該大臣營內帶兵得力大員尚不乏人而江北現無大員可委自屬實情著官文酌度情形如果孔廣順現無緊要差委可以令其前往即著派令迅速啟程馳赴揚州軍營交德興阿等差委藉資得力將此由六百里諭令知之○予廣西陣亡知府謝邦瑞千總柯維祭葬世職○壬戌諭軍機大臣等軍機大臣面奏有人呈稱常州現辦團練分廂練勇城關而

外未能一律通行辦事之人亦未能盡當其選必須設一專員督辦再擇賢明紳士入局襄理毋得專力城廂遺漏鄉鎮在籍贊善趙振祚辦理團練勸捐已經三載獨力難支擬請飭令已革臬司查文經專司督辦會同趙振祚破除情面添致紳士必能揆度合府情形次第講求以臻盡善即抽釐一節亦可加意清查杜其中飽又稱在籍編修呂耀斗前任雲南同知陸葆候選訓導楊金監皆深明

大義宜延致入局職員曹禾吳容光舉人盛久榮承越生員吳會甲六品軍功吳文瀾皆可分別察委等語常州為蘇州門戶水陸交衝籌辦團練必須實力經理該府所屬荆溪宜興金匱無錫皆可直達蘇州江陰武進各江口外通大江尤為險要正宜通籌形勢合力舉行方不致囿於一隅有名無實查文經現在向榮軍營其前任知府時是否民情翕服怡良久駐常州自必確有所聞果其實在

可靠。即著該督等咨商向榮。如查文經在營。現無經手緊要事件。即調回常州。令其專司督辦。儻行之有效。並可推行各屬。不必拘定常屬一處。至所舉各紳士。其中或辦事實心。或身家殷實。並著該督撫妥為察看。分別委任。此外如有公正紳士。亦著准其舉報。聽候察委。儻有浮華不實。藉端生事之徒。即著從嚴甄汰。毋令僨事。將此由五百里諭令知之。

○癸亥。諭內閣。戶部奏遵旨酌定糧臺奏報支發各款限期章程一摺。前因各路糧臺支發各款。奏報稽延。諭令戶部酌定限期。妥議章程具奏。茲據該部奏稱。軍興以來。款目愈積愈多。若仍令各軍營每月一奏。誠恐趕辦不及。藉詞延宕。著照所議。於半年開單奏報一次。統以六月十二月二十日。作為奏報到部定限。儻再遲延。即著戶部查明。奏經此次奏定章程。各路糧臺。及各省總局大員。均當力杜冒濫積弊。無論征防軍需。支發各款。

趕緊清釐。先行按照前定單款填註。並覈明放款例案。一併於本年十二月二十日以前。限內奏報到部。以憑查覈。毋得仍蹈故轍。因循玩誤。○又諭吏部奏遵旨嚴議議處一摺。盛京戶部侍郎兼管奉天府府尹書元著降五級調用。升任都統前兼署奉天府府尹恆毓著毋庸照部議降二級留任。即以原品休致。前任海城縣知縣升任遼陽州知州王肇光著降四級調用。毋庸查級抵銷。奉天府治

中曹敦錡通判巴克坦著降一級調用。承德縣知縣奎壽著降二級留任。均著准其抵銷。○又諭穆隆阿等奏張家口石壩被水衝塌。請飭派員勘辦一摺。本年六月以來。該處河水漲發。致將護城石壩衝塌百十餘丈。水勢逼近城垣。自應趕緊修築。著桂良遴派道府大員。前赴張家口。將口內口外各壩。逐細查明。即飭該地方官。妥為辦理。另摺奏。官兵衙署房間。上屆未經修理。現在滲漏坍塌。不堪

樓止著桂良即派查勘石壩之員一併詳查具奏○以戶部尚書柏葰署正紅旗蒙古都統○調盛京兵部侍郎富呢雅杭阿為戶部侍郎兼管奉天府尹事工部侍郎錫齡為兵部侍郎刑部侍郎善書為工部侍郎署刑部右侍郎和潤為盛京刑部侍郎未到任前以兵部侍郎錫齡兼署○甲子
孝靜康慈皇太后初周年忌辰遣恭親王奕訢祭暫安寢殿○乙丑

孝懿仁皇太后忌辰遣官祭

景陵○諭內閣永康等奏恭查

景陵東配殿西面簷頭後坡應修工程與本年

方向相宜著即歸入本年另案工程處敬謹

修補其餘各工著今冬查勘歲修大臣一併

敬謹查驗於明春詠吉修理○又諭永康等

奏請飭催遵化等州縣應交銅鐵大錢通限

未解一摺直隸遵化豐潤玉田薊州四州縣

承領寶薊局各樣大錢發商行使勒限一年歸款迄今均屆限滿並未解繳屢催罔應實屬延玩著直隸總督桂良嚴催各該州縣迅即埽數繳齊按款歸還毋得再有延宕以重庫儲而昭覈實○命醇郡王奕譞帶領侍衛十員往奠故壽臧和碩公主茶酒○以正黃旗護軍統領德全署正白旗漢軍副都統○緩徵山東陵東阿蘭山高唐曹五州縣暨德州衛被旱被淹被風被丹莊屯新舊額賦有

差○丁卯

皇后千秋節宮內行禮如儀停止筵宴在外公主福晉命婦均進內行禮○諭內閣向榮怡良奏請將不遵調遣之參將革職留營一摺江南淮安營參將和順經秦如虎行令馳赴東壩防堵輒敢因秦如虎已赴建平跟追前往迨經會勦獲勝正當出城禦敵之際復以移兵就餉為詞徑赴漂陽實屬進退自由不遵調遣和順著即革職並拔去花翎留營效

力不准逗遛。漂陽如敢抗違。即以軍法從事。
○又諭向榮奏連日奪毀賊壘。大獲勝仗。一
摺。江鎮逆匪分股竄至五里牌黃莊橋等處。
偷築營壘。經張國樑督兵由五里牌上流搭
渡進攻。擊散沿河匪黨。直逼賊卡礮臺。並督
同將弁躍過濠溝。將賊壘縱火焚毀。餘匪飛
奔逃遁。其簡瀆河東黃莊橋一帶賊壘。復經
向榮調回虎坤元等分隊攻勦。將後面三壘
縱火焚毀。並焚附村賊卡數處。河東黃莊橋
一律埽平。其河西之賊。於夜半焚壘自遁。統
計是日踏破賊壘五座。斃賊二千餘名。生擒
七十一名。勦辦尚為得手。著向榮督同張國
樑等激勵諸軍。截擊竄賊。將延陵寶堰一帶
賊匪悉數殲除。節節進勦。毋稍延緩。○諭軍
機大臣等。向榮奏連日獲勝。致毀賊壘情形。
一摺。已明降諭旨。並令張國樑幫辦該大臣
軍務矣。據該大臣陳奏患病情形。朕心深為
懸念。所請添派得力大員。一時實難其選。該

大臣久在戎行。經歷各省。所有提鎮以上大
員。必有謀勇兼優。素所深信之人。著即酌舉
一二人。速行密奏。候朕簡派前來。以資幫辦。
張國樑身受槍傷。猶復奮力前衝。實屬勇往。
茲已派令幫辦軍務。自當益加奮勉。以酬異
數。至前調之廣東兵。昨已復降諭旨。飭催前
調福建兵。除分撥江西外。應赴江南者。尚有
三千四百名。已諭何桂清飛檄提催。其河南
陝西官兵。本日亦諭英桂催令傅振邦統帶
迅速啟程。又據和春等前奏。於輯順所帶馬
隊之外。續行抽調官兵一千餘名。此二路官
兵相距較近。當可剋期到營。稍資分布。建平
賊匪據何桂清奏現已退回東壩。浙省自可
無虞。內犯惟東壩直達無錫。距蘇州切近。我
軍皆在上游。深恐鞭長莫及。著該大臣督飭
明安泰等務將該處迅圖克復。力扼內犯要
衝。方能專意進攻。不致顧此失彼。將此由六
百里加緊諭令知之。○又諭向榮奏請催各

路援兵一摺。前據英桂奏稱。遵撥西安馬隊一千名。令傅振邦統帶。前往江南。並於該鎮原帶官兵內。酌量抽撥。一併帶往。現在向榮駐守丹陽。雖屢獲勝仗。而賊眾兵單。寇氛日熾。張國樑復以接仗受傷。情形萬分危急。傅振邦統帶西安馬隊。係於何日啟程。著英桂催令飛速前進。該鎮原帶官兵內。尚可抽派若干。著多撥精銳。藉資得力。為要。前撥福建官兵三千名。因饒州失守。已准廉兆綸將張從龍。陳上國。兩軍共三千一百名。截留江西。其餘一千四百名。及續調福建兵二千名。均應前赴江南。是否已入浙境。著何桂清飛檄迎提。飭令迅速馳赴。向榮軍營。聽候調遣。毋任延緩。何桂清本日所奏東壩地勢。及布置情形。均屬明晰。周妥。建平之賊。既經擊退。即著該撫督飭秦如虎。相機籌剿。並知會向榮。力扼東壩。毋令該逆內竄。將此由六百里加緊各諭令知之。○兩江總督怡良等奏。解皖

餉銀二萬兩。嗣後先儘本省餉需。毋庸續撥安徽。得旨。暫可勿庸撥解。俟防堵情形稍鬆。仍應撥解。○命提督銜福建漳州鎮總兵官張國樑幫辦欽差大臣向榮軍務。○以攻勦安徽甯國建平賊匪。獲勝。賞知縣仲孫懋。千總秦坤。花翎。餘升敘有差。○戊辰。上幸萬壽山。○詣

慈佑寺拈香。○臨故壽臧和碩公主喪。賜奠。○諭內閣。福濟奏。請飭京員回籍辦理團練等語。禮部候補主事黃先瑜。前在本籍辦理民團。著有成效。著准其回籍接辦。以資熟手。嗣後不得援以為例。○諭軍機大臣等。和春等奏。兵勇缺食。請飭鄰封協濟一摺。據稱。安徽省北各屬被旱。米價昂貴。附廬數百里。並無存米。兵勇嗷嗷覓食。必得鄰省迅籌接濟等語。所奏自係實在情形。著崇恩。英桂。於皖省接壤各屬。或碾動倉穀。或派員採買。各籌辦小米一萬石。小麥一萬石。就近運至臨淮。

交廬鳳道張光第。兌收轉運所需價值。即在該省應解廬州餉銀項下。如數劃抵俾資兵食。毋稍稽延。將此由五百里各諭令知之。○又諭英桂奏。潁州勦匪情形。並親往陳州督防一摺。該匪因正陽關河道。被官兵設法攔截。折回西竄。是潁郡情形。仍屬喫緊。且該匪股數尚復不少。東西奔突。竄伏靡常。英桂親往陳州。原以保豫省藩籬。但須酌量緩急。隨時接應。潁亳兵勇。會合兜剿。不可專駐本境。以致聲勢未能聯絡。潁州勦匪事宜。既留袁甲三在彼調度。著即責成袁甲三嚴督在事將弁。迅將各股匪黨。認真殄滅。毋使稍留餘孽。亳州一帶。責成西凌阿。實力擒捕。以防該匪回竄。傳振邦已赴江南軍營。徐州一路。甚為空虛。史榮椿既經署理該鎮事務。著英桂酌度情形。如潁亳帶兵尚不乏人。即飭該總兵仍回署任。以資防剿。將此由六百里諭令知之。○以通政使司參議曾望顏為順天府

府尹。命新授福建水師提督林建猷來京陛見。予河南陣亡佐領齊蜜特多爾濟。驍騎校音登額祭葬世職。○己巳諭內閣御史毛昶熙奏。請嚴捐復之例。並飭督撫保舉廉能各等語。近年捐例。屢經推廣。即如捐復一項。未免失諸過寬。嗣後除因公獲咎人員。仍照例准其捐復外。其有事涉私罪。而覈其情節尚屬可原者。始准加成捐復。若廢弛不職。有玷官方。酷虐貪污。罔念民瘼者。不得率行奏請。以致漫無區別。其應如何分別條款。明定章程。以示限制之處。著該部妥議具奏。至澄清吏治。必先拔擢賢才。自用兵以來。各省牧令。或堅守城池。認真團練。或安輯難民。嚴拏土匪。一經奏請獎勵。無不立沛恩施。嗣後仍著各直省大吏。認真考察所屬各員。如有治行廉能。內而安民。外而禦侮。著有成效者。隨時專摺保奏。候朕錄用。進賢之賞。在所不吝。儻所舉非人。或失諸冒濫。亦必治以應

得之咎。務當循名責實。勿徇虛聲。以副朕孜孜求治之至意。○雲貴總督恆春奏貴州下游各路。勦匪獲勝。並飭副將陳得功。由文德關一帶。直搗苗巢。得旨。陳得功一路。尚屬得手。著飭令可進則速進。毋稍遲延。苗教各匪。不過蟻聚烏合。居然僭偽號。設偽官。國家仁澤深厚。小民雖愚。何至喪良若是。此必因平日貪墨官吏。剝削使然。貴州省現在官場風氣若何。并豫籌振作整頓之方。著一一詳細

具奏。莫視為緩圖。○庚午中元節

上詣

安佑宮行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵。○遣官祭

孝靜康慈皇后暫安寢殿。○遣官祭

孝德皇后殯宮。○遣官祭

端慧皇太子園寢。○諭內閣。吏部奏京察一

等人員。呈明親老。請明定限制。一摺。各衙門

京察一等人員。其有因親老情願留養者。例

准於初次圈出後。在部呈請扣除。乃近來有

俟記名後。始行移咨吏部者。雖同係據實呈

請。究屬辦理兩歧。嗣後京察一等人員。如有

親老情願留京供職者。著於初次引見奉旨

圈出後。即由各該衙門咨報吏部扣除。其初

次未經記名。再遇覆帶人員。亦著該衙門於

保送時。咨明吏部扣除。均毋庸帶領引見。如於奉旨記名外用之後。始行呈明親老者。概不准行。以示限制而歸畫一。○改鑄貴州銅仁府知府印信。銅仁協副將關防。從巡撫蔣霽遠請也。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四

敬修

咸豐六年丙辰七月辛未補鑄福建同安縣

灌口巡檢印信從巡撫呂佺孫請也。○壬申諭內閣。曾國藩文俊奏水師連獲勝仗收復南康府城一摺。六月十一日。下游有賊船上駛經惠潮嘉道彭玉麟派水師由東西兩路抄擊。斃賊甚多。十八日五鼓出隊焚賊艦六隻。我軍直赴南康城下。沿岸堆積船料一概焚燒。賊開東門逃竄。該道督率水勇登岸進城安撫居民。並派船巡哨防守。此次水師奮力攻勦收復郡城。勦辦尚為得手。著曾國藩

等激勵軍士乘勝進攻殲除醜類毋稍遲延
又諭曾國藩文俊奏饒州失守旋經克復
一摺江西饒州府城屢經逆匪窺伺曾國藩
等飭布政使者齡督率水陸各軍擇要扼防
相機攻剿六月初一至初五等日在陳家嶺
等處與賊接仗互有勝負賊眾分股撲城抄
襲我軍後路遂由北門竄入經曾國藩等派
令總兵居隆阿帶兵前往會合耆齡等水陸
各軍於二十二日分路進攻水軍萬礮齊轟

哨官楊占鼇首先登岸畢金科等兵勇如牆
繼進燒毀賊營攻蹋沿河礮臺一座賊匪潰
散我軍進克府城通計殺賊千餘名生擒八
十餘名奪獲軍械無算當將府城克復辦理
尚為得手所有出力將弁著准其擇尤保奏
以示鼓勵○諭軍機大臣等德興阿等奏據
張國樞稟報向榮患病於本月初九日在營
病故覽奏深堪憫惜已諭知怡良暫署欽差
大臣關防向榮應得卹典俟怡良奏報到日

再降諭旨至所奏近日樸樹灣三汊河攻剿
情形覽賊祇數十名仍未得手此時丹陽大
營自向榮故後甚恐逆匪乘隙窺伺四出紛
竄雖經先派張國樞辦軍務當必與福興
隨同怡良實力防剿德興阿等亦應加意籌
防與江南聯絡聲勢使賊匪無間可乘並著
督飭將士將江浦瓜州賊眾趕緊殲除毋再
延誤將此由六百里加緊諭令知之○又諭
本日據德興阿等奏接張國樞密稟向榮於

七月初九日在營病故等語覽奏實深痛惜
此時丹陽大營統率無人所有欽差大臣關
防著怡良暫行署理俟簡派有人再行交卸
江鎮逆匪雖經張國樞督兵攻毀賊壘疊獲
勝仗而逆勢狡猾一聞向榮病故必將併力
攻撲丹陽大營設有疏虞大局何堪設想怡
良身任總督於該省防剿事宜本屬責無旁
貸現署欽差大臣軍營一切布置必應悉心
籌畫力遏賊衝張國樞昨已降旨令其幫辦

軍務所有丹陽戰守事宜。即責成該員督帶弁兵相機勦辦。毋稍鬆懈。朕聞福興近日與張國樑不能和衷。雖無嫌隙。而意見參差。將士無所適從。怡良曾函知許乃釗令其前往開導。軍營將士不和。關繫最重。曾諭令向榮將福興張國樑不能和衷之處。據實速奏。並因福興尚能督帶馬隊。若移往江北。較為合宜。或令在江南自統一軍。分營防勦。即徽甯等處亦可酌量撥往。以免互相掣肘。現在向

榮病故。未及覆奏。著怡良密為察看。如果福興與張國樑不能和衷辦事。或將福興調赴江北。或令其自領一軍。奏明請旨。並將該員等不能和衷之處。據實陳奏。此係密諭。怡良查看之件。毋得輕率洩露。致有貽誤。浙江護運火輪船已駛入大江。滬商護運之船。是否已入江合勒。上海添購輪船。現在如何籌辦。所有水陸進勦機宜。均著迅速妥籌。隨時奏報。以慰廑念。將此由六百里加緊諭令知之。

又諭前因向榮軍營兵單。諭葉名琛撥兵四千名。酌派崑壽通安等統帶。由海道前往江南。嗣因葉名琛奏崑壽已由和平前赴贛州。復諭該督以江南情形較贛州尤為喫緊。如崑壽尚未出粵境。仍令帶兵赴江南軍營。想葉名琛等接奉此旨。自當迅速派撥。惟此時丹陽等處賊眾兵單。並乏得力帶兵大員。現在廣東赴援江西之兵已有壽山謝煜孫福同等管帶。著即飭令崑壽徑往江南丹陽

軍營。藉資攻勦。該提督克復和平後。是否已由江西折回。改由海道前進。或已出粵境行抵江西。著葉名琛柏貴曾國藩文俊確探該提督現在何處。傳旨催令迅赴丹陽。毋稍延誤。至江西省各路援軍。漸次雲集。南康饒州兩府城已報收復。建昌撫州亦獲勝仗。大局當有轉機。且逆賊麇聚江南。則江西境內情形較鬆。曾國藩等務宜乘此機會。激勵將士。將臨江瑞州等府次第克復。此次畢金科攻

克饒州尚能奮勇著令隨勦隨進毋得株守一隅專待外省援兵致稽時日將此由六百里加緊各諭令知之○以湖南省城團防出力賞布政使文格道員裕麟同知王加敏守備田宗蕃熊興柏周正義花翎餘升敘有差予江西陣亡都司黃虎臣千總李鶴齡把總李退齡祭葬世職加等○予江蘇傷亡營總富音保祭葬世職○癸酉諭內閣欽差大臣前任湖北提督向榮由行伍屢次出師滑縣喀什噶爾等處以備弁添升專閫蒙

皇考宣宗成皇帝超擢提督久歷戎行戰功屢著前因粵匪肆擾統兵督勦力保桂林長沙等城經朕授為欽差大臣由湖北追賊直抵金陵雖未能克復堅城而忠勇樸誠士卒用命數年來保障蘇浙並分援皖南江北等處均能盡心竭力懋著勤勞本年五月因賊眾兵單扼守丹陽猶復力疾督陣誓殄賊氛方冀其會集援兵軍威重振遽聞溘逝痛惜實

深披閱遺章無一語計及家事尤見忠忱義憤公爾忘私向榮著加恩開復提督賞還花翎即照提督軍營病故例賜卹並著賞給一等輕車都尉世職任內一切處分悉予開復應得卹典該衙門察例具奏伊孫向恩等三人著俟服闋後由吏部帶領引見其靈柩回籍時著沿途地方官妥為照料用示朕褒嘉忠藎至意尋奏上予祭葬諡忠武又諭勞崇光奏兵丁聚眾索餉拏獲審辦一摺廣西

實錄卷二百四

七

撫標左右兩營及桂林城守營兵丁陽上等因發餉稍遲膽敢聚集多人大肆喧嚷該撫飭令署桂林府知府李承恩傳集隊目剴切開導被脅營兵頗知悔懼陽上等復敢張貼招字糾眾議事希圖眾兵不到分用餉銀實屬目無法紀現經勞崇光飭派將弁將同謀起意之兵丁陽上等並土棍何發等先後捕獲訊明正法署桂林營守備陽勝元於各營懇求催餉時並不妥為曉諭輒令自

向中軍代求發餉。桂林營把總陽萃聞知。眾兵將欲糾人索餉。既不能力為禁止。又不據實稟報。似此庸劣營弁。亟應嚴加懲辦。陽勝元、陽萃均著革職。發往新疆充當苦差。勞崇光自請嚴議之處。著加恩改為交部議處。○諭軍機大臣等。赫特賀滿慶奏廓夷議立合同。現據前後藏僧俗人眾。懇准照議和息。並鈔呈徵諭稟底各件。廓夷與唐古忒尋釁。經我兵勦辦。屢次獲勝。遣人乞和。自應遵照檄

實錄卷二百四

八

諭。揀派頭目至邊界同委員妥議章程。俾得永遠遵行。乃逆酋藏格巴都爾竟敢擬含混合同。迫令宜瑪頓柱等在彼了結。似此居心詭譎。難保日後不別啟釁端。惟既據前藏略徵阿齊圖呼圖克圖。後藏色本諾們罕。並僧俗番目百姓等公同呈懇。准照所議合同完結。自應俯順輿情。從權辦理。以期息事安人。赫特賀繕給徵諭。以此次從權允准。係該大臣委曲成全。萬不敢據情陳奏。所辦尚為得

體。廓夷頑梗異常。必須令其循照舊例。呈遞表文。方與和好。未可聽其桀驁不馴。毫無忌憚。至息事之後。所調各兵。即可裁撤。一切善後事宜。著該大臣等詳細妥辦。將此諭令知之。○又諭瑞麟慶祺奏遵查黃河各渡情形。並山路湖路形勢。酌籌防堵一摺。據稱自江南至山東。山湖兩路。並無險隘。可守。黃河自蘭陽口門以下。至未入大清河以上。漫流處所。若扼守兩岸。無虞偷涉。惟張秋鎮東北官

實錄卷二百四

九

設渡口。以齊河及東阿之大河口。平陰之滑口。三處為要津。請於各渡口對岸。建築礮臺數座。安設槍礮。無事則令地方官嚴密盤查。有警則收提沿河船隻。設兵駐劄。再令沿河團練居民。分段防守。以濟兵力等語。所奏形勢。尚為詳晰。黃河天險。溜急湍洄。竄匪不能飛渡。而港汊多歧。防範宜密。瑞麟等所奏。係蘭陽漫口以下情形。其地皆在山東。著崇恩按照所議酌量設防。至蘭工口門以上。河南

地界亦應一律防範英桂現在出省勦辦擒匪勢難兼顧著王履謙李鈞各就地勢與該撫籌商辦理前據軍機大臣文慶等奏請實行團練當降旨交各督撫認真督辦河南山東二省現擬如何辦法若能擇要先行團練藉民力以防河既可以省兵力而各州縣村莊星羅密布較之撥兵防守更為周密朕聞山東所屬曹單兩處民團最為得力著崇恩加意激勵聯絡紳民俾各鼓舞奮興同心敵

實錄卷二百四

十

懷河南民團亦不乏堪資禦侮之處並著王履謙等實心經理均著妥議章程先行具奏不得視為具文將此各諭令知之○湖南巡撫駱秉章奏湖南連年防勦黔匪無從籌辦貴州軍米得旨前旨原係扣抵何得自分畛域秦越相視著仍即全數撥往或先撥一半續籌接濟幫辦江南軍務西安將軍福興等奏遞欽差大臣向榮遺摺得旨據德興阿奏該大臣因病出缺實深痛惜茲聞向榮遺

摺並無一語計及家事尤堪墮淚命兩江總督怡良暫署欽差大臣督辦江南軍務○以湖南援軍克復江西新昌上高二縣城賞都司田興恕巴圖魯名號守備楊恆升黃三清花翎餘升敘有差予陣亡外委劉祖貴傷亡外委杜家星祭葬世職○以勦捕湖南澧州匪徒出力賞知州鄒道堃花翎○以擒獲廣西馬平縣逆犯暨潯州勦賊出力賞知縣徐引莫昌榮花翎勇目廖光華等藍翎餘升敘有差予廣西龍勝廳殉難參將成保州同曹為鉞從九品柏樹蕃守備周慶龍把總彭得祭葬世職予廣西勦賊淹斃州判易見心外委璩勉仁東河巡緝淹斃主簿周家楨祭葬卹廕○甲戌以廣西右江鎮總兵官德安為湖北提督○以海運事竣都察院左都御史文彩下部議敘出力員弁升敘有差命陝甘總督易常撥銀二萬二千二百四十三兩解赴塔爾巴哈台備咸豐七年經費

實錄卷二百四

十一

乙亥諭內閣何桂清奏東夏兵勇退縮請將稟報兩歧之鎮將分別嚴議議處一摺署安徽皖南鎮總兵江長貴前任雲南楚雄協副將秦如虎經該撫飭令進剿東夏定埠二處防堵江長貴所統兵勇因東夏營盤未及剗定被賊攻撲遽行退避輒稱秦如虎無兵援應與秦如虎續報撥兵應援情節不符顯係各存意見江長貴著交部嚴加議處並著何桂清飭令前往徽州仍交張芾差委秦如

實錄卷二百四

三

虎接應遲延亦屬咎有應得著交部議處以示懲儆諭軍機大臣等何桂清奏亢旱災象已成現在查辦等語據稱浙省現在節過立秋甘霖未沛禾苗黃萎災象已成且河流乾涸蘇杭舟楫不通各屬並有鬧災滋事之案覽奏廛念實深該省旱象已成禾苗未能插蒔應行分別蠲緩事宜自應酌籌辦理惟刁民藉災紛紛滋事其風亦斷不可長所有嘉興各屬及龍游桐廬等縣鬧災滋事之案

業據該撫飭委楊裕深繆梓等分別查辦著將為首滋事之人嚴拿懲治以儆刁風其被災較重之區並著委員會同地方官迅速詣勘具奏江蘇界連浙省前據趙德轍於六月內陳奏望雨甚殷現在被旱情形當與浙江無異著怡良趙德轍派委妥員分詣各屬查勘據實具奏以副朕軫念災黎至意將此由五百里各諭令知之○又諭逆賊由東夏定埠屢撲建平希圖內犯前已屢降諭旨責成

明安泰迅將東壩克復以固要衝本日據何桂清奏江長貴扼守東夏兵勇退縮已飭令折回徽州並飛催明安泰進剿定埠等語東夏定埠已在東壩之下為內竄必由之路現在僅有秦如虎一軍扼守建平而逆賊來路未絕豈能杜其窺伺怡良現既暫署欽差大臣全軍皆歸調度未可專誣之浙江致滋貽誤明安泰一軍不下五六千人何以不能克復東壩亦不聞進剿要隘但令株守一隅著

怡良等即飭該總兵迅速督兵前進扼剿定埠即將占踞東壩之賊奮力擊退以保內竄之路儻有託故耽延即著怡良據實奏奏以肅戎行再前此調赴江南之福建護副將陳上國所帶閩兵一千五百名因廣信喫緊暫留該處昨據曾國藩等奏饒郡克復已將此項官兵飭赴江南軍營著怡良飛速催提以資攻剿將此由六百里諭令知之調湖南永州鎮總兵官莫應龍為廣西右江鎮總兵

官丙子諭內閣易棠奏勦捕撒拉回匪肅清地方一摺甘肅循化廳屬撒拉回匪聚眾滋事盤踞河北巴燕戎格廳屬撒拉回匪亦聞風糾眾肆掠經該督派兵馳往勦捕各匪畏懼解散其抗拒不服之阿藏吾具列眾者黑曲等三莊回匪經官兵分路進攻擊斃首匪五十八等十一名夥賊五十餘名逃匿麻古塘之首匪沙乙的等二十七名均被官兵殲戮無遺其悔罪投誠各回莊網獻各犯

亦訊明就地正法現在地方肅清辦理尚屬迅速所有在事出力員弁兵勇准該督擇尤保奏毋許冒濫○諭軍機大臣等和春福濟奏請將派赴江南之總兵暫留勦辦擒匪等語徐州鎮總兵傅振邦管帶西安馬隊據英桂奏報已於六月二十七日由潁州啟程據和春等本日奏報亦稱該總兵已行至徐州此時若再令折回皖境未免徒勞往返現在向榮因病出缺已命怡良暫署欽差大臣丹陽軍營正在乏員調遣且徐州鎮總兵已派有史榮椿署理昨復諭知英桂如潁毫帶兵有人即飭史榮椿前往署任果如該提督等所奏徐州或有警信儘可責成史榮椿實力防勦傅振邦著仍遵前旨飭令帶兵即赴丹陽毋庸暫留皖境如已行抵徐州亦不得率聽該道稟留致滋延誤至另摺奏報潁州獲勝及擒匪竄撲三河尖正陽關等處情形前已據英桂馳奏嗣據英桂續奏該匪由正陽

回竄潁郡股數尚多。覈之和春等現奏大致均屬相同。現在英桂已赴陳州。袁甲三在潁州督勦。西凌阿在亳州防其回竄。雒河。皖豫兩軍聲勢尚為聯絡。著和春等嚴飭珠克登。郝光甲。塔思哈等會合豫省官兵。務將正陽。潁上。霍邱各股匪悉數兜剿淨盡。免致與粵逆勾結蔓延。其淮河搶船之匪。前據英桂奏經多慧。塔思哈等跨河為軍。疊次剿敗。現多嘯聚沿河南岸。即著知會袁甲三督同該侍

實錄卷二百四

十六

衛等就近堵截。毋任順流東下。將此由六百里諭令知之。予安徽陣亡巡檢林觀宸。外委李文保。祭葬世職。○丁丑諭內閣。前據軍機大臣文慶等奏。請飭各直省實行團練。並侍郎沈兆霖奏。請行民團各一摺。當經諭知直省督撫各就地方情形酌量辦理。並先擬章程具奏。茲據崇恩奏稱。山東本係通省辦團。自北路肅清後。陸續遣散。惟曹州。濟甯等處尚

未撤防。該處團練頗能得力。擬請仍就現未撤防各屬。即責成賢能州縣實力辦理。司道府州所轄地方遼闊。未能與民相接。無庸加團練虛銜等語。所奏係就該省情形而論。該撫果能慎選賢員。責以治效。則眾志成城。民心強固。原可准其擇要舉行。其餘暫行從緩。惟沿河緊要地方。尚復不少。昨經諭令該撫酌量設防之處。仍著速行籌辦。此外各州縣編查保甲。亦當實力奉行。以戢奸宄。而期周

實錄卷二百四

十七

密至各直省。形勢不同。用兵省分更非山東可比。該督撫等當各按地方情形妥為籌畫。著將擬辦章程迅速具奏。毋得視為具文。致涉延緩。又諭裕誠等奏。太平倉開放甲米。不堪食用。並查倉御史英華奏。各一摺。著阿彥達。李崑即飭查明該倉應放米石。因何有微變。發塊與闔廩原樣不符之處。據實奏奏。至英華摺內所稱米色不堪食用。僅據該旗領米章京口說。該御史何以並未查驗。殊屬

含混著明白回奏○戊寅諭內閣載垣奕興慶祺奏會議

永陵河道情形並請派員前往查勘一摺著派慶祺帶同陸應穀前往詳悉查勘敬謹辦理載垣奕興著毋庸前往○又諭繕譯孝經係雍正年間編緝為八旗各項考試命題之本向無清文漢字合寫成書且其時滿洲新語未備書中音義皆係舊語現在各省駐防鄉試童試舉行繕譯已歷有年在京各項考試

實錄卷二百四

六

尤為八旗士子進身之階誠恐其循誦習傳不免參差簡略朕因詳加校閱遵照乾隆年間

欽定繕譯五經新語悉加釐定著武英殿刊刻清文漢字合璧成書頒行中外俾各士子講習有資用昭法守○又諭稽查太平倉御史英華遵旨明白回奏一摺該御史於該倉開放正黃旗甲米時既據該旗領米章京報稱米色不堪食用並不親往查驗含混入奏實

屬疏忽英華著交部議處○諭軍機大臣等胡林翼奏援賊大至現籌堵禦一摺武漢賊勢久蹙因官軍不能實力進攻致下游賊黨得以徐圖援應武昌南路本無布置黃州之兵復撤則東路賊匪亦將源源而至惟城中之賊既已窮蹙自應迅速進攻剋日收復則外來賊眾絕望自易剿滅著官文胡林翼悉心籌畫併力攻剿毋得再涉延玩前因江北軍營帶兵乏人諭令官文酌調孔廣順前赴

實錄卷二百四

九

揚州茲據奏稱該員現創沙口其地為外江內湖鎖鑰既關緊要著准其暫緩前往儘接替有人仍令馳赴揚州聽候德興阿調遣至湖北援賊號稱數萬若非裹脅無業游民安得如此眾多朕聞皖楚曾經被擾之區牧令或潛匿鄉村為苟安之計巨室則遷徙一空城鄉小民貿易備趁者無計謀生遂致被賊裹脅是以賊黨愈聚愈多兵勇不敷抵禦實為今日受病之源若不急圖變計正本清源

將誅不勝誅伊於胡底。前據文慶等奏請實行團練業經寄諭各督撫各按地方情形酌辦。官文胡林翼職任封圻責無旁貸著於督師進剿外留心選擇賢能大員分投督辦。如黃州崇通等處皆為賊匪竄擾出沒無常苟能慎選循良星羅密布招集流亡實力團練在小民有所依歸不至流而為匪則賊援日少賊勢日孤未始非軍務之轉圜也。該督撫等毋得視為迂緩致誤事機將此由六百里

實錄卷二百四

二十

加緊各諭令知之。○又諭昨因向榮在丹陽軍營病故已命怡良暫署欽差大臣接辦軍務。因念江南軍營現在帶兵大員乏人和春曾在向榮軍營隨同打仗於江南情形較為熟悉著即馳赴丹陽軍營協力相機堵剿再行聽候諭旨。鄭魁士現在懷遠所有和春總統之安徽軍務即著鄭魁士接辦和春著俟鄭魁士到營交卸後即行迅速啟程毋稍遲緩將此由六百里諭知和春福濟並諭鄭魁

士知之。予湖北陣亡千總楊太和余永勝魯連升把總李南廷汪友朋成景桂外委謝申祿傳正榮等祭葬世職。己卯。

上詣

安佑宮行禮。御勤政殿聽政。○諭內閣前因三省會勘捻匪特派河南巡撫英桂督辦所有江蘇安徽派往帶兵各員自應悉聽調度茲因總兵郝先甲等遽延不進業已嚴加懲創以肅軍令而一事權候補三品京堂袁甲

實錄卷二百四

三

三隨同英桂勦捕捻匪現已追至潁州等處距英桂大營較遠各路帶兵將弁即著袁甲三就近調撥儘有藉詞規避不遵調度者著會同英桂據實奏。其三省會勘事宜仍著英桂督辦該撫即飭帶兵各員迅將捻匪分股勦捕悉數殲擒毋得稍分畛域以致此拏彼竄再令蔓延。○諭軍機大臣等奕山等奏俄夷人船行止情形一摺據稱俄夷前駕木簪停泊達雅爾昂阿等處現已拆毀夷人陸

續折回六月二十三日又有夷人分駕大小船隻載糧下駛並於霍爾托庫地方搭蓋房屋黑河口烏蘇哩口時有夷船來往薛爾古一帶又有夷人搭蓋窩棚二所等語俄夷行止詭譎此時人船由邊境行走尚為安靜固不可輕啟釁端亦不可漫無限制該將軍等應如何善為開導外示羈縻內加防範俾狡詭之計無所復施辦理方為妥善其下行船隻究竟駛往何處亦須偵探明確隨時具奏

實錄卷二百四

三

將此各諭令知之○又諭福興奏連日勦賊獲勝逆匪棄壘遠遁派兵堵剿一摺初五初六兩日逆匪出撲經官軍勦敗後分股宵遁雖河東河西賊壘均已踏毀而逆黨圍攻金壇奔竄溧陽內犯愈急該二縣均為蘇浙門戶儻復旁趨荆宜下窺常郡大局更憂掣動該將軍奏赴援金壇之兵計數將及一萬足數攻勦金壇解圍後即著步步追剿未可以一隅之地牽掣全軍如果情形緊急即著福

興張國樞酌分一人馳往督辦怡良暫署欽差大臣此時自己前往丹陽就近調度賊匪聲東擊西計甚狡譎丹陽既有重兵扼守更慮其旁竄他處不可不加意嚴防東壩直通無錫現在尚為賊路著怡良等飛催明安泰進剿定埠速攻東壩絕其內犯之路張國樞前受槍傷瘡口未合著發去如意拔毒散一料交該總兵祇領趕緊醫治就痊以慰朕懷再前據文慶等奏請實行團練一摺當經寄

實錄卷二百四

三

諭各督撫各就地方情形認真辦理江蘇省淮徐一帶恐怡良等鞭長莫及著即知照庚辰邵燦就近酌辦將此由六百里加緊諭令知之○又諭英桂奏擒匪分竄並江皖各軍藉詞觀望據實參奏一摺現在英桂駐劄陳州距潁州較遠據奏袁甲三非假以事權恐呼應不靈自係實在情形本日已降旨令袁甲三就近調度如有藉詞規避之員會同英桂參奏以專責成惟三省會勦擒匪英桂係

總統大員責無旁貸。所有各路兵勇仍當統歸該撫調遣。不得以動多掣肘。意存諉卸。前有旨令史榮椿署理徐州鎮總兵。並令即往徐州防堵。茲據英桂奏請留該鎮在皖剿匪。如果徐州現無賊蹤。史榮椿原可緩赴署任。儻該匪實有窺伺徐州之信。則彼處係北甯要路。豈可無兵堵截。應否仍令史榮椿回至徐州之處。仍著英桂確探緩急情形。斟酌辦理。毋得顧此失彼。致貽後悔。該撫駐劄陳州。

實錄卷二百四

三

兼顧豫境前奏布置各情。尚屬周妥。第擒蹤紛竄無常。務當嚴飭帶兵將弁。實力兜剿。並隨時接應。潁亳等處聯絡聲勢。不得專顧豫境。稍分畛域。將此由六百里諭令知之。○以詹事府少詹事翁同書為詹事。○以勦辦捻匪藉詞退避革總兵官郝先甲。副將塔思哈。營總明山。佐領松志職。仍留營效力。○以江蘇鎮江勦賊獲勝。賞參將吳世斌花翎。副將銜。○予安徽陣亡遊擊朱淮源都司祿泰。千

總楊德祭葬世職。○庚辰仁宗睿皇帝忌辰遣官祭

昌陵。諭內閣。閱看八旗閒散宗室馬步箭。著再展限四年。屆期奏請。至咸豐十年後。著仍按舊例。每屆五年。由該衙門具奏。○又諭。恆春奏參昏懦不職之文武各官。請革職審辦。一摺。貴州代理銅仁府知府王敬烈。藉詞軍餉折收錢糧。既不能約束兵練。所過擄掠。以致激成民變。又與署副將圖塔納。棄營奔避。

實錄卷二百四

三

兵練淹斃多名。署都司蒲萬春等。亦均不知下落。實屬昏懦不職。王敬烈圖塔納蒲萬春著一併革職。拏問交該督嚴行審訊。按律問擬。以肅官方。○裁併和妃園寢員役增設

慕東陵禮部員外郎二員。工部員外郎一員。讀祝官二員。贊禮郎四員。內務府郎中一員。員外郎一員。主事一員。內管領一員。尚茶正一員。尚膳正一員。筆帖式二員。防禦十六員。驍

騎校二員領催四名披甲人七十六名從禮部等衙門請也○改鑄廣東陽山縣淇潭巡檢司印信惠來縣儒學鈐記肇慶城守左營守備三江口協左營守備右營守備各關防從巡撫柏貴請也○辛巳諭內閣阿彥達李嵩奏遵查太平倉米色據實參奏等語正黃旗應領甲米經該侍郎等查驗太平倉米色與闕廠原樣無異並無微變發塊情形惟經伏暑薰蒸浮面間有灰暗顏色該監督等未

實錄卷二百四

三

能先事挑唆實難辭咎太平倉監督廉保盧煥均著先行交部議處所有正黃旗應領甲米既據該侍郎等查驗尚堪食用即著該旗趕緊關領毋逾限期如該監督等仍前延玩未能趕緊挑唆即著阿彥達等從嚴參辦○壬午蘇州織造文熊奏亢旱不雨關稅更形短絀得旨只言其難並無籌畫良策於事何益改鑄廣東西甯縣儒學鈐記從巡撫柏貴請也○癸未諭內閣葉名琛柏貴奏查明

江西南康練勇支餉浮冒請飭江西本省嚴實辦理一摺上年廣東韶州匪徒滋事經江西派撥南康練勇兩次赴援疊獲勝仗曾經諭令葉名琛等接濟兵餉茲據該督等查明管帶練勇之前任南康縣知縣周汝筠所開壯勇名數及已支應補餉數均有浮冒且有與江西省原案不符之處著曾國藩文俊確切查明如有虛報浮開情弊即行從嚴參辦諭軍機大臣等昨因東壩尚為賊踞疊諭

實錄卷二百四

三

怡良等飭令明安泰進剿定埠速攻東壩以絕內犯之路本日據宗人府府丞宋晉奏明安泰現駐涇陽所帶之兵分屯城廂寺院毫無紀律並有縱兵搶掠延燒房屋情事請飭張國樞馳往勦辦等語東壩為蘇浙咽喉明安泰兵力已不為薄何以並未見進攻東壩轉在涇陽縱兵焚掠此等漫無紀律之軍安能望其克敵著怡良等密速查明如果實有其事即將明安泰並所帶之兵全行撤回嚴

參懲辦另派得力鎮將酌帶勁旅馳往東壩實力堵剿以防內竄張國樑現在傷未平復且丹陽金壇均形喫緊未便令其專剿一處所有應行調撥兵將著怡良等妥速籌派另片奏皖南道鄧瀛甯國府知府顏培文守禦無方請旨另簡等語該二員本係應行革職之員因一時接替乏員是以暫令留任該府丞所保浙江候補道繆梓一員是否能勝皖南道之任即著怡良會同何桂清查看具奏

實錄卷二百四

三

此外如另有賢員堪勝皖南道並甯國府要缺者亦著據實保奏候旨簡放將此由六百里各諭令知之○又諭寄諭庫倫辦事大臣德勒克多爾濟等昨閱所進俄羅斯文字據稱塔爾巴哈台貿易局廠焚燬等情請派員會商現在拿獲各犯其罪尚未定擬惟業經交伊犁將軍叢議即傳諭俟會商定擬後再由理藩院咨行俄羅斯薩那特衙門其俄羅斯來文並咨行俄羅斯薩那特衙門文底著

一併鈔給閱看○以克復廣東開平縣城賞知縣彭卿雲等藍翎餘升敘有差○以克復廣東從化縣城賞千總周大安花翎把總何光著等藍翎餘升敘有差○甲申以荊州協領恩夔為青州副都統○予安徽軍營病故副都統常清祭葬卹廕

實錄卷二百四

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五

監修總纂官禮部侍郎臣等奉命纂修
大興軍機處總纂官臣等奉命纂修
大學士管理戶部三庫事務管理刑部事務管理工部事務管理內務府事務管理理藩院事務管理太僕寺事務管理鴻臚寺事務管理國子監事務管理欽天監事務管理太常寺事務管理光祿寺事務管理太僕寺事務管理鴻臚寺事務管理國子監事務管理欽天監事務管理太常寺事務管理光祿寺事務管理
欽修

咸豐六年丙辰八月乙酉朔

上詣

大高殿行禮○還宮○諭內閣奕綱等奏工程
情形較重請派員詳勘一摺

昌陵隆恩殿應修各工情形較重著派翁心存
柏後前往敬謹查勘具奏○又諭何桂清奏
浙省籌防喫緊懇請留員差委等語部選湖
南安鄉縣知縣鈕福寬前經奏留浙江原籍
辦理湖州府城工團練事宜復因勸捐出力
以應升之缺升用茲據該撫奏稱湖州現當

籌防喫緊之時請留該員以資熟手鈕福寬
業經著有勞績著准其開缺留於原籍辦理
團練俟撤防後歸部銓選仍留應升之缺升
用丁憂補用同知李培基仙居縣知縣畢大
鈺均著准其暫留浙省差委俟軍務稍平再
行飭令回籍守制○諭軍機大臣等何桂清
奏浙省支應浩繁來源日少協濟江蘇之餉
請飭蘇省籌給一摺據稱浙江省現籌防勒
徽甯玉山等處每月需餉較上年增至十二

三萬餘兩加以鹽引滯銷捐款均無起色蘇
省協濟徽甯之餉二十萬僅收十二萬兩若
再每月協貼江南大營必致各路餉缺所奏
自係實在情形所有浙省每月協濟江蘇餉
銀六萬兩准其暫行停撥即著怡良趙德輿
在蘇省藩庫各款內自行籌給毋稍遲誤一
俟皖南廣德等處防務稍緩何桂清仍當每
月照舊協濟江蘇軍餉毋得稍存畛域將此
由五百里各諭令知之○又諭官文奏漢陽

近日攻勦情形並分兵赴武昌助勦一摺。此次官文督飭李孟羣主國才等進攻漢陽。雖有斬擒。輒因該匪濠壘深厚。伏匿不出。以致我兵未能得手。逆賊被圍日久。其勢已困。必須乘勢進攻。力圖克復。雖賊壘堅厚。槍礮尚多。亦當設法攻勦。出奇制勝。斷不可藉詞延宕。致誤事機。官文總統諸軍。現當攻勦喫緊之際。必當親督兵勇。奮力圍攻。若創營處所距賊太遠。恐呼應不靈。難期得力。武漢逆匪

倚為犄角。若能克復一城。則賊勢已孤。併攻較易。著官文、胡林翼各飭將弁。水陸並進。毋得日事遷延。致干重咎。至賊援麇至。號稱數萬。其中多裹脅遊民。未必盡如粵匪之兇悍。惟既欲攻城。又禦援賊。不免受其牽掣。而現在附近各省實無可添調之兵。湖南省唇齒相依。道路較近。未知有無可調兵勇。著駱秉章酌量情形。如能抽撥兵勇。速派得力之員統帶前赴湖北會勦。得此一軍。以禦賊援。則

官文等可專力攻勦。克復城池。不致兩面受敵。為賊牽掣矣。將此由六百里加緊各諭令知之。○以克復安徽涇縣城。賞守備俞大鵬千總王思榮花翎。從九品沈用銓等藍翎。餘升敘有差。○以安徽帶兵擅離職守。革同知李恆淞縣丞林用光職。摘都司封九貴。同知銜徐焯頂帶。○免直隸東光縣被擾竈地未完額課。○

上以祭

社稷壇。自是日始齋戒三日。○丙戌諭內閣。舒興阿奏請暫留署任臬司。並催新任臬司赴任等語。新授貴州按察使潘楷現署雲南按察使篆務。著准其暫留雲南。俟新任按察使海瑛到後。再行交卸。海瑛現已到京。著俟請訓後。迅赴新任。○諭軍機大臣等。舒興阿奏西路勦匪獲勝。及勦辦海口回匪情形。各一摺。雲南東西兩路回匪蜂起。據所奏姚州等處連日斃匪。雖有千餘。而損兵折將。亦復不

少東路楊林等處及近省之海口亦有員弁陣亡舒興阿於籌辦機宜尚未得手恆春現在貴州督勦如都勻鎮遠等處辦理既有就緒即著折回雲南與舒興阿會商妥為布置如一時未能離黔應如何撥兵援應或另有籌畫調度之處亦著知照舒興阿文祥妥為籌辦恆春兼轄滇黔務當酌度兩省情形先其所急舒興阿因兵力不足現擬勦撫兼施然畏威之後方能懷德亦不可示之以弱致

令匪勢愈張梗化者宜實力勦辦投誠者當加意撫綏方為情法兩平寬嚴得當將此由五百里各諭令知之○又諭扎拉芬奏泰伊犁地方出產茶斤商民人等採取售賣擬酌徵商稅一摺自係為裨補經費起見惟此種茶斤恐不自今日始行出產向來何以並未議及收稅其每年計產茶斤若干酌收稅課若干該將軍尚未能知其數現擬試行收稅務須詳加體察如果輿情稱便並無窒礙再

行妥議章程具奏伊犁地處邊陲民間貿易多與外夷交涉儻行之或有流弊不可規目前之小利而貽患於後日也將此諭令知之○以致祭

奉先殿讀祝錯誤革贊禮郎慶奎職總管內務府大臣裕誠阿靈阿麟魁存佑下部察議○予雲南陣亡知府淡樹琪從九品周廷桢千總米萬選魏增詳把總帥榮張瑞林柳應祥外委沙積山高步雲馬凌雲雲騎尉沈裕後

恩騎尉王國祥祭葬世職額外外委李萬清等賞卹如例○丁亥祭

先師孔子遣工部尚書全慶行禮○戊子祭

大社

大稷

上親詣行禮○幸圓明園○諭內閣前因黃宗漢久未奏事諭令明白回奏並諭樂斌查明具奏茲據該將軍奏稱該督素有痰鬱之疾今春感受時氣以致舊疾復發現在趕辦積

壓案件精力尚能勉支等語黃宗漢平日辦事尚屬認真乃半年以來於地方應奏事宜並關涉軍務要件延擱不奏迨降旨令其明白回奏又不據實陳明雖經樂斌查明該督素有痰疾現在趕辦案件尚非有心積壓而封疆重任豈容以病軀久戀致令公務廢弛黃宗漢著交部議處即行來京另候簡用○大學士兩廣總督葉名琛奏潯州勦匪逼近賊巢參將張遇清不能和衷共濟得旨張遇

清著摘去翎頂查明叅辦○山東巡撫崇恩奏泰安兗州沂州濟甯及濟南東昌等所屬各州縣報有蝗孽現嚴檄撲捕得旨成災較輕處所務須盡力撲捕其已經成災之處尤須豫籌撫恤地方官但能誠心勸導紳商斷無不樂於輸將○轉刑部右侍郎齊承彥為左侍郎以都察院左副都御史李清鳳為刑部右侍郎仍留順天學政任前任吏部左侍郎張祥河署刑部右侍郎○以陝西巡撫吳

振斌為四川總督未到任前以成都將軍樂斌兼署刑部左侍郎譚廷襄為陝西巡撫○改鑄山東滋陽縣知縣印信從巡撫崇恩請也○以克復江蘇浦口出力賞都司馮子材李日昇千總程翔蛟巴圖魯名號營總台斐音副都統銜同知宣維祁參領哈勒洪阿銀銓春壽依常阿協領富陞參將馬國陞遊擊文哲璋都司陶茂森守備張勝武張永清黃龍璋等花翎參領富珠隆阿等藍翎餘升敘

有差○予廣東陣亡外委林華春祭葬世職○貸福建甯鎮興化城守營兵丁穀價銀○己丑諭軍機大臣等邵燦庚長奏捻匪仍踞雒河請飭史榮椿趕緊折回一摺雒河集賊巢經袁甲三督兵攻毀後英桂曾派西凌阿崇安等在彼駐劄以資防勦茲據邵燦等奏雒河地方復有賊踞係黑白兩幟其餘匪黨分竄蒙城仍有至雒河聚集之說捻匪飄忽靡常現復回竄老巢何以西凌阿崇安等

並不實力防勦。任令該匪竄踞。著英桂嚴飭各路將弁。會同西凌阿等將回竄之匪。就地殲除。毋令復踞老巢。肆行紛擾。夏邑永城境內。泥台店馬村橋一帶。亦有股匪焚掠。難保不互相勾結。致賊勢復張。並著該撫督飭地方文武。分投勦捕。毋使蔓延。傳振邦現已赴丹陽。徐州一帶。僅有參將興慶一營。兵力未免過單。史榮椿現署徐州鎮總兵。防勦事宜。是其專責。著英桂即飭該鎮迅速赴任。會同

王夢齡。興慶實力堵禦。毋許遲誤。將此由六百里各諭令知之。○又諭。廉兆綸奏。分布閩兵。信勇攻守地方。並江省近日各路情形。一摺。所稱閩兵須全留建昌。自因撫建等處。均有賊匪滋擾。恐兵力單薄。起見。惟現在江蘇丹陽一帶。情形萬分喫緊。必得各路援兵。齊集方足以資攻勦。前據曾國藩等奏。饒郡克復。業將福建護副將陳上國。所帶閩兵一千五百名。飭赴江南軍營。已諭令怡良等飛速

催提。儻此項官兵。道經廣信。廉兆綸不准截留防守。致誤大局。至所奏信勇只二十餘名。不能當撫建饒郡三面之衝。亦係實在情形。著曾國藩文俊。迅即酌撥兵勇。前往廣信。協力防勦。現在南康。饒州。均已克復。廣東。湖南。援兵助勦。各有起色。該侍郎等。務當統籌全局。設法兼顧。趕緊攻克撫建。保衛廣饒。毋令賊匪再肆紛竄。將此由六百里各諭令知之。○又諭。據御史王德固奏。請查明獎卹殉難

紳民。並查辦勦匪之案。挖累善良一摺。前河南懷慶夏邑。曾被粵匪竄擾。據該御史奏稱。有殺賊捐軀之河內縣舉人羅思曾。溫縣舉人鄭琢之等。夏邑縣守城之知縣徐本任。及拔貢生彭輝等。數百人同時殉難。均尚未經查辦。又光山縣解團之舉人吳山。被擒匪戕害尤慘。亦未請獎。著英桂即行查明具奏。給予卹典。以慰忠魂。其信陽州巨匪厲春元一案。既據該地方官拏獲。訊明聚匪滋事。業經

正法該犯之弟厲春景等。例應查辦。何得反行妄控。並株連被搶具控之良民數十家。該臬司何僅據一面之詞。紛紛提訊。致滋拖累。並著英桂迅即查明。分別辦理。原摺著鈔給閱看。將此諭令知之。○幫辦江南軍務西安將軍福興等奏。請將已革郎中吳台朗。留營差委。得旨。著准其暫留差委。此人心地品行。甚屬平常。在該革員不過在營希冀保舉。若俟委用得人。即將該革員遣回。○以署刑部

右侍郎張祥河。署兼管順天府府尹事。○以克復江西金谿縣城。予廩生郭守謙等。以訓導選用。○予江蘇陣亡守備李慎。把總戴魁等。祭葬世職。○命陝甘總督易常撥銀六千一百七十五兩。解往喀喇沙爾。備咸豐七年經費。○庚寅。貸福建汀州鎮邵武城守營兵丁穀價銀。○辛卯。遣官祭文昌帝君廟。○諭內閣。本年江蘇浙江夏間亢旱。節經該督撫等具奏。昨又據何桂清奏。

浙江省城。於七月中旬。得有透雨。此外各屬。尚未優霑。江蘇各屬。亦未據該督撫詳細奏報。曾否續沛甘霖。農田得以補種。朕心實深軫念。著各該督撫。飭屬查勘。除補種成熟之區。自應照常徵收。其被災州縣。各按情形輕重。分別蠲緩。迅速具奏。候朕施恩。○又諭。福濟奏。江北各屬亢旱。請暫免抽稅等語。著照所請。所有江蘇河南米麥雜糧。前赴安徽經過之臨淮正陽各關。著暫免抽稅。俾得設法

招徠。以裕民食。○又諭。侍順奏。查驗大凌河官馬虧短。請將牧放不善之牧長等懲處。勒賠一摺。錦州大凌河牧羣。額設馬匹。據該副都統查出倒斃虧短甚多。牧長永泰。與德倭什肯均著先行摘去頂帶。勒限三箇月。責令該員等率同副牧長。牧副。委牧副。及牧丁等。設法賠補。儘限滿不完。即行嚴參懲辦。並副牧長等。一併治罪。牧羣翼領豁宗阿鳳圖。均係專司之員。漫不經心。亦難辭咎。著先行交

部議處。諭軍機大臣等。英桂奏擒匪復踞
雅河分擾臨渙官兵接仗獲勝一摺。並福濟
奏額州等處堵剿擒匪疊勝等語。現在擒匪
大股。復竄雅河一帶。業經袁甲三等分路進
剿。均獲勝仗。剿辦尚屬得手。自應乘此聲威。
迅由西北兜剿。惟該匪一經擊敗。恐仍向東
南奔竄。僅僅恃豫兵追剿。皖省各軍。不能迎
頭截擊。仍難一鼓殲除。鄭魁士諒已遵旨馳
赴廬州大營。總統軍務。所有額毫等處兜剿

擒匪。著福濟嚴飭郝光甲。珠克登塔思哈等。
各帶兵勇。剋日進剿。力遏東南奔竄之路。儻
仍前玩泄。或以剿辦土匪為詞。遷延觀望。不
聽英桂調度。以致擒匪紛竄他處。朕惟福濟
是問。恐難當此重咎也。西凌阿興慶等並不
嚴扼雅河臨渙。輒即移營退守。是否實因賊
眾兵單。抑係畏怯不前。著英桂查明參辦。毋
稍徇隱。將此由六百里各諭令知之。○又諭。
前因江南軍營帶兵大員乏人。諭令和春馳

赴丹陽。茲據福濟奏稱。皖省軍務喫緊。請留
和春督辦。以資熟手等語。惟丹陽大營。關繫
蘇浙兩省保障。現派怡良暫署。欽差大臣。若
今日久支持。恐該督精力亦有未逮。朕素知
和春尚有將略。且曾在向榮軍營。江南情形。
亦能熟悉。是以調往丹陽。即欲命其為欽差
大臣。俟到江南。再降諭旨。並非寄以偏裨之
任。若俟三河克復。再令前往。深慮遷延貽誤。
鄭魁士在皖屢著戰功。接替和春總統軍務。

諒能勝任。該撫現已病痊。亦可與鄭魁士和
衷商榷。會籌防剿。和春福濟接奉此旨。著即
知照。鄭魁士迅速折回廬州。接辦安徽軍務。
和春俟鄭魁士到營交卸後。亦著迅速啟程。
馳赴丹陽軍營。聽候諭旨。毋再遲緩。將此由
六百里諭令知之。○壬辰。遣官祭黑龍潭。
昭靈沛澤龍王之神。玉泉山。
惠濟慈佑靈瀨龍王之神。昆明湖。
安佑普濟沛澤廣生龍王之神。密雲縣白龍。

潭

昭靈廣濟普澤龍王之神○遣官祭圓明園惠濟祠

河神廟○諭內閣御史宗稷辰奏被水災黎請亟籌賑濟一摺直隸永定河南北岸先後漫口疊經降旨令桂良督飭員弁趕緊堵築並將被淹各村莊速籌撫恤業經該督奏稱現已籌捐經費估計工料惟未將興工日期及撫恤事宜續行奏報著桂良體察情形如

此時水勢漸退務應趕緊興工將南北漫口速行堵合即可以工代賑至老弱窮民不勝工作者一併速籌賑濟俾被水災黎不致流離失所此項經費著先行籌款墊發所有樂輸官紳即照籌餉新例隨時請獎因思直隸境內有被旱被蝗各災區並著該督飭屬迅速查勘奏請分別蠲緩撫恤以副朕廑念民瘼至意○諭軍機大臣等有人奏順天府所屬南路廳同知黎鴻恩由書吏捐納知縣吸

食鴉片聲名狼籍前署霸昌道任內提用庫

款銀兩甚多並有捏名提用銀兩及以自存銀票換抵庫存錢鈔等事署直隸豐潤縣知縣劉鎮岡吸食鴉片賦性貪污民間完納錢糧概收銀錢不收鈔票及起運到省則買鈔票充補並勒索糧書責打生員致合境鈔票大錢不能行使書吏沈永慶幕友潘淦典史吳湘三人交通舞弊該縣燒鍋稅課未解銀一千五百餘兩沈永慶與該署縣侵吞復勒

索各燒鍋規費該縣薊倉向存米石沈永慶任意盜賣公捐義倉一所該書吏亦霸買為已有各等語此等劣員舞弊營私貪污不職大為地方之害著張祥河會望顏桂良按照摺內所指各款嚴密訪查分別嚴叅懲辦毋稍徇隱並將蠹役劣幕等一併查拏嚴究毋令聞風遠颺原摺著鈔給閱看將此各諭令知之○以塔爾巴哈台參贊大臣明誼為鑲黃旗蒙古副都統未到任前以散秩大臣阿

那洪阿署理○減免江蘇下砂頭下砂二三
橫浦浦東袁浦青村六場被擾竈地上年額
賦有差○癸巳

太宗文皇帝忌辰遣官祭

昭陵○諭軍機大臣等本日據何彤雲奏雲南
回匪滋事情形並以所獲匪徒往往身帶傳
單意圖勾結他省回民請飭四川貴州於交
界處所嚴查等語雲南回匪攻撲省城後屯
踞海口東川楚雄等屬匪徒所在響應若再

令勾結川陝甘肅等處回民前往助逆則勦
辦更難措手著樂斌恆春蔣蔚遠於各該省
與雲南交界處所一切關津要隘嚴飭地方
文武員弁設法盤查如有回民欲赴雲南形
迹可疑者即行截回以杜其糾聚之謀儻各
該地方官不能實力稽查致有回民三五成
羣潛往雲南助逆一經察出即著樂斌等從
嚴叅辦將此由四百里各諭令知之○又諭
據何彤雲奏滇省回匪滋事情形請飭勦辦

一摺據稱該省回匪起事之由皆因歷任地
方官袒庇回匪抑勒漢民以致匪眾毫無忌
憚肆行焚殺所奏自係實情當漢回互關之
初彼此尋仇報復自應持平辦理迨至因爭
廠而焚殺因焚殺而戕官則回匪已成叛逆
而臨安及大小驃川人並無此事該地方官
何得概目為匪力持並勦之議又盡撤各鄉
團練而轉募回匪守城自壞藩籬釀成巨患
殊為可恨現在迪東迪西各屬回匪勢欲燎

原海口碧雞關等處逼近省城皆有逆回屯
踞若非大加懲創斷不能使之畏威歛迹即
議撫亦無從下手舒興阿身任封圻豈可漫
無調度著即督飭在事將弁認真勦辦並通
飭各屬實力舉辦鄉團以期自相保衛至臨
安驃川人等正與回民互關並無不軌情事
著即出示曉諭使各安本業毋致疑懼驚擾
回民人數眾多良莠不一此時逆回勢盛即
良回亦必被其所脅尤應設法開導諭以現

在止辦戕官撲城之匪與良回無涉使之不相附和。一經解散則其勢自孤。該侍郎所保前任知府彭崧毓現在是否尚在雲南。如未回籍即可令其隨同防勦。其在籍侍郎黃琮御史竇塢總兵周鳳岐即著會同各地方官籌辦鄉團以佐兵力。恆春現在貴州前已有旨諭令酌度緩急如黔省事有就緒即速折回雲南現在事機緊要該督是否回滇抑或札商文祥舒興阿妥籌布置俾兩省軍務各有把握不致顧此失彼並著恆春迅速具奏至該侍郎所劾前任東川府知府汪之旭於回民爭廠燒殺城外百餘村僅辦匪首馬二花與之講和前任迤東道潘楷極力袒護以致勢更猖獗又署楚雄府知府崔紹中助回匪而勒臨安民人撤鄉團而募回匪守城致有撲城之禍著恆春等查明參奏毋稍掩飾將此由四百里各諭令知之○以散秩大臣載崇暫署鑲黃旗蒙古副都統○甲午

上詣

安佑宮行禮○遣官祭昭忠祠○諭內閣都察院奏河南監生袁守愚以搶殺埋冤等詞遣抱告赴該衙門具控此案河南新蔡縣捻匪李殿本等糾眾殺斃袁加斌等十八命控經三載何以犯無一獲據控捕役吳秉東等與捻匪勾通匿案不詳並控該縣有捏報練勇浮收稅銀並令伊子與門丁夥賣倉穀等情若不從嚴參辦何以戢兇暴而禁貪污著英桂督同臬司親提人證卷宗秉公嚴訊按律定擬具奏又該監生黏呈捻匪搶殺各案並著該撫飭屬查拏嚴行懲辦○又諭都察院奏四川魚通長官甲木叅功布等以奪襲吞業被誣激變等情遣抱告赴該衙門呈控此案穆坪土司承襲宣慰使蚤已斷結何以該長官復以奪嫡具控其逃犯喜樂七力自戕一案既非該長官謀害何以堅叅生朗多吉復行翻控誣陷是否該土司恃強陵弱抑係

該長官扶嫌妄控均應徹底根究著交樂斌親提人證卷宗秉公研訊確情據實具奏○命江南提督和春為欽差大臣督辦江南軍務補行咸豐二年浙江軍政卓異官九員罷輟官一員浮躁官一員才力不及官三員分別議敘處分如例（乙未）

太祖高皇帝忌辰遣官祭

福陵○諭軍機大臣等據戶部奏請碾運四川米石以實京倉並遵議龍啟瑞奏採買北省

米石各一摺本年江浙兩省雨澤愆期來歲海運漕糧恐難足額該部所請碾運四川成都等屬倉穀聚於重慶由嘉陵江運至陝西鳳縣之南登陸再由渭水運至潼關廳入黃河沿河東下至河南孟縣之東北入湟河又北入濟河入丹河即由河南山東運道以達通州藉濟倉儲並請照龍啟瑞所請於陝西省城設局勸捐並先行籌款採買由渭河運至潼關沿河而東以抵武陟由武陟陸路運

入衛河即由臨清運通其河南之懷慶彰德等處皆有糧石可買應請勸捐和糴等語均為亟籌積儲起見惟川陝運米至京事屬創始該部所指運道有無阻礙其舍舟登陸雇船裝載並一路應需經費若干均應先為籌及著樂斌吳振棫英桂按照摺內所陳詳細體察情形妥速議奏至四川倉穀現可碾運若干陝豫二省採買勸捐就現在地方情形而論有無窒礙並如何酌議章程辦理之處著一併妥議具奏京倉儲備關繫緊要該督撫等務當實心籌畫以濟時艱毋得空言塞責視為具文戶部摺著鈔給閱看將此各諭令知之（引見翰林院保送御史人員得旨錢桂森林之望陳濟趙樹吉彭瑞毓劉成忠蘇仲山俱著記名以御史用）江南提督和春奏三河喫緊捻勢復張未能前赴丹陽得旨據福濟奏到已將江南實在乏人欲命汝統帥情形詳諭汝等著仍遵前旨（河南巡

撫英桂奏汝甯府知府廖姓完繳變關攤稅銀兩得旨廖姓著開復頂帶所繳之項並准留於豫省支用○以兩淮各場被旱命留淮北折價銀一萬兩撫恤竈丁○丙申

上幸靜明園○諭內閣前因曾國藩奏參江西巡撫陳啟邁欺飾各款當經降旨將陳啟邁革職交新任巡撫文俊查辦茲據文俊逐款查明覆奏如趙如勝都昌敗挫及吳錫光克復饒郡赴援義甯各情均與原奏相符並無

虛飾至陳啟邁咨請曾國藩豫籌軍餉係因庫款支絀起見並非不肯給餉其調派羅澤南一軍及議暫停成造戰船與曾國藩往返商酌意在設法變通義甯被圍曾經派員救援南康等缺亦經委員接署辦理尚無錯誤惟該革員於吳錫光所帶貴勇與龍泉勇互相爭鬪戕害多命雖經拏獲首犯正法並未奏聞究屬不合萬載縣匪徒入城搶劫該縣知縣李崧匿不稟報事後始請解任先未查

明參奏又義甯保舉案內陳啟邁將伊幕友陳本淳胡應奎列名保奏雖查非冒濫惟不知引嫌均屬不合陳啟邁業經革職著毋庸議即行飭令回籍○諭軍機大臣等恆春奏

滇省回匪猖獗請飭調川兵協剿並懇速籌經費一摺雲南各屬回匪滋擾勢極鴟張恆春現在貴州勦辦正當喫緊自未便遽令折回惟滇省存兵無多恐不敷勦辦著樂斌趕緊抽調四川精兵二千名揀派得力大員統帶由霑益一帶入滇進剿毋稍遲誤又據恆春奏調兵二千每月需用軍餉六千兩上下此項軍餉即著樂斌就近籌畫三四萬兩撥往雲南以資接濟至漢回尋仇互鬪屢次諭令舒興阿勒撫兼籌妥為辦理現在逆回戕官撲城固應痛加懲創但須分別良莠解散裹脅之徒以孤其勢勦辦自易為力恆春既未能回滇舒興阿身任封疆責無旁貸務當先就現有兵力妥籌勦辦毋得專待川省援

兵遷延貽誤將此由六百里各諭令知之○以光祿寺卿倭仁為盛京禮部侍郎未到任前以戶部侍郎富呢雅杭阿兼署○以江西南康饒州勦賊出力賞都司林保花翎把總朱紹賢等藍翎餘升敘有差○丁酉

上詣

安佑宮行禮○諭軍機大臣等怡良等奏請催解紅單船經費銀兩等語廣東欠解江蘇省墊發紅單船經費銀兩尚有三十餘萬兩現在

江南勦賊正當喫緊各營需餉不貲又值天時亢旱錢糧關稅徵收均屬細微情形甚為急迫此項墊發銀兩著葉名琛柏貴陸續撥解迅由火輪船運至江蘇以濟要需毋稍延誤再有人奏惠州提標五營協標二營額設防兵五千餘名其中有額無兵者十居其三有兵而不能調者十居其四甚有行賄免差挑缺之事營伍廢弛弊端百出當此用兵之際豈容不肖營員營私糜餉著該督撫嚴加

查察如有前項情弊即將該管將弁嚴叅懲辦以肅軍政原摺著鈔給閱看將此由五百里諭令知之○杭州織造兼管北新關稅務慶連奏關稅一年期滿徵收錢糧按額補足得旨汝能按額補足甚屬可嘉以後實力為之又奏兩關稅銀准籌防局咨令協濟本省防費請將餘存銀兩解運批續徵餘存著先儘解運並催運庫趕解津貼其藩庫籌撥尾數暫留支本省防費俟防務稍鬆再行接濟

○命候補庶子單懋謙在南書房行走○戊戌諭內閣崇恩奏撥運皖省米麥請改解折色銀兩一摺前因安徽省奏請協濟兵食諭令崇恩籌辦米麥各一萬石運解廬州茲據奏稱途長難以轉運擬請改解折色著准其照部定折價每石折銀一兩四錢於山東省應解安徽餉銀內劃撥銀二萬八千兩迅即派委委員徑解廬州軍營交安徽巡撫福濟自行採買○兩江總督怡良等奏請飭浙江

按月協濟軍餉。得旨。據何桂清奏到。已允其請。著仍遵寄諭。竭力籌維。又奏。請於福建關稅項下。每月撥銀數萬。批。閩關一時焉有此鉅款。○已亥。遣官祭

關帝廟。○諭內閣。和春。福濟奏。請將帶兵遲延之員弁等。分別懲處等語。甘肅西甯鎮總兵珠克登。經鄭魁士催令赴援蒙宿。竟敢藉詞駐守正陽。又不撥兵援擊。陝安鎮總兵郝光甲。由壽州前赴蒙城。遊擊吉昌等。不能嚴

催兵丁。輒據要挾之詞。率行瀆稟。均屬遷延不進。咎有應得。珠克登著交部議處。郝光甲業經革職留營。仍著交部議處。陝西略陽營遊擊吉昌。孝義營都司慶瑞。宜君營守備彭明陞。陝安營守備康宗路。均著摘去頂帶。以示懲儆。○諭軍機大臣等。和春。福濟奏。蒙城額上等處。勒擒獲勝。並帶兵員弁。遷延不進。各摺片。捏匪攻撲蒙城。經兵勇奮擊解圍。各路勒匪。亦均獲勝仗。但敗竄之匪。尚在宿境。

臨渙等處屯踞。另股復竄檀家集。擒首張樂行往來其間。飄忽靡定。且雉河老巢。復有賊踞。是皖豫之間。賊氛尚熾。亟宜合力勦洗。以淨根株。前已降旨。授和春為欽差大臣。即令馳赴江南軍營。本日復命鄭魁士會同福濟督辦安徽軍務。該署鎮接奉前旨。諒已折回廬州。和春交卸後。即著迅速啟程。前赴丹陽。接受關防。毋稍遲誤。至勒辦擒匪。已令袁甲三就近調度。必須皖省官軍合力。方能聚而

殲。鄭魁士已由懷遠折回。著福濟另派得力大員。統帶兵勇。督飭郝光甲。珠克登。塔思哈等。聽候袁甲三會同英桂調遣。如再遷延誤事。必將郝光甲等從重治罪。粵匪久踞三河外。援頻至。該省被脅愚民。聞有蓄髮輸糧。甘心從逆者。是以賊黨日增。兵勇不敷抵禦。若不亟思變計。勒辦伊於胡底。前據文慶等奏。請實行團練。業經寄諭各督撫。各按地方情形酌辦。福濟身任封圻。責無旁貸。著於督

兵進勦外。留心選擇賢能大員。分投督辦。如
此次蒙城解圍。即係團練得力。可見民團與
官兵實堪相輔而行。果能招集流亡。實力團
練。小民有所依歸。不至流而為匪。賊黨日孤。
賊援日少。勦辦自易為力。此實軍務轉機。該
撫務當力籌辦理。毋得視為緩圖。將此由六
百里各諭令知之。○都察院左副都御史王
履謙等奏。遵旨籌辦團練章程。得旨。覽奏。大
概辦法尚屬妥當。○命提督銜署安徽壽春
鎮總兵官鄭魁。會同巡撫福濟。督辦安徽
軍務。

平定縣志

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五

平定縣志

五

身任封圻於屬吏之賢否必能灼見真知並

未捕除淨盡朕心方深軫念昨日親見飛蝗

成陣蔽空往來現雖節逾白露禾稼漸次登場尚有未經收穫之處京畿一帶農田被災諒必不少著順天府府尹直隸總督派委委員分投履勘並飭該地方官迅即撲捕以除民害僅有怠玩不力者即著嚴參懲辦並將成災輕重查明速奏以副朕廑念民依至意

○又諭戶部奏請動撥山海關稅銀採買米石一摺奉天米價現在平減當此儲備京倉之時自應廣為收買著盛京將軍奉天府府

尹於設局勸捐外將稻粟二項米石分別採買如果稻米充足即全行購買稻米分起運至天津以實倉儲所需價銀准其在於山海關稅銀項下就近動撥應用并著山海關監督體察情形如該處稻米有可採買一併酌量採辦

○諭軍機大臣等戶部奏遵議內閣侍讀學士梁同新奏請採買洋米一摺本年江浙亢旱來歲海運恐難足額自應設法採買以實京倉廣東為洋米積聚之區潮州米

穀素稱饒裕且曾有採買運浙成案即可仿照辦理著葉名琛柏貴體察情形如洋米來源豐旺價值平減米質堅實即於粵海關稅項下籌款收買數十萬石或照福建捐米成案設局勸捐並察看潮州一帶地方米穀是否充足著一併設法籌辦由海運至天津以裕倉儲至洋米質地恐不能耐久易致黴變必須挑揀米質堅潔者妥為運送其米價運費著即通盤籌計酌定章程先行具奏將此

諭令知之○又諭英桂奏擒匪鳴張請派兵助剿一摺已諭知穆隆阿等迅調察哈爾馬隊二千名赴豫協剿矣擒匪回竄雒河臨渙等處裹脅日眾股數甚多徐州當北面要衝現存兵數無幾專防則無從會剿出剿又不敷分防自應亟籌添調著崇恩即將曹單一帶沿河防兵酌撥數千名迅速渡河歸併徐州聽候英桂分撥布置其曹單扼要處所或即責成民團實力堵禦或應添撥兵勇以補

調出之數亦著崇恩酌量妥辦。擒匪蹤跡飄忽靡常。急須痛剿。英桂等不得專待續調之兵。稍涉延緩。著先就現有兵勇偵賊所向。分投邀擊。先將雒河臨渙兩處境內勦除。然後合力南趨。杜其旁竄。該匪股數雖多。脅從不少。或先勦大股以挫其鋒。或分勦小股以殺其勢。諒茲烏合之眾。不難漸次解散。至所調察哈爾馬隊官兵。趁此天氣漸涼。用之南方。必可得力。總宜迅速藏事。俾得及時歸伍。毋

令久留。將此由六百里各諭令知之。○又諭。英桂奏請添調馬隊官兵一摺。據稱擒匪大股。現由亳州向西北一路竄擾。平原曠野。匪蹤飄忽靡常。非添調馬隊痛加勦洗。難期迅速藏事等語。所奏自係實在情形。著穆隆阿。慶昫。將察哈爾備調馬隊官兵二千名。備齊軍裝器械馬匹。揀派各該營得力總管。星速管帶來京。馳赴河南軍營。聽候英桂調遣。藉資攻剿。再前據該署都統等覆奏請於捐輸

馬匹內挑馬二千三百匹。給官兵乘騎。並派總管約遜等統帶備調。即著將此項官兵馬匹分起來京。前赴河南。毋稍稽延。將此諭令知之。○鑄給山西鎮西城營都司改設守備條記。從巡撫王慶雲請也。○予安徽陣亡通判倉景涵祭葬世職。○癸卯諭內閣。現在所調察哈爾馬隊官兵。已經到京。著派御前侍衛穆騰阿。乾清門頭等侍衛托精阿。會同察哈爾總管管帶官兵。前赴河南西凌阿軍營。

聽候調遣。○又諭。勞崇光奏克復上思州城。殲擒賊犯一摺。廣西上思州地方土匪肆擾。各鄉於上年七月乘閒闖入州城。屢經攻勦。窮蹙。本年四月各員弁兵練等奮力圍攻。當將城池克復。辦理尚屬認真。出力員弁紳團著該撫擇尤保奏。該州知州武衛雖屬疏於防範。尚能隨同克復。著革職免其治罪。千總蘇達俊。黎光彰。外委鄧玉邦。疏防賊匪入城。咎有應得。著即斥革。仍著該撫查明該弁等。

如有退避情節。即行從嚴叅辦。○又諭勞崇光奏。官軍紳團克復縣城一摺。上年八月間。廣西艇匪竄踞貴縣城池。本年二月間。署知縣李嘉年督率團丁水勇。沈毀賊船多隻。斃匪一千四百餘名。生擒八十二名。當將縣城收復。署貴縣知縣候補同知李嘉年。典史谷昌齡。城守外委林奇貴。失守城池。立即克復。均著從寬革職。准其留任。其捐貲及打仗出力各紳。著准其擇尤保奏。毋許冒濫。○諭軍

機大臣等。朕聞直隸大名。順德。廣平所屬。多有盜匪聚眾塗面搶劫之案。該處界連河南。民情素稱强悍。本年被旱被蝗。已成災象。誠恐饑民聚而為匪。畿輔重地。應如何緝捕奸宄。安撫災黎。俾地方悉臻靜謐。現在各屬。有無稟報盜案。及早蝗成災之處。著桂良查明具奏。毋許稍有粉飾。並著飭屬嚴拏搶劫案犯。務使匪徒斂跡。毋致釀成巨患。其毗連河南地方。尤應稽查防範。以杜捻匪勾結。亦著

嚴密籌辦。毋稍大意。將此諭令知之。○又諭。前因江南軍營需兵甚急。疊經諭令葉名琛撥兵四千名。派提督崑壽統帶。由海道前往。本日據葉名琛奏。漳州匪勢猖獗。平南危急。崑壽已由省赴漳督勦等語。自係尚未接奉前旨。現在江南大軍退守丹陽。逆賊日圖內犯。分股竄撲金壇。蘇常各屬所在震動。大營兵力實屬不敷。分撥崑壽。即未能一時赴蘇。所有前調廣東兵四千名。葉名琛諒已如數

調撥。著即飭由海道迅速前進。至帶兵人員。著另派得力大員。或即令前諭派出之參將衛佐邦等分起帶往。崑壽俟漳州賊勢稍平。仍應即赴丹陽。著葉名琛隨時察看情形具奏。將此由六百里諭令知之。○又諭。前經諭令承志挑備官兵二千名。勤加操演。聽候調遣。嗣據該署將軍奏稱。已挑選省城馬隊一千名。開原等城馬隊一千名。並豫派希拉布。奇凌阿分起統帶。此項官兵仍著承志嚴飭

派出之協領佐領等官督率該兵丁等認真操練以備調遣毋得稍有鬆懈其所需軍裝器械馬匹等項諒早齊備亦著隨時簡驗不得以閱時稍久致令缺額一俟奉有諭旨即行催令剋日啟程免致耽延貽誤將此諭令知之○又諭昨因河南軍營需用馬隊諭令穆隆阿慶昫將備調官兵二千名並所備馬匹派員管帶來京前赴河南聽調此項官兵業經調出儘續有徵調自應早為籌備著穆

隆阿慶昫於察哈爾蒙古八旗官兵內再行挑選年力精壯者一二千名派定得力總管備齊軍裝器械馬匹仍赴什巴爾泰博羅柴濟等處地方交賽尚阿勤加操演至內外扎薩克捐輸馬匹現在交存張家口者共有若干著查明先行具奏即於此項捐輸馬內挑選壯適用二千匹俟九月內分起緩程解京以備撥用將此諭令知之○甲辰
上詣清夏齋問

如皇貴太妃安○諭內閣怡良奏遵旨保舉將材等語據稱考覈在營將士有參將李定太等六員屢著戰功茲金壇解圍該參將等或身先士卒或力保危城可備干城之選湖南參將李定太廣西參將米興朝廣東參將李若珠均著以副將儘先升用先換頂帶四川遊擊虎坤元廣東遊擊戴文英李鴻勳均著賞加副將銜以參將儘先升用○又諭怡良奏金壇勦匪大勝縣城解圍餘匪敗竄現籌

進勦一摺逆匪自丹陽竄撲金壇經總兵張國樑督兵援勦與城內駐守之遊擊李鴻勳等兵勇內外夾攻連日平毀賊壘數重斬獲首級一千五百餘顆生擒賊匪二十名立解金壇城圍其敗逃餘匪追殺又及千名所辦尚屬得手著怡良仍飭張國樑等督軍將敗殘餘匪搜除淨盡乘此聲威各路堵勦力圖進取毋令逆勢紛竄蔓延所有出力員弁兵勇著准其擇尤保奏候朕施恩陣亡武生陳

震著交部從優議卹。○以已革奉恩將軍吉明弟吉謙襲職。○改鑄湖北潛江縣知縣印信從巡撫胡林翼請也。○乙巳遣官祭賢良祠。○諭內閣張祥河曾望顏奏飭查各州縣飛蝗情形一摺。順天府所屬州縣稟報飛蝗情形不一。有報飛蝗過境並未停落者。有報捕除淨盡晚禾被傷情形甚輕者。恐尚有不實不盡。必應查明該州縣有無捏飾。毋任含混。其飛蝗停落地方尤恐滋生蝻孽。即著嚴飭各屬認真剷挖。務使一律淨盡。以除民害。其未經稟報之昌平武清香河等州縣著即飭令趕緊詳報。如查有撲除不力稟報不實玩視民瘼之員。即著張祥河等從嚴叅處。其成災較重應行撫恤蠲緩之處著會同直隸總督查明覈辦。○諭軍機大臣等何桂清奏甯國賊勢雖窮城池未復周天受一軍雖能力保涇縣而南陵青陽賊援麇集連日勤擊

該逆仍竄往青陽擾入太平境內旌德績溪等處均應嚴防。秦如虎駐劄建平仲孫懋駐劄鍾橋祇能力扼要隘自係實在情形。昨據怡良等奏金壇解圍已飭秦如虎由定埠進取東壩此時仍當飭令明安泰約會該副將擊退東壩占踞之賊杜其內竄建平為入浙要路李恆淞既回涇縣該撫即飭派防廣德之臬司慶康等嚴密布置一面飛咨鄧紹良策勵全軍乘賊窮蹙之時攻克甯郡庶外援之賊失其所恃不至再生覬覦至徽郡兵單其南陵青陽竄匪並著該撫察看緩急飛咨鄧紹良酌量辦理毋稍疏懈將此由六百里各諭令知之。○丙午諭內閣前因揚州軍營失利雷以誠接應遲延並捏稱助勦收復揚城當經降旨革職拏問交德興阿等嚴訊請旨又因御史方濬頤何桂芬奏雷以誠軍營委員雷鳳翥等勸捐發餉種種營私甚有釀傷人命重情復諭令德興阿等一併提訊節

據奏稱本年二月間三汊河失陷雷以誠退至沙頭後不即督勇進攻遷延累日實屬失計其收復揚城但憑勇目稟報之詞輒稱會兵追剿亦屬奏報失實又於伊姪雷鳳翥伊婿黃鍾在營舞弊毫無覺察實屬辜恩雷以誠著發往新疆效力贖罪委員黃鍾在霍家橋勸辦捐輸得受規費擅押吳永貴掌責地保又在揚城置買田產厥咎甚重業經病故著毋庸議雷鳳翥那湊支發局銀兩交監生

石光達營運濫給家人張安功牌發放勇糧變通支給並未申報又在揚城置買房屋實屬牟利營私著即革職交刑部定擬罪名具奏石光達為雷鳳翥營運圖利徐震甲因勸捐責打杜成祿騷擾地方吳雲總辦畝捐於徐震甲辦理不善未能察出黃斌於伊弟黃鍾置買田產並不阻止翁壽慶襄辦支發局務並不經手會行均有不合該員等應得罪名著該部一併分別定擬黃鍾雷鳳翥在營

當差輒敢私置田宅實屬違例著將所置田宅及寄存銀兩一併入官○又諭李鈞崇恩奏勘明微山湖新淤尺寸請加收湖水並繪圖呈覽一摺微山湖為宣濟山東八勝及江南邳宿運河水櫃連年因豐工漫水灌注淤墊深厚若竟照新淤尺寸加收不獨濱湖地畝恐多被淹且湖隄喫重防守不易著准其酌量加收湖水一尺統計湖底新舊淤墊以誌椿水深一丈五尺為度以備接濟漕運○

又諭胡林翼等奏官軍大破援賊並分攻合剿情形一摺七月十六日武昌城賊分撲洪山李續賓等兩次殲賊各二百餘名又追殺四百餘名十七日楊載福等將油房嶺賊巢盡行燒毀十八日胡林翼李續賓等分路將魯家巷援賊先後殺斃六七百名生擒五十三名並破賊五壘楊載福等亦於是日攻賊橋壘燒毀淨盡十九日賊眾大至經程定國等焚賊划船百餘隻二十八日援賊及城內

之賊四面紛出。李續賓等嚴陣以待。約時齊出。立斬衝鋒悍賊數名。蔣益澧等抄截之。舒保率馬隊四面衝突。賊遂大敗。追之至隄。斃賊三四百人。各營又斃賊一千數百名。魯家巷等處共破賊壘四座。並毀東湖賊船七十餘隻。又燒賊巢八十餘戶。八月初三至初七等日。李續賓、張榮貴等又節次踏平賊壘共十九座。先後斃賊一千六七百名。追斃千數百名。生擒六十餘名。賊鋒大挫。此次旬日之內。大小二十八戰。水陸皆能用命。而馬隊之功居多。解散脅從約計萬人。仍著胡林翼等督軍悉數殲除。趕緊克復城池。毋再延玩。○諭軍機大臣等。胡林翼等奏軍火需用浩繁。請飭按月籌解等語。湖北水陸各師攻剿賊匪所需軍火。每月多至十萬斤。自應寬為籌備。著樂斌、吳振械、駱秉章於四川、陝西、湖南三省按月各籌解火藥三萬斤。每月初旬批解啟程赴湖北交納。以資攻剿。毋誤要需。將

此由五百里各諭令知之。○以攻剿湖北武昌援賊出力。賞道員李續賓布政使銜。參領舒保西林布。花凌阿。巴圖魯名號。委參領雙福。色克精額。德平。防禦慶安。巴彥杜勒承惠。賡音佈。都司何紹綵等。花翎防禦來福等。藍翎餘升敘有差。予陣亡遊擊劉錫文。把總楊慶春。晏光明。顏真彥。艾文軒。李啟相。黃武泰。唐永飛。外委朱朝青等。祭葬世職。○錫綬。廣西永福。永甯恭城。富川。容。桂平。平南。貴武。宣。橫永。瀆。上思。崇善。左養利。永康。甯明。羅容。懷遠。象臨。桂興。安。陽朔。義甯。全。灌陽。平樂。賀荔。浦。修仁。昭平。永安。蒼梧。藤。宣化。新甯。龍。郴。城。來賓。天河。賓。遷江。小鎮安。天保。四十四廳州縣被擾地方。舊欠額賦有差。○丁未。世宗憲皇帝忌辰。遣官祭泰陵。○上詣安佑宮行禮。○諭軍機大臣等。恆春、蔣霽遠奏。

都勻施秉兩處失守各一摺。蔣玉龍等前往鎮遠一帶勦辦。因尹坡營盤被失。由老城退劉郡城。今施秉復陷。鎮遠黃平之路已斷。必應嚴飭該副將等力圖進取。毋得但事退守。致令賊勢益張。都勻距省僅二百餘里。乃因誤信投誠。匪黨內應。以致失守。此時麻哈貴定等處均經震動。省城根本重地。著蔣爵遠嚴密布置實力防守。毋得稍有疏虞。提督孝順駐劉麻哈即可就近堵禦。一面聯絡各路

將弁奮力進攻。陳得功已由雞場調赴谷硐文德一帶。俟攀梅之軍亦已從貢背繞往文德與陳得功會合。該督撫務即飭令相機克復。不得徒以餉絀兵單藉詞延誤。將此由六百里各諭令知之。○又諭蔣爵遠奏火藥短絀。請於鄰近四川各營借撥運解一摺。黔省勦匪正當喫緊之際。川滇黔三省兵勇雲集。火藥需用甚鉅。著樂斌於毗連黔疆之川東鎮瀘州等營借撥火藥二萬斤。火繩二萬盤。

剋日委員迅速運解赴黔。以資勦辦。毋誤要需。將此由五百里諭令知之。○又諭有人奏宛平縣蠹役把持煤窰任意勒索。屢滋事端等語。宛平縣屬西山一帶開採煤窰。向在該縣領取執照。乃有蠹役朱姓梅姓串通書吏平姓勒索多費。以致煤戶紛紛歇業。甚至差役朱鎮即朱成英等膽敢把持包攬。並有夥黨逃遣洪順改名洪玉亮等代為營謀。霸開煤窰並私開封禁窰座種種不法。實為地方

實錄卷二頁

十八

之害。亟應嚴行懲治。著張祥河曾望顏即將朱成英拏究。按照摺內所指各犯訊明下落。按律懲辦。如數日內未能全數緝獲。即著奏明請旨會同步軍統領衙門一體躡緝。毋使一名漏網。原摺著鈔給閱看。將此諭令知之。○又諭福濟奏遵旨飭催鄭魁士接辦軍務並擒匪復熾。豫籌督兵接替一摺。據稱英桂現駐陳州。距蒙宿較遠。聲息難通。張樂行在宿州臨渙集長豐店內盤踞。股匪甚多。附近

之靈壁鳳陽處處戒嚴此時豫軍在毫皖軍在蒙宿中隔匪眾不能會合該撫擬酌帶兵勇馳赴臨淮一帶接替鄭魁士相機進剿等語逆匪奔突靡常必應南北會剿况和春急須馳赴江南鄭魁士折回廬州不容遲緩著照所請該撫即帶兵前往北路督剿捻匪速飭鄭魁士接替和春不致遷延誤事蒙宿一帶捻匪勢尚披猖該撫到彼務當嚴飭珠克登等奮勇攻剿並隨時知照英桂會同豫省

實錄卷三

十九

官軍合力兜擊以期盡殲醜類該撫啟程後廬州城守事宜即飭畢承昭恩錫率同金光飭等實力巡防毋稍疏懈三河賊匪屢有外援踵至廬州為江北屏障地方緊要俟剿捕捻匪大勢已定該撫即回廬州與鄭魁士會籌剿辦毋得遷延時日致有顧此失彼之虞另摺奏皖北荒旱情形懇發內帑給賑等語該省連年被兵今復亢旱成災黎民疾苦異常發帑賑濟原所不惜惟本年直隸山東江

蘇浙江等省均被水旱勢難專顧一省該撫先行督飭藩司查明被災輕重分別奏請蠲緩以安民心其撫恤一項再行聽候諭旨朕軫念民依雖當度支絀乏之時亦必酌量撥給俾各省災黎均霑恩澤也將此由六百里諭令知之○黑龍江將軍奕山等奏俄夷人船屯住及下駛情形當於抑制之中仍寓涵容之意得旨只得如此辦法不激不隨尚屬得體○命已革山東巡撫張亮基赴安徽隨

實錄卷三

二十

同巡撫福濟辦理軍務○以山西河東商人捐輸軍餉永廣商學額十名○以貴州都勻施秉府縣二城被匪竄陷總督恆春巡撫蔣蔚遠下部議處○以貴州團練防守羅坳出力賞六品軍功團長劉文魁藍翎○戊申諭內閣和春福濟奏官軍克復三河一摺安徽逆匪自廬州克復後竄踞三河經和春節次攻剿屢有斬獲八月十一日官軍築壘直進該逆大股來撲參將程智泉等督帶兵勇奮

力攻擊殲斃六七百名。餘賊敗退。十七日夜和春督同麟瑞等攜帶雲梯潛伏而進。復令熊天喜汪忠信等攻打南路。兵勇越過濠溝齊抵街口。施放槍礮。火器頃刻賊營火起。賊眾驚亂。越牆逃出者。均被兵勇砍殺。我軍四面豎立雲梯。翻牆而入。賊眾紛紛逃竄。官軍搶進石壘。合力截殺。斃匪無算。當將三河克復。餘賊向焦湖上船。意圖逃脫。我軍趕至。連開槍礮。擊沈燒毀賊船多隻。落水死者不計

實錄卷一百六

三

其數。先後殺賊五千餘名。砍獲首級三千餘顆。生擒偽指揮張大有。偽將軍秦標盛等十五名。匪黨二百六十餘名。勦辦甚屬奮勇。著福濟會同鄭魁士。趕緊乘勝進取。以期次第肅清。所有在事出力文武員弁兵勇。准其擇尤保奏。諭軍機大臣等。前據瑞麟慶祺奏。盱眙縣之蔣壩。濱臨洪湖。與水路之邵伯鎮。同為清江門戶。必須嚴密設防。則清淮自可捍衛。已由庚長等親往相度辦理等語。本日

據邵燦庚長奏。已將汜水鎮兵勇調回清江。以防蔣壩。並於戴家灣水陸各路安礮釘籤。分撥漕船巡察。布置尚為周妥。著即照所議辦理。仍著嚴飭派往之參將伊米揚阿。會同該府縣將督帶防勇。勤加操練。一面激勵民團。互相聯絡。不得始勤終怠。虛應故事。至蔣壩地方。抽捐釐稅。係為清江防堵之用。前據福濟奏。皖省乏食。請停該處米麥雜糧釐捐。以恤販運。未經允准。此項釐捐。如果停止。是

實錄卷一百六

三

否與清江防費有礙。抑或專停糧石釐捐。而抽收他貨。尚堪應用。著邵燦庚長體察情形。奏明辦理。將此諭令知之。○新授徐州鎮總兵官傅振邦。謝恩。漕運總督邵燦等代奏。得旨。伊係實任總兵。何不具摺。殊昧體制。邵燦等率行代奏。亦屬非是。著一併交部察議。○以攻克安徽三河賊巢。江南提督和春。得旨賞賚。○以甘肅追捕番匪不力。革守備寶林職。○千總藍積珍以外委降補。予安徽陣亡

參將程智泉都司吳濟美千總伍坤萱挹總黎連貴外委盧鵬超祭葬世職（己酉秋分夕

月於西郊遣豫親王義道恭代行禮（諭內閣。

戶部奏部員躡等議敘與例不符請旨遵辦一摺所奏甚為平允前經湖北保奏團練出力之戶部額外主事李廷簫浙江保奏海運出力之戶部額外主事王文韶均請以該部主事儘先補用茲據該部查明與例未符李

廷簫王文韶均著俟學習三年期滿後准其以該部題選各缺奏請補用在該員等到部三年即行超補邀恩已屬至優而於部務亦不至生疏至各部院議敘人員有似此躡等保奏者著吏部查明一體遵照辦理嗣後各省軍營大臣及各督撫等保舉京員不得以額外人員奏請即補本衙門題選之缺如實有勞績較著必須從優獎勵者止准以各部通選之缺儘先銓選仍不得占本衙門題缺

以示限制）又諭御史何桂芬奏請平穀價一摺本年京官俸糈及八旗兵米均按季按月支放京師民食本屬足敷周轉何至旬日之間米價驟長幾至加倍雜糧亦復昂貴顯係市僧奸商把持行市射利居奇實於小民生計大有妨礙必應嚴加懲創以儆刁風著步軍統領衙門順天府五城先行出示曉諭米鋪各商人等於米石雜糧務各均平糶糴儻查有私行囤積擡價居奇把持行市以致

妨礙民食者即著各該衙門嚴拏交部治罪亦不得任聽吏胥藉端需索致多擾累○又諭穆隆阿慶昫奏遵調官兵進口請飭豫備藥鉛車輛一摺據稱現已挑出精兵二千分為四起每起五百名隔日排隊進口所需火藥鉛丸著工部先期照數備齊俟該兵丁等到日按名發給其沿途需用店房草乾飯食以及載運軍裝器械各車輛著直隸總督飭令各州縣妥為豫備毋誤軍行○諭軍機大

臣等廉兆綸奏廣信被匪竄擾練勇潰退一招據稱甯都州會匪勾結革勇蔓延陷廣昌南豐新城瀘溪等縣廣信練勇在貴溪之張家橋及港口地方兩次失利該學政現在鉛山截集潰勇等語廉兆綸本係學政並無統兵之責因其適在廣信是以准其練勇籌防所有廣饒等處戰守事宜仍應曾國藩文俊調度豈能盡委之該學政遂謂可保無虞今此股會匪突起竄擾該學政遠駐鉛山郡城是

否失陷抑係被圍摺內均未敘及雖經咨調饒廷選防守玉山兵二千名赴郡援剿仍恐兵力尚單著曾國藩文俊即行派委大員統帶兵勇馳赴該郡迅圖撲滅該郡為通浙要道曾國藩等不得以無兵可撥坐令匪勢鴟張至饒廷選既於初八日移營廣信玉山防兵又形單弱著何桂清酌量添派官兵前往駐劄以為饒廷選後路兼保衢州門戶俟曾國藩等派兵到後該郡肅清饒廷選仍可回

駐玉山諒該撫必能斟酌緩急妥籌兼顧也將此由六百里各諭令知之○山東巡撫崇恩奏曹單防兵無多請仍留本境以固藩籬得旨覽奏尚係實情著如所請留防本境○予江西陣亡訓導郭守謙祭葬世職如知縣例○庚戌諭內閣各省舉行大計所以保薦循良汰除庸劣為三載考績大典全在封疆大吏秉公甄劾察吏即以安民儻該督撫等平日於屬員賢否漫不經心臨時亦祇奉行

故事甚至開奔競之門而黜惴惴之吏其於吏治涸漓關繫匪淺轉瞬大計屆期各直省督撫於所屬人員務各認真察看果有勤求治理民情愛戴者始准覈實薦舉毋許濫竿充數至辦理軍務省分或地方甫經收復有待撫綏或疆圉逼近寇氛亟籌保衛得一賢能之吏實足庇蔭一方尤當將實心任事各員留心存記於奉行計典時列入上考以備擢用其或以逢迎為要結罔惜聲名以便佞

為才能毫無政績。若令忝居民牧。必致貽誤。地方亟應隨時淘汰。以肅官常。不得因其尚無顯著劣蹟。一味姑容。僅以年老有疾人員。叅劾充數。似此循名責實。分別勸懲。庶吏治蒸蒸日上。朕實有厚望焉。將此通諭知之。

諭軍機大臣等。英桂奏馬隊官兵勦匪獲勝。現籌分路進剿一摺。該匪意圖西竄豫境。蓄謀已久。此次格綳額等馬隊。以少擊眾。亳州鹿邑道路已通。或可杜其西竄之念。自應乘

勝進攻。偏令南奔。四路兜圍。可期得手。福濟前奏擬馳赴臨淮。接替鄭魁士。此時諒已移營前進。著即督飭珠克登等。由南路進兵。其豫省官軍。即可由北而南。分投夾擊。徐州官軍較單。前次英桂奏請添調曹單防河兵勇。昨據崇恩以該處防兵無多。本境尚須彈壓。奏請免調業已允其所請。英桂現奏飛咨史榮椿移師前進。著即就現有兵勇。妥籌調撥。三省官軍會合兜剿。福濟英桂務當合力同

心毋存意見。以期迅速肅清。事至英桂奏調察哈爾官兵。業據穆隆阿等具奏。已分起剋日啟程矣。將此由六百里各諭令知之。

雲貴總督恆春奏古州廳失守。自請嚴譴。得旨。近因施秉等處失守。已將汝交部議處。此次勿須再加譴責。汝惟嚴督將士。迅速掃蕩。廳城文武實在下落。仍著確查。○辛亥。諭內閣。和春福濟奏攻毀廬江賊壘。克復縣城。一摺。官軍自八月十八日。攻克三河石壘。後即於十

九日夜間。乘雨進兵。馳攻廬江。二十日黎明。齊抵城外。奪獲賊壘五座。兵勇豎立雲梯。爭先登城。逆匪自相踐踏。死傷枕藉。其逃出東南兩門者。經官軍數路夾擊。殲斃無算。立將縣城克復。此次官軍。於三日內。連將三河廬江。攻克。實屬奮勇。所有在事出力員弁兵勇。著准其彙案保奏。○諭軍機大臣等。怡良趙德轍。何桂清。奏江浙旱災已成。請招徠臺米。以資接濟。一摺。本年江浙兩省入夏以

來雨澤稀少。蘇常杭嘉湖等屬被旱尤重。早禾既皆黃萎。晚稻未能插蒔。以致米價騰貴。民食兵糈均虞缺乏。自應暫弛海禁。招徠臺米以資接濟。即著王懿德呂佺孫飭知臺灣鎮道速即出示招商販運米石。由海道運至江蘇之上海浙江之乍浦甯波等海口售賣。即由臺灣道發給執照。准其免稅。以期商情踴躍。源源轉運。毋稍遲誤。將此由六百里諭令知之。又諭前因廉兆綸奏甯都會匪竄

陷廣昌等四縣。廣信危急。諭令曾國藩文俊速派大員帶兵赴剿。並諭何桂清兼顧常開後路。本日據何桂清奏玉山防所現留遊擊高士濬帶兵一千一百名駐守。又派候補知府王慶勳帶勇七百名。江蘇候補同知俞斌帶勇六百名赴常山防堵。三衢門戶已臻嚴密。惟廣信倉卒聞警。初無准備。現據何桂清奏饒廷選到郡後與署知府沈葆楨合籌防剿殺賊多名。尚為得力。而江西並無兵勇會

剿專恃客兵恐難應手。饒廷選一軍既抵廣信。俟賊匪擊退。自應設法將失陷各縣次第收復。而兵力尚單。著曾國藩文俊即遵前旨酌派大員帶兵前往。會同饒廷選克復被陷各縣。並著何桂清飭知饒廷選如廣信賊蹤敗退。即帶兵前進。會合江西派出之軍務將被陷各城收復。再行回駐玉山。將此由六百里各諭令知之。又諭曾國藩奏營員私逃回籍請飭查拏等語。湖南甯遠縣虎字營哨

長周萬勝隨同曾國藩軍營差委。乃敢以口糧不足為詞煽惑軍心。經該侍郎棍責後仍令其立功贖罪。不意該營員竟私自逃回原籍實屬怙惡不悛。著駱秉章即飭甯遠縣查明該員周萬勝下落。嚴拏務獲。立正典刑。以為藐法者戒。將此由四百里諭令知之。又諭曾國藩文俊奏湖北援師餉銀缺乏請飭山陝兩省按月接濟。並由江省派員赴荊州守候等語。江西八郡淪陷。錢漕無從辦理。各

軍餉需久缺。現在湖北赴援之師直抵瑞州。連獲勝仗。江省軍務藉望轉機。惟餉銀已欠發兩月有零。若不速籌放給。深恐士氣餒乏。近日山陝兩省撥款甚多。按月籌解。亦恐力有未及。著王慶雲、吳振械於無論何款項下。每月各籌銀三萬兩。暫解數月。並派委妥員解赴荊州。即交江西委員接解前進。以資接濟。將此由五百里各諭令知之。○欽差大臣江南提督和春等奏。連夜馳赴廬江克復縣

城得旨。汝於三日內連下二城。實屬奮勇。○以江西水師勦賊出力。賞道員劉于瀉花翎。知縣劉騰鴻。巴圖魯名號。餘升敘有差。○予江西吉安殉難按察使周玉衡祭葬世職。如布政使例。並於吉安、南安、贛州三府各建專祠。知府陳宗元、通判王保庸、知縣楊曉均。王見周、萬慶章、余焯、參將柏英、都司馬福壽、克什布、守備蔡元陞、暨布政司理問周恩慶等二十九員祭葬世職加等。均附祀吉安府祠。

○予安徽陣亡千總劉富元、江西陣亡外委陳飛鳳祭葬世職。○壬子閩浙總督王懿德等奏。江閩賊氛愈熾。請留署副將琳潤一軍扼守邵武。得旨。所奏尚係實情。著准其暫留琳潤在邵武。一俟江南援兵會集。匪勢稍鬆。仍應飭令該員迅赴江南大營。○改鑄江蘇太倉州知州印信。從署巡撫趙德轍請也。○癸丑諭內閣。前因直隸各州縣飛蝗為災。並河南、山東各省次第奏報。疊次諭令該府尹

督撫嚴飭各屬認真撲捕。創挖遺孽以除民害。並查明成災輕重。覈辦蠲緩撫恤事宜。茲據給事中伍輔祥條奏。治蝗諸法。或先時挖掘蛹子。或臨時給價收買。並該管上司親往督捕。務須輕騎減從。不得因查災轉致擾民。所奏不為無見。著各直省大吏飭令被蝗州縣實力奉行。其請行祭蜡之禮。以消蝗害。亦屬古制。著該地方官勸率鄉民於歲暮舉行。至被兵處所骸骨暴露。厲氣所感。亦足以致

災侵著地方官隨時收瘞。所有京師臬示兇犯首級。歷時較久者。即著步軍統領五城。飭坊掩埋。以消沴戾而迓祥和。○諭軍機大臣等。蔣霽遠奏古州廳城失守。請飭湖南省派兵救援黎平一摺。貴州黎平府古州廳城。於七月二十三日失守。據稱四川副將蔣玉龍一軍。現在鎮遠勦辦苗匪。黔省官軍。又在都勻麻哈等處勦匪。均難兼顧黎平。該郡現甚危急。自係實在情形。湖南靖州與黎平接壤。

赴援較便。著駱秉章迅即添調永州靖州一帶官兵。由靖州馳往救援。如該處兵力不敷。即著酌撥練勇以資協助。毋稍遲延。將此由六百里諭令知之。○又諭御史方濬頤奏旱蝗成災省分。請查明撫恤一摺。前據英桂奏該省雨水未能一律深透。商邱等縣各有飛蝗停落。田禾間有損傷。河內等縣低窪處所田禾被淹。湖北省亦經官文奏報。入夏以來雨澤稀少。旱象已成。各等語。迄今兩旬有餘。

各該地方是否成災。並該御史奏黃州襄陽

一帶間生蝗蝻。均未據該督撫續行奏到。朕

心實深廛念。著官文。胡林翼。英桂。派委幹員

輕騎減從。會同地方官迅速詣勘。被災輕重

情形。如有應行撫恤蠲緩之處。即著據實具

奏。候旨遵行。用副朕軫念災黎至意。將此由

四百里各諭令知之。○予貴州陣亡五品土

司楊占先祭葬世職。生員楊含春優卹。○甲

寅諭內閣。桂良奏查勘各州縣被蝗被旱被

水一摺。據稱直隸永平保定等府屬二十八

州縣。飛蝗停落。搜捕淨盡。早禾多已成熟。收

割惟晚禾穀豆間有殘食。於收成大局並無

妨礙。其被旱之大名等府州所屬十七縣。被

旱兼被水之大名等三縣。被水之通州等四

十一州縣內。惟開州東明長垣固安永清東

安六州縣情形較重。業已籌款撫恤。仍著桂

良速飭該地方官。勘明災歉分數。分別蠲緩

賑恤。奏到時再降諭旨。如查有勘報不實之

員即著從嚴叅處以副朕軫念民瘼至意○
閩浙總督王懿德奏請留新任興泉永道保
泰仍署鹽法道篆得旨著准其暫行留署一
面揀員委署飭令該員迅赴本任以重地方
斷不准先為此奏豫為請調地步○以安徽
歙縣辦理團練並軍營出力賞通判王桐都
司程永年花翎知縣仰士會等藍翎餘升敘
有差予江西陣亡守備郭成貴千總葉成
高徐殿魁鄭維嵩黃芝選吳金鼇把總黃鳳
慶何添恩外委王文政等祭葬世職○貸福
建福甯南澳二鎮兵丁穀價銀

實錄卷二百六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六

實錄卷二百六

三六

[illegible]

寶鑑錄

撮

寶鑑卷之五

咸豐六年九月上

旬結蔓延至黃州孝感一帶實為豫省門戶。儻上游堵勒嚴密勢恐紛紛竄往更當豫飭各屬厚集兵練妥為防範杜賊北竄之路不得稍形鬆懈。官文現在劄營距漢陽甚近著即嚴斷賊匪接濟使之坐困。一面督飭將弁相機進攻早圖克復不得曠日持久徒託空言。自干咎戾將此由六百里諭令知之。○又諭英桂疊次奏報潁州勦匪及擒匪回竄雒河各情形凡有舉劾均經降旨允准該撫現

在移營陳州朕聞其所駐地方距擒匪現踞之石弓山龍山湖西陽集等巢穴尚有四五百里既未身親行陣一切奏報豈能盡皆得實即如袁甲三在潁州勦匪時朕聞其自七月初一二日以後連次失利與該撫所奏情形不甚符合張逆由雒河逃竄時聞其尚有餘黨數千人馬一二千匹亦與該撫所奏賊止數百之語不符當擒匪竄踞板橋展溝之時適值賊圍蒙城塔思哈由下蔡赴援並非

徑赴懷遠西淩阿崇安扼守雒河原以防賊回竄聞其所帶兵勇不下數千雖據該撫以移營退守奏參何復以寡不敵眾之辭入奏又聞多慧遇事張皇正陽紳民有籲留皖軍彈壓之事該撫既總統三省勦匪事宜自應親歷行陣將士方克用命若祇顧豫省門戶而於皖省擒匪聚集之地專委之帶兵各員據其稟報一面之詞輒行入奏必至勝敗不分舉劾不當軍心渙散貽誤豈可勝言著英桂即日親督官軍出境兜勦不得專駐陳州擁兵自衛並將朕所聞各情逐一詳晰覆奏如袁甲三崇安西淩阿崇安有掩敗為勝並見賊退避情事即應據實嚴參儻仍前株守不即進兵或舉劾失實致誤事機朕必將英桂從重治罪斷不令日久無功勞師糜餉也將此由六百里諭令知之。○又諭前據福濟奏擬酌帶兵勇前赴臨淮當經諭令該撫迅速前往俾鄭魁古得以赴廬州接替和春本

日復據和春。福濟奏援賊屠集巢縣。親督兵
勇分南北兩路進攻等語。於該撫何時可赴
臨淮。並未奏及。廬江克復後。賊聚巢縣。和春
福濟會同督勦。原屬先其所急。惟江南軍務
緊要。統帥需人。著將巢縣迅速克復。以便福
濟鄭魁士遞相接替。和春即可馳赴丹陽。不
致久稽時日。至三省官兵勦捕擒匪。英桂身
為統帥。固屬責無旁貸。而皖省所派鎮將中。
儻有遷延觀望。致以有用之兵置之無用之

地者。福濟亦應從嚴叅辦。豈可心存迴護。諉
過他人。即英桂駐劄陳州。未能親臨行陣。見
聞不確。以致賞罰不公。福濟既有見聞。或據
實函商。或秉公叅奏。總期於軍務有益。方為
盡心國事。儻敢各存意見。坐觀成敗。貽誤事
機。朕亦必治該撫以應得之咎。另片奏據鄭
魁士函稱。亟須酌撥馬隊等語。著准其將伊
興額馬隊五百名調往助勦。將此由六百里
諭令知之。○又諭。王慶雲奏據署江南徐州

鎮總兵史榮椿以徐州防堵之山西大同鎮
官兵現多疲病。咨調該鎮馬隊二百名。步隊
二百名前往更換。該總兵未經奏明。請旨遵
行等語。擒匪現仍屯踞雒河一帶。意圖紛竄。
亟宜四路兜勦。徐州為南北要衝。需兵防堵。
尚屬實在情形。王慶雲既抵大同。著即就近
在該鎮官兵內照數揀派。飭令帶兵員弁迅
速帶赴徐州更換。毋稍遲誤。至史榮椿未及
奏明率行咨調。實屬不合。業經降旨交部議

處矣。將此諭令知之。○安徽巡撫福濟奏接
據鎮臣鄭魁士函稱。勦辦擒匪情節。得旨鄭
魁士縷述各情。頗有關係。所言雖與英桂奏
摺不符。皆在朕意料之中。總緣英桂未身臨
行陣。袁甲三自是非人。即如郝光甲。珠克登
塔思哈。亦皆有觀望之處。第袁甲三知其一
未知其二。叅劾未免過當也。○追予故湖北
提督向榮於江蘇地方建立專祠。○予湖北
陣亡四品銜軍功范潮蘭祭葬世職。○丁巳

諭內閣承志等奏請暫停捕打冬圍一摺奉
天捕打冬圍著准其暫停一年仍著將官兵
槍箭技藝隨時勤加操練俟來年照例奏請
舉行○以勦辦山東曹州擒匪出力賞道員
達鋪花翎知縣童正詩等藍翎復已革總兵
官三星保職餘升敘有差○戊午諭內閣本
年近畿各屬因永定河漫溢間被水災農田
晚稼亦有被蝗之處京師糧價昂貴貧民度
日維艱所有五城設廠煮飯散放著先期半

月於本月十六日開放並著展限一箇月至
來春三月十五日止以資接濟○諭軍機大
臣等前據怡良等奏請飭浙江將協濟江南
大營軍餉仍按月撥解六萬兩以資接濟當
經批諭以此項餉銀已允何桂清所請停解
仍著於蘇省藩關各款內竭力籌措本日復
據怡良奏稱大營餉需本多積欠自退駐丹
陽後補製軍械費尤不貲蘇省錢漕催徵不
前藩庫空虛許關徵稅及上海夷稅均形短

絀實屬籌措無術請仍飭浙江按月撥銀六
萬兩協濟等語浙江省近年協濟鄰省餉需
為數甚鉅原屬力有不逮惟該撫前請停解
摺內本有暫停一二月再行察看情形之語
且蘇省籌款無出亦屬實情現在大兵攻克
東壩寶堰等賊壘正在得手自須餉項充足
藉資進剿著何桂清於無可籌撥之中力圖
設法仍將協濟江南餉銀酌量撥解先行接
濟數萬兩仍俟浙江省防堵稍鬆再行如前

撥解俾大營士馬飽騰以維持東南大局前
經戶部奏撥廣東餉銀二十萬兩河南山東
餉銀各五萬兩解赴丹陽軍營並著怡良催
提至蘇應用此時東壩已無賊蹤正宜速將
甯國收復則江浙門戶均可嚴密著怡良何
桂清督飭鄧紹良趁此賊勢窮蹙之時速籌
攻克勿再延緩金壇溧陽等處防兵並著飭
令各該將弁嚴密防守以便張國樑等進攻
句容溧水不致有後顧之患前調閩粵各軍

據王懿德奏邵武需兵防堵已准其將琳潤一軍暫留該處其陳上國所統閩兵一千五百名及前調之廣東兵四千名迄今尚未到營並著怡良飛檄催提以資助剿將此由六百里各諭令知之○又諭德興阿翁同書奏擊退來安縣土匪並攻勦瓜州情形一摺安徽來安縣土匪聚眾滋事竄擾六合縣境雖經官兵擊退仍慮其與逆匪勾通乘間窺襲自應及早撲滅德興阿等分咨怡良福濟庚

長冀其撥兵勦辦惟福濟等正擬進攻巢縣又勦辦豫省捻匪甚為喫緊未必能分兵前往庚長駐守清江更屬無兵可撥怡良等甫克東壩寶堰正在得手所調客兵亦尚未到恐難分撥况西安馬隊五百名已據德興阿等截留江北助勦土匪丹陽大營兵力更不敷調遣所有來安土匪即著德興阿等撥兵追勦毋使蔓延至瓜州久稽克復該大臣等擬密會水師大舉深入著即趕緊會合直搗

賊巢不得仍以虛詞延宕致誤事機將此由六百里諭令知之○以江南漕標中軍副將扎隆武為湖南綏靖鎮總兵官○補鑄廣西富川縣麥嶺營都司關防從巡撫勞崇光請也○予江南傷亡總管西昌阿陣亡鹽知事銜張翊國都司銜高鳳池千總廖尚智外委包順巡檢第五臣訓導張源祭葬世職生員彭孚甲等賞卹如例○已未諭軍機大臣等前據廉兆綸奏甯都賊擾貴溪練勇失利已

革道員石景芬並無下落當經諭令查明具奏本日據何桂清奏稱當賊匪連陷廣昌等縣貴溪首當其衝生員郭守謙等駐劄貴溪以保廣信石景芬忽以金谿有警撤貴溪之防兵往援並將廣信存兵及府縣練勇精銳悉行挑去該革員行至桂碧地方賊已竄入貴溪郭守謙等陣亡該革員並不回援所統全軍計有二十餘人不知何往據常山縣稟報接據上饒等縣函稱該革員已回平樂本

籍等語。石景芬以革員效力行間。宜如何激發。天良。勉圖報稱。乃種種玩誤。實出情理之外。著何桂清。廉兆綸。即將石景芬提至廣信。派員嚴鞫。務得確情。從嚴叅辦。廉兆綸不得以奏請在先。稍涉迴護。其所帶兵勇二千餘人。並著廉兆綸迅速派員統帶。以資防勦。毋任潰散。饒廷選現駐廣信。著遵照前旨。相機前進。收復失陷各城。再行折回玉山駐劄。將此由五百里各諭令知之。○以援勦江西廣

信賊匪出力。賞總兵官饒廷選。巴圖魯名號。以免復安徽太平祁門二縣城。免總兵官江長貴處分。予陣亡州同徐焯。從九品徐懋達。把總郭桂林。祭葬世職。○庚申。諭軍機大臣等。勝保奏烏魯木齊官兵呈稟官員久扣軍餉等情。據呈內稱。該處兵餉向存州庫。鎮迪道和祥擅將此項銀兩移存道庫。按五成發放。覈算尚有餘銀。五年正月至今夏秋每月每兵領銀三成。有零。冬春每月每兵領銀

一成。有零。賸餘銀兩。及所鑄大錢。均被剋扣。倉廩米糧。未領升合。章京協領等扶同掩飾。前任都統業布冲額受其蒙混等語。兵丁藉餉要挾。刁風固不可長。如果有勒抑虧那情弊。致該兵丁等激而生變。必應徹底根究。將該道及章京協領等嚴行叅辦。方足折服其心。倭什琿布履任未久。無所用其迴護。著會同奎英。秉公查訊。確情據實具奏。毋稍徇庇。再勝保片奏迪化州知州朱朝玠前此撤任。

兵民皆為不平。悉由業布冲額偏聽廢員程震佑之言。將其叅處。現在鹽課分釐未交。鉛場產苗已竭。業布冲額為其愚弄各情。並著倭什琿布等據實查奏。勝保摺片著鈔給閱看。原呈一併發給。將此諭令知之。○以江西廣信守城出力。予知府沈葆楨等升選。有差。以浙軍赴援江西。廣信出力。賞都司江長元等藍翎守備。畢定邦等升補。有差。予陣亡外委陳飛鳳等祭葬世職。○命五城煮賑。展

至明年夏四月○辛酉大學士兩廣總督葉名琛等奏查明學政歲科考試取錄尚無瞻徇賄賣等弊得旨所奏尚有不實不盡之處仍著實力認真訪察勿為屬吏蒙混○荊州左翼副都統載增等奏新授直隸通州協副將湯蘇請暫留荊州辦理營務得旨該員所選之缺係畿輔緊要之區著迅飭赴任不准留○以收復廣東鶴山縣城賞知縣沈梁等藍翎餘升選有差○以防勦廣東高州廉州

二府屬匪徒出力賞總兵官瑞琳知府伊霖都司廖達章同知銜莫超宗花翎外委蕭榮耀等藍翎餘加銜升敘有差○壬戌諭內閣上年河南省河工加價一款久為民累特降恩旨全予豁免永不攤徵並令其將已徵在官者抵作本年正賦原係朕念切民依不惜捐帑金以頒贖典該省大吏接奉此旨自應速刊謄黃俾家喻戶曉共沐恩施乃本日據御史張守岱奏河南各州縣或隱匿謄黃不

貼照舊徵收或年終始行張貼或延至今春始行張貼迨謄黃既貼上年正賦已完攤徵加價一款亦完納過半本年春季開徵百姓欲以前項抵完正課州縣官復多方支吾不肯作抵似此不肖州縣喪心昧良亂法營私實堪痛恨英桂身任巡撫於此等貪劣庸員豈竟毫無覺察著即督飭藩司確切查明如有蒙混徵收抑閣謄黃不行張貼情弊即著嚴行叅劾治以應得之罪毋稍徇隱自罹重

咎至地方錢糧丁耗止納惟正之供儻經徵各員膽敢浮收抑勒著一併認真訪察嚴叅懲辦以肅吏治而安民生○諭軍機大臣等前因河南勦辦捻匪諭令穆隆阿慶昫將察哈爾備調馬隊官兵二千名配齊軍械並所備馬匹派員管帶來京前赴河南聽候調遣嗣據該署都統等奏稱已將精兵挑出分為四起隔日進口現在又踰半月未據將啟程日期覆奏此項官兵儻有回至遊牧地方者

此時諒已調齊著穆隆阿慶昫速飭派出之營總等即行統帶來京一面將啟程日期迅速具奏勿稍延緩將此諭令知之○又諭有人奏黔省徵額加增並勒令捐派請飭嚴行禁革一摺據稱貴州州縣徵收錢糧每於正項外加增平數名曰躡蹀費民甚苦之前桐梓縣革役楊澄喜等倡亂皆藉口除躡蹀之害糾眾滋事銅仁府知府葛景榮亦以循舊加徵致匪徒戕官踞城桐梓縣知縣劉毅辦

理善後誅求未已以致匪黨復行滋事又該省州縣每勒令苗民捐輸罄其家產該匪之不靖實由官吏逼迫等語州縣徵收錢糧均有定額似此額外加增無怪民不聊生激成事變著恆春蔣蔚遠嚴查各州縣如有前項情弊即著嚴叅示懲並將躡蹀費名色永遠革除至苗民情願捐輸原屬不禁斷不准不肖官吏勒令派捐即著於各州縣通衢村鎮出示曉諭以安民心而除弊政將此諭令知

之○署四川總督樂斌奏黔省苗匪紛擾鎮遠府城被圍副將蔣玉龍孤軍無援惟有迅撥川兵裹糧助剿並嚴扼竄蜀要路得旨覽奏尚係實在情形准赴黔官兵隨時解往之餉糈不可遲誤○以四川綏甯協副將蔣玉龍為川北鎮總兵官○癸亥諭內閣奕網等奏職官告假逾限請從嚴議處一摺

昌西陵贊禮郎祥凱告假回京當甫定新章之後輒敢任意逾限實屬膽玩著交部加等議

處以示懲儆○又諭英桂奏查勘各州縣飛蝗過境情形並秋禾被旱等語河南甯陵通許等十六州縣飛蝗過境雖據稱隨時撲滅兼發價收買田禾不致成災但恐撲捕不力致飛蝗停落地方遺留蝻孽貽害農田著英桂嚴飭各屬認真創挖盡力挖除毋留餘患僅有玩視民瘼之員或稟報不實或撲除不力即著從嚴叅辦其田禾被旱地方及被水處所是否成災著一併確切查奏分別蠲緩

賑恤候朕施恩○諭軍機大臣等恆春奏滇黔兩省情形督辦不能兼顧一摺前因迤東迤西各屬回匪猖獗疊諭該督酌度緩急折回滇省或札商文祥舒興阿妥籌布置茲據奏稱都勻等處尚未克復官兵雖疊獲勝仗總因賊眾兵單未能痛加勦洗是黔省目下情形甚屬緊急恆春仍應駐黔妥為督辦一俟該省防勦稍鬆辦有就緒再行折回滇省即將黔省軍務交孝順會同蔣蔚遠接辦至

黎平需兵救援前已諭令駱秉章迅調永靖一帶官兵或酌撥練勇由靖州赴援昨復據樂斌奏報已派遊擊鍾琦帶兵一千名赴鎮遠協勦所需軍餉已諭令隨時解往矣恆春惟有督飭孝順等奮力攻勦將都勻等處次第克復仍一面知照文祥舒興阿將滇省回匪妥籌勦撫俾兩省軍務各有把握不必因不能兼顧另請簡員督辦也將此由五百里諭令知之○又諭前因福濟奏稱擒匪復熾

自請督兵赴臨淮一帶接替鄭魁士相機進勦業經諭令准其前往並會同英桂豫省官兵合擊此時該撫因攻勦巢湖賊匪眾多不能親赴北路而擒匪猖獗皖省現無大員可以分派督兵請飭張亮基馳赴懷宿統帶兵勇張亮基現患目疾由部代奏告假一時未能赴皖福濟既因巢縣喫重欲乘軍民奮勇之時先圖克復即無庸移師北向英桂遠駐陳州前已諭令出境督辦諒不敢再事遷延

所有蒙宿一帶兵勇應歸何人提調仍著英桂會同福濟商酌籌辦至珠克登現在會勦懷遠郝光甲塔思哈前往宿州史榮椿帶兵扼守徐州均屬緊要徐州距蒙宿不遠如該處情形稍鬆即可令該總兵移兵至皖會同勦辦以資得力該撫等務當審度情形和衷籌畫毋存畛域之見自不難次第奏功福濟片奏來安盱眙等處棚民因旱滋擾業經擊斃多名即著嚴飭音德布並駐劄臨淮之張

光第就近兼顧毋令蔓延將此由六百里各諭令知之○實授鄭魁士安徽壽春鎮總兵官 甲子諭內閣海樸奏藥庫被雷轟擊自請議處一摺阿克蘇城外藥庫於七月初十日被雷火轟然火藥震倒城垛房屋經該大臣率屬先行捐貲修葺查明庫存槍礮等件尚無短少所有壓斃署把總銀治一員及兵丁九名著咨部照例辦理海樸自請議處著加恩改為交部察議護理城守營叅將都司

馬雄千總楊清越把總馬秀著一併交部察議 乙丑諭內閣兵部等部奏遵議綏遠城添演秋圍練習馬上槍箭一摺著照所議所有綏遠城駐防滿洲營兵丁准其添演秋圍於每年九十月選派官十員兵五百名赴山後牧場駐劄十五日射獵練習馬上槍箭行圍官兵按年更換並著該將軍與該副都統按年輪流前往督率認真教演所需口糧准其於卡倫官兵盤費銀內提銀支給不敷銀

兩由餘騰房租項下撥補俾得經久遵行至大青山後一帶係蒙古游牧地方該將軍等務須約束兵丁勿令滋事現在各路軍營馬隊最為得力因思西安甯夏駐防旗營亦可仿照辦理令該兵丁等一律操演秋圍練習馬上技藝著薩迎阿托雲保各就該處情形妥議章程具奏 又諭治良趙德轍奏拏獲廣潮匪犯審辦情形一摺廣東潮州等處羣民以投充壯勇為名散處蘇州城外其獷悍

不法之徒竟敢持械行劫盜案疊出迨地方兵役緝拏輒復逞兇拒捕經趙德轍飭令蘇州府知府薛煥會同紳士員弁帶領兵勇於八月十五日夜間趁該匪屯聚閭門外之槓子一帶地方分路截拏該匪等放槍抗拒薛煥督兵齊進登時格殺多名竄逸之匪復被兵勇堵截先後拏獲匪犯鄭阿層等一百九十餘名並起獲軍械贓物無算與各事主報案相符提訊該匪等供認不諱現已分別按

律懲辦。地方安堵。著怡良趙德轍飭屬嚴拏逃犯。並隨時撥捕餘匪。毋稍疏懈。在事官紳密訪匪蹤。會商掩捕。不致釀成巨患。辦理尚為出力。著該督等擇尤保奏。以示鼓勵。又諭德興阿翁同書奏水陸進攻瓜州大獲勝仗。一摺。瓜州逆匪屢經官軍設法誘攻。仍復堅匿不出。經德興阿等激勵將士。蓄銳齊發。東西兩岸陸兵及焦山土橋兩處師船同時並進。直逼賊巢。土橋水師總兵陳國泰督帶

聖鑒事

奏

紅單船搶進瓜州大口。連向轟擊。賊屍布滿江灘。焦山水師總兵周士法分隊直抵金山。擊沈賊船多隻。鎮江官兵亦同日進攻。各有斬擒。當此南北水陸將士齊心。正宜乘機力圖攻克。著德興阿翁同書督飭各軍奮勇進取。毋稍鬆勁。又諭英桂奏勦辦擒匪獲勝一摺。擒匪由雒河一帶。紛竄渦河。官兵南北兩岸分路進剿。八月二十五日。崇安等迎擊於耿皇寺。格綳額德楞額分隊奮擊。斃賊三

百餘名。二十七日。進剿擒首。襲得一股。遇賊於劉奶奶廟。崇安督率馬步齊進。復殲斃數百名。本月初一日。該匪搭造浮橋。紛突北岸營盤。官兵分路兜抄。乘勝過河。生擒二十餘名。落河淹斃者不計其數。著英桂督率兵勇乘勝進攻。先將盤踞龍山之張逆一股迅速掃平。以期次第殲除。毋再延緩。諭軍機大臣等。英桂奏擒匪竄擾渦河兩岸。勦辦獲勝。並布置情形。一摺。前因福濟奏巢縣賊匪眾多。

聖鑒事

奏

親督勦辦。未能前往臨淮。業經降旨允准。本日據英桂奏稱。擒匪於渦河南北兩岸。紛擾邱聯恩。崇安會勦得勝。現今其將龍山大股迅速掃蕩。以遏北竄。並令袁甲三駐劄亳州。嚴扼南路。兼顧西路。布置尚屬周密。惟福濟未能前赴臨淮。英桂於勦匪事宜。更屬責無旁貸。著遵照前旨。統帶兵勇。剋日出境督辦。以期迅速。歲事。毋許株守。陳州遷延觀望。自干咎戾。前令飭查西陵阿崇安。由雒河退守。

何以日久並未奏英桂向來辦理一切均覺遲緩著迅速覆奏將此由六百里諭令知之命山西巡撫王慶雲每月籌銀三萬兩陝西巡撫吳振械每月籌銀二萬兩按期運解揚州糧臺以資協濟以克復安徽廬江等處出力賞副都統麟瑞巴圖魯名號協領玉琨都司恩祿防禦伊青阿德克積納守備賴國恩張言和王傳訓同知辛本梅等花翎驍騎校忠祥等藍翎餘升敘有差賞浙江

省乙卯科鄉試年老副貢王文治舉人丙寅

上幸萬壽山諭內閣順天府奏請將稟報蝗蝻不實各員分別議處一摺順天府屬文安縣窪地急流口等十餘村蝗蝻甚多傷害禾稼該署知縣樊作棟輒敢以蝻子萌生撲買淨盡及飛蝗過境並未停落等詞含混具稟仍復催徵錢糧實屬玩視民瘼委員黃村巡檢朱澄候補知縣潘鑑候補知府張健封先

後稟報均照該署縣原稟申覆亦屬扶同蒙混樊作棟著先行交部嚴加議處撤任聽候部議朱澄潘鑑張健封均著交部議處又諭怡良趙德轍奏請減免咪喇堅未繳關稅一摺上海通商各國應交江海關稅銀因上年匪徒滋事貿易未能照常商情苦累曾經諭令該督撫酌量覈減茲據查明咪喇堅國積欠稅鈔銀三十五萬餘兩該國使臣情願繳銀八萬一千五百餘兩又從前已納稅銀

二萬七千六百餘兩其未繳銀兩為數尚鉅惟念該國商力拮据係屬實情所有咸豐四年六月十八日以前咪喇堅欠交稅鈔銀兩除業經呈繳外餘著加恩概行豁免以示體恤予江甯殉難把總徐容光祭葬世職丁卯遣官祭

都城隍廟諭內閣勞崇光奏請將失察屬員通匪之署知縣議處並將牽控各紳革審等語廣西貴縣五山汛巡檢劉裕琨與首匪

馮二等暗通往來經勞崇光飭委該署知縣
拏問訊取確供業於軍前正法署貴縣知縣
候補同知李嘉年雖經密稟拏辦究屬失於
覺察李嘉年著交部照例議處至各紳民呈
內牽控該縣紳士候選教諭李棟榜候選縣
丞黃鼎鎮舉人黃慶蕃貢生黃鼎鑄均著一
併斥革歸案審辦○又諭勞崇光奏壯勇越
境滋擾請將不能約束之知縣革職等語廣
西雄容縣知縣楊毓麟於該縣把總林長春

中書未字

王

縱勇搶掠永福縣地方不能約束亦未據實
揭報迨經撤任飭查仍敢飾詞瀆辯實屬荒
謬除將把總林長春拏獲就地正法外知縣
楊毓麟著即行革職以示懲儆並著該撫將
該革員妄殺團長一案確切查明據實具奏
○諭軍機大臣等怡良等奏味首欲赴天津
現在設法羈縻一摺覽所奏情形該首狡悖
已極既經藍蔚雯等諭令回粵自應力持定
見總以飭回廣東為要前據葉名琛奏該首

伯駕於咸豐四年在粵與各股匪首密相往
來揚言粵匪必能成事迨官兵將各匪勦平
該首自覺無顏夷商亦為之不齒此次去而
復來終懷忿忿欲別出己見以掩眾人恥笑
是其欲赴天津實非啖噉二國夷酋之意故
該二國夷酋雖有照會廣東之文一經葉名
琛阻止並未駛至上海況通商以啖夷為首
味噉皆後來推及不應味首先出講話前據
王懿德具奏業經將該夷所遞國書發還諭

中書未字

王

令折回廣東今復至上海求請欽差至江浙
會議等語皆係違背從前和約謬妄已極該
督等業已正言開導如再嘵嘵祇可置之不
理本日已諭知桂良如果該首駛抵天津不
必派大員與之接見但嚴禁沿海奸民與之
私相貿易並諭知崇恩於山東海口一體查
禁使其無利可圖以杜其北來之念怡良等
但當告以通商事宜非廣東不能奏辦別省
不敢上聞如其仍前狡執必欲駛至天津亦

不必過於阻止恐該酋疑我畏其北來益復藉詞挾制諒怡良等必能體會此意妥為駕馭也此次入奏之事及將來續有奏報均不得使該酋聞知一切勸諭之詞皆作為該督等自出己意是為至要再昨據德興阿等奏八月二十五六等日有長髮屍骸由觀音門漂淌出江內有結連網縛及身穿黃衣黃褂者探係金陵逆賊內亂自相戕殺首逆楊秀青已被殺死並殺楊逆黨與甚多等語如果

實錄卷一百一十七

主

屬實正可乘此機會設法進兵怡良等諒必亦有探報著將詳細情形附報具奏將此由六百里密諭知之又諭怡良等奏咪首欲赴天津現在設法羈縻一摺據稱咪喇堅夷首伯駕奄師大郎等先後駛抵上海經署蘇松太道藍蔚雯詢其來意據云現因十二年之期屆滿該國王給與國書今其入京呈遞尚有酌辦事件欲往天津等語本日已諭令怡良等作為己意以通商務應由廣東查

辦天津非通商海口該酋等此次再往恐不能如上次之請派欽差接見徒勞無益妥為開導惟該夷欲赴天津藉口要求實為私銷違禁貨物起見設蘇省不能阻止竟行北駛著桂良飭令地方文武嚴密防範毋令沿海居民及商漁船等與該夷交接私銷貨物其有奸民接濟食物者一併禁止如其進口投遞夷書不必派大員與之接見即令曉事員弁告以此處非通商之地上年該夷違例前

實錄卷一百一十七

主

來已蒙大皇帝格外加恩派員款待此次再來本省總督不敢入奏亦斷不能再派欽差前來與爾等講話爾等有何國書投遞即照例往請兩廣總督具奏如此曉諭觀其如何動靜密行馳奏其大沽等海口應如何豫備並著悉心籌辦亦不得稍涉張皇至海口員弁務當早為密諭如有夷船到口奸民私與銷貨者嚴拏治罪該員弁等不能先時申誠查禁不力即著從嚴叅辦該夷酋等無利可

謀或可杜其北來之念事關海防重務桂良
務宜實心籌畫毋稍疏忽將此密諭知之○
以刑部尚書趙光為武會試正考官翰林院
侍講學士殷兆鏞為副考官○以廣西永安
州勦匪出力賞把總陳培桂花翎生員陳淬
鋒等藍翎餘升擢有差○以拏獲私販硝磺
出力賞南河河標副將聯昌花翎餘升補有
差○以拏獲雲南彌勒逸匪出力予訓導張
潤等升選有差○改鑄江蘇鎮洋縣知縣印
信從巡撫趙德轍請也○以廣西柳州督勦
艇匪不力摘知府孫蒙遊擊湯遇珍頂帶責
令隨營效力○以廣西平南縣城被賊竄陷
帶兵千總崑芳蘇海方源分別治罪予殉難
知府李載文參將曾廷相張遇清都司唐文
燦守備張彪縣丞韋載信教諭傅揚清把總
呂耀文外委張珽祭葬世職貢生傅揚芬生
員吳國霖賞卹如例○戊辰予江西陣亡理
問李芬曾承暉知縣葉圭萬顧友仁縣丞史

平定縣志

卷七

書勲許彤封從九品葉圭垣石正新陶燮陳
步需典史姚家浚未入流鄒慶雲千總楊錦
春張朝樑盧從龍艾國興把總董占福等祭
葬世職增生廖仁等賞卹如例○蠲緩江蘇
蕭碭山二縣並徐州衛被擾莊屯新舊額賦
蠲緩江西興國鄱陽上饒德興新建豐城
進賢餘干樂平浮梁南昌萬年清江新淦新
喻峽江蓮花廬陵吉水永豐泰和安福二十
二廳縣被兵被水被旱地方舊欠額賦○已
已諭軍機大臣等恆春奏逆匪捏造偽文糾
眾倡亂並浪穹縣失守現籌勦辦等語逆匪
趙子澄等本係上年鬧糧戕官逸犯輒敢捏
造偽文煽惑良民糾眾抗官殺傷練勇不法
已極必應趕緊撲滅毋令勾結黨與日事蔓
延五洞十一鄉居民業經該督剴切曉諭務
當散其脅從使賊勢日孤勦辦自易為力所
調鎮草鎮官兵二千名既有粵餉堪資接濟
諒即馳赴銅仁援勦著即督飭韓超扼駐印

平定縣志

卷七

水會同蔣玉龍激勵民團實力防勦勿稍疏
失一俟大兵東下即可次第收復至大理府
又有回眾數千屯聚所屬浪穹縣於八月初
六日失守實在情形舒興阿諒已奏報在途
現在匪勢猖獗恆春前調四川官兵二千已
據樂斌奏以該省無兵可調僅派遊擊鍾琦
帶兵一千名赴鎮遠協勦此項官兵即著恆
春察看緩急情形酌量調撥並著舒興阿會
同提督文祥先就現有兵力勦撫兼籌迅圖
克復恆春現在黔省勢難兼顧雲南舒興阿
身任巡撫責無旁貸著即督飭文武妥籌辦
理毋得日久遷延自干重咎將此由六百里
各諭令知之○以貴州都勻清江府廳城被
匪竄陷總督恆春巡撫蔣蔚遠下部議處副
將陳得功革職逮問

實錄卷二百七

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七

實錄卷二百七

三十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八

[illegible]

咸豐六年丙辰九月庚午遣官祭

歷代帝王廟○諭內閣。怡良奏克復高瀆縣。治進取漂水。句容一摺。逆匪占踞高瀆縣治。總兵傅振邦克復東壩後。親督大隊進剿。該逆入壘抗拒。參將李定太等攻被賊壘。追至湖濱。轟燒賊船數十隻。回縣摻捕餘匪。高瀆一律肅清。遂即進取漂水。總兵張國樑既克寶堰賊巢。進攻枝堯里巢穴。賊眾分股來犯。張國樑復飭精銳包抄殲斃極多。把總韋明堂。張順和首先搶殺頭目二名。現在移營近

清實錄
咸豐六年九月下

偏句容縣城剋日進勦著怡良卽飭該總兵等迅速圖攻以期漸次埽蕩盡殲羣醜○諭軍機大臣等本日據何桂清奏甯國攻勦喫緊秦如虎不能往守東壩等語秦如虎駐劄定埠以保皖浙門戶並分兵進劄水陽杜賊援應自未便調防東壩致建平一帶空虛復據怡良奏已飭秦如虎回駐定埠並派提督德安帶兵勇二千餘名扼守東壩自應如此辦理現在克復高淳傳振邦已調漂陽防兵

一千名駐劄防守大軍即可步步為營由茅公鋪等處分路為進攻漂水之計張國樑營盤逼近句容縣城逆勢已感著即督飭將弁兵勇力圖克復漂水句容二縣為內犯要路此時兵勇已集加以民團得力攻勦自易得手據何桂清奏金陵逆匪自相戕害楊秀青已被韋逆殺斃各營探報皆稱確有是事與德興阿前奏相同逆匪內亂開城一月怡良等曾否探明儻有機會可乘時不可失和春

已報由廬州啟程。即日馳抵丹陽。正可會同籌辦。以殄賊氛。鄧紹良攻勦甯國。尚未克復。據何桂清奏。江南軍務。日有起色。儻日後皖南軍情喫重。請仍由大營分兵。與浙省隨時策應。著怡良等。察看該處緩急情形。統籌全局。與何桂清咨商妥辦。不致顧此失彼。是為至要。所有高湍失守日期。並署知縣楊承忠。及文武各員下落。著怡良等查明具奏。將此由六百里諭令知之。○浙江巡撫何桂清奏。

報浙省軍情。並內防本境外保鄰封。援勦助餉事宜。得旨。汝數載艱辛。實為浙省保障。浙省獲全。則江南大營。方無牽掣之患。汝功居多也。○以詹事府詹事翁同書。充日講起居注官。翰林院侍講學士吳福年。右春坊右贊善郭驥遠。翰林院修撰張之萬。編修胡瑞瀾。署日講起居注官。○以江蘇勸辦釐稅出力。賞批驗所大使韓崇花翎。餘升選有差。○以江甯節次勦賊出力。賞侍衛永恰布。協領順

庭。武精阿。佐領保廉烏里伸。達克阿。威恩防禦阿昌。阿都司陳雲彪。守備周顯親等。花翎千總張鴻漸等。藍翎副將王浚。以總兵官用。餘升補有差。○撥直隸倉穀三萬六千四十石。銀三萬兩。制錢九萬串。分別賑給。固安。永清。東安。開東。明長。垣。六州縣饑民。命按察使吳廷棟。清河道董醇。分路稽查。覈實散放。○辛未。貴州巡撫蔣蔚遠奏。黔省兵單餉絀。戰守皆難。並自陳病狀。得旨。黔省艱難。誰不知

之。汝若因籌畫無方。補救無術。自請治罪。尚。可。茲乃歷陳病狀。並無辦理之法。竟欲罷斥。回旗置身事外。如此居心。殊負委任。近已有旨。將恆春與汝交部議處。亦不必治罪。試汝知慚愧否。○以擅離江西貴溪防所。已革在籍道員石景芬。發往軍臺效力贖罪。革訓導楊敬資。曾守誠職。仍令帶勇。以觀後效。○壬申。諭內閣。現在恭纂

皇考宣宗成皇帝實錄。業已告成。恭進時。應奏

派員子公以下宗室官員分司齎捧親王郡王貝勒等左右護視以昭虔恪著宗人府會同禮部查照道光年間禮節敬謹具奏○又諭御史錢以同奏請嚴禁官吏賣荒一摺國家愛養黎元凡值水旱偏災無不立沛恩施蠲緩錢漕地方官吏應如何秉公籌辦以期實惠及民若如該御史所奏江蘇省蘇松等屬州縣每遇蠲緩之年書吏輒向業戶索取錢文始為填註荒歉名為賣荒出錢者雖豐

收亦得緩徵不出錢者雖荒歉亦不獲查辦甚至不肖州縣通同分肥以致開徵時有抗欠鬧漕等事玩法殃民實堪痛恨本年江蘇被災被擾地方除業經降旨分別蠲緩外其餘各屬尚在查勘著怡良趙德轍嚴禁前項情弊如有書差人等仍敢賣荒舞弊該州縣不加查禁任令向應蠲緩之戶需索註荒使費者除將書差從重治罪外並將該州縣嚴行叅處其業戶向通書吏以熟作荒蒙混

射利者一併嚴懲以清漕弊而紓民困○又諭英隆奏請將玩視礦務之商人懲處一摺熱河平泉州所屬鉛硃溝地方承辦銅礦之商人戚大祥宋友梅戴啟運前因辦有成效各給予議敘職銜茲據英隆奏稱戚大祥挖欠工價以致礦夫各散宋友梅不遵該道批示擅自回籍戴啟運託故進口久未回廠均屬玩視礦務戚大祥宋友梅戴啟運著一併摘去頂帶責令妥辦儻仍不知奮勉即著嚴

加懲治○又諭英桂奏江豫各軍勦匪獲勝一摺所稱徐州官軍在鐵佛寺地方獲勝情形業經邵燦庚長奏報其河南官軍於九月初五日密渡吳家河直取馬村橋口該處匪眾悉力來拒總管格綢額營總關保各督馬隊併力直前總管德楞額副將樂善埋伏馬隊齊起抄截匪眾不支紛紛敗退官軍追殺三十餘里斃賊千餘名落河淹斃者不計其數現在邱聯恩崇安等由西路進兵史榮椿

興慶明山等由東路進兵會合豫軍實力夾擊著英桂即飭各該總兵迅速進剿務將各處匪巢次第掃蕩毋稍延緩○又諭曾國藩奏請將已革知縣免罪留營等語已革安徽貴池縣知縣李沛蒼前經福濟以擅離職守奏參降旨將該員革職治罪嗣因該革員向該撫稟訴離任請兵並留甯國辦事俱有案可查該府龔培元不為聲明復因福濟奏請訊究茲據曾國藩奏稱前因道員何桂珍帶同該革員赴九江軍營襄辦營務承審案件兩載以來頗稱得力懇恩免其治罪留營當差李沛蒼著准其免罪仍留江西軍營交曾國藩差遣仍著福濟將該革員所遞親供傳該府龔培元詢明辦理○諭軍機大臣等本日據英桂奏遵覆飭查各情仍請暫駐陳州並請令福濟駐劄蒙城史榮椿駐劄臨渙等語覽所奏情形總以防賊西竄陳州為慮試思該匪現在分踞渦河南北勢甚猖獗非急

加痛剿豈能絕其窺伺之心如必以坐鎮為防則應防地方豈止陳州一處福濟鄭魁吉現俱前赴巢縣勢不能兼顧蒙宿即據英桂現奏北路責之西凌阿徐宗幹亳州責之袁甲三蒙城一帶豈可聽其漫無統屬如果該撫親督進剿何至屢稱呼應不靈著英桂仍遵前旨相機出境毋得徒有居中調度之名轉致遷延株守至樊城土匪滋事湖北司道大員多在襄陽自應設法撲滅該撫既經札飭慶德邊浴禮周煦徵先後馳往又調南陽鎮兵前赴鄧州新野自己足資防堵當此剿匪喫緊之時豈可將邱聯恩一軍率行改調著英桂即飭該總兵速行折回隨同進剿毋涉張皇至察哈爾官兵由京啟程不日即可到營此項馬隊會聚則能得力不可各路分撥致成單薄將此由六百里諭令知之○兵部以武會試中額請得旨滿洲蒙古取中二名漢軍取中三名奉天取中一名直隸取中

十一名。陝甘取中一名。廣東取中二名。河南取中五名。山東取中四名。安徽取中一名。山西取中一名。湖北取中一名。四川取中一名。廣西取中一名。福建取中一名。浙江取中二名。雲南取中一名。○以前任伊犁參贊大臣圖加布。為西甯辦事大臣。○以江西瑞州剿匪獲勝。並收復靖安。安義二縣城。賞都司彭山。岷守備萬泰。花翎。餘升補有差。○予江西南陣亡在籍知府楊堃。知縣諸葛槐。縣丞馬長。感。巡檢吳毓濬。從九品周光裕。外委曾瑞芳。黃兆麟。祭葬世職。貢生陳德亮等。賞卹如例。殉難知府何栻。妻薛氏。暨其三女。均建祠立坊。隨從僕婦等。一併附祀。○予安徽陣亡佐領訥勒佈。祭葬世職。領催珠勒剛阿等。賞卹如例。○癸酉諭內閣。福濟。鄭魁士。奏攻克無為州城。一摺。安徽無為州城。久被賊踞。八月二十八日。經該撫派委。即選知府李元華。督帶練勇。由盛家橋等處進剿。適遇悍賊數百。

擄糧下河兵勇。兜圍殲斃。九月初一日。西南兩門之賊。分路攻襲。亦經我軍殲斃無數。隨於初二日夜間。四面設伏圍攻。先將東西兩門沿城賊房焚毀。兵勇蟻附登城。該逆潰逃。各門據殺。約計斃賊二千餘名。生擒百餘名。隨將州城克復。敗逃之匪。復被沿途圍練。截殺一千七八百名。此次剿辦。尚為得手。著福濟等。嚴飭水陸各軍。合力堵剿。以冀肅清。○諭軍機大臣等。恆春奏雲南回匪猖獗。擬回滇籌辦。並請簡專員督辦貴州軍務等語。據稱滇省自楊林至平彝一帶。徧地皆匪。彌勒邱北兩縣回匪。復勾結猥匪。乘間竊發。激活臨安兩府。幾無完區。海口未能獲勝。姚州亦未收復。浪穹失守。大理被焚。開化亦有回獮滋擾。是該省情形。較貴州尤為喫重。恆春在黔。既恐往返札商。緩不濟急。著即折回雲南。督兵進剿。此時該督自不能徑趨省城。著即沿途偵探。何處匪蹤最重。即由何處進兵。先

將兇悍大股撲滅一二處其餘自可聞風斂跡然後徐圖埽蕩勦撫兼施方能次第奏功回民族類繁多勢不能概予芟夷則解散之術亦不可緩著該督廣為示諭除實在戕官撲城逆跡顯著不能赦宥外其脅從及良善之回概置勿問則逆回勢孤良回心安勦撫皆可得手總當審度機宜迅速籌辦至貴州匪勢蔓延勦辦亦甚喫緊孝順素有勇略著即督辦該省軍務仍會同蔣爵遠籌辦所有

川滇官兵及本省兵練悉歸該提督調度在事文武員弁統歸節制務將失陷城池一律收復以副委任其被戕之雲南迤西道林廷禧署參將懷唐阿等著恆春查明請卹將此由六百里加緊各諭令知之又諭福濟奏請飭陝西山東按月撥餉並酌議淮北鹽課等語現在各路軍餉匱乏皆恃山陝兩省接濟陝西省每次解赴廬州餉銀疊據奏報或二萬兩或三萬兩不等本日復諭知吳振械

照該撫所請五萬兩之數先行籌解數月以資接濟矣山東省自黃水成災辦理賑務已形支絀今歲又有被旱被蝗之處勢不能更解皖餉至淮北鹽課本係分解揚皖兩營本年江北地方蝗旱成災各屬地丁釐捐均形短絀揚營兵餉亦甚艱難從前皖二揚一章程未便議復且據怡良庚辰前奏正陽三河被匪竄擾票販星散鹽課擄掠無存是此項課銀總須捻匪肅清行銷有路方能有款可

撥當此籌款維艱該撫仍當力籌設法迅圖減賊以冀地方正項漸可徵收其淮鹽引路尤應亟籌疏通庶使餉有來源未可專恃撥款致有貽誤將此由五百里諭令知之○命陝西巡撫吳振械每月籌撥銀五萬兩解赴安徽廬州糧臺以資接濟以隨同克復安徽無為州城復知州林蘭職以福建籌辦米石出力賞按察司經歷項建綸藍翎餘升補有差甲戌加賞京師普濟堂功德林資

賑小米二百石。乙亥諭內閣葉名琛奏。潯州艇匪下竄。攻破平南。催兵進剿。一摺。潯州艇匪因先後大水漲發。乘勢下竄。攻破平南縣城。戕害文武員弁。情形甚屬猖獗。著該督趕緊催令崑壽督率水陸兵勇。會同廣西文武員弁相機追剿。迅圖撲滅。其前次議卹之署參將張遇清。並著開復頂翎。至所稱不知下落之千總崑芳。著查明仍遵前旨。與千總蘇海方源分別嚴懲。以昭炯戒。○又諭承志。

善燾奏查勘盛京宮殿情形。應行修理一摺。據稱盛京宮殿因連日陰雨。有坍塌滲漏處所。宜即勘估興修。著派慶祺親詣該處。詳細查勘。分別應修應緩具奏。其嘉蔭堂前并仰熙齋殿內。應如何改修之處。著一併查明繪圖具奏。○諭軍機大臣等。官文胡林翼奏襄陽匪徒滋事。派兵勦捕一摺。前據英桂奏襄陽縣匪徒聚眾滋事。已飭總兵慶德等調撥官兵嚴密防堵。本日官文等所奏滋事情形。

大略相同。襄陽地居孔道。該匪徒勾結被旱貧民。肆行焚搶。且據該督等稱探聞北方股匪甚多。實為心腹之患。著官文胡林翼將調出兵勇。飭令星馳前往。即飭馬秀儒等會同常恩迅速撙剿。務絕根株。毋任延蔓。一面知照河南官軍會同兜捕。以免此拳彼竄。該處貧民因被旱荒。致為匪徒煽惑。自應亟籌解散。庶不致重煩兵戈。襄陽等屬被旱成災。何以久稽奏報。著官文等速派妥員查勘。將應

行蠲緩撫恤之處。即日奏聞。以紓民困。襄陽府知府海順等已據該督等奏懲處。惟布政使馬秀儒升任安襄鄖荆道。羅遵殿均有地方之責。於被旱輕重情形。自應確切查明具詳奏辦。何以遲延未報。致釀事端。並著官文等查明奏。將此由六百里諭令知之。○又諭官文胡林翼奏請飭催各該省按月濟餉等語。楚北武漢南北兩岸水陸各軍餉需。專恃山陝四川等省協濟。現在攻剿正當喫

緊本省餉需無從籌畫必應源源接濟以期迅速歲事惟所請按月解銀五萬兩之處儻各該省力有未逮亦必得每月各籌措銀三萬兩如期派員解赴糧臺毋稍延誤至現在襄陽匪徒滋事道路戒嚴山西解餉委員著飭令取道南陽至棗陽縣所屬之張家集前進陝西委員或由商州至荊子關入楚徑至光化縣尚無梗阻著各該撫於起解時派員分投確探一面飛咨官文等迎提以昭慎重

實錄卷五

五

將此由五百里各諭令知之○又諭扎拉芬泰奏俄夷遣官會議燒失貨物案內大概情形一摺此次該夷官來至伊犁不肯領回燒賸貨物專以議賠為詞顯與通商章程不合該將軍等據理折辯所辦甚是民夷互有爭執必應先論事理曲直方能平情剖斷今此案啟釁根由既由該夷驅逐金夫殺斃民命所致咎由自取况燒搶貨物之犯業經嚴拏治罪兩造已可相安豈有不論案情但索賠

償之理著扎拉芬泰等密加體察如係匪蘇勒官從中播弄即一面咨行該國西畢爾衙門詳細告以曲直原委令其諭知遣來之夷官一面向該夷官明白開導使不致為浮言所惑總須堅持定議不可允其賠償即將來萬不得已或有設法貼補該夷之處亦不可居賠償之名致壞成約其措詞一切務宜平心靜氣勿致滋生事端至該夷官所稱應賠貨物已將帳目帶來難保非因貨物燒搶無

存任意開報其詳細數目實在被燒之貨約值若干總須由塔爾巴哈台就近訪查該處通商事宜皆係已革防禦薩碧屯已革筆帖式阿弼善經理其中底細不得謾為不知即該處華商資本力量亦所深悉前經諭令明誼責成該革員等將此案設法辦理如俄夷有藉口要求情事即惟該二員是問今俄夷一味索償該二員豈得置之不問著明誼即飭該革員等詳細訪查究竟被燒貨物若干

值價若干先得一確實數目。方免該夷狡賴。如銀數無多。或令華商分年減半通融貼補。若干成亦須體察該商力量。方能酌辦。並著明誼妥速確查。籌議具奏。此係豫防俄夷始。終堅執為不得已之退步。該將軍大臣等。不可遽存遷就之心。總以先論曲直。力申定約。為正辦。勿使該夷豫知。可以通融。益肆要挾。也將此各諭令知之。○以疏防湖北襄陽匪徒滋事。革知府海順。知縣伊勒哈圖。遊擊成福。郭榮茂職。仍留任。○予廣西陣亡把總梁福。外委壽友仁。祭葬世職。額外外委王廷佐等。賞卹如例。○丙子。荊州左翼副都統載增等。奏襄陽突起匪徒。焚掠樊鎮。現已派兵合剿。得旨。荊州防兵。固為保守荊州門戶。然以剿為防。豈不勝於株守。若賊氛較近。亟宜迎擊殲除。萬萬不可撤退。○貴州巡撫蔣蔚遠。奏思州府知府張瀚中。前往銅仁招撫糧戶。聞逆匪趙子隆來郡攔劫。情急自戕。得旨。該

府自戕情形甚屬可疑。該員之家丁胥役。有無別情。亟應確切根究。勿稍有不實不盡之處。以鞫辦貴州近省匪徒出沒。賞都司黃廷超。守備林逢春。知府徐錫金等。花翎守備張占鼈等。藍翎餘升補有差。○丁丑。諭內閣。前據大學士文慶等。進呈前任巴里坤領隊大臣三等侍衛孟保。繙譯大學衍義一書。當交鑲黃旗漢軍校刊。並派侍郎穆蔭協同校閱。茲據文慶等奏稱。督同繙書房司員等。詳加校訂。並發交該旗印務章京。會同孟保。刊刻成書。朕覆加披閱。均係欽遵乾隆年間。欽定繙譯四書五經通鑑。各按新語。詳加釐定。因思宋臣真德秀此書。因大學條目。纂集經史考證得失。於聖學治道。均有發明。康熙十一年間。我

聖祖仁皇帝。特命翰林院掌院學士。福達禮等。

繙譯頒行。顧其時滿洲新語未備。引用經史。皆係舊語。對音切字。有未經繙譯成文者。又

止清文單行未及增註漢字今既引用新語又成滿漢合璧開卷瞭然洵足為士子編摩之助著將刊板交武英殿刷印頒行俾在京八旗及各省駐防同資講肄用副朕稽古同文精益求精至意○又諭理藩院奏遵議台吉捐輸馬匹查照新章請旨獎敘一摺錫林果勒盟沙巴噶扎薩克頭等台吉杜噶爾布木所捐馬一千二百匹業經驗收收放該台吉情殷報效著賞給鎮國公銜並賞加四級

實錄卷八

七

以示鼓勵其盈餘捐數著理藩院查明該台吉子孫照例給予獎勵○蠲免河南商邱永城鹿邑夏邑甯陵虞城柘城七縣被兵地方積欠漕糧緩睢濟源二州縣新舊額賦○戊寅

上御勤政殿聽政○諭軍機大臣等倭什琿布奏滿洲營支放五成兵餉擬搭大錢並請飭部籌撥五年欠解餉銀一摺已批令戶部速議具奏矣復據另片奏兵丁拮据情形現雖

以銀錢分別搭放若不將原議五成現銀如數撥解恐致過形窘迫關繫邊防等語所奏均係實情邊疆要地兵餉最關緊要若不迅籌接濟恐軍心渙散甚至鼓譟生變但部撥款項一時未能即到著易棠照倭什琿布所請將甘肅省咸豐五年應找烏魯木齊協餉欠項及本年應撥五成實銀先行設法陸續措撥以資接濟將此諭令知之○又諭御史李培祐奏滇省逆回猖獗請簡派大員勦辦

實錄卷八

七

一摺雲南回匪滋事姚州浪穹相繼失守大理復被焚燒勢極蔓延昨已諭令恆春折回滇省探明賊蹤相機勦辦舒興阿駐劄省城即可督率將弁為內外夾攻之計以期漸次肅清但恐該撫一人籌畫調度未能周到著派藩司桑春榮並暫留臬司清盛隨同舒興阿辦理勦捕事宜該撫於本省漢回互鬪之案既未能弭患於事先又不能迅勦於事後以致該匪戕官踞城到處焚殺若再不知奮

勉力贖前愆自問當得何罪據該御史奏海口為近省要路省中糧米不能接濟必致坐困嵩明馬龍霑益各州縣為進京要道今被該匪截踞必應將此兩股逆匪先行撲滅毋令久踞至大理府北通永北麗江南通景東順甯西上永昌騰越東下楚雄為全省屏障尤應招集團練藉資攻剿據奏雲州順甯永昌騰越等處土司所管練勇及維西協所轄猺獠夷練皆屬矯健堪以調用在籍紳士前任湖南衡永郴桂道張其仁前任浙江衢州府知府楊炳鐸前任兵部主事改用知縣王鈞紳皆公正可靠土司左大雄勇於打仗為回匪所畏若令管帶土練必能得力著該督等體察情形酌量調撥土練即飭土司左大雄管帶協同官兵勦賊並飭該紳士會同地方官籌辦團練合力防剿至所稱滇省武弁回人居多聞提督帶兵三百前赴楚雄即有回兵百餘名打仗盡放空槍當被查出遣回

此等回弁在營難免與匪黨暗通消息然或遽加遣撤轉恐生其疑貳之心該督等務飭帶兵各員密為防範毋得控馭失宜致滋內訌將此由五百里各諭令知之○以候補都察院左副都御史程庭桂為都察院左副都御史大理寺少卿孟保為大理寺卿○乙卯諭軍機大臣等前因御史錢以同奏江蘇省官吏賣荒舞弊當經降旨著該督撫嚴查懲辦本日復據御史張雲望奏請嚴禁江蘇州縣浮報荒數並捏造抽換花戶名冊一摺據稱該省州縣於荒數則浮報於完糧之花戶名冊則捏造抽換其弊總由解存司庫之串根民間不得而知藩司亦無從覈對故熟田可浮報為荒而徵收以入己蠲免之糧可不註荒而勒令完納其應緩者復豫徵之而假民欠為詞輾轉延宕終歸無著以致課額不裕民困不蘇玩法殃民實堪痛恨著怡良趙德轍將該省州縣所報荒數查勘確實並令

州縣於完漕串冊造成後先行解司於騎縫
蓋用藩司印信以清積弊儻州縣有浮報荒
數即著嚴叅懲辦該御史另片奏蘇省現因
亢旱河水盡涸請於現在收養之上江流民
內擇其丁壯開濬河道為以工代賑之舉並
著該督等體察情形設法籌辦原摺片均著
鈔給閱看將此諭令知之○又諭戶部奏遵
旨速議籌撥黔餉一摺據稱請先撥銀二十
萬兩在於山東各省款內籌解並擬請飭廣
東將前撥協黔銀兩陸續起解等語貴州例
放兵餉自上年夏季至今未發情狀實屬窘
迫著照戶部所請在於山東河南陝西應解
京餉項下各籌銀五萬兩四川無論何款籌
解銀五萬兩共湊成二十萬兩之數山東河
南距黔較遠恐所撥銀兩一時未能解到著
先由四川陝西無論何款各籌墊銀五萬兩
就近解黔以資接濟並著樂斌吳振械英桂
崇恩即將所撥應解應墊各項銀兩刻即委

員解赴貴州毋得藉詞延宕其四川陝西籌
墊銀兩仍著山東歸還陝西銀五萬兩河南
歸還四川銀五萬兩迅速起解以清款項至
廣東應解貴州餉銀本有籌備協黔軍餉銀
二十萬兩尚有壬子年撥潮橋引餉未解銀
五萬兩乙卯年應解銀六萬兩丙辰年應解
銀二十五萬兩亦應一併籌撥惟為數甚鉅
著葉名琛將前項銀兩陸續起解俾得源源
接濟以應要需將此由五百里各諭令知之
賑山東河南江蘇安徽浙江被水被旱被
蝗災民銀米有差庚辰
上幸靜明園諭軍機大臣等奏定三奏連日
進攻情形請添兵助剿一摺據稱該提督於
八月三十日移營陳家鋪進攻桐城東門九
月初一日至十二等日連次接仗互有殺傷
現在安徽潛山太湖之賊紛紛來援所統官
軍僅一千名兵力太單義勇又難期得力請
飭福濟等就近撥兵二千名助剿等語福濟

等現攻巢縣原須厚集兵力惟桐城為安慶門戶亦關緊要自應皖左皖右併力籌攻以分賊勢秦定三所統僅貴州兵一千名實屬過於單薄著福濟鄭魁士挑選得力兵勇二千名派員帶赴桐城聽候秦定三調遣儻不能足二千名之數亦須挑派一千數百名前往以資攻剿毋稍遲誤將此由五百里諭知福濟鄭魁士並諭秦定三知之○又諭官文奏請飭湖南省招商販運米穀接濟民食兵

糈等語據稱湖北各屬夏秋亢旱客米來源稀少價值過昂兵民糴食維艱該省向賴四川湖南兩省客米接濟川省近歲收成亦歉無米到楚惟湖南年穀屢豐足資運濟著駱秉章出示曉諭飭屬廣招商販起運米糧前赴湖北售賣所有商船經過關卡應納稅項釐金均著一體免其完納隨時給照放行俾得源源接濟不致缺乏將此由四百里諭令知之○察哈爾都統穆隆阿等奏察哈爾八

旗蒙古官兵自咸豐三年挑撥直隸山東等省出師後餘存精壯無幾現擬出口續挑備調得旨覽奏係屬實情俟查明覆奏並如何變通之處一併妥籌○以校刊繙譯大學衍義告竣予大理寺卿孟保等升敘有差○補鑄湖廣督標中軍副將關防從總督官文請也予安徽桐城陣亡千總王步雲外委唐光得守備銜武舉范樹恩祭葬世職○辛巳孝慈高皇后忌辰遣官祭

福陵諭內閣河南巡撫英桂督辦三省剿匪事宜未能躬履行間出境調度以致匪蹤四竄日久無功實屬辦理遲延英桂著先行交部議處○諭軍機大臣等英桂奏官軍剿匪失利陳州戒嚴並滙陳皖軍呼應不靈各一摺英桂身為三省總統剿辦捻匪疊經諭令督兵出境乃該撫始終株守陳州徒以呼應不靈諉咎於南路皖軍郝光甲等遷延觀望誠屬咎有應得而如崇安此次之接仗失利

則並未參奏豈得謂之賞罰嚴明總由該撫不能親臨行陣以致各路將士無所畏忌功則歸己過則歸人似此毫無把握何日蕝事本日已將英桂先行交部議處以示薄懲現在擒匪已偏近陳州若再不出境迎勦必將該撫從重治罪崇安明係敗退幸賴馬隊救援乃云抄出賊前殊屬可笑著英桂嚴飭該總兵迎頭截擊不准藉口耽延袁甲三此次亦未見跟蹤追勦是否已由鹿邑進兵並著

速行咨催以期前後夾擊至另摺所陳郝光甲等耽延情形經該撫參奏後業經革職示懲何得謂非該撫所能調遣若將該鎮將等同時撤回亦非臨敵所宜現在皖省大員惟秦定三久歷戎行尚堪為各鎮表率俟桐城勦匪接手有人擬令前來統帶皖省兵勇會同英桂勦辦此時自應仍令該鎮將等由東路兜勦若始終不能得力即據實嚴參朕必執法懲治英桂但當一秉大公自足服將士

之心若仍前玩泄則鎮將之不力即該撫調度乖方恐不能當此重咎也將此由六百里諭令知之○又諭據英桂奏擒匪西竄陳州戒嚴並皖北兵勇請飭另派得力大員統帶等語擒匪自潁州回竄以後勢日猖獗現復全股西竄窺伺陳州總由皖豫官軍未能合力兜勦英桂未能躬親行陣以致日久無功已降旨先行交部議處並諭令該撫親督兵勇出省勦辦矣陳州南北兩路經英桂飭令

徐宗幹袁甲三等分頭堵擊惟東路花溝集三丈口等處為擒匪屯聚之所必須得力兵勇從後進攻雖據英桂檄令郝光甲珠克登等進勦該革員等遷延觀望習為故常皖兵無總統大員其勢甚為散漫福濟又因攻勦巢縣不能前往因思秦定三久歷戎行且係提督大員可以統領各鎮前因桐城一路兵力太單曾諭福濟等撥兵助勦著即揀派可靠大員將所撥兵勇管帶前往桐城接辦勦

匪事務即著傳旨令秦定三馳赴蒙城將郝光甲珠克登塔思哈等善為調度俟福濟奏到時再行明降諭旨派該提督會同英桂勦辦擒匪以期南北兩路各有統率之人不致互相歸咎於軍務尚堪補救至郝光甲等現在帶兵仍當責令立功自效儻始終不能得力即將該革員等撤回大營奏請治罪再據英桂奏協濟皖省米麥二萬石現已備齊因運糧道路匪蹤出沒請飭皖省派員迎提較

實錄卷一百一十五

上

為穩妥等語著福濟即派妥員赴豫將此項米麥兌收並確探道路應由何處行走俾無貽誤將此由六百里諭令知之○浙江巡撫何桂清奏陳庫款支絀奉飭撥解江南餉銀請俟皖南等處軍情稍緩力圖接濟得旨撥解江南軍餉必待皖南稍緩未免有需時日仍應迅籌接濟○壬午

上詣

大高殿行禮○還宮○諭內閣易棠奏勦除番

族賊匪生擒首惡並分捕餘匪一摺甘肅拉安族黑番糾結四川果落克等番族占踞青海蒙古游牧並敢竄擾嘉峪關外搶劫餉鞘摺報經該提督索文親率兵勇會同西甯辦事大臣東純馳往勦捕八月初四日該提督帶兵直抵番族插帳之雪山奮力攻擊自卯至酉殲斃甚多復分兵繞至山後於初五日黎明直搗賊帳生擒賊目達洛失齊等二十三名官兵大隊四面環攻共計斃賊一千餘

實錄卷一百一十五

人滾崖落澗者不計其數據獲被擒原賊並奪獲帳房鞍馬牲畜軍械無算立將該族番賊勦洗淨盡此次該提督等勦捕番賊嚴事安速索文東純均著交部議敘出力官弁兵勇准其擇尤保奏所有動支經費既由該提督等籌捐還款著免其造冊報銷捐輸各員並准其奏請獎敘○諭軍機大臣等前經諭令江浙兩省各將護運火輪船飭由圖山關駛入大江交德興阿等調度茲據怡良何桂

清趙德轍奏浙江輪船已於七月底到滬江蘇紳董復另購小火輪船一隻現飭整備齊全即行自滬啟碇等語此項船隻雖據聲稱係商火輪船不及兵火輪船之堅利而靈巧整齊已較內地船隻為勝以之駛行江面焚燬金山賊隄攻克瓜州綽有餘力著德興阿翁同書即日派員前往三江口一帶催提入江即交狼山鎮總兵泊承陞等委弁引帶駛赴上游並於陸路派兵接應先將金山賊隄盡力攻洗以期水陸兩路進克瓜州如果入江後並無阻礙勦辦有效再由怡良等酌量添購與紅單船相輔而行沂流上勦以清江面將此由五百里諭令知之○又諭前據樂斌奏調撥川兵一千名交署參將鍾琦統領由酉陽秀山赴黔與蔣玉龍會合進剿俟苗匪蕩平後此項官兵應否由黔赴滇再由恆春酌奪本日據恆春奏將玉龍駐劄鎮遠與韓超等兵練協同防剿勢不為孤雲南回匪

句結猥人極為猖獗現在大理府失守省城亦為震動較黔省情形倍形喫緊請速調四川兵二千名由霑益進剿等語雲南回匪蔓延通省自應迅速添兵助剿既據恆春奏稱將玉龍一軍無須協助著樂斌即將鍾琦所帶兵一千名改撥雲南並另選精兵一千名連前項官兵共湊足二千名之數剋日啟程由霑益一帶相機進剿四川兵練調撥過多惟現在滇省情形萬分危急該署督務於無可抽撥之中如數調往以資助剿將此由六百里諭令知之○陝甘總督易棠因病解任以成都將軍樂斌為陝甘總督未到任前以甘肅布政使常績護理賞已革直隸布政使張集馨四品頂帶署甘肅布政使○調福州將軍有鳳為成都將軍以西甯辦事大臣東純為福州將軍○調陝西提督鄧紹良為浙江提督未到任前以福建海壇鎮總兵官鍾寶三署理以甘肅涼州鎮總兵官經文代為

陝西提督浙江平陽協副將特克什布為甘肅涼州鎮總兵官以陝西辦理捐輸出力賞在籍宗人府府丞梁瀚知府李宗燾知州陳煦同知馬百齡花翎知縣緱評藍翎按察使銜王篤布政使銜餘升敘有差以拏獲甘肅鎮原匪犯賞知縣多齡花翎餘升敘有差緩奉天開原牛莊白旗堡三處被淹旗地本年額賦

上以孟冬時享

太廟自是日始齋戒三日○癸未

孝敬憲皇后忌辰遣官祭

泰陵○甲申告假回牧御前大臣奈曼扎薩克郡王固倫額駙德木楚克扎布以母病乞展假期允之○撫恤朝鮮國遭風難夷如例

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百八

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九

此二書官刊日課題官士自人士大儒上房地師傳入蜀開領閣事翰林院中阮學士治察欽奉二書事件盡圖史館細裁官成與殿

大學士官理兵部事務加一級又陞一級實績奏修成宮監延廣宮太子太保太常卿明神宗武毅親王官製首飾古士體仁閣

大學士官階詳列以務官理同部事務加三十二級紀錄十六次周祖培總纂官太子少保管理內總書房事務對列大學士樞密

據該處報告：郵政、工商管理、事務、四級隨帶加五級紀錄三、實效、總、官、經、理、講、義、德、服、行、實、大、前、進、上、書、房、規、

予歲少能武官三品鎮守方都統禮部尚書官理不才者滿腹今事勢如一統軍乃四吸隨帶如人級紀錄五次^注 條什庫布等奉

較修

咸豐六年丙辰冬十月乙酉朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

秦陵

泰東陵

裕陵

昌陵

昌西陵

慕陵遣官祭

孝靜康慈皇后暫安寢殿○遣官祭

孝德皇后殯宮○遣官祭

端慧皇太子園寢○頒咸豐七年時憲書○

試中式武舉金振彪等三十八人於太和殿

前諭內閣

皇考宣宗成皇帝實錄

聖訓告成著於十一月初一日受書御殿各該

衙門敬謹豫備○又諭

皇考宣宗成皇帝實錄

聖訓告成前期一日總裁等官恭捧全書送至

保和殿陳設後值日護軍統領會同總管內

務府大臣謹闔殿門多派官員於殿門外周

歷照看尚不足以昭慎重是日著於御前侍衛乾清門侍衛大門侍衛不值班各員內派出二十員於殿外前後輪流坐更小心照看不准在彼然點煙火以專責成○又諭桂良奏持叅疏防文武員弁請革職留緝一摺直隸東明縣城內有鋪民被劫多賊並拒捕傷人重案該地方員弁平時既漫不經心失事後又不上緊緝犯實非尋常疏忽可比東明縣知縣蔡錫申署東明縣典史河工候補未

入流于淵署東明汛存城把總經制外委宋作立著一併革職撤任留於該地方協緝務將賊犯拏獲嚴行究辦○諭軍機大臣等福濟等奏懷遠蒙城一帶勦賊喫緊請飭英桂迅令伊興額帶馬隊五百名前往助勦等語此項馬隊官兵已據英桂奏候察哈爾官兵到後酌量分撥現在察哈爾官兵當已陸續趕到著英桂即飭伊興額將所帶馬隊迅速赴懷遠一帶助勦並據福濟奏水陸賊援由

裕溪神塘河窺伺東關滋擾無為巢城之賊尚有數萬請調察哈爾馬隊一千名來巢聽候調遣等語著英桂於察哈爾官兵到後酌撥五六百名傳旨令穆騰阿管帶迅赴皖省以資攻勦將此由六百里諭令知之○又諭福濟等奏攻勦喫緊請添調山東青州滿洲營兵五百名克州鎮標兵五百名前往助勦自為賊眾兵單不敷調撥起見皖省勦匪正當得手急應厚集兵力著崇恩察看情形能

否於青克二處如數撥往或酌抽精銳數百名赴皖協勦之處迅即遴員管帶並整備軍裝器械飛速啟程交福濟等調遣毋稍延誤將此由六百里諭令知之○丙戌諭內閣恆春奏台拱黃平失守自請嚴譴一摺據稱貴州苗匪肆擾黃平州城於九月十一日夜間被賊攻陷台拱廳城亦於八月二十六日失守恆春等督兵勦辦調度無方實難辭咎恆春將爵遠均著革職留任速飭在事文武將

失陷城池。次第收復。儻再事延玩。必將該督撫從重治罪。懷之。○諭軍機大臣等。苗匪自攻陷都勻後。失守地方。已復不少。既陷者固宜亟籌收復。其逼近寇氛處所。尤應竭力保全。毋使再有失事。台拱去鎮遠較近。設匪眾由該廳蔓延及郡城。則川楚要道。悉致阻梗。於該省全局。殊有關繫。孝順已移營進攻。文德與巴揚阿約攻都勻。其如何速籌東下。援應鎮遠。即著該提督斟酌緩急辦理。仍一面催

令蔣玉龍韓超等督飭兵勇實力攻勦。務宜保全鎮遠。並兼顧舊州等處。毋許再有疏虞。恆春如已回滇。貴州軍務歸孝順總統。蔣蔚遠身任封疆。責無旁貸。著與孝順熟計妥籌。亟圖補救。毋得仍前玩泄。自干嚴譴。台拱黃平文武下落。即著查明具奏。將此由六百里加緊各諭令知之。○革河南巡撫英桂職。暫留任。○丁亥

上幸瀛臺詣

涵元殿拈香。○御紫光閣閱中式武舉馬步射。諭軍機大臣等。怡良奏移營進逼句容。溧水縣城連日攻勦獲勝。並片奏金陵逆賊內亂等語。逆匪占踞句容。溧水二縣。倚為犄角。張國樑傳振邦均移營進剿。連日攻勦斬獲甚多。惟因該逆負嵎死守。未能即時克復。和春現已接受欽差大臣關防。即可乘我兵銳氣督飭各路將弁迅速進勦。怡良仍回常州駐劄。以為後路防範。現在洪逆殺死楊逆

雖探報情形不一。而賊匪內亂當屬可信。怡良等以石逆有前往報復之謠。若徑擣金陵。恐該逆急則復合。是以佯為不知。力攻句容。溧水先行翦其枝葉。所見甚合機宜。張國樑現派間諜潛入賊中。設法離間。散其黨與。和春等一面攻克兩城。一面偵探金陵消息。如有可乘之機。即行馳奏。此次溧水斬獲較多。句容勝仗。我軍亦多受傷。想該逆精銳盡在句容。如能克復此城。盡殲醜類。則兇鋒漸消。

若火輪船入江奪取金山則瓜州在我掌握之中而鎮江賊勢亦蹙和春等務當趁此機會與江北德興阿等聯絡一氣迅奏膚功朕不勝盼望將此由六百里各諭令知之○又諭容照奏州城危急請飭撥馬步官兵會剿一摺宿州境內捻首李大喜等股數甚多現已繞至西北鄉一帶逼近城垣十餘里肆行搶擄且聞五旗捻匪合股來犯宿州西北團練迎敵失利濰溪口又有失守之信勢必併

力窺伺州城雖經容照將署遊擊恩臨及署知州才宇和調回協同守禦而出剿無兵情形實屬危迫昨據福濟等奏郝光甲珠克登等在懷遠疊獲勝仗匪勢漸衰此時惟有移緩就急將該總兵北路兵勇酌量抽撥數百名飭赴宿州交容照探匪所在實力剿擊庶足以挫兇鋒不得株守州城祇圖自衛至福濟等奏請添兵助剿昨已諭令崇恩於青兗二處酌抽精銳交福濟等調遣並諭英桂飭

伊興額馬隊速赴懷遠再調撥察哈爾兵五六百名令穆騰阿管帶赴皖該撫即飛飭郝光甲等剋日啟程毋許藉詞延宕容照片奏周天爵之子周光岳訓練有方請飭督辦團練等語著照所請辦理將此由五百里諭知福濟鄭魁士並傳諭容照知之○命署江甯將軍福興馳赴江西會同兵部右侍郎曾國藩江西巡撫文俊辦理軍務以江南提督和春署江甯將軍○以安徽宿州剿匪出力賞

練總江玉豐等藍翎○戊子

上御箭亭閱中式武舉技勇○御乾清宮引見中式武舉親定甲乙○以甘肅安西協副將朱連泰為涼州鎮總兵官○予四川陣亡把總秦緒遠祭葬世職○己丑

上御太和殿傳臚賜中式武舉一甲王世清韋應麒藍家麟三人武進士及第二甲金振彪等五人武進士出身三甲劉廷棟等三十人同武進士出身○辛圓明園○諭軍機大臣

等本日據載增等奏襄陽逆匪復回撲樊城現催各路官兵進剿一摺據稱匪徒由樊城退去竄入光化縣境窺伺老河口並由馬家集竄赴襄陽縣境呂堰驛焚掠復至離樊城十餘里之李家樓滋擾此股匪徒膽敢勾結黨與肆行焚掠遊擊溫發魁等兵勇迎擊復遭挫折匪勢猖獗已極必應及早撲滅毋令蔓延官文前派常恩帶馬隊九百名諒已馳抵樊城即飭該道會同馬秀儒等奮力攻剿

並著官文察看情形如兵力尚單即由大營添調兵勇馳往協剿或常恩帶兵未能得手即另派得力大員統帶該大臣等一面催兵剿捕一面仍遵前旨督飭地方官將被脅貧民設法解散以孤賊勢荊州重地責成載增富森嚴密設防勿令該匪乘間竄越該署將軍等現催署松潘鎮德恩酌挑精銳官兵赴荊以為後應此項川兵仍應飭令相機前進不可株守一隅致滋貽誤將此由六百里各

諭令知之○庚寅諭軍機大臣等和春奏請飭江蘇派員稽查糧臺報銷辦理釐捐等語軍興以來時逾數載軍需浩繁自應隨時造報以重帑項除廣西委員辦理糧臺前在九江交卸應由該省造報外其自咸豐三年春間由九江以至江南迄今三載有餘糧臺支發用款尤多即著責成總司糧臺之彭玉雯熊我遂款清釐即由江蘇督查趕緊造冊報銷以後江南糧臺一切收放事宜著怡良等

揀派公正司道大員就近督辦隨時稽覈並委員辦理釐捐仍責成各糧臺覈實報銷勿稍混濫至江南軍營勇目繁多委員冗雜自應查明裁汰即著和春隨時訪察分別去留毋令濫等充數將此由五百里各諭令知之○又諭英桂奏大股捻匪退回渦河現籌防剿一摺此次擒匪西竄窺伺陳州英桂即當督飭各路官兵設法兜剿乃僅自守疆圉崇安距城駐劄並未接仗迨該匪由安平集紛

竄英桂又未派兵會合。為前截後追之計。惟怯情形。豈能掩飾。崇安前此敗退。已屬罪有應得。此次追剿。又藉口道路泥淖。任賊遠颺。殊堪痛恨。現在該匪退回。湯河。崇安與袁甲三兩軍。均在亳州一帶駐劄。未能逼近賊巢。著英桂飭令迅速前進。毋任遷延。該撫即未能衝鋒入陣。亦當移營前進。親督後隊。以為各路聲援。俟秦定三督兵前來。即可會商剿辦。機宜將各股擒匪。次第翦除。以靖地方。儻

崇安等仍前玩泄。即著從嚴叅辦。毋稍徇隱。將此由六百里諭令知之。○又諭貴州逆匪趙子澄等聚眾煽亂。脅令五硎十一鄉居民助給錢米。已據恆春奏報。咨調鎮守鎮精兵二千名前往銅仁援剿。諒駱秉章業已照咨辦理。茲官文奏據辰永沅靖道崔誥稟稱。探知五硎地方均係從賊。並無受撫之心。現在三角莊豎立木城。趕造火器。欲於秋後入楚。聞黔省地方官專意主撫。勢必滋蔓難圖等

語。蔣霽遠不能綏靖疆圉。獲咎已重。若一味姑容。令其竄入鄰封。則貽誤之罪。豈能再從寬宥。著即飭令蔣玉龍。韓超等痛加殲洗。不得專主招撫。致該匪益滋猖獗。並著駱秉章即飭所調援兵二千名。星速赴黔。相機剿辦。並於辰州常德地方一帶嚴密防範。毋稍疏虞。將此由五百里各諭令知之。○又諭官文。胡林翼奏武漢軍餉不支。請飭廣東省籌撥銀三四十萬兩。分批馳解等語。據稱武漢功

在垂成。餉需竭蹶。若不趕緊接濟。必至軍心渙散。所奏自係實情。惟所請撥餉三四十萬兩。為數過多。各處軍餉均需粵東協濟。恐一時無此鉅款。著葉名琛迅籌銀十餘萬兩。派委妥員陸續解往湖北。交官文軍營應用。毋稍遲誤。將此由六百里諭令知之。○欽差大臣德興阿等奏瓜州自前月水陸會攻大勝。後逆眾已成內訌之局。其實與有自拔來歸者。聞江南情形亦係如此。現與和春密議南

北勦辦事宜總期和衷共濟相與有成得旨
汝等與和春務必事事和衷勿分彼此以期
迅殄妖氛瓜州逆匪既自相殘殺時不可失
散黨與行離間皆屬要著○湖廣總督官文
等奏襄陽匪徒竄踞樊鎮飭調馬步兵勇馳
往勦辦生擒習教匪首朱中立訊明正法一
面示諭解散脅從得旨匪首既已就戮尤應
以解散脅從為第一要著○河南巡撫英桂
奏西竄擒匪回踞渦河南岸擬俟陳郡一帶

人心少定即行拔營前進相機督辦得旨觀
汝遲遲不進實屬大負委任雖為統帥惟知
自守疆域跡似持重心實畏葸視汝平日政
績判若兩人豈昧於事機抑置屢次嚴諭於
不問何竟憧憧若是耶○以拉林協領台斐
音為雙城堡總管○辛卯諭內閣載容等奏
請飭催直隸地租銀兩並長蘆帑利一摺直
隸易州等州縣自道光三十年至咸豐五年
應解廣恩庫租銀共四千四百九十餘兩節

經咨催延未交解又長蘆鹽政應解廣恩庫
咸豐六年分帑利銀三千八百兩均係該處
辦公應用之款豈容任意延宕著直隸總督
即飭各該州縣將歷年積欠及本年應解地
租銀兩迅速如數解交並著長蘆鹽政將本
年應解廣恩庫銀兩一併解交毋許遲延○
又諭王慶雲奏請將濫刑斃命之知縣革職
審辦一摺山西祁縣知縣王錦於縣民許萬
年等爭控水利一案並不虛衷訊究秉公斷

結輒先杖斃二命實屬任性妄為王錦著先
行革職提省審訊按律嚴辦○壬辰

上御洞明堂勾到新疆雲南貴州廣東廣西福
建情實罪犯停決福建斬犯二人廣東斬犯
一人絞犯一人餘二十七人予勾○諭內閣
福濟鄭魁士奏兵勇水陸大捷克復巢縣城
池一摺巢縣逆匪恃眾負隅聚糧固守經福
濟等親督兵勇圍攻將士用命立克堅城廬
州所屬合肥舒城廬江無為等處均已次第

肅清覽奏實深欣慰。福濟鄭魁士均著交部從優議敘。並發去御用陀色棉袍一件、白玉喜字翎管一枝、白玉搬指一箇、大荷包一對、小荷包四箇、交福濟祇領。御用藍色棉袍一件、白玉喜字翎管一枝、白玉搬指一箇、大荷包一對、小荷包四箇、交鄭魁士祇領。鄭魁士躬冒鋒鏑身受礮傷。猶復督兵力戰實屬奮勇。可嘉著賞給如意拔毒散。趕緊敷治。首先登城之江忠信、于昌麟、余成蛟、馬昇平著與

此次出力文武員弁兵勇分別保奏。候朕施恩。諭軍機大臣等。前因皖省需兵。諭英桂飭調伊興額馬隊赴懷遠協。勦再酌撥察哈爾兵五六百名。交福濟等調遣。並諭崇恩於青克二處抽撥精銳官兵赴皖。茲據福濟奏。巢縣於九月二十九日攻克。須派重兵扼守。又懷遠雖已解圍。而捻援大集。必須迅添馬隊。據伊興額稟稱。該員在徐原帶兵悉在亳營。懇請咨調。願充前隊各等語。勦辦捻匪馬

隊最為制勝。伊興額所帶五百名既在亳州著英桂懍遵。疊次諭旨。撥交該侍衛統帶馳赴懷蒙會勦。其察哈爾馬隊並著遵旨迅撥五六百名。交穆騰阿帶往廬州。毋得藉詞延宕。至前調山東青州滿洲營及兗州鎮標兵前赴安徽。尚未據崇恩覆奏。現在廬江巢縣等處次第克復。均須撥兵防守。著崇恩迅速抽調。派委得力將弁管帶啟程。毋稍遲誤。將此由六百里各諭令知之。○命工部右侍郎

基溥管火藥局事。○以克復安徽巢縣城廬州府屬次第肅清。予副都統麟瑞優敘。加總兵官吉順嵩瑞提督銜。○以安徽辦團勦匪出力。予布政使畢承昭優敘。實授恩錫。按察使。○以安徽廬江縣生擒逆匪段立剛。實授府經歷何輝級。廬江縣知縣。○予安徽陣亡守備銜徐榮祭葬。世職如守備例。○補鑄河南虞城縣縣丞主簿各條記。從河道總督李鈞請也。○以安徽巢縣團練協助勦賊免節

年應徵額賦○癸巳諭內閣御史毛昶熙奏請飭妥籌安插流民一摺本年直隸省被水被旱被蝗地方疊經諭令桂良派員履勘其成災較重之開州等州縣業准該督所請籌撥米穀銀兩分別賑濟並於長蘆應解部款內撥借制錢九萬串以為加賑之需茲據該御史奏稱近聞保定以南流民載道若不妥為安輯必至轉徙流離或人數眾多難於約束更恐有匪徒濶跡其中別滋事端所奏不為無見著直隸總督順天府府尹通飭各屬查有出境災民即行隨地安插除將前撥銀米妥為散放外或分設粥廠或酌加賑濟俾無業貧民得資餬口毋令什百成羣遷徙出境一切事宜仍責成派出之按察使吳廷棟清河道董醇等率屬妥為經理儻有匪徒濶入災民藉端滋事即著查拏懲辦以靖地方○甲午諭內閣前因文慶等奏請實行團練並酌擬整頓事宜當交直省督撫各就地方

情形酌辦茲據蔣蔚遠奏稱貴州團練於咸豐三年奉旨後即經擬定規條督飭各屬會同紳士辦理著有成效毋庸另議章程等語該省鄉團深明大義疊次打仗獲勝殺賊立功著仍照舊章實力辦理所有連年出力人員自應先加獎勵貴州在籍前任漕運總督朱樹江蘇蘇松太道王玘均著交部議敘分發雲南遇缺即補鹽運司提舉高以廉著以同知不論雙單月選用仍留貴州辦理團練暫緩送部引見○諭軍機大臣等英桂奏移營前進並留兵防守陳州一摺擒匪大股既在渦河南岸屯聚官軍若專駐亳州仍未能逼近賊巢該撫現既移營前進自可與袁甲三合兵一處鹿邑附近匪眾不過零星小股亟應迅圖撲滅節節疏通剋日會兵東剿前據該撫奏亳城以南久已民賊不分若必俟搜捕淨盡始行進剿則宮吉寺一帶大股匪徒又將養成羽翼勢益鴟張察哈爾官兵不

日即可到齊除撥赴皖省五六百名外尚有
一千四五百名為數不少此項馬隊到營銳
氣方盛該撫即當妥為調度速行進剿總期
於明歲春融能令歸伍方不至用違其長至
周家口地方最關緊要該撫所派張維翰馬
春華等能否得力務飭嚴密防堵不准稍有
疏虞另片奏襄樊土匪窺伺新野官軍失利
等語該縣為南陽門戶慶德所帶兵勇如果
不敷勦辦即著飭令邱聯恩帶兵前往但陳

州一帶又須另派得力大員駐守該撫務當
斟酌緩急受速布置萬不可使此股土匪與
泌陽桐柏等處捻匪勾結仍飭該府縣隨處
梭查先清內患以絕根株將此由六百里諭
令知之○又諭穆隆阿奏續挑備調官兵並
籌畫軍械一摺察哈爾蒙古兵丁現經該署
都統挑出一千名併跟役一百二十名一俟
帳房鳥槍等製造齊全再行齊集操演所需
盤費屆期應由戶部籌撥至該官兵等操演

技藝自以鳥槍為重所需弓箭著穆隆阿斟酌製造以備操演之用將此諭令知之○乙未諭內閣桂良奏永定河漫口合龍並請酌保出力各員等語直隸永定河南北兩岸先後漫口經桂良督率永定河道崇厚暨各委員等晝夜督催趕緊鑲築現在北三工漫口已於初七日合龍全河復歸正道北四上汎南七工添築壩工均已一律完竣辦理尚屬妥速此項工程係桂良率屬捐辦著免其造

冊報銷所有在工出力之員准其擇尤保奏候朕施恩○諭軍機大臣等奏定三奏勦辦桐城賊匪疊次大獲勝仗一摺前因桐城兵力單薄諭令福濟撥兵二千名或一千數百名前往助剿嗣以皖北勦捻喫緊復諭福濟派員前往桐城接辦勦匪事務傳旨令奏定三馳赴蒙城會同英桂督率各路鎮將勦擒尚未據福濟覆奏本日奏定三奏桐城擊賊大獲勝仗惟賊眾既多勢尚兇悍急須添兵

撥餉以圖克復未知福濟接奉前旨已派何路兵勇前往桐城並派何員統帶可令秦定三交卸馳赴蒙城儻一時無可靠之員堪以接辦而現在桐城已將次攻克即著暫留秦定三奮勇攻勦迅將桐城克復再行前赴蒙城如桐城一時未能即下而帶兵攻勦業已有人接手則捻勢方張會勦亦不可緩仍著秦定三前往會同英桂辦理勦捻事務毋為桐城一邑牽掣著福濟秦定三妥商辦理不

致願此失彼為要將此由六百里諭令知之

丙申諭內閣德興阿翁同書奏請將約束兵勇不嚴之將弁革職留營一摺參將鄧鳳林千總王富來在三汊河劄營防勦所帶練勇竟敢擅離營伍實屬約束不嚴鄧鳳林王富來均著革職仍留軍營效力以懲疲玩○諭軍機大臣等武漢逆賊負嵎已久據官文胡林翼奏報疊次擊敗大股賊援城中之賊勢已窮蹙是兩城計日可克乃南岸自八月

初七日擊敗石逆以後兩月未見動靜北岸自八月二十七日擊敗下游援賊以後亦但以嚴遏外援為詞何以於進攻機宜仍復漫無把握現聞金陵城內賊黨相殘楊逆被洪韋二逆所殺石逆不服逃出金陵洪逆懸賞購石逆首級是石逆之不返金陵已可概見此等傳言湖北當有所聞若不乘此機會迅拔二城儻石逆不附金陵自圖占踞必至率其死黨或撲湖北或走江西皆屬可慮現在

餉需日缺調撥維艱所望克復上游即可移師東下由九江而至安慶由安慶而至金陵乘其內亂次第削平兵餉可不加增而成功庶幾有望官文胡林翼身膺督師重任須當統籌大局謀勇兼施何得以城堅賊悍為詞坐擁水陸重兵日久無功若云斷絕接濟可以困賊何以為時已久尚未肅功恐沿江一帶港汊紛歧接濟仍未能斷絕不過藉口耽延掩其遷延之咎經此次剴切申諭後該大

臣等即當嚴督在事將弁設法進攻迅將兩城克復俾得分兵東下大局冀有轉機如敢仍前延玩必至師老力疲別生變故官文等不能當此重咎也將此由六百里各諭令知之○又諭官文奏請挑選西丹來楚等語湖北軍營所有吉林黑龍江各起甲兵傷亡出缺並無西丹補充現在攻勦武漢喫緊馬隊官兵最為得用未便懸缺無補致減兵力著景瀄奕山於各該處認真挑選西丹各一百

實錄卷二百九

五

名派員管帶赴楚如挑選不能足數即著該將軍等酌量情形辦理並令將各該處現有馬匹乘騎至京再由京另行換馬赴楚毋稍延緩將此各諭令知之○欽差大臣德興阿等奏瓜逆受創後時有乘間投誠者別設一營派員約束仍當離其黨與力圖擣穴得旨離其黨與固為上策然須事事示以不疑密為防範庶不致墮其計中瓜州與連鎮不同尤應慎益加慎○以故科爾沁扎薩克圖謝

圖親王色登端魯布子巴寶多爾濟襲爵○調吏部右侍郎沈兆霖為工部右侍郎兼管錢法堂事務以署刑部右侍郎張祥河為吏部右侍郎仍兼署刑部右侍郎○江西學政廉兆綸因病解任命通政使司副使龍啟瑞提督江西學政○丁酉諭內閣載容等奏請撥留領催拜唐阿一摺和妃園寢額設領催拜唐阿除歸併

實錄卷二百九

五

慕東陵外仍留十名歸於

慕陵統屬專司承應公主園寢差務其原設茶膳上人即照部議歸併

慕東陵以重祀典而專責成○又諭福濟奏遵覆擬辦實行團練章程一摺前據文慶等奏請飭各直省實行團練屢經諭令直省督撫各就地方情形酌辦並將擬辦章程迅速具奏茲據福濟奏稱該省自被賊竄擾以來各屬辦理團練助勦協防如滁泗徽甯鳳穎等府州屬均各著有成效歷次將出力各官紳

等奏請獎勵現復飭屬一體遵行責成州縣
專管知府直隸州知州督辦並就該省現在
情形酌擬將安廬六滁和五府州鳳潁泗三
府州歸按察使及廬鳳道分統稽查由該撫
調度徽甯池太廣五府州歸徽甯道統理稽
查由現駐徽甯之已革巡撫張弔調度該司
道及知府直隸州知州分別加督辦團練協
理團練等銜如能卓著功績力保地方隨時
查明保奏給予升轉其州縣因團練防勦保
至知府同知直隸州知州者均各留本任並
加協理團練銜以示優異該司道皆帶有兵
勇毋庸另撥亦毋庸另派大員巡視辦團各
紳由糧臺酌予銀兩毋庸由部議給廉俸其
有情殷報效者或加學額或給獎敘分別辦
理等語均著照所擬辦理安徽地方現當勦
辦賊匪喫緊之際團練尤為要務該撫當慎
選賢能督率公正紳士實力舉行其各屬編
查保甲仍飭一律遵辦毋得日久生懈有名

無實至各省情形不同尚有未經奏覆者該
督撫等仍各妥為酌擬將辦理章程迅速具
奏毋涉玩延○又諭福濟鄭魁士奏官兵進
攻連獲勝仗克復州城一摺安徽官兵自攻
克巢縣後經福濟等催令總兵音德布進攻
和州直抵城下滇兵奮勇進攻施放火箭噴
筒立將西城樓焚毀本城難民齊聲殺賊我
軍竭力斬擒賊無算並槍斃偽僕射一名
生擒三十一名餘匪開東門潰逃追勦至鍼
魚背江口擁擠落江不可勝計當將州城克
復此次官兵連克城池辦理尚為得手著即
迅速進兵盡殄羣醜毋留餘孽在事出力員
弁官紳兵勇著福濟等查明保奏候朕施恩
○又諭舒興阿奏大理回匪戕官踞城情形
並自請嚴議一摺雲南大理府城於八月初
九等日漢回互相燒殺城外各村寨及下關
一帶亦同時起事大理府知府唐惇培招募
練勇分投救援十七日賊添外回千餘鄉練

漸散賊遂閉城拒守。現經該撫等撥兵選練分援進攻。著即督飭在事員弁迅速攻克。毋稍稽延。舒興阿未能先事豫防。著交部議處。恆春督剿黔匪。尚未回滇。著加恩免其議處。唐惇培著先行革職。仍責令戴罪自效。並著查明有無規避情事。分別參辦。○諭軍機大臣等。福濟等奏克復和州。並撥兵馳援桐城。請飭紅單船協剿等語。巢縣克復後。我兵復乘勝攻拔和州。剿辦已有轉機。惟西梁山、芝麻河一帶尚有賊壘。業派吉順等在彼堵剿。神塘河賊營雖經李德麟踴躍而該副將所帶僅止紅單快船十四隻。上下游不能兼顧。係屬實在情形。總兵吳全美紅單船四十餘隻現泊蕪湖上游魯港地方。此時福濟等陸路進剿之兵正在得力。急應水陸兼攻。俾江北肅清。則江南亦易於剿洗。著和春、德興阿即飭該總兵紅單船聽候福濟等調遣。和春等務當統籌全局。與皖省會商辦理。擒匪

尚在蒙亳懷遠等處。往來嘯聚。英桂各軍未能大挫其鋒。已諭令秦定三前往會同督辦。惟桐城賊勢方張。福濟等已添調吉林、熱河馬步隊兵二千餘名。陝甘兵五百名前往協剿。著秦定三俟援兵到後。即行馳赴亳州。勦擒福濟。因貴州兵一千名向隨秦定三打仗出力。擬仍歸該提督帶往。而以現在勦擒之川兵及宣化兵令塔思哈、俞應彪管帶回營。但恐秦定三不敷調遣。或於此項川兵宣化

實錄卷三百九

三

兵內酌留數百名。交秦定三統帶。不必盡數調回。據福濟奏有石達開現踞安桐之語。朕聞金陵賊黨內亂。楊逆被殺。石逆不服。逃出金陵。洪逆現懸重賞。購其首級。石逆之不返金陵。金陵之不助石逆。已可概見。既據該撫探知該逆現在安桐一帶。急當乘其眾心渙散之時。督飭兵勇一鼓殲擒。該逆素稱兇悍。如能滅此巨酋。則沿江地面即可漸次掃蕩。儻仍任其竄。則彼既不附洪逆。必至自圖

占踞聞江西瑞臨等郡該逆皆派其黨與死守若使竄往江西鵠張更甚福濟等務當盡力堵剿勿令鋌而走險又聞石逆本有投誠之意恐非確信此輩狼子野心斷難輕議招撫惟當密布間諜偵探實情多方設法散其黨與以孤其勢仍不動聲色督兵進剿該逆諒必有窮蹙之時也福濟等前請飭調山東青兗兩處官兵本日據崇恩奏該省存兵無多實不能分撥已准令留防本處矣福濟等

連克各城士氣倍奮今欲添調客兵亦恐緩不濟急鄰境省分又實無兵可調福濟等即當就此現有兵勇激勵圖功由桐城而至安慶迅埽鯨鯢然後協同和春等規復江南同膺懋賞是所望也將此由六百里加緊各諭令知之○安徽巡撫福濟奏派兵進擣和州本城難民協助殺賊立將州城克復得旨被陷難民尚知齊心殺賊足徵人心向順大有轉機亟宜乘勢激勵俾人自為戰迅期蕩平

○命福建提督秦定三馳往安徽蒙亳一帶會同河南巡撫英桂督剿擒匪○以克復安徽和州城加總兵官音德布提督銜○以貴州剿匪奮勇攻克螺蛳壳等處匪巢賞遊擊褚克昌巴圖魯名號○以團勇助剿克復城池免安徽無為和舒城廬江四州縣新舊額賦並永廣無為廬江三州縣學額各三名○予安徽陣亡外委姜萬全祭葬世職○戊戌上幸萬壽山詣

實錄卷二百九

三

文昌閣拈香○調禮部右侍郎杜翱為戶部右侍郎兼管錢法堂事務以署兵部右侍郎車克慎為禮部右侍郎內閣學士劉崐署兵部右侍郎○己亥諭內閣本年六月大學士賈楨丁母憂朕以賈楨在上書房宣力有年簡任綸扉辦公勤慎是以援照雍正年間大學士朱軾尚書蔣廷錫之例降旨賞假六箇月令其扶柩回籍假滿後來京當差庶教孝勸忠情禮兼盡茲賈楨於百日後具摺謝恩

並以伊母本有五子。今存者惟伊一人。願請終制。情詞懇切。自應俯如所請。以遂其孝思。賈楨著准其開缺。回籍終制。前據御史鄒煥杰奏。賈楨停柩在京。並無回籍之意。自係傳聞之誤。惟所稱君有優旨。原恩厚而情深。臣必固辭。乃心安而理得等語。持論甚正。現在賈楨即日扶柩回籍。並懇恩終制。業已降旨允准。適與該御史所見相符。所請照從。前大學士張玉書。大祥後宣召來京之處。著毋庸

實錄卷三十九

三

議○諭軍機大臣等。胡林翼奏軍餉日絀。請飭撥解等語。據稱楚省南北兩營。每月水陸兵勇口糧及製造軍火。約需銀二十餘萬。兩該省鹽課釐金等款。僅敷十分之二。又因夏秋亢旱。荒象已成。額賦錢漕。均少起色。以致兵勇餉銀積欠日久。為數愈多。所奏自係實情。此時楚省官軍攻城築圍。斷賊接濟。將士極為用命。正當乘此銳氣。力圖克復。若因餉絀短絀。致勁旅精兵。漸生懈志。於大局實有

關繫四川。距楚較近。餉道亦一水可通。著樂斌即行籌畫銀十數萬。兩陸續分起解往湖北。胡林翼軍營以濟急需。將此由五百里諭令知之。○大學士兩廣總督葉名琛奏。奉到硃諭恭賀。

天喜得旨。覽卿所奏。期朕衍五代一堂之慶。朕雖德薄才疏。敢不勉效。

純皇之敬勤。惟知夕惕朝乾。盡君職以答鴻貺。若云初願之能符與否。敬俟

實錄卷三十九

三

天命已也。○閩浙總督王懿德奏。請留水師提督林建猷。先赴新任。暫緩陞見。允之。○以湖北水陸各軍。擊賊屢勝。賞參將李成謀總兵銜。同知孫守信。遊擊成大吉。張文煥。周寬世。都司沈俊德。胡裕發。趙克彰。守備楊得武。段清平。鄭陽和。張志超等。花翎外委王際尚等。藍翎餘升。賞有差。予陣亡把總周德麟。祭葬世職。○予湖北節年陣亡同知姜國祺。陳錫熙。劉士拮。知州楊嘉運。知縣汪榮基。何開泰。

呂錫麟單維楷韓寶昌姚國振教授張一芝。
教諭宋賡元訓導邱兆鏞司獄李克慎州判
魏作霖縣丞王青綬吏目李樹聲典史馮春
暉從九品王以南等祭葬世職幕友馮照之
生員馬漢祥等賞卹如例○予一門殉難江
西舉人袁嗣彥等旌卹如例○命陝西巡撫
吳振械山西巡撫王慶雲各撥銀七萬兩解
赴甘肅接濟伊犁官兵餉糈○封禁伊犁雅
瑪圖銅廠從將軍扎拉芬泰請也○撫恤琉
球國遭風難夷如例

實錄卷二百九

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百九

實錄卷二百九

三

情知縣為親民之官似此貪殘貽害實堪痛恨著英桂按照所奏各款將各該員等提省審究嚴叅懲辦毋稍徇隱原片著鈔給閱看將此諭令知之 以都察院左副都御史聯奎為盛京兵部侍郎 以陝西省辦理防堵出力予知縣單寶書等升敘有差 給福建龍溪南靖平和三縣被水災民一月口糧 撫恤朝鮮國遭風難夷如例 辛丑諭內閣綿森奏請撥給捕鹿經費一摺馬蘭鎮額進

鹿隻應需經費著准其自本年為始由永濟庫存款內每年酌撥銀三百兩仍照成案銀錢各半搭放以資備辦 壬寅諭軍機大臣等英桂奏襄樊匪徒竄入南陽府屬之鄧州現已失守逼近郡城復據史榮椿奏皖省捻匪蔓延已近徐州情形緊急均請撥兵援剿各一摺捻首張樂行等糾眾數萬謀竄徐州旁竄豐碭蕭各縣史榮椿等所帶兵勇止能專顧郡城無可分撥現在捻匪誘脅甚多深

恐蔓延徐州為北路門戶自應迅籌堵扼而山東一省已無兵可調惟揚州大營距徐不遠著德興阿等速派兵勇一千名並揀得力大員統帶馳赴徐州會同史榮椿勦辦毋稍延緩至河南捻匪勢尚猖獗而襄樊匪徒又復四出竄擾陝西境地毗連調兵助剿尚屬切近著譚廷襄於該省各營內調兵二千名派委得力鎮將迅速帶往南陽一帶與邱聯恩會合攻剿至陝省地面防堵需兵即可酌

調甘肅各營兵丁到陝分撥防守將此由六百里加緊各諭令知之 又諭前因載增等奏襄陽逆匪回撲樊城當諭官文飭令常恩會同馬秀儒等攻剿且恐兵力尚單常恩不能得力並諭官文添調兵勇另派大員統帶本日據英桂奏該匪竄至鄧州襄脅焚掠兵勇退守州城即於初九日失陷此股匪徒既竄新野復陷鄧州勢甚猖獗該處逼近南陽僅止六十餘里而襄陽被圍樊城尚為所踞

楚豫兩軍不能合力夾擊常恩如果得力何至郡城日久尚未解圍且至蔓延鄰境著官文等察看營中大員如都興阿等實能帶兵督勦者酌派一員迅速前往統帶馬步各隊相機攻擊以期得力襄樊得手之後亟應進勦新鄧與豫軍會合但不可跟蹤尾追驅之北嚮總宜設法繞出賊前迎頭截擊是為至要將此由六百里加緊諭令知之 又諭英桂奏馳抵鹿邑分路進勦並鄧州失陷派兵

赴援一摺擒匪大股既踞渦河南岸該撫自應會同袁甲三迅督兵勇渡河南擊方能與郝光甲等諸軍聯為一氣據奏調派穆騰阿等管帶馬隊崇安等管帶步隊各事宜已有直擣賊巢之勢而摺內又稱東南處處匪巢恐輕進失利等語是尚以相持為長策何時方能會合皖軍該撫既抵鹿邑距亳州不過數十里即著與袁甲三合兵前進迅將渦河南岸匪巢盡力勦洗再圖分兵四出不准隨

處駐劄以布置為詞致各路不能兼顧至永夏虞城一帶據奏止稱探有匪蹤是尚未知徐州危急本日據史榮椿奏永夏擒匪已擾及碭山並分擾豐縣之許家口蕭縣之黃家口三股會合直撲府城該署總兵兵勇僅止六千祇能專顧郡城不能兼顧各處其緊急情形實為可慮該撫現派莫爾賡額先帶馬隊五百名馳往永夏一帶即著飭令迅赴徐州助解城圍宿州兵勇尚復不少現在匪黨

全趨東北該州警信稍鬆著英桂即傳知宿城帶兵各官分兵馳往徐州統交史榮椿調遣本日復諭知德興阿等撥兵一千名赴徐應援並著傳知史榮椿沿途迎提以資會勦至鄧州失陷南陽萬分喫緊卽聯恩業經帶兵馳往即著飭知該總兵迅圖撲滅毋使再有蔓延所請飭調陝西官兵已諭知譚廷襄抽撥精銳二千名派得力大員帶往會勦並諭官文等另派大員速解襄陽之圍以便與

陝豫官兵夾擊然遏其北竄之路尤以豫境為喫重該撫仍宜速籌布置不得專待陝省之兵始行進剿另片所陳請暫留察哈爾馬隊等語著准其暫緩分撥伊興額現在徐州其原帶馬隊派赴懷遠是否即係關保管帶鄧州文武下落並著查明具奏將此由六百里加緊諭知英桂並傳諭史榮椿知之陝西巡撫譚廷襄奏報到任日期得旨陝省現為完善之區地方之事隨時整頓防禦外寇

先清內匪尤為切要以吏部尚書翁心存為翰林院掌院學士以吏部右侍郎張祥河兼管順天府府尹事癸卯諭軍機大臣等前據崇恩奏存兵不敷請留防本省一摺業經允其所請惟昨據英桂奏永夏交界會亭集及虞城連界地方均有匪蹤並據史榮椿奏擒匪竄擾碭山豐蕭各縣大股數萬直偪徐州府城虞城近接山東曹單徐州與蘭山郟城等處亦為切近恐該匪乘虛北竄則

東省之劉家口及省南山路之紅花埠湖路之滕嶧等縣皆與江蘇毗連處處可以闖入崇恩既稱兵力不能協濟鄰省則本省布置亟應豫為籌辦著即酌撥兵勇嚴扼各要隘以期周密其應如何分撥防守之處並著先行具奏其劉家口河岸現在尚存防兵若干是否足資控扼著王履謙李鈞會同崇恩體察情形嚴飭地方員弁實力稽查以杜匪蹤闖入曹單本多擒匪紅花埠一帶近聞亦多

搶劫行旅之案此時添兵彈壓不但可防外來之匪並可搜捕本處匪徒以靖地方王履謙等務當隨時偵探徐州虞城等處擒匪情形妥為布置毋致臨事周章將此由六百里各諭令知之甲辰諭內閣何桂清奏徽郡官軍克復休甯縣城一摺江西德興賊匪經官軍勦敗後竄至徽州婺源攻陷縣城結連各路匪徒分股竄踞休甯縣城張芾派撥兵勇親自督陣斃賊千餘賊仍四出焚掠休歙

兩縣鄉團羣起殺賊擒斬百數十人張芾聞
丁母憂仍出示曉諭軍民兵勇墨經從戎誓
滅此賊賊以大股分撲各營江長貴等奮力
夾擊守備羅承勳手然大礮立將兇悍賊首
楊國宗轟斃賊眾大潰我軍追殺數里該匪
盡焚其巢併踞城中張芾親赴督戰兵勇踴
躍登城遂於十月初四日將休甯縣城克復
派員安撫居民仍飭江長貴等分路追勦竄
匪此次張芾督飭江長貴等勦辦竄擾徽郡

股匪將士用命各路民團齊心殺賊辦理頗
屬認真著何桂清仍飭在事文武迅速勦捕
肅清徽境再將出力人員彙案保奏 諭軍
機大臣等何桂清奏張芾現在徽郡軍營聞
訃丁本生母憂可否賞假六箇月回籍營葬
假滿再赴徽州辦理防勦等語徽郡毗連甯
國池州廣饒等處軍情正當喫緊該處防務
如有可以接替張芾者即著何桂清一面奏
明派往一面傳旨賞給張芾六箇月假期令

其回籍營葬如一時無人可以接替即傳諭
張芾暫留徽郡督辦防勦俟接手有人再行
回籍將此由五百里諭令知之 又諭曾國
藩文俊自八月三十日奏報瑞州建昌勝仗
之後已及月餘未見續報昨據廉兆綸奏有
探聞撫州官軍失利之語與本日何桂清奏
報相同亦未見曾國藩等入奏前聞賊匪多
回至金陵而江西失陷各郡尚無一處克復
所有占踞城池之賊聞皆石逆黨與誘脅土

匪為之拒守即廣東新附匪徒亦皆係石逆
所糾集與金陵逆黨尚未歸併現據江浙各
省奏報皆言金陵內亂楊逆已為韋逆所殺
又聞楊逆被殺後石逆不服逃出金陵洪逆
現懸重賞購其首級可見石逆斷不再返金
陵金陵亦不肯更助石逆昨又據福濟等奏
石逆現在安慶桐城一帶其為糾合黨與自
圖占踞已可概見現在福濟等已攻克巢縣
和州不日即可進擣安桐而湖北沙口田鎮

水陸兵勇屢絕賊援恐石逆不得逞志於皖楚勢必竄入江西該逆於諸賊之中最為兇悍若令回竄江西占踞數郡煽惑莠民其勢愈難收拾著曾國藩等乘此賊心渙散之時趕緊克復數城使該逆退無所歸自不難窮蹙就擒若徒事遷延勞師糜餉日久無功朕即不遽加該侍郎等以貽誤之罪該侍郎等何顏對江西士民耶又聞石達開係湖南拔貢現因與韋逆不睦頗有投誠之意雖未必

即係確信而窮蹙思降亦或事之所有此輩狼子野心原難輕議招撫僅向曾國藩處乞降應如何處置之法或使先自立功贖罪再邀重賞亦當豫為籌畫經權互用以收實效現在仍將失陷各城先圖攻克使該逆無所憑藉不敢退至江西是為至要本日據何桂清奏請飭催候補同知吳坤修將所帶彪勇二千五百名速赴廣信等語此項壯勇何以日久未到著曾國藩等查明飭令該員迅速

馳往以便饒廷選回駐玉山毋稍延緩將此由六百里諭令知之 山東巡撫崇恩奏山東省麥收歉薄不堪兌運所有章邱齊河禹城平原泰安肥城陽信聊城堂邑茌平夏津等十一縣應徵漕麥請援照成案改徵粟米允之 以克復安徽休甯縣城五品頂帶前任江西巡撫張芾得旨嘉獎命俟服闋後以三品京堂補用 予安徽陣亡都司陳再受祭葬世職加等守備徐勇把總張學寬外委

張國才祭葬世職 展緩八旗兵丁應扣借支庫銀限期兩月 乙巳諭軍機大臣等昨據英桂奏永夏交界會亭集及虞城連界地方均有匪蹤並據史榮椿奏擒匪竄擾碭山豐蕭各縣大股數萬直逼徐州府城匪勢鴟張深恐竄至東境已命崇恩於毗連徐州之郟城等處設防其虞城等處毗連曹單並諭該撫會同王履謙李鈞嚴防河岸以杜竄越矣因思本年直隸山東所屬地方多被旱蝗

無業游民最易流而為匪畿輔重地與山東接壤必有重兵彈壓方足以鎮定民心本日已諭令慶祺調盛京官兵一千名穆隆阿調察哈爾官兵一千名馳赴直隸聽候桂良調遣著桂良會同雙銳先於直隸各營內抽撥精銳官兵一千名由雙銳統帶馳赴直東交界地方擇要駐劄以資彈壓所有盛京察哈爾官兵到省均歸雙銳管帶桂良接奉諭旨從著與雙銳商定駐劄處所雙銳抵省後酌

帶官兵先行前往直隸提督著桂良派委妥員署理將此諭知桂良並諭雙銳知之以巡護江浙海運出力賞同知銜王承榮知縣蕭綰花翎鹽提舉銜李容藍翎餘升敘有差調盛京官兵一千名察哈爾官兵一千名赴直隸聽候調遣丁未諭內閣勞崇光奏勦辦右江滋事逃兵及勾結土匪攻破賊巢殲擒殆盡一摺上年五月右江鎮標兵丁滋事革弁李現光糾約不法兵丁竄踞法村地

方勾結土匪戕官撲城復由土田州一帶添糾土匪疊次攻撲廳城均經隨時擊退復分夥屯踞陽萬土州之那畢大灣等處竄擾土上林縣境各文武督飭各土官隨時進剿將首匪夏振大殲斃隆安縣知縣陶兆恩與總兵奚應龍節次進剿斃匪多名忽有另股匪徒由西林竄至凌雲縣之雪平墟將與法村匪徒合夥陶兆恩會同署遊擊馬東旭等馳往截擊當將首逆覃四殲斃馬東旭等率同

團練環攻法村我兵潛入賊巢舉火內外夾攻殲斃焚斃匪黨無數生擒首匪黃色讓等四十六名當將賊巢平毀地方一律肅清辦理尚屬認真所有出力官紳著勞崇光確切查明擇尤保奏署右江鎮總兵奚應龍署右江鎮遊擊馬東旭於兵丁滋事未能約束咎有應得惟籌防堵剿現已竣事功過尚足相抵均著免其查議又諭勞崇光奏柳州水陸匪徒被擊敗竄郡城解嚴一摺廣西潯州

艇匪由武宣象州竄至柳州府城撲擾經該撫飭令署右江道孫蒙署提標參將湯遇珍等籌辦並委署遊擊郭承修千總韓壽由省城帶勇馳勦水陸各股匪竄至大橋及都樂羊欄等村銅鼓嶺白沙黃村等處地方並偪近府城攻撲均經委員徐引團總區振綱及韓鳳等各督兵勇團練擊勦疊次斃賊千餘名及數百名不等該匪等分投敗竄又經韓鳳設法解散陸匪其首匪張高友率其餘黨

千餘竄至雒容縣之洛垢一帶欲撲縣城適郭承修等帶勇抵縣迎擊敗走代理知縣李聲佩及韓鳳帶勇均先後趕到前後夾攻乘勝跟追斃匪甚多餘匪向大葉龍嶺一帶分竄其停泊冷泛灘艇匪因上游匪船逃散退泊下游復經兵勇團練沿河追擊連日均有斬獲已由運江逃往象州一帶紛竄所辦尚妥所有在事出力員弁兵勇著該撫查明擇尤保奏候朕施恩其前經摘去頂帶之署右

江道事太平府知府孫蒙署提標中軍參將事思恩營遊擊湯遇珍於被叅後即將該匪勦散尚知愧奮均著給還頂帶以觀後效仍著該撫督飭該文武員弁會集團練將逃竄餘匪跟蹤勦捕務期淨盡以靖地方又諭蔣蔚遠奏克復三腳壘一摺貴州苗匪屯踞獨山州之三腳壘分竄肆擾經該撫派令把總王啟教已革州同楊明分帶兵勇及各處團練堵勦斃賊二千餘名擊殺賊目多名連

破賊卡四座生擒偽千總鄔世明等三十一名直抵三腳壘餘匪逃潰遂將賊棚燒燬著即嚴飭帶兵將弁將八寨都江等處迅圖克復毋再遲延已革三腳壘州同楊明於叅革後屢立戰功復帶練收復汎城著開復州同原官並免捐復原資留於貴州補用諭軍機大臣等御史張雲望奏請免抽江浙米石釐捐一摺江浙兩省現被旱災自應廣招米販以裕民食若令困於抽捐恐商販因之裹

足向來災歉地方多有免徵米船關稅之舉
况抽釐本屬權宜原非定制著怡良趙德輿
何桂清各於該省地方體察情形應行免抽
者即著寬免以示體恤其或該地方並未成
災而捐釐為數細微無妨民食者亦毋庸概
行停止總期於民食餉需兩無窒礙方為妥
善將此由五百里各諭令知之○又諭秦定
三奏連日打仗獲勝奪毀賊營十座斃賊千
餘名勦辦尚為得手惟我軍米糧子藥用盡

急須接濟前據福濟奏稱桐城待援已派吉
林熱河馬步隊二千餘名星夜赴桐並飭滕
仲武帶陝甘兵五百名由廬江就近馳往此
次該提督奏報亦稱援兵已到未知鄭魁士
何日拔營前進所需米糧子藥自必寬為籌
備一俟各兵到齊即可乘勝進擣賊巢盡殲
羣醜福濟前奏探知石逆現竄安桐一帶秦
定三復稱賊黨內有李兆受等夥匪意圖勾
結張樂行以死守桐城為保護安慶之計等

語石逆素稱兇悍今復加以擒匪李兆受夥
黨勢更猖獗必須先克桐城方能進圖安慶
著福濟鄭魁士迅速籌米糧火藥以資接濟至
現在擒匪已擾及徐州情形緊急鄭魁士一
到桐城即著秦定三迅速往會同英桂調度各
軍分路兜勦以靖地方將此由六百里諭知
福濟鄭魁士並諭秦定三知之○又諭邵燦
庚長奏擒匪回竄攻撲徐州請撥兵救援一
摺擒首張樂行等糾眾數萬竄徧徐州旁竄

豐碭蕭各縣已據史榮椿奏請撥兵援勦當
降旨令德興阿等速撥兵勇一千名派員帶
赴徐州著邵燦等星速迎提催赴徐州協勦
惟賊黨眾多尚恐不敷分勦清淮密邇徐州
雖河漕兩標存兵無多仍著邵燦庚長酌撥
兵勇數百名馳往徐州以助聲勢一面飛飭
蔡冠倫帶兵迅速趨行毋稍延誤將此由六
百里諭令知之○陝西巡撫譚廷襄奏湖北
襄樊土匪滋事陝省商南一帶防務緊要現

飭派兵擇要設防以重邊境得旨已有旨令
汝撥兵助勦今覽奏商南既近南陽即可由
此出境迎勦以期迅速 實授李孟羣湖北
按察使 派御前侍衛副都統德勒格爾乾
清門二等侍衛舒明阿管帶察哈爾馬隊官
兵赴直隸備調 以勦辦廣西龍勝等處苗
匪出力賞守備庾文昌花翎千總銜王懋德
等藍翎餘升選有差 以勦辦貴州苗教各
匪生擒首逆賞守備燕雲升等花翎千總張

定國等藍翎餘升賞有差 以督辦匪徒不
力革湖北布政使馬秀儒等職仍留任 予
貴州陣亡六品軍功楊天爵生員袁廷俊賞
卹如例 撥山東司庫銀五萬兩解往江南
徐州軍營以濟要需 撫恤琉球國遭風難
夷如例 戊申諭內閣福興奏參兵丁搶失
餉銀該管旗員藉詞訐控一摺本年五月間
九華山營盤失利京口駐防兵丁膽敢搶失
餉銀不法已極該營協領等事前既疏於防

範臨時又未能約束已屬咎有應得迨副都
統巴棟阿以屢提人證承管官員諉卸遷延
咨請叅辦協領順喜復敢捏詞稟控意存挾
制此等刁風斷不可長京口左翼協領順喜
著先行革職並職司旗務之署右翼協領佐
領長至承管收放餉銀之佐領得祿彈壓不
力之驍騎校同福及馬甲傅大壽供出攜銀
分散之雲騎尉春明著一併先行解任交怡
良親提嚴訊按律懲辦以昭法紀 諭軍機

大臣等本日據崇恩奏難民渡河北上請飭
直隸總督飭屬查察等語江蘇河南兩省因
捻匪竄擾難民紛紛北渡直隸與山東接壤
大名一帶復毗連豫省本年災區較廣河南
捻匪尚未肅清設有匪徒乘間闖入直境關
繫匪輕著桂良嚴飭各屬設法截留安撫或
資送回籍並嚴密稽查毋任匪徒涸跡致滋
事端江豫難民既由東入直崇恩即應力籌
安插之法毋令紛紛北竄豈得藉口災歉頻

仍畏難自阻該撫現已咨令河南江蘇飭屬截留即著邵燦庚長將該處被難災民妥為安插並傳諭文煜一體截留設法安集毋任轉徙流離致滋他患英桂現在勦辦捻匪於該省難民亦應隨時撫恤俾無業窮民各安鄉里不得任其續入直隸山東境內是為至要將此由四百里諭知桂良邵燦庚長英桂崇恩並傳諭江甯布政使文煜知之○以湖南監造船礮出力予在籍翰林院侍講學士

丁善慶等升賞有差○以江南金壇解圍賞已革總兵官李志和三品頂帶參將劉季三張玉良都司周天培守備黃金友巴圖魯名號參領多羅倫壽保遊擊雷丙陽守備袁國璋陳昌達田宗興曾玉龍韋友瑤梁克勳周俊書馬承恩徐太平戴佐英等花翎參領德謙等藍翎餘升賞有差○予江南陣亡參將李鴻勳千總李逢春外委劉可發祭葬世職予河南夏邑縣守城殉難知縣徐本立訓

導趙寅典史傅德建周為芬外委司金甲祭葬世職加等州判彭輝縣丞彭祐從九品彭穎戴楨彭楷孟毓箴祭葬世職文武生監彭集等十六人祭葬世職如外委例並予徐本立建立專祠隨同殉難親幕等一併附祀○以黔匪竄擾免湖南鳳凰永綏麻陽三廳縣節年未完穀石緩徵乾州古文坪保靖瀘溪四廳縣佃欠屯租並撥給苗疆屯防經費○己酉諭內閣步軍統領衙門奏稽查無業游

民請申明舊例一摺所有嘉慶十八年奏定編查保甲及道光九年奏定整頓什家戶各章程著該衙門循照舊例實力奉行其城外五城地面向例未曾議及並著移咨都察院轉飭五城御史督飭司坊官一體遵照認真辦理毋任稍有疏懈以肅地方○又諭福濟奏糧臺支放款目未能依限造報一摺各路糧臺支發各款自應遵照部議奏定章程按期覈報茲據該撫奏稱廬州糧臺自咸豐四

年至五年七月實收銀數業已造冊送部惟因舒城等處分設糧臺共十餘處頭緒紛繁未能分晰依限造報自係實在情形所有安徽軍營糧臺支發各款著准其展緩報銷俟設局專辦另立限期以後仍著按期清理不得藉詞懸宕致日久愈滋膠轕○諭軍機大臣等有人奏署玉田縣知縣范驥於通行當十大錢並不出示曉諭錢糧稅務不收大錢復私買大錢鈔票解交藩庫且收受當商陋

規任聽阻撓錢制以致物價驟昂縱令差役徇索差費鎖押生員官兵過境則藉差索詐擾害鄉民致斃人命又擅改文廟舊規廢弛書院各款知縣為親民之官似此種種貪殘實為地方之害著桂良按照所奏各款確切查明據實嚴參懲辦毋稍徇隱原摺著鈔給閱看將此諭令知之又諭福濟奏請暫留秦定三會攻南路並請派勝保赴蒙城督勦擒匪等語現在鄭魁士已馳抵桐城福濟不

日亦即前往會勦是皖省南路軍務已接辦有人而蒙宿等處帶兵各員甚不得力非秦定三親往督率不能望其振作自應迅速移營北向以資攻勦秦定三著仍遵前旨馳赴蒙城督率皖北各軍會同英桂勦辦擒匪毋庸再留桐城致北路轉有貽誤至勝保奉旨來京應否派往軍營朕心自有斟酌現在該員尚未到京豈能以刻不容緩之軍情久懸以待勝保之至耶將此由六百里各諭令知

之○又諭福濟奏豫省協濟米麥請折價解往等語據稱周家口以至臨淮匪蹤出沒道路難行抽兵運米為費不貲且自八月以後沿江圩田稍有收成非如六七月間之缺米請飭豫省照山東折價章程撥解銀兩就近採買所有原備米麥即留為河南賑恤之用等語安徽餉摺緊要現在既可自行購買即毋庸撥解米麥著英桂即將折價銀二萬八千兩剋日解赴廬州以歸簡易將此由四百

里諭令知之予安徽桐城陣亡外委解成
珠祭葬世職予雲南曲靖府屬勦匪陣亡
把總胥恩詔莫汝貞祭葬世職蠲免直隸
保定固安永清東安宛平開東明長垣八州
縣被水村莊本年額賦有差並賞貧民口糧
暨衝塌房屋修費蠲緩直隸通武清寶坻
甯河順義雄安高陽東光天津廣平磁玉田
三河薊香河霸文安大城灤安肅定興蠡束
鹿獻肅甯任邱景吳橋青靜海滄南皮鹽山

慶雲正定晉南和平鄉廣宗永年邯鄲成安
肥鄉曲周雞澤元城大名南樂清豐豐潤南
宮武邑衡水深武強定五十七州縣被水被
旱被蝗村莊本年額賦暨河淤海防經費攤
徵有差並減免差徭庚戌

上御洞明堂句到四川情實罪犯停決斬犯十
九人絞犯二人餘五十八人予句諭內閣
和潤奏職官恃符狡展並牽涉承審司員詐
贓請派員提審一摺盛京鑲黃旗掌印關防

音登阿於伊子被控毆師屢經承審官傳訊
託故抗拒阻不令赴案顯係恃符狡展並牽涉
承審官刑部郎中福蔭有向伊詐贓情事虛
實均應徹底根究音登阿福蔭均著暫行解
任歸案質訊並著派慶祺會同和潤親提全
案人證秉公研訊確情按律定擬具奏諭
軍機大臣等慶祺奏遵查

永陵河道請改歸舊制並另片奏

福陵引河上游被水淤塞請一併勘估挑挖各

等語著照所議辦理惟據聲稱兩處河道明
年均不宜修動必須俟至咸豐八年方能興
辦此時若即選擇吉期派員勘估為時尚遠
著該將軍敬謹存記於明年秋間再行具奏
請旨將此諭令知之以勦辦貴州苗教各
匪出力予提督孝順優敘總兵官蔣玉龍議
敘賞副將巴楊阿總兵銜遊擊薩炳阿兆喜
楊啟賢都司孫鈺王萬祥賀朝岡守備宋朝
榮王占魁雲騎尉王有品花翎雲騎尉朱光

星等藍翎餘升賞有差。撥廣東司庫銀十萬兩解赴湖南以濟軍需。辛亥諭軍機大臣等官文等奏襄陽樊城賊匪被勦敗退一摺前因襄樊匪徒竄擾新野復陷鄧州諭令官文於都興阿等大員內酌派一員統帶官軍進勦一俟襄樊得手即與豫軍會勦新鄧本日據官文等奏襄陽解圍樊城賊亦敗去是賊勢全注新鄧勢將北竄雖經諭令譚廷襄於陝西撥兵會勦並據英桂奏稱已派總

兵邱聯恩帶兵前赴南陽惟該二省兵力尚單現在襄樊兵勇為數不少自應無分畛域迅速進擊所有統兵大員官文當已遵旨酌派儻都興阿一時未能前往亦著揀派得力大員先行帶兵赴鄧州等處會勦務將賊蹤迅速掃除毋以驅賊出境遂為了事致令蔓延鄰省也將此由六百里諭令知之。改鑄廣西土思州印信從巡撫勞崇光請也。壬子諭內閣何桂清奏徽境肅清並甯國壘勝

情形一摺徽州府官軍自克復休甯後餘匪分股竄踞黟縣及漁亭等處官軍進攻漁亭賊匪敗遁進勦黟縣直逼東門逆匪紛向北門竄逸官軍於收復縣城後將分竄祁門之賊追擊至太平縣境沿途擒斬多名徽郡全境業已肅清其甯國賊匪經提督鄧紹良督兵分路迎勦共計殲斃數百名連次進攻將出城抗拒之賊殲斃數百名著該提督迅速克復城池毋令蔓延在事出力人員著何桂

清與前次克復太平祁門案內各員一併查明保奏地方文武應行議處各員著俟甯國軍務完竣後覈實查辦。又諭邵燦庚長奏官軍擊退徐州捻匪城圍已解一摺捻匪攻撲徐州勢甚猖獗總兵史榮椿欽兵入城登陴固守經邵燦等派撥兵勇前往援應史榮椿派令千總張振西把總滕加勝分帶兵勇由南北兩門出擊適有賊騎至西關放火被張振西等殲斬殆盡遂合隊直入賊中施放

火箭然燒賊營東南二門亦開放大礮接應
兵勇乘勢奮擊賊眾慌亂遁逃城圍立解其
攻圍蕭縣之匪亦經侍衛伊興額等擊退餘
匪悉向西南遁去此股擒匪窺伺徐州既經
擊退尤應速行掃蕩著邵燦庚長嚴飭史榮
椿會同揚州大營所派帶兵各員並該漕督
等所派帶勇員弁探明匪蹤迅速勦捕毋任
蔓延此次出力人員並著邵燦等擇尤保奏
諭軍機大臣等前因擒匪竄撲徐州諭令

德興阿等撥兵赴援並諭邵燦庚長派兵馳
往以助聲勢旋據德興阿等奏已派兵勇一
千七百名交蘊秀統帶前往本日復據邵燦
等奏派勇一千二百名分起赴援已於十六
日將擒匪擊退府城解圍此次竄圍徐州及
蕭縣各匪雖經兵勇擊退而虞城夏邑匪勢
尚熾豐縣碭山亦未肅清另股擒首張逢科
復近在蕭宿接壤之東山套一帶嘯聚其窺
伺徐城之意尚未盡絕邵燦等既飭派出各

員探明進勦即著傳知史榮椿探明匪蹤迅
速迎擊並飭知在城文武妥為布置毋稍疏
懈德興阿等派出兵勇前據奏稱一俟徐城
圍解即令折回揚營此時徐州兵力甚單邵
燦等所派有勇無兵馬隊一項萬不可少著
德興阿等將派出兵勇暫緩撤回即飭隨同
史榮椿分路進勦以厚兵力伊興額原帶馬
隊業已派赴懷遠未便折回該處既有揚營
派來馬隊足資勦辦著即撥歸伊興額統帶

虞城夏邑等處匪蹤已諭知英桂迅速派兵
會勦矣將此由六百里各諭令知之又諭
邵燦庚長奏徐州解圍夏邑虞城等處匪勢
猖獗一摺前據英桂奏馳抵鹿邑派兵分路
進勦旬日以來未據將進勦情形續報現在
徐州之匪雖經邵燦等派撥兵勇會同史榮
椿擊退而豐縣碭山均各告警至夏邑虞城
等處匪勢尤屬縱橫該處為北竄要路豈容
任其蔓延為患此時秦定三進攻桐城正在

喫緊恐未能即赴蒙亳英桂自應迅速進兵未可因待奉定三合兵轉致遲誤著該撫遵照前旨速由鹿邑統兵前進將渦河南岸匪巢剋期掃蕩以便節節進攻其夏邑虞城一帶前據奏稱派莫爾賚阿帶馬隊五百名前往深恐兵力尚單並著英桂悉心斟酌或令袁甲三帶兵前赴該處或另派得力大員管帶重兵前往奮力勦擊儻不能嚴密堵剿致令北竄朕惟英桂是問將此由六百里諭令知之 浙江巡撫何桂清奏遵旨籌辦來歲新漕除各州縣災歉田畝分別輕重照例蠲緩外成熟鄉莊仍由司道督飭各府州縣設法勸徵得旨所擬辦法仍實漫無把握以金州副都統增慶為正白旗蒙古副都統命伊犁將軍扎拉芬泰為什幫辦大臣德通庫車辦事大臣烏勒興阿古城領隊大臣貴文來京以葉爾羌參贊大臣常清為伊犁將軍賞哈密辦事大臣慶英提督銜為葉爾羌

參贊大臣調哈密幫辦大臣培成為和闐辦事大臣賞頭等侍衛豫祺副都統銜為哈密幫辦大臣內閣侍讀學士達綬頭等侍衛為烏什幫辦大臣已革吉林將軍固慶藍翎侍衛為庫車辦事大臣三等侍衛何永安頭等侍衛為古城領隊大臣以援勦安徽徽州府逆匪克復休甯黟二縣城予副將周天受以總兵官用以安徽勦匪出力開復總兵官都隆阿等革職處分副將秦如虎降調處分仍以總兵官用予安徽陣亡遊擊江忠信千總程元寶把總馮清標外委徐岳林劉洪高胡鴻飛從九品方正劉德明祭葬世職予河南陣亡遊擊馬從龍守備吉爾庫泰馬永祿千總景殿魁雲騎尉呂澍祭葬世職

癸丑

上御洞明堂句到奉天陟甘情實罪犯停決奉天斬犯四人絞犯二人陟甘斬犯四人絞犯二人餘五十七人予句 諭內閣各省府州

縣官均有守土之責遇有賊匪竄擾嬰城固
守克保城池朕不惜破格施恩以昭激勸其
失守各員有能於事後奮勇殺賊力贖前愆
者或准其免罪留營效力原屬法外之仁豈
容視為常例近來各路統兵大臣及各省督
撫往往於失守員弁動以功過相抵為詞不
但寬其罪名甚至仍留原任且有失守之時
並不奏參直至克復後徑請免議者似此曲
為開脫何以持刑法之平著通諭各路統兵

軍機處

三

大臣督撫所有失守後隨同克復各員祇准
酌減罪名或從寬免罪仍帶降革處分不准
遽請開復俟續有勞績方准酌量保奏以杜
冒濫而示勸懲將此通諭知之 西安將軍
福興奏報馳赴江西會籌軍務並交卸啟程
日期得旨汝抵江右一切機宜務須奮發有
為以期次第克復若稍有畏難之見朕必治
汝之罪 以鑲紅旗滿洲副都統國瑞署京
營左翼總兵 甲寅

上詣

安佑宮行禮 詣

大高殿行禮 還宮

軍機處

四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十

成憲日就月將恭承丕丕基亦俾我子孫臣庶	克永觀省實萬世無疆之休朕心欣悅與卿	等同之王以下文武各官行慶賀禮派出奉	書之貝子公及宗人府官由保和殿恭奉	實錄	聖訓至乾清宮安設	上詣香案前行禮 幸圓明園 諭內閣欽惟我	皇考宣宗成皇帝體元立極纘	緒延麻	臨御三十年時幾宵密夙夜不敢康	敬	天	法	祖	勤政	愛民	聖德日新	治功丕冒
--------------------	-------------------	-------------------	------------------	----	----------	---------------------	--------------	-----	----------------	---	---	---	---	----	----	------	------

齋心	壇	廟	祇謁	橋山	莅陪都而攄	迺遠之誠奉	慈闈而謹問	安之節	孝思不匱	家法永垂洎乎戡定西陲生擒巨憝	皇威震疊遠屆窮荒	武功既炳耀寰區	邛治更光昭日月所其無逸悉本	宵衣旰食之深衷煥乎有文實該帝典王謨之	大旨普	湛恩於陬澨賦稅頻蠲仰	儉德於
----	---	---	----	----	-------	-------	-------	-----	------	----------------	----------	---------	---------------	--------------------	-----	------------	-----

宮庭珍奇弗御式瞻

遺訓益知

聖慮之謙沖緬想

隆規莫罄史臣之揚厲朕以涼德仰荷

恩慈簡畀元良誕膺

付託伏見

聖德

神功肩巍顯翼爰於嗣位之初命大學士等督

率官員敬謹纂修

實錄編年紀事一歸簡質共成書四百七十六

卷又續經恭輯

聖訓一百三十卷

盛德大業震古鑠今茲者全書告成百僚共慶

顯謨承烈億禩為昭金匱尊藏紹聞彌切館臣

等六載以來悉心編勘妥速竣功允宜優加

甄敘以彰鉅典而獎勤勞監修總裁官正副

總裁官暨提調纂校收掌繙譯等員與執事

人員作何議敘之處著該部查照舊例斟酌

妥議具奏其筵宴賞賚亦著該部察例具奏

○又諭本日

皇考宣宗成皇帝聖訓

實錄告成朕於卯刻吉時御殿受書祇肅禮成

百僚畢賀維時卿雲五色瑞靄繽紛占事有

祥彌增欣慶仰維

皇考宣宗成皇帝建極綏猷

持盈保泰三十年之

治謀盛業具載典章朕志切紹聞時深兢業幸

皆上邀

眷佑故當此全書告成之日敬承

慈貺明示庥嘉實我國家億萬年景福所基嘉

與在廷大小臣工同殷拊慶允宜普錫恩施

用昭鉅典除降旨將監修總裁以下各員並

在館執事人等分別加恩外所有本日進書

執事之親王郡王均著加恩紀錄四次執事

之貝勒以下宗室文武官員及執事之大臣

官員均著加恩紀錄二次其宣讀表文致辭

制答各員均著加恩紀錄二次其餘大小文武各員均著概行施恩紀錄一次此外八旗兵丁並著加恩各賞給半月錢糧以示慶成錫福閩澤覃敷至意○又諭本日

皇考宣宗成皇帝聖訓

實錄告成朕祇肅受書實深欣慶除現已降旨將在館各員及執事人等一併施恩交部查照舊例優敘錫賞外溯思開館以來所有監修總裁總裁副總裁等皆能盡心編輯各失

勤勞允宜特加優獎監修總裁大學士文慶雖甫經添派惟開館之初本充總裁當此

盛典告成銜名首列著加恩賞御用袍一件並賞加一級總裁兵部尚書阿靈阿副總裁兵部尚書周祖培吏部侍郎瑞常均係始終其事阿靈阿著賞加太子少保銜周祖培續辦

戶部尚書朱鳳標在館六年著賞加太子少保銜蒙古副總裁都察院左副都御史雙福歷充纂修提調在館有年著賞戴花翎總裁刑部尚書趙光在館三年著賞加三級其在館二年之總裁吏部尚書花沙納副總裁協辦大學士工部尚書彭蘊章均著賞加二級副總裁吏部侍郎穆蔭著賞加一級並開復處分一案離館之監修總裁致仕大學士祁寓藻著賞食全俸前任大學士賈楨著賞加一級紀錄二次前充總裁副總裁之吏部尚書翁心存在館四年續辦彙本悉心纂輯伊孫監生翁曾源著賞給舉人一體會試戶部尚書柏蔭在館三年工部尚書全慶在館四年均著賞加三級前任戶部侍郎羅惇衍在館二年著賞加二級原任協辦大學士贈太師大學士杜受田開館之初章程體例皆其手定編纂彙本業經過半茲全書告蒧未與觀成殊深追念著加恩賜祭一壇伊孫舉人

杜庭琛著賞給貢士一體殿試原任工部侍郎宗室奕毓編纂清文尤為詳慎著賜祭一壇伊子宗人府候補委署主事載慶著遇缺即補原任禮部尚書惠豐原任理藩院尚書吉倫泰原任兵部侍郎常志雖在館未久俱能恪恭將事均著賜祭一壇以示朕推恩懋賞嘉獎勤勞至意○命工部尚書協辦大學士彭蘊章為大學士管工部事吏部尚書翁心存協辦大學士以都察院左都御史許乃

普為工部尚書戶部左侍郎朱嶧為都察院左都御史調工部右侍郎沈兆霖為戶部左侍郎兼管三庫事以內閣學士劉崐為工部右侍郎兼管錢法堂事務內閣學士楊式穀著兵部右侍郎○以貴州軍營出力賞外委胡名登等藍翎千總徐明等加銜升敘有差○丙辰諭內閣曾國藩奏請將典史卹典查銷並自請察議等語湖南安鄉縣典史潘兆奎前經曾國藩以該員銜圖落水奏請議卹

茲據查明該員於投水後遇救得生所有潘兆奎前得卹典著即撤銷曾國藩未及查明率行具奏著交部察議○諭軍機大臣等英桂奏南陽情形緊急添兵勦辦等語匪徒竄踞鄧州賊首余姓分黨四出並竄入新野縣境官軍接仗失利南陽新野兩城勢極危急此時卹聯恩帶兵諒已馳抵該郡英桂因兵力尚單將駐防光山官兵三百名令參將成景帶往援勦著即督飭該員等迅速進勦並

飛提官文所派湖北官兵合力攻擊前調陝西兵二千名已據譚廷襄奏派副將龍澤厚統帶前往著一併迅速迎提英桂仍當察看南陽緩急情形隨時派兵策應儻令蔓延北竄朕惟該撫是問將此由六百里諭令知之○又諭前據何桂清奏吳坤修所帶彪勇未到廣信當經諭令曾國藩文俊飭令該員迅速馳往以便饒廷選交替後回駐玉山茲據曾國藩等奏吳坤修一軍因奉新安義靖安

三縣紳民懇留勦匪未便調往現飭李元度由崇仁帶兵馳赴廣信駐防惟江西餉項支絀若僅劄郡城不能設法籌餉擬令駐劄貴溪招徠商民請飭饒廷選仍駐廣信等語該省兵餉專賴錢漕接濟若移李元度於貴溪俾河口商民可以復業七屬錢漕可以徵收於餉糈甚有裨益玉山即係廣信所屬饒廷選之駐廣信與駐玉山相去本不甚遠著何桂清即飭該總兵仍在廣信留防即婺源開

化等處亦可就近兼顧似此通融辦理既於浙省之兵力無損并於江西籌餉事宜較為有益將此由五百里諭令知之○河南巡撫英桂奏請飭下直隸山東山西各督撫挑選戰馬一千匹解赴軍營備用從之○命湖南巡撫駱秉章撥給漕米三萬石運至湖北荊州營以濟軍食○以江西宜黃崇仁兩城克復撫州老營被陷降同知李元度為知縣拔去花翎予陣亡同知林源恩道銜並都司唐

德陞教諭耿光宣從九品周尚桂祭葬加等世職如例上高陣亡知縣傅自銘守備詹榮清祭葬世職○丁巳

上御洞明堂句到浙江江蘇山東情實罪犯停決浙江斬犯二人山東斬犯八人絞犯二人餘三十二人予勾○山西巡撫王慶雲奏報飭屬編查保甲章程得旨惟在行之以久時加察查勿致擾累不可以一經覆奏為了事也○以援勦江西廣信賊匪出力賞千總林

連喜等藍翎參將榮壽等升敘有差○戊午諭內閣此次恭纂

皇考宣宗成皇帝聖訓

實錄該總裁等盡心編輯允宜嘉獎勤勞前特降旨將監修總裁官正副總裁官作何議敘交該部查例議奏茲據文慶等以業經渥荷恩施籲請停免議敘情詞懇至自應俯如所請文慶花沙納朱鳳標阿靈阿趙光彭蘊章周祖培瑞常穆蔭雙福議敘之處俱著准其

停免交部其業經加恩之離館監修總裁正副總裁等亦著毋庸再給議敘以歸畫一○又諭惇郡王奕諱第二子著命名載漪○諭軍機大臣等前據邵燦庚長奏十月十四日擒匪圍偏徐州官軍出戰獲勝該匪即於十六日敗退蕭縣亦經解圍該漕督等摺係二十二日具奏本日據怡良趙德轍奏二十一日等日接徐州緊信酌令福興緩赴江西督帶馬隊官兵馳往徐州救援等語自係未知

徐州解圍消息不得不移緩就急以扼北路要衝現在該郡業已解圍其分竄各匪有史榮椿督兵追擊並據德興阿等奏於派往各兵內酌留協剿兵力不為單弱江西賊氛甚熾尚少統兵大員福興自應仍赴江西該將軍渡江後必知徐州解圍之信無論行抵何處仍著折回由蘇浙一帶取道前往江西毋稍延緩將此由五百里諭知怡良趙德轍並諭福興知之○實授趙德轍江蘇巡撫以江

蘇蘇松太道楊能格為按察使○予江西陣亡都司吳廣生祭葬世職六品軍功曾學棟生員王守貞賞卹如例○蠲緩兩淮豐利掘港金沙呂四餘西角斜柎茶富安安豐梁埭東臺何埭草堰劉莊伍佑新興廟灣丁溪板浦中正臨興二十一場被旱歉區額賦有差准動用撫恤銀一萬兩賑通泰二州被災竈戶○展緩吉林打牲烏拉被淹旗地積欠額賦並賑給飢民口糧○己未展緩山東臨沂

歷城章邱鄒平長山齊河濟陽臨邑長清陵平原惠民陽信樂陵利津蒲臺滋陽曲阜甯陽鄒汶上單城武曹觀城聊城博平茌平館陶恩夏津邱新城德平泰安泗水滕嶧堂邑清平莘冠高唐武城聊城海豐霑化蘭山費蒙陰沂水博興樂安高苑莒益都臨淄壽光昌樂臨朐平度昌邑濰高密日照濟甯鄆城魚臺金鄉嘉祥商河七十一州縣並東昌臨清濟甯德州四衛被水被旱被蟲被風災區

新舊額賦有差。○庚申。以山東布政使晏端書為浙江巡撫。直隸按察使吳廷棟為山東布政使。賞已革河南巡撫陸應穀。四品頂帶。為直隸按察使。○辛酉。諭軍機大臣等。何桂清奏。皖南賊援廣集。請由江南大營添兵助剿。一摺。據稱。逆首石達開。糾黨三四萬。自十月十一日。至十四日。併力攻撲涇縣城池。復分股擾及甯國縣地方。涇縣官兵因糧火不繼。道路梗阻。已退回甯國縣城固守。現在徽

州各路無兵。可分甯郡大軍。亦兼顧不及。皖南情形。萬分喫緊。業已飛咨和春。撥兵救援。等語。逆蹤分股竄擾。徽甯各處宣城。涇縣。二處鄉村。賊勢蔓延。百餘里。儻令與甯國郡城之賊。聯為一氣。則建平。廣德。路路可通。浙省邊防。實形危急。著和春。即撥精兵三四千名。迅飭傅振邦。統帶。星馳前往甯國。一帶會同。鄧紹良。相機力剿。毋稍遲延。其深水一路。攻城各軍。即著和春。速派得力大員督辦。仍著

何桂清。嚴飭師長。鑣等。由甯國縣一路。步步前進。先行疏通。軍火糧餉之路。規復涇縣城池。以杜該匪內竄。昨已簡授晏端書。為浙江巡撫。不日即當飭令赴任。何桂清。仍當力疾調度。不可稍形鬆勁。至石逆由池州而來。一經糾結。即至三四萬人。皆因地方被旱。飢民為其裹脅。以致愈聚愈多。怡良。兼轄安徽省。自應亟籌妥辦。著速委明幹曉事大員。分齎銀米。馳赴甯郡一帶。將未被賊裹之飢民。加以

撫恤。免致流而為匪。其已陷賊中者。亦著設法招徠。俾得漸就解散。則賊勢自孤。於剿辦亦易得手。將此由六百里各諭令知之。○命翰林院侍讀潘祖蔭。編修彭瑞毓。在南書房行走。○以皖北勦擒出力。賞武舉孟貫三等藍翎。知州才宇。和挹總閔廷珮等。升敘有差。○予四川酉陽秀山陣亡守備舒芳申等。祭葬世職。○准山東臨邑齊河德平原德平濟陽肥城青城聊城堂邑博平茌平清平等冠。

高唐恩館陶武城十九州縣被災地畝本年應徵豆石改徵粟米（壬戌）

上御洞明堂勾到山西直隸情實罪犯停決山西斬犯六人絞犯二人直隸斬犯二人餘四十三人予勾○諭內閣載垣等奏現屆恭修玉牒請俟全書告成分別變通獎敘一摺增修玉牒鉅典攸關在館效力人員與別項纂辦書籍者不同歷屆獎勵本有成案惟此次編輯更屬卷帙繁多書成獎敘自應酌量從優加

恩著照所請此次在館人員如果始終勤奮辦理妥速俟全書依限告成後由該王大臣等覈對功課即比較捐銅局火器營現辦章程酌量給予從優議敘以示鼓勵另片奏前期選派章京筆帖式趕辦冊檔等語統俟全書告成由該王大臣另行併案從優保奏○又諭舒興阿奏收復姚州城池肅清地方一摺雲南姚州回匪戕官踞城節經提督文祥督兵圍攻連日殲斃悍匪四百餘名生擒馬

從友等正法兇很匪徒多已臨陣被戮城內被脅良回及被陷漢民畏威投誠於九月十五六等日將戕害學正盛續芳首犯何添沖並匪首馬幗才等縛獻大營剴取要匪沐老十等首級呈驗繳出槍礮刀矛帳房多件官軍於收復城池後復將著名兇匪馬隴驤等四名緝獲並各路擒獲要匪馬濛等三十一名均分別凌遲梟示著名匪徒安十三太寶等均已臨陣殲斃地方肅清辦理尚屬妥協

在事文武員弁著准其查明保奏○又諭福濟鄭魁士奏進攻賊壘獲勝並擊退賊援一摺安徽桐城逆賊壘次出撲官軍營壘鄭魁士奏定三與副都統麟瑞各督兵勇分三路迎勦協領富和等帶領馬隊從兩旁抄截賊眾大潰官軍乘勢追殺至城下山岡伏賊忽起復被兵勇擊敗餘匪狂奔入城計先後斃賊一千餘名奪獲旗械馬匹數百件此股賊匪踞城日久疊經官軍進攻獲勝勢漸窮蹙

福濟現由巢縣拔營前往。兵力更厚。著即會同鄭魁士督飭將弁迅將該城克復。毋再延緩。又諭刑部奏議案犯情罪未協。請飭該省另行妥擬一摺。所駁甚是。此案四川忠州民人范沅勳於道光二十二年強奪王仕忠之妻王劉氏作妾。復哄誘路行楊開科之妻楊吳氏至家強占作妾。經各本夫往尋該犯恃兇嚇回復。另犯擾害良民多案。種種不法。實與光棍無異。僅照強奪姦占本律擬絞。

殊未允協。范沅勳著照光棍事發為首者斬立決例即行處斬。毋庸交該督另擬。該犯之子范兆魁著即照該督所擬發極邊足四千里充軍。革職留任河南巡撫英桂奏豫省勦辦捻匪並飛咨江皖兩軍扼要堵剿得旨。此兩次獲勝並未殲斃渠魁。恐追殺者皆係裹脅。似此等勝仗與巨逆何傷。獨不能懸賞激勵耶。予雲南姚州陣亡守備楊長桂千總劉玉聲把總田忠吳秀王顯柯國陞外委。

吉鳳翔胡應昌楊得升汪揆牛玉山雲騎尉汪萬春金萬春殉難學正盛續芳祭葬世職並盛續芳妻劉氏子清彥媳段氏旌卹如例。癸亥諭軍機大臣等前因扎拉芬奏俄夷遣官會議燒失貨物一案專以議賠為詞諭令該將軍等堅持定議不可允其賠償致壞成約茲據扎拉芬奏謙亨奏俄夷使臣回國日期並派員會議折辯款待等情此次該夷使仍復意存狡執一味索賠該將軍等業

已明白開導正言拒絕該夷使因索賠不遂藉端滋事原未可定第該國素尚恭順未必即起釁稱兵扎拉芬奏等仍當善為開導曉以利害示以懷柔毋使決裂並著密飭各邊卡暗地設防處以鎮靜不得稍涉張皇方為妥善至所慮該匪蘇勒官將咨文捏改等弊本日已飭理藩院行文該國薩納特衙門將來文回文照錄轉行矣將此諭令知之○又諭本日據官文胡林翼奏勦捕裹屬竄匪獲

勝一摺並另片奏都興阿等駐劄要隘礙難分赴襄陽請飭英桂速派馬隊迎勦等語襄陽匪徒竄踞鄧州南陽新野兩處情形危急都興阿既不能帶兵前往官文等仍當督飭所派文武各員無分畛域越境追擊與豫省官兵會合庶可一鼓殲除現在皖豫擒匪肆擾即由三省官兵不能合力兜擊所致官文等豈可再蹈覆轍且此股匪徒由楚入豫該大臣等更不得以襄樊無事遂置豫省於不

顧著即嚴飭唐訓方等乘勝進剿尤應繞出賊前迎擊不得一味尾追致令北竄其分竄襄屬四鄉餘匪及隨州土匪並著速飭帶兵員弁悉數殲除毋留餘孽鄧州一帶地勢平行馬隊易於施展英桂現在勒擒喫緊並著察看情形如有馬隊可以抽撥亦即酌量調派協同邱聯恩會合楚軍奮力進攻迅圖克復陝西官兵二千名已據譚廷襄奏派副將龍澤厚管帶前往南陽當已行至鄧州一帶

著即飛催會同進剿諒此烏合之眾得三省兵力殲除不難剋日蕩平也將此由六百里各諭令知之○命四川布政使楊培來京以四品京堂候補以四川按察使祥奎為布政使浙江鹽運使曹澍鍾為四川按察使○以福建海壇鎮總兵官鍾寶三為水師提督福建閩安協副將賴信揚為海壇鎮總兵官○以攻勦安徽桐城賊匪出力予協領福和以副都統用副將鮑雲耆以總兵官用賞道員

陸希提運判武祖德遊擊梁勝章守備陳炳南等花翎外委李安邦等藍翎餘升敘有差予湖北襄陽陣亡府經歷栗瀚源守備盧占春千總劉志高六品軍功董青雲祭葬世職○甲子

上詣

安佑宮行禮遣官祭

先醫之神○諭內閣御史李培祐奏大錢漸形阻滯請嚴查奸商一摺現在當十大錢京

外流通便民利用。若如該御史所奏，奸商私為阻撓，重票輕錢，以致民間物價日昂。於閭閻生計大有關繫。著步軍統領衙門、順天府、五城一體出示，剴切曉諭，不准重票輕錢。任意增減。儻有奸商把持市價，漁利病民者，即行嚴拏懲辦。○諭軍機大臣等：孝順、蔣肅遠奏黔省軍務緊急，請續調川兵以資勦辦。一摺：黔省勦辦下游苗教各匪，此擊彼竄，兵力實形單薄。前經樂斌派鍾琦帶兵一千名協勦，已改撥雲南蔣玉龍等所帶之兵到黔。後多因瘴疫患病，現在黔省軍情緊急，著樂斌挑選精兵一千三百名，揀派得力大員管帶，由瀘州一路馳赴黔省聽候調遣。其川營實在患病各兵，即著撤回歸伍，以資勦辦。而示體恤。將此由六百里諭令知之。○又諭：蔣肅遠奏軍餉不繼，請飭廣東省籌銀速解。一摺：廣東解黔餉銀，本年收到三批共十五萬兩，俱係歷年欠解之款。其上年令葉名琛

等籌解銀二十萬兩，至今尚未報解。現在黔省勦匪喫緊，餉需支絀，關繫匪輕。著葉名琛即將前諭籌備解黔銀二十萬兩迅速籌備，分起派員陸續解黔，以濟要需。毋稍遲誤。將此由六百里諭令知之。○以貴州清平縣城失守，巡撫蔣肅遠下部議處。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十二

監修總司官經筵日講起居注官太子人保上書房總辦文淵閣閣事翰林院掌院學士稽察朕奉二節事件處國史館總纂官武英殿

人學士管理兵部事務加十三級紀錄十四次
實積奏本總裁官經趙謙官太子太傅文蔚閣領閣事武英殿總裁官教習庶吉士禮仁

大學士管理內閣三庫事務管理刑部事務加三品級紀錄十六次_且周祖培總減官太子孫管理內繕書房事務對引大臣軍機大臣

錄送鎮滿洲都統戶部尚書管理三庫事務加四級隨帶加五級紀錄十二次臣寶鑾總戎官經題議官以德教營清文諸達上書房總

皇清史館總纂官正藍旗蒙古都統禮部尚書管理太常寺鴻臚寺事務加二級軍功加四級隨帶加八級記錄五次_臣倭什穆布等奉

敕修

咸豐六年丙辰十一月乙丑

上詣

大高殿

壽皇殿行禮。
() 還宮。
() 諭內閣嘉慶六年欽奉

諭旨

文昌帝君主持文運福國佑民崇正教闢邪

說靈蹟最著海內崇奉與

關聖大帝相同。允宜列入祀典。用光文治。當

經禮部太常寺奏准一切禮節祭品均與

關帝廟同現在

闢聖帝君已升入中祀

文昌帝君應一體升入中祀以昭誠敬一切典禮著該衙門妥議具奏又諭英桂奏大計兩次屆期軍務未竣再請展限一摺河南省咸豐三年大計該撫因出省防堵奏請展限迄今已逾三載又屆考覈之期屬員中賢能者固應保舉不職者亦當劾罷豈容任意展緩致激揚鉅典日久虛懸所奏著不准行所有咸豐三年及本年應行大計仍著該撫

悉心酌覈並督率藩臬兩司秉公辦理毋得再有延宕諭軍機大臣等鄭魁士現任壽春鎮總兵鳳潁皆所管轄且熟悉蒙宿一帶情形茲將三省官兵均歸節制必能奮勉立功埽蕩羣醜桐城屢勝之後賊勢漸蹙福濟務興秦定三督飭將弁奮力進攻速將該城克復毋再延緩所請催河南馬隊官兵已諭知英桂飭令迅速赴皖該撫卽派員催提以資勦辦將此由六百里諭知福濟並諭秦定

三鄭魁士知之。又諭前據英桂奏遵旨飭將關保等原帶馬隊五百名先行馳赴懷遠迄今已逾半月諒早趕抵該處本日復據福濟奏懷宿蒙城等處需用馬隊甚急至今未曾見到著英桂迅將前項馬隊五百名交協領關保星速啟程帶赴蒙城以資勦辦毋許藉詞推諉再致遲誤將此由六百里諭令知之。命提督銜安徽壽春鎮總兵官鄭魁士會同河南巡撫英桂勦辦擒匪福建提督秦

定三會同安徽巡撫福濟督勦桐城賊匪事務。福建巡撫呂佺孫因病賞假以布政使慶端暫護巡撫。以安徽廬鳳穎被災被擾較重各州縣民食維艱准撥賑濟銀二萬兩採買米石減價平糶。丙寅以

宣宗成皇帝實錄

聖訓慶成賞提調官內閣學士文惠總校兼纂修官參領三等子張廷岳花翎授總纂官宗人府府丞宋晉為內閣學士兼禮部侍郎銜

予總校兼纂修官通政使司通政使訥爾濟等升敘有差。命伊犁領隊大臣勝保發往安徽軍營交福濟差委。以四川省城辦團出力予在籍通政使司參議周廷授等升敘有差。丁卯

聖祖仁皇帝忌辰遣官祭

景陵

上詣

壽皇殿行禮。諭內閣桂良奏本年大計未能

依限辦理請展至來年歲底舉行一摺直隸上屆大計因軍務未竣准其展限辦理現在該省並無軍務激揚大典豈容任意延宕所有直隸本年應行大計著展至來年春季間舉行該督務當悉心酌覈並督率藩臬兩司秉公辦理毋許稽延。又諭譚廷襄奏大計屆期懇展限辦理一摺譚廷襄到任未久陝西省大計著准其展至來年三月具題。又諭將蔚遠奏請將失守縣城隨同收復各員免

其查辦等語貴州思南府經歷鍾策勳典史壽其仁於該縣失守後隨同該府縣招集鄉團收復城池功過尚足相抵惟失守人員前經通諭隨同克復後祇准酌減罪名或從寬免罪不准遽請開復姑念蔣霽遠所請係在未奉諭旨之前且該府福奎該署縣吳雲煦業經免其查辦開缺此次即照所請鍾策勳著免其開缺壽其仁仍留貴州歸候補班酌量補用嗣後不得援以為例 貴州布政使

文謙因病解任以雲南按察使海瑛為貴州布政使甘肅蘭州道清盛為雲南按察使青海扎薩克郡王古木楚克吉斯們因病解任以其子濟斯默特那木扎勒多爾濟襲爵以前任陝甘總督易常節次捐餉永廣原籍湖南善化縣文武學額各一名 以收復貴州安南普安縣城並興義貞豐解圍賞知州蔣時瀄花翎知縣毓崑等藍翎並各加銜升敘有差 以四川蒲江勦匪出力賞道員

鄂惠遊擊張明等花翎知州宣維禮等藍翎並各加銜升敘有差 戊辰

上御懋勤殿句到朝審情實罪犯停決斬犯二人絞犯二人餘八人予句 諭內閣本年各直省辦理秋審人犯經刑部由緩決改情實者山東六起該撫並該臬司於秋讞重犯未能詳慎覈擬著交部查明分別議處嗣後各將軍府尹督撫等務當督同所屬遵照定例酌覈案情悉心究擬固不可失之刻覈亦不可惑於救生不救死之說意存寬厚故從輕減總期執法持平無枉無縱用副朕明慎用刑至意將此通諭知之 又諭御史李鶴年奏復咎大員恐難復膺重任一摺陸應穀前在河南巡撫任內辦理軍務未能實力防勦罪有應得業經罷斥茲因該員久歷外任是以賞給四品頂帶補授直隸按察使以觀後效向來緣事斥革人員棄瑕錄用仍能奮勉圖功者亦復不少況直隸既非軍務省分臬

司專理刑名亦非統轄全省朕進退人才一秉大公如果陸應穀不知振作仍不難重治其罪豈得以曾經獲咎人員逆料其必有貽誤概令終身廢棄耶該御史所奏著毋庸議又諭和春奏親督官兵進攻句容連獲勝仗一摺句容逆匪憑城堅守十月十九日和春同張國樑等督率兵勇分途進攻逆匪大股出巢來撲並分股抄襲我軍後路官軍三面轟擊和春身先衝突立斃悍賊三名餘賊驚潰二十五二十七等日該逆分股出撲張國樑督領官兵連開大礮擊倒執旗黃衣悍賊數名賊勢退下我軍三路追殺斃賊四五百名砍斃騎馬賊數名賊勢大潰此次官兵移營前進連獲勝仗斬馘多名著卽乘勝進攻迅圖克復毋稍延玩又諭樂斌奏省外各營伍前督臣未及查閱請旨遵行一摺此次四川未經查閱之省外各鎮協營弁兵卽著吳振械親往認真校閱諭軍機大臣等

和春奏督兵親攻句容連獲勝仗並鎮江漂水剿匪情形前因皖南緊急諭令和春撥精兵三四千名飭傅振邦帶往甯國一帶會同鄧紹良相機力剿漂水一路另派得力大員督辦茲據和春奏接得浙江緊信因傅振邦未便更易已調兵勇千餘名由漂水軍營另派得力將弁管帶赴東壩會合堵剿傅振邦既留漂水著卽趕緊攻剿力圖克復此次和春親督各軍連攻句容斬馘甚多該大臣身先將士不避矢石實堪嘉尚惟身為統帥舉動須出萬全不但以衝鋒陷陣見長該大臣務當於奮勇之中加以慎重十九日出隊雖受傷尚輕殊深繫念著發給如意拔毒散四料趕緊敷治就痊以慰朕望將此由六百里諭令知之以督辦四川軍火賞參將張定川花翎餘加銜升敘有差予江南句容陣亡守備黃龍璋李逢春把總馬萬斗馮開猷外委張仁和周元亨祭葬世職遣已革江

蘇巡撫楊文定戌軍臺。蠲緩江蘇上元。江甯高淳。江浦。六合。儀徵。丹徒。江都。句容。溧水。丹陽。金壇。溧陽。宜興。荆溪。武進。陽湖。江陰。靖江。上海。長洲。元和。吳。吳江。震澤。常熟。昭文。崑山。新陽。太湖。華亭。奉賢。嘉。金山。無錫。金匱。太倉。鎮洋。崇明。南匯。青浦。川沙。嘉定。寶山。十四廳州縣暨蘇州。太倉。鎮海。金山。鎮江。揚州。六衛被兵及近賊地方額賦有差。蠲緩歸化城。薩拉齊。二廳被水災區額賦有差。已

已諭內閣前因綏遠城駐防添演馬上槍箭。當經諭令西安甯夏倣照辦理。茲據薩迎阿奏請於西安駐防滿洲營馬甲內挑選二百名演馬槍。二百名演馬箭。連原派馬槍馬箭兵共作為馬隊八百名。每月操演九次。以資練習。著照所議辦理。該將軍與副都統等務當認真教演。俾該兵丁技藝嫻熟。毋得日久視為具文。又諭庾長奏請試辦開墾海口淤灘一摺。黃河海口兩岸淤灘均係曠土。可

資耕種。該河督請設法招墾。以裕經費。尚屬可行。著遴派妥員前往查勘。所有該處附近民田蕩地務須分清界址。毋許侵占。以杜流弊。俟試辦有效。再行酌議章程具奏。其豐北。蕭南。二廳以下河灘隙地。亦著委員清查。一體酌辦。以江蘇六合。勦匪出力。賞把總王兆海等藍翎。在籍翰林院檢討徐鼎。以知府用。都司秦懷揚等升敘。加銜有差。庾午上詣

大高殿行禮。諭內閣何桂清奏甯國官軍連獲勝仗一摺。甯國逆匪負嵎日久。十月二十三日復有大股賊黨。自柿木鋪等處來援。鄧紹良派兵堵截。援賊於楊柳鋪等處結壘。二十四日鄧紹良親督隊伍往勦。該逆被擊奔潰。鄧紹良以夏家渡賊氛日熾。二十五日親往督戰。斃賊二百餘名。其圖竄入城之賊。適與副將周天受派往援兵相值。被殲千餘名。賊仍不退。鄧紹良將領陣賊首擊斃賊眾大

潰被殲及溺斃者不計其數此股賊匪以數萬之眾來撲鄧紹良調撥兵勇分頭截勦七戰皆捷實足以褫賊膽著速將夏家渡一股掃蕩即可克復甯郡所有此次出力員弁著何桂清查明保奏其扣留浙省各營武職各缺並著照何桂清所請准其以皖南管帶浙勇之川楚將弁升補蠲緩山西托克托城廳被水災區新舊額賦賑災民一月口糧

辛未

上詣

壽安宮西所問

如皇貴太妃安 諭內閣大學士文慶人品端

粹器量淵深辦事精勤通達治體渥承

皇考宣宗成皇帝知遇由翰林洊陟卿貳在軍機大臣上行走緣事罷職旋即起用擢任正卿朕御極之初復因案獲咎念其平日服官謹慎特命督辦

昌西陵工程悉臻妥協擢授戶部尚書正值辦

理軍務籌畫度支克盡心力上年秋復命為軍機大臣旋授大學士仍管理部旗事務給扉襄贊夙夜宣勞深資倚畀前以偶染微疴給假調理方冀即日就痊遽聞在園寓溘逝悼惜殊深昨日已賞給陀羅經被並派貝勒載治帶領侍衛十員前往奠醊本日披覽遺章彌深軫惻著加恩晉贈太保照大學士例賜卹並賞給廣儲司銀一千兩准其入城治喪本月二十六日朕親臨賜奠任內一切處

分悉予開復應得卹典該衙門察例具奏用示朕眷念蓋臣至意尋奏上予祭葬諡文端又諭英隆奏出征官兵支過俸裝銀兩懇免坐扣一摺咸豐二年熱河調出官兵領過俸裝銀兩經該部以係屬防堵較令照例扣還茲據該都統奏稱此項官兵調派後即由河南帶赴江南軍營攻勦與專事防堵者不同所有此項銀兩即著照出征例免其坐扣以示體恤 諭軍機大臣等據葉名琛奏九

月中因水師兵勇在划艇內拏獲盜匪李明太等喚夷領事官吧嘓哩藉端起釁輒敢駛入省河將獵德礮臺肆擾又在大黃窖礮臺開放空礮自九月二十九日至十月初一日攻擊城垣縱火將靖海門五仙門附近民房盡行焚燒初一日又糾約二三百人扒城經參將凌芳與紳士歐陽泉等迎擊跌斃初九日該夷由十三行河面駛至直撲東定臺經兵勇轟壞兵船並斃其水師大兵頭哂嗎噤

略哩夷匪傷亡四百餘名現在該督等已守舊城調集水陸兵勇二萬餘名足敷堵剿紳民等同矢義憤即咪喇兩夷及西洋諸國俱知該夷無理未必相助其勢尚孤葉名琛熟悉夷情必有駕馭之法著即相機妥辦至夷首懷恨藉口從前不使入城而上年喚夷在上海又稱廣東總督拒絕不見口出怨言處處要挾思欲逞其謀利之圖夷心叵測此次已開兵釁不勝固屬可憂亦傷國體勝則該

夷必來報復或先駛往各口訴冤皆係逆夷慣技當此中原未靖豈可沿海再起風波寬猛兩難之間葉名琛久任海疆諒能操縱得宜稍釋朕之憤懣該酋因連敗之後自知悔禍來求息事該督只可設法駕馭以泯爭端如其仍肆鴟張斷不可遷就議和如耆英輩誤國之謀致啟要求之患所有陣亡之撫標中軍參將凌芳著交部加等從優議卹將此由六百里密諭知之 又諭葉名琛奏喚

夷藉端起釁我軍兩戰獲勝一摺九月間廣東水師兵勇因查拏划艇盜匪喚國夷酋吧嘓哩欲藉此為詞復作進城之想竟敢放礮攻擊城垣焚燒鋪戶十月初一初九等日我兵接戰兩獲勝仗夷匪傷亡四百餘名並將該夷水師大兵頭殲斃粵省紳團同伸義憤夷膽已寒所調水陸兵勇業有二萬餘名該夷縱極狡橫經此挫敗諒不敢再肆披猖且咪喇哂嗎噤及西洋各國均知此事起釁

曲在暎夷未肯相助其勢亦孤當可悔禍罷兵本日已諭葉名琛如果暎夷自為轉圜不必疾之已甚儻仍頑梗如故勢難遷就議和復啟要求之漸葉名琛久任粵疆夷情素所諳熟諒必能酌度辦理因思江蘇浙江福建沿海地方向為該夷火輪船熟習之路儻該夷不得逞志於粵東復向各海口滋擾亦當豫為之防著怡良趙德轍王懿德何桂清密飭所屬地方官吏如遇夷船駛至不動聲色

甘肅全書

上

妥為防範或來訴粵東構釁情事亦著據理折服俾知無隙可乘廢然思返仍不可稍涉張皇以致民心惶惑將此由四百里各密諭知之調鑲白旗蒙古都統瑞麟為鑲黃旗漢軍都統以伊犁將軍常清為鑲白旗蒙古都統壬申諭內閣胡林翼奏甄別府縣各員請旨分別懲辦一摺近來盜風日熾各地方文武官員堵剿奸匪徵解錢糧豈容以闕茸不職之員濫竽充數如該署撫所劾各員

貽誤地方殊堪痛恨湖北襄陽府知府革職留任海順因循畏縮官聲平常著即革任候補知府前署荆門直隸州知州潘祥新經徵錢漕延不批解著即革職並勒限兩箇月埽數完清如再玩延即從嚴叅辦署襄陽同知升用知府王恆堂千總黃世佑未入流喬恩保分防樊城汛地先期逃竄官聲平庸署襄陽縣事揀發知州伊勒哈圖於地方匪徒起事漫無覺察以上四員業經革職留任均著

實錄卷五

上

革任署漢陽縣事應升知縣伍繼勛經手釐金延不造報代理漢川縣事候補縣丞曹福增私設抽釐小局實屬貪鄙通山縣知縣龍瑞居心狡猾擅離職守代理崇陽縣事候補府經歷縣丞萬景賢捏報收復縣城應升知縣署鍾祥縣事馬效良操守不謹性情浮躁均著革職利川縣知縣祁塚年力衰頹著即勒令休致以肅吏治而儆官邪此外文武各員並著該署撫認真察看如有劣蹟昭著之

員仍著隨時奏母稍瞻徇。諭軍機大臣等據御史宗稷辰奏黔楚道梗通政使嚴正基係嚴如煜之子熟悉苗情請飭該員回湖南揀率鄉兵土勇出偏橋進剿並飭四川兵與湖南兵密約夾攻等語嚴正基雖熟悉苗疆形勢但年力漸衰未必卽能得力所請令其管帶兵勇之處著毋庸議至湖南大路宜扼偏橋其徑路如鴉喇關等處溪河直通麻哈八寨並三廳五砦皆有山路可通宜用前

欽此

十一

明朱燮元五道並進之法與今日情形是否相合貴州兵力單薄自應川楚合剿以期迅速藏事著吳振械恆春蔣霽遠賚秉章按照該御史所奏體察形勢相機勦辦如果川楚兩路各出奇兵分攻腹背再以黔省主兵與客兵併力殲除則辦理當易得手總宜不分畛域悉心籌畫原摺片均著鈔給閱看將此由五百里各諭令知之○又諭本日據胡林翼奏襄樊匪眾敗竄現飭兵勇約會川豫兩

軍合力兜剿一摺襄陽匪徒本係烏合之眾因兵勇先潰以致賊勢日張雖經官文等派兵勦擊獲勝而襄樊之賊竄踞鄧州南陽新野亦有賊蹤必須楚豫兩省大兵合力兜剿剋期撲滅方不致蔓延北竄既據胡林翼奏舒保等所帶馬隊唐訓方之訓勇均屬得力卽著督飭該員等會同總兵德恩邱聯恩三面合擊以期一鼓殲除其隨州土匪並著嚴飭參將文明等迅速掩捕毋許觀望至鹽法

欽此

十一

道常恩係官文特派帶兵勦賊之員何以遷延不進致有貽誤是否託詞患病希圖掩飾已革遊擊溫發魁師行無備委棄軍械為賊所得顯有畏葸逃避情事著該大臣等確切查明嚴參懲辦以儆怠玩而肅戎行將此由四百里各諭令知之○以禮部尚書瑞麟都察院左都御史文彬為總管內務府大臣命戶部尚書柏葰在軍機大臣上行走賞戶部尚書柏葰內閣學士崇綸正黃旗護軍

統領德全正藍旗漢軍副都統文豐在紫禁城騎馬以河南虎牢關等處辦團出力賞知府德蔭花翎餘升敘有差 癸酉調協辦大學士吏部尚書翁心存為戶部尚書兵部尚書周祖培為吏部尚書戶部尚書朱鳳標為兵部尚書 甲戌諭軍機大臣等德興阿翁同書奏逆匪窺伺江浦六合現籌撥兵助勦一摺江浦縣城日久尚未克復該逆欲圖竄擾浦口六合以牽掣揚營後路已非一日

實錄卷一百一十五

七

此次據報沿江下駛之賊多至數萬是浦口一軍甚為喫緊該大臣等撥出馬隊一起兵力未見甚厚亟應乘其初到之時奮力急擊使不得與城中之賊併為一處並將江浦縣城力圖克復方能保固揚州後路若徒為添兵保守營盤之計則前顧瓜州後顧浦口徒見分兵益形力絀况瓜州之賊時刻思竄該大臣既調回蘊秀援徐之兵亦應設法進攻計圖克復未可曠日相持致令上游之賊時

萌覬覦之心至焦山等處水師缺餉已及五箇月當此攻勦喫緊急宜速籌接濟俾免兵心渙散著怡良趙德轍飭令該省軍需局速行籌畫水師兵餉解交京口糧臺陸續支發毋再遲誤前據怡良等奏火輪船業已豫備何以久泊上海屢改行期此時江面賊船絡繹下駛且有木簰多架正需輪船協勦若任令耽延豈不坐耗經費著怡良等即飭帶船將弁迅速起碇催駛入江以資攻勦將此由

實錄卷一百一十五

七

六百里各諭令知之 又諭前因揚州軍營餉需匱乏諭令山西省每月協濟銀三萬兩陝西省每月協濟銀二萬兩本日據德興阿等奏山西省於十一月內解到銀三萬兩陝西省尚未解到山西來文亦未聲明以後按月如數運解等語該二省籌撥各省餉需固屬應接不遑惟揚營指撥款項為數無多自應按月如數撥解以資兵食著王慶雲譚廷襄仍遵前旨諭令撥解之數按月如期源源

解往俾資接濟毋稍延誤將此由五百里各諭令知之○以勦捕青海番匪出力賞正盟長郡王烏爾津扎布雙眼花翎台吉丹木正旺扎勒永隆等花翎餘獎敘有差○蠲緩山東荷澤定陶鉅野濮陽穀壽張肥城東阿平陰齊東禹城青城濱濟甯魚臺嘉祥金鄉鄆城東平二十州縣暨東昌臨清濟甯德州四衛被水被旱被蟲災區額賦有差賑貧民一月口糧

實錄本

事

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十二

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十三

敕修
咸豐六年丙辰十一月乙亥以江西撫州府城被賊竄陷已革知府曹燮坤逮問都司成善知縣馬永熾革職逮問予上猶陣亡把總江上選外委趙飛熊祭葬世職額外外委謝子樟賞卹如例○以江西義甯防堵不力革知府朱懋勳職○蠲緩湖南武陵桃源龍陽沅江巴陵臨湘華容湘陰益陽澧安鄉十一州縣及岳州衛被水被旱災區新舊額賦並各雜課有差○

上以冬至祀

天於

圖丘自是日始齋戒三日○丙子諭軍機大臣等本日御史趙元模奏金陵賊勢已窮惟鎮江係蘇常門戶久為賊踞焦山南北我軍均有艇船控扼圖山關鵝鼻背俱設礮安營南岸之孟河江陰北岸之泰興靖江均節節設防然扼險之處以焦山為最要現在大兵圍偃句容逆匪將鋌而走險鎮江水陸兩途亟應防範請飭各路鎮將激勵水師兵勇將鎮

城賊匪嚴密堵剿等語鎮江逆匪本有余萬清在彼攻勦焦山一帶亦有周士法泊承陞等水師分布雖屢次獲勝究未能克復郡城近日下竄之賊甚眾著該大臣等查照該御史所奏情形迅籌勦辦毋再遲延朕聞逆匪石達開已入金陵將城中逆黨盡行殺戮惟洪逆韋逆尚無下落未知是否確實著即查明具奏逆匪內訌大有可乘之機惟和春等大營遠劉丹陽鞭長莫及須將句容等處先

行克復移營仍駐紫金山一帶密邇賊巢方可觀釁而動萬勿坐失事機該御史另片奏江蘇歷年捐輸為數甚多地方胥吏以各衙門用項為詞先向捐戶索費請嚴行查禁並豫示定期當堂給與執照等語商民捐輸軍餉亟應迅速獎勵以期踴躍輸將若胥吏藉造冊中文名目勒索規費何以鼓勵人心著怡良趙德轍嚴飭各屬如有此等情弊即行嚴禁所有部頒執照即飭該地方官當堂給

發以除積弊而愜輿情原摺著鈔給閱看將此由六百里各諭令知之○又諭福濟奏懷遠捻氛猖獗急須馬隊助剿並請仍飭察哈爾官兵速赴桐城等語前據英桂奏豫省東南兩路勦匪喫緊除飭伊興額關保原帶馬隊五百名先赴懷遠其察哈爾官兵五六百名暫留助剿俟情形稍鬆再行分撥復據邵燦等以徐州較蒙宿尤為緊要請將伊興額仍留徐營並將袁甲三截留該侍衛所帶馬

隊二百五十名調回當經諭令該漕督等以伊興額原帶馬隊業已派赴懷遠未便折回茲據福濟奏徐郡城圍已解仍懇令伊興額馬隊二百五十名帶赴懷遠一帶與關保合力勦辦自應移緩就急俾蒙懷得此勁旅迅就肅清邵燦庚長務宜不分畛域飭將此項馬隊飛速調往其察哈爾馬隊六百名並著英桂交穆騰阿帶赴桐城毋得各執意見藉詞延誤將此由六百里各諭令知之○又諭

前因安徽待餉孔殷疊經諭令山西陝西各巡撫按月籌解茲據福濟等奏現在進剿桐城正當喫緊各省撥款解到遲延情形甚為窘迫自應亟籌協濟著王慶雲譚廷襄於接奉此旨後無論何款先行籌撥銀各數萬兩派員解赴廬州糧臺務於年內解到以資接濟此後並著陸續撥解以應急需將此由六百里各諭令知之○以雲南東西兩路勦匪出力賞參將福兆福申同知孔昭鈐花翎守

備劉沛然等藍翎並各加銜升補有差○以勦捕甘肅番匪出力予西甯辦事大臣東純優敘賞布政使常績按察使明緒參將索煥章遊擊莫德哩都司閔相儒吳元誠同知張作霖等花翎千總張榮等藍翎餘加銜升敘有差以川楚防堵出力賞把總丁文元等藍翎餘升補有差○以四川巴縣辦團出力予千總馬垂昌等加銜升敘有差予安徽桐城陣亡外委楊正紅祭葬世職○展緩甘

肅皋蘭靖遠靜甯甯夏甯朔平羅碾伯涇崇信鎮原西甯河狄道隆德甯武威靈靈臺十八州縣並沙泥州判所屬被水被雹被旱災區新舊額賦○丁丑

上詣

南郊齋宮齋宿○諭內閣何桂清奏甯國官軍續獲大勝埽平逆壘一摺逆匪糾聚黨與來援甯國先經官軍七次大捷斬馘數千仍復分踞險隘結壘固守十一月初一日鄧紹良

親督副將蕭知音遊擊葉鳳高等分攻夏家渡左右殲賊四百餘名奪壘六座知府仲孫懋等攻入團山賊壘正在鏖戰鄧紹良復從夏家渡繞至縱火轟燒賊眾潰竄官軍轉戰而東復破逆壘二座斬獲首級二百七十三顆生擒三十七名是日夜間全軍進攻七里岡賊巢先破其山前兩壘遂分兩路衝殺上山該逆紛紛敗竄其自城內出援之賊復經分兵截回全軍直逼山南賊勢不支棄壘逃

逸被殺無算官軍追出雙柑埕二十餘里沿途復俘斬一千六百餘名餘賊皆向南陵青弋江而遁賊壘十六座悉數踏平經此次痛加勦洗賊援已絕甯國逆匪勢成孤立各營將士同心勦力甚屬可嘉著鄧紹良乘此聲威妥為激勵迅將郡城克復以杜上游逆匪窺伺之計毋再遲延○雲貴總督恆春奏覆黔省情形並設法振作以期轉移舊習得旨奏覆之詞率皆搪塞以數紙示諭照例張貼

不過地方官奉行故事惟汝督撫等隨時稽察力求振作懷之○戊寅冬至祀

天於

園丘

上親詣行禮○詣

關帝廟拈香○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝靜康慈皇后暫安寢殿○遣官祭

孝德皇后殯宮○遣官祭

端慧皇太子園寢○停次日朝賀○諭軍機

大臣等貴州地方年來匪徒充斥皆因守土

各官不能潔己愛民以致釀成事端重煩兵

加上年銅仁松桃失守經湖南官兵越境克

復旋又被匪圍攻茲據駱秉章奏楚軍赴黔

攻克三元屯三角莊等處匪巢銅仁府縣屬

境漸就肅清所有擒捕餘匪及一切善後事

宜非鄰省所能代辦著蔣霽遠迅即遴委廉

明府縣飭令剋期赴任以資治理不得以庸

劣之員濫竽充數將此由五百里諭令知之

○以疊次援勦鄰省賊匪出力賞湖南巡撫

駱秉章花翎○以楚軍赴援江西克復袁州

分宜府縣二城賞道員劉長佑按察使銜並

加伊父母三品封典知府蕭啟江道銜並加

伊父母四品封典千總崔大光等花翎並各

升補有差予陣亡府經歷陳鈞和千總李光

祝余謀忠祭葬世職兵丁任開元等賞卹如

例○以楚軍援勦貴州銅仁賊匪出力賞道

員翟誥按察使銜總兵官文安都司田宗蕃

吉隆阿等花翎千總周洪印等藍翎餘升補

有差○己卯

上詣

壽康宮前殿行禮○諭內閣禮部等衙門奏遵

議

文昌帝君升入中祀典禮開單呈覽一摺

文昌帝君升入中祀前期一日著遣親郡王

行告祭禮春秋二祭俱著卜吉舉行二月初

三日

聖誕即照

關帝聖誕點香禮節並毋庸禁止屠宰一切

禮儀祭品樂章祝文均著照所議備辦應行

酌改工程及豫備各項著工部於明年春祭

前趕緊辦齊以昭誠敬○又諭英桂奏官軍

攻勦襄樊匪徒連獲大勝克復鄧州等語襄
樊匪徒經楚軍擊敗後竄至河南新野縣連
陷鄧州經英桂飭令總兵慶德邱聯恩候補
道周煦徵先後督兵前往勦辦本月初七日
邱聯恩等由鄧州之七里河前進賊隊突至
我軍併力迎敵連開大礮斃賊百餘名立將
土城克復初八日邱聯恩等親督兵勇進攻
賊眾奪圍而出邱聯恩何懷珍分路截勦追
抵刁河經豫伏河口員弁率領練眾殺斃賊

首及餘匪數十名生擒賊首賊目七名當將
州城克復辦理尚為得手著即嚴飭邱聯恩
等會同湖北陝西各軍乘勝進攻新野等處
賊匪盡殲醜類毋留餘孽○又諭英桂奏大
兵進勦擒匪攻破雒河老巢乘勝追殺直抵
臨渙集一摺擒首張樂行等竄集花溝集宮
古寺賊巢經我軍於九月三十日攻斃殲斃
紅衣賊目數名匪黨一千餘名敗匪仍屯踞
雒河集等處穆騰阿崇安等於十一月初一

日督率馬隊分翼抄撲過河佐領綽克圖達
賴直前衝突崇安朱連泰等步隊繼進該匪
不支分股逃竄共計斬殺落河淹斃首夥賊
匪二千餘名立將雒河賊巢全行焚毀一路
追殺直至臨渙集殲賊後隊五百餘名該匪
過會河橋我軍趕殺三百餘名落河淹斃無
數此次勦擒破賊老巢追殺二百餘里亟應
乘勢進勦現在鄭魁士即日帶兵前來著英
桂會同該總兵督飭各軍迅將廟集廣聚匪

黨全行殄滅毋再玩延○諭軍機大臣等英
桂奏擒匪大脫與官兵抗拒須馬隊衝擊請
將關保所帶馬隊暫留豫省幫同穆騰阿等
馬隊進勦並請飭催郝光甲迅來蒙城等語
英桂與福濟勦辦皖豫擒匪自應察看何路
緊要和衷商榷調兵策應乃關保所帶馬隊
前據福濟奏調蒙城本日復據英桂奏留豫
省幾致靡所適從蒙懷一帶福濟則奏稱擒
勢日張而英桂則謂該處情形並不喫重亦

復各執一詞以致勦辦機宜漫無把握迨至有誤事機亦復互相諉過現已派鄭魁士會同英桂勦辦擒匪三省官兵均歸節制皖豫勦匪事宜責有攸歸福濟既遠在桐城毋庸處處過為遙制鄭魁士接奉前旨諒已馳至蒙懷一帶務與英桂悉心商酌關保所帶馬隊是否應赴蒙城抑仍須留於豫省穆騰阿所帶察哈爾馬隊六百名應否仍遵前旨馳赴桐城均著鄭魁士會同英桂體察緩急情

形斟酌調派至英桂所叅郝光甲始終株守懷遠一節並著鄭魁士到後會同英桂查明辦理英桂現又株守亳州不趕緊前進諸軍之優劣何以知之到處必得旨催汝何厚顏若是耶至前請撥山陝兩省銀各十萬兩經部議以山陝撥款過多於山東應解京餉項下劃撥銀十萬兩解豫此係有著之款並未據崇恩覆奏英桂何以知其不能籌解仍請由山陝改撥殊不可解本日已諭崇恩籌款

陸續撥解矣至河南協濟皖省米麥折價銀兩兵糈攸關即應趕緊籌措若俟明年上忙開徵豈復濟急之道著英桂剋日籌款解赴廬州毋許藉詞推諉於鄰省緩急漠不關心將此由六百里各諭令知之○以湖北穀城縣城被匪竄擾革參將富康等職留營效力

庚辰

上臨故大學士文慶第賜奠○諭軍機大臣等王懿德等奏閩師援勦建昌失利署副將陳上國等力戰陣亡張從龍琳潤等現在飛鷹杉關扼守各情此項閩兵赴援建昌節次攻勦獲勝茲因該逆勾結撫州宜黃股匪內外夾攻致遭挫敗杉關飛鷹等處為江閩交界要區王懿德以閩兵新敗暫令該副將等固守邊防俟江西撥兵來援再行會合進勦現在將軍福興已帶兵一千名由浙江前赴江西不日當可到省該將軍或即帶兵前赴建昌與張從龍等兩路夾攻著曾國藩文俊與

福興妥商辦理福興未到以前如江西省另有兵勇可分亦著該侍郎等迅速調派應援毋令匪勢更增猖獗至閩省近因順昌等處匪徒滋擾內患未消王懿德等務飭張從龍琳潤力扼要衝勿令匪蹤闖入以致勾結為患俟曾國藩文俊派兵到日即令副將等夾攻兜剿以戰為防是為至要將此由六百里各諭令知之○湖廣總督官文等奏近在漢陽上游設立修船船廠以資防剿得旨就近

辦理甚屬妥協○辛巳諭內閣大學士文慶溘逝業經降旨優加賜卹昨日朕親臨賜奠見其遺孤幼稚親支人丁稀少殊深愴感因思文慶人品醇正奉職勤能宣力有年靖共夙夜著加恩入祀賢良祠伊子監生善聯俟及歲時由該旗帶領引見伊弟已革都司文玉現在遣戍著即釋回以示朕眷念蓋臣推恩優渥至意○諭軍機大臣等吳夷在廣東滋事前經葉名琛奏到已諭知沿海各督撫

密為防範並恐其赴各海口申訴廣東構釁情事亦諭令據理折服茲據怡良趙德轍奏吳夷領事赴蘇松太道投遞照會仍係從前故智既不可示以怯弱長其驕志亦不可絕之已甚致激事端夷人惟利是圖重在貿易怡良熟悉夷情當飭該道等諭以從前萬年和約原為永息兵端今忽以細故稱兵一經入奏必致查辦無論曲在何人所有通商各口不得不暫停貿易恐於爾等未便是以未

敢入奏至該夷與上海並無嫌怨仍宜安靜通商方為正理如此明白曉諭或可杜其曉瀆干求至葉名琛辦理夷務已久於一切駕馭之方當不至毫無把握該夷若悔禍求和諒必仍事羈縻不使決裂但不可先行遷就致啟要求前據葉名琛奏味喃各夷均知該夷理曲不肯相助茲怡良等奏探報內有味喃二夷均踞礮臺之語恐即吳夷造言聳聽冀飾其獨啟釁端之罪該督等勿為所惑又

另片會同何桂清奏火輪船入江請暫行停緩等語此時冬令水落船行既多不便又因粵東滋事夷匪難招著准其暫行停緩俟明年春漲足資浮送察看夷情安帖即可催令入江不必俟粵事全定始行辦理將此由五百里各密諭知之○兩江總督怡良等奏招商採買米石經過各關請循案免稅並酌免抽釐從之○壬午

上幸瀛臺○諭內閣京師自入冬以來僅得微

雪一次農田待澤孔殷朕心實深寅盼允宜虔申祈禱以迓祥靈著遴選光明殿道眾在大高殿設壇虔禱於十二月初三日開壇○又諭胡林翼奏官軍克復武昌省城由八百里馳奏一摺逆賊占踞武昌官軍進攻壘獲大勝胡林翼復添築營壘四面攻圍賊勢日蹙於十月十五等日該逆疊次奔突均被官軍擊敗二十六日總兵楊載福督率水師進攻武昌鮎魚套漢陽南岸背賊營參將王明山

等均奮勇血戰賊不能支被焚戰艦五十餘隻十一月初五日至十五日賊眾屢次出城決戰均經胡林翼擊退斃賊一千餘人胡林翼遂與官文約期水陸大舉二十二日楊載福親督水師十三營分上下游夾擊將攔江鐵鎖斫毀零星賊船悉數焚燒賊眾計窮遂洞開各門分七股來撲官軍分投迎勦鏖戰三時士氣益奮逆賊大敗狂奔官軍乘勝入城縱橫勦擊共斃賊一萬餘人生擒偽檢點

古又新等五十四人先鋒黨與八百餘人○正法生降四千餘人當將武昌省城克復其逸出之賊復被兵勇殲斬無遺溺死者復不計其數此股逆賊負隅日久經胡林翼激勵將士前後數十戰無不克捷遂將該城克復逆眾被殲淨盡辦理極為得手自應立沛恩施以昭懋賞在事員弁兵勇著胡林翼查明保奏○諭軍機大臣等據胡林翼馳奏克復武昌省城摺內所敘有武漢同日克復之語諒

官文當已奏報在途。如果南北兩岸均已肅清，所有水陸各營自應分撥進剿。即已克之兩城亦應留兵防守。胡林翼現擬派兵直下武昌縣及大冶興國等處，並力勦蘄黃以期肅清全境。當此聲威甚盛，諒此等零星竄踞之賊不難剋日掃蕩。從此建瓴東下，江西安徽兩省均關長江大局，究應先從何處進剿。近日江西撫建兩府官兵連挫湖南兵勇，雖已克復袁州而崇通一帶終未一律掃除。今

又聞義甯竄匪屯踞興國，是江西待援情形實為喫重。著官文、胡林翼迅速會商，即將如何分撥如何酌留之處妥籌具奏。所有善後安撫事宜並著該督撫悉心酌辦。將此由六百里加緊各諭令知之。○以克復湖北省城實授胡林翼巡撫，並賞頭品頂戴。賞總兵官楊載福提督銜，參領富新副都統銜，參將王明山遊擊周清元、陳金鼐、巴圖魯名號同知邢高魁、都司李續壽、花翎訓導蔣澤瀛等藍

翎道員李續賓等升補有差。予陣亡千總羅春和把總曾謀績彭興外委劉致祥許鏡清祭葬如等世職如例。○癸未諭內閣前因福建已革通判朱璐遣抱告來京，以該省上司濫保冒銷等情在都察院具控，當交將軍有鳳學政李聯琇會同審訊。業經訊明該員所控各款毫無實據，係挾上司叅奏之嫌，捏詞誣告。擬將朱璐發往新疆已降旨准行。茲據步軍統領衙門奏該革員復遣子朱德洋列

款赴該衙門控告督撫實屬刁健，此風斷不可長。參員許告上司，照例立案不行。朱璐仍著發往新疆效力贖罪，即行起解。毋許逗遛。又諭昨據胡林翼奏官軍於十一月二十二日克復武昌省城，本日復據官文由八百里馳奏水陸攻剿先克漢陽，賊無遺。同日克復武昌一摺，漢陽賊匪憑城固守，我軍於十一月十九二十等日連戰皆勝。二十二日官文親率員弁由五里墩進攻，外江水師由

沈口下駛沙口礮船亦駛上會勦李孟羣等分攻西南北三路城外賊卡巴揚阿等馬隊繼進顏朝斌等兵勇與鄧清等礮船均各四面環擊該逆出數千人於東門外與大江水師對敵各賊卡亦開礮如雨兵勇數次數起直越賊濠立破卡牆數重卡內賊匪斃殺淨盡李孟羣分隊搶上龜山王國才楊昌泗等攻西門橋報國巷及南門一帶牆柵該逆四面受敵驚惶無措我軍一擁而入殺賊二千

餘名平毀土牆直逼城下當於申刻將漢陽城池克復入城後與賊巷戰斃其黃冠黃衣賊數十名夥賊二千餘名生擒偽將軍等五百餘名逸出之賊復擊斃三千餘名墮江溺斃者千餘名賊艘十餘隻全行覆沒武昌省城亦於是日亥刻經胡林翼等督兵攻復逆匪踞守武漢幾及兩年此次同日克復堅城逆賊鮮有漏網所有在事出力員弁兵勇著官文會同胡林翼覈實保奏候朕施恩○又

諭孝順蔣蔚遠奏疊次勦賊獲勝並克復都勻府城一摺貴州自都勻失陷後提督孝順並參將巴揚阿分路攻勦節次獲勝十月初六等日守備宋朝榮等斃匪數十名城中疊次出賊抗拒經孝順巴揚阿分隊攻擊先後各斃賊數十名擒斃賊首二名割獲首級甚多二十五日兵練將南門外賊營攻破是夜由西北門攻進復斃匪數百名內有賊首多名生擒七十八人城當即克復二十七日復

擒斃賊匪均有斬獲其竄往凱口平浪及攻撲麻哈州之賊亦經官軍練勇疊次擊退殲斃無數仍著孝順等督飭將弁分路攻勦將失陷各城次第克復毋再遲延○諭軍機大臣等孝順蔣蔚遠奏克復都勻府城請飭催靖永兵進勦一摺前曾諭令駱秉章酌撥湖南靖永一帶官兵練勇由靖州赴援黎平嗣據該撫覆奏已調瀏陽東界之丁際可所帶靖勇四百餘名赴靖防勦惟該州兵力單弱

未能越境等語。自係實在情形。現在黔省都勻賊匪雖已退聚八寨。而麻哈匪黨尚在附近。滋擾黎平。僻處東南。距貴州省城道里遙遠。孝順等鞭長莫及。駱秉章向來辦事。不分畛域。所派鎮算兵。募業在銅仁。屢獲勝仗。靖州與黎平接壤。有無兵勇。堪以酌調赴援之處。仍著酌量情形。奏明辦理。將此由五百里諭令知之。○又諭。昨據胡林翼奏水陸大舉克復武昌省城。當諭令該大臣等妥籌進剿。

本日復據官文馳奏。同日克復漢陽。賊匪斬殺無遺。覽奏實深嘉悅。已降旨加恩。並令將出力各員保奏矣。我軍克復武漢。已踞長江上游。惟安徽江西兩省賊勢未衰。崇通一帶亦未一律肅清。該大臣等固當乘此銳氣。建瓴東下。惟須將本境餘匪殄除淨盡。然後分路下擊。方不致有內顧之虞。江面必須有水師扼截。以遏賊船往來。道士袱素稱險要。但令昔情形不同。該處現在能否駐劄水軍。或

此外另有險要。堪以扼守。陸路則崇通一帶匪蹤出沒。亦應留兵防剿。水陸兩軍位置妥協。則水師據大江之險。陸軍遏數省之衝。該匪自無從竄越。紛擾而兩城兵燹之餘。撫綏不易。務須慎選良吏。安輯民人。使不致流而為匪。則賊勢日孤。軍聲益壯。諒該督撫必能見及此也。現擬先由何路進兵。是否胡林翼督兵在前。官文在後。路接應著即妥籌具奏。所請撥山陝等省餉銀。已降旨交戶部速議。

具奏矣。將此由六百里加緊各諭令知之。○以克復湖北省城。並漢陽府城。賞湖廣總督官文花翎。下部議敘。○以克復貴州都勻府城。賞守備李騰蛟花翎。武舉羅汝翼等藍翎。都司燕陞雲等并補有差。復已革都司劉慶雲職。○撫恤朝鮮國遭風難夷如例。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十四

大興寺管理坊部青格加十級紀錄十四次臣
貴州索本總管官經旨漢官太子太僕太尉開寶閣筆武衛軍總管教習都監吉爾紐蘭
滿德總管官經旨是爲法官太子太傅少卿房曉傳文蔚閣學士翰林院掌院等三指教令六十餘事俸處四能總載索武英殿
滿德總管官經旨是爲法官太子太傅少卿房曉傳文蔚閣學士翰林院掌院等三指教令六十餘事俸處四能總載索武英殿

象服以延釐懋贊坤元。迓鴻庥而篤慶。欽哉。
諭內閣。何桂清奏籌議辦運銀兩並請改
撥滇餉銅本等語。杭州織造年額製辦緞匹
等款著准其將該衙門續徵解存銀兩先儘
辦運俟防務稍鬆再由藩庫籌撥。其雲南省
兵餉銅本銀兩應如何改撥之處著戶部議
奏。諭軍機大臣等。前據扎拉芬泰等奏。俄
夷使臣回國日期並派員會議等情。當諭令
善為開導。毋使決裂。並暗地設防。茲據明誼

等奏稱該夷在塔爾巴哈台通商已二年之
久地理情形皆所深悉。不得不豫為防範。業
已訓練兵丁以備不虞。並由伊犁挑選精壯
五百名聽候調撥。均照所議辦理。至該夷意
在索賠一時未必顯形背叛。斷不可先肇兵
釁致彼有詞。該大臣等所見甚是。即著咨調
協領哈布齊賢圖們泰再與講理。使之折服。
一面飭令革員薩碧屯等辦理賠修夷園。以
示羈縻而消後患。將此諭令知之。○又諭塔

爾巴哈台庫存銀兩僅敷冬季支發。現當操
防喫緊之時。該處弁兵等月支減折鹽菜銀
兩待發甚殷。勢難停緩。據明誼等奏。陝甘司
庫欠撥咸豐四六兩年未完經費銀二萬九
千五百餘兩。至今尚未起解。著常績即將此
項經費銀如數找撥。其七年經費二萬二千
二百四十餘兩並著趕緊籌撥解赴塔爾巴
哈台以資接濟。毋再延誤。將此諭令知之。○
命已革江蘇巡撫許乃釗留辦浙江協防事

宜以江西廣信勦賊出力。賞千總胡再陞。
藍翎。旌表守正被戕涼州馬甲博勒和妹
黃小妞。○乙酉諭內閣據基溥覆奏。工部實
源局錢文發商生息請陸續試辦並劉崐奏
利少弊多擬請停止各一摺。此項錢文發商
行息原藉以資辦公之費。然必有益無弊方
可辦理。該侍郎等雖所見不同。均屬因公起
見。所有前次已發錢文並基溥再擬發給該
商試辦之處均准其暫行試辦。如辦理未能

妥協著即停止。又諭戶部奏遵議河南巡撫英桂奏勸捐採買均難籌辦一摺。豫省本年被旱歉收未能籌辦採買捐輸。自係實在情形。惟該撫所稱以運腳等項籌款解京。就近至奉天採買。係為裨補京倉起見。河南省現在如有款項可籌。著英桂迅即籌措解京。以備撥用。又諭載增等奏官軍克復老河口大獲勝仗等語。襄陽匪眾屢竄老河口。盤踞焚燒勢甚猖獗。經署松潘鎮總兵德恩等。

督率兵勇鄉團攻勦。前後擒斬匪黨共二千餘名。當將老河口鎮市克復。辦理尚屬得手。著該署將軍等迅飭帶兵將弁將零匪搜捕淨盡。毋留餘孽。所有前次穀城光化二處勦賊出力員弁兵勇著載增等分別奏請獎勵。傷亡弁兵查明請卹。又諭崇恩奏勦捕匪徒殲除殆盡一摺。山東兗曹等處匪徒王三托盤背等誘脅饑民糾聚黨與數千人。由水路竄至濮州鉅野一帶。經崇恩派令荷澤縣

知縣童正詩等會合各路兵勇攻勦。立時撲滅。辦理尚屬迅速。惟首匪王三托盤背陶三尚未拏獲。著崇恩通飭各屬嚴行搜捕。並著桂良英桂一體飭屬緝拏務獲。毋令遠颺。諭軍機大臣等前因奉天米價平減。曾經諭令盛京將軍奉天府尹設局勸捐收買米石。所需銀兩准於山海關稅項下撥用。本日據戶部奏現在捐輸若干採買若干未據該將軍等奏報。請飭催令趕緊辦理。並請飭下直

隸總督於附近水次各州縣出示曉諭。無論商民紳士如有情殷報效。赴天津捐米者。仿上屆章程奏明請獎等語。京倉情形現甚支絀。必須豫為儲備。著慶祺等即遵前旨趕緊勸捐。廣為收買。將現在收捐數目若干採買米石若干詳悉迅速覆奏。並著桂良出示剴切曉諭。附近水次各州縣仿照上次章程勸諭捐輸米石。所有一切收捐事宜責成長蘆鹽政烏勒洪額遵照辦理。仍湊足五千石之

數由該鹽政奏請獎敘一次。該總督將軍府尹務當悉心體察。妥為勸辦。總期踴躍輸將。毋誤京倉儲積。將此諭令知之。又諭。前因隨州土匪蠢動。諭令官文等速飭帶兵員升進剿。現據載增等奏稱該匪在隨州洪山嘯聚。經官軍擊退後。復分為三股。眾至數千。於二十日竄至安陸府望城岡。官兵接仗潰敗。等語。該逆以烏合之眾。何至遽行猖獗。現在安陸府居民遷徙已空。能否固守。載增等尚未探明。而匪勢實已蔓延。襄河上下游及荆門等處。均形喫重。自應亟籌撲捕。官文等前次派出帶兵往剿之參將文明。應即星速前進。與署漢黃德道文輝商同勦辦。或兵力尚屬不敷。現在武漢克復。必可分兵援剿。著官文胡林翼速行籌撥。務將此股土匪迅速殲除。毋任滋蔓。並著載增飭令協領全瑞查看情形。帶領防兵迎剿。以期早為肅事。至安陸府城文武。能否實力守禦。不致失事之處。並

著官文等查明馳奏。將此由六百里各諭令知之。停桑園山採辦礮砂。從戶部請也。○丙戌

上詣

大高殿祈雪壇行禮。遣惇郡王奕諱詣

宣仁廟

凝和廟。醇郡王奕譞詣

昭顯廟。恭親王奕訢詣

時應宮祈禱。諭內閣赫特賀滿慶奏廓夷

進表輸誠。邊界一律肅清一摺。此案廓爾喀夷人因挾稅米買鹽細故。輒稱唐古忒有意侵陵。稱兵犯界。占踞聶拉木等處。邊隘肆意要求。朕念該國久列藩服。向來恭順。此次與唐古忒構釁。不過邊徼蠢愚。罔知大體。特命赫特賀馳赴後藏。協噶爾地方。勦撫兼施。曉以利害。並諭滿慶於前藏一帶。妥為布置。仍密授機宜。隨時指示。該大臣等均能仰承朕意。威德並行。自聶拉木等處官兵疊勝以後。

該夷悔罪畏威撤退各口番兵求與唐古忒和好茲復據赫特賀奏報該國王奉表輸誠懇求赦罪察其情詞尚為肫切自應與以自新寬其既往著赫特賀等傳諭該國王嗣後但當謹守藩封與唐古忒永敦和好毋以小嫌微隙再起爭端以仰體朕柔遠推恩一視同仁之意赫特賀辦理此案調度尚合機宜著加恩賞加都統銜並賞戴花翎滿慶虛衷商辦持以鎮靜著加恩賞戴花翎並交部議

敘所有一切善後事宜仍著該大臣等妥籌辦理以靖邊圉又諭赫特賀等轉奏呼徵阿齊圖呼圖克圖色呼木諾們罕等因廓爾喀唐古忒邊界一律肅清呈請特遣巴雅爾堪布進京納貢一摺呼徵阿齊圖呼圖克圖阿旺伊什楚稱嘉木咱色呼木諾們罕等因廓爾喀唐古忒邊界被擾經大兵勦除平淨邊界一律肅清呈請特遣巴雅爾堪布進京納貢洵屬誠悃朕甚嘉尚惟西藏距京都較

遠往返未免跋涉著赫特賀等曉諭阿旺伊什楚稱嘉木咱朗結曲丕毋庸遣巴雅爾堪布進京以示朕軫恤喇嘛之至意諭軍機大臣等和春奏請飭撥火藥等語江蘇句容溧水等處攻勦正當喫緊需用軍火甚多該省餉銀支絀採辦維艱亟應豫為籌撥著崇恩迅速籌撥火藥四萬斤桂良王慶雲譚廷襄各籌撥火藥三萬斤仍各按照火藥斤數各配鳥槍子火繩七成迅速分起委員趕解

和春軍營以資攻勦而應急需毋稍延誤將此由六百里各諭令知之又諭和春奏請飭迅揀司道大員會辦大營糧臺等語江南糧臺收放事宜前經諭令怡良等揀派公正大員督辦茲據和春奏稱業經怡良等派已革江蘇臬司查文經辦理惟迄今兩月尚未前往且係革職人員深恐呼應不靈自屬實在情形所有江南大營糧臺籌給糧餉稽查報銷在在均關緊要著怡良趙德轍仍遵前

旨速撥公正明幹實缺司道大員前往督辦。以重軍實和春另摺奏兵勇缺餉數月請飭各省速籌接濟一摺已批令戶部迅速籌撥具奏矣。惟外省撥解需時緩不濟急江蘇省現值旱災庫款十分支絀亦諒非該督等敢於膜視惟當此攻勦喫緊之際豈容停兵待餉致誤事機。蘇省各屬錢糧除蠲免外尚有照常徵收之處此外關稅抽釐勸捐各項皆可以資協濟著怡良趙德轍悉心籌畫設法

接濟儻有貽誤惟該督撫是問。懍之至和春進攻句容雖經獲有勝仗而城池尚遲克復務當督率將士奮力攻圍先克句容溧水以便直擣金陵當此餉糈支絀之時尤當迅速圖功早克一城即可省一處之兵力未始非節省經費之道將此由六百里各諭令知之。禮部以明年元旦禮節請得旨照例行文停止筵宴並免在外公主福晉命婦進內行禮駐藏大臣赫特賀等奏報廓夷悔罪輸

誠得旨覽奏實深欣慰辦理此案赫特賀調度合宜用彰我武滿慶虛衷商辦持以鎮靜雖事事遵循朕旨實賴爾等公正果斷不致兵連禍結此次用兵固不同乾隆年事然較彼時帑餉支絀勢有萬難者也又批廓爾喀邊徼藩封向來恭順雖稱兵於前不過因小費而昧大體今既悔罪奉表足徵該國王尚能仰體朕一視同仁之至意朕心甚為嘉悅繼自今永保藩封與唐古忒萬年和好即為

有福能承朕恩也著赫特賀將此殊諭傳諭該國王知之欽差大臣和春奏謝賞拔毒散恩得旨務須仰體朕意時加慎重明賞罰驅策將士共成偉績即與身冒矢石無異又奏江南兵勇缺餉數月請飭本省督撫趕緊籌撥並飭廣東將上年欠解餉銀如數籌解批現在蘇省全局情形亦恐無此鉅款即粵省欠餉更虞難籌接濟著戶部迅速籌撥具奏調工部左侍郎麟興為盛京工部侍郎

以內閣學士崇綸為工部左侍郎（以盛京工部侍郎善燾署正黃旗漢軍副都統）以辦理廓夷邊案出力賞知縣張祺都司童星魁扎什倫布商卓特巴宜瑪頓柱噶厦卓尼爾朗結奪結後藏戴琇工布彭錯花翎知縣陳瑁等藍翎掌教諾們罕靖遠禪師名號餘升敘有差（予江蘇陣亡把總鄧明安何義祥蔡錦元祭葬世職）緩徵直隸文安縣被旱被蝗村莊額賦（丁亥）

上詣

大光明殿

弘仁寺

仁壽寺拈香（諭內閣慶連奏賞需緞匹請飭部籌款解辦等語）

實錄館全書告成應賞緞匹既據該織造奏稱未能依限解交應如何折賞之處著戶部酌議具奏尋奏應賞緞匹議以現存杭細夏布抵放毋庸另議籌款從之（諭軍機大臣等）

慶連奏續徵稅銀不敷辦運請飭籌撥銀款一摺據稱來年接辦大運除應餘稅銀抵用外不敷例價銀七萬餘兩共需津貼銀三萬餘兩如無接濟勢必有誤自係實在情形現在浙江防務緊要餉糈不免支絀惟大運綱緞亦屬京中要需未可日久延宕著何桂清即飭藩司將例價銀兩於來春陸續解交織庫以資發辦其運庫應行津貼銀兩亦著照數移解毋誤辦運將此由四百里諭令知之

禮部左侍郎陶樸因病解任轉禮部右侍郎車克慎為左侍郎以內閣學士楊式穀為禮部右侍郎內閣學士徐樹銘署兵部右侍郎調正紅旗蒙古副都統寶鑒為正紅旗滿洲副都統以署正黃旗漢軍副都統善燾為正紅旗蒙古副都統（追子廣西桂平縣殉難知縣李慶福祭葬世職）（戊子）上御乾清門聽政（諭內閣刑部奏請飭部稽察捐輸人員等語近年因軍務未竣京中及

各省均暫開捐輸事例。士民好義急公。隨時奏請獎敘。惟其中流品不一。應如何酌定章程。設法稽查之處。著該部妥議具奏。諭軍機大臣等。前因和春奏江南大營兵勇缺餉。當令戶部迅速籌撥。茲據該部查明指撥各款。請飭各該省迅速籌撥解。現在廣東浙江河南山東等省。或辦理軍務。或籌餉賑饑。部撥各款未能隨時解到。自非有心膜視。惟當此攻勦喫緊之際。若餉稍稍有短絀。何以作士

氣而振軍心。所有廣東省月濟江南軍營銀十萬兩。並上年欠解之款。著葉名琛迅即併款照數趕解。浙江省月濟江南餉銀六萬兩。仍著該撫按月籌撥銀數萬兩。不必拘定六萬兩之數。山東河南應撥江南軍餉各五萬兩。僅據崇恩報解銀一萬兩。其短解銀四萬兩。及河南欠解銀兩。著崇恩英桂迅即籌解。並著崇恩再於京餉項下劃撥銀十萬兩。解往江南以資協濟。各該督撫接奉此旨。務當

悉心籌撥。毋得稍存推諉。致誤要需。將此由六百里各諭令知之。○以肅親王華豐為內大臣。賞三眼花翎。○以戶部尚書柏葰充翰林院掌院學士。○以通政使司通政使訥爾濟為都察院左副都御史。大理寺卿孟保為通政使司通政使。太常寺卿富康為大理寺卿。太常寺少卿怡康為太常寺卿。○己丑。孝惠章皇后忌辰。遣官祭。

孝東陵。○諭內閣湖北武昌漢陽兩城壘被賊踞附近各屬亦多被擾之處。現經官文等督兵克復城池。地方漸就肅清。閭閻當兵燹之餘。元氣尚難遽復。自應亟籌調劑。以恤民艱。著官文胡林翼即將武昌漢陽兩府屬被賊擾害地方錢漕正雜各項。應如何分別蠲緩。迅速查明具奏。其被難貧民。亟應籌款妥為妥撫。並著遴委妥員迅速查辦。該督撫務當悉心籌畫。俾無一夫失所。以副朕軫念民依恩膏速沛至意。○以克復湖北省城並漢陽

府城賞將軍都興阿協領巴揚阿巴圖魯名號佐領巴克坦布知縣黃培基花翎按察使李孟羣布政使銜總兵官楊昌泗提督銜復已革荊州將軍綿洵提督孔廣順總兵官訥欽職餘升敘有差○以隨同克復漢陽府城予降補知府魁聯以道員升用並賞按察使銜○庚寅兩江總督怡良等奏革員查文經督辦糧臺並截留潰兵著有微勞請賞給頂帶以資鎮壓得旨該革員並無別項勞績輒

因派辦糧臺遽請加頂所稱截留潰兵亦屬遷就○山西巡撫王慶雲奏報雪澤得旨嗣後奏報雨雪單著註明某縣係某府屬以清眉目○以捕獲廣潮匪犯鄭阿層等出力江蘇按察使楊能格等卞部議敘賞參將慶春在籍郎中潘曾瑋花翎把總郭振瑞等監翎餘升敘有差○蠲緩江蘇長洲元和吳吳江震澤崑山新陽武進陽湖無錫金匱江陰宜興荆溪靖江山陽阜甯鹽城泰東臺甘泉興

化銅山豐沛蕭陽山邳宿遷太倉鎮洋崇明沭陽泰興常熟昭文華亭奉賢婁金山上海南匯青浦川沙清河桃源安東高郵江都寶應睢甯嘉定寶山海鹽榆通如皋海門上元江甯句容溧水高淳江浦六合丹徒丹陽金壇溧陽儀徵七十廳州縣暨淮安大河揚州徐州太倉蘇州鎮海金山鎮江九衛被旱被兵新舊額賦有差○緩徵山東商河縣被水村莊新舊額賦蠲緩山西歸化城薩拉齊

二廳被水村莊額賦加賞災民銀米○辛卯上幸瀛臺諭內閣繼善綿森奏請將永濟倉搏節運腳銀兩暫緩滿扣以資辦公一摺前永濟倉借動庫錢支發運腳奏明分年歸款茲據奏稱該倉辦公等項向由運腳銀內搏節辦理本年除運腳外若將餘項悉數歸還辦公未免拮据著准其統計搏節銀數以一半歸還前借庫款其餘一半作為該倉辦公之用俟明年察看情形再行酌量辦理○又

諭胡林翼等奏追剿賊匪獲勝克復武昌縣
黃州府二城一摺十一月二十三等日經該
撫飭水陸各軍分路追剿及樊口賊爭先渡
水淹斃無算敗賊又糾武昌縣城之賊意圖
抗拒遊擊李濟清首先焚奪賊舟水勇登岸
由北門攀躋而上李續賓率陸勇由西門入
賊由東南竄出各勇追殺十餘里克復武昌
縣城楊載福先於二十四等日將黃州府城
下賊船盡焚並破賊水壘四座都興阿馬步

各軍亦同時掩擊斃賊無數即將黃州府城
克復現在富新率馬隊東下窮追官文添撥
馬隊渡江追剿李續賓進剿興國大治楚境
即可一律肅清著胡林翼等乘勝進攻盡殲
醜類勿留餘孽除李續賓富新二員業經加
恩外其在事出力員弁著胡林翼查明奏請
獎勵諭軍機大臣等會國藩文俊奏贛南
匪勢蔓延請添調粵兵會剿一摺贛南接壤
粵境距江西省城道途寫遠現在定南安遠

信豐長甯崇義上猶等廳縣均被鄰匪土匪
勾結滋擾省垣鞭長莫及雖贛郡尚有兵勇
而沙石鋪等處賊匪未除不能分顧外縣若
不趕調客兵協剿誠恐逆黨勾通誘脅日見
蔓延據該侍郎奏請飭廣東籌撥勁旅三四
千名隨時接濟餉糈取道和平徑趨定南一
帶會同江西省兵勇次第剿辦惟廣東近因
喫夷藉端起釁是否息事罷兵未據葉名琛
續奏朕心方深焦盼未知該省兵力能否足

調三四千名之數著葉名琛迅速籌辦至此
次派出官兵應需軍餉並著由廣東籌給接
濟以期早靖逆氛將此由六百里諭令知之
又諭胡林翼奏請飭四川將前撥軍餉全
數速解等語湖北水陸各軍並馬隊官兵乘
勝追剿需餉緊要前諭樂斌籌銀十數萬兩
解往胡林翼軍營僅據報解銀三萬兩尚未
到楚現在武漢克復大兵東下必須源源接
濟以利軍行著吳振棫仍遵前旨迅籌銀十

餘萬兩趕緊陸續撥解。胡林翼糧臺現改設武昌省城。此項銀兩著即解赴糧臺。毋稍遲誤。將此由六百里諭令知之。○兵部右侍郎曾國藩等覆奏賊黨內訌。如石達開歸命投誠。臣等招撫之法。當令其立功贖罪。獻城為質。不敢貪納撫虛名。墮賊狡計。得旨。爾等主見甚屬允妥。勦撫固應並用。尤重先勦後撫。可隨時審其機宜。好為之。予故宗人府右宗人貝子奕縉祭葬。賞銀三百兩治喪。○以

江西疊次克復府縣等城出力。賞總兵官居隆阿。守備李逢春。蔡康業。李鴻泰等花翎。把總吳攀魁等藍翎。餘升敘有差。予陣亡外委蕭樾祭葬世職。文生汪煥文如訓導例。軍功趙德溶如把總例。○以江西鄱陽等縣紳士辦團出力。予教諭袁英等升敘有差。○以江西安遠縣被匪攻陷。旋行克復。革知縣張仁法。把總李正穠職。仍留任。革州同何允廉職。留營效力。○以克復湖北武昌縣城。並獲賊

渠賞江夏縣民張國煜等六品翎頂。免武昌縣知縣林之華。把總方寅山罪。仍革職留任。予江西建昌陣亡副將陳上國。通判呂文炳。巡檢丁開第。守備伍連青。把總蘇廷美。瑞州陣亡把總王吉昌祭葬世職。○蠲緩吉林三姓被水被雹地方額賦。賞八旗兵丁口糧有差。除吉林衝壓地八百五十三畝額賦。○科爾沁卓哩克圖親王巴圖等五。烏珠穆沁扎薩克車臣親王彭蘇克那木濟勒。巴林

扎薩克郡王那木濟勒旺楚克。喀喇沁扎薩克都楞郡王色伯克多爾濟。教漢郡王布彥德勒格。呼固魯克齊扎賚特扎薩克貝勒拉木棍布扎布於遵義門外瞻觀。科爾沁貝勒貢格喇布坦等二人。土默特扎薩克貝勒那遜鄂勒哲依扎魯特扎薩克貝勒諾爾布林沁扎賚特頭等台吉阿拉他鄂綽爾翁牛特頭等台吉德木楚克。蘇隴於隆宗門內瞻觀。壬辰諭內閣。贊善郭驥遠奏請變通私鑄

例禁一摺。奸民私鑄錢文。久干嚴禁。現在京師及各直省鼓鑄大錢。與制錢相輔行使。原可流通無弊。皆因私錢攪和。以致商民不便。物價增昂。亟應嚴拏懲辦。以儆刁頑。郭驥遠乃請聽民私鑄。重徵其稅。規利廢法。實屬不知政體。原摺擲還。○諭軍機大臣等。彭玉雯奏蘇省地糧。各州縣徵存頗多。藩司屢提不解。上海抽釐。該道恐礙羨餘。並不督飭委員。悉心經理等語。江南大營軍餉。欠缺過多。若

專待鄰省協撥。誠恐緩不濟急。自應先將本省應得之款。迅速籌解。以裕軍儲。各州縣地糧。既有徵存在庫。何以屢提不解。難免侵蝕。那移等弊。著怡良等查明從嚴叅辦。至上海商貨雲集貿易最盛。即抽釐一事。辦理得宜。亦能裨益軍餉。該道何以不肯督飭委員悉心經理。以致捐數寥寥。當此軍餉支絀之時。豈容任意顛預。致滋貽誤。著該督撫督飭藩司何俊。蘇松太道湯雲松。實心經理。趕解和

春軍營。以資接濟。並著仍遵前旨。揀派大員赴營接辦糧臺。毋再遲延。貽誤。將此由五百里各諭令知之。○緩徵江蘇武進陽湖無錫金匱江陰宜興荆溪七縣被旱白糧。○緩徵河南河內祥符陳留杞通許尉氏洧川鄆陵中牟蘭儀鄭榮澤滎陽汜水禹商邱甯陵鹿邑虞城永城柘城夏邑睢安陽湯陰臨漳林涉內黃汲新鄉輝獲嘉淇延津滑濬封邱考城濟源修武武陟孟溫原武陽武洛陽偃師

鞏孟津淮甯商水項城沈邱太康扶溝許臨潁鄆城長葛光光山固始息商城六十五州縣被旱被水村莊新舊額賦有差。杜爾伯特扎薩克貝子貢噶綽克坦阿巴噶扎薩克頭等台吉都噶爾布木於養心門內瞻覲。○癸巳諭內閣。理藩院奏查明停止年班之郡王托克托呼圖魯現已到京。請旨一摺。車臣汗盟長協理將軍印務和伯扎薩克郡王業經奏明停止。該王不候部文自行進京。實為

冒昧托克托呼圖魯著先行交部議處著該衙門即行傳該王請安勿庸在京當差急行回牧聽候查辦德勒克多爾濟將托克托呼圖魯停止進班之處並未奏明亦屬不合著一併交部議處又諭官文奏軍需款項紛繁請展限造報一摺據稱漢陽糧臺款目繁多總局遠在荆襄行查需時現當克復武漢辦理善後事宜倍形繁重驟難造冊報部自係實在情形著准其展緩數月該大臣即督飭經手各員趕緊覈實報銷毋許再有延宕命降調四川總督黃宗漢以內閣學士候補烏珠穆沁扎薩克貝勒達克丹蘇尼特貝勒三達瓦喇色林貝子索哩雅喀爾喀貝子沙喇布貢格於養心門內瞻觀

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十四

淵恭端仁寬敏顯皇帝實錄卷之二百十五

熙寧初年官江日講起居注官太子太傅上書告曉師陳文淵閣領閣事翰林院掌院學士張察奏上制事件處國史館觀藏書成奏

大學士管理兵部事務加十三級紀錄十四次臣費糧崇本總兵官經筵講官太子太孫父溫閣領閣事武英殿總纂官教習原官誥誥仁

大學士管理戶部三庫事務管理刑部事務加三十二級紀錄十六次
臣周祖培總憲官太子少孫管理內繕書房事務對引大臣軍機大臣

豫興鎮河州都統戶部尚書管理三庫事務加級隨帶卅五級紀錄十六次

達爾文館館長官亦監集蒙古都統俄部勳賞管理太常寺鴻臚寺事務加三級軍功加四級隨帶加八級紀錄五次臣倭什琿布魯莽

咸豐六年丙辰十二月甲午

昌西陵○諭內閣胡林翼奏歷陳湖北兵政吏

治一摺。湖北省自賊匪竄擾以來。兵政廢弛。

吏治闡茸已非一日。現在武昌漢陽均已克

復善後事宜。亟應次第籌辦。該撫所陳裁汰

募勇添設重兵。嚴查保甲。簡選賢員各事宜。

剴切詳明實為今日要務著照所請所有該

省汰勇事宜○即責成候補道魁聯嚴行簡練○

其武漢豫設水陸重兵為扼守上游控制長

江之計前已諭令官文等籌辦即著該撫會同辦理至州縣為親民之官尤應嚴加遴選其懸缺地方如果委署之員實能經理妥協才具出眾即准其不拘資格專摺奏請朕必破格錄用不吝恩施胡林翼身任巡撫於通省應辦事宜責無旁貸既能確有所見即著實力舉行總期遇事整頓俾地方日臻完善毋得徒託空言始勤終怠又諭吳振棫奏請將本年計典展限辦理一摺吳振棫甫經

到任所有四川省應行大計著准其展至來
年三月內舉行至通省密考並准其歸併下
年辦理又諭英桂奏請將馬匹倒斃過多
並有迷失之帶兵各員摘頂等語察哈爾官
兵沿途倒斃馬匹及到營後疲乏不堪乘騎
者為數甚多經該撫續撥馬七百餘匹旬日
之間又據倒斃百餘並傷亡迷失三百餘匹
顯係帶兵各員任聽兵丁剋扣餵養且難保
無被賊搶奪假稱迷失等弊所有管帶兵丁

之察哈爾參領色普騰瑪克索爾車林副參領依計諾爾布希彥吉爾嘎勒均著摘去頂帶此項馬匹本應勒令賠補姑念該員等俱屬寒苦此次免其著賠儻再不知慎重致有傷亡遺失定即勒令賠補並將該員等從嚴懲辦決不寬貸○諭軍機大臣等福濟奏鄭魁士兵勇不能抽撥現飭吉順金光勛帶兵赴北路等語前因鄭魁士已抵巢縣特命泰定三赴蒙城與英桂會勦擒匪嗣因福濟請

將該提督留於桐城朕念鄭魁士於蒙宿情形較熟是以允其所請改派鄭魁士前往今北路勦匪正在喫緊而該撫復請留鄭魁士似此朝令夕更茫無定見必致南北兩路彼此牽制且所稱不必徒博會勦之名亦未免意存畛域朕豈能因福濟此奏復行改派惟該撫現既調派吉順金光勛分帶兵勇各五百名前赴北路與前派鄭魁士帶往兵數尚足相抵所有鄭魁士一軍著准其暫留桐城

一俟縣城克復即日馳赴蒙亳不得再有耽延至所稱關係所帶馬隊赴調遲延請摘去頂翎之處本日據英桂奏已飭該營總由太和馳赴懷遠此項馬隊請留請調彼此兩歧該營總亦幾無所適從是否實有玩誤情節著英桂查明具奏英桂因循畏葸前已降旨嚴加申諭本日據奏攻破廟集賊圍一摺仍復支吾搪塞該匪既挑濠築圍意圖死守官軍並未大勝何以即行潰散即初二日夜間

誘賊出戰亦未聲敘詳細情形顯係空巢夜竄崇安等即據以為功又以人馬疲乏為詞不即窮追此等敷衍之詞豈能逃朕洞鑒若再不能力圖振作迅獲渠魁朕惟執法從事不能倖邀寬典也將此由六百里各諭令知之○又諭福濟奏擬添備礮船以資防勦一摺據稱巢湖水面遼闊必得戰船巡緝俟皖省肅清即可駛出長江助勦曾國藩前在江西所造長龍三板等船最為得力請飭令揀

派將弁帶同工匠前赴廬州仿照製造所需洋礮請飭怡良等在上海關稅內撥款辦解等語皖省勦匪如果得有戰船則水陸互相策應較可得力著曾國藩即揀派水師得力將弁一二員帶同熟諳造船工匠數十名前赴廬州聽候福濟差遣至製辦洋礮需款較鉅蘇省軍務孔亟深恐籌措維艱惟事關行軍要需未堪貽誤現在安徽造船尚需時日著怡良趙德轍屆時於上海關稅內撥款製

辦五六百斤至二三百斤洋礮百餘尊派員解往以資攻勦將此由五百里各諭令知之○又諭前據駱秉章奏稱崇陽通城一帶久為賊藪因飭即選道王鑫帶湘勇並新募兵三千駐劄岳州以重鄂湘兩省之防本日復據官文奏崇陽通城毗連江西瑞州義甯為湖北省城後路王鑫進勦崇通土匪極為得力請留該員督率南勇駐劄崇通以清逆黨巢穴等語王鑫駐劄岳州督辦崇通蒲圻等

縣團練據稱漸有成效惟崇通一帶介居江西湖北之間為逆賊往來孔道著該督撫即飭該員帶兵前進駐劄崇通遇有往來賊匪隨時勦捕以清巢穴而杜亂萌將此由六百里諭令知之○四川總督吳振械奏報到任日期得旨汝前在川藩任內經理得宜今貴任封疆務須事事覈實從嚴勿尚寬尤應破除情面以肅官常○予安徽桐城陣亡把總江忠才祭葬世職○蠲緩直隸安隆平甯晉

河間東安文安天津七州縣積澇地畝本年額賦蠲緩湖北黃安黃陂孝感沔陽麻城羅田漢川鍾祥京山潛江天門江陵公安石首監利松滋枝江荊門安陸雲夢應城隨應山襄陽宜城棗陽南漳光化穀城均三十州縣被水被旱被擾本年額賦有差免甫經收復之江夏漢陽二縣及漢川縣立營平毀地畝本年額賦○撥安徽備賑銀二萬兩分給合肥舒城鳳陽定遠懷遠鳳臺毫蒙城潁上

九州縣及泗州衛買米平糶。○喀爾喀扎薩克郡王托克托呼圖噶於養心門內瞻覲。○乙未

孝德皇后忌辰遣官祭

殯宮 賞陝西省乙卯科鄉試年老恩貢生張燕綏舉人。○丙申諭內閣官文等奏勦辦隨州土匪肅清等語。前據官文奏派兵勦捕隨州土匪業將首匪趙邦璧等擒獲梟首。茲據奏稱該匪等敗殘餘黨猶敢負固洪山。經參

將文明等督率兵勇攻奪洪山賊壘。勇目魏占魁等直入賊巢殲斃匪眾數百。生擒趙逆父子並其主謀逆匪等多名。均即訊明梟示。所有洪山賊巢盡行焚燬。所辦尚屬妥速。逆首趙邦璧聚眾滋事抗拒官兵實屬罪大惡極。現已擒渠埽穴。隨州地方肅清。仍著督飭帶兵員弁將該州屬及京山等處匪黨擒捕淨盡。以絕根株。在事出力員弁兵勇准其擇尤保奏。候朕施恩。○諭軍機大臣等官文等

奏官軍克復沿江州縣攻勦廣濟黃梅獲勝並克復廣濟縣城各摺片。我兵沿江下勦旬日之內克復興國大冶蘄水蘄州四屬並將廣濟縣城攻克。辦理尚屬得手。惟該匪尚踞黃梅孔隴驛小池口等處。賊營二百餘里。其勢尚張。必須節節布置。次第勦除。以冀全楚肅清。前因安徽江西兩省均關長江大局。曾諭令官文等會商應由何路進兵。大日據該大臣等奏稱俟黃梅廣濟得手力攻九江。或

全師由潯達皖。或分兵會勦江西。此時水陸大軍勢如破竹。必應謀定後戰。體察江皖兩省情形相機進攻。務操勝算。方為妥善。各處甫經收復尤須妥為布置。水陸兼防。毋令該匪乘間上竄。復蹈從前覆轍。此次大軍東下。是否胡林翼督兵在前。官文在後。路接應仍著妥籌具奏。本日據給事中宗稷辰奏江西義甯州一路與崇通等處山徑可通距武昌甚近。亟宜埽除。並稱道士坎田家鎮宜堅壘。

屯兵請飭胡林翼下圖九江未可局守自困
等語嚴防崇通一帶並道士狀等處應否駐
劄水軍前已諭令該大臣等籌辦仍著將該
給事中所奏情形籌畫辦理原片著鈔給閱
看將此由六百里各諭令知之○命五城飯
廠再加展限一月○丁酉以祈雪
三壇

上詣

天神壇行禮遣怡親王載垣詣

地祇壇貝勒載治詣

太歲壇恭親王奕訢詣

大高殿惇郡王奕誼詣

宣仁廟

凝和廟醇郡王奕譞詣

昭顯廟

時應宮祈禱○詣

關帝廟拈香○予故福建延建邵道胡應泰

浙江杭州府知府徐榮安徽宿州知州郭世

亨山西鳳臺縣知縣李薌入祀名宦祠從巡
撫呂佺孫何桂清福濟英桂請也○予江蘇
故江西饒州府同知程化鵬光祿寺典簿李
董儒河南故縣丞銜文懷保陝西故四川昭
化縣知縣謝玉珩大理寺評事李元春貴州
故鎮遠府學訓導丁世芬甘肅故四川西充
縣知縣祁嗣唐山西故安徽徽甯道郭承恩
入祀鄉賢祠從總督易棠巡撫王慶雲趙德
轍吉爾杭阿英桂吳振械蔣爵遠請也○喀

爾喀扎薩克親王車林多爾濟等七人於午
門外瞻覲○戊戌諭內閣載容等奏

慕求陵隧道等工請分別承辦一摺明年四月

二十日

孝靜康慈皇后梓宮永遠奉安

慕求陵所有應辦隧道著即派現辦工程之翁

心存阿靈阿基溥會同載齡屆期敬謹辦理

至支搭候時

蘆殿及平臺錢橋等項工程著交工部查照成

案屆期收謹豫備。其應搭棚座著載容等督率易州工部司員承辦。又諭給事中伍輔祥奏京外大錢壅滯請定搭收章程等語。京外鼓鑄大錢必應有放有收始可暢行無滯。上年因御史倫惠奏直隸交納錢糧不收大錢曾諭令桂良將該州縣嚴行叅辦。茲據該給事中奏稱順天直隸所屬地丁錢糧仍不搭收大錢以致民間不肯行使京師物價增昂皆由大錢壅滯之故著順天府尹直隸

總督嚴飭所屬各按章程搭收錢糧如敢陽奉陰違仍前抗拒即著從嚴叅辦。諭軍機大臣等恆春奏行抵曲靖籌辦回匪情形並據稱霑益宣威等處回民業經就撫而迤西之大理永昌迤東之開化廣南各屬回匪仍行猖獗等語大理逆回尚敢劫害官弁是舒興阿前奏該匪有求撫之意殊難憑信前經疊次諭知該督撫總宜先勸後撫方能一勞永逸豈能專以諭令投誠為事况近省之元

謀武定富民廣通迤西之蒙化賓川永平各屬均有回匪滋擾騰越回匪亦俱蠢動幾於流毒全省急應迅速進兵痛加勦洗該督此時計已早抵省城布置稍妥即著帶兵出省擇最要之地先行勦辦不得株守省垣致令鞭長莫及舒興阿身任巡撫無論省城外府皆係統轄何得一籌莫展專恃恆春辦理著即會商進勦事宜毋得心存諉卸自干罪戾將此由五百里諭令知之。○以川兵赴黔沿

途滋擾統兵官遊擊鍾琦下部議處。○己亥上詣

凝和廟

宣仁廟拈香。○諭內閣惇郡王奕諱之第三子著命名載瀾。○又諭前因浙江通判徐徵向都察院衙門寄遞稟詞等件關涉軍務當降旨交瑞昌周玉麒會同秉公查辦茲據該將軍學政等訊明該員所控升任藩司晏端書係留浙辦防並非畏避已革安徽皖南道

石景芬被參原案。並非升任杭州府知府。王有齡。姑忌德。參王有齡。由候補知府請補首府。係有勞績。前任浙江巡撫何桂清。並無偏私情弊。委員鄭崇暄。前由籌防局調省。差委非自甯國逃回。候補同知馬昂霄。查無逢迎舞弊情事。均無庸議。浙江嘉興府通判徐徵。事不干已。輒敢列款妄訴。雖經訊明。係出懷疑。尚非挾嫌誣告。惟以佐貳微員。輒寄都察院稟詞。妄行呈訴。已屬違例。復以勸善之言。

託諸夢寐。尤為妄誕。徐徵著即革職。以示懲儆。○以候補內閣學士黃宗漢署刑部右侍郎。○賞御前行走烏珠穆沁車臣親王彭蘇克那木濟勒子公爵頭等台吉推岱扎布。花翎御前行走巴林郡王那木濟勒旺楚克子頭等台吉阿拉瑪斯巴咱爾。在乾清門行走。○賞殉難副都統綢閣子沙克都琳扎布。○二等侍衛在大門上行走。○伊犁參贊大臣謙亨。因病解任。以葉爾羌幫辦大臣法福禮為

伊犁參贊大臣。賞庫車辦事大臣固慶。二等侍衛為葉爾羌幫辦大臣。二等侍衛特克慎。頭等侍衛為庫車辦事大臣。○以江蘇瓜州勦賊獲勝。復協領博奇。參將陳昇。把總王富來職。○蠲緩伊犁阿奇烏蘇等處被水被雹地畝額賦有差。○喀爾喀扎薩克頭等台吉棍布扎布。於東華門外瞻覲。烏珠穆沁車臣親王彭蘇克那木濟勒子推岱扎布。巴林郡王那木濟勒旺楚克子阿拉瑪斯巴咱爾。於

神武門外瞻覲。○庚子諭軍機大臣等。慶祺等奏。會籌商戶日捐釐捐。試辦情形。請飭吉林籌辦一摺。盛京兵餉待用孔亟。庫款支絀。該將軍等現擬釐捐鋪稅二條。權行試辦。酌立章程。令店商於買貨之家。照所買價值。每東錢百千。抽捐東錢一千。每糧十石。捐東錢一千。不及者以次遞減。商賈鋪戶。則量其生意大小。分晰等第。按戶逐日捐東錢數十文。至一千餘文不等。兩月以來。辦理已有成效。

此項捐輸。本屬權宜之計。既據該將軍等奏稱該商等樂從。自應照議辦理。俾盛京兵餉稍資接濟。惟不可稍有抑勒。致拂輿情。總期商賈樂輸。庶可行之久遠。至所稱奉天與吉林接壤。商販貨物。兩省流通。請飭吉林一體辦理等語。吉林地方。是否能行釐捐鋪稅。著景瀄體察該處情形。酌量妥辦。並著慶祺等。將奉天現辦章程。咨交景瀄查照。俟辦有端緒。再行的擬章程具奏。將此各諭令知之。尋

奏會籌商戶酌量妥辦。分飭內外城遵照奉行。報聞。○以內閣學士文惠兼鑲白旗漢軍副都統。○修葺綏遠右衛官兵衙署營房。從將軍成凱等請也。○蠲緩湖南長沙善化。茶陵桂陽。巴陵。臨湘。郴。宜。章。安。仁。九州縣。上年被擾地方額賦有差。○辛丑

上詣

雍和宮行禮

火神廟

關帝廟拈香。○諭內閣。京師入冬以來。僅得微雪。一次農田尚未霑足。疊經降旨設壇祈禱。親詣

大高殿拈香。並舉行

三壇祈雪祀典。親詣

天神壇虔禱。尚未渥沛祥霽。朕宵旰焦勞。彌深乾惕。因思清理庶獄。冀可感召

天和。所有刑部及順天府現審人犯。或因未經定案。久羈囹圄。疾病顛連。情殊可憫。著各該

實錄卷五

十六

衙門督飭承審各員。速將現辦各案。逐一清理。趕緊審結。其有情節可矜。甚至含冤待白者。務即悉心研鞫。立予平反。至問徒以下輕罪人犯。以及干連待質人證。訊明後即行發落。省釋毋任稽遲。積壓。拖累無辜。此外尋常案件。並著速行完結。以期早迓祥和。用副朕欽恤惟刑之至意。○又諭理藩院奏。三盟兵丁賞項。放給遲延。請飭查奏等語。咸豐三年九月間。賞給三盟兵丁銀五千兩。其昭烏達

盟應得賞項銀兩。據戶部聲稱。已由德勒克色楞派員領出。何以至今未經放給。亦未知照理藩院其卓索圖盟兵丁。應得賞銀。於何時放給。著德勒克色楞明白回奏。至該貝子領出此項銀兩。是否交存鑲藍旗蒙古都統衙門庫內。並著連成崇實愛仁。已雅爾綽克托查明具奏。○又諭。蔣蔚遠奏查辦保甲。及民數穀數。未能依限辦理。一摺。保甲與團練相輔而行。貴州省苗教各匪。勾結滋擾。曾據

實錄卷五十五

七

蔣蔚遠。以咸豐三年以來。辦理團練。頗著成效。入奏。朕方謂該撫。自己將保甲章程。實力經理。乃復以匪徒滋擾。未能清查為辭。實屬不知體要。所有該省保甲事宜。著蔣蔚遠督飭所屬認真趕辦。毋得視為具文。至每年秋收後。造報民數穀數。亦屬地方應辦事件。並著該撫飭屬次第查辦。毋許以軍務藉口。任意延宕。○以詹事府詹事德瑛為內閣學士兼禮部侍郎銜。○以扎薩克貝子德濟特多

爾濟為車臣汗協辦將軍。○以克復安徽甯國府城。賞浙江巡撫何桂清提督鄧紹良。花翎侍衛胡鳳鳴。守備楊國正。兵再升。千總曾得勝。楊名聲。都司銜申明照。巴圖魯名號。按察使慶廉。千部優敘。免道員胡元博處分。○喀爾喀扎薩克貝勒巴彥巴圖爾等三人。烏珠穆沁扎薩克貝勒達克丹。鄂爾多斯扎薩克貝勒額爾德呢綽克圖等三人。杜爾伯特扎薩克貝子貢噶綽克坦。巴林貝子索哩雅。

實錄卷五十五

六

喀喇沁輔國公德哩克尼瑪等三人。烏喇特扎薩克輔國公拉旺里克錦。阿巴噶扎薩克公銜頭等台吉都噶爾布木。於神武門外瞻覲。○壬寅。諭內閣。考試應封宗室。向按優平方等第。照封爵表條例辦理。道光二十四年。曾將降等給封之例酌改。以示變通。惟等第較次之員。尚有停封。永不准考之例。日後即加意學習。亦無上進之路。未免過於從嚴。應如何酌量變通。著宗人府覈議章程具奏。至

向來考試章程均係閱定試卷後再閱馬步騎射此後或改為先行看箭之處著一併酌議具奏 又諭廓爾喀自咸豐二年進貢後現又將屆例貢之期惟念該國與唐古忒構釁甫經息兵若即令其齎進方物遠道前來非所以示體恤所有咸豐七年廓爾喀例貢著免其呈進一次以示朕懷柔遠人之至意 又諭赫特賀等奏詳查班禪額爾德尼呼畢勒罕所遺幼子等簽掣定擬奏聞一摺本

寄信外五

元

年十一月二十三日駐藏大臣等親往布達拉山會同噶徵阿齊圖呼圖克圖色喀本諾們罕率僧俗人等奉經由金瓶內掣出番民丹擇旺結之子拉木結旺堆嘉木參之名籤擬定為呼畢勒罕是日天氣清和諸事祥瑞闐藏僧俗人等皆大歡喜噶徵阿齊圖呼圖克圖等按經理稱為羅布藏班第衍垂濟扎克巴丹貝旺序實為祥瑞之事朕心實深嘉悅著賞給該呼畢勒罕大哈達一幅珊瑚數

珠一串玉如意一柄噶徵阿齊圖呼圖克圖哈達一幅嵌玉如意一柄色喀本諾們罕哈達一幅嵌玉如意一柄交該大臣等轉行曉諭該噶徵阿齊圖呼圖克圖等及闐藏喇嘛著該呼畢勒罕妥為護持以副朕廣興黃教之至意 癸卯以湖南官軍剿除崇通賊匪出力賞候選道王鑫按察使銜留湖北以道員簡用 以克復安徽潛山縣城及無為州等處勦賊出力賞都司馬昇平張成伍守備

實錄卷五

辛

鄭昌邑圖魯名號道員李鴻章王夢齡按察使銜道員恩保知府李元華知州蕭汝衡陳洪緒守備向心照等花翎知州史元章等藍翎餘升敘有差 以四川馬邊廳堵勦夷匪出力賞同知史致康副將慶齡守備柏昌懷花翎千總董廷弼等藍翎餘升敘有差 予安徽桐城傷亡都司謝賢達潛山陣亡外委夏鳳臺祭葬世職 以安徽紳民協勦出力免潛山縣節年未完額賦永廣文武學額各

三名。蠲緩安徽定遠五河天長合肥舒城廬江。賴上懷遠鳳陽鳳臺阜陽霍邱壽六安霍山泗盱眙滁全椒來安太和靈璧含山二十三州縣被災被擾莊屯本年額賦有差。○展普濟堂功德林粥廠兩月。並發給應賞銀各一千兩。

實錄卷百五

至

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十六

秋修

咸豐六年丙辰十二月甲辰諭內閣湖南省

自曾國藩統師東下即籌備船礮接濟大軍甚資利用其經費均由在局紳士捐辦業經駱秉章奏請獎勵降旨加恩茲據胡林翼奏上年春初水師回駐武昌漢陽戰艦無多經駱秉章督飭船礮各局設法補救水師得以復振其接濟胡林翼軍營戰艦三百餘隻並運解火藥礮子及一切軍械為數甚多均係該省官紳董辦實能盡力籌謀不分畛域所有湖南總局司道大員並紳局委員前次未

經保奏者。著駱秉章再行擇尤保奏。以獎勤勞。○又諭英桂奏。漕糧徵兌稍遲。請俟來春冰泮。啟行一摺。本年河南省被旱。被蝗較廣。收成歉薄。徵兌稽時。漕船節逾冬至。尚未全行到次。現因天寒凍阻。不能即行北上。所有河南省本年漕糧。著准其於今冬兌齊。俟來春冰泮開行。仍著該撫嚴飭催提。務於明年三月前一律抵通。毋稍遲誤。○諭軍機大臣等。官文。胡林翼奏。收復湖北五州縣。並九江

焚燬賊船。大獲勝仗一摺。楚北官軍。自攻克武漢黃三郡後。連次收復大冶。興國。蘄州。蘄水。廣濟。城池。楊載福等。率領水師。直抵九江。大獲勝仗。該逆棄壘入城。九江以上之賊船。片帆不返。胡林翼復飭參將鮑超。由北岸趨小池口。以瞰九江對岸。統歸都興阿節制。如果江西內湖水師。力能會合。則潯城不難即拔。前據曾國藩等奏。該省各路軍情。似有起色。並稱劉子涓駐樟樹鎮。彭玉麟駐吳城鎮。

上下游水營。均能得力。現在楚兵疊勝。機會可乘。亟宜激勵將弁。由湖出江。與楊載福。都興阿水陸之師。兩路夾攻。俾九江賊匪。應接不暇。而克復後。亦不致內竄各郡。勿得專恃客兵。為株守待援之計。致誤事機。將此由六百里諭令知之。○又諭邵燦。庚長奏。擒匪偏營。請飭撥察哈爾馬隊來徐一摺。據稱擒匪李月等。勾結張樂行等。股三萬餘人。闖入徐境。史榮椿。伊興額接戰。未能得手。該匪旋抵

瓦口。圍攻營盤。勢甚危迫。徐州馬隊。僅吉林餘丁兩起。不敷抵禦等語。徐州地方緊要。現在擒匪圍偏營。盤勢極鴟張。必須添撥馬隊。以資衝突。著桂良。雙銳。即在景州防堵官兵內。抽撥察哈爾馬隊官兵五百名。交副都統德勒格爾統帶。馳往徐州。會同史榮椿進剿。毋稍遲誤。將此由五百里各諭令知之。○又諭本日據邵燦等奏。徐州營盤被賊環偏。請飭調馬隊助剿一摺。徐州官軍。出境剿賊。屢

獲勝仗。惟兵力究屬單弱。現在匪首李月。勾結張樂行等。闖入徐境。史榮椿等。迎勦未能得手。退營固守。徐州為南北重鎮。斷不可稍有疏虞。英桂現駐亳州。著即就近酌撥勁旅。無論馬隊步隊。揀派得力將弁。星夜馳往助勦。或即令袁甲三帶兵赴徐援應。並著英桂體察情形。迅速辦理。毋稍遲誤。將此由六百里諭令知之。○又諭官文。胡林翼奏。請飭購礮。並加解火藥等語。湖北水師。勦辦賊匪。自

粵東運到夷礮六百尊。攻勦甚為得力。現需再為購運。著葉名琛。即飭購辦。四百斤以上夷礮三百尊。五百斤以上夷礮二百尊。六百斤至七百斤夷礮二百尊。八百斤以上夷礮五十尊。千斤至一千五百斤夷礮五十尊。統於來年春夏間。迅速由湖南運至武昌。聽候調用。並著吳振械。譚廷襄。駱秉章。於四川陝西湖南三省。每月仍遵前旨。各解火藥三萬斤外。四川陝西按月各加解火繩三萬盤。烏

槍。擡槍鉛子各一萬斤。湖南按月加解生鐵熟鐵合膛礮子十萬斤。委員趕解。胡林翼軍營以濟要需。毋稍延誤。將此由五百里各諭令知之。免科爾沁扎薩克冰圖郡王琳沁扎勒贊。御前差使。喀爾喀鎮國公班達爾多爾濟。乾清門差使。俱在外廷行走。予湖北武昌陣亡千總羅光台。外委湯日照。胡有才。彭其志。朱載光。留致祥。祭葬世職。停蒙古喀喇沁地方開採金礦。從熱河都統英隆請

也。蠲緩浙江仁和錢塘海甯富陽餘杭臨安新城於潛昌化嘉興秀水嘉善海鹽平湖石門桐鄉烏程歸安長興德清武康安吉孝豐臨海黃巖太平甯海。天台建德淳安遂安壽昌桐廬分水慈谿奉化。山陰會稽蕭山。諸暨餘姚上虞新昌嵊。仙居金華蘭谿東陽義烏永康武義浦江湯溪。西安龍游江山常山開化麗水縉雲青田。松陽遂昌雲和景甯。六十五州縣暨杭嚴嘉湖台州三衛。被水被旱

被蝗被潮莊屯本年額賦有差○蠲緩浙江
仁和海沙鮑郎蘆漚杜瀆五場江蘇橫浦浦
東袁浦青村下沙頭下沙二三六場被旱竈
地新舊額賦有差○乙巳諭軍機大臣等有
人奏直隸樂亭縣知縣尤其勝於大清河老
母溝二處所到糧船除照例收稅外每隻索
錢一百千方許售賣致糧價日形騰貴該縣
歷年海稅僅解銀十餘兩餘皆侵吞入己徵
收地糧以銀折錢旗租每兩折東錢十七千

有奇民租每兩折東錢十八千有奇概不准
搭交鈔票小民有不遵者鎖押責追並以修
永平府考棚為名派令紳民捐錢三千餘千
盡行私吞該縣燒鍋十餘處按季索取陋規
各等語此等貪污不職之員大為地方之害
若不嚴行懲辦何以肅吏治而儆官邪著桂
良逐款查明據實嚴參按律懲辦毋稍疏縱
○以故葉爾羌輔國公邁瑪特熱依木沙子
邁瑪特愛里襲爵○盛京兵部侍郎聯奎因

病解任以都察院左副都御史訥爾濟為盛
京兵部侍郎○以浙江鹽運使楊裕深暫署
布政使○喀什噶爾辦事大臣文永因病解
任賞喀什噶爾辦事大臣裕瑞二等侍衛為
喀什噶爾辦事大臣○通政使司參議奎棟二
等侍衛為喀什噶爾辦事大臣○以浙江海
運出力升任巡撫晏端書等下部優敘知府
何紹祺等升敘有差○以防勦浙江開化等
處出力免己革守備薛舉發遣新疆仍留浙

江效力○予貴州殉難知縣馬世璜劉玉麟
縣丞鄧文熾教諭楊春發訓導章道瀉馮含
輝劉煥都司楊廷柱千總顧學禮明焜姜兆
麟外委李興發翁國成五品土司安德寬祭
葬世職紳士楊超儒等暨幕友眷屬賞卹如
例○予貴州傷亡知州李杰陣亡守備王世
章千總顧士均黎朝勳徐沛榮把總吳大成
鄧昌才蔡永蘭歐丹奇許起鳳恩騎尉陳玉
恩外委周洪春李應龍簡發祥楊正元曾玉

元鄔仲翔李得勝。祭葬世職。軍功葉茂軒等。賞卹如例。○命護陝甘總督常績。撥銀五萬三千九百八十兩有奇。解赴葉爾羌。備咸豐八年經費。○丙午。

上御撫辰殿大幄次。賜蒙古王貝勒等宴。並賞賚有差。○諭軍機大臣等。據奏定三奏。桐城軍餉。本由地方官協同紳士捐米接濟。現在該處捐米。專歸鄭魁士營中。該提督兵勇。至日求一粥而不得。誠恐糧盡勇散。請飭福濟

一手經理。以歸畫一等語。地方捐輸。接濟軍餉。自應均勻分撥。斷無專供一軍之理。况米捐出自紳耆。尤應歸地方承辦。福濟現在桐城。所有接濟軍餉事宜。即著統歸該撫籌辦。無論撥款採買。委員勸捐。總宜彼此勻撥。不得稍有偏枯。鄭魁士係奉旨督勦擒匪之員。前因桐城克復在即。暫留該處。今桐城未能即克。而北路事機。正在喫緊。鄭魁士徒事逗遛。必至兩失。福濟已到桐城。即可攻勦桐城。

東南鄭魁士著即前赴蒙城一帶。督同各路帶兵鎮將。會勦擒匪。不准再有遷延。致滋貽誤。將此由六百里諭知福濟。並諭奏定三。鄭魁士知之。○命喀爾喀扎薩克貝勒巴彥巴圖爾烏珠穆沁扎薩克貝勒達克丹。在乾清門行走。賞喀爾喀扎薩克親王車林多爾濟三眼花翎。在乾清門行走。鄂爾多斯扎薩克貝勒額爾德呢綽克圖喀爾喀貝勒沙勒布貢格鄂爾多斯扎薩克貝子扎拉吉爾岱雙

眼花翎。喀喇沁額駙烏勒哲依巴圖喀爾喀扎薩克鎮國公噶勒桑端多布。鎮國公車林多爾濟喀爾喀扎薩克鎮國公額爾德呢托克塔噶勒青海扎薩克輔國公吹達爾多爾濟色布特恩花翎。○丁未。諭內閣。前因昭烏達盟兵丁賞銀。未經放給。降旨。令德勒克色楞明白回奏。並派御前大臣。軍機大臣。肅順。會同查訊。茲據載垣等奏。究出佐領林布等所放卓索圖盟兵丁賞銀。有搭放鈔票情事。

德勒克色楞事後方知。並不究辦。回奏摺內。又未陳明。顯有徇庇情弊。德勒克色楞著解任聽候傳質。○諭軍機大臣等。有人奏滇回猖獗情形一摺。據稱該省辦理回匪。半載尚無頭緒。總由地方官意專主撫。致令回匪藉求撫以售奸謀。匪黨之在省城者。以訓導明賡颺為倚恃。尋向東川。則誤於潘楷汪之旭之徇庇。現在海口一帶。投誠既不可信。姚州雖復。匪眾皆赴大理。欲圖永昌。其廣西州。邱

北平彝等縣。焚殺甚慘。回性狡詐。謬信其解散。必至墮彼術中。現在逆首。即係武進士馬名魁。是其處心積慮。謀逆已久。斷難勸諭招降。必得急加掃滅等語。雲南回民。固屬良莠不齊。若不翦除首惡。不但漢民受害。即良回亦必被脅。當此匪勢披猖。亟應懾以兵威。若徒徇屬員畏難苟安之見。妄思議撫。必至蹈大理之覆轍。恆春現已回滇。著即妥籌勦辦。毋失機宜。又據稱大理紳民赴省請勦。舒興

阿並不批示。置若罔聞。並稱舒興阿現患怔忡。任信門丁陳喜與巡捕施嘉瑞表裏為奸。員弁稍失其意。立得過謫。是否屬實。著恆春確切查明。據實具奏。毋稍瞻徇。原摺片均著鈔給閱看。將此由五百里諭令知之。○又諭御史李培祐奏。山東曹州府定陶縣徐家樓有匪首徐札聚集多人。劫掠為生。各處無業遊民及在逃各犯。俱投入夥。本年直隸東明南宮邯鄲等處。明火搶劫之案。皆出其黨。各

處差役皆與賊通。一聞緝捕。即暗遞消息。必致聞風遠颺。而地方官規避處分。往往諱不詳報。恐日久又成巨患等語。現在雙銳帶兵駐劄直隸山東交界地方。距定陶不遠。著即密派精兵馳往。擒捕並著崇恩揀派明幹員弁帶兵會同。擒剿。雙銳或酌派得力將弁帶兵前往。或親自帶兵前往。著該提督酌量辦理。務將匪首徐札及著名夥黨。拿獲嚴辦。不得稍露聲色。致令漏網。將此由五百里各諭

令知之○又諭英桂奏請飭調吉林黑龍江馬隊赴皖等語○現在皖省勦擒喫緊○所有察哈爾馬隊官兵○因不服水土○間有傷亡○馬匹亦多倒斃○勦辦不能應手○湖北武漢黃州現已克復○該處所有吉林黑龍江馬隊三千餘名○如可抽撥○著官文酌度情形○飭調一千名○前往亳州○交英桂調遣○或因湖北尚在喫緊○不能如數○即挑選數百名前往亦可○將此由五百里諭令知之○予江西永豐縣陣亡巡

檢路秉中○祭葬世職○戊申○

孝莊文皇后忌辰遣官祭

昭西陵○

上詣

慈寧宮行禮○諭內閣崇恩奏擒獲著名匪首餘黨淨盡請將出力員弁酌保一摺○擒匪王三托盤臂為著名匪首○聚眾滋事○經該撫派委員弁分路查拏○該匪復敢於兗曹交界之梁山滿家峒等處會合另股○擒首王方雲等○

裹脅饑民往來竄擾○復經護曹州鎮總兵郝上庠等督帶兵勇○疊次攻擊○當將王方雲王三托盤臂等擒獲正法○餘匪撥捕淨盡○辦理尚為妥速○所有在事文武員弁○著崇恩查明擇尤保奏○毋許冒濫○諭軍機大臣等○官文○胡林翼奏官軍克復黃梅縣城○現仍嚴密防勦一摺○湖北上游各路敗匪○盡竄黃梅縣唐家山孔隴驛小池口等處○賊營聯絡○我軍水陸並進○克復縣城○事機順利○辦理甚屬得手○

惟該逆尚踞楚皖連界之福林子地方○賊勢尚熾○必須謀定後戰○為一鼓殲除之計○不可令敗竄餘匪抄我後路○致有挫失○小池口賊壘與九江互為犄角○我軍早為攻克○則潯城不難克復○現在官文尚在漢陽○胡林翼駐劄武昌○辦理善後○即日移師東下○該大臣等何人前進○何人留守地方○著即豫籌定議○迅速奏聞○總期步步為營○將本境餘匪盡數掃除○然後水陸進攻○庶不致再蹈從前覆轍○諒該

大臣等必能統籌全局相機布置也將此由六百里各諭令知之○以戶部尚書柏葰戶部左侍郎沈兆霖工部左侍郎杜翰充經筵講官○鑲藍旗蒙古都統德勒克色楞因案解任以鑲黃旗蒙古都統奕格署鑲藍旗蒙古都統都察院左都御史文彩署鑲白旗蒙古都統○以江南水師並京峴山各營防勦出力賞總兵官吳全美提督銜參將台斐音守備盧起升鄭吉星等花翎兵丁陶春魁等藍翎餘升敘有差○以湖北勦辦土匪出力賞道員文輝花翎參將文明等升擢有差○以克復湖北漢陽府城並勦賊出力賞協領多隆阿巴依爾呼蘭倭克錦德廉副將穆克登布參將何越珽都司張得勝守備洪舒元巴圖魯名號副都統魁玉委營總訥依琿阿祿昌委參領烏勒喜布烏鳳阿喜昌舒通阿崇林春保富明阿富平阿薩隆阿保慶穆圖善莫爾賚額色楞棟魯普都嘎爾道員啟文

知府顧文彬桂茂副將書紳遊擊慶衡吳仕珍都司張鳳春守備楊占春等花翎佐領色楞額等藍翎總管平海等升賞有差○以防勦江蘇溧陽約束不嚴總兵官明安泰等下部議處○蠲緩江蘇長洲元和吳吳江震澤常熟昭文崑山新陽華亭奉賢婁金山上海南匯青浦川沙武進陽湖無錫金匱江陰宜興荆溪山陽阜甯清河桃源鹽城高郵泰東臺江都甘泉興化寶應銅山豐沛蕭縣邵宿遷睢寧太倉鎮洋嘉定寶山海沐陽贛榆如皋泰興五十三州廳縣被旱災區本年漕糧有差○己酉諭內閣舒興阿奏天計屆期懇展限辦理一摺雲南省現在勦辦回匪應行計典著准其展至來年六月具題○又諭給事中張修育奏發商錢文請仍以制錢還款等語工部寶源局錢文發商生息前因基溥奏請准其暫行試辦此項所放係屬制錢自應以制錢還款著基溥等按照該給事中

所奏取具該商人等甘結存案。所有此項本息錢文還繳時均以制錢歸款以杜弊混。○諭軍機大臣等前因駱秉章奏楚省援兵攻毀三元屯等處賊巢銅仁漸就肅清當經諭令蔣霽遠派委廉明守令前往蒞任以靖地方本日據孝順蔣霽遠奏報勦辦情形地方匪徒不靖總由撫字不得其人以致紛紛滋擾銅仁各屬被擾地方藉鄰省兵力始得漸就肅清亟應籌辦善後事宜著蔣霽遠遵照

前旨遴選廉明守令迅速赴任實心經理毋致再釀事端未盡零匪仍著孝順嚴飭帶兵員弁挖勦淨盡毋留餘孽將此由五百里諭令知之○命協辦大學士直隸總督桂良為大學士來京供職戶部尚書柏葰協辦大學士○命陝西巡撫譚廷襄以二品頂帶署直隸總督以順天府府尹曾望顏為陝西巡撫○以署刑部右侍郎黃宗漢署順天府府尹○以候補副將佟攀梅為貴州古州鎮總兵

官以陝西西甯勦辦回匪肅清賞道員崇保遊擊陳智和丹金扎普等花翎千總郝興邦等藍翎餘升敘有差○以克復貴州都勻銅仁二府城擢參將巴揚阿以總兵用賞軍功王士秀等藍翎餘升敘有差○以陝西防勦湖北襄樊竄匪不力摘署總兵官興貴龍澤厚頂帶○予貴州古州等處殉難總兵官桂林布政使陶廷杰知府鹿丕宗知縣楊承照中書周官同知石均毅授周至德學正鄧

福照教諭陶廷襄從九品穆承春都司劉朝勇守備陳玉恩高殿選恩騎尉王世榮龍應貴把總張劉順石明發外委王世忠祭葬世職附貢生陶慶升等賞卹如例革疏防知縣高得善通判周湜訓導丁堯錫教諭熊廷堅典史孫嘉猷職○予雲南海口殉難吏目王容彥陣亡千總柳萬鍾賀福昌外委謝朝良張泰凱把總謝超從九品劉廷瑞祭葬世職文生溫時中等賞卹如例○停哈勒津庫察

採辦銀礦從護陝甘總督常績請也○蠲免貴州貴陽黎平安順思南石阡思州都勻鎮遠銅仁九府松桃郎岱清江下江鎮賓獨山麻哈黃平平越安化印江銅仁玉屏清谿施秉鎮遠貴定龍里都勻清平荔波餘慶長寨歸化定番廣順開泰甕安開永甯貞豐貴筑普定天柱婺川龍泉桐梓三十七廳州縣暨冊亨州同羅斛大塘州判所屬被擾地方上年額賦有差○補賑山東長清齊河二縣被

水災民一月口糧○

上以歲暮裕祭

太廟自是日始齋戒三日○庚戌諭內閣前因理藩院奏咸豐三年九月賞給三盟兵丁銀兩內昭烏達盟未經放給當令德勒克色楞明白回奏並派穆蔭肅順前往鑲藍旗蒙古衙門查詢迨查出銀兩係該貝子隨後送交該旗衙門降旨派御前大臣軍機大臣肅順會同訊究又訊出卓索圖盟前放賞銀有私

搭鈔票之事因將德勒克色楞解任候質茲據載垣等奏訊明放銀遲延緣由及私搭鈔票情節分別定擬並究出卓索圖盟賞銀尚有兵丁未經關領請飭查訊各等語德勒克色楞於昭烏達盟應得賞銀日久未給迨奉旨飭查並未將遲延緣由據實奏明遽將銀兩送至該旗復任聽烏爾圖那蘇圖等於封皮倒填年月希圖掩飾其放給卓索圖盟銀兩既經查出達瑪林色登林布私搭鈔票通

同舞弊僅私自責革未經送官究辦糊塗已極鑲藍旗蒙古都統土默特貝子德勒克色楞著即照該王大臣等所擬革去爵職應得罪名交理藩院會同刑部照例定擬已革佐領林布達瑪林色登等私買官票抵換實銀營私舞弊實屬可惡除林布業經病故外達瑪林色登著熱河都統會同該盟長就近提訊奏明辦理已革章京烏爾圖那蘇圖於林布等舞弊代為隱瞞收受銀表馬匹雖所許

銀兩並未入手。實有應得之罪。著交理藩院會同刑部照軍營例治罪。參領五德昆玉聽從德勒克色楞將銀兩送回旗庫。並倒填封皮年月。均有不合。著交部議處。鑲藍旗蒙古副都統巴雅爾綽克托。於五德等領銀之事。失於覺察。前請議處之處。著改為交部察議。至卓索圖盟賞銀。該兵丁等尚有未經關領。及所搭官票。究係若干。著熱河都統會同該盟長詳查具奏。○山西巡撫王慶雲奏官員

年終密考得旨。所出密考。甚屬覈實。○以大學士學士桂良兼鑲藍旗蒙古都統。○以大學士裕誠為正黃旗領侍衛內大臣。○辛亥以歲暮。裕祭遣官祭

太廟中殿

後殿。○諭軍機大臣等。邵燦等奏徐軍勦匪獲勝。請暫留馬隊一摺。據奏十六日官軍勦匪。適關保全永帶赴懷遠之馬隊五百名。繞道過境。得以獲勝。現在匪眾兵單。恐援軍非旦

夕可到。擬暫留吉林馬隊在徐州勦辦等語。自為軍務緊要起見。直隸所調察哈爾馬隊一時尚未能到。吉林馬隊既能得力。自應准其暫留。徐郡俟直隸所調馬隊到時。再令關保等前赴懷遠。或令直隸馬隊前赴懷遠。仍留關保等馬隊在徐州助勦之處。著邵燦庚長與英桂體察情形。酌量辦理。徐州為南北要衝。斷不可稍有疏虞。英桂曾否先派官兵前往協勦。並著迅速奏報。不得稍存吟域之

見。自干咎戾。將此由六百里各諭令知之。○調正白旗領侍衛內大臣僧格林沁為正黃旗領侍衛內大臣。正黃旗領侍衛內大臣裕誠為正白旗領侍衛內大臣。○壬子裕祭

太廟

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵（遣官祭）

孝靜康慈皇后暫安寢殿（遣官祭）

孝德皇后殯宮（遣官祭）

端慧皇太子園寢（遣官祭）

太歲之神（）

上御重華宮賜王公及蒙古王貝勒伯克朝鮮

使臣食（和闐三品阿克奇木伯克阿里隨帶

伊孫哈斯木等四人阿克蘇四品阿克奇木伯

克阿比特隨帶伊姪阿什木等二人喀什噶

爾四品商伯克玉素布隨帶伊子邁瑪特熱

依木等二人葉爾羌五品阿克奇木伯克邁瑪

特雅爾等四人喀喇沙爾五品商伯克邁瑪

什里布隨帶伊子塔依爾等二人伊犁五品

噶雜那奇伯克愛瑪特隨帶伊子伊斯拉依

爾等二人及朝鮮國使臣徐戴瀉等三人於

午門外瞻觀○癸丑

上御保和殿筵宴朝正外藩科爾沁烏珠穆沁

巴林扎賚特喀喇沁敖漢土默特鄂爾羅斯

杜爾伯特和闐阿克蘇喀什噶爾葉爾羌喀

喇沙爾伊犁青海察哈爾王貝勒伯克及朝

鮮正副使等隨文武大臣依次就坐諸樂並

作

上進酒召左翼科爾沁卓哩克圖親王巴圖科

爾沁扎薩克達爾汗親王索特納木彭蘇克

烏珠穆沁扎薩克車臣親王彭蘇克納木濟

勒科爾沁扎薩克圖郡王索特納木倫布木

科爾沁扎薩克冰圖郡王林沁扎勒贊科爾

沁郡王濟克默特朗布。巴林扎薩克郡王納木濟勒旺楚克喀喇沁扎薩克都楞郡王色伯克多爾濟敖漢郡王布彥德勒格呼固魯克齊扎賚特扎薩克貝勒拉木棍布扎布。科爾沁貝勒貢葛喇布坦。土默特扎薩克貝勒那遜鄂勒哲依。扎魯特扎薩克貝勒諾爾布林沁喀爾喀扎薩克貝勒巴彥巴圖爾烏珠穆沁扎薩克貝勒達克丹。蘇尼特貝勒三達瓦拉鄂爾多斯扎薩克貝子額爾德呢綽克圖喀爾喀貝勒沙拉布貢格。杜爾伯特扎薩克貝子貢噶綽克坦。巴林貝子索哩雅鄂爾多斯貝子扎那吉爾迪鄂爾多斯貝子巴達爾呼。科爾沁扎薩克博多勒噶台親王僧格林沁喀喇沁貝勒德木齊扎布。右翼阿拉善親王貢桑珠爾默特喀爾喀扎薩克親王車林多爾濟喀爾喀扎薩克貝勒濟木丕勒多爾濟綽羅斯貝子二等侍衛伊銓額等。至御座前賜酒成禮。○諭軍機大臣等。福濟鄭魁

士奏上游賊匪下竄請添兵助剿等語。據稱武漢甯國各路賊匪紛紛竄入桐城。安徽各處防不勝防。且和州等州縣收復後。又須增兵防剿。兵力實形單薄。所奏自係實情。前次諭令英桂派穆騰阿帶察哈爾馬隊五六百名前赴安徽。嗣經英桂奏請暫留北路。今皖省需兵甚急。而就近各營舍此亦無可分撥。著英桂即遵前旨。迅將此項馬隊交穆騰阿如數帶往。以資分撥。不得藉詞請留。徒滋延誤。將此由六百里諭令知之。○以安徽蒙城防剿出力。復遊擊塔思哈職。以副將補用。賞知州李徵松千總黃安邦花翎。守備姬鴻元等藍翎。餘升敘有差。○以克復安徽和州。擢參將惠成。以副將用。賞守備何玉堂馮繼武花翎。都司王世雄等藍翎。餘升敘有差。○予安徽桐城陣亡千總鄭元長祭葬世職。○予安徽廬州殉難員弁紳民知縣桂林等三百四十九員名。賞卹如例。○是年旌表孝子江

蘇等省汪元勳等一百九十七名順孫浙江方子和一名悌弟浙江陳良琨等九名義夫浙江蕭天瑞等四名孝女江蘇等省呂氏等十八口孝婦四川楊彭氏等三口守節合例宗室賡音布妻白佳氏等二十三口滿洲海慶妻趙氏等一百六十七口蒙古德陞妻珠氏等四十六口漢軍蔡武寬妻吳氏等四十口內務府桂林妻李氏等八口各省駐防托火氣妻姜氏等二百四十八口奉天等省

明璐妻陳氏等三千三百六十六口夫亡殉節江蘇等省蘇慶隆聘妻謝氏等十七口未婚守志江蘇等省華四喜聘妻王氏等四十三口採訪貞節婦女江蘇等省李辛香妻朱氏等七百四十八口義僕浙江許來發一名百歲壽民婦浙江等省袁學修等三名五世同堂廣東等省廖盛璋等二十九家捐金好義江蘇等省衛肇吉等八家均給銀建坊如例一產三男四川林學洪一家會計天

下民數穀數除江蘇安徽湖北貴州未經冊報外直隸等省通共大小男婦二萬七千五百一十一萬七千六百六十一名口存倉米穀一千三百四十三萬五千八百六十九石三斗二升一合六勺

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十七

無休禮成日該處官員太子太傅上書房總辦文淵閣總辦等官跪行禮畢各散

大學士學士各部尚書等加十三級紀錄十四次員外郎等加十三級紀錄十四次員外郎等加十三級紀錄十四次

六部尚書等加十三級紀錄十四次員外郎等加十三級紀錄十四次員外郎等加十三級紀錄十四次

領運糧滿洲都統戶部尚書等加十三級紀錄十四次員外郎等加十三級紀錄十四次員外郎等加十三級紀錄十四次

道員文苑總纂官五品銜吏部都察院御史等加十三級紀錄十四次員外郎等加十三級紀錄十四次

敕修

咸豐七年丁巳春正月甲寅朔

上詣

奉先殿行禮 詣

堂子行禮 遣官祭

太廟後殿 御太和殿受朝作樂宣表如儀

詣

大高殿

壽皇殿行禮 御乾清宮賜近支親藩等宴

乙卯

上御紫光閣賜蒙古王貝勒及外藩使臣那木

喀呼圖克圖等宴並賞賚有差 內閣欽奉

諭旨

懿妃晉封為

懿貴妃 命乾清門行走科爾沁貝勒貢格拉

布坦在御前行走科爾沁頭等台吉桑拉布

圖忒賽土默特扎薩克頭等塔布囊薩木巴

拉諾爾贊在乾清門行走賞花翎並賞科爾

沁扎薩克頭等台吉錫林巴咱爾烏拉忒扎

薩克三品台吉貢桑端魯布喀爾喀扎薩克

台吉棍布扎布榜扎布扎爾扎布花翎 緩

徵山東歷城章邱齊東禹城臨邑平原肥城

東平平陰惠民陽信樂陵商河霑化滋陽曲

阜鄒汶上陽穀單城武曹定陶高苑樂安邱

夏津東阿青城觀城朝城費聊城茌平清平

莘館陶高唐恩武城鄒平長山齊河濟陽長

清泰安海豐利津甯陽滕嶧蘭山日照博興

濱壽張荷澤鉅野鄆城濮范濟甯金鄉嘉祥

魚臺六十五州縣被水被旱歉收村莊並屯

坐各衛本年額賦 丙辰

高宗純皇帝忌辰遣官祭

裕陵 丁巳

上詣

壽安宮西所問

如皇貴太妃安 緩徵直隸宛平保定固安永

清東安開東明長垣通武清寶坻甯河順義

新城雄安高陽東光天津廣平磁玉田三河

薊香河霸文安大城灤安肅定興蠡束鹿獻

肅甯任邱景吳橋青靜海滄南皮鹽山慶雲

正定晉南和平鄉廣宗永年邯鄲成安肥鄉

曲周雞澤元城大名南樂清豐豐潤南宮武

邑衡水深武強定六十六州縣被水被旱歉

收村莊新舊額賦給宛平固安永清東明長

垣保定東安開八州縣旗民口糧有差○貸

山西托克托城歸化城薩拉齊三廳及洪洞

曲沃長子潞城黎城絳六縣被水災民籽種

口糧 戊午

上詣

大高殿行禮 詣

安佑宮行禮 辛圓明園 乙未諭軍機大臣

等恆春奏籌辦回匪情形請暫駐省城調度

一摺並另片密陳漢回構釁根由等語回匪

未經起事之時原應設法安撫今既戕官踞

城叛逆顯著豈有尚主招撫之理即如大理

府匪徒以投誠誘官致被戕害此輩甘心謀

逆豈肯就撫此時兵力不足則民間齊團正

是要著疊降諭旨原令先勦後撫解散良回

今該省道府等官已為回匪所愚儻該督等

再受劣員慫恿不使逆回痛受懲創安能帖

服恆春等既分兵前赴大理開化等處著即

飭令帶兵各員痛加勦洗早復城池不得專

事姑息致令蔓延益甚舒興阿既經在省復

有藩司桑春榮幫同辦理足資彈壓恆春著

遵前旨帶兵出省擇要勦辦不可株守省城

坐誤事機將此由五百里諭令知之○兩江

總督怡良等奏上海煙稅未便抽釐得旨若明給執照抽收煙釐必致處處受人挾制擔虛名受實害甚非計之得也○以浙江按察使慶廉為布政使調福建按察使瑞璜為浙江按察使以福建興泉永道保泰為按察使調雲南按察使清盛為湖南按察使湖南按察使毓科為雲南按察使○以湖北荊州防勦出力予署將軍副都統載增優敘賞道員莊受祺知府祿勳鄭蘭同知陳元章協領秀岱慶序倭什克達春哈那布佐領文星楚魁順興喜春安祥防禦同慶廉王松柏全喜額勒德亨衛守備楊八元福興花翎防禦德廣等藍翎餘升敘有差○庚申

世祖章皇帝忌辰遣官祭

孝陵○撫恤朝鮮國遭風難夷如例○辛酉諭內閣官文奏請將實心任事之知縣鼓勵等語知州銜湖北潛江縣知縣龔煥枝在任年久悃悞無華連年修築隄工保衛田廬辦理

團防地方賴以安謐徵糧濟餉較他屬尤為踴躍著准其開缺以知府留於湖北補用荆門直隸州州同熊登瀛潔己愛民實心辦團著准其開缺以知州補用○又諭英桂奏擒匪分竄毫境官兵奮擊疊獲勝仗並斬擒匪首多名一摺逆首龔得之弟龔義率領悍賊數千竄至亳州洪家廟地方我軍奮勇截殺當將龔義擒獲其著名擒首如雷燕李汶亮等五名亦均同時殺斃復於王家店地方生

擒擒首黃得等二十餘名王家店迎東生擒擒首白豹等四名餘匪向東南竄逸仍著英桂嚴飭在事將弁將各路竄匪分投勦洗並將首逆龔得張樂行等迅速殲擒毋稽顯戮○諭軍機大臣等英桂奏稱該營現在馬隊馬匹倒斃過半兵丁間有傷亡請飭前調湖北馬隊迅速赴營等語現當勦捕擒匪喫緊之時馬隊最關緊要察哈爾官兵不服水土傷病過多實屬難期得力著官文酌度情形

如官軍沿江東下馬隊可以從緩即著調撥一千或二千名迅赴亳州交英桂再行分撥若能撥給二千名則兵數較多必須大員統率即著傳旨令都興阿統帶前往其餘湖北存營馬隊仍另派大員管帶以資得力將此由五百里諭令知之福建巡撫呂佺孫因病解任以布政使慶嵩為巡撫浙江按察使瑞璜為福建布政使前福建按察使徐宗幹為浙江按察使以奉天吉林廳捐輸軍餉

永廣文學定額一名以勦辦福建延平建甯土匪出力予遊擊馬玉元等并敘有差○以克復湖北漢陽黃州二府城賞知縣袁懷忠遊擊方映川都司王玉琳守備黃大勝等花翎外委徐正忠等藍翎餘升敘有差○以湖北辦團濟餉出力予知府劉步駟等升敘有差○予河南傷亡副將珠隆阿祭葬世職陣亡額外外委高振標賞卹如例○壬戌諭內閣王懿德等奏省城糧價騰貴請援案酌

免貨稅以廣招徠一摺福建省近日米價踴貴自應招商轉運以濟民食著准其查照歷屆成案採買臺米所有隨帶餘貨均著免稅二成俟糧價漸平即行停止○以攻克江南東壩寶堰賊壘賞副將李定太總兵銜參將李若珠守備于紹昌巴圖魯名號同知曾承禧歐陽世洵都司劉福仁守備劉正林金培疇姚紫陵張正光張應祿張崇禮袁國祥張順和劉志仁王浮龍許加成等花翎千總葉

廷彪等藍翎餘升擢有差予江南陣亡參將馬永清守備高永堂祭葬世職○癸亥享太廟遣惇郡王奕諒恭代行禮遣官祭太歲之神

上御奉三無私殿賜近支親藩等宴諭內閣駱秉章奏援勦銅仁賊匪一律肅清擒斬首逆一摺貴州銅仁首逆就擒業經孝順蔣蔚遠馳奏並將出力各員加恩獎敘惟銅仁府應辦善後事宜前諭令蔣蔚遠遴選賢員前

往經理。茲據駱秉章奏蔣霽遠仍令王敬烈戴罪自效。殊屬非是。前署銅仁府知府王敬烈不洽輿情。且有縱勇擾民情事。亟應徹底根究。嚴加懲治。豈可仍畱任事。為劣員開倖進之門。王敬烈著即革任。交蔣霽遠親提查辦。所有銅仁府印務。並著該撫迅派賢員前往接署。○諭軍機大臣等。本日據福興奏豫籌進剿情形。並調兵籌餉各摺片。江西大股逆匪聚集撫州。該將軍由廣信一路前進。以

次勦洗撫建之賊。兼可固浙省門戶。籌畫尚屬周妥。即著咨調張從龍所帶閩兵。與該將軍原帶之兵。自為一軍。統歸節制。江西如有派撥兵勇。更可聯絡聲勢。相機進剿。所請調廣東兵一二千名。由間道入江。並每月籌銀數萬兩協濟等語。已諭令葉名琛酌量辦理。惟該省現亦有軍務。能否調兵濟餉。尚未可定。該將軍惟當先就現有兵力。迅圖勦辦。毋誤事機。將此由六百里諭令知之。○又諭福

興奏請飭廣東添兵協餉一摺。該將軍會勦江西逆匪。已抵常山。現擬由廣信行走。先勦撫州一路。因所帶兵力過單。請調粵東精兵一二千人。交參將衛佐邦管帶。從間道入江聽調。自應酌量添撥。以期厚集兵力。漸次掃除。著葉名琛妥籌調派。前赴福興軍營。所需軍餉。仍由廣東按月籌解接濟。現在吉安未復。南贛一帶驛路尚阻。此次協餉。著葉名琛派員由海道運至上海。再由浙江解至江西。

免致貽誤。至喫夷滋事。未據葉名琛續報。現在情形。有無轉機。前據怡良趙德轍奏夷酋咆哮赴上海申訴。在粵構釁。各情似有悔禍求和之意。業經咨會廣東自行酌辦。並諭該酋不當以細故致違和約。恐干查辦。是以不敢入奏等語。所辦尚屬得體。葉名琛辦理夷務已久。駕馭之方。當不至毫無把握。該夷是否欲求息事。尚難深信。儻仍肆猖獗。蹂躪地方。不成事體。應如何設法控制。使就範圍。迅

速馳奏以慰廛念。將此由六百里諭令知之。○又諭福興奏請飭閩兵出省助勦浙省按月協餉各等語。江西賊氛猖獗。該省勇多兵少。本屬難資控制。此次福興前往會勦。所帶兵數僅止千名。實形單弱。該將軍由廣信行走。現擬先勦撫州一路。福建援勦江西之兵。前因建昌失利。張從龍、琳潤等暫退杉關等處。以圖後舉。嗣據王懿德奏復添調福甯漳泉兵勇一千六百名。馳往分布。此項援軍。本非徒防本境。福興計日可抵撫州。著王懿德即飭該副將等所統兵勇。悉歸福興調遣。相機前進。不得徒事株守。致誤機宜。閩兵所需軍餉。即著由閩省協濟。以期無缺。至江西餉匱已久。浙省除按月協濟福興一軍外。仍著何桂清暫行每月籌撥數萬兩。以應要需。庶師行不至乏食。勦辦方能得手。將此由六百里各諭令知之。○以勦辦福建延平匪徒出力。賞遊擊禧祿花翎。○以克復湖南榔桂陽

永明、江華、州縣各城。賞知府馮崑、知縣王勳。花翎。六品軍功彭有亮等藍翎。餘升擢有差。○以湖南援勦江西賊匪。克復袁州府城、萍鄉、萬載、分宜、三縣城。賞都司李明惠、巴圖魯名號。守備鄔世堂、殷開選、梁開國等花翎。把總黃本富等藍翎。餘加銜升敘有差。○以克復貴州銅仁府城。加湖南總兵官王安提督銜。予湖南陣亡訓導謝仁峻、陳啟書、陳維新、八品銜王廷蘭、九品銜何道壩、楊誠謙、千總銜劉開發、把總易孔章、外委譚三友等。祭葬世職。○予江西傷亡把總劉世鵬、祭葬世職。六品軍功李兆相、祭葬世職。如把總例。○是日立春。順天府進土牛、春山寶座。○甲子。孝全成皇后忌辰。遣官祭慕陵。○諭內閣。京師鼓鑄大錢。銅鐵並重。前經惠親王等酌擬章程。嚴定阻撓罪名。嗣復諭令崇文門稅局、戶部捐局一體搭收。原期上下周轉。永為寶貴。乃聞近日市間漸不行使。

鐵錢以致物價日昂。鋪戶間有歇業。此必有奸民造言煽惑。任意軒輊。暗中把持牟利。於軍餉民食大有關係。著步軍統領衙門。順天府。五城。剴切曉諭。儻商民人等敢於阻撓。一經查拏。即照前旨。初犯者枷號示眾。再犯者發極邊煙瘴充軍。遇赦不赦。以儆刁風。至私鑄罪名。定例綦嚴。近來地方官並不認真查拏。因有破碎私錢。攙和致民間藉端挑剔。仍著嚴密查緝。照新定章程辦理。其京外地方。

凡官收民用。均宜恪遵功令。一律行使。現聞順天直隸各屬尚未暢行。總由地方官怠忽因循。殊堪痛恨。著直隸總督責成藩司認真經理。務使中外流通。不致阻滯。並著順天府嚴飭各屬實力奉行。以重國法。而便民用。毋得視為具文。將此通諭知之。乙丑。

上御正大光明殿。賜王公大臣。蒙古王貝勒貝子。公台吉及外藩使臣。那木喀呼圖克圖等宴。諭軍機大臣等。福濟等奏賊陷無為。請

撥兵餉。及巢縣情形等語。該逆糾合大股。復陷無為。竄及夏閣。廬州情形喫緊。福濟已帶安銳勇一千名。親自回省。桐城賊尚兇悍。兵勇勢難多調。自應添撥援兵。惟直隸屏翰畿疆。現在存兵無多。山東交界。尚須設防。無可調撥。吉林馬隊。亦無可再調。惟湖北有吉林等處馬隊。前經英桂奏調。本日已諭令官文等酌分一千名。飭赴廬州助剿。現在楚北水軍戰艦。已抵九江。或可沿流東下。攻安慶以

分廬州等處賊勢。秦定三。鄭魁士務當迅克。桐城。庶可合兵一處。當此餉缺兵飢。毋得遷延貽誤。該撫仍當分飭帶兵各員。實力防剿。毋得專待外援。致有貽誤。將此由六百里諭令知之。○又諭安徽無為州城復經失守。現在該省勦辦喫緊。餉糈不支。又值年荒米貴。自應亟籌接濟。著葉名琛斟酌情形。先籌銀十數萬兩。派員解赴福濟軍營。以資接濟。至山陝兩省。本有按月協濟之款。著王慶雲譚

廷襄設法各先籌銀數萬兩。迅解廬州。毋稍遲誤。將此由六百里各諭令知之。○又諭前因英桂奏請調撥湖北馬隊。當諭令官文酌調一二千名。前赴亳州。此時皖省緊要。即著該大臣等分撥一千名。赴皖協勦。毋稍延誤。無為之賊。據福濟等奏。由武漢蘄黃沿江下竄。現在湖北水軍。已在九江獲勝。若能分水陸兵勇。直擣安慶。以牽制賊勢。則江北之賊。當不致肆行猖獗。該大臣等務須統籌全局。

酌量辦理。不可稍存畛域之見。致有遲誤。將此由六百里加緊諭令知之。○以安徽無為州城被匪竄陷。巢縣被擾。革總兵扎隆武。知州葉藩。知縣張葆職。仍責令勦賊自效。○丙寅。

上御同樂園。賜王公大臣。蒙古王。貝勒。貝子等食。○丁卯。

宣宗成皇帝忌辰。遣官祭

慕陵。

上詣

安佑宮行禮。○諭內閣。前因德勒克色楞於領放三盟兵丁賞銀內。有隱匿掩飾情弊。降旨革去爵職。交理藩院會同刑部定擬罪名。茲據該衙門比照成例。聲明請旨。德勒克色楞著發往熱河。交該都統嚴加管束。所遺貝子爵職。仍准其以德勒克色楞之子承襲。以示朕格外施恩至意。已革管旗章京烏爾圖。那蘇圖。著發往新疆充當苦差。仍暫行監禁待質。俟達瑪林色登案結後。再行發遣。○又諭前據廉兆綸奏。參江西按察使鄧仁蓀。派令伊子鄧輔綸辦理軍務。並捐辦城濠等工。不能潔己遠嫌。致滋物議。各情。當交曾國藩。文俊查明參奏。茲據奏稱。鄧輔綸督帶兵勇。係因平江等勇均籍隸湖南。經文俊函商曾國藩。派令該員與林源恩統帶。並非該員統領全軍。至興修礮臺。礮城。月城等各項工程。尚屬工料堅實。惟該臬司於興修之始。並未照

例勘估但求城濠速成以致各委員開報用項浮冒參差弊端百出且在江西年久每好引用同鄉親族又不能約束家丁致滋物議實屬不知遠嫌鄧仁瑩著交部嚴加議處其各委員開報工程錢數仍著曾國藩文俊逐細確查按款覈算如有浮冒情事即著從嚴叅辦○又諭官文胡林翼奏官軍攻毀小池口並九江城外賊壘一摺官軍自克復黃梅縣城後宿松太湖之賊聚集數萬意圖分路四撲兵勇奮力進剿縱橫衝擊敗匪竄歸小池口賊巢兵勇毀其土城及賊壘數座南岸官軍水陸會攻復將九江城外土城轟倒擒斬多名勦辦尚屬得手著官文等即督飭將士迅將九江城池克復以期乘勝東下盡掃賊氛毋稍延緩○諭軍機大臣等曾國藩奏請飭催各省月濟餉銀等語楚北楊載福李續賓與都興阿水陸各軍現已乘勝直抵九江會合進剿而餉項匱乏自應亟為籌撥著

譚廷襄王慶雲仍遵前旨趕緊籌解概交胡林翼由水路解至九江濟用其江西各府分駐之兵勇五萬餘人據稱舊欠無從補給新歲尤難支持亦係實情著葉名琛每月籌撥銀四萬兩解至長沙由駱秉章轉解江西以濟急需將此由六百里各諭令知之○又諭據官文奏湖北馬隊無多難以抽調自係實在情形湖北水陸各軍現攻九江如即克復順流可達安慶所有前調馬隊著准其暫停調撥即飭水陸各軍迅將九江郡城攻克一俟得手即可直擣安慶與福濟會合進剿至河南勦擒兵力尚單俟楚兵直抵安慶仍著官文等斟酌情形將馬隊抽撥一千名或數百名前往亳州等處交英桂調遣以資助剿將此由六百里諭令知之○又諭據福濟奏皖省上年荒旱僅恃無為州一隅採買米石現在該州被賊竄陷販賣無從兼之隆冬無雪麥苗難冀滋生未免兵民交困聞湖南秋

收頗稔。武漢既復。水路可達蘄州。請飭趕緊籌辦米糧四萬石等語。湖南省歲收雖屬豐稔。而現在支應各路防兵。需餉不少。原恐未能兼顧。惟皖省兵民乏食。情形亦關緊要。駱秉章向於鄰省緩急。不存畛域之心。此次福濟所請。該省能否籌辦米若干石。即著駱秉章酌量情形。一面專摺具奏。一面派員趕辦。運至蘄州。轉由羅田、英山運至六安。俾資接濟。將此由六百里諭令知之。○改派內閣學

書卷三十七

元

士宋晉會同刑部右侍郎國瑞。承修盛京陵寢殿座工程。○雲南開化鎮總兵官都隆阿。因病解任。以河南信陽協副將巴揚阿為雲南開化鎮總兵官。○以克復安徽太平。祁門。休甯。黟。西縣城。賞守備王恩榮。巴圖魯名號。都司陳培基。守備張崇禮。侯元相。馬光宗。袁國祥。王霖等。花翎。縣丞袁忠清等。藍翎。餘升賞有差。○以克復江西新淦縣城。賞道員劉于瀄。巴圖魯名號。○以湖北官軍援勦江西

賊匪出力。賞守備劉芳貴等。花翎。把總唐士珍等。藍翎。餘升賞有差。○命定郡王溥煦。帶領侍衛十員。往奠故兵部尚書阿靈阿。茶酒。贈太子太保。賞銀三百兩治喪。予祭葬。謚愍勤。○戊辰。

上詣

安佑宮行禮。○詣

大高殿行禮。○還宮。○調工部尚書全慶為兵部尚書。以都察院左都御史文彩為工部尚

書卷三十七

三

書。戶部左侍郎肅順為都察院左都御史。調工部右侍郎基溥為戶部左侍郎。兼管三庫事。以內閣學士景廉為工部右侍郎。兼管錢法堂事務。○調正白旗蒙古都統德木楚克扎布為鑲白旗滿洲都統。以御前侍衛德興阿為正白旗蒙古都統。調正紅旗蒙古副都統善壽為正白旗滿洲副都統。以頭等侍衛克興阿為正紅旗蒙古副都統。正白旗護軍統領恩醇為正白旗漢軍副都統。調鑲黃旗

護軍統領熙拉布。為左翼前鋒統領。正黃旗。
護軍統領德全。為鑲黃旗護軍統領。鑲藍旗。
護軍統領珠勒亨。為正黃旗護軍統領。以吏
部右侍郎穆蔭兼鑲藍旗護軍統領。○

上以次辛。祈穀於

上帝自是日始齋戒三日

實錄卷二百十七

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十八

監外通義實錄員撰起居注官太子太傅上書居總制傳文淵閣開書翰林院書院帶一摺容容來上諭下件處用文館經義書纂叙
大學士管理兵部事務加十三級紀錄十四次員曾積奉本禮義官致經謀官太子太傅文淵閣領閣事兼奉敕總纂百教習及書士體仁閣
十學士管理戶部三庫事務管理理刑御史事務加二十二級紀錄十六次員周祖希理義官五十少保管理四庫書庫事務引大臣經機大臣
禮部總辦高州都統戶部尚書管理三庫事務加四級隨帶加五級紀錄十二次員曾景題義官管理說譯官弘德殿教習韓文誥達一書居總辦
內閣學士總辦處官其理義官書都統理部尚書管理太常寺鴻臚寺事務加二級參功加四級隨帶加八級紀錄五次員徐行瑞等奉
敕修

敕修

咸豐七年丁巳正月己巳諭內閣扎拉芬泰

奏主爾扈特監守盟長印務汗拉他那巴咱
爾之祖母喀屯呈請為鄂斯庫濟爾噶勒之
孫汗拉他那巴咱爾增壽懇請賞名一摺該
喀屯為伊孤孫欲求永壽懇請賞名實出至
誠著照所請汗拉他那巴咱爾著更名布彥
烏勒哲依圖以示眷慰蒙古臣僕之至意○
以鑲紅旗護軍統領春佑為鑾儀衛鑾儀使

上
請

南郊齋宮齋宿。諭內閣勞崇光奏請將遺失學記屢著戰功之訓導寬免處分等語。咸豐五年匪陷潯州府城桂平縣學教諭林鍾密府學訓導代理教授羅世位遺失學記。本有應得之咎。惟據奏稱該員等尚無畏避。先逃情弊。羅世位並幫同守城堵剿出力。除林鍾密業已病故著毋庸議外。羅世位應得處分著准其寬免。廣西巡撫勞崇光奏太平府屬土匪次第剿除並將盤踞府城匪黨殲除

淨盡。報聞。以克復廣西上思州城賞千總邱林等藍翎。餘升敘有差。以勦辦廣西宣化土匪出力。賞知縣彭昌集花翎。李汧等藍翎。餘升賞有差。以廣西興安靈川二縣城被匪竄陷。革知縣嚴正圻趙準職。仍隨營效力。辛未祈穀於

上帝

上親詣行禮 詣

關帝廟拈香 幸圓明園 諭內閣怡良趙

德轍奏請併案舉行大計一摺。咸豐三年江蘇省大計因辦理軍務展緩。茲又屆六年分應行計典之期。考覈攸關。未便再行緩辦。著照所請。准其展至本年三月內併案具題。以昭詳慎。諭軍機大臣等。前因邵燦庚長奏關保全永馬隊過境助剿獲勝。准其暫留徐郡俟直隸馬隊到時再令酌量飭赴懷遠。本日復據該漕督等奏察哈爾官兵未到。關保一軍連次獲勝。實為得力。請仍暫留徐州等

語。著照所請。准其暫留防剿。其察哈爾馬隊到徐之日。著邵燦庚長飭令徑赴懷遠。不必調換。設或南路緊急。准其調二百五十名分往援應。不得此留彼調。徒事遷延。致有貽誤。徐州為南北要衝。古來形勝之地。現在兵力甚單。匪蹤往來。無定實為喫重。前經英桂奏令袁甲三酌帶兵勇往徐州會剿。是否得有勝仗。能遏兇鋒。亦未據續奏。英桂在亳州調度兵力。已不為單。所請調湖北馬隊已據官

文奏未能分撥。福濟亦曾請調此項馬隊。須俟攻克九江。方能到皖。再行酌撥。此時尚難議及。祇可各就現在兵勇。妥為布置矣。再據奏定三秦桐城兵單糧缺。請飭福濟籌米接濟等語。桐城當進攻喫緊之時。賊悍兵饑。情形急迫。甚屬可憂。福濟身任疆圉。豈能置軍餉於不顧。著即籌運糧米。解往秦定三軍營。俾免缺乏。將此由六百里各諭令知之。○以江蘇籌辦海運出力。予署知府平翰等升敘。

有差。○以勦辦湖北隨州土匪出力。賞在籍

主事李樹人。防禦墨爾根布慶陞等花翎。前

鋒農吉布等藍翎。餘升擢有差。壬申。

上御山高水長。賜王公大臣蒙古王貝勒貝子。

公額駙台吉。及外藩使臣等食。○癸酉。

上御正大光明殿。賜大學士尚書等宴。○諭內

閣軍機大臣彭蘊章等奏請酌撥庫款採買

糧米。並戶部奏飭商認買糧石定價平糶各

一摺。現在京城糧價昂貴。旗民生計維艱。亟

應設法周轉。著戶部即行籌款。發交順天府

府尹。於近京地方。購買米麥運京。酌定價值。

准令米鋪以錢票及銅鐵大錢承買出糶時。

並准其每石酌加京錢一二百文。亦將錢票。

與銅鐵大錢並收。俾商民兩便。糧食不致缺

乏。大錢亦得流通。惟民間待食孔殷。採買尚

需時日。著照戶部所議。傳集糧行經紀。酌中

定價。於五城內外擇殷實鋪戶。取具保結。赴

官號認領錢票實鈔。承辦各項糧石。公平發

糶。並准旗民人等持現行銅鐵大錢。按照定

價。赴該鋪購買。所得錢文。准令該糧店抵還

庫款。其大錢除破碎不堪使用者。准其挑剔。

餘概不准挑揀。以平市價。而濟民食。著順天

府五城。即行出示曉諭。用副朕軫念民艱。至

意。○甲戌。

孝穆成皇后忌辰。遣官祭。

慕陵。○諭內閣。前據勝保奏烏嚕木齊滿洲營

兵呈控鎮迪道和祥等扣餉肥己一案。當交

倭什琿布奎英查辦茲據查明具奏俸滿甘肅鎮迪道調任安肅道和祥於烏魯木齊滿洲營兵餉雖無侵蝕情事惟將道庫封儲銀兩擅給綠營兵餉至十五萬兩之多並將留備兵餉之款先發廉俸復於部定折銀內再行分成發錢又將州庫應放滿洲兵餉提至道庫種種錯謬咎實難辭主事達春奏於公庫存儲銀兩明知不應散放並不回明阻止又於和臣泰錯領重折之處隱而不言實屬有心掩飾和祥達春奏著交部分別議處協領和臣泰於散放兵糧並不查明率行具領協領巴哈布隨同附和致招物議均著交部察議前署迪化州事吐魯番同知英貴積欠銀糧業已補交惟於兵食要需不知先行豫備亦屬不合著一併交部察議○乙亥諭內閣給事中張修育奏道府捐輸獎敘請明示限制等語各直省候補候選道府人員捐輸軍餉等項准其記名遇有本省缺出請旨簡

放施恩已極優渥而該督撫等或請遇有各省缺出簡放未免漫無限制此後除軍營保舉不計外所有捐輸及別項出力人員祇准請旨記名遇有本省缺出簡放不得請放各省之缺以示限制○又諭給事中張修育奏捐輸道員未經聲敘虧項請旨飭查一摺候選道福建建甯府知府秦金鑑前在山東知縣任內應交虧項曾否清完此次捐輸防勦經費是否與例相符著該部查明具奏嗣後捐輸人員奏請獎勵均著聲明有無虧空應繳之款以杜蒙混而重帑項○以通政使司通政使孟保署刑部右侍郎 丙子孝聖憲皇后忌辰遣官祭泰東陵上詣恩慕寺恩佑寺行禮○諭內閣河南巡撫英桂前因勦匪無功降旨革職暫行留任乃自去冬以來

又經數月。仍未能督率鎮將。實力勦捕。株守亳州。匪蹤四出。實屬調度無方。著交部議處。察哈爾都統西凌阿。所帶皆係勁旅。乃屢次敗退。不勝統帥之任。著一併交部議處。河北鎮總兵崇安。駐兵雒河。被匪撲陷。已有應得之咎。姬家橋之敗。幾至縱賊。西竄陳州。迨追賊至臨渙集地方。又復漫無紀律。為賊所乘。似此屢次挫敗。實屬怙怯無能。著交部嚴加議處。西凌阿。崇安。均著來京聽候部議。所有

西凌阿原帶馬隊。著交穆騰阿管帶。勝保現已賞給副都統銜。幫辦勦匪事宜。著暫行署理河北鎮總兵印務。崇安原帶官兵。悉歸統帶英桂。務與勝保。袁甲三等。協力同心。迅圖蕩事。毋再遷延。致干重罪。○諭軍機大臣等。勝保奏接准福濟函稱。令由鳳潁進勦。揆之事勢。未能盡協等語。捻匪於皖豫交界地方。肆行滋擾。固須四面兜剿。尤應防其北竄。若徒以重兵由鳳潁進攻。則歸陳等處喫重。關

繫殊非淺鮮。本日已諭令勝保。幫同英桂。辦理勦捻事宜。未能前赴該撫軍營。鳳潁為皖省統轄地方。福濟責無旁貸。著即派得力官兵。迅速馳往。勦捕該處捻匪。毋令再有蔓延。自干咎戾。將此由五百里諭令知之。○又諭副都統德勒格爾。奏參領等官。不能得力等語。該都統軍營帶隊需人。著英桂於所轄察哈爾帶兵營員內。揀派二三員前往接替。以資得力。英桂勦辦捻匪。日久無功。即著遵旨

調度。務與勝保和衷商榷。奮勉立功。毋得仍前萎靡。致干重咎。將此由五百里諭知英桂。並諭令德勒格爾知之。○又諭本日據德勒格爾奏。行抵徐州後。擬即赴懷遠助勦。惟原帶駐劄開州等處之察哈爾馬隊兵五百名。馬匹疲乏。倒斃過多。自應亟為籌撥。以資利用。山東前備土默特兵乘騎之馬四百匹。業已解往揚州。此時德勒格爾需用馬匹。著崇恩先於該省營內。挑選應壯戰馬二百五十

匹即日派員解赴徐州交史榮椿撥給德勒格爾應用至山東營馬亦不可缺著該撫再行酌量採買補額可也將此由六百里諭令知之賞藍翎侍衛勝保副都統銜幫辦河南勦匪事宜○辦理防河事務都察院左副都御史王履謙乞解職養親允之命河東河道總督李鈞督同河北道周士鏜辦理防河事務○調湖南按察使清盛為直隸按察使○以光祿寺少卿劉源灝為湖南按察使○調

塔爾巴哈台領隊大臣英蘊為管理滿營錫伯索倫領隊大臣賞已革湖南提督武隆額藍翎侍衛為塔爾巴哈台領隊大臣○以四川捐輸軍餉加遂甯縣文學定額五名縣已二州縣各四名仁壽岳池三臺安岳宜賓富順大竹肩邱九州縣各三名溫江彭縣崇慶縣竹德陽萬梁山達資陽內江南充廣安中江蓬溪樂山榮隆昌大邑蒲江蘆山二十一州縣各二名成都華陽灌什邡新津雙流金堂

郫漢江油彭明羅江安江北長壽江津永川榮昌大足涪合南川銅梁墊江新甯渠資閬中南部巴西充蓬營山儀隴鄰水射洪樂至雅安名山峨眉洪雅夾江犍為威遠南溪高彭山丹稜江安合江敘永五十一廳州縣各一名○以江南徐州迎勦擒匪獲勝賞吉林防禦博崇武巴圖魯名號○丁丑

上幸萬壽山諭內閣前因給事中宗稷辰奏請招商買米並捐米平糶一摺當交御前大

臣軍機大臣會同戶部議奏茲據載垣等會議具奏該給事中所稱順天府屬寶坻武清等縣米麪甚賤並計及奉天販運請飭出示招徠等語著盛京將軍奉天順天各府尹直隸總督各飭所屬州縣剴切出示曉諭商民人等務將米糧源源運京俾捐生得以及時購買其經過地方准其照例免稅以廣招徠所收米石或留備倉儲或接濟平糶俟集有成數再由該部酌議具奏○又諭前因御史

保恆奏請疏通大錢並聯順奏請定交納章程暨轉運糧石先後諭令御前大臣軍機大臣會同戶部妥速議奏本日據載垣等會議具奏京師行用銅鐵大錢總由直隸省未能設法疏通以致情形壅滯自應亟籌變通著照所議順天直隸各屬錢糧即自本年上忙為始著以實銀四成寶鈔三成當十銅鐵大錢三成按成搭交其零星小戶應交錢糧不足寶鈔之數者准以大錢抵交所交寶鈔大錢數目按照現定章程辦理一切用項亦照成數搭放該府尹總督迅即刊刻謄黃徧行曉諭務使民間家喻戶曉按章輸納朕聞直隸州縣徵收錢糧或勒捐實銀私換鈔票種種舞弊該上司不能嚴加叅劾均堪痛恨嗣後如敢仍前疲玩不收寶鈔大錢勒令交銀或經民間呈控或有人叅奏定將該州縣照枉法例從重治罪如該上司徇隱不叅著戶部奏請嚴加議處至所請由部派員赴各府

會同徵收取結報部存案之處恐有名無實轉滋繁擾即著該府尹總督責成該道府等於所屬開徵時嚴密訪查有弊必懲儻有徇庇等情該上司亦無從藉詞諉卸其私鑄大錢罪名前經從重定擬而愚民無知仍多藐玩自應盡法懲治著步軍統領順天府五城暨直隸總督嚴飭所屬實力緝拏如查有私鑄匪徒即照所議無分首從均於訊明後就地正法以儆刁風甲長鄰居隱瞞不報分別徒流治罪該地方官自行拏獲者於訊辦後由該上司奏請獎敘如被鄰境訪拏即將該地方官從嚴叅處至捐銅局搭收大錢前經戶部議定章程每銀一兩搭收大錢六百文其崇文門左右翼稅銀應如何分成搭收當十大錢之處著該監督等迅速酌覈具奏官民錢鋪如有囤積制錢收買私鑄者著步軍統領順天府五城一體查拏嚴辦似此詳加整頓大錢既可疏通即糧價自然平減所有

鄉間米石仍著該府尹等飭令各屬曉諭務使照常販運公平糴糶以濟民食○太常寺疏請春祭

文昌廟得旨

文昌帝君現已升列中祀嗣後每屆幾年應行親詣之處著禮部太常寺查照中祀例案酌覈具奏○戊寅諭內閣本年輪應查閱福建浙江廣東廣西四省營伍之期福建著即派王懿德浙江即派晏端書廣東即派葉名

琛廣西即派勞崇光逐一查閱認真簡校如查有訓練不精軍實不齊即將廢弛之將弁據實參奏毋得視為具文○又諭給事中宗稷辰奏發往東河例不開缺請仍遇事陳奏一摺殊於體制不合京員發往河工學習即歸河督統屬雖未開本缺豈能仍以言官自居該員於河防事宜如果確有所見儘可呈明河督斟酌辦理若竟自行陳奏又安用河督為耶至東河漫口雖一時未能興築而此

外應辦工程尚屬不少豈得謂無工可學宗稷辰既發往東河學習應聽該河督量才差遣所奏著不准行○又諭英桂奏進攻擒匪平毀賊巢一摺擒匪自疊受懲創以後堅匿趙旂屯老巢經托津阿等分帶馬步各隊進攻匪眾潰走生擒擒首李振山等二十餘名立將賊巢焚毀其逃竄尹家溝一路賊匪經朱連泰等合力進剿直抵賊巢餘匪敗竄生擒擒首張鳳等三十餘人立將賊圍平毀其

竄往高家寨擒匪經袁甲三派員堵截斃匪百餘名奪獲軍械多件餘匪逃逸此股擒匪被勒窮蹙猶復負隅死守此次痛加剿洗並將匪巢焚毀著英桂督飭鎮將務將首逆殲擒毋任漏網○又諭恆春奏審擬已革副將罪名並請令戴罪立功一摺已革雲南副將陳得功前因救援不力蒙領餉銀降旨革職拏問交恆春嚴訊定擬茲據該督審擬具奏該革員雖無貽誤侵蝕重情而都勻之陷究

屬策應不力。那發鹽菜銀兩亦多含混。著照所擬從重發往新疆效力贖罪。又據該督聲稱師宗羅平邱北等州縣紳民聯名籲懇以該革員熟悉情形求令戴罪立功等語。現當軍務緊要著准其暫留該處以觀後效。惟該革員尚未免罪。不得以著有微勞即為乞恩開復地步。若仍不能得力或有別項劣蹟即著加等治罪。毋稍瞻徇。○諭軍機大臣等福濟奏請飭催江西礮船並酌帶米石等語。九

江安慶相為犄角。曾國藩既有先撥礮船二百隻協攻安慶之議。不但可斷賊援九江之路。兼可分桐城後路賊勢。現在安徽賊匪麇至。無為廬江復陷。兵力甚單。著曾國藩即遴派大員督帶礮船下駛。以資攻剿。至廬州一帶旱荒米糧缺乏。兵食萬分艱窘。並著文俊酌撥米石。即交各船裝載。帶赴皖省俾福濟一軍得有接濟。將此由六百里諭令知之。○又諭現在廬江復陷。賊黨麇至。情形實屬喫

緊。著福濟督率帶兵各員實力防剿。俟江西援兵到日。水陸夾攻。當有轉機。現在撥餉未到。兵力饑疲。並著督飭藩司竭力設措。不可一籌莫展。坐待鄰省協濟。致誤事機。將此由六百里諭令知之。○又諭英桂奏前調河南省之直隸官兵除傷亡遣散外。缺額甚多。並無隨帶餘丁充補。該撫已分咨直隸山東令各原營照數募補足額。迅速飭赴軍營等語。現在河南勦擒喫緊。所調官兵既有缺額。自

應如數補足。惟是新募之兵未經訓練。恐難得力。著桂良崇恩。即照英桂所咨缺額兵數。先於各該省存營兵內挑揀熟習技藝之人。飭令迅赴亳州英桂軍營。以備攻剿。其新募之兵即可分隸各營。充補本省缺額。仍須勤加操練。聽候調遣。將此由五百里各諭令知之。○又諭英桂奏遵派察哈爾馬隊赴皖等語。昨已降旨。令穆騰阿接管西凌阿所帶馬隊。未便令其前赴安徽。著英桂另行揀派得

力大員前往接替。即飭穆騰阿趕緊折回。俾西凌阿迅速交卸來京。將此由六百里諭令知之。○以安徽廬江縣城被匪竄陷。革知縣何輝級職。仍責令勦賊自效。予陣亡副將鮑雲翥都司彭萬鑑守備洪鐘祭葬世職。○己卯諭軍機大臣等。本日據葉名琛奏防勦暎夷。水陸獲勝。現在夷情窮蹙。一摺。暎夷於上年十一月初七日攻東定礮臺。經我軍擊沈船隻。殲斃多名。復因該夷放火欲燒西關民房。轉風自燒夷樓。巢穴一空。並我兵屢次擊毀該夷輪船。又將句串股匪擊敗。該夷屢經挫衄。各國俱知其計窮。又因延燒貨物。欲令賠償。不肯助逆。其勢似已窮蹙。此時若專力攻勦。原不難盡殲醜類。惟控制外夷。究非勦辦內地匪徒可比。所稱該國有噶喇等國。與之構釁。不能添兵來援。無論傳聞未可盡信。即使實有其事。而事平之後。豈不慮其稱兵報復。從前林則徐誤信人言。謂噶喇無

能為役。不妨懾以兵威。致開釁端。迨定海失。後即束手無策。前車之鑒。不可不知。現在各國既知其無理。自有公論。日後噶國傳聞。或不致有所藉口。如果該酋自知理屈。悔罪求和。並罷議進城。祇可俯如所請。以息兵端。但不可意存遷就。致該夷故智復萌。肆行要挾。該督久任粵疆。熟悉夷情。必能設法駕馭。擇縱得宜。勿貽後患。朕亦不為遙制。至江蘇閩浙等處。上年業經諭令該督撫密加防範。如有夷船駛至。控訴稱冤。自當諭令仍回廣東聽候查辦也。將此由五百里密諭知之。○又諭前據御史宗稷辰奏請飭川楚派兵合攻黔省苗匪。當經諭令吳振械恆春蔣蔚遠駱秉章體察形勢。籌議具奏。旋據駱秉章奏稱。調派參將萬年新等統帶軍勇二千餘名。由靖州赴黔會勦。並歷陳山川形勝。今昔異宜。所奏極為明晰。吳振械於未奉此旨之先。業已派署永甯營參將鍾海統帶兵練一千名。

前赴黔省聽候調遣。並據聲明各該省防堵需兵不敷再調。自係實在情形。本日據蔣爵遠奏請川楚一省各分兩路進兵。每路需兵五六千名。並援雍正年間勦辦苗匪之案。必須厚集兵力。實屬不知時務。從前用兵一隅。自易徵調。現在各省紛紛滋擾。不獨兵力不敷。抑且餉需支絀。斷難照議辦理。惟貴州匪餓方張。兵分見少。吳振械駱秉章能否於前調兵勇外。再行撥兵各數百名。赴黔會勦。所

軍機處存

主

需兵餉川楚兩省派員支應。毋令缺乏。著即酌量情形。一面調撥。一面奏聞。貴州產米無多。蔣爵遠請令湖南採買米石運赴鎮遠。以資接濟。並著駱秉章斟酌妥辦。此時川楚前調兵勇計可先後抵黔。著蔣爵遠會同孝順督率本省將士協力進勦。奮勉圖功。勿得藉口兵單致滋貽誤。將此由五百里各諭令知之。○署直隸總督譚廷襄奏謝署任恩。並請入覲得旨。直隸距京甚近。汝可先赴省垣接

印視事。將一切辦理就緒。即來京陛見往返。不過旬期。於公事不致有誤。○江西按察使鄧仁堃緣事降調。以前任江西按察使惲光宸為江西按察使。○以勦辦廣東番禺縣屬股匪出力。賞知州史樸等花翎。千總王顯等藍翎。餘升敘有差。予陣亡千總崑芳祭葬世職。○予貴州禦賊被戕從九品閻錚祭葬世職。○加賞五城煮賑米石。○庚辰諭內閣。怡良趙德轍奏請仍照前議截漕濟餉一摺。江

軍機處存

主

蘇海運漕糧。前經部議礙難截留。業已降旨依議。茲據該督等奏稱上年江蘇省旱蝗成災。徵收有限。米缺價昂。餉需無出自。係實在情形。所有江蘇省起運交倉漕糧著准其截留二十五萬石以充軍餉。○諭軍機大臣等。本日據載增等奏股匪張三彪等勾結四川遊勇裹脅貧民在竹山縣地方滋擾。官軍攻勦獲勝。餘匪由房縣興山竄入宜昌府城等語。此股匪徒本係烏合。何以常恩等並不認

真兇。致該匪肆行奔突。竄入府城。宜昌距
荊州甚近。防勤不容稍疏。官文現派李光榮
盧又熊。分帶川勇各千餘名追勦。尚恐兵力
不敷。著會同胡林翼酌量抽撥官兵。與常恩
等所帶兵勇。並署松潘鎮德恩等合力迎擊。
務將府城迅即克復。並將此股匪徒悉數殲
除。勿令再至。蔓延。儻帶兵各員堵勦不力。即
著嚴叅懲辦。綿洵現已抵任。即應帶兵出城。
擇要駐劄。相機迎勦。載增富森督率兵勇。在
城內嚴密稽查。以資鎮定。宜昌文武各員。於
賊匪攻撲時。毫無防範。致郡城失守。著官文
胡林翼。即查明該員等下落。據實叅奏。將此
由六百里各諭令知之。○以湖北穀城光化
勦賊出力。賞佐領烏勒西冲阿花翎。雲騎尉
祥貴等。藍翎。餘升敘有差。○以四川酉陽州
防勦黔匪出力。予按察使徐之銘議敘。賞知
州凌樹棠等。花翎。餘升敘有差。○朝鮮國王
李昇遣使奉表謝恩。並賀

實錄卷百六

三

萬壽冬至元旦三大節進貢方物賞賚如例。○
辛巳
上詣
大高殿行禮。○還宮。○壬午
孝儀純皇后忌辰遣官祭
裕陵。○諭內閣德興阿奏叅道員干預保舉。請
旨革職擬罪一摺。江蘇留防六合之候補道
溫紹原。以總兵葉常春等未與保奏。無以示
表揚等語具稟。又請將浦口水軍六合防兵
獎勵。妄稱曾見諭旨。經德興阿查覈不符。實
屬荒謬。本應治以應得之罪。姑念該員督帶
兵勇防勦江北一帶。著有微勞。著從寬革職。
免其治罪。仍留六合地方。責令帶勇防堵。以
觀後效。儻再不知愧奮。著德興阿。翁同書會
同該督撫嚴叅懲治。○御前大臣載垣等會
議給事中吳惠元奏籌流通大錢。請於長蘆
鹽課按三成搭收。從之。

實錄卷百六

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十八

實錄卷二百十八

三十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百十九

監外應實官題員議起奉旨官太文係上書房應劭傳文淵閣閣事翰林院中院學士稽察奏奉二諭旨行用文淵閣應實官其員

大學士書院中書事蔭加十三級紀錄十四次臣奉檢奏本應實官題議錄官太文係文淵閣閣事書院總纂官教習應實官書士體仁閣

大學士書院戶部三庫掌印管稅則部書卷加二十三級紀錄十六次臣周祖培題應實官太子少保掌理內閣書院中書事蔭加六次自軍機大臣

議奏該滿洲部統戶部尚書掌理三庫書卷加四級隨帶加五級紀錄十二次臣寶恩題應實官經筵講官孔德成教習清文館上書房總譜

造員史館總裁官正典學蒙古都統理布魯賽理人常守加腰帶書蔭加二級隨帶加四級隨帶加八級紀錄五次臣任仕增等奏

欽此

咸豐七年丁巳二月癸未朔諭內閣前因恆

春奏遵旨審擬已革副將陳得功罪名當經降旨將陳得功發往新疆效力贖罪並准其暫留雲南戴罪立功本日據御史李培祐奏稱陳得功素習邪教黨與眾多彌勒縣戕官匪犯即其黨與該革員縱令逃逸併為首匪夤緣贖罪入黔以後於郎岱地方將投誠苗民圍殺冒功以致苗民痛恨都勻等處城池失陷革職以後將其黨與布散於開化邱北等處深恐別滋事端等語種種情節殊屬可

惡陳得功著即行發往新疆不准留於雲南效力並著恆春派員剋日起解毋許逗遛經過地方併著妥為押解僅有疏虞惟該地方官是問○以正藍旗漢軍副都統文豐為總管內務府大臣○甲申以拏獲私進開齊行劫賊犯賞伊犁協領富克津泰副都統銜回子通事五品商伯克蟒里克花翎餘升敘有差○以勦辦福建延平甌甯匪徒出力予遊擊馬玉元以副將升用○以山東鉅野擒匪

入城劫獄革知縣李均把總桑朝棟職○予江蘇鎮江陣亡千總劉得清祭葬世職○乙酉遣官祭

文昌帝君廟○諭內閣胡林翼奏請將大計展限等語湖北省應行計典前因辦理軍務業經展緩茲又屆大計之期考覈攸關若再展至下屆舉行未免過緩著於本年秋間具題以昭詳慎○又諭曾國藩文俊奏官軍克復建昌武甯並楚軍收復瑞昌等縣城一摺

江西自前年冬間各府州縣多被賊陷經曾國藩等派撥兵勇分投勦辦上年十一月及十二月克復建昌武甯湖北李續賓一軍由大冶興國追賊東下將瑞昌德安二縣收復湖南劉長佑趙煥聯兩軍先後克復新喻永甯兩縣江西大局漸有轉機仍著曾國藩等激勵將弁將九江等處合力攻勦趕緊收復毋稍延宕其克復武甯出力員弁兵勇著准其酌保數人以示獎勵○諭軍機大臣等前

因德勒格爾以察哈爾馬隊倒斃過多請飭購買補足當經諭令崇恩抽撥營馬二百五十匹解交史榮椿營撥往備用茲據崇恩覆奏該省存營馬匹無多不能抽調亦無可採買等語軍營馬匹最關緊要山東既無可抽調著邵燦庚長迅即籌款於徐州附近各屬派員採買馬二百五十匹就近解交德勒格爾軍營應用將此由五百里諭令知之○又諭前因察哈爾馬隊需用馬匹諭令崇恩挑

選營馬二百五十四解赴徐州並將缺額之馬酌量買補本日據該撫奏稱各標存馬通省覈算尚不足二百五十四之數覽奏實堪詫異兵丁差操馬匹最關緊要山東為南北衝途當此鄰省多事之秋早知營馬缺乏何不急籌買補所需馬價能值幾何而斤斤以經費短絀為詞尤屬藉端諉卸除此次所調馬匹已諭由江蘇購備外所有山東缺額營馬即著崇恩趕緊籌款次第買補嗣後遇有

調撥若再藉詞推諉惟該撫是問將此由五百里諭令知之○又諭前因襄樊餘匪勾結遊勇竄陷宜昌諭令官文胡林翼抽撥官兵迅速進剿並以荊州防勦喫緊諭令綿洵出城迎擊載增富森在城巡防本日據載增等奏官文所派之李光榮因川勇猝變歿於營中盧又熊所帶之勇雖將另股竄荆之匪擊退而宜昌尚為賊踞有船一百餘隻匪眾五千欲圖水陸窺伺荊州該郡為楚省上游重

鎮萬不可稍有疏虞載增等已令都司宗維清帶兵一千赴宜昌迎剿又令德恩所帶川兵錫齡阿所帶滿洲營兵與盧又熊所帶之勇分投策應並將李光榮原帶礮船委員管帶會同水師都司周邦富沿江防禦布置尚屬周妥惟兵分力單尚恐不敷堵剿現據胡林翼奏稱已由官文派撥水師都司左光培並巴揚阿張萬祿馬步各軍前往荆宜該撫復添派寶營義營兵一千二百人赴援是否

足資攻剿仍著官文胡林翼酌量情形或再於大營內抽撥官兵迅將宜昌府城克復力遏其下竄荊州之路綿洵尚未列銜奏事如未經抵任即著兼程前進仍遵前旨在城外駐劄相機迎剿官文胡林翼雖相距較遠仍應勤加偵探隨時調度常恩德安阿昌阿追剿不力業經摘頂示懲若再不迅復宜昌致令荊州有警即著嚴叅治罪此股匪徒勾結川勇居多且李光榮所帶川勇又已中變大

營遣散川勇。正在陸續過荆。若令再有勾結。必致更肆猖獗。著載增等。一面妥為彈壓。一面實力勦辦。毋使顧此失彼。至所請籌撥鄰餉。此時鄰近省分。實已無款可撥。著官文。胡林翼。即由武昌糧臺酌量撥給。毋令缺乏。將此由六百里各諭令知之。以克復安徽甯國府城。賞前任布政使韓椿副將王邦慶。遊擊雙壽。守備謝朝選。鄭上驄。曹興隆。謝長選。同知徐慮善。許煥等。花翎。千總韓鎮邦等。藍翎。餘升敘有差。以直隸辦團出力。賞知府毛永柏。知州丁學易。李同文。花翎。通判姚經陞等。藍翎。餘升敘有差。以克復江西奉新縣城。予知府吳坤修等。升用有差。陣亡把總陳有才。外委余瑞林。祭葬世職加等。以浙江練勇出力。賞在籍已革江蘇巡撫許乃釗。五品頂帶。以湖北均州防勦土匪出力。賞知州吳嗣仲。花翎。知府銜。以湖北竹山保康興山房縣等城被匪竄陷。革同知金玉堂。

知縣湯一德。方兆科。孫寶田。參將佛爾國春。遊擊劉廷麟。文英。千總鄧德仁。熊運泰。職道員常恩。總兵官德恩。參將阿昌阿。均摘去頂帶。補鑄江蘇揚州府知府印信。糧捕同知關防。從巡撫趙德轍請也。

上以祭

社稷壇。自是日始。齋戒三日。丙戌。以舉行仲

春經筵。遣官告祭

奉先殿。

傳心殿。

上御文華殿經筵。直講官柏葭翁心存。進講論語節用而愛人。講畢。

上宣御論曰。為人上者。席富厚之基。易萌逸欲。處崇高之勢。莫悉民依。所出者贏。所入者漸。形其絀。德我者寡。責我者益。覺其奢。則制用與安人。非首宜兢兢者歟。孔子言道國之要。既以敬信植其本矣。而即進之以節用愛人。誠以惟正之供。祇有此數。不受之以節。則出

納不相準。恐恆有匱乏之憂。一夫不獲。時切予辜。不廣之以愛。則上下不相孚。恐難免怨咨之集。是以論宅心。必以敬信為始。基論制治。自以節愛為本務也。夫用出於財。知財與用之豐為盈虛。則圖匱於豐。防儉於逸。自有不節而不敢者焉。人對乎己。知人與己之本同休戚。則所欲與聚。所惡勿施。自有不愛而不忍者焉。且節非概從簡略也。朝祭燕饗。自有一代之典章。至土木游畋。則在所必節矣。

愛亦非徒事煥休也。小惠私恩。難入斯民之寤寐。必正德厚生。乃可以言愛矣。况節與愛。又有相因而見者。一粟一絲。皆資物力。則因愛人而侈念愈不敢萌也。議蠲議賑。未可後期。則因節用而膏澤不難立沛也。且夫菲食惡衣。禹所以稱無間。惠鮮懷保。文所以致咸和。繫古帝王。府庫常充。尊親共戴。月要歲會。而度支無告匱之時。物與民胞。而康衢有同聲之頌者。此道得焉耳。謂非宰世之遠謨。經

邦之要務哉。直講官全慶杜翰進講易經乾道變化各正性命。保合太和。乃利貞。講畢。

上宣御論曰。天地間一理與氣而已。有理以宰乎氣。而氣不淪於虛。有氣以運乎理。而理不滯於實。理乘氣而寓。氣載理而行。而流形之品物。乃得全其所賦之理。以涵濡於元氣之中。則乾卦利貞之義可識也。夫乾元而亨。乾之為道。已由無形而有形矣。溯乾道之體。其渾淪無間者。早有以立變化之原。究乾道之

用。其流行不已者。自有以盡變化之妙。則見動靜闔闢之機。相推相盪。由變而漸。及於化而理之賦於物。而為性。受於天。而為命者。皆實有所附麗焉。合而觀之。萬物共此一性命。而無所虧缺。無所偏毗。則性命之正也。分而觀之。一物各有一性命。而不相假借。不相陵奪。則性命之各正也。蓋理於此全。而氣無不行矣。此生物之遂。而實乾道有以遂之也。乃乾之利也。由是暢達者積。而至於充實。充實

者斂而至於完密陰陽會合沖和之氣得於生初者至此乃保固凝合而返乎其始蓋氣由此全而理亦於此愈全矣此生物之成而實乾道有以成之也乃乾之貞也惟體乾之聖人以至誠無息之德致曲成萬物之功不動而變一乾道之變也所過者化一乾道之化也於以盡人性盡物性俾萬類歡欣鼓舞熙熙然游於太和之宇一乾道變化之各正性命保合太和也此利貞為聖功之成而實

基於體元出治之一心則元之為體大而為用宏也故曰大哉乾元禮成

上幸文淵閣賜講官及聽講諸臣茶復賜宴於

本仁殿○尊藏

宣宗成皇帝實錄

聖訓於乾清宮

上親詣行禮恭閱○諭軍機大臣等本日據福濟奏粵匪擒匪句通請催馬隊速赴鳳定堵剿一摺現在蒙城懷遠定遠等處擒勢鴟張

意圖南竄與粵匪會合亟應扼要堵截勿令該逆等互相聯絡以致不可收拾徐州情形現已稍鬆所有關係全永馬隊如可飭令赴皖先其所急著邵燦等酌量辦理穆騰額所帶馬隊業經啟程昨諭英桂另派大員前往接替著即飭令迅速前往臨淮一帶協剿擒匪竄突靡常固當截其南趨亦不可驅之北竄英桂現在亳州當體察情形移營進剿勝保計已馳抵軍營如懷遠一帶亟須截剿即

可督率崇安所帶之兵會同德勒格爾馬隊相機進剿以防金陵賊匪句通擒匪南竄之路毋得區分畛域致誤事機福濟另片奏請飭秦定三鄭魁士移營分路堵剿等語桐城賊勢麇集該提鎮等劄營城下糧道不通情形危急該撫欲令秦定三移營呂亭等處堵賊北竄並令鄭魁士折回迎剿廬江以杜內竄廬州之路惟移營有似退守而分兵又恐力單且俟郝光甲阿克敦兵勇到後如果糧

道可通得有轉機。再由福濟體察機宜。與該提鎮妥商辦理。以顧全局。將此由六百里加緊各諭令知之。○以鑲紅旗蒙古副都統都爾通阿為墨爾根城副都統。○以紳士集團禦賊。永廣安徽休甯縣文武學額各三名。祁門縣各二名。○予安徽太平涇縣殉難知縣歐陽黎照崔琳。把總戴廷幹典史張起祭葬世職。○予安徽陣亡守備何玉堂千總周德昌。外委王步陞祭葬世職。○丁亥祭

先師孔子。遣大學士彭蘊章行禮。○諭內閣。文俊奏請展限舉行計典一摺。江西省現在軍務未竣。所有咸豐六年應行大計。著准其展至本年六月內舉行。以昭慎重。○又諭御史英喜等奏請將內務府收發各款。一律會同監視一摺。該御史等有稽查內務府之責。所有廣儲司六庫出入各款。何項應由該御史會同收放。何項向不會同監視。著總管內務府大臣查例具奏。至所稱官房租價弊竇。

甚多。請飭造冊備查等語。著一併查明具奏。又諭巡視東城御史毓祿等奏拏獲販運私錢進城人犯一摺。周一張雲書梁太李三李五馬太均著交刑部嚴行審訊。按律懲辦。另片奏私錢偷漏進城。請明定章程等語。嗣後如有車馱重載販運私錢入城。著步軍統領衙門嚴飭各門門領等認真查拏。解交刑部審辦。其零星商販往來貿易。攜帶大錢進城者。仍不得藉端訛索。致滋擾累。○諭軍機

大臣等勝保奏探聞捻匪南竄潁州。請截留官兵添調將領各等語。已諭知桂良王慶雲飭令保衡馬翰忠速赴亳州一帶聽候調遣矣。該匪麇聚潁境各逆首皆在其中。則亳州官軍已出其後。勝保即應探明賊蹤向前迎擊。先遏其西竄豫境之路。再行節節進剿。勝保此時當已行抵亳州。與英桂會商分投進剿。務使該匪南不能會合粵逆。北不能擾及歸陳。則潁州嘯聚之眾。不難次第殲除。英桂

身為統帥。亦當督兵前進。相機兜剿。不得因有勝保在前。徒事株守。湖北凱撤陝甘官兵。現過河南。著准其截留。歸勝保統帶。龍澤厚一軍。本止一千一百餘名。現在湖北宜昌失陷。房竹餘匪尚未肅清。陝西邊防正關緊要。未便遽行調撥。勝保本有崇安所帶官兵。加以現留之兵。再與英桂會商抽撥。兵力已不為單。且德勒格爾馬隊。正由徐州前赴懷遠。穆騰阿亦向臨淮一路迎剿。自可會合進兵。

聯絡聲勢。不可任其紛竄。更擾完善之區。將此由六百里加緊各諭令知之。○又諭勝保奏。勦擒喫緊。現在亳州軍營得力員弁。不敷差遣。請飭山西汾州營參將保衡直隸密雲都司馬翰忠赴營差委等語。該參將等曾隨勝保打仗。知其臨陣勇往。著桂良即飭馬翰忠。王慶雲即飭保衡。迅速馳赴勝保軍營。聽候調遣。俾資得力。將此由五百里各諭令知之。○陝甘總督樂斌奏報到任日期得旨。汝

以將軍調任封疆。事事務須從實。不可稍染養尊處優積習。尤不准以武職自視。惟屬僚之言是聽。若先存此見。是自蔽其聰。於汝無益之害小。於地方之害大也。○以散秩大臣廣林為鑲紅旗蒙古副都統。○以湖北當陽遠安勦賊出力。賞守備盧又熊遊擊銜。以都司補用。○予先賢孔氏孟氏配享崇聖祠。先賢公孫僑從祀文廟。從河南學政俞樾請也。○戊子祭

大社

大稷

上親詣行禮。○幸圓明園。○改鑄河南長葛縣知縣印信。從巡撫英桂請也。○以陝西防兵會同克復湖北竹山縣城。賞復副將龍澤厚。興貴頂帶。○己丑。

孝淑睿皇后忌辰。遣官祭

昌陵。○諭內閣。晏端書奏先飭藩司赴任並請留道員辦理防務等語。新授浙江布政使慶

廉著即赴任。毋庸來京請訓。升任雲南糧道。王有齡著准其暫留浙江。俟該省防堵事竣。再行飭赴新任。○諭軍機大臣等。容照奏。擒匪現在情形。擬設法用計。需用馬隊攻剿等語。據稱。擒匪人多糧少。正可就此用計。使其自相并吞。儻接有密報。而宿州並無馬隊追剿。恐失機會。請將徐州懷遠馬隊准其臨時調取數百名應用。自因兵力不足起見。現在伊興額等馬隊。疊次在呂家樓張家奇樓獲

勝。即在宿州界內。如有緩急。儘可朝發夕至。德勒格爾所帶察哈爾兵。尚缺馬匹。昨令邵燦。庚長。採買補額。著英桂勝保察看情形。如果容照所奏。實有把握。即就近酌撥馬隊數百名。前往策應。一面知會邵燦。庚長。毋失事機。儻僅止懸擬之詞。一時未能得手。則徐州懷遠。皆關緊要。不可以有用之兵。調置一隅之地。勝保到亳州後。應先赴懷遠。或先赴潁州。當已酌定。如可徑赴懷遠。則距宿尤近。即

可就近調度。現在捻勢猖獗。雖經伊興額等。疊獲勝仗。尚未搆其巢穴。必當實力兜剿。以挫兇鋒。使裹脅之徒。聞風解散。不可遷延時日。任令捻首久稽顯戮。聚眾愈多。致餉缺兵疲。更形棘手。將此由六百里諭知英桂勝保。並傳諭容照知之。○以故貝子奕縉弟鎮國將軍奕繕降襲鎮國公。以防勦湖北竹山土匪不力。及挾嫌任性。已革參將佛爾國春。遊擊文英。都司多恩。均逮問。庚寅諭內閣。

禮部等衙門奏。遵查中祀例案。聲明請旨一摺。嗣後致祭。

文昌帝君。朕親詣行禮之處。著照致祭。

關帝廟之例。由太常寺間次題奏。雙籤請旨。

○以故翁牛特鎮國公那宛敦。嚕布姪永隆襲爵。○命三音諾顏扎薩克貝勒金丕勒多爾濟。在乾清門行走。○以嗜酒任性。不洽眾

心革

永陵總管慶安職。○辛卯諭內閣。

慕東陵工程將次告竣。翁心存著毋庸前往。住班訥爾經額著即來京。前赴

慕東陵敬謹督工。常川住班。又諭翰林院侍講學士吳福年侍講李德儀均著在上書房行走。吳福年著照料恭親王奕訢讀書。又諭前因英桂等勦辦捻匪日久無功。降旨交部分別嚴議議處。茲據吏部等部遵旨議奏。河南巡撫英桂業經革職。暫行留任。即照部議予以革任。實屬咎有應得。惟念一時簡用

乏人。加恩仍著暫留本任。督勦捻匪。以觀後效。該撫務當激發天良。身先士卒。迅速蕲功。毋得再事遷延。致干重罪。察哈爾都統西凌阿前在北路軍營尚有勞績。著加恩改為革職留任。河北鎮總兵崇安屢次失律。罪無可逭。著即革職。發往軍台效力贖罪。諭軍機大臣等。本日據載增等奏兵勇收復宜昌府城。逆匪由東北遁往當陽遠安境內一摺。前因賊匪窺伺荊州。已諭官文胡林翼等酌量

抽撥官兵前往助勦。現在宜昌雖已收復。而當陽遠安均山城僻縣。毗連荊州西北地方。最為緊要。載增等業經派盧又熊等帶勇千名進勦。並飭守備胡舉高等帶勇守豐寶山。曹立全等守江口。以防回竄宜昌之路。其宗維清錫齡阿等兵復經調回。在西北一帶萬城等處迎頭防勦。布置尚屬周妥。前有旨令綿洵兼程赴荊州。此時諒已抵任。著即會同載增富森督飭各軍相機追勦。官文前派水

師左光培並巴揚阿張萬祿馬步各兵。胡林翼前派唐協和所帶練勇亦即日可到。著官文等即飭與盧又熊一軍會合前進。併力夾擊。將當陽遠安竄匪悉數殲除。毋得遷延時日。再擾他處。荊州各處逗遛川勇並著載增等收其軍械押送回川。免致滋事。將此由布百里各諭令知之。又諭英桂奏擒匪南竄潁州。派兵追勦並各路堵截一摺。擒匪膺聚潁郡。前據勝保奏報已降旨令勝保向前迎

擊英桂亦督兵前進。分投兜剿。本日據英桂奏。鄧家園等處尚有大股屯踞。阻我南進之路。現在穆騰阿在潁州接仗。崇安攻剿鄧家園。均未得手。該匪西竄。固為可慮。而虛張聲勢。使我處處設防。該逆得以南連粵逆。亦不可不防。自應上緊追躡。使其不得喘息。方能得手。勝保到亳州後。著即督兵先赴潁州。英桂亦當將鄧家園等處賊蹤掃蕩。以便督兵前進。邱聯恩帶兵前往光固。自應出境迎剿。

不當徒防本境。著即飭令該總兵與勝保穆騰阿馬步官軍。四路會合。力挫兇鋒。該匪自不敢向西窺伺。徐州賊情。現已稍鬆。袁甲三即可駐劄亳州。為英桂勝保後路聲援。並兼顧歸德門戶。所派德楞額托津阿等。分赴潁州懷遠之處。均照所議。速飭各員分投前進。毋稍遲延。將此由六百里諭令知之。○宗人府奏。應考試宗室王貝勒公將軍之子。請封以應得品級得旨。溥政授為二等輔國將軍。

溥蔚授為三等奉國將軍。謙德授為三等輔國將軍。載慶載鶴崑山。俱授為奉恩將軍。○以工部左侍郎崇綸署管戶部三庫事。○盛京將軍慶祺請假回京省親。允之。以盛京副都統承志暫署將軍。命丁憂戶部右侍郎何彤雲會辦雲南團練事宜。贈湖北宜昌陣亡同知李光榮。知府銜予祭葬世職加等。○士辰諭內閣。載增等奏官兵隨征出力。請分別獎勵等語。荊州駐防旗兵。隨征沔陽仙桃

鎮及荊門襄河等處。屢著戰功。接仗復有傷亡。加恩著照所請。所有現食錢糧及身而止之德克精阿等五十六名。准其歸入旗籍。作為另戶。滿洲已銷旗檔之有成等二十六名。准其免銷本身旗檔。內陣亡之雙全一名。准其子孫仍歸旗檔。一併補糧當差。以示鼓勵。補鑄江西武甯營都司關防。從巡撫文俊請也。○予湖北省城殉難道員延志祭葬。世職加等。參將德亮祭葬。世職如總兵例。○予

湖北天門陣亡文生東昌達全暨六品軍功

恩全等四十六名賞卹如例 癸巳

孝康章皇后忌辰遣官祭

孝陵

上詣

大高殿行禮○還宮○諭內閣本年四月二十

日

孝靜康慈皇后梓宮永遠奉安朕當親詣

慕東陵躬送

地宮用伸哀慕鉅典攸關何敢稍從簡略惟是

上年近畿一帶蝗旱成災至今民困未蘇正

月間即據軍機大臣彭蘊章等籲請恭照三

年二月

孝和睿皇后奉安成例因時變通停止親詣朕

追念

慈徽愴懷靡已而當此磬鴻徧野若復以蹕路

經行重煩民力於心實有未安不得不強抑

悲懷勉從所請所有

孝靜康慈皇后梓宮奉安大典著派恭親王奕

訢屆期前往代朕行禮俟民力稍紓再行躬

詣

山陵虔伸誠悃朕勤恤民隱即以仰慰

慈懷不得已之苦衷諒

在天之靈必當默鑒一切應行事宜著各該衙

門直隸總督敬謹豫備○甘肅西甯鎮總兵

官珠克登年老休致以陝西延綏協副將成

明為甘肅西甯鎮總兵官○以安徽太湖紳

民犒師助勦免節年積欠額賦並永廣文武

學額各三名○以安徽懷遠擊匪獲勝賞遊

擊葉榮花翎餘升擢有差○以克復安徽太

湖縣城出力賞道員李元華按察使銜千總

鄔定魁鄭海鼇花翎餘升敘有差○甲午遣

官祭

先醫之神○諭內閣給事中吳惠元奏現定

搭收大錢章程請飭查弊端等語搭收大錢

章程現已由部奏准頒發必須直隸各州縣

實力奉行。方可由近及遠。從前搭收鈔票。即有不肖之員。陽奉陰違。或祕不出示。或徵收之際。任意刁難。私圖肥己。今搭收大錢。必至故智復萌。實於國計民生。大有妨礙。著順天府府尹。直隸總督。於頒發章程之後。認真訪查。如各州縣中。敢有仍蹈前項情弊者。即行嚴叅懲辦。毋稍姑容。○又諭。永康等奏。保缺錯誤之總管翼長。請交部議處一摺。

昭西陵鑲黃旗防禦出缺。本旗既無應挑人員。

自應在該翼三旗驍騎校內揀選。保送考驗。乃該翼長等。竟將酌量補用之巴哈指名保送。實屬錯誤。總管成明翼長吉郎阿崇瑞均著交部議處。其防禦一缺。即著將本翼應挑人員。同候補防禦巴哈一體秉公考驗。以符定例。○諭軍機大臣等。恆春奏賓川回匪蠢動。請調川兵援應永北。並陳明現難出省情形。各一摺。雲南各屬回匪紛紛滋事。上年十二月。賓川州城內。復有回匪分撲文武衙署。

肆行焚燒。各官均無下落。永北一廳與該處接壤。亟應撥兵堵剿。俾免蔓延。惟滇省征兵四出。現已無可分派。著吳振械檄調建昌鎮官兵。即照恆春所請。飭令就近由鹽源縣直趨永北。仍相機前進。將賓川匪徒。速籌撲滅。四川官兵。調赴滇黔楚北等省者。業已不少。惟永北地方喫重。著吳振械酌量情形。抽調官兵數百名。前往助剿。早靖邊圉。該官兵等糧餉。即由川省供支。毋得貽誤。恆春所稱。在

省調度。於東西兩路軍務。可以兼顧。俟一路肅清。即酌帶勝兵合剿。可壯聲威等語。尚屬實情。著准其暫緩出省。俟一路得有就緒。即行帶兵出省。將各股匪徒次第掃除。毋許遷延。自干咎戾。將此由六百里各諭令知之。○又諭。御史吳焯奏黑龍江呼蘭城迤北蒙古爾山地方有荒原百餘萬晌。平坦肥腴。毗連吉林境界。並非淺貂禁地。亦與夷船經由之路無涉。咸豐四年。該處將軍曾派員查勘。出

票招佃嗣因俄夷下駛事遂中止並稱招佃時不收押租按晌祇收公用京錢數百文開墾之初山林木石聽民伐用樵採漁獵一概不禁以廣招徠所得錢糧可充俸餉等語呼蘭城地方僻遠開墾事宜是否可行如果有利可興原應豫為籌畫以抵俸餉之需惟事屬創始有無窒礙著該將軍檢查從前原案察看情形據實具奏原摺著鈔給閱看將此諭令知之○以理藩院右侍郎伊勒東阿署

正黃旗漢軍副都統○調鑲白旗漢軍副都統文清為正白旗滿洲副都統以駐藏幫辦大臣滿慶為鑲白旗漢軍副都統○以署福建銅山營參將陳應運署福甯鎮總兵官○乙未祭

文昌帝君廟

上親詣行禮○幸圓明園○遣官祭昭忠祠○諭內閣王懿德等奏在籍紳士倡議開設官銀錢局懇恩獎勵一摺福建自咸豐三年間

辦理軍務需餉浩繁銀錢不能周轉經在籍候選訓導優貢生王式金倡議開設官局行用官票迄今三載著有成效自應量予獎敘王式金著准其以府經歷縣丞不論雙單月遇缺選用其餘在局出力各員並著該督撫查明酌保以示鼓勵○贈福建延平府殉難知府金萬清光祿寺卿銜予祭葬世職入祀京師昭忠祠並於延平府及會稽本籍建立專祠贈守備王三韜都司銜與訓導劉維綱

把總余飛鳳外委高陞林捷陞陳朝標陳春標均予祭葬世職分別附祀京師並原籍昭忠祠及金萬清專祠○丙申諭內閣前因御史英喜等奏請將內務府收發各款一律會同監視一摺當交總管內務府大臣查例具奏茲據奏稱詳查例案請仍照舊章辦理等語所有廣儲司六庫出入各款並官房租價等項其向例會同該御史查覈者仍著會同辦理其向不會查者仍歸內務府堂官稽覈

毋庸議改舊章。以符定制。○諭軍機大臣等。前因英桂奏該營直隸山東官兵缺額甚多。諭令桂良等照該撫所咨缺額兵數。於各該省存營兵內挑揀。飭赴亳州軍營。已據崇恩奏。如數撥往助剿。直隸省是否業經挑選撥往。未據該督覆奏。現在英桂前赴潁州。兵力不敷調遣。著桂良即將補額官兵。飭令迅速前往英桂軍營。以資攻剿。毋稍遲延。將此諭令知之。○又諭英桂勝保奏逆捻南竄督兵

勦擊。並請皖軍由南面兜截各摺片。捻匪張樂行等竄至潁州後。聞官兵追至復渡淮河。竄至霍邱。分踞三河尖。李家集等處。潁郡東南至潁上縣一帶。均有賊蹤。屯聚自應督兵兜剿。以杜紛竄。勝保現帶兵千名。馳往潁郡。即著督同穆騰阿官兵。探明逆首大股所在。迎頭奮擊。英桂亦即移營前往。以為後路應援。該匪奔突靡常。亳境尚多伏莽。現在大兵南去。歸德一帶。必須認真防剿。毋令乘虛竄

擾。袁甲三現留亳州。著即督飭朱連泰所帶兵勇。加意嚴防。設該匪被擊回巢。即前後夾擊。以期一鼓殲除。英桂等追賊南下。如亳州軍情緊要。准袁甲三專摺奏報。一面咨照該撫等。相機調遣。徐州蒙宿一帶。據奏道路均已疏通。史榮椿亦當移劉亳境。並先酌撥馬隊。前赴潁州會剿。設或保安山餘匪未淨。即著酌留兵勇。勦辦該鎮。仍自督兵會同袁甲三相機堵剿。以厚北路兵力。著邵燦庚長。即

飭該總兵迅速前進。毋誤事機。德勒格爾已赴懷遠。惟該處捻蹤徧地。是否阻塞尚難豫知。著福濟飭令皖省諸軍。由懷遠一帶兜截。務令三省官兵。聯絡一氣。庶可剋期蕆事。如各路帶兵之員。自分畛域。觀望不前。著英桂。勝保覈實嚴參。以肅軍令。所請飭直隸山東補額官兵。速來助剿之處。山東兵業經奏明啟程。本日復諭桂良。飭催直隸兵前往。並令火器營撥火箭三百枝。解赴河南省城。即著

英桂豫飭該省派兵護送軍營。將此由六百里各諭令知之。○湖廣總督官文奏整飭營務。並擬酌併水師以一事權得旨。所慮極是。均照所議辦理。○以前任湖北鄖陽鎮總兵官訥欽暫署提督。○以前任山西大同鎮總兵官積慶為河南河北鎮總兵官。○以江北浦口水師出力。賞參將李新明陳世章。遊擊葉長青楊冠春黃彬守備華封張其忠李國鈞花翎千總吳必耀等藍翎餘升敘有差。○

以江北軍營辦理文案出力。賞休致知府史佩瑤花翎。已革鹽運使劉良駒六品頂帶。復已革知縣梁園棣職。○以江北勦賊出力。復已革參將鄧鳳林張維義職。○丁酉諭內閣。提督銜安徽壽春鎮總兵鄭魁士前有旨。令會同英桂勦辦捻匪。現在攻勦桐城失利。業經獲咎。鄭魁士著毋庸會勦。捻匪即與副都統麟瑞管帶各營兵勇均歸福濟節制。○又諭和潤奏參藉差因假延玩之司員筆帖式。

一摺盛京刑部郎中玉書員外郎金齊香阿。滿堂主事奎誠均係派領各部院則例赴京。二年有餘。延不回任。疊次咨催置若罔聞。實屬任意逗遛。玉書金齊香阿奎誠均著交部嚴加議處。滿洲筆帖式常俊丁憂回旗。業經服滿。候選通判漢軍筆帖式鳴詩告假進京。均經一年之久。並未回任。銷假亦未在部遞呈續假。更屬膽玩。常俊鳴詩均著即行革職。以示懲儆。○又諭德勒格爾奏參弁兵脫逃。

請飭拏辦一摺。所有脫逃之察哈爾正黃旗驍騎校阿什達東魯普護軍鄂勒哲依巴圖馬甲巴圖那遜鑲紅旗護軍車林達什仲奈鑲藍旗護軍色伯克扎普南吉特正紅旗馬甲索諾木車林等八名。著山東巡撫直隸總督察哈爾都統飭屬一體嚴拏。務獲究辦。營總楚楚瑪委參領輕車都尉奇莫特塔爾委副參領驍騎校色伯克多爾吉等管帶未能得力。德勒格爾約束不嚴。均屬咎無可辭。著

一併交部分別議處。諭軍機大臣等本日據福濟奏桐城兵潰廬州喫緊請撥北路馬步精兵三四千名來皖等語。奉定三鄭魁士等圍攻桐城自正月二十五日賊匪大股屢次攻撲營盤二十九初一等日安慶賊黨四五萬人出撲我軍飢疲已久復因糧道梗阻遂潰圍而出現在廬州情形萬分喫緊必須添調兵力以資堵剿著桂良雙銳於景州駐劄之馬步官兵內抽撥一千名派委妥員統帶即日馳赴廬州前因無為被陷即諭令官文等分兵一千名赴廬助剿現在湖北荆宜一帶如已就肅清即著官文胡林翼迅派陸路官兵一千名馳往協剿並督飭水師沿江東下以分賊勢甯國已經收復皖南軍務較鬆兵力當可抽撥著晏端書鄧紹良迅速籌商就近撥兵一千名或數百名渡江繞道赴廬州軍營聽候福濟調遣另片奏桐營兵潰鍋帳器械遺失甚多亟須添補請飭浙江撥

銀八萬兩等語甯國雖已克復該省防剿未竣恐未能如數撥解並著晏端書酌撥銀四五萬兩解赴福濟軍營以資接濟將此由六百里各諭令知之。又諭福濟奏桐城潰圍廬州喫緊請飭撥兵濟餉各等語賊匪全股竄入皖境奉定三等以飢疲之兵勇處腹背受敵之地以致力盡潰圍奉定三馳抵中梅河是否能過六安前路鄭魁士等雖已出圍折回廬郡而該逆已抵舒北舒城恐致失陷廬州存兵無多當此新挫之後恐軍威驟難復振朕心實深焦灼已諭桂良雙銳由直隸抽撥馬步官兵一千名並諭官文胡林翼於湖北得勝兵內酌派陸路兵一千名晏端書鄧紹良於甯國得勝兵內酌分一千名或數百名前往廬州均歸福濟調遣並降旨將鄭魁士麟瑞各軍悉聽該撫節制該撫務當激勵將士協力固守探明何路緊急相機勦辦勿得以官兵新挫自隳銳氣致有疏虞至兵

飢餉竭。關繫非輕。惟山東既被水災。又距皖較遠。米石恐難轉運。已諭英桂飭令該藩司。於河南州縣採買米一二千石。邵燦庚長。於江北州縣採買米一二千石。均解赴臨淮。以給軍食。浙江防勦未竣。需款亦多。該撫請撥銀八萬兩。亦恐未能應付。已諭晏端書酌撥銀四五萬兩。解廬應用矣。將此由六百里諭令知之。○又諭本日據福濟奏。桐城因糧缺。兵潰廬州。喫緊請由山東。並蘇省之江北地方買米解赴臨淮。以資軍食等語。奉定三等圍攻桐城。因賊眾糧乏。潰圍而出。廬州情形萬分緊要。現撥各路官兵赴援。必須軍餉接濟。著邵燦庚長迅速籌款。即於江北各州縣內採買米一二千石。解赴臨淮。至山東被水州縣較多。又距安徽遙遠。恐難轉運。著英桂速飭藩司瑛榮委員於河南地方採辦米一二千石。迅解臨淮。現在安徽待餉甚殷。該督撫等務即設法籌辦。毋許遷延推諉。致有貽

誤。另片奏擒匪張樂行與龔得合併由劉伶集等處過沙河。南投李兆受決意南趨。已咨催英桂撥兵繞出賊前。徑抵六霍截勦等語。昨據英桂奏稱。勝保帶兵馳往潁郡。該撫亦移營前往。距六霍一帶甚近。著即妥速布置。並激勵各州縣鄉團。齊心堵剿。以助兵力。勿令該擒匪與粵匪勾連。將此由六百里諭令知之。○引見內閣六部考試御史人員得旨。賀壽慈。何兆瀛。鍾佩賢。張盛藻。郭祥瑞。章倬。標。白恩。佑。張灃。卿。裘德俊。陳立。朱夢元。沈丙。瑩。林壽圖。孫楫。豫師。俱著記名以御史用。○以勦辦安徽桐城賊匪不力。摘提督秦定三。總兵官鄭魁士。頂帶花翎。巡撫福濟下部議處。

關帝廟。諭內閣戶部順天府奏遵旨會辦平糶酌擬條款開單呈覽一摺。各糧行承領實鈔錢票購糧平糶。著照該部等所議。各就所進之門。將何項糧食為數若干。開單報明該門。以備總局查覈。其有近購買接濟者。亦令報明。各該地面官廳備查。以杜領多買少之弊。至出糶時。如有擁擠滋鬧。及強用破爛錢文。或鋪戶不收鐵錢。著步軍統領五城各衙門。派委員弁認真彈壓稽查。如有前項

弊端。立即從嚴懲辦。○又諭譚廷襄奏陝西運米窒礙。改籌銀款。解往直隸採買一摺。陝西至京。水陸程途。既據該升任巡撫查明運道難通。且產稻無多。捐輸採買皆難足數。自係實在情形。著照所請。毋庸籌米運京。其所籌採買銀五萬兩。著即陸續解京。由部酌量採買米石。以實倉儲。○又諭蔣蔚遠奏糧臺支發款項。未能依限造報一摺。糧臺支發各款。自應遵照部議奏定章程按期覈報。茲據

該撫奏稱。貴州糧臺自咸豐四年至六年十二月。收到各省撥解銀數。均經隨時題報。惟支發各項頭緒紛繁。一時未能分晰造報。自係實在情形。所有貴州糧臺支發各款。著准其展緩一年。即照定章分款覈實造報。不得藉詞懸宕。致日久愈滋膠轕。○又諭穆隆阿慶昫奏。遵備軍營馬匹。請飭沿途妥為照料等語。察哈爾調赴軍營馬匹。既經該署都統等派員挑選。著於所調一千匹外。再行添備

百餘匹。一併管解來京。聽候查驗。再行撥赴軍營。俟馬匹進口時。著沿途督撫府尹派員妥為護送。毋使餒養缺乏。致誤要需。○又諭翰林院代奏。編修劉其年條陳錢法一摺。京城行用錢票。相沿已久。該編修請一概禁絕。且欲繩以嚴法。以為此令一行。必可疏通大錢。所見實為迂謬。奸商把持射利。違犯禁令。原當加以懲創。若將安分貿易之人。概令歇業。尚復成何政體。經柏俊等詳加開導。該編

修以事必可行。堅請代奏。尤屬拘執。鮮通。所奏斷不可行。著毋庸議。○以江蘇勸捐軍餉。收養難民。前任吏部侍郎潘曾瑩等。下部議。敘有差。○予貴州陣亡遊擊岳倫都司王連忠。祭葬世職。展緩江蘇丹陽金壇溧陽三縣被擾地方。未完五年額賦。庚子諭軍機大臣等。前因惠親王奏。日本國銅船。每年駛泊乍浦。銷售銅斤。請飭浙江巡撫並乍浦副都統體察價值。籌款採買運京。朝鮮國亦產

銅斤。請飭盛京將軍會同禮部侍郎咨商該國。每年可否運銅若干斤至盛京。以備收買。當經諭令戶部議奏。茲據戶部遵旨議覆。請飭該將軍等。妥籌聲覆等語。浙江等省開鑪鼓鑄。本有官商採辦洋銅。現在價值若干。能否辦運到京。著晏端書來存。妥籌奏明辦理。其朝鮮國銅斤。能否收買。著承志等就近訪察情形。據實聲覆。覈辦。將此各諭令知之。尋承志等奏。朝鮮國不產銅斤。晏端書等奏。日

本國向無銅船。至乍浦報聞。○辛丑以雲南勦辦回匪出力。賞知府賈洪詔道銜花翎。勇目何自清等。藍翎。餘加銜升敘有差。以雲南漢回互鬪。辦理不善。革知府崔紹中職。仍留營效力。○壬寅諭內閣。

宣宗成皇帝實錄

聖訓告成。所有尊藏盛京本。

皇史宬本內。

廟諱御名。應仍循舊章。照本字恭填。著派彭蘊

章。柏。後。花。沙。納。周。祖。培。趙。光。穆。蔭。雙。福。敬謹

填寫。限一日竣事。以昭虔肅。○又諭。

宣宗成皇帝實錄

聖訓告成。應行尊藏。

皇史宬本。及內閣副本。所有應舉典禮。應辦事

宜。著各該衙門。敬謹議奏。至恭送尊藏盛京

本。現值續修。

玉牒之年。著照嘉慶年間成案。俟

玉牒告成時。一併恭送。○又諭。前因向榮督兵

東下該營無文員襄辦是以派令前任鹽運使彭玉雯幫辦軍務辦理糧臺四載以來該運使並不與聞軍務至糧臺是其專責乃於應行報部之款經戶部疊次查催迄今延不造報實屬疲玩所有前派彭玉雯幫辦軍務之處著即撤銷江南軍務糜餉甚鉅豈容漫無稽覈至開浮冒之弊著和春會同怡良責令該員趕緊將糧臺款目清釐造冊報部聽候查覈如再延宕即著該部嚴參現在江南

糧臺業經怡良等另派按察使楊能格接辦此後收支款項著即飭令楊能格遵照戶部奏定章程依限造報毋許遲誤○諭軍機大臣等勝保奏馳抵潁州並請調直隸防兵各等語勝保以軍營差委人員尚未到營朕念其平日勇敢特命幫辦勦匪事宜原欲責以實效豈容徒事張皇乃由毫至潁尚未與賊見仗而調將請兵紛紛不已獨不思直隸防兵數本無多似此任意分撥必致北路空虛

本日已勉從所請諭知桂良雙銳將調赴廬州官兵一千名改撥潁州交勝保調遣此後若再請續調勢難抽撥况勝保所帶河北鎮兵及亳州分撥之兵加以各起馬隊並截留陝兵數已不少乃屢言捻匪與粵逆勾結而駐守潁州不思急挫賊鋒豈將待其勾結既成然後徐圖勦辦耶著即趕緊進兵不得再有耽延致干咎戾英桂既有移營太和之議亦著迅速前進與勝保會合兜勦不得專以

接仗之事委之勝保而託詞於後路聲援至光固一帶防堵前據英桂奏調回邱聯恩與王庭蘭嚴密防勦現在南陽情形是否稍鬆僅慶德周煦徵尚能得力即著邱聯恩速赴光固實力防勦以扼該匪西竄之路毋稍疏虞將此由六百里各諭令知之○又諭本日據勝保奏捻匪聚聚潁霍阜周諸境欲投粵逆勾結北竄請於直隸防兵內酌撥馬步一二千名助勦等語北路之兵現已無可分撥

惟廬州需調之兵。已據和春由句容軍營揀派官兵八百餘名前往。所有直隸調赴廬州之官兵一千名。即著桂良雙銳飭令改赴潁州軍營。交勝保調遣。並飭迅速啟程。毋稍延緩。將此諭令知之。○又諭和春奏山東青州德州原派滿洲營官兵一千名。前由河南赴揚州助剿。除病故陣亡外。尚存八百名。隨往廬州。甚為奮勇。現在帶往江南軍營。疊次出缺。撤回止存六百餘名。擬添調二百名。赴營

隨剿等語。此時句容溧水節次進攻。正當喫緊。著崇恩恩慶即於青州滿洲營存兵內。挑選精壯二百名。配齊軍裝器械。並帶口糧。飭令迅速前赴和春軍營。以資調遣。將此由四百里各諭令知之。○命大學士裕祿。彭蘊章。充上書房總師傅。○以江南營員藉端枝制。革郎中盧應翔職。撤總兵官余萬清幫辦軍務。○舉行咸豐六年大計。奉天年老官二員。山東卓異官十三員。不謹官一員。浮躁官三

員。才力不及官二員。年老官二員。有疾官一員。山西卓異官十二員。不謹官一員。罷輟官一員。浮躁官一員。才力不及官二員。年老官二員。湖南卓異官六員。不謹官三員。罷輟官一員。浮躁官一員。才力不及官四員。年老官七員。有疾官一員。甘肅卓異官七員。年老官二員。有疾官一員。廣西卓異官五員。不謹官二員。才力不及官一員。年老官四員。有疾官一員。貴州卓異官五員。不謹官一員。罷輟官

一員。浮躁官三員。才力不及官一員。年老官一員。有疾官一員。東河卓異官一員。年老官一員。分別議敘處分如例。予江蘇陣亡都司程翔蛟祭葬世職。癸卯諭內閣。前因愛仁奏銀錢鈔票請仍准互換等語。當經降旨。令戶部議奏。茲據酌議覆奏。現在寶鈔業已暢行。官票一項。自應量為變通。使鈔票並重。無分軒輊。著即照所議。以官票掣字換給寶鈔。按月收發。以便商民而資利用。命鄭親

王端華倉場侍郎阿彥達前往天津驗收海運漕糧○以勦辦雲南大理匪徒出力賞千總張正泰花翎以都司升用○修直隸張家口駐防官兵衙署營房從大學士總督桂良請也○甲辰遣官祭黑龍潭

昭靈沛澤龍王之神玉泉山

惠濟慈佑靈瀨龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神遣官祭圓明園

惠濟祠

河神廟○諭內閣綿洵等奏逆匪陷荆門州城經官兵擊退收復城池現飭追勦一摺二月初六日遠安逆匪全竄荆門遂致州城失陷該匪即乘勢南竄經馬步各隊迎頭截擊守備胡舉高訓導鄒漢章等分帶川勇南勇進攻該匪前後受敵立即折回兵勇追至城下適該州團勇會合夾擊設伏圍攻該匪即

於初九日夜半潛開北門遁去各軍分投追勦並將城內餘匪全數殲除收復荆門州城○著該將軍等即飭已揚阿等乘勝追勦盡殲醜類並分兵堵截毋令旁竄荆門州文武各員○有無先期逃避情事此次克復州城是否隨同攻勦著官文胡林翼會同綿洵等確查具奏○命兵部尚書全慶前往通州會同倉場侍郎李鴻駿收海運漕糧○以攻勦安徽懷遠捻匪出力賞參將恩臨千總耿超花翎

主簿周田疇等藍翎餘升敘有差乙巳諭內閣李鈞奏山東省徵收錢糧請明定收鈔章程等語上年山東省錢糧並未搭收寶鈔據該撫奏請俟本年上忙為始再行察看辦理現在河工放款用鈔較多必須設法流通以資周轉所有山東省本年上忙徵收地丁雜稅或照部議搭收五成寶鈔或於二成官票外再搭寶鈔二成著崇恩體察情形明定章程其奏予殉難河南溫縣裴李芳母朱

氏。柘城縣解錫桓伯母李氏等八名口旌卹如例○撥兵部寶鈔十六萬串解往山東備東河工需○以山東連年災歉免海口商販米稅○丙午

上幸萬壽山○遣官祭賢良祠○諭軍機大臣等據聯順等奏香河縣貢生李恩多等京控擬軍逃回之賊匪王景隆等招聚多人搶劫鎮店財物刀傷鋪夥身死並私鑄大錢搶竊勒贖復因夥賊被鄉勇誤傷身死唆控團練

首事多人致團練四散鄉勇楊泳通被押身死等情逃軍王景隆等膽敢在近京地方強劫勒贖實屬目無法紀著步軍統領順天府飭屬一體拏獲從重懲辦毋許匪徒漏網將此各諭令知之○又諭英桂奏擒匪圍撲固始縣城派兵援剿一摺擒匪由三河尖圍撲固始息縣烏龍集一帶亦有賊蹤其勢已向西趨自應力扼豫境以保完善之地該撫已調穆騰阿帶馬隊並副將樂善帶步隊由潁

州繞出賊前馳往固始援剿著卽督飭穆騰阿等會同該地方文武激勵鄉團迅解城圍並將息縣一帶賊匪設法剿除勝保現擬督兵前進英桂亦卽赴新息一帶會督在防文武救援以杜賊蹤北竄一俟攻剿得手並著跟蹤進剿毋得株守一隅致有貽誤潁郡柳溝集等處賊匪負隅堅守一聞大兵回援固始勢必乘虛竄擾該撫仍須力籌堵截不可顧此失彼其亳州鄧家園各賊巢仍卽咨照

袁甲三飭令朱連泰等實力攻剿以期漸次肅清將此由六百里各諭令知之○河南河北鎮總兵官積慶年老休致以陝西西安城守營副將樂善為河南河北鎮總兵官○丁未春分朝

日於東郊遣惇郡王奕誼行禮上御勤政殿聽政○諭內閣官文胡林翼奏宿太賊匪上犯黃梅攻剿獲勝一摺安徽宿松太湖匪眾上竄黃梅縣地方經都興阿等各

率兵勇紳團迎擊。共斃賊匪四千餘名。奪獲馬羸數百匹。偽印旗幟刀矛無算。偽擣天侯陳姓及偽天王之婿鍾賊曾賊均被殲斃。勦辦甚為得手。所有此次攻勦援賊獲勝並小池口踏賊營壘出力員弁紳勇均著准其彙案保奏。候朕施恩。仍著官文胡林翼督飭在事文武水陸環攻務將小池口及九江郡城之賊趕緊攻克。毋稍延緩。○以都察院左副都御史雙福為內閣學士兼禮部侍郎銜。翰

林院侍講學士宜崇為詹事府詹事。○以湖北荊門州城被匪竄陷。革知州方卓然。遊擊白雲鳳職。仍留任。○贈湖北陣亡遊擊訥穆精額。副將銜千總王代雄都司銜把總廖康華守備銜劉安潮千總銜復己革都司多恩職。均予祭葬世職。○戊申

李昭仁皇后忌辰遣官祭

景陵。○諭內閣樂斌奏請將陝甘升補武職各員先行給劄開缺等語。陝甘各營將備歷經

調派防剿在任實缺人員較少。不敷差委。所有該省升補各員未能遽行交卸赴部。自係實在情形。著准其先給署劄開其底缺。分別選補以實營伍。俟調赴軍營各員撤回後再將升補各員給咨赴部補行引見。○諭軍機大臣等福濟等奏六安失陷廬城兵單請飭勝保由正陽迎剿一摺。正陽關為北路要衝。雖有署廬鳳道金光飭帶兵堅守而為數無多。自應撥兵赴援。惟現在潁州擒匪甚熾。固

始縣城被圍。勝保所帶之兵本止三千二百餘名。已分馬隊六百名步隊七成渡淮西上。其截留之陝甘兵並改撥之直隸兵此時尚未抵潁。正陽一路恐勝保未能兼顧。然於無可籌撥之中仍應酌撥數百名馳援。以顧大局。亳州一帶擒匪南竄。該處有朱連泰等沿途攻剿。或即令袁甲三酌帶兵勇前赴正陽。另派委員會同朱連泰等攻鄧家園等處。零星著英桂勝保妥為籌畫趕緊布置。如亳州

緊要。袁甲三不能前往另有妥員可派亦著迅速奏明辦理萬不可稍有遲延致誤大局。福濟惟當力保廬州俟和春派往之密雲等兵邵燦等派往之關保馬隊及皖南酌撥官兵陸續到廬即可進圖規復所請飭催餉銀山陝兩省本係按月籌解廣東道路較遠前俱有旨飭令撥解本日復諭晏端書將前撥之款速解並諭怡良於截漕等項下籌款接濟矣邵燦等籌撥之米昨據奏報已辦二千

石本日復令再備一二千石解往但須淮河道路無梗方能達到並著福濟設法迎提以資軍食將此由六百里加緊各諭令知之○又諭本日據福濟等奏六安失陷廬州危急請飭催各省協濟軍餉等語前因桐營兵潰亟須添補軍械諭令晏端書酌撥銀四五萬兩解往福濟軍營現在皖省待餉情形甚為緊迫著晏端書趕緊如數籌撥浙省距廬程途較近務於三月內解到以濟急需並著怡

良於江蘇截留漕糧及地丁等項下不拘多少酌量抽撥先行解赴廬州以資接濟至前諭邵燦庾長採米一二千石運赴臨淮昨據奏到於未奉諭旨之先已購買二千石現在皖省每石米糧需制錢二十餘串是該處需米情形尤關緊要著邵燦庾長即行設法再購米一二千石派員陸續運赴臨淮藉資兵食俾無缺乏將此由六百里各諭令知之○命翰林院編修李鴻藻仍在上書房行走○

調禮部右侍郎寶鋆為戶部右侍郎兼管錢法堂事務理藩院左侍郎愛仁為禮部右侍郎轉理藩院右侍郎伊勒東阿為左侍郎以通政使司通政使孟保為理藩院右侍郎仍兼署刑部右侍郎○以內閣學士德瑛兼鑲黃旗漢軍副都統○改鑄四川敘州府經歷印信從總督吳振械請也○以安徽六安州城被賊竄陷革知州金寶樹梅鴻儒參將喜瀛職以規避差委遺失餉銀革安徽知府

辛本梅。知州史元章。知縣謝定通職。○予安徽陣亡道員恩保祭葬世職。並免應賠殺虎口關稅銀。予甘肅陣亡雲騎尉盛連。祭葬世職。己酉諭內閣。駱秉章奏統兵大員。現丁父憂。一摺。兵部侍郎曾國藩之父曾麟書。在籍病故。該侍郎現在江西督師軍務正當喫緊。古人墨經從戎。原可奪情。不令回籍。惟念該侍郎素性拘謹。前因母喪未終。授以官職。具摺力辭。今丁父憂。若不令其回籍奔喪。

非所以遂其孝思。曾國藩著賞假三箇月。回籍治喪。並賞銀四百兩。由湖南藩庫給發。俾經理喪事。俟假滿後。再赴江西督辦軍務。以示體恤。諭軍機大臣等。將肅遠奏兵練潰散提督自戕。一摺。兵練間有潰逃。自應設法收集。該提督身任大員。何至遽爾輕生。據奏弁兵等聞響進帳。該提督尚未氣絕。何以並無遺言。難免非被人謀害。呈報時裝點情節。抑或誤遺火種。以致烏槍然發。俱未可知。若

指為自戕。實難憑信。著蔣肅遠密查確實情形。再行具奏。至佟攀梅駐劄麻哈州。該處距都勻不遠。現既授為提督。即應馳赴都勻。統領全軍。其麻哈州一路攻勦。亦屬喫緊。著蔣肅遠會商佟攀梅。即行選派得力大員前往。駐劄以資控制。所請飭催各省軍餉。前據蔣肅遠奏到。業經交戶部建議。已據該部覆奏。照該撫單開款項。加緊嚴催。矣。將此由六百里諭令知之。又諭御史蕭浚蘭奏江西現

存各勇請簡。委員統帶一摺。據稱鄧仁堃所募寶勇。打仗尚為得力。而强悍性成。帶勇之都司戴正才。氣質粗莽。必須統領得人。方能得力。林源恩戰歿後。所帶平江各勇潰還省城。現歸元善統帶。且聞有餉匱兵譁之事。請飭嚴加簡汰。並歸劉長佑統帶。合為一軍。俟克復臨江。即可直趨撫建。將來江西肅清。曾國藩出江會剿。亦可責令劉長佑將此軍分布彭澤湖口。以固江西門戶等語。江西本省

兵力不足。省城及各郡防剿。楚勇居多。即如寶勇。平江勇等軍。既未可減撤。自應亟籌妥員管帶。方能駕馭得宜。但該御史所奏。係克復臨江以後布置。此時能否。即將各勇均交劉長佑統帶。著文俊斟酌辦理。並將不能得力之勇。認真簡練。使餉不虛糜。另片奏。金谿縣知縣楊照。藉捐為名。誣人從逆。東鄉一區。即收銀十餘萬兩。均入私橐。該縣再陷之先。該員裝銀逃往貴溪。現在避居玉山。臨川

縣知縣馬永熾。著名貪酷。聞警時微服雜鬚。先逃出省。現居浙江餘姚縣。在臨江時收漕一萬餘石。均行變賣。折收銀兩。亦未解完。各等語。地方當瘡痍之後。軍餉不敷。此等劣員。又從而剝削偷盜。實為法所難容。馬永熾業經文俊奏參革職。並飭原籍安徽等縣治罪。現在既據該御史指明避匿地方。即著行文浙江。將該革員與楊照。一併嚴密查拏。押解江西。嚴行審辦。毋稍姑容。原摺片著鈔給。

閱看將此諭令知之。又諭本日據駱秉章馳奏。曾國藩之父曾麟書。在籍病故。已有旨賞假三月治喪矣。曾國藩所帶湖南兵勇。著暫交其弟曾國華統帶。俟曾國藩銷假再令曾國華回籍。著福興、文俊傳旨諭知。曾國藩等遵行。現在江西軍務正當喫緊。曾國華尚在瑞州。即著飭令回省。統帶曾國藩一軍。該員屢著戰功。諒能得力。福興想已到省。與文俊等面商。勦辦機宜。撫建一帶賊勢。鴟張。福

興是否仍由廣信前往攻剿。其九江賊匪。經湖北水師東下。聲勢甚壯。自可即日攻克。著福興會同文俊通籌大局。妥為布置。並將現在各路情形。奏報以慰廑念。將此由五百里諭令知之。以貴州古州鎮總兵官佟攀梅為提督。雲南維西協副將明慶為貴州古州鎮總兵官。予故貴州提督孝順祭葬卹廕。諡壯肅。賞其孫府經歷博爾歡。泰以知縣用。庚戌諭內閣。英隆奏請撥銀濟餉一摺。熱

河八旗兵丁需餉孔殷業據該都統照戶部議奏章程於礦課項下先後撥濟此次應行續撥之款准其於鑄錢工本餘存銀兩內動撥八千兩並撥礦課項下銀五千兩以資支放○又諭慶祺奏請捐修行宮工程開單呈覽一摺盛京廣甯夏園二處行宮年久未修既據該將軍奏稱興京城守尉額圖琿防守尉果勒明阿情願捐貲保護即著慶祺選擇吉期遴派妥員勘估興辦並免其造冊報銷除額圖琿應得獎敘已交部議外其果勒明阿所捐銀兩著俟工竣後由該將軍奏請獎敘○辛亥諭內閣載容等奏隆恩殿開工應移請神牌一摺本年四月後慕東陵隆恩殿開工修飾孝靜康慈皇后神牌暫行供奉東配殿中間暖閣內和妃神牌即移請在

東配殿左間暖閣供奉所有應設神龕等件著照所議敬謹辦理所需錢糧准其仍在廣恩庫另款長蘆項下發給歸入年例彙奏免其報部覈銷○又諭御史趙元模奏請嚴禁遏糴暫免抽釐等語據稱江北六合等縣米價騰貴皆由聚米之處開糴居奇其遠道販運者經過地方到處抽釐以致商賈不通於民食大有關繫著怡良趙德轍即飭江北一帶各州縣嚴禁遏糴暫免抽釐俟麥熟後再行酌量收稅以平市價而裕民食○諭軍機大臣等前據恆春奏賓川回匪蠢動請調川兵援應永北一摺朕因四川官兵外調不少而永北地方喫重亦須急籌援應當經諭令吳振械酌撥數百名前往助剿茲據該督奏稱川省各營兵丁無可調撥請飭該省督撫另行設法訓練募勇等語所奏雖係實情但永北一廳地與賓川接壤滇省既鞭長莫及若川省復不協濟兵力恐匪勢蔓延

更難撲滅。著吳振械仍遵前章酌抽官兵數百名飭令由鹽源一帶相機進剿不得視同隔膜致有貽誤。將此由五百里諭令知之。○以擅決重囚詳報不實革四川知縣袁祖惠職。○壬子諭軍機大臣等英桂勝保奏奪回烏龍集賊巢後連獲大勝並請調湖北馬隊及暫留察哈爾馬隊助剿等語烏龍集大股擒匪既被官軍奪其巢穴賊膽已寒自應直趨固始急解城圍而我兵前隊與固邑聲息尚未能通。息縣接壤之地伏莽尚多現在勝保帶兵節節進剿英桂暫駐新蔡為勝保後路接應必須聯絡聲勢兼杜內竄之路攻剿方能得手。且六安一帶已有長髮賊黨竄踞斷不可令擒匪勾連粵逆致有蔓延侍衛托精阿所帶馬隊經勝保飭赴三塔集會剿尚能得力著准其暫留勝保軍營調遣惟廬州賊蹤甚張兵力亦極單薄此項馬隊俟道路可通仍即飭赴福濟軍營毋得久留。至武漢

實錄卷五

三

雖經克復所存馬隊無多已據官文等奏不能分撥赴豫現在浙川廳屬內鄉縣境均有匪蹤竄擾本日已諭官文等飭令楚陝帶兵將弁由西路繞出賊前與邱聯恩會合堵剿但南陽陝汝情形喫重著英桂迅飭該總兵務就現有兵勇會集地方團練實力堵剿毋稍疏懈將此由六百里諭令知之。○又諭英桂奏楚匪擾及豫疆請飭湖北酌調馬隊協剿等語據稱楚省股匪由均州竄至李官橋經邱聯恩督兵進偪該匪聞風西竄現在內鄉浙川一帶已有匪蹤情形極為喫重此股匪徒竄至均房穀城等處總未大受懲創以致肆行紛擾日久蔓延亟應厚集兵力剋日掃除湖北馬隊無多前已據官文奏明未便調撥自係實情即著飭令派出之巴揚阿等馬步各隊將本境匪徒實力搜捕繞出賊前與邱聯恩會合兜擊以杜該匪西竄之路前任鹽法道常恩業經胡林翼奏叅革職所統

實錄卷五

三

兵勇。是否仍令管帶。抑已另派妥員接管。並著飭令進剿毋許玩延。陝西副將龍澤厚等。統帶各軍。業經譚廷襄奏明於克復竹山縣城後。仍令跟蹤追剿。此項官軍著官文等。查明現在何處。一併嚴飭會剿。儻畏葸不能用命。即行嚴叅懲辦。將此由五百里諭令知之。○又諭。本日邵燦。庚長奏迎剿宿永擒匪獲勝摺內。據稱邳州。郟城交界之間。又新起擒匪千餘人。往來肆擾。史榮椿等已帶兵前往安徽。惟留伊興額帶領存營兵勇防剿等語。山東沂州府屬與徐州交界處。所本為匪徒出沒之地。現在郟城界內既有新起擒匪。必須及早撲滅。著崇恩。邵飭該地方文武。並酌派官兵迅速掩捕。免致蔓延。仍一面咨照邵燦等。飭令徐州帶兵各員。無分畛域。會同兜剿。務將此股擒匪悉數殲除。將此由五百里諭令知之。○以工部左侍郎崇綸為倉場侍郎。命前往天津驗收海運漕糧。以鑲黃旗

護軍統領德全。為工部左侍郎。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百二十

大學士管理兵部事務加十三級紀錄十四次
 監外總管巡道員游應唐漢官太子太傅上書詹事府又預開國少師統字院學士欽篆六次論事件廣國文館總管武英殿
 大學士管理兵部事務加十三級紀錄十四次
 曾麟書太師監外總管巡道漢官太子太傅又開國少師監外總管教習監書體仁閣
 大學士管理戶部三庫事務監刑部事務加二十五級紀錄十六次
 周璘培總管監官太子少師管理以內繕書詹事府翰林引大員議奏大臣
 張蔭麟滿洲都統戶部尚書管理三庫事務加四級隨帶加五級紀錄十二次
 吳興祿總管監官監外漢官太子少師管理以內繕書詹事府又請進上書詹事府
 達因多額總管監官監外滿洲都統尚書管理三庫事務加二級軍功加四級隨帶加一級紀錄五次
 傅作棟管理書

咸豐七年丁巳三月癸丑朔諭內閣譚廷襄

力所有曾國藩前帶水師兵勇著派提督銜湖北鄖陽鎮總兵楊載福就近統帶廣東惠潮嘉道彭玉麟協同調度該侍郎假滿後著仍遵前旨即赴江西督辦軍務以資統率○諭軍機大臣等前據駱秉章奏曾國藩現丁父憂當經降旨令該侍郎回籍賞假三月治喪現在曾國藩即由瑞州回籍福興文俊何人前往瑞州接辦軍務福興原擬往勦撫建一路今是否另派大員帶兵前往撫建抑該將軍仍自行前往務須斟酌盡善不可顧此失彼至曾國華本係降服著傳諭該員仍遵前旨暫留江西管帶兵勇歸楊載福等調度俟曾國藩假滿回至江西再令回籍其水師軍營所需糧餉最關緊要著文俊設法籌辦並咨照官文胡林翼一體籌撥接濟毋使缺乏楊載福駐劄九江屢獲勝仗今命就近統帶曾國藩一軍聲勢必能聯絡著即與彭玉麟協力同心督兵勦辦以期克復堅城肅清

江面將此由五百里各諭令知之○調正白旗蒙古副都統增慶為正紅旗漢軍副都統以伊犂參贊大臣法福禮為正白旗蒙古副都統○以肅親王華豐為閱兵大臣○以禮部右侍郎文清署管戶部三庫事工部右侍郎景廉管工部火藥局事○甲寅諭內閣上年秋間直隸等省飛蝗為災疊經諭令各該督撫等飭屬實力撲除諒各遵照奉行惟思冬間雪澤稀少現當春令發生恐尚有蝻孽

萌動致損田禾著順天府府尹直隸總督山東河南各巡撫嚴飭各州縣如有遺蝻蝻動地方乘此生長未成認真捕滅以除民害○諭軍機大臣等據給事中龔自閔奏訪聞通州所屬之張家灣地方多有私鑄當五銅錢輪廓大小與制錢等獲利甚厚運京甚近以至京師當五錢頓形壅滯等語奸徒胥不畏法膽敢在近畿地方私鑄錢文實於國法大有妨礙亟應從嚴究辦著張祥河黃宗漢遴

派幹員嚴密躡緝查拏懲辦毋令漏網將此諭令知之○又諭福興等奏籌辦攻守情形並王懿德等奏江右逆匪竄擾弋陽鉛山等縣調派兵勇防堵崇安各一摺逆匪窺伺廣信已非一日該郡為江西全省藩籬且係接壤閩浙之路該將軍現已帶兵赴剿擬請飭調張從龍之兵聽候調遣先保東路要區再圖規復他郡所籌尚合機宜惟閩省崇安縣屬分水等關距鉛山甚近光澤縣黃石口村

莊已被該逆焚毀聯甲兵勇退駐鐵牛關且內地敗匪復至建陽書坊一帶嘯聚內外兼顧兵力不敷雖經王懿德等另調各標營官兵一千名並募漳泉壯勇各五百名令署總兵懷塔布帶往崇安駐劄而邊防喫重所有張從龍等兵勇已經該督撫飭令固守杉關兼辦鐵牛關防務其續調赴江援剿之福甯漳泉兵勇一千六百名亦據該督撫截留堵禦此時自難調往廣信本日復據晏端書奏

稱廣信存城兵勇尚有八千名足資堵剿是以令饒廷選駐劄玉山防堵福興抵廣信後如有可用之兵著酌量調撥或由貴溪弋陽鉛山等處相機進剿冀與閩兵會合王懿德等亦須飭令懷塔布等一面嚴防本境一面隨剿隨進俟福興帶兵行近建昌即行會合不得區分畛域株守閩疆至江西逆勢方張福興已赴廣信曾國藩於拜摺後即行回籍瑞州一軍現派何員接辦抑止留曾國華統

帶著文俊妥籌辦理隨時具奏將此由六百里各諭令知之○乙卯諭軍機大臣等王慶雲奏南陽等處被旱災民請籌賑恤一摺河南省上年被蝗春雨復未優渥糧價昂貴據聞南陽一帶饑民至以樹皮充食該處本多捻匪恐其乘饑裹脅且襄樊匪徒現竄內鄉浙川尤虞勾結滋事上年該省辦賑碾動倉穀四萬石據英桂奏散放以後尚須留為今春青黃不接之時酌量借糶即著英桂等體

察情形所有南陽一帶災荒較重之區速將此項餘贍倉穀散放接濟惟災區較廣深恐不敷並著督飭該地方官等勸諭紳富協力捐貲源源賑濟以期弭患未萌將此由四百里諭知英桂並傳諭布政使瑛榮知之○丙辰諭內閣崇綸現已調補倉場侍郎所有壽臧和碩公主園寢工程著改派劉崐會同瑞麟承修○又諭綿洵等奏勦匪獲勝首犯投誠並官文胡林翼奏勦辦襄鄖匪徒情形各

一摺湖北匪徒劉尚義等自荊門州被勦後竄踞南漳縣屬武安堰地方二月十四十五等日經知府唐訓方帶勇追勦殲斃七八百名逃散無數自十七日至二十日副都統銜巴揚阿帶兵踵至四面圍攻復斃匪眾無算該匪等窮蹙無路於二十三日率眾投誠業經綿洵等委員察看係屬實情著准其分別辦理所有被脅難民即行妥為遣散投誠各犯歸入巴揚阿營中隨同打仗立功贖罪其

未經回籍各川勇並著分起委員妥為押解毋任再滋事端現在穀城等處另股匪徒尚未盡淨著官文胡林翼即飭巴揚阿唐訓方等實力進剿趕緊肅清並會同陝豫官軍合力按捕盡絕根株毋留餘孽○諭軍機大臣等前因正陽關情形喫緊諭令勝保酌撥兵勇數百名往援或令袁甲三酌帶兵勇前往本日據袁甲三馳奏霍邱股匪直撲正陽關並有李兆受帶領粵匪由正陽關竄圍壽州

雖經官兵疊次擊敗該匪等尚在城外盤踞等語是該處匪蹤蔓延實為可慮袁甲三自係尚未奉到前旨惟此時情形緊急著即馳赴正陽關督同金光飭等實力堵剿並先將竄擾壽州之匪迅速掃蕩以免該匪等南北勾結亳州鄧家園等處勦辦亦屬緊要袁甲三南下後深恐兵力單薄著英桂勝保添派兵勇赴亳協同朱連泰進攻俾得速行肅事至正陽壽州等處均屬皖境福濟身任巡撫

不得因派辦有人竟以諉之豫省此時如有兵勇可撥著即派撥前往會合袁甲三金光飭所帶兵勇實力攻剿毋許意存膜視將此由六百里各諭令知之○候補三品京堂袁甲三奏捻匪蔓延請勦撫兼施得旨汝此奏俱係實情勦撫固應隨時相機辦理惟目下尚非其時須俟大獲勝仗後必應降旨若現在祇博寬大之名倒懸者未解徒長梟獍之兇饒非計之得也○以募勇赴江西勦賊出力擢四川廩生張于銘為知縣並賞花翎○予湖北漢陽傷亡協領德廉祭葬世職○丁巳諭內閣福濟奏因病懇請開缺專辦軍務等語安徽省自和春調往江南鄭魁士復經獲咎福濟以巡撫督辦軍務責任至重況現在賊勢鴟張屬邑被陷軍務與地方公事均屬緊要何得以微疾輒請開缺致負委任所請著不准行○諭軍機大臣等前因皖省無為州城被陷即諭官文等分兵一千名赴廬

助勦嗣因桐城兵潰廬州喫緊復經諭令官
文等將前調官兵一千名迅速派往並諭晏
端書鄧紹良就近酌撥兵一千名或數百名
渡江繞道赴廬州軍營聽候福濟調遣本日
據福濟奏逆匪大股衝撲柘皋我軍迎擊失
利柘皋距廬祇數十里孤城危急已在呼吸
之間等語該處需兵情形實屬萬分緊急前
諭官文胡林翼派調之官兵一千名無論刻
下業經啟程與否著再添派官兵一千名並

派得力大員管帶由黃州至宿松太湖一帶
馳赴廬州軍營交福濟調遣至前諭在甯國
軍營酌撥兵一千名並著晏端書飭令迅速
馳赴廬營藉資援救毋稍遲緩另據福濟片
奏藩司畢承昭前在浙省措交浙海關賠款
銀二千二百九十兩零現因皖餉緊急擬請
解皖捐助軍需所有浙關賠項該藩司已在
廬州糧臺呈繳即可扣抵欠撥皖餉著晏端
書查明畢承昭在浙措交賠項銀兩迅速派

員解赴廬州軍營以應急需將此由六百里
加緊各諭令知之○又諭福濟奏壽州被圍
緊急請飭勝保迅督大隊赴援一摺逆匪擁
眾數萬由正陽進逼壽州四面合圍情形萬
分緊急雖經福濟由廬州撥兵堵禦惟逆勢
方張恐兵力難資抵禦勝保此時正在北路
勦辦捻匪北路藩籬亦關緊要能否分身前
赴壽州殊未可定著英桂勝保迅即籌商如
勝保可以帶兵前往即行酌帶兵勇馳往救

援如一時未能兼顧亦應派兵助勦不得因
其地處淮南稍存畛域之見昨有旨令袁甲
三前赴正陽督同金光飭進勦正陽距壽州
不過數十里袁甲三帶兵前進即可先解該
州之圍以扼淮南北要衝至柘皋防兵失
利退守石塘橋廬州門戶已失前調湖北皖
南兵各一千名本日已降旨飭催並諭湖北
再添調一千名由宿松太湖一帶赴皖其德
興阿和春營中兵勇前據奏報實已無可抽

撥所有江北派出之官兵五百名早已抵廬
丹陽派往之官兵八百名即著福濟趕緊催
提以資攻勦所請飭催餉銀之處已據戶部
豐次飛催矣將此由六百里加緊各諭令知
之○安徽巡撫福濟奏軍務摺報仍令鄭魁
士會銜得旨汝於該鎮忽參忽保迄無定見
云伊度越諸將則身任封圻者能無愧乎現
未便明降旨又派伊統帥非為汝惜實為大
局所關也○以雲南楚雄協副將秦如虎為

陝西陝安鎮總兵官○以湖北辦理軍需團
練出力賞州判吳葆儀等藍翎知府厲雲官
等加銜升敘有差○以疏防雲南賓州竄匪
革都司來福千總孫占鼇把總李鍾鴻職仍
留營效力贖罪○復安徽桐城陣亡已革總
兵官郝光甲職予祭葬世職諡武節予安
徽桐城陣亡都司李廷芳守備劉秀一東夏
殉難訓導夏濟川祭葬世職○予湖北武昌
殉難按察司司獄陳惟和祭葬世職母朱氏

及闔家男婦二十五名口旌卹如例○減安
徽合肥舒城鳳陽定遠懷遠鳳臺潁上蒙城
毫九州縣上年被災地方額賦十分之一○
戊午以克復湖北省城賞遊擊李長林張寅
恭都司李登梗朱品文張運馥守備周喜元
等花翎千總文春元等藍翎餘加銜升擢有
差○以克復湖北黃州等城賞外委沈廷貴
等藍翎餘升敘有差○補鑄湖北漢黃德道
關防從總督官文等請也○己未遣官祭

歷代帝王廟○諭內閣官文奏武員未諳營
務請送部引見等語湖北德安營參將豐仲
棟發遊擊穆騰額前經帶兵打仗均能奮勇
惟於外省營伍多未熟諳豐仲穆騰額均著
送部引見○又諭英桂奏襄樊土匪闖入內
鄉縣城經官兵會同克復一摺二月十七日
襄樊土匪竄擾內鄉縣署知縣楊鏞帶勇出
城迎擊賊已分投竄入縣城總兵邱聯恩等
合隊進剿該匪出西南兩門抗拒我軍槍礮

齊施斃賊甚多。匪眾往西北敗退。我軍追擊二十餘里。該匪等開北門逃竄。立將城池克復。現在餘匪回竄楚境。著邱聯恩乘此聲威迅速追捕。兇斃茲醜。類勿留餘孽。署內鄉縣知縣楊鏞有無棄城逃避情事。並在城文武各員弁下落。著英桂查明具奏。○諭軍機大臣等。英桂奏嵩縣匪徒竄擾現籌勦辦等語。據稱嵩縣所屬龍王廟一帶。突有匪徒豎旗訛索錢文。經官兵往捕。膽敢在汝源鎮等處放火焚燒。聚眾抗拒。該處係完善之區。豈容匪徒肆行焚掠。亟應及早撲滅。以靖地方。著英桂嚴飭河南府知府樊琨認真督勦。迅獲首犯解散脅從。毋任蔓延。為患現在內鄉股匪業經擊退。邱聯恩等勦辦竄匪。如已得手。亦可酌量抽撥兵勇。以資進剿。惟豫省兵力較單。該縣逼近陝境。即著曾望顏就近酌派兵勇會合豫兵前往勦辦。並飭所屬整頓團練。勿令匪蹤竄越。勝保督辦固始擒匪已

解城圍。現在潁州擒眾屯聚。勝保由烏龍集進剿。正可先將潁郡擒匪勦除。遏其北竄。至壽州被圍。雖經福濟派兵往援。但兵力甚單。恐難濟事。前命袁甲三往正陽。是否能策應壽州。抑須再添兵勇助剿。方能得力。著英桂勝保迅速籌妥辦理。現當捻勢鴟張。又有句結粵匪之說。該撫等務當督率皖豫官兵聯絡一氣。毋分畛域。以期迅速奏功。將此由六百里各諭令知之。○又諭。前因廬州賊眾兵單餉需缺乏。當諭令晏端書迅撥甯國軍營兵一千名赴廬救援。並酌撥銀四五萬兩以資接濟。茲據該撫奏稱皖南三衢同時告急。自顧不暇。兵力已無可酌撥。自係實在情形。惟餉銀毫無接濟。豈得謂之不分畛域。現在廬城缺餉危在呼吸。浙省近在鄰封。若坐視其餉竭兵潰。大局攸關。何堪設想。該撫於省局籌餉則豫為之謀。於鄰疆則涓滴莫及。何習氣之深。若是著晏端書竭力設法量籌接濟。迅

解廬州不准藉口推諉致滋貽誤將此由六百里諭令知之○又諭江南軍務從前張國樑與福興共事尚能迅解金壇之圍乃自和春到後數月之久旬容一邑仍未克復是否和春與張國樑意見不合以致該鎮未能用命軍營統帥全在能得人心儻駕馭無方使健將不肯出力貽誤非輕怡良近在常州必能確有見聞著即確查密奏至余萬清收用劣員盧應翔經和春奏請撤去幫辦軍務業已降旨允准惟余萬清攻勦鎮江如果不能得力該大臣早應據實參奏何以因收用盧應翔一節輒請撤去幫辦恐和春因該員別有劣蹟遇事而發著怡良一併密行訪查如余萬清平庸著該督會同和春於江南軍營內察看何員可以接辦鎮江軍務酌保一二入速行奏聞候旨更換再本日崇恩奏豫籌防護海運事宜一摺據稱近年滋事洋盜皆係閩廣艇匪若能於余山一帶扼住險要盜

匪斷難北竄等語本年海運漕船已據該督等酌定章程雇募勇船在洋巡緝並有輪船分別駐泊著即嚴飭該員弁務於余山五條沙一帶巡防扼守毋令閩廣匪船乘間北竄並遵照成案令護漕師船至東省石島洋面交替明白再行南下俾南北水師均有責成庶不致稍有疏失將此由四百里密諭知之○以江蘇徐州勦賊出力賞總兵官史榮椿提督銜侍衛伊興額知府王檢心同知高丙謀委參領富祥果全委防禦訥春參將興慶遊擊玉山都司崇順守備呂道宣等花翎縣丞胡谷本等藍翎餘升敘有差○以克復湖北漢陽府城復已革遊擊溫發魁職○以堵匪不力及託故逗遛革湖北遊擊萬通烏凌阿職○遊擊富貴革職逮問○辛酉以孝賢純皇后忌辰值清明節先期遣官祭裕陵

上詣

大高殿行禮（還宮）諭內閣裕瑞奏特參虧短倉糧之糧餉章京請旨革職究追一摺喀喇沙爾糧餉章京瑚什哈虧短倉糧至九千八百餘石之多亟應徹底根究瑚什哈著先行革職交裕瑞提訊追究定擬具奏該員寓所貲財即著查封備抵○諭軍機大臣等扎拉芬奏奏夷情叵測急籌撫馭請於伊犁等處舉行茶稅一摺塔爾巴哈台俄夷商貨被金夫等燒搶曾諭令扎拉芬泰等如銀數無多或令華商分年減半貼補亦須體察該商力量方能酌辦茲據該將軍奏稱口外各商俱形蕭索惟茶斤一項為華商獲利大宗請於伊犁塔爾巴哈台阿克蘇等處徵收茶稅豫為華商貼補地步所籌尚屬妥協著即照議辦理扎拉芬奏於夷務情形較為熟悉著即暫留伊犁與常清法福禮妥議章程俟辦理就緒再行奏明請旨所有伊犁等處無論茶色高下均酌徵稅銀一分其塔爾巴哈台

阿克蘇兩處應如何設卡徵收著明誼海樸各就該處情形悉心籌辦總使內地兵民既無買食貴茶之患而於外夷通商亦無窒礙方為妥善將來查明所燒貨物數目如貼補之費實無從出即以此項茶稅銀兩為華商貼補並以夷貨價值之多寡定分年貼補之久暫俟夷案清完留抵各城月餉如此辦理既無賠償之名而該夷貨價有著自不致另生枝節儻肆意要挾惟當堅持成約據理折辦不可遷就了事或即查照成案禁止茶黃出境使該夷知利害所關庶可就我範圍扎拉芬泰既稱待夷之法不外撫馭兩端必能相機籌辦操縱得宜也將此各諭令知之○以隨同克復安徽甯國府城復道員鄧瀛職免知府顏培文罪均留任效力○壬戌諭內閣和春奏攻剿溧水連奪賊壘大獲勝仗一摺江南溧水賊匪經官軍屢次痛剿勢已窮蹙二月初七日賊由鄔山曹村一帶來援和

春派令副將魯占鼇等奮力勦殺斃賊百餘名金陵安慶大股賊匪竄至鄔山築壘傳振邦督同馬步分路進攻並於山後埋伏該匪五六千人分股迎扼兵勇且戰且卻佯敗誘賊都司鄧聯科等伏兵齊出逆匪大股奔逃我軍乘勝追勦斬馘甚眾二十日賊匪復過河築壘四座和春派李定太等分途齊進賊匪約三四十人出巢迎敵周天培等帶兵搶至外濠槍礮連環火箭噴筒齊發賊眾驚潰

立將賊營四座奪獲餘匪奔逃退至河邊落水者不計其數兵勇搶過河岸又斃多賊復將鄔山賊壘五座奪獲賊向柘塘逃逸所有該處賊營一律踏毀共計奪獲賊壘二十六座斃賊三千餘名該逆負嵎死守著和春即督飭在事文武員弁迅將城池趕緊克復毋得再事遷延致干重咎○諭軍機大臣等御史毛昶熙奏山東省被災較重請飭查辦賑濟並稱該省於咸豐四年曾買雜糧六萬餘

石為城守之儲至今仍存省倉可撥為賑恤之用又聞該省上年開捐賑局共收銀三十萬餘兩除用過外尚存二十五萬餘兩亦可酌撥賑濟各等語東省連年被災曾經發帑賑濟誠恐不能遍及且閱時已久民間生計更艱自應酌籌調劑該御史所稱糧石銀兩是否現存實有此數著崇恩即飭查明酌量動用就被災較重之區辦理賑濟以恤民艱並著一面奏聞一面先行籌辦用副朕惠

愛黎元至意將此諭令知之○又諭和春奏攻勦溧水奪獲賊壘並句容鎮江獲勝情形各摺片江南軍務自紫金山大營失陷向榮病故後金陵城外遂無大兵控扼句容溧水不過蕞爾小縣該逆以之牽掣我軍而分其黨與四出滋擾現在安徽省巢無舒六相繼失陷賊蹤距廬州僅止數十里情形萬分喫緊池州蕪湖之賊窺伺徽甯浙防又形喫重總由大兵不能進逼金陵故石逆得以安居

城中從容布置賊勢裹脅愈多官軍幾至應接不暇現當各省荒旱軍餉缺乏日復一日伊於何底和春前在安徽督師得力張國樑在江南軍營亦素稱勇敢何以區區二邑曠日持久不能攻克本日據奏溧水之戰擒斬尚多句容之戰仍未見得力著即督飭將士謀勇兼施先將兩城攻下以便移師金陵使該逆有所顧忌稍戢其猖獗之形而我兵不為句容溧水牽掣亦可分援安徽等處以期

奉天

主

次第廓清毋得再事遷延貽誤大局將此由六百里諭令知之○予江蘇句容陣亡千總陶慶成祭葬世職○癸亥清明節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵○遣官祭

孝靜康慈皇后暫安寢殿○遣官祭

孝德皇后殯宮○遣官祭

實錄卷五

主

端慧皇太子園寢○

上耕藉詣

先農壇行禮更服至藉田所

躬耕三推復加一推

御觀耕臺命睿親王仁壽莊親王奕仁惇郡王

奕齡各五推吏部尚書周祖培戶部左侍郎

沈兆霖禮部尚書徐澤醇兵部尚書全慶刑

部左侍郎承芳工部尚書文彩都察院左都

御史肅順通政使司通政使嚴正基大理寺

卿富廉各九推畢順天府府尹率農夫終畝
賞賚農夫耆老如例○詰

壽皇殿行禮○詰

關帝廟拈香○幸圓明園○諭內閣句容溧
水逆匪負隅日久疊經官軍勦辦尚未克復
著秦定三即統原帶之貴州官兵前赴江南
大營隨同和春等合力攻勦所需軍餉即由
江南大營隨時補給○諭軍機大臣等前據
福濟奏請由湖南撥解米石當經諭令駱秉

實錄卷三十一

三

章酌量籌辦茲據奏稱湖南省自上年旱歉
米價日昂買米四萬石需銀八萬兩合之水
陸運腳共需銀十六七萬兩且自蘄州至六
安需用人夫八萬名亦斷難於招雇各等語
自係實在情形惟皖省缺乏米糧甚關緊要
昨據英桂奏稱前次運送皖省米麥六千石
行至潁州因捻匪竄踞三河尖河路梗塞現
將米麥起存阜陽縣倉尚未運解此項米麥
亦可藉濟急需本日業經諭知英桂設法速

解廬州著福濟即行派員前往迎提以資兵
食所請飭令勝保由正陽進剿六安之處亦
已諭知英桂勝保酌量辦理廬城情形喫緊
前諭調之皖南官兵已據晏端書奏稱一時
未能分撥湖北軍營已派臬司李孟羣帶兵
一千五百名赴皖助剿該撫即督同鄭魁士
妥為布置協力堵禦秦定三已有旨令其統
領原帶貴州官兵前赴和春軍營隨同勦辦
矣將此由六百里諭令知之○又諭本日據

實錄卷三十一

三

福濟等奏壽州城圍已解請飭勝保由正陽
進剿六安以分賊勢等語勝保現由烏龍集
回勦潁匪諒必續獲勝仗如該處股匪漸次
掃蕩可以無虞北竄自應徑趨六安會合皖
軍藉分廬州賊勢廬州三面皆賊情形甚為
喫緊福濟兵力甚單必須速為援應著即與
英桂妥速籌商酌量辦理袁甲三接奉前旨
是否已赴正陽現在壽州既無須助剿能否
即由正陽馳赴六安分剿粵逆亦著英桂等

妥商速辦前據英桂奏籌解皖省米麥六千石因三河尖河路梗塞尚存阜陽縣倉現在廬州待米甚殷著英桂即將前項米麥設法速解廬州以資接濟再據御史毛昶熙奏河南光州一帶饑民乏食至掘食草根樹皮請籌撫恤等語該處逼近匪蹤饑饉顛連已堪憫惻煽惑滋事尤屬可虞著英桂即行籌款酌量賑恤毋使流而為匪將此由六百里各諭令知之○以湖南新甯縣紳民勒賊出力

實錄卷五十一

三十五

永廣文武學額各三名○以安徽壽州守城出力賞道員金光勛按察使銜知州黃元吉花翎知縣李霖藍翎○甲子諭內閣兵部奏查明解餉委員濫支腳費銀兩請飭追繳一摺四川省解餉委員於領解尋常餉銀輒照軍需例開銷竟至二十餘案之多實屬違例所有該員領過贏腳盤費銀兩著該督等按照兵部單開著落追繳歸款嗣後著查照定例詳覈辦理其歷任濫准應付之四川總督

藩司均著交部查取職名分別議處○諭軍機大臣等昨有旨令秦定三帶貴州官兵前赴江南隨同和春攻剿本日據秦定三奏已與福濟會商帶領吉林馬隊及陝西官兵由臨淮水陸並進疏通餉路相機進剿等語現在廬州三面皆賊勢成坐困所恃以通餉道者惟在臨淮一路即福濟前奏亦稱逆匪若由六安直達臨淮則軍火糧餉無路可通是保全臨淮實關廬州大局該提督現既帶兵

實錄卷五十一

三十六

前往即著暫留臨淮一帶俟剿辦略有就緒再行前赴江南前據庚長奏籌備米二千石解赴臨淮轉解皖省嗣後諭令邵燦等續備米一二千石解往諭令怡良於截漕等項下籌款解皖必從淮河經過即著秦定三督飭兵勇將淮河北岸匪蹤隨處剿除妥為護送該提督營中所需糧餉即可於此項銀米經過之時酌量截留以資接濟其餘銀米仍派兵解赴廬州毋稍疏失至請由北路添兵助

勦之處此時實無可分撥勝保現在潁州勦匪儻彼處得手自可馳赴六安會勦正陽一路與臨淮聲息相通已令袁甲三帶兵前進俟到關後即可與該提督合力進剿徐泗各處兵勇相距非遙亦可隨時知會互為聲援也將此由六百里各諭令知之○乙丑以直隸開州等處辦團出力賞知州劉煦花翎知縣瑞慶藍翎餘升敘有差○以江蘇淮安辦團出力予知府恆廉等加銜升敘有差○丙

實錄卷百五

三

寅諭軍機大臣等福興文俊奏兵力不敷請添調北路勁兵一摺江西西路各城圍攻正緊惟東路空虛特甚該將軍所擬力保廣信分攻撫州自係要著惟北路勁兵徵調已多此時實無可抽撥湖北水陸兩軍在九江者數幾二萬既據福興咨商官文等於李續賓所帶兵勇內分調數千名即著官文胡林翼斟酌速辦如九江即可克復固應分兵協濟若攻克需時亦應移緩就急酌量抽調至該

將軍擬先赴瑞州再回廣信兩郡相距較遠誠恐東路策應不及著於行抵瑞州後即由梅港東鄉一帶節節進剿直抵廣信以固閩浙藩籬瑞州營中有無可分之兵或酌量帶往亦著妥籌分撥但不可顧此失彼致西路又形單弱南昌省城現存曾國藩兵勇尚有若干能否分撥前赴撫州亦著福興等酌量辦理再前據晏端書奏廣信存城兵勇不下八千名福興前赴該郡亦可就近調撥分投

實錄卷百五

三

勦辦至所請由浙協撥兵餉雖經諭令晏端書酌籌銀兩陸續解赴廣信惟浙江撥解皖南廬州等處軍餉數已不少恐即勉力支應為數斷不能多文俊統轄全省不應一籌莫展專恃仰給鄰封著即督同藩司妥為籌畫以資接濟毋得坐誤事機將此由六百里各諭令知之○又諭福興奏軍餉久缺仍請飭浙省接濟等語福興一軍餉需前據何桂清奏稱該將軍過浙時曾先後籌銀六千兩應

付並聲明以後難於籌撥應由江省地方官
支應自係為皖南等處籌辦防勦需餉較鉅
勢難分撥茲據福興奏賊眾軍疲事處萬難
不得不仍請由浙協濟亦屬實情且該將軍
現須由省前赴廣信該處為浙省藩籬尤應
就近接濟即以自固疆圉著晏端書不必拘
定按月若干之數酌量籌撥陸續解銀數萬
兩至福興廣信軍營無得心存膜視致誤事
機將此由五百里諭令知之○江西九江鎮

實錄卷百五

三

總兵官居隆阿因病解任以候補副將李定
太署江西九江鎮總兵官○丁卯命江西巡
撫文俊來京以布政使者齡為巡撫通政使
司副使龍啟瑞為江西布政使○命右春坊
右庶子單懋謙提督江西學政

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十一

實錄卷百五

三

縣之驛口橋如勝保勦辦得手仍須移營前進總期聲勢聯絡互相策應方為妥善壽州雖已解圍穎上一帶尚當喫緊現在大同馬隊吉林餘丁業已到營俟直隸官兵到後即可一面進攻一面分兵應援穎上袁甲三如不能前赴正陽亦須撥兵策應著英桂等體察緩急情形毋得顧此失彼致有貽誤將此由六百里諭令知之山西巡撫王慶雲奏鄰氛未靖密陳布置情形得旨均照所請行

惟須慎益加慎不准稍涉張皇以克復湖北黃州武昌大冶興國等城並攻毀小池口賊壘擢協領多隆阿以副都統用賞委參領都嘎爾喀爾庫委防禦溫德勒克喜雙福委駝騎校常興阿披甲西們克西克巴圖魯名號都司咸恆委參領慶明奇卓佈明德等花翎軍功張兆麟等藍翎餘加銜升擢有差○予河南陣亡已革佐領松志駝騎校拉什旺丹遊擊德祿千總馬騰蛟陳鈞慶萬壽慶把

總股鶴齡楊起山外委王大魁尹寶讓魯占魁府經歷陳謨祭葬世職辛未諭軍機大臣等據恆春奏滇省回夷各匪滋擾勦辦正當喫緊帶兵將領乏員現署鄖陽鎮總兵王國才熟悉滇省情形回民畏服請飭該署總兵迅速來滇協勦等語楚北水陸各兵均已乘勝東下王國才正在黃梅小池口一帶勦賊自係帶兵得力之員惟滇省勦辦回夷各匪尚未得手較楚省尤為喫重著官文胡林

翼即飭該總兵前往滇省交恆春調遣藉資熟手將此由四百里諭令知之又諭胡林翼奏軍餉缺乏請飭山西等省按月籌解等語湖北水陸各軍併力東下關緊勦匪全局襄陽等處征兵亦須士飽馬騰以期速行肅事現在該省年歲荒歉米價昂貴官兵欠餉五六月不等軍中僅以糜粥度日情形實屬窘迫該撫請飭山西陝西四川廣東各按月籌銀五萬兩解往以資散放自應亟籌協濟

山西陝西四川三省撥解楚餉。曾據該督撫等陸續奏報。惟楚省需餉較鉅。仍著吳振械。王慶雲曾望顏竭力籌措。源源接濟。縱不能如按月五萬兩之數。亦須每月撥解數萬兩。俾供支放。至廣東省於奉撥楚餉。並未將解過數目奏報。此次需餉甚急。著葉名琛先行籌銀數萬兩。派委妥員迅速起解。此後仍著按月籌撥。毋得稍涉推諉。致誤要需。將此由五百里各諭令知之。○以湖北勦賊出力。予

候選同知李續宜等加銜升用有差。○予雲南景東廳陣亡同知鄭自耀遊擊侍通阿。祭葬世職。予江西九江陣亡外委龔學書。祭葬世職。○壬申。諭內閣。兵部奏參遺棄馬匹之帶兵各官。並請追賠議處一摺。盛京官兵於上年調赴直隸時。在本省領馬一千餘匹。乘騎行走。未及一月。輒稱全行倒斃。實出情理之外。顯有私賣捏報情弊。自應認真查辦。著盛京將軍直隸總督嚴飭各該帶兵官。將

前項馬匹。勒限賠補。毋任延宕。其扶同捏飾各員。著直隸總督就近查取職名。先行交部議處。以示懲儆。○又諭樂斌奏請酌改提標官兵領餉章程一摺。陝西提標各營官兵俸餉。及提屬西安城守等九營俸餉。向由陝西藩庫支領。惟提屬固原城守等十八營俸餉銀兩。係在甘肅藩庫支領。兩省支發章程。未能一律。以致領項多寡不同。辦理未免兩歧。所有陝西提屬各營官兵應領俸餉等銀。著照所請。統歸陝西藩庫支放。以昭畫一。○諭軍機大臣等。和春奏軍餉緊迫。請責成江蘇督撫籌辦。並請催各省撥款一摺。所有山東河南廣東等省撥款。已降旨飭催。並諭怡良趙德轍。無論地丁關稅捐項。實力妥籌。源源接濟矣。和春軍營。每月需餉至四十餘萬之多。江蘇雖財賦之區。現在止有蘇松二府。尚屬完善。上年又遇災荒。正項錢糧。既多蠲緩。關稅亦未能暢旺。力有不逮。亦係實情。上年

經和春奏奉當即嚴諭籌款接濟旋據該督撫奏稱解銀三十五萬兩至大營糧臺其餘十五萬分給鎮江各營年內得以敷衍現又三月之久自應續籌接濟惟一隅之地勢難責令供給全軍和春前在安徽該營兵餉皆由外省協撥並非安徽一省所能支應近日廬州缺餉亦諭江蘇督撫籌濟總因用兵處所日多一日餉需日少一日為今之計惟有早克一城即可省一處兵勇為樽節糧餉之

上策和春自到江南句容溧水未見克復一城而兩次奏劾督撫恐其誤信小人之言以致文武不和有誤大局朕既重任和春不得不加之訓諭即如怡良久任封疆老成歷練近因年衰多病屢經該督自陳趙德轍初任巡撫尚少諳練朕亦深知何桂清實心任事因病開缺病痊後仍當畀以重任督撫大吏朕心自有權衡也至於統兵征剿乃和春專責著與張國樞協力同心早克兩城使附近

地方漸臻安堵則徵收捐輸皆易為力至江蘇勸捐各府各有紳董會同地方官承辦四年以來民情尚屬允協和春前派常州紳士趙振祚等各員前往蘇松勸捐恐本地紳董轉得藉口卸責於事無益總兵谷韞璆藉隸山東於蘇省情形更不相習本日已諭知怡良趙德轍仍責成本處紳士會同地方官妥為勸諭所有和春前派各員即著毋庸前往將此由六百里諭令知之○又諭前因江南

大營兵餉缺乏諭令葉名琛等將廣東省月濟江南餉銀十萬兩山東河南兩省應撥江南餉各五萬兩迅即籌解並令崇恩於京餉項下劃解銀十萬兩未據該督撫等覆奏本日據和春奏大營兵餉欠至四月有餘兵丁時有鼓譟情形急迫請飭催協餉以資接濟等語該營需餉較鉅本省解款不敷支放全賴各省協濟葉名琛等於奉撥款項未即報解自因本省用款較多一時未能兼顧惟江

南一軍。關繫東南大局。現在既有餉竭兵潰之虞。急應設法籌濟。著葉名琛將月濟江南餉銀。並上年欠款。迅速設法陸續撥解。山東省應解銀五萬兩。除去年解過一萬兩外。尚短銀四萬兩。並京餉項下。劃撥銀十萬兩。河南省應解銀五萬兩。著崇恩吳桂遵照前旨。分別籌解。該督撫等務當悉心籌畫。毋得稍涉推諉。致滋貽誤。將此由五百里各諭令知之。又諭。本日據和春奏。兵勇缺餉日多。請

飭趕緊設法籌撥一摺。江南各營兵勇。每月需餉銀四十餘萬兩。前經諭令怡良趙德轍源源接濟。嗣據奏稱。年內湊撥大營糧臺銀三十五萬兩。其餘十五萬兩。分給鎮江等各營。僅得敷衍度歲。此後需餉尚多。不可不認真籌畫。設法辦理。除截留漕米雜價。儘數撥給外。所有地丁。及江海關稅。並海運經費。抽釐各項。著該督撫一併湊解。無誤要需。至蘇省年歲荒歉。正款無多。不得不剴切勸捐。借

資民力。該省勸捐。本係各府紳董承辦。民情尚屬相安。上年和春另派谷繼琛等五人。往蘇松二府勸捐。恐本處紳董轉得藉口卸肩。而伊等人地生疏。究屬隔膜。已諭和春毋庸派辦。以後仍著該督撫責成。該地方官會同本處紳董妥為勸諭。接濟和春大營。江蘇藩司何璟是否年老。難勝繁劇之任。當此錢糧支絀之時。必須精明練達之員。方足以資籌畫。而裕經費。著怡良趙德轍查明該藩司。如

不勝任。即一面具奏。一面撤任。毋至貽誤。將此由六百里諭令知之。又諭。本日據文俊奏。江西軍餉支絀。請飭四川協濟一摺。江西剿賊。正當喫緊。四川現係完善之區。雖調撥軍餉。不僅一處自應竭力籌撥。以顧大局。著吳振斌設法籌款。每月撥解江西。餉銀數萬兩。以資接濟。毋誤要需。又據樂斌奏。請飭川省變糶常平倉穀。解銀赴部買米等語。據稱該督前在四川任內。查明各廳州縣常平倉

穀共有一百二十餘萬石。若按照例價每石糶銀五錢五分。計可得銀六十餘萬兩。所糶價銀解部設局收買米石。現在京師米價昂貴。倉儲短絀。兵民粒食維艱。自應寬為籌備。惟此項米石囤積日久。恐不免有微變之虞。著即迅速查明。趕緊設法籌糶。儘為數不敷。並著於濟社二倉內存穀糶變。湊足五六十萬兩之數。派員解赴京師。以資收買。將此由四百里諭令知之。命大學士桂良管刑部

事。補行咸豐六年直隸大計。卓異官十五員。浮躁官一員。才力不及官二員。年老官三員。分別議敘處分如例。以湖北襄陽防勦出力。復總兵官德恩頂帶。以江西弋陽鉛山縣城被擾。旋經擊退。革知縣善普。陳汝楨都司胡再升。外委游得才職。仍留任。予江西景德鎮陣亡都司畢金科祭葬世職。如遊擊例。訓導沈其秀把總朱政平。外委王典本。毛繼緒。唐福星。祭葬世職。革會勦不力之知

縣楊錚守備張舉文職。仍留任。予江西瑞州陣亡守備楊時和。吉安陣亡把總雷復隆。周子貴祭葬世職。癸酉諭內閣都察院奏。河南職員戴堯天等以匪僧改名蒙捐。倚勢負債等詞。赴該衙門呈控。據稱現任直隸臨城縣知縣戴澤遠係河南羅山縣僧人慶月。於道光二十三年改名蒙捐縣丞。後又改發直隸。升補知縣等語。僧人蒙捐職官。從前鮮有成案。戴澤遠著即革職。交譚廷襄提省嚴

審確情。按律定擬具奏。又諭怡良趙德轍奏遵旨籌辦團練一摺。前因文慶等奏請實行團練。疊經降旨諭令各督撫體察地方情形酌量辦理。茲據該督等奏審度形勢。分別派員管理籌辦。尚屬周妥。江蘇現在逼近賊氛。團練尤關緊要。該官紳等果能實心經理。既可保衛鄉閭。尤可助勦賊匪。除淮安徐州二府由該督等咨明邵燦庚長責成。徐州道王夢齡辦理外。所有裏下河各州縣及通海

二州屬。即著署兩淮鹽運使郭沛霖督辦。江甯府屬之六合、江浦二縣著已革道溫紹原督辦。上江句容等縣及揚州府屬之江甘儀徵等縣著各該管知府督辦。常州鎮江二府屬著常鎮道喬松年會同已革臬司查文經督辦。蘇松太一路著該省臬司督辦。凡有現任各官經該督撫派令督辦者均加督辦團練銜。其有由司督辦者該管之道府州作為協理。由委員及道員督辦者該管知府作為

協理。由知府督辦者該管同知作為協理。均著加協理團練銜以專責成。一俟軍務完竣即行撤銷。該員等務當督飭州縣各官遴選公正紳耆會同經理查照原奏章程隨時考覈嚴定賞罰經費則民捐民辦勿許科勒丁壯則各保各鄉免其徵調以副朕除暴安良至意。○諭軍機大臣等都察院奏山東舉人孔憲鈺等遣抱告孔憲鉞以越境聚眾霸糧焚搶等詞赴該衙門具控據稱曹州府屬之

鉅野縣有匪徒唐守中等聚眾數千先在江南沛縣創立巢穴又招集趙姓夥黨借團練為名霸種銅沛滕縣魚臺等處民田數萬頃唐守中自為國主並有謀士團頭各名目暨旗置械焚殺擄搶屢經呈控未經查辦如果屬實是該匪等藐法情形竟與擒匪無異自應及早查拏盡法懲辦以除民害而杜亂萌著邵燦庚長即飭徐州道王夢齡並著崇恩飭屬各派兵勇按照單開各匪名目嚴密訪查兜圍掩捕毋任漏網所呈各匪姓名住址著鈔給閱看將此由四百里各諭令知之○又諭自粵匪東竄以來江蘇省籌解大營軍餉皆取給於地丁關稅並由各省協撥之款從無貽誤現因荒歉錢糧竭蹶居多關稅未能暢旺各省撥款又因用兵之處較多以致解數寥寥現據和春怡良等先後奏到俱稱江南大營兵餉積欠四月有餘兵丁時有鼓譟之事雖經降旨嚴催廣東等省將欠解各

款趕緊起解。恐一時未能即到。兵勇嗷嗷待餉。豈能枵腹荷戈。若再遲延。大局將不可問。因思用兵禦寇。原以保全黎庶。且各省捐輸軍餉。朕無不立沛恩施。惟民力不齊。為數零星。又無濟於大勢。咸豐四年間。陝西巡撫王慶雲曾有捐借兼行之舉。頗著成效。不獨江蘇省可以照辦。即浙省籌濟皖南江西江南等處餉需。亦屬支絀。如能查照辦理。除本省供支外。亦可協濟江南軍餉。著怡良趙德轍

晏端書督同省垣紳士。並派委委員。分赴各府州縣。會同各該紳士。查明上戶若干。開報該督撫。即責成公正紳士。委婉勸導。隨時請獎。其有為數較多。自一萬數萬以至十萬兩者。自應分別等差。逾格施恩。或賞給鹽運使銜。或賞給副將銜。或加銜之外。另賞花翎。或賞給舉人。一體會試。均准該督撫等酌量請旨。以期踴躍。其有力可多捐。而不願請獎者。即由該督撫等飭由藩司。按數給與借資印

帖。自咸豐八年起。分年給還。作止開銷。仍按照銀數多寡。分別建坊給扁。以示優獎。所派委員紳士。務擇素行廉正。才情幹練者。分投勸辦。萬不准有抑勒侵吞。致滋流弊。中戶以下。所有現行捐輸抽釐等項。仍著照常辦理。毋庸另勸捐借。以免煩苛。地方官吏等。儻敢將未經開報各戶。藉端需索。即著嚴參懲辦。該督撫等務當各就地方情形。詳加體察。酌量辦理。以實軍儲。當此用兵之際。凡食毛踐

土之倫。各具天良。必有踴躍出貲。同仇敵愾者。僅能集有成數。即撥江南大營。以資接濟。庶兵無匱乏之虞。而於民生亦不致擾累。將此由四百里各諭令知之。○又諭怡良趙德轍奏軍餉來源已竭。請飭鄰省並籌協濟等語。江蘇軍餉。每月需銀四十餘萬兩。本省所出。每月不過二十餘萬兩。現在句容大營。及水陸各營。欠發過多。兵勇赴糧臺喧鬧。若不亟籌協濟。恐餉竭兵譁。全局瓦解。浙江與蘇

常等府壤地相接即休戚相關似此窘迫情形必應於無可籌撥之中設法源源接濟藉以支持大局除昨據晏端書奏撥銀一萬兩解赴江南大營外著該撫仍遵前議自本年三月起按月協濟即不能如六萬兩之數或四五萬兩源源解往藉以安定軍心不得以無款可籌空言塞責將此由五百里諭令知之甲戌諭內閣胡林翼奏官軍生擒匪首襄樊肅清一摺襄陽匪徒高二先等被官軍

擒次擊敗竄匿張家集等地方三月初五日候補道唐訓方奏將舒保督兵乘雪夜行四面進攻初六日遇賊於白家集被擊反走官軍分五路星夜追剿於郭家岡地方將匪首高二先等生擒正法零匪被殲淨盡襄樊悉就肅清此股匪徒自上年九月滋事裹脅甚眾襄陽文武力守危城胡林翼派往各員剿辦迅速均屬著有微勞所有出力員弁及協剿之紳團等著准其擇尤保奏諭軍機大

臣等本日據袁甲三奏正陽賊勢稍鬆擬先清北路再行南下惟軍情緩急靡常進止難以豫定亳州現乏得力將領請飭英桂於道員以上選派一員來亳駐劄各等語袁甲三現雖駐劄亳州俟北路官軍得手後即須統兵前進與勝保一軍聲勢聯絡而亳州東北一帶伏莽尚多必須明幹大員駐劄方不至顧此失彼惟河南省道員以上文員每多未經行陣深恐難期得力著英桂勝保於現在

帶兵之副將參將等官中擇其堪資統領者即行選派一員馳赴亳州軍營如袁甲三統兵南下即可責令該員實力防剿以遏歸毫北路之衝將此由五百里諭令知之戶部議准前任陝甘總督易棠疏報烏魯木齊蘆草溝地一十二頃三十畝有奇照例升科從之以湖北籌運軍餉出力擢知縣張黼華為知府賞軍功張志先等藍翎餘加銜升擢有差補鑄江西定南廳儒學照磨條記印

信從巡撫文俊請也。乙亥琉球國王世子尚奏遣使表貢方物賞賚如例。以江蘇揚州軍營團防籌餉出力賞道員英祿知府江清驥等花翎縣丞秦芝亭等藍翎餘升敘有差。○以江北糧臺出力予直隸州知州宣維祁等加銜升擢有差。○丙子諭軍機大臣等蔣霽遠奏威甯州漢回構釁分別勦撫一摺該州為回漢夷民錯處之地此次起釁本因滇省漢民報復回匪致宣威之回將威甯所屬村房燒毀境內回匪四起竟至圍撲州城署知州周守正雖經撤任而匪勢未衰漢夷居民終懷疑忌驟議用兵固恐邀結滇回釀成巨變遽行議撫亦恐漢夷民心不服且黨與既多良莠不一未必輸誠聽命現在滇省辦理漢回其誤即在專主招撫以致回匪既不畏威漢民亦不懷德該州回夷雜處辦理不得其平難免藉端生事該撫業經酌調官兵如果該回民等悔罪投誠縛送首逆准予

自新儻仍執迷不悟必當懾以兵威不可遷就了事無論回漢夷人總須論其曲直不得稍有偏袒方足折服其心仍一面剴切曉諭一面知照恆春等加意嚴防毋令勾結蔓延將此由六百里諭令知之。○以成郡王載銳署鑲黃旗領侍衛內大臣大學士桂良署正藍旗滿洲都統以禮部尚書瑞麟署管欽天監事。○以勦辦貴州都勻麻哈賊匪出力賞同知高本仁花翎練目宋景山等藍翎餘升敘有差。予陣亡六品軍功楊和先武生岑芝元生員何人功練目廖連升祭葬世職如外委例。○丁丑以烏魯木齊銅廠出力賞遊擊彥祿花翎千總李科藍翎餘升敘有差。○戊寅以湖北襄陽勦辦匪徒出力復布政使馬秀儒等職賞委參領富森保巴圖魯名號委參領富珠哩委防禦金祥同知唐協和等花翎馬甲雙德等藍翎餘升敘有差。○己卯上幸萬壽山諭內閣福濟奏攻勦壽州竄賊

獲勝並攻毀枸杞園賊營等語。逆匪自壽州解圍後屯聚三十里鋪戈家店一帶。並於正陽迤東之枸杞園剽營三座。經署道金光勛等帶兵於雙橋地方接戰。斃賊甚多。練總孫家熾等各帶練丁三千名在迤南橫擊。我軍乘勢急攻。斃賊二千餘名。該署道復於行近枸杞園地方將兵勇馬匹分路圍擊。立將賊營三座奪毀。追殺十餘里。斃賊五六百名。餘賊敗竄。仍著福濟飭令該署道將賊賊分投

勒擊悉數殲除。俾自壽州至正陽一帶得以迅就肅清。○又諭福濟奏兵勇索餉滋鬧遺失關防。自請嚴議一摺。廬州大營湖南兵及楚勇廣勇等因該撫巡視城垣輒敢藉索餉為詞肆行滋鬧以致該撫關防失去實屬目無法紀。著福濟即將滋事兵勇查明從嚴懲辦並將不能彈壓之帶兵各官據實參辦以示懲儆。福濟自請嚴議之處著加恩改為交部議處。並著禮部將安徽巡撫關防即行鑄

造頒給以昭信守。○又諭福濟奏藩司因擠跌損傷懇請開缺一摺。安徽布政使畢承昭因山東兵丁索餉出堂彈壓以致人多擠跌腰骨損傷著准其開缺回籍調理。所有約束不嚴之總兵嵩瑞遊擊施溥守備恩清胡運洪扎拉豐阿葉普崇額衛守備張際元均著摘去翎頂以示懲儆。○諭軍機大臣等福濟奏皖營兵勇缺餉請飭於江南釐捐項下酌提撥解等語。皖省早荒未甯無款可籌致各

營兵勇索餉滋鬧勢甚危急所奏自係實情。惟江南大營近據和春奏到因欠餉多月兵勇亦有鼓譟之事。是江南與廬州情形同一緊急。福濟所稱江南釐捐已收銀二百餘萬兩不知隨收隨放豈有鉅款存留至廬州軍餉。本年各省節次報解者山西已有十萬兩陝西已有五萬兩河南九十餘兩浙江於本月奏到解銀二萬兩江蘇於本日奏到解銀三萬兩為數已屬不少。其或因道路梗塞日

久未達。福濟惟當派兵疏通。設法迎提前進。以濟急需。勿使已經起解之餉阻滯附近地方。自誤餉需。再前據庚辰奏籌米二十石。解赴臨淮。奉定三。現在帶兵赴臨淮一帶。原為疏通糧道起見。如果臨淮一帶並無梗阻。則此項米石。無難運到。又本日英桂奏。河南解赴廬州米麥六千石。尚在阜陽。因無路可通。不能前進。福濟當設法迎提。聊資接濟。毋得一籌莫展。以致坐困。安徽藩司。已簡放李孟

羣。該員現由湖北帶兵前來。援應廬州。諒計日可到矣。將此由六百里加緊諭令知之。○又諭英桂。勝保奏勦擒正當喫緊。粵逆又圖北竄。請飭添兵助勦等語。穎上縣城。當歸陳穎毫之衝。勝保既親督兵勇前往。諒能得力。所請添兵之處。九江郡城。尚未克復。楚軍何能分半赴豫。況已撥往江西廣信。並李孟羣帶兵一千五百名。援應廬州。武漢存兵。已屬無多。本日仍諭令官文。胡林翼。如襄樊已就

肅清。即於該處官兵內。酌撥一千名。馳赴英桂等軍營調遣。未知能否應付。並遲速如何。勝保前奏截留經過河南之陝甘官兵。究竟是否到營。連穆騰阿馬隊。並現在暫留之察哈爾馬隊。及山東官兵等。為數已不甚單。自應先籌迎勦。以遏賊鋒。不可專待添兵。致令賊氛愈熾。至直隸防兵。據雙銳奏報。已於二月二十九日。由劉智廟啟程。史榮椿一軍。據邵燦等奏報。已赴亳州。會同袁甲三堵勦。並

由該漕督等另派吉林餘丁。大同馬隊。各二百名。赴穎州助勦。英桂勝保即當迅速迎提。以資攻勦。至李孟羣由楚赴皖。本為廬州喫緊起見。本日已將該員簡放安徽布政使。尤應趕緊赴任。僅此項兵勇。路經河南地方。該撫等不得率請截留。致滋貽誤。將此由六百里諭令知之。○又諭英桂。勝保奏擒匪句結。粵逆竄擾穎上。勢甚危急。光州亦形喫重。該撫等所帶兵勇。不敷堵勦。請於楚省酌撥馬

步勁兵三四千名。赴豫援應等語。現在湖北襄樊一帶。雖漸就肅清。而巴揚阿一軍。尚須在彼彈壓。前後諭令酌量抽調。應援廬州廣信等處。其在九江者。尚未克復城池。自難分撥。惟是河南安徽交界。擒匪與粵逆勾連。賊眾兵單。係屬實情。若不籌兵接濟。深恐滋蔓難圖。現在楚省情形。究為稍緩。著官文。胡林翼。妥為籌畫。如襄樊一路。已就肅清。無須重兵彈壓。即於此項官兵內。湊撥一千名。派委得力將弁管帶。前赴河南交英桂勝保調遣。以資助剿。將此由六百里諭令知之。○以湖北按察使李孟羣。為安徽布政使。兩淮鹽運使羅遵殿。為湖北按察使。○以勦辦河南擒匪出力。賞侍衛穆騰阿。巴圖魯名號。○補鑄雲南迪西道關防。從巡撫舒興阿請也。○復安徽陣亡已革知州金寶樹。參將喜瀛職。與巡檢茅陰。均予祭葬世職。○庚辰。諭內閣。葉名琛奏。請將鹽課奏銷展限一摺。廣東省河

各埠引課。應照趙限。於咸豐六年九月奏銷。茲據該督奏稱。各該埠引地。多與江西廣西等省毗連。連年被擾。商販不前。配運較少。懇請展限等語。著照所請。所有省河各商。咸豐六年應完咸豐四年分課餉。及帶徵銀兩。准其展限八箇月。至本年五月底奏銷。以紓商力。此後仍著遞年提早一月。以復原限。○辛巳。諭內閣。葉名琛奏。廣東省員弁越境會剿匪徒。埤平賊巢一摺。廣西佃匪。占踞橫州。永淳縣地方各村。疊次圍撲城池。擾及廣東廉州府屬之合浦靈山等處。經葉名琛。派令高廉道蔡徵藩。署廉州府知府沈保頤。會同參將廖達章。遊擊泰鳳山等。督兵越境進剿。於上年正月。至二月。先後攻破匪巢六十餘處。將占踞之二百餘村。全行收復。拏獲首匪。埤平巢穴。辦理尚屬奮勉。所有在事出力官紳。及前次會剿南甯府鬱林州等處匪徒出力各員弁。均著葉名琛。查明奏請獎勵。○又諭

葉名琛奏廣甯懷集兩縣勒匪殆盡請保出力員弁一摺。兩廣交界之廣甯懷集二縣壤地毗連。匪徒易於藏匿。官軍克復廣甯縣城後。匪黨數千餘人。勾結土匪滋擾。自五年八月至上年四月。經廣東署督標中營都司鍾文彩及廣甯縣知縣朱甸霖署廣西懷集縣知縣元慶等督率兩省文武員弁兵勇會合紳團先後將妙村各路匪徒首夥殲除淨盡。賊巢概行焚毀。奪獲槍礮器械鉛藥不計其

數。地方一律肅清。該官紳等均能不分畛域認真勦捕。辦理尚屬妥速。所有此次出力文武紳團兵勇著葉名琛查明與前次克復廣甯縣城出力員弁併案保奏候朕施恩。○又諭葉名琛奏請將秋審人犯展限辦理一摺。廣東省本年應入秋審新事人犯尚多未准部覆之案。趕辦不及。著准其統歸咸豐八年秋審辦理。以昭慎重。○諭軍機大臣等。葉名琛奏防禦夷獲勝並現辦情形一摺。夷

船隻自退出省河後復經官兵連旬擊斃。疊

次焚船斃匪。堵禦尚為嚴密。該夷被勒後兩

旬之久既無動靜。自應暫緩攻擊。至該國以

咆吟吧哩哩不應與中國啟釁。另派夷酋來

粵定議。係得自傳聞。虛實尚未可定。如果屬

實。所派夷酋亦須夏間始能到粵。此時正可

先定主見。以為將來定議地步。僅此次派來

之人尚講情理。即應以禮相接。勿使再有藉

口。俾得自為轉圜。至咪唏兩國及各國夷商

貨物停滯。洋樓焚毀。必有怨心。英酋不肯遽

回香港。因恐各夷商索賠之故。則將來新酋

到時。不特與中國定議。即與咪唏各國亦必

有一番理論。該兩國與中國並無嫌隙。此次

吧哩哩開釁情形。為夷人所共見。孰是孰非。

定有公論。應派曉事之人。先與咪唏等酋詳

加開導。使其了然於胸。俟夷酋到時。不致為

吧哩哩等捏詞消惑。更為妥協。當此中原多

故。餉糈艱難。葉名琛總宜計深慮遠。弭此釁

端既不可意存遷就止顧目前又不可一發難收復開邊患該督於夷務情形素所熟悉諒能慎密妥籌不負委任也至廣東省奉撥各省軍餉自上年九月報解江西餉銀後續經諭撥之湖北餉銀十萬兩湖南餉銀十萬兩貴州餉銀二十萬兩廬州餉銀十數萬兩並欠解江南月餉為數甚多均未報解自因夷務未平關稅無出之故惟各省待餉甚急江南貴州廬州皆屢有餉匱兵譁之事廣東究係殷富之區無論捐輸徵收尚易為力著即速為籌措雖不能同時起解亦須酌量緩急次第籌撥毋誤要需將此由六百里密諭知之○以廣西右江鎮總兵官吳應龍為提督○以勦辦廣西右江匪徒出力賞知州陶兆恩等藍翎餘升敘有差○以廣西柳州府城被匪竄陷提督惠慶解任來京仍下部嚴議巡撫勞崇光下部議處予陣亡千總馬文治把總李勝龍從九品李寅實祭葬世職

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百二十二

實錄館總裁及禮部各員○均毋庸隨往○以詹

國交好多年。從無差大臣前來商辦要件之

事本國但知遵守舊章永遠和好今爾國達喇嘛巴拉第在京呈稱爾國因暎夷等有窺伺占踞之心欲差大臣來商機密事件已由理藩院具奏大皇帝念爾國道路遙遠向無差大臣進京之事已諭理藩院行知該國照例但送學生進京毋庸特派大臣前來從前暎夷滋事中國自行禦侮不借外國幫助之力至外國互相爭鬪中國亦從不與聞並無機密要事應與爾國相商至爾國既誠心交好從前只有恰克圖一處通商今大皇帝又准在伊犁塔爾巴哈台兩處通商相待可謂優厚爾國當知感激現惟塔爾巴哈台焚燒夷園一事應行查辦爾國既敦和好之情即當派員會同該大臣等秉公辦理速行了結以便照舊通商無傷和好此外並無應議事件毋庸特派大臣前來如此明白曉諭不至墮其詭計儻該夷不遵曉諭仍欲前來該大臣即當據理攔阻告以已奉諭旨不敢專擅

勸其回國不可又無主見再請理藩院指示致為外夷看輕惟該夷尚無開釁之端但當密加防範不可調兵防備故事張皇轉使該夷疑貳所有理藩院行薩納特文底鈔給閱看將此諭令知之予雲南陣亡外委蒙占舉王廷標祭葬世職予雲南保山永平禦匪被戕知縣周錫桐朱慶鏜把總王岐祭葬世職乙酉諭軍機大臣等德勒格爾奏察哈爾官兵到皖以來馬匹倒斃糧餉撥解無期懇將官兵帶赴徐州一摺該副都統所帶察哈爾官兵現駐懷遠餉糈缺乏馬匹倒斃所餘無幾兵丁患病者亦後不少所奏自係實情著准其帶赴徐州即著邵燦庚長飭令徐州道王夢齡設法籌給兵食並趕緊購買馬匹俟何處須兵聽候英桂勝保等調遣所有患病及技藝生疏各兵丁即著德勒格爾遣令回旗以節糜費將此由五百里各諭令知之又諭樂斌奏湖北撤回陝甘官兵未

能調赴勝保軍營等語。陝西撫標提標各兵業已撤回歸伍。其肅州等協官兵亦已回抵隆德。距各原營不遠。且該兵丁現多患病。兼在湖北繳出器械。自應分別收伍。未能調赴河南。惟大股捻匪經勝保等擊敗後。復勾結粵匪竄擾。潁上光州一帶情形亦甚喫重。英桂等所帶兵勇不敷堵剿。亟應設法湊撥。以遏賊氛。前據曾望顏奏。因嵩縣肅清。截止甯夏鎮兵四百名。令其毋庸來陝。此項兵丁如果得力。堪以出調。即著樂斌飭令前赴河南。交英桂勝保調遣。將此由五百里諭令知之。

以江蘇宜興荆溪武進陽湖無錫等縣。辦團禦賊出力。賞在籍詹事府贊善趙振祚道員喬松年。知府王際相賈益謙。知縣許美身。花翎道員蕭時馥等。升敘有差。予陣亡從九品銜芮應曦。監生芮禮武。生儲江。祭葬世職。如外委例。民人儲喜明等。賞卹如例。○展賑山東濮。荷澤。鉅野。壽張。東阿。鄆城。定陶。平陰。

肥城。齊東。禹城。范陽。穀東。平十四州縣被災貧民一月口糧。○丙戌諭內閣。官文。胡林翼奏。官軍踏平小池口附近沿山賊壘。連獲大勝。各一摺。此次剿平小池口附近賊壘。追至宿松。先後斬擒賊首萬餘級。辦理甚屬得手。著官文等。即飭帶兵各員。乘茲銳氣。迅克小池口。並九江府城。以遏賊衝。所有出力員弁兵勇。著官文。胡林翼會同查明。並歷次獲勝出力人員。彙案保奏。候朕施恩。○諭軍機大臣等。前因湖北軍餉缺乏。諭王慶雲等每月撥解銀數萬兩。俾資支放。茲據胡林翼奏。餉欠兵飢。請於山西藩庫。河東鹽庫。速籌銀三十萬兩等語。山西協濟各路兵餉。所撥甚多。未必有此鉅款。惟現在都興阿進剿皖賊。四次奪壘十一座。楊載福水師正擬會攻湖口。使圖安慶。李續賓步隊亦素稱得力。此三軍勁旅。不可多得。若聽其缺餉飢疲。軍威不振。實於大局有妨。該撫請撥三十萬兩。尚不過

稍清舊欠以為進戰地步著王慶雲於按月協濟外竭力設法酌量籌撥雖不能如所請之數總須先撥一二十萬俾資接濟庶不致如杯水車薪無益於事著即妥籌速奏將此由五百里諭令知之○予湖北殉節舉人曾繼成等男婦一千九百六十六名口分別旌卹如例○丁亥諭軍機大臣等譚廷襄奏酌擬推行大錢及設局加鑄鐵錢一摺直隸行使大錢雖稱二成搭放民間竟有以制錢九百二十文作錢一千者致大錢日形壅滯該署督奏稱如果各州縣覈實通搭二成大錢自必日見流通所見諒有把握即著照所擬試辦各屬如有陽奉陰違者著即督同司道等官嚴行糾察毋許稍有歧異參差之弊至徵收錢糧民間如一時無從購買大錢勢不能不准其暫以制錢抵交方免抑勒病民該署督摺內所稱設局經理鈔票開鑪鼓鑄錢文並片內所稱搭收錢文按月用印票呈報

備查之處均著照所擬妥為籌辦總期實力奉行不致有名無實將此諭令知之○又諭王慶雲奏請更換調豫官兵以資防守一摺據稱河南省前調山西太原鎮等營官兵一千名經英桂酌留五百名派防永城現在晉省南路辦防兵力不敷若將別鎮兵丁調往自不如本鎮之兵熟悉地利較可得力擬於大同鎮屬調兵五百名赴豫將前調官兵五百名換回等語山西省南路防堵既需本鎮官兵自應酌量調換藉資得力著王慶雲即將大同鎮兵五百名剋日調齊派委妥員管帶星馳赴豫一俟此項官兵到防所有太原等鎮兵五百名即著英桂飭令原帶兵官珠爾杭阿管帶回晉將此由四百里各諭令知之○又諭王懿德等奏逆匪闖入閩疆邵武府光澤縣相繼失守現擬將署衢州鎮總兵饒廷選統帶之福建兵勇一千名由玉山調回建甯並咨調廣東兵二千名赴閩會剿仍

請旨飭催等語。江西大股賊匪由光澤竄陷邵武。勢極剽悍。亟應調兵堵禦。該省與粵東接壤。赴援較易。所有王懿德咨調兵二千名。著葉名琛斟酌情形。如數調撥。派委得力大員統帶。星馳赴閩。交王懿德調遣。其應需口糧。即由廣東源源接濟。並著咨行沿途經過地方。毋許截留貽誤。饒廷選一軍前因廣饒賊氛甚熾。經晏端書調赴玉山防堵。現王懿德擬將此項兵勇調回建甯。因為軍務緊急。

起見。惟玉山為全浙門戶。堵剿亦甚緊要。著晏端書酌量緩急。如玉山防務尚有要員可以更替。自應即令饒廷選回閩助剿。儻因饒廷選久駐該處。驟難更換。浙省現有項兵勇可調。即著晏端書速為調撥。派委妥員管帶赴閩。其王懿德另摺所稱已調提督鍾寶三帶溫台兵五百名赴閩之處。並著晏端書催令迅速起程。毋稍遲緩。廷建等處防兵一聞粵匪入境。輒致驚潰。既據王懿德聲稱。即

日出省前赴上游。著即將邵武等城迅籌克復。毋令日久滋蔓。將此由六百里各諭令知之。○以內閣學士烏爾根泰署禮部左侍郎。兵部左侍郎載堪署管戶部三庫事。○以正白旗蒙古副都統載岱署正白旗滿洲副都統。○以福建邵武光澤府縣二城被賊竄陷。革副將張從龍參將琳潤職。併逮問。○予江西陣亡把總胡志方外委劉泰景傷亡典史王科祭葬世職。戊子諭軍機大臣等。前諭

提督秦定三赴和春軍營助剿。本日復諭令統帶所部黔兵真勝勇一千二百名。即日由臨淮啟程。惟廬州堵剿正在喫緊。秦定三帶去兵勇自應於江南軍營酌撥抵還。除前據和春奏撥兵八百餘名派委協領玉崑等帶赴廬州外。著再酌撥兵勇數百名共湊足一千二百名以抵還。秦定三帶去兵數並催玉崑等先行迅速赴廬。續撥之兵即飭速往以資援應。將此由六百里諭令知之。○又諭。福

濟等奏遣散老弱兵丁請另行補足換防一摺安徽原調陝甘提屬營兵五百名今僅存一百九十餘名再汰老弱所存不過一百五十名該撫等請飭陝甘挑補三百五十名前往廬州以符原撥五百名之數自為攻剿需兵起見現在陝甘調赴他省之兵已屬不少昨復諭令將甯夏鎮兵四百名調赴河南此次福濟等所請能否如數挑補著樂斌酌量情形不必拘定原調營分但有兵力精壯可用者即派妥員管帶前赴廬州交福濟調遣將此由五百里諭令知之○又諭寄諭安徽巡撫福濟廬州存營兵丁既多老弱自應酌量撤遣以收實用惟所請各由原營照數補足一節如固原提屬須挑補兵三百五十名尚足以成一隊已諭令樂斌酌量挑撥其直隸熱河密雲山東湖南等處汰缺兵數未據該撫奏明以每百名裁撤二十名計之應補之數當亦無多若每處添撥百餘名或數十

名徒多徵調之煩無補征剿之用況現在北省幾無可調之兵著即知照各處停其調兵補數以省勞費新授安徽藩司李孟羣已由湖北帶兵二千五百名前赴廬州得此大隊赴援較之零星添補更為得力○秦定三駐劄臨淮原為疏通餉道既據該撫聲稱現駐梁縣餉道已無虞梗阻著傳諭該提督即帶貴州兵及真勝勇一千二百名遵旨馳赴丹陽和春軍營助剿其漢中兵及吉林馬隊仍留於臨淮以資扼守至和春營中前已派兵八百名馳赴廬州本日復諭該大臣酌量添撥與秦定三帶往兵數相當惟江南兵力亦非有餘能否添派諒和春必能斟酌妥辦也將此由六百里諭令知之○予安徽陣亡防禦桂馥把總高洪謨外委羅國恩鄒其亮祭葬世職已丑諭軍機大臣等寄諭吉林將軍景瀄黑龍江將軍奕興前據德勒克多爾濟等奏俄囉斯欲遣使來京商辦密事並據理

藩院奏俄羅斯達喇嘛巴拉第具呈亦稱該國欲遣大臣進京各等語已諭知德勒克多爾濟等告以中國與俄羅斯從無差大臣前來商辦之事即稱嘆夷窺伺從前中國並未借助外國此時亦無機密可商並諭理藩院行知該國毋庸派大臣前來儻該夷不遵即據理攔阻不可仍請理藩院指示諒德勒克多爾濟等必當遵諭辦理矣惟恐該國為庫倫所阻或向吉林黑龍江取道又行瀆請該

將軍等亦當據理阻止與庫倫一律辦理並不可稍涉張皇致啟該國猜疑是為至要將此諭令知之○又諭景瀄奏燒商無力交納票錢現均關閉請旨遵辦一摺吉林燒商交納票錢自停漫以來藉以抵充俸餉近年鋪家較少票錢轉增以致商力拮据難以交納若竟聽其關閉則應支俸餉既恐無著而糧食以停燒壅滯於農民生計亦有妨礙自不若將票錢減歸原額於官民均有裨益惟該

商戶日形寥落減收之後能否無誤輸將著景瀄督飭廳員體察情形如果諭令復業於原額十萬八千吊之數不致再有短缺即先行曉諭該商仍行復業嗣後應如何酌收票錢以紓商力之處著景瀄妥議章程具奏將此諭令知之○又諭吳桂勝保奏柳溝集勦賊獲勝並調邱聯恩回防光息一摺捻匪大股現聚柳溝老巢勝保赴援顧上之路為其中阻自應急籌攻克以通南北聲援光息一

帶焚搶之匪據稱係李兆受一股則其中難保無粵匪在內該撫等所調邱聯恩官兵及蒯賀孫之勇是否足資堵禦尤不可不妥善兼顧至察哈爾官兵既不得力無論有馬無馬著全行撤遣飭令歸伍其調赴廬州之五百名亦著全數遣回此項官兵啟程毋庸令其乘騎馬匹即由地方官酌備車輛沿途遞送其現存馬匹概留軍營以資攻勦黑龍江官兵徵調已多無可再調本日已諭德興阿

等將前此撥赴揚州之黑龍江餘丁五百名。飭令赴豫著英桂等即行催提並將邵燦等派赴潁州之吉林餘丁二百名一併催提到營以符該撫等請調之數可期得力將此由六百里諭令知之。又諭前據德興阿等奏營總佛爾恭阿所帶黑龍江餘丁五百名派令駐劄儀徵樸樹灣歸參領富明阿管領本日據英桂勝保奏現在偏攻柳溝賊巢察哈爾馬隊不能得力請分別撤回歸伍添調黑

龍江餘丁六百名來營助剿等語察哈爾馬隊既不得力業已諭令全數撤回惟黑龍江餘丁屢據該將軍覆稱無可再調且程途遙遠現在剿擒正當喫緊豈能久待著德興阿等即將駐劄樸樹灣之黑龍江餘丁五百名派員管帶迅速前赴勝保軍營以資調遣其樸樹灣一帶防堵緊要並著德興阿等酌量妥籌布置派兵前往扼守毋稍疏懈將此由六百里諭令知之。○浙江巡撫晏端書奏江

右股匪竄擾閩省浙東一帶防剿喫緊請將署衢州鎮總兵官饒廷選仍留署任辦理防堵得旨近有寄諭令汝酌度今觀此奏饒廷選實難赴閩著仍留防所以都察院左都御史肅順署兵部尚書以攻破安徽亳州賊巢賞黑龍江委參領法克吉布巴圖魯名號以剿辦安徽亳州擒匪出力賞黑龍江總管格綢額頭品頂帶德楞額以副都統用加協領庫克吉泰副都統銜賞委防禦伊凌

阿喜蘭保色普清額參領色克通額等花翎前鋒校恆毓等藍翎餘升擢有差蠲免福建順昌建陽甌甯邵武光澤建安六縣及仁壽嵐下迪口縣丞所屬被擾地方上年額賦有差展緩將樂崇安建甯泰甯尤溪永安沙南平平和龍溪南靖十一縣及麻沙峽陽縣丞所屬被水被擾地方應徵新舊額賦（辛

卯

上詣

時應宮

福佑寺

昭顯廟拈香○還宮以常寧祀

天於

園丘自是日始齋戒三日○壬辰諭內閣國瑞等奏查勘工程續有應修情形並請選擇合龍吉期一摺盛京

福陵應修各工既據國瑞等查明拆卸後續有情形自應一律興修著國瑞宋晉會同麟興

一併敬謹承修以昭慎重至

隆恩殿大脊合龍吉期著欽天監於五月十五日以後閏五月十五日以前敬謹選擇兩日具奏並即行知該侍郎等以期無誤要工○又諭麟興奏歲修工程銀兩為數較多請摺節辦理一摺盛京工部上年應辦歲修工程著照所請將已派未修各工暫行停止其甫經領銀尚未興辦各工即飭承辦之員將原項繳還銀庫嗣後應辦歲修工程著各該處

先期查明呈報統歸春秋二季覈明興工如

遇有緊要工程方准隨時修辦以歸覈實另

片奏請於採買黑鉛工價銀兩內撥辦本年

春季要工等語著准其儘數撥解俟五年分

報銷完竣即行歸款○諭軍機大臣等國瑞

宋晉等奏遵旨體察鋪稅釐捐情形並附陳

管見一摺據稱奉天等處辦理鋪稅釐捐業

已舉行惟鋪稅應造魚鱗細冊以免鋪首任

意增減小鋪應與大鋪一體捐輸釐捐應酌

中定額以歸簡易牛莊等處海口南船貨物

為山海關稅鉅款若於各口抽釐恐致有礙

關稅至鋪稅釐捐均宜責成旗民地方官經

理以免紛擾等語奉天等處辦理鋪稅釐捐

事屬創始自應立法周詳方足順商情而免

弊竇國瑞等所奏各條著承志倭仁和潤富

呢雅杭阿景霖按照該侍郎等原摺所陳斟

酌情形具奏原摺著鈔給閱看將此諭令知

之○又諭有人奏湖南省各廳州縣捐助軍

餉自數萬至數十萬不等未經按照定章奏請加廣學額中額民間幾疑捐輸獎敘之典為虛文請飭覈實彙奏等語各該省捐助軍餉其按照定章經督撫請加中額學額者無不立沛恩施湖南以一省防勦數省並籌應兵餉五載以來民門捐輸不少自應及早查明彙奏請獎著駱秉章即將該省各廳州縣捐銀並合省共捐銀數自己未收銀若干查明覈奏將此由四百里諭令知之○癸巳

上詣

南郊齋宮齋宿諭內閣胡林翼奏特參私那倉庫錢糧捐款之知縣請革職拏問一摺湖北候補同知直隸州署孝感縣知縣李殿華假託團練為名私那地丁錢糧等項又私收捐輸另立畝費名目為數甚鉅李殿華著即革職拏問交胡林翼親提嚴訊查追該員寓所及陝西原籍財產著一併查封備抵諭軍機大臣等文俊奏江西軍餉不繼請飭四

川道員張思鏜勸諭在川貿易之江西商人捐輸接濟一摺江西軍務需餉浩繁經費不繼自係實在情形惟江西商人既託業川省所有川省捐輸該商等自必在列勢難因原籍需餉重令出貲從前派員赴鄰省勸捐亦經辦有成案惟以有餘省分協濟不足之區原不拘定因何省需餉專勸該省商人致分畛域即如張思鏜原籍江西自必情殷桑梓四川總督原可委令辦捐江西巡撫亦可擇

公正紳士或明幹委員前往會辦著吳振斌書齡體察情形會商辦理不必專勸江西在川貿易之人指捐本省軍餉轉涉苛細也將此由五百里各諭令知之○兩江總督怡良因病解任命前任浙江巡撫何桂清以二品頂帶署兩江總督未到任前以江蘇巡撫趙德轍暫行兼署以克復江西廣信府城弋陽興安宜黃崇仁四縣城賞六品軍功鍾守琪等藍翎餘升擢有差○琉球國使臣向有

恆等二人於午門外瞻覲○甲午常雩祀

天於

園丘

上親詣行禮○詣

關帝廟拈香○以尊藏

宣宗成皇帝實錄

聖訓於

皇史宬

上親詣行禮○幸圓明園 乙未以恭懸

慕東陵

御書扁額前期遣官告祭

孝靜康慈皇后暫安寢殿○諭內閣本月二十

日

孝靜康慈皇后梓宮永遠奉安

慕東陵所有執事之王公大臣及各衙門文武

官員人等著恭理王大臣載垣等詳細查明

分晰開單於奉安禮成後即行具奏其

陵寢執事官員及兵丁人等著戴容戴從戴齡

查照成案一併開單具奏候朕加恩○諭軍

機大臣等將肅遠奏黎平府屬之永從縣城

錦屏汎城先後失守請飭催湖南兵勇進援

等語湖南援勦貴州兵勇前據駱秉章奏調

二千二百餘名派萬年新等統帶於上年十

一月下旬先後行抵靖州何以遲未到黔現

在永從縣城錦屏汎城先後失守該省距黎

平寫遠鞭長莫及自應迅催此項兵勇趕緊

赴援著駱秉章速飭萬年新等剋日由靖州

進剿並飭兆琛所帶之勇迅速啟程毋得遷

延貽誤將此由五百里諭令知之 以勦撫

雲南海口回務出力加道員鄧爾恆按察使

銜賞經歷周行釗等藍翎餘升賞有差○以

勦辦貴州苗匪出力賞同知吳登甲遊擊富

隆阿等花翎雲騎尉袁爾忠等藍翎餘升擢

有差○以葉爾羌開墾地畝試種有效予出

力員弁升敘有差○以貴州永從縣城錦屏

鄉汎被賊竄陷革代理縣事府經歷蕭賡守

備殷兆錫職。仍責令勦賊。自效。予陣亡遊擊何觀元。都司王文清。廉守備劉世勳。蕭名揚。千總趙坤。麻正興。楊萬清。把總馮際龍等五人。外委閔林孫等三人。祭葬世職。予貴州台拱清江二廳。殉節同知邵鴻儒。通判余宗惇。按察司照磨胡秉元。從九品銜申禧。遊擊富忠。傳權。守備郭鵬彪。千總張連陞。把總劉勝邦。胡占元。外委彭國安。鄧廷贊。王治能。張友林。雲騎尉張廷祚。恩騎尉張發興。祭葬世職。生員陸作礪等十六人。童生羅洪棟等六人。六品軍功溫順泰。練目王燦南等三人。祭葬世職。如外委例。貸湖南鳳凰乾州水綏。古文坪保靖五廳縣丁佃籽種口糧。丙申。諭內閣。德興阿。翁同書奏。保舉出力將備。並叅劾參將等語。據稱。遊擊趙樹棠有勇有謀。守備哈連陞。儘先守備王富來。遇仗勇敢。均為軍營中出色之員。山東德州營參將吳奉龍。於軍務重事。漫不經心。自宜分別勸懲。以

勵戎行。吳奉龍著降為都司候補。以觀後效。其所遺山東德州營參將員缺。著即以趙樹棠升補。並賞加副將銜。哈連陞著以都司升用。並賞換花翎。王富來著賞換花翎。以示鼓勵。○諭軍機大臣等。德興阿等奏。瓜州大獲勝仗。並水陸攻勦情形一摺。此次進攻瓜州賊壘。旬日之間。俘斬甚多。自應乘此銳氣。亟圖攻克。惟江浦為南北要衝。自二月十九等日。該逆出巢被擊後。迄今將近兩月。如何設法籌攻。該大臣等未經奏及。已革候補道溫紹原。在軍營數年。募勇助勦。頗資得力。前經德興阿因其干預保舉。奏請革職。原屬咎由自取。現在該革員仍留六合防堵。若責令帶勇。隨同官兵。迅圖克復江浦。許其立功自效。以贖前愆。該革員諒必感激激思。奮當此禦侮需才之際。正宜賞罰並行。以收指臂之助也。瓜州賊勢日蹙。當有克復之機。現在金陵逆首。以句容溧水牽掣我軍。坐守金陵。毫無顧

忌得以分兵四出。擾及徽廬。內窺東壩。使我
防不勝防。儻能先克瓜州。則水師即可進取
金山。鎮江之賊。勢成孤立。不難水陸夾攻。以
圖克復。而金陵失其犄角之勢。冀有轉機。著
該大臣等統籌全局。謀勇兼施。毋得日久因
循。坐待兵疲餉乏。致有意外之虞。將此由六
百里諭令知之。○候補三品京堂袁甲三奏。
進剿鄧家圩等處賊匪。屢次獲勝。現已移營。
督兵偏圩環攻。賊勢漸形窮蹙。得旨。覽奏移
營獲勝各情。尚屬得手。雖云各圩往來之路
已斷。惟賊信能通。可見不過圍其一半。著即
迅速進攻。勿令竄逸。○以河南河北道周士
鏜為按察使。○予江南陣亡委參領圖奇英
阿。驍騎校平喜。遊擊賀大勝。都司謝萬平。千
總廖揚安。外委虎懷森。張得升。祭葬世職。

實錄卷一百三

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十三

實錄卷一百三

五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百二十四

明修縣志官經征日講起居注官太子太保上書房總辦傳史閣閣學兼翰林院掌院學士稽察復奏上訓事侍從周史館纂修官武英殿

大學士官理七部事務加十三級紀錄十四次
官領軍機處總管官經筵講官太子太傅文淵閣領閣事武英殿經筵官教習蒙古書儒林

大學士管理戶部三庫事務管理刑部事務加二十三級紀錄十六次。因祖姑總裁官太子少保管理內務府庫事務對引大臣案機大臣

鎮撫使滿洲都統戶部尚書管理三庫事務加四級隨帶加五級紀錄十二次并晉參總辦官莊莊講官弘治人教習清文誦讀上書唐鑑

上國史館總纂官正其缺奉古部統轄尚書管理太常寺鴻臚寺事務加二級奉功加四級隨帶加八級紀錄五次月俸什糧等奉

敕修

咸豐七年丁巳四月丁酉諭內閣本月二十

目

孝靜康慈皇后奉安

慕東陵是日在京文武官員均著穿常服不挂

朝珠 又諭英桂勝保奏連獲大勝攻破柳

溝賊巢一摺。擒匪竄踞三河尖。以柳溝集為

門戶。勝保督派兵勇分路進攻。將巢內賊匪

悉數殲斃平毀柳溝集賊巢尚為得手著英

桂等督飭將士迅將三河尖老巢剋日殲除

並即撥兵援應。潁上其竄撲固始逆匪業經

官兵擊退仍著英桂等調兵防堵毋稍疏懈

又諭駱秉章奏援兵克復江西新喻縣城

進逼臨江府壘獲大勝一摺湖南官軍克復

袁州分宜郡縣後江西西路諸賊仍踞臨江

等處經該撫飭令即補道劉長佑由分宜進

勦新喻即選知府蕭啟汧由萬載進復上高

上年十二月初九等日劉長佑勦平寶山賊

壘立將新喻縣城克復餘賊退竄羅坊撫州

援賊會襲官營經劉長佑剿擊斬擒甚多旋

因賊援麇至劉長佑督戰受傷守備崔大光

等及分宜等縣團勇堵剿又各斃賊數百名

蕭啟江劉騰鴻自瑞州分援各軍復斬擒數

千名現在劉長佑仍進駐羅坊該撫飭調記

名道王鑫馳往援勦，無難剋期埽蕩，迅復堅。

城。前此劉長佑營盤被陷，本有應得之咎。姑

念該員屢著勞績且身受重傷仍能轉敗為

勝著從寬免其置議所有陣亡各員弁等並

著該撫查明具奏○諭軍機大臣等英桂勝

保奏請飭黃良楷挑選曹屬練勇來營等語。英桂等攻克柳溝集賊巢。惟嶺上粵逆方張。三河捻巢未破。既須力扼西北。又應兼顧東南。兵力不敷。分勦自係實情。但鄉勇一項。在本地防堵得力者。或未能徵調遠行。恐未必有二千名之多。此次英桂等所謂曹屬各勇。著崇恩即飭候補道黃良楷認真挑選。擇其曾經打仗。素知紀律者。或數百名。或一千名。備齊軍裝器械。即派黃良楷並添派幹弁數員管帶。前赴英桂勝保軍營。聽候調遣。每月應需口糧。即由山東藩司籌款撥解。以資接濟。將此由五百里諭令知之。○又諭本日據駱秉章奏。廣西賊首馬廷科與叛弁黃金亮結為死黨。回竄興安靈川。復添入賊首傅中榮等三股。二月間。傅中榮等攻陷柳州府城。賊首孔亞幅等均各糾黨勾結。逼近省城。桂林情形危急。旬日未接文報等語。廣西潯州未復。柳州又陷。茲聞賊勢披猖。已近省城。勞

崇光何以並未奏報。現在湖南兵力過單。駱秉章僅能分撥嚴守要隘。前經業名琛派廣東提督崑壽前赴粵西。勦辦潯州匪徒。此時駐兵何處。此外本省兵勇尚堪徵調者。共有若干名。或飛咨廣東撥兵援應。著勞崇光即將現辦情形。迅速馳奏。以慰廑念。將此由六百里諭令知之。○雲貴總督恆春等奏。已革副將陳得功。前經御史李培祐劾其習教各款。查明均非實情。現在師宗縣帶勇顯著戰

績。請免發遣。責令勦辦。回匪得旨。師宗一帶。現未全行肅清。正須該革員一手辦理。況詳查各情。並非實在。著仍遵第三次諭旨。俟續著勞績。即行奏請免遣。俾知奮勉。以贖前愆。○以湖南官紳籌備礮船軍需。無誤予布政使文格優敘。賞道員謝煌花翎。餘升敘有差。以勦辦江西湖北股匪出力。賞訓導丁際可等藍翎。餘升敘有差。○戊戌。孝端文皇后忌辰。遣官祭。

昭陵○以

孝靜康慈皇后梓宮奉安

慕東陵前期三日遣官告祭

天

地

太廟後殿

社稷○遣官告祭

奉先殿○諭內閣近年江浙二省辦理海運湖廣等省辦理折色所有停運軍船前經戶部

奏請將年分較遠者迅即變價並節次奏請飭催漕運總督查辦茲復據該部奏稱迄今年餘尚未據該漕督奏明辦理著邵燦即將現辦情形迅速具奏並著有漕省分各督撫迅將各該省停運軍船分別已未歸次並年分較遠可以折變船隻數目及節年應徵造船銀兩餘騰若干統限兩箇月詳細查明具奏妥速辦理以歸覈實而節虛糜○諭軍機大臣等前據崇恩奏派總兵王鵬年登州府

知府汪承鏞等籌護新漕並據怡良等奏稱雇募勇船會同水師巡緝當經諭知怡良遵照成案令護漕師船至東省石島洋面交替明白再行南下俾南北水師各專責成本日據端華等奏江浙運糧莊合順等沙船四隻在山東蘇山養馬島各洋面被盜劫去漕米多寡不等並劫去經費銀二千三百餘兩等語漕糧為天庾正供數日之間四船先後被劫該水師將弁所司何事實非尋常疏忽可比著趙德輟崇恩速即查明所有蘇山等洋面如在石島迤北著崇恩將東省所派鎮將等從嚴叅辦若在石島迤南則江省將弁無可辭咎即著趙德輟嚴叅懲辦續來漕船尚有百餘隻之多應如何嚴密巡護並著趙德輟崇恩嚴督各該水師將弁實力經理毋許再有疏失被劫沙船內除王驢鄉一船係在養馬島失事其餘三船均在蘇山被劫恐該處海島內必有匪巢屯踞並著崇恩督飭將

弁密速摎捕以清盜藪此次劫案務須人賊並獲毋令漏網儻或竄入津沽等處著譚廷襄飭令各該海口員弁先事嚴防不准稍涉疏懈致令闖入將此由五百里各諭令知之○又諭本日據福興文俊奏吉安官軍再克峽江水師焚毀賊船淨盡一摺現在該省西路軍情瑞州已嚴密兜圍臨江之賊亦紛紛敗散惟由新淦渡河東行者約一二萬人恐其併入撫州一路或分竄建昌廣信是東路

情形倍形喫重福興現在趕緊出省籌辦東路防勦事宜是否往廣信抑係先往撫建著即相機酌辦先其所急何路最要即先由何路進兵文俊在任兩年毫無布置致令江西賊匪擾及閩省光澤邵武相繼失守若不力加整頓必致不可收拾現已授耆齡為江西巡撫著即會同福興籌畫機宜務使各路軍情日有起色方為不負委任福興出省後即著耆齡悉心籌辦妥為調度毋得稍涉因循

致有貽誤將此由六百里諭令知之○山西巡撫王慶雲奏軍政屆期各營將弁徵調頻仍多未回營請展緩辦理如所請行○予江西陣亡千總劉雲才祭葬世職武生李本祭葬世職如祀總例○庚子以

孝靜康慈皇后梓宮奉安

慕東陵遣恭親王奕訢恭代行遷奠禮○諭內閣翰林院侍講李德儀著照料恭親王奕訢讀書○命江蘇在籍服闋侍郎潘曾榮來京

供職○以勦辦安徽甯國府賊匪克復涇縣城賞副將虎坤元總兵銜知州張琨守備劉萬得雷安邦馬元鎮喬中岳等花翎守備汪文清等藍翎餘升擢有差予陣亡遊擊馬鎮國祭葬世職○予江南禦賊被戕八品職銜江慶祺祭葬世職副貢生楊百揆等賞卹如例○辛丑

孝靜康慈皇后梓宮奉安

慕東陵遣悼郡王奕諒恭捧

神牌安奉

隆恩殿恭親王奕訢恭代行虞祭禮○以大葬

禮成遣官告祭

泰陵

泰東陵

昌陵

昌西陵

慕陵並

后土

永寧山之神○諭內閣綿森奏請將官兵俸

餉變通支領一摺著照所請嗣後馬蘭鎮屬

各營汛官兵應支俸餉銀兩即由該總兵造

冊咨送通永道覈准換給文領派員徑赴直

隸藩庫支領俾得按期散放以免稽延○諭

軍機大臣等有人奏署兩淮鹽運使淮揚道

郭沛霖署任四年之久所徵淮南稅課日形

短絀通泰所屬二十場每年抽稅可得制錢

一百萬串咸豐五年分該司造報淮南奏銷

僅收錢十萬餘串近來添卡愈多徵稅愈少

並信任泰州運判洪國柱冒領運庫銀五萬

兩未經報銷洪國柱侵蝕泰州稅錢八千餘

串延不批解該署司代為彌縫完結各等語

鹽課為帑項大宗淮南所屬引地尚多完善

之區當此餉需支絀宜如何竭力籌維若如

所奏徇縱屬員虧短稅項尚復成何事體著

何桂清趙德輟按照摺內所指各節將該署

運司任內所徵稅課徹底查明據實奏洪

國柱如查有侵那庫銀稅錢等弊著即先行

撤任一併嚴究懲辦以肅疆政本日降旨令

常鎮道喬松年署理兩淮鹽運使已革藩司

聯英現亦發往江南差委著該署督等於聯

英到江南後即飭令協理兩淮鹽務並令喬

松年等認真經理力清弊竇俾鹽課日有起

色以裕餉需是為至要原摺著鈔給閱看將

此諭令知之○浙江巡撫晏端書奏籌議接

辦浙鹽運赴江楚銷售即以課項接濟餉需

俟淮鹽運道疏通再行奏明停止並請令補用三品京堂張芾就近督運允之○以己革江蘇布政使聯英發往江南交署兩江總督何桂清差委○壬寅以恭修

慕東陵

隆恩殿先期遣官告祭

慕東陵及

后土之神○

上幸萬壽山詣

廣潤祠拈香○諭軍機大臣等福濟等奏皖餉不繼大局難支一摺據稱各營兵勇裁汰老弱尚不下二三萬眾加以李孟羣帶來楚兵每月需銀十七八萬兩方可敷衍近日山陝江省解來餉項數萬兩僅數十餘日口糧請於江海關每月撥解句容大營二十萬兩內每月分撥皖營二萬兩並片奏聞淮安府庫存有捐湊制錢三萬串楊村剝價銀三千兩係豫備金陵善後之需請暫將此款那用

等語皖省缺餉情形實較他省為緊急前此無巢之陷相城之潰皆由餉糈不給山陝等省協濟之項既不能如數撥解何可坐視飢疲致令軍心渙解著何桂清趙德輿即於江海關月解句容餉項內分撥二萬兩解赴福濟軍營藉資支給其淮安府庫是否存有捐項及剝價銀兩並著該署督等查明如可暫那亦著一併解往以應要需將此由六百里諭令知之○又諭安徽軍餉缺乏自係實情

惟本年山陝河南浙江江蘇陸續撥解皖餉數已不少並據庚長英桂奏籌米麥八千石解赴該省前曾諭令福濟設法迎提現在本省既無可籌撥自應先就各省已撥之款趕緊催提並疏通糧道俾得源源接濟斷不可專待部撥之款致有貽誤將此由六百里諭令知之○以廣西新甯州城被匪竄陷革代理知州徐師銘把總梁琨外委黃大邦職仍留營效力以勦殲廣西凌雲縣竄匪出力

賞署知縣余夢衡藍翎以同知升用予安徽陣亡佐領塔斯杭阿榮福驍騎校常山委驍騎校喜瑞防禦尚安前鋒校興林都司崔雙美守備聶雲龍千總馬順元張其芳聶振龍蔣士元從九品褚弼祭葬世職予江南陣亡千總羅兆熊外委羅玉才從九品彭玉超祭葬世職予廣西義甯縣陣亡遊擊韓鳳祭葬世職癸卯諭內閣前因大錢壅滯疊經降旨嚴禁阻撓現今在京各局增鑄鐵制錢分成搭放俾與銅鐵大錢相輔而行原為便民起見並非置大錢於不用儻有奸商造作謠言阻撓大錢故意低昂希圖射利者仍著步軍統領衙門順天府五城一體察訪嚴拏即按新定章程懲辦以儆刁風又諭戶部奏遵旨酌議滇省錢局提用銅斤一摺著照所請雲南省城川東二局現在需銅鼓鑄所有在廠未運銅斤著准其酌量提用其已運在途未到之銅仍著陸續轉運解京並

著恆春舒興阿即飭廠店各員分別趲辦以資鼓鑄此後該省添鑪加鑄錢文銅本稍可周轉仍將撥用銅斤採辦歸還京銅原款另片奏浙江江西二省歷年欠解滇省銅本銀兩屢催未解等語並著晏端書著齡設法妥籌陸續撥解以濟要需諭軍機大臣等御史趙元模奏江蘇現辦捐釐請飭該督撫等嚴禁官役勒捐舞弊一摺據稱江蘇揚常鎮屬接壤地方設有小河口普安新港三江營荷花池五局抽釐其委員收稅並不遵照規條任聽差役勒索通同乾沒因之本地土豪藉端挾制甚至聚眾搶奪行商視為畏途近處商民亦復受其荼毒等語抽釐之舉本出於萬不得已既定收稅章程自應照例辦理何得縱容劣員土棍勒索擾害著何桂清趙德轍德興阿翁同書隨時察訪傳諭文煜責成該管道府州縣實力嚴禁違例擾累者立即嚴拏從重懲辦以杜積弊而安民業另片

奏革員雷以誠所收畝捐錢文請飭文煜速行覈辦等語雷以誠前在揚州軍營辦理畝捐上年八月間經德興阿奏明共收解錢三十萬二千餘串已於撤停各捐之時將卷宗移交文煜查辦迄今又逾半年尚未據實奏銷此項錢文為數甚鉅並著德興阿等迅飭文煜督率委員趕緊清釐毋令日久稽延致經手人員諉卸彌縫重滋弊混將此諭知何桂清趙德轍德興阿翁同書並傳諭布政使

文煜知之○又諭扎拉芬奏接據俄夷匪蘇勒官來咨籌辦情形一摺阿爾噶依圖金廠早經停撤何以居駐伊犁之匪蘇勒官咨稱西畢爾派兵將它金人等逐回又稱該總管吩咐致信於兵隊未到之先豫行逐回是否藉詞聳聽抑係該處尚有它金流民著明誼速派妥員前往卡倫認真巡查如有私越偷挖者即悉數勒回以息爭端扎拉芬奏所給俄夷匪蘇勒官回文措辭尚屬得體即著

照此辦理至明誼咨調協領圖們泰等赴塔爾巴哈台以備與俄夷理諭自係為先事豫防起見但該夷遣官前來遲早未定圖們泰哈布齊賢等派管夷國貿易現當稽查喫緊之際未便久曠職守著俟塔爾巴哈台接准該夷遣官明文再派該協領一員兼程前往尚可無誤俄夷藉端生事其情叵測雖未顯形背叛不可不豫為之防扎拉芬奏於夷務情形較為熟悉本日已明降諭旨仍著補授

伊犁將軍務當體察情形與明誼妥籌辦理以副委任將此各諭令知之○命伊犁將軍常清來京仍以扎拉芬奏為伊犁將軍○以守禦安徽潁上縣城出力賞知縣程鈺守備陳廣譽花翎外委閻進升藍翎並升擢有差予安徽陣亡佐領達爾瑪滿噶拉委防禦富和驍騎校隆德薩音烏玉圖密吉克僧額委驍騎校成德祭葬世職○甲辰諭軍機大臣等邵燦等奏派撥兵勇會剿邛邛等處擒

匪一摺前因郟城界內有新起捻匪肆擾諭令崇恩酌派官兵會同徐州帶兵各員悉力殲除茲據該漕督等奏該匪被勦敗逃分撲宿遷之岫嵒驛復經我軍回擊現在岫嵒紅花埠驛路肅清惟郟海沭各處素多土匪該匪沿途裹脅已有二千餘人勢甚猖獗疊經邵燦庚長分派弁兵前往海沭一帶抄擊崇恩諒亦派員帶兵會勦此股新捻雖經東竄不可區分畛域致令匪勢鴟張著崇恩仍飭地方文武並派出官兵越境會勦杜其回竄俾得及早撲滅並著邵燦等飭令侍衛伊興額遊擊安浩同知朱善張等各帶兵勇馳往海沭一帶相機兜勦毋令蔓延將此由五百里各諭令知之○以孝靜康慈皇后梓宮奉安禮成予恭理喪儀及隨從行禮王大臣並執事各官加級有差○賞恭請昇輦校尉民夫銀○乙巳

上詣時應宮拈香○還宮丙午上御太和殿視朝王以下文武升轉各官謝恩幸圓明園賞加守護西陵及承辦慕東陵事務大臣官員禮部工部內務府各官二級值班守護各官一級巡護官弁一級領催馬甲兵丁一月錢糧○戊申諭內閣總管內務府大臣裕誠等奏請將世職幼官歸入兩翼幼官學肄業一摺內務府承襲世職幼官向不入官學肄業及歲時復不分優劣概准支食全俸殊不足以廣造就而示勸懲此後內務府世職幼官著照八旗定例歸入兩翼幼官學肄業以昭畫一○署兩江總督何桂清奏送親北上宿遷道中接奉寄諭即折回江南所有籌防籌餉事宜容蒞任後與撫臣盡心經理得旨卿膺茲鉅任一切展布朕將拭目以待惟汝父進京有何人在側可奏

來朕甚念焉○以已革土默特貝子德勒克色楞子索特那木色登襲爵○以福建邵武府城被賊竄陷革署參將禧祿職○以勦辦湖北襄陽匪徒及守城出力賞布政使馬秀儒知府恩祥知州杜嘉善參將阿昌阿都司錢得勝唐文山守備唐敏興等花翎千總唐華蔚等藍翎餘升賞有差○以湖北襄陽縣紳民力保危城永廣文武學額各二名○已酉

平定回疆

十

上御勤政殿聽政○諭內閣御史李培祐奏請將失守城池人員應得罪名飭令迅速查辦一摺粵匪滋事以來各省失守城池之文武員弁業經查辦者已屬不少茲據該御史奏稱河南湖北江西安徽等省尚有未經查辦各員不足以昭炯戒著吏兵二部查明具奏毋令日久延宕致有疏縱○又諭福濟等奏請將廬州撤遣兵丁仍令各原營照數補足等語廬州大營兵丁裁汰老弱撤遣歸伍現

當攻勦喫緊之時自應添補足數以實戎行

著熱河都統密雲副都統陝甘山東各督撫查照撤回兵丁之數挑撥更換備齊軍裝器械遴委得力將備管帶前赴福濟軍營毋稍遲誤○諭軍機大臣等前因福濟駐兵梁縣廬州餉道無虞梗阻特諭秦定三即帶貴州官兵及真勝勇一千二百名馳赴和春軍營助勦本日據福濟奏正陽關業經攻克臨淮一帶更無須該提督帶兵駐守現在江南軍

實錄卷一百一十五

十

營攻勦喫緊著秦定三即帶所部兵勇剋日前往丹陽毋許再事逗遛其各省撥解皖餉經由道路即著福濟設法疏通以資接濟將此由六百里各諭令知之○浙江巡撫晏端書奏籌防福建交界處所應派文職大員會辦請將知府梁恭辰以道員留浙差遣得旨梁恭辰不過會同辦理俟著有勞績方准酌保亦不准若此之優○以故輔國將軍有興子玉鎮降襲奉國將軍○以大理寺卿富慶

內閣侍讀學士書元太僕寺卿張錫庚為都察院左副都御史詹事府詹事奎章為通政使司通政使以恭修

宣宗成皇帝本紀告成予國史館提調官崇芳等升敘有差○以克復安徽正陽關賞道員金光勛遊擊成桂巴圖魯名號都司吉昌等花翎予安徽繁昌縣陣亡署知縣張雲祥祭葬世職子文童張長椿及家丁勇目等賞卹如例庚戌

實錄卷二百二十四

主

孝慎成皇后忌辰遣官祭

慕陵○諭內閣王懿德奏請將因病取巧之臬司懲處等語福建按察使保泰在延平防剿因病告假業經該督查明尚非藉詞規避惟不候代理人員接印交卸輒將印信委員費送回省就醫究屬跡涉取巧保泰著交部議處○諭軍機大臣等御史孟傳金奏知縣偽造鈔票勒捐苛斂請飭查抄拏訊一摺據稱直隸正定縣知縣錢萬青前任巡檢時即詐

嚇誑騙署天津縣時禁民間不用柴薪婪得多贓現任正定縣復將庫中銀錢盡入私囊並於錢糧差徭任意苛派不遵者鎖押刑訊其徵收錢糧大錢鈔票一概不收每銀一兩浮收制錢一千餘文又自造偽鈔萬餘紙偏令民間行使等語種種不法殊出情理之外著譚廷襄按照所奏各款確切查明嚴叅懲辦至該御史呈進該員所發官票蓋用該縣印信似非偽造惟地方官向無自造官票之

實錄卷二百二十四

主

例是否該員藉此苛斂民財並著該督查明具奏原摺著鈔給閱看該員所造官票二紙一併發交查驗將此諭令知之尋奏知縣錢萬青任天津縣時創議禁用柴薪曾經通稟事未及行無從婪贓任正定縣時前任並無移交存庫銀錢無從侵蝕錢糧差徭向遵舊章辦理提訊書吏調覈簿卷均屬相符並無苛派鎖押刑訊案據徵收錢糧鈔票大錢分成交搭收統計每銀一兩折收制錢二千三百

一文惟因官票壅滯整數難於搭用遂刊刻零星錢票以散易整雖為疏通官票起見第未稟明上司率即試行請交部議處從之○又諭王懿德奏逆匪連陷縣城並建甯府城被圍請飭調兵助剿各等語江右逆匪闖入閩疆自攻陷光澤邵武後建甯府屬之崇安建陽邵武府屬之泰甯建甯四縣城池相繼失守逆氛猖獗復敢圍攻建甯府城賊眾兵單該督請催饒廷選仍統原帶福建兵勇一

實錄卷一百一十五

三

千名折回浦城並令鍾寶三統帶溫台精兵五百名由溫州福甯一帶趨赴延平披覽所奏情形實屬萬分緊急王懿德由省赴延督剿所帶兵數僅有福甯兵五百名省標兵二百名當此寇氛四逼非厚集精銳難資堵遏昨據晏端書奏已調溫台兵七百餘名由鍾寶三帶從福甯取道邵武金處兵三百餘名飭吉祥帶往福甯著晏端書飭令迅速趨入閩境毋稍稽延饒廷選一軍因三衢防務喫

重未能折回閩省惟該撫昨奏派往三衢防堵有甯國彪勇八百餘名派往仙霞嶺駐劄亦有操練兵五百餘名楚勇六百餘名原以固浙省藩籬與其在仙霞等處株守待賊不如越境追剿與閩兵合力速解建郡之圍著晏端書即飭堵剿仙霞將弁拔隊前進再由三衢防堵兵勇內酌撥千名一併前赴建甯歸王懿德調度以期迅掃賊氛所有浙省派往兵勇並著晏端書接濟軍餉俾免缺乏一

實錄卷一百一十五

三

面飛咨鍾寶三兼程援救邵武毋再遲延王懿德業已出省前赴延平著即親督各兵相機調度以期殲滅羣醜毋令再有蔓延將此由六百里各諭令知之○又諭寄諭駐藏大臣赫特賀等昨據曾望顏奏西藏喇嘛由陝赴京訊取通事供詞呈覽據稱該喇嘛係前藏第穆寺光興黃教阿齊圖呼圖克圖情願助餉募勇平賊因無前路公文現在截留陝省等語當將該喇嘛所遞番字呈詞交理藩

院譯出內稱曾得諾們罕呼圖克圖名號今被沙扎噶布倫奪去欺滅黃教欲求瞻仰天顏現為西安府截留心中委屈如令平賊必有效等語是其進京實為控告噶布倫起見所稱助餉平賊係屬聳聽之詞從前第穆呼圖克圖阿旺羅布藏吉克美嘉木魯因不守清規經穆騰額等奏明發往宗喀嗣經諄齡等奏該喇嘛於四年十二月二十日不服水土在桑喀病故當將屍身焚化現在該喇嘛自稱未死是否捏名冒充虛實均應根究已諭曾望顏將該喇嘛解至四川由四川遞回西藏並將所遞金佛哈達一併發還著該大臣等俟遞解到日即行確切查明如有假冒情弊從嚴懲辦儻從前諄齡等所奏不實亦無所用其迴護即將查辦情形據實具奏將此諭令知之○以福建建陽崇安奉甯建甯等縣城被匪竄陷革知縣王華楊丙生蔡嘉禾楊士箴職併逮問

實錄卷三三五

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百二十四

實錄卷三三五

三

林翼請也 展緩廣東海豐和平恩平三縣

摺山西調赴河南換防之大同鎮兵五百名

業經截回本省此項官兵著准其移劉平陽暫歸太原鎮總兵瑞格等酌給口糧與該鎮官兵一體勤加訓練以資防守 山東巡撫崇恩奏報鄆等處擒匪經官軍截勦情形得旨總須以勦為防不可專顧本境豫存以鄰為壑之念也 命山東巡撫崇恩來京陛見以布政使吳廷棟署巡撫 乙卯欽差大臣德興阿等奏報攻勦瓜州獲勝情形得旨仍著實力進攻不可專俟江南捷信 河南

巡撫英桂等奏袁甲三督兵毫境擬俟亳州賊圩攻破後再令袁甲三酌帶兵勇來潁協勦其亳州擒捕餘匪各事宜即令史榮椿督辦報可 以勦辦雲南大理府逆回出力賞都司劉沛然何有保巴圖魯名號 丙辰以恭親王奕訢為鑲紅旗蒙古都統惇郡王奕誼署正紅旗蒙古都統調鑲藍旗蒙古都統桂良為正白旗滿洲都統鑲紅旗蒙古都統景壽為鑲藍旗蒙古都統科爾沁親王僧格

林沁署鑲紅旗漢軍都統 以鑲紅旗漢軍都統劉鈺署西安將軍 予故署西安將軍正白旗滿洲都統薩迎阿祭葬諡恪僖 丁巳諭御前大臣軍機大臣等今日引見後著御前大臣軍機大臣會同譚廷襄妥議流通大錢暨鐵制錢辦法並將將來設有窒礙之處作何補救之方一併議及庶免京外情形有所隔膜惟不必另立章程徒涉紛更總期潛移默運益民生而裕經費也尋御前大臣戴垣等奏疏通大錢並搭收錢糧應先由直隸酌定章程再由戶部覈計方能中外相符不致隔膜應請自本年下忙為始直隸徵收錢糧悉照銀七票三辦理其大錢三成即納在鈔票三成之內交票交錢悉聽其便仍於各府設立鈔局准以鈔票與大錢互相易換再以大錢分發各行店按二八搭配行使庶鈔票與大錢互相通融以為補救再查鐵錢局及五字各官號捐銅局平糶處共存鐵當

十錢五百餘萬吊已足敷搭用所有鐵錢局尚鑄二成大錢應照現議停鑄其停鑄銅制錢加鑄銅大錢應由戶工兩部酌改卯額分別奏辦總以鐵制錢與銅大錢相輔而行仍以寶鈔運實於虛以便民利用從之江西巡撫文俊奏瑞州一軍疊獲勝仗賊勢日漸窮蹙臨江之賊自陰岡嶺敗後大半回竄撫州其勢已弱現經劉長佑等督率江楚兵勇水陸合攻聲勢甚盛得旨瑞臨兩處微有轉機著趕緊飭令攻勦迅期掃蕩勿任餘賊負隅又擾竄他處徒受牽掣日後只能收復空城未殺多賊以一奏報塞責也以宗人府右宗人奕興署正藍旗滿洲都統以攻破江西贛州潭口等處賊巢並克復崇義縣城賞總兵官壽山阿隆阿知府汪報閏花翎餘升擢有差以湖北官軍援勦江西竄匪並克復奉新靖安安義等縣城賞守備吳修致普承忠花翎縣丞涂宗孟等藍翎餘升賞有

差 戊午諭軍機大臣等邵燦庠長奏徐郡無須添兵請將察哈爾馬隊調赴勝保軍營一摺德勒格爾所帶察哈爾官兵前因餉糈缺乏准其就近前赴徐州仍候英桂等調遣嗣據英桂等奏在營之察哈爾官兵臨陣不能得力業經全行撤回歸伍德勒格爾所帶之兵既多患病馬匹又經倒斃若調往軍營恐亦未能得力著一併撤回即交原帶員弁妥為管帶歸伍並著邵燦等飭令沿途地方官豫備車輛支給口糧分起行走德勒格爾即由懷遠馳赴英桂勝保軍營聽候差委徐州所購土駒著邵燦等派員解送英桂軍營備用昨據英桂等奏擒匪勾結長髮賊廣聚方家集調兵合剿雖有斬擒而該匪負隅抗拒究未大加懲創該撫等是否督兵前進著將近日勦辦情形隨時具奏將此由五百里諭知邵燦庠長英桂勝保並傳諭德勒格爾知之○賞休致河南河北鎮總兵官積慶半

俸 修福建南靖縣山水衝坍隄岸從總督王懿德請也 己未諭軍機大臣等前據英桂等因兵力不敷奏請飭調湖北官兵當經諭令官文等酌調千名赴豫會剿茲據該大臣等奏賊眾兵單楚軍亦難調撥請飭陝西省即調龍澤厚一軍馳赴英桂軍營等語龍澤厚所帶陝兵前經英桂等奏因光固一帶喫緊已飛咨該副將前往援剿現在龍澤厚是否已赴光固尚未據英桂等續報著會望

顏迅即飭令該副將前往河南聽候英桂等調遣至三河尖逆匪敗竄復踞方家集負隅抗拒英桂等亟應督兵前進痛加剿洗所有直隸省調赴潁州官兵一千名此時諒已到營所調山東省黃良楷管帶曹屬練勇當亦到營兵力不為單薄著即將方家集一帶逆匪趕緊會剿次第肅清毋再延宕將此由六百里各諭令知之 引見翰林院保送御史人員得旨胡瑞瀾徐士穀蔣志澐鄒石麟劉

有銘俞奎垣薛書堂曾璧光俱著記名以御史用 予湖北陣亡知縣李景湖祭葬世職如知府例千總張鵬高楊高桂祭葬世職如都司例把總胡開禮六品翎頂朱大倫祭葬世職如千總例 庚申諭內閣慶端奏請將應廣學額各屬先行查辦等語福建省自咸豐五年以後各屬紳民捐輸兵餉及運津米石防剿經費均屬踴躍急公自應查照成案廣額以示鼓勵著學政吳保泰就按試府州縣確查捐數先將應廣文生學額如數加取並將銀數額數隨時咨部查覈其應廣武生學額及文武鄉試中額均照所議俟下屆歲試並明年戊午科鄉試分別辦理 諭軍機大臣等和春奏連日攻勦句容逆匪獲勝情形一摺此次官兵連日進攻句容和春張國樑均能親督兵勇擒斬尚多惟該逆負隅日久牽掣我兵傳振邦攻勦溧水雖經獲勝我軍亦有傷亡終尚未能得手且聞該逆有內

竄高瀆之意雖經和春等撥兵堵剿但句容溧水二城不克日久必生他變當此餉缺兵疲豈可日事遷延不思迅圖克復著和春張國樑督飭傅振邦等分路圍攻速將二城克復再圖併力攻打鎮江毋得坐耗錢糧自取罪戾再據福濟奏泰定三軍營管帶黔兵之遊擊聶桂榮都司黃國亮居心險詐遇事把持句串不法兵勇赴盱眙五河等縣勒派捐輸民情怨恨泰定三為其挾制請飭和春俟

泰定三過江後留心察看等語現在泰定三已由正陽關馳赴江南著和春嚴密訪查如聶桂榮黃國亮實有把持生事情弊即行據實嚴參毋稍徇隱將此由六百里諭令知之欽差大臣江南提督和春奏軍政屆期現值軍興不能通行考覈請俟軍務告竣再為舉行從之貴州巡撫蔣蔚遠奏請留新授提督佟攀梅總兵官蔣玉龍巴揚阿協同督辦軍務暫緩陞見允之調雲南開化鎮總

兵官巴揚阿為貴州古州鎮總兵官貴州古州鎮總兵官明慶為雲南開化鎮總兵官予江南陣亡參將滿祿守備劉信忠千總蔣占元把總謝用貴祭葬世職辛酉命前任甘肅布政使常績以三品京堂候補壬戌諭軍機大臣等有人奏江南大營有保升總兵之副將王浚前在廣東署副將任內失機參革後投效廣西貴緣開復去年五月向榮派赴仙鶴門攻剿因該副將平日剋扣兵餉

是以兵不用命連戰失利敗至馬羣地方致大營不能剋住退守丹陽其時兵勇聲言如將該副將正法即當奮勇爭先同心殺賊該副將知犯眾怒請假經旬和春到後復令該副將充當翼長將士均聽指揮恐貽誤軍情各等語該副將恒怯無能屢經獲咎又復營私扣餉致失兵心值此防勦喫緊之時未可畀以重權和春初到江南未必知王浚債事前情今既有人指參著該大臣秉公查辦據

實嚴參母得稍存迴護致誤大局再朕聞江南大營壯勇人數過多往往不能打仗徒費錢糧甚至於丹陽一帶潛行劫掠以營盤為藏身之地地方官無從拏辦當此軍餉支絀急應裁汰浮濫又況此輩行同賊盜豈可令其匿跡軍營著和春即將無用之勇設法裁撤並查明滋事各勇拏交地方官嚴行審辦以肅軍律又聞營中委員實在辦事者本屬無多此外皆徇情濫收一為希冀保舉一為

圖得薪水口分其中奸猾之員竟以軍營為利藪軍士每憂缺餉而若輩轉坐享膏腴尤為可惡並著和春查明將各營濫設委員嚴行裁汰以期餉歸實用不致虛糜將此由四百里諭令知之又諭袁甲三奏攻勦賊圩疊獲勝仗現在連營合圍一摺該匪分踞三圩互相犄角其並無悔禍之意已可概見袁甲三察其乞降之詐併力進攻復偪圩築營憑高下擊辦理尚合機宜惟該匪既與南賊

句通則聲息尚難遽斷必須迅速攻克埽除一處賊圩即少一路枝節雖據奏稱王圩之賊萬分窮蹙鄧圩之賊亦被遏截而轉瞬麥收將熟儻南賊實圖回竄則死灰難免復然史榮椿朱連泰等均係得力鎮將正當乘此聲威一氣埽蕩即與英桂等會兵進剿不可久為圩賊牽掣致分兵力至所請駐毫帶兵大員英桂等前奏原以有史榮椿在彼毋庸另派惟袁甲三攻破賊圩南下之後若令史

榮椿坐守亳州則帶兵進剿少一得力大員恐於事轉無裨益歸德練勇及永城防兵均已裁撤渦河以北不免空虛著英桂勝保酌量另派大員能督辦後路防守事宜者前赴亳州一俟袁甲三史榮椿攻克三圩統兵前進即著派出之員駐守亳州隨地摻捕以固豫省藩籬將此由六百里各諭令知之○以副都統銜勝保為密雲副都統未到任以前任京口副都統哈福那署理 癸亥遣官

祭

關帝廟 諭內閣樂斌奏勦捕番匪獲勝一摺上年甘肅嘉峪關外驛路時有山內果洛克賊番出伺行劫經提督索文派兵入山擒捕將潛匿祝魯果賊番痛加勦除本年四月間探有賊番在素賴地方插帳復派兵勇前往攻擊賊番搶占雪山抗拒槍礮對轟晝夜環擊兵勇復由間道繞至賊後兩面夾攻轟斃一百餘名斬獲首級八十三顆生擒番僧

一名番賊一名跌落崖澗雪窖者不計其數奪獲牛馬驢羊六千餘隻立將巢穴燒毀盡淨積年兇匪全股殲擒辦理尚屬認真所有在事出力官弁兵勇著該督查明擇尤保奏候朕施恩 諭軍機大臣等安徽藩司李孟羣由湖北帶兵赴援廬州途次克復英山業經官文等馳奏本日據該藩司奏稱逆匪自勦敗後復糾大股屯聚張家塆地方圖襲黃梅大軍之後而霍六逆匪有竄至河南商城

境內者有進窺英山者該藩司添募壯勇嚴扼羅田隨勦隨進每月需餉三萬餘兩皖省道路不通湖北續撥餉銀支放已盡請飭撥專餉以資勦辦所奏自係實情英霍蕪黃等處賊勢蔓延楚皖兩軍皆有鞭長莫及之勢今得該藩司一軍盡力勦辦則上可以固湖北藩籬下可以通廬州道路關繫實為緊要該藩司原帶兵勇二千五百名兩次添募又四千餘名每月需銀三萬兩尚不為多著官

文胡林翼先速籌銀二萬兩解赴該藩司軍營以資接濟此後如廬州道路尚未能通仍著官文等酌量籌餉協濟至皖省餉需起解在途者尚有十餘萬兩李孟羣一軍已到安徽地界福濟豈能置之度外著於各省撥餉解到後疏通道路酌量分撥解往俾得迅速勦辦直達廬州又李孟羣片奏皖楚交界各屬必須激勵團練以助官軍等語所奏甚為剴切所有兩省交界地方官紳士民團練殺

賊及捐資練勇著有勞績者即著該藩司查明擬定獎勵如係安徽所屬即詳明福濟如係湖北所屬即詳明官文胡林翼奏請優獎以昭激勸將此由六百里諭知官文胡林翼福濟並傳諭李孟羣知之 又諭慶端奏汀州府及屬縣相繼失守等語江西逆匪竄入閩省地方邵武失陷建甯被圍近又竄陷汀州府城暨甯化縣城會匪連陷清流歸化而泉州府城亦被匪徒乘機攻撲下游騷動各處蔓延情形深為可慮前已諭令葉名琛撥

兵二千名赴閩本日又令添撥一千或數百名一併星馳助勦惟汀泉二府相距寫遠泉州與福州省城較近自應先援泉州或分兵援應汀州已令葉名琛酌量辦理著王懿德察看情形飛咨廣東先其所急無誤事機閩省各路匪徒蜂起已成燎原之勢援兵未到之先應如何調兵分布王懿德已赴延平居中調度慶端駐守省垣務須嚴扼要隘以待

調齊兵勇分路進剿所有浙省援兵是否已到建郡自擊退賊匪之後能否撥兵固守堵禦邵武賊蹤至汀州等屬失守該撫僅據各路稟報並著查明詳細情形及文武各員下落一併具奏將此由六百里諭令知之 又諭閩省賊勢蔓延兵單餉缺王懿德親往延平居中調度若無鄰省重兵救援恐成瓦解之勢前諭葉名琛調撥廣東兵二千名並接濟口糧諒已遵照辦理惟彼時止為援應邵

武一府起見今汀州失陷泉州被圍恐兵力尚屬不敷著葉名琛再行酌量添調或一千名或數百名派委得力大員一併統帶星馳赴閩其經由道路泉州逼近省城自應先援泉州次及邵武汀州雖與廣東接壤其距泉州尚遠能否分兵協勦之處並著葉名琛斟酌辦理無誤事機再前據葉名琛奏喫夷被創後久無動靜擬暫停攻擊以待轉圜等語至今月餘未見續報目下夷情是否已就範

圍不致別起釁端抑或尚在相持迄無定議至粵海關稅課為各省軍餉要需現在曾否與他國通商有無收納關稅之處著該督速行詳細具奏以慰廑懷將此由六百里諭令知之乙丑諭軍機大臣等有人奏淮揚各屬下河水利請飭將運河各牆壩相時啟閉一摺據稱淮揚一帶近歲田畝歉收不盡由豐工未築清淮以下無水之故實因高寶五壩耳牆未啟有司既恐啟閉經費無出劣紳

千集本十三

三

土豪復藉買水為名圖飽豁壑以重賂營謀竟敢於官河築壩攔截使下游涓滴無沾而下游八壩概不堵築致運河水無停蓄上游灌溉無資邇來漕艘既歸海運水利專在民田僅能及時啟閉藉可蓄水濟旱歲費工程不過萬金並可計畝攤捐等語河工設立牆壩原以利運便民必當因時制宜俾田畝無水旱之憂於民食軍餉均有益著何桂清庚長按照摺內所稱各情形詳細體察酌量

辦理原摺著鈔給閱看將此各諭令知之

又諭前因江南大營壯勇潛出滋事並委員人數過多諭令和春分別查拏裁汰連日復有人奏江南抽捐名目過多糧臺委員百餘任意開銷蘇常兩府二三百里內設立抽釐局卡至數十處之多稽查難徧弊竇百出近復有創為畝捐捐鋪捐丁捐之說科派紛繁徒滋擾累糧臺委員於兵糧則抵換醜米於捐款則需索使費鎮江潮勇二千名最為不法

千集本十三

十

不服調遣四出搶掠擾害行旅常州所駐督標新勇七百名亦多劫案皆以營盤為藏身之地無從緝捕又與收養之金陵難民恃眾橫行實為腹心之患等語因思勸捐一事原屬不得已之舉若多設名目而利歸浮蠹徒使上擔虛名民受重困既無裨正餉尤恐別啟事端著何桂清趙德輿將江南抽釐卡局擇其扼要之地歸併數處其餘悉加裁汰使便於稽查不令委員漁利及土棍冒名擾及

行商轉致商人裹足正課無收江北之揚州
通奉一帶亦著派委妥員察訪仍責成文煜
及該地方官覈實辦理毋得多派冗員致滋
流弊其捐輸名目有瑣屑病民者酌量裁撤
以歸簡易而杜侵漁所有糧臺濫設之委員
著會同和春嚴加裁汰其有從中射利積慣
侵吞者嚴叅懲辦並將常州所駐兵勇滋事
者分別查拏無用者分別遣散毋令與難民
勾結致貽後患以節浮費而靖地方將此諭
令知之

實錄卷三十五

十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十五

實錄卷三十五

二十

附休羅密官經見議起用法官太保上書房應傳入滿閣領閣事翰林院學士等職入士部事務之國史館應傳入典史
大學士管親兵部事務加十三級紀錄十四次官積勞本應議官起還議官太保文西閣領閣事武英殿總管教習庶吉士體仁閣
大學士管理戶部三庫事務管理刑部事務加二十三級紀錄十六次文周祖培總管文士部管理內務府事務翰林引見官學士文
能直隸滿洲都統戶部尚書管理三庫事務加四級隨帶加五級紀錄十二次官寶熙總管文士部事務自能散放清文博達上書房總辦
清國史館總管官正員級散官各部總權部尚書管理本營中滿漢中書加二級事務加四級隨帶加八級紀錄六次官徐世昌考考未

奏籌撥地丁項下銀二萬兩解赴安徽捐輸
項下銀二萬兩解赴湖北以濟軍需報聞
丁卯諭內閣邵燦庚長奏擒匪大股攻撲沐
陽當即擊退並將全股勦平一摺擒匪陳遐
齡等結夥肆擾又有孟二等率黨麇集膽敢
進撲沐陽縣城城中早已準備適參領果全
等帶兵追賊至沐陽南岸葉家嶺殺賊三十
餘人賊擾新挑河我軍誘敵知縣董保成遊
擊海洪阿等伏勇驟起並與城內鄉團聲勢

宿遷邳城一帶地方均已肅清此股擒匪在新挑河被擊大敗全夥散竄徐州兵與清河勇總盡力捕勦殲除殆盡並將首匪孟二李廣等擒戮所辦尚為妥速仍著邵燦等督飭該地方員弁將在逃之擒首陳遐齡陳玉標二名緝拏務獲以絕根株而靖地方○山西巡撫王慶雲奏委試用道孫晉輝署雁平道缺得旨孫晉輝曾督晉學辦事殊未允協今既為汝屬員不可稍涉情面仍應隨時察看

設有不洽輿情或尚稱幹練遇便奏來補鑄福建尤溪縣知縣印信從巡撫慶端請也戊辰諭軍機大臣等王懿德奏閩省軍情緊急餉需匱乏請飭廣東浙江省各撥現銀十萬兩等語現在福建上下游各路防剿各屬地丁等款已無可徵收兵餉萬分支絀若因欠給過多致兵勇紛紛譁潰關繫非細惟粵浙兩省現亦需餉浩繁撥解恐難如數著葉名琛晏端書於無可籌撥之中先各撥現

銀數萬兩迅速解閩以濟該省目前之急毋稍遲誤又據奏稱閩省郡縣疊陷兵力單薄已飛咨江蘇省飭令前上海道吳健彰就近召募廣勇五百名管帶赴閩助剿等語吳健彰現在丹陽軍營能否即帶勇赴閩著何桂清趙德轍斟酌辦理再有人奏江南各營欠餉甚鉅深虞兵勇潰散所辦釐捐亦不及浙省捐輸之踴躍請飭江浙督撫公同商酌於浙省中揀派大員會同江蘇司道籌辦餉糈

等語江浙唇齒相依總當不分畛域同心籌餉即著何桂清趙德轍晏端書體察情形會商妥辦將此由六百里各諭令知之又諭王懿德奏馳抵延郡統籌軍情一摺前據慶端奏逆匪攻陷建泰二縣後復竄甯化縣城並勾結千刀會匪連破汀州清流歸化府縣城池此次王懿德奏報僅及建甯府勦賊並甯化縣被擾等語自因文報梗阻未能遽知汀郡情形汀州所屬多與江廣兩省壤地相

接並與上游之延平下游之龍巖漳州處處毗連賊勢蔓延亟應杜其旁竄之路現在建郡城圍未解該逆已於雞公嶺築堡安礮阻我進兵之道鍾寶三援師能由福甯直達建甯即可令與趙印川所統兵勇上下兜剿以分賊勢建陽逆蹤未退則順昌扼守宜嚴延平雖係三面受敵之地王懿德既已抵郡駐師正可居中策應兼顧建汀兩路以為省垣屏蔽惟林俊率黨復在泉州圍撲府城著飭

署提督張廣信悉數殲除俾下游早就肅清
庶上游不致牽掣前曾諭令葉名琛於前撥
精兵二千名外再酌添一千名或數百名一
併赴閩助剿王懿德惟當先就現有兵力周
密布置以剿為防不得專待客兵致滋貽誤
將此由六百里諭令知之 予福建建安縣
勦匪陣亡知縣何鎮之祭葬世職如知府例
並於殉難地方及河南原籍建立專祠子監
生守純賞卹如例並附祀 己巳以會剿湖

北襄樊竄匪出力賞署遊擊吳永慶巴圖魯
名號署總兵官龍澤厚都司盛玉花翎以
防剿陝西平利縣竄匪出力並克復湖北竹
山縣城賞署遊擊常有花翎餘拔補有差
予廣東遇匪被戕開平縣知縣夏謙祭葬世
職如陣亡例 庚午賞已革江蘇巡撫許乃
釗三品頂帶命往江南欽差大臣和春軍營
辦理文案 辛未諭軍機大臣等英桂勝保
奏進剿方家集賊巢獲勝現籌圍攻一摺龔

逆大股擒匪官軍南北夾擊窮蹙已甚正當
四面圍攻殲除淨盡如果接濟斷絕嚴密合
圍自不難聚而殲旃惟此時邱聯恩一軍已
調赴禹州甯夏續調官兵又截留省城龍澤
厚一軍尚未到營誠恐兵力不敷圍剿該逆
又將來隙竄逸英桂等務當趕緊進剿就近
殲除設有逸出敗匪即撥馬隊追蹤趕剿勿
令更擾他處先將此股殲盡則三河大賊勢
自孤剿辦更易得手至張逆先遣輜重竄越

正陽關雖據聲稱意圖回竄維河亦難保不
因方家集賊巢垂破豫圖別占地方以為犄
角之勢現在秦定三一軍已於前月二十四
日啟程前赴江南勢難再令折回著英桂勝
保酌度緩急應如何分兵協助金光勛之處
即行妥籌速辦並一面知照袁甲三嚴防維
河杜其回竄又英桂片奏派兵剿辦禹州匪
徒等語此股匪徒距省較近亟應迅圖撲滅
著即飭知邱聯恩等趕緊剿捕勿使滋蔓龍

澤厚一軍前據曾望顏奏稱已令挑選精銳一千名剋日赴豫著英桂飛咨催提如該副將到豫禹州匪徒已盡即飭馳赴大營聽候調遣不可令其株守宛郡將此由六百里諭令知之補鑄貴州古州鎮總兵都勻協副將清江協副將上江協副將丹江營參將台拱營參將古州鎮標中軍遊擊左營遊擊都勻協右營遊擊下江營遊擊古州鎮標右營都司黃平營都司凱里營都司都勻府知府古州同知八寨同知台拱同知清江通判都江通判丹江通判下江通判黃平州知州都勻縣知縣清平縣知縣施秉縣知縣都勻府經歷施秉縣縣丞凱里縣丞都勻府儒學古州廳儒學八寨廳儒學黃平州儒學清平縣儒學施秉縣儒學都勻縣儒學各關防印信條記從巡撫蔣霽遠請也○以勦辦河南烏龍集等處擒匪出力賞佐領西蒙額委防禦舒訥布驍騎校楚勒剛阿色圖魯名號○以

勦辦河南擒匪節次出力賞總管珠克都爾帕木佐領莫爾賚阿富勒德恩布副都統銜參領烏爾滾扎普委參領台興阿佐領瑪哈迪娃遊擊唐佐清知縣張曜等花翎守備苟士魁等藍翎餘升賞有差○壬申以鑲紅旗蒙古副都統基溥署正藍旗護軍統領○癸酉

孝恭仁皇后忌辰遣官祭

景陵○烏什辦事大臣保恆等奏開墾烏什駱

駝巴什地方荒地並挖渠道等工完竣請自咸豐八年為始援照成案每畝五升科則一律以小麥升科如所請行○以勦辦湖北襄樊土匪出力加道員唐訓方按察使銜○以勦捕山東擒匪出力賞同知齊世禧等藍翎餘升敘有差○以堵禦湖北襄陽等處土匪不力革都司炳輝等職仍留任守備李殿元等革職留營效力○甲戌

上幸萬壽山詣

龍神廟拈香 以

神靈佑助頒安徽額上縣

關帝廟

御書扁額曰乾坤正氣 諭內閣承志等奏遵旨採買米石一摺奉天省先後採買粟米四萬二千四百石現在全數運赴錦州府屬之小馬蹠溝海口著直隸總督飭屬雇備船隻速赴該處裝載由該委員運赴天津局交收餘著照所議辦理 諭軍機大臣等葉名琛

奏糧價驟長請在鄰省招商免稅以資接濟一摺廣東省民食向藉粵西販運及洋米入口接濟近因粵西路梗兼之上年各屬歉收暎夷滋擾洋米亦復不至以致糧價翔貴福建湖南兩省皆與廣東接壤著王懿德慶端駱秉章各飭所屬州縣徧行出示曉諭勸令商人多運米穀赴粵糶賣由官給照經過關卡概免納稅沿途經過地方嚴禁奸徒留難阻滯湖南商販徑由樂昌仁化等處運入廣

東福建商運或由潮州府屬入境或由海道徑達廣東省河各任其便庶足以廣招徠而資民食再湖南舉人左宗棠前經曾國藩奏保以郎中分發兵部行走復經駱秉章奏該員有志觀光俟湖南軍務告竣遇會試之年再行給咨送部引見現當軍務需才該員素有謀略能否幫同曾國藩辦理軍務抑或無意仕進與人寡合難以位置著駱秉章據實具奏將此由五百里各諭令知之 又諭福

濟鄭魁士奏通籌各路情形請飭催李孟羣帶兵來廬等語皖省軍務自桐城退守以後六安等處均為賊踞自應厚集兵力以圖攻勦李孟羣一軍由湖北赴援途次克復英山而該逆復糾大股屯踞張家塆地方圖襲黃梅大軍之後該藩司現在羅田由霍六一帶節節進攻遏其上竄武漢之路即以埽蕩廬州附近之賊並非遷延不進該藩司已入安徽境內非同遠在他省福濟等何以不通消

息至於請旨飭催著即探明李孟羣行至何處自行札商屬令酌量緩急相機前進儻沿途賊匪尚煩兵力亦豈能舍應勦之賊專以保守廬州為事耶福濟鄭魁士先就現有兵勇妥為布置實力防勦毋稍疏失至所叅秦定三擅將留守臨淮之富和關保並吉林馬隊帶往江南及浮支兵餉等情當再諭知和春查辦也將此由六百里諭知福濟鄭魁士並傳諭李孟羣知之○先是駐藏大臣赫特

賀等奏整飭番兵營制酌擬章程六條一唐古忒番兵每遇缺出隨時挑補該管番員不得任意停壓一藏營番兵為數無多請於番民挑選餘丁二千一百六十五名充額一額設番兵應遵乾隆年間舊章仍使漢番互相稽查一唐古忒番兵所需鳥槍刀矛不敷應用擬令噶布倫等官及前後藏世家捐貲籌辦酌予議敘一前藏地方遼闊奸宄易於潛蹤兼之廓番往來通衢稽查尤關緊要請於

駐藏大臣巡閱之外酌委將備巡查一將備慎重操防噶布倫等應約束番眾無事不得與廓番往來免致別生事端命軍機大臣會同兵部理藩院議至是奏均應如所擬辦理從之兩廣總督葉名琛奏陳近日夷務情形得旨該夷乘隙起釁

天攄其魄理宜然也惟犬羊之性詭譎百端仍當密為防範勿存輕視之心俟新酋到後設法妥辦總以息兵為要也以勦辦安徽棚

實錄卷三二六

十二

匪出力賞參將惠成總兵銜直隸州知州陳麒昌都司博勒忠阿守備段定邦等花翎知縣張守基等藍翎餘升賞有差以廣東陽山連州三江連山及湖南郴州江華等處勦賊出力賞署副將勒福署知州張崇洛花翎主簿張清鑑等藍翎餘升賞有差予安徽陣亡參將韋金章祭葬世職予江西陣亡守備劉爵江祭葬世職傷亡守備張開平祭葬卹廕○予廣東陣亡學正蕭廣輝祭葬世

職。乙亥諭內閣譚廷襄奏縣城被水籌款妥辦一摺。直隸東明縣城前因豫工漫口於東南頂溜處築壩攔水旋經衝塌城甃蟄陷至九十餘丈之多自應急籌堵築著照該署督所議勸諭居民暫行遷徙准其由司庫籌撥實銀一萬兩解交大名道庫以備遷徙撫恤之用仍著遴委妥員會同該道府體察情形設法洩水將城垣坍塌之處隨時搶築以衛民居。○諭軍機大臣等前因俄羅斯欲遣

實錄卷百十六

十三

使來京恐其取道吉林黑龍江當即諭令景瀉奕山據理阻止並由理藩院行文知照矣。茲據德勒克多爾濟奏該國咨行理藩院文內稱此次回文於五月覆到尚可聽候若再遲延即帶領從人由黑龍江滿洲地方徑行赴京等語。俄羅斯必欲來京未知是何居心如到吉林黑龍江等處該將軍等仍當諭以中國既與爾國和好惟有事事悉遵成例方能日久相安剴切開導據理攔阻一面將辦

理情形據實具奏將此各諭令知之。丙子以神靈顯應加廣東潮陽縣

威靈廟唐臣張巡封號曰效靈助順許遠白揚仁振武。○諭軍機大臣等前據德勒克多爾濟奏俄羅斯咨行理藩院文稱欲由黑龍江徑行赴京當即諭令景瀉奕山等據理攔阻茲又奏稱俄夷欲由天津赴京商禦啖咭喇喇囉晒之事該夷使臣已於五月初五日

實錄卷百十六

十四

由恰克圖啟程約略閏五月二十日前後到津等語俄夷向無差大臣進京之事曾諭理藩院行知該國並無機密要事可商毋庸特派大臣前來著譚廷襄密飭天津鎮道妥為防範不可稍事張皇如該夷到津一面馳奏一面不動聲色妥為羈縻勿使該夷疑貳致啟釁端將此密諭譚廷襄並傳諭長蘆鹽政烏勒洪額知之。○以驗收江蘇浙江海運漕糧妥速予鄭親王端華署戶部左侍郎崇綸

優敘直隸天津道英毓等升賞有差。丁丑上詣

大高殿行禮。還宮。署兩江總督何桂清奏報行抵常州接印任事得旨。卿抵任伊始。一切用人籌餉次第整飭。朕知卿不避嫌怨。自能日有起色。惟不可求之太急。不受屬員壅蔽。為至要也。

上以夏至祭地於

實錄卷二百六

十五

方澤。自是日始齋戒三日。戊寅諭內閣。我朝積德累仁。燕天昌後。

皇考宣宗成皇帝於載字輩分以下續選溥毓。恒啟四字依次命名。洵足昭佑。啟而迓蕃釐。朕惟雲初遞行。卜世延長。特命大學士軍機大臣續擬四字。同道光六年存記六字。開單具奏。茲據恭擬進呈。經朕選用。燾闔增祺四字。自啟字單分以下。按字命名。引用勿替。其

實錄卷二百六

十六

餘六字。仍著軍機大臣存記。俟將來續擬時。再加四字一併進呈。候朕酌定。我國家景祚延鴻。億萬年繼。繼承永遵令典。此旨並著繕錄二分。一交內閣。一交上書房。封存敬識。又諭王懿德奏。江西逆匪竄入閩境。邵武等處相繼失守。請與巡撫一併嚴議等語。王懿德慶端均著加恩。改為交部議處。又諭王懿德奏。官軍勦賊大勝。建甯郡城解圍。一摺。署建甯府知府劉翊宸會同文武固守。深得民心。該紳民等屢助官軍殺賊。共保危城。均堪嘉尚。所有此次出力文武員弁兵勇紳民。准其擇尤保奏。仍著督飭在事文武。迅將匪徒乘勢勦滅。克復邵武等處城池。毋任延蔓。以攻勦江蘇瓜州等處賊巢。出力加頭等侍衛蘊秀。副都統銜參領富明阿。以副都統用。賞總兵官多隆武。遊擊扎普尚阿。佐領德珍。倭什琿。泰防禦蘇冲阿。圖勒斌。守備徐勝。米殿科。韓魁。全廣。泰關。福。劉長清等。花翎。

驍騎校慶德等藍翎餘升賞有差 追贈福建殉節道員王訓按察使銜知縣孫翹江同知銜予祭葬世職署知府婁浩同知毛健署知縣蔣仁瑞祭葬世職加等均於邵武府及原籍地方建立專祠○已卯諭內閣戶部奏軍需鉅款延不報銷請將承辦各員先行懲處一摺江南大營糧臺自咸豐三年正月一起至七年正月止均由前任長蘆鹽運使彭玉雲江西鹽法道熊義經手辦理迄今並未將支放款目報部節經該部嚴催仍復延宕逾限日久款目愈紛轆轤愈甚必致漫無稽覈該員等專辦糧臺自應依限造報何以屢催罔應難保無意存含混豫為冒銷地步彭玉雲熊義均著先行摘去頂帶交部嚴加議處仍責令趕緊造冊報部聽候查覈儻再遲延著該部再行嚴叅查辦至該糧臺襄辦委員人數尚多相率疲玩均屬可惡著何桂清查取職名分別年月久暫一併交部議處○又

實錄卷百六

十七

諭戶部奏酌議鼓鑄卯額請將一卯半制錢劃出半卯銅斤添鑄大錢等語現在銅斤未能充裕所有寶泉局現鑄一卯半制錢均著改鑄當十大錢餘依議 又諭戶部奏河南省鼓鑄鐵錢章程請飭報部覈辦等語河南懷慶府屬試鑄鐵錢已越兩年未據該撫將章程咨報到部該處毗連山西鐵斤易於採辦若能添鑄加鑄鐵制錢由衛河船運到京尚為便捷惟未據將章程咨報該部無從覈定著英桂即飭局員將每月現鑄錢文若干除工本外計獲餘息若干並運京需費若干詳查報部以憑覈辦至該省省城錢局改鑄鐵制錢現在如何辦理著一併查明咨覆毋再遲延○諭軍機大臣等英桂勝保奏酌留馬匹並請飭催兵勇等語官軍克復方家集亟應乘勢進剿所有撥赴廬州馬一千匹准其酌留四百匹徐州土駒即就近解赴廬州備用並分咨邵燦庚長福濟遵照辦理其餘

實錄卷百六

十八

馬六百匹仍迅速解往廬州毋得再行截留至龍澤厚一軍業經赴豫著英桂勝保仍遵前旨飛咨迎提黃良楷練勇前據崇恩奏該員現在患病已挑選練勇八百名派候補守備李琦龍候補知縣劉錦堂等管帶啟程等語此項練勇諒亦即到營矣另片奏請飭山西撥借銀十萬兩等語山西籌解京餉及各處軍需甚多恐未能有此鉅款接濟豫省惟不過暫時通融或可移緩就急已諭令王

實錄卷二百六

十九

慶雲酌撥銀數萬兩解赴英桂等軍營俟河南下忙錢糧收有成數即著如數撥還山西毋許稽延將此由六百里諭令知之又諭現在英桂等勦辦方家集捻匪業已攻破賊巢辦理尚為得手惟兵餉短絀自應力籌接濟著王慶雲設法籌措酌借銀數萬兩派員解往英桂等軍營以濟要需俟豫省下忙錢糧徵有成數即行歸款將此由五百里諭令知之四川總督吳振械奏遵議酌糶常平

倉穀請動糶十分之六以六分變價解部以四分仍留本省其邊地瘠區及辦防處所均請免糶得旨所奏自係斟酌地方情形著照所擬辦理又奏本年應徵津貼報解尚屬寥寥若復令繳銀領穀民力實難兼顧請俟津貼將次收完再行接辦糶穀批只可如斯妥辦須俟津貼將完時再出示曉諭各歸各款嚴杜胥吏影射侵蝕情弊以勦辦河南方家集捻匪出力賞總兵官邱聯恩巴圖魯名

實錄卷二百六

二十

號總兵官樂善提督銜知縣廖慶謀花翎以守禦河南固始縣城出力賞四品卿銜王庭蘭三品卿銜改鑄湖南沅江縣知縣印信從巡撫駱秉章請也庚辰夏至祭

地於

方澤

上親詣行禮幸圓明園湖廣總督官文奏軍政屆期營員均多徵調出師請將楚省軍政展限一年俟軍務告竣再行辦理允之

予湖北陣亡驍騎校官福保福凱清阿全祿
和錦穆吉楞額德明阿德海富興阿海青阿
雙凌祭葬世職

實錄卷百二十六

五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十七

教修

咸豐七年丁巳閏五月辛巳朔諭內閣英隆

奏請將派兵遲延之總管議處一摺熱河圍
場總管常山經該都統飭令選派兵丁前赴
廬州軍營軌敢飾詞推諉實屬有意遲延常
山著交部議處仍著該都統責令該員迅速
選派兵丁刻即定期啟程毋稍遲誤○以防
守江西信豐縣城出力賞知縣吳秉衡花翎
○以援勦廣東韶州賊匪出力賞監生周慶
榕等藍翎並升敘有差○以按勦貴州麻哈
州教匪出力賞外委保占龍等藍翎餘升敘

有差予陣亡降補把總陳世容開復守備原官。暨知縣邱樹桐把總溫朝彪李得仲外委劉紹晏高潤周益發徐奉先胡成反祭葬世職練目楊星槎優卹如例。○予湖北黃梅等處陣亡都司段清平千總何得升等十四員祭葬世職。○予江西都昌等處陣亡殉難在籍翰林院庶吉士余鵬把總朱在元祭葬世職生員鍾燦斗等九十八名口分別旌卹如例。○壬午諭內閣袁甲三奏攻破王圩賊巢

疊獲全勝一摺。亳州擒匪踞守王圩與姚鄧兩圩互相犄角抗拒官兵經袁甲三督兵圍攻環築礮臺晝夜轟擊每日擊斃數十人及百餘人不等並於本月十五十八等日將王姚兩圩出壘割麥之賊殲擒五百餘名其附近鄧圩之鄧家莊丁家莊為賊匪藏麥之所亦經官兵燒毀村內伏賊悉被殲除並將附近姚圩麥垛一律焚燒二十一日復乘風向王圩施放火箭延燒房屋並將救火賊匪轟

斃百餘名二十二日官兵復逼近圩根拋擲火彈火邑被脅難民同時逃出圩內匪夥李和尚等乘機放火為官兵內應兵勇一擁而入立將王圩攻破除燒斃淹斃砍殺外生擒賊匪王大等有等四十三人奪獲槍礮硝磺器械不計其數勦辦尚屬得手著即乘此聲威將姚鄧兩圩賊巢迅速掃除毋留餘孽。所有此次攻破王圩賊巢出力之員弁兵勇准其擇尤保奏候朕施恩。○諭軍機大臣等李鈞

奏請暫行招商販運米煤接濟省城等語。河南省城所需糧食煤斤向恃各路水運自粵匪竄擾後船隻概行封禁日用缺乏商民坐困該河督所請暫行招商通舟販運自為亟籌民食起見著准其暫行變通以資接濟惟通舟處所止准至省城為止不得逐漸鬆懈駛往下游該河督仍當嚴飭兩岸委員會同沿河各州縣帶領團練民勇常川巡察不准奸民涸跡如南路有警立即將各船收集上

游仍行封禁。或竟鑿沈。以免偷渡。總期便民。防河兩無妨礙。將此諭令知之。○又諭。前因俄羅斯欲遣人赴京。諭令德勒克多爾濟等。明白開導。設法阻止。昨以該夷復有閏五月二十日前後。即到天津之語。復諭譚廷襄。烏勒洪額。妥為羈縻。勿啟釁端。惟該夷此次決意來京。特以商禦。嘆咈二夷為詞。語多恐嚇。總未將實情吐露。其中藏叵測。已可概見。咸豐三年。該國咨行理藩院。欲於格爾畢齊河迤東。未經分界之地。安立界牌。當諭庫倫。吉林。黑龍江。三處。各派委員前往會同查辦。彼時因康熙年間。原立界牌。自格爾畢齊河河源起。至東海以外。興安嶺為界。山陽為中國屬地。山陰為俄夷屬地。惟烏特河等處。未經分界。故有會辦之舉。乃往返年餘。迄無定議。五年夏間。該夷遂有堵禦。嘆夷之說。竟駕兵船。賊號。由黑龍江。松花江。上下行駛。並於黑龍江左岸。及吉林所屬闊吞屯地方。蓋房留

兵。並稱欲將興安嶺西南景奇哩西木的牛滿等河源。及卡木尼哈達嶺脊。均分給伊國。俾伊得以水陸通行。疊經景濱奕山等。屢次阻止。該夷雖未滋事。而兩年以來。行走如故。至今分界之事。仍未辨結。又咸豐五年八月間。塔爾巴哈台地方。民人將該夷通商貿易。園子燒毀。實因該夷擅殺挖金民人。結怨所致。已經獲犯懲辦。而該夷堅欲賠償。侈口需索。從前止恰克圖一處通商。道光三十年。始

准在伊犁。塔爾巴哈台。兩處通商。原係朕格外加恩。乃該夷因夷團一事。聲言必欲賠償。經扎拉芬泰據理開導。該夷不允而去。現亦尚未辨結。忽又有遣使來京之說。難保不即為此兩事。而以商禦。嘆咈為名。且咸豐三年夏間。普提雅廷。曾到上海。聲稱欲進口貿易。此次遣來。仍係此人。其中必有詭謀。況業經由理藩院。行文知照該夷。毋庸來京。而該夷不遵。回文言欲到天津。未便由京派員與之

講論。如果該夷到津。譚廷襄等密派曉事大員。察其來意如何。再與理論。儻仍稱堵禦。喫佛。當告以兩國和好。原以各守舊章。各安疆界。為要。從前喫夷犯順。中國未嘗借助於外國。至外國互相爭鬪。中國亦從不與聞。該使來意。究欲何為。應由該國薩那特衙門。行知庫倫辦事大臣。知照理藩院。覈辦。至天津並非應到之地。此處地方官。亦無應行代奏之人。礙難辦理。如仍欲假道黑龍江。則告以風

聞。兩年來。該夷不遵舊約。任意行駛。該將軍因和好有年。但以言語阻止。不敢詳細奏聞。若必上達天聽。則是該夷圖占地方。啟釁之咎。彼國先有乖和好。於理不順。若提焚燒園子一事。可告以現在查辦。兩國均當秉公定議。斷不因此而傷和好。若提及進京一節。告以向來朝貢各國使臣到京。原有接待陪臣之禮。該夷既為與國。來者又係大臣。應如何接待之處。理藩院並未辦過。恐其簡慢。來使

反傷友誼。不如仍照舊章。可以相安無事。中國不願來使進京。無非為恪遵成例。永遠和好起見。並無他意。聞得理藩院早已行文。知照該使矣。以上各情節。譚廷襄等。但當默識於心。知近年來有此數事。待該夷說到何事。即可隨機應對。其所不提者。毋庸先露端倪。布政使錢忻和。前在天津隨同辦理喫夷事件。該署督此次即可派令前往。本日復降旨。將文謙發往直隸差委。該員前此曉諭喫夷

頗能力持大體。即著與錢忻和同往。會同烏勒洪額。並該鎮道等。相機開導。譚廷襄著毋庸前往天津。文謙等到彼。亦不必遽與接見。夷船到後。先令海口員弁。向其詢問。該夷必欲請見大員。然後由鎮道藩司。以漸而至。庶事機易於轉圜。文謙即作為本在天津。並非由京初到。設或該夷投遞文書。概不准收受。總告以天朝體制。各有職守。凡關涉俄囉斯事件。非庫倫不能入奏。一面將接晤情形密

奏仍勿使該吏知悉。僅能遵諭回帆。情詞恭順。俟其起碇時。或由地方官酌量輕重。致送食物等件。以存犒餞之意。切勿於初到之時。即與酬酢。如其始終桀驁。待之當不惡而嚴。並毋庸致送食物。並密飭沿海居民。不准與之交易往來。賣給食物。使其無可逗遛。自當廢然而返。將此密諭。譚廷襄並傳諭烏勒洪額知之。又諭扎拉芬奏庫車回匪滋事。曉諭解散。首逆就擒等語。庫車回子聚眾滋

擾。經烏爾清阿曉諭良回。散其黨與。飭帶鄉勇回兵。前往勦捕。業將首逆數名擒獲。餘黨漸即解散。所有調赴喀什噶爾。換防官兵二百餘員名。著即飭令前赴防所各城回眾。近尚安謐。何以庫車之素比提等莊。陡然滋事。著俟該委員等查明啟釐根由。即行據實具奏。並著妥為安輯。毋令再滋事端。將此諭令知之。○命前貴州布政使文謙赴直隸交署總督譚廷襄差委。○緩山西右玉保德甯遠。

陽曲臨汾太平曲沃虞鄉霍靈石十廳州縣買補倉穀。○癸未諭軍機大臣等。何桂清奏通籌江南軍餉。滙陳地方積習一摺。所奏通籌全局。剴切詳明。具見為國丹忱。不負委任。江南財賦。錢漕正供。而外惟上海一關。堪充軍餉。自廣東英夷滋擾。夷貨不通。大半聚於上海。徵收關稅。自應較前倍旺。若如所奏。原議月撥餉銀二十萬。現止十四萬兩。僅非經理不善。即係隱匿侵漁。著蘇松太道藍蔚霖

由同知在滬多年。朕聞其遇事把持。視海關為利藪。一切公事。不令他人預謀。該處小口甚多。私販出入。稅課偷漏。殆不可問。該員係實任揚州知府。何必令其久署斯缺。轉將實授之湯雲松。輾轉委署。即或湯雲松人地生疏。難勝此缺。蘇省豈無勝任之員。可以接署。難保非營求而得。況開稅既不加充。安知非盡飽私橐耶。至捐輸一節。借資民力。必宜先服民心。朕聞蘇州府城三縣。捐輸已及四次。

而江震常昭昆新等屬皆止一次甚有一次書捐尚未繳出者松江太倉常州捐數亦屬寥寥似此多寡不均必致推諉觀望既係分府勸捐則各屬皆宜遴選正人豈可令射利之徒廁身其間包庇侵漁弊端百出該署督所稱隱漏大戶有人把持誠所不免以朕所聞在籍中允馮桂芬辦理勸捐多有徇庇其親戚富戶之在吳江太湖廳等處者率多隱匿該員家本寒素自勸捐之後置買田產建

蓋房屋頗成富家其中情弊尤不可問一人如此從而效尤者當更不少若不從嚴究辦何以帖服人心著何桂清嚴密訪查據實叅處以儆其餘並各飭地方官遴選公正紳耆承辦勸捐以免偏枯而除積弊至海運漕糧為天庾正供京師缺米情形如此緊急萬不得已而截留充餉州縣既以賤價出售何不照部定章程銀米並放而必盡放銀兩復以重價買米一出入之間傷耗甚多是否彼

時因糧臺不肯收米必欲得銀所致抑係地方官藉以侵吞入己並著查明從重嚴叅留浙之雲南糧道王有齡該署督既知其實能得友著准其調赴江蘇與之商議先以整頓上海稅務為第一要著如果實有把握奏聞後再降諭旨前因藩司何俊年老恐不勝任諭令該督撫查叅仍著何桂清趙德轍查明奏奏並先將藍蔚雯撤回揚州本任另行派員署理上海道印務另片奏溧水克復統籌

進剿事宜並石逆逃往江北等語已諭和春等妥籌布置並諭德興阿福濟等防範江北矣將此由六百里諭令知之○又諭何桂清奏通籌江南近日剿辦情形等語據稱金陵賊匪精銳聚於句容城小而堅最不易拔探聞五月二十三日克復溧水大局幸有轉機鎮江老賊不過數十人其被脅逃出者接踵今溧水大捷賊膽益寒宜乘此聲勢併力進取句容鎮江擬將溧水之兵分剴博望鎮東

壩之兵進劄固城鎮宣城之兵進劄老鴉山並會同吳全美等水師肅清江面斷賊往來則金陵一城自成孤注又聞五月十一日逆首石達開由銅井渡江逃往江北洪逆令蒙賊永賊追之永賊亦乘勢逃去逆匪既生內訌機會更不可失鎮江賊勢甚微或先取鎮江後圖句容亦得古人攻瑕之意而上游太平無湖一帶必須分兵斷其援應方能兩路夾攻直搗金陵著該大臣等將何桂清所奏

各情妥籌辦理前據福濟奏提督秦定三於四月二十七日由臨淮帶兵啟程在廬州支銀三千兩至梁縣支銀七千一百兩抵臨淮後截留米六百石合銀六十兩在定遠縣截留山東餉銀二千兩在五河縣截陝西餉銀一萬四千兩一月有餘共用餉銀三萬餘兩現值餉需支絀宜容任意浮支著該大臣等查覈銀數除應行支領外所有浮支銀米即於該營兵餉內按數坐扣以杜冒濫並著察

看秦定三如果年力就衰不能約束兵勇即行據實奏將此由六百里諭令知之○又諭本日據何桂清奏傳聞五月十一日逆首石達開由銅井渡江逃往江北洪逆令蒙賊永賊追之永賊亦乘勢逃去各等語石達開係著名劇賊此時不踞金陵逃往江北足見詭詐此時逃往江北必係不附洪逆意欲自成一隊現在江浦未復霍六桐城安慶太平

一帶徧地賊蹤儻該逆裹脅賊黨乘間北竄不可不防著德興阿翁同書福濟偵探石達開逃往何處即以重兵扼剿杜其北竄之路或設法離間設計誘擒使逆渠授首餘賊聞風畏懼不難以次掃蕩將此由六百里各諭令知之○署兩江總督何桂清奏周歷鎮江句容兩營與和春張國樞面商攻剿機宜得旨逆匪既生內訌機會若失殊可深惜○新授江西巡撫耆齡奏報到任日期得旨開汝

在南贛一帶頗著聲威擢升藩司亦稱有為今既身任疆圉尤應深顧大局勿墮前聲力圖振作○以擒斬皖北擒首多名賞頭等侍衛容照副都統銜知府史翼久花翎馬兵徐貴等監翎餘升敘有差○甲申諭內閣前據王懿德奏逆匪竄入福建邵武光澤等處城池相繼失守督糧道王訓等力竭被害業經降旨議卹此外失守各員尚未查明下落難保無先期逃避情事地方文武均有守土之

責若聞警輒逃何以為斯民禦災捍患偷生無恥實堪痛恨著王懿德查明被擾地方如有先期逃避者即著以軍法從事毋稍姑容再自用兵以來各省殉難人員經統兵大臣及各督撫奏請獎卹者無不立沛恩施該員等見危授命大節凜然急應隨時查辦乃近來多有外省漏未請卹致各員家屬紛紛呈請者非所以慰忠魂嗣後遇有捐軀盡節人員著各路統兵大臣並各督撫等迅速查明

請卹無稍稽延○又諭和春等奏官軍克復溧水縣城一摺五月十四等日逆賊竄至鄔山偷築營壘經總兵傅振邦督同李志和等帶領馬步隊分攻截擊尖山又出賊匪橫衝經周天培等伏兵痛剿毀平賊營八座援賊復在博望湯村築壘焚掠我軍追殺奪獲賊壘數十座直逼城下傅振邦等往來調度連拋火罐西南門外賊營火起驚亂虎坤元等奮勇先登北西二門同時分兵追擊逆匪自相踐踏餘賊由東北門衝突逃出經弁兵轟斃共約六十餘名生擒三百餘名內有偽副丞相高姓等二十餘名訊明正法逆匪自上年五月竄踞溧水縣城賊援屢至經傅振邦等督率員弁兵勇奮力勦擊先後斃賊不下二萬有奇該逆勢已窮蹙克復堅城殲除羣醜洵足以寒賊膽而快人心傅振邦等盡心籌畫勦辦有方實屬謀勇兼優著和春等查明在事出力人員一併保奏候朕施恩○戶

部奏江蘇浙江漕糧嗣後不准率請截留致誤京倉得旨依議速行該督撫務宜恪遵部議不准以撫恤為名率請截留以帶兵遷延不赴句容軍營革遊擊聶榮桂職○予江甯駐防殉難恩騎尉音登額廕生銀秀副將伍郎阿協領伊伯訥鳳格等九員佐領佛喻順保等三十二員防禦祥德等四十二員驍騎校多奎等四十員筆帖式達哈納等八員委前鋒校吉陞等十五員祭葬世職舉人慶

明等一百四十三名優卹如例○予江南句容等處陣亡參將張朝光驍騎校巴音阿千總胡天興張國朝外委洪光興祭葬世職○乙酉諭內閣御史周立瀛奏請整頓京營捕務一摺京師為輦轂重地疊經降旨諭令步軍統領衙門嚴飭營汛實力巡邏該營弁等如果認真緝拏宵小自難溷跡乃近日東直門內有銀庫郎中克興額家被盜之案雖經破獲而地在內城情節尤重若不力加整頓

何以戢奸宄而安閭閻著步軍統領衙門督飭八旗巡捕營各汛弁加意巡查毋得仍前疏懈除清釐竊案責令逐起緝拏外如再有持械搶劫重案即將該管各員嚴加懲處該員弁等儆敢強勒事主諱盜為竊查明按律嚴辦其步甲營兵內查有老弱充數者隨時裁汰虛懸額糧者挑補足額以肅捕務而靖地方至京城內外人煙稠密四方輻輳街衢市肆間有扮演雜劇藉以餬口者勢難盡禁

但須稽查周密不使匪類潛蹤惟自大清門至正陽門中路理宜嚴肅嗣後不准支搭布戲扮演雜劇以昭慎重○又諭曾國藩奏懇情懇請終制一摺曾國藩在江西軍營聞丁父憂前經降旨賞假三箇月回籍治喪俟假期滿時再赴江西督辦軍務以示體恤茲據該侍郎奏稱假期將滿葬事未畢籲准在籍終制曾國藩本以母憂守制在籍奉諭幫辦團練當賊氛肆擾皖鄂即能統帶湖南船勇墨

經從戎數載以來戰功懋著。忠誠耿耿。朝野皆知。伊父曾麟書。因聞水師偶挫。又令伊子曾國華帶勇遠來援應。尤屬一門忠義。朕心實深嘉尚。今該侍郎以假期將滿。陳請終制。並援上年賈楨奏請終制蒙允之例。覽其情詞懇切。原屬人子不得已之苦心。惟現在江西軍務未竣。該侍郎所帶楚軍素聽指揮。當茲勦賊喫緊。亟應假滿回營。力圖報效。曾國藩身膺督兵重任。更非賈楨可比。著仍遵前旨。假滿後即赴江西督辦軍務。並署理兵部侍郎。以資統率。俟九江克復。江面肅清。朕必賞假。令其回籍營葬。俾得忠孝兩全。毫無餘憾。該侍郎彈心事主。即以善承伊父教忠報國之誠。當為天下後世所共諒也。諭軍機大臣等。譚廷襄奏請飭雙銳赴天津等語。俄囉斯欲遣人赴京。並有閏五月到天津之語。署提督雙銳前此喚夷到津。與文謙等辦理尚合機宜。現在景州邊界又安。該署提督接

奉此旨。著即馳赴天津。與烏勒洪額、文謙、錢忻和等察看情形。會商辦理。其景州兵丁。即暫交遊擊文成管帶。並著譚廷襄迅催副將達年前往景州接帶官兵。毋稍遲誤。將此各諭令知之。○丙戌。諭軍機大臣等。王慶雲奏酌擬續勸捐輸一摺。山西省京協各餉撥解浩繁。該省庫款益形支絀。自應寬為籌備。以資接濟。山西省民風敦厚。好義急公。自軍興以來。捐輸軍餉頗形踴躍。一經奏到。朕即立沛恩施。以資觀感。茲據該撫奏稱。平陽府及絳州、忻州等處紳民人等。皆深知大義。即可妥為勸諭。捐借並行。其已捐之太原、汾州二府所屬。尚不之急。公報效之人。亦著一併勸令輸將。次第保奏。該撫務當揀派妥員。會同該地方官及公正紳士。悉照舊章辦理。毋得假手吏胥。抑勒苛求。致滋流弊。將此諭令知之。○以平毀安徽三河尖捻巢。出力賞還密雲副都統勝保花翎。○予皖豫勦捻陣亡防

禦阿克棟阿驍騎校關喜千總司泉王聰明把總程長湖張大位外委何振聲祭葬世職○丁亥諭內閣刑部奏請飭嚴拏私鑄人犯等語製造私錢人犯屢經降旨嚴拏懲辦乃近來直隸各州縣犯案者仍復層見疊出據刑部審明該犯等皆係村舍小民即在麥場樹陰開鑪私造明目張膽肆無顧忌加以兵役人等得賄包庇聞拏逃逸者甚多該地方文武員弁竟至形同聾瞶毫無覺察迨經步

軍統領衙門派役往捕始趕往會拏冀免處分廢弛於前取巧於後實堪痛恨著順天府直隸總督嚴飭所屬認真拏辦私鑄毋稍疏懈如查有兵役人等得賄包庇者即將失察員弁叅處其由步軍統領衙門及鄰境訪獲者該管上司務當查明該地方文武實係會同拏獲方准奏免處分不得事後彌縫概稱協同拏犯遽予末減以杜取巧而示懲儆○諭軍機大臣等有人奏江蘇升任太倉直隸

州王如林係書吏出身報捐佐雜專事逢迎其任長洲知縣時貪淫酷虐每遇緩徵年分匪荒私斂每米一石折制錢八九千文濫刑決責不依定例上年七月將沈聚保等照土匪嘯聚斬梟失入至四人之多又廣東潮陽縣人鄭子莖招集匪類訛詐取利王如林得規包庇竟與結盟毛姓等被劫之案並不查緝並訛索鹽店陋規多方擾害吸食鴉片強買民女為妾種種貪汙劣蹟實屬大干法紀

著何桂清趙德轍按照所叅各款逐細詳查據實叅奏毋稍徇隱又據奏稱上海夷船輻輳各省所產茶絲皆往該處售賣為徵課大宗夷人例准在水次收買不准入內地乃近年夷人往往乘坐內河船隻往來窺伺圖繪形勢散布夷書種種叵測等語上海稅課為數甚鉅若聽夷人在內地購辦繅絲稅課必至短絀兼恐與奸民勾結為患著該督撫等申明例禁不准夷人潛入內地如有奸民圖

利導引前來即著從嚴懲辦以重稅務而杜
亂萌原片著鈔給閱看將此諭令知之 署
兩江總督何桂清奏遵旨察看藩司何俊精
力尚健等語得旨聞該員精力已衰汝尚顧
惜情面足見並未與前督商酌汝云遽易生
手轉恐茫無頭緒設該員即時因病出缺尚
慮接辦無人耶 予江西九江陣亡守備陳
得華易景照千總毛丁山曾其祥周友交把
總盧久盛陳文勝易景安陳棟梁鍾黎先外

委陳得林陳光玉蕭有貴甘呈祥陶鴻盛周
云友翁南書葛有發余有才楊復興甘德貴
殷德才鄧南山任德友張名對祭葬世職
戊子

上幸靜明園詣

龍神廟拈香 諭內閣向來管理新舊營房
之都統副都統於朕出入時各按所管該旗
地界城門跪接嗣後恭親王奕訢惇郡王奕
諒如遇此差著毋庸跪接 諭軍機大臣等

德興阿等奏揚營軍餉缺乏請於上海勸捐
抽釐一摺自係為軍務緊急起見惟捐輸抽
釐總宜事歸畫一方不致商民藉口上海地
方商販固形旺盛而本處地方已早有抽釐
之舉若再由江北派員往收是同一貨物而
兩處抽收不但跡近重徵且章程亦難歸畫
一上年和春軍營派谷韞燦等往蘇常一帶
勸捐曾經諭令停止原以勸捐一事應由地
方辦理若由軍營委員勸辦恐地方官紳轉

得藉詞諉卸今德興阿等請由江北派員赴
上海勸捐抽釐揆諸事理必多窒礙至沙船
捐輸非可視為常例而抽釐請獎尤為各省
所無亦與江南現辦章程不符何桂清前奏
正欲將上海稅務力加整頓尚未辦有頭緒
斷不可使令出多門更難釐剔所有上海抽
釐及沙船能否勸捐之處仍著何桂清趙德
輟遴委公正明幹之員前往查覈辦理江北
糧臺毋庸派員前往經何桂清等此次整頓

之後江海關稅務定有起色進項較多即可兼顧揚營軍餉原不必專指上海一處即蘇常等府如果捐項有餘亦可藉資挹注江南江北同係該督撫所轄地方不得稍分畛域致令向隅將此由五百里各諭令知之○已丑諭內閣彭蘊章等奏遵議戶工兩局試鑄鐵制錢章程一摺工部寶源局應鑄鐵制錢著准其即在鐵錢局西北兩廠內添鑪鼓鑄分交工局管理一切稽查督率事宜即由工

部錢法堂侍郎辦理毋庸歸惠親王等兼轄以專責成所有鐵錢局現在襄辦各員亦著毋庸會辦○以勦辦湖南甯鄉教匪出力予知府朱孫詒等優敘加銜有差以勦滅貴州銅仁等處匪徒出力賞遊擊連英土守備龍秀實等花翎從九品楊達新等藍翎通判保齡等升敘有差○補行咸豐二年山西軍政卓異官三員不謹官一員罷輟官一員浮躁官一員分別議敘處分如例○庚寅諭內

閣恆春舒興阿奏請將革職知縣暫行留任等語雲南昆明縣知縣王同春因上年回匪竄擾省城經部議革職前據該督等奏該員素洽輿情現辦祿勸匪徒一案安速嚴事係應行保獎之員著准其暫留昆明縣本任俟軍務完竣再行分別辦理○又諭恆春舒興阿奏委員會辦匪徒迅速嚴事一摺雲南武定州屬祿勸縣地方有土匪回匪及州黔外匪先後焚殺滋擾經該督等派令文武各員

就現有兵勇旬日之間即將首匪殲斃餘匪次第勦除不致日久蔓延辦理尚屬妥速所有在事出力文武員弁兵練著准其分別擇尤保奏毋許冒濫○辛卯諭內閣御史吳焯奏請定保舉限制一摺向來海運完竣直隸江蘇浙江等省出力委員均經該督撫保奏獎敘惟本年米數較少若仍照常請獎殊不足昭區別著各該督撫等秉公確覈酌量保奏毋許冒濫○壬辰以恭修

慕東陵

隆恩殿工竣恭請

孝靜康慈皇后神牌還御遣肅親王華豐行祇

告禮豫親王義道恭捧

神牌詣

隆恩殿正中寶座供奉禮部尚書瑞麟行禮如

儀○諭軍機大臣等李孟羣奏沿途剿除皖

境續到股匪擬即進攻霍六一摺此次逆匪

二萬餘人自霍邱圖犯湖北李孟羣以二千

五百人殲擒渠逆並將夥匪剿殺殆盡實能

謀勇兼施深堪嘉尚員弁紳勇著准其彙入

克復英山案内由官文胡林翼分別保奏英

山羅田鄉勇協助官兵剿賊甚為得力並著

從優請獎以示鼓勵賊踞霍六兩城又有李

兆受一股踞葉家集互為犄角亟宜乘勝剿

洗以除楚豫之患該藩司現劉英霍交界地

方著即會同金光勛合力夾攻迅殲醜類俟

攻克霍六餉道疏通仍即馳赴廬州與福濟

諸軍會合剿捕各屬匪黨前據官文等奏翼

賊石達開領賊數萬從安慶彭澤上犯聲言

分擾湖北並擾江西等語石逆最為兇悍此

次上竄之賊是否該逆即在其中抑前往江

西想李孟羣必有所聞著探明具奏另片奏

請飭湖北在籍刑部主事王柏心赴營等語

王柏心學問淹通忠義奮發既據李孟羣保

奏著即由該藩司傳旨令該員到營幫同籌

畫用兵機宜其禮部主事駱敏修應得獎勵

著准其併案詳請辦理署兩江總督何桂

清奏緩辦江南江西軍政允之○以剿除皖

北股匪出力予知縣袁懷忠等升敘有差○

予江蘇上游地方陣亡遊擊王紹麟千總慶

元朱鴻駿顧駿驎把總楊殿華徐緯廷俞錦

揚殿彪徐棟胡兆慶楊殿金徐寶慶外委黃

昆錫鄭文模金慶祥許鵬遠龔厚田黃宗相

馬安正宋大忠施位中雲騎尉夏立本八品

職銜林壽春祭葬世職修濬直隸通州溫

榆河果渠村壩埽等工從署總督譚廷襄請也。○癸巳諭軍機大臣等福濟等奏請飭解洋礮以資攻剿等語。皖省賊匪時於巢湖聯艘來往。經曾國藩咨送船廠委員黃際昌等赴廬現已採木開廠試造戰船以備紮立水軍。為肅清湖面進扼江口之計。惟戰船利器必須洋礮。前經諭令怡良等於上海關稅內籌辦五六百斤及二三百斤洋礮百餘尊解皖應用。現已購辦若干。著何桂清等迅即籌解。如一時未能應手。據福濟奏傳聞常州局內捐備銅礮尚多。或先將局存之礮發解廬州應用。亦足以資攻剿。毋得遲誤。將此由五百里諭令知之。○又諭前據何桂清奏逆首石達開由銅井渡江逃往江北。曾諭令和春等乘賊內訌。規取金陵。並諭德興阿等扼其北竄之路。茲據福濟鄭魁士奏稱石逆由金陵帶其黨與數千。由無為州前往上游。張貼偽示。察其詞意。因洪逆疑忌石逆懼害脫逃。

並所獲賊信有翼王私自出京誓不回去之語。是金陵逆賊內變已成。確有實據。石達開係著名劇賊。且聞其善於要結人心。此次逃出金陵。必欲自成一隊。非上竄湖北。即蔓延江西。廣濟黃梅等處。官文等已厚集官兵堵剿。又有李孟羣在英霍交界地方駐劄。屢獲勝仗。楚境當可無虞。聞江西瑞臨等府皆係石逆攻陷。現在尚有賊兵踞守。則其竄往江西。乃意中之事。著福興耆齡探明該逆蹤跡。併力截剿。乘其人心渙散之際。設法散其黨與。使該逆勢成孤立。迅就殲擒。江西各賊自必聞風瓦解。剿辦較為易為。力將此由五百里諭令知之。○以安徽潁上縣官紳守城出力。豁免咸豐五、六、七三年新舊錢漕。永增文武學額。各三名。賞把總薛匯遠等藍翎。並加銜升敘。有差。○以力解安徽懷遠城圍。賞道員宋春翹花翎。縣丞尹沛清等藍翎。主簿顧長源等升敘。有差。○以安徽霍邱縣城被賊竄。

陶革知縣王啟秀職予陣亡典史張耀從九品藍書田祭葬世職予安徽桐城陣亡參將李家齊協領保德呢柯布佐領溫哲琿布忠玉巴達灑什蒙額存福防禦吉慶常山保廣禧靈泰驍騎校格通阿德秀富祥巴克坦布烏郎阿烏什杭阿富英阿常林全山把總仇永壽宇明友外委楊喜春呂鳳李章林安撫袁興黃金才陳步瀛筆帖式兆慶未入流張錦江祭葬世職武舉張文楓賞卹如例○

甲午諭內閣御史尹耕雲奏軍營文員保舉太濫請從嚴分別覈辦一摺前據英桂勝保保奏勦辦捻匪出力人員單內有候補知府洪貞謙請交軍機處記名候補知府後遇有本省道員缺出請旨簡放報捐知府候補知縣張席珍請免補知縣以知府歸河南候補班補用候選知縣薛成榮請免選本班以直隸州分發山西歸候補班前遇缺補用業經降旨允准該御史以文員在營當差不過辦

理糧臺文案並無攻堅陷陣之勞獎勵未免過優所奏不為無見洪貞謙張席珍薛成榮三員著該部另行覈給獎勵具奏請旨其前保之案著即撤銷嗣後各路統兵大員保舉出力人員務當秉公覈實毋許冒濫除打仗各員躬冒矢石懋著戰功准其從優請獎外其餘辦理糧臺文案人員必須隨營年久始准錄其勞績酌量保舉仍不得與親歷行陣之員同邀優獎其在營年分尚淺濫等充數

者概不准徇情保奏以杜倖進之門至從前所請記名簡放及指省補用各項文員均著俟該省軍務事竣送部引見再降諭旨○兵部議奏熱河圍場總管常山派兵遲延處分降三級調用不准抵銷得旨常山所管兵丁專司巡捕原非曾經行陣可比近因英隆泰奏該總管聲敘未明跡似諉卸並無廢弛實跡著改為降一級留任不准抵銷○陝甘總督樂斌奏整飭營伍請將陝甘所屬各營弁

兵凡向習弓箭者兼習鳥槍以定去取得旨槍以準為要外省綠營難盡求架式如規可勤加練習愈熟愈精著照所請辦理○乙未以服闋兵部左侍郎孫葆元為禮部左侍郎○命已革大學士訥爾經額以四品京堂候補○以理藩院右侍郎孟保兼鑲白旗蒙古副都統○駐藏大臣赫特賀因病解任以駐藏幫辦大臣滿慶為駐藏大臣賞前任英吉沙爾領隊大臣安誠副都統銜為駐藏幫辦大臣○以嬰城固守並援勦出力賞福建建甯府知府劉翊宸知縣趙人同參將梁進亭守備吳鴻源惠壽同知陳維漢花翎縣丞程夢齡等藍翎加知府趙印川按察使銜餘擢補有差○以福建邵武等城防勦不力革總兵官富勒興阿參將舒隆阿遊擊文祥高士濬守備薛長安董長洲職責令富勒興阿戴罪效力○予湖南常德殉難知縣李春暄祭葬世職

實錄卷之二十七

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百二十七

實錄卷之二十七

三

屬各村莊及成安元城邯鄲等縣均有飛蝗入境等語。河南各屬蝗孽蠢動業已飛入直隸境內。其本地傷害田禾當已不少。著英桂即行飭屬趕緊撲捕務期淨絕根株。並將辦理不力之員嚴叅懲辦。再據內務府奏河南拏獲逃走太監魯得才即王得喜一名解交審辦。據供逃回原籍後曾往投高唐軍營。復由湖北至信陽州始被盤獲一面之詞殊難憑信。且在逃日久難保無不法別情。自應確

切查明以憑訊究。著英桂查明王得喜是否實係信陽州盤獲抑係附近軍營交審。有無從賊重情所供同行賈姓等四人是否實有其人。該州作何發落。並著咨查湖北各行營有無黑龍江六品軍功關姓名圖爾拉及該弁名下跟役查五子其人一併詳晰具奏。將此諭令知之。尋奏王得喜實係信陽州勇目盤獲。查無從賊情事。亦無同行賈姓等四人並行查黑龍江亦無關圖爾拉及查五子其

人報聞。又諭有人奏浙江杭州湖州各府地方近年時有喫咕喇夷人乘坐船隻潛入內河往來窺伺登高則圖繪形勢入市則散布夷書。地方官並不查辦。遂至毫無顧忌。近復於烏程縣橫塘橋開設繭行意圖偷漏開稅有奸民吳香谷者從中勾結包攬請飭查辦等語。浙省所產絲斤為課稅大宗止准夷人於水次收買即由商人於賣貨時代納稅課若聽其潛藏內地購繭繅絲則稅銀必致

短絀。於經費大有關係。除已飭何桂清等於上海關各口申明例禁不准該夷潛入內地外著晏端書密派幹員前往烏程縣橫塘橋訪查勾結包攬之吳香谷拏獲嚴辦並曉諭夷商遵照成約各赴海口收買貨物不准在內地逗遛。其杭嘉湖各屬產絲處所偏僻地方恐有奸民勾通藏匿著一體嚴行查禁並嚴定章程將內地民人導引夷人漏稅者從重治罪以杜後患毋得視為具文原片著鈔

給閱看。將此密諭知之。又諭英桂勝保奏追剿擒匪獲勝。攻克沙關。進攻正陽一摺。據稱張翼等首逆均已竄往霍邱。僅留韓狼子。張聲等逆看守輜重。死踞正陽。是該關擒眾無多。不難即時克復。現在官軍若赴霍邱。固恐腹背受敵。若久為正陽牽掣。則張翼等逆又得嘯聚。裹脅。勢復猖獗。必須乘此聲威。迅將正陽關攻克。方能併力南驅。殲擒巨寇。現在李孟羣已由湖北羅田進圖霍山六安。若勝保等克復正陽。進兵霍邱。當可與李孟羣一軍會合。前後夾攻。更為得力。著英桂勝保督飭帶兵將弁。剋日進攻。不可遲緩。至金光飭督戰陣亡。該署道所帶練勇。向稱得力。必須速為收集。選派得力大員管帶。俟克復正陽後。即可派令帶勇防守。至廬鳳道一缺。此時尤為緊要。著即咨明福濟。或即飭張光第回任。或另委明幹妥員接署。以專責成。將此由六百里諭令知之。○予安徽正陽關陣亡

署廬鳳道金光飭祭葬世職。如布政使例。並於壽州地方建立專祠。諡剛愍。戊戌諭內閣兵部奏請飭催發遣廢員一摺。各省發遣官犯。藉詞逗遛。例禁甚嚴。現在江蘇等省。應行發遣各員。屢經咨催。未據解部。似此任意延玩。殊屬不成事體。所有擬發軍臺。未經起解之江蘇已革知縣秋家丞朱學海已革把總蘇錦堂直隸已革知縣陳登漢著各該督撫迅即委員解部轉發。其業經起解之廣西已革副將和勒賡額直隸已革知縣陳瑄。並著各該督撫行知沿途各州縣查明該官犯等現在行抵何處。飭令迅速解部。其起解遲延各州縣及各該管上司。並沿途逗遛之委員。均著吏部查取職名。分別議處。嗣後各省發遣官犯。仍著各該督撫遵照定例。於部文到日。即行起解。毋任延誤。以肅功令。○己亥上幸萬壽山。諭內閣前據胡林翼奏叅失守城池旋即克復之署安陸府知府桂茂等請

旨革職留任當經降旨允准茲據吏部援引前奉諭旨覈議具奏該員等均已寬其失守罪名若僅予革留即與開復無異湖北署安陸府知府桂茂署隨州知州崔蘭馨署穀城縣知縣孫福海署光化縣知縣書紳署遠安縣知縣趙廣恩均著改為革職暫行留任以觀後效○伊犁將軍扎拉芬奏報庫車辦事大臣烏爾清阿現辦回逆情形得旨該大臣辦理此案何以取有供招並未咨送伊犁將軍且照外結案臬示尤堪駭異朕深恐烏爾清阿必有初事慌張後難了局情勢抑竟有激變重情均難豫定汝可速妥慎章京往查起釁緣由據實具奏○以拏獲哈薩克私進開齊行劫賊犯賞總管托克托奈一品頂帶○以江蘇揚州帶隊出力賞州同程輔廷藍翎○庚子諭內閣御史尹耕雲奏大員獲咎太重請收回成命以嚴賞罰一摺前任大學士直隸總督訥爾經額因逆匪北竄堵

勒不力革職治罪原以行軍失律法所必懲嗣因北路肅清量從末減茲由

西陵當差回京念伊久膺疆寄曾入綸扉予以四品京堂俾知感愧並非假以事權即使訥爾經額年力未衰尚堪重任朕用一威望頗減之員實難期其振作正與從前棄瑕錄用復任封圻者不可同日而語況人才黜陟朕心自有權衡該御史所奏著毋庸議○諭軍機大臣等奕山等奏俄夷擁眾猝來要求通

商一摺據稱五月二十八九等日俄夷有七八百人分駕木簞隨帶小船賊艇駛至海蘭泡停泊建房二十處並安設礮位協領巴達朗貴會晤木里斐岳幅據稱請仿照恰克圖通商或可彼此相安並稱後起人數尚多等語是該夷欲占地通商已明言不諱該將軍等辦理此事固不可激生事端亦不可不據理折辯該夷餽送禮物該將軍等自當嚴行拒絕並密禁該處民人私與交易接濟食物

再於要隘處所督飭弁兵密加防範使該夷行糧斷絕難以久居仍揀派明幹之員告以中國與爾國和好有年其地以興安嶺為界自五年夏間爾國有人船由黑龍江松花江行駛並於闊吞屯地方蓋房留兵聲言為堵禦喫夷借由中國地方行走中國大臣因念與爾國百餘年相好未便據情入奏致生爭論此次復在海蘭泡蓋房聲言在此通商是強占中國地方並非為堵禦喫夷起見不料

中國以誠信相待爾等乃不遵舊例任意妄為恐非爾國王之意也至通商一事亦須爾國行文理藩院奏請豈能憑爾等一言我等即行入奏況從前祇有恰克圖一處通商道光三十年又准在伊犁塔爾巴哈台兩處通商原是大皇帝格外加恩豈能屢次求請況從前一處通商百餘年相安無事今加二處而塔爾巴哈台即有爾國商人擅殺挖金民人以致積怨報仇燒毀園子此案至今未結

中國因要好加恩反增口舌以後未必肯再加通商之處至吉林黑龍江地方寒苦並無出產即米麵菜蔬亦祇數本地民人食用不能與人交易又民情兇悍動輒爭鬪既無利可圖又恐約束不周互生嫌隙有傷和陸爾等當及早將人眾撤回以全和好若久居此地我等不敢不據實奏聞大皇帝連闊吞屯之事亦不得不奏彼時定由理藩院行知爾國查明何人從中搆釁欲起兩國爭端諒爾

國王必當秉公懲辦也如此剴切曉諭察看該夷如何動靜如何回覆一面密奏一面妥為防範無涉張皇將此由五百里各密諭知之辛丑諭內閣德興阿翁同書奏火攻船隻駛進瓜州大口陸軍會剿均獲勝仗一摺五月二十八日總兵鞠殿華帶領馬步隊分路進攻搶渡重濠徑撲賊壘德興阿在江岸督攻翁同書在四里鋪督攻陳國泰統帶大小師船將火船突入大口焚燒立將賊匪攔

門巨艦數隻。及雙桅三桅各船。並傍營礮臺。房間毀盡。守卡賊匪。投江者無數。各路兵勇。越過重滾。用火彈噴筒。大礮攻擊。殲斃黃衣賊目多名。瞭墩十餘座。瓜州突出賊四五百人。又殲斃一百數十名。同日余萬清等進攻鎮江。約斃賊三百餘名。燬賊米船十三隻。並斃偽糧檢點覃沅發一名。水營參將李新明。在石埠橋。焚燒賊卡數處。斃賊數十名。生擒九名。此次水陸會攻。疊獲勝仗。勦辦尚為得手。

著德興阿等。乘此聲威。迅將瓜州收復。肅清江面。毋再遲延。又諭何桂清奏請將已革道員開復原官一摺。江蘇已革候補道溫紹原。前在六合縣任內。激勵紳民。辦理團練。屢次擊退悍賊。保障孤城。頗資得力。嗣因干預保舉。經德興阿奏參革職。朕念其數年以來。保衛江北。為地方出色之員。業經諭令德興阿等。責其會同官兵。攻復江浦。以贖前愆。茲據何桂清奏稱。該革員雖已奉旨督辦團

練。究係無職人員。深恐呼應不靈。溫紹原著先行開復知府。仍俟克復江浦後。再行奏請獎勵。諭軍機大臣等。前據福濟等奏。逆賊石達開率黨數千。逃出金陵。張貼偽示。察其詞意。因洪逆疑忌。懼害脫逃。金陵空虛。請飭和春乘虛攻擄。本日復據何桂清奏稱。金陵城內。死黨不過七八千人。自石逆遁赴江北。溧水又經克復。賊黨危懼。有眾叛親離之勢。等語。石達開為著名悍賊。既因洪逆猜忌。潛

逃。金陵賊勢已衰。機會大有可乘。惟溧水克復。該逆尚在湖墅鎮。龍都鎮。秣陵關。三處創營。阻我軍進攻之路。必須句容克復。方能分兵直擣金陵。而該逆內訌。自相殘害。機會似不可失。因思徽甯一帶。現在情形稍鬆。鄧紹良一軍。若能乘虛攻擣金陵。則並可掣動句容賊勢。似屬一舉兩得。惟該提督既須嚴防逆匪內竄之路。兵力是否足資分撥。著和春與何桂清妥為籌畫。如有出奇制勝。埽穴擒

渠之計。即行會商布置。毋失事機。將此由五百里各諭令知之。又諭軍興以來。吉林。黑龍江。馬隊官兵。先後調往各路軍營助勦。為數約有一萬三千餘名。除經統兵大臣及各督撫奏明撤回歸伍外。計現在江北。江南。湖北。及徐宿。皖。豫等處留營備勦者。吉林兵尚有六千餘名。黑龍江兵尚有二千餘名。該兵丁等與南方水土。本不相習。出征日久。不免疲勞患病。且南省又多水田。港汊馬隊難於施展之處。亟應分別撤留。以休兵力而收實用。著德興阿。和春。官文。胡林翼。並邵燦。庚長。福濟。英。桂。勝。保等各就該處軍營。查明現存吉林兵若干名。黑龍江兵若干名。酌量可撤者。先行撤回歸伍。其地勢既屬相宜。兵力亦無疲乏。現資攻勦必不可少者。仍著留營調遣。俟該營兵力足數。再行分起奏撤。將此由五百里各諭令知之。怡親王。載垣等議覆。署直隸總督譚廷襄奏陳推行大錢鈔票章

程一准州縣分設票局。一持票取錢。先儘餉票給發。餘仍照舊掣字辦理。一票價隨銀長落。一加卯鼓鑄。以資搭放。均應如所請辦理。從之。以收驗海運漕糧事竣。兵部尚書全慶。下部議敘。餘升擢有差。壬寅。上御勤政殿聽政。諭內閣。太常寺贊禮郎慶陞著充當贊引差使。遇有

壇

廟祭祀。照讀祝官之例。先期奏派。又諭吏部

奏遵旨議覆鴻臚寺鼓勵人員一摺。京察保薦例有定額。鴻臚寺額保之員。無分滿漢。著照定例辦理。所請分別漢員。擬添舉額之處。著毋庸議。至該衙門漢主簿。鳴贊序班等官。應得升途。著照部議。援照十五項小京官六年俸滿之例。變通辦理。各以應升之缺。歸於俸滿即升班內。與各省佐雜俸滿即補人員比較日期。先後升用。如遇俸深到班。仍准論俸升用。不得援例捐免。歷俸以示限制。該部

即纂入則例永遠遵行。又諭戶部奏各衙門籌撥庫款應加撙節等語。現在兵餉緊要。所有各衙門應需款項。向由各省委解者。即著該衙門自行催解。其由本處發給各款。著該堂官查明實係刻不可緩之需。方准自行奏請。不得紛紛咨部籌撥。以節糜費。而重庫儲。又諭禮部奏遵議越南國獎勵一摺。前年福建兵船遭風漂至越南國。由該國供給錢米銀一千餘兩。經兩廣總督葉名琛遵旨將銀兩給還。該國王堅辭不受。其見恤忱可嘉之至。著降敕褒獎。並賞給該國王金瓶如意緞匹等件。該督接奉諭旨。即先行知該國王。仍俟奉到敕諭賞件。遇有該國便船。飭令攜帶回國。如無便船。則移交廣西巡撫酌量妥寄。以示朕懷柔遠人至意。諭軍機大臣等。慶英奏賊匪滋事。占踞回城。請飭籌撥餉需一摺。據稱五月間。有浩罕賊匪先在喀什噶爾之七里河沿官水磨一帶盤踞。圍城放

火。延及英吉沙爾。該處伯克逃散。回城已被占踞。現經該大臣調集伊犁喀喇沙爾官兵前往援剿。惟軍需浩繁。喀什噶爾英吉沙爾兩處兵丁缺乏。鹽菜已有八九箇月。葉爾羌庫款無存。雖有陝甘解來生息等項銀一萬六千餘兩。杯水車薪。難敷支給。亟須多為籌款。以備攻剿。著樂斌在於該省無論何項設法籌撥銀數萬兩。迅速解往葉爾羌。藉資接濟。毋稍延誤。將此由五百里諭令知之。又

諭本日據慶英奏喀什噶爾突有賊匪滋事。延及英吉沙爾。復據奏賊占回城。官兵出隊獲勝。各一摺。浩罕賊匪倉卒起事。膽敢攻撲喀什噶爾。回城。並延及英吉沙爾。侵占回城。雖經官兵勦擊獲勝。而該匪裹脅回民。勢極猖獗。必應趕緊撲滅。以免蔓延。慶英現由葉爾羌派撥官兵援剿。並知照調任喀什噶爾領隊大臣裕瑞。帶土爾扈特霍碩特官兵三千名會剿。著即飛催前進。其咨調伊犁官兵

一千五百名著扎拉芬奏於領隊大臣內揀派一員統帶剋日由冰嶺馳赴喀什噶爾以資勦辦巴爾楚克為南四城門戶地方緊要該大臣擬由阿克蘇派兵二百名駐劄著照議辦理喀什噶爾既有官兵二千名自應先就現有兵力迅速勦捕不得坐待外援致令蔓延烏勒欣奏顯有畏葸退避情形著該將軍等查明參奏所請陟甘撥銀數萬兩解往等語已諭令樂斌趕緊籌解矣將此由五百

里各諭令知之○以候補三品京堂常績為大理寺卿候補三品京堂袁甲三為太僕寺卿○調湖南提督張殿元為直隸提督以福建漳州鎮總兵官張國樑為湖南提督候補副將周天受為福建漳州鎮總兵官○予故直隸提督雙銳祭葬諡恭愍○癸卯諭內閣王懿德奏收復府縣城池並連城獲勝一摺江西逆匪竄踞福建光澤縣城五月十四日經各鄉聯甲壯丁糾集萬餘人攻入城內殺

斃逆匪無數餘匪紛紛竄逸當將城池克復現經護理延建邵道王肇謙督催將弁由大幹一帶勦洗直抵邵武其汀州府城被匪攻陷後知縣龐立忠招集田兵先後勦殺賊匪九百餘名紳士丁捷芳率壯丁助勦殲賊百餘名田兵愈聚愈多該逆於四月初四日竄往上杭沿途復追殺百餘名遂即克復府城該府所屬之連城縣於是月二十三日被匪攻撲知縣延棟會同將弁紳勇登陴守禦轟

斃賊匪二十餘人西門勇力較單被該逆闖入適文亨里各鄉紳士羅彤書等率帶壯勇助勦擊斃逆匪數百人餘匪四散又分路追殺二百餘人割取首級數十顆民心效順軍威大振著王懿德督飭各路文武官紳兵勇將邵武府城並泰甯等縣以次攻克盡殲醜類此次出力官紳兵勇著該督分別奏請獎勵殉難各員著即詳查請卹○又諭德勒克多爾濟等奏新放副盟長公額爾德尼托克

塔噶勒呈請轉奏情願自備資斧來京謝恩等語喀爾喀車臣汗部落副盟長公額爾德尼托克塔噶勒呈請來京謝恩實屬伊之誠悃額爾德尼托克塔噶勒著俟點驗官兵器械差竣後再行來京以福建建甯等處剿匪守城出力賞外委吳長安等藍翎訓導章光鼎等升補有差○甲辰諭內閣譚廷襄奏請將捕蝗不力之知縣摘去頂帶等語直隸雄縣知縣凌松林任邱縣知縣祥瑞撲捕蝗

蝻未能迅速著即摘去頂帶勒限將各該境內蝗蝻撲捕淨盡儻再不知愧奮即著嚴行叅辦至此外各府屬地方遇有飛蝗入境該地方官如敢怠玩從事撲捕不力致傷禾稼著該署督查明叅奏○改鑄直隸深交河靜海沙河四州縣印信從署總督譚廷襄請也○予故禮部侍郎陶樸子璋以知州選用○乙巳諭內閣駱秉章奏請補行文武鄉試一摺前因湖南省防剿未竣將壬子乙卯兩科

鄉試展至戊午辛酉兩科次第歸併分別額數取中現在地方全境肅清該省文武鄉試自應即為補行以廣登進所有正副考官著禮部先期具題又諭官文等奏請將已革文武各員開復原官等語湖北護理提標中軍參將揀發都司富康署宜昌鎮總兵督標中軍副將景輝宜昌府知府阮福東湖縣知縣王恩綸前因賊匪竄擾穀城宜昌各城經官文等奏叅降旨分別革職留緝茲據該督

等奏稱該革員等於被叅後或堵剿匪徒疊有斬獲或募勇擒匪悉數殲擒地方一律肅清均知愧奮景輝富康阮福王恩綸均著開復原官留於湖北差委並免繳捐復銀兩俟補缺後仍帶革職留任處分又諭晏端書奏餘杭土匪滋事擒獲首要各犯正法地方肅清一摺浙江餘杭縣北鄉有匪徒胡萬城與陳玉峯等糾黨劫掠村民抗糧攬稅經該撫等派委大小文武員弁帶兵勦捕將首要

各犯擒獲正法。地方現就肅清。辦理尚屬妥速。所有該管地方文武各官。應得處分。均著加恩寬免。其在事出力文武。著准其擇尤酌保數員。候朕施恩。諭軍機大臣等。將霹遠奏鎮遠餉米缺乏。請借碾湖南倉穀一摺。據稱鎮遠邛水防勦。兵勇待食孔亟。府縣倉穀碾動無存。勸捐採買。均無所出。前經戶部奏撥湖南丙辰年地丁銀兩。歸還黔省採買。借支之款。恐一時未能照數撥解。請於辰沅二府撥借倉穀三萬石。碾運鎮遠軍營等語。鎮遠逆苗滋事。兵食緊要。自係實在情形。湖南應解貴州銀兩。一時既未能起解。即將倉穀碾運。亦屬轉移辦理。著駱秉章即於辰沅兩府屬倉穀內。碾動三萬石。運赴鎮遠。以資接濟。俟秋成後。察看情形。即由湖南撥銀採買還倉。同碾運腳價。一併在於應解貴州銀款內扣除。將此由五百里諭令知之。又諭將霹遠奏請由四川撥解軍火等語。貴州苗匪

滋事。軍營需用火藥。前經四川雲南先後借撥。現在該省軍務未竣。前借軍火將次用盡。自應即籌撥解。以免貽誤。著吳振械即於附近貴州各營內。借撥火藥二萬斤。火繩二萬盤。委員迅速解黔。俾資應用。毋稍遲延。將此由五百里諭令知之。又諭前據扎拉芬奏。庫車回子滋事。經烏爾清阿拏獲斬梟。該犯等既經具有供招。何以不咨送伊犁將軍。輒即梟示。難保不另有重情。當經批令該將軍。連委妥慎章京往查起釁緣由。據實具奏。本日據烏爾清阿奏。該城回匪滋事情形。一摺。據稱胡那斯等三莊回子。抗糧不交。該大臣派伯克往拏。該莊回子即聚眾滋事。所奏情節。未盡確實。且不特取供之犯斬梟至十五名。尚有未經取供之犯十五名。先已斬決梟示。並以庫車回漢同城。又無監獄為詞。該大臣復稱辦理疏忽。請交部議。顯係意在避就。難保非因催糧激變。事後無可彌縫。遂將

該犯等致死滅口。著扎拉芬奏。即遵前旨。速行派員前往密查。僅訪有前項情弊。即行據實參奏。毋許稍涉迴護。將此諭令知之。○以籌辦湖北襄鄖團練。協勦賞遊擊烏齡阿。花翎千總王佐等。藍翎守備余際昌等。加銜升敘有差。○以勦捕貴州松桃苗匪出力。賞同知張載型等。花翎外委朱萬成等。藍翎餘加銜升補有差。予浙江青陽等處陣亡都司張崇禮。縣丞黃伯垣。把總王占喜。外委吳世

銀等。祭葬世職。○丁未。諭內閣。載華等奏。請援案暫借庫銀接濟兵食一摺。據稱。入春以來。糧價日形昂貴。兵役人等倍形苦累。自應設法接濟。著准其在於永濟庫備存項下。暫借實銀二千兩。各按戶口均勻散放。以濟兵食。仍俟夏秋兩季餉銀解到時。分季扣歸原款。又諭御史何桂芬奏。敬陳管見四條一摺。三載考績國家大典。非破除瞻徇積習。不足以昭慎重。本年京察屆期。各該衙門堂官。

於所屬司員辦事勤奮者。自宜據實保舉。其衰庸不職之員。亦應從嚴參劾。務期揚清激濁。悉秉至公。不得瞻顧情面。致開倖進之門。至門生故舊。詳細聲明一節。所見未免太小。各部大臣。皆由朕簡用。若事事相疑。豈能期其宣力。況向例所無。著毋庸議。其所稱近聞刑部有過事。刑求幾於鍛鍊成獄之弊。執法務在持平。固不得失之過寬。亦豈容操之過嚴。惟並未指出何案。斷不可豫存成見。致蹈

水懦民玩之漸。著該部堂官隨時查察。司員中有不能虛心研鞫。出入人罪者。即行指名參奏。至所請犯非徒罪以上。不准濫行收禁。向例固然。尤為熱審之時。所應矜恤者。至京城地面。時有竊盜案件。業經疊降諭旨。整頓捕務。近亦時有破獲之案。仍著步軍統領等嚴督營坊各員。實力緝捕。毋稍疏縱。其五城門牌保甲事宜。自應認真經理。著順天府。五城。逐細編查。不得視為具文。五城飯廠。曾經

降旨展限現值青黃不接之際貧民生計維艱著加恩再行籌放兩月以資接濟戶部即遵諭行○又諭前因載容等奏接奉諭旨遲延降旨交各該部查明具奏茲據吏部奏稱向來各部院衙門一切先行及專題事件限五日内行文彙題事件於一月内行文此次載容等遵保出力人員一摺該部於鈔出後行文咨送兵部覈計尚在一月限内等語惟該部既有五日行文之例此項加恩諭旨自應趕緊咨行不應比照彙題事件歸入一月限期辦理所有承辦司員著查取職名交都察院議處嗣後凡有加恩諭旨均著於五日內行文毋得遲延○又諭慶祺奏鋪商呈請捐輸助鑄鐵制錢如蒙允准即由該商等普行勸諭京城各鋪一摺近來京城物價昂貴小民生計艱難朕以當十鐵錢漸形壅滯特命鐵錢局及戶工二部添鑄鐵制錢以便民用雖一時尚未充裕而以後源源搭放閭閻

得資周轉物價自可漸平此項經費部臣業已籌及何至苛派小民該商等如果情殷報效現有捐銅局火器營皆可仰邀獎敘正不必以鋪捐為名託詞報效况京師大小鋪戶不下數十萬家豈能憑此數十人呈詞遂謂商情悉協據單內所開鋪商任大卿等既非部院官員又非紳士豈可委令勒捐致開抑勒包庇諸弊當此物力支絀之時朕方期設法調劑以恤民艱若令大小鋪戶逐日攤捐物價必因此更昂尤非體恤兵民之道國家理財自有經權何得任聽市井細民妄行干瀆所奏著不准行○諭軍機大臣等本日據西凌阿慶昫奏熱河豐甯縣所屬大閭兒地方聚有匪徒約一二十人焚毀衙署搶掠鋪戶居民現經熱河道帶兵前往查拏並由西凌阿等派兵往多倫諾爾地方擇要堵截各等語此股匪徒何以忽然聚集至一二十人之多其有無地方官激變及諱盜貽患各情

著英隆迅即查明啟釁根由。據實具奏。其熱河道帶兵若干。是否足敷勦辦。並著酌量辦理。總期一鼓殲擒。毋致蔓延為患。至多倫諾爾地方。與大閭兒毗連。該匪徒業經熱河官兵查拏。即須防其竄入。既據西凌阿等派委總管特克慎等帶兵四百名前往。著即飭令該總管等認真堵截。與熱河官軍會合兜拏。毋任竄逸。將此由四百里各諭令知之。○又諭葉名琛奏查辦溢坦變價銀兩。俟催繳到

日。即將欠解湖南湖北江西貴州廬州各省軍餉。分別籌撥。惟解往貴州餉銀。應取道湖南廬州餉銀。亦須由湖南湖北行走。恐中途截留等語。現值帑項支絀。各省撥解銀兩。自應酌量緩急。次第籌解。嗣後廣東省撥解餉銀。除本係湖南湖北應收款項。准由該督撫收用外。其解往江南貴州廬州等處餉銀。著官文等於到境時。即行飭屬妥為護送。毋得截留。致誤鄰省要需。將此各諭令知之。○命

刑部尚書麟魁馳往

東陵查辦事件。○以湖北羅田縣紳團出力。永增文武學額各二名。○以湖北羅田等處勦賊出力。賞同知廖新花銅外委徐兆達等藍翎。餘升敘有差。○以辦理西藏番案出力。予知縣張嗣成。以知州用。○戊申諭內閣。恆春奏。分勦回夷獲勝情形一摺。雲南賓居賊匪。疊勦未靖。官寨匪徒竄入阿那邑。糾聚回夷。敗匪負隅抗拒。五月初一等日。經遊擊孫鈺

等帶兵攻勦。節次共斃匪三百五十餘名。又四川守備王占榮等於四月十三等日。進攻阿那邑。打磨山白者鄉等處。共斃匪一千數百名。生擒十七名。並傷紅衣賊首二名。焚毀賊營四座。奪獲槍礮牛馬甚多。勦辦尚屬得手。仍著恆春激勵將弁。將賓居及白者鄉逆匪殲除淨盡。毋留餘孽。其紅岩地方。自三月。中攻克。經該督屢催代理鶴麗鎮總兵福兆。督兵進攻。該員久未與賊接仗。實屬玩延。著

先行摘去頂帶以示懲儆。仍暫留本任。責令進勦。儻再不知奮勉。即著嚴叅治罪。陣亡兵練著查明彙案請卹。諭軍機大臣等。前據慶英奏。喀什噶爾賊匪延及英吉沙爾。當諭令扎拉芬泰調伊犁官兵一千五百名。派領隊大臣一員。馳往勦辦。茲據該將軍奏稱。由伊犁派兵。有需時日。不若在南路各城就近酌調。已函囑新任伊犁參贊大臣法福禮暫緩赴任。即駐行抵處所。就近調度。防勦兼籌。

並據裕瑞奏。慶英咨調蒙古兵三千名。俟奎棟到任。即管帶啟程。各一摺。喀什噶爾賊匪倉猝起事。人數本不甚多。該城有官兵二千名。何以不能堵禦。且恐烏勒欣泰畏葸張皇。致滋延蔓。該將軍以南路各城官兵足資勦捕。已囑法福禮就近調度。籌畫尚屬妥協。仍當偵探情形。如賊勢猖獗。必須伊犁官兵往勦。再行酌調。總期剋日剪除。以安邊圉。法福禮甫由葉爾羌啟程。著即會同慶英妥籌勦

辦。無誤事機。儻情形緊急。即飛咨扎拉芬泰酌調官兵。星夜馳往援應。至土爾扈特。霍碩特。蒙古兵三千名。據裕瑞奏稱。該蒙古兵進山度夏。距城窵遠。恐一時未能湊集。兼恐餉需不繼。著扎拉芬泰傳諭裕瑞。可將此項蒙古兵丁酌調二千名。俟奎棟到任。裕瑞即帶兵星速馳赴喀什噶爾援應。所需鹽菜口糧。即咨由烏魯木齊如數運送。再據扎拉芬泰奏。遵查阿爾噶依圖金廠一摺。該處金廠雖

經明誼咨覆。自上年申明禁約後。現在尚無民人偷往挖金。惟愚民趨利若鶩。自應隨時查辦。毋令俄夷借端啟釁。明誼已派奇車布哲倫等往卡外查勘。著扎拉芬泰與明誼嚴飭所派員弁認真巡查。如有流民偷挖情事。務令悉數勒回。以息爭端。將此由五百里諭知扎拉芬泰。法福禮。慶英。並傳諭裕瑞知之。○又諭樂斌奏。喀什噶爾等處賊匪滋事。請飭山陝等省籌解餉需一摺。喀什噶爾突有

浩罕賊匪糾眾滋事延及英吉沙爾占據回城現經伊犁將軍扎拉芬泰等調派官兵前往勦辦餉需刻難緩待經樂斌將河東解到協餉分撥葉爾羌伊犁阿克蘇三處暫濟急需此後甘省無項可撥著王慶雲會望顏各飭該藩司設措銀十萬兩即日派員解至甘肅分撥應用其該二省欠解協餉並著源源報解俾資接濟至山東河南積欠甘餉為數甚鉅前曾諭令山東儘先籌撥七十萬兩河

南儘先籌撥四十萬兩現仍未據解往著吳廷棟英桂各先行籌解銀一二十萬兩下欠之數亦著陸續措解勿再延宕將此由五百里各諭令知之○以故輔國將軍綿亨子奕充降襲奉國將軍○以戶部右侍郎基溥署左翼前鋒統領正黃旗蒙古副都統明慶署正藍旗護軍統領○以浙江捐輸軍餉永廣鄉試中額一名仁和縣學額八名蕭山縣三名烏程縣二名海甯歸安鄞鎮海餘姚長興

海鹽七州縣各一名○予雲南賓居陣亡把總蘇貴祭葬世職己酉諭軍機大臣等前據德興阿等奏請於上海勸捐抽釐當經諭令仍歸該督撫辦理並諭何桂清等不分畛域酌撥餉銀接濟江北該督等諒必遵旨籌撥矣本日據德興阿等奏揚營餉絀請飭江海淮宿等關於部撥欠解之餉迅速籌解並請飭催山東等省欠解各款等語各省撥款解到尚需時日著何桂清等於江海關稅銀

及捐輸項下速撥銀五六萬兩務於六月內解赴揚州軍營俾資支放其淮宿等關本有欠款並著查明催提趕解毋誤軍需該署督前派王有齡前赴上海辦理稅務現在有無把握蘇松常太等屬捐項有無起色著何桂清等悉心籌畫隨時挹注以濟江北軍營將此由五百里諭令知之○又諭德興阿翁同書奏揚營餉絀請飭山東河南陝西等省迅解撥款一摺揚州軍營前因餉需不足裁汰

兵勇。現在兵減而食仍不繼。減放停支。艱窘萬狀。各省部撥之項。自應迅籌起解。以維大局。所有山東欠解揚營銀兩。著吳廷棟迅速撥解。河南省雖現辦軍務。亦應酌量籌撥。至陝西省按月協濟揚營之餉。雖經該撫於五月間奏請由部改撥。惟據德興阿等奏稱。此項餉銀。業已半年未解。所有前欠銀兩。仍著曾望顏。即飭藩司籌款。陸續補解。以資接濟。毋誤軍需。將此由五百里各諭令知之。○又

諭德興阿等奏請飭山東等省撥款接濟。並德興阿清字摺所陳餉缺情形。覽奏均悉。揚州軍糧缺乏。前已諭何桂清等整頓江海關稅務。俟有起色。即可兼顧揚營。茲復諭令何桂清等速撥銀五六萬兩。以資接濟。其山東河南陝西三省欠解之項。亦已諭令各該撫陸續撥解矣。現在糧臺告匱。眾兵待哺。嗷嗷該大臣等。惟當加意拊循。不使藉端鼓譟。常州僅隔一江。何桂清又素能不分畛域。諒必

先其所急。陸續接濟。近日金陵內訌。溧水已克。機會大有可乘。著德興阿激勵各軍。攻復瓜州。破其犄角之勢。庶幾鎮江孤立。亦易得手。毋因暫時缺餉。貽誤事機。將此由五百里諭令知之。○河南巡撫英桂奏撲捕蝻孽。請酌給經費。分別勸懲。以收實效。得旨。務期撲捕淨盡。勿致有名無實。以江蘇沐陽宿遷等處勦匪出力。賞知府恆康。同知江綬麟。知州李會文。副將恩霽。守備鄭永林等花翎。通判章儀林等藍翎。餘加銜升敘有差。予陣亡守備周恆義祭葬。世職廩貢生徐春森生員徐方焱。練長何承瑞優卹如例。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十八

實錄卷之二百二十八

三十五

清 實 錄 咸豐七年六月上

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十九

校修

咸豐七年丁巳六月庚戌朔諭內閣譚廷襄

奏請撤回患病防兵一摺。駐劄直隸開州之
察哈爾官兵。現在患病者一百七十一員。名
著先行撤回察哈爾原營。至其餘官兵。為數
無多。現在地方靜謐。無須防堵。並著一併撤
令歸伍。以示體恤。○又諭。和春奏陳奏事件。
久未接奉諭旨。請飭部查明等語。據稱自上
年十二月起。至本年三月止。該大臣陳奏摺
件。所奉明發諭旨。均未接到。部文著該部迅
即補鈔。飛咨該大臣欽遵辦理。並著查明是

五六一

否發遞遲延。抑係沿途遺失。專摺參辦。嗣後各路軍營奏報。所奉諭旨。該部即迅速鈔錄。由驛馳遞。不准稍有積壓。如再遲誤。以致各該省紛紛奏請補發者。著該部堂官查明。係何處遲延積壓。即行參處。以肅郵政。○又諭。裕誠等奏。遵旨覈議蒙古汗王等捐輸獎敘。開單呈覽一摺。扎薩克圖汗職銜多羅郡王車林敦多布。著加恩在乾清門行走。其輔國公哈斯車林等。所捐俸銀。著賞收三年。照議

給予獎敘。諭軍機大臣等。前據西凌阿慶昫奏。熱河豐甯縣大閣兒地方。聚有匪徒約一二十人。焚毀衙署。搶掠鋪戶居民。業經熱河道帶兵前往剿辦。並飭總管特克慎等。堵拏。復據英隆奏。大閣兒地方。有匪徒聚集。搶掠。經巡檢盛祖培等往捕。將首先糾搶滋擾之劉幅汰等格斃。餘匪旋各四散。本日據譚廷襄奏。灤平縣寶山寺地方。又有礦匪與民人互鬪。現今護理提督及口北道等。分別督

辦等語。此股灤平縣匪徒。是否即係豐甯縣匪徒。抑係另股滋事。著譚廷襄確切查明。並因何起釁。根由據實具奏。即飭該護理提督等。認真勦辦。迅速撲滅。毋任蔓延。進口難民。尤應認真稽查。勿令奸宄潛跡。將此諭令知之。○又諭。福濟。鄭魁士奏。李孟羣一軍需餉甚迫。請飭豫省就近分撥。並廬州待餉請飭各省速解一摺。安徽藩司李孟羣。由湖北赴援廬州。需餉甚亟。廬州至羅田英山道途梗阻。不能繞運。且無可分運之款。河南欠解皖餉九萬七千兩。李孟羣行營距豫較近。著英桂先撥銀數萬兩。迅速解赴羅英一帶。李孟羣軍營。以資接濟。至廬州兵餉。山東間斷報撥。每次不過數千。為數太少。著該撫寬為籌備。按月如數報解。毋稍延誤。山西陝西每月應解皖餉五萬兩。現在解銀二萬。該二省協濟各處軍餉較多。惟廬州待餉甚急。仍著各該撫設法籌撥。源源接濟。將此由五百里各

諭令知之。以收復湖北宜昌等城。並防守
荊州出力。賞領催那遜達賚。巴圖魯名號。佐
領楚樑長順。倭克精圖。防禦寶連。員外郎松
林。同知年嗣龍等。花翎筆帖式恩瑞等。藍翎
協領功額訥。二品頂帶。副將安貴。以總兵官
用。道員莊受祺等。開復升擢有差。○以湖北
襄陽勦賊出力。賞已革知縣伍繼勛職。○以
江西贛州防勦出力。賞都司金國樸。花翎。巴
圖魯名號。遊擊伊凌阿。守備趙濟川。孔慶林
等。花翎。千總方玉雲等。藍翎。同知周炎等。升
擢有差。○予江南句容陣亡外委黃金勝。韋
友亮。祭葬世職。○予江西萬安陣亡府照磨
張文治。外委邱得標。祭葬世職。○予江西靖
安陣亡訓導曾獻謨。從九品黃鵠。祭葬世
職。廩生陳夢松。生員羅鳳喈。暨殉難男婦等。
旌卹如例。並准建立專祠。○減江蘇橫浦。浦
東。袁浦。青村。下沙頭。下沙二三。六場被災。電
課十分之二。○辛亥。諭內閣。戶部。奏請停止

倉場米捐一摺。前據倉場衙門奏准設局捐
米數月以來。收數無多。而米價日見昂貴。恐
妨民食。所有該衙門設立捐局。著即停止。至
京畿一帶。雨澤並未愆期。麥收尚屬中稔。何
以糧價日增。必有奸商居奇射利。以致兵民
食用維艱。著步軍統領衙門。順天府。五城。一
體出示。剴切曉諭。各該糧店。公平糶賣。儻有
任意居奇者。即著嚴拏懲辦。以平市價而裕
民食。○又諭李鈞奏請續頒寶鈔一摺。現在
節交伏汛。所有東河修防事宜。應添物料錢
糧。自應寬為籌備。著戶部即行頒給寶鈔二
十四萬串。以濟工需。○又諭都察院奏河南
重生王協一。以知縣乘災浮收。委員鍛鍊捏
詳等詞。遣伊弟王錫三赴該衙門呈控。此案
前經步軍統領衙門咨由刑部遞交本省審
辦。何以委員前後訊斷兩歧。是否該縣捏詳
以為浮收勒折地步。至加價銀兩前已降旨
豁免。據控仍復照舊徵收。如果屬實。大干法

紀亟應徹底根究。著英桂督同臬司親提人證卷宗。秉公研訊確情。按律定擬具奏。抱告民人王錫三。該部照例解往備質。○又諭。官文。胡林翼奏黃梅蘄州官軍分路勦賊獲勝。毀平賊壘一摺。湖北黃梅蘄州之賊。由安徽宿松等處窺竄。其踞黃梅大河鋪者。連營二十里。並分竄十里鋪等處。五月十四等日。將軍都興阿等連破大河鋪等賊七壘。二十二日。又破十里鋪賊壘。分軍進剿。賊之來撲。及分擾黃梅縣城廣濟縣境者。均經各路兵勇分投擊走。擒斬甚多。東北路賊十餘營。悉行遁走。其竄踞蘄州張家塆一帶者。分撲胡家涼亭。鵠公背等軍營。官軍連戰斬獲千數。百名不等。賊踞望天畝。並於黃土岡等處結壘二十七八等日。官軍連次進擊。並合蘄州紳勇抄破范家灣及張家塆賊壘。斃賊二千餘名。官軍乘勢進剿。閏五月初二等日。先燒汪家壩夫子嶺賊營三座。連次斃賊一千

名。或數百餘名。黃土岡等處賊壘亦悉毀平。張家塆黃土岡賊竄至望天畝等處。伏匿不出。官軍連日進攻。均有斬擒。知府邢高魁。朱啟仁率勇至青石嶺。將山岡下賊巢數十間焚毀。復斃賊千餘名。安徽逆匪大股伺竄。疊經勦洗。仍著官文等飭令帶兵文武悉力扼勦。務將全股肅清。○又諭。耆齡奏吉安一軍。勦賊獲勝一摺。吉安賊匪屢次出撲。均經我兵擊退。五月十六至二十四等日。賊眾分撲各營。我軍連日大戰。斃賊二千數百名。記名道王鑫由吉水進勦水東。甫抵周家嶺。逆匪分三路來撲。王鑫俟該逆逼近。親率弁兵鏖戰一時。親兵李繩武等連殺悍賊數名。賊隊大亂。伏兵齊起。縱橫截擊。斬首七八百。落河者千餘人。踏賊五營。統計斃匪數千。勦辦尚屬得手。所有王鑫一軍著耆齡擇尤保奏。以示獎勵。○又諭。英桂奏持叅捕蝻不力之州縣。請摘頂勦捕一摺。河南署鄭州知州袁詠

延津縣知縣徐保興於境內蝻孽未能及早撲除著摘去頂帶勒限十日將各該境內蝗蝻撲捕淨盡儘收仍前玩泄即著嚴參懲辦○諭軍機大臣等勞崇光奏需餉急迫請飭川廣等省速籌接濟等語廣西省地處邊遠連年用兵羅掘已空現在柳潯二府尚稽克復更須勦辦靈興股匪兵丁索欠甚或結隊追呼亟須他省籌濟方可藉資支持今年僅據葉名琛撥銀一萬兩駱秉章撥銀二萬兩

杯水車薪實屬艱窘湖南省尚有部撥未解銀三萬兩勞崇光已移咨該撫籌解著即設法撥付四川有協濟廣西經費銀十萬兩未經報解著吳振械迅即如數撥往廣西應用此外廣東已撥未解銀十七萬七千餘兩浙江已撥未解銀四萬兩並著葉名琛晏端書移緩就急剋期措撥勿再遲誤惟廣西情形緊迫川省道途寫遠解到需時駱秉章素能不分畛域協濟鄰疆著再行籌撥銀兩陸續

解赴廣西俟川省解款行抵湖南境界劃扣歸抵如此就近挪移當可接濟要需將此由五百里各諭令知之○以湖北黃梅蘄州勦賊出力賞都司黃勝目守備張松林楊朝林等花翎六品軍功梁美材藍翎遊擊石清吉等升擢有差○以廣西平樂府城被賊竄陷革知府招敬常遊擊雙福職○予湖北黃梅等處陣亡佐領富勒胡善富明阿守備張宏陞周德昌千總余開太曾玉龍何良玉把總

周華堂周玉隆譚永發歐得魁熊得勝胡金蓋等祭葬世職武舉張鵠等優卹如例○予江西吉安陣亡都司易普照千總陳續遠廖正翼楊岐林段照貴把總張廣生外委龔桂林等祭葬世職○予廣西柳州殉難知府孫蒙通判志曾知縣倪韶書孔慶榮州判方思訓遊擊湯遇珍貴陞都司常興守備袁開勝從九品孟如峯巡檢徐殿英千總袁正朝把總吳啟元張永陞廖志榮曾承恩平樂殉難

知縣華元超教授廖體忠守備楊煥東外委易忠裕祭葬世職○壬子諭內閣舒興阿奏參廠員運銅遲誤請摘頂勒交一摺雲南署路南州知州馮祖繩接管銅廠應辦正加京局銅斤短運二十餘萬之多節經該撫札催該員藉詞延宕顯有虧短情弊馮祖繩著先行摘去頂帶勒限四箇月飭令運交清款儘逾限不交或查有虧那情弊即著從嚴參辦○又諭舒興阿奏雲南省需餉孔亟請飭催各省起解一摺著戶部迅速查明欠解雲南餉需省分分別嚴催解往○雲南巡撫舒興阿因病乞假命來京以內閣學士候補以雲南布政使桑春榮為巡撫湖南按察使劉源灝為雲南布政使前任湖北按察使徐之銘為湖南按察使○癸丑諭內閣王懿德奏官軍克復邵武府城一摺福建汀州光澤等城池克復以後經王懿德飭令代理臬司趙印川保升參將畢定邦等統率官軍進攻邵武

師次麻沙地方逆眾數千人由沙溪黃塘等處來拒官軍會合西鄉團練奮勇進剿殲斃賊匪無數城內之賊聞風膽落紛紛逃竄經畢定邦等分投截剿殲斃數百名城外賊巢悉行焚毀即於閏五月初九日將邵武府城收復零匪挖捕淨盡所有在事文武員弁紳勇實屬奮勉出力著王懿德查明保奏○又諭袁甲三奏連營進逼鄧圩並分剿援賊一摺獲勝仗一摺五月二十五六等日我軍連營分布相度地勢搶築營壘該逆等百計抵拒均即擊退二十八日該逆糾約姚圩馬步賊匪千餘乘虛撲擾營後鄧圩之賊同時亦出五六百人擾我新營袁甲三飛派各營兜擊匪眾不支繞道竄回我兵追殺無算二十九日復派馬步兵勇徑撲姚圩斃賊二百餘名並截殺伏賊數百名奪獲槍械旗幟多件初二日擒首劉老淵等率眾三四百人接應鄧圩賊匪我軍抄襲生擒擒首劉鬧等四名並

將賊眾莊房一律焚毀。鄧圩出拒之賊。聞風遁回。我軍乘勝追殺。屍橫遍野。二十二日。乘夜進攻。搶進外濠。拋擲火器。燒斃賊匪無數。匪勢甚為窮蹙。著袁甲三督率員弁兵勇。嚴密堵截。迅擣賊巢。務將姚兩圩次第廓清。毋稍鬆懈。○諭軍機大臣等。奕山等奏防務喫緊。請撥盛京火藥十萬斤等語。黑龍江地方。時有俄囉斯人船下駛。並於海蘭泡蓋房安礮。情形叵測。經奕山等添派兵丁。辦理巡防。惟火藥不敷應用。自應豫為籌撥。著承志將盛京現有火藥。即行搭配烘藥鉛丸。解交奕山收存備用。如不足十萬斤之數。著將現存火藥若干。先行儘數撥往。再由盛京製造。並著派委委員。剋日起解。毋稍遲誤。將此諭令知之。○又諭。前因御史吳焯奏。黑龍江呼蘭城迤北蒙古爾山地方。有荒原百餘萬畝。可以開墾。當降旨交奕山將有無窒礙情形。檢查從前原案。據實具奏。茲據該將軍派員

前往踏勘。明確繪圖。貼說奏稱。自綽羅河起。至通肯河止。覈計卡倫內外。共有可墾地畝一百二十萬三千餘畝等語。蒙古爾山等處。向係吉林採獲捕珠之地。現據查明。可開地畝。既有一百二十萬餘畝之多。何以歷年經久。並未查辦。從前或另有深意。該將軍請將吉林採獲捕珠之地。一併開墾。毋庸封禁。有無窒礙之處。著景瀉會同奕山各派委員。按照可墾地方。再行詳晰查勘。悉心妥議。據實覆奏。將此各諭令知之。尋奏。蒙古爾山一帶。向有產生漫珠之名。惟自綽羅河至通肯河。以及呼蘭河等處。水淺山微。漫苗甚稀。蚌蛤不殖。卡倫荒原地僻人稀。從未議及開墾。此外並無深意。拘泥封禁。殊為可惜。下戶部議。尋奏。該處既有荒地一百二十萬餘畝之多。自於度支有裨。但弛禁開墾。必期有利無弊。應請飭下該將軍等。詳細妥籌。若於漫珠。務屯務邊。務一有妨礙。仍請嚴行封禁。從之。

○又諭前據樂斌奏喀英二城賊匪滋事請飭山陝等省籌解餉需當經諭令王慶雲曾望顏各先籌措銀十萬兩並諭吳廷棟英桂將山東河南欠解甘餉項下各先籌解銀一二十萬兩一併迅解甘肅分撥應用本日據扎拉芬奏奏已調伊犁及喀喇沙爾官兵四千五百名前往援應各城庫儲告罄所需鹽菜口糧及行營一切支放萬分支絀喀英二城現當大兵雲集需餉浩繁若待他處撥解輾轉需時深恐緩不濟急著樂斌於該省無論何項先行籌撥銀兩若干就近星速解往以濟要需其部撥各省解款行抵甘境即著起解前進俾得源源接濟勿誤事機另據保恆德通奏現在烏什調兵防堵經費支絀請飭陝甘趕緊籌撥等語烏什尚屬安靜惟餉需本已缺乏現需防堵邊卡望餉尤殷著樂斌於籌撥喀英二城兵餉之中酌量均勻分給毋令向隅將此由五百里諭令知之○又

諭譚廷襄奏請揀派通曉俄夷言語文字人員赴津一摺此次特派文謙錢忻和前往天津曾經諭知譚廷襄作為該員本係在津並非特派前往原欲使俄夷知天津非其應到之地無人入奏冀其廢然而返若據派通曉人員該夷必知其由京派來轉覺難於措辭即文謙等與夷官接見不過告以天津非該夷所應到令其折回庫倫該夷如果前來自必帶有通事但就其所述之語據理剖析得其大意而止不必多生枝節此項人員儘可無須况理藩院通曉該夷語言文字之人必與該國學生相識若派令前往難保無暗通消息之事轉相傳述焉能知其誠偽恐轉啟淆惑顛倒之弊著譚廷襄傳知文謙等嚴密防範應如何設法開導之處隨時相機應對可也將此密諭知之○命雲南普洱鎮總兵官文英來京以永昌協副將伊昌阿為普洱鎮總兵官○命貴州威甯鎮總兵官常山來

京以河南歸德營參將懷塔布為貴州威甯鎮總兵官。以勦辦安徽王家圩賊匪出力。賞侍衛梁畏三。佐領貢嘎德里克。知府張學醇。參將牛浩然。遊擊王慶長。守備陳武魁。胡建功。孫三友等花翎。縣丞張汝梅等藍翎。總管約遜。以副都統用。並各升擢有差。○以辦理安徽糧臺出力。予知府陳鼎雯等。升擢有差。○以收復福建大田縣城。革前任疏防知縣楊應斗職。○舉行本年軍政。侍衛處鑒儀

衛滿洲蒙古漢軍各旗營。卓異官一百二十員。罷輟官一員。才力不及官七員。年老官二十六員。有疾官十員。分別議敘處分如例。○甲寅。調貴州安義鎮總兵官饒廷選為浙江衢州鎮總兵官。以湖北竹山協副將王國才為貴州安義鎮總兵官。○乙卯。諭軍機大臣等。和春奏官軍克復句容縣城一摺。該大臣等奮勇可嘉。將士用命。現在句容縣城防守及善後事宜。布置想已妥協。著即乘此聲威。

移兵鎮江。迅圖克復。本日已諭令德興阿等督率各營兵勇。攻勦瓜州。並飛調水師進逼金山等處。杜賊匪往來援應之路。南北夾攻。更易得手。鎮江克復。再圖金陵。該大臣等。迅奏膚功。同膺懋賞。朕不勝殷盼。江南大營。勇將林立。惟文職大員。可與商酌機宜者較少。何桂清於江浙地方情形。甚為熟悉。前次攻勦徽甯賊匪。調度有方。近日籌給餉糈。接濟大營。不遺餘力。嗣後該大臣等。進兵機宜。可

與該督就近函商。以期集思廣益。悉臻妥善。張國樑已升任湖南提督。疊荷恩施。諒能益加奮勉。與和春協力同心。統籌營務。仰答朕恩也。將此由六百里諭令知之。○又諭。據和春。何桂清先後馳奏。官軍克復句容各一摺。覽奏甚慰。此次句容克復。即應迅攻鎮江。扼斷江路。以次進取金陵。惟鎮江瓜州為江南鎖鑰。金山屹峙中流。必須兩岸官軍及江南水師。同時並舉。已諭知德興阿等。迅速進攻。

據德興阿等前奏軍餉缺乏甚形拮据業經諭令江蘇督撫速撥銀五六萬兩解赴揚營該大臣等所請派員赴上海收捐既已降旨停止該督撫自應力籌兼顧毋誤事機至和春軍營所需犒賞何桂清既徧諭將士此時尤應迅速發給以勵軍心和春張國樞均能奮勇圖功營中健將亦復不少惟少文職大員隨時商推軍情何桂清尚能實心任事朕已諭令和春與該督就近函商庶可集思廣益現在文武和衷已有明效何桂清必能與和春等同心協力迅奏膚功以慰朕望所有句容善後事宜著該督即派妥員辦理至石逆有竄犯徽州之信雖經擊退仍恐匪黨踵至繁昌青陽等處並形喫重江西浮梁景德偏近婺源雖經晏端書派去兵勇三千名而隘口紛歧能否兼顧從前徽甯有警皆由向榮軍營抽撥兵勇赴援何桂清在浙時與張芾鄧紹良等會商調度均合機宜今既兼轄

兩江如徽郡等處應須調兵往援即著與和春妥商籌派金陵賊情渙散有隙可乘鄧紹良一軍能否先行攻打以為牽制之計想該督已籌畫具奏在途矣再有人奏江蘇候補知州段洪恩前因諱盜參革於克復嘉定案內開復嗣因查有虧空復行革職六年九月完繳開復其自參革至開復九年之間不繳虧項現在省城差委於寓所設立刑具擅拏民人問案勒令捐輸匿不詳報種種聲名狼籍等語著何桂清按照所參情節確實查明從嚴叅辦以肅官常原片著鈔給閱看將此由六百里諭令知之○又諭本日據和春等奏克復句容縣城現籌進取鎮江後即可專攻金陵等語江南軍營將士用命得以連克堅城日有起色惟鎮江瓜州勢成犄角非南北岸併力進攻則賊眾互為應援官軍難於得手現在和春等既移重兵圍剿鎮江著德興阿翁同書激勵將士約期攻勦瓜州不得

再有宕延。至上游水師。本歸德興阿等節制。著即飭令葉常春等。各率弁兵。同時並舉。下游焦山師船。一併檄令援應。屆時陸兵攻勦。鎮江水師即可乘機將金山。銀山。蒜山等賊。營殲盡。俟克復鎮江。即於金山安設水師。以為大江鎖鑰。使金陵賊匪不能復行下竄。該大臣等督師日久。亟應乘此事機順利。迅速奏功。瓜州。蕞爾之區。非縣城可比。經年累月。糜餉勞師。毫無把握。德興阿等。尚復何顏對

朕耶。至該營餉需。前曾諭何桂清等。於江南關稅等款內。分撥接濟。諒必陸續解到。本日復諭令迅速酌撥。以資散放矣。將此由六百里諭令知之。○實授何桂清兩江總督。○以克復江南句容縣城。賞欽差大臣和春。太子少保。幫辦軍務張國樑。黃馬褂。○以江南陳家集地方追獲擒首李月出力。賞侍衛伊興額。巴圖魯名號。漕運總督邵燦。花翎。河道總督庚長。優敘。○丙辰。諭內閣。御史陳慶松奏

米糧來源阻滯。請飭直隸總督。曉諭商販接濟一摺。京師人煙稠密。民間糧食。全賴近京一帶。源源販運。以資接濟。本年春夏以來。雨澤應時。直隸各屬產糧處所。麥收亦屬中稔。乃近日糧價。逐漸加增。顯有商販把持。居奇牟利。或地方官強分畛域。不令米糧出境。於京師民食。殊有妨礙。著譚廷襄。嚴查各屬。如有禁遏米石出境者。即行叅辦。並出示曉諭商販人等。源源運京。儻敢囤積把持。即由地

方官嚴拏懲辦。以廣招徠。而裕民食。○又諭戶部。奏遵議廣籌賑濟一摺。京師五城飯廠。前經降旨展放兩月。現值糧價昂貴。貧民生計維艱。自應加恩量為調劑。著順天府府尹。於內城六門外。各擇地段。添設粥廠六處。俾城內旗民就近領食。每廠每日給粟米二石。並著放至年終為止。再由該府尹察看情形。辦理。該府尹迅即遴委委員。會同五城。認真稽查。儻有不肖官吏。私易米色。侵蝕虛糜。即

著嚴叅其五城飯廠已展放至六七兩月著再加恩添放八九兩月至十月照例開廠仍展至來年四月初五日止並著五城御史會率司坊各員隨時稽查勿令胥吏舞弊以資接濟而恤民艱○諭軍機大臣等戶部奏請飭江蘇浙江招商買米一摺本年進倉新漕為數無幾稞米一項急應寬為籌備江浙兩省素稱產米之區上海甯波各口又為臺米可通之地著何桂清趙德轍晏端書查照成案招商認辦稞米二三十萬石運赴天津官為收買其米價若干即由該督撫秉公議定並將承辦商人姓名米數先行奏報此外應加水腳及載貨免稅均有成案可循務即查照定章奏明辦理將此各諭令知之○戶部議覆伊犁將軍扎拉芬奏防勦喀什噶爾等城回匪需餉孔亟請飭陝甘總督先籌撥銀十餘萬兩並山西陝西山東等省於欠解甘餉項內各按原奏數目儘先籌解以資接

濟允之丁巳

上御同樂園賜王以下文武大臣蒙古王貝勒

貝子等食戊午

萬壽節遣官祭

太廟後殿遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵遣官祭

孝德皇后殯宮。○遣官祭

顯佑宮。

東嶽廟。

城隍廟。○

上詣

安佑宮行禮。○御正大光明殿。王以下文武大

臣官員蒙古王貝勒貝子等行慶賀禮。○御

同樂園。賜王公大臣蒙古王貝勒貝子等食。

○己未。諭內閣。前據耆齡奏。湖南援軍進剿

吉安援賊。大獲勝仗。當降旨將王鑫一軍出

力員弁。令耆齡擇尤保奏。茲據駱秉章奏。王

鑫馳剿吉安獲勝情形。與耆齡前奏大略相

同。王鑫攻破水東賊壘後。擬回師潛襲樂安

之賊。忽甯都賊首胡壽階由沙溪來援。閏五

月初十日。王鑫分隊迎擊。賊大敗奔逃。陣斬

賊首胡壽階。及大小賊目六七十名。生擒二

百餘名。約斃賊五千名。復追至嚴坊沿途斃

賊八九百名。以寡擊眾。殲除巨寇。實屬奮勇

可嘉。此次出力員弁兵勇。仍著耆齡就近查

明保奏。候朕施恩。○諭軍機大臣等。寄諭伊

犁將軍扎拉芬泰等。前因烏爾清阿將庫車

回子斬梟多名。諭令扎拉芬泰派員前往密

查。茲據慶英因慶奏稱。訪聞起釁根由。係烏

爾清阿家丁串通回子通事。濫行攤派。以致

釀成事端。烏爾清阿任聽家丁陳泰李十。與

通事玉素皮串通。濫派差徭。致回犯邁買鐵

里等聚眾滋事。並不秉公辦理。輒將回犯斬

事

事

梟三十名之多。迨因慶路過庫車。仍不肯將

情節告知。幸慶英業已派員前往。訪明起釁

根由。若不迅速嚴辦。何以服回眾之心。烏爾

清阿任信家丁凌虐回民。糊塗已極。特克慎

到任尚需時日。庫車辦事大臣著因慶前往

署理。到任後。即傳旨將烏爾清阿革職。鞫問

解赴葉爾羌。交慶英嚴訊確情。從重懲處。並

將該家丁陳泰李十。通事玉素皮。一併鎖拏

歸案審辦。其應訊之回婦二名。並應行傳質

之章京回犯等。均著照所請辦理。此案情節。扎拉芬奏。諒已派員訪查明確。如有別項情弊。著一面具奏。一面知照慶英訊辦。將此各諭令知之。○伊犁將軍扎拉芬奏。報調赴喀什噶爾之伊犁官兵啟程。並陳徵兵遠戍。不若近募民勇協防得力。得旨。所籌俱屬妥協。遣勇一項。若打仗奮勇。實在出力者。作何安置。可查成案奏聞。○葉爾羌參贊大臣慶英奏。訪獲喀什噶爾安集延呼岱達弟蘇賴

丁未年十二月

辛

滿庫里等三名。其有無勾結情弊。俟軍務竣後審辦。得旨。何不一面訊究。豈能無暇。若係良夷。仍應妥為安置。若果通逆。即行正法。免生他變。○以宗人府右宗人奕興。署正藍旗蒙古都統。○以翰林院編修楊泗孫。為湖南鄉試正考官。山西道御史錢桂森。為副考官。○以楚軍援勦吉安賊匪出力。賞道員王鑫。巴圖魯名號。予陣亡把總湯見美。李德厚。彭大喜。外委文迎勝。余先才。彭名亮。祭葬世職。

丁未年十二月

辛

○辛酉。諭內閣。惇郡王奕誼等奏。參接班遲誤一摺。本月十一日。奕誼在紫禁城內值班。輪應貝子載鈞。於辰刻接替。乃該貝子輒因私事。意欲遲到。遣人請奕誼先散。毋庸面行交替。經奕誼力言不可。復稱患病。倩人代班。已逾定例時刻。載鈞著交宗人府議處。○命山東按察使昇福來京。以濟東奉武臨道葉圭書。為按察使。○以江蘇揚州軍營出力。免已革漕運總督楊殿邦罪。留營遣委。○壬戌。諭內閣。惠親王等奏。蒙古王貝勒。台吉。喇嘛等呈請捐輸馬匹。代奏請旨一摺。蒙古王貝勒。台吉。喇嘛等。因軍營需用馬匹。情願共捐馬六千七百匹。洵屬出於至誠。深堪嘉尚。所捐馬匹。著即賞收。此項馬匹。著察哈爾都統。於七八月間。照數驗收。咨報該部。後再由理藩院。將該王貝勒等奏請獎敘。以御前侍衛玉明。署鑲黃旗蒙古副都統。癸亥。上幸靜明園詣。

龍神廟拈香。諭軍機大臣等。福興奏。籌勦饒屬賊匪。兼籌廣信防務一摺。江西瑞州等處。大兵雲集。惟東路兵力較單。撫建兩城。急難收復。茲據福興奏。欲勦撫建。必先將饒屬賊匪殲除。以固饒防。庶皖鄂等處援賊。無由假道等語。所籌係為嚴絕賊援起見。著福興即飭總兵李定太。赴省請兵。並由福興所帶兵勇內。酌撥若干。統歸李定太管帶。即由萬年樂平一路。統兵進剿。務將饒屬踞匪悉數殲滅。毋任賊匪來往自如。至該將軍。於李定太進兵後。著即由貴溪弋陽移營前進。以為後路聲援。福興移營以後。廣信不免空虛。所請飭令饒廷選就近兼顧之處。著晏端書斟酌情形。或將現駐常山之兵。移赴玉山。或分撥一隊。進駐廣信。以重防務。而顧全局。將此由五百里各諭令知之。○命江蘇布政使何俊來京。以按察使楊能格為布政使。雲南糧儲道王有齡為江蘇按察使。甲子諭內閣。

實錄卷三十九

三

文彩等奏。鑲白旗蒙古世管佐領額勒登布出缺。伊子前鋒吉祿應行承襲。惟因前在直隸。獨流等處打仗。左膀受傷。不能開弓。可否准其承襲等語。吉祿著加恩。准其承襲。毋庸帶領引見。○又諭。譚廷襄奏。請將交代未清。私行回籍之知縣。革職勒追一摺。前任直隸饒陽縣知縣喬綏福。虧短銀穀。為數甚鉅。交代未清。輒敢擅回湖北。孝感縣原籍。雖經咨報服滿啟程。仍未報到。實屬玩延。喬綏福著即行革職。並著湖北及沿途各督撫。飭屬查傳。委員押解。迅赴直隸。勒限兩箇月。將欠交銀穀錢文。飭令交清。如限滿無完。或完不足數。即著照例監追。並將該革員原籍貲財。查封備抵。

實錄卷三十九

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百二十九

實錄卷三百二十九

辛

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十

敘修

咸豐七年丁巳六月乙丑諭軍機大臣等扎

拉芬奏奉阿克蘇安設糧臺請派員總司其
事並慶英固慶倭什琿布奏請飭陝甘撥餉
各摺片阿克蘇為南北扼要之地現在大兵
進剿回匪自應安設糧臺以資轉運著即派
海樸總司辦理現在內地軍務未竣需餉浩
繁是以欠解甘餉為數甚鉅此次回匪倉猝
起事一切支發斷難照從前成案辦理著該
將軍即傳旨令海樸撙節動用毋許過事鋪
張事竣之後即責成海樸覈實報銷一手經

理現調伊犁官兵一千五百名喀喇沙爾等處蒙古兵三千名烏魯木齊官兵一千五百名前往會剿兵力已厚著即嚴飭帶兵各員兼程前進迅將喀英兩城回匪痛加剿洗以期及早肅事儻有遷延觀望貽誤事機者即著嚴叅懲辦至各省應解餉銀前已諭令山西陝西山東河南共撥銀數十萬兩已據山西撥銀十萬兩解赴甘肅此外各省本日復降旨飭催諒必源源接濟該將軍大臣等於餉銀到後務須查看各路緩急情形均勻分撥不准各城任意截留將此由五百里各諭令知之○又諭前因喀什噶爾等處賊匪滋事疊諭陝甘山東河南等省籌解餉需諒皆遵照辦理本日據倭什琿布奏派兵赴喀什噶爾等處策應並撥兵往阿克蘇防堵其餉無款可籌請飭陝甘總督即措銀十萬兩解往又據慶英等奏各路調派官兵約六月中齊集葉城彼處兵餉自顧不暇急需內地餉

銀並請飭陝甘速解數萬兩等語現在回疆需餉孔亟刻難緩待樂斌諒已在甘省設法籌措先其所急惟該省庫項無存全賴各省解到方能分撥各城現據山西王慶雲奏到已撥銀十萬兩起解在途此外山東省應解銀二十萬兩尚未據奏撥著崇恩即飭藩司籌款陸續趕解毋許遲延河南省前派撥二十萬雖現辦軍務恐一時未能湊集仍著英桂先行的撥銀數萬兩以資接濟至陝西欠

解甘餉已諭曾望顏儘先籌撥銀五萬兩解甘此外如能酌量籌款並著酌加撥解毋誤要需現在回疆兵力並非不足惟餉需久絀徵調為難各該撫等接奉此旨務各籌款迅速解往甘肅以便樂斌均勻轉解各城以資支放俾得剋日肅功將此由五百里各諭令知之○又諭御史王德固奏請添設總兵一摺據稱河南額設總兵二員河北鎮在省西北南陽鎮在省西南其東南之歸德等處並

未設有專閫大員。歸德府為東面入省門戶。地無險阻。接壤潁毫蕭碭曹單向為匪徒出沒之區。僅有參將一員。難資鎮壓。現值勦擒喫緊。請添設總兵一員。其毗連歸德之光州。陳州府各屬營伍均歸管轄。並請將歸德原設參將一員量移光州。藉資策應。自為地方緊要。酌量變通。起見。著英桂酌度地方形勢。及營伍兵數多寡。是否應行添設移改之處。妥議具奏。將此諭令知之。○以葉爾羌巴爾

楚克地方勦賊出力。賞副將特克什布守備米殿策。吏珏花翎。丙寅諭內閣。葉名琛奏。廣西省上屆軍政尚未舉行。請先將已到各營辦理一摺。咸豐二年兩廣軍政廣西各營因防勦土匪。未經查辦。本年又屆軍政之期。廣西勦匪現尚喫緊。若俟事竣一律補辦。實屬遲緩。著即照該督所請。將已到各營員弁。分別舉劾。先行照例題咨。聽候部議。其未到各營。准其歸入本年軍政一律辦理。其有應

行參劾之員。仍著隨時查明參辦。諭軍機大臣等。官文胡林翼奏。賊匪傾巢上竄。南勇敗退。賊竄蘄水一摺。據稱皖匪因年荒糧盡。裹脅饑民數十萬。由黃梅廣濟蘄州蘄水等處間道上竄。我兵分路堵擊。殺賊萬餘。南勇各營於蘄州之望天畝追賊。遇伏營壘全失。退至蘄水等語。湖北為上游扼要。該逆意在必爭。此次南勇敗退。原因賊勢眾多所致。惟該匪裹脅饑民。不過烏合之眾。似尚不難勦

散。現在胡林翼已抵黃州。收集潰勇。補製軍械。著即督率各路兵勇。迅將上竄各匪。分兵截勦。毋令蔓延。該大臣等現調水師礮船扼守沿江。並調王鑫劉騰鴻由江西援勦。自因賊眾兵單。不敷調遣之故。其李孟羣一軍。本係赴援廬州。現在已抵英山。正宜乘勝進勦。若遽行調回。則廬州當挫敗之後。固守無援。必至愈形危迫。所有李孟羣一軍。著毋庸調回。該營兵餉已諭令福濟設法接濟矣。至大

隊官兵圍攻九江小池口正在喫緊務須察看緩急酌量調撥毋得顧此失彼致九江賊勢復張此次斬擒賊匪已至萬餘南勇退敗係因賊勢太眾官文胡林翼自請議處之處著加恩寬免將此由六百里諭令知之○又諭官文胡林翼奏皖省賊匪傾巢竄至蘄水一摺安徽逆匪裹脅宿太饑民數十萬由黃梅廣濟蘄州等處分路間道上竄楚軍分路抵禦擒斬逆匪已至盈萬無如賊勢太眾南

勇失利軍壘全失退至蘄水胡林翼前往策應業經收拾隊伍分剿黃州湖北水陸各軍正在九江小池口圍攻喫緊之時今中路忽為賊斷官文等已調李孟羣還攻蘄水擊賊尾路惟皖省賊氛尚熾李孟羣已抵英山若令折回恐蘄州更無援應本日已諭官文等無庸將李孟羣一軍調回俾仍由英山前進節節勦洗以遏皖省賊勢但道路梗阻湖北不能接濟所有該藩司一軍餉糈著福濟源

源分撥毋令缺乏此次皖賊由宿太等處傾巢竄入楚境實因皖省無兵牽制致令該逆恣意上竄福濟鄭魁士坐擁重兵何得株守蘄州一籌莫展現在逆匪全力注意楚疆則皖境必有可乘之隙著福濟鄭魁士迅速出兵為搗虛攻瑕之計毋得專待李孟羣救援致成坐困之勢至安徽雖係殘破之區賊蹤徧地整頓較難然地方官若得幹練之員激勵鄉團安良除莠綏輯一方即少一方之裹

脅福濟撫皖有年於察吏安民之道並不講求安望軍務日有起色務當振刷精神力圖補救若徒知索餉以供坐守之兵於軍務有何裨益耶將此由六百里諭令知之○丁卯諭內閣前經疊降諭旨飭令各路統兵大臣及各督撫查明失守地方人員如有聞警先逃情節即著按律治罪乃各省辦理未能畫一或云先期因公出城或云事後隨同收復難保無避重就輕之處茲據御史李希郊奏

江西金谿縣知縣盧開甲署金谿縣知縣楊照黎臨川縣知縣馬永熾皆賊未來時先期逃匿以致該城失守慘遭屠戮此係該員在籍時所親見今盧開甲革職後竟未開缺仍留軍營效力楊照黎馬永熾亦未聞治罪等語著耆齡迅將盧開甲等三員失守情節查訊明確如有先期棄城逃避情事即著按律治罪毋稍徇縱此外各路軍營均著覈實辦理毋得曲為開脫博寬厚之名而致廢弛法紀

○又諭曾望顏奏興安商南防兵遣撤歸伍一摺陝西興安等處上年因襄樊土匪擾及鄖陽一帶調兵設防本年武當山勒匪淨盡業經該撫將興安府屬防兵酌撤現在南陽土匪均已肅清近陝地方並皆安堵所有商南在防兵丁著一併撤令歸伍○又諭何桂清奏查明沙船被劫處所應由山東巡撫查叅等語本年江浙運糧莊合順等沙船在蘇山養馬島等處被劫派管將弁不能實力

巡護非尋常疏忽可比既據該督等查明石島距江蘇洋面千里而遙蘇山在石島之西養馬各島並無其名惟有養魚池在石島之東均係山東榮成縣管轄著崇恩查明該管水師將弁即行嚴叅懲辦毋稍姑容○陝西巡撫曾望顏奏飛蝗入境潼關等處業已撲淨現仍委員查勘得旨仍著飭屬實力撲捕俟委員查明即刻覆奏○以辦理江蘇丹陽團練出力予敘諭賀芳等升敘有差○以江

南糧臺報銷遲延知府銜陳雋等下部議處○賞廣東省補行乙卯科鄉試年老諸生李芹等三十六人舉人副榜有差○戊辰諭內閣前因曾國藩以假期將滿懇請終制當經諭令假滿後即赴江西督辦軍務並仍署理兵部侍郎以資統率原因該侍郎督勦有年楚軍正資調度墨經從戎忠孝兩全茲據奏稱江西各營安謐如常毋庸親往撫馭並憑陳才難宏濟心抱不安仍請開缺守制各等

語曾國藩以督兵大員正當江西喫緊之際原不應遽請息肩惟據一再陳請情詞懇切朕素知該侍郎並非畏難苟安之人著照所請准其先開兵部侍郎之缺暫行在籍守制江西如有緩急即行前赴軍營以資督率此外各路軍營設有需才之處經朕特旨派出該侍郎不得再行瀆請致辜委任○又諭英桂奏簡放河南及部選分發人員多未依限到省請飭部照軍務省分一律辦理一摺河南省現在勦捕擒匪差委需員著照所請所有簡放河南及部選分發各項人員均照軍務省分新章不准捐升改捐及另行指發他省以杜規避○諭軍機大臣等德興阿等奏何桂清咨調水師船隻歸和春等調遣並據和春將何桂清原文咨會請仍遵前旨辦理○以專責成等語德興阿和春等身膺統帥重任江南北剿賊事宜應歸該大臣等調度何桂清本非專辦軍務此次咨調泊承陞等師

船歸和春等調遣原為速克鎮江起見既據和春咨會南北夾攻不分畛域德興阿等即可仍遵前旨辦理不致更形掣肘現在籌攻鎮江非水師不能廓清江面況聞賊陣眾多該逆恃為障庇必得調集師船先用火攻焚毀方能直抵金山及銀蒜等山攻其水營奪獲後不獨鎮江可克即瓜州亦在掌握中矣據德興阿奏張國樑已到鎮江和春亦即日移師前往南岸大兵業經雲集德興阿等務當督飭各軍水陸並舉與和春等合力圖功速拔堅城待膺懋賞朕不勝盼望之至將此由六百里各諭令知之○補行咸豐七年大計江蘇卓異官九員才力不及官一員年老官五員浙江卓異官十二員不謹官二員年老官五員有疾官二員河南卓異官十一員不謹官六員才力不及官一員年老官三員分別議敘處分如例○己巳以內閣學士徐樹銘為兵部右侍郎庚午諭內閣宗人府

奏遵議貝子載鈞接班遲誤處分一摺紫禁城內接班遲誤定例甚嚴本應照議革去貝子惟念載鈞患病屬實且業經病故所有應得革爵處分著加恩寬免○又諭譚廷襄奏地方梟販充斥請變通從嚴懲辦一摺直隸天津河間與山東毗連等屬向多鹽梟出沒數百為羣每經商巡攔阻拒捕搶劫橫行無忌兵役追緝亦復此拏彼竄若不嚴行懲辦何以除兇暴而靖閭閻嗣後該二府與山東毗連各屬商巡隨同兵役緝匪著准其攜帶鳥槍如遇大夥梟販持仗拒捕准其格殺勿論其尋常自行緝私仍照舊章辦理至地方官查拏梟販如遇大夥匪徒數十人及百人以上橫行搶劫即照拏辦土匪之例審明後先行就地正法其尋常並非大夥梟販及偷扒灘坨等案仍照定例辦理以示區別該督即通飭各該州縣董率團練加派兵役無分畛域合力兜拏毋任著名梟販得以倖逃法

網○辛未伊犁將軍扎拉芬奏請飛催各路援兵赴喀英二城助剿並力籌節省行糧不敢泥照成案致滋糜費得旨今昔情勢迥異斷不能動云成案可循惟在汝維持大局勿致後難為繼也○壬申遣官祭大神廟○諭內閣海樸奏阿克蘇地方擊退賊匪請將伯克獎勵一摺阿克蘇所屬柯爾坪地方突有賊匪五百餘今直撲卡倫經該處伯克哈色木帶領回兵前往迎擊殺賊多名該匪敗回復帶兵追趕至賽林底卡倫又斃匪十餘名賊眾奔潰追殺十餘里奪獲槍矛馬匹多件五品頂翎六品伯克哈色木擊退賊匪不致蔓延尚屬奮勇可嘉著加恩賞給四品頂帶以示鼓勵○阿克蘇辦事大臣海樸奏齊蘭軍臺剿賊獲勝並派兵防守情形得旨此起賊匪究係何處來者因何並未探明又奏存城防兵為數過單勢難分撥請將伊犁官兵一千餘名到境時全歸領隊大

臣錫拉那帶往巴爾楚克相機進勦批辦理甚妥○以江蘇太湖協副將周希濂為蘇松鎮總兵官署京口水師協副將李德麟為浙江定海鎮總兵官○以山東臨清勦匪出力賞守備羅奉清等升銜有差○予故江蘇蘇松鎮總兵官葉常春浙江定海鎮總兵官周士法祭葬卹廕○癸酉諭內閣譚廷襄奏遵旨招商運糧赴京懇恩免稅一摺現在譚廷襄遴派道員赴近京一帶招商販運米糧由天津通州轉運來京接濟民食所有該商等沿途經過地方著准其免稅以廣招徠仍著譚廷襄嚴查各屬如有州縣遏繹及商賈把持等弊即行嚴參懲辦○又諭麟魁等奏審明滋事兵役按律定擬一摺此案八旗披甲文惠等因懇求變通餉項章程膽敢直入衙署毆傷官長實屬目無法紀茲據麟魁等審明定擬所有各該犯應得罪名著刑部覆覈具奏逸犯劉緒緝獲另結

東陵八旗禮部該管各官於所屬兵役平日既失於約束迨至載華等飭令查訊又未能將滋事之人迅速查出著吏兵二部查取職名分別照例議處○載華端秀綿森並著交該衙門照例議處○又諭王懿德奏官軍克復泰甯縣城一摺閏五月二十一等日福建提督鍾寶三統帶兵勇進攻泰甯縣賊匪該逆膽敢出撲我軍槍礮齊施斃賊一百七十餘名生擒張得仔等十一名正法餘匪尚敢抗拒鍾寶三督率各軍長驅直進即於二十二日將泰甯縣城收復此次鍾寶三親督各軍進勦辦理尚為迅速著即乘勝進攻並將建甯縣城克復所有在事出力員弁著該督查明保奏候朕施恩○諭軍機大臣等麟魁奏請嚴催兵餉變通章程一摺據稱東陵旗營兵役一年錢糧向由遵化等州縣承領轉解往返咨催每多遲滯嗣後請徑由承辦衙門派員赴藩庫支領以昭簡易等語

陵寢重地該兵役等應得錢糧藉資當差非他處兵餉可比該尚書所請變通章程有無窒礙著譚廷襄妥議具奏並著督飭藩司此項錢糧務須按季支發毋稍稽延原摺著鈔給閱看將此諭令知之尋奏遵議

東陵兵餉請與俸折等項均赴司庫支領報聞○又諭本日據烏勒洪額文謙錢忻和奏派員接見俄使據實密陳一摺俄使到津聲稱有知照理藩院公文來津投遞並就近等候

覆信業經烏勒洪額等派員相機開導而該夷堅欲投文不肯說明來意詭譎情形已可概見烏勒洪額等以不難於拒之使去而難於去後不再生枝節所慮亦是但此次委員職分較卑該夷恐未能深信著派文謙親往夷船諭以爾國公文例由庫倫咨照理藩院辦理天津並非該國應到之地我等斷不敢率行接遞公文自干冒昧之咎惟念兩國素稱和好爾等遠涉重洋來此已經數日未便

拘泥成例所有此次來文如果我等接收後爾等即行回帆聽候理藩院行知薩納特衙門辦理如此尚可勉強代為呈遞理藩院查察若欲在天津守候回文我等既不知其中何事實不敢接收代遞致開辨論之端我等實當不起爾國與中國和好多年豈可因投文一事有失和睦如此曉諭若該夷起碇回國即將該夷文書進呈仍諭以此次代為投遞已屬違例若再至天津斷不能照此通融

辦理僅該夷堅欲在津守候回信即著文謙正詞拒絕不許代為投遞該夷雖中藏叵測若能據理折辯當不至遽啟釁端也○以福建延平等處勦賊並擒捕土匪出力賞參將梁翼之同知王澍等花翎主簿方三典等藍翎並在籍員外郎郭柏蔭等升敘有差○以福建汀州失守革都司賈彭守備楊元千總陳玉銓嚴益彪職並建問以失守城池即行克復革福建清流縣知縣曹紹曾歸化

縣知縣韋侃遊擊張常經職仍令幫同防堵
以直隸永定河漫溢革道員崇厚都司張
淳外委司際泰職仍留任同知李載蘇州同
程志達革職留工效力署總督譚廷襄卡部
議處○甲戌

上詣清夏齋問

如皇貴太妃安○諭內閣現在記名水師總兵
人員將次用竣著兩江閩浙兩廣總督於水
師副將內遴選堪勝水師總兵者各保奏數

員迅速送部引見候旨記名以備簡用不得
以無員可保一奏塞責其水師參將遊擊都
司守備各員如有材藝出眾可備器使者並
著覈實開單具奏○又諭王懿德奏官軍克
復建甯縣城一摺閏五月二十六等日福建
提督鍾寶三統帶官兵進攻建甯縣賊匪該
逆紛撲抗拒守備陳韶舞手刃執旗賊目一
名把總汪士忠矛刺悍賊數名各軍槍礮齊
施殲斃逆匪數十名該逆紛紛退逃自相踐

踏餘匪奔竄入城兵勇奮力圍攻轟斃城上
賊匪多名大軍繼進斃賊一百餘名生擒李
長奎等八名正法奪獲大礮火藥器械甚多
當將縣城收復餘匪由北門竄逃經聯甲壯
丁窮追斬馘不計其數副將林策勳等分路
搜捕均有斬獲現在邵武府屬各縣均已一
律肅清勦辦尚為迅速著鍾寶三乘此聲威
會攻甯化縣城剋期收復盡殲醜類毋留餘
孽其在事出力員弁兵勇著該督查明彙案
保奏○以福建順昌勦賊出力免已革守備
李呈瑞治罪○乙亥諭內閣昨據御史毛昶
熙奏參步軍統領聯順徇私廢法各款當令
左都御史肅順面傳諭旨令將所參劣蹟據
實詳奏本日復據該御史奏稱已革筆帖式
慶陽係聯順親戚今在步軍統領衙門影射
辦事攬權納賄廣置房產上年做壽演戲五
營將備齊往慶賀營汛為之一空其為聯順
腹心縱容舞弊已有實據著派端華僧格林

沁即將慶陽拏獲會同刑部審訊慶陽家產並著端華等嚴密查封至所叅聯順得受營規堆撥兵役每多缺額等款著一併查明具奏○聯順著先開步軍統領之缺聽候查辦○又諭恆春桑春榮奏回匪竄至省垣現籌勦辦情形自請嚴議一摺曲江回匪勾結激江等處回夷竄至省垣城外肆行焚殺該督撫身膺疆寄未能先事豫防咎有應得除恆春業經身故加恩寬免外雲南巡撫桑春榮及在省同道等均著交部嚴加議處○又諭舒興阿桑春榮奏督臣憤急自盡一摺覽奏殊堪駭異雲貴總督恆春數歷中外平日辦事尚屬認真現因回匪逼近省城雖事處危急而城池並未失陷該督自應力籌堵剿乃甫經具摺自請嚴議旋於六月初一日夜與其妻博禹特氏在署自縊封疆大吏當時事艱難之際不思力圖挽救輒以一死卸責不惟無益國事抑且貽誤大局死出無名與效命

疆場者不可同日而語惟覽其遺摺因堵截計窮自怨誤國殃民一死不足蔽辜且惓惓以國計民生為念無一語涉及家事其情亦甚可憫所有該督自請嚴議之處著加恩寬免仍無庸給予卹典以昭平允○又諭黃琮等奏辦理團練無效請交部嚴加議處一摺前任兵部侍郎黃琮江西道監察御史竇塢廣西左江鎮總兵周鳳岐辦理團練因回匪猝至未能抵禦致撲省城均屬咎有應得惟該員等俱係紳士與地方官究屬有間黃琮竇塢周鳳岐均著加恩改為交部議處○諭軍機大臣等本日據恆春桑春榮奏曲江回匪勾結回夷竄及省垣請飭撥兵餉復據舒興阿桑春榮奏督臣恆春事急自盡聞之不勝駭異雲貴總督一缺現辦軍務甚為緊要已降旨著吳振棫調補即赴新任毋庸來京請訓矣川省接壤滇疆現在大理尚未克復全滇官兵半經外調臨安府屬曲江回匪復

句結激江等處回夷潛至呈貢縣糾聚數千人衝散團練偪及省城現在桑春榮等籌畫守禦兵餉均缺吳振械著再於川省挑撥精兵二千名親自督帶赴滇並在川籌撥餉銀五萬兩迅速委解為接濟軍需之用毋得遲延致誤四川總督印務即交藩司祥奎護理雲南回匪滋事已閱年餘其始由地方官區分漢回之見不能秉公剖辦及至勢成燎原復未能分別良莠勦撫兼施以致回匪猶蓄

平定縣志卷之三

七

異志常謂漢人欺回日事報復此次恆春等呈遞該回偽示歸咎於劣紳欺陵大吏偏袒覽其措詞尚未敢公然背叛吳振械於雲南情形頗能熟悉經朕委以艱鉅重任務即先行出示剴切曉諭但分良莠不分漢回俾先聲奪人解散黨與到滇後恩威並用示以通權達變之方不為浮言所惑方能帖服人心挽回大局該督閱歷已深辦事素有把握此中操縱機宜著即悉心籌辦該回偽示並著

發給閱看再新授湖南臬司徐之銘籍隸貴州於滇省回務情形尚為熟悉茲已調任雲南臬司俾該督得收指臂之助將此由六百里諭令知之○又諭曲江回匪句結激江回夷至省垣焚殺狂悖已極惟據恆春將該回民偽示咨送軍機處朕覽其詞意尚未敢自居於叛逆總以漢匪叛逆有據為詞可見前次辦理總未得其平以致回民有所藉口桑春榮已補授巡撫本日復調吳振械為雲貴

平定縣志卷之三

七

總督並諭令由四川帶兵二千名餉銀五萬兩馳往滇省相機辦理未到任以前雲貴總督印務著桑春榮暫行兼署恆春所調各兵諒已到省務當督飭文武各員實力堵剿毋稍疏懈漢回皆係滇省百姓辦理之法但須分別良莠不可歧視漢回務將此意剴切曉諭俾知官兵勦辦毫無偏袒庶幾知感知悔可以解散其黨吳振械到任後該撫即會同籌辦軍務毋庸來京請訓將此由六百里諭

令知之。以工部尚書文彩兼步軍統領。調四川總督吳振械為雲貴總督。以山西巡撫王慶雲為四川總督。山西布政使恆福為巡撫。大理寺卿常績為山西布政使。湖南按察使徐之銘為雲南按察使。雲南按察使毓科為湖南按察使。以辦理貴州威甯回務出力。賞鹽運使福連等加銜升擢有差。予貴州都勻殉難訓導魏中瑩並委員計遠長妾唐氏等六十二名。旌卹如例。○予貴

實錄卷三百三

三

州麻哈等處陣亡殉難千總卞鳴珂黃金貴。張永泰雷新霆裴永昌。把總馬順興莊繼唐。劉光德王朝龍梁開泗。許世魁陳國清。謝占魁。外委彭玉順李光增鄒世福。宣明饒萬興。蔣安邦鄭先榮黃啟雲方文玉汪湛恩泰元興郭應奎龐瑞蘭廖連升從九品李毓芳楊旭光訓導黃錕祭葬世職黃錕子河昶河清媳李氏王氏孫嵩高文生陳際昌等旌卹如例。丙子諭內閣端華僧格林沁奏遵旨查

封慶陽家產查有私存彙案各件有乖體制等語。向例各衙門彙案均應收存官所。何以已革筆帖式慶陽寓所存有步軍統領衙門彙案及各項報單著聯順明白回奏。又諭奕格等奏葉爾羌糧餉章京應追虧款可否查封家產備抵一摺。前據慶英等奏葉爾羌糧餉章京奎齡糧餉帳目查有虧短情弊。請旨革職嚴追查查封備抵業經批令該部議奏。所有該員旗籍家產即著該旗查查封抵。○

實錄卷三百三

三

又諭耆齡奏官軍克復龍泉縣城敗匪殲除淨盡一摺。五月二十七日已革副將周鳳山督兵環攻龍泉縣城屢有斬擒。閏五月二十五日渡濠環擊投誠賊目內應各勇緣梯登城逆匪猶拌死巷戰。兵勇分投兜殺共殲斃三千餘人。奪獲軍械一千餘件。當將縣城克復在事出力人員著該撫查明擇尤保奏。又諭耆齡奏進剿永豐各股匪徒疊次獲勝一摺。候補道王鑫帶兵馳抵永豐在沙溪

等處追殺竄匪生擒賊首前據駱秉章奏報已降旨分別獎卹茲復據耆齡奏稱五月二十一日王鑫由沙溪追賊至韶源地方焚毀賊營通計斃賊二千餘名生擒數百名其吉安賊匪屢次出撲均經知府趙煥聯等擊敗萬安敗匪亦經水師截擊殲斃無算此次在事出力各員著耆齡擇尤請獎諭軍機大臣等會國藩援勦江西之師多係楚勇素稱得力茲據給事中李鶴年奏該勇自會國藩

實錄卷二百三

三

回籍後漸忘紀律頗有滋擾情事此項楚勇現歸何人管帶著福興耆齡查明如有滋擾情形即飭帶兵之員妥為約束無令滋事前據官文奏安徽逆匪分股上竄南勇失利已檄調王鑫一軍回楚應援但王鑫現在吉安勦匪頗屬得力如令赴楚何人可以接管或因吉安正當喫緊即將王鑫暫留江西俟克復吉安再令前往湖北著福興耆齡斟酌辦理至福興前奏派李定太帶兵由萬年樂平

一路進勦饒屬踞匪該將軍即由貴溪弋陽前進以為後路聲援現在福建連克城池撫建賊勢稍衰福興正可督兵節節進勦如能會合閩兵不難痛殲醜類規復撫建二城著福興體察情形相機辦理毋得遷延貽誤將此由五百里諭令知之○以克復江西龍泉縣城復已革副將周鳳山職賞還花翎○予江西龍泉等處陣亡把總楊士遂胡文應武明秀外委劉之益祭葬世職 丁丑

實錄卷二百三

三

上詣 大高殿行禮○還宮○諭內閣會望顏奏參疏防流民入境之州縣請分別議處一摺陝西商州知州劉良駟雖南縣知縣邵玉琳於各起流民入境並不查截咨送回籍任令散往各屬難保無匪徒涸跡其中實非尋常疏忽可比劉良駟邵玉琳著交部分別議處儻再不留心防察即著嚴參懲辦○ 上以孟秋時享

太廟自是日始齋戒三日○戊寅諭內閣英桂奏豫省軍政未能依期舉行懇仍俟軍務告竣辦理一摺河南省上屆軍政因各營調防未經查辦本年又屆軍政之期該撫現駐潁郡辦理堵剿事宜各營將備亦多徵調或分守要隘自未便紛紛調驗所有咸豐七年豫省軍政著准其展限俟軍務告竣再行辦理仍著該撫隨時察看儻有廢弛不職之員即行叅劾毋稍遷就○又諭和春奏圍攻鎮江逆匪獲勝一摺自溧水句容相繼克復後經和春等督飭各軍移營規復鎮江府城張國樑率同虎嵩林等連日劄營逼近六月十一日銀臺山賊壘出七八千人分路撲來都司周顯親等迎擊斃賊數十該逆恃眾抵拒張國樑率領副將李若珠等接戰復斃多名張國樑揮令李若珠等左右夾攻周天培馮子材等從後抄擊斃賊不計其數並擊倒黃衣悍賊數名乘勝追擊該逆猶敢剽駐山梁槍

實錄卷三百三

元

實錄卷三百三

元

礮回抗我軍冒煙槍上斃賊甚眾餘皆敗逃甘露寺金山等處復出賊千餘來援余萬清虎嵩林等督兵分途截剿總兵泊承陞等亦督水軍攻打甘露寺賊營逆勢大敗狂奔官軍追殺至城西門該逆滾屋落澗死者不計其數統計是日斃賊六七百名砍取首級五十餘顆奪獲旗幟軍械二百餘件逆匪踞守鎮江死力抗拒我軍既已移營進剿獲勝著和春張國樑速即乘機力圖克復並飭南北岸水路各軍併力攻取毋稍延玩○諭軍機大臣等有人奏侍衛蘊秀帶兵不能得力候選知縣於學琴隨營當差恃勢陵人不自檢束聲名平常等語蘊秀在揚州軍營曾經德興阿等保奏賞給副都統銜該侍衛帶兵打仗究竟能否奮勇著德興阿翁同書秉公確查如果該侍衛在營不能得力即據實具奏再降諭旨至候選知縣於學琴既據奏稱聲名平常難免有藉勢招搖情事此等劣員留

於軍營殊無裨益。並著德興阿等確切查明。即行斥退。不准留營。致滋貽誤。再已革兩淮鹽運使劉良駒。在揚州軍營辦理文案。朕聞其繕寫奏報。每致蒙混。該大臣等增添情節。劉良駒本係獲罪之員。輒敢於軍情重務。私自增改。實屬膽大妄為。著該大臣等詳細查明。據實參奏。毋稍徇隱。此外差委各員。並著隨時查看。覈實甄劾。並迅督兵勇克復瓜州。毋得日事遷延。致負委任。將此由六百里諭令知之。○命三品頂帶已革江蘇巡撫許乃釗。赴欽差大臣和春軍營。幫辦軍務。賞已革山東巡撫張亮基。五品頂帶。幫辦雲南剿匪事宜。○命貴州按察使潘楷來京。以兩淮鹽運使福連。為貴州按察使。○予江南鎮江陣亡都司周顯親祭葬世職。

實錄卷三百三

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三十

實錄卷三百三

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十一

與修職官經筵日講起居注官太子太保上書經師傅文淵閣領閣事翰林院學士稽察欽奉上諭事件處國史館總纂官武英殿

大學士管理兵部事務加十三級以錄十四次員官積累不絕奏官經廷議官太子太保又調開公閣常奉英殿總管官教習庶吉士體仁閣

大塔士官理戶部三庫事務管理刑部事務加二十三級紀錄十六次臣周祖培跪奏官太子少保管理內務府事務引大臣軍機大臣

鎮蘇吳洲都統戶部尚書管理三集事務加四級隨帶加五級紀錄十二次臣
秦榮煥奏爲竊經臣謹管弘德殿校書清文誦讀上書唐魏好

過國史館纂修官正監祿蒙古都統理藩部尚書管理太常寺鴻臚寺事務加二級軍功加四級隨常加八級記敘五次以優卹殲不辱奏

敕修

咸豐七年丁巳秋七月庚辰朔享

太廟

上親詣行禮○幸圓明園○諭內閣載容等奏
請撥庫款澆灌樹株一摺

西陵近日雨澤稀少所有儀行各樹自宜隨時

灌溉以期一律青蔥著准其由廣恩庫長蘆

項下撥銀六百兩分給各處趕緊添雇夫工。

勤加澆灌，即著載容等親歷各地，面時常查

勘督率司員敬謹妥辦○諭軍機大臣等烏

勒洪額等奏俄夷不聽開導堅欲在津候信

各情形。文謙託名查河。並未專為夷務而來。

既經勸之不從自未便再與接見該委員等

既許其知會地方官專稟上司即著錢炘和

屆期前往與之接見告以接到委員稟報知

有投文之事特來查看情由今據委員等稟

知先有查河大臣接晤該國來使知已在恰

克圖投文因回文遲誤是以前來因思道路

遙遠文書遲誤幾日。亦屬事所常有。不得遂

謂爽約。如果理藩院奏准爾等直到天津並

實錄卷二百三十一

准其進京。早該有文書飭令地方官。豫備接

待事宜現已日久天津尚未奉到京中知照

恐來使進京之事理藩院未曾議准如果未

准必早有公文移會貴國薩納特衙門恐收

到稍遲來使未曾知悉亦未可知現在錢所

和係地方藩司既經面晤當即備文咨呈理

藩院請示遵行俟回文到日再行奉報至中

國與外國交涉事件地方官不奉京中飭知

不敢輕易接手茲因爾國與中國和好有年

聞有使船在此。特來相見。並將不敢擅收文書實情告知。如能稍待幾日。必有理藩院回文。可以照辦也。其餘相機開導。務與文謙所言不觸不背。接見後。將該夷登答語言密奏。一面告知該夷。已咨呈理藩院請示矣。俟奏到時。如何回覆該夷之處。朕當命軍機大臣擬彙。作為理藩院劄行該藩司公文。令其曉諭該夷。屆時錢忻和遵辦可也。至沿海奸民接濟食物。前經諭令暗中嚴禁。夷船進口測量水勢。尤屬可惡。著派弁兵人等晝夜稽查防範。○又諭。本日據常清奏。回匪滋事。請派令前往會同堵剿等語。此次回匪滋事。各城派兵堵剿。其土爾扈特等處官兵三千名。經裕瑞管帶出境剿辦。常清熟悉口外情形。既據聲請前往會剿。著即准其折回。會同裕瑞管帶土爾扈特官兵相機進剿。並著商同法福禮慶英。由葉爾羌一帶探明何路緊要。即由何路進剿。毋得株守一隅。致令該匪蔓延。

實錄卷二百三

三

將此由五百里各諭令知之。○盛京將軍承志奏報飛蝗入境。趕緊撲捕情形。得旨。仍應實力撲除。勿得視為具文。○辛巳諭內閣。會議軍器王大臣奏鑄造礮位及備用軍器。全數工竣一摺。惠親王等於上年春間奏准設局開工。督同文武各員鑄造鋼鐵大小礮位。及各項備用軍器。現已一律竣工。經該王大臣逐一演試。均屬致遠有準。所有在事出力各局員著准其分別保奏。另片奏捐輸鐵斤各員。除六品頂帶花上林在局效力。另行併案覈獎外。貴州布政使海瑛署天津鎮總兵達年直隸。即補知府徐志導署葛沽營遊擊格洪額。天津城守營都司奇車布。前任永定河道降補同知定保。應得獎敘著戶部覈議具奏。動用銀錢。免其造冊報銷。又諭前因御史吳焯奏江南糧臺委員蒙混侵蝕各弊。當交何桂清趙德轍查奏。茲據和春會同該督撫奏稱裁汰冗員。隨時查看。並請分別勸

實錄卷二百三

四

懲以挽積弊等語。嗣後糧臺各員。果能潔己奉公。實心辦事。自應覈其勞績。奏請獎敘。至辦理不善各員。除查無侵吞入己情弊者。仍照例叅辦外。其有營私舞弊。剋扣侵漁。該大臣等查有實據。無論官階大小。著一面奏聞。即將該員以軍法從事。以儆其餘。○又諭。戶部奏。倉米被竊。請將該倉監督議處。並查倉御史朱文江奏。各一摺。內倉米石被竊。該監督等失於覺察。實有應得之咎。戶部員外郎榮溥。郎中哈興阿。均著交部議處。其該班看守官兵。應仍照舊章補足八名之數。並砍伐近牆樹株。以杜攀越。及將積年土米一千餘石。撥給各廠賑濟之處。均著照戶部所議辦理。偷米賊犯。業經由步軍統領衙門拏獲。著即訊明具奏。○壬午。諭內閣。惠親王等奏。遵議散放八旗賑米一摺。著照所請。八旗滿洲蒙古漢軍。暨內務府三旗。每日每旗各領米六石。由戶部籌撥。各該旗都統。酌量戶口多

寡。分成散放。並著查旗御史。會同各該旗都統。副都統。輪往監視。以昭覈實。現在米價昂貴。八旗生計維艱。若俟至九月始行散放。恐不足以資接濟。著各該旗於酌定章程後。自本月起。即行散放。以示朕恩。膏肓速沛至意。至八旗官紳中。有願捐貲助賑者。即照所議。令赴捐銅局。及火器營。上兌。另款收存。以備採買米石之用。○又諭。福濟奏。遵旨查明開餉官兵。請分別嚴懲等語。前因湖南兵勇。在廬州藉餉滋事。當經降旨。交福濟查明從嚴懲辦。茲據奏稱。查出起意搶鬧之花翎守備銜湖南永綏協中營千總龔生敬。藍翎守備銜儘先千總鎮軍右營把總許正東。藍翎守備銜儘先千總鎮軍右營外委舒占彪。於都司鄭昌拔。領餉未及出城。疑其侵匿。因各帶本營兵丁數十人。進城索取。乘機搶奪餉銀。並闖入該撫公館。將衣物闖防分搶。實屬目無法紀。龔生敬。許正東。舒占彪。均著即在軍前

正法。以昭炯戒。湖南帶兵都司鄭昌拔。承領餉銀。不能小心保護。致令失事。亦屬辦理不善。著即革職。責令帶兵回標。如查有沿途滋事情弊。即著從嚴叅辦。○諭軍機大臣等。據惠親王等奏。風聞吉林所屬地方。近來糧石甚賤。惟陸運至海。腳價過多。查有遼河一道。東股至吉林園場山內發源。流至昌圖地面。與西股匯流。曲折入海。載糧二三百石之船。尚可運行。惟自匯流以上。東股水淺。恐大船難行。若能用小船剝運。則該處糧石。可以出境等語。現在京師糧價昂貴。民食維艱。必須豫籌糧石。寬為儲備。著慶祺、景瀄會同查明吉林與盛京通舟河道。如可運載糧石。直達海口。並無阻礙。或籌款採辦。或招商販運。該將軍等即行妥議奏明辦理。將此各諭。令知之。○又諭。官文、胡林翼奏。水陸布置情形。並疊次堵剿獲勝一摺。武漢黃州等處。水陸要隘。均經官文等派撥精兵扼守。皖賊無從上

竄。並於黃梅等處。連日接仗獲勝。辦理尚屬周妥。李孟羣一軍。既可無庸折回。其王鑫等兵勇。前因在吉安剿匪得手。諭知耆齡斟酌情形。或俟吉安克復。再令該員赴楚。此時楚北軍情較緩。且江西先派李續宜南勇到營。兵力已敷。堵剿所有王鑫、劉騰鴻各軍。著官文、胡林翼即日行文知照耆齡。毋庸折回湖北。至蘄水等處賊匪。非痛加剿洗。不足以杜其窺伺。九江小池口。頻兵日久。亦應迅速進攻。胡林翼到黃州後。重振軍威。即著督飭兵勇迅速剿辦。毋再延緩。將此由六百里諭令知之。○又諭。福濟等奏。餉需久缺。請飭淮海各關。按月委解等語。皖省廩粟和滁壽潁各處。現存兵勇合計尚有二萬。每月需餉十餘萬兩。兼須分給李孟羣一軍。而指撥各省之款。解到無幾。亟應量為協濟。著何桂清、趙德轍酌量情形。不必拘定淮海各關。如有可以移緩就急之項。即迅速籌撥銀數萬兩。派員

解交福濟軍營。以資接濟。將此由六百里諭令知之。○又諭福濟等奏。皖省兵餉兩絀。急難進剿一摺。據稱廬巢和滁壽穎各處。現存兵勇。尚有二萬。餉需無款可籌。請飭山陝各省。及淮海各關。按月如數委解等語。山陝兩省。撥解廬州餉需。雖未能如數。而按月二三萬兩。尚無貽誤。現在京餉。及揚州湖北之餉。皆取資於該二省。近以回疆滋事。復令撥餉數十萬兩。是該二省解款甚多。未便專為廬

州。再事嚴催。本日已諭知何桂清趙德轍。不必拘定淮海各關。趕緊籌銀數萬兩。解往廬營。此項餉銀解到。即可分撥李孟羣行營。以資接濟。李孟羣一軍。本係赴援廬州。且已行入皖境。豈能不由皖省接濟。本日據官文奏。已撥銀二千兩解往。並有兵勇潰赴漢陽就食之語。福濟竟稱無項分給。將聽其紛紛飢潰。隔膜視之耶。至德興阿。咨調吉林等處官兵一節。福濟株守梁園。既稱難以進剿。則留

兵亦止為防守之計。現在德興阿軍營。正當會攻喫緊之際。仍著飭令撥回。以資攻剿。將來瓜鎮兩處克復。尚可分兵赴皖。以圖大舉。此時自當先其所急。不應以有用之兵。徒事防堵也。將此由六百里諭令知之。○以承辦直隸永定河工。未能堅固。革同知王茂堦職。仍令賠交原領經費。○癸未。諭內閣。上年入秋以後。近畿一帶。時見飛蝗。旋據直隸等省奏報。亦各有飛蝗停落之處。疊經降旨嚴飭地方官吏。認真撲捕。原慮蝻孽滋生。致傷禾稼。是以古來捕蝗之法。或付之烈炬。或填之深溝。總以不留餘孽為要務。近聞各省被災之處。民間訛稱蝗為神蟲。不肯撲捕。鄉愚無知。殊為可憫。著通諭各省督撫。飭令地方官一體出示曉諭。如遇飛蝗入境。無論是否傷稼。務須盡力挖捕。勿得惑於俗說。任令蔓延。至會典所載劉猛將軍為驅蝗正神。於雍正年間曾奉

諭旨飭令各省建廟致祭。上年飛蝗四起。秋稼未傷。今年春夏。各省奏到蝻孽滋生處所。或並未停落。或收捕潛消。並有經雷雨埽蕩無蹤者。此皆靈爽驅除。默為呵護。應如何酌量加增致敬之處。著禮部覈議具奏。○又諭前因已革貝子德勒克色楞散放賞銀遲延案內。究出已革佐領達瑪林色登等私搭鈔票。並卓索圖盟賞銀。尚有兵丁未經關領各情。當交熱河都統會同該盟長查訊具奏。茲據

英隆等奏達瑪林色登業經該旗報明。於上年十二月病故。惟據塔布囊德勒克桑保供稱。伊曾聞烏爾圖那蘇圖說。達瑪林色登係五年七月病故。與該旗所報不符。著刑部提訊烏爾圖那蘇圖錄取確供具奏。至德勒克桑保供稱。前在高唐軍營捐輸皮襖。未經領有印收。虛實均應查究。直隸糧臺案卷現經調京查覈。並著刑部查明德勒克桑保有無捐輸皮襖定價若干案據。一併具奏。尋奏。德

勒克桑保並無捐輸皮襖事據。報聞。○兩江總督何桂清奏請徵甯蕪池四營參將遊擊都司守備缺出。暫補軍營著績儘先人員。俟皖南肅清。仍按營制辦理。允之。○鑄給新設皖南鎮總兵官關防。從總督何桂清請也。○改鑄烏魯木齊鎮西廳撫民同知關防。照磨印信。儒學條記。從前任護陝甘總督常績請也。○甲申諭內閣。聯順身任大員。於奉旨飭令交出之家人。遷延不交。已逾三日。顯有隱

匿情弊。殊屬可惡。咎由自取。聯順著先行解任質訊。並派端華。僧格林沁。即日前往。將該員家產查抄。毋任隱匿寄頓。○鄭親王端華等奏遵旨研訊聯順被參案內牽涉各員。請解任歸案審訊。得旨。蘭春。廉保。恩錦。恩需。均著解任歸案審訊。並派瑞麟。文彩。增慶。富勒敦泰。前往。將該員等家產。嚴密查封。○以監造礮位出力。賞火器營翼長明泰。副都統銜員外郎瑞禧等。升敘有差。○乙酉。諭內閣。御

史曹登庸奏。學政輕浮乖謬。請飭查辦。並將所出試題開單呈覽。一摺。河南學政俞樾。出題割裂。致令文義難通。據該御史開列二十題。俱係不成句讀。荒謬已極。至所稱科試。郊縣童生。文題誤出破句。幾至罷考。按試河南府時。坐索棚規。逗遛三日。均屬有玷官箴。俞樾著即革職。交英桂。督同藩司瑛榮。將所叅各款。秉公查辦。據實具奏。毋稍徇隱。○又諭。李孟羣奏。官軍收復霍山縣城一摺。李孟羣一軍。自入安徽。攻克英山縣城。當經諭令乘勝進攻霍六。該藩司督率兵勇。進抵霍山城下。於六月初三四等日。出隊攻勦。即收復縣城。所辦尚屬得手。仍著該藩司督軍進克六安。漸清皖境。○又諭。袁甲三奏。勦賊壘勝。連破鄧姚兩圩。生擒逆首。並將另股賊匪各圩。一律毀平一摺。袁甲三等。自攻破王圩賊巢後。鄧圩之賊。負隅堅拒。我兵將附近姚圩之籬笆集等處游匪。殲斃三百餘名。生擒五十

餘人。擒首劉老淵等。勾結竄賊。前往應援。亦被官兵盡數斬擒。練總高錫齡等。進攻宗圩。斬擒多名。劉逆等。復在李八莊等處築壘。經候補知府徐曉峰等。帶領兵勇。斃賊百餘人。生擒三十餘人。將藏匿餘匪殲盡。賊圩亦即毀平。嗣鄧圩賊內訌。被脅男婦。開門乞命。縛出逆首李寅。並悍賊劉破頭等。三十五人。均即正法。梟示。姚圩又出賊二百餘人。自縛跪求免罪。即將姚圩攻破。斬殺甚多。袁甲三調度有方。此次勦撫兼施。辦理尤為妥協。著加恩賞戴花翎。以示獎勵。○諭軍機大臣等。李孟羣一軍。由湖北赴援廬州。疊次克復城池。現擬進攻六安。惟軍餉缺乏。士卒飢疲。湖南勇已散去二千餘人。雖經截令歸伍。募勇充補。而餉需不繼。潰散堪虞。該藩司現在六安。廬州餉道。尚未能通。前經官文。英桂。各解銀三四千兩接濟。業經散放無存。著英桂。再籌銀三四萬兩。就近解赴李孟羣軍營。俟有由

豫解赴廬州之餉。准其截留扣還。此路兵勇。攻勦頗能得力。於皖豫兩省大局攸關。英桂接奉此旨。務即迅速籌撥。毋許延誤。至所請飭撥馬隊官兵助勦等語。現在各路馬隊。惟容照所帶五百名。近在宿州。著英桂酌量情形。如宿州現在防勦稍鬆。即飭容照帶領馳往六安。協同李孟羣攻勦。將此由六百里諭令知之。○又諭李孟羣奏克復霍山縣城。擬攻六安。附陳勇糧缺乏。並請飭撥馬隊等語。

欽此

該藩司自英山進勦後。疊次獲勝。現當糧匱勇飢。猶能激勵軍心。使士卒忘其飢疲。團練樂於效命。旬日之間。即將霍山縣城克復。調度允合機宜。六安州逆匪。聞有窮蹙之勢。仍當乘勝進勦。與廬州官軍會合。庶可次第殲除。疊經諭知福濟。分撥餉銀。總未能設法疏通道路。以致勇多散去。雖據官文等奏。委解銀二千兩。前往接濟。亦恐杯水車薪。難資挹注。本日復諭英桂。撥銀三四萬兩。解赴李孟

羣軍營。俟各省解皖餉銀經過豫境。再行截留扣抵。諒必能就近協撥。至所請添撥馬隊。並諭英桂酌量情形。如宿州賊勢稍鬆。即飭容照帶領馬隊五百名。前赴該藩司軍營助勦。李孟羣務當先就現有兵力。急圖攻勦六安。迅拔州城。期與福濟等會合進兵。翦此醜類。○太僕寺卿袁甲三奏。前次截留河南英桂大營。解往廬州軍營。官馬五十匹。現當軍務喫緊。未便抽回。得旨。馬數無多。准其留用。

○熱河都統英隆奏。前派赴廬州軍營兵一百名。由圍場挑選。並未訓練。且本地方匪徒滋事。未便調往。得旨。著暫行停派。○以前任烏魯木齊都統廣福。為理藩院尚書。○命翰林院編修李鴻藻。提督河南學政。○以攻勦安徽鄧圩等處賊匪出力。擢總兵官史榮椿。為提督。賞總兵官朱連泰。邑圖魯名號。予霍山等處陣亡理問銜江繼陶。從九品銜汪興禮。千總李應太。祭葬世職。○丙戌。以都察院

左都御史肅順。兼正白旗漢軍都統。○丁亥。上幸萬壽山。○諭軍機大臣等。本日據海樸培成奏。和闐軍臺被擾。文報不通。各一摺。喀什噶爾回匪滋事。葉爾羌東路軍臺。業經梗阻。和闐草地所設軍臺。專通文報。關繫甚重。乃該匪復敢於坡斯坎木軍臺。肆行擾亂。以致文報不通。和闐距該臺六站。兵力甚單。培成現飛咨海樸。將葉爾羌前調應援後路官兵。酌撥數百名。由草地馳赴和闐。順道迎擊。喀什沙爾烏魯木齊。派往葉爾羌應援官兵。已於六月初八九等日啟程。不日均可行抵阿克蘇。即可酌撥前往和闐。免致由葉爾羌再行折回南路。徒費時日。該處布魯特回匪。醜類無多。不難驅逐出卡。肅清道路。並著法福禮酌量派兵協剿。以期一鼓殲除。再昨據樂斌奏。餉糈支絀。請飭迅速進剿。摺節軍需等語。近年甘餉支絀。此次勦辦回匪。雖經飭令各省撥銀為數不下五十萬。但恐一時未能

湊集。前經批諭扎拉芬奏。今昔情勢迥異。不能動云成案。諒已遵照摺節辦理。海樸現辦糧臺。一切俱當覈實。未可令帶兵員弁。浮冒開銷。至軍務一日不了。軍需一日難停。尤在法福禮等統兵大員。相機進剿。迅速奏功。以慰朕望。將此由五百里各諭令知之。○戊子。孝靜康慈皇后再周年忌辰。遣官祭慕東陵。○諭軍機大臣等。烏勒洪額等奏接收俄夷文書。由軍機處進呈。並文謙可否暫行進京。請旨遵行各等語。據稱俄酋於投遞公文後。暫行回帆。訂於本月二十日後。駛回候信。此件文書。應俟譯出後。由理藩院備文交錢忻和轉付該酋。總在二十日以前。回文必可到津。不致誤期。既據烏勒洪額奏稱。一切情形。擬請旨令文謙進京面奏。請示機宜。自為慎重公事起見。文謙著即來京。遞摺請安。又諭前因俄羅斯聲稱。派員由天津赴京。投遞公文。當經密諭該地方官開導阻止。茲

據直隸藩司錢忻和奏。夷船駛抵天津。停泊海口。該夷不聽開導。堅欲投文。只得將文書接收。該夷即回帆他往。約於本月二十日。仍回天津候信。該夷性情詭詐。既遠涉重洋。訂期甚近。未必前往他國。必在附近各海口寄碇。或往盛京各海口遊駛。亦未可知。著慶祺。密飭沿海文武員弁。隨時哨探。如該夷船駛到海口。務須不動聲色。妥為防範。並嚴禁沿海奸民。與之交易。及接濟食物。該夷如乘坐

實錄卷一百一十五

十九

小船進口。測量水勢。著密飭兵弁。嚴行攔阻。毋稍疏虞。將此由五百里密諭知之。○又諭。前因俄羅斯欲派夷官。由津赴京。投遞公文。當經諭令該地方官。設法開導。阻止。茲據直隸藩司錢忻和奏。夷船駛抵天津海口。後。堅欲投文。不聽開導。已將其文書接收。該夷現暫回帆。據稱本月二十日。仍須駛至天津候信。該夷詭譎性成。既遠涉重洋。其所訂之期。不過十餘日。豈能遽行回國。度必在於附近

各海口。暫行避匿。或竟駛至山東。亦未可定。著崇恩密飭登州等各口水師將弁。並地方官。於該夷船駛到時。不動聲色。嚴密防範。並嚴禁沿海奸民。與之交易。及接濟食物。如果該夷人進口。測量水勢深淺。必須嚴行攔阻。毋得稍有疏虞。再有人奏。江南宿遷縣之紅花鋪地方。有一積年土匪。號禿爪龍。其同夥匪徒。現有千人之多。劫掠之案不一。恐釀事端。請飭查拏等語。著崇恩迅速查明。將該匪首設計擒拏懲辦。並將夥黨按名拏獲。設法解散。免致為害行旅。將此由五百里密諭知之。○己丑。

實錄卷一百一十五

十一

孝懿仁皇后忌辰。遣官祭

景陵。諭內閣。著崇恩奏。應行計典。請再行展限。辦理一摺。江西省咸豐六年十二月。應行計典。前經文俊奏准。展至本年六月內舉行。茲據耆齡奏稱。藩司龍啟瑞。到任未及三月。循例再請展限等語。所有江西省咸豐六年十

二月應行大計。著准其再展三箇月。至本年九月內舉行。○又諭英桂奏。勦辦襄樊竄匪。克復鄧州。內鄉兩城。股匪殲除淨盡一摺。上年十月間。襄樊土匪。由新野攻陷鄧州。經英桂飭令總兵慶德。邱聯恩。及候補道周煦徵等。督帶兵勇。前往勦辦。十一月初七日。官軍進至鄧境之七里河。遇馬步賊匪前來衝突。我軍開放大礮。斃賊百餘名。邱聯恩等。令團勇分兩翼兜抄。賊匪退竄。立將土城克復。初

實錄卷三十二

三十一

八日五鼓。邱聯恩等。親督兵勇。從城東北兩面槍礮環攻。團勇吶喊接應。賊見官兵勢盛。即開西南門潰圍而出。邱聯恩等。分路追勦。斃賊六百餘名。生擒匪首程四等四名。賊目李得名等十七名。當將州城收復。本年二月間。楚北均房餘匪。由南漳竄陷內鄉縣城。邱聯恩。自半扎店星馳援勦。署南陽府知府何懷珍。及鄧州紳士高振宛等。各帶兵勇鄉團。聞道趕至內鄉。直抵城外。斃賊數十人。匪眾

敗退。復趕殺七八百名。槍斃騎馬黃衣賊目一名。奪獲羸馬二百餘匹。槍礮刀矛。不計其數。立將縣城收復。其嵩縣。盧氏。一帶匪徒。均經該地方官。及副將閻丕敏等。會督兵勇兜擊。悉數殲除。現在南陽府屬。一律肅清。西路民情。亦俱靜謐。均屬著有微勞。所有在事員弁紳士兵勇。著英桂擇其尤為出力者。酌量保奏。毋許冒濫。○諭軍機大臣等。據奕山。景瀋等奏。俄夷欲占江岸。並遵旨曉諭夷酋情

實錄卷三十三

三十二

此恣意行駛。我等不敢不據實奏聞。連閱吞屯之事。亦已入奏。理藩院已行知爾國查辦。爾等自當安靜遵行。不可仍前行駛。其要請通商及請移屯戶等事。即設法拒絕。體會理藩院原文之意。相機開導。一面密為防範。嚴禁內地人等與之交易。至摺稱該夷止占江左。並未道經右岸。另摺又稱該夷欲占江右。究竟該夷建房處所。如霍爾托庫圖勒。密布雅哩等處。何處係屬左岸。何處係屬右岸。是否均係黑龍江所屬。抑有吉林地界。小黑河屯對岸。是何地名。該夷移往建房之大黑河屯。距海蘭泡闊吞屯道里若干。精奇哩地方。是否係黑龍江專轄。所稱往奇咭貿易。是否內地。抑係東海島嶼。均著查明具奏。理藩院原文著鈔給閱看。將此由五百里各密諭知之。以江西興國勦匪出力。賞都司滿圖等。花翎。把總楊成龍等。藍翎。餘加銜升敘有差。予吉安陣亡知縣劉拔元。外委李元發。祭葬。

實錄卷三十三

三十三

世職南康殉難六品軍功蕭惠振賞卹如例。予河南陣亡把總杜仕珍。主簿彭希良。典史陳福年。祭葬世職。予安徽禦賊被戕知縣朱鳳鳴。祭葬世職。弟鳳岡。子祛忠。賞卹如例。庚寅諭內閣。端華等奏會審被參大員。請將解任各官先行革訊一摺。前因聯順於奉旨飭交家人。延不交出。當經降旨。將該員解任。並將侵用官項之經營筆帖式蘭森等。一併解任。交端華。價格林。沁。會同刑部審訊。茲既訊據慶陽供稱。各員得受錢文。並每月分給姚大各情。均經向聯順告知。聯順呈遞親供。並不據實登覆。一切委為不知。顯有掩飾情弊。聯順著先行革職。筆帖式蘭森。廉保。恩。錦。恩。需。均據供認得受錢文。著一併革職。交端華等嚴行審訊。聯順家人姚大。即海壽。著步軍統領衙門。順天府五城直隸總督。一體嚴密查拏。務獲歸案審辦。又諭前因聯順被參案內。究出步軍統領衙門筆帖式廉

實錄卷三十三

三十三

保有侵用官項情弊。當將該員家產查封。惟廉保係勝保之弟。現尚同居。所封家產。有勝保貲財在內。雖將來定案時。自必分別給還。第念勝保現在帶兵勦匪。宣力行間。尚有老母在家。查封後未免失所。此案一時未能訊結。著端華、僧格林沁會同刑部。於查封廉保家產內。先將勝保一分查明給還。俾伊母得資養贍。用示朕眷念勤勞恩施格外之意。○諭軍機大臣等。何桂清奏遵籌各路軍務等語。何桂清自抵江南。即行力籌軍餉。並能與和春、張國樑遇事和衷。將軍務情形隨時參酌。朕方望其相與有成。斷不責其越俎。前此咨調下游師船。係為速克鎮江起見。朕已諭令德興阿等督飭水軍。與南岸同時並舉矣。南北兩岸均係該督統轄地方。無分畛域。嗣後仍遇事咨商。速掃妖氛。以副盼望。所奏金陵向石逆求援不應。洪逆日夜不安。將有潛竄之意。惟蕪湖等處賊蹤飄忽。恐將來不犯。

江西即擾皖南。自應通籌形勢。先事圖維。現在江南大營尚無可分之兵。著俟鎮江得手。後即與和春等商酌。分兵前往蕪湖繁昌。聯絡水師。以清上游。江西賊勢既分。然後直搗金陵。使悍賊不致併歸池太。以消後患。將此由五百里諭令知之。○又諭桑春榮奏省城被困情形一摺。現在新任總督吳振斌已有旨催令將所統川兵二千名餉銀五萬兩。星速帶赴滇省矣。回民既揚言止欲報讐。不敢謀逆。雖其言未足深信。正可乘機曉諭。暫戢兇鋒。著該撫一面激勵官紳嚴密防禦。一面廣為出示曉諭回民。告以爾等既稱不敢謀逆。即不應阻遏糧道。攔截要隘。至欲尋漢民報讐。亦當官為覈辦。何得糾眾肆行焚殺。現在新任總督統領四川官兵前來赴任。並欽派前任巡撫張亮基前來。定能持平辦理。無論是漢是回。良者必當安撫。莠者悉予勦除。若仍前兇橫。則大兵一到。不免玉石俱焚。如

此懾以先聲。安其反側。當可暫紓目前之急。以待吳振械前來督辦。至漢民既遭回民焚掠。自應協力同讐。若復人懷一心。無怪回強漢弱。著傳諭在城紳士。不得各存意見。務將城內漢民認真曉諭。使自相聯絡。以為守禦之計。將此由六百里諭令知之。○又諭。本日據桑春榮奏。回匪竄擾省垣。分踞城外各要路。阻遏餉道。攔截外援。現在督同司道將弁。及在省紳士。添募壯丁。登陴守禦。惟需餉甚鉅。庫款及地方捐銀。僅敷兩月之用。請飭催陝省。將奉撥未解銀兩。迅即撥解。以濟危急等語。著曾望顏。於應撥滇省項下。先行籌撥銀五萬兩。派委妥員。探明路徑。星速解往接濟。將此由五百里諭令知之。○又諭。本日據桑春榮奏。回匪分踞距省數里各要路。關廟村寨俱被焚掠。圍練陸續奔潰。城內餉絀兵單。一無可恃。雖據回匪揚言止欲報讐。不敢為逆。而阻遏糧道。攔截外援。省垣空虛。竟成

坐困之勢。吳振械計已接奉前旨。所有諭調之四川官兵二千名。著迅速挑撥。親自督帶啟程。其餉銀五萬兩。並著迅速委解。以資接濟。前因張亮基。曾經辦理漢回互闢之案。已賞給五品頂帶。令前往雲南。幫同辦理。勦匪事宜。又因徐之銘。於回苗匪徒情形。尚為熟悉。調任雲南臬司。俾吳振械得收指臂之助。現在回匪尚不敢公然自居叛逆。該督到滇後。持平酌辦。方合機宜。滇民痛恨回民。其勢豈能盡殺。回匪自稱不叛。豈應擅自興兵。務須號令嚴明。恩威並用。自能解散黨與。帖服人心。以副委任。將此由六百里諭令知之。○黑龍江副都統魁福。因病解任。以呼倫貝爾總管積拉明阿。為黑龍江副都統。○辛卯。皇后千秋節。宮內行禮如儀。停止筵宴。及在外公主。福晉。命婦行禮。○以勦平貴州遵義匪徒。賞知縣江炳琳。花翎。餘升擢有差。予陣亡練目文占雄。翟玉春。賞卹如例。○以擒獲貴

州銅仁匪犯賞練丁毛宗發等六品頂翎○
壬辰諭內閣

關聖帝君福佑我朝威靈顯著前已升入中
祀備極褒崇茲朕親書萬世人極扁額著造
辦處成造一分恭懸京師地安門外

關帝廟所有各直省府州縣

關帝廟著御書處摹勒頒發一體懸挂其墨
筆著俟摹勒完時由軍機處發交山西巡撫
委員齎送解州

實錄卷三十三

三

關帝廟收藏以昭誠敬○又諭吏長奏請將
計典展緩等語咸豐三年南河應行計典經
前任河督楊以增奏請展限至上年十二月
又屆大計之期舉劾大典黜陟攸關業已積
至兩次未便久稽時日所有江南河工人員
計典准其展限四箇月即行辦理○新授山
西巡撫恆福奏接印任事並請俟藩司常績
到任後再行陛見得旨常績初到晉省情形
不熟汝可俟十月間再行奏請○癸巳諭內

閣御史陸秉樞奏請嚴禁告近人員捏報親
老一摺據稱近來部選及分發人員往往並
無老親捏稱繼母或生母年高呈請改近請
飭部晚諭予以限期檢舉更正免其議處等
語定例親老人員准改近省原屬錫類推恩
之意若如所奏捏飾規避出乎情理之外如
果實有其人必當從嚴懲辦何得准其檢舉
即邀免議該御史既有見聞即著指名叅奏
不得徒託空言致該部無從查辦○諭軍機

實錄卷三十三

三

大臣等譚廷襄奏擬撥景州防兵移劉天津
一摺現在夷船起碇他往聲稱本月二十日
仍至天津候信茲已令理藩院咨覆該使臣
普提雅廷並咨行該國薩納特衙門諒該夷
重至天津不致別滋事端所有景州防兵移
劉天津不過藉資彈壓著譚廷襄即飭候補
副將達年將盛京官兵五百名管帶赴津幫
同兵克清阿嚴密防範毋涉張皇其本省官
兵五百名仍著留駐景州交遊擊文成管帶

以資巡緝。將此密諭知之。○又諭寄諭吉林將軍景瀟等。昨據直隸藩司錢忻和等奏。俄夷使臣普提雅廷。駛至天津海口。堅欲投文。不得已而接收。代遞理藩院。據該衙門譯出。該使臣咨文內。有接壤地方。尚有未定界址。欲會商定議一節。中國與俄羅斯地界。自康熙年間議定。以格爾畢齊河興安嶺為界。成約具在。原無可議。咸豐三年。該夷欲會查界碑。五年秋間。吉林。黑龍江。庫倫。三處委員。與該夷木哩斐岳幅會查。因該夷不遵舊制。未能辦結。據奕格等奏稱。惟烏特河一處。從前為兩國公中之地。未曾分界。此時普提雅廷來津投文。仍以分界為詞。已令理藩院行文咨覆。特派大臣會同將烏特河一處勘辦。分定界址。該夷接到咨文。自必駛赴黑龍江邊界。著派奕山親往與該夷會晤。告以從前委員會議。因該國派員議論未能公允。是以日久未定。今伊既係該國大臣。正可秉公查辦。

實錄卷三百三十一

三十一

以清界限。如該夷別有要求。並著正言拒絕。至該使臣到天津時。業經錢忻和等告以天津非邊界之地。不應來此投文議事。是以接待之禮。未曾豫備。今該夷使既至黑龍江邊界議事。應如何接待之處。必有成例可循。奕山務須不亢不卑。以符體制。理藩院給該使臣咨文。並著鈔給景瀟。奕山閱看。儻該夷另有辨論。即照咨文之意答之。不致兩歧。將此由五百里各密諭知之。○甲午中元節。

實錄卷三百三十一

三十一

上詣

安佑宮行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵 ○遣官祭

孝德皇后殯宮 ○遣官祭

端慧皇太子園寢 ○諭內閣。昨因御史陸東

實錄卷一百三

三十三

樞奏請嚴禁告近人員捏報親老一摺。降旨

令該御史指名參奏。茲據覆奏。仍未實指其

人。豈能據臆度之詞。飭部紛紛查辦。惟此等

情弊。亦難保其必無。應如何立法稽查之處。

著該部覈議具奏。○又諭官文。胡林翼奏水

陸各軍。勦除下游賊壘。疊獲勝仗一摺。逆匪

糾集大股。於廣濟內湖童司牌一帶。築壘抗

拒。六月二十四等日。都興阿。令孔廣順等。移

兵前進。楊載福。派都司胡友亮。管帶舢板船。

繞入內湖。賊匪全數出撲。翼長多隆阿。迎擊。

副將鮑超。乘勝攻毀賊壘一座。斃賊三百餘

名。賊被衝突奔逃。復毀賊壘三座。斃賊千餘

名。內湖水師轟燒賊船百餘隻。奪獲二十餘

隻。李續賓。由南岸進攻。斃賊約四五百名。水

師復燒毀賊划百數十號。該逆落水。並被我

兵追殺。及投湖淹斃者。計千數百名。童司牌

兩岸賊壘。悉數毀平。我軍追殺十餘里。斃賊

數百名。胡林翼督同唐訓方。進剿黃岡之傳

實錄卷一百三

三十四

家嶺。賊匪分路偷撲。我軍繞出賊後。齊力追

擊。斃賊百餘名。擒斬長髮老賊六十餘名。奪

獲旗械多件。此次勦除賊壘。疊獲大勝。辦理

尚為得手。著官文等。乘此聲威。迅掃逆氛。毋

留餘孽。○以成都將軍有鳳。兼署四川總督。

○以湖南常德協副將顏朝斌。為貴州安義

鎮總兵官。○予湖北陣亡總兵官王國才。祭

葬世職。如提督例。並於廣濟地方。及原籍建

立專祠。訓導吳炳。縣丞張兆麟。從九品銜吳

灼祭葬世職

實錄卷百十一

三十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十二

敘修

咸豐七年丁巳七月乙未諭內閣禮部奏遵

議劉猛將軍可否請加封號一摺劉猛將軍
為驅蝗正神廟祀有年尚無封號著該衙門
謹擬具奏尋奏上加保康封號○駐藏幫辦
大臣安成因病解任賞古城領隊大臣恩慶
副都統銜為駐藏幫辦大臣○予江蘇徐州
陣亡千總郭錦祭葬世職○丙申諭內閣前
因御史尹耕雲奏河南軍營文員保舉過濫
當降旨將洪貞謙張席珍薛成榮三員撤銷
前保之案交該部另行覈獎茲據英桂勝保

奏。洪貞謙等實係帶隊督戰。不僅辦理文案。並請將出力文員。仍准從優保奏等語。除洪貞謙等三員。業經飭部另行覈給獎敘。毋庸置議外。嗣後各路隨營文員。如係專辦糧臺文案。並無別項勞績者。著仍遵前旨辦理。其有親歷行陣。躬冒矢石者。原准從優請獎。著各路統兵大臣。於保奏時。將該員實在勞績。詳細聲敘。候朕施恩。以示區別。○又諭。前因御史尹耕雲奏。軍營文員保舉太濫。請將從

前保奏。遇缺簡放。及指省補用各項文員。概俟該省事竣。送部引見。分別敘用。業經降旨。准行。茲據英桂等奏稱。軍營文員。一時未能遽離差委。必待事竣引見後。方能序補。未免向隅。請援在營候選之例。准其開單請簡。並在營候補等語。應如何分別辦理之處。著該部妥議具奏。○諭。軍機大臣等。英桂奏。許禹匪徒蔓延日久。請親往督勦等語。禹州等處匪徒。竄入山徑。日事裹脅。意圖西擾。既據奏

稱。臬司周士鏜。帶兵無多。龍澤厚。係隔省大員。不相統屬。誠恐事權不一。亦屬實在情形。著英桂即分兵前赴禹密一帶督勦。迅將此股匪徒殲除淨盡。所有三省勦匪事宜。暫交勝保督辦。並著袁甲三督帶兵勇前赴潁州。擇要駐劄。以為勝保後路聲援。其蒙亳等處零匪。即責成史榮椿實力按捕。毋稍鬆懈。至正陽關賊勢已孤。正宜乘此得手之際。亟圖聚而殲之。諒勝保必能策勵軍心。指日將關隘攻克。英桂俟豫境西路肅清後。即移得勝之師。與勝保會合。可無顧此失彼之虞。將此由六百里諭知英桂。勝保。袁甲三。並傳諭史榮椿知之。○又諭。前據御史張雲望奏。字字官號。積弊叢生。於京外順義縣楊各莊。各開一萬興盛字號。勾串通氣。於四鄉囤積糧食。謂之包圍。每圍以千石計。並傳聞該商於近京之東安等處。各有店鋪。攬買雜糧三十萬石之多。當交文彩嚴密訪查。茲據覆奏。東安

縣並無囤積糧石之處。惟在采育鎮。查有山東人李姓。本鎮人朱洪陞。俱係字謙官號夥計。於本年五六月間。在該鎮等處採買麥子。約七八千石。寄存該鎮廣泰堆房等處。順義縣楊各莊。並無萬興盛字號。查得後街萬興成布鋪兼糧店掌櫃人趙姓。李姓。郭姓。與孫蓮。並字升錢鋪掌櫃人韓得祿同夥。於本年麥秋時。買得麥八百餘石。在萬興成囤積。惟現存麥僅贖二百餘石。又查得楊各莊前街。

於本年三月間。新開萬隆成錢鋪。係字升錢鋪掌櫃人所開。各等語。著張祥河。黃宗漢。按照文彩覆奏各節。派員詳細嚴密訪查。其采育鎮等處所存麥石雜糧。是否囤積居奇。著先行密為查封。其東安縣究竟有無囤積糧石之處。何以該御史奏稱。有雜糧三十萬石之多。並著覆加訪查。毋有不實不盡。將此諭令知之。○兩江總督何桂清奏。為政貴率舊章而杜流弊。勿輕信浮言。得旨。朕既畀卿重

任。豈能為浮議所惑。毋須過慮也。○以安徽正陽關勦匪出力。賞吉林營總莫爾賡阿。巴圖魯名號。把總黃鳴鐸。藍翎。子陣亡協領富隆阿。祭葬世職。○以攻勦安徽亳州捻匪出力。賞在籍按察使徐宗幹。布政使銜道員張維翰。遊擊百順。都司承惠。冷慶。史亭。雲守備杜廷珍等。花翎。知州胡慶騶等。藍翎。餘加銜升擢有差。○以江蘇淮北團練出力。賞監掣同知許敦詩。花翎。餘加銜升擢有差。○丁酉。

諭軍機大臣等。前據文謙來京。面陳接見俄夷情形。該夷所遞理藩院文內。惟會勘地界一節。咸豐三年本有此議。曾由庫倫。吉林。黑龍江三處。各派委員會勘。因該夷任意狡賴。未經定議。今既重申前說。尚可允其所請。已特派黑龍江將軍奕山。會同該夷使臣將烏特河一處地方。酌量勘定。其餘所請各條。概行拒絕。今將理藩院回文。並給錢忻和。岳克清。阿剌付。一併由驛寄交該藩司等收明。俟

普提雅廷到津時。即著錢忻和。將發去理藩院文書。派員往夷船交明。儻該夷別有詢問之處。可即將理藩院劄付給與閱看。以見該地方官但投回文。劄內並無他話。並可告以奉旨。因普提雅廷係該國大臣。令天津文武親往海濱送行。以盡賓主之禮。若問欽派何人。不妨告以黑龍江將軍奕山。在彼等候會勘。此外概屬不知。設或普提雅廷託故不回。差人來取回文。該藩司亦差人將理藩院回文付之可也。所有理藩院回文底稿。著鈔給烏勒洪額等密看。○戊戌諭內閣。景崇奏參讀祝等官誤差一摺。據稱。本月十五日。奏派致祭。端慧皇太子園寢。原定寅正上祭。乃讀祝官普興。贊引官阿葵。遲至卯正不到。因查供帛之員。本係讀祝官。即令讀祝。得以將事無誤。惟贊引官止有一員等語。普興。阿葵均係執事人員。竟敢遲延不到。著交部嚴加議處。○

己亥諭內閣。崇恩奏。請將軍政展限等語。山東省各營將弁。或徵調出省。或防堵邊界。未能一概赴考。尚係實在情形。所有該省本年軍政。著准其展至來年春間。再行舉行。○又諭。前因英桂請飭撥練勇口糧。當經降旨。令崇恩將山東省派赴河南助剿之曹屬練勇口糧。隨時撥解。茲據崇恩奏。該省外調官兵尚多。未有由原省支發口糧之案。且隔省難於稽查。將來報銷。易滋弊竇。請仍由河南糧臺一律支放等語。各路軍營餉糧。本由各省協濟。不必再分畛域。轉致膠轕。此項練勇口糧。仍著英桂。由河南糧臺一體放給。毋庸由山東另款撥解。以歸畫一。○欽差大臣德興阿奏。遵查營員侍衛蘊秀。被參各情。得旨。蘊秀著飭令來京。又奏。臣由武職出身。於漢文未能通曉。翁同書本係文員。嗣後奏報事件。亦當會銜辦理。批。甚好。○補行四川六年大計。卓異官十五員。不謹官六員。才力不及官

三員。年老官四員。有疾官二員。分別議敘處分如例。○緩徵山東陽信樂陵壽光臨清益都臨淄聊城博平清平莘縣城館陶臨朐十三州縣及德州東昌二衛被旱被風被雹屯莊新舊正雜額賦。○庚子。

上幸靜明園。○諭內閣。本年廣西省輪應查閱營伍之期。前旨即派勞崇光查閱。茲據該撫奏稱。現在勦辦股匪。未能出省。各營官兵大半調派防勦。未能按營校閱。自係實在情形。

所有廣西省營伍。准其俟軍務完竣。再行查閱。仍著該撫隨時察訪。如有庸劣廢弛將弁。即行嚴參懲辦。○展緩直隸文安吳橋成安邢臺唐山內邱任永年邯鄲靜海磁河東光十三州縣並各旗地被旱被雹被蟲災區。新舊額賦有差。○壬寅。諭內閣。前因五城御史保恆等奏。請疏通大錢一摺。當交戶部覈議具奏。茲據該部酌覈覆奏。戶工兩局鼓鑄當十銅錢。與鐵錢局所鑄鐵制錢。分成搭放。

民間輾轉流通。並無窒礙。乃近日商賈挑斥大錢。竟敢私造名目。任意刁難。以致貧民持錢入市。行使維艱。殊於錢法大有關係。本年五月間。經戶部奏定章程。於兵餉應領二成現錢。全行改放制錢。每月輪折粳米旗分。又搭放制錢五成。各官號開發錢票。均按八成當十銅錢。二成鐵制錢。開放覈計制錢散布民間。當可足資周轉。總因奸商販運出京。希圖射利。以至市肆尚少制錢流通。而各鋪戶

於銅大錢多方挑斥。亦必有奸商從中煽惑。以為重要輕錢地步。國寶流通。原以便民利用。豈容宵小把持。致妨兵民生計。著步軍統領五城出示曉諭。酌定限期。所有民間錢鋪及買賣鋪戶。均各遵照官號搭用制錢二成之例。一律配搭行用。儻於所定期限之外。有不按成行用者。即著隨時查辦。如有將鐵制錢囤積。或販運出京。及將銅大錢任意挑斥者。即著各該衙門嚴拏懲辦。以警刁風。而便

民用○又諭前因御史曹登庸奏參河南學政俞樾出題割裂及坐索棚規各款降旨革職交英桂督同藩司瑛啓秉公查辦茲據俞樾奏稱考試題目間有截搭並未割裂太甚等語該學政所出覆試文題是否割裂荒謬文義難通俱有試卷可憑無煩嘵嘵置辯仍著英桂督同瑛啓調查卷冊據實具奏俞樾業經革職著聽候查辦○又諭扎拉芬奏奏請飭拏要犯歸案審訊一摺庫車回子滋事

案內有前庫車辦事大臣烏爾清阿之家丁李十一犯據稱於未經滋事之前經該大臣遞解出境難保非畏罪潛逃著陝甘總督山西巡撫直隸總督各飭沿途州縣查明該家丁李十一行抵何處即行拏解阿克蘇交海樸歸案監禁聽候審訊○癸卯諭內閣英桂勝保奏水陸迭獲勝仗克復霍邱縣城一摺擒匪踞守正陽關恃霍邱逆衆時來援應本月初十日勝保派勇目陳萬金等帶領團勇並

划船礮船駛至城西湖南岸與大股逆匪相值將賊船二百餘隻攔截槍礮齊施斃賊數十人落水死者無算追至霍邱西門整隊攻擊有投誠之擒匪張金桂出城接應陳萬金等即用為嚮導趁勢擁入復斃賊三四百人擒殺餘匪追勦二十餘里殲賊殆盡立將霍邱縣城克復其前路賊船百餘隻駛至新河口經千總教天印等帶礮船轟斃賊二百餘人奪獲賊船三十餘隻此次克復霍邱縣城

水陸均獲大勝勦擒尚為得手仍著英桂等激勵將弁迅將正陽關攻克勦除餘匪毋稍遲延○又諭候補三品京堂張芾專辦徽州防剿三載以來頗資得力前在徽州軍營聞丁母憂呈請回籍營葬當經諭令何桂清俟接替有人即行傳諭張芾給假六個月回籍葬親茲復據何桂清晏端書據情代奏並張芾自行具摺請回籍營葬後懇恩終制等語現在徽州防務仍當喫緊張芾熟悉情形仍

著暫留防勦。俟軍務稍平。即遵前旨。給假六個月。回籍營葬。○又諭。英桂。勝保。奏遵保攻克方家集。三河尖等處。出力員弁兵勇。併案請獎。開單呈覽。一摺。擒首以方家集為門戶。三河尖為老巢。前經英桂等。督率員弁等。迭次攻勦。獲勝。平毀賊巢十餘處。殲斃數萬餘人。皖豫交界。漸就肅清。在事出力各員。著有微勞。自應量予恩施。以昭激勸。至所保在營文職。至五十餘員之多。已不免冒濫。况前經吏部奏准。糧臺文案各員。不准越級保升。及免補本班。此次單內。仍有越次及免補本班人員。雖據稱不分文武。一概親冒矢石。殊難憑信。著英桂等。確實核減。另行具奏。○以克復安徽霍邱縣城。賞千總陳萬金。藍翎。復已革把總朱天祥。職。○以安徽方家集等處。勦匪出力。賞營總西蒙額。穆克登額。烏爾滾扎。普。副都統銜。佐領楊得富。都司伯英等。花翎。驍騎校依常阿等。藍翎。餘加銜升擢有差。○

予河南陣亡知縣王萬齡。祭葬。世職。如同知例。從九品。閻基田。祭葬。世職。監生王弼元等。賞卹如例。○甲辰。仁宗睿皇帝忌辰。遣官祭。昌陵。上詣。安佑宮行禮。○諭軍機大臣等。本日據福興奏。江西軍情。喫重。本省兵力不敷。請由江南大營調撥廣勇一千五百名。又遊擊興貴等。管帶兩起陝甘兵一千餘名。西安二起馬隊四百名。共計兵勇三千名。前往江西助勦。並請將原帶廣勇之戴文英。馮子材。張永清。梁成桂。原帶陝甘兵之興貴等。一併派委管帶。馳往各等語。現在江南官兵環攻鎮江。軍情正當喫緊。其勢恐難多調。現已諭令葉名琛。由廣東撥兵二千名。派總兵壽山統帶。馳往福興軍營助勦。惟江西省東路兵力尚單。福興原帶之兵。祇有千名。著和春。即將福興指調。

之將弁兵勇。能否派撥若干之處。酌量情形。迅速調撥。一面具奏。一面先行知會福興可也。將此由六百里各諭令知之。○又諭。福濟等奏餉需匱乏。請飭江浙等省按月籌解一摺。安徽軍營餉需。業經何桂清等遵旨陸續撥解。惟據福濟等奏稱。現在六安賊援愈集。李孟羣一軍。阻於流波礮麻埠地方。亟應厚集兵力。會同攻剿。而餉項短絀。飢軍難振。請飭江南省。於按月二萬兩外。添撥銀二萬兩。

浙江。山西。陝西。按月各撥解銀二萬兩等語。著何桂清。於按月二萬兩外。再添撥銀二萬兩。湊成四萬。按月如數解往。山西。陝西。兩省。月解皖餉。著恆福。曾望顏。按照每月二萬兩之數。務各如期起解。毋稍遲滯。至浙江省。於接濟各路餉需之外。恐未能再行按月籌銀解廬。惟該處待餉甚迫。仍著晏端書。竭力籌撥。以資接濟。將此由六百里各諭令知之。○又諭。本年正月間。曾諭令葉名琛。酌調精兵

一二千名。交參將衛佐邦管帶。間道馳赴福興軍營助剿。並籌餉接濟。迄今未據覆奏。本日據福興奏。所帶兵勇。數止一千。請由江南大營添調。並稱潮州鎮總兵壽山。所帶潮州官兵。因南贛無事。已於六月間回粵。該將軍所請粵兵。杳無音信等語。此時江南官兵。正當圍攻鎮江喫緊。一時未必即能分撥。南贛一路。業已平靜。壽山一軍。即可馳赴廣信。聽候福興調遣。著葉名琛。速飭該總兵。即行管帶精兵二千名。剋日前往。以資攻剿。毋稍遲延。至該省夷務。日久未見奏報。甚深懸繫。前據葉名琛奏。新來夷酋。往噉咄咄地方。尋咬。妥商議。尚未到粵。現在又逾兩月。究竟是否前來。此事必須速為了結。固不可稍涉遷就。草率從事。而日久相持。迄無成議。設或別生枝節。辦理又形棘手。廣東民情物力。固不難與之久抗。儻如從前故事。任意駛赴上海天津。則廣東雖能自顧。而大勢總未了結。近日

俄羅斯有船駛至天津。呈遞文書。以嘆夷之事為詞。是嘆夷之釁未平。即他國亦從而生心。且海關停市。將及一年。各省軍餉。種種支絀。該督豈不知籌及著葉名琛。即將現辦情形。迅速具奏。總以及早定議。免致別生變故。為上策也。將此由六百里諭令知之。○又諭法福禮奏。賊匪裹脅愈多。請添調烏魯木齊官兵。以備援剿一摺。此次回匪滋事。各城派兵進剿。共計七千餘名。昨據扎拉芬奏報。

伊犁兵勇行至巴爾楚克。該匪聞風而遁。立解城圍。我軍追剿。大獲勝仗。現在道路廓清。所調烏魯木齊及喀喇沙爾等處官兵。亦據烏爾清阿報稱。該官兵於六月十七等日。已由庫車啟程前進。法福禮尚未知悉。所請添調烏魯木齊官兵一千五百名。如兵力已敷。即可毋庸調撥。仍著倭什琿布。照數挑選。豫備聽調。將此由五百里各諭令知之。○調任雲貴總督吳振棫奏。雲南漢回互鬪。必須有

大兵鉅餉。痛勦一二處。然後可以就撫。得旨。卿所慮甚是。所籌亦極妥協。○以克復安徽霍山縣城。布政使李孟羣。下部優敘。○命江甯將軍都興阿。在欽差大臣官文軍營幫辦軍務。○以湖北黃梅等處勦賊出力。賞副將朱品隆。周寬世。遊擊鄭陽和。驍騎校金順。巴圖魯名號。都司彭友勝。守備劉廷選。李天培。李俊德。陳開勝。譚應祥等。花翎軍功。藍斯明等。藍翎。餘加銜升擢有差。予陣亡協領密雅

明阿。守備陶忠泰。陳德懋。千總何有貴。外委易榮貴。祭葬世職。○以追剿江西瑞州賊匪出力。賞都司章奪錦。花翎。把總賀榮陞。藍翎。餘加銜升敘有差。革疏防都司劉光明。千總李華榮。職。拔道員吳坤修。花翎。予陣亡巡檢沈慶安。把總黃雲。祭葬世職。○以江西吉安官軍失利。摘知府黃冕頂帶。都司蕭孚泗。革職逮問。○以安徽壽州守城出力。賞守備劉國標。柏雲。錦雲。騎尉張遇龍等。花翎。千總嵩

林等藍翎餘加銜升敘有差○予江西陣亡都司張開輯陳光孚守備熊世春盧凌漢千總何連魁外委周九皋李芳園李茂光羅熙齡祭葬世職○乙巳諭軍機大臣等培成奏賊勢緊急催調後路官兵應援一摺據稱和闐回匪變亂坡斯坎木洛和瑯瑪三軍臺被燬經該大臣派兵往剿於阿哈雅腰臺地方遇賊接仗賊匪退回張古牙莊忽有帕爾慢回子從後截殺傷斃兵勇三十餘名擄去兵丁數名並奪去擡礮鳥槍等件帕爾慢離城甚近該處回子業被勾結變亂儻直撲和闐恐兵單難以抵禦等語賊匪擾及和闐前據業布冲額奏稱挑派所帶官兵二百名並阿克蘇防兵三百名共五百名交守備劉興帶領由草地進剿其阿克蘇防兵由烏魯木齊備調兵內挑派補還此時劉興所帶官兵當早經行抵和闐即著培成督飭此項官兵實力堵剿和闐僻處一隅就近實無可調之兵

惟既據培成奏稱賊勢緊急自應續籌調撥著海樓即將烏魯木齊補還派防阿克蘇兵三百名先行飭令由草地前赴和闐與劉興一軍會合和闐得此兵力自己足敷勦辦培成務當悉心調度將匪眾悉數殲除毋任再有延蔓昨因法福禮奏請添兵曾諭令倭什琿布挑兵一千五百名備調所有阿克蘇防兵亦關緊要並著海樓飛咨倭什琿布即於備調兵內抽調三百名前赴阿克蘇以補前調防兵之數毋任遲延將此由五百里各諭令知之○又諭前據英桂奏禹密匪徒日熾請移現帶之兵親往督剿當經諭令將三省勦匪事宜暫交勝保督辦並著袁甲三督帶兵勇前赴潁州擇要駐劄以為勝保後路聲援本日據勝保奏患病情形請飭袁甲三來營權統諸軍俾得請假調理等語現在攻勦正陽正當喫緊之際勝保既經患病著賞假一月在營調理袁甲三著即馳赴正陽暫行

統帶各路兵勇。接辦攻勦事務。勝保病痊。仍著督飭各軍。迅將逆匪蕩平。袁甲三即留於正陽關。幫同辦理。將此由五百里各諭令知之。○以守禦江西興國縣城出力。擢知縣潘安國為知府。○丙午諭內閣。前因京城鋪戶人等。於行使大錢。任意挑剔。經巡防王大臣等奏定章程。嚴行懲辦。茲據步軍統領衙門。順天府奏稱。該鋪戶人等。日久玩生。於當十銅錢。挑剔日甚。兵民生計維艱。請飭查辦等

語。自應申明前定章程。俾知警惕。嗣後各鋪戶。及各項買賣人等。如有不肯行使當十銅錢。被首拏獲。初犯者枷號一個月。遊示旗營地面。再犯者發極邊煙瘴充軍。遇赦不赦。如被告到官。畏罪悔過。免其治罪。誣告者。照例反坐。其銀市交易。不准將制錢大錢分定價。直市肆各項貨物。均不得任意擡價。及囤積不售。違者從嚴究辦。即著步軍統領衙門。順天府出示明白曉諭。儻兵役人等。有受賄徇

庇。或敢於藉端滋擾者。均著從重懲處。此項案件。隨到隨辦。毋得稍有積壓留難。以警刁風。而懲玩泄。○又諭英隆奏。勦捕匪徒。淨盡地方。肅清一摺。直隸豐甯縣大閭兒地方。匪徒聚眾搶掠。經英隆派委熱河道賽音博勒格圖。督帶員弁兵勇。前往搜捕。將要犯劉標等十七名。登時擒獲。餘匪均經殺斃。起獲賊物多件。其湯河口等處竄匪。亦經灤平縣知縣景蘭等格斃一百九十餘名。首犯劉幅汰。

先經署豐甯縣知縣穆翰等。帶兵殲斃。並斃餘匪一百五十名。拏獲各犯。訊明就地正法。地方一律肅清。辦理尚屬妥速。署豐甯縣知縣穆翰。大閭兒巡檢盛祖培。把總王鑑。隨同勦匪。功過尚足相抵。應得疏防處分。均著免其查辦。出力員弁。著准其擇尤酌保數員。毋許冒濫。○諭軍機大臣等。本日有人奏。天津所屬之青縣靜海等處。有梟匪從殿揚從登峯。及著名匪目王海牛等。糾匪肆搶。又文安

縣所屬之岳村張姓。被梟匪搶劫一空。獻縣西峯村郭莊。西城。河城等村。河間九吉村。武強縣之張法臺。隄南村。均有強劫之案。更有肅甯地面鹽梟。勾結土匪八九百人。在元城村盤踞。此外交河。阜城。東光。大城。東安。完縣等處被害之居民鋪戶。不可枚舉等語。直隸天津。河間等府。梟販充斥。前據譚廷襄奏請從嚴懲辦。當降旨令該督通飭各州縣董率團練。加派兵役。無分畛域。合力兜拏。如遇大夥拒捕。准其格殺無論。地方官拏獲審明後。先行就地正法。諒已通諭遵辦。此次所奏各案。著譚廷襄迅派明幹員弁。前赴各屬嚴密查拏。務將各匪悉數撲滅。毋令一名漏網。原摺鈔給閱看。將此諭令知之。欽差大臣德興阿奏製造水礮臺情形。得旨。水礮臺式樣做法。著繪圖貼說。附報具奏。丁未諭內閣。前據已革河南學政俞樾。呈遞易原圖。據稱由

欽定周易折中所載河洛未分未變方圖三角圖內。推闡而得。不知康熙年間大學士李光地等奉

旨編輯周易折中。於啟蒙附論內。具載河洛陰陽動靜加減乘除各圖。又附載此二圖。原以易理精微。象數兼該。推其緒餘。即可通於算學。句股開方等法。非以此為作易之原也。今該員輒憑臆見。衍為兩儀四象八卦六十四卦之圖。穿鑿附會。轉失其真。且有訾議先儒之語。尤屬率意妄陳。原圖著發還。命翰林院修撰張之萬。編修曾璧光。在上書房行走。以辦理湖南船礮局出力。賞道員謝煌。花翎。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十二

年表卷之三

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十三

敬修

咸豐七年丁巳八月己酉朔日食○諭軍機

大臣等前因勝保患病賞假在營調理諭令
袁甲三馳赴正陽關暫行統帶兵勇茲據袁
甲三奏稱侯渦北肅清即移營督攻韓圩兼
防正陽後路等語自係尚未接到前旨現在
英桂因禹密一帶匪徒日熾帶兵親往督剿
勝保又患病給假正陽正在攻剿喫緊之際
各路兵勇必須有人統帶袁甲三著即馳往
正陽暫行接辦其渦北韓圩之賊即著史榮
椿朱連泰分路督兵攻剿並嚴防該匪回竄

之路袁甲三俟分撥定妥即赴正陽毋稍遲誤將此由六百里諭令知之○予湖北節年殉難官紳士庶婦女惠瑗等三千五百三十六名口分別旌卹如例○庚戌遣官祭

文昌帝君廟○諭內閣崇綸李藹奏請飭催奉天米石迅速運通一摺奉天省額運米豆並採買捐輸米石時近秋分尚未據報開行日期恐該船戶包攬載貨沿途逗遛以致裝運稽遲更恐節候過遲船隻凍阻剝運維艱

著盛京將軍奉天府尹嚴飭該運員及早兌竣開行務於八月內全數抵津並著直隸總督委員提催即飭天津道豫調剝船一俟海船收口迅速剝運赴通交納毋再遲緩○又諭前因倭什琿布奏商民籲求免徵鹽課一摺當交戶部議奏茲據該部覈議具奏烏魯木齊鹽課前經業布沖額奏請徵收既據倭什琿布以近年內地貨來稀少商民無力完繳紛紛具呈求免自係實在情形所有此項

鹽課著概行免徵其官交鹽課業經存庫備用來歲即著停止並鎮標各營未經完納者毋庸催追已經完納者一併發還以示體恤至辦理鹽課之署迪化州知州英貴印房章京達春泰已革山西介休縣知縣程震祐前據業布沖額保奏業經降旨分別加恩今既辦無成效該員等前得獎敘著即撤銷○先是山東道御史李培祐奏請嚴定保舉限制下吏部議至是奏該御史所擬條目多與欽

奉諭旨奏定章程相符仍應遵照辦理至請賞翎枝除軍營河工出力准其請旨賞戴尋常勞績不准濫請其翰詹人員如係軍營勞績出力仍准保奏坊職並准保奏道府其餘各項勞績祇准保奏遇缺題奏至庶吉士一項應請嗣後無論何項勞績祇准保奏俟散館後以應升之缺升用概不准保免其散館授職編檢以符定制從之○辛亥諭軍機大臣等慶英固慶奏官兵出隊接仗先勝後挫

並請飭陝甘總督速撥銀兩以濟軍需等語
此次葉爾羌官軍正與西路賊接仗業已獲
勝忽有東路賊匪抄襲其後致稍挫衄現在
伊犁官兵早已由巴爾楚克前赴葉爾羌慶
英等正可督飭弁兵會合夾擊將該匪趕緊
殲盡毋令蔓延至所請陝甘撥餉據樂斌七
月內奏撥過西路兵餉十四萬兩有葉爾羌
銀三萬兩在內此時計已解到著慶英等遵
照前旨迅速剿除匪眾以節餉需將此由五

百里諭令知之○又諭前因俄夷使臣普提
雅廷咨稱欲會商未定界址當諭令奕山親
往與該夷會晤秉公查辦昨據錢忻和等奏
該夷於七月二十六日折回天津海口該藩
司等派員將理藩院回文當面付給並告伊
已專派大員在黑龍江等候會辦該夷使既
得回文又經地方官以禮貌相待歡欣而去
惟稱查勘地界一事尚須折回本國請示該
國主等語自係實情此次普提雅廷路過黑

龍江諒必至海蘭泡等處奕山如與接見當
告以中國既有咨文至薩納特衙門將來未
定界址自必由該使臣與奕山秉公查勘所
有海蘭泡闊吞屯精奇哩等處均有該國屬
下人蓋房占住現在界址未定自應先行撤
回以守舊章而敦和好即或一時未能全撤
亦須飭令安靜居住勿與中國民人互生嫌
隙該使臣係該國大臣諒能約束屬下靜候
查勘儻或該使臣不到黑龍江與奕山晤面

奕山亦可曉諭海蘭泡等處夷人告以該國
有大臣普提雅廷即日前來與該將軍查勘
界址兩國永敦和好爾等若不候定界擅自
蓋房占住實屬非禮中國必咨行該國懲辦
如此剴切曉諭該夷或可稍為斂跡不至如
前肆行無忌該將軍等仍當暗加防範毋令
沿海奸民私通貿易絕其接濟糧食或可廢
然而返即將來議定界址之後該夷見黑龍
江無可貿易之處亦不至妄請通商著景瀄

奕山妥為辦理先事豫謀以消後患將此由五百里各密諭知之○壬子遣官祭昭忠祠○諭內閣王懿德慶端奏官軍攻克甯化縣城福建被擾地方一律收復一摺江西逆匪竄擾福建汀州邵武各郡縣經官軍節次攻克收復城池惟甯化一縣尚為賊踞經該督派委汀龍漳道英樸等帶兵馳抵該處守備潘繼文等督兵會合攻擊該匪登城抗拒該道激勵兵勇乘夜急攻將西北兩門竄出之賊殲擒殆盡其東門之賊梟水過河紛竄者復被我軍截殺無數即將甯化縣城克復此次福建省勦辦江西竄匪三月之內將失陷城池次第克復地方一律肅清辦理尚為妥速所有在事尤為出力之文武員弁紳士著該督等查明奏請獎敘其傷亡兵勇並著查明咨部請卹○以克復江南溧水縣城賞總兵官傅振邦提督銜開復總兵官虎嵩林革職留任處分賞還總兵官李志和頂帶副將

張玉良米興朝參將周天培總兵銜花翎協領托克通阿以副都統用都司羅熙賢劉成元巴圖魯名號佐領連陞防禦納拉木花翎千總陳本忠等藍翎餘開復升賞有差○以克復江南句容縣城賞總兵官明安泰副將王浚巴圖魯名號擢參將李若珠為總兵官賞參將戴文英遊擊朱承先總兵銜協領多廉以副都統升用佐領色普通阿防禦春山等花翎守備葉棟國等藍翎餘開復升賞有差○以勦捕甘肅番匪出力賞提督索文巴圖魯名號遊擊郭相忠等花翎遊擊盧殿標等藍翎餘升敘有差○予江南陣亡都司王瑞圖守備楊冠孫把總黃立紀羅得勝外委鄭得成祭葬世職○癸丑諭內閣著齡奏賊匪竄入縣城請將失事各員分別懲辦等語七月初五初六等日撫州賊匪竄至進賢縣支嶺地方分撲官軍營盤寶勇接應遲延以致賊匪繞出我軍之後各營均被焚燒踴毀

賊匪乘勢撲入縣城。知縣史昌壽馳赴池溪橋集團助勦。舉人焦有森聞縣城有警。立帶團勇直抵城下。與賊接仗。賊匪敗匿城內。總兵李定太派守備萬泰等督兵進勦。副將周鳳山亦率所部前進。該逆知官兵雲集。即於十三日遁回撫郡。當將縣城收復。所有管帶寶勇應接遲延之已革武岡州吏目吳學堅。著即拏問。交耆齡訊明。定擬具奏。幫帶寶勇藍翎。即選府經歷縣丞鄧國祥。著即革職。進

衆洶懼。是夜城上更柵。被火彈焚燒。賊遂大亂。副將普承堯親督弁兵緣梯登城。分途勦洗。餘匪由東門河沿竄。逸後被伏兵殲盡。統計斃賊二千數百人。生擒數百名。奪獲大礮百餘位。器械無數。當將府城收復。該逆自五年冬間竄踞瑞州。官軍設法圍攻。備歷辛勤。所有尤為出力之即選副將普承堯。著記名以總兵用。並賞給札薩克圖巴圖魯名號。廣東南韶連道吳坤修。著賞還花翎。文章劉騰鶴。著以知縣遇缺即選。並賞加同知銜。賞戴藍翎。從九品劉騰鵠。著以知縣儘先選用。並賞加知州銜。升署四川順慶營遊擊劉國斌。著以參將儘先補用。其餘在事出力員弁兵勇著耆齡查明保奏。○又諭昨據御史尹耕雲奏宗人府刑部會審行劫案內有宗室忠能。未經正法。請照嘉慶年間喀勒明阿之案。勒令自縊。當交惠親王等查議具奏。茲據查案進呈喀勒明阿係移居宗室所犯強姦良

婦之案係屢次圖姦復加毆傷與忠能之入夥行強並非疊劫者不同宗室罪名止於絞候斬候本無立決之條今忠能已革去本身宗室綁赴市曹看視行刑復加重責發往黑龍江牢固監候已與斬絞人犯監候者無異並諭令該將軍如該犯不安本分即行正法實係準情酌理務得其平並未過為寬縱該御史所奏著毋庸議嗣後宗室犯案無論罪名輕重該問官按律定擬毋得妄揣朕意疑

此案為曲法施仁致滋疏縱○予江西陣亡直隸州知州劉騰鴻祭葬世職如道員例並於瑞州府城建立專祠把總谷文勝祭葬世職甲寅秋分夕

月於西郊遣克勤郡王慶惠行禮○諭軍機大臣等前據譚廷襄奏直隸順德廣平各屬與豫東交界地方有游匪勾結土匪滋擾經該督調兵捕拏並委清河道董醇前往督辦因思該處本年被旱成災貧民因覓食維艱以

致藉端滋事匪徒固當嚴辦其被難貧民尤應妥為安撫現雖帑項支絀而地近畿疆亟應力籌安輯應如何設法籌款賑恤之處著該督酌議章程即責成該道董醇督同地方官妥為辦理以濟窮黎而免生事候補副將達年管帶官兵五百名前由景州移駐天津現在該處地方安靜應否飭令該副將帶前項官兵赴順廣等處以資彈壓並著該督體察情形調撥再此次天津辦理俄夷事務所

有派往委員據文謙面奏已會詳該督由外給獎其滄州知州卞寶書趙州知州陳鍾祥署葛沽營遊擊陳克明等三員衝涉風濤不避艱險相機應對均屬合宜著該督酌量從優獎勵將此諭令知之○署直隸總督譚廷襄奏遵旨查辦梟匪現飭各州縣分路兜擒嚴究黨與地方已漸安靜得旨仍著實力捕拏勿令隨處嘯聚即山左匪徒亦應越境協緝莫分畛域○以克復福建邵武建甯泰甯

府縣各城賞副將林策勳花翎守備陳韶舞等藍翎知府王肇謙等升賞有差○乙卯

上詣

大高殿行禮○還宮○諭內閣本年廣東省輪應查閱營伍之期前經降旨即派葉名琛查閱茲據該督奏稱該省各營官兵大半派調征剿未能依期校閱自係實在情形所有廣東營伍准其俟軍務稍定再行查閱仍著該督隨時查察如有營務廢弛防剿不力將弁

即行嚴叅懲辦○諭軍機大臣等慶英等奏

葉爾羌回城等處擊賊解圍擒捕餘匪情形一摺此次賊匪圍困葉爾羌漢回兩城經慶英等派遊擊德祥等帶兵出擊連獲勝仗賊衆披靡散竄並探知巴爾楚克撲城之匪疊受懲創因知官兵已到圖木舒克軍臺該匪等張皇逃遁軍威大振現飭兵勇復由瑯瑪一帶擒捕餘匪疏通和闡道路勦辦甚為得手惟喀什噶爾及英吉沙爾兩處賊勢如何

尚無確信亟應催集官兵趲程前進以解城圍據慶英等奏西路賊黨聚集尚多兵力僅只二千餘名未敢輕進現在烏魯木齊及喀喇沙爾蒙古各兵計日可到葉爾羌著法福禮迅即督帶前往英吉沙爾等處進剿毋稍延誤致失機宜其葉爾羌城圍已解並著慶英等將餘黨擒除淨盡務絕根株將此由五百里各諭令知之○予廣東緝匪被戕府經歷易紹勳祭葬世職○

上以祭

社稷壇自是日始齋戒三日○丙辰遣官祭黑

龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○以湖南捐輸軍餉永廣文鄉試中額四名長沙安福湘潭三縣文學額各十名善化縣九名醴陵縣六名湘陰縣五名瀏陽邵陽新化澧州縣各四名甯鄉安化保靖三縣各三名益陽湘鄉二縣各二名攸衡陽清泉衡山武岡平江武陵桃源溆浦慈利十州縣各一名○丁巳

太宗文皇帝忌辰遣官祭

昭陵○祭

先師孔子遣大學士桂良行禮○以克復貴州思南石阡思州松桃安化印江玉屏青谿府廳縣各城賞守備吳永清花翎知縣鄭毓誠等藍翎餘升敘有差予陣亡外委蔡定邦祭葬世職○予安徽陣亡知府畢大鈺外委蘇瑞祥儲萬清祭葬世職○戊午祭

大社

大稷

上親詣行禮○詣

壽皇殿行禮○幸圓明園○諭內閣倭什琿布奏請將軍政展限辦理一摺烏魯木齊等處滿洲營官兵現多調派出征所有本年軍政著准其展限俟凱撤歸伍再行查閱仍著該都統隨時查看如有庸劣不職員弁即行嚴參懲辦○福建建甯鎮總兵官伊什扎木蘇因病解任以湖南九谿營遊擊侯鳳岐為福建建甯鎮總兵官○予安徽陣亡外委彭定乾王廷川祭葬世職○己未

太祖高皇帝忌辰遣官祭

福陵○諭軍機大臣等文祥奏滇省軍務緊急請迅撥餉需並飭四川再撥兵二千名來滇助剿一摺前據吳振械奏稱挑兵二千名帶往撥銀五萬兩解赴雲南省城並另籌銀五萬兩隨同川兵行走此項官兵當已陸續啟程四川赴滇之兵先後調派已有三千餘名此外恐難再撥文祥因省城防勦喫緊於賓居一路抽撥兵練一千名赴援該提督所帶

兵力較單著俟川兵到滇後即將所派兵練撤回以資勦辦西路道途梗塞軍餉支絀自係實情現在川省共撥銀十萬兩著吳振械酌量分撥解赴文祥軍營毋令缺乏該提督惟當就現有兵練奮力勦擊並設法疏通道路務使與省城聲息相通互為策應吳振械即飭帶兵各員兼程前進毋稍延誤將此由六百里各諭令知之○又諭李孟羣奏援營進攻六安州城請調邱聯恩一軍協勦等語

李兆受張樂行等逆黨現由霍邱正陽陸續竄至六安州該藩司所帶兵勇僅四千餘人分割西南兩路恐有顧彼失此之虞惟前調容照馬隊已由伊興額帶往現在留防徐州此外無可調撥至邱聯恩一軍前據英桂等奏現派在三河尖等處扼要駐劄能否撥往李孟羣軍營著英桂與勝保袁甲三會同商酌設或不能調往即另派得力將弁分帶兵勇前往六安助勦再前據福濟等奏鄭魁士

已帶兵前赴六安援應並以疏通餉道著迅速前進與該藩司併力夾攻不致因兵單困守至李孟羣營中需餉甚急除英桂連次協濟外各省奏撥皖餉業經起解者尚有數起著福濟隨時分撥毋令缺乏將此由六百里諭知英桂勝保袁甲三福濟鄭魁士並傳諭李孟羣知之○庚申

上辛萬壽山詣

延壽寺拈香○諭內閣朕思年班內外各扎

薩克蒙古王貝勒貝子公台吉額駙等或捐輸駝馬銀米或捐輸應得俸銀洵屬出於至誠若令按班來京未免勞苦現屆年班之科布多所屬杜爾伯特土爾扈特青海王貝子台吉等業由理藩院行文仍著照舊來京外其內扎薩克道路較遠著免其來京以示朕軫念蒙古世僕之意○又諭惠親王等奏添鑪鼓鑄請先籌備炭斤一摺京師鐵錢局現議改建鑪房添鑄鐵制錢需用炭斤為數較

多自應寬為備辦。著山東巡撫查照直隸官辦煤炭之例，迅即提款派員趕辦焦子炭八百萬斤，解交京局，不得稍有遲誤。至戶工兩局亦議設鑪添鑄，均著酌量一體辦理，以廣鼓鑄。○改鑄江西吉安營參將關防，從巡撫者齡請也。○予江西陣亡外委吳德昌祭葬世職。○予江西義甯州殉節守備藍如春縣丞胡履震教職王離照從九品王俊查樹芬祭葬世職。歲貢生鄢濟發等賞卹如例。○撥

寶鈔六十萬串，修補洪澤湖及南北運河各工，從江南河道總督庾長請也。○辛酉上詣

安佑宮行禮。○壬戌諭內閣，官文等奏黃州官軍移營進剿，續獲大勝一摺。此次移營進剿，竄賊斬馘甚多，著官文等嚴飭帶兵將弁，乘勝下勦，節節掃蕩，以期會合諸軍，迅克九江府城。毋稍延緩。○又諭前據御史曹登庸奏參河南署光山縣知縣張紹英，飭法殃民各

款，當降旨交英桂查明參辦。茲據奏稱張紹英於光山縣城失守之時，先經帶勇在交界地方堵禦，迨縣城克復，該員亦在城下隨同攻勦，並非聞警先逃，亦無挾括紳民貲財，誣指盜庫等情事。惟一聞鄰警，輒將監犯提出，令其打仗，迨未能獲勝，復押赴勇目傅姓家中暫寄，以致村民惶惑，實屬辦理錯謬。張紹英除失守城池案內業經革職暫行留任外，著再行交部議處。○諭軍機大臣等，前據者

齡奏已革副將周鳳山督兵克復龍泉縣城，當經降旨將該員開復原官，遇缺即選，並賞還花翎矣。本日據賂秉章奏龍泉之克係由訓導胡兼善等誘致首逆該逆等開城出降，其時各路兵勇均止列隊城外，分別斬釋，並無攻城情事。而周鳳山捏稱派隊環攻，緣梯登城奮力巷戰，在城中分路截殺等情，首逆羅齊公、劉金輝均係胡兼善先期誘致，復城之次日始行正法，而周鳳山捏稱羅逆於入

城時殲斃劉金輝請免死留營且稱胡兼善之勇有兄弟在城為賊哨官陳姓與首逆張謙為師生等語該副將心懷忌嫉欺飾要功既經駱秉章訪得實情著者齡即行確查嚴參據實更正以懲欺冒者齡未經接據胡兼善等稟報以致無從詳悉亦無所用其迴護駱秉章摺著抄給閱看又據另片奏王鑫一軍擬由崇仁進勦撫建湖南所解兩批餉銀因吉安敗後道路梗阻恐一時不能徑達請

飭江西酌量接濟等語並著者齡將王鑫軍營需用餉項軍械子藥先由江西省局籌解接濟毋使稍有缺乏將此由五百里諭令知之○又諭本日據駱秉章奏王鑫一軍赴援江西餉道梗阻請飭江西就近撥解軍餉接濟已諭令者齡速籌協濟所稱周鳳山於克復龍泉縣城有冒功情事並已諭令者齡查辦至湖南派赴龍泉之官紳兵勇從征日久著有微勞即著駱秉章查明保奏其克復興

安案內除蔣益澧等各員本日已由勞崇光保奏外其餘出力各員仍歸駱秉章查明保奏丁憂侍郎曾國藩前經降旨准其暫行在籍守制僅江西軍務緊急或他省有需人之處仍著候旨前往昨據給事中李鶴年奏會同藩自丁父憂蒙賜金給假褒獎慰留此後墨經從戎宜為天下後世所共諒豈容以終制為守經再三瀆請請飭仍赴江西及時圖報等語軍務奪情原屬不得已之舉朕非

必欲該侍郎即入仕途然如該給事中所奏亦可見移孝作忠經權並用公論自在人心現在江西軍務有楊載福統帶雖無須曾國藩前往而湖南本籍逼近黔粵賊氛未息團練籌防均關緊要該侍郎負一鄉重望自當極力圖維急思報稱所有李鶴年原摺著抄給閱看將此諭知駱秉章著傳旨諭令曾國藩知之○又諭英桂奏需用馬匹請飭於近省購解等語豫省現在勦辦皖捻並角子山

股匪全恃馬隊抄擊。現在該營馬匹倒斃甚多。自應就近購買。陝西為產馬之區。著會望顏飭屬採買。臚壯馬四百匹。委員迅速解送。英桂軍營以資攻剿。此項馬價即於陝西省欠撥河南銀四千兩零項下如數扣除。將此由五百里諭令知之。○湖廣總督官文奏。黃州官軍移營進剿。連戰皆捷。都興阿。楊載福。李續賓。李續宜。多隆阿。舒保等六員。厥功甚偉。其智謀勇略皆足以當大任。相應據實密陳。以備簡用。得旨。俟楚北軍情稍鬆。大兵東下之時。朕酌量擢用以期得力。○以河南捐輸軍餉。永廣文鄉試中額二名。祥符縣文學額九名。淮甯溫二縣各四名。固始縣二名。蘭儀洛陽武陟西華項城太康尉氏濟源宜陽新安許甯陵睢河內孟扶溝商城十七州縣各一名。以湖北黃州官軍剿賊獲勝。賞知府李續宜副將張文煥巴圖魯名號守備王載駟唐義訓彭炳武等花翎。並升擢有差。○

以湖南兵練越境。剿賊出力。賞同知張運蘭。知縣王開化花翎。把總唐玉益等藍翎。餘升敘有差。○以克復廣西興安靈川二縣。城賞知府蔣益澧巴圖魯名號。知縣段瑩器潘家馥都司彭玉山守備王月亮等花翎。武生段高翔藍翎。並升擢有差。○以克復貴州永從縣城。賞同知兆琛都司周洪印花翎。餘升擢有差。○予廣西捕賊被戕知縣宋炳璫祭葬。世職。予廣西北流縣殉節典史施沅祭葬。世職。○蠲緩福建長汀甯化清流歸化武平建甯泰甯崇安大田建安連城永定上杭晉江甯洋尤溪永安永春德化南安惠安莆田仙遊二十三州縣及興糧廳羅溪麻沙峯京泉上迪口縣丞所屬被擾地方。節年丁耗銀米。癸亥諭內閣。本年直隸省二麥歉收。並積水未消之區。業經降旨。加恩停緩錢糧。惟念入夏以來。蝗蝻間作。順德廣平府屬被旱較重大。名府屬復多被水之處。小民生計維

艱自應酌籌撫卹前經諭令譚廷襄酌議章程妥為辦理茲據奏稱委員查勘晚禾穀豆尚未一律刈穫災分尚難懸定先行通飭所屬減免差徭並散放社倉義穀僅有不敷再由藩司籌款酌放折色等語均著照所議辦理其所請頒發官票銀五十萬兩著戶部即行如數發給俾得通融酌劑以充賑款餉需仍著該署督飭催各屬委員勘定秋災分數奏請施恩用副朕軫念民依至意○又諭葉

名琛奏廣西股匪攻陷南甯等府縣城池並高廉各屬堵剿獲勝一摺廣西土匪李七等糾眾肆擾數月之間疊陷郡邑城池實屬罪大惡極經廣東兵勇疊剿獲勝仍著葉名琛督飭高廉等屬文武會合廣西官兵殲除匪眾迅圖克復毋令蔓延廣西左江鎮總兵色克精阿左江道吳德徵未能先事豫防代理橫州知州羅定霖代辦南甯府事兼理宣化縣知縣蘇在中不能力保城池均著革職仍

留軍營効力○諭軍機大臣等勝保奏安徽鳳臺境內有練眾勾結到處均糧請飭袁甲三刻日南下或分兵展溝閭墮等處以資控制等語前經疊次諭令袁甲三速赴正陽將湖北韓圩之賊交史榮椿朱連泰督剿計此時早已奉到諭旨何以尚未啟行現在英桂已於初九日啟程回省潁州一路僅有顏懷忠等壯勇數百名正陽後路空虛已甚況沙河以北伏莽未清土練復心懷叵測亟應速

籌控制著袁甲三即行督帶兵勇馳往正陽所有湖北各匪著仍遵前旨交史榮椿等分路擒捕毋再遲延至另片奏請由河南山東山西各先撥銀二萬兩仍每月各撥銀二萬兩等語殊屬不知撙節前此英桂在潁剿擒餉需皆由河南接濟今該撫暫行離營並非不與其事勝保既欲河南濟餉仍可向英桂商辦何待請旨飭撥豈英桂離營即置軍餉於不問耶至山東山西應解京餉甘餉楚皖

各餉數目繁多勝保豈不知之當此籌餉維艱之際而隨地募勇動以千計安得不倍形支絀况募勇易而遣散難流弊甚多從前勝保在山東即因不能約束川勇致有搶掠村莊之事前車之鑒亦當自知勝保屢次奏報皆言功在垂成而此次忽請按月撥餉似將為曠日持久之計何以慰朕盼望所請撥餉著英桂傳諭藩司瑛榮仍由河南源源接濟不得以該撫離營稍存膜視此外惟山西省

尚可奏撥已諭令恆福酌量籌解然該省撥款過多亦不能按月接濟也勝保袁甲三當力圖進剿俟克復正陽後即行酌撤募勇以節經費將此由六百里諭知英桂勝保袁甲三並傳諭瑛榮知之○又諭現在英桂帶兵赴西路禹密一帶挖捕竄匪勝保仍督兵進剿正陽山西省前撥解河南餉銀五萬兩業經支發無餘當此喫緊之時自應寬為籌畫除諭令英桂仍由河南省撥項接濟外著恆

福再行酌量籌撥銀數萬兩委員解赴勝保軍營以資軍食毋稍延緩將此由五百里諭令知之○予安徽傷亡都司馬翰忠陣亡縣丞李光豫祭葬世職○予廣東永瀄縣殉節知縣刁汝元外委陸永謙陣亡把總蘇朝光祭葬世職○予廣東陣亡在籍主事宋蔚謙縣丞程兆桂王皆春把總鄭英傑外委梁得元千總銜王承猷祭葬世職○予廣西陣亡守備蘇海梁正高外委魏捷魁祭葬世職

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三十三

[illegible]

咸豐七年八月甲子遣官祭賢良祠○諭內

閣王懿德慶端奏請寬免藩臬處分等語福建布政使瑞璜按察使保泰代理按察使趙印川於該省失守府縣城池均有應得處分惟念該員等或籌濟餉需或督率防勦現在失守郡縣全行收復地方一律肅清辦理迅速功過尚足相抵所有應得處分均著加恩寬免諭軍機大臣等袁甲三奏請撤回馬隊等語察哈爾馬隊前因英桂等奏稱不能得力當諭令撤回本日據袁甲三奏該營四

幫同統帶官兵迅圖克復毋再延緩將此由
五百里諭令知之○以福建省城防禦出力
賞在籍尚書銜致任太常寺卿廖鴻荅王事
楊和鳴知府鍾峻蔡聲修莊煥文同知李慶
霖等花翎同知丁嘉璋等藍翎餘升敘有差
乙丑遣官祭

關帝廟 諭軍機大臣等本日據都察院奏
山東費縣民人宋德基以幅匪劫殺等情具
控郟城等處匪徒滋事疊經諭令崇恩派撥

官兵會同徐州兵勇勦辦嗣據該撫奏稱邳等處肅清及蘭山費縣一帶已派有兵勇駐劄防勦匪徒當不至橫行茲聞該民人呈詞內稱幅匪李希夢等結黨千餘人先在蘭山郟城地方劫掠因官兵挫敗突入費縣肆行焚殺分擾蒙陰沂水並聞宿遷之匪竄入蘭郟境內將與費縣賊匪合夥等語此股匪徒勢已蔓延且宿遷嶧縣等處均有匪徒滋擾業據邵燦等奏報何以未據崇恩將堵勦

情形入奏現據該民人宋德基將幅匪頭目姓名住址開單呈控著鈔給崇恩閱看該撫接奉後即飭兗沂曹濟道達鏞並兗州鎮將等迅速將各股匪首嚴密查拏按名弋獲毋令漏網並派撥兵勇會同各該地方將夥黨撥勦務使一律肅清儻意存掩飾致釀巨患該撫恐不能當此重咎也將此諭令知之○理藩院尚書賡福因病解任以都察院左都御史肅順為理藩院尚書吏部左侍郎瑞常

為都察院左都御史調禮部左侍郎文清為吏部左侍郎以正藍旗滿洲副都統玉明為禮部左侍郎補鑄河南虞城縣儒學條記從巡撫英桂請也以克復廣東清遠縣城賞同知銜教諭郭鍾熙花翎舉人向陽等藍翎餘升敘有差以克復廣東德慶封川州縣城予知縣黃家仁以同知直隸州用賞從九品陳森等藍翎餘升敘有差以勦辦廣東永安竄匪出力賞知州吳贊誠花翎餘升

賞給藍翎

丙

敘有差予陣亡外委黃鳳章祭葬世職宣調正黃旗漢軍副都統載鷺為正藍旗滿洲副都統以鑲黃旗漢軍印務參領文盛為正黃旗漢軍副都統以江南徐州官兵攻勦擒匪出力賞參領果全防禦穆克特布巴圖魯名號知州葉藩參領德英奇永伊昌阿防禦富亮貴德恆泰遊擊馬裕椿守備滕家勝等花翎通判金慶瀾等藍翎餘升敘有差丁卯諭軍機大臣等英桂奏朝陽縣興奉

天錦州府接壤之處有夷人潤跡並據慶祺
咨稱朝陽縣界內松樹背子地方有西洋人
建蓋天主堂聚人念經等語朝陽縣界並非
各夷通商之地豈容建立天主堂聚集多人
致滋流弊所稱西洋人究係何國夷人抑或
內地奸民假託外夷希圖煽惑鄉愚英隆現
已委員前往密查並著慶祺派員會同查明
即將辦理情形據實具奏將此各諭令知之
調江甯布政使文煜為江蘇布政使辦理

江蘇布政使文煜

五

江南軍營糧臺江蘇布政使楊能格為江甯
布政使辦理江北軍營糧臺 戊辰諭內閣
端華等奏聯順呈遞親供並親訊各情一摺
聯順供詞與眾供不符之處仍著端華等詳
細研鞠以成信讞至八旗步甲查出空缺有
一千五百餘名之多自應急籌挑補以重地
方著步軍統領衙門再行確查按名挑補足
額並妥議章程以杜虛報冒銷之弊 山西
巡撫恆福奏遼州有河南匪徒勾結飢民擅

進黃澤關黎城縣屬偏城鎮地方亦有河南
匪徒闖入現派官兵前往相機辦理兼資彈
壓得旨飭令迅速彈壓驅逐勿令到處滋擾
以勸辦廣東洋匪出力賞水師提督吳元
猷遊擊李鑒彪都司李懋元花翎千總黃紹
晉等藍翎餘升敘有差 己巳諭內閣前據
御史那清阿奏署兩淮鹽運使郭沛霖徵收
淮南稅課日形短絀並信任泰州運判洪國
柱冒領庫銀侵蝕稅錢代為彌縫等語當交

江蘇布政使文煜

六

何桂清趙德轍查明具奏茲據奏稱泰州運
判洪國柱聲名本屬平常咸豐三年因辦理
防堵領過淮南總局墊發商人捐輸銀二萬
兩事閱四年之久既未將用項隨時呈報又
延不造冊請銷難保無侵蝕入己情弊洪國
柱著即革職交署鹽運使聯英責令將所用
銀兩趕緊逐款報銷並確查分撥儀徵縣銀
有無實在憑據儻有侵那等弊著即嚴審治
罪郭沛霖因洪國柱那用稅錢當將撤任勒

追尚無代為彌縫情事著俟案結時另行具奏又諭前據英桂等奏軍營保舉各員請准其開單請簡並在營候補等語當經降旨令該部議奏茲據吏部遵議具奏各路軍營打仗出力人員原准保奏記名以道府用遇缺請旨簡放其辦理糧臺文案各員業經奏定章程不准保奏記名簡放其從前記名各員著仍遵前旨俟軍務告竣送部引見再降諭旨英桂等援在營候選之例仍請開單簡放之處著毋庸議其軍營候補人員本准按班序補惟投效軍營旋即保奏另指他省各項文員例應赴部分發驗看引見方准赴所指之省按班序補若於未經到省之先即令其在營候補不但員缺虛懸且開取巧之弊嗣後軍營投效人員無論何項勞績保奏另指他省者均著俟軍務告竣給咨送部引見到省後再行按班序補該撫等所請在營候補之處亦無庸議諭軍機大臣等御史來

儀奏知縣貪汙不職請飭查辦一摺據稱奉天海城縣知縣鮑師釗貪名素著於縣屬沒溝營地方設立私卡派家人私收商稅每歲不下萬金又因生辰兩次演戲斂錢十萬餘千盛京辦理陵工俱係官項該縣私派地方按畝出錢不下二十萬千因紳士懇求寬減輒將武生程殿揚等鎖拏刑責幾至激變又擅移佛寺萬壽牌並私收船規強買民房挾仇刑虐得錢藉拏賭索贓買倡為妄種種不法等語似此貪婪卑鄙劣蹟多端實為地方之害著慶祺富呢雅杭阿景霖按照所奏各款確切查訪嚴叅懲辦毋稍徇隱原摺著鈔給閱看將此諭令知之又諭奕山等奏俄夷復於江右蓋房及越卡駛行一摺前曾諭令奕山會同俄夷使臣普提雅廷勘定地界並先行曉諭海蘭泡等處夷人該國現有大臣前來應即撤回人船靜候查勘現在該夷復有在黑龍江

左精奇哩開墾種菜松花江右圖勒密添蓋房屋並有船隻越卡西上之事其為圖占地方欲謀久住已屬顯然著奕山等仍遵前諭告以中國與該國和好有年不應擅自蓋房占地現既派有大臣與爾國使臣分勘界址不得任意違例致啟爭端一面妥為駕馭毋令開釁一面密禁沿海奸民私通貿易斷其接濟使彼糧食匱絕當必廢然思返該將軍等勿因海濱地廣難於稽查致令奸民勾結

實錄卷一百一十五

九

自貽後患將此諭令知之 又諭本日據法福禮奏後路官兵行抵葉爾羌即統帶進剿一摺喀什噶爾英吉沙爾兩城被圍已經三月亟應督兵救援現在所調官兵到葉爾羌者已足五千之數諒已足敷剿辦所有備調之烏嚕木齊官兵一千五百名著毋庸再調以節糜費此次回匪滋事多係烏合之眾一經官兵勦擊即紛紛逃竄若能乘此聲威奮力迎擊當可剋期殄滅據稱葉爾羌復有賊

匪滋擾經官兵擊敗之後尚未遠颺著法福禮等督飭官兵前進仍沿途搜剿餘匪並確探喀什兩城情形迅速剿辦毋誤事機至該匪等一經勦敗逃竄出卡難保不去而復來如能設計抄襲使其大受懲創方足以褫賊膽而固邊疆著該大臣等妥籌辦理此次法福禮所保各員均屬從優念其初次接仗即獲大勝是以悉照所請獎勵嗣後保舉出力人員不可失之過優以杜冒濫將此由五百

實錄卷一百一十五

十

里各諭令知之 陝西巡撫曾望顏奏陝省續有飛蝗至境現經派員督捕幸蝗蟲被雨霑濡撲捕更易得旨雖被雨澤勿信為已絕仍著督飭撲捕不致擾累為要 伊犁參贊大臣法福禮奏葉爾羌境內復有賊匪滋擾督兵截擊斃賊無數餘匪敗退西竄得旨此次不過小勝殺賊并無確數陣亡兵勇咨部照例辦理出力人員俟再獲大勝方准酌保以江蘇山陽縣捐輸軍餉永廣文學額四

名 以伊犁官兵勦賊出力賞協領伊勒哈布富珠哩防禦德克吉春錫拉蘇德格都巴圖魯名號副總管博勒果素副都統銜佐領塔拉奇訥莫庫防禦霍仰布富克吉善都司楊成等花翎前鋒校伊吉斯渾等藍翎餘升敘有差 庚午

上御勤政殿聽政 諭內閣前聞江蘇在籍中允馮桂芬有徇庇捐戶等情事當經諭令何桂清查明奏茲據奏稱訪查馮桂芬鄉評

實錄卷三百六

士

毀譽參半其勸捐吳江縣太湖廳兩處均會同眾紳公議尚無包庇情事惟紳士辦理地方公事必須與情推服該員既因勸捐致招物議著勿庸辦理省城局務 以詹事府詹事宜崇為大理寺卿少詹事沈桂芬為內閣學士兼禮部侍郎銜 辛未

世宗憲皇帝忌辰遣官祭

奉陵 諭內閣何桂清晏端書奏提鎮大員在營丁憂請留辦軍務一摺浙江提督鄧紹良

陝安鎮總兵秦如虎先後俱丁母憂現當勦辦喫緊之際未便遽令離營鄧紹良秦如虎均著毋庸開缺即作為署任仍留皖南辦理防勦事務鄧紹良俟軍務稍平再行奏請給假回籍治喪秦如虎屆時著該督等酌量奏明辦理 又諭晏端書奏海塘埽石各工猝被風潮衝坍一摺本年七月間浙省風雨交作金衢嚴處等屬同時起蛟致將西塘埽工衝坍數處均已過水浙省海塘為本省杭嘉

實錄卷三百六

三

湖及蘇省之蘇松常鎮七郡田廬保障攸關緊要著該撫嚴飭道廳各員將已坍者趕緊搶築未坍者設法保護毋得再有疏虞至全塘各工此次潑損甚多並飭承辦各員分別賠修該撫仍隨時親往巡勘以期及早歲功其被水處所並上游被蛟最重之區淹沒人一口田廬著即飭屬查勘具奏所有防護不力之署西防同知邢吉甫海防營守備周金標均著革職留任署杭嘉湖道葉瑩著交部議

處晏端書著一併議處 諭軍機大臣等前因奉天省額運米豆並採買捐輸米石日久未報開行降旨令盛京將軍等嚴催趲運本日有人奏本年承運船隻六月中旬已齊抵奉天因船戶例有應得腳價該處委員欲將此項侵吞勒令船戶認出各船戶以例所本無不能應允該委員遂藉端留難延不開兌請旨飭查等語京倉米糧短絀自應及早趕運該委員等如敢需索抑勒致有誤裝運之

實錄卷一百一十五

十三

期殊屬可惡著慶祺等確切查明嚴叅懲辦並一面將船戶應得腳價飭令照例發給嚴飭趕緊開兌免致稽延另片奏直隸省向派運空委員催趲船隻雖官為給費每多需索留難情弊請酌量裁撤以節糜費著譚廷襄體察情形奏明辦理原摺片著鈔給閱看將此各諭令知之 又諭御史陳濬奏閩省銅鐵制錢低昂過甚物價騰貴現惟省垣行用鐵錢其各外府州縣仍用銅錢請於距省較

近及有水路可通各州縣批解錢糧時搭解銅制錢二成卽由藩司發交官錢局另立銅制錢官票散給民用等語福建省城銅制錢悉為商旅攜帶外出城中祇有鐵制錢以致物價日昂官民交困自應亟籌調劑該御史所請於各州縣批解錢糧時各按本地銀價搭解銅制錢二成由藩司酌覈錢數多寡另立銅制錢官票散放之處是否可行著王懿德慶端悉心酌覈妥為辦理原片著鈔給閱

實錄卷一百一十五

十四

看將此諭令知之 壬申諭軍機大臣等德興阿翁同書奏連日防剿瓜州情形水陸獲勝一摺前因和春等移督重兵圍攻鎮江疊經諭令德興阿等水陸大舉與和春合力圖功先拔瓜州俾鎮城可以得手乃本日覽德興阿等奏報自七月二十八日至八月十一等日所稱疊次水陸環攻獲勝情形不過小有斬擒卽行收隊賊匪既未大受懲創克復仍屬毫無把握若必待賊匪竄出始行勦擊

則彼必藏匿堅守以老我師何時始能搆其巢穴著該大臣等嚴飭將士奮力進攻志在必克毋再遷延時日致生他變至傳聞石逆遣黨分路下竄係聲東擊西之計亦未可知惟賊情詭詐自當於浦口六合等處嚴密設防所呈水礮臺圖水落時恐不利於運用必當趁此江潮尚旺之時轟擊方能得力現在南岸大兵雲集惟江路未絕接濟該大臣等即一面督飭水師斷其江中援應一面激勵

實錄卷三十四

十五

將士約會南岸諸軍同時並舉使逆匪不能兼顧不但瓜州可克並可遙作鎮江聲援明知餉需短絀軍士疲勞豈可坐失機宜有負委任將此由六百里諭令知之以兵部右侍郎春佑署京營左翼總兵命盛京戶部侍郎兼管奉天府府尹富呢雅杭阿來京陛見以盛京禮部侍郎倭仁署兼管奉天府府尹賞委散秩大臣穆輅副都統銜為哈密幫辦大臣癸酉諭內閣英桂奏請覈實清

釐州縣交代一摺河南連年辦理軍務兼以吏調頻仍各州縣交代多逾例限尚屬有因著照所請准將從前交代逾限各員處分加恩寬免惟倉庫攸關豈容任意延宕著該撫飭將各屬未結交代在咸豐七年七月以前者即以奉文之日起限六箇月一律算清結報儻再遷延或查有虧那情弊即行據實嚴叅懲辦諭軍機大臣等李孟羣奏餉需告匱請飭四川按月撥銀三萬兩並請由楚省

實錄卷三十四

十六

鹽課先行墊解等語李孟羣一軍由楚入皖已抵六安該處粵捻各匪麇聚勦辦正在喫緊餉需未容匱缺惟四川省奉撥款項較多著有鳳斟酌情形即不能如該藩司所請每月三萬兩之數務即速為籌撥銀兩接濟並著按月解至荊州即由官文等飭令荆宜施道莊受祺妥為轉解其川餉未到以前即著官文胡林翼於該省鹽課內先行籌墊解往俾得將欠發兵餉早為散放至楚省協濟李

孟羣軍餉前曾諭令該大臣等於先解二萬兩外仍源源接濟此時該藩司需餉孔殷並著官文胡林翼遵照前旨速籌協濟將此由六百里各諭令知之 伊犁參贊大臣法福禮奏葉爾羌境內賊匪經官兵擊敗後復行嘯聚滋擾督兵迎剿接仗獲勝得旨逆回脅惑愚回不過志在搶掠一聞兵至飽颺而歸觀此情形恐真賊已潛出卡只剩被脅良回聚而難散欲歸不能欲降不敢若不隨剿隨撫勢必愈殺愈多現在兵力不為不厚務須另分奇兵由間道襲其歸路正兵多張旗幟以壯聲威庶幾成功較速不致餉虛糜兵徒勞也 以勦辦安徽擒匪疊次出力予御前侍衛穆騰阿以副都統用 以隨營勦辦安徽擒匪出力賞翰林院編修袁保恆侍講銜花翎 以勦辦安徽河南擒匪出力賞道員賈臻按察使銜直隸州知州俞榕等花翎通判方蔭唐等藍翎餘升敘有差 以攻破安

實錄卷一百一十五

七

徽六安州賊巢賞都司盧又熊巴圖魯名號守備李先元吳天成花翎餘升賞有差 以勦辦四川越嶲夷匪出力予總兵官占泰議敘賞知州李鈺都司何慶元守備劉興榮等花翎餘升敘有差 甲戌以四川官紳防剿黔匪出力賞同知鄭尊仁等藍翎在籍員外郎伍濬祥等升賞有差 乙亥諭內閣戶部奏參河南省應解京餉藉詞搪塞軍需用款並不報銷一摺河南省三次部撥銀共三百五十萬兩除解過連鎮等處銀三十萬兩外餘俱未解部庫經該部屢次奏催置若罔聞至軍需動用並不照部定章程按期造報任意延宕顯係借軍需為名目以掩各屬虧那情弊該省額徵正雜錢糧甲於北省似此因循疲玩該大吏等天良安在若不以懲創何以重國帑而儆效尤河南巡撫英桂布政使瑛榮均著先行交部議處所有應解京餉銀每月十萬兩著按期解部毋許遲延其歷

實錄卷一百一十五

八

年軍需動用各款著勒限三箇月造冊報部
覈銷儻敢仍前延玩定將該撫等嚴懲不貸
又諭戶部奏內倉糧石掣欠發變請飭查
懲辦等語內倉所收糧石向係頭進自應一
律乾潔此次進倉米豆掣欠及發變為數太
多實屬不成事體著倉場侍郎查明前項米
豆何以攙雜虧短如此之多即將舞弊之經
紀車戶拏交刑部嚴行審辦其不堪兌收及
收不足數米豆應如何勒限賠補之處併著

實錄卷百五

九

迅速奏明辦理 又諭崇恩奏參人地不宜
才難勝任之知縣分別撤任改教降補一摺
山東蓬萊縣知縣劉揚廷人尚明晰惟被參
回任後民情未能翕服范縣知縣李鍾泰公
事無誤惟未能折服刁健均屬人地不宜著
即撤任留省遇有相當缺出酌量補用鄒平
縣知縣劉天祿邱縣知縣楊榮碩才具平庸
辦事遲鈍金鄉縣知縣李庚鉅野縣知縣郭
歡不合輿情難期振作均屬不勝民社之任

劉天祿楊榮碩李庚均著以教職改補郭歡
著以府經歷縣丞降補歸部銓選 以克復
廣東四會縣城賞千總銜練安邦藍翎在籍
主事黃翰華等升敘有差 以勦辦廣東潮
州匪徒出力賞都司鄭心廣等花翎府經歷
胡澤恩等藍翎餘升敘有差 以採辦硝磺
監造軍器出力賞陝西知縣張廷奎藍翎
丙子諭內閣載容等奏請飭催直隸撥解銀
兩一摺本年直隸省應補解廣恩庫銀兩前
經降旨令譚廷襄即飭該藩司趕緊籌撥迄
今三月有餘僅據易州解交一款為數無多
其藩司暨安州安肅河間高陽任邱等州縣
應解各款經載容等移咨該督飭催仍未解
交疲玩已極著譚廷襄即飭該藩司將本年
應行補解銀五千六百九十三兩零迅速撥
解並嚴飭各該州縣趕緊將舊欠租銀一併
解交以資支放此係守護
陵寢兵餉要需該員等如再遲延即著該督嚴

實錄卷百五

十

叅懲處 諭軍機大臣等前因恆福升任巡撫奏請陞見當即批諭俟十月間再行奏請惟山西撥解京餉最關緊要十月間正當趕緊飭催籌款之時藩司常績甫經到任地方情形究尚生疏恆福著暫緩來京俟催解京餉完竣或於封印後啟程或至明年春初再行進京陞見將此諭令知之 守護西陵貝子載容等奏

昌陵

實錄卷一百一十五

十一

隆恩殿工程完竣謹遵吉期恭請

仁宗睿皇帝

孝淑睿皇后神牌還御敬謹安奉

正殿禮成得旨敬悉 河南巡撫英桂奏奉命

移師回豫督勦西路竄匪現已馳抵許州催

提後起兵勇妥籌進勦得旨匪蹤飄忽靡常

追勦萬不能得力著嚴飭各府縣合力堵截

毋任其分竄以驅出本境為了事也 改鑄

江蘇武進縣知縣印信從巡撫趙德轍請也

撫恆琉球國遭風難夷如例 丁丑諭內

閣法福禮奏克復英吉沙爾回城並漢城解圍大獲勝仗一摺賊匪占踞英吉沙爾回城前經法福禮督兵在大橋獲勝後復在柳樹泉地方遇匪數千官軍槍礮齊施並用馬隊擊退賊眾奎英帶同烏魯木齊官兵兩翼馬隊轟潰前後伏賊乘勝追襲斃匪不計其數奪獲馬匹軍械甚多當將回城克復其圍攻漢城之賊亦皆聞風逃竄此次法福禮等勦

實錄卷一百一十五

十一

辦踞城賊匪尚屬迅速著即揀捕逸匪督率得勝官兵進勦喀什噶爾殲除醜類肅清地方所有打仗出力人員及陣亡兵勇著該大臣等查明具奏 諭軍機大臣等據署安徽藩司恩錫奏皖省軍需短絀請於原撥協餉之外另撥整餉十萬兩等語已批令戶部迅速籌撥矣據奏皖省各路兵勇共計一萬八千餘名現在患病者有五六千人之多當此軍餉支絀之時留此疲病之兵攻勦不能得

力徒糜糧餉於事無益。况福濟等近日打仗止在廬州附近。安用一萬八千之眾。著即督飭帶兵各員認真查覈。將老弱及患病兵丁酌量裁撤歸伍。以節餉需。而收實用。至該撫前次撤遣兵丁。已諭令各原營照數補足。此項兵丁諒亦陸續到營。如查有疲弱者。亦應一併裁汰。毋令濫竽充數。本日所奏水陸勝仗。該匪並未大受懲創。著即激勵弁兵迅速攻剿。毋得以待餉為名。僅知保守廬州。不思漸次肅清。致干重咎。將此由六百里諭令福濟鄭魁士知之。○盛京將軍慶祺等奏。

福陵

隆恩殿工程完竣。謹遵吉期。恭請

太祖高皇帝

孝慈高皇后神牌還御。敬謹安奉。

正殿禮成。得旨。敬悉。以克復安徽英山。霍山。

二縣城。賞在籍員外郎李家驊主事駱敏修。

知縣吳銘謙都司李嵩齡守備劉玉奇鄭昌。

實錄卷三三五

三

林張起鳳陳忠等花翎。知縣王自筠等藍翎。餘升賞有差。○以擊退巴爾楚克賊匪出力。賞糧餉章京國燭等花翎。千總梁一龍等藍翎。餘升賞有差。○減徵安徽合肥舒城鳳陽定遠懷遠鳳臺潁上蒙城亳九州縣及屯坐各衛災區漕米一成。並緩徵建平歙廣德旌德西州縣節年新舊額賦有差。○戊寅諭內閣。官文等奏官軍掃蕩蕪黃賊巢。攻拔小池口。全楚肅清一摺。皖省逆匪分布蕪黃等處。並於小池口築城。與九江犄角。下為皖匪聲援。上圖窺伺武漢。雖經官軍屢次攻擊。疊受懲創。該逆抗拒如故。胡林翼親督所部各隊。節節挖剿。擒斬不可勝數。都興阿等挑選馬步各隊。將黃梅後山一帶賊壘焚毀淨盡。馬步各軍連夜追剿。殺賊三千餘名。復追至桂家畈渡河橋。踏毀賊壘十餘座。楊載福等水陸並進。直逼小池口各營。四面環攻。奮力登城。殲斃逆賊無數。遂將小池口賊巢攻拔。其

實錄卷三三五

三

逃竄餘匪復經巴克坦布等分路斬殺殆盡
全楚境地一律肅清勦辦尚屬得手著官文
等督飭在事文武乘此聲威攻克九江並分
兵追勦逃竄宿太股匪以期迅掃餘逆疏通
江路所有此次出力員弁兵勇著准其擇尤
保奏候朕施恩○予湖北陣亡外委彭金聲
祭葬世職

實錄卷一百三十四

壬午

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十五

敕修

咸豐七年丁巳九月己卯朔○庚辰諭內閣

譚廷襄奏請藉團助賑一摺直隸大順廣等
屬被水被旱前經諭令該署督妥為安撫茲
據奏稱業經籌動倉穀酌撥銀錢先行散放
並稱辦賑之處多係辦團之處如寓賑於團
就各處地方勸諭紳商捐輸銀米即挑選壯
丁巡防盜賊由董事經理按期散放可裕民
食而靖地方等語著照所請所有捐辦紳商
准其照直隸捐米章程給獎並准將前次部
頒空名執照發給即責成清河道董醇總司

其事所有已捐銀錢一併提充賑款以今年冬三月為度俟年底再行察看情形辦理毋得假手吏胥致滋擾累用副朕軫念民艱至意○又諭前因樂斌奏安徽軍營咨調補額兵丁請由本地募補一摺當交兵部議奏茲據奏稱軍營空缺兵丁就地招充流弊多端難期得力並請飭嚴革積弊等語所有安徽省咨調陝甘補額兵丁仍著樂斌照數派往嗣後軍營調取各省兵丁如有空缺查明係何營分隨時知照該省於原營照數挑補俟積有一二百名之數再由該軍營大臣奏請調派一面將原調兵數若干應補空額若干咨照原省選派俟奉旨後即行飭令啟程至各省調撥官兵該管大臣務當認真挑選擇其年力富強技精膽壯者始令前往軍營到營後再由該軍營大臣校閱如查有老弱退怯者據實叅奏其在營官兵除實係受傷患病准其撤回醫治外儻有捏病及潛逃等事

即將該兵丁按律懲辦並將該管官從重懲處該管官於本營逃兵匿不舉報者一併治罪庶徵調不至頻仍而紀律嚴明兵皆得力矣將此通諭各路統兵大臣將軍督撫提鎮等務各實力整頓以飭戎行毋負朕諄諄告誡之意○又諭李鈞奏請將軍政展限辦理等語該河督現在督防河岸所有東河河標弁兵本年軍政著准其展限俟防河事竣再赴濟甯補行考驗如有庸劣不職員弁仍著隨時叅辦以昭覈實○又諭給事中黃綬等奏秋審擬絞歸入情實之犯婦覈其情節似可擬緩等語向來謀殺加功人犯秋審均入情實此案直隸玉田縣民婦張氏聽從姦夫張鳴鳳謀殺圖姦之張常沐張氏係下手加功之人刑部擬以絞監候情實係屬按律辦理該給事中等所奏著毋庸議○諭軍機大臣等前據扎拉芬奏俄囉斯夷人欲在伊犁內河行走並不肯領回追存貨物當經諭

知理藩院行文該國薩納特衙門令其恪遵
成約仍由陸路行走並令其派人前往塔爾
巴哈台收回貨物矣茲據扎拉芬泰奏稱該
夷官帶領夷圍人等啟程回國並不提及賠
償之事已由該將軍派員款待護送出卡並
豫籌防範貼補之策以備緩急等語所辦尚
為妥協該夷決然捨去未必無因該將軍既
經以禮相待自可杜其藉口之端所稱堅壁
清野及籌禁茶黃等事但當隨時留意諒該
夷未必遽啟兵端中國亦不可先露痕跡至
籌徵茶稅以備將來貼補自未可中止著該
將軍傳知應辦茶務各城大臣認真籌辦毋
得有名無實至俄夷人船近年以來時在黑
龍江上下行駛並於兩岸蓋房本年六月間
復有使臣普提雅琴來至天津聲言欲勘定
分界已由天津委員妥為開導禮遣啟程並
將詳細情形行知該國或者該夷意在黑龍
江通商遂捨伊犁而去抑或該國接到咨文

別有商議俱未可定該將軍但當隨時偵探
加意密防無稍大意此次所奏與該夷往復
文內各情亦經諭知理藩院轉行該國矣將
此諭令知之○又諭王茂蔭奏請飭外省廣
鑄制錢暫濟民急等語據稱江浙銀價向來
每兩換至制錢二千有零自倭夷在上海收
買制錢錢即湧貴以銀易錢之數漸減至半
現在每兩僅易制錢一千一百餘文兵民交
困而夷人竟據為利藪因請飭於江浙兩省
加鑄加卯廣鑄制錢以濟目前之急該侍郎
所奏自係為銀賤錢貴變通調劑起見著該
督撫等各就地方情形酌量覈辦至夷人收
買銅錢應如何杜漸防微設法阻止之處並
著何桂清趙德轅晏端書悉心籌議具奏王
茂蔭原奏著鈔給閱看將此各諭令知之○
又諭王茂蔭奏浦口防兵不宜調移一摺據
稱近聞浦口防兵調往瓜州該處僅留兵五
百名並久駐浦口之水師亦已調開不獨下

關之賊可以直至浦口。即江浦之賊亦可併攻六合。賊將由此直趨而北。請飭統兵大臣將調移之兵仍撥回浦口等語。浦口地方為扼賊北竄要衝。應據德興阿等奏稱。派有兵勇四千餘名。並令副都統穆克登額。總兵安勇等統帶駐劄。此時將該處防兵調動。是否仍有重兵駐守。儻因攻剿瓜州。遽將水陸各兵撤去。僅留數百名在防。則兵力實形單弱。該處為前年賊匪北竄故道。自應加意防堵。著德興阿。翁同書斟酌情形。如果該處存兵無多。務即將該營得力兵勇速行派往。並派撥水師駐守。以期水陸互為聲援。堵剿藉資得力。不得以進攻瓜州。致江浦要隘空虛。至有貽誤。王茂蔭摺著鈔給閱看。將此由五百里諭令知之。○以湖南官軍援剿江西出力。予同知張運蘭等。加銜升用有差。○贈故按察使銜湖北道員王鑫布政使銜。予祭葬卹。恤諡壯武。並於湖南江西地方建立專祠。給

其父母二品封典。○蠲緩廣西被匪滋擾之興安。灌陽。永福。恭城。修仁。容。馬。平。確。容。象。桂。平。平。南。武。宣。貴。橫。永。淳。新。甯。靈。川。全。義。甯。永甯。昭。平。富。川。荔。浦。藤。岑。溪。懷。遠。來。賓。崇。善。養利。左。甯。明。水。康。臨。桂。陽。朔。平。樂。永。安。北。流。柳城。羅。城。三。十。九。州。縣。暨。萬。承。太。平。安。平。龍。英。四。土。州。上。年。額。賦。並。應。徵。兵。米。有。差。○辛巳諭軍機大臣等。有人奏。浙江捐款名目太多。請飭裁撤。據稱。浙江省前辦釐捐茶捐。尚無擾累。惟近年添設江運局。船捐局。房租局。串捐局等名目。委員董事多至百餘人。所得無多。而商民交困。並有幕友金樸。齋從中煽弄。奸商胡錫年。聯絡鑽營。毫無忌憚。又於省城各錢店。勒令領帖繳銀。以致人心不服。幾至罷市等語。設局勸捐。原非得已。前經疊降諭旨。令江南督撫。裁撤歸併。原以體恤民生。浙江豈可轉行添設。况盡募奸商。把持播弄。弊端尤不可言。著晏端書。詳加察覈。除釐捐茶

捐業已著有成效者仍照舊章辦理外其餘添設各捐局酌量一律裁撤以歸簡易並查明幕友金樸齋等劣蹟嚴行懲辦毋稍瞻徇其所稱湖州棍徒滋事及劣員違例勒商領帖之處均著查明具奏又據另片奏上海洋貨義捐每年可得七十萬兩而甯波僅收銀數千兩顯係經手人員侵吞入己且恐上海商人避重就輕由甯波偷漏進口於江南稅務亦有闕礙著晏端書咨行何桂清等查明

江南現辦章程倣照辦理務當派委幹員實力查察使江浙悉歸一律俾奸商無從趨避儻有不肖官吏藉端侵蝕蒙混阻撓並著據實嚴參原摺片均著鈔給閱看將此諭令知之又諭有人奏廣東客匪肆劫請飭查辦一摺據稱廣東肇慶府屬向有外來客民雜處山谷在恩平開平新甯鶴山新興高明六縣者為尤眾咸豐四年土匪滋事該匪等借團練為名糾眾數萬焚毀村落百數十里內

人煙一空地方官祇報土客械鬪容隱不辦恐將來釀成大患等語匪徒假團練為名聚眾至萬樹立旗幟擾害閭閻必得及早查拏庶可散其黨與據奏情形恐不能以理論著葉名琛柏貴派委明幹大員督同該管地方官將為首各匪查拏治罪儻敢恃眾拒捕即著帶兵勦辦殲擒首夥各犯解散脅從毋使屯聚以靖地方而弭後患原摺著鈔給閱看將此由五百里諭令知之（浙江巡撫晏端

書奏協濟皖南兵餉及省城三衢各路防費續於藩運糧道各庫籌銀十六萬兩發籌防局撙節動用得旨撥解鄰省則云庫項已罄自提自用則惟恐不足著將局用迅速報銷不准稍延（江西巡撫耆齡奏七月上忙丁耗等款錢糧請展限造報得旨該部查議具奏展緩奏銷深虞滋弊非只為劣員憚煩也應超羅承勳守備尚加福金鍾鳴黃朝陞周

光順等花翎布政司理問杜景祁等藍翎餘升敘有差○以安徽徽州勦賊出力賞千總榮陞花翎巴圖魯名號以守備用○以江西新昌勦匪出力賞從九品高祥霖等藍翎餘升敘有差○以江西新淦並漳樹鎮等處勦匪出力賞把總萬立松花翎外委謝得龍等藍翎餘升敘有差○予江西陣亡把總龍廷傑祭葬世職○壬午遣官祭

歷代帝王廟○諭內閣御史何兆瀛奏捐納

司員請照月選官之例由該堂官分別考其文理等語各部院司員向例於三年報滿後由該堂官分別咨留近來捐納司員人數較多能否主彙辦事自應豫為察看著各部院堂官於該司員等奏留之先驗其文理如果能辦彙案即與正途人員一體派差其或未能主彙而心地明白行走勤慎者派當雜項差使以資練習○諭軍機大臣等御史李培祐奏巴里坤採買滿洲營糧請量為變通一

摺據稱巴里坤滿洲營歲需各項兵糧每年鎮西廳所收小麥不敷一萬餘石由鎮迪道庫動項採買該廳月報糧價每多浮捏以為採買地步現當經費支絀之時豈容不肖官吏任意開銷且該處兵丁屢因領糧不堪食用至有聚眾鬧鬧之事更屬不成事體亟應嚴行查辦以杜欺蒙該御史請將該廳歲入不敷之糧悉以每京石給發實銀七錢每年或分四季由領隊大臣派員赴鎮迪道庫具領按月支發係為撙節糜費起見著倭什琿布妥籌辦理再據該御史片奏烏魯木齊有前任宜禾縣知縣清安虧短銀糧一案應在各該上司名下著落分賠按限追繳現在已及三年應行按名追繳又迪化州庫有前任知州交存道光六年軍需尾案扣繳各項銀二萬餘兩並收存濟木薩縣丞精河營都司所繳軍需案內銀兩屢經戶部行查總未登覆均係庫款攸關應行按款查出以濟軍需

又綏來縣知縣黃世安擅那庫款攤補倉糧顯有侵虧情弊均著按照所奏分別查辦毋稍含混原摺片均著鈔給閱看將此諭令知之○又諭勝保奏軍務稍鬆循例奏請陛見等語覽奏殊堪詫異前因英桂分兵馳赴河南是以命勝保專辦三省督勦事務又因勝保患病賞假一月命袁甲三馳赴正陽幫辦原因英桂離營之後勦擒重任係勝保專責現在正陽雖已克復而李兆受等股匪未殄

即張樂行韓狼仔等是否殲斃亦尚無確據擒匪並未肅清正宜偵探賊蹤節節撥勦何得舍此重任遽請陛見且不待批回竟欲迎摺北上實屬不知輕重自用兵以來軍營大員升遷者甚多不獨統帥之員不克進京即在營提鎮亦從無因升調而即來陛見之事勝保豈毫無見聞若云有要事數陳何妨登諸奏牘如果能合機宜朕亦必加採擇設或迂疏窒礙豈能因面奏而遂見施行朕畀勝

保以督兵重任何又慮進退隨人臨事掣肘勝保著傳旨申飭所請迎摺北上之處著不准行該副都統接奉此旨即著折回正陽與袁甲三會商勦擒事宜○督率諸軍安良鋤暴俟擒匪肅清應否移師南下候旨遵行毋得輕率冒昧有負朕恩將此由六百里諭令知之○又諭前因安徽布政使恩錫奏皖餉支絀請飭部另撥整餉十萬兩赴皖當令戶部迅速籌撥茲據該部奏稱山陝等省本有協

濟安徽之餉餘省並無款項可撥惟江蘇上海關稅每月得項較多必能均勻接濟請飭提撥等語現在皖省攻勦喫緊餉需支絀各省零星款項陸續解到分給兵糧難資周徧自係實在情形著何桂清等查照該部所議於上海各項捐款內提銀十萬兩就近迅速解赴安徽軍營以濟要需毋稍遲誤將此由五百里諭令知之○密雲副都統勝保奏鳳台縣生員苗沛霖藉團聚眾諭以大義該生

稟復尚無悖詞得旨該生所稟雖無逆詞然其以難於約束為辭飾其旁觀之計正當示之不疑激其義奮令自出以明心跡潛消反側斯為計之上也○以閩浙總督王懿德兼署福州將軍荊州協領銜佐領錫齡阿為福州副都統○以克復安徽正陽關賞副都統勝保頭品頂帶副將慶瑞總兵銜都司黃鳴鐸知縣薛成榮花翎餘升敘有差○戶部議准護福建巡撫慶端疏報閩縣開墾田地二

百九十一畝有奇照例升科從之○貸馬蘭鎮修理各汛撥房銀並准每年撥銀一百兩修理營房從總兵官綿森請也○癸未諭軍機大臣等張芾奏帶兵將弁遇賊退縮等語據稱崇覺寺為徽甯門戶二月間副將蕭知音督帶兵勇駐守適賊犯霧露嶺帶勇官劉福林先逃該副將遽退往章村拋棄軍械致石埭縣城被陷鄧紹良不行參劾猶謂蕭知音之退不為無見旋在孝思嶺挫敗反捏報

殺賊復由章村退往涇縣嗣因周天受克復石埭經鄧紹良派副將蔣錫光移劄崇覺寺該副將以不可守為詞其心存畏葸有意阻撓已可概見五月間周天受以大通有賊窺伺請飭蔣錫光回涇留守備馬雲龍堵剿馬雲龍亦聞警潰逃至七月賊擾萬級嶺守備吳正熙兵敗總兵秦如虎不往接應退回涇城致令該逆入嶺大掠以上各情張芾近在徽州見聞確切何以鄧紹良未聞咨報懲辦

恐該提督駐軍較遠誤信蕭知音等詳報之詞致受欺蒙抑或因該總兵副將等皆其派往心存徇庇當此賊氛未息豈可博寬厚之名致失律將弁毫無儆畏著何桂清按照所奏情節據實查叅毋稍姑容原奏片鈔給閱看將此由五百里諭令知之○又諭本日據張芾奏請嚴懲債軍之將一摺據稱晏端書議由衢州撥兵扼守婺源總兵饒廷選委遊擊楊國正相度地勢謂中雲不可劄營宜守

婺城張芾與江長貴力爭。晏端書卒從楊國正之議。饒廷選旋將該遊擊調回。而派知府畢大鈺遊擊楊金榜帶兵分劄城外。竟似豫為退步。迨賊偪婺城。楊金榜等棄營而走。以致縣城失陷。現在屢催楊國正進兵會剿。乃月餘之久。始到德興縣屬新建鎮駐劄。帶兵三千數百名。尚欲稟請添兵觀望。遷延不知是何肺腑。請旨嚴飭查辦等語。楊國正曾經何桂清奏賞勇號。並據晏端書奏稱該員久列戎行。胸有韜畧。令其統帶在防官兵。而債事若此。楊金榜於七月中棄營逃走。而晏端書稱其潰圍而出。身受重傷。情節亦迥不相符。張芾近在徽州。見聞較確。該撫遠在浙省。恐該員等捏詞稟報。受其蒙蔽。著晏端書按照所奏確切查明。如婺源失守實係楊國正貽誤事機。今復擁兵不進。即將該遊擊撤回。嚴叅懲辦。並另派得力之員前往管帶兵勇。不得因保奏在前。心存迴護。自干重咎。楊金

榜是否受傷抑係棄城逃避。著一併查明。叅奏按律懲辦。以伸軍法。而儆效尤。原摺著鈔給閱看。將此由五百里諭令知之。○改鑄湖北光化縣左旗營巡檢印信。從巡撫胡林翼請也。○以江西貴溪剿賊出力賞還降調知縣李元度花翎軍功王呈義等。藍翎餘升敘有差。予陣亡軍功唐遂意祭葬世職。如外委例。○甲申諭內閣。王懿德奏請將軍政展緩辦理等語。閩浙兩省各營員弁現多帶兵各處防剿。所有本年軍政著准其展緩俟防剿事竣凱撤後再行飭調考驗。如有庸劣不職員弁仍著隨時叅辦。以昭覈實。○閩浙總督王懿德奏病痊銷假得旨。卿之精力雖較前稍差。然遇事勇往。正資倚任。善為調護。以慰朕念。○乙酉諭內閣。英隆奏請將軍政暫緩辦理一摺。熱河駐防及綠營並圍場各官員現多帶兵在安徽防剿。所有本年軍政著准其暫行停緩。俟凱撤歸伍後再行飭調考驗。

如有衰庸不職及年老患病之員仍著隨時
叅劾以昭覈實○丙戌

上幸靜明園○諭內閣法福禮奏官軍立解城
圍並收復回城一摺官軍自克復英吉沙爾
回城後探聞餘匪逃往喀什噶爾廣聚回城
引水淹灌漢城八月初三日法福禮督兵前
進行抵該城該匪聞風逃散官軍分路追剿
即將回城收復邊境一律肅清所有蒙古官
兵著先行凱撤歸伍續調官兵即行停止該

回城被匪蹂躪應辦善後事宜即著法福禮
等妥籌辦理安輯回民使無失所○諭軍機
大臣等有人奏湖北省於宜昌府設立鹽卡
一處歸荆宜施道莊受祺管理江陵縣設立
鹽卡二處歸保升道員鄭蘭管理抽收川鹽
稅課復於沙市鎮設立官鹽號以莊受祺鄭
蘭為總理監生嚴步高為襄辦四五兩年總
計數處稅錢每月可得制錢三十萬串六年
秋間改換部帖行分而稅亦分近日販商稍

減每月尚可得二十餘萬串此項除協濟荆
州駐防餉銀外每月應餘錢二十萬串乃大
營餉需仍資撥解本地團練全賴捐輸不知
此項銷歸何處嚴步高以侵蝕之貲開設宏
盛鹽行襄辦者如此總理可知並聞鄭蘭於
沙市設立公和錢店銀兩悉歸兌會復令親
屬鄭竹山赴川坐辦行鹽兩地把持情同市
僧請飭查辦等語入楚川鹽經該省督撫等
奏准抽收稅課原為協濟軍餉若抽收之款
甚鉅而兵餉團練仍取給於撥項捐輸是直
以數百萬鉅貲徒資中飽亟宜清釐以歸覈
實綿洵近在荊州見聞較確著即將宜昌等
處鹽卡鹽號自四年以來抽收鹽課若干撥
過軍營餉需若干查明莊受祺鄭蘭等有無
侵蝕鄭蘭於沙市開設銀號並令親屬赴川
辦鹽顯有圖利情形斷非因公起見嚴步高
如何侵蝕鹽局以為資本並此外委辦鹽務
微員有無囊橐充盈之處均著訪查確實詳

細具奏。帑項攸關。該將軍務將所奏各情。秉公查辦。毋得稍涉瞻徇。或受人蒙蔽。致負委任。原摺著鈔給閱看。將此由五百里諭令知之。尋奏。查宜昌鹽局。實無弊竇。報聞。○又諭。有人奏。湖北省設局抽取釐金。以荊州府屬之沙市鎮為精華。前此地方官吏。於各行店貨物。售得制錢一千者。抽取十二文。零星鋪戶。分上中下三項。每月或認出制錢六十串。至二十串不等。本年六七月間。又議加增。前

次每串收取十二文者。竟加至三十六文。該商等以所取過多。求減不允。幾至歇業罷市。且此項釐金。多係官紳侵蝕。歸軍餉者無幾。此外如荊門州屬之沙陽。襄陽府屬之樊城。老河口。沔陽州屬之新堤等處。皆有分設抽釐各局。亦未必能盡歸公用。請飭一併酌量覈實辦理等語。各省設局抽取釐金。原出於萬不得已。若任意加增。徒飽官紳私囊。必至有礙民生。無益國計。著官文。胡林翼。陳派賢

員。督同地方紳士。妥為經理。毋任不肖官吏。假公濟私。務於軍餉有裨。不致擾累閭閻。原片著鈔給閱看。將此由五百里諭令知之。○又諭。法福禮奏。行抵喀城。回黨潛遁。請簡員籌辦善後各等語。此次大兵甫抵喀城。該匪即聞風潛遁。並未大受懲創。難保其不去而復來。且以數萬之眾。一時紛散。豈能全行出卡。其附近地方。山深林密之處。必有餘匪潛蹤。尤應實力搜捕。法福禮係此次統兵大臣。

即著暫駐該城。會同裕瑞。將善後各事宜。妥為籌辦。並函商慶。著固慶。悉心參酌。仍咨明扎拉芬。奉會同具奏。該處地方。甫經肅清。自應酌留兵丁。以資防守。吐爾扈特蒙古兵。已有旨諭令先行撤回。其伊犁等處官兵。應酌留若干。著法福禮體察情形。會同扎拉芬。奏具奏。其蒙古官兵歸伍時。應如何酌加犒賞。著傳知奎棟。酌量辦理。常清現無應辦之事。著即傳旨令其來京。扎拉芬。奉前奏應辦事。

宜各條所稱嚴查辦以重職守簡伯克以資撫綏平差徭以杜苛派三條均係善後要務著將原摺鈔給法福禮閱看即著按照所陳各條並應行叅劾各員認真查辦法福禮請調葉爾羌伊什罕伯克邁瑪第敏著准其調往喀什噶爾令其安集回眾扎拉芬泰所稱喀什噶爾阿奇木伯克愛瑪特與該處人地不宜並著酌量揀調至此次回匪逃散多係聞風先竄即沿途小有斬擒並無鏖戰法福

禮保奏人員未免過多因念歲事迅速加恩允准此後撥捕餘匪著毋庸再請獎勵以示限制將此由五百里各諭令知之○鑄給山西偏關營參將改設都司關防神池營都司改設守備條記從巡撫王慶雲請也○以英吉沙爾等處勦賊出力賞吐爾扈特罕布彥烏拉哲依圖霍碩特貝子多爾濟納木扎勒雙眼花翎仍下理藩院議敘並賞給吐爾扈特護盟長喀屯鄂斯庫吉爾噶勒

御書扁額曰綏藩篤祐○以葉爾羌等處勦賊出力賞伊犁領隊大臣錫拉那佐領伊克坦布達哩善防禦霍伽布都司楊成甲喇章京交加克千總吉陞把總武殿魁巴圖魯名號參贊大臣法福禮花翎頭品頂帶烏嚕木齊提督業布冲額領隊大臣奎英裕瑞佐領花連泰鄂奇爾景巴防禦和色本永讓遊擊塔斯杭阿等花翎筆帖式德貴等藍翎餘升敘有差○丁亥諭軍機大臣等前年十二月間

據英桂奏參署南陽府知府顧嘉衡任性妄為請旨革職當經降旨允准交該撫提案訊究迄今已及兩年尚未奏結茲據御史賀壽慈奏該革員三任南陽知府拏獲捻匪不下萬人現在南陽府屬鄧州泌陽新野裕州南召葉縣等處土匪肆擾紳民歷次京控猶稱從前顧嘉衡緝捕得力合郡賴以安堵今接辦之員未能整頓以致匪徒四起請飭該撫速將前案查覆以平輿論等語該撫前參顧

嘉衛被控勒捐滋擾等情即使人證不齊何至若是遲延儻該員尚得民心棄置殊為可惜若實係一無用之人亦應迅為辦理庶不致私信往來代為勒催因循積習英桂難辭其咎雖因軍務羈身在省司道何所事耶著英桂即將此案迅速奏結並將因何遲延兩載之故一併聲明毋稍含混將此諭令知之○以盛京協領特普欽署吉林副都統○戊子諭內閣○巴哈善伊綿阿奏連次剿賊情形

並自請治罪一摺此次回匪突入喀什噶爾占踞回城該大臣等未能先事豫防本屬罪有應得惟念漢城防守尚嚴援兵到後回城亦即克復巴哈善伊綿阿均著從寬革職留任○諭軍機大臣等此次回匪入卡滋事圍撲喀什城致回城失陷漢城被圍所有該城文武各員均有疏防之咎其中有無畏蒞逃避禦侮不力之員尤當查明懲辦至英吉沙爾回城失守除烏勒欣泰已疊降諭旨令扎拉

芬泰等查叅此外文武員弁當起事之初何人貽誤亦應分別查明一體懲辦慶英等係統轄大員亦有應得處分至其起釁根由前據慶英等奏傳聞各異請俟蕩平後會查此時賊匪業已竄出卡外所有失事情形不難確切查明法福禮現留喀什噶爾籌辦善後事宜著即就近詳查據實具奏至賊匪由卡外竄入守卡各員何以漫無覺察卡內回眾紛紛從賊該管伯克等何以不能約束輒行

逃避均著嚴叅懲辦毋稍疏縱將此由五百里諭令知之○以葉爾羌守城出力擢副將特克什布為總兵官賞印房章京西林泰伯克沙底克伊布拉依木沙滿素爾都司何文劉耀武等花翎守備田豐等藍翎餘升敘有差予喀什噶爾陣亡雲騎尉鞠兆祥把總趙彥斌外委包吉倪生蓮筆帖式額爾德蒙額祭葬世職○己丑諭內閣文祥奏叅玩視軍務各員請分別懲辦等語雲南省城剿匪

喫緊經文祥派令遊擊孫鈺抽帶賓川等處兵練赴援該員輒敢託病他往抗不回營經文祥摘頂示懲猶復沿途逗遛實屬膽玩著即行正法以肅軍律革職留營守備丁鶴齡隨同孫鈺赴省延不啟程都司高天澤託故回城以致兵練無人統馭高天澤著即革職與丁鶴齡一併交吳振械提省嚴行審訊按律定擬具奏儘先遊擊何有保捏稱患病不候批示輒即離營不知去向實屬膽大妄為

著迅速查拏即行正法都司韓寶守備李高於回匪撲營時未能悉力堵禦致有損失均著革職留營以觀後效文祥自請嚴加議處之處著加恩改為交部議處○諭軍機大臣等前因文祥奏軍務緊急請撥兵餉當經諭令吳振械於川省籌撥滇餉十萬兩內酌量分撥本日復據文祥奏報兵單餉匱情形並稱現暫移營鎮南就糧請飭調陝甘兩省兵二千名並於鄰省撥餉十萬兩藉資進剿等

語該營兵練餉銀欠至三月有餘自應速籌接濟著吳振械遵照前旨於川省撥滇餉銀十萬兩內酌量分撥派委妥員迅速解往俾資散放陝甘兩省官兵撥赴各路軍營者過多勢難再調且兵多則餉益難繼文祥惟當就現有兵力督飭進剿如果必須添兵著俟吳振械到滇後酌度情形仍於四川各營內抽調至餉需不敷亦惟川省與滇較近藉可接濟著有鳳督同藩司祥奎豫為籌畫以免

臨時貽誤吳振械此時當已赴滇即著嚴督官軍沿途掃蕩以期星速進行毋稍延誤將此由六百里各諭令知之○改鑄山西北樓營都司關防從巡撫王慶雲請也○庚寅諭軍機大臣等福濟鄭魁士奏逆捻南竄並湖北賊匪回擾皖境一摺逆匪由六安竄入舒城並有捻匪從謝家河繞至該縣枕鎮營後圍撲各營情形危急福濟等現派協領桂成等帶兵千餘前往救援如兵力尚單不敷攻

勦鄭魁士自應親督大隊前往不得以待餉
為詞株守廬州前此克復舒城亦非易事乃
自秦定三退後福濟等即置桐城於不問曾
無一旅之師赴桐攻擊舒城脅齒相依安能
復然後由舒攻桐次第進勦豈得以分兵策
應遂可塞責耶至廬州缺餉前因恩錫奏請
飭撥整餉十萬兩業經諭令何桂清等照數
撥給其山陝兩省月解皖餉亦據恆福等先

後奏報委解啟程該撫等即迅籌進勦克復
舒城毋誤大局將此由六百里諭令知之○
又諭本日曾望顏奏接准英桂咨照知捻匪
竄入南陽府城現籌商維一帶調兵防堵一
摺捻匪由泌陽舞陽竄陷南陽該府城池如
何失守及現在籌辦情形想英桂業已奏報
在途前據勝保袁甲三奏飭令邱聯恩統原
帶南陽鎮官兵八百名星馳回豫助勦於八
月三十日啟程嗣聞南陽賊勢猖獗閭閻丕斂

龍澤厚等連次挫敗勝保復將劉尚義張玉
榮勇隊帶赴陳州擬即酌撥相機策應現在
邱聯恩一軍自當隨同英桂進勦角子山等
處竄匪而南陽被陷距許州較遠必得另派
一軍馳往援救是否可派劉尚義等所帶之
勇前往南陽抑另有可派之兵著英桂即與
勝保函商辦理至勝保奏請陞見曾經降旨
申飭寄諭即令折回昨知其竟於初六日啟
程由水路行走恐前次寄諭未及奉到著於

接奉此旨後迅速折回正陽與袁甲三會商
攻勦機宜昨據奏派出參將賽沙布等其帶
兵勇一千一百名前往河口集防堵現在李
孟羣攻六安未下而竄匪踵至深恐兵單應
否將賽沙布等所帶一軍移營前進與李孟
羣會合攻勦之處並著勝保袁甲三迅速籌
辦毋誤事機將此由六百里各諭令知之○
陝西巡撫曾望顏奏豫匪竄擾南陽現在調
兵嚴防商維情形得旨交界防堵應專責道

府或副參一二員以資統率。斷不准另設籌防局為奏銷地步。致滋虛糜。○辛卯遣官祭都城隍之神。○諭軍機大臣等。本日據李孟羣奏。匪眾圍攻蘇家埠營盤。暫退河西。請兵協助。一摺。據稱該逆每以馬隊衝突我軍。自應添調馬隊以資攻剿。勝保軍營馬隊已無可撥。惟湖北現在肅清。兵力尚可分調。該藩司奏稱與副都統巴揚阿共事最久。所帶馬隊實為得力。請飭酌帶馬隊二百名步隊三百名前赴該營。著官文都興阿胡林翼酌量抽撥。即派巴揚阿統帶前往。幫同李孟羣進攻六安。毋稍延緩。至勝保克復正陽關後。奏稱霍邱一帶空虛。已派參將賽沙布等帶兵一千一百名駐劄河口。集以為李孟羣聲援。此項官軍自應移營前進。與李孟羣會合。不應遠劄河。昨已諭令勝保袁甲三酌量調遣。該藩司現在劄營獨山。先就現有兵力妥為布置。一俟湖北馬隊到營。或與勝保等所

派之兵聲勢聯絡。即可相機進攻。為克復六安之計。本日奏保各員業經降旨獎勵。所請執照已著該部照數頒給矣。將此由六百里諭知官文都興阿胡林翼並傳諭李孟羣知之。○裁撤甘肅嘉峪關外駱駝廠西雙井火燒溝防兵四百五十名。改撥肅州及安西等營兵七百名分駐嘉峪關安西州玉門縣每月會哨三次。並於關外青頭山設獵戶二百名。赤金營設獵戶一百名。駐守所需口食銀五千四百兩。除向領銀一千兩外。由肅州等鎮營捐辦。及甘省道府廳州縣養廉內攤捐支發。從總督樂斌請也。○以安徽六安勦匪出力。予同知袁懷忠等加銜升擢有差。○壬辰諭內閣。前因端華等奏查出八旗步甲。空缺一千五百餘名。當交步軍統領衙門確查挑補。茲據文彩等遵議具奏。八旗步甲各有守衛之責。豈容額缺久懸。虛糜糧餉。既據查明缺額數目相符。即著照所議章程挑補足

額至各甲喇充當墊道差使向無經費擅將步甲空缺錢糧抵補辦公雖非侵吞入己究屬私自那用惟念事閱多年官非一任所有八旗協尉以至步軍校各員應得處分著從寬免議其兩翼翼尉等未能隨時查察咎有應得兩翼翼尉海福烏勒興阿右翼副翼尉官壽均著降為四品頂帶左翼副翼尉富寬前次督緝不力處分尚未開復仍著降為四品頂帶協尉兼委翼翼尉法保永泰均著降為

五品頂帶仍各降三級留任以示懲儆所籌墊道公費並著照議辦理經此次查明挑補後務須兵歸實數餉不虛糜儻有雇替空額等弊即著步軍統領左右翼總兵嚴叅懲辦另片奏八旗地面堆撥多有損壞滲漏之處著准其將八九兩月空缺步甲錢糧責令該翼翼尉等勒限一月修葺整齊工竣覈實查驗毋得視為具文○又諭耆齡奏贛州府屬堵剿粵匪土匪獲勝全境肅清一摺江西贛州

府屬各廳縣於咸豐六年春間被粵匪闖入勾結土匪分擾定南等廳縣經該地方文武員弁督同紳民團練防剿將各股竄匪次第殲除全郡一律肅清所有在事出力官紳兵勇均屬著有微勞著該撫查明酌量保奏候朕施恩定南廳汛把總歐陽釗失守城池旋即隨同克復究屬防守不力著革職留任以觀後效○予江西臨江陣亡都司周崇高外委陶如慶胡鎮國陳得勝吉水陣亡外委羅

占釐黃善春祭葬世職○予江西定南陣亡府經歷姚世恩祭葬世職如知縣例○癸巳諭內閣庚辰奏請將軍政仍行展緩等語咸豐二年南河各營軍政因辦工派防展緩辦理現在各官弁尚多出師未回及防堵要隘未便調考所有本年軍政著俟軍務完竣再行查辦如有庸劣不職及年老患病員弁仍著隨時叅劾以昭覈實○又諭曾望顏奏查出官錢鋪委員等那移私販請旨革訊並究

出藩司司徒照家人夥開錢鋪一摺陝西委員候補知縣郭廷椿丁憂未入流李洵現任甘肅禮縣知縣李應詔先後管理官錢局鋪事務竟敢那移官項與捐職王迎科及司徒照家人黃君任開設義源崐等錢鋪並將官錢運往各處售賣既據該撫派員查明亟應徹底根究郭廷椿李洵均著革職交曾望顏嚴行審辦李應詔著一併革職即著樂斌派員將該員解赴陝西歸案訊辦以儆官邪定

案時將該藩司參辦○又諭前據御史張興仁奏參江蘇前任長洲知縣王如林匪荒私欲濫刑訛索包庇匪類吸食鴉片強買民女等款當降旨令該督撫詳查奏茲據何桂清等查明該員經徵錢漕實無匪荒浮拆土匪沈聚保等糾眾滋事辦理亦無不合並查無得規包庇廣匪訛索鹽店陋規及強買民女等劣蹟傳訊該員熬驗亦無煙癮著毋庸議惟該員在長洲縣任內尚有欠解地漕正

雜等銀九千九百四十三兩零屢催未解實屬玩延王如林著暫行革職勒限兩箇月將短解銀兩埽數全完倘逾限不繳著即從嚴叅辦○補鑄湖北布政使經歷庫大使按察使經歷糧儲道庫大使武昌府同知儒學司獄江夏縣儒學澣黃巡檢武昌縣儒學白湖鎮巡檢咸甯縣儒學嘉魚縣石頭口巡檢蒲圻縣儒學港口巡檢崇陽縣桂口巡檢興國州州判漢陽府同知通判經歷司獄漢陽縣縣丞仁義司巡檢蘄水縣巴河巡檢蘭谿巡檢蘄州州判監利縣白螺磯巡檢各關防印信條記從巡撫胡林翼請也○加賞京師普濟堂功德林煮賑小米二百石

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三十六

校修

咸豐七年丁巳九月甲午以

神靈顯應頒發福建南臺

天后廟

御書扁額曰風恬佑順泗洲鋪水部尚書陳文龍廟

御書扁額曰效靈翊運○諭軍機大臣等前據法福禮奏回匪逃竄出卡邊境肅清當諭令法福禮暫留喀什噶爾會同裕瑞籌辦善後事宜並令其函商慶英固慶咨明扎拉芬奏會同具奏茲據扎拉芬奏請留常清會同

裕瑞等辦理善後章程自係未經接奉前旨常清已有旨令其來京著毋庸留於該處所有應辦一切事宜著仍遵前旨交法福禮會同裕瑞等妥為籌辦至賊首倭里罕如果尚在內地自應蚤為捕獲以絕根株今既已逃出卡外毋庸深入窮追惟當嚴防邊卡不使再行竄入自可杜其窺伺其附近地方仍當按捕餘匪毋令潛蹤另片奏喀城貿易安集延回子礙難令其仍住回城請仿照伊犁等處安頓哈薩克章程於距城二三里地方擇一曠地令其自行建房居住以便貿易等語自為弭患未萌起見著法福禮等籌商妥辦將此各諭令知之○又諭德勒克多爾濟等奏俄羅斯換班學生停止來京迎接學生之筆帖式等官是否回京一摺並鈔呈該國咨覆庫倫及薩納特衙門咨理藩院文各一件該國學生現屆換班之年中國照例派員迎接今俄羅斯因不准普提雅廷進京之故停

止學生來京並非中國拒絕只可聽之著德勒克多爾濟等體察夷情如果該學生並無來京消息自應將派出之筆帖式等官撤回不妨稍為從緩亦不必與之辯論至普提雅廷於七月間到津經直隸藩司錢忻和等接收咨文據情轉奏即經諭令該藩司等以禮相待並特派大臣赴黑龍江會同該使臣查勘烏特河分界事宜臨行復遣員相送普提雅廷收受回文欣喜而去並稱待回國告伊國主辦理是該使臣到津並無嫌隙此時分界事宜自應靜候會辦諒該使臣回國必有分曉此次薩納特文內請援照恰克圖例內第九條仍令普提雅廷入都等語理藩院事例第九條內皆指使臣到邊界而言並無進京明文又是專言貿易並須將來辦何事先行報明此次普提雅廷並未說明何事又非到貿易處所與向例迥不相同恰克圖是否另有通商事例抑即是理藩院條例著德勒

克多爾濟等查明。遇便附奏。其薩納特衙門來文。已由理藩院咨覆矣。將此諭令知之。○又諭文煜奏請簡員接管萬福橋帶勇團防。釐捐各事宜一摺。並江南糧臺事務。應否自行陳奏等語。萬福橋練勇防守揚州東路。關係緊要。文煜現在調辦江南糧臺。難以兼顧。著德興阿翁同書揀派得力將領。前赴萬福橋軍營接管帶勇團防事務。其釐捐事宜。即著責成楊能格。循照舊章妥為督辦。至文煜前在江北自行發報奏事。今調往江南。距總督駐劄處所較近。所有調撥軍餉及捐輸請獎等事。著就近申請該督具奏。其關涉糧臺各事宜。仍由文煜隨時具奏。將此由五百里諭知德興阿翁同書。何桂清並傳諭楊能格文煜知之。○江蘇布政使文煜奏陳江南糧臺辦理棘手情形。得旨。汝既身任其難。務須不顧情面。力求搏節。所汰者劣員之浮冒。所籌者闔營之兵餉。若不改絃易轍。深恐不能

挽回。○以河南永城縣守城出力。賞把總李廷弼等藍翎餘升敘有差。○乙未兩江總督何桂清等奏楊能格才具優長。惟自恃高明。凡事不求實際。現在江北糧臺。較前漸有起色。已諄囑楊能格率由舊章。妥為辦理。得旨。如此剴切訓飭。該司儻仍華而不實。則是一無用之人。伊苟知愧奮。尚可期其有成。惟該司自勉自勵也。可傳諭楊能格知之。○以葉爾羌守城出力。予三品阿奇木伯克郡王阿克賴都在御前行走。四品伊什罕伯克貝勒邁瑪第敏雙眼花翎。在乾清門行走。○改鑄貴州貴東道關防。從巡撫蔣霽遠請也。○丙申諭內閣。譚廷襄奏請展緩辦理軍政一摺。直隸省各營將弁。現多調派出征。所有本年軍政著准其展限。俟凱撤歸伍。再行考驗。仍著該督隨時察看。如有衰庸不職員弁。即行嚴參懲辦。○又諭何桂清奏請將淮北乙卯新網先行派辦額引一摺。現在正陽關雖已

肅清六安尚多餘匪淮北商販未能一律通行自應因時制宜以裕課款著照所請所有乙卯綱淮北額運二十九萬六千九百餘引即著查照歷辦章程派令各販認運將場鹽趕運到壩俟正雜各課完納清楚再運出湖其溢銷之十六萬餘引俟河道通行接續配運至甲寅以前各殘綱准其暫停其有力能並運者仍聽其便以紓商力又諭御史朱文江奏捐納司員應令講求例案無庸考試

論題一摺前因御史何兆瀛請將捐納司員考試文理當經降旨令各部院堂官於奏留之先驗其文理如果能辦彙案即與正途人員一體派差原以部院行走人員向來不盡由科甲出身但須明白彙案方可造就成材茲據朱文江奏聞近日兵部考試司員係用論題並未詢以本部事件是徒有考試之名於各該員之能否當差仍屬無從知悉定例學習司員三年期滿本應分別去留惟在該

堂官平時察其才具能否辦事俟屆期滿之時自然去取公允毋庸以考試虛文徒飾觀聽又諭御史朱文江奏交倉糯米不堪應用請飭賠補等語內倉應收白糯米一項係屬供支要需此次坐派之米四百五十一石內多發變不堪兌收著倉場侍郎飭令該經紀趕緊一律賠補不准絲毫帶欠嗣後運送內倉米石務照定例河運章程先將米豆各樣封送查倉御史以憑覈辦至由通州起運

之時務須妥派委員押解到倉毋得僅派經紀車戶承運以專責成而杜弊端○又諭福興奏克復東鄉縣城乘勝進攻金谿一摺江西東鄉縣城被匪占踞總兵李定太督帶兵勇於八月二十八日冒雨進攻直抵城下於是夜派撥兵勇四面合圍並於平塘縱火杜賊竄往撫州之路逆眾驚亂棄城而逃官軍奮力追勦當將縣城收復著福興即飭李定太乘勝進勦金谿以孤撫州賊勢其新竄萬

年等處股匪並著該將軍督率兵勇迅籌堵
勒毋任蔓延 予湖北黃梅傷亡委參領善
福祭葬世職領催農齊爾賞卹如例○丁酉
諭軍機大臣等官文等奏請添調吉林黑龍
江馬隊並開單請調帶隊各員一摺本年夏
間通諭各路軍營將吉林黑龍江馬隊分別
撤留原以該二處調出之兵為數較多本省
未免空虛歷經景瀄奕山奏明無兵可調是
以各軍營有續請添調者皆未允准今官文

等復請添調雖為征勦得力起見而吉林黑
龍江根本重地亦不可不籌兼顧本日已諭
知景瀄奕山酌量各調西丹二三百名實於
無可調撥之中勉為抽派此項西丹恐亦須
加訓練方能得力因思荊州駐防旗兵當較
綠營兵丁為得力都興阿熟悉馬隊訓練自
必有方若能於駐防兵內挑選精壯令其隨
同現有馬隊練習技藝亦可以成勁旅著官
文都興阿知會綿洵挑選訓練令其隨同征

勦以省徵調之煩其單開各員已諭知奕山
酌派數員帶領西丹前往該員等既皆係得
力之員本地亦資差委不能全數調出再前
諭官文等派巴揚阿帶馬隊二百名步隊三
百名前赴六安幫同李孟羣進攻此項馬隊
為數無多而李孟羣待援甚急諒已遵旨派
往矣將此由五百里各諭令知之○又諭官
文都興阿奏請續調吉林黑龍江馬隊及西
丹各數百名並開單請派帶隊各員等語吉

林等處馬隊調出過多餘應留備本省操防
未便再行調撥惟官文等所請挑選西丹三
四百名赴楚係為挑補馬隊缺額起見著景
瀄奕山於該省西丹內各挑選二三百名派
往湖北軍營至官文等所開協領察隆額等
三十五員名據稱膽技兼優自係黑龍江等
城得力之員亦未便全行派往著奕山於單
開各員內酌撥數員即令管帶西丹前赴湖
北其吉林派出之西丹並著景瀄揀派得力

將領管帶前往俾資攻勦原單著鈔給奕山閱看將此由五百里各諭令知之○予貴州殉難知府黃培杰妻曹氏等九名口江西殉難生員胡秉順及武生楊紹衍妻鍾氏等一百二名口旌卹如例○己亥

上御洞明堂句到新疆雲南貴州廣東福建奉天情實罪犯停決新疆絞犯一人雲南斬犯二人絞犯一人貴州斬犯一人奉天斬犯一人絞犯二人餘四十人予句○諭內閣戶部

奏查明內倉掣欠糧石請飭賠補一摺此次內倉米豆掣欠為數過多必當責令趕緊賠補以重倉儲所有掣欠之梗米七百七十九石零黑豆二十三石零白糧一千一百九十二石均著倉場侍郎督飭坐糧廳監督覈明應繳價銀勒限兩月責令該經紀等照數賠繳不准稍有延宕○諭軍機大臣等有人奏閩省擅開煙禁抽取釐金一摺據稱本年春間福建省因防勦需費經升任知府葉永元

建議開禁抽釐改鴉片之名為洋藥於南台中洲設釐金總局每箱裝煙土四十顆每顆抽收洋銀一圓其零碎煙土每十斤抽銀四圓均由總局發給照引為憑准其隨處行銷並徧貼告示稱係奏明辦理以致興販之徒敢於通衢開設煙館懸挂招牌誘人吸食所抽釐金大半官役分肥充餉者不及十分之一等語鴉片煙例禁森嚴前有人奏請弛禁疊經大學士九卿等議駁在案該員葉永元

等何得變易名目擅行抽稅即或因防勦需費姑為一時權宜之計亦不應張貼告示駭人聽聞且妄稱奏明更屬荒謬著王懿德慶端查明如有此等情事即將該員等據實叅處又另片奏江西逆匪圍撲建甯府城時有候選教諭蔣衡暮夜縋城而出親赴四鄉招集鄉兵助戰與大軍會合殺賊無算該教諭旋即積勞病故等語蔣衡係升任侍郎王慶雲奏保辦理團練之員如果號召鄉團著有

勞績著王懿德等查明請卹原摺片並鈔呈
告示均著鈔給閱看將此諭令知之○又諭
據和春奏攻勦鎮江逆匪需用火藥火繩等
項請飭直隸山東山西陝西等省撥解等語
現在鎮江水陸進勦正當喫緊之際需用火
藥等項甚鉅蘇州軍需局製造恐不敷用自
係實在情形著譚廷襄崇恩恆福曾望顏各
撥火藥三萬斤仍按照火藥斤數各配鳥槍
子火繩七成迅即派員解赴和春軍營以資
攻勦如一時湊不足數亦著趕緊籌辦源源
起解毋誤要需將此由五百里各諭令知之
○以翰林院侍讀學士宜振侍講學士李德
儀檢討徐嵩生署日講起居注官○以江南
戰船逗遛革總兵官陳世忠職○泊承陞頂帶
子陣亡外委劉萬林祭葬世職○命五城廩
賑飯廠自十月始每廠日加米一石○以江
蘇糧價昂貴籌辦採買事宜免上海運米商
船關稅○庚子諭內閣慶祺奏查勘宮殿各

工援案派員砍辦木植一摺盛京宮殿各工
明年應行興修需用柁梁柱木自應豫為備
辦著准其循照成案在邊外山場開採該將
軍務須遴委妥員前往覈實辦運不准藉端
偷砍致滋弊混所有夫丁工價著即由盛京
戶部銀庫借支銀兩先行墊辦俟砍運完竣
照例造冊報銷以昭慎重○諭軍機大臣等
寄諭吉林將軍景瀋等奕山等奏遵旨曉諭
俄夷情形一摺普提雅廷由天津折回尚無
消息其會勘烏特河地界一節據稱尚待回
國請示伊主奕山自未便在彼久候惟界址
未經議定而海蘭泡闊吞屯等處早有搭蓋
房屋烏魯蘇木丹卡屬西爾根奇海蘭通兩
處左岸近復添設窩棚並有火輪船駛出黑
河口至薛爾古左岸停泊之事夷目夾喪枯
幅既故意推諉木哩斐岳幅又擅敢駁回文
書肆行無忌情甚可惡惟有嚴加防範斷其
接濟禁止沿海打牲人等貪利容留私與交

易使其日久無利或可消占踞之謀而亦不至驟開邊釁著該將軍等妥籌辦理本日已諭理藩院咨行薩納特衙門查詢普提雅廷於來春何時到黑龍江以便奕山屆期馳往會勘地界惟夷情詭詐反覆多端且看其回文有無別生枝節屆時再行相機酌辦將此諭令知之○又諭德興阿等奏江北兵餉罄盡請飭江海關將欠解銀兩迅速撥解等語揚營汰兵減餉無可再省萬眾嗷嗷若專待三江營釐捐一款杯水車薪無濟於事現在上海稅務日有起色何桂清等自能不分畛域兼顧江北所有江海關欠解銀五萬五千兩著何桂清趙德轅即飭全數解交德興阿軍營以資接濟毋稍遲誤此後並著就近源源協撥冀得士飽馬騰南北合力迅速成功將此由六百里諭令知之○盛京將軍慶祺等奏遵旨查勘吉林與奉天河道東股既不能通西股上游又非產糧之區請仍照舊辦

理得旨水運不如陸運之便自應仍舊貫也予江北傷亡千總楊殿元祭葬世職○辛丑上幸萬壽山○諭內閣英桂奏請將追勦遲延及守禦不力各員分別懲處等語陝西副將龍澤厚署南陽府知府何懷珍追勦遲延均著摘去頂帶責令隨同大兵將敗匪認真勦捕以贖前愆儻再不知愧奮即著嚴參懲辦裕州知州李蓉鏡於賊竄所屬地方劉營株守迨官軍奮擊獲勝該員輒退至州城並不派勇接應西平縣知縣高慶頤經該撫飭令督勇堵禦竟敢延不稟復均屬庸懦無能李蓉鏡著即革職留營效力高慶頤著革職暫行留任以觀後效○諭軍機大臣等前據法福禮奏請將邁瑪第敏調署喀什噶爾三品阿奇木伯克當經降旨允准茲據慶英固慶奏葉爾羌被賊蹂躪之後一切善後事宜全賴邁瑪第敏相助為理阿皮斯人尚明白是

以委署喀什噶爾三品阿奇木伯克事務。法福禮奏稱該伯克聲名平常，請飭據實陳奏，以便遵辦等語。邁瑪第敏熟習葉爾羌情形，既據慶英等奏留該處辦理善後事宜，即著毋庸調往喀什噶爾。至阿皮斯，如果聲名平常，不但喀什噶爾難於勝任，即布古爾地方亦恐不能相當。慶英到任未久，於各城伯克恐未周知。法福禮在南路多年，著即將阿皮斯劣蹟據實奏奏。其喀什噶爾三品阿奇木伯克員缺，著與慶英等商酌，另行揀調要員，以資整頓。此次喀什兩城解圍，該匪多係聞風先竄，並未痛加勦洗。據慶英等奏傳聞倭里罕霍卓尚在卡浪圭卡倫外盤踞，並未歸巢。儘大兵撤後，乘虛復來滋擾，亦不可不慮。前因賊首逃出卡外，諭令法福禮毋庸深入窮追，若仍在附近地方盤踞，意圖窺伺，應否撥兵追勦，使其遠遁，或即責成守卡官兵嚴加防堵，著法福禮裕瑞妥籌辦理。至外匪竄

入總因卡內有奸徒勾引外務，當嚴密查拏，以除後患。法福禮等會辦善後事宜，不可但顧目前，致成不了之局。將此由五百里諭令知之。予阿哈雅陣亡和闐四品伯克薩木薩克祭葬世職。○壬寅實授江長貴，安徽皖南鎮總兵官。○陝西陝安鎮總兵官秦如虎，因傷解任，以廣東三江口協副將王浚為陝西陝安鎮總兵官。○命翰林院編修胡瑞澗提督湖南學政。○以江西捐輸軍餉永廣鄉試中額二名清江縣學額五名臨川廬陵吉水三縣各三名高安南城金谿鉛山安福南豐六縣各二名豐城奉新泰和南康新城贛宜黃廣昌上饒南昌甯都石城新淦安遠十四州縣各一名。○改鑄福建督糧道關防，從巡撫慶端請也。○予安徽陣亡守備舒文藻、千總田慶雲祭葬世職。○旌表安徽殉難縣丞高國柄妻黃氏建坊入祠如例。○蠲免湖南巴陵臨湘二縣四年蘆課銀。○癸卯以

神靈助順加封安徽正陽關

河神孚澤綏疆四字神號 予安徽婺源等

處陣亡都司彭開年守備吳茂泰州同銜附

生畢榮清典史劉心台外委楊大方徐勝祥

吳仕明謝青雲等祭葬世職 甲辰前任兵

部侍郎曾國藩奏奉暫准守制之旨到籍以

來惟盼各路軍務得手即暫守禮廬寸衷亦

得稍安得旨江西軍務漸有起色即楚南亦

就肅清汝可暫守禮廬仍應候旨大臣出處

平定縣志

宋

以國事為重抒忠即為全孝所云懼清議之

訾猶覺過於拘執也 乙巳

孝慈高皇后忌辰遣官祭

福陵

上詣

大高殿行禮 還宮 以廣東羅定協副將李

若珠為廣西右江鎮總兵官 以安徽宿州

勦擒出力賞守備閔廷佩張德華花翎守備

鄭德源等藍翎餘升用有差 以廣西梧州

府城被賊竄陷革知府陳瑞芝及其子候選

知府陳登仕職並逮問予殉難總兵官蔣福

長祭葬世職諡壯愍妻周氏旌卹如例○予

廣東陣亡州判陳奉璋祭葬世職監生李有

光武生甘憲章賞卹如例○

上以孟冬時享

太廟自是日始齋戒三日○丙午諭軍機大臣

等福濟等奏廬州喫緊督兵堵剿一摺安徽

擒匪自六安分竄舒城圍撲桃鎮後現又竄

實錄卷三三六

光

至上派河中派河等處意圖窺伺廬州雖經

鄭魁士督隊將南路之匪攻勦獲勝福濟亦

由梁園進劄店埠調度各軍以防巢湖賊眾

並派總兵吉順防守店埠後路而擒匪水陸

並進情形實屬喫重現在鄭魁士未暇進攻

舒城著福濟就現有兵力協同該鎮先行保

固廬州毋令郡城稍有疏失俟內竄之賊擊

退後仍督各軍進攻舒城不得株守一隅致

該逆窺我虛實復生覬覦至李孟羣退守獨

山鎮實因賊眾兵單不敷堵剿勝保接奉前旨當已由陳州折回正陽著即迅赴六安與該藩司合力攻取俾廬州賊匪知我援師將集不敢專注廬州正陽甫經克復地勢亦關緊要著袁甲三嚴密布置以防回竄李孟羣所需兵餉已諭英桂籌撥接濟矣將此由六百里各諭令知之○又諭福濟奏李孟羣需餉甚亟請於陝西月解皖餉內截留銀一萬兩並請飭河南省每月准撥銀一萬兩等語

實錄卷一百一十五

三

淮南賊勢蔓延李孟羣一軍現由六安西路進攻剿辦正當喫緊月需餉銀為數甚鉅雖經福濟設法湊撥而道路梗阻能否達到尚未可定豫省與李孟羣行營相距較近著英桂飭知瑛榮仍於陝西月解皖餉二萬兩由豫經過時就近截留一萬兩迅解李孟羣行營毋稍遲誤此時李孟羣雖在皖境實遙助豫軍英桂自應不分畛域就近接濟著每月定准協撥該藩司行營銀一萬兩一併搭解

至豫省奉撥皖餉尚欠八萬餘兩並著陸續籌解以清欠款將此由五百里諭令知之○又諭本日據福濟奏副都統銜侍衛容照年老身弱臥病在牀精神不能周到委員每多蒙混作弊現在宿州地方安堵無庸大員坐鎮請飭回旗等語容照帶兵駐劄宿州已歷數年昨據奏報疊獲著名擒首宿州西南一律肅清請鼓勵出力員弁業經降旨允准福濟所奏是否屬實邵燦等近在清江見聞較

實錄卷一百一十五

三

確即著查明容照果否年力衰邁其歷次所報勝仗及所保員弁有無虛飾冒濫據實具奏宿州地方應否另派大員駐劄或即責成地方官撥拏土匪之處並著體察情形一併具奏將此由五百里諭令知之○丁未

孝敬憲皇后忌辰遣官祭

泰陵○諭軍機大臣等駱秉章奏湖南援黔官軍自克復金山寨等地方後黎平府南路東南路各苗寨頗形震懾特洞等寨均已投誠

其抗不受撫者現在另籌勦辦惟錦屏永從收復以後久無官守古州鎮道亦無到任之信請飭令速行赴任以資鎮撫等語貴州錦屏等地方經湖南援軍收復後彈壓撫綏在在均關緊要且各苗寨既樂於投誠正賴地方官迎機順導俾得迅就肅清楚中客軍勢難久駐設地方文武復不赴任則民苗之心無所繫屬深恐復滋事端著蔣霽遠嚴飭古州鎮道及錦屏永從等處文武員弁速行赴任將善後事宜妥為經理俾地方得就安乂而湖南兵勇亦可漸次凱撤將此由六百里諭令知之○又諭據駱秉章奏援勦江西各軍在太坪墟羅坊阜田等處疊獲勝仗各摺片本月十四日據耆齡奏報阜田賊匪圖援臨江調集兵勇由峽江新喻分路迎勦此次駱秉章奏劉長佑等大獲勝仗轉危為安臨江當可得手惟據稱探聞逆首石達開率黨數萬自安慶渡江竄踞建德捕獲賊謀均有

實錄卷三三七

十一

向該逆求援之說儻自浮梁趨饒州與撫建賊合則上游賊勢復張請飭福興嚴扼東路勿令竄越等語福興現已進軍弋陽擬由東鄉一帶進攻撫州自必籌及饒州後路俾建德之賊不能與撫建會合勦辦方有把握李定太一軍現由進賢進勦高阜著福興就近督飭速籌現由貴溪進勦高阜著福興就近督飭速籌兼顧惟兵力尚恐不敷前據耆齡奏派吳坤修赴進賢與李定太之軍合成四千餘名又派李新華赴杜家園與周鳳山之軍合成四千餘名均分路進勦撫州普承堯一軍四千餘名俟阜田蕞事後即赴撫建均由福興督率調度以上兵勇諒已先後拔營現在東路情形喫重著耆齡即飭帶兵各員迅速分路前進並著福興相機布置嚴防該逆率眾來犯至福興請調廣東官兵昨據葉名琛奏報已派總兵壽山帶兵二千名由汀州一路前進此項官兵如抵江西福興一軍兵力稍厚

實錄卷三三七

十一

即當會合速克撫建並嚴扼廣饒門戶毋誤
 事機將此由六百里各諭令知之○改鑄江
 蘇江陰縣知縣印信從巡撫趙德轅請也○
 予江西高安縣殉難教諭胡熙奎祭葬世職
 生員金台賞卹如例

實錄卷二百三十六

上

大清文宗協天翊運執中垂謨懋德振武聖孝
 淵恭端仁寬敏顯皇帝實錄卷之二百三十六

大清文宗協天翊運執中垂謨懋德振武聖孝
 淵恭端仁寬敏顯皇帝實錄卷之二百三十七

敕修

咸豐七年丁巳冬十月戊申朔享

太廟

上親詣行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵 遣官祭

孝德皇后殯宮○遣官祭

端慧皇太子園寢○以

神靈顯應加河南永城縣

關帝封號曰綏靖

呂純陽帝君曰保惠

龍神曰顯濟

火神曰耀靈

風神曰靈佑

觀音大士曰普護

城隍神曰保康

土地神曰德佑○頒咸豐八年時憲書○諭

內閣官文等奏克復江西湖口縣城一摺湖
北下游官軍自克復小池口後即乘勝圍攻
九江並進規湖口李續賓等定計水陸夾攻
密約內湖水師彭玉麟同日大舉李續賓調
集兵勇拔營渡江楊載福由水路直下總管
巴依爾呼蘭等馬隊亦由陸路馳抵八里江
一帶各軍齊攻湖口附近之七里冲三街市
月臺山等處賊卡高壘水師復上下轟擊晝
夜不息焚奪賊船一千餘隻卡壘盡破李續
賓與楊載福等督率各勇架梯緣城並將火
箭射入燒毀該逆火藥賊眾逃竄當將縣城
克復其梅家洲偽城亦經兵勇攻拔我軍分
道邀擊追殺二十餘里該逆盤踞湖口已及
五載現將縣城克復著官文等督飭水陸各
軍乘勝進剿迅掃賊氛以清江面又諭勝
保袁甲三奏剿匪連獲勝仗並攻破韓圩一
摺官軍自攻毀姚鄧二圩後擒匪堅守韓圩
賊巢時出滋擾總兵朱連泰一軍於余家集

耿皇寺靈臺廟一帶斬獲甚多總兵史榮椿一軍移營韓圩西北之大陳家莊擊斃馬步賊百餘名該匪復分路來擾均被官兵擊退韓圩之賊傾巢而出經官軍設法進攻擒斬無算追殺十餘里立將韓圩賊巢平毀其擒首王允功等先經正法甚為得手著勝保等飭令史榮椿等將馬賊埽除淨盡毋留餘孽又諭蔣蔚遠佟攀梅奏勦辦苗教各匪疊獲勝仗一摺貴州下游苗教各匪於七月初

七等日復來麻哈城外肆擾經佟攀梅派守備張元謨等進勦斃賊數百名賊匪分股來撲又斃賊數百名賊首五名紅袍苗匪三名燒毀賊棚二十餘間餘匪逃竄又六月十五等日黑苗竄擾都勻經都司王萬祥殲斃賊二百數十名閏五月二十六等日苗匪來攻獅子巖營盤蔣玉龍等督兵迎勦開放大礮轟斃賊目一名餘賊數十名賊仍抗拒復斃賊目數名賊匪數百名餘匪奔潰此次各路

勦匪尚為得手著蔣蔚遠等激勵將弁迅埽賊氛毋留餘孽諭軍機大臣等勝保等奏軍營需餉孔殷請飭山東迅速籌撥等語勝保自攻克正陽關後兵勇雖經裁汰惟河南藩庫支絀不能以時接濟勝保計日帶兵南勦必須兵餉充足方免貽誤著崇恩於山東藩運二庫迅速籌撥銀五六萬兩分起解赴勝保軍營以資接濟毋稍遲延將此由五百里諭令知之又諭官文等奏請仍飭四川

山陝等省按月撥餉等語湖北官軍已於九月初九日克復湖口縣城奪毀梅家洲賊壘水陸兵勇正可乘勝攻擣九江而各營口糧欠發甚多當此事機順利亟應迅籌接濟以期士飽馬騰為節節掃蕩之計著有鳳恆福曾望顏仍各遵前旨按月籌撥銀五萬兩陸續解赴湖北軍營以濟要需將此由六百里各諭令知之貴州巡撫蔣蔚遠奏請以升任按察使福連暫緩陛見辦理軍務允之

予貴州陣亡知縣陳世鑣祭葬世職如知州例賞八旗及綠營兵丁半月口糧○己酉上幸圓明園山西巡撫恆福奏山西界連直隸河南誠恐竄匪滋擾已飭各州縣勸立民團分防隘口並派員四出查探與鄰省道府州縣會商總期聲息相通守望相助得旨所商辦法尚妥惟在行之以實斷不准一查為了事也 庚戌

上詣清夏齋問

如皇貴太妃安諭內閣端華僧格林沁會同刑部奏大員被叅案內訊取供詞請旨定奪一摺已革理藩院尚書步軍統領聯順廢弛營務信任慶陽納賄縱容家人索賄並失察屬員侵蝕公項及濫保營員各款業經端華等逐款訊明惟得受錢糧房錢文一節據慶陽等供係面交而聯順恃無見證堅不承認聯順身任大員罔知自愛被叅賕款研訊非虛豈能任其狡展以致案懸莫結朕不為已

甚免其刑訊著端華等即照眾供確鑿之例定擬罪名具奏所有案內各犯一併定擬奏結又諭英桂奏官軍追剿擒匪連獲大勝現飭揆捕餘匪一摺河南擒匪自紅嶺土山被勒窮蹙翻山奔竄至南召縣界之曹集糾合山內土匪復有二千餘人總管德楞額等越山追剿斃賊百數十名餘匪翻山我兵追獲八十餘名該匪由山後竄至黑驪溝及馬市坪等處盤踞我軍乘夜進兵設伏誘擊槍礮齊進忽見馬市坪煙燄騰天伏兵大至前後抄殺餘匪拋械登山復經龍澤厚等伏兵齊起乘勝進追連越五山三十餘里統計此次兜剿共斃賊一千六百餘名擒斬賊目十餘名其在逃殘匪復經魯山縣知縣高天寵等督率勇團格殺及落水死者數十名此股敗殘餘匪此拏彼竄狡黠異常英桂飭令德楞額等追殺數百里辦理尚屬妥速現在裕州泌陽等山內尚有零匪潛匿仍著英桂嚴

督帶兵員弁分路接剿以除萌孽而安地方
諭軍機大臣等何桂清趙德輟奏俄囉斯
夷船於九月十四日駛至吳淞口十八日拂
蘭哂繙譯李梅帶同該夷官明常謁見蘇松
太道薛煥聲稱該國大臣普提雅廷現在船
內並呈出照會經薛煥催令起碇該夷即於
十九日出口等語普提雅廷於七月間駛至
天津投遞文書經直隸藩司錢忻和代為呈
遞已飭理藩院咨覆該夷令其前赴黑龍江
會同欽派大臣查勘烏特河地界據該夷回
稱尚須折回本國至今並未駛至黑龍江所
有上海夷船是否普提雅廷在內尚難憑信
雖業經出口無所要求惟該船由黃浦江徑
至上海城外毫無阻擋守口員弁所司何事
該夷潛入海口或私販貨物或窺探地勢心
存叵測不可不防如任令往來熟習將來必
有非分干求嗣後應如何責令守口文武員
弁嚴密稽查以杜後患之處著何桂清趙德

輟妥籌辦理將此由五百里密諭知之又
諭前因倭里罕霍卓逃出卡外諭令法福禮
如該夷仍在附近地方自應酌籌追剿茲據
該大臣奏稱移營七里河沿相機句捕拏獲
賊犯知倭里罕尚在倭胡蘇魯爾游牧現已
派兵赴喀浪圭卡倫堵剿並催錫拉那等出
卡兜擒籌辦尚合機宜各莊回眾經該大臣
等安撫開導業已不肯從逆倭里罕勢孤力
竭自不敢復來窺伺現在附近各卡均撥兵

搜捕如該逆尚在附近地方不難擒獲正法
以絕根株儻畏威遠竄亦不必深入窮追仍
應責成守卡官兵嚴密梭巡杜其偷越以免
後患法福禮等現在籌辦善後事宜總須先
清內匪以杜其勾引嚴定守卡官員處分以
固我藩籬使該逆無隙可乘庶可為日久又
安之計布置既定所有官兵亦可酌撤以節
勞費將此由五百里諭令知之以勦辦河
南方家集賊匪出力賞知縣高天寵花翎從

九品楊啟雄等藍翎餘升補開復有差○以河南南召縣禦賊不力革知縣符瀚職仍留營效力 辛亥

上御洞明堂句到四川情實罪犯停決斬犯六人餘四十九人予○諭軍機大臣等胡林翼奏請起復水師統將以一事權並密陳進剿機宜一摺官軍克復小池口湖口縣兩處九江已成孤立之勢即日攻克水陸大兵即可相機東下所奏不為無見惟曾國藩丁憂

後奏派楊載福總統外江內湖水師彭玉麟協同辦理業經允其所請朕因該侍郎懇請終制情詞懇切且江西軍務漸有起色是以令其暫守禮廬楊載福等統帶水師既已著有成效自應仍歸該總兵等相機調度以專責成曾國藩離營日久於現在進剿機宜能否確有把握尚未可知若待其赴潯督辦恐需時日轉懈軍心胡林翼久歷戎行於軍務尚為熟悉著將省城公事趕緊料理即行馳

赴九江與都興阿楊載福等會商妥辦務使各營將士同心勦力以期迅殄逆氛共膺懋賞該撫奏稱奇兵雕勦在乎審機請飭帶兵大員覘賊所在不拘成法不為賊所牽綴等語此係出奇制勝之法現在若能抽出一軍即可照此辦理著該撫與官文都興阿楊載福等商辦正不必待曾國藩到楚方能定議也至受傷兵勇調回休息仍調精兵彌縫其闕亦屬可行著與官文等二併籌畫辦理將

此由六百里諭令知之○又諭本日據福興奏逆匪合犯貴溪督軍扼勦瀝陳兵單情形並耆齡奏克復東鄉籌辦省東防勦各一摺官軍攻克東鄉縣城前經福興奏到已令該將軍飭李定太乘勝進勦金溪以孤撫州賊勢該撫現又抽調營勇三千餘名前赴東鄉歸李定太調遣茲據福興奏稱皖省大股逆匪闖入江境會合撫州匪眾南北來犯貴溪統計股匪前後六起數逾三四萬人貴溪孤

城被撲並恐由歧路分竄廣信該將軍已拔
隊前赴該邑援剿自應先就現有兵力迅解
貴溪之圍兼顧廣信門戶但隨營兵數不及
千名防剿兩形不足李定太一軍素稱得力
加以此次由該撫抽調之勇為數已多即可
飭令策應貴溪弋陽等處其普承堯等所統
湘寶各勇如即將阜田賊匪掃蕩亦可馳赴
東路協剿此外有無可以抽撥著福興者齡
會商辦理惟不可專顧一隅致他處或有疏

失將此由六百里各諭令知之○江布政
使辦理江北糧臺楊能格奏報到任日期得
旨破除情面為第一要務○以江西臨江官
軍勦賊出力賞道員劉長佑巴圖魯名號餘
加銜升敘有差○以和闐防堵回匪出力賞
章京圖薩布都林布參將倭賀守備董遷善
伯克阿布拉什布拉特土米爾烏舒爾庫圖
魯克等花翎筆帖式富升額等藍翎餘加銜
升賞有差以江西勦賊遷延摘總兵官普

承堯頂戴拔花翎○追予江西陣亡直隸州
知州劉騰鴻父母正四品封典知府李新華
知縣靳丹書祭葬世職○壬子諭內閣福濟
鄭魁士奏粵匪擒匪分路內竄官軍迎剿大
獲勝仗一摺湖北竄回逆匪糾合皖省賊擒
分股竄擾一由派河撲廬城一由巢湖撲店
埠一由巢縣夏閣撲柘臯九月二十一日撲
廬城之賊於二十鋪築壘七座經鄭魁士等
督兵分路進剿將賊營全行踴毀復將赴援

之賊盡行衝擊約斃三千餘名生擒三十七
名斬首六百餘級其竄撲柘臯之賊經福濟
飭總兵吉順等進剿斃賊甚多並將賊城四
座踏毀復奪獲燒毀賊船七隻夏閣賊壘全
行掃平其巢湖水師迎剿賊船先後疊獲勝
仗生擒偽指揮陳上林等多名奪獲燒毀逆
船二十餘隻丙子鋪逆船復經我軍焚燒奪
獲十餘隻此次水陸各軍分路大勝斬馘數
千出力員弁准其併案擇尤保奏以示獎勵

以安徽官軍迎勦竄匪出力賞還提督銜
壽春鎮總兵官鄭魁士頂帶花翎○癸丑

上諭

安佑宮行禮 諭內閣刑部奏遵旨覆覈秋審
人犯一摺四川省秋審情實絞犯穆樞子著
仍照原擬毋庸留養即行處決 蠲緩直隸
開磁安深晉藺景滄固安東安東明長垣永
清甯河高陽永年成安廣平新河武清博野
蠡雄束鹿河間獻東光天津青靜海南皮鹽

山贊皇無極邢臺唐山平鄉廣宗鉅鹿內邱
任邯鄲肥鄉曲周雞澤元城大名南樂清豐
豐潤玉田南宮棗強武邑衡水柏鄉隆平高
邑臨城甯晉武強饒陽深澤六十三州縣被
水被雹歉收地畝額賦並給賑有差 甲寅
諭軍機大臣等據法福禮奏官兵出卡追勦
賊匪至黑孜倭依地方大獲勝仗因卡外道
路迷漫礙難深入已飭業布冲額巴哈善撤
兵歸營仍令錫拉那伊綿阿退兵沿卡駐劄

密探賊蹤並諭知浩罕伯克及布魯特如倭
里罕逃至該處即行縛送各等語賊首倭里
罕如尚在卡外附近地方盤踞恐其復圖進
卡自宜設法擒獲以絕根株今業已遠遁儻
日久並無蹤跡即著飭令錫拉那等將駐劄
沿卡官兵酌量撤回法福禮等現在籌辦善
後事宜總須布置嚴密自固藩籬使卡內無
奸徒勾結自可絕外匪窺伺之端將此由五
百里諭令知之 以湖北官軍疊次勦賊出

力賞前鋒莫爾根額領催本福巴圖魯名號
直隸州知州馮禮藩佐領齊克興阿都司宋
國永王玉典劉元勳守備王允昌陳開榜譚
應祥李德俊等花翎把總蕭儀斌等藍翎餘
加銜升補有差 予湖北陣亡訓導姚緣全
從九品鄒時範驍騎校布庫吉爾嘎勒德凌
常林慶福恩特恆額吉里善守備李菊生千
總王迎發把總姚善禮外委唐敏道等祭葬
世職生員桂敦臨等賞卹如例 乙卯

上幸靜明園、諭內閣東南兩河蘭儀豐北漫口均未堵合原不應有霜汛安瀾保舉人員之事咸豐四年楊以增請保南河工員曾經令該部嚴叅具奏五年九月李鈞請保東河工員復將該河督交部議處原以修防是其本職甄敘不可倖邀此次因李鈞奏請保上游搶護險工及防河出力人員並聲明上年搶險未敢請獎尚有存記各員念其事係併案故准其酌保數員毋許冒濫乃係朕格外

奏奉

上

施恩茲據奏保大汛出力人員十六名其防河人員尚須另保人數過多而獎勵亦有過優之處與前降諭旨不符著該河督即將摺內所請優敘之張維翰另片請加升銜之徐繼鏞及單開各員一併酌加覈減與防河出力人員併案具奏再降諭旨又諭慶連奏關稅餘銀不敷辦運請旨飭撥一摺並請撥運庫津貼銀兩等語杭州織造應辦咸豐七年大運不敷銀七萬兩著該撫轉飭藩司仍

按月通融抵撥俟照數抵足再行撥解籌防局濟用其運庫津貼一項除六年分墊撥銀一萬五千兩准其毋庸扣還另款開銷外並飭該運司將七年內應解津貼照數於年內解清不敷銀兩即由運庫籌撥湊足三萬兩之數解交該織造以備應用丙辰諭內閣慶祺等奏勘估河道工程開單呈覽請派員興修一摺

奏奉

上

計即著按照單開各工妥為辦理俟欽天監擇有吉期再行派員敬謹興修另片奏履勘福陵引河工程請從緩辦理等語所有該將軍等前次奏請照舊挑挖之處著暫行緩辦候明年夏秋時再行察看情形具奏以克復江西湖口縣城並勦匪出力賞副將成大吉參將胡裕發巴圖魯名號知縣金國琛參將劉國斌遊擊成得升李存漢都司劉神山喻俊明守備彭大甲花翎千總郭德山等藍翎

餘加銜升補有差 以勦匪遷延暫革福建
水師提督鍾寶三職仍令迅速進勦 以到
任遲延捏稟請獎革福建知府胡斌第職
予江西陣亡都司羅勝發把總胡永和陳長
勝外委易王佐祭葬世職加等軍功彭瑞益
彭雲漢常晉祭葬世職如把總例 丁巳諭
軍機大臣等前據駱秉章奏貴州錦屏永從
等處業經湖南援軍收復請飭蔣蔚遠速令
古州鎮道及錦屏永從等處官弁赴任經理

貴州書

十八

以便湖南兵勇撤回當經諭知該撫遵照辦
理茲據蔣蔚遠奏稱六洞首逆黑大漢等現
尚竄伏少洞古州朗洞上下江等處亦未克
復教匪余老科仍在太平山屯聚或恐湖南
兵撤而苗匪復來滋擾請飭暫緩撤兵駱秉
章撥兵援應原屬不分畛域黎平接壤湖南
所有前派之兆琛一軍既能得力著暫留協
勦蔣蔚遠身任封疆豈可以該省勦匪要務
盡行委之他人著即飭令代理黎平府知府

多文參將慶瑞等乘此楚軍得力督率兵練
會同進勦以期盡殲醜類毋得一籌莫展專
恃鄰省救援致干重咎將此由六百里各諭
令知之 以貴州兵勇疊次勦匪出力賞都
司李成錦花翎知州蔣立炳等藍翎餘加銜
升敘有差 戊午准河南省被旱地方漕米
改徵小麥 己未諭軍機大臣等勝保袁甲
三奏擬先清北路再勦六安並李孟羣兵潰
請撥兵勇馬匹各摺片韓圩賊巢經官兵攻
克餘匪劉老淵等勾結土匪擾及甯陵商邱
等處勝保等已飭史榮椿朱連泰跟蹤追擊
渦淝兩河餘黨時聚時散蒙亳一帶道路仍
然梗塞勝保等擬將豫皖毗連之境一律肅
清再行移師六安著即照所籌辦理至李孟
羣派軍深入屢次失利現在退剗麻埠情形
頗為喫重前據官文等奏已派翼長多隆阿
等帶兵數千由宿太一帶進勦以為李孟羣
聲援勝保等亦須嚴飭慶瑞賽沙布相機前

進與李孟羣會合不得徒為株守之計英桂督勦豫省西路匪徒漸就肅清能否將格緬額等馬隊調來勝保軍營即由勝保等咨商英桂辦理勝保病假將滿如有可乘之機著即與袁甲三會商進兵盡殲醜類毋得遷延時日致負委任將此由六百里諭令知之○又諭勝保袁甲三奏李孟羣退守麻埠請飭湖北迅撥兵勇越境堵勦等語六安州大股賊匪竄至獨山李孟羣兵潰退往麻埠勝保等因北路伏莽未清尚難前赴六安會剿其派往馬隊僅二百名另派慶瑞賽沙布等援兵尚須由霍邱節節進勦當此賊氛猖獗該藩司兵力較單急須撥兵策應前據官文等奏派馬步兵勇數千人交翼長多隆阿副將鮑超帶往宿太以為李孟羣後路聲援並據奏報獲勝等情著官文等即飭該翼長等就近迅赴麻埠一帶援應合力進攻六安毋稍遲緩將此由六百里諭令知之○又諭勝保

袁甲三奏馬匹不敷應用請飭直隸山西兩省挑選營馬解往等語勝保等軍營所用馬匹因本年額毫一帶時疫甚厲倒斃過多現在該處勦匪喫緊不敷乘騎亟需添備以資攻勦著譚廷襄恆福於直隸山西各標存馬中迅即挑選驍壯營馬各二百匹派委妥員解往勝保軍營應用毋稍遲誤至直隸山西各標營馬亦不可缺少並著該督撫隨時採買以補足額將此由五百里各諭令知之○

兼署四川總督成都將軍有鳳奏到任未久本年軍政請改至來春辦理允之○命御前侍衛明慶乾清門頭等侍衛富順馳赴密雲副都統勝保軍營差委○改鑄福建沙縣知縣印信從巡撫慶端請也○緩陝西神木府谷二縣被旱災區額徵兵糧○庚申諭內閣福濟鄭魁士奏官軍擊退大股賊擒攻克桃鎮派河各要隘一摺擒匪與粵賊合陷桃鎮竄擾派河經福濟等飭令協領桂成等分路

進攻九月二十四等日逆賊蜂擁撲營疊經
兵勇擊退已革遊擊聶桂榮督隊環攻搶過
桃鎮北柵外大橋直衝入街賊眾披靡敗退
即將桃鎮收復該逆復糾合舒城廬江賊匪
接應上派河之賊舒城縣知縣甘文瀾等截
扼其後鄭魁士督同副將蕭開甲等分路前
進兵勇齊抵北岸趕搭浮橋過河突進小燬
賊卡二座賊眾奪路竄出我軍伏兵喊殺逆
賊頭營已破後營火起同時潰散馬隊跟剿

甘文瀾等由後路兜擊福濟豫派廬州府知
府馬新貽等援助截殺該逆由東南竄逸又
被水師擒殺殆盡當將上派河中派河賊營
二十餘座躡毀擒賊七百餘名斃賊不計其
數此次水陸進攻次第收復各要隘賊鋒大
挫著福濟等乘此聲威激勵將弁迅圖進剿
毋稍延緩○諭軍機大臣等景瀄奏挑選西
丹赴楚派員管帶啟程開單呈覽一摺此次
景瀄由伯都訥等處挑選西丹共二百名派

員管帶前赴湖北軍營業經定於本月十二
日啟程著毋庸給予馬匹其應需車輛等項
該將軍即咨明沿途地方官妥為豫備並飭
管帶各員嚴行約束迅速前進俟抵湖北軍
營應需馬匹由官文等撥給可也將此諭令
知之○又諭福濟奏請飭購辦洋礮藉資攻
剿等語安徽巢湖設立水師必須船礮相資
攻守方能得力該撫現已添造長龍舢板等
船惟礮位短少亟應多為籌備江蘇省前購

洋礮施放甚屬精利著何桂清趙德轅迅飭
上海道再為購買五百觔四十尊八百觔三
十尊解赴廬州應用並著葉名琛柏貴籌款
採買五六百觔並七八百觔洋礮各一百尊
派員由海道運至上海轉解福濟軍營以資
勦辦將此由五百里各諭令知之○又諭福
濟鄭魁士奏餉需不繼請飭山陝兩省按月
準解等語據稱山西應解七月分餉銀陝西
應解七八兩月餉銀俱尚未經撥解現在皖

省勦賊喫緊全賴各處協撥若不按月準解
兵勇饑潰堪虞且停兵待餉必至坐失機宜
著恆福曾望顏將應解餉按月一準撥解
毋稍遲延如能於每月二萬兩外再行籌撥
銀一萬兩更足以資接濟該撫等務當酌量
情形設法措解毋誤要需將此由五百里各
諭令知之○辛酉署直隸總督譚廷襄奏宣
化府屬各州縣儲存國米久未出糶恐致微
變請將宣化鎮各營及張家口獨石口二廳
捕盜營兵餉自本年秋季為始均於應放實
銀五成內暫搭國米二成允之○壬戌以雲
南省城勦辦回匪出力賞布政司經歷章源
守備趙德昌千總李發明外委趙祥花翎外
委張沛霖等藍翎復已革知府崔紹中職免
已革遊擊孫鈺何有保罪餘加銜升敘有差
准山東歷城章印齊河禹城陵德平原鄒
曹往平高唐夏津十二州縣歉收漕麥改徵
粟米

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十七

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百三十八

臣等謹將本年內各款開列如左
一、本年內各款開列如左
二、本年內各款開列如左
三、本年內各款開列如左
四、本年內各款開列如左
五、本年內各款開列如左
六、本年內各款開列如左
七、本年內各款開列如左
八、本年內各款開列如左
九、本年內各款開列如左
十、本年內各款開列如左
十一、本年內各款開列如左
十二、本年內各款開列如左
十三、本年內各款開列如左
十四、本年內各款開列如左
十五、本年內各款開列如左
十六、本年內各款開列如左
十七、本年內各款開列如左
十八、本年內各款開列如左
十九、本年內各款開列如左
二十、本年內各款開列如左
二十一、本年內各款開列如左
二十二、本年內各款開列如左
二十三、本年內各款開列如左
二十四、本年內各款開列如左
二十五、本年內各款開列如左
二十六、本年內各款開列如左
二十七、本年內各款開列如左
二十八、本年內各款開列如左
二十九、本年內各款開列如左
三十、本年內各款開列如左
三十一、本年內各款開列如左
三十二、本年內各款開列如左
三十三、本年內各款開列如左
三十四、本年內各款開列如左
三十五、本年內各款開列如左
三十六、本年內各款開列如左
三十七、本年內各款開列如左
三十八、本年內各款開列如左
三十九、本年內各款開列如左
四十、本年內各款開列如左
四十一、本年內各款開列如左
四十二、本年內各款開列如左
四十三、本年內各款開列如左
四十四、本年內各款開列如左
四十五、本年內各款開列如左
四十六、本年內各款開列如左
四十七、本年內各款開列如左
四十八、本年內各款開列如左
四十九、本年內各款開列如左
五十、本年內各款開列如左
五十一、本年內各款開列如左
五十二、本年內各款開列如左
五十三、本年內各款開列如左
五十四、本年內各款開列如左
五十五、本年內各款開列如左
五十六、本年內各款開列如左
五十七、本年內各款開列如左
五十八、本年內各款開列如左
五十九、本年內各款開列如左
六十、本年內各款開列如左
六十一、本年內各款開列如左
六十二、本年內各款開列如左
六十三、本年內各款開列如左
六十四、本年內各款開列如左
六十五、本年內各款開列如左
六十六、本年內各款開列如左
六十七、本年內各款開列如左
六十八、本年內各款開列如左
六十九、本年內各款開列如左
七十、本年內各款開列如左
七十一、本年內各款開列如左
七十二、本年內各款開列如左
七十三、本年內各款開列如左
七十四、本年內各款開列如左
七十五、本年內各款開列如左
七十六、本年內各款開列如左
七十七、本年內各款開列如左
七十八、本年內各款開列如左
七十九、本年內各款開列如左
八十、本年內各款開列如左
八十一、本年內各款開列如左
八十二、本年內各款開列如左
八十三、本年內各款開列如左
八十四、本年內各款開列如左
八十五、本年內各款開列如左
八十六、本年內各款開列如左
八十七、本年內各款開列如左
八十八、本年內各款開列如左
八十九、本年內各款開列如左
九十、本年內各款開列如左
九十一、本年內各款開列如左
九十二、本年內各款開列如左
九十三、本年內各款開列如左
九十四、本年內各款開列如左
九十五、本年內各款開列如左
九十六、本年內各款開列如左
九十七、本年內各款開列如左
九十八、本年內各款開列如左
九十九、本年內各款開列如左
一百、本年內各款開列如左

咸豐七年丁巳十月癸亥諭內閣和春奏官

軍攻勦鎮江逆匪疊獲大勝一摺並水師勦
匪獲勝等語鎮江逆匪被勦急迫於東北兩
門及甘露寺等處疊次出撲經總兵余萬清
等分投迎擊張國樑知逆匪欲圖西竄接應
金陵援賊先於高資地方添營扼守該逆果
於運糧河之北潛築營壘張國樑派參將余
兆青等分四面進攻並親督兵勇過港直撲
賊營都司賴鎮海亦督率水師開礮轟擊將
賊壘礮臺踏平守臺逆匪悉被殲斃官軍乘

勝進攻六擺渡賊營立將逆壘平毀張國樑
復親督兵勇渡過運河即補副將馮子材等
首先搶入賊壘奮力擊斃其摩旂山賊眾經
總兵虎嵩林等會合攻勦水師總兵李德麟
進攻泥汊賊匪擊沈賊船十餘隻焚毀賊卡
三座轟倒賊營望樓二座總兵泊承陞等復
於釣魚臺獲勝此次鎮江一帶陸路攻勦接
仗六晝夜之久斬馘千計水師復乘風轟擊
賊勢已窮著和春等嚴飭將士迅圖克復毋

再延緩先是鄭親王端華奏籌撥京餉章
程命惠親王軍機大臣等會同戶部議至是
奏應如所奏以資補救並酌籌緩急分別施
行一各省一切放款均令改用二兩平每年
節省銀兩按季報解以充京餉一淮南淮北
並兩浙能否鹽歸場當此餉需支絀之際
該督撫等應覈實辦理一上年冬間奏撥京
餉銀共四百萬兩節經戶部奏催未解應令
各督撫統限年內一律解齊至無益經費有

宜裁汰暫停及減成減半支給者共二百一十二款應通行各省認真遵辦一原奏戶部每月放款擬按五千易錢銀七錢三給放應俟銀款稍裕分別辦理一原奏現在捐輸官職太輕請仍照舊例銀數應由戶部隨時體察俟軍務稍定酌復舊章一地丁稅課請照舊例交納應由戶部體察各省情形隨時奏明辦理得旨各直省督撫大吏身受厚恩當茲經費支絀之時自應力求撙節共濟時艱

斷不准見好市恩瞻徇情面務宜懍遵部議認真辦理○直隸通永鎮總兵官李志和年老休致以貴州定廣協副將虎坤元為直隸通永鎮總兵官○以浙江官軍赴援安徽不力革同知劉玉成職仍留營效力○予江蘇陣亡遊擊多陞額千總許世忠祭葬世職○修江蘇寶山縣海塘從兩江總督何桂清等請也○甲子諭內閣前因曾望顏奏參陝西官錢鋪委員候補知縣郭廷椿等那移私販

並與藩司司徒照家人黃君任夥開錢鋪等情弊當降旨將郭廷椿等革職交曾望顏嚴行審訊定案時並將該藩司參辦本日復據曾望顏將續查虧短銀數並收買大錢漁利私錢鋪那用銀錢委員隱匿鐵錢銷燬帳本各款臚列具奏委員郭廷椿等與管事之王迎科通同藩司家人種種舞弊隱匿侵吞為數不少殊屬可惡該撫現在督同道府各員查覈嚴究所有舊管委員著一併提訊如有

扶同侵漁情弊並著嚴參懲辦務期徹底根究毋許稍有不實不盡陝西布政使司徒照於家人通同屬員舞弊為時已久毫無覺察實屬昏愎著先行撤任聽候該撫查辦○命候補侍郎黃贊湯以二品頂帶為通政使司通政使○以陝西按察使林揚祖為布政使潼商道蔡宗茂為按察使○以捕蝗不力摘陝西渭南縣知縣李祝齡頂帶以西安駐防軍政年逾六十官十九員荊州駐防軍政

年逾六十官十六員。精力未衰。命留任。予河南陣亡主簿蘇雲龍。把總王柏年。外委璩占元。祭葬世職典史陳福年。建立專祠。五品軍功方元。變賞卹如例。蠲緩湖南武陵龍陽沅江安鄉湘陰巴陵臨湘澧華容九州縣並岳州衛被水災區。額賦有差。乙丑諭內閣。官文等奏。楚北官軍攻克江西彭澤縣。並兩岸偽城一摺。逆賊竄踞江西彭澤縣城。負隅抗拒。經官文等飭水陸各軍進攻。九月十

七等日。李續賓派隊同楊載福師船直抵彭澤縣境。先攻北岸偽城。巴克坦布等馬隊由橫壩直趨小姑山北岸。楊得武由湖口縣直趨小姑山南岸。都司楊明萬礮船轟北岸偽城。楊載福率戰船往下游進發。李續賓親巡城外。拔取木椿。該逆出拒。我軍迎戰。斬騎馬賊三人。餘賊退奔。我軍佯退誘之。該逆出數千人追撲。李續賓排陣以待。令各勇伏後。馬隊從後抄擊。該逆大敗。我軍追殺數十里。至

吉水溝。楊載福戰船橫截。殲賊千數。百名餘賊竄逃。楊載福追剿。斬擒殆盡。彭澤縣城內竄賊經楊明萬追殺無數。李續賓與楊明萬以礮船擊南岸偽城。水陸會攻城。中火起。賊遁窮追三十餘里。並誘小姑山伏賊。擒斬淨盡。當將彭澤縣城收復。並拔其兩岸偽城。剿除小姑山賊壘。此次楚北官軍水陸進剿。辦理甚為得手。著官文等乘此聲威。激勵將士。迅克九江。進攻安慶。並由宿太節節掃蕩。俾

皖北一律肅清。又諭葉名琛。克復廣西南甯府城一摺。廣西股匪竄陷南甯府城。於五月敗回橫州。後復竄至靈山。經署參將廖達章等會剿。連獲勝仗。追至黃地嶺大蘆村。殺賊無數。餘匪竄回。廖達章等分兵前進。將橫州各處賊巢盡行攻破。賊援已絕。色克精阿督兵進薄城下。左江道吳德徵馳抵南甯。會剿該匪潛逃。設伏夾擊。轟沉賊船三十餘隻。奪獲賊船三隻。其陸路竄賊俱被兵勇追

殺殲除當將南甯府城克復此次勦除廣西股匪該鎮道等於失事之後勸捐募勇克復郡城辦理尚為迅速著葉名琛督飭將弁乘勝進攻迅圖克復橫州永瀆二城毋留餘孽並責成色克精阿吳德徵等督率勦辦以贖前愆○以克復廣東肇慶府城賞在籍主事廖正亨等藍翎餘加銜升賞有差○以克復福建甯化縣城賞外委黃源隆等藍翎餘加銜升敘有差○丙寅蠲緩山西清水河廳被

電村莊新舊額賦○丁卯以勦辦英吉沙爾回匪出力賞主事吉存都司張耀林遊擊伯福守備忠瑞王文熙等花翎把總李傑等藍翎餘升賞有差○戊辰

上御洞明堂句到陝甘湖南浙江江蘇情實罪犯停決陝西絞犯一人餘五十三人予免○諭軍機大臣等前因胡林翼奏請飭曾國藩赴江西統率水師當諭令該撫將省城公事料理馳赴九江與都興阿等會辦茲據奏稱

九江賊勢已窮李續賓楊載福辦理已有把握暫可不必前往等語潯城一經克復敗散餘匪上竄堪虞自應嚴密設防使我兵無後顧之虞然後節節進剿方為計出萬全至籌畫兵餉釐剔漕弊擇要設防皆係目前切要之務該撫身任地方責無旁貸著即逐件籌辦暫時無庸前赴九江所有攻勦事宜現有都興阿楊載福李續賓等水陸並進當可迅速奏功俟克復九江後胡林翼再行察看情

形酌量進止將此由五百里諭令知之○湖北巡撫胡林翼奏漕務積弊已久欲禁浮收當革冗費現已委員馳詣各州縣體察情形分別刪減明定章程務期積弊盡除民力藉以稍紓國賦得歸實濟得旨所奏實屬剴切汝能不顧情面祛百年之積弊甚為可嘉俟辦有端倪再行具奏○已已諭軍機大臣等連日據德興阿和春奏報瓜州鎮江疊獲大勝情形兩處逆匪均已窮蹙南北兩岸布置

周密一旦攻克鎮江該匪逃竄高資西路已斷而德興阿等嚴扼北路亦斷不慮其疏失惟念揚州西路自撲樹灣直達儀徵六合江岸綿長上下游皆須兼顧德興阿營中惟翁同書以文員幫辦尚無武職幫辦之員設有緩急分兵統帶尚恐乏人現在江南軍營不少帶兵大員何人堪勝幫辦之任和春必能知悉著即酌保一員一面奏聞一面先行飭赴江北幫同德興阿督辦軍務當此圍攻喫

緊之際全在同心協力庶可迅奏膚功和春不得以無員可保一奏塞責務與德興阿通籌合剿無分畛域倘瓜州先克即可進攻江浦以掣金陵賊勢或鎮江先克而該逆有北竄之謀則南路追襲之兵即當迅速渡江與北路互相援應總在該大臣等統籌大局計出萬全朕將拭目以待捷音之至也將此由六百里各諭令知之○命浙江布政使慶廉來京以記名布政使李續賓為浙江布政使

予闔家殉難雲南姚州學正盛績著祭葬世職妻劉氏子清彥媳殷氏旌卹如例○以軍務未平緩江蘇省買補上年截留漕米○庚午

上御洞明堂句到山東山西情實罪犯停決山東斬犯十人絞犯一人山西斬犯五人絞犯一人餘四十八人予○諭軍機大臣等前據英桂奏官軍越山由裕州一帶追剿賊匪疊獲大勝餘匪四散奔逃各路竄伏者尚多並節據曾望顏以匪偏南陽選派將弁兵勇馳赴商南雒南一帶分投防堵本日復據曾望顏奏賊匪二千餘人由盧氏縣一路先撲箭桿嶺復竄近龍駒寨武關等處滋擾各等語賊匪既經竄入陝境若不以兩省兵力四面兜拏恐被勒狂奔復蔓及南山一帶陝省完善之區豈容任其蹂躪曾望顏前經派兵由潼關商州兩路前進茲復調陝安鎮兵取道南山進剿又飛催龍澤厚一軍就近追擊

兵力已不為單弱。著英桂即飭帶兵員弁。不分畛域。越境追剿。會合陝省兵勇。協力兜擒。務須一律殲除。毋留餘孽。將此由六百里各諭令知之。署直隸總督譚廷襄奏請將濫責武生斃命之署安州知州江恭先。暫革提訊得旨。著革職。拏問。提省訊辦。所參暫革。實覺太輕。緩陝西綏德吳堡三州縣被旱災區應徵兵糧。辛未以江西貴溪剿匪出力。復同知李元度職。並加知府銜。廩生姚步瀛。

以訓導用。以籌防不力。革江西知縣楊鏐。都司張舉文職。予江西陣亡千總蔡雄略。把總易允成。向普昭。蔣運鏐。李大勳。何煌恩。張佑厚。李肇基。雷福喜。王斯昭。陳忠信。李學富。周葆恬。外委鍾獻桃。從九品胡光前等。祭葬世職。壬申。諭內閣。何桂清等奏。刁劣官幕盤踞句串。滋鬧糧臺。侵吞軍餉。遵旨。按照軍法從事一摺。江南丹陽分局糧臺。有候選從九品王聯甲。即王先謙及幕友曹金聲。於

委員散放兵餉時。膽敢恣憑游棍。從旁滋鬧。乘機侵吞餉銀至一千三百餘兩之多。該督於訊明後。即將該二犯處斬梟示。所辦甚是。刁劣官幕視糧臺為利藪。把持舞弊。藐法已極。現在江南已將王聯甲等二名懲辦。此外各路糧臺。如有此等匪類。隨營滋擾。著統兵大員及各督撫。即行照此辦理。以儆刁頑。其在逃各犯。仍著何桂清等。查拏務獲。按律嚴懲。將此通諭知之。諭軍機大臣等。福濟等

奏賊匪分擾和合。現籌布置。並音德布。因糧盡退守各等語。賊匪分股竄擾和合。音德布營盤被陷。退往赤鎮地方。賊勢已極猖獗。必當以重兵扼剿。惟鎮江瓜州尚未克復。圍攻正在喫緊。和春德興阿。斷不能撥兵先往皖北。援應償瓜鎮攻克。自當諭令分兵前往。現在福濟等已於廬城調派兵勇二千餘名。又加調千餘名。並調壽州駐防參將吳秀帶兵勇一千名。會合赴援。其音德布所帶兵勇。本

有四千現雖接仗潰散不難招集合計兵力已不為單弱著福濟鄭魁士督飭前項兵勇趕緊追勦毋令蔓延至皖北江面亦關緊要並著福濟等設法嚴防毋令賊匪再有北竄將此由六百里諭令知之○轉刑部右侍郎國瑞為左侍郎調理藩院右侍郎孟保為刑部右侍郎以內閣學士靈桂為理藩院右侍郎以御前侍衛穆騰阿為鑲藍旗漢軍副都統以盛京刑部侍郎和潤兼署奉天府府尹准截留兩淮起解甘餉銀三萬兩備安徽軍營需餉○改鑄安徽舒城縣知縣印信儒學條記從巡撫福濟請也○子安徽軍營病故副都統容照祭葬卹廕○子安徽陣亡殉難官紳國子監典籍唐長齡知府胡希周知縣歐陽藜照州同銜李肇榜吳誥曾學正趙維清教諭吳誦芬訓導王杖朝孝廉方正方昭文五品頂帶周得朋六品職員周錫齡六品頂帶程懋恩葉際昌周百朋項倫魁

七品職員周秀廷八品銜汪必珙千總韓殿安等祭葬世職舉人王國楨生員汪銘恩等賞卹如例○子湖北陣亡殉難文武員弁紳民婦女胡起太等六千六百三十二名口分別旌卹如例○蠲緩河南考城固始息淮甯鄧新野浙川內鄉舞陽虞城祥符陳留十二廳州縣被災被擾莊屯新舊額賦並給難民一月口糧○緩兩淮富安安豐梁垛東臺何垛丁溪草堰劉莊伍祐新興廟灣板浦中正臨興十四場竈被水災區賦課有差○癸酉諭內閣曾望顏奏賊匪竄入武關直撲商南縣城現在擊退並追勦情形一摺陝西試用同知張兆蓉候補知縣施作霖督帶勇練在商南防堵探聞賊將下竄當即督勇迎擊次日馳抵清油河該匪偷由天橋河小路竄入武關該員等馳至頭條嶺截擊有馬步賊百餘人先來撲營擊退後賊又率眾擁至施作霖首先下山張兆蓉整隊齊進賊遂回關固

守施作霖身先士卒。倂進關前。賊匪三面來撲。施作霖手刃數賊。力竭遇害。張兆荅亦受矛傷。賊遂由清油河直撲商南縣城。該縣知縣趙繼芬遊擊常有督率兵勇。轟斃騎馬賊目數名。始行退走。由富水關一帶竄去。此股賊匪由河南境奔竄商南。又由富水關逃逸。雖經商南擊退。尚未悉數殲除。著英桂曾望顏不分畛域。前後兜剿。並飭龍澤厚一軍合力追捕。勿留餘孽。○以防堵不力。革陝西商

實錄卷五十六

五

州知州劉良駟職。仍留任。摘道員常瀚遊擊。趙濟常有頂帶。○予陝西陣亡知縣施作霖祭葬世職。如知府例。並建專祠。家丁練勇等一併附祀。○展八旗兵丁應扣借支庫銀限期兩月。甲戌諭內閣。僧格林沁會同刑部等衙門。奏遵旨定擬大員被叅各款。及案內各犯罪名。並端華奏聯順等家產不應請抵各一摺。此案已革理藩院尚書步軍統領聯順身任一品大員。不知自愛。於所屬錢糧有

監臨之責。竟敢得受換銀餘錢。及辦公錢文。至三萬四千餘串之多。並有廢弛營務。及信任慶陽納賄。縱容家人索贓。失察屬員侵蝕官項。濫保營員各款。實屬辜恩昧良。聯順著照所擬斬監候。勒限一年完贖。後從重發往新疆所抄家產。不准作抵。已革筆帖式蘭森廉保恩錦恩需穆克登額。已革員外郎毓量。已革主事德清。已革司務伊奇立。均照擬斬監候。勒限一年完贖。後從重發往新疆。已革

實錄卷五十六

六

郎中椿齡。已革主事常順。均著照擬杖流限內完贖。發往軍臺。如逾限不完。即著發往新疆。以上各員。查封家產。一併入官。均不准作抵。已革筆帖式慶陽著從重發往黑龍江充當苦差。遇赦不赦。著落該革員家屬勒限追贓。亦不准以家產相抵。已革書吏章安瀾著照擬斬監候。並即查抄家產入官。亦不准作抵。吏部主事恩輝著交都察院照例議處。解任。中營副將李英著即革職。參將李萬年馬

淮遊擊蘇恩綬馬服襄李炳業都司王金山
肇春守備程秀純貴特通阿周光恆張海筆
帖式奎斌均著分別交部議處世襲雲騎尉
蘇聯芳著交部照例議處筆帖式慶春著交
部察議 廣州將軍穆克德訥等奏官兵防
守不能撤回本年軍政請展限辦理允之
以湖北鄖陽鎮總兵官楊載福為福建陸路
提督 予安徽軍營病故提督秦定三祭葬
卹廕諡恭武 予廣東罵賊被害外委黃大
鵬祭葬世職妻李氏旌卹如例 乙亥
上御洞明堂句到直隸熱河情實罪犯停決直
隸斬犯一人絞犯一人餘四十人予句 諭
內閣前據刑部侍郎國瑞奏朝審案內胡大
誘拐薜兒嚇傷成姦一案擬罪未協請旨更
正當交軍機大臣速議具奏茲據彭蘊章等
奏稱胡大罪名並無出入薜兒亦應科以杖
枷之罪刑部原擬並無不合等語惟國瑞原
奏內有調查該犯等原供亦多疑竇恐尚有

不實不盡之語彭蘊章等面奏以該侍郎未
曾指出何處可疑是以祇就胡大薜兒所得
罪名覈議具奏若另有別情實緩攸關刑部
原審未傳質證遺漏殊多胡大薜兒罪名實
難成信讞著派翁心存瑞常將此案情節秉
公查覈應傳干證面面環質務期無枉無縱
不可稍有遷就若云朝審已過有礙覆看大
臣等頗面則屬謬甚況今年翁心存曾駁哈
達朗阿一案足徵留心民命此案諒亦能認
真研究懷之以已革總兵官訥欽為湖北
鄖陽鎮總兵官 丙子
上御洞明堂句到朝審情實罪犯停決斬犯一
人絞犯三人餘六人予句 諭內閣本年各
直省辦理秋審人犯經刑部由緩決改情實
者四川六起該督並該臬司於秋讞重犯未
能詳慎覈擬著交部查明分別議處嗣後各
將軍府尹督撫等務當督同所屬遵照定例
酌覈案情悉心究擬固不可失之刻覈亦不

可惑於救生不救死之說。意存寬厚。故從輕減總期執法持平。無枉無縱。用副朕明慎用刑至意。將此通諭知之。○諭軍機大臣等。法福禮奏凱撤官兵。並請留帶兵大員及籌辦各情。一摺。官兵自出卡追擊獲勝後。匪蹤遠竄。邊圉肅清。民回復業。所有土爾扈特霍碩特蒙古兵及喀喇沙爾綠營兵。自應分別凱撤。至一切善後事宜。業已有旨。令法福禮會同裕瑞。並函商慶英。固慶會同扎拉芬泰。酌量辦理。並未另派大員。著該大臣仍遵前旨。悉心覈辦。常清即遵旨來京。毋庸暫留軍營。至首逆倭里罕在逃。前據慶英。固慶奏。已飭阿奇木伯克阿克拉依都。函致浩罕伯克胡達雅爾。令將賊目拏送。許以恕罪通商。並諭知卡外各愛曼布魯特。一體擒拏。若能殲厥渠魁。自可消弭後患。償浩罕伯克抗不遵照。即如慶英等所議。不准安集延等通商。以示懲儆。仍無庸深入窮追。致有挫失。將此諭令。

知之。伊犁將軍扎拉芬泰奏。已過三次軍政之協領哈普齊賢。懇請卓異。年逾六旬。各營員分別留任休致。允之。○改鑄甘肅布政使印信。從總督樂斌請也。○丁丑。諭內閣。雲南各屬漢回讐殺。幾徧三迤。一載有餘。兵連禍結。朕以啟釁根由。總因地方官辦理不得其平。是以特授吳振棫為雲貴總督。統帶四川官兵前往。復命前任山東巡撫張亮基帶兵隨後繼進。諭令該督等。但分良莠。不分漢回。秉公查辦。以息爭端。而綏邊圉。本日據吳振棫奏。行抵曲靖。沿途查訪情形。此次回民滋事。半由漢民倡議。滅回。以致回民疑畏。憤激而成。該督入境。停兵。單車曉諭。悔悟者頗多。試思漢回皆朕赤子。本不應有所偏袒。若使啟釁之初。地方官即從公判斷。以服人心。何至報復相尋。重煩兵力。今吳振棫既查知回民有負冤之處。而漢民中乘機搶掠。可誅者亦復不少。則從前辦理錯謬。已可概見。所

有散貼告示倡議殺回之前任侍郎黃琮前任御史竇圻業經降旨革職治罪並將辦理不善之大員交吳振械查明參奏朕大公無我之心雖在愚民亦當共喻著吳振械宣播朕旨曉諭各屬回民果係止圖報復並無叛逆之心准其悔罪輸誠各安生業大兵所至毋許妄戮一人其能解散脅從縛獻兇渠實在出力者不特寬其既往之罪仍准該督等據實保奏給予獎敘其漢民有藉團練為名

實錄卷三三八

三

肆行殺掠者即以軍法從事經此次剴切曉諭之後漢回皆知悔禍該督等即可持平辦理慎選良吏妥為安撫曲直分明人心自定儻仍敢負嵎抗拒則是自外生成甘心叛逆即著該督等統兵進剿該回民咎由自取並非朕不施寬大之恩也該督即刻刻騰黃偏行曉諭使各屬漢回人等咸知朕除莠安良之至意又諭前因雲南省漢回讐殺當令在籍侍郎黃琮御史竇圻籌辦團練原為保

衛間閭起見該侍郎等自應會同地方官熟籌妥辦乃本日據吳振械奏黃琮竇圻在省城設立總局鐫刻關防徧貼告示令民間紛紛集團其意專主殺回以致回眾懷疑尋讐不已而漢民之奸者又復散播謠言乘機搶掠蔓延各屬辦理實屬不善等語辦團所以安民黃琮等以鄉紳擅出告示已屬非是且持論不得其平轉致激成釁端非徒不能保衛地方並使民遭荼毒辦理實屬錯謬黃琮

實錄卷三三八

三

竇圻均著革職交吳振械查訊治以應得之罪至勦辦事宜係地方官專責何得任聽紳士惟所欲為所有從前辦理不善之地方各官除恆春已故外其巡撫司道及各府州縣均著吳振械查明參辦嗣後各處練勇均歸文武官員統帶如有未奉調遣自行出隊者即將練頭按軍法從事統帶官嚴行叅處毋稍寬縱諭軍機大臣等吳振械奏參紳士辦團不善一摺並請頒發諭旨以便勦撫兼

施等語。雲南省漢回構釁。以致省城日久被困。原應懾以兵威。使莠民知所儆惕。再議撫綏。惟現在東南各省軍務未平。兵力斷難厚集。餉需亦艱於籌措。且據吳振械奏。回民之紛紛尋釁。實由官紳辦理失宜所致。此時匪徒蜂起。幾徧三迤。儻率行進剿。深恐於事無濟。徒損兵威。且曲靖及省城一帶。回民尚不肯自居叛逆。乘其有一綫可原。請旨剴切曉諭。冀有轉機。所奏不為無見。本日已明降諭旨。曉諭回民。如該回民悔悟自新。即可從公辦理。並著慎選良吏。加意撫綏。曲直分明。人心自定。儻仍負固不服。或面從心違。則是自外生成。國法所難寬宥。該督惟有統率官兵。痛加勦辦。無得姑息。養奸為所。輕視將此由六百里諭令知之。○改鑄湖北襄陽府知府印信。從巡撫胡林翼請也。

實錄卷一百一十五

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三十八

實錄卷一百一十五

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三十九

世修志書定自講也唐注官太子太保上書唐師傅太淵閣領閣事翰林院掌學士稽察欽奉上諭事件廣文館領書官武英

大興士官建民部官階加十三級紀錄十四次月曾積案未結數官經廷議官太子太保文淵閣領閣事武英殿總纂官教習原素士體仁閣

大德王官理戶部三庫書給管理刑部事務加二十五叙紀錄十六次目周根培總臧官太子少保管理內廷書房事務對引大臣軍機大臣

任建德志洲都統戶部尚書管理三庫事務加四級隨帶加五級紀錄十二次臣寶參總兵金鍾經謀官弘德殿教習潘文瑞進士書序通判

建國史館編纂官 正藍旗蒙古都統理郡尚書管理太常寺鴻臚寺事務加二級軍功加四級隨帶加八級紀錄五次臣保什理布等奉

救修

咸豐七年丁巳十一月戊寅朔諭內閣本月

初七日冬至

天壇大祀前經降旨朕親詣行禮茲因骸疾尚未就痊恐升降拜跪未能如常不足以昭誠敬著派睿親王仁壽恭代行禮○又諭定福奏宗室蒙混出關搜案辦理一摺正白旗宗室存瑞著交宗人府查訊辦理另片奏值班防禦碩隆武可否免議之處著宗人府於查訊後聲明請旨○又諭英桂奏大安山等處勦匪獲勝一摺河南官軍於廬氏縣三川街

將賊匪擊敗。後該匪復糾合礦匪奔竄。雒南縣境總管德楞額等督兵追擊。該匪分兩股向藥莊及大安山逃竄。德楞額帶兵於十三日追抵大安山。斃賊百數十名。奪獲槍械等無數。其藥莊一股徑撲商南。被該縣兵勇擊敗。復由浙川廳西坪地方竄踞北峪山內。德楞額於十八日馳至該處。越嶺進擊。斃匪百數十名。生擒賊目三名。總兵邱聯恩督勦南路伏匪。亦於象河關等處先後斃匪百餘名。生擒首匪楊有書、鄭成功等三十餘名。奪獲槍礮刀矛等件無算。現經英桂飭令邱聯恩馳赴浙川內鄉一路會同德楞額兜勦南路伏匪。責成祁之銓等分七路控勦。該撫仍駐葉縣扼要防守。務各策勵兵勇將賊匪悉數殲除。毋任再有竄逸。○以河南大安山等處防勦不力。革總兵官龍澤厚。巡檢姚雅音。把總李逢春職。○己卯以廣東廣州駐防捐輸軍餉永廣繙譯學額一名。○庚辰江甯布政

使辦理江北糧臺楊能格奏謝訓諭恩得旨○一切務實慎勿自恃懷之○賞湖南省補行士子乙卯兩科鄉試年老諸生徐顯智等十人舉人副榜有差○辛巳諭內閣官文等奏水師乘勝下勦克復安徽望江東流銅陵等縣大獲全勝一摺提督楊載福自克復彭澤縣後逼近望江縣境探知安徽賊首派賊帶船數百隻來援小姑山等處在馬當峽華陽鎮一帶停泊親督水陸各軍直抵馬當峽攻其不備追勦二十餘里賊船焚奪殆盡行至急水溝地方遇賊抵拒我軍舍舟登岸分隊夾擊賊卡立破九月二十三日先派副將李成謀由陸路進攻望江自率親兵由小港馳抵望江城下水陸並進賊眾驚潰望江縣城登時克復二十四日馳抵東流縣賊船依卡停泊我軍槍礮齊開將賊船焚燒淨盡火箭射入城中城屋盡然賊匪開城逃竄追殺殆盡即將縣城克復疾趨安慶平鹽河口焚毀

賊船數十隻用大礮攻擊賊壘三座悉平二十五日全軍衝過安慶破樅陽賊壘五座焚燒賊船八十餘隻二十八日派兵攻銅陵縣土橋賊壘李成謀斬關直入立復縣城復回攻土橋破壘四座駛至舊縣峽口與紅單船聯絡楊載福親統各營先破賊卡李成謀率眾連破偽城二座長驅直入悉數駢誅奪獲船礮米糧無算此次楊載福統帶水師轉戰一千餘里克復縣城三處直與紅單船聯絡大振軍威九江賊匪自可乘機掃蕩所有打仗出力之儘先副將李成謀著賞給伊祖父母父母二品封典以示優獎○諭軍機大臣等前據福濟等奏賊竄和州音德布因糧盡退守當諭令福濟鄭魁士督飭所派兵勇趕緊追勦嗣據德興阿奏稱探聞賊冒官兵猝不及防以致和州失守總兵音德布退守全椒之官渡等語和州失守尚未據福濟奏到該州為江北要隘音德布所帶兵勇有四千

之多。何以倉卒潰散。據德興阿等奏。該總兵令箭文案等件。均有遺失。是其潰敗。幾至不可收拾。此時劄營官渡。能否力遏北竄之路。福濟等前派塔思哈。蕭開甲等。帶兵三千餘名。前往扼擊。曾否獲勝。鄭魁士由柘皋馳回。廬營自係因郡城緊要起見。但現在和州。賊勢猖獗。德興阿和春等。圍攻瓜州鎮。江正在喫緊。斷不能撥兵援應。雖調伊興額前往。亦恐馬隊無多。不敷攻勦。勝保袁甲三。現因餘

匪牽掣。未能南下。而滁州清流關。為該匪從前北竄之路。必須撥兵扼守。以遏其衝。著勝保袁甲三。迅速撥兵前往。並著鄭魁士督兵前赴和州。一面扼守清流關。毋令賊蹤北竄。一面向南攻勦。克復和州。毋得稍存大意。又本日據官文等馳奏。楊載福一軍下勦。克復安徽望江。東流。銅陵。三縣。著福濟迅即遣派委員。分赴防守。招集鄉團。齊心堵禦。不至得而復失。將此由六百里各諭令知之。○湖廣

總督官文等奏。遵挑荊州駐防旗兵。訓練馬隊。得旨嘉獎。○以克復安徽望江。東流等縣。城參將李濟清。以副將用。予陣亡把總劉長慶。蕭得勝。祭葬。世職。○壬午。諭軍機大臣等。前因江北軍營。無武職大員幫辦軍務。江南將才較多。諭令和春酌保一員。一面奏聞。一面飭赴江北。並諭德興阿知悉。原以鎮江或先克復。則江北防勦。更關緊要。添設幫辦。以期計出萬全。德興阿如有可保之員。亦當與

和春面商。會銜具奏。方見和衷之意。茲德興阿奏保總兵鞠殿華。堪勝幫辦之任。並未與和春會商。朕若允其所請。而和春又遵旨保舉一人。即日奏到。轉至事出兩歧。著德興阿。即咨會和春。如尚未保奏。即將鞠殿華堪勝幫辦之處。與和春會銜保奏。聽候諭旨。儻和春業已酌保有人。則勢難更易。所有德興阿請以鞠殿華幫辦之處。即毋庸議。至翁同書雖係文員。尚能督兵攻勦。鞠殿華打仗奮勇。

<p>圖丘遣睿親王仁壽恭代行禮○遣官祭</p>	<p>天於</p>	<p>李桂林祭葬加等世職如例○甲申冬至祀</p>	<p>竊頂帶責令戴罪效力予陣亡千總李福來○</p>	<p>以安徽霍山縣城被賊竄陷摘知縣王自</p>	<p>因在獨山督勦赴援不及著加恩免其議處</p>	<p>竄陷霍山縣城實因賊眾兵單所致李孟羣</p>	<p>分路兜勦迅圖克復此次擒匪與粵逆勾結</p>	<p>失守現在李孟羣添調團練相機進攻著即</p>	<p>安州城為援愈勦愈多突由東門竄入霍山</p>	<p>府袁懷忠等帶勇堵勦擒斬多名該逆倚六</p>	<p>勝仗該匪分股圖竄霍山經李孟羣派令知</p>	<p>一摺李孟羣移軍麻埠截勦西路竄匪大獲</p>	<p>賊匪竄擾霍山現在分途勦辦並自請議處</p>	<p>六百里諭令知之○癸未諭內閣李孟羣奏</p>	<p>克瓜州肅清江北方為不負委任也將此由</p>	<p>濟與江南協力辦理乘此賊勢窮蹙之時先</p>	<p>屢著戰功皆朕所素悉該大臣惟有和衷共</p>
-------------------------	-----------	--------------------------	---------------------------	-------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------

<p>奏大凌河馬廠開墾地畝擬請升科繪圖呈</p>	<p>先醫之神停次日朝賀○諭內閣慶祺等</p>	<p>端慧皇太子園寢○遣官祭</p>	<p>孝德皇后殯宮○遣官祭</p>	<p>慕東陵遣官祭</p>	<p>慕陵</p>	<p>昌西陵</p>	<p>昌陵</p>	<p>裕陵</p>	<p>泰東陵</p>	<p>泰陵</p>	<p>景陵</p>	<p>孝東陵</p>	<p>孝陵</p>	<p>昭西陵</p>	<p>昭陵</p>	<p>福陵</p>	<p>永陵</p>
--------------------------	-------------------------	--------------------	-------------------	---------------	-----------	------------	-----------	-----------	------------	-----------	-----------	------------	-----------	------------	-----------	-----------	-----------

覽一摺奉天錦州府屬大凌河東岸原准試
墾既據該將軍等查明實係牧馬不到之區
有界濠為限舊制昭然兩無妨礙與其久曠
地利徒使奸民偷種致啟爭鬪之端不如概
行入官一律升科著照所請准令錦州所屬
八旗五邊四路甲兵及牧羣衙門牧丁掣籤
分領仍令原佃租種照例升科責成地方官
妥為經辦其大凌河西岸馬廠正身仍不准
開墾以示限制○又諭耆齡奏官軍截擊大

股逆匪收復安仁並先勝後挫情形一摺九
月間李定太等進剿安仁賊匪於馬家壩新
路鋪連有斬擒行距東鄉五六里逆賊竄至
我軍追殺至磨盤山至十月初四等日復將
撲營之賊擊斃數百人及百餘人不等其由
何坊安仁分犯貴溪餘千各匪均被李元度
等擊敗進攻安仁全股竄往鄧家埠經邢萬
陞等殲斃百餘人溺斃甚多當將縣城收復
而各路賊眾悉竄東鄉帥遠燁周鳳山帶勇

趕到劉營李定太分路直撲賊壘連踏五座
殺賊三百餘人正在得手忽另股數千人撲
周鳳山等營盤愈聚愈多帥遠燁親督弁勇
堵禦因眾寡不敵手刃二賊與其姪帥疇廩
生萬泰同時被害李定太徐將隊伍撤回而
該逆已襲破周鳳山等營盤初九日賊分股
來撲錦字等營火起勇潰李定太馳往截剿
被槍擊斷手指猶復督隊力戰賊來愈眾遊
擊麟春等力戰陣亡此次署九江鎮總兵李

定太勦賊失利實因眾寡不敵且已力戰受
傷情尚可原著加恩免其議處另片奏署饒
州府知府馮詢會同已革道員石景芬督率
兵勇克復景德鎮等語所有撫建逆匪即著
福興相機進剿其逃回祁門之賊並著張芾
督同周天受等悉力截擊毋令再行紛竄○
以江西東鄉營盤被襲革副將周鳳山職留
營效力予陣亡道員帥遠燁通判陳徽言知
縣莊丙熊理問帥疇從九品巨丕勦遊擊麟

春長德恩騎尉劉朝棟把總柳逢源外委黎為貴等十九員。祭葬世職。額外外委阮得勝等賞卹如例。○乙酉諭內閣。福濟等奏。派兵進剿和州賊匪。疊獲勝仗一摺。逆匪由舍山竄撲和州。總兵音德布等疊次接仗。殺賊二百餘名。因糧餉不繼。退守官渡。副將塔思哈等帶兵赴援。會合知州陳麒昌等兵勇。由綽廟集等處分三路進擊。踏毀賊營五座。餘賊向石橋一帶奔竄。官軍追殺十餘里。生擒五十餘名。斬首七百餘級。傷斃賊擒及奪獲軍械無數。其由新甸廟竄撲烏衣之賊。因塔思哈等馳往援剿。即向江浦遁去。和州城垣坍塌。無可憑守。此次賊擒攻撲。音德布因兵單糧缺。突圍退守。仍能協同援軍。力保全滁。功過尚足相抵。總兵音德布。知州陳麒昌均著免其置議。仍責令進擣和州。以觀後效。○又諭駱秉章奏。官軍赴援廣西。疊獲大勝。進圍平樂府城一摺。湖南赴援廣西官軍。自克復

興安後。乘勝追剿。直擣平樂。先於太平鋪高上田西嶺等處。斃賊千數。百名該逆屯聚沙子街二塘墟。兩處恃險抗拒。即選道蔣益澧等商令江忠濬進攻街前。蔣益澧親率兵勇間道繞攻街後。焚燒賊船五十餘隻。斃賊約五千餘名。生擒長髮悍賊三百餘名。沙子街賊巢既破。二塘之賊亦聞風遁入平樂城中。蔣益澧一軍遂由二塘進攻府城之南。江忠濬一軍沿江進攻府城之北。現在分駐城外。大小校場四面圍攻。統計疊次殺斃之賊不下

一萬數千。賊技已窮。城池即可克復。著駱秉章仍飭蔣益澧。江忠濬等實力圍攻。迅圖蕪事。又諭前據葉名琛奏。廣西梧州府城失守。當將署知府陳瑞芝革職。拏問。並將其子陳登仕一併革職。茲據勞崇光奏報。梧州府城被匪圍攻。已越十旬。在城兵勇且戰且守。時有斬獲。嗣因糧絕。兵饑。該匪悉力來攻。以致失陷等語。陳瑞芝如果查無棄城逃避情

事業經革職著免其拏問留營戴罪效力勞崇光自請嚴議之處著加恩改為交部議處諭軍機大臣等前因和州失守滁州清流關喫緊諭令勝保袁甲三迅速撥兵前赴該處堵剿本日據福濟等奏和州賊匪經官軍進剿疊次獲勝現派兵勇駐劄烏衣防守滁州門戶並令音德布等分扼官渡要隘塔思哈等往來策應全滁業已化險為平等語清流關地方既有福濟等派兵扼守勝保等著

毋庸撥兵前往惟李孟羣因霍山失守駐劄麻埠兵力甚單自應亟籌援應勝保等前派總兵樂善進剿洪家集距六安州祇數十里恐尚不敷援剿著即酌量添派前往攻剿六安俟李孟羣克復霍山即可與勝保等所派兵勇會合為次第廓清之計毋誤事機將此由六百里諭令知之○又諭福濟奏請飭勝保等進圖六安並由湖北派兵堵扼英霍令李孟羣帶兵速赴廬州等語李孟羣一軍自

鄂援皖原以疏通廬州西境現在霍山復陷該司正當力圖克復與勝保等所派兵勇會克六安始能統兵前進此時斷不能令其即赴廬州致成株守前聞和州失守已命勝保等派兵扼守清流關以杜該匪北竄之路今既據福濟等奏和州獲勝全滁可保無虞本日已諭令勝保等毋庸派兵前赴和州專撥兵勇馳往六安與李孟羣合力進剿至湖北官軍沿江攻剿正當喫緊前經官文等奏明

實係不能分撥已飭進剿宿太之軍為李孟羣援應現在皖境賊匪充斥皆由桐城退敗之後該撫輒以餉缺為詞坐守廬州置失陷之區於不問以致賊勢愈張舒城復失含山和州相繼失事福濟身任封疆竟以用兵之事諉之鄰省既稱鄭魁士難於兼顧又欲李孟羣併入廬州似此情形直是以兵自衛所謂居中調度者其謀畫安在耶李孟羣素有謀勇雖偶然失挫得勝保撥兵相助必有轉

機鄭魁士久歷戎行戰功屢著當此賊氛猖獗應如何力圖攻剿將舒巢等失守各城次第收復以翦除該逆羽翼自固藩籬不當束手無策至此也音德布等已降旨免其置議塔思哈等獎勵亦照所請加恩儻和州不能即克賊蹤竄入清流惟福濟鄭魁士是問請調馬匹已諭上駟院挑選五百匹解赴廬州矣將此由六百里諭令知之○又諭前因四川省有協濟廣西經費銀十萬兩未經報解

當諭令迅即如數撥往應用本日據勞崇光奏廣西省賊氛猖獗情形危殆兵餉逋欠日多往往因餉需無措以致坐失事機請飭川省迅速濟餉等語所奏自係實在情形著王慶雲即將前項部撥廣西經費銀十萬兩迅即如數派員解赴粵西以濟要需儻因為數較多未能一起總解亦著趕緊陸續撥往毋再遲延將此由五百里諭令知之○以盛京戶部侍郎富呢雅杭阿為內閣學士兼禮部

侍郎銜調盛京禮部侍郎倭仁為戶部侍郎兼管奉天府府尹事以前任江西巡撫文俊為盛京禮部侍郎○命左春坊左贊善李載熙提督廣西學政○以湖南辰沅永靖道瞿誥為廣西按察使以楚軍援剿粵匪出力賞千總陳友勝等花翎把總彭連發等藍翎守備鮑得揚等加銜升選有差○以廣西南甯等處防勦不力革都司呂泰圖倫千總焦連玉職留營效力巡撫勞崇光下部議處○

予安徽桐城等城陣亡同知余之達守備馮繼武祭葬世職額外外委殷致祥賞卹如例○予廣西梧州等城陣亡知州倪濤巡檢王錫惠從九品刁槐遠把總黃良彪外委葉祥發榮陞額唐廷治李三喜祭葬世職軍功謝心田宋祥二陳得勝彭國佐賞卹如例○蠲緩山東濟甯厯城鄒平長山新城齊河濟陽臨邑長清萊蕪惠民陽信濱利津蒲臺單城武曹朝城聊城堂邑博平茌平清平莘館陶

冠恩邱夏津武城商河平原泰安曲阜甯陽
泗水滕汶上高唐臨清觀城新泰海豐霑化
蘭山費日照益都樂安濰陵德德平樂陵滋
陽嶧魚臺莒郯城蒙陰沂水平度昌邑高密
臨朐濮范陽穀壽張河澤鄆城齊東肥城東
平東阿平陰青城定陶金鄉嘉祥鉅野禹城
博興高苑章邱八十六州縣及德州東昌臨
清濟甯四衛被災地畝新舊額賦有差○丙
戌諭內閣吏部奏查明保舉人員與例不符

一摺鹽提舉銜候選通判孫洪金因勦捕李
月案內出力經邵燦庚長保奏業經降旨准
其俟選缺後以知州用茲吏部以該員係徐
州道王夢齡幕友向例不准保奏請將所得
獎敘撤銷孫洪金雖曾充幕友後已投效伊
興額軍營辦理文案出力即與幕友不同所
得獎敘著毋庸撤銷邵燦庚長均著加恩免
其議處伊興額王夢齡一併免議其現在幕
中襄理文案並未赴軍營效力者仍不得濫

行保薦以符定例○又諭和春奏賊匪圖援
鎮江官軍擊勦獲勝一摺金陵逆匪因鎮江
之賊被圍窮蹙率黨來援並勾結江北捻匪
麇集江濱參將馬得昭等先於句容紅子橋
地方斃賊數百名該逆復於十月二十六日
來撲高資西路營盤副將張玉良等分路抄
擊斬殺甚多張國樑復親督大軍迎擊柴圩
出援之賊兩路斃賊各數百名至二十九日
官軍水陸進攻火器齊施賊眾大潰副將馮

子材首先衝入賊壘各路官軍一齊擁入當
將南岸賊營全行奪獲和春親督將弁會合
張國樑乘勝長驅直過北岸水師都司賴鎮
海等以艇船扼住炭渚各路同時並進復奪
賊營六座由高資至下蜀街二十餘里賊壘
賊卡四十餘座悉數踏平計斃匪五千餘人
生擒三百餘人其下蜀街南路賊營十七座
復於次日經張國樑督同虎坤元一律踏毀
復斃賊二三千人高資以上直至龍潭迤西

援賊淨盡。此次該逆大受懲創。諒不敢再圖。竄併鎮江賊匪。已坐困無援。著和春等嚴斷接濟。迅督諸軍。剋期攻復。毋任竄逸。○命山西大同鎮總兵官鞠殿華。督辦江北軍務。以克復廣東英德縣城。並韶惠各城。勦辦出力。賞提督崑壽太子少保副將齡山。守備李際昌。李森。陳鳳儀。任士魁等。花翎巡檢鄒恩培等。藍翎餘加銜升敘有差。○以天津海運收米出力。予監督祝如濂等。加銜升敘有差。

予江南高資等處陣亡從九品王策雲。騎尉楊三元。千總孫錦堂。祭葬世職。○予故福建陸路提督秦定三子縣丞臺。以知縣用。○丁亥命廣西布政使胡興仁留京。以四川按察使曹澍鍾為廣西布政使。四川鹽茶道張思鏜為按察使。○以江蘇捐輸軍餉永廣東臺縣學額四名。興化縣一名。予福建汀州殉難知府延英。朱式璟。祭葬世職。朱式璟子及孫優卹如例。建甯殉難知縣楊士箴。祭葬

加等世職如例。並於死事地方。及原籍建立專祠。子繼賢一併議卹。附祀。○予福建傷亡副將畢定邦。祭葬世職如總兵例。○戊子賞湖北隱逸布衣萬斛泉。七品頂戴。宋鼎。鄒金粟。八品頂戴。從巡撫胡林翼請也。○己丑諭內閣。前據張芾奏。遊擊楊國正。觀望遷延。貽誤事機。遊擊楊金榜。棄營逃避。以致婺源縣城失陷等情。當交晏端書確查。叅辦。茲據該撫查明奏稱。從前師長鑣劉營中雲。曾經失

利。楊國正以中雲無險可扼。是以剽營。婺源城其移營新建時。帶勇祇一千餘名。續調玉山兵勇。復因德興有警。兼為兩阻。愆期。並非觀望。遷延。楊國正著免其置議。至遊擊楊金榜。於賊倡發城以後。已被踏破營盤。力戰多時。潰圍而出。雖據驗明。確係受有重傷。其非棄營逃避。亦尚可信。惟不能固守待援。實難辭咎。楊金榜著即革職。仍留營差遣。以觀後效。所有徽郡一帶防剿事宜。即著張芾督飭江

長貴周天受等妥為籌辦其在防將士並由張芾派委大員統領以期得力以克復安徽婺源縣城賞參將王夢麟巴圖魯名號參將余永椿等加銜升敘有差予祁門陣亡把總柳向春黃順祭葬世職五品軍功劉鴻恩賞卹如例庚寅

聖祖仁皇帝忌辰遣官祭

景陵諭內閣勝保奏請將任性妄為之知縣

革職查辦等語安徽署霍邱縣揀發知縣張

永保於三河尖販買票鹽之監生李錦江即

李韜索捐未允遽行正法並將其家屬驅逐

上岸撥取船內鹽斤變價勒令交錢並敢倒

填日期稟稱李韜有夥搶之案如果屬實亦

應訊明辦理何得遽行擅殺似此任性妄為

殊出情理之外張永保著即革職拏問解交

福濟提同案內人證嚴行審訊諭軍機大

臣等據勝保奏稱額郡糧臺需用浩繁豫省

之餉久無續解專待撥款解到以定軍心等

語現在勝保督兵進攻六安必須士飽馬騰方可迅圖克復著崇恩即遵前旨迅速於藩運二庫撥銀五六萬兩趕解勝保軍營以濟急需勿再遲延將此由五百里諭令知之○命前任工部右侍郎廉兆綸仍在南書房行走辛卯以安徽廬鳳潁道張光第為按察使壬辰諭內閣德興阿翁同書奏督攻瓜州大獲勝仗一摺瓜州逆匪被我軍圍攻日久德興阿等以南岸逆黨廣集江干時虞竄越分飭水陸各營嚴防截擊十月三十等日儀徵對岸李家溝楊家溝逆黨往來均經儀徵縣知縣楊鍾琛水師總兵陳國泰等兵勇擒獲多名德興阿等乘勢分路進攻瓜州賊巢十一月初二日進至四里鋪東西兩岸之賊出撲我軍猝起橫擊斃賊七八十名該逆踞濠抗拒富明阿鞠殿華等分路夾攻適焦山艇師與土橋紅單船上下轟駛陸路兵勇撲過賊濠斬殺餘匪數十名將賊礮臺二座

拆毀搶渡重濠直摩賊壘翁同書率同毛三元督令水礮臺向中流駛發助勢時金山賊船來援我軍攻撲愈勇礮斃之賊無算其金山鮎魚套一帶賊船亦經總兵陳國泰等迎擊溺斃此次德興阿等親督諸軍水陸力戰大獲勝仗著即與南岸各軍聯絡聲勢迅將賊巢攻拔毋再延玩○予安徽橫槎地方陣亡千總周永成朱衣劉殿華外委唐遇春胥占魁葉長年祭葬世職

欽此

奉

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百三十九

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四十

奏請將兵丁改折米石仍給本色一摺密雲兵丁向支一半本色米石嗣經改為折銀散放現在該處糧價昂貴兵丁糴食維艱所有應支一半本色粟米二萬三千二百石著自咸豐八年一起仍由豫東二省運津漕糧內截撥給放毋庸改發折色○甲午諭內閣廓爾喀久列藩封向來恭順前與唐古忒因小釁構兵旋即悔罪奉表業經傳旨嘉獎並免貢一次以昭優眷茲念該國王前有助兵之請

咸豐七年丁巳十一月癸巳諭內閣哈福那

奏請將兵丁改折米石仍給本色一摺密雲兵丁向支一半本色米石嗣經改為折銀散放現在該處糧價昂貴兵丁糴食維艱所有應支一半本色粟米二萬三千二百石著自咸豐八年一起仍由豫東二省運津漕糧內截撥給放毋庸改發折色○甲午諭內閣廓爾喀久列藩封向來恭順前與唐古忒因小釁構兵旋即悔罪奉表業經傳旨嘉獎並免貢一次以昭優眷茲念該國王前有助兵之請

忱悃可嘉。近復奉表輸誠。永敦和好。允宜再沛恩施。極加賞賚。廓爾喀額爾德尼王蘇熱達熱畢噶爾瑪薩哈著賞給貂皮馬褂一件。蟒袍一件。五色錦緞五匹。青摹本緞二匹。各色大緞八匹。荷包二對。瑪瑙煙壺一箇。白玉搬指一箇。總管噶箕藏格巴都爾著賞給貂腿馬褂一件。藍蟒緞一匹。青摹本緞二匹。各色大緞六匹。荷包二對。瑪瑙煙壺一箇。辦事大小頭目人著賞給各色大緞二十匹。紅綫綯一匹。綠綫綯一匹。荷包四對。小刀四把。即著滿慶派員頒發。交該國王等祇領。用示朕撫綏藩服。恩禮有加之至意。○又諭滿慶奏請達賴喇嘛之呼畢勒罕靈異幼童三名。一摺。自達賴喇嘛涅槃已及二年。茲據滿慶奏稱其穎悟異常。顯著瑞靈幼童三名。實屬祥瑞之事。朕心悅慕。著照所請。即遵成例。將此三幼童之名入瓶。敬謹掣定。呼畢勒罕。由驛奏聞。諭軍機大臣等。滿慶奏請加恩獎賞。

廓番並需用賞物業。已捐廉製備。開單呈覽。一摺。上年廓爾喀進表助兵。嗣與唐古忒構釁。旋自悔罪和息。均經前任駐藏大臣諄齡等許以獎勵。現經該番總噶箕令駐藏噶南投遞夷稟。冀邀恩賞。據滿慶查明嘉慶七年間成案。請將該國王及噶箕頭目人等。量予賞賚。係屬援案辦理。並將應用賞件。捐廉製備。所籌尚屬周妥。本日已明降諭旨。將該番恭順情形嘉獎。並敘明賞件。著滿慶於奉到後。即恭錄諭旨宣示。並將賞件頒發。俾該國王人等咸知感戴。以綏邊圉。至滿慶所請。將該國總噶箕藏格巴都爾賞加清字名號之處。著無庸議。該大臣捐備賞件。已有旨交部議敘矣。將此諭令知之。○盛京將軍慶祺等奏派員捕拏昌圖廳屬八面城匪徒。得旨。迅速殲除。勿令蔓延。○緩徵陝西米脂縣被旱地方出借倉穀。○乙未。諭內閣。何桂清。晏端書。奏督防大員。籲懇給假。請旨暫留一摺。並

將張芾原摺代為呈遞前因徽州軍務喫緊諭令張芾暫留防勦俟軍務稍平給假六箇月回籍葬親茲據張芾奏婺源祁門逆匪先後擊退景德鎮亦已收復懇請給假回籍何桂清等則稱池太各屬上下游敗匪尚在窺伺徽甯若遽易督防大員諸事恐難應手並據徽州等處鎮將官紳合詞稟請仍留張芾調度該督撫等奏請暫留實為皖南大局起見張芾著仍留徽州督辦防勦俟徽州軍務漸就肅清再行給假回籍營葬○丙申諭內閣載齡奏請添種樹株繪圖呈覽一摺

慕陵

慕東陵相連處所並空闊地面補種樹株著照所請即於來歲春融如數敬謹栽種○又諭德興阿翁同書奏克復瓜州殲賊殆盡一摺瓜州逆匪據險負隅已歷數載自德興阿等統兵以來悉力圍攻疊次奏報水陸均能得手正盼捷音速奏迅掃賊巢茲據該大臣等

奏稱自十一月初九日起德興阿親督兵勇墊道移營更番進逼適南岸賊援又經和春等擊退該逆糧盡援絕計無所施十二日官軍分路前進直抵賊營縱火焚燒將土城四面圍裹大江南北同時火起飛燄燭天大兵踰城而入逆眾無路奔逃紛紛亂竄焚斃一千七八百人投江淹斃者不計其數登舟南竄之賊復被艇師截擊覆溺無遺賊營五座一律踏毀起獲大礮三百尊旗幟槍械二千

餘件賊船二十餘隻救出難民一千餘人當將瓜州克復覽奏實為欣慰該大臣等即乘此聲威迅克江浦一俟鎮江克復南北兩軍合擣金陵殄滅渠魁共膺懋賞朕實有厚望焉以克復江南瓜州賞欽差大臣德興阿雙眼花翎騎都尉世職詹事府詹事幫辦軍務翁同書黃馬褂以侍郎候補總兵官鞠殿華加提督銜○蠲免江蘇上元江甯句容溧水高淳江浦六合儀徵丹徒江都銅山蕭縣

山丹陽金壇溧陽長洲元和吳江震澤常熟昭文崑山新陽太湖華亭婁奉賢金山武進陽湖無錫金匱江陰宜興荆溪靖江太倉鎮洋崇明南匯青浦川沙嘉定寶山四十六廳州縣並蘇州揚州徐州太倉鎮海金山鎮江七衛被擾地方額賦有差○丁酉以熱河大閘鎮勒匪出力予道員賽音博勒格圖等下部議敘○以江蘇辦理海運出力予同知蔡映斗等加銜升敘有差○戊戌諭內閣和

春奏四次擊退賊援攻克鎮江府城一摺覽奏實深欣慰金陵逆匪分黨占踞鎮江與瓜州逆黨互為犄角已閱五年昨據德興阿等奏克復瓜州朕料賊勢窮蹙鎮江必能得手茲據和春等奏稱自十月二十九日大捷之後張國樑等連奪下蜀街西賊營十七座陣斬首逆洪秀泉之姪偽安王洪仁發等首級十餘顆該逆復集大股來援本月初九日官兵進抵龍潭殺斃前敵賊匪多名虎坤元等

衝入賊壘立將賊營縱火焚燒該逆四散奔走復燬賊營七座賊卡二處追殺數十里積屍遍野約斃六七千名生擒百餘名砍取首級二千餘顆奪獲銅鐵礮六十餘尊計金陵四次來援之賊均已擊殺殆盡十二日張國樑等知鎮江逆匪糧絕援斷必將傾巢出撲遂即督隊分攻各門和春親督副將劉季三等攻寶蓋雲臺摩旗諸山賊營是夜直逼外濠賊猶開槍抵拒虎嵩林飭放火箭燒入賊壘逆匪奪路欲逃被官軍擁進又斃多名即將摩旗山賊營奪獲其分攻寶蓋雲臺諸山官兵亦奮勇直進襲殺甚多山上賊營同時焚毀余萬清等分打各門直逼城下李若珠督兵衝入余萬清等繼至賊仍開放槍礮兵勇乘梯冒煙砍斃數名餘賊紛亂驚逃隨即登城四面殺進斃賊不可勝計遂於是日亥刻將鎮江府城克復其由城內及城外突出之賊分三路直撲高資先經張國樑嚴陣以

待該逆卻而復前。適和春等馳至會合各軍。前後夾擊逆屍枕藉。冒死衝出者被槍礮轟斃極多。和春與張國樑由高資追至倉頭。沿途殺約計斃賊將及萬人。生擒五百餘名。砍取首級三千餘顆。沿江逃竄之賊亦經陳世忠等水師擊斃不少。仍著該大臣等乘此聲威直擣金陵。殲厥渠魁。用彰天討。○又諭德興阿。翁同書奏續報水師會同攻克瓜州。進逼金山等處勝仗。並陸路官兵殲賊淨盡。

一摺本月十二日。德興阿等督兵克復瓜州。時水師總兵陳國泰親督守備李逢春等分駕紅單等船駛進瓜州大口。斬斷鐵鍊。擊沈該匪大小船多隻。淹斃不計其數。又焦山水師總兵泊承陞。陳世忠等亦於是日將瓜州小口賊船擊沈三十餘隻。乘勝進逼金山。登岸搜捕餘賊披靡。死者無數。各艇復逼近瓜州之新河口。龍王廟等處。立將賊隄攻毀。搜獲礮械火彈等件甚多。時陸路副將英貴等

於江邊蘆葦叢中。又搜獲餘匪五百餘名。內有偽總制蕭有方等。俱已正法。瓜州一帶東西數十里一律肅清。並無竄匪漏網。勦辦實屬奮勇。所有土橋焦山水師出力各員弁著德興阿等查明彙保請獎。候朕施恩。○諭軍機大臣等。和春。何桂清等先後奏報大兵克復鎮江。各一摺。覽奏實深欣慰。金陵逆匪分踞瓜州鎮江。倚為犄角。德興阿。和春等督兵進勦。斷賊接濟。擊退外援。將瓜鎮兩處賊巢

同日克復金山一帶賊匪亦經水師攻勦一律肅清。金陵賊勢已孤。指日大軍即可直抵賊巢。殲擒首逆。但江浦縣城尚為賊踞。德興阿派成明等督帶馬步諸軍前赴浦口。並令陳國泰管帶師船西上。叢爾孤城諒已不難攻克。惟六安匪眾由和州渡江來援者。號稱數萬。雖經張國樑等擊退。殲斃甚多。其竄往金陵者諒尚不少。況上游安慶巢窟未除。此時攻勦金陵必須統籌全局。所有江北一帶

著責成德興阿翁同書。勅殿華督飭將弁迅
速進剿。和春張國樞留兵駐守鎮江。即可進
攻金陵。鄧紹良扼守甯國。與蕪湖相近。並著
飭令相機援應。至金山為江面要隘。業經水
師駐劄南北。皆可策應。著即飭令該總兵等
實力巡邏。使上游匪黨不能下竄。中流得此
鎖鑰。則勦辦金陵較易得手。此時江路既通。
文報無阻。該大臣等正可隨時會商辦理。迅
奏膚功。以慰朕望。何桂清已派員馳往鎮江。

辦理善後事宜。並擬親赴大營。犒賞軍士。更
足鼓舞兵心。懽欣用命。其瓜州一帶地方。應
辦善後事件。亦著該督妥籌布置。將此由六
百里各諭令知之。○新授直隸通永鎮總兵
官虎坤元奏謝升授恩。得旨。聞汝父子在軍
營甚為奮勇。汝年未三十。已膺顯秩。務自勉
自勵。以副朕望。○以攻克江蘇鎮江府城。賞
欽差大臣和春雙眼花翎。二等輕車都尉。世
職。幫辦軍務張國樞。騎都尉。世職。總督何桂

清太子少保按察使王有齡。二品頂帶。三品
頂帶。幫辦軍務許乃釗。總兵官余萬清。花翎
總兵官王浚等。加銜升敘有差。予陣亡外委
周元彪祭葬。世職。○己亥。以祥雲渥沛。遣惠
親王綿愉詣

大高殿。惇郡王奕訢詣

宣仁廟。

凝和廟。恭親王奕訢詣

昭顯廟。

時應宮拈香報謝。○庚子。諭內閣。英桂奏。官
兵追剿西路竄匪獲勝。殲除股匪殆盡。一摺。
十月二十四等日。德楞額等督帶兵勇。至黃
柏溝地方。匪眾圍竄。我軍迎擊。斃賊數十名。
該匪分兩股逃竄。德楞額等奪路進攻。斃賊
數十名。生擒賊匪于安生等二名。復追殺十
餘名。奪獲槍旗等件。該匪竄入山溝。抵死抗
拒。兵勇乘勢前進。賊眾狂奔。沿途追殺賊匪
三百餘名。生擒楊凌兒等五十餘名。奪獲贏

馬槍械無數。其竄入嵩境股匪。經永甯等縣團勇迎擊。斬擒甚多。餘匪分竄陝州魯山各路。兵勇會勦。匪勢不支。紛紛逃竄。把總徐春芳。生擒擒首王三。擄子救出難民百餘人。匪眾落崖死者無算。生擒首夥四十三名。擒首宋魁等五名。當經正法。臬示汝州魯山境現已肅清。勦辦甚為得手。著英桂仍飭德楞額等迅速勦除西路竄匪。其南路山內伏匪。仍飭各該地方員弁認真搜捕。毋留餘孽。○諭

軍機大臣等。昨據德興阿和春先後奏報。本月十二日克復瓜州鎮江。已諭令該大臣等乘勝進攻。指日大軍直抵金陵。不難掃穴擒渠。大功告成。惟該逆鋌而走險。若從金陵竄出。必奔安慶。而上游九江尚未克復。楊載福一軍勢難遽行東下。該提督前已駛過安慶。攻燬賊營數處。其用兵謀略實有過人之處。現在金陵即日可望克復。若得該提督水師與紅單等船會勦。該逆必無逃竄之路。著官

文等即傳旨令楊載福速攻九江。毋再延緩。一經得手。即乘勝將沿江賊壘掃除。直抵安慶。都興阿督帶陸兵進勦宿太。如楊載福已克九江。移師東下。都興阿即當親督馬步隊沿江前進。與楊載福水師相輔而下。更能得力。楊載福已離楚境。以後軍務情形。即著該提督自行奏報。如與都興阿軍營相近。即著會銜具奏。毋庸仍由官文等代奏。以期迅速。將此由六百里諭知官文。都興阿。胡林翼。並

傳諭楊載福知之。○又諭前因六安賊勢猖獗。李孟羣兵單失利。疊諭勝保等分兵往援。嗣據該副都統等奏。以六安西路責成樂善相機防勦。步步移營進剿。以為李孟羣聲援。袁甲三駐守正陽。控扼要隘。勝保俟豐圩一帶擒匪就戮。亦即督兵親擣六安。現在英桂自移營葉縣以來。調度各軍。追勦竄匪。業已將次淨盡。而六安尚未攻克。又失霍山。既恐李孟羣兵力難支。加以舒桐巢縣廬江等處。

徧地賊巢。福濟鄭魁士幾成坐困。即日江南大軍克復金陵。該逆必奔安慶。皖北甚為喫重。不可不先事綢繆。著英桂即行回駐正陽。與袁甲三扼守要隘。勝保即挑選精兵馳往六安。迅將該州克復。即可與李孟羣會勦霍山。其舒桐各縣均屬毗連。並可與福濟鄭魁士會同攻勦。次第收復。冀皖北逆氛稍熄。庶幾金陵克後。不至與竄逸逆黨聚為大股。又成燎原之勢。勝保素稱勇敢。逆匪震其聲威。若與李孟羣鄭魁士會合。必能所向克捷。皖北一帶不難悉數蕩平。其正陽要隘及圩匪未盡之處。即著英桂袁甲三督率將弁防勦兼施。如有疏虞。惟該撫等是問。將此由六百里各諭令知之。○又諭英桂奏東省匪徒竄至直隸開州等處。請飭直隸山東兩省一體堵勦等語。據稱山東曹屬捻匪出沒靡常。本月初五等日有匪徒二三百人攜帶軍械竄至直隸開州之柳下屯及河南湯陰滑縣濬

縣林縣等處。經各該縣節次堵勦。該匪不敢停留。向開州東明一帶竄逸等情。此股匪徒經豫省官兵追勦出境。尚未殲除淨盡。開州等處前據譚廷襄奏業經添撥官兵會合兜拏。仍著與崇恩各飭所屬於交界處所偵探匪蹤。實力堵勦。務將餘匪悉數殲滅。毋任奔竄蔓延。將此由五百里各諭令知之。○以進勦河南西路竄匪獲勝。開復巡撫英桂革職處分。辛丑諭內閣勝保等奏請將飾詞捏稟之侍衛摘去頂帶等語。侍衛伊興額經勝保等調令進兵勦匪。輒先因病折回徐州。且前據邵燦等奏該侍衛整隊渡河平毀王家圩賊巢及勝保親歷察看王家圩賊數最多。並未平毀。伊興額疊次勦辦。捻匪尚能出力。當此攻勦喫緊之際。輒敢捏詞冒功。又復不遵調度。著摘去頂帶。仍責令派員帶隊先赴勝保軍營暫歸史榮椿管帶。伊興額俟病痊後迅即前往接管。以觀後效。儻再不知奮勉。

即著從嚴叅辦○諭軍機大臣等前因和州獲勝全滁安堵諭令勝保等無庸派兵赴清流關嗣以瓜鎮同時克復設江南大軍進攻金陵得手則逆匪四出奔竄皖北恐形喫重復諭令英桂回駐正陽與袁甲三嚴守要隘勝保親赴六安速將該城規復以杜賊匪北竄本日據勝保袁甲三奏抽撥兵勇前赴清流自係未奉續降諭旨並據稱歸蒙霍固等處尚多伏患從前北竄之賊皆入自豫疆必

須勝保在北路控制以安腹地設專事南征深恐兼顧不及應俟楚軍西來三面兜圍即可籌復淮南郡縣並請於河南省截留漕糧六七萬石濟餉各等語所籌各情固為斟酌緩急起見惟六安為逆賊巢穴仍應速籌收復以期次第進攻軍務變幻靡常未容以有用之兵賦閒株守英桂接奉前旨當已馳赴正陽即著勝保袁甲三會同妥商將如何派撥重兵前赴六安並何人可以親往督攻以

期得力之處悉心酌度辦理毋涉推諉其臨淮關守禦事宜著勝保等咨行福濟派撥兵勇嚴密防範所請截留漕糧著英桂於本年起運漕糧內酌截六七萬石解赴勝保等軍營俾資搭放惟現在京倉支絀所截糧石仍著英桂設法籌補足額運京至勝保等奏請撥山東省餉銀五六萬兩已於前次奏到時諭令崇恩如數撥解矣將此由六百里各諭令知之○又諭本日據勝保等奏侍衛伊興

額託病不遵調遣等語該侍衛伊興額前經勝保等奏明令其由瓦子口一帶助勦旋據奏稱十月初二等日已在渦北接仗獲勝何以於十九日輒即帶隊徑回徐州且勝保接據邵燦咨會亦有催令即日啟程之語迄今月餘仍未帶兵前往轉以患病為辭藉詞逗遛當此攻勦喫緊肅清蒙亳即所以保衛徐州即使該侍衛患病屬實亦應酌派營總等官管帶前進豈容以有用之兵置之無賊之

地著邵燦庚長。查明該侍衛是否實係患病。抑或藉詞捏飾。據實具奏。將此由五百里諭令知之。○改鑄盛京將軍印信。從慶祺請也。○壬寅。命都察院左副都御史書元。通政使司通政使黃贊湯。往楊村查驗剝船。○以直隸永定河工竣。開復道員崇厚等革職。留任處分。○癸卯。諭內閣。前因吳振械奏行抵滇。境訪知紳士辦團。不得其平。激成釁端。是以降旨將黃琮。竇塈。革職。並剴切宣示回民。悔罪投誠。免其誅戮。儻始終怙惡。自外生成。即著該督統兵進剿。此朕一視同仁。不分漢回。但分順逆之意。吳振械並非不論曲直。專主撫綏。即朕所降諭旨。亦何嘗有所偏袒。乃近日御史陳濟尹。耕雲。奏均以吳振械辦理失當。恐誤地方。本日御史吳焯。復以愚民誤會。恐團練解體為詞。直似從前辦理。並無錯謬。今頒寬大之詔。轉疑故縱回民。豈知從來辦理軍務。原無盡殺之理。或應先勸後撫。或應

先撫後勸。全在帶兵大員。體察機宜。非局外所能參酌。朕以吳振械久任封疆。於雲南情形。又能熟悉。是以授為總督。令帶川兵赴滇。何處應勸。何處應撫。料該督斷不豫存成見。致誤事機。即朕尚不肯於萬里之外。遙為牽制。使之掣肘。該御史等。安見先勸之必有把握。而紛紛彈劾。指為辦理失宜。如果吳振械先撫後勸之議。迄無成效。朕不難治以應得之罪。今成敗未有端倪。而羣加指摘。朕豈能築室道謀。使該督無所適從。異日得所藉口。耶。至團練殺賊。捍衛閭閻。各省保舉獎勵者。不可勝數。前降諭旨。有借團練為名。肆行殺掠者。即以軍法從事。原指雲南漢回仇殺而言。然即各省鄉團。亦豈有聽其肆行殺掠。不加鈐束之理。吳焯恐愚民誤會諭旨。賊至而坐以待斃。尤為可笑。潰散兵勇。成羣搶掠者。尚准民間格殺勿論。何況賊匪。豈有不知抵禦。朕知民雖至愚。斷不至如該御史之顛倒。

是非也。所奏均毋庸議。○以山西省捐輸軍餉永廣鄉試中額三名。廣東捐輸軍餉永廣鄉試中額四名。南海番禺順德三縣學額各十名。興甯縣九名。香山嘉應一州縣各八名。東莞縣六名。新會縣五名。增城龍川澄海開平茂名五縣各二名。清遠新安新甯英德歸善連平博羅潮陽大埔高要陽江新興化河源長樂十五州縣各一名。○緩徵河南汜水縣沙壓地畝額賦。○甲辰以河南防汛防河

實錄卷一百一

下

出力賞同知范鵬程。知州朱壽金。守備周貞元等花翎。通判徐思穆等藍翎。知府王憲等升敘有差。○乙巳諭內閣德興阿翁同書奏水師攻破燕子磯等處賊壘大獲勝仗一摺。官軍克復鎮江瓜州後金陵復出賊船多隻屯聚觀音門口內意圖援救逃匪。參將黃彬等於本月十三日督兵直進內河賊望下關遁去官兵乘勢追剿賊眾棄船登岸兵勇復登岸追捕水陸斃賊無算奪獲賊船五隻礮

位刀矛多件。是夜儘先遊擊彭常宣瞭見已斗山下有賊船往來即乘月色駛擊轟沈賊船一隻餘賊棄船向燕子磯賊壘奔竄彭常宣等捨舟追擊把總錢鳴皋首先登壘偽將軍陳恩書據門抗拒被彭常宣擒斬立將賊壘攻破賊眾除殲斃外投塘落澗者不可數計奪獲礮位旗械百餘件先是參將李新明於十二日在帶子洲奪獲賊划四隻十三日於郭家斗門生擒長髮賊四名遂乘勝於十

實錄卷一百一

上

四日登石埠橋直擣賊壘賊眾紛紛潰散當將賊壘平毀奪獲大礮擡礮數十位器械米糧無算燕子磯與石埠橋均係金陵險要經該水師將弁將賊營悉數剷除辦理極為得手即日江南大兵乘勝進剿必當一鼓成擒此次在事出力員弁著德興阿等彙入克復瓜州案內擇尤保奏候朕施恩○又諭前因張芾奏參副將蕭知音等退避畏蕙各情當諭令何桂清據實查參茲據該督查明具奏

副將蕭知音。經鄧紹良派防崇覺寺等處。當霧露嶺官軍失和。石埭縣城失守。輒先退守章村。本屬咎有應得。姑念該副將帶兵進剿老鴉山。力扼賊衝。屢獲勝仗。俾水陸官軍得以會合進剿。功過尚足相抵。蕭知音著免其置議。升用副將蔣錫光。於崇覺寺衝要地方。輒以兵力單薄為詞。雖非有意推諉。究屬辦理羸率。著交部議處。儘先守備馬雲龍。明知大通有警。一經鄧紹良札調。即自拔營徑回

實錄卷二百四十一

三

涇縣。不肯暫留石埭。實屬不知緩急。著即革職。仍留營效力。前任總兵秦如虎。當守備吳正熙在萬級嶺兵敗時。並未撥兵應援。實因傷病復發。並非有心坐視。業經開缺。著毋庸議。○諭軍機大臣等。有人奏上年三月間。總兵都隆阿。由崇覺寺撤防。輾轉退避。致涇縣南陵相繼失守。團丁傷亡甚多。十月間。都司余永椿布政司經歷蘇式敬帶勇赴援。經團董九次請救。避匿不出。反退至山口。致涇縣

復陷。太平告急各等語。除蕭知音等已據何桂清查明覆奏。其都隆阿。余永椿。蘇式敬三員。有無臨敵卻退情弊。仍著何桂清按照所指各款。確切查明。據實叅奏。毋稍姑容。原片著抄給閱看。將此由四百里諭令知之。尋奏都隆阿等。尚無退避情形。報聞。○改鑄湖北黃州協副將關防。從總督官文請也。○以辦理江北糧臺出力。布政使文煜。楊能格。下部議敘。有差。○丙午。

實錄卷二百四十一

三

上還宮。○諭內閣。載華等奏請將官兵俸餉。仍歸地方官領解一摺。東陵兵餉。同官員俸粟米折銀兩。向由遵化等各州縣按四季首月。赴藩庫領解散放。嗣經直隸總督議由承辦衙門委員赴司請領。往返需時。有妨執事。嗣後著仍由各州縣照例按四季之首月領解散放。以符舊制。○命理藩院尚書肅順。都察院左都御史瑞常。兵部左侍郎王茂蔭。刑部右侍郎孟保。在紫禁城

騎馬○以阿克蘇守城出力○賞員外郎雅爾
佳納○守備楊清○越花翎○印房章京伯英額等○
藍翎○餘升敘有差○

畜

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十

大清文宗協天翊運執中垂謨懋德振武聖考
淵恭端仁寬敏顯皇帝實錄卷之二百四十一

大興寺住持戶部書格加十三級紀錄十四次月曾領書本總管官紀庭撰書本大條文四開領國事書本做題卷日教習唐書士體仁閣
 大興寺住持戶部三庫書格管理刑部書格加二十三級紀錄十六次月周祖堯題長官文少保管理刑部書格附文入庫書機大臣
 理兵部河洲都院戶部書格管理三庫書格加四級常加五級紀錄十二次月曾奏題庫官紀庭撰書本條文四開領國事書本做題卷日教習唐書士體仁閣
 清州府鹽稅官上監題卷本都院理部書管理吏部書本海虞書本再加二級筆功加四級隨帶加八級紀錄五次月徐仲理等書本

救修

咸豐七年丁巳十二月戊申朔癸亥甘肅臬

蘭靖遠隴西和安化平羅徽崇信靈臺鎮
原河狄道安定固原甯夏甯朔靈中衛碾伯
涇二十州縣及鹽茶廳沙泥州判隴西縣丞
所屬被雹被水被旱災區新舊銀糧草束○
已酉諭內閣曾望顏奏叅知縣捕務廢弛匿
案不報一摺陝西澄城縣知縣梁際殷於竊
賊逾牆撞門嚇禁臨時行強重案並不勘驗
通詳延及二載賊賊尚無破獲實屬有心諱
匿若不嚴加懲創不足以儆昏惰而靖地方

梁際殷著先行撤任。交部嚴加議處。留於該地方協同接任之員。勒限嚴緝賊犯。該管同州府知府慧誠失於覺察。並著交部議處。○諭軍機大臣等。有人奏。山西夏縣知縣趙彭壽。於張尉氏等三家被賊搶劫。案懸無獲。反以控報不實為辭。太平縣知縣錢官垓。藉捐勒借。匿多報少。本年劉昌海控案。囑典史倪申之。圖詐贓銀。復囑該典史。邀教諭宋克揚關合。致有畏罪自縊等事。又有人奏。靈邱縣

知縣王心田。借壽科派。官價勒買。濫索捐生錢文。捕蝗工價草束銀兩。並因詐贓不遂。故入人罪。又榆次縣知縣陳曜圖。縱容門丁刑書藉端訛詐。於史姓被劫一案。改劫為竊。盜犯無獲。各等語。州縣縱盜剝民。最為地方之蠹。亟應從嚴叅辦。著恆福按照所奏各情。據實查叅。毋稍徇隱。昨據該撫奏。太平縣稟報有典史倪申之。因與教諭宋克揚。口角爭鬪。自縊身死。現已提省集訊。是否即由該縣錢

官垓詐贓所致。務須嚴切根究。毋任捏詞掩飾。致有不實不盡。原摺二件。均著鈔給閱看。將此諭令知之。○以江南水師按察逆首出力。賞遊擊彭常宣。巴圖魯名號。○予江南陣亡守備蔣有元。千總包占元。外委王得斌。祭葬世職。展京師內城六門外煮賑三月。○庚戌諭內閣。葉名琛。柏貴奏。逆匪攻陷城池。旋即克復一摺。本年八月間。廣西逆匪攻撲開建縣城。署知縣巴達蘭布等。督率兵勇守

禦。因眾寡不敵。被賊攻陷。旋經提督崑壽督飭參將鳳儀等。馳往勦辦。直抵南豐墟前。賊匪分路來撲。各兵勇合力進攻。斬殺一千餘名。復追捕竄賊多名。即將縣城收復。辦理尚為迅速。所有在事出力文武各員。著該督等擇尤酌保。候朕施恩。至該管文武。例有處分。業經隨同克復。功過尚足相抵。著免其查辦。又諭。葉名琛等奏。官軍收復老隆鎮。並陸續殲擒賊匪一摺。江西南安贛州。勦敗餘匪。

竄入廣東境內。經葉名琛飭令署惠州府知府海廷琛等督帶兵勇紳團水陸攻剿。該匪竄踞龍川縣屬之老隆鎮。意圖久踞。經該署府督兵次第勦除。擒斬首夥賊匪四千六百餘名。當將該鎮收復。地方一律肅清。辦理尚屬認真。所有此次出力員弁紳勇。准其擇尤保奏。毋許冒濫。仍著該督嚴飭在事文武實力擒捕。務絕根株。以靖閭閻。又諭吳振械、張亮基奏請仍開鉛禁一摺。雲貴廠地出產

鉛斤向准商賈出售。前任四川總督黃宗漢因恐軍火有關。奏明停止。茲據吳振械等查明此項鉛斤並不能鑄造槍礮鉛丸。而自禁閉以來貧民失業反多苦累。自係實在情形。所有雲貴各屬商販鉛斤著仍行開禁。並准其領票行銷以濟窮黎。又諭吳振械、張亮基奏請將存銅鼓鑄錢文一摺。四川瀘州等處存有運京銅鉛積壓日久一時未能起運。現值滇省辦理軍務需用孔亟。所有此項存

銅並永甯畢節一帶所存鉛斤著准其暫行動用。即照所議派員設局。知照四川總督鼓鑄錢文以濟軍需。仍著該督等將動用銅鉛設法籌補以備運京之用。諭軍機大臣等。葉名琛奏英、喇二酋呈遞照會據理回覆各情形一摺。該夷酋自知理曲猶肆要求希圖獲利。該大臣據理辯駁委婉詳明措詞甚為得體。諒該酋當無從置喙。前此屢至各口皆係啖夷酋狼狽為奸。喇夷向未干預。此次

隨同要挾顯係受喇酋慫恿。喇酋雖為咆首牽制。幸該國王不許與中國滋事。不過稍遲時日自有轉機。葉名琛既窺破底蘊該夷伎倆已窮。俟續有照會大局即可粗定。務將進城賠貨及更換條約各節斬斷葛藤。以為一勞永逸之舉。如果該夷兵船全行退出各國貿易開船有期。即著迅速馳奏。此時各省軍餉待用孔殷。該督定能兼權緩急早裕利源也。將此由五百里密諭知之。○五品頂戴幫

辦雲南軍務張亮基奏。查明回民滋事情形。現籌招撫宣布德威。俾善良悔悟。奸宄勢孤。乃可分別勸懲。得旨。所奏實為不易之論。無成見。故能有定見。恩威並濟。勿為菲言所惑。朕拭目以觀厥成。○以克復安徽正陽關。並霍邱縣城。賞委參領烏勒興阿。巴圖魯名號。知府周士鍵。徐丹桂。同知劉光健。參領成祿。佐領舒敏。防禦雙明。烏章。阿遊擊保英等。花翎防禦德印等。藍翎餘升敘有差。○以勦辦

四川建昌等處夷匪出力。賞總兵官占泰。守備穆租。索朗巴圖魯名號。道員鄂惠。按察使銜知州恆泰。祥慶。遊擊德茂。雲騎尉高凱等。花翎外委馬應發等。藍翎餘升敘有差。○以克復廣東順德縣城。賞在籍太常寺卿龍元。僖三品銜郎中葉錫彤。郎中銜葉長齡。員外郎銜葉洪光。葉芸玉。葉景陶。運同銜葉晦巖。同知銜葉德馨。遊擊葉應元等。花翎知縣沈駿選等。藍翎餘升賞有差。○予廣東開建縣

守城殉難知縣巴達蘭布。典史華楷。守備常奇珍。外委潘得楷。祭葬世職。○蠲緩江蘇豐沛。邳。長洲。元和。吳。吳江。震澤。常熟。昭文。崑山。新陽。華亭。奉賢。婁。金山。上海。南匯。青浦。川沙。武進。陽湖。江陰。宜興。荆溪。丹陽。金壇。溧陽。山陽。阜甯。清河。桃源。安東。鹽城。高郵。泰東。臺。江都。甘泉。興化。寶應。銅山。蕭。碭山。宿遷。睢甯。太倉鎮。洋嘉定。寶山。海。沐。陽。贛。榆。通。泰。興。海。門。上元。江甯。句容。溧水。高淳。江浦。六合。儀徵。太

湖。無錫。金匱。靖江。崇明。如皋。七十廳州縣。蘇州。太倉鎮。海。金山。鎮江。淮安。大河。揚州。徐州。九衛。被水被旱被兵地方。新舊額賦。漕項銀米。及租課攤徵。出借籽種口糧。○辛亥。諭內閣。倭仁奏。請將京察展限一摺。倭仁調任盛京戶部侍郎。甫經月餘。所有該部舉行京察。著准其展限三箇月。以昭詳慎。○又諭。駱秉章。胡林翼。會參赴援江西之帶兵官。濫收游勇。請旨革訊一摺。已革副將周鳳山。經駱秉

章派令赴援吉安。輒敢不遵批飭。擅收游勇至數千名之多。安福之敗。不戰自潰。沿途騷擾。經駱秉章飭屬查拏。始將外委黃天蓋。稟請究辦。廣東南韶連鎮吳坤修。經胡林翼派令赴援瑞州。輒於途次增招游勇。在湖南境內隨處滋事。迨至江西。又復增招三千餘名。瑞州賊竄之時。該員距賊最近。毫無斬獲。且有勇丁接濟賊糧之事。屢經胡林翼札飭。抗不稟復。似此謬妄之員。若不嚴加懲辦。何以肅軍律而靖地方。周鳳山業已革職。著毋庸留營效力。吳坤修著即革職。均交耆齡提省嚴行查訊。按律懲辦。其原帶各勇。即著另派妥員簡練管帶。以資得力。○又諭李孟羣奏。官軍攻勦霍山賊匪。連獲勝仗。收復城池一摺。六安州賊匪分踞霍山。經李孟羣督飭知府袁懷忠。知縣王自簫等。會同英山縣知縣周宗文。帶練進勦。守備余先元。帶勇援應。內外夾擊。斃賊多名。四山之賊。同時驚潰。懸崖

落礮。死傷相藉。適遇王自簫。伏勇齊出。迎頭截擊。斃賊無算。復於梁家灘地方。生擒長髮巨捻二十餘名。該逆盡向青山敗走。當即收復縣城。分軍追擊敗逃賊匪。殲除殆盡。著李孟羣督飭兵勇。迅攻六安。淨埽賊蹤。知府袁懷忠。代理霍山縣知縣王自簫。守備余先元。前因督勦不力。摘去頂帶。茲已帶勇殺賊立功。著即開復頂帶。其餘出力紳團弁勇。著查明彙案保奏。○又諭耆齡奏。官軍進攻吉安。

肅軍律而靖地方。周鳳山業已革職。著毋庸留營效力。吳坤修著即革職。均交耆齡提省嚴行查訊。按律懲辦。其原帶各勇。即著另派妥員簡練管帶。以資得力。○又諭李孟羣奏。官軍攻勦霍山賊匪。連獲勝仗。收復城池一摺。六安州賊匪分踞霍山。經李孟羣督飭知府袁懷忠。知縣王自簫等。會同英山縣知縣周宗文。帶練進勦。守備余先元。帶勇援應。內外夾擊。斃賊多名。四山之賊。同時驚潰。懸崖

連獲勝仗。並克復吉水縣城。攻破水東賊壘一摺。吉安逆賊。負隅抗拒。並分踞吉水縣城。記名總兵普承堯。分路由真君山等處進攻。斃賊二千數百人。焚毀賊巢十餘處。即補知縣黃秉珍等。進攻縣城。出拒之賊。被殲無算。官軍乘勢登城。當將縣城收復。竄逸之賊。復殲斃千餘人。官軍進攻水東賊壘。先後擒斬二千七百餘人。溺斃者無數。焚毀賊寨百數十隻。擊沈賊船八十餘隻。攻破賊巢數十處。

奪獲礮械等多件。水東一律肅清。此股賊匪業經大受懲創。著耆齡即飭同知銜曾國荃督率兵勇速籌攻克郡城。毋涉延玩。○又諭駱秉章勞崇光奏報楚粵官軍會克平樂府城首逆就擒各一摺。廣西游匪楊西安等占踞平樂府城。已將半載。經駱秉章派令即選道蔣益澧。江忠濬等督帶湖南兵勇越境進剿。廣西署平樂府知府張鵬萬等亦分督練勇會合圍攻。自沙子街。二塘墟等處連次大捷之後。匪勢益形窮蹙。屢次出撲楚軍營盤。被蔣益澧等隨時勦殺。殲斃之賊每日以數百計。該匪計窮力竭。逃竄無路。假意乞降。同知段瑩器守備陶昌培乘間設法。將首逆楊西安等先後誘致。密稟蔣益澧。擊獲正法。城中之匪知無生路。遂於十一月初五日。紮筏思遁。復經粵軍截回。將賊筏全行奪獲。初六日該匪傾巢直撲楚軍營盤。屢次衝突。均被殲戮。初八日官軍分為六隊。大舉攻城。河下

師船及團練各勇分為三隊。四面堵截。自辰至未。各路兵勇一鼓齊登。遂將城池克復。連日四路接捕追剿。二百餘里。合計先後殺賊不下二三萬人。即選道蔣益澧謀勇兼優。戰功卓著。即選道江忠濬同心協力。共克堅城。均著賞加按察使銜。以示優獎。其餘在事出力湖南將弁。著駱秉章查明保奏。廣西官紳著勞崇光查明保奏。候朕施恩。○諭軍機大臣等。本日據耆齡奏。江西軍務紛繁。帶兵乏員。每值分路防剿。動致派委無人。江南大營人材眾多。如總兵銜儘先副將張玉良。浙江衢州營遊擊鄧連科。湖南常德協都司陳大富。直隸龍泉營都司黃金友。均係久歷戎行。堪以委任。請飭於四員中酌派二員。赴江西帶領兵勇。俾資攻剿等語。現在江南大兵直搗金陵。固屬需才孔亟。而江西省賊氛甚熾。防剿亦為喫緊。著和春酌量情形。如可派撥二員。即著迅速飭令前往。俾資得力。將此由

四百里諭令知之○以廣西慶遠府城被賊竄陷革道員張凱嵩署知府邵春卿知縣況逢春遊擊楊建桂職仍責令戴罪自效○予江西陣亡外委陳運彬羅有升劉百順祭葬世職○予廣西陣亡參將黃輔鼎遊擊彭玉山把總郭陞信外委賈占應祭葬世職以黃輔鼎附祀安徽巡撫江忠源專祠彭玉山附祀浙江甯紹台道羅澤南專祠郭陞信賈占應一併附祀○壬子諭內閣吏部奏分發知

府與章程未符請旨遵辦等語前經英桂保奏傳壽彤勦辦擒匪出力請交軍機處記名以山西知府用請旨簡放當經降旨允准茲據該部奏稱該員傳壽彤係奉旨發往河南差委之員現在該省軍務未竣遽請以山西知府候補跡涉取巧酌覈請旨傳壽彤著發往河南以知府用仍交軍機處記名遇有河南知府缺出請旨簡放嗣後各省軍營保舉人員均著照此辦理以杜趨避○又諭前因

胡林翼奏四川試用縣丞繆玉藻管解湖北軍餉無誤請免補本班以知縣留於四川補用當經降旨准行茲據吏部查明繆玉藻獎敘與奏定章程不符請旨遵辦繆玉藻著給與縣丞本班儘先補用其以知縣補用之處著即撤銷以示限制○又諭福濟奏委員不知下落請革職查辦等語安徽候補直隸州知州陳榮在秦定三軍營辦理收支軍需各款自秦定三赴江南軍營後該員不知下落

聞其由蘇至浙並無稟報實屬膽玩陳榮著即革職並著趙德轍晏端書查明將該員押解安徽交福濟查辦報銷如有侵漁蒙混情弊即行嚴叅治罪○諭軍機大臣等前因江南軍務漸有起色江北防堵更形喫重諭令福濟鄭魁士將舒巢等處次第收復以防竄匪句結茲據該撫等奏稱廬州三面受敵未可輕動並繪圖呈覽意在扼守廬州先自立於不敗之地亦未始非用兵之道現在含山

之賊既經我兵擊退音德布續獲勝仗。滁全一帶可保無虞。惟近日李孟羣雖已克復霍山而六安廬汙巢縣桐城等處尚陷賊中。若不相機攻勦廬州必成坐困之勢。指日金陵克復。竄匪紛來亦不可不慮。鄭魁士現守廬州。仍當隨時偵探。何路緊要即馳往勦辦。毋得株守一隅。置屬邑淪胥於不問。此時江浦尚未克復。德興阿等兵力亦難遠顧。西路福濟等既知通籌大局。仍當相機分勦。未可以防守而致因循。自貽後悔。六安有勝保撥兵與李孟羣會勦。計日當可克復。李孟羣到後兵力更不嫌單。著即與鄭魁士合力。將廬州屬邑次第收復。廓清江北。即以翦除南賊應援是為至要。將此由六百里諭令知之。○又諭耆齡奏火藥不敷應用。請飭河南山西兩省籌款。各解硝斤等語。現在江西各郡勦賊喫緊。需用火藥甚鉅。雖經該撫採辦硝磺製造。仍屬不敷支領。河南山西係產硝最旺之

區。自應代籌協濟。以資軍火。著英桂恆福各籌款採買淨硝二十萬斤。派委妥員。迅由湖北解往江西應用。毋誤要需。此項價腳銀兩准其作正開銷。將此由五百里各諭令知之。○安徽巡撫福濟奏。臬司恩錫丁憂。請給假回旗治喪。俟百日後仍飭赴安徽辦理糧臺。允之。○以湖北官軍分勦江皖賊匪出力。賞副將周寬世總兵銜。趙克彰。巴圖魯名號。遊擊劉連陞守備張復泰等花翎。餘升賞有差。

予安徽陣亡府經歷秦瑞龍祭葬世職。○予江西陣亡武舉徐煥采賞卹如例。○癸丑孝惠章皇后忌辰遣官祭。

孝東陵。諭內閣。駱秉章奏甄別州縣各員一摺。州縣為親民之官。遇有庸劣不職及才不勝任之員。亟應隨時甄別。以肅吏治。湖南揀發知州長惠不自檢束。有玷官箴。大挑知縣高溥信任丁差。聲名平常。均著即行革職。候補知縣喬作梁精神萎靡。候補知縣杜世緝。

心性輕浮。候補知縣閻於杓。大挑知縣許炳章。官聲平常。均著勒令休致。揀發知縣清吉。庸懦無能。不勝外任。著回旗當差。揀發知縣張晉涵。蔡聲連。部選麻陽縣知縣陳上珍。俱才識迂拙。難膺民社。惟係舉人出身。均著以教職改補。歸部銓選。○蠲緩湖南永明。鄧。湘陰。三縣被兵村莊。節年民欠正耗銀米。○甲寅。諭內閣。載容等奏請將兵役改折米石。仍給本色一摺。

西陵各項兵役。應支米石。向給一半本色。嗣改為全數折銀。現在該處米價騰貴。兵役糴食維艱。著自咸豐八年春季起。仍放本色折色各半。所需粟米。由東豫漕糧內截撥。以示體恤。○又諭英桂奏請飭糧臺委員。回河南省查辦報銷等語。河南省派往揚州糧臺委員。候補知府李樹穀。方長澤。候補直隸州知州宣維祁。自咸豐二年至四年。在琦善軍營辦理糧臺。該員等經手款項繁雜。現在報銷緊

要。著德興阿。即飭李樹穀。方長澤。宣維祁。迅赴河南。覈算報銷。免致日久。膠轕。以重帑項。諭軍機大臣等。前因皖北情形喫緊。諭令英桂回駐正陽關。並令勝保。袁甲三。派撥重兵。前赴六安。即將何人可以親往督攻之處。悉心酌辦。毋許推諉。本日據英桂奏豫省南路伏匪尚多。亟應撥剿。河陝汝等屬被賊蹂躪之區。瘡痍未復。緝捕撫綏。均關緊要。正陽距豫境西北千有餘里。勢難兼顧。請暫緩前

往等語。所奏尚屬實在情形。袁甲三現在正陽。即著駐劄該處。以遏賊衝。其潁亳等處餘匪。有朱連泰。史榮椿等兵勇。足數剿辦。著袁甲三就近調度。速籌掃蕩。其六安賊巢。僅有樂善一軍。會同李孟羣攻剿。兵力尚覺單薄。著勝保統帶勁旅。即日前往督剿。以期速克。州城即可將皖北逆眾次第掃除。毋得坐失機宜。遲延貽誤。英桂俟豫省撥剿事宜稍定。仍著馳赴皖省督辦。現在張翼等擒首尚逃。

顯戮李兆受一股。又句通粵逆。未可謂勦辦肅清。遽思卸責也。將此由六百里各諭令知之。補鑄廣東水師提標中軍參將關防。從總督葉名琛請也。○以勦賊遷延。摘河南南陽鎮總兵官邱聯恩頂翎。仍責令勦賊自效。以追勦河南嵩縣竄匪出力。賞總管德楞額頭品頂帶。委營總蘇克金。副都統銜。予陣亡千總姚必泰。把總龐秀文。劉開源。外委李成。李莊。董積善。徐鼎甲。祭葬。卹職。○乙卯諭

內閣張祥河奏。捐置義田。贍養宗族一摺。所捐田畝。著江蘇巡撫飭令該地方官立冊存案。載入志書。不得私相買賣。該侍郎敦本厚族。古誼可風。應行旌獎。著該部酌議具奏。○又諭何桂清奏。會籌鎮江。瓜州設防善後事宜一摺。鎮江。瓜州久為賊踞。現經大兵克復。所有設防及善後事宜。亟應妥為籌畫。茲據何桂清奏。查看鎮江府城內外房屋半成瓦礫。居民顛沛流離。被難情形。實堪憫惻。該督

現飭常鎮道喬松年。酌派委員。勸諭紳董。設廠收養難民。即著督飭該員。妥為撫恤。毋令一夫失所。至丹徒運河南北。舟楫通行。為揚州由牘兩關稅課所自出。現已數年未濬。亦著照該督所請。選派紳士。設局勸捐。一俟集有成數。即行趕緊興挑。至所陳水陸設防。分別駐劄各事宜。均著照所議辦理。○又諭江蘇鎮江府城被賊竄踞。時閱五載。近經官軍攻克。兵燹之餘。瘡痍滿目。朕軫念民艱。彌深

憫惻。蘇松常太等府州屬地方。亦因逼近賊氛。凡捐餉辦團等事。紳民踴躍從公。不遺餘力。現值地方肅清。自應特沛恩施。以蘇民困。加恩著將丹徒縣咸豐八九十年闔境新賦全行豁免。其鎮江府各屬及蘇松常太四府州屬咸豐六年以前民欠錢糧漕米等項。並著概予豁免。該督撫即刊刻謄黃。徧行曉諭。務使實惠均霑。毋任吏胥舞弊。用副朕子惠黎元至意。○又諭葉名琛奏。請將廣西軍

政仍行展緩辦理一摺。咸豐二年廣西各營軍政因軍務未竣。展緩辦理。現在各營官弁。或帶兵勒捕。或分守要隘。未便考驗。所有本年軍政著俟軍務完竣。再行查辦。如有應行參劾員弁。仍著隨時查參。以昭覈實。○以克復廣東花縣城。賞知縣張起鵬等花翎千總胡勝高藍翎。餘升敘有差。○以克復廣東惠來縣城。賞守備保應熊等藍翎。餘升敘有差。展緩山東省各商積欠課項。及借領修復

灘地銀。科爾沁卓哩克圖親王巴圖等五人。教漢郡王布彥德勒格。呼固魯克齊扎賚特扎薩克貝勒。拉木棍布扎布。於養心門內瞻觀。○丙辰諭軍機大臣等。前因英桂奏豫省南路伏匪尚多。請暫緩馳赴正陽。當諭令袁甲三駐劄正陽。勝保前往六安。與李孟羣會合攻剿。英桂俟豫省撥剿稍定。仍赴皖省督辦。茲據勝保袁甲三奏稱。北路零匪雖未淨除。究係餘燼。易於殄滅。惟皖省情形喫重。

六安捻匪意圖回竄。勝保現已移師三河尖。袁甲三力扼東路等語。所有布置情形。與前降諭旨尚為符合。勝保督兵進剿。即可與李孟羣樂善攻克六安。並可與福濟諸軍聲勢聯絡。以顧皖北全局。正陽為淮北要隘。袁甲三在彼駐劄。即為勝保大軍後路援應。其趙旗屯等處零匪。即責成史榮椿朱連泰等。迅速撲滅。以絕根株。豫省西路河陝汝三屬。已一律肅清。南路伏匪。諒不難剋期殄滅。著英

桂仍遵前旨。一俟撥剿稍定。即馳往皖省。與勝保袁甲三合力勦辦。以期及早蕆事。勝保另摺奏軍營調遣。全在統馭有權。總以各路鎮將不受節制。事權不一。諸多掣肘。為詞。已於摺內批示矣。自英桂折回河南。即命勝保督辦三省勦匪事宜。軍營各員無不受其節制。保舉參劾俱見施行。該副都統膺此重任。何得謂之無權。豈必須頒給欽差關防。始能辦事耶。勝保年力富強。素稱勇敢。是以復加

起用若能平其躁氣。斂其驕心。實為國家有用之才。朕倚任方殷。何待自行瀆請。且看目前功效如何。能否仰承寵眷。副朕厚期耳。至吉林黑龍江馬隊缺額一百六十餘名。該省餘丁無可再撥。即勉強湊數。皆係未經訓練。亦屬無益。如穆騰阿所帶不能自成一隊。即可與伊興額所帶馬隊併為一軍。以資攻剿。將此由六百里諭令知之。○督辦三省勦匪事宜密雲副都統勝保奏事權不一。請令皖

眾悉歸節制。得旨。以一人之才力。欲當數省兵柄之責。直視諸將。概不如已。何自恃若此。朕何靳一帥符而違汝志。惟萬難之事。輒妄行瀆請也。○以內閣學士德瑛署禮部左侍郎。○以前任工部右侍郎廉兆綸署工部右侍郎。兼管錢法堂事務。○丁巳。以

神靈顯應。命於揚州三汊河建

關帝廟。頒

御書扁額曰萬世人極。○諭內閣書元黃贊湯

奏豫籌剝運請將批存剝船責令承管各州縣按歲修整等語。此次書元等查驗批存官剝船六百八十七隻。將屆滿料年分。木質尚屬堅固。若能按歲修整。堪資應用。所需經費著崇恩將山東發商生息銀兩飭催除每歲例撥外。添撥積欠銀二三萬兩。並著直隸總督責成承管各州縣妥為修理。以資剝運。俟河運疏通。再由江廣等省排造新船。照舊辦理。閩浙總督王懿德等奏軍需緊要。請暫

時從權將進口洋藥量子抽捐。以濟眉急。得旨依議。別項洋貨皆可假為名目。尤不准作為已經奏明是直與開禁無異也。○命二等侍衛溥莊在乾清門行走。○予福建武平縣守城殉難知縣陳應奎祭葬世職。如知府例。入祀昭忠祠。並於武平縣建立專祠。教諭林寶辰典史秦廷業巡檢舒日昌祭葬世職。併附祀陳應奎專祠。○追予江蘇陣亡總兵官雙來瞿騰龍於揚州建立雙忠祠。以知府世

焜中書鍾淮附祀○戊午

孝和睿皇后忌辰遣官祭

昌西陵○已未

孝德皇后忌辰遣官祭

殯宮○諭內閣載垣等奏遵議裁減部庫放款

一摺○所有戶部擬請減放章程內蒙古王公

來京應領豆草銀兩一款著毋庸覈減○又

諭晏端書奏海塘缺日業經次第堵合請開

復各員處分一摺浙江海塘埭石各工前因

風潮衝塌經該撫督飭道廳各員趕緊搶修

業經次第堵合工程一律完竣辦理尚屬迅

速前任浙江甯紹台道署杭嘉湖道葉堃著

開復道員仍留浙江補用並免其送部引見

候補知府署西防同知邢吉甫著開復知府

留於浙江補用海防營守備周金標著開復

革職留任處分晏端書降一級留任處分著

加恩開復○以守禦貴州鎮遠府出力賞知

縣張淮藍翎○庚申命大學士裕誠為正使

內閣學士黃宗漢為副使持節齎冊寶晉封

懿妃那拉氏為

懿貴妃冊文曰朕惟椒塗佐治含章應厚載之

貞瓜猗延祺篤祐啟靈長之祚煥芝泥而光

賁膺鞠采而榮增咨爾懿妃那拉氏賦質金

相秉心玉粹柔嘉維則表令範於珩璜淑慎

其儀懍芳規於圖史祥開麟定恩奉龍章瑞

毓螽詵吉符燕喜既蕃禧之茂介宜顯秩之

攸加是用晉封爾為懿貴妃錫之冊寶爾其

坤儀懋贊敬承昌燕之休異命丕揚益荷龐

鴻之澤欽哉○諭內閣慶祺倭仁奏尊藏

玉牒請旨遵行一摺此次

玉牒告成應恭存

鳳凰樓上層其中層現供奉

皇考聖容屆期應恭請於

崇政殿內黃案上暫時供奉俟尊藏禮成後仍

恭請於

鳳凰樓中層供奉以昭誠敬即著欽天監於來

年恭送

玉牒至盛京時先期擇吉。知照該將軍等敬謹遵辦。又諭穆克德訥、柏貴等聯銜馳奏夷人竄入省城一摺。葉名琛以欽差大臣辦理夷務。如果該夷非理妄求。不能允准。自當設法開導。一面會同將軍巡撫等妥籌撫馭之方。乃該夷兩次投遞將軍督撫副都統等照會。該督並不會商辦理。即照會中情節亦秘不宣示。遷延日久。以致夷人忿激。突入省城。

實屬剛愎自用。辦理乖謬。大負委任。葉名琛著即革職。廣州將軍穆克德訥、廣東巡撫柏貴、副都統雙禧、雙齡、粵海關監督恆祺、布政使江國霖、按察使周起濱。雖均有疏防之咎。惟該督未與會商。尚有可原。所請嚴加治罪之處。均著加恩改為交部議處。論軍機大臣等穆克德訥等聯銜具奏。夷人乘機入城一摺。覽奏實深詫異。嘆夷構釁。葉名琛節次奏報。辦理似有把握。本月奏稱。嘆咈二首呈

遞照會。已據理回覆。方冀從此轉圜。可以照舊相安。不料該督剛愎自用。於味夷請見。堅持不肯。夷人兩次送來五銜照會。又不與將軍巡撫等會商。復諭各紳母許擅赴夷船。以致該夷忿激。將城內觀音山、北門內外各礮臺占踞。並將該督拉赴夷船。雖據稱斷不加害。已屬不成事體。葉名琛辦理乖謬。罪無可辭。惟該夷拉赴夷船。意圖挾制。必將肆其要求。該將軍署督等可聲言。葉名琛業經革職。

無足重輕。使該夷無可要挾。自知留之無益。該夷自言省城亦不久踞。但欲其自行退出。必有無厭之求。惟該夷與穆克德訥、柏貴等尚無宿怨。此時柏貴署理總督。著即以情理開導。看其有無悔禍之心。如果該夷退出省城。仍乞通商。該將軍署督等即可相機籌辦。以示羈縻。僅該夷以索賠燒毀貨物為詞。即告以中國礮臺及民間房屋被其攻毀者甚多。若論賠償。其數尚不足相抵。且係該夷首

先開礮曲直是非各國自有公論若竟不肯退出省城仍肆猖獗亦惟有調集兵勇與之戰鬪勿使久踞城中況廣東紳士咸知大義其民亦勇敢可用柏貴等當聯絡紳民激其公忿使之同仇敵愾將該夷逐出內河再與講理該將軍署督等辦理此事固不可失之太剛如葉名琛之激成事變亦不可失之太柔致生該夷輕視中國之心黃宗漢由京赴粵到任需時軍務未可遽延全在該署督等

相度機宜先行籌辦俟辦有端緒即行馳奏以慰朕懷所有關防印信是否遺失並即查明具奏將此由六百里加緊密諭穆克德訥柏貴並諭署巡撫江國霖等知之○以服闋侍郎萬青藜署刑部右侍郎通政使司副使梁同新為順天府府尹○以刑部右侍郎黃宗漢為兩廣總督並頒給欽差大臣關防辦理夷務未到任前以廣東巡撫柏貴署理布政使江國霖暫署巡撫○予江西樂安縣守

城殉難縣丞高學易典史潘維新祭葬世職喀喇沁扎薩克都楞郡王色伯克多爾濟土默特扎薩克貝勒那遜鄂勒哲伊等二人於養心門內瞻覲○辛酉諭內閣譚廷襄奏副將都司互相稟訐訊明懲處一摺直隸署河間協副將雙福以該協都司王全隆不遵調考言語咆哮等情具稟並據王全隆以該副將拔補弁缺與例不符稟訐經該署督調省查訊雙福調考在王全隆請假之後尚非

抗違不遵亦無語言咆哮不服鈐束情狀其拔補把總等缺均有勞績可考查無情弊惟經制外委哈朝鳳拔補把總未奉部覆遽行開缺遞拔實屬有違定例王全隆原稟措詞失實意圖挾制此風亦不可長揀發副將雙福河間協中軍左營都司王全隆均著交部嚴加議處護天津鎮總兵保定營參將岳克清阿於雙福豫請拔缺率行覈准並豫拔所遺各缺咎亦難辭著一併交部議處○以故

二等男德通子連壽襲爵。○予故河南懷慶府知府汪喜荀。鹿邑縣知縣茅崧林。山西陽曲縣知縣靳廷鈺。陝西雒南縣知縣馬疏。入祀名宦祠。從巡撫英桂。王慶雲。曾望顏請也。予陝西故戶部主事路德。入祀鄉賢祠。從巡撫曾望顏請也。○青海扎薩克郡王濟克默特那木扎勒多爾濟等三人。土爾扈特二等協理台吉玉木允。於養心門內瞻覲。○壬戌。諭內閣。胡林翼奏。參抽取釐金。延不批解之知縣。請旨革追一摺。湖北署漢川縣知縣陳發。知縣張祥泰。接管該縣釐金局。半年之內。抽錢二萬五千餘串。報解甚屬寥寥。迨經該撫將該員撤任查辦。又復捏飾支吾。任意開報。實屬膽玩。張祥泰著即革職。交胡林翼提同經手人等。徹底訊明。照數追繳。按律懲辦。以儆官邪。○又諭。胡林翼奏。參知州縱差浮收漕糧。請革任提審一摺。湖北署荊門直隸州革職留任知州方卓然。徵收漕糧。並不

遵照新定章程。輒敢任意浮收。縱容糧差勒索錢文。且將新漕扣作陳欠。實屬膽大妄為。居心貪鄙。方卓然著即革任。交胡林翼提同書役人等。嚴訊確情。按律懲辦。以肅漕政。而儆官邪。○蠲緩廣東清遠。和平。四會。恩平。四縣被兵地方。未完地丁耗羨銀米。○給山東荷澤。濮定陶。鉅野。鄆城。范。壽張。陽穀。東阿。肥城。東平。平陰。章邱。齊東。禹城。齊河。長清。青城。金鄉。十九州縣。臨清。濟甯。東昌。三衛。被水災

民一月口糧

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十一

奉天

十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十二

教修

咸豐七年丁巳十二月癸亥巡視北城御史

富稼等奏訪獲工部郎中王晉恩倡嫁兄妾
侵吞家產請交刑部究辦得旨王晉恩著革
職交部嚴行審訊不准化有為無稍涉瞻徇
尋奏審訊得實請將王晉恩從重發往新疆
效力贖罪從之○以江蘇寶應縣辦團出力
賞道員黃錫慶同知潘榮淮陳榮參將蔡天
祿花翎通判祝壽齡等藍翎餘升敘有差○
以勦平湖北黃州賊匪全楚肅清賞同知艾
滔美都司陳日元巢日昇喻吉三守備李文

盛黃思學等花翎同知岳屏環等藍翎餘升敘有差○甲子諭內閣和春奏官軍奪毀秣陵關賊壘並剽營進逼金陵疊獲大勝一摺自鎮江府城克復後官軍分路規取金陵該逆匪數萬盤踞秣陵關死力抗拒經和春飭令總兵傅振邦虎坤元等進攻屢挫賊鋒兵氣極為蹙厲仍著和春張國樞督飭諸軍以次攻復秣陵關等處進克金陵擒渠梟穴迅奏膚功欽差大臣和春等奏請以丁憂總

兵官虎坤元仍留江南軍營帶兵防剿允之○以廣東官軍會剿廣西股匪出九賞道員蔡徵藩都司秦鳳山守備鍾大元花翎知縣翁鳳起等藍翎餘升敘有差○予江南陣亡外委陳元才楊登高黃金印張璣祭葬世職予廣東合浦縣勒匪陣亡生員龍繩武州同銜民人羅定純韋能成千總銜○乙丑諭軍機大臣等前因夷人竄入廣東省城新授兩廣總督黃宗漢到任需時令柏貴署理欽

差大臣關防兩廣總督事務並寄諭該署督等相度機宜先行籌辦此次夷情猖獗原因葉名琛剛愎自用辦理乖謬以致夷人激忿但該夷自通商以後十有餘年一旦違背和約踞我城池辱我大臣情同叛逆豈得謂之無罪此時若絕其貿易聲罪致討實屬名正言順惟念起釁雖自該夷而我國大臣辦理亦未盡善是以暫緩用兵先與講理並非畏其兇鋒甘心忍受也廣東民人及各國夷人

應共喻朕大公無我之意道光二十九年癸夷不敢進城實賴紳民之力今葉名琛既不能駕馭夷人復不能激勵鄉團動其公忿以致大傷國體實堪痛恨著柏貴與紳士羅惇衍等密傳各鄉團練宣示朕意如該夷悔禍退出省城尚可寬其既往以示懷柔若仍冥頑不服久踞城垣惟有調集各城兵勇聯為一氣將該夷驅逐出城使不敢輕視中國然後與之剖辯曲直為後來相安地步方足以

尊國體而杜要求。據黃宗漢奏外夷構釁。恐致土匪乘機滋事。揆度時勢。自應嚴防土匪。以固根本。又恐夷人勾結為奸。其患更不可測。應如何撥兵防禦。以消內患之處。著柏貴等妥籌辦理。又據黃宗漢奏。該督前任浙江巡撫時。與穆克德訥共事。知其在乍浦副都統任內。不獨能得兵心。並且深得民心。此時夷務喫緊。各屬匪徒。未盡撲滅。該將軍務與該署督等熟商。安內攘外之方。勿生他變。前

據葉名琛奏。喫夷兵力已弱。其國主不願與中國滋事。又奏稱。咪國吐達哈等。來至黃浦。懇求開船貿易。經葉名琛照覆。咪酋頗知感戴。今據穆克德訥等奏。咪夷求見。葉名琛堅持不允。旋至各礮臺被占。是否係咪夷因喫夷無力。賠其焚燒貨物。故爾稱兵助惡。希圖要求中國。以遂其賠償之願。並著查明具奏。本日頒發欽差大臣關防。著先交柏貴祇領。其舊藏關防。若未遺失。即著封存。遇便派員

齎部呈繳。將此由六百里各密諭知之。○以

故喀爾喀三音諾顏扎薩克郡王托朗郭林布叔格楞扎木楚襲爵。○以太僕寺少卿文祥。為詹事府詹事。○舉行本年軍政。吉林將軍所屬卓異官二員。年老有疾官六員。黑龍江將軍所屬卓異官一員。年老有疾官四員。罷輟官一員。綏遠城將軍所屬年老有疾官四員。西安將軍所屬卓異官三員。甯夏將軍所屬才力不及官一員。年老有疾官二員。察

哈爾都統所屬卓異官四員。才力不及官二員。年老有疾官六員。罷輟不謹官五員。青州副都統所屬卓異官一員。年老有疾官一員。密雲副都統所屬卓異官二員。保定等處。年老有疾官三員。京營卓異官一員。有疾官一員。直隸卓異官一員。廣東卓異官五員。不謹官三員。罷輟官六員。年老官一員。才力不及官五員。分別議敘。處分如例。○補行廣西二年軍政。卓異官一員。罷輟官二員。年老官一

員分別議敘處分如例○予湖北節年殉難知縣董世昌教諭熊聯暉邱文訓導杜德芬刑部司獄張長義府司獄張士彥巡檢章濬從九品孫祖煥桂鵬吳堃黃廷印洪瑟祥都司博崇武守備鍾聲楊勝鼇千總楊國清殷萬年陳金榜衛千總劉式如把總羅廷彪劉尚烈熊定國鄧步奎謝正榮侯元陞外委鄧起王文太孫鏞甘敬元張天培段復興金洪順李國福祭葬世職五品軍功哈清源等八

名監生陳心齋等六十七名兵勇紳民熊宗喜等二十四十八名因公遇害何興隆等四十九名遇賊死節紳民婦女蕭致中等一千三百八十二名口旌卹如例丙寅諭內閣崇恩奏陳明馬政情形並查無冒銷情事懇請免議一摺山東省額缺營馬向係就地買補道光年間兵部纂改則例行令按年赴口購買旋即奏明停止所有該省營馬仍著按照歷屆成案就地買補毋庸出口購買至朋

馬報銷數目既據該撫查明實無冒銷情事買馬一節又係循照舊章所有兗州登州曹州三鎮總兵均著免其議處兵部於該省馬政並不查明成案仍令赴部領票辦理殊屬草率著兵部堂官明白回奏以辦理海運出力予天津府知府石贊清等升敘有差○以勦辦安徽賊匪節次出力予副都統麟瑞總兵官吉順優敘賞還總兵官嵩瑞翎頂復已革總兵官扎隆武職賞副將袁學忠總兵

銜參將慶福圖克坦布遊擊瑞成主懋勳都司鄭永祥彭得邵梅馬振邦黃國堯業普崇額恩清扎拉豐阿沈龍光守備彭侍清協領常陞保佐領常安防禦額勒春等花翎驍騎校奎德等藍翎餘升敘有差○蠲緩浙江仁嘉興秀水嘉善海鹽石門平湖桐鄉烏程歸安長興德清武康安吉孝豐慈谿奉化山陰會稽蕭山諸暨餘姚上虞嵊新昌臨海黃巖

天台仙居甯海太平金華蘭谿東陽義烏永康武義浦江湯溪西安龍游江山常山開化建德淳安桐廬遂安壽昌分水麗水青田縉雲松陽遂昌雲和景甯六十五州縣杭嚴嘉湖台州三衛災歉地方正耗銀米及額徵漕糧並仁和海沙蘆漚錢清長亭杜瀆橫浦浦東青村下砂頭十場新舊竈課丁卯諭內閣戶部奏請將

東西兩陵及駐防兵米畫一辦理一摺所有各

該處兵丁應支米石除

東西兩陵守護

陵寢密雲駐防調派出征前經奏准仍給一半本色著仍遵前旨辦理外其保定等十三處駐防兵米即照戶部所議按本色半分之半發給不得紛紛率請變更以昭畫一○又諭王慶雲奏參府縣各員請分別勒休革職審辦一摺四川保甯府知府鮑繼培年力已衰辦事顛預著即勒令休致前署梁山縣知縣

李正東前署金堂縣知縣周道源均有被控案件或將要證延不解省或經驗明濫刑有據均著先行革職交該督提省嚴行審訊按律懲辦○諭軍機大臣等李孟羣奏進攻六安獲勝請飭撥餉需以資支放一摺李孟羣自克復霍山督兵進取六安州城於西北兩路疊獲勝仗惟餉需不繼當此嚴冬從征士卒飢寒交迫係屬實在情形自應迅速接濟著王慶雲崇恩於四川山東省各籌銀三萬

兩遴委妥員剋日起解惟四川省距皖較遠著官文胡林翼先行籌銀二三萬兩分起墊解李孟羣軍營俟四川餉銀過楚時陸續扣還歸款並著英桂籌銀一二萬兩就近先行解往俟山東餉銀過豫時歸還此因該藩司待餉急迫是以各就近省令該督撫等先行墊撥官文等接奉諭旨務各迅速撥解毋稍遲延至李孟羣請由四川按月撥銀以資接濟之處並著王慶雲按月籌銀三萬兩解往

母致貽誤將此由六百里各諭令知之○又諭主慶雲奏四川省節年籌解京外各餉為數甚鉅擬請於咸豐八年再行勸諭紳董續辦津貼等語川省按糧津貼一款辦理已閱數年民情踴躍殊堪嘉尚惟國家借資民力原屬不得已之舉儻或辦理不善以致胥吏中飽於餉需仍有名無實甚非民間報效之本心著該督飭屬嚴密稽查剔除弊竇於濟餉之中仍寓恤民之意如有不肖州縣藉端浮收即著從嚴叅辦毋稍姑容此項津貼銀兩俟收解完竣即由該督覈計多寡奏請加增學額中額用昭激勸而順輿情將此諭令知之○兩廣總督黃宗漢奏請以前任安徽布政使畢承昭隨赴廣東差委允之○以理藩院右侍郎靈桂署工部右侍郎兼管錢法堂事務工部左侍郎德全署管工部火藥局事○以截勦安徽竄匪獲勝予外委程長厚等升擢有差○以安徽拏獲滋事游勇予千

總李春等以守備用賞花翎軍功羅安邦等藍翎○予河南陣亡通判汪暉守備戴大春祭葬世職○展緩河南中牟睢陽陰臨漳滑封邱項城太康扶溝九州縣被水被旱地方節年未完漕項○戊辰諭內閣前因河南學政俞樾出題割裂及坐索棚規各款疊經降旨交英桂督同藩司瑛榮秉公查辦並調查卷冊據實具奏茲據英桂奏稱詳訪輿論俞樾考政尚嚴惟所出題目確有數題割裂太甚不成句讀尚無坐索棚規及輕浮卑鄙各款業經革職著毋庸議學政為士林表率制義代聖賢立言文理之醇疵足覘人品之邪正若命題既上下割裂甚至不成句讀又安能闡發聖賢義理耶此於士習文風大有關係嗣後各省學政考試出題即防勦襲舊文間用截搭亦須句讀分明斷不可如俞樾之文義難通幾於戲侮聖言自取咎戾將此通諭知之○諭軍機大臣等前因黃宗漢到任

需時令柏貴署理欽差大臣關防兩廣總督事務並諭該署督等先行籌辦夷務本日據恆祺因情形急迫由驛馳奏所請適與前降諭旨相符柏貴既署理欽差大臣夷務是其專責應撫應勦權衡總不外情理二字我中國自與該夷議和之後十餘年從不肯先行開釁妄起兵端今該夷燒毀城外民房又率眾攻城首先背約其罪顯然即謂葉名琛辦理不善朕已將該督革職可見一秉大公該

夷當知感悔若復不自認罪肆意要求豈能任其無理仍與通商柏貴與該夷首屢次晤面彼尚未敢輕視即可據理剖辯一面調集兵勇聯絡紳團以壯聲威而尊國體所有前諭該署督嚴防土匪乘機竊發並諭侍郎羅惇衍等激勵士民之處均著遵照妥辦提督崑壽前曾帶兵攻勦梧州此時如未回省著柏貴另派妥員往梧州統帶官兵將崑壽調回省城督帶重兵以資彈壓水師提督吳元

猷駐劄虎門有防禦海口之責此次夷船駛進省河何以毫無防範著柏貴查明奏又據御史何璟奏該夷已入內城恐柏貴等受其挾制請飭崑壽酌調弁兵進至三水佛山等處擇要駐劄並飛調附近鄉團環集城外嚴檄該夷勒令退出省城夷匪不過數千以十倍之眾臨之勢必遁逃省垣既復然後平其曲直夷人必俯首聽命等語所奏不為無見著柏貴等體察情形酌量辦理將此由六

百里密諭柏貴穆克德訥江國霖雙禧雙齡並傳諭恆祺知之○蠲緩江蘇長洲元和吳吳江震澤常熟昭文崑山新陽華亭奉賢婁金山上海南匯青浦川沙武進陽湖江陰宜興荆溪丹陽金壇溧陽山陽阜甯清河桃源鹽城高郵泰東臺江都甘泉興化寶應銅山豐沛蕭陽山邵宿遷睢甯太倉鎮洋嘉定寶山海沔陽贛榆泰興五十三州廳縣被水被旱村莊漕糧折色銀米○蠲緩河南蘭儀新

蔡祥符陳留杞尉氏中牟鄭滎陽禹商邱甯陵鹿邑虞城夏邑永城睢柘城安陽湯陰臨漳林涉內黃汲新鄉輝獲嘉淇延津滑濟封邱河內濟源修武武陟溫原武陽武洛陽偃師鞏孟津淮甯西華商水項城沈邱太康扶溝襄城長葛光光山五十五州縣被水被旱村莊新舊額賦給蘭儀縣災民一月口糧○是日戊午年立春順天府進土牛春山寶座己巳諭內閣何桂清趙德輿奏審明那用

委解銀兩捏稟飾覆之已革典史從重定擬一摺江蘇已革典史潘恭堯於委解銀兩因傾鎔折耗並那作旅費雖訊非有心侵蝕且已據全數繳清惟庫項攸關輒敢私自那用又復飾詞捏稟殊屬刁玩潘恭堯著從重發往軍臺效力贖罪以示懲儆○又諭恆福奏直隸代墊餉銀請飭作正開銷一摺咸豐三年分山西省應解河北糧臺銀十萬兩係先由直隸墊解嗣山西省陸續解還尚少銀六

萬兩現在該省撥解京餉及各路軍餉為數甚鉅所有山西應還直隸墊解銀六萬兩著即由直隸作正開銷以清款項○諭軍機大臣等庚長奏寶鈔驟形壅滯竭籌鈔本一摺近年南河工用全賴寶鈔接濟自部議京師五字官號不能應付外省之鈔以致該處積存寶鈔驟形壅滯該河督擬仿照京師官號制字付錢之法期於流通惟須豫籌鈔本以資周轉各省額解南河款內以兩淮鹽課及節年工料生息等款並兩江藩司地漕等項為大宗現在欠解至三百四十餘萬兩之多雖因軍餉緊要不能照常撥解但河務工程所以保衛民生關係亦重豈能任其頽廢致將來辦理愈難著何桂清督飭藩運兩司將應解南河各款自咸豐八年起仍按年起解即或不能如數亦須籌解一半以作該處鈔本其積欠之款並著分年陸續補解以重河防而免貽誤將此諭令知之○又諭秉純等

奏會議閩海關徵收夷稅一摺。現在閩海關藉資茶稅充搭兵餉。夷人因閩省紋銀無從易換。請仍將鷹番按照九八銀色加貼二兩補水。輸納關稅。據東純主懿德等以事關懷柔。未便強其所難。著准其將現徵鷹番補水輸納。俾茶船得免壅滯。而夷課亦不延宕。俟該省紋銀充裕。仍照舊章辦理。此項稅銀著隨時解司充餉。將此諭令知之。○宗人府會同吏部兵部奏。遵議推廣宗室升途。文職准用道府。武職准用各省城守尉。並分別支派。達近請自。

高宗純皇帝位下之宗室。均為最近未便補用。外其餘各旗無分遠近一體酌量外用。從之。命山西巡撫恆福來京。陛見。以布政使常績署巡撫。予福建邵武府及光澤縣守城殉難通判馬炳章。知縣郭餘裕。崇達縣丞徐思復。稅耕巡檢謝墀。典史章于藩州判毛玉桐。從九品畢承纓。州吏目王至震。守備吳景

芳。祭葬。世職徐思復。附祀知府金萬清。專祠。同時殉難幕友家屬。旌卹如例。均附祀知府婁浩。專祠。緩徵湖北漢川黃陂。天門雲夢。應城江陵公安。石首監利松滋。嘉魚漢陽沔陽。孝感鍾祥。京山潛江枝江。荊門十九州縣。暨屯坐軍衛被水村莊。新舊額賦。免江夏漢陽二縣地課銀。○庚午。諭內閣。御史李培祐奏。請慎重門禁等語。京師內外各門。例應及時啟閉。嚴密稽查。若如該御史所奏。正陽門

近日啟閉。並無定時。亦無值班官員住宿。殊不足以昭慎重。著步軍統領衙門嚴飭各門官弁。務當啟閉依時。不得任意遲早。並飭值班各官輪流住宿。毋許曠誤。儻有前項情弊。即著從嚴叅辦。○又諭。前因崇恩奏。山東省營馬額數。並無冒銷情事。並該省缺額馬匹。向係就地購買。兵部並不查明成案。仍令出口買補。當令該部明白回奏。茲據遵旨覆奏。山東巡撫崇恩。於朋馬奏銷。久逾例限。尚未

題報。此項馬乾係另案造報。該省於戶部題銷案內並未扣除等語。山東省朋馬造報遲延。該撫崇恩已予降二級留任處分。著毋庸議。其兗州等三鎮總兵著俟該省將馬乾報銷題到時由該部查明。如有冒銷情弊再將各該總兵叅處。至該省缺額馬匹如果隨時購買。何至本年二月各標存馬不足二百五十匹之數。恐就地買補一節。不過徒託空言。嗣後該撫務當飭令各營按數購買足額。毋

得仍前短缺。以昭覈實。（諭軍機大臣等）有人奏山西臨汾縣知縣王應昌誣指良民喬棲鴻為盜。立斃杖下。棄屍滅跡。經該管平陽府知府王溥訪聞稟揭。並屍父喬成俊告發。王應昌輒敢捏改報呈。誣喬棲鴻為盜。並串通醫生。件作刑書。卑役捏報病故。將屍棄滅。另以病丐屍身頂替。迨王應昌因案撤任。該上司復不候案結。即行詳請回任。經恆福批駁。將案發交太原府知府保齡候補知府萬

濟審訊。該府等抑勒屍親。出具病故甘結。復屢寄私信囑王溥含糊了結。經王溥究出實情。稟揭該省上司。遷怒將王溥調省。勒令照原斷詳覆。王溥始終不允。至今案懸未結等語。地方人命關係至重。宜如何鄭重覈辦。以期無枉無縱。若如所奏該縣王應昌濫刑斃命。棄屍滅跡。該省上司復輾轉遷就。意圖消弭。尚復成何事體。著派成凱即赴省城會同恆福調集人證卷宗。秉公嚴訊。確情按律定擬。具奏。恆福於委員提訊此案。未得實情。其咎尚輕。今奉特旨會審。諒不敢迴護前失。徇庇承審各員。自取重咎。保齡萬濟有無受賄意在消弭。臬司沈兆濤總理刑名。何以毫無覺察。均著成凱等徹底查明。據實奏。原摺著鈔給閱看。將此各諭令知之。先是駐藏大臣赫特賀滿慶奏。前議變通唐古忒額設番兵章程六條。已奉議行。惟招募番兵令商上籌辦。口糧製造器械。令世家捐備資費。以

及更改舊章添設巡哨等事。據前後藏僧俗大小番目等恐增苦累懇請免行。復奏請更正命原議大臣覆議。至是奏應如所請。將以上三條准其免行。赫特賀滿慶辦事粗率。請交部議處從之。○閩浙總督王懿德等奏。江右賊匪圖竄閩疆。現籌攻勦情形。得旨。慎防邊境勿致竄擾。○予福建陣亡外委陳詩魁祭葬世職。辛未。以理藩院尚書肅順充經筵講官。以內閣學士德瑛充文淵閣直閣事。宋晉署文淵閣直閣事。○免直隸安隆平天津三州縣被水村莊本年額賦。展緩節年糧租及應補還倉穀。○壬申。孝莊文皇后忌辰。遣官祭昭西陵。諭內閣。前據勝保奏。請將隨營得力之休致道員舒津降為知府。已革山東嘉祥縣知縣恆山開復原官。均歸部銓選。候補直隸州知州王啟秀開復原官。仍留安徽補用。並免繳捐項。當交吏部查議具奏。茲據該部

實錄卷五十一

十一

查明各該員原案。聲明請旨。舒津係特旨休致人員。恆山係計典叅劾。另案獲咎之員。例均不准捐復。姑念該員等隨營效力。尚知愧奮。舒津著賞給知府銜。恆山著賞給知縣銜。又諭官文等奏。革員留營出力。請分別免罪等語。前任湖南長沙協副將清德。隨同該大臣等在武漢黃州等處防勦逆匪。運濟軍餉。前署道州知州候補知縣王揆。帶勇隨同李續賓在童司牌等處屢獲勝仗。復於湖口彭澤屢次大戰。斬賊多名。均屬著有微勞。清德著准其免發軍臺。並免繳臺費銀兩。王揆著准其免發新疆。仍留營效力。○諭軍機大臣等。和春何桂清趙德轍奏。江南各營兵勇糧餉支放比例未符。據實陳明一摺。並何桂清等片奏。請明降諭旨。量予加增等語。軍營餉需。前經軍機大臣會同戶部議令各路帶兵大臣查照舊章。征兵每名日支口糧米八合三勺。月支鹽菜銀九錢。並於出邊口

實錄卷五十一

十一

之日加給鹽菜銀四錢。凱旋之日即行停止。自應遵照辦理。今江南軍營每兵所支銀數不特浮於定例。且溢於成案。各勇所支銀數亦屬浮多。並於領銀之外復支米石。似此濫支。應顯違定例。原應及時裁汰。惟據該大臣等奏稱現在銀賤錢貴。若遽行裁減。兵勇難敷食用。此時功在垂成。設因議減口糧。致軍心解體。貽誤非淺。請將江南軍營各兵勇領項照舊辦理。原係因體恤兵勇。望能迅速。

實錄卷四十二

三

成功起見。本日據該大臣等奏。大軍直薄金陵城下。掃蕩賊壘。指日捷音將至。如果一月半月之間。即能攻克賊巢。則所費尚屬無多。自不必遽加裁減。致失兵心。若仍曠日持久。則需用浩繁。何桂清等身任督撫。豈能任聽虛糜。不加裁抑。所請明降諭旨之處。各路軍營事同一律。豈宜獨厚於江南。實未便宣言。致他處轉生舛望。如果大功速成。將來報銷不能合例。該督等應得處分。自必加恩寬免。

也。又據文煜奏。糧臺放餉。月分參差。宜截清界限。一摺。糧臺覈銷清冊。既須各歸各任。造報應領餉措。亦應各歸各月支放。以便稽覈。著和春等通飭帶兵帶勇各員。將鹽道蕭時馥與文煜所放之餉。各按各月劃清界限。其從前欠款。俟餉需稍裕。解到時均勻補放。以免轆轤。將此由六百里諭知和春。何桂清。趙德轍。並傳諭文煜知之。○以湖北官軍勦匪出力。並克復江西。湖口。彭澤。安徽望江。東流。銅陵等縣。城賞知府蕭翰慶。參將雷風雲。游擊蕭慶衍。劉人和。曾傳榮。都司唐學發。楊鎮魁。湯定國。黃惠清。朱升。開。郭安邦。守備鄭漢友。等花翎。把總劉武德。等藍翎。餘升敘有差。予陣亡守備郭德山。外委彭盛才。余朝嚮。龍在田。胡高德。祭葬世職。加等軍功。周華堂。鄒雲禮。周長林。劉高舉。黃式賓。蘇光彩。余善長。祭葬世職。如把總例。生員伍煥銓。祭葬世職。如訓導例。○免江蘇宿遷縣湖灘地租錢。○

癸酉諭內閣曾望顏奏甄別聲名狼籍之府縣一摺地方守令率屬臨民均須公正廉明方足以資治理陝西鳳翔府知府王丙勳操守平常行止不檢署鳳縣知縣宋志濂性情貪鄙縱役擾民均著即行革職以肅官方○又諭曾望顏奏請將叅劾降補人員革職遞籍等語陝西降補府經歷縣丞文映台在涇陽縣涇跡市儉遇事把持商民受擾未便任其逗遛貽害地方著即革職永不敘用解回

雲南鎮雄州原籍交地方官嚴加管束毋許出外滋事○諭軍機大臣等勝保袁甲三奏擒匪勾結粵逆意圖北竄現籌力攻六安並請調馬隊再行抽撥協勒鄧圩各情該副都統與袁甲三商籌布置方期六安即能得手乃復有大股逆匪竄至霍山我軍失利現已逼近固始縣城六安擒匪亦陸續出城竄向西南由開順西至光商等處勝保等因籌防北路請飭德興阿英桂各撥馬隊助剿惟金

陵賊勢窮蹙已有克復之機指日攻破餘匪必圖北竄德興阿等現拔大隊往攻江浦勢難抽撥馬隊至豫省河陝汝三屬匪蹤已殄除淨盡其南路一股逃竄無多現有邱聯恩帶兵搜捕德楞額格綢額等所領馬隊正當移緩就急飭由新息一帶馳赴勝保軍營俾資得力並著英桂親督官兵前往陳汝駐剿為勝保等後路聲援勝保等仍當察看何處緊急即往何處迎剿並酌撥兵勇與史榮椿等迅克鄧圩毋令蔓延將此由六百里各諭令知之○以勦辦安徽股匪出力賞還頭等侍衛伊興額頂帶○以河南辦理軍需暨防勦出力賞道員周樹衡金承詔戴鸞翔花翎餘升敘有差○以山東防勦竄匪出力賞把總丁佩珩等藍翎餘升敘有差○甲戌以籌辦葉爾羌軍需出力賞陝西知縣喻懷恭葉爾羌章京多仁布伯克呢雅斯花翎筆帖式哲成額等藍翎餘升賞有差○以勦辦葉爾

羌回匪並守禦巴爾楚克城出力賞遊擊博勒忠武等藍翎餘升敘有差○予遇賊被戕葉爾羌五品阿奇木伯克邁呀木子伊布拉伊木世襲五品頂帶花翎並免應交糧賦○乙亥以歲暮裕祭遣官祭

太廟中殿

後殿諭內閣李孟羣奏股匪復竄縣城旋即克復自請治罪等語安徽霍山縣城自李孟羣派兵克復後該逆復聚眾萬餘竄入縣城

代理該縣知縣王自簪復由西門攻入該匪棄城逃遁即將縣城克復此次霍山復失實因賊眾兵單現已即時克復所有李孟羣自請治罪之處著加恩寬免已革守備郭寅亮當賊匪大股來撲出隊奮擊斃賊多名著開復原官補缺後仍帶革職留任處分○諭軍機大臣等本日據李孟羣奏逆匪大股上竄兵力未能兼顧請飭楚北分兵防勦一摺潛太大股粵逆乘虛竄入霍山縣城代理知縣

王自簪等收復後該匪復由東北竄踞獨山兩河口一帶而開順葉家集等處擒匪鳩張地通商因李孟羣擬即帶兵親往惟南面及西南一帶僅此一軍粵捻交乘勢難兼顧自係實在情形楚北麻城羅田毗連該處如果任賊竄入於楚省藩籬大有關係昨據勝保奏移營西南親督進剿但能兼顧商固邊境其麻城羅田等縣著官文等即行派撥兵勇出境迎剿或即將進剿宿太之兵分撥前往

既可與李孟羣聯絡策應並可掃蕩潛太逆蹤以分賊勢至李孟羣所請餉需前經諭令四川山東兩省各籌銀三萬兩解往並令由官文英桂等先行墊解俟餉銀過境時扣還著李孟羣即行派員迎提以資接濟將此由六百里諭知官文都興阿胡林翼並傳諭李孟羣知之○又諭邵燦庚長奏馮北擒匪復熾必須三省會剿以遏北竄一摺據稱毫境擒匪於唐家店等處添有賊圩伊興額督兵

往攻因有南路馬賊來援未能得手。現在渦南悍賊俱偷渡渦北。添築賊圩。號稱數萬。向北蔓延。已飛咨德興阿。添調馬隊。並咨勝保。速撥馬步大隊。由西南兜剿等語。渦北捻匪勢復恣肆。徐州兵力單弱。自應調撥會剿。以遏北竄。惟德興阿大軍進攻江浦。勝保現駐三河尖。力扼逆匪竄豫要隘。邵燦等所謂馬步隊均未定。能否撥往山東與徐接壤赴援。較便著崇恩速即調派精兵六七百名。遴委得力將弁統帶。剋日出境與史榮椿、伊興額等會剿。毋稍遲緩。再前據邵燦等奏稱東省捻匪瞿三禿仔等擾及贛榆。被官軍擊敗。遁入剡城。並據拏獲賊黨。供有瞿三禿仔結幅在鄒費一帶搶掠。又與孫大旺在滕嶧境內聚眾之語。此股匪徒結幅滋擾。設與毫匪勾結。則為患愈烈。並著崇恩飭令地方文武設法按捕。毋任延蔓。至東省官兵未到之先著邵燦等仍令史榮椿、伊興額及朱連泰等就

現有兵勇實力兜剿。勿令匪蹤闖入徐境。將此由五百里各諭令知之。○丙子。裕祭

太廟遣恭親王奕訢恭代行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵 遣官祭

孝德皇后殯宮。○遣官祭

端慧皇太子園寢○遣官祭

太歲之神○諭內閣御史朱文江奏請飭實力編查海船一摺直隸省天津寶河二縣商漁船隻每屆冬令由天津道編號取結豫防偷漏夾帶俟開河時查驗放行立法原為周備乃奉行不力日久視為具文甚有編查時以多報少丈量時以大報小等弊現當各船歸鵠之時自宜急為整頓著直隸總督即飭天津道實力稽查按船編號詳細丈量儻查

有偷漏夾帶及潛藏奸匪各情即著從嚴叅辦○諭軍機大臣等有人奏蘆商帑本生息銀兩前經改交五城現銀二成鈔票餘三成每兩按京錢四千文交納嗣因部需甚急飭京商從賣鹽價內就近墊交本年天津銀賤運司仍按八成現銀二成鈔票徵收乃聞現在此項銀兩仍照五六年飭京商交納而蘆商現交之數並未聲明等語近日都中銀價日昂若如所奏該京商於所餘三成銀兩每

兩仍按京錢四千交納現錢侵蝕贏餘為數不少庫款攸關豈容商人從中舞弊著譚廷襄烏勒洪額確加查訪飭令該運司將蘆商本年應交帑利按照現收八成實銀二城鈔票交庫以除弊混而歸覈實將此諭知譚廷襄並傳諭烏勒洪額知之○免江蘇鎮江府駐防兵丁賠補損失軍械並修復被毀房屋從京口副都統巴棟阿請也○丁丑諭軍機大臣等本日據文煜奏弁兵不遵定例支領鹽折恃眾滋事一摺文煜接辦江南糧臺將各營文武員弁鹽折照例支發乃各營觀望不遵輒聚集多人傳貼字條鎮守營兵張世瑚膽敢毆辱委員尤為可惡必當懲一儆百以肅軍律此時張國樑已赴前敵和春等於員弁濫支鹽折業經由文煜申詳何以並不嚴飭各營遵照辦理似此漫無約束尚復成何事體況所發官弁鹽折與兵勇無涉顯有不肖官弁從中恣憑把持著和春等嚴加約

求即查明失察兵丁滋事員弁據實叅處。毋稍姑容。將此由六百里諭令知之。○以湖南官軍克復江西臨江龍泉。上猶崇義府縣各城。加道員劉長佑布政使銜蕭啟江按察使銜知縣江忠義以知府用。賞花翎軍功黃喜林等藍翎。餘升敘有差。○以援剿江西竄匪獲勝。賞湖南參將朱南桂。巴圖魯名號。餘升敘有差。是年旌表孝子江蘇等省金天行等八百三名。孝友福建林輝治等二名。孝義

江蘇生員狄鯉登一名。悌弟浙江孫翔穆一名。義夫江蘇等省朱錦中等三名。孝女江蘇等省錢氏等十五口。貞婦浙江朱氏等六口。孝婦浙江吳氏等四口。貞節江蘇鍾氏等六口。貞孝女江蘇張金谷等十七口。烈婦直隸等省生員樊生甫妻杜氏等四十八口。烈女浙江王氏等十四口。貞烈女江蘇周氏等九口。浙江志載貞孝節烈婦女一千二十口。守節合例宗室文明妻烏良漢吉爾民氏等三

十八口。滿洲馬甲色強阿妻李桂氏等一百七十七口。蒙古馬甲錦成妻韓佳氏等六十口。漢軍馬甲長興妻線氏等四十六口。內務府長興妻汪氏等九口。各省駐防德玉妻那氏等一百八十六口。奉天等省生員張鵬齡妻郭氏等三千四百五十三口。夫亡殉節江蘇等省儒童葉吉泰妻王氏等十七口。未婚守志滿洲富保聘妻伊爾根覺羅氏等二口。蒙古護軍富慶聘妻鈕祜祿氏一口。直隸

等省陳占魁聘妻王氏等四十六口。百歲壽民婦江蘇等省蔣宏學等十四名口。五世同堂安徽等省吳大楠等十二家。均給銀建坊如例。一產三男四川民龔明富一家。○會計天下民數穀數。除江蘇安徽江西福建湖北湖南河南廣東廣西雲南貴州未經冊報外。直隸等省通共大小男婦二萬四千二百三十七萬二千一百四十名口。存倉米穀八百二十七萬六千三百一十三石一斗六合

六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十三

鼎修紀載常規題目謀起居注官大才大係上書房總師傅文淵閣編修事翰林院掌院學士指察欽奉上述事件是閣文館修纂官必屬

大興工管理本部事務部十三級記錄十四次¹² 貴慶字本總裁實正莊講求才才保才洞洞閣閣事武英縣總裁官教習原才士體仁閣

大蒙古管理戶部三庫出務管理刑部事務加二十三勅紀錄十六次臣周祖培總務官太子少保管理內務書庫事務封引大臣軍機大臣

鎮蘇縣滿洲都統戶部內務管理三庫事務加四級隨帶加五級紀錄十二次片寄奏載勳在題請旨引見後教習清文詩書上書房等語

建國中銓補奉天鎮撫使古都統程部尚書管理大常寺鴻臚寺事務加二級軍功加四級隨帶加八級紀錄五次臣倭什璦布等奉

救修

咸豐八年戊午春正月戊寅朔

上詣

壽皇殿行禮○遣官祭

太廟後殿○御乾清宮受朝作樂宣表如儀○

御乾清宮賜近支親藩等宴○己卯諭內閣

蔣霽遠奏。提督擁兵株守。請革職留營等

語貴州提督佟攀梅自上年三月到任以後

擁眾數千。株守麻哈州城。官兵在高梘地方。

打仗失利。距該州僅三十餘里。該提督次日

尚未得知已屬形同聾瞶且經該撫屢催拔

營與總兵巴揚阿會同勦賊。膽敢藉詞延宕。當此軍務喫緊之際。似此遷延貽誤。實屬咎無可辭。佟攀梅著即革職。仍留軍營差遣。委用以觀後效。儻再不知愧奮。即著從嚴叅辦。○又諭慶英奏揀員調署伯克一摺。喀什噶爾三品阿奇木伯克員缺。著准其以阿里調署。既據慶英奏該伯克前在喀什噶爾熟悉地方情形。儻署任後辦理未能妥協。惟慶英是問。○諭軍機大臣等。穆克德訥等奏續陳

夷務情形各摺片。此次與夷顯背成約。稱兵犯順。陷我省會。劫我大臣。以情理而論。即當絕其貿易。調兵勦辦。方足伸天討而快人心。前此諭知柏貴等。如該夷退出省城。尚可寬其既往。若久踞城垣。惟有調兵驅逐。然後與之剖辯。今據奏稱該夷欲俟議定章程。方肯退出省城。其為要挾已屬顯然。而柏貴等竟與商建夷樓。先議開港。束手無策。何至於此。日內傳聞該夷欲於河南地方建立夷館。又

欲於海口抽釐。柏貴等均欲應允。朕意柏貴久在粵東。熟悉夷情。未必如此遷就。今覽奏報傳聞。竟非無因。豈因葉名琛在彼故存投鼠忌器之心耶。葉名琛辱國殃民。生不如死。況已革職。有何顧忌。穆克德訥、柏貴等亦皆有失守城池之罪。朕從寬議處。原欲汝等運籌補救。起見。不料竟在夷人掌握之中。恨不即與通商。希圖目前了事也。現在黃宗漢未到。柏貴署理。欽差大臣該夷必與議論通商。

多方要挾。若允其在河南建蓋夷樓。逼近省城。將來必不能相安。至中國抽釐。為近日濟餉起見。軍務告竣。即當停止。今夷人欲抽釐。則無停止之日。恐均非商民所願。從前與夷欲入省城。因粵民公憤禁止。柏貴豈不知之。今省城失守。而粵民並不糾眾援救。諒因葉名琛剛愎自用。以致人心渙散。今柏貴等既不能抽身出城。帶兵決戰。尚不思激勵紳團。助威致討。自取坐困。毫無措施。其畏葸無能。

殊出意外。此次該夷背約，奪我省城，並非中國先行開釁。儻粵東紳民激於義憤，集團討罪。柏貴等毋許禁止。若能借紳民之力，加以懲創，將該夷退出省城，使知眾怒難犯，斂其兇鋒。然後柏貴等出為調停，庶可就我範圍。在柏貴等亦剛柔並用，不至事事應承。傷國體而失人心也。至該夷欲來天津，自有辦法。毋庸過慮。將此由六百里密諭知之。○又諭：此次該夷背約，占踞省城，並將葉名琛劫去。未聞該省士民敵愾同仇，諒因葉名琛辦理乖方，以致人心解體。惟近日柏貴等意在即日通商，並傳聞出示曉諭百姓云：夷務已有辦法，無許妄動等語。恐柏貴等為所脅制，無可施展。前此寄諭羅惇衍、龍元傳、蘇廷魁等密傳各鄉團練，宣示朕意，將該夷逐出省垣之處，亦恐為該夷阻隔。尚未周知。茲特命駱秉章轉遞廷寄一道，付該侍郎等閱悉。著即傳諭各紳民，糾集團練數萬人，討其背約攻

城之罪。將該夷逐出省城。儻該夷敢於抗拒，我兵勇即可痛加勦洗。勿因葉名琛在彼，致存投鼠忌器之心。該督已辱國殃民，生不如死。無足顧惜。況此事由該夷背約，先自舉兵。該紳民等如能眾志成城，使受懲創，正所以尊國體而順民情。朕斷不責其擅開邊釁。慎勿畏蕙不前也。如能將該夷驅出省城，不令與官民錯處，則控馭稍易。為久居時，以粵東民人索償所燒數千間房屋為詞，不許在粵省通商。彼必自知理曲。然後由地方官員出為調停，庶可就我範圍。該侍郎等惟當仰體朕心，為國宣力。勿為浮言所惑。將此由六百里密諭知之。○又諭：前據駱秉章以逆夷襲踞廣東省城，鈔錄粵商信緘馳奏。當經諭令嗣後如有見聞粵省近事，即著隨時馳奏。本日據穆克德訥、柏貴等續報夷務情形，惟欲速通商以安民心，未免失之太弱。且與該夷雜處城中，恐處處受其挾制，不能聯絡紳民。

以為補救。因思從前不令夷人入城。皆得粵省紳民之力。此次夷氛猖獗。攻陷省城。該將軍署督等。仍有告示。令民間不可妄動。非所以激義憤而保地方。連次寄諭。均令其與前任侍郎羅惇衍。京堂龍元僖。給事中蘇廷魁。商酌。激勵鄉團。以助兵威。該夷見眾怒難犯。當可少遏兇鋒。不至盡受挾制。於辦理之方。實為有益。茲有廷寄一道。諭羅惇衍。龍元僖。蘇廷魁等。令其密傳各鄉團。宣示朕意。妥為

辦理。著駱秉章。於奉到時。即加封專差員弁。迅速赴粵。妥為投交。勿為該夷知覺。致有阻撓。將此由六百里諭令知之。○以四川北鎮總兵官蔣玉龍。為貴州提督。○以克復江南瓜州出力。總管海全。以副都統用。副將毛三元。英貴。以總兵官升用。賞協領常壽。麟祥。副都統銜。總兵官成明。參將趙樹棠。都司哈連陞。守備王富來。佐領花沙布。巴圖魯名號。知府黃欽鼎。巴克通阿。同知黃錫禧。孫元超。

直隸州知州于昌遂。黃文涵。參將張維義。張東皋。常海。遊擊馮化青。匡國棟。李現臣。都司李春芳。馬福。常勝。蔣臨照。守備馬銘。勳。衛守備袁祚煥。佐領富勒琿。防禦蘇扎布等。花翎都司得運等。藍翎。餘升擢有差。○以喀什噶爾勦賊出力。領隊大臣錫拉那。總管博勒果。蘇。以副都統用。賞佐領塔拉奇。巴圖魯名號。佐領噶傍晉。巴喀恩。恩。防禦阿穆爾們都安。扎布。回城章京德貴。遊擊海一士等。花翎。外

委王鴻耀等。藍翎。餘升擢有差。○予廣東陣亡協領張陞和。祭葬世職。○予貴州陣亡守備燕升雲。千總汪振揚。方朝卿。把總宋朝聯。王復順。王起龍。外委王慶春。嚴五芳。年元林。袁得勝。劉起鳳。祭葬世職。○緩徵直隸固安。永清。東安。開。東明。長垣。甯河。安。高陽。永年。成安。廣平。磁。新河。武清。薊。博。野。蠡。雄。束鹿。河間。獻。景。東光。天津。青。靜海。滄。南皮。鹽山。贊皇。晉。無極。邢臺。沙河。河南。和。唐山。平鄉。廣宗。鉅鹿。內

邱任。邯鄲。肥鄉。曲周。雞澤。元城。大名。南樂。清
豐。豐潤。玉田。南宮。棗強。武邑。衡水。柏鄉。隆平。
高邑。臨城。甯晉。深。武強。饒陽。定。深澤。六十六
州縣。被水被旱被雹村莊新舊額賦給固安。
永清。東明。長垣。東安。開。六州縣被災民旗口
糧有差。○以江西南昌。新建。豐城。進賢。鄱陽。
餘干。樂平。浮梁。安仁。萬年。星子。都昌。建昌。安
義。十四縣被災較重。命平糶倉穀。○庚辰
高宗純皇帝忌辰。遣官祭。

裕陵。○諭軍機大臣等。英桂奏南路勦匪。及光
固喫緊各情。請飭舒保會勦。並暫留過境吉
林黑龍江餘下一摺。河南大頂山股匪。疊經
官軍痛勦。其南竄棗陽一股。合併楚境黃草
坪一帶土匪。亡命搶掠。復經兵勇截擊。回竄
唐縣邊界之晒山等處。現在豫境之唐縣。桐
柏。及楚境之隨州。棗陽。山路叢雜。本有匪徒
出沒。若再被該匪踞險負隅。按捕殊形棘手。
英桂已飭德楞額。會同邱聯恩。進勦。尚恐未

能得力。舒保帶兵現駐襄陽。著官文。胡林翼。
飭令該營總就近移兵。由隨州。棗陽。與河南
將弁。前後夾擊。以期盡埽匪蹤。至六安。霍山。
及光州所屬之地方。均有賊匪滋擾。需兵甚
急。所有赴楚補額之吉林黑龍江餘丁四百
名。現在路過許州。著英桂暫行截留。以資助
勦。俟東路軍情稍鬆。仍飭該餘丁赴楚補額。
將此由六百里各諭令知之。○以前任山東
曹州鎮總兵官三星保。為四川北鎮總兵

官。○以勦辦安徽麻埠擒匪出力。賞知府袁
懷忠。已圖魯名號。千總劉英等花翎。同知銜
汪用賓等藍翎。餘升擢有差。○以勦辦安徽
河南擒匪出力。賞知府祁之銓。花翎。餘升擢
有差。予傷亡把總胡鳳山。祭葬。世職。如陣亡
例。○賑安徽潁州。亳。壽。六安。霍邱。河南固始。
六府州縣。被旱被蝗被擾災民。○辛巳。緩徵
山東章邱。齊東。濟陽。禹城。臨邑。長清。肥城。萊
蕪。東平。平陰。惠民。陽信。商河。霑化。汶上。陽穀。

壽張單曹定陶觀城朝城聊城在平清平莘冠館陶高唐恩益都博興邱臨清濟甯歷城鄒平長山齊河泰安海豐濱利津滕嶧城武蘭山沂水樂安濰夏津魚臺東阿青城河澤鉅野鄆城濮范高苑金鄉嘉祥六十二州縣暨德州東昌臨清濟甯四衛被水被旱被風被雹被蟲村莊屯場本年額賦及漕項銀米鹽蘆租課○壬午以江南水師勦賊出力賞總兵官陳國泰提督銜參將黃彬總兵銜參

將李明新已圖魯名號總兵官陳世忠都司明福余蓋臣守備韋長貴花彪裴關寶任銓吳必耀盧瑞祥李潤雄梁富揚李定勳知府孔繼鏞等花翎守備張銳等藍翎餘升擢有差○以克復安徽正陽關出力賞都司陳繼寬守備唐舉汪朝海吳泰利花翎知州董聲元等藍翎餘升擢有差○予安徽陣亡外委周得貴祭葬世職○予安徽殉節工部左侍郎呂賢基入祀鄉賢祠從巡撫福濟請也○

貸山西虞鄉榆社靜樂平定長治潞城黎城壺關永濟臨晉榮河遼和順平陸垣曲太原文水鳳臺十八州縣及清水河薩拉齊三廳被蝗被雹災民籽種口糧○貸陝西鎮安神木府谷米脂吳堡五縣被蝗被旱災民籽種口糧○甲申

世祖章皇帝忌辰遣官祭

孝陵○諭軍機大臣等本日文煜奏江南軍餉

浮濫太多等語江南糧臺濫支濫應歷年已

成錮習前據和春等奏兵勇糧餉支放比例未符朕因大軍直薄金陵剋期收復是以准其暫行照舊辦理以示體恤至統兵大員以及帶兵將弁自應遵照定例支領毋許仍前浮濫文煜辦理糧臺照例支放本屬正辦乃各營員弁竟有糾眾毆官之事總因前此彭玉雯等辦理不善致成積重難返之勢殊堪痛恨著各該大臣等嚴加約束毋許藉端生事何桂清駐劄常州如有不肖員弁滋鬧糧

臺。即著文煜稟商該督就近懲辦。其兵勇口糧。現因金陵指日成功。暫准照舊支發。但思克復金陵之後。尚須分兵追勦。若遽加覈減。恐不足以資鼓舞。著和春等。俟金陵克復。先將不受約束之兵。遣撤歸伍。其素有紀律。堪用以追勦者。應如何酌量調劑之處。著何桂清豫為籌畫。或於例餉之外。籌備賞需。交該大臣等。將奮勇各兵。隨時鼓勵。無功者不得濫邀。庶於體恤之中。仍存限制。此係朕格外施恩。原因功在垂成。不惜小費。並非遂為定例。該大臣等。屆時曉諭兵丁。使皆知感。知奮淨埽逆氛。以慰朕望。何桂清身任封圻。地方一日早安。則民氣一日早復。但期於事有濟。則權宜應變之處。帑項並非虛糜。將此由六百里諭知和春。張國樞。許乃釗。何桂清。並傳諭文煜。知之。○浙江巡撫晏端書奏。浙省支應皖南軍需。及各路防費。不敷動撥。現籌勸捐接濟。得旨。不知汝浙江防費所需。竟近三

十萬。既有此款。亦准汝動用。惟續有特旨協撥。若靳惜搪塞。罔顧全局。即以玩視軍情論。○乙酉。諭內閣。本月十四日。祈穀壇大祀。前經降旨。朕親詣行禮。茲因體疾尚未如常。恐升降拜跪。不足以昭誠敬。著派恭親王奕訢。恭代行禮。先期在紫禁城內齋宿。前一日詣壇齋宿。屆時朕仍在宮內敬謹致齋。○又諭。德雲。陸東樞奏。請將普濟堂應領之款。先行酌給。並全發實銀。俾資接濟等語。本年普濟堂收養貧民人數較多。採買諸形昂貴。委員等籌墊拮据。著崇文門。將普濟堂應領之款。先行給發實銀五百兩。其餘銀兩。及功德林應領賞項。均著全數給發實銀。以資接濟。仍著該御史等。隨時稽查。不得稍有浮冒。如物價平減。人數漸少。仍即照舊章按期支領。以符定制。○又諭。勝保等奏。連破賊圩。擊敗竄匪等語。捻首劉狗即。劉大淵。於渦河兩岸之鄧

家集等處負隅抗拒。黑旗擒首梁思任。在喬家廟等處添築兩圩。經侍衛伊興額等督率馬隊截殺殆盡。將梁思任擒獲正法。兵勇乘夜進攻賊圩。餘賊逃竄。史榮椿迎頭截擊。擒首劉狗。被追乞降。亦經殲斃。其藍旗回竄。股匪經候選知府倪元灝等追剿。斬獲極多。餘匪逃散。此次攻破。鄭家等圩賊巢。擒斬擒首。藍旗回竄。股匪亦被擊潰散。勦辦尚為得手。著勝保等督飭將弁實力搜捕。務將餘孽殲

除淨盡。俾地方一律肅清。所有出力員弁兵勇著勝保等查明保奏。○諭軍機大臣等。勝保袁甲三奏進攻六安。分援固始。請添兵助勦一摺。粵匪分股北擾。意圖牽掣我軍。勝保駐劄三河尖。扼其北犯之路。該逆攻撲固始。縣城勢甚披猖。勝保等現抽撥兵勇一千五百名。交樂善等帶往固始。兵力既分。自宜量為添調。惟陝甘官兵於湖北凱撤時。曾經勝保截留。現在該省官兵恐未能再抽調二千

名之數。本日已諭令樂斌酌量調撥矣。前諭英桂飭令德楞額格。額額等帶領馬隊由新息一帶馳赴勝保軍營。諒已遵照辦理。此時勝保等進攻六安。分援固始。需兵甚急。河陝汝匪蹤業已殄除。著英桂仍遵前旨前往陳汝駐劄。以為勝保等後路聲援。毋稍遷延。致滋貽誤。將此由六百里各諭令知之。○又諭勝保袁甲三奏隨營兵力不敷。調派請飭於固原甘州西甯河州提鎮標內選撥馬步精

兵二千名赴皖協勦。所奏自係實在情形。該省存兵能否如數調撥。著樂斌察看情形酌分勁旅。遴選得力將弁管帶。迅赴勝保等軍營以資勦辦。將此由六百里諭令知之。○以浙江辦理海運出力。予道員胡澤沛等升敘有差。○予河南陣亡協領色克通額法克吉布。祭葬世職。○丙戌享太廟。遣恭親王奕訢恭代行禮。○遣官祭太歲之神。○

上御撫辰殿大幄次。賜蒙古王貝勒貝子公額駙台吉及那木喀呼圖克圖等宴。並賞賚有差。○諭軍機大臣等。主懿德奏廣東省城被夷竄擾。現籌密防。閩境一摺。粵東夷人占踞省垣。葉名琛尚留夷船。業經簡放黃宗漢為兩廣總督。其未到任以前。並令柏貴暫署欽差大臣關防。近日疊據廣州將軍穆克德訥等奏報。辦理尚無把握。該夷如能悔過自新。退出省城。自可徐與說理。儻仍逞其詭計。日

久盤踞。恐不免用兵勦辦。閩省海洋接壤。自應嚴密防堵。但須暗地設防。不可令夷人窺見端倪。黃宗漢由閩赴粵。王懿德等必與會晤。正可商度機宜。維持大局。至該夷現在尚踞省城。該督所稱十一月十四日被夷竄擾。十九日即經鄉團克復。想係傳聞之誤。嗣後粵東情形。如有所聞。仍著隨時具奏。將此由五百里密諭知之。○又諭。王慶雲奏探聞貴州思南失守。請移鎮遠川兵勦辦。兼顧川疆

一摺。貴州思南府城於十二月初五日失守。尚未據蔣霽遠奏報。亟應派兵勦辦。以免蔓延。蔣玉龍業經簡授貴州提督。現尚駐劄鎮遠。著即統所部川兵從銅仁松桃繞出思南之北。相機進剿。規復郡城。毋令匪徒久踞該處。教匪滋事。地方文武何以未能堵禦。輒被攻陷。著蔣霽遠查明叅辦。其毗連思南等處。應如何設法堵剿。以杜竄越。並著督飭各該文武嚴密籌辦。毋稍疏懈。其留駐鎮遠弁兵

即著該撫會同蔣玉龍。派委妥員接管。至思南接壤川疆。業經王慶雲飭委知縣李漸鴻總辦酉秀邊防。並令副將鄒鸞章派兵扼截龔灘要隘。即著嚴飭該員弁等實力防守。其未盡事宜。並著隨時布置。毋令匪眾竄入川境。是為至要。將此由六百里各諭令知之。○賞青海扎薩克郡王濟克默特那木扎勒多爾濟三眼花翎。頭等台吉車布登端多普土爾扈特協理台吉玉木雲花翎。○以福建辦

團出力。賞道員梁恭辰花翎。蠲緩江西義
甯靖安鉛山豐城進賢餘干奉新武甯上高
安義建昌新昌宜春分宜萬載弋陽興安鄱
陽樂平浮梁德興萬年南昌新建二十四州
縣被兵被水被旱田地新舊額賦有差。戊
子。

孝全成皇后忌辰遣官祭

慕陵。諭內閣戶部錢法堂奏請於寶泉局門
外添設堆撥以資巡緝一摺。錢局重地理宜

防範嚴密。乃近日有賊匪在寶泉局乘夜越
牆。意圖搶竊。復擲甗拒捕。實屬胥不畏法。著
步軍統領衙門即行趕緊嚴緝。全數弋獲。並
於該局大門外添設堆撥。揀派步軍校二員。
步兵十名。輪流值宿。認真巡查。如有宵小瀝
跡。即行嚴拏懲辦。予江南陣亡都司闕明
德。把總鄭雄飛。王聯陞。外委楊德興。祭葬世
職。

上以次辛祈穀於

上帝。自是日始齋戒三日。己丑以修築直隸

張家口壩工完竣。予知縣姚忠亮等加銜有
差。以辦理喀什噶爾軍糧無誤。予協領圖
們泰等升敘有差。撫恤琉球國遭風難夷
如例。庚寅諭軍機大臣等。前因豫省桐柏
等處匪蹤未淨。諭令官文等即飭現駐襄陽
之營總舒保移兵隨棗一帶會剿。本日據英
桂奏豫省匪徒經德楞額邱聯恩等於泰山
廟等處疊次剿殺。餘匪回竄角子山。數已無
多。並經汝甯府督同州縣擒斬匪首多名。舒
保一軍可毋庸前赴隨棗。惟固始縣城被圍
危急。粵逆捻匪數至五萬。城中兵勇太單。勝
保所部兵勇既須扼守三河尖。有不能抽撥
之勢。英桂現擬親往該處。而馬隊不滿三百。
步隊亦止二千。仍恐不敷援應。著官文胡林
翼即飭舒保速帶馬隊兼程赴豫。徑往光固
一帶實力救援。俟固始解圍。光州情形稍鬆。
再令回駐襄陽。以資控扼。英桂現已飭令德

楞額抽帶馬步兵勇先往著即親督大兵隨
後繼進其截留吉林黑龍江餘丁准其一併
帶往俟軍務稍鬆仍令赴楚所有角子山餘
匪即責成邱聯恩實力搜捕阜陽教匪即飭
陳州汝甯等府分投堵剿毋令闖入豫境將
此由六百里各諭令知之○以克復江西瑞
州府城賞都司朱步青丁秉勝滕加洪朱祖
貴守備羅近秋姜維揚李大雄周福昆等花
翎縣丞黎獻等藍翎餘升擢有差○以克復
江西臨江府城賞道員劉于瀉按察使銜副
將田興恕巴圖魯名號餘升擢有差予陣亡
教諭何堯臣千總呂應良蕭敬衡外委王德
雲廖忠明田紹衢李傳灝祭葬世職○予江
西陣亡知府周炎祭葬世職並附祀伊父廣
西按察使周玉衡專祠○辛卯祈穀於
上帝遣恭親王奕訢奉代行禮○
宣宗成皇帝忌辰遣官祭
慕陵○

上詣乾清宮東暖閣

宣宗成皇帝

聖容前行禮命內廷行走王公大臣及蒙古王
貝勒貝子隨同行禮○壬辰月食

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十四

監修總纂官日講起居注官太子太保上書房總師傅又副都御史翰林院學士稽察欽天監事務處國子監總纂官武英殿

大學士管理兵部事務加十三級紀錄十四次日官制憲本總纂官又副都御史翰林院學士稽察欽天監事務處國子監總纂官武英殿

大學士管理戶部三庫事務管理刑部事務加二十三級紀錄十六次日周祖培總纂官太子少保管理內務府事務管理對引大臣崇熙

總纂官湖南都統戶部尚書管理三庫事務加四級隨帶加五級紀錄十二次日官制憲本總纂官又副都御史翰林院學士稽察欽天監事務處國子監總纂官武英殿

達爾扎雅總纂官又副都御史翰林院學士稽察欽天監事務處國子監總纂官武英殿

敕修

咸豐八年戊午正月癸巳軍機大臣會同戶

部兵部議覆葉爾羌參贊大臣慶英奏南路
換防官兵擬請變通自咸豐八年為始分作
六年抽換以節經費應如所請辦理惟防兵
經費不費於防所而費於程途往返一切開
銷故前會議新疆兵制案內令該大臣等或
改防為眷或招募充補防所多募一人內地
即少派一兵積少成多久之換防兵丁自可
減少於經費方有裨益仍應令該大臣等實
心實力講求招募為永遠節省經費之計從

之○雲貴總督吳振棻奏回民就撫辦理已
有端緒惟漢回忿爭不已燒殺相尋就撫一
局深恐又有變更得旨應撫者自撫違抗者
必勒固可並行不悖勿憂其局有變更惟在
曉諭得宜方能潛消反側○命直隸正定鎮
總兵官雙祿來京引見調四川北鎮總兵
官三星保為直隸正定鎮總兵官以四川懋
功協副將魯占鼉為川北鎮總兵官○甲午
上幸圓明園○賞科爾沁扎薩克圖謝圖親王

巴保多爾濟三眼花翎○乙未諭軍機大臣
等何桂清趙德轍奏曉諭夷酋照常貿易等
語夷夷犯順闖入廣東省城本應令各海口
絕其貿易念此次起釁係由葉名琛剛愎自
用駕馭失宜以致該夷忿激滋事是以暫緩
用兵疊次諭令柏貴等如果該夷悔罪退出
省城尚可寬其既往僮員固不悛即調集兵
勇驅逐出城再與講理上海華夷既無嫌隙
自應照常通商何桂清等派蘇松太道薛煥

諭以粵事應歸粵辦又因哂嘆等國有至天津請派大臣另議通商之語並飭薛煥告以已另派大員前赴廣東辦理措詞尚屬得體現在粵省吏務尚無定局上海夷酋既屬安靜只可如此羈縻俟黃宗漢路過江蘇該督等與面晤可將此次入奏情形告知至上海時有火輪船往返並著密探粵省夷人何如舉動隨時具奏將此由五百里密諭知之○丙申諭內閣上年因米價昂貴八旗生計維

艱降旨散放賑米以示體恤現當青黃不接之時米價尚未平減若將賑米放至二月即行停止恐不足以資接濟著加恩再行展賑三箇月仍由戶部撥給米石交各該旗酌量戶口多寡分別散放並著查旗御史會同各該旗都統副都統輪往監視覈實辦理用示朕恩膏壘沛至意○丁酉諭內閣譚廷襄奏知縣諱盜為竊請旨革職一摺直隸南和縣知縣前署成安縣知縣張柏榮於該縣生員

楊奉運家被劫一案先以勘無撞門拒捕斷為竊案迨經事主續控仍未據實詳報迄今年餘犯無一獲實屬有心諱飾捕務廢弛張柏榮著即革職以示懲儆○諭軍機大臣等勝保袁甲三奏固始獲勝並圖取六安各情一摺逆眾圍攻固始縣城勢甚披猖袁甲三馳抵尖鎮後即經勝保親赴戴家店激勵兵勇聯絡鄉團與城內官軍悉力夾擊雖得勝仗尚未大挫賊氛並恐解圍後或西竄闖入

光商復有蔓延之慮李孟羣因麻埠喫緊未能馳往會剿著英桂先飭德楞額等馬步隊迅速前往該撫即親自帶兵並所募練勇隨後繼至毋再遲延並著勝保密飭張曜設法固守力保危城不得稍有疏懈其六安一路著袁甲三就近控馭務將州城攻克以期次第掃除醜類將此由六百里各諭令知之○又諭本日據駱秉章奏密陳廣東民夷各情並鈔呈信緘一摺據稱該夷將將軍巡撫送

回撫署令夷目夷兵監守收繳省城各標及近城各團軍器省河礮船亦歸夷人統帶並分守城門出示則夷酋與將軍等會銜等語逆夷闖入廣東省城迫脅大吏柏貴與夷酋商辦彼此同住一署其所陳奏事件必皆聽從夷人指使一切不能自主該署督及該將軍既並受挾制在官無可用之兵即紳士鄉團無官兵為之援應亦恐獨力難支著黃宗漢迅速馳往勿再遲延該督所過地方如查

有可帶之兵一面奏明一面酌帶到粵後擇地駐劄遙作聲援切不可誤信人言輕入省城致蹈前車覆轍安營後即飛調水陸兵勇召集各處團練密籌攻勦勿以柏貴等在城心存顧忌總以維持大局為要若如駱秉章所奏傳聞近日情形是該署督將軍等辦理純繆與葉名琛無異朕必另簡大員前往會同黃宗漢分駐各處相機勦辦使該夷失其所恃庶幾權操自我尚可挽回駱秉章奏此

次真夷及漢奸人數不過數千。嘯嘯一股係其邀約而來並非本志。果能經理得宜逆夷何能為患。又稱香山東莞新安三屬民氣最強。若得一二賢吏暗為布置。許以重賞。令其密相糾約。乘夷兵赴省之時。擄其香港巢穴。則逆夷回顧不遑。自難久踞省城。又夷酋吧嘎嚕及廣東漢奸王道崇兩人。不除粵省無安靜之日。各等語。著黃宗漢豫籌妥辦。駱秉章所呈信緘著鈔給閱看。將此由六百里

密諭知之。○又諭柏貴署理總督後尚無奏報。儻與將軍穆克德訥同受挾制。惟該夷之言是聽。亦惟有另簡賢員前往。會同黃宗漢辦理。前有寄諭令羅惇衍龍元僖蘇廷魁等密召鄉團圖克省城。該侍郎等若能調度有方。攻其不備。如駱秉章所奏機宜。自可奪逆夷之魄。所慮者伊等聲望有餘。而機權不足。亦難濟事。現在湖南道府以下及候補人員中如有籍隸廣東熟悉地方夷務情形。明幹

有為堪以任使者著駱秉章揀派二三員前往廣東幫同羅惇衍等商辦集團調兵各事宜以資得力將此由六百里密諭知之○命升任廣西按察使瞿誥開缺為候補按察使仍留湖南辰永沅靖道本任以廣西右江道李承恩為按察使○以安徽兵練勦擒擒匪出力攻毀趙屯鄧圩賊巢賞知州孫洪金練總苗沛霖花翎六品軍功王尚辰等藍翎餘升擢有差○以守禦河南固始縣城出力賞

知縣張曜巴圖魯名號○改鑄廣東廣州將軍印信巡撫關防○戊戌

孝穆成皇后忌辰遣官祭

慕陵○諭軍機大臣等李孟羣奏援勦固始情形請飭催兵餉一摺李孟羣軍營餉需前諭四川山東分別籌撥其四川之餉由湖北先行墊解山東之餉由河南先行墊解以期迅速本日復諭戶部將前撥該藩司兵餉飭催自可陸續解到現在固始被圍緊急李孟羣

派往兵勇係為兼顧豫疆起見著英桂就近籌撥接濟毋使匱乏俟山東解到餉銀即可劃還至撥解軍火及限行文報例准應付之項向應由地方官撥夫遞送派差押護僅鄰省州縣於經過時有敢玩誤即准李孟羣查叅其辦理妥速者亦准酌量保奏並著該藩司通飭各州縣不得遲延貽誤至另片奏請調黑龍江吉林馬隊該二省現已無可調撥前經勝保奏調未經允准著毋庸議伊興額馬隊自攻破鄧圩後毫境尚有餘匪亟須撥勦勢難兼顧該藩司俟固始解圍後將各兵勇調回為數不尤如必須馬隊可就近與勝保通融辦理將此由六百里諭知英桂並傳諭李孟羣知之○己亥諭軍機大臣等連日疊據勝保等奏固始被圍喫緊並李孟羣奏請飭催餉銀當經諭令英桂撥兵赴援即親自督兵繼進並先行籌餉解赴李孟羣軍營諒已遵照辦理固始城圍未解李孟羣派援

兵勇雖多未知接仗能否得力。英桂馳抵汝郡後著即酌度情形。先其所急。多派兵勇與勝保等會合夾擊。迅解固始之圍。至阜陽等處土匪滋事。沈邱項城所屬地方已被竄擾。亟應嚴密防剿。除飭該管地方文武並候補知府蒯賀孫督勇堵扼外。仍當遴派得力將弁前往勦辦。毋令蔓延。其甘肅赴皖官兵一百八十四名。准其暫行截留。以資助剿。惟此係福濟等奏補缺額官兵。未便久留豫省。著

俟陳汝情形稍鬆。即行飭赴安徽軍營。將此由六百里諭令知之。○禮部左侍郎玉明工部右侍郎劉崐奏恭辦

永陵河道工程。遵照吉期。敬謹開工。惟草倉河下游辰方。正當迎水匯流之處。擬照原估用荆園稍加寬厚。俾資鞏固。得旨。草倉河辰方荆笆無論加厚幾許。想難禦山溜頂衝。是否應順溜微斜。俾水勢漸緩。以臻鞏固。著隨時酌度辦理。然此不過抵禦水小之時。若水大

漫溢。自應另籌妥慎之法。○以詹事府詹事文祥充日講起居注官。○以河南官軍勦殲捻匪出力。賞縣丞陶鳴遠藍翎。餘升擢有差。○庚子

孝聖憲皇后忌辰。遣官祭

泰東陵。○以內閣學士雙福署禮部左侍郎。○以正黃旗護軍參領舒保為鑲黃旗漢軍副都統。○命工部尚書文彩倉場侍郎李蒞前。往天津驗收海運漕糧。戶部右侍郎杜翹前

往通州會同倉場侍郎崇綸辦理驗收事宜。○以湖北紳民團練出力。永廣沔陽孝感江陵隨西州縣文武學額各三名。江夏武昌興國黃陂黃岡蘄水麻城黃安均。棗陽南漳鍾祥天門京山安陸應山應城十七州縣各二名。大冶咸寧蒲圻嘉魚蘄羅田松滋枝江監利穀城宜城光化潛江雲夢十四州縣各一名。○辛丑諭內閣。前因喀什噶爾英吉沙爾回城先後失陷。諭令法福禮將各該城文武

各員有無畏葸逃避禦侮不力及守卡弁兵何以漫無覺察之處就近詳查具奏茲據法福禮奏稱喀什噶爾總兵伊綿阿等督兵迎勦接仗十七次領隊大臣巴哈善等登城守禦卡倫弁兵來城者係因報信及幫同守城尚非有意退避英吉沙爾文武各員亦均能固守及與賊接仗奪獲器械有據賊匪並非由該處卡倫闖入守卡弁兵尚無不合等語該二城文武各員及弁兵等既查無畏葸逃

避及禦侮不力等情均著免其置議其因何起釁著俟究出實情並各該管大臣有無失察貽誤之處會同扎拉芬泰一併具奏○以烏魯木齊錢局鼓鑄出力加道員祥裕按察使銜餘升敘有差○壬寅頒

硃諭三載考績所關甚鉅滿漢諸臣有能夙夜精勤才堪肆應者允宜甄敘茲屆京察之期吏部開單題請朕詳加披閱大學士彭蘊章協辦大學士戶部尚書柏葰吏部右侍郎穆

蔭工部左侍郎杜翰贊襄樞務矢慎矢勤大學士裕誠宣力有年靖恭在位閩浙總督王懿德攘外安內布置咸宜均著交部議敘湖南巡撫駱秉章籌畫軍務能任賢才克臻安謐著賞加頭品頂帶餘著照舊供職○諭內閣本年輪應查閱山東河南江蘇安徽江西五省營伍之期山東即派崇恩河南即派英桂江蘇即派何桂清安徽即派福濟江西即派耆齡逐一查閱認真簡校如查有訓練不

精軍實不齊者即將廢弛之將弁據實奏參毋得視為具文○又諭載容奏請飭催地租銀兩等語

西陵廣恩庫地租銀兩易州等州縣共欠交陳租五千二百五十餘兩前經奏催易州等州縣不但陳租未完新租仍復拖欠其安州陳欠並上年應交新租仍不交完實屬延玩著直隸總督即行嚴飭易州安州任邱高陽河間安肅等六州縣將欠交廣恩庫陳新租銀

趕緊完交以重庫款毋再遲延○以陝甘永固協副將塔思哈為甘肅肅州鎮總兵官○予安徽軍營病故甘肅肅州鎮總兵官音德布祭葬卹廕○予安徽陣亡縣丞曹綬卿教諭黃坤元訓導沈逢年○年順行○把總閻瞳○外委李步階祭葬世職廩貢生孫汝瑾等賞卹如例○癸卯諭內閣崇綸李菡奏請飭催直隸省應解銀兩一摺本年江浙海運新漕為數較多一切豫辦事宜需用甚鉅所有直隸

省應解銅批銀款著譚廷襄即飭藩司迅速籌撥實銀一萬兩派員解往以濟要需○諭軍機大臣等何桂清等密陳啖味啡等夷酋投遞照會公文一摺此次夷人稱兵犯順占踞廣東省城現又來滬投遞照會並言欲赴天津顯係虛聲恫喝欲以肆其無厭之求向來夷務皆由兩廣總督專辦已派黃宗漢赴粵辦理乃該夷酋等竟不候查辦前來蘇州投遞照會並有照會大學士裕誠公文種種

曉瀆皆係一面之詞出乎情理之外除飭裕誠將不能照覆該夷之處咨明何桂清等轉諭該酋外仍著何桂清等查照裕誠咨文內各情逐層詳加開導諭以上海本非籌辦夷務之地中國自有專辦夷務之人俾該夷駛回廣東聽候黃宗漢秉公查辦方為妥善該督撫必能仰體朕意飭屬妥辦以尊國體而弭釁端也將此由六百里密諭知之○引見京察三品以下京堂各員得旨通政使司副

使扎克丹欽天監左監副賈恂年力就衰均著原品休致餘著照舊供職○以散秩大臣載崇為正白旗漢軍副都統○以河南信陽各關防堵出力賞道員邊浴禮花翎餘升擢有差○甲辰諭內閣惠親王等奏八旗兵餉鐵制錢酌擬於三箇月內暫加一成一摺八旗兵餉本係搭放鐵制錢二成現在物價昂貴該兵丁等生計維艱著加恩自三月起至五月止每月加放鐵制錢一成以示體恤至

六月以後仍搭放鐵制錢二成俟該局鼓鑄充裕再行酌擬加成搭放○諭軍機大臣等前因固始被圍豫省兵力單薄諭令官文等即飭舒保帶領馬隊徑赴光固一帶救援茲據該大臣等奏稱舒保一軍先期移營麻城仍酌量隨棗情形實力防勦等語自係尚未接奉前旨現在勝保等援勦固始雖屢獲勝仗尚未解圍仍須添兵助勦舒保此時諒已啟程惟所帶馬隊僅二百名不成一軍著官

文等酌量情形添撥步隊相輔而行或即於駐劄襄陽兵內酌撥千名交舒保統帶前進較為得力另片奏太湖宿松逆匪竄近蘄州近界經都興阿等督兵迎勦斬獲頗多惟探聞太湖渡船口石牌等處尚有賊黨七八萬連營三十餘里逆勢如此猖獗非下援金陵即上竄楚境著都興阿督飭各軍相機截勦務將此股逆匪迅速殲除至九江功在垂成何以尚無捷報不勝殷盼現在和春等正在

圍逼金陵安慶蕪湖等處賊黨尚多時往金陵援應所望九江早克順流而下與江南大軍兩路夾攻使該逆不至他竄方為妥善著官文等傳旨令楊載福彭玉麟等奮勇圖功毋得遷延時日坐失機宜將此由六百里各諭令知之○予江西陣亡守備李長清千總方學禮祭葬世職○免從征台吉扣繳借支俸銀○乙巳

上還宮○諭軍機大臣等本日據伊興額奏擒

匪踞擾蒙宿一帶請飭調馬隊助勦並以蒙宿軍情喫重不能遠赴太和等各等語藍旗擒匪竄擾蒙宿一帶復句結劉大淵等敗匪由太和折回窺伺宿徐渦河南北伏莽亦漸有蠢動亟應嚴密堵勦以固徐境藩籬現在附近蒙宿一帶並無大員可派帶兵俟史榮椿自亳州帶兵前來該侍衛即可與面商機宜協力督軍進勦至請調馬隊一節江南相距較遠江北現在圍攻江浦喫緊前經勝保奏

請調撥據德興阿等以無可分撥覆奏李孟
羣因援勦固始請調復諭以如果必須可就
近與勝保通融辦理今該侍衛所需馬隊俟
固始解圍後其能否分撥之處即著勝保酌
量辦理現在賊勢歸併蒙宿如果太和不甚
喫重所有朱連泰一軍亦可前往蒙亳會勦
勝保遠在固始一時未能得信即著袁甲三
會同史榮椿就近酌度情形先行調度務將
蒙宿賊巢一律埽蕩如賊匪被勦竄往他處

大清文宗顯皇帝實錄

卷之二十四

史榮椿伊興額等即當追蹤勦捕不得以保
守徐境遂為了事將此由六百里諭知勝保
袁甲三並傳諭史榮椿伊興額知之○丙午
孝儀純皇后忌辰遣官祭

裕陵○以廣東布政使江國霖捐輸軍餉永廣
本籍四川大竹縣文學額一名

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十四

大清文宗顯皇帝實錄

卷之二十四

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四十五

監修總裁官經日講起書法官大寺太保上書奏師傳文淵閣讀書翰林院庶常學士積翁欽米滿芳仲尼圖史館總教習武英殿

大學士管理兵部事務加十三級紀錄十四次臣等竊念本總裁官經筵講官太子太保文淵閣領閣事武英殿總裁官於督學士體仁閣

大學士管理戶部三庫事務管理刑部事務加二十三級紀錄十六次臣周祖培題裁官太子少保管理內閣書庫事務加引大員軍機大臣

鎮藍旗滿洲都統戶部西書管理三庫事務加四級隨帶加五級紀錄十二次臣等蒙恩總載官總稅課官弘德殿大學士清文館漢上書房總纂

達因文館總辦官正藍旗蒙古都統禮部尚書管理太常寺鴻臚寺書給加二級軍功加四級隨帶加八級紀錄五次

敕修

咸豐八年。戊午。二月。丁未朔。以恭進

玉牒

上詣乾清宮行禮。○祭

先師孔子遣大學士桂良行禮○戊申祭

大社

大稷遣惇郡王奕諒恭代行禮○諭內閣晏端

書奏懇恩將截留漕米暫緩籌補等語。浙江

杭嘉湖三府屬各州縣因災蠲緩截留六年

分漕米六萬石。其撥抵緩帶正耗米三萬六

千九百九十七石零。應俟本年秋後徵還歸

於下屆搭運所有咸豐六年因災蠲免正耗米二萬三千二百零一時籌補維艱著准其援照江蘇上屆成案暫緩籌補仍著晏端書督飭司道籌款再行買補搭運以重倉儲○諭軍機大臣等本日據史榮椿伊興額奏捻眾北趨圍攻營盤抄截餉道請由山東派撥曹州鎮兵五百名助剿並撥餉銀數萬兩以資接濟一摺現在藍旗捻股由六安竄回蒙宿各旗捻匪亦均陸續投入渦河南北伏莽

紛起史榮椿等馬步各隊祇有二千餘人賊眾兵單殊形棘手前已調到兗州官兵五百名仍屬不敷分勦著崇恩再撥曹州鎮兵五百名一併交史榮椿等調遣以資協勦惟曹州人情浮動本地亦不宜空虛仍著該撫酌調他處營兵赴曹彈壓方為妥善至徐營糧餉匱乏並著崇恩就近於山東省籌撥銀四五萬兩派委妥員趕解史榮椿等軍營以資接濟將此由六百里諭令知之○以江南清

江籌防出力。賞道員赫特赫訥。宋玉珂。同知章儀林。知州于醇儒。守備丁建功等花翎。同知董保成等藍翎。餘升擢有差。○己酉。遣官祭。

文昌帝君廟。○改丁憂皖南鎮總兵官江長貴為署任。俟軍務完竣再行回籍終制。○庚戌。諭軍機大臣等。福濟奏廬州巢湖創造戰船。官弁兵勇每月鹽糧需費甚鉅。請飭陝西按月準撥餉銀二萬兩。以濟要需。其前欠皖

餉一百五十餘萬兩。請在兩淮欠解甘餉二百四十餘萬兩內就近劃抵皖省欠款。即以陝西積年欠皖之餉撥補甘省等語。現在安徽水陸各軍攻剿正當喫緊之際。軍餉勢難刻緩。著曾望顏按月撥銀二萬兩解赴福濟軍營應用。並著何桂清即由兩淮欠解甘餉內劃撥一百五十餘萬兩。就近陸續解皖。以資接濟。應解甘餉即以陝西積年所欠皖餉由曾望顏就近陸續解甘作抵。其兩淮現派

委員何祖望領解續撥甘餉二萬兩。並准福濟截留。亦由陝西抵撥歸款。將此由五百里各諭令知之。○又諭福濟奏皖餉缺乏。請飭河南省再撥漕糧接濟一摺。據稱皖省各路軍營每月需餉銀十餘萬兩。各省協款撥解寥寥。現在六安捻匪勾結粵逆。紛竄廬舒等處。勒匪正當喫緊。兵勇口糧不繼。必需就近接濟。豫省短欠皖餉為數甚鉅。該省漕糧除先後截撥十三萬石外。約計尚有餘漕四五

萬石。可抵欠款。著英桂即將此項漕糧截解廬州軍營。並著援上年成案。按照時價折變實銀。毋庸搭解寶鈔。以濟兵食。將此由五百里諭令知之。○予安徽廬州殉難守備福清阿。桐城陣亡雲騎尉張光懷。祭葬世職。○辛亥。

上幸圓明園。○諭內閣。勝保袁甲三奏。固始剿賊獲勝。並籌攻六安州城一摺。逆匪圍攻固始。節經勝保督兵痛剿。大受懲創。猶敢恃其

賊援眾多。悉力抗拒。正月十八日。該逆於東南城偷它地道。轟塌城垣數丈。經參將張得勝等施放連環槍礮。傷斃黃衣老賊二三百名。勝保親帶馬隊。巡歷西路。嚴陣以待。二十五日。賊分三股出巢。我軍分為兩翼。礮斃賊匪極多。賊勢退卻。我軍合力追擊。殺斃無算。其東路逆匪。經營總楚勒剛阿等督兵乘勢橫截。殲斃二百餘名。賊仍遁入土壘。逆匪經此番痛剿。其膽已寒。著勝保激勵將士。乘勝

進剿。迅解城圍。○諭軍機大臣等。勝保等奏。固始勒賊獲勝。並請飭催援兵一摺。固始縣城被圍已久。情形實屬危急。英桂既於正月十八日。由葉縣啟程。此時當已早抵汝甯。所帶兵勇。自以赴援。固始為要。豈可遠駐汝郡。致成株守。著英桂卽帶馬步各隊。星速前進。會同勝保攻剿。卽一時不能親往。亦著將德楞額等馬隊。迅速派赴固始。其截留赴楚餘丁。並著一併飭令先赴勝保軍營。該撫卽隨

後繼進。現在勝保力疾督兵鏖戰。而英桂徒事遷延。儻有疏虞。惟該撫是問。至該匪既有分股繞犯商城之語。則西路亦應嚴防。光州一路。僅有馬隊百名。尚嫌單薄。並著英桂會同勝保妥籌策應。勝保前此請調陝甘官兵。據樂斌正月二十二日所發奏報。已於陝西提標及漢中。陝安。延綏。各鎮。派兵一千名。甘肅提標及涼州。甯夏。三鎮。派兵一千名。剋日啟程。卽著勝保沿途催提。此項官兵未到。以

前。務就現有兵力。迅解城圍。毋令日久變生。更形棘手。至龍澤厚一軍。及李孟羣。派來兵勇。本應歸勝保調度。如有援剿不力。觀望推諉者。卽著從嚴叅辦。無稍瞻徇。其六安之賊。以大股併入固始。則城中必已空虛。卽著袁甲三。商同李孟羣。設法攻取。及早收復。俾官軍不至互相牽掣。是為至要。將此由六百里各諭令知之。○宗人府奏。本年考試宗室貝勒。貝子。公。將軍之子。請封以應得品級。得旨。

以續忠為一等奉國將軍。載荷奕桐。崇斌為奉恩將軍。德長為二等鎮國將軍。溥莊。溥蘭。溥蘊。載敦。載熙為三等鎮國將軍。載初。載休。載燦為一等輔國將軍。奕振。奕楸為二等輔國將軍。綿利。載坤。隆懋。興壽。謙禧。謙光。謙升為三等輔國將軍。載煥。溥翰為三等奉國將軍。○密雲副都統勝保奏。河南尉氏縣地方拏獲捻首李兆受。戚屬家口。設法羈縻。得旨。梟獍之性。難以理喻。必須專意離間。使其自相殘殺。○予河南陣亡侍衛富順。守備郭光琪。驍騎校三察哈。千總劉東山。把總拜鳳魁。施振聲。外委郭占鼈。秦士宗。宋志平。牟占鼈。邱恕元。何玉光。祭葬世職。武舉尹廷獻。賞卹加等。○壬子。諭內閣。和春奏。攻剿金陵賊匪。疊獲勝仗一摺。金陵賊匪。因大兵直逼南路。秣陵關。糾集皖北捻匪。四出滋擾。潛襲營盤。意圖分我兵力。正月初三日。該逆於北面太平神策兩門。突出悍賊數股。並由下關乘駛。

十七

礮船。分犯水陸各營。張國樑親督副將張玉良等。分路迎擊。都司賴鎮海等統率水師。沿河夾擊。鏖戰三時。殲斃逆匪二三百名。生擒數名。餘眾鳧水而逸。十二日。該逆復於下關擁出二千餘眾。太平神策等門。復出撲。張玉良等。分兵兩路迎敵。並飭舟師水陸夾攻。副將馮子材。手刃黃衣賊目一名。連殲數賊。太平門續出悍匪千餘。副將余兆青等。首先迎剿。張玉良。馮子材各帶所部。轉戰直前。賊勢大潰。約計殲斃四五百名。其東北各門。並七橋甕之賊。疊經張國樑等派兵截擊。殺斃無算。南路之賊。自正月初五至十六日。復由殷巷。祿口。谷里村等處。分路出撲。經總兵傅振邦。虎坤元等派兵分投擊剿。斬馘不可勝計。郭家橋等處賊卡。並已一律踰平。餘賊全行敗退。逆匪經此次痛剿。勢已窮蹙。著和春等嚴飭將士。奮力環攻。先將秣陵關克復。以次。

進逼金陵城垣。毋稍延緩。又諭德興阿等奏圍攻江浦。擊退援賊。大獲全勝。一摺金陵賊匪渡江。應援江浦。糾結皖境烏江匪徒。在石磧橋地方添創營壘。德興阿派令成明富明阿會同博奇烏爾恭額等銜枚疾進。分隊圍攻。儘先遊擊王希堂協領博奇營總舒通額身先士卒。射斃黃衣賊目。生擒偽應天侯等多名。立將石磧橋賊壘踏平。成明等伏兵山谷。誘賊出戰。賊疑援至。由西門出千餘人。

奏為

九

接應官軍一鼓直前。逆眾紛紛敗退。經副都統富春等督隊橫衝。追至城濠。復斃賊百餘名。此次擊勦援賊。大獲全勝。勦辦尚屬得手。著德興阿嚴飭在事文武。迅將江浦縣城克復。掃蕩江北逆黨。以期速克金陵。毋稍延宕。○又諭蔣霽遠奏教匪闖入思南府城。一摺。據稱上年十二月初四日。有教匪數千人。於思南府距城數十里地方。肆行焚掠。該署知府福奎督同文武帶兵會勇出城勦捕。因眾

寡不敵。又值城中火起。兵練驚潰。該署府被傷殉難。經歷鍾策勳等同時陣亡。匪擁入城。旋即退出。盤踞滋擾等語。此次貴州思南府城被擾。前經王慶雲探聞奏報。已有旨派貴州提督蔣玉龍統帶所部川兵相機進剿。卽著督同貴州兵練迅速撲滅。毋任久踞。○諭軍機大臣等。和春奏糧臺大員辦事拘泥。懇請另簡一摺。江南糧臺兵餉浮支溢領。日久相沿。前據該大臣等奏請量予加增。朕以其功在垂成。若遽復舊例。恐懈軍心。業經降旨暫允所請。文煜總辦糧臺。循守例案。原為慎重錢糧。未可責以更張好事。然如該大臣所奏。弁兵未能深悉眾議。沸騰亦於軍情有礙。自未便仍留總辦。致有齟齬。所有江南糧臺著何桂清揀派妥員接辦。固不可如文煜之過涉拘泥。亦不得因弁兵挾制。漫無稽查。總期大功速成。則費少而省多。朕亦不以例案相繩。若日久耽延。豈能不加以裁抑。前降諭

旨甚明。諒該大臣等必能仰體也。至文煜前奏放餉月分劃清界限係為報銷時易於覈算並非將舊欠概行停止。該弁兵等何以妄生疑謗。此後應如何辦理之處著何桂清督飭接辦之員酌覈妥辦。其湖南營兵張世瑚恃眾抗違本應卽行正法。既據該大臣訊明尚無毆官糾眾情事著免其一死。卽照所擬發落。嗣後仍當嚴明約束毋使弁兵恃眾滋事致干咎戾。將此由六百里各諭令知之。

又諭李孟羣奏籌辦六安勦匪情形並請濟餉撥兵一摺。該藩司派赴固始援勦兵勇前已諭令英桂就近籌款接濟。俟山東解到餉銀卽可歸款。英桂接奉此旨諒已遵照辦理。山東餉銀三萬兩前據崇恩奏稱業經照數起解。此時計已到豫則赴固兵餉當可無虞缺乏。李孟羣存營兵勇尚有六千餘名所需兵餉疊據英桂奏稱撥銀五千兩。官文奏稱撥銀一萬兩均於正月初旬起解四川省先

撥餉銀一萬兩道經楚省官文並未截留。此後川省撥餉卽可接濟。該藩司軍餉至楚省派舒保赴麻城防堵原有步隊三千餘名赴援光固之兵據奏祇帶馬隊二百因其不成一軍已諭官文酌添步隊千名相輔而行。此時舒保當已帶兵前進矣。該藩司現帶兵勇為數尚不為少著卽照所請督同將弁認真勦辦先清一路之賊能將六安克復再圖進取與勝保等會合則兵力較厚互為聲援奏

功自易也。○閩浙總督王懿德等奏閩省官錢局舞弊請將職員程祖炳等革審以肅圓法得旨著從嚴訊究必有串通委員情事勿得稍事瞻徇。○命江蘇布政使文煜來京以按察使王有齡為布政使。蘇松太道薛煥為按察使。○雲南鶴麗鎮總兵官余萬清因病解任以貴州定廣協副將周天培為雲南鶴麗鎮總兵官。○以克復江蘇鎮江府城賞副將朱承先遊擊陶茂森馬得昭都司馮觀勝

陳超守備戴佐英。巴圖魯名號。員外郎史致濤。知府丁溥。同知劉希瀛。李曾裕。副都統巴棟阿。參領常亮。遊擊周朝安。守備關松志。朱永發。沈正傑。蔡秉志。胡吉陞等花翎。知州蕭培基等藍翎。餘加銜升敘有差。○以江南江浦勦賊出力。賞協領舒通阿。都司王希堂。巴圖魯名號。守備許得等花翎。餘升擢有差。○以貴州安順等處勦匪出力。知府劉書年等。加銜升擢有差。予恩南陣亡。知府福奎。府

經歷鍾策勳。教諭孔廣慶。守備陳士蛟。把總趙以成。祭葬世職。舉人金世瑞。賞卹加等。○予江甯陣亡。遊擊張成伍。守備楊恆山。把總向國秀。王天爵。外委金世桂。祭葬世職。○癸丑春分朝。

日於東郊。遣成郡王載銳。恭代行禮。○

孝淑睿皇后忌辰。遣官祭。

昌陵。○諭內閣。王懿德奏。請將運員等開復處分等語。前因臺灣米石。運赴天津。致有疏失。

經該督先後奏。參將委員福建候補縣丞余辰。革職。並將署浙江溫州鎮總兵葉炳忠。溫處道俞樹風。交部議處。茲據奏。稱該參員余辰。已將應交米石銀兩。賠補呈繳。葉炳忠。俞樹風。於被參後。設法催趲。首倡捐賠。均屬尚知愧奮。余辰。著開復原官。仍留福建補用。葉炳忠。俞樹風。原參降級處分。著一併開復。○諭軍機大臣等。前據何桂清等。疊次奏報。喫啡三國夷酋。投遞照會。欲於二月中旬。來

上海議事。並稱如逾期不與會議。卽由上海前赴天津。當經諭令何桂清等。詳加開導。令其聽候廣東查辦矣。夷人占踞廣東省會。擄劫督臣。業經簡授黃宗漢。為兩廣總督。馳赴廣東。相機辦理。該夷照會內所稱。欲赴天津。自係虛聲恫喝。藉肆要求。惟既有此語。亦難保其必無是事。設令一旦駛至天津。恐亦非從前安靜情形可比。天津係畿輔重地。亟應嚴為之備。著譚廷襄。傳諭烏勒洪額。並督飭

天津鎮道等於海口各要隘不動聲色嚴密防範。如果夷船駛到。須先嚴禁沿海居民。毋得接濟食物。私通貿易。使其不能久留。一面派委妥員。與之理論。令其駛回廣東。聽候查辦。屆時觀其動靜。密奏請旨。將此諭知譚廷襄。並傳諭烏勒洪額達年知之。○又諭。前據何桂清等奏。喚咪唏各夷酋。投遞照會。大學士裕誠各件。欲於上海更議條約。當令裕誠。將不能照覆之處。知照何桂清等。並諭該督

等。曉諭該夷。令其仍在廣東聽候。黃宗漢查辦。此時黃宗漢計已早抵常州。與何桂清會晤。一切情形。自己知悉。該夷等所訴各情。皆係一面之詞。明知稱兵肇釁。其曲在彼。而處處以葉名琛為詞。總欲歸咎中國。以遂其焚索之私。察其情形。似難理論。前此寄諭羅惇衍等。令其聯絡紳團。將該夷驅逐出城。然後與之理論。如果紳民合力。該夷稍知畏懼。黃宗漢到後。外示兵威。內借民力。與之講明利

害。事機尚可轉圜。若該夷不遵曉諭。竟來上海。該處為海運關稅重地。非如廣東可以用兵。著與何桂清等妥籌設法。令其回粵。不可洩漏調兵消息。使該夷別生枝節。該夷照會內各條。除於裕誠咨覆何桂清等文內分別酌覆外。其譯出夷字文內。復有商量打仗花費之語。此次釁端。啟自該夷。粵省民房貨物。被其焚燬者。何止數千百萬。該省商民。尚未與之索賠。而該夷轉欲索取兵費。尤為無理。

如果該夷議及此事。告以中國被焚貨物。先須償還。即使大皇帝寬仁。不與計較。廣東商民亦決不甘心。況聞咪唏夷貨物。皆為喚夷縱火焚燒。該酋不向喚夷索賠貨物。而向中國索取兵費。亦太不知情理。此係將來理論之辭。此時能否即議及此。尚須黃宗漢酌度機宜。次第籌辦也。至俄夷與中國和好有年。向來又不在沿海貿易。此次忽有清漢字夷字各文。附咪唏文內投遞。其意欲助喚咪唏兩夷

而實則事不干己。現已諭知庫倫黑龍江令其轉行該國薩納特衙門。仍將上年該國請勘界址之事與之妥辦。此次廣東之事全與該國無干。咪夷既經自行表白。明其不與攻陷粵城之事。而文內亦復附和。要求自當因勢利導。使不與咪夷兩夷朋比。方可分別籌辦。至天津海口。已諭知譚廷襄飭屬密為防範矣。所有正月二十六日寄何桂清等諭旨一道。裕誠咨覆何桂清等一件。咪夷漢字照

會二件。咪夷漢字照會二件。譯出咪夷夷字文一件。咪夷漢字文三件。俄夷漢字文一件。均著鈔給閱看。將此由六百里密諭知之。○又諭英桂奏帶兵赴沈項等處援剿。並請調直隸山東官兵等語。直隸兵丁調往軍營者為數不少。畿輔重地不宜空虛。山東省甫經調撥兗州曹州兩鎮官兵一千名赴徐州等處軍營。亦難再行出調。本日已諭恆福於山西省挑選北鎮勁旅一千名。或七八百名赴

英桂軍營聽候調遣。又前勝保奏調之陝甘官兵二千名。已據樂斌覆奏遵旨派撥啟程。如固始即日解圍。此項官兵該撫尚可與勝保通融分帶。至李孟羣派赴固始兵勇。本諭英桂籌款濟餉。俟山東餉到劃還。前據奏稱山東解到餉銀已全數解赴李孟羣軍營。所有李孟羣調援固始兵勇仍著英桂就近籌撥餉需。以資接濟。所奏原調直隸山東官兵多有傷亡迷失。著即查係何營兵額分咨各

該督撫。以便如數募補。留備本省操防。毋令軍籍久懸。現在沈邱一帶匪勢猖獗。該撫即行馳往督剿。無任蔓延。將此由六百里諭令知之。○以勦辦河南角子山捻匪出力。賞佐領盛德巴圖魯名號。知府秦堯曦副將雙慶閻丕敏委參領依興阿防禦色楞泰滿堂全德守備安慶等花翎。領催額特和那等藍翎。餘升擢加銜復職有差。○蠲緩福建陽崇安邵軍邵武光澤建甯泰甯汀州汀軍長汀

甯化。清流。武平。歸化。大田。建安。甌甯。上杭。連城。永定。順昌。晉江。南安。惠安。尤溪。沙。永春。德化。甯洋。將樂。永安。南平。三十二府。廳州縣。及嵐下。麻沙。仁壽。迪口。泉上。里。峰市。羅溪。峽陽。縣丞所屬被兵地方。新舊額賦。展緩龍溪。南靖。長泰。平和。四縣。節年舊賦。並給衝坍房屋修費。賑災民一月口糧。○甲寅。遣官祭

先醫之神。○諭內閣。勞崇光奏克復南甯府城一摺。廣西南甯府城。於上年八月十五日

克復。曾經葉名琛奏報。已降旨。令該督責成。該鎮道速將永瀉。橫州。匪黨。認真勦辦。茲據勞崇光奏。該鎮色克精阿。該道吳德徵。於郡城失事之後。督率弁兵。會同團練。即將城池克復。尚知愧奮。仍著責令乘勝勦捕。肅清餘匪。如果始終不懈。再行奏請加恩。此外出力各員。並著該撫查明請獎。○諭軍機大臣等。前因俄囉斯欲請勘定分界。特派奕山。與該國使臣普提雅廷會議。嗣因該夷久無折回

確信。未經勘辦。上年冬間。喚咈各夷。稱兵犯順。占踞廣東省城。復欲赴上海議事。而普提雅廷。忽於味夷照會內。附呈咨照軍機處。清漢文及夷字各件。其中袒護喚咈各夷。妄行要挾之處。已飭理藩院。行文該國薩納特衙門。據理曉諭。令其毋庸干預矣。惟所稱分界地址。自沙斌嶺起。至阿爾管什勒喀等河止。迤東地方。人皆不知。興安嶺。並非直達東海。不能作為兩國邊界。應以黑龍江左岸。為俄

囉斯邊界。中國滿漢人等。悉移右岸。又欲將烏蘇哩河下游右岸。入海河。分作海岸。即以海岸分斷等語。殊為無理。中國與該國分界。以格爾畢齊河。興安嶺為限。定議百數十年。從無更改。今該夷所稱。興安嶺不通東海。難以為界。是並非不知當時所定界址。特欲另闢一直達東海之路。以便其人船來往。斷難遷就允准。況黑龍江左岸。均為中國打牲人等舊居。如果早為該國所屬。豈能百餘年

來並無爭競。直至今日始生異議。據稱移居費用由該國供給。其為情理不足。而以利引誘。顯然可見。豈有數千里江岸。可以貨取之理。現在兩江總督何桂清等。已將不能在上海會議之處。行知普提雅廷。如該夷遵諭折回黑龍江。即著奕山。據理與之辯論。務當恪守舊約。不可聽其狡飾之詞。至精奇哩等處。該夷建房屯糧。本屬非理。乃稱業已有人居住。即欲據為己有。然則中國屯戶。在右岸居住。尤為久遠。何又輕言遷徙耶。且稱願在伊犁地方。分明界址。其道理亦無從明晰。惟有妥為拒絕。杜其覬覦之心。使知現在造房占住。皆屬違例。我國因和好有年。不加驅逐。但與之理論。務當仍照前議。將烏特河地方。會同勘定。即將江岸居住夷人。速行撤去。庶各守疆土。永敦和好。至文內嶺名河名。是否係該國所稱名目。係中國何嶺何江。遇有報便詳查附奏。所有該夷清字原文。及譯出漢字。

文均著鈔給閱看。將此由五百里密諭知之。○閩浙總督王懿德奏。精神疲憊。懇請開缺。得旨。卿仍應勉力支持。慎自調攝。○以克復廣西興安靈川二縣城。及防守省城等處出力。賞參將陳之翰。黃清。英林。遊擊祥瑛。都司郭承修。守備馮應元。林才等花翎。通判董寶書等藍翎。餘加銜升擢有差。○以克復廣西南甯府城。賞縣丞班夢麟。花翎。以同知用。予修仁陣亡。守備彭玉貴。巡檢傅勛。祭葬世職。○乙卯遣官祭昭忠祠。○諭軍機大臣等。福興奏。進賢撫州大股逆匪。合犯東路。現籌堵剿一摺。廣信一郡。為江西完善之區。逆匪久思窺伺。現在進賢之賊。已由鷹潭竄至楊林橋。神元洞一帶。山路叢雜。處處可通河鎮。若竟由南岸直趨。則信郡必被滋擾。其金谿賊匪。亦糾合撫州逆黨。由青田橋竄往泥灣。雖經防兵擊退。而賊眾兵單。堵剿甚形喫重。業經福興照會衢州鎮總兵饒廷選。前往廣信。

河口一路堵剿。著晏端書卽飭該鎮揀派勁旅趕赴廣信。相機迎剿。以固江浙門戶。毋稍遲延。至前調潮州鎮總兵壽山帶兵二千名赴援江西。已於上年九月。據葉名琛奏報。飭令壽山取道福建汀州一帶。前赴撫州。為時已久。何以尚未行抵江西。或該總兵已到撫州。著福興。著齡派員迎探催提。以便合兵攻剿。現在援兵未集。仍著該將軍督飭帶兵各員奮勇剿擊。毋得專待客兵。致滋貽誤。將此

由六百里各諭令知之。○又諭崇恩奏豫籌東洋防護漕船事宜一摺。據稱東省海口如蓬萊之廟島。福山之之罘。文登之威海。榮成之石島。俱均係漕船往來必經之地。防護最關緊要。該撫現飭令登州鎮督帶舟師。於漕船入境時。在洋面嚴密巡緝。惟近年閩廣艇匪往往隨漕北上。尤須格外慎重。東省在粵新造廣船。一時恐難趕到。請飭令江南商局所置輪船。隨漕北上等語。現在江浙兩省

漕船業已開行。洋面恐有疏虞。必須妥為護送。山東師船不敷分布。著何桂清趙德轍卽飭令前派輪勇各船於漕船北上時跟蹤護送。並令到山東洋面巡緝。以壯聲威。至江省護漕師船著遵照舊章。飭令送至石島洋面交替明白。方准南旋。以重漕運。將此由五百里各諭令知之。○以拏獲山東捻匪盜犯。予知府張鼎輔等升敘有差。○丙辰遣官祭黑龍潭。

昭靈沛澤龍王之神。玉泉山。

惠濟慈佑靈濩龍王之神。昆明湖。

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園。

惠濟祠。

河神廟。○引見各衙門保送京察一等人員。得旨。此次京察一等圈出人員著各該堂官再行出具切實考語。交吏部帶領引見。圈出

之滿洲蒙古中書筆帖式等官著歸入理事同知通判內遇有缺出與舊記名人員一體帶領引見漢軍漢人著交部以撫民同知通判等官分別選用工部主事宗室英寶起居注主事覺羅嵩保太常寺寺丞兼讀祝官圖桑阿光祿寺署正左昂侍衛處主事哈清阿大通橋監督都察院都事景霖順天府治中蔣大鏞上諭處委署主事斌泰宗人府委署主事宗室載墻寶泉局東廠大使吉英寶源局大使德俊通政司經歷福安太常寺贊禮郎明康春志富勒洪阿讀祝官慶瑞贊禮郎慶陞國子監監丞海潤助教色勒沖額鴻臚寺鳴贊文琇清昌俱著交部照例以應升之缺升用工部筆帖式花里雅堪著改為二等所有內閣侍讀文麟等二百六十八員俱著准其一等加一級○丁巳

孝康章皇后忌辰遣官祭

孝陵○諭內閣前據給事中張修育奏請飭拏

偷竊倉糧各犯當經降旨令步軍統領衙門順天府五城一體嚴拏張六等務獲交部訊辦茲據給事中張守岱奏訪聞影竊要犯未經全獲請旨飭辦等語倉儲重地豈容積慣偷竊之犯肆行無忌亟應從嚴究辦以示懲儆所有案內未獲之首犯李十常三元仍著步軍統領衙門順天府五城嚴拏務獲歸案審辦此外在逃各犯並著一體緝拏毋任遠颺祿米倉監督等疏於防範應得處分著刑

部定案時聲明辦理○又諭官文等奏遵旨酌保州縣可用人員一摺湖北候補同知黃昌輔才識優長民情愛戴著以知府交軍機處記名遇有湖北知府缺出請旨簡放候補知縣林之華守潔才優官聲卓越鍾謙鈞潔己奉公民情悅服均著以同知直隸州仍留湖北儘先補用林之華因經徵被議一案仍著該督撫照例辦理○又諭胡林翼奏甄別庸劣各員請分別革職降補一摺湖北候補

知州徐德澍。官聲平常。不洽輿情。候補知縣張德堅。居心險詐。民怨沸騰。升用知縣劉璵。濫刑肆虐。不得民心。候補從九品汪銘思。行蹤詭僻。辦事荒謬。候補從九品徐源行。止不端。資緣卑鄙。候補府經歷黃自新。性情浮躁。劣蹟昭著。均著卽行革職。揀發知州鍾秀才。具短絀。辦公竭蹶。著以州判降補。以示懲戒。○戊午。諭內閣。奕詝等奏。副都統倫恭挑缺不公一摺。上年六月。倫恭一人挑缺。以未中

箭之間。散阿凌阿挑補馬甲。其中箭之養育兵伊立布。未挑。有無情賄等弊。著派僧格林沁。文彩。秉公查訊具奏。該印務參領及該管佐領。著查取職名。先行交部議處。○諭軍機大臣等。譚廷襄奏。籌備天津防海事宜一摺。天津海口。大號夷船。雖不能駛入。而杉板等船。尚可往來。亟應嚴密設防。以備不虞。該署督現派署天津鎮總兵達年。專駐海口。提督張殿元。移劄天津。並令在籍道員費蔭亭會

同各紳。經理團練。及編查漁船。嚴斷接濟各事宜。布置尚屬周妥。著卽照所議辦理。該夷詭譎異常。如果駛至天津。必先投遞夷文。窺我動靜。未必遽行滋擾。該署督卽密飭鎮道會同烏勒洪額。揀派上年前赴夷船之文武員弁。前往理諭。設法羈縻。儻必須該署督親往。著奏明候旨遵行。現在天津大沽等處。既有備無患。但當示以鎮靜。密為防範。不可稍露張皇。將此密諭知之。○己未。遣官祭

關帝廟。○諭軍機大臣等。前據王懿德奏。訪聞官錢局職員。舞弊漁利。請旨從嚴革審。當經批諭。必有串通委員情事。著從嚴訊究矣。茲據御史陳濬奏。閩省錢法壅滯。物價昂貴。民生日蹙。推原其故。皆由官錢局委員。於銀價則高下任心。票根則有無莫辨。虛出虛入。買空賣空。以及虧短侵挪。種種弊端。不可究詰。其南臺官錢局管事人程松藻。虧空敗露。至四十萬貫之多。並有牽涉委員鍾峻等親

幕通同牟利各情請飭嚴行查辦等語。是該省官錢局舞弊。果有通同委員情事。若不從嚴究辦。何以懲奸蠹而重度支。著派東純會同王懿德、慶端將此案人證親提嚴訊。徹底清查。嚴行懲辦。知府鍾峻係該督撫保舉之員。又據該御史奏稱。係慶端幕友。茲既被參舞弊營私。王懿德等身任大員。諒不敢心存迴護。自取咎戾。著與東純、秉公會訊。定擬具奏。王澍係王懿德幕友。現在官聲若何。並著

該督明白具奏。原摺著鈔給閱看。將此諭令知之。○庚申諭內閣。御前大臣、軍機大臣、會同刑部議覆陝西官錢鋪局委員舞弊罪名一摺。各省設立官錢鋪局。原以軍務未竣。藉資協濟。派委管理各員。宜如何激發天良。實心經理。此案陝西官錢局委員已革知縣李應詔。已革未入流李洵。於官鑄鐵錢。匿報至七萬餘串。李洵復虧短鐵炭本錢五萬餘串之多。官錢鋪委員已革知縣郭廷椿管理鋪

事。已革未入流王迎科。那移官項。夥開私鋪。以致虧欠銀錢數逾巨萬。均屬營私亂法。喪心昧良。據會望顏訊明。照監守自盜例。從重定擬。尚覺情浮於法。李應詔、李洵、郭廷椿、王迎科均著照載垣等所請。於應得斬監候罪上從重。即行處斬。以昭炯戒。撤任陝西布政使司徒照之家人黃君任串通委員朋比分肥。致令肆意侵那。毫無忌憚。若僅從重擬遣。尚屬輕縱。亦著照載垣等所請。改為絞監候。

入於本年秋審情實。辦理丁憂湖北知縣李應誥管事人路萬太明知委員匿扣局錢。聽從指使。狼狽為奸。均應從重懲辦。李應誥著照議改為革職。發往新疆效力贖罪。路萬太著照議改為杖一百。流三千里。候補府照磨劉克健續派在局學習。不能查出弊端。又未將委員等不容查閱之處據實稟明。著即革職。至司徒照以藩司大員。擯斥道府。獨任私人。可惡已極。於李應詔等通同黃君任種種

舞弊三年之久。豈能毫無覺察。直至曾望顏查出弊端。始以風聞詳稟。雖未訊出婪贓入己情事。謂非自圖立足。其誰信耶。本應卽照甘省成案。立正典刑。姑念其人本平庸。稍予末減。司徒照著革職。發往新疆充當苦差。所有李應詔。李洵。郭廷椿。王迎科。黃君任等五人。應完賠項。均由司徒照名下追繳。勒限一年。就近完清。再行發遣。逾限不完。卽行送部監追。其管理寶陝局之歷任鹽法道及官錢

鋪造冊列銜之歷任西安府知府。並承審此案之現任西安府知府沈壽嵩。既據曾望顏聲明於局鋪事件。向未與聞。懇請免議。所有失察處分。均著免其查議。嗣後無論京外。有似此案情罪俱重者。必應從嚴懲辦。立予正法。著追賠項。俾現在京外局號大員委員吏胥等。早知儆戒。或自顧身家者。不敢泯盡天良。將此通諭知之。○引見內務府三院等處保送京察一等人員得旨。此次內務府三院

等處京察一等人員。著該堂官再行出具切實考語。帶領引見。園出之贊禮郎銜堂筆帖式福長。內管領銜堂筆帖式祥珍。堂筆帖式廣有。文璧。贊禮郎銜堂筆帖式希慶。堂筆帖式鍾福。英聯。榮康。苑副銜堂筆帖式英奎。贊禮郎銜堂筆帖式海齡。堂筆帖式斌安。廣儲司筆帖式桂林。都虞司筆帖式吉順。會計司筆帖式常山。贊禮郎銜會計司筆帖式成瑞。贊禮郎銜掌儀司筆帖式壽齡。官房租庫筆

帖式穆津。造辦處筆帖式錫昌。武備院委署主事徵麟。筆帖式文溥。奉宸苑六品苑丞寶善。圓明園六品苑丞年慶。筆帖式恩廣。清漪園六品苑丞鍾潤。內管領銜八品苑副泰清。靜宜園六品苑丞高裕。均著交吏部記名照例選用。所有一等官員筆帖式達他等員俱著准其一等加一級。至年已逾歲之慎刑司員外郎文祥。內管領長年。營造司筆帖式毓秀。上駟院員外郎文光。長惠。武備院員外郎

常繹武備院委署掌傘總領穆精額。無品級庫掌舒齡阿。清漪園六品苑丞兆麟。年力就衰。均著以原品休致。○以經徵地丁全完。予浙江仁和縣知縣孫夢桃升敘。○辛酉

上詣

安佑宮行禮。○諭軍機大臣等。前因福興奏。撫州進賢賊犯東路。當經諭令晏端書飭饒廷選。派兵前往廣信迎擊。並令福興等催提壽山援兵助剿。本日據福興奏稱。逆匪已竄踞

河口鎮。圖犯廣信。其另股由胡坊竄至鉛山。該處與福建崇安縣接界。並可東由廣豐入浙之江山縣境。分竄旁竄。在在堪虞。現已飛咨耆齡。及閩浙督撫。撥兵防剿等語。此股賊匪已竄至河口鎮。廣信情形喫緊。雖經福興派令果勝等兵勇。扼劄河鎮北岸。兵力尚單。所有耆齡派出之濟勝彰武等兵千餘名。何以遲遲未到。著卽飭令星馳赴援。其潮州鎮總兵壽山援兵。仍著福興耆齡迅速催提前

進。福興現赴河鎮。相機調度。其饒廷選一軍已到玉山。卽著晏端書飭令嚴防賊匪東竄。並撥勁兵馳往廣豐。以杜賊竄江山之路。庶浙境可保無虞。至另股賊匪蔓延鉛山。並與福建崇安縣接界。前據王懿德奏。福建江西交界處所。業已派兵防堵。惟撫建賊勢方張。廣東援兵久未見到。情形危急。著王懿德酌量閩省如有可調之兵。卽派得力大員督帶一二千名。或由邵武進剿建昌。或卽由崇安

取道前進。與江西兵勇聯絡一氣。以分賊勢。現在江南圍攻金陵。正當喫緊之際。未必能分兵策應江西。仍當由耆齡就近迅撥兵勇前赴鉛山一帶。以資援應。毋得坐誤事機。將此由六百里各諭令知之。○又諭。前因固始被圍。諭令英桂馳往救援。嗣據英桂覆奏。阜陽土匪分擾沈項。擬卽由汝甯馳赴沈項一帶駐劄。又據勝保奏。馳抵固始。已獲勝仗。尚未解圍。復諭令英桂迅速前進。並先將馬隊

及截留赴楚餘丁。飭赴固始。並令籌保商城。諒已遵諭辦理。茲據給事中毛昶熙奏。沈邱教匪。不滿千餘。皆饑寒烏合之眾。不難平滅。而固始為河南門戶。即為北路屏藩。該撫何不知緩急。商城縣知縣戴鴻經。庸懦退縮。應即撤任等語。英桂督辦三省剿匪。自應相度重輕。先其所急。現在沈邱等處教匪。如尚未平。該撫一面留兵剿捕。一面撥兵策應。勝保速解固始之圍。以防北竄。並飭龍澤厚一軍。

迅速前進。會同攻剿。如有觀望。即行嚴參。至戴鴻經。業經勝保奏參革職。現在尚留本任。當此嬰城固守之時。未便驟易生手。著英桂即派幹員。酌帶兵練。前往幫同守禦。如該員實係庸懦無能。難期得力。即著撤參。毋得稍涉遷就。將此由六百里諭令知之。○安徽巡撫福濟等奏。六安賊擒。分股竄擾情形。得旨。捻眾兵單。頗屬可慮。若舒桐有犯廬之舉。切不可盡調援軍。致受牽掣。設若兵隔於南。賊

直北犯。咎將誰執耶。○命吉林將軍景瀉。查辦邊界事件。以盛京副都統承志。署吉林將軍。○以安徽巢湖等處剿賊出力。復湖南綏靖鎮總兵官扎隆武原職。予陣亡守備陳開正。把總父向陽縣丞胡長松。祭葬世職。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十六

出林經武官起自攝政王太子太保上書奏請傳文宗顯皇帝御筆於林院學士胡承榮等一節事什處官胡經武官等官

大學士管理刑部事務加十三級紀錄十四次

大學士管理戶部三庫事務管理刑部事務加二十三級紀錄十六次

保監總辦刑部戶部尚書管理三庫事務加四級隨帶加五級紀錄十二次

達爾文經武官正藍旗蒙古都統禮部尚書管理太常寺鴻臚寺事務加二級紀錄加四級隨帶八級紀錄五次

教修

咸豐八年戊午二月壬戌諭內閣此次引見

年至六十五歲以上之戶部郎中那爾洪阿

戶部員外郎許和育戶部筆帖式凌瑞刑部

郎中雙鼎工部郎中覺羅吉興阿工部郎中

賡音布均著以原品休致餘著照舊供職○

浙江巡撫晏端書奏逆匪窺伺廣信籌撥重

兵分扼要隘得旨保障完善之區固屬緊要

然近防不如迎剿若有畛域之分信郡不守

浙境焉得獨全懷之○科布多幫辦大臣錫

霽因病解任賞內閣學士富呢雅杭阿副都

統銜為科布多幫辦大臣○以援剿安徽賊

匪不力浙江提督鄧紹良下部議處革道員

仲孫懋遊擊夏寶慶胡鳳鳴守備余義政職

仍留甯國軍營效力○甲子遣官祭

歷代帝王廟○諭內閣英桂奏督剿阜陽教

匪獲勝現仍分兵追剿一摺阜陽教匪王庭

貞等分踞西廬等處竄擾汝陽新蔡各屬地

方經德楞額等督帶馬步兵勇分路進剿二

月初七日至鑪莊地方匪眾兩路抄襲各有

千餘人我兵馬隊分兩翼截擊斃匪百餘名

初八日德楞額等先派馬隊將劉莊新莊李

家廬三處匪巢要路抄住斷賊援應三路兵

勇齊進斃匪百餘名匪眾奔回西廬老巢抵

死抗拒適承惠督帶甯夏官兵趕到首先槍

過賊濠官兵齊登北柵施放連環槍礮火箭

火彈俱發先將賊巢草棚然著匪勢大潰我

兵兩路一齊攻入計斃賊匪二千餘名西廬

匪巢立時平毀其東廬及劉莊等四圩賊眾

紛紛逃竄。賊巢一律焚燬。辦理尚為得手。著英桂即飭德楞額等跟蹤追剿。以期淨絕根株。勿留餘孽。在事出力員弁兵勇。著查明彙案奏請獎勵。○以惇郡王奕諱為鑲黃旗蒙古都統。都察院左都御史瑞常署正紅旗蒙古都統。○以勦辦河南阜陽等處教匪出力。賞黑龍江總管德楞額黃馬褂。協領蘇克金。已圖魯名號。佐領綏圖花翎。餘升擢加銜有差。○命散秩大臣繼善帶領侍衛十員往奠

故貝子奕格茶酒。賞銀五百兩治喪。予祭葬。○乙丑諭內閣。勝保袁甲三奏力援固始。疊經官軍痛剿。本月初二日。勝保督兵由北面進攻。斃匪數百名。各軍乘勝追殺。將東西兩路敗賊擊退回巢。初六日。勝保督飭各軍進逼賊壘。東岡又撲出大股賊二三千名。經明慶等馬隊抄入。生擒執旗悍賊。並斃賊三百餘名。初八日。李孟羣等各軍進剿。固始西

路殲賊無數。逆眾敗退回巢。時勝保由北路進攻賊壘。並令廣勇川勇等併力轟擊。生擒偽檢點指揮陳得彬。偽將軍劉聚德等多名。其固始城中官兵亦縋城下。擊斃匪二百數十名。生擒偽師帥一名。此次官軍疊挫兇鋒。斬馘解散。已及萬餘。勦辦尚屬得手。仍著勝保督同李孟羣等併力攻剿。迅解固始城圍。其馬隊出力官弁。仍著勝保等存記彙案保奏。○諭軍機大臣等。勝保等奏固始續獲大

勝。並片陳商固賊勢緊急。請飭催援兵等語。昨據英桂奏。逆匪分竄商城。當諭英桂若固始已解重圍。即以赴援商城為急。現在勝保五戰皆捷。兵威大振。兼有李孟羣在宋集助剿。城圍不難立解。但擒逆分竄商境。勝保已無兵分撥。著英桂即行帶兵赴援商城。毋令賊勢蔓延。至舒保已抵麻城。何以疊經勝保札催。尚未趕到。楚豫脅齒相依。豈宜稍分畛域。著官文嚴飭舒保。仍遵前旨。統帶馬步隊

迅即出境。由光商進發。以便沿途協勦。阜陽教匪。業經斬馘數千。並有德楞額追捕。不難即日肅事。現在安徽兵勇。在豫境者居多。勝保軍營缺餉已久。李孟羣援兵。亦屬需餉。並著英桂督飭藩司瑛蓉。籌撥餉需。源源接濟。以期迅速奏功。毋得貽誤。將此由六百里各諭令知之。○補行咸豐六年南河大計卓異官一員。才力不及官一員。年老官一員。分別議敘處分如例。○以河南固始勦賊出力。賞副都統明慶巴圖魯名

號。○以拏獲江西臨江竄賊。及守禦永豐出力。賞知縣冒溶。花翎。文童柯申等。藍翎。知縣章激等。加銜升敘有差。予吉安進賢等處陣亡千總彭景維。李義勝。劉鳳山。蕭有貞。外委謝華學。胡獻廷。沈餘有。羅金山。謝錦益。祭葬世職。○丙寅諭內閣。前有人奏。山西夏縣知縣趙彭壽。諱盜為竊。獲賊縱放。榆次縣知縣陳曜。圖縱容。丁書索詐事主。當經諭令恆福。按照所奏各情。據實查參。茲據該撫查明覆奏。趙彭壽被參竊劫各

案。雖無諱盜縱賊情事。惟詳報遲延。逸犯尚多未獲。究屬玩延。陳曜圖亦無縱容。丁書索詐等情。惟逸盜日久未獲。實屬疏懈。趙彭壽。陳曜。圖均著交部議處。仍著該撫嚴飭該員等。將各案逸犯趕緊緝拏。務獲究辦。如仍前延玩。即行嚴參。○復引見京察一等人員。得旨。此次京察一等。復帶領引見各員內。除董似穀。奎昌。黃安綬。文衡。王繼庭。暹福。德林。高鎮。衡齡。振興。治昌。張兆棟。勒方錡。琦成。額崇。筠哈。豐阿。毓通。顏培。瑚

李。培祐。毋庸記名外。文麟。清安。劉長。紱。李德儀。孫衣言。張桐。徐嵩生。彭瑞。毓。鄧兆熊。曾璧。光。宗室明。益。貴。肇。憚。世。臨。哈。興。阿。成。琦。恭。釗。盧。定。勳。王正誼。光泰。裕安。康錫齡。宗室靈杰。章倬。標。張澐。卿。恭。鑫。書。紳。高。倬。覺。羅。常。筠。陳。立。程。祖。誥。沈丙。瑩。蔣。錫。綬。瑞。琇。李。德。義。銓。儒。清。恩。英。桂。松。壽。博。麟。吳。惠。元。英。匯。扎。克。丹。布。劉。子。城。方。濬。頤。德。克。津。泰。夏。家。泰。俱著交軍機處記名。以道府用。文恆著記名。以關差道府用。○丁卯。

上詣清夏齋問

如皇貴太妃安○諭內閣僧格林沁文彩奏查訊副都統挑缺不公供詞互異請分別暫行解任革職等語此案據副都統倫恭供稱向來挑缺並不信任參領等保舉而據副參領松明供稱阿凌阿係伊姻姪挑缺時曾向倫恭回明阿凌阿在印房當差效力供詞互異顯有請託情事必應嚴切根究倫恭著暫行解任松明著即革職一併交僧格林沁等訊

明具奏○又諭楊能格奏軍需緊急請將本省錢糧照舊充餉一摺江蘇省江北各屬地丁等項錢糧自咸豐四年起歷經准其撥充江北軍營兵餉現在德興阿等進攻江浦餉需極關緊要所有淮揚等各屬咸豐七年未完及八年分應徵地丁等款著准其援照前案仍歸江北糧臺提充軍餉其江甯等處各標營常年兵餉著戶部另行籌撥○諭軍機大臣等前因蔣玉龍已授貴州提督諭令王

慶雲於川省將弁內遴員前赴貴州接管該提督原帶川兵嗣因思南府城被匪闖入復允王慶雲所請令該提督即由鎮遠繞出思南之北相機進剿本日復據王慶雲奏黔省桐梓等處匪徒復熾應否即由蔣玉龍一手勦辦等語蔣玉龍既經簡放貴州提督全省軍務皆歸調度現在下游麻哈等處正當勦辦喫緊之際佟攀梅既以貽誤革職恐該處統兵乏人儻王慶雲所派接替之員能即日

前往則桐梓匪徒即可責成該員勦辦俾蔣玉龍得以回顧下游若由思南再至桐梓恐與麻哈都勻相去漸遠著王慶雲酌量情形應如何分投援剿之處即行知照該提督由何路進兵免致兩歧至協濟餉需據稱已解銀一萬兩此後仍著源源接濟黔省餉項無出該督當已稔知即蔣玉龍一軍不在桐梓一路亦當設法籌解無使缺乏將此由五百里諭令知之○復引見內務府三院等處京

察一等人員。得旨。此次內務府三院等處京察一等。復帶引見各員內。除鶴昶。晉英。松球。祥慶。恩連。文明。毋庸記名外。經文圖。毓桂。文勳。文熊。師曾。銘海。中福。恩麟。祥恆。福瑞。寬惠。毓泰。恆起。貴寶。俱著交軍機處記名。○予江西南康等處陣亡外委蕭萬輝。賴相球。祭葬世職。○以督救順貞門內火。予王大臣暨各衙門值差官員。加級有差。弁兵等五百三名。賞給銀兩。○戊辰清明節。遣官祭

永陵。福陵。昭陵。昭西陵。孝陵。孝東陵。景陵。泰陵。泰東陵。

裕陵。

昌陵。

昌西陵。

慕陵。

慕東陵。○遣官祭

孝德皇后殯宮。○遣官祭

端慧皇太子園寢。○諭內閣。載容等奏。修理公主饗堂。應行禮節一摺。此次修理。慧安和碩公主。慧愍固倫公主。饗堂一切禮節。著即

援照道光二十五年修理

純懿皇貴妃園寢成案辦理。嗣後應如何酌定章程之處。著禮部妥議具奏。○諭軍機大臣等。福興奏。縷陳浙江喫緊情形。請飭迅籌重兵堵扼一摺。據稱洪逆以金陵危急。數次求援於石逆。石逆遂率撫建新淦之匪。傾巢而出。該逆自統大隊。號稱十餘萬。擬先據廣信。直犯蘇杭。以分金陵之勢。現在逆匪已越廣豐而北。竄至大南橋。饒廷選已退劄玉山。

福興所有之兵。只能專顧信郡。其旁竄浙疆之路。存在空虛。恐誤大局。各等語。逆賊因金陵圍攻甚緊。率其大股。旁竄浙疆。意圖分我兵力。設一旦令其闖入。不獨金陵功敗垂成。東南大局。豈堪設想。著和春等。即調撥勁兵二三千名。選派得力大員管帶。星馳前往常山玉山一帶。扼要截擊。並與饒廷選會商。進剿機宜。併力堵禦。保全浙境。即所以截斷金陵援賊。自顧藩籬。該大臣等。當以大局為重。

毋稍延緩。致誤事機。將此由六百里加緊諭令知之。○又諭。前因江西賊匪圖犯廣信。並分竄鉛山等處。諭令王懿德。於閩省派兵一二千名。或由邵武進剿建昌。或由崇安前進。與江西兵勇會剿。以分賊勢。本日據福興奏。賊匪自竄踞河口鎮後。復沿河東上。去廣信府城十餘里。據拏獲賊黨供稱。石逆因金陵逆賊疊次求援。欲由江西東路直犯蘇杭。以掣金陵大兵之肘。賊眾傾巢而出。分作六起。

號稱十餘萬。如攻撲廣信。不能得手。即由廣豐竄撲江山等處。以圖直入浙境。現在賊已竄過廣豐。饒廷選一軍退至玉山。情形危急。請飭撥兵援救等語。本日已諭令和春。於江南軍營酌撥兵二三千名。前往常玉山等處會剿。惟賊勢極為猖獗。江南正在圍攻金陵。所撥兵能否即到。尚未可知。福興一軍斷難兼顧玉山等處。王懿德接奉前旨後。諒已酌派兵勇出境。第此時賊既專注浙省。則進攻

撫建。轉非要策。自以堵賊犯浙之路為急。糧道趙印川帶兵素稱得力。此時尚在邵武一路。著王懿德速於閩省各標營內。抽撥勁旅數千名。或即交趙印川統帶。由崇安前進。繞出賊前。相機堵剿。一切糧餉軍裝。均著迅為籌備。賊勢剽悍。非重兵不能堵禦。該督務當注以全力。並不得稍涉遲緩。以致貽誤大局。又上年曾調廣東兵二千名。據葉名琛奏稱。九月間已令啟程。由福建汀州取道赴撫建。

救援。迄今未見報到。著王懿德迎探廣東潮州鎮總兵壽山。曾否帶兵行抵撫建等處。或在何處逗遛。並著催提赴援常玉山等處。是為至要。將此由六百里加緊諭令知之。○又諭。前因各夷首投遞照會。欲來上海。當經諭知何桂清等。設法令其回粵。再由黃宗漢與之理論。本日據何桂清奏。黃宗漢已於二月初三日。由蘇州啟程赴浙。並稱上海續到火輪船三隻。又有暎夷兵船二隻。俄夷兵船一隻。寄泊吳淞外洋。尚無動靜。與本日柏貴等所奏。夷船陸續開行之語相符。現在柏貴等在粵。已與該夷開市通商。並據奏稱各夷首等。均已歡悅而去。現只夷兵數百人。尚在城中。惟不肯搬移出城。必欲俟大局議定。始肯退出等語。上海地方。不便與之理論。止能諭令回帆。已密諭何桂清。妥為籌辦。而廣東業與通商。已非上年情形可比。前此諭令羅惇衍等。集團驅逐。日久未見覆奏。想係柏貴等。

恐開釁端。不令遽行舉動。或該夷首聞有此舉。慮其受虧。故舍廣東而趨上海。柏貴等遂信為民夷相安。總須黃宗漢迅速抵粵。方能相機籌辦。著將柏貴等本日摺件。鈔給黃宗漢閱看。務須將前次諭示機宜。及該省現辦情形。參酌辦理。朕亦不為遙制。現在中原多事。兵餉兩虧。上海正行海運。固以息事為宜。但國體攸關。豈可遂其要求之志。致令他國復起效尤之念。黃宗漢到後。仍未可輕易入城。伍崇曜既為該夷說合通商。即可令其探夷首之意。如仍有需索兵費之事。當告以焚燒商民房屋貨物。先須賠補。借紳民之力。以杜其訛索之端。然後相機籌辦。剛柔並用。操縱在我。不可一味遷就。致失國體。而啟戎心。水師提督吳元猷。疏防夷船闖入省河。已降旨革職。暫行留任。該督到後。即飭令嚴防海口。以固藩籬。將此由六百里密諭知之。○又諭。何桂清奏。上海夷務情形。並請飭嚴防天。

津等語。上海為海運受兌地方。自應設法羈縻。不令滋擾。本日據柏貴、穆克德訥等奏。廣東籌辦各情。已諭令黃宗漢酌度辦理矣。現在廣東省城。夷兵漸次撤減。夷酋撤回香港。並因各國籲請通商。業已開港貿易。儻啖味佛三酋到滬時。著即派員諭以廣東現已開市通商。情形與上月不同。新任總督到後。自有辦理之法。上海與該夷等。本無嫌隙。令其回粵商辦。儻該夷欲赴天津。但當告以徒勞無益。亦不必過於阻止。轉示以疑畏之意。惟該夷居心叵測。仍當密飭地方官。不動聲色。妥為防範。並催令兌竣沙船。迅速放洋。毋稍稽滯。新授上海道史翼久。係軍營捐輸保舉之員。如於此缺未能勝任。著該督撫據實具奏。柏貴等摺著鈔給閱看。將此由六百里密諭知之。○命前任湖南布政使徐有壬馳赴江蘇。辦理江南軍營糧臺事務。○以疏防夷船駛入省河。革廣東水師提督吳元猷職。責

令嚴防海口。○改鑄江蘇新陽縣知縣印信。從巡撫趙德轍請也。○己巳諭內閣。前據御史李培祐奏。參山西臨汾縣知縣王應昌。杖斃良民。該省上司意存消弭。各情當派成凱會同恆福查訊。茲據成凱等審明定擬具奏。所有撤任臨汾縣知縣王應昌。及書差阜役人等。應得罪名。均著刑部議奏。太原府知府保齡。候補知府萬濟。雖訊無消弭勒結各情。惟於盜刑斃命重案。未能究出實情。率行稟請發回本府。顯係推諉。平陽府知府王溥。近在同城。迨事隔三月。始行稟揭。又未將在逃要證緝獲。並添改屍親甘結。均屬不合。著一併交部分別議處。按察使沈兆濤。總理刑名。毫無覺察。且案未訊結。遽將該縣詳請回任。難免意存徇庇。恆福於此案承審各員。日久訊未得實。未能查參。著一併交部議處。○諭軍機大臣等。本日據黃宗漢奏。行抵蘇常之時。因上海並非總辦夷務之地。恐一經羈留。該

夷得以要求挾制。轉致蘇省騷動。所見甚是。現在該督已由浙啟程。沿途既無可帶之兵。即福建官兵。昨已有旨。令其選派赴援江西。恐亦無可分撥。漳泉一帶。如有精練之勇。札調帶往。當能得力。粵省現無軍械。並可由閩酌帶前往備用。覽鈔呈信件。有柏貴禁止義兵之語。可見受其挾制。不能不遷就羈縻。然該夷一聞各鄉標貼長紅。即將開市改期。該夷酋亦即回香港。未嘗無畏懼之心。該督到

粵後。仍當借紳民之力。懾以虛聲。始能令其有所忌憚。前年九月間。該夷燒我民房九千餘家。此次入城。所燒房屋。亦復不少。試問該夷作何賠補。如其不向中國訛索。則此事自當別籌辦法。若仍有賠還夷貨。需索兵費等情。惟有任聽紳商。向其索賠。即使羣起為難。亦不能為該夷庇護。至該夷憾葉名琛之拒絕。構怨稱兵。已屬背約。乃入城之後。柏貴委曲求全。而該夷復劫去庫銀。放出監犯。收取

將軍衙門軍器。直似形同盜賊。況其轎夫帶用紅頂翎支。有意輕慢中國。尤為可惡。聞此皆吧噶禮所為。該夷以葉名琛倨傲。致有攻城之舉。今該國吧噶禮。如此狂悖。應得何罪。該公使何不聞究辦。此等情節。亦可與之理論。至柏貴現辦通商。係伍崇曜從中說合。該紳雖熟悉夷情。究係洋商。與夷人多有交涉。其謀亦未可盡用。若事關機密。仍由該督籌畫定議。勿先宣露為要。所請隨帶各員。均著

准其帶往。將此由六百里密諭知之。○庚午。遣官祭賢良祠。○諭內閣。和春奏。官軍疊獲勝仗。克復秣陵關一摺。金陵逆賊。分踞秣陵關。疊經官軍痛剿。尚復恃險抗拒。正月二十四等日。總兵李若珠等。移營節節進逼。賊匪由東南北各關。疊次傾巢出撲。均經擊退。二月初二日之戰。殲斃賊匪尤眾。兇燄始衰。官軍遂渡河。繞出郭家橋劉營。橫截秣陵殷巷之衝。斷賊糧藥。賊愈洶懼。十二、十三日。復將

黃泥巷。白塘村。王家莊等賊壘。悉數踏平。關內賊勢不支。遂圖竄逸。十四日。李若珠等。派兵潛赴關北葛塘寺等處。分路埋伏。以備截勦。竄賊遂派副將劉季三等。攻東關。遊擊馬得昭等。攻北關。遊擊劉成元等。攻西南兩關。兵勇踴躍用命。同時進偪。馬得昭等。奮不顧身。斬關直入。大隊緣附而上。內外賊巢。同時火發。官軍盡力擊勦。即於是日亥刻。將秣陵關克復。逃竄賊匪。亦經伏兵截擊。殲馘無遺。

不留餘孽。秣陵關為金陵南面屏蔽。逆賊失此險要。不難一鼓殲除。該大臣等。通籌全局。布置悉合機宜。仍著督飭將士。迅圖克復金陵。同膺懋賞。○諭軍機大臣等。和春奏。移兵圍攻金陵。需用軍火甚鉅。請飭直隸。山東。山西。陝西等省。撥解一摺。現在秣陵關已經攻克。大兵圍攻金陵。正在喫緊。需用軍火較鉅。江蘇軍需局製造不及。係屬實在情形。著譚廷襄。崇恩。恆福。曾望顏。各撥火藥四萬斤。仍

按照火藥斤數。各配擡礮鳥槍子火繩七成。分起派員解赴和春軍營。以資攻勦。此係刻不可緩之需。各督撫等。務須迅速籌解。毋稍延緩。貽誤。將此由五百里各諭令知之。○又諭。和春另片奏。蒙宿官兵。及福興咨調援兵。均屬無可分撥等語。蒙宿一帶。毗連北路。尚可由山東等省調派。惟廣信為浙江門戶。石逆以大股來犯。已越廣豐而北。進援之總兵饒廷選。退至玉山。賊勢甚為猖獗。福興一軍。

萬難堵禦。浙江為完善之區。稍有疏虞。蘇杭震動。大局可慮。石逆此次內犯。實為金陵逆眾求援而來。故盡率撫建之賊。傾巢出撲。迥非尋常窺伺可比。雖據福興奏。浙省兵勇。共有二千三百餘名。而未經行陣。深恐不能得力。除江南大營外。實無可調勁旅。昨所發寄諭。業已詳晰指示。和春等不可視為泛常。著即剋日酌調。務須湊足二三千名。方敷勦辦。現在圍攻金陵之兵。自未可抽調。此外除鄧

紹良及東壩高瀆等處防兵亦不可掣動著於各處留守官兵內酌量調派其統帶將領必須實在得力之員始能以少禦眾著和春等迅速選派即令由浙江前赴常山玉山等處助剿至糧臺總辦已另派前任湖南布政使徐有壬前往接辦軍餉本不應浮濫惟因功在垂成姑准照舊支領復經疊降諭旨俟金陵克復後先將不受約束之兵遣撤歸伍其素有紀律者令何桂清於例餉之外籌給賞需所以體恤兵丁寬其既往者不可謂不至若再桀驁把持不能迅圖克復是徒以厚餉養驕兵斷不能再事姑息但使金陵早克一日即兵費早省一日當此餉源未裕而事機正有可乘該大臣自當奮迅圖功力求搏節也蕪湖為金陵上游江路賊援未能斷絕尤應嚴為之防著和春等嚴飭水師實力堵截即日金陵克復賊由水路內竄亦不可不防並著豫籌布置勿稍疏漏將此由六百里

諭令知之○以克復江南秣陵關賞欽差大臣和春太子太保銜湖南提督張國樑雙眼花翎三品頂帶許乃釗以三品京堂候補總兵官李若珠等升敘有差予陣亡總兵官虎坤元祭葬世職並於死事地方及溧水湖墅建立專祠把總周玉洪外委蕭振邦李逢春傳吉順祭葬世職○命丁憂雲南鶴麗鎮總兵官周天培仍留江南軍營助剿事竣後回籍終制○以捐田贍族賞吏部侍郎張祥河御書匾額曰誼篤宗支○辛未上御含輝樓閱侍衛等步射○諭軍機大臣等彭蘊章等奏會議海運米石分成仍歸河運請飭有漕各督撫籌畫試行一摺海運漕糧本屬一時權宜之計現在瓜鎮克復江路已通運河設法挑濬人力可施黃河一帶商船停泊不少自應將糧石酌分成數河海並運以圖經久之規著何桂清庚長李鈞邵燦趙德轡晏端書崇恩按照所奏各就地方情形

通盤籌畫。本屆如可試行。即於海運漕糧內。分定成數。改歸河運。儻因起辦不及。須俟來年。亦應豫為籌定。惟所稱以三成試歸河運。以七成仍由海運。河運米數。未免太少。能酌加成數。更為妥善。至引水濟漕。雇船節費。並嚴禁地方加派河工開銷等弊。是在各該督撫。認真稽查。並遴派妥員。實心督辦。一切章程。均著會同妥議。迅速具奏。原摺著鈔給閱看。將此由五百里各諭令知之。尋奏。江浙新漕。仍請全由海運。毋庸另議更張。從之。○又諭。本日據何桂清奏。募勇增餉。籌款艱難等語。復據文煜。滬陳軍營積弊一摺。前因江南官軍進擣金陵。急盼奏功。是以特允該督所請。於兵勇口糧。量予加增。以冀眾心感奮。若各營任意虛糜。原應酌量覈減。何桂清籌餉艱難。朕所深悉。即文煜調辦江南糧臺。撙節度支。亦無不合。惟和春所統兵勇。溢領積習。相沿已久。如該藩司所稱營員侵吞肥己。兵

勇冒領重支。此等弊竇。豈能不加查覈。現派徐有壬接辦。仍須該督籌畫調度。何桂清與和春等。商辦軍務。意見素能浹洽。儻因軍餉而致文武不和。於大局恐有妨礙。所議添募壯勇。若因節費。置之不理。亦恐軍中有所藉口。仍著該督酌量添募。總期迅速成功。即是節費之道。另摺奏。密探夷情。恐赴天津等語。仍著何桂清飭令薛煥。與吳健彰。設法開導。粵事須歸粵辦。現在新簡大臣黃宗漢。計日可抵廣東。速令回帆。聽候秉公辦理。萬一不遵開導。駛至天津。該處已有防備。啖呷二酋。朋比為奸。罪不容恕。惟現當中原用兵。又行海運。諸多掣肘。不得不用柔遠之方。為羈縻之計耳。將此由五百里諭令知之。○又諭。本日據何桂清趙德轍奏。啖呷二酋。於二月十二日。已到上海。欲俟呷酋一到。即赴天津。截至十四日。共到啖呷俄三國兵船火輪船九隻。傳聞呷酋現赴小呂宋。借撥兵船。併計有

四五十號。夷兵四五千。請飭直隸總督。儘有夷船到津。設法羈縻等語。逆夷駛赴上海。因欽差大臣黃宗漢業已過蘇。欲徑赴天津。情形實屬叵測。天津海口防堵事宜。業經譚廷襄嚴密布置。但該夷如果到津。未必遽行滋擾。本日已派崇綸前赴天津。辦理海運。著傳諭藩司錢忻和。迅速赴津。會同崇綸。豫商一切。上年俄酋到津。始而不收其來文。後乃令文謙等接見。此次各夷前來。如錢忻和等遽往接見。恐俄夷有所藉口。應先派明幹委員。諭以廣東大臣。辦理不善。大皇帝業已另派欽差大臣。赴粵查辦。並聞署總督柏貴。因各國籲請。已准通商。爾等到彼。自能秉公會議。酌量辦理。天津既非通商之地。又無專辦夷務大員。到此無可商議。看其如何動靜。再行奏明辦理。至俄羅斯上年至津。投遞公文。藉詞防堵。喚夷。今則與該夷等同惡相濟。居心尤為譎詐。但中國與俄夷和好。已百有餘

年。並無嫌隙。與喚佛等夷不同。相待之禮。亦當稍有區別。如接晤普提雅廷。仍當以禮貌相待。諭以和好多年。不應干預喚佛等國無理之事。味夷在粵。並未助惡。亦可嘉其守信。俾知感服。如先解散俄味兩酋。不至助逆。則喚佛之勢已孤。再觀其要求何事。從長計議。喚夷罪無可恕。佛夷黨惡。亦屬可恨。惟現在中原未靖。又行海運。一經騷動。諸多掣肘。不得不思柔遠之方。為羈縻之計。張殿元。達年等。此時當不動聲色。嚴密防範。若夷船到後。自宜多撥兵勇。張大聲勢。使該夷不敢輕視。該督並密飭地方官。禁止沿海奸民。私與貿易。及接濟食物為要。將此密諭譚廷襄。張殿元。並傳諭錢忻和。達年知之。○又諭本日據何桂清。趙德轍奏。密探夷情。喚味俄各酋會議。有不遵回粵。俟佛酋到來。即赴天津。籲懇恩施。儻不蒙俯允。即在天津。及沿江沿海。滋生事端之謠。該督等已飛咨盛京直隸等省。

並飭沿海各鎮嚴行防範等語。該夷等現有兵船火輪船九隻。傳聞梯首赴小呂宋借撥兵船。約計四五十號。裝載夷兵四五百人。雖係虛聲恫喝。藉肆要求。惟既有此語。亦難保其必無是事。盛京為沿海要區。自應嚴為之備。以免疏虞。著慶祺。西拉布。督飭沿海各員。弁於海口各要隘。不動聲色。密加防範。儻有夷船駛到。務須嚴禁沿海居民勿令接濟食物。私通貿易。一面即豫為準備。毋得稍涉張皇。是為至要。將此密諭知之。○改命倉場侍郎崇綸。會同工部尚書文彩。前赴天津。倉場侍郎李萬會。同戶部右侍郎杜翻。在通州驗收海運米石。○旌表守正捐軀河南固始縣民楊清合妻傅氏。○壬申。

孝昭仁皇后忌辰遣官祭

景陵。○諭內閣。吳振械等奏請催解撥餉等語。所有雲南省部撥餉銀十五萬兩。並陝西短解雲南銀一萬兩。著該部嚴催各該省。如數

速行撥解。以濟要需。○諭軍機大臣等。吳振械等奏。宣威勦匪獲勝。並省回就撫。散練滋事等語。吳振械駐劄曲靖。與桑春榮籌辦省城安撫事宜。已漸有定局。乃宣威回匪。竟敢裹脅漢夷各匪。攻撲州城。經張亮基督同司道。簡選兵練。立行擊退。此等冥頑回匪。自當懾以兵威。使已經受撫者。不敢相率效尤。仍不外分別良莠。勦撫兼施。至曲靖距宣威甚近。急應加意撫綏。不令煽惑勾結。張亮基帶

兵前進。吳振械仍宜嚴防後路。不可大意。現在省城回眾。既經具結不復滋事。即係良民。豈容散練任意戕害。除已獲各犯。業經正法外。著桑春榮將餘犯按名弋獲。執法重懲。以安回眾之心。將此由六百里各諭令知之。○又諭。福濟奏。壽春鎮總兵鄭魁吉。性情驕蹇。與諸鎮不和。頗難駕馭。請飭赴江南軍營。聽候和春調遣。即飭傅振邦酌帶精兵。前赴廬州。並將秦定三帶去之吉林營總關保。富和

兩起馬隊帶回。以資分撥等語。廬州防備北路固屬緊要。惟江南正當圍攻金陵喫緊之際。傳振邦幫同鄧紹良。保守甯國。亦屬得力之員。能否前赴廬州。與鄭魁士對調。著和春酌量情形。奏明辦理。如傳振邦未能抽身。此外另有可調之員。並著酌派。俟該員到廬後。再令鄭魁士前赴江南。其關保一員。前經和春奏明。帶領傷病兵丁回旗。此外馬隊。是否可以調撥。並著體察情形。酌辦可也。將此由

五百里諭令知之。○又諭。福濟等奏。廬軍需餉緊急。江蘇分撥二萬。今歲尚無報解。山東欠解皖餉一百五十萬兩。屢催罔應。陝西每月二萬。亦數月不聞起解。請旨飭催等語。現在粵捻各匪。竄擾廬州。分投援剿。餉項必須應手。著何桂清。曾望顏。各按月准撥餉銀二萬兩。解赴福濟軍營。並著崇恩。籌撥餉銀四五萬兩。派員解赴廬州。以資接濟。將此由五百里各諭令知之。○命山東山西各巡撫。籌

備火藥火繩。迅解安徽廬州軍營備用。○以雲南省城安輯漢回出力。賞知縣陳慶椿花翎。以同知直隸州知州用。予宣威陣亡外委舒大猷。祭葬世職。○蠲緩安徽宿阜陽五河合肥壽懷遠定遠鳳臺含山泗靈璧鳳陽太和盱眙天長滁來安全椒建平廣德霍邱亳蒙城南陵涇二十五州縣。並屯坐各衛。被水被旱。被風。被蝗。被兵地方。新舊額賦。○癸酉上御含輝樓。閱侍衛等步射。○諭內閣。今日射

鵠。乾清門頭等侍衛圖庫爾。中箭三枝。加恩著賞穿黃馬褂。副都統銜頭等侍衛蘊秀。箭射無準。著罰俸三箇月。○又諭。蔣霽遠奏。麻哈州城失守。現飭文武各員堵剿一摺。貴州麻哈州高視地方。於上年十一月。被匪滋擾。經該撫派令古州鎮總兵巴揚阿。督兵援剿。本年正月十五日。賊匪由高視一帶來撲。巴揚阿。督飭遊擊王萬祥等。帶兵迎剿。斃匪數十名。奪獲刀矛二十餘件。連日進剿。前後又

斃數百餘名。二十二日。突有民練開城逃遁。匪即乘勢擁入。以致州城失守。著蔣蔚遠督飭已揚阿等。迅將州城克復。勿致蔓延。該州文武各官下落。著查明據實具奏。○甲戌。上御含輝樓。閱侍衛等步射。○諭內閣。倭仁泰。參司員奉差。延不回任。一摺。盛京戶部員外郎。覺羅溥節。因派赴吏部領取則例。日久未回。屢經該侍郎催令回任當差。迄今已閱一年。該員仍未回署。實屬任意遲延。有曠職守。

覺羅溥節。著即革職。以示懲戒。○諭軍機大臣等。晏端書奏。江右逆匪。竄撲廣豐縣城。浙省邊防。緊力籌堵。勘情形。並片奏。逆匪欲犯建平東壩。甯郡危急。各等語。江西臨江敗匪。與撫建股匪。由鉛山竄圍廣豐縣城。欲擾及浙江。以牽掣金陵之師。自河口至上饒。廣豐蔓延百餘里。逆賊不下六七萬。勢甚猖獗。玉山兵數有五千餘名。晏端書已咨令饒廷選。統領各隊。並飭遊擊楊國正。由江山前進。

會勦。力解重圍。惟賊眾廣集。兵力尚嫌單弱。浙江為完善之區。斷不可任其竄入。該逆既傾巢而出。撫建情形已鬆。不可不兼顧廣信一路。以全大局。著齡前奏。新淦得手後。即分撥一軍。往助貴溪。此時廣豐被圍。亟應撥兵防勦。該省如劉長佑。劉于濤。普承堯。田興恕等。皆係得力之員。著著齡酌量調派。務須繞出賊前。迎頭截擊。或因道路紆折。亦當跟蹤追勦。以掣賊勢。前調之江南及福建官兵。並

著晏端書等。分別催提。以資防勦。潮州鎮總兵壽山。前帶廣東官兵二千名。由福建汀州取道。赴撫建救援。現在是否已抵江西。著著齡查明該鎮在何處逗遛。迅速催赴常山。玉山一帶。毋許遲誤。逆賊竄踞黃池灣。汴後賊黨日增。意欲內犯建平東壩。窺伺蘇杭。鄧紹良。因金陵無兵可分。添募壯勇。所需軍餉較多。著晏端書設法籌撥。源源接濟。毋誤要需。將此由六百里加緊各諭令知之。○乙亥。祭

釐捐抵完協貼銀兩。所有鹽務捐釐名目。自應刪除。並裁減委員人役。以節糜費。所收鹽課。每月以二萬兩充勝保軍營兵餉。仍由各委員就近解交。儻有以多報少。即著查明叅奏。其每月收數。即由河南軍需總局彙案造報。以歸覈實而免轆轤。○又諭勝保袁甲三奏。官軍移營進逼賊壘。大獲勝仗。立解固始城圍一摺。逆賊圍攻固始。疊經官軍進剿。獲勝。賊勢仍形猖獗。勝保激勵將士。剋期大舉。

統計攻破賊營二十餘座。殲斃粵逆擒逆一萬餘人。生擒一千餘人。賊目偽籲天侯卜占魁等三百餘人。悉被擒斬。固始城圍立解。出力文武員弁兵勇著勝保等查明保奏。候朕施恩。所有敗殘餘匪。仍著督飭將士分路搜剿。無留餘孽。○又諭滿慶奏。扎薩克喇嘛因病告休。呈請轉奏一摺。扎什倫布之扎薩克喇嘛朗結曲丕。前因班禪額爾德呢之呼畢勒罕尚未出世。賞給色呼本諾們罕名號。並

頒給印敕。使管理地方公事。多資裨益。今因病請休。著即照所請。仍留色呼本諾們罕名號。以終其身。其印敕俟伊故後再行繳銷。所遺扎什倫布之扎薩克喇嘛缺。著擬正之四品曲琿堪布羅布藏郎結補授。所放扎薩克喇嘛亦著加恩賞給印敕。以昭信守。其應賞印敕著該衙門照例辦理。○又諭滿慶奏。查驗達賴喇嘛之呼畢勒罕出世之幼子。掣定奏聞一摺。本年正月十三日。駐藏大臣會同

呼徵阿齊圖呼圖克圖堪布喇嘛率同眾喇嘛。經由金甌將番民朋錯測旺之子明珠爾丹測加木錯之名掣出。定呼畢勒罕之時。因班禪額爾德呢之呼畢勒罕尚未及歲。不能命名。是以呼徵阿齊圖呼圖克圖按佛道伊師達賴喇嘛之呼畢勒罕。即以阿旺羅布藏丹貝加木燦琛呼加木錯命名。甚屬吉祥。朕心不勝欣悅。惟該呼畢勒罕年甫三歲。現住布達拉山附近寺內。著呼徵阿齊圖呼圖

克圖留心善事。俟及歲後。應坐牀之一切事務。著滿慶妥為辦理。照例具奏。○又諭滿慶奏唐古忒番民苦累。據情代奏一摺。唐古忒因重修布達拉山上樓房工程。並辦理達賴喇嘛呼畢勒罕事宜。情形甚屬苦累。著加恩。即在備存察木多。拉里。西藏。三臺盈餘生息銀內。賞給銀一萬兩。毋庸按年歸還。以示體恤。其餘著照所請。由糧庫支給。仍按年扣還歸款。○諭軍機大臣等。前因俄羅斯使臣普

提雅廷。由上海附遞照會。內有分定界址。欲以黑龍江左岸為斷一節。已諭知奕山。如果該夷折回黑龍江。即著奕山據理拒絕。仍照前議。將烏特河地方會同勘定。嗣據兩江總督何桂清等奏。普提雅廷仍在上海。欲與喫啡味各夷酋。前來天津。其果來與否。尚未可定。而據該國知照理藩院文稱。木哩斐岳幅。現由額爾口城水路。赴黑龍江。松花江等語。文內木哩斐岳幅銜名。自稱總管西畢爾大

臣。似會勘地界一事。竟由木哩斐岳幅經管。普提雅廷未必即回黑龍江。本日奕山等奏。派員分辦夷務。自係木哩斐岳幅尚未行抵該處。如其前來奕山。得信後。即當遵照前旨。會同查勘。所有疊降諭旨。令該將軍開導。普提雅廷各情節。即可向木哩斐岳幅詳細曉諭。務期駕馭得宜。勿使該夷肆意侵占。至天津上海如何辦理之處。亦不必向該夷提及。但就地界一事。妥為查辦。以免別生枝節。將

此各諭令知之。○又諭。前因江西逆匪竄撲廣豐縣城。浙省邊防喫緊。諭令耆齡調派得力之劉長佑等員。酌帶勁兵。繞出賊前。迎頭截擊。本日據福興奏。賊眾欲由東瓦窰竄犯廣信郡城。雖經官軍疊次擊退。現尚麇聚於沙溪一帶。勢甚猖獗。請飭迅撥勁兵。以顧東路各等語。江西逆匪全趨東路。福興兵力尚單。亟須援應。況賊眾分竄。饒廷選退守玉山。該處為入浙要路。建瓴之勢。無險可守。儻令

關入浙江蹂躪完善之區大局幾不可問雖
疊降諭旨令和春王懿德各撥兵勇馳往協
剿但恐緩不濟急者齡接奉前旨諒已遵派
得力大員帶兵赴援先其所急馳赴廣信一
帶探明賊勢相機截剿毋稍貽誤至賊匪傾
巢而出已由廣豐將至玉山福興未可株守
信郡專待援兵致令浙境稍有疏虞將此由
六百里各諭令知之○山西道御史錢桂森
奏前任尚書陳孚恩才識優長請賜擢用得

旨○陳孚恩曾任一品在京候補擢用朕自有
權衡況如何擢用更非臣下所應擅擬此非
末僚湮沒無聞者比該御史豈不知之而故
為此奏以試朕待陳孚恩眷顧若何非受人
所囑即有意市恩況朋比黨援我大清從無
此臣子此風亦斷不可長所奏實屬荒謬此
摺著大學士六部尚書侍郎等同看至應如
何將該御史薄示懲處之處著卿等酌議具
奏○以頭等侍衛伊興額為正紅旗蒙古副

都統○以河南固始解圍予副都統勝保以

都統用賞還黃馬褂○巴圖魯名號河北鎮總

兵官樂善以提督用賞穿黃馬褂賞委參領

景林高福都司唐玉輝巴圖魯名號協領楚

勒剛阿副都統銜道員文桂守備黃得魁等

花翎餘升擢有差○戊寅諭內閣駱秉章奏

遵查已革都司賈無潛逃情事請開復原官

一摺前因者齡奏參江西吉安軍營都司蕭

孚泗於營陷後帶兵潛逃當經降旨革職交

駱秉章嚴拏重辦茲據奏稱該革員當營盤

被陷之時傷重昏迷親兵舁之出營迨回營

後仍屢次冒險衝鋒實無潛逃情事蕭孚泗

著開復原官免其究辦○又諭張祥河等奏

捐貲捕蝗各員可否援例請獎一摺上年近

畿一帶蝗蝻萌生該兼尹等督飭所屬實力

探捕所需經費均係各州縣自行捐辦尚屬

急公所有捐貲各員著准其照籌餉例分別

覈請獎敘○諭軍機大臣等本日據何桂清

等奏。上海各夷船。於二月二十二。至二十四日。陸續駛赴天津。共有兵船火輪船十隻。尚有英夷兵船數隻。隨後赴津。復據烏勒洪額等奏。三十日。有俄夷火輪船。來至攔江沙七度水以外。投遞公文。已派委員前往探詢。各等語。俄夷船隻。先到天津。既稱有善事面商。自不致遽起釁端。不過欲強為說合。希圖從中獲利。該鹽政等。既經派員前往。即著妥為曉諭。探其意之所在。如其所商。尚非袒庇英

俄兩夷。於大體不至窒礙。即著密速奏聞。候旨定奪。至調兵集團。該夷儻有知覺。須告以專為喫嘴而設。中國與該夷和好有年。斷不至稱兵尋釁。崇綸已諭令即日啟程。錢忻和諒亦到津。譚廷襄著即出省。或駐劄天津府城。或暫駐天津附近地方。將來崇綸到時。商辦事件。即可就近會奏。儻有調兵防堵緊要事宜。該署督呼應亦較靈。惟不必親至海口。免致該夷要求請見。將此由四百里密諭譚

廷襄。張殿元。並傳諭烏勒洪額。錢忻和。達年知之。○又諭。何桂清等奏。夷酋不遵開導。徑赴天津。並密陳現辦夷務。宜暫緩用兵。各一摺。所奏甚為明晰。本日據烏勒洪額等奏。俄夷於二月三十日。已有大小船二隻。來至天津。稱有善事相商。現經該鹽政。委員前往查詢。已諭令崇綸。會同藩司。錢忻和。前往妥為曉諭。察其動靜。再行籌辦矣。上海為海運關稅要地。用兵固屬非宜。而該夷既有欲赴湖

州。崇安之語。亦不可不密為防範。該督等。務當外示懷柔。不露端倪。仍一面擇要設備。以防該夷反覆。至海運米石。頭批業已放洋。其駛赴十激者。據稱亦已十分之七。此時若全出大洋。設有疏虞。所關非細。著何桂清。趙德輿。悉心妥籌。前此部議。分成河運一節。能否將尚未放洋之米。截留河運。或一時河道疏濬不及。暫固何處倉廩。俟徒陽運河開通。再行運赴山東一帶。設法運京。該督撫。務當於

無可設法之中。力籌善策。是為至要。將此由六百里密諭知之。○又諭。本日據何桂清等奏。喫咭喇等夷酋。欲由上海前赴天津。業已起碇。山海關地方緊要。亟應豫籌防範。著西凌阿。於察哈爾各兵內。挑選馬隊勁旅二千名。備齊軍裝器械。即著該都統。親自統帶。剋日由密雲一路。前赴山海關。相機布置。不必由京行走。現在京營需用馬匹。並著於察哈爾捐輸馬內。挑選二千匹。俟四月間。緩程解

京備用。西凌阿啟程後。察哈爾都統印務。著慶昫署理。將此由四百里密諭知之。○又諭。本日據官文等奏。楚省邊防喫緊。前派赴商城之舒保一軍。已咨調一千五百名。以助都興阿勦匪等語。現在固始之賊。迭經勝保等督兵勦擊。已解城圍。英桂勦辦阜陽土匪。亦一律肅清。業經行抵汝甯。已諭令就近督兵會勦。商城零匪無多。當可無虞。延蔓英霍之賊。現已竄入羅田邊境。窺伺蘄水。蘄州都興

阿兵力單薄。楚省軍情。較為喫重。著官文等。即飭舒保一軍。仍回羅田。麻城一帶。會同都興阿。實力防勦。以顧楚省門戶。將此由六百里諭令知之。○又諭。英桂奏。阜陽教匪撲滅淨盡。並請留舒保馬隊。及九江營勇。助援商固等語。昨據勝保等奏。固始縣城。業於前月二十三日解圍。該撫尚未知悉。本日復據官文等奏。英霍賊窺伺蘄州。勢甚猖獗。已調舒保所帶兵勇一千五百名。前往助勦。現在豫

省情形較緩。而舒保一軍。既經分撥。為數無多。且蘄州兵力尚單。已諭官文等。飭令舒保統帶全軍。折回蘄黃一路。協同都興阿勦匪。著英桂毋庸截留。至固始解圍後。勝保所帶各兵。尚可分撥。邱聯恩一軍。與其留防後路。不如進勦商城。令與該撫所帶各兵會合。不難勦捕肅清也。將此由六百里諭令知之。○命刑部左侍郎國瑞。正黃旗護軍統領珠勒亨。正紅旗漢軍副都統富勒敦。奏赴山東一

帶彈壓土匪。巡防河岸。○以截勦皖匪出力。賞湖北道員唐訓方。已圖魯名號。守備梁洪勝。張養吾。朱恢。三等花翎。餘升擢有差。予陣亡教諭王炳榮祭葬世職。○以勦辦江南石磧橋賊匪出力。賞防禦永林等。藍翎。筆帖式劉仲倫等。六品翎頂。○以河南固始等處勦擒出力。復總兵官邱聯恩。頂翎。予陣亡外委麻金詔。祭葬世職。○已革土默特貝子德勒克色楞。丁母憂。准其回旗穿孝。百日後。仍赴熱河。交都統英隆管束。○己卯。諭軍機大臣等。昨據何桂清等奏。上海各夷船陸續駛赴天津。共有兵船火輪船十隻。隨後尚有英夷兵船數隻。又據烏勒洪額等奏。一月三十日。有俄夷火輪船。來至攔江沙七度水以外。投遞公文各等語。此次英俄兩夷。在廣東犯順。復同俄味二夷。由上海赴天津。原不過虛聲恫喝。藉肆要求。惟夷情叵測。不可不防。山海關。為夷船赴津必由之路。自應豫為之備。著

定福。督飭該處員弁。不動聲色。嚴密防範。勿稍疏虞。如有需用經費。即著傳諭監督清醇。於關稅項下。酌量提用。以濟要需。將此密諭定福。並傳諭清醇知之。○又諭。法福禮。裕瑞。奏。浩罕遣使懇求通商。鈔錄諭帖呈覽一摺。首逆倭里罕。在喀什噶爾滋事。罪大惡極。現在逃赴浩罕。法福禮等。諭令拏解來營。始准通商。自係正辦。惟據該浩罕伯克派額爾沁等聲稱。倭里罕鬧事後。曾派人擋路。禁人附從。又將倭里罕拏禁。如准其通商。即將逆首罪名。照經典自行懲辦等語。情詞尚屬恭順。該夷經典。既無相獻霍卓之說。此時若不准通商。勒令獻出。恐致別生枝節。如果浩罕已將倭里罕等。按照經典懲辦。即可准其通商。其如何懲辦之處。亦可無庸深究。著密訪奏聞。現在邊疆甫定。未可再開釁端。該大臣等。惟當撫綏回眾。嚴防卡倫。毋令匪徒乘間滋事。將此諭令知之。○以詹事府詹事文祥。署

刑部左侍郎○以總管內務府大臣文豐署正黃旗護軍統領正紅旗蒙古副都統克興阿署正藍旗護軍統領○以理藩院左侍郎伊勒東阿署管寶坻等四處官兵事○予故伊犁惠遠城協領伊勒哈布祭葬卹廕如副都統例○庚辰署直隸總督譚廷襄奏探聞俄船抵天津海口得旨已有旨令汝赴津矣惟現調京兵二千不日亦可抵津統率無人著全數歸汝調遣俟國瑞等抵營將此硃批

諭伊等知悉○長蘆鹽政烏勒洪額等奏擬俟崇綸到日仍回天津督辦團練籌款接濟得旨著照所擬俟崇綸到後汝即回駐天津○改鑄山東齊河縣知縣印信從巡撫崇恩請也○辛巳祭

先蠶之神

皇后親詣行禮○諭內閣兵部奏請將捏報馬匹倒斃之帶兵官懲處一摺黑龍江委營總濟隆額管帶官兵前往湖北軍營行至通州

遽稱騎馬二百四十九匹全行倒斃顯係該兵丁等沿途變賣帶兵官扶同捏飾若不嚴行懲辦何以肅軍政而儆效尤著黑龍江將軍湖北督撫飭令該營總將前項馬匹勒限賠補並著官文胡林翼將該帶兵官就近查取職名交部議處○諭軍機大臣等胡林翼奏浙江軍情緊要請調江西帶勇道員李元度赴浙防勦一摺江西大股賊匪欲竄浙江已由廣豐將至玉山該處為浙江門戶防勦

實屬緊要惟前據福興奏李元度在貴溪一帶抵擊竄匪屢次以少擊眾頗為得力若竟調往玉山則廣信一帶空虛亦恐顧此失彼李定太為江南軍營出色人員現在進賢賊匪業已傾巢而出可調李定太帶兵迅速往援廣豐即可與饒廷選分投夾擊以保浙江門戶著福興著齡酌量情形即飭李定太偵探賊蹤所向移緩就急以固浙防至前諭著齡就近撥兵赴援諒必遵旨辦理福興退守

廣信如賊勢盡趨廣豐亦當相機前進會合追剿不得藉口兵單一籌莫展致令賊勢蔓延自干咎戾將此由六百里各諭令知之○以恭修

玉牒告成賞提調官慶至三品頂帶以四品京堂用餘升敘有差○以江南江浦剿賊出力復道員溫紹原職○鑄給山西陽和城營改設守備條記從巡撫恆福請也○壬午諭內閣載華等奏兵役餉銀未到請暫行賞借一

摺

東陵本年春季兵役餉銀遵化等各州縣尚未批解兵役待食孔殷著准其於永濟庫現存實銀內暫行撥借半月錢糧以資支放俟各州縣春餉解到時按數歸款併著直隸總督嚴催各州縣將應解餉銀迅速批解毋任延宕○又諭蔣蔚遠奏甄別知縣一摺貴州餘慶縣知縣章贊清才不勝任難期振作著以原品休致委用知縣吳化嘯才具羸率揀發

知縣慶發不諳吏治惟該二員年力尚壯均著以府經歷縣丞改用歸部銓選○又諭楊能格奏會同酌保委員請旨遵行等語前因楊能格奏請鼓勵糧臺出力人員當降旨令會同文煜酌保今文煜即日來京所有江北籌餉抽釐各員著與德興阿翁同書翰殿華會覈保奏毋許冒濫○諭軍機大臣等烏勒洪額等奏派員往見俄酋該夷呈出公文一摺委員卞寶書等接見俄酋該夷呈出公文意在

速得回信惟該委員等既告以請總督代奏必須十日此時崇綸到津未可即與接見至早亦須五六日後派員告以所投大學士公文已由直隸總督代遞現有驗收海運大臣在津即係欽派之員有何要言可與商議該大臣即可具奏俟其回覆後崇綸烏爾棍奏錢忻和可與約期相見告以上年爾國來津因念和好多年錢忻和等代遞公文去時囑其往黑龍江會同欽派大臣辦理查勘地界

事宜。今年又在江蘇投文。已由理藩院。知照薩納特衙門矣。此次代遞大學士裕誠公文。聞仍交理藩院回覆。想不日可得回文。廣東之事。原與該國無干。噶喇二國。舉兵背約。現派欽差大臣。前往廣東。秉公查辦。天津並非辦理夷務之地。惟貴國素來和好。今如有要言。該侍郎即能代奏請旨。前年噶喇二國到津。即係崇綸接見代奏。至俄國從前。雖有使臣到京。並非大臣。上年貴大臣欲請進京。亦經錢忻和等阻止。實因貴國大臣從未到京。相待之禮。並無成例可遵。恐有未周。轉傷和好。並無他意。去年貴大臣亦即中止。今因噶喇二國之事。祇須在津說明。必能酌量辦理。中國遇事。恪守舊章。無非永敦和好之意。諒必知之。如此曉諭。看其情形若何。相機開導。會同譚廷襄密奏。若噶喇等夷。投遞大學士等文書。即告以噶夷在江蘇。將總督等照覆退回。噶喇二夷。亦無照覆。此次在津投文中。

國不能接收。惟噶夷並未助惡。亦可與之接見。禮貌相待。其噶喇二國。應赴廣東。聽候欽差大臣。秉公查辦。噶喇夷有為噶喇二國說情之處。亦可與之體面。允其入奏。俄夷公文。仍當由理藩院覆之。俟下寶書到京後。詳詢情形。再行寄諭酌辦。烏勒洪額。想即回府城矣。將此密諭崇綸。烏爾棍泰。並傳諭直隸布政使錢忻和知之。○又諭。據英桂奏。各匪回竄。六安商固境內。已無賊蹤。惟因潁屬逆捻。竄擾太和。逼近歸陳邊境。該撫改赴沈項相機堵截。自應察看賊情。何路喫重。即由何路進兵。至隨營兵力單弱。勝保所帶兵勇。如可分撥。即與商酌辦理。該副都統雖已回勘六安商固後路。尚須策應。邱聯恩調劄汝甯。如商固空虛。即著飭赴光屬。為勝保後路。若太和竄匪猖獗。必須該總兵。前赴沈項助剿。即著該撫通籌緩急。酌量調遣。毋得專顧一隅。致有疏失。將此由六百里各諭令知之。○署

直隸總督譚廷襄奏。拏獲傳教之邱雲亭。解省確訊。得旨。此事頗有關係。恐似此匪類。不止一人。務須嚴切根究。斷不准任其姑刑。或致斃命。著傳諭清盛知之。○以怡親王載垣。署鑲白旗漢軍都統。刑部尚書麟魁。署鑲白旗蒙古都統。○癸未。諭內閣。寶鑒等奏。寶泉局席棚失火。請將局員議處一摺。本月初六日寅刻。寶泉局鑪座席棚失火。雖經立時撲滅。究屬疏於防範。所有該局監督大使。著查

取職名。交部分別議處。寶鑒。杜翻。著一併交部議處。○又諭。德興阿等奏。環攻江浦。克復縣城一摺。江浦縣城被賊占踞。聚黨屯糧。意在固守。德興阿等親督總兵安勇等。四面環攻。該逆由城南撲出二千餘名。勢甚猖獗。經參將魁霖。都司王希堂等。分路包抄。會合痛勦。鞠殿華督兵攻西門。及求雨山一帶。槍斃首逆洪秀全之姪洪芒。一名。餘賊遁回城內。其城外賊匪。悉就俘執。復令兵勇緊攻南

門。適九洲洲出賊千餘。經羅玉斌等分路迎勦。直衝賊陣。砍斃黃衣悍賊二名。殲賊數百名。溺死無算。鞠殿華當將求雨山賊營先行攻破。海全等復縱火延燒南門外賊營。富明阿等帶領兵勇。由西門登梯上城。拋擲火箭。火包。賊眾拌死衝出。各路兵勇四面接殺。當將縣城克復。共計斃賊二千餘名。焚燒淹死。不計其數。陣斬偽幟宗首級。生擒偽將軍總制等多名。悉予駢誅。所有克復城池。在事文

武員弁。均屬奮勉圖功。著德興阿等查明保奏。候朕施恩。○又諭。王懿德等奏。請將護副將許告。案內各員弁。暫行革職。訊辦一摺。浙江金華協副將祥保。稟許前署副將毛亮。任內冒食空糧等款。經王懿德等派員訊屬虛誣。該護副將堅不輸服。亟應徹底嚴究。護金華協副將祥保。署處州鎮總兵金華協副將福昇。護金華協左營都司處州鎮標右營千總施應揚。署金華協右營都司紹興協右營

守備沈榮松前任金華協左營守備升任都司鍾龍超署金華協左營守備金式琪均著暫行革職即著王懿德等飭委浙江臬司會同藩司提同前任樂清協副將毛亮及案內應訊人證卷宗一併訊辦以昭覈實○諭軍機大臣等西凌阿奏遵旨飭調官兵來日即行統帶啟程一摺據稱遵挑察哈爾兵二千名以一千名作為鳥槍兵一千名作為弓箭兵分作四起派令總管特克慎等四員分帶

於商都太僕寺牧放捐輸馬內挑驍壯馬二千三百匹以備乘騎並於庫存捐輸銀內動項造就駝鞍繩屨六百副即由商都駝羣內調用駝六百隻以備官兵使用該都統統帶頭起官兵先行啟程由密雲一帶徑赴山海關布置等語均著照所擬辦理至所稱由口至山海關經過地方沿途需用店房飯食草乾裝載軍器車輛請飭直隸總督飭屬豫備之處著譚廷襄查照從前成案飭屬妥為應

付以利遄征至西凌阿啟程後其後起各官兵務飭絡繹前進毋許遲延該都統行至山海關後如何相機布置並著隨時奏報到防後蒙古兵性多糊塗誠恐遇有夷人上岸率加殘害務必嚴為約束免生枝節張家口駐防官員兵丁如有當差得力者准其選派帶往所需鉛丸火藥已諭工部即為籌解矣將此各諭令知之○又諭勝保奏軍營用款日繁請飭各省按月協撥餉銀等語勝保軍營

餉需前經諭令英桂督飭藩司瑛榮接濟現在固始解圍即須進攻六安勝保袁甲三兩營糧臺已歸併一處李孟羣一軍隨同進剿兼須接濟斷非河南一省所能支應亟應寬為籌撥著王慶雲崇恩恆福各籌撥銀三四萬兩派員迅解勝保等軍營俾資接濟毋誤要需將此由五百里各諭令知之○又諭勝保袁甲三奏追賊獲勝現籌進攻六安並請飭英桂進駐潁亳各摺片固始殘敗賊匪現

既贖聚六安。自應全力專注。迅圖克復。然後徐籌各路。英桂昨奏。逆捻逼近歸陳。仍赴沈項一帶。扼要堵截。已諭令察看緩急。酌量進剿。自未能兼顧潁毫。朱連泰所帶各勇。僅止數百。自應酌量添撥。前調之山西兵一千名。本日據恆福奏報。已於二月二十日。及二十八日。先後啟程。此項官兵到豫。即著飭赴亳州。合力攻剿。袁甲三現在正陽。於潁毫一帶。自可隨時調度。英桂俟豫境情形稍鬆。再行相機進止。李孟羣一軍。未免飢疲。現既統歸勝保等。合攻六安。著隨時援應。以期聯絡。至勝保另片。奏陳患病情形。該副都統素性勇敢。此次力解城圍。斬馘無算。業經降旨。酬庸。該副都統年力正壯。所患自當即痊。現在籌兵籌餉之難。朕所深悉。本日所請撥餉。除直隸無可籌撥外。已諭令山東。山西。四川。各督撫。每省撥銀三四萬兩。迅速解往該營。以資接濟。勝保當悉心籌畫。速克六安。不可存畏。

難之見。致懈士心。將此由六百里各諭令知之。○以禮部尚書瑞麟兼署工部尚書。○以鄭親王端華署步軍統領。○以福建和平等處勦匪出力。賞千總吳鵬昇等藍翎。參將梁翼之等升敘有差。○以捏病偷安。革委營總全永職。仍留伊興額軍營效力贖罪。○以任意離營。及解運遲延。摘河南府經歷李泮林。知縣張鈞。頂帶留營效力。○予江南江浦勦賊傷亡遊擊袁得名。祭葬世職。○豁免江南徐州府駱馬湖被旱灘地舊欠租息。○甲申諭內閣。前因御史錢桂森奏。請將候補尚書陳孚恩。即予擢用。語多荒謬。當交大學士。六部尚書。侍郎等。將如何示懲之處。酌議具奏。本日據裕誠等奏稱。該御史輒敢將在京候補大員。請賜擢用。已屬不合。並擅擬令入直樞廷。專辦夷務。所奏實屬荒謬。不勝御史之任。請旨懲處等語。錢桂森著回原衙門行走。以示薄懲。至御史本有言責。即或所言未當。

朕必曲為含容。未嘗加以重譴。今錢桂森豈不知陳孚恩曾任大員。非末僚湮沒無聞者可比。如何錄用。朕自有權衡。乃敢妄言保奏。以為嘗試。若非受人囑託。即屬有意市恩。黨援朋比之風。斷不可長。不得不予以薄懲。嗣後身任言官者。仍當留心時務。遇事敷陳。以備採擇。固不可徇私干譽。自蹈愆尤。亦不可因此次錢桂森改官。共安緘默。將此通諭科道等知之。以副朕明目達聰至意。○又諭。晏

端書奏。官兵攻復黃池灣。汴一摺。金陵江北。賊匪數萬。竄踞黃池灣。汴於蒲塘。方山。各路。增築卡壘。欲從紅楊樹內犯甯國郡城。署提督鄧紹良會同總兵傅振邦。蕭知音。攻勦蒲塘逆卡。直搗巢穴。攻燬賊營六座。該逆在馬家園一帶。搭造浮橋。並以大股全撲紅楊樹。我軍一面防其內竄。一面議從間道。先取灣汴。並以奇兵從竹塘。方山等處。分路夾攻。逆眾大敗。我軍連破賊營十五座。餘匪逃至清

水潭。正在追勦。遙見灣汴火光燭天。時傅振邦派兵已馳抵灣汴。已革遊擊楊金榜首先越壕踏毀賊巢三座。鄧紹良飭令灣汴諸軍。分兵進勦。沿途踏毀賊營二十餘座。當將灣汴黃池兩防。先後收復。境內一律肅清。此次勦辦逆匪。尚為得手。著鄧紹良等督飭將士。實力防勦。並將南陵餘匪。迅速殲除。毋稍延緩。在事出力員弁兵勇。著晏端書會同鄧紹良擇尤保奏。○諭軍機大臣等。譚廷襄奏。委

員接見夷酋情形。恐其擅入內河。可否即行攻擊。請旨遵辦。一摺。直隸委員接見俄夷。普提雅廷。問答情形。已據烏勒洪額等奏報。當即諭知崇綸等。略遲五、六日。派員給與回音。俟其回覆。然後約其相見。譚廷襄到津後。崇綸等自應將此旨。公同密看。該夷既有願就羈縻之意。似未必遽啟釁端。前日駛進攔江沙內之火輪船。一經攔阻。旋即折回。嗣後仍當派員攔阻。彼若遽開槍礮。彼先無禮。然後

可以回擊。不可先行用武。使有所藉口也。委員卞寶書。已於本日到京。業經召見。其面陳各情。與烏勒洪額等前奏。大致相同。俄夷與喫夷。雖未能遽離為二。而夷性反覆。好爭體面。若假以詞色。使知中國相待。與喫夷迥不相同。亦可用為馴伏喫夷地步。即如咪夷。既不助惡。當分別相待。看其所請。如無大謬。亦可允為代表。即用以轉圜。大約夷人重利。喫夷操五口之利權。為各夷所歆羨。不但咪夷

助惡。固欲分霑其利。即俄夷不憚遠涉重洋。前來說合。亦無非欲喫夷感德。將來分其利耳。俟崇綸等與之相見。看其所請何事。再行密奏請旨。至俄夷之欲進京。去年已據理辭之。此時有欽差崇綸等在津。有話儘可告知。必能代表。其喫咪兩夷。如欲請見。亦不必過拒。當告以廣東之事。正欲與該夷理論。今既前來。則是非曲直。可以剖晰。即使葉名琛辦理不善。儘可從容申訴。何至占我城池。前年

喫夷放火。燒去民房。幾及萬家。天意轉風。燒及夷樓。現在廣東百姓。齊心忿恨。若不好為調處。日久終不相安。今各國皆在。自有公論。該夷見我不憚與之相見。其驕氣自當稍斂。然後仍由俄咪兩夷從中說合。漸次羈縻。辦理或有就緒。崇綸前此與喫夷接見。一切均能得體。此次若見喫咪夷酋。不可稍事貶損。恐啟該夷輕視。至發去京營官兵。已交譚廷襄調遣。著傳知國瑞等。妥為約束。勿至別生

枝節為要。將此密諭。譚廷襄崇綸烏爾棍泰。並傳諭錢忻和知之。○以攻克皖南黃池灣。汴兩防。開復署提督鄧紹良等處分。○改丁憂福建漳州鎮總兵官周天受為署任。仍辦皖南軍務。事竣後。回籍終制。○乙酉。以神威顯佑。頒給福建沙縣文昌門

關帝廟

御書扁額。曰乾坤正氣。○諭軍機大臣等。福興奏沙溪勦賊獲勝。並籌辦情形一摺。該將軍

駐兵廣信。饒廷選扼守玉山。自可力遏兇鋒。惟據奏稱。必須將沙溪一股勦除。方可併力進援廣豐。廣豐城小兵單。被圍日久。深恐力不能支。設有疏虞。則賊可繞越廣信。由江山一路入浙。饒廷選專保玉山。儻衢州有警。該逆順流而下。無險可扼。全浙皆為震動。自當以救援廣豐。勿使竄入衢境為要務。昨令福興調李定太一軍。赴援廣豐。恐已緩不濟急。著該將軍飭令迅速前往。據奏晏端書撥兵

八百名。並調徽防兵勇千餘人。至衢州協勦。自應分守江山。衢州。以遏賊鋒。豈可全行調往玉山。以致顧此失彼。饒廷選係衢州本鎮。前此赴援廣豐。未能前進。此次福興派勇助勦。僅令駐劄大南橋。遙作聲援。又復敗衄。似此毫無把握。深恐貽誤非輕。著晏端書通籌大局。妥為調度。速飭該總兵督兵進勦。並布置江山一路。毋使該逆有隙可乘。前此諭調江南大營官兵。尚未據和春等覆奏。所調福

建兵勇。現值崇安。浦城。均有賊蹤。未知能否派出。全賴江西。浙江。就近調撥。著福興。飛咨者齡。將續派江西官兵。催令趕緊赴援。福興亦當視何處喫重。親往何處。不得株守廣信。坐視賊匪蔓延他處。自取罪戾。晏端書統轄浙省。當此軍務喫緊之時。尤須調度合宜。方能有備無患。僱用人不當。防堵稍有疏虞。恐不能當此重咎也。將此由六百里各諭令知之。○以撲熄景運門內五間房火。賞進班大

臣景崇等。暨當差各官。分別加級。弁兵三百三十五員。名銀兩。○住京土默特扎薩克貝子索特那木色登。賞假兩月。回游牧。辦伊祖母喪事。○丙戌。河南巡撫英桂奏。酌議抽釐章程。現辦情形。得旨。俟數月後。能否收有成效。及有無需擾之處。據實具奏。不准任意延玩。○予故駐藏大臣赫特賀祭葬。如都統例。○以楚軍分勦江皖賊匪出力。賞佐領穆精阿。驍騎校格通阿。巴圖魯名號。委參領尚福

等花翎披甲春福等藍翎餘升敘有差○以克復河南鄧州內鄉縣兩城賞知府高振洛等花翎千總楊守身等藍翎總兵官邱聯恩等開復處分並獎敘有差○以管帶湘勇援勦江西賊匪出力賞都司黃萬友陳品南彭聲發花翎訓導劉飛等藍翎餘升敘有差予陣亡外委唐尚登張永福周友遂王清勝楊春臺把總黃順太曾金榜向文憲楊三元等祭葬世職

寶龜卷上五十四

主

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十七

八二八

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十八

並修職官經筵日講起居注官太子太保上書房總師傅文淵閣領閣事翰林院掌院學士稽察欽差上諭事件處圖文館總纂官或纂修

大學士管理兵部事務加十三級紀錄十四次臣貴補原水總兵官經筵講官太子太保文淵閣學士等官並經筵講官教習歷任士體仁閣

大學生管理戶部三庫事務管理利部事務加二十三級起錄十六級月周祖培瑞澂管太子少保管理內閣書寫事務新引大臣軍機大臣

鎮蘇州都統戶部尚書管理三庫掌印加四級隨帶加五級紀錄十二次臣寶廷跪奏

達國史館修纂王鳳球等，都統程部尚書管理太常寺鴻臚寺寺務加二級銜功加四級沒帶加八級紀錄五次。臣倭什輝布等奏

敕修

咸豐八年戊午三月丁亥。

孝賢純皇后忌辰遣官祭

裕陵○諭內閣前因江蘇蘇松太道史翼冬係軍營捐輸保舉之員恐與海疆要缺未能勝任諭令該督撫察看具奏茲據何桂清等奏該員所呈履歷查覈不符前在宿州軍營諸多謬妄不勝海疆道員之任史翼冬著即開缺送部引見○諭軍機大臣等羅惇衍龍元傳蘇廷魁奏夷情叵測現在籌辦情形一摺逆夷占踞廣東省城負隅據險巢穴已堅該

侍郎等招募東莞香山新安三縣壯勇及附近城北之三元里石井大郎等鄉佛山之九十六鄉練勇擬密用間諜聲言直擣香港設伏誘使出城惟倉卒舉兵軍火礮械無款可籌自應向紳商先行借貸一時未能集事而黃宗漢未到該紳等聲勢尚孤只可從容密為防備無須急切舉動現在該夷已由上海徑赴天津尚無滋擾情事而海運漕船尚未全到該夷之來未始非有所挾持不得不示

以羈縻已派倉場侍郎崇綸等前赴海口察看該夷情形以理曉諭矣此次在廣東滋擾喫呌兩夷同惡相濟咪夷並未助惡尚非背約自應分別看待其俄囉斯向在北路通商今亦到津投遞文書似欲為喫呌說合從中國利雖居心叵測惟俄夷為百餘年交好之國未便拒絕僅借俄咪二夷轉圜使喫呌自知悔罪折回廣東聽候欽差大臣查辦仍可寬其既往以示懷柔此時羅惇衍等並未舉

動正與天津現辦情形相合該侍郎等惟當密籌防備候旨遵行僅該夷在津不遵勸諭肆意要求或回粵後仍敢猖獗該侍郎等即可聲言百姓激於義忿調集團練討其背約踞城之罪將該夷大加懲創然後由地方官出為調停使其就我範圍庶可弭患今天津辦理尚無就緒無須急切舉動俟黃宗漢抵粵一切機宜即可與之商辦所有捐輸未保紳民即咨明黃宗漢迅速出奏以慰人心該

侍郎等在局辦事准其用木刻關防此後情形黃宗漢未到以前仍遞交湖南由駱秉章馳奏以昭嚴密其現在捐輸人員即由羅惇衍等查照廣東事例隨時奏請獎勵各團得力之人並准由總局酌給六品以下功牌俾知激勵湖南郴州知州馮汝芬准其留粵委辦一切事宜候補主事陳桂籍等六員均著交羅惇衍等差遣委用將此由六百里密諭知之○又諭據何桂清奏稱金陵大營已調

兵勇二千一百名。援應浙東。近接張國樑來函。知將東壩高淳兵勇二千四百餘名調回。究嫌地大兵單。擬再添壯勇三千名。該督已允其設法籌措等語。江南官兵攻破秣陵關後。即進攻雨花臺等處。勤辦正當喫緊。況高淳東壩為內竄之路。亦未可空虛。惟念募勇多烏合之眾。未經戰陣。恐難得力。現在江北官軍業經克復江浦。如有可撥兵勇。著德興阿酌量調撥。不拘二三千名。交和春、張國樑妥為布置。既可節省募勇之費。而防剿更為得力。能否調撥之處。仍著該大臣妥籌酌辦。將此由六百里各諭令知之。○以湖南堵剿竄匪出力。予訓導鄒振勳。以知縣用。○戊子。諭內閣。恆福奏請將試用道員交部議處等語。山西試用道王滌心。以未經署缺。輒向該撫曉辯。居心殊屬鄙瑣。王滌心著交部議處。以示懲儆。○又諭。勝保奏官紳勦賊克城。請加獎勵等語。安徽太湖賊匪竄擾英山縣城。

該縣知縣周宗文。未能防禦。經候補知縣劉兆彭會同紳董金祖勳、葉常春等集團攻剿。痛加殲戮。毀賊營壘。立將縣城克復。並據稟請勝保具奏。將出力紳董人等擬請獎勵。著安徽巡撫福濟將該候補知縣劉兆彭及各紳練等實在勞績確切查明。應得獎敘。奏請恩施。知縣周宗文防堵不力。並著查明參奏。○諭軍機大臣等。前因夷船駛至天津。當諭定福密加防範。茲據該副都統奏稱現已分派官兵駐劄。布置尚屬周妥。前派西凌阿督帶察哈爾馬隊二千名。由密雲一帶徑赴山海關防堵。以示聲威。諒即可行抵該處。夷情詭譎。不可不豫為設防。惟該夷船到津。尚未猖獗滋事。現派倉場侍郎崇綸等與之接見。冀有轉圜。若駛赴山海關停泊。著定福仍遵前旨督飭員弁。不動聲色。暗中設防。不可先開槍礮。致令夷人有所藉口。奉天等處業經諭令慶祺等一體遵辦矣。該副都統務當示

以鎮靜。不可稍涉張皇。將此密諭知之。○又諭前因固始被圍甚急。諭令官文飭催舒保帶兵前進。茲據該大臣奏稱。英霍逆匪窺伺蘄州蘄水。於舒保一軍抽調一千五百名。馳往援應。並懇陳舒保係二品大員。勝保嚴札驅迫。加以苛詞。於體制未協等語。朕披覽所奏。並未降旨切責勝保。乃本日該副都統奏稱。官文於此事有心挑剔等語。反覆辯論。其意甚屬不平。勝保勇往任事。朕屢次嘉許。又

見其不免有躁氣矜心。曾加訓誨。今官文即措詞失當。勝保既知師克在和。不值於筆墨之間。斤斤計較。況此時掌兵大員。但當共濟時艱。豈可各存意見。於公事轉有窒礙。現在督兵進抵河口集。連日攻擊六安賊巢。獲勝著即趕緊克復州城。為節節進剿之計。本日復據李孟羣奏。由豫回皖。道途平坦。請撥馬隊等語。吉林黑龍江馬隊。無可再撥。勝保前因李兆受竄至葉家集。知照李孟羣會合明

慶攻剿。並稱酌留馬隊一二百名。此時勝保回剿六安。更可將馬隊與李孟羣通融分帶。至舒保甫經撤回。斷無令其僕僕道途之理。況湖北現亦喫重。所奏著毋庸議。將此由六百里諭知勝保。並傳諭李孟羣知之。○以援勦河南固始賊匪出力。安徽布政使李孟羣下部優敘。予陣亡都司向家聲。守備鄒輔廷。把總萬逢春。祭葬世職。○己丑諭內閣。湖北提督德安著前往廬州。會同福濟辦理軍務。

鄭魁士著調赴江南軍營。協同勦匪。鄭魁士所帶廬州兵勇。即交德安統帶。其壽春鎮總兵一缺。著福濟派員署理。○又諭和春奏。官兵進擣金陵。連奪逆巢營卡。直逼雨花臺。獲大勝一摺。自克復秣陵關後。經和春等督飭總兵李若珠。周天培。戴文英等官軍進薄金陵。將三山營江口賊壘二座。先行奪燬。由板橋一路進剿。其大勝關。三岔河。西善橋。小行等處賊營。據險死拒。並於善橋等處添築

堅壘與三岔河犄角。我軍進抵三岔河。奮力環攻。渡河將賊善橋新築營卡踏平。乘勢直搗三岔河老巢。軍士分投誘伏。乘賊奔亂。搶過浮橋。大隊填濠競進。立將賊營奪毀。營中逆匪悉數殲除。善橋小行賊猶死守。官軍夤夜徑抵善橋賊營。拋擲火器。刀矛槍礮一齊衝進。殺賊約以千計。又將善橋賊巢攻破。焚燒沿河賊卡十餘座。轟斃淹沒賊匪不可數計。餘匪分逃。適小行賊傾巢來援。周天培等

乘賊空虛。徑搗小行賊營。立時奪據。通計一晝夜間。斬馘千餘。奪獲軍械米糧無算。其大勝關賊營亦經副將劉季三等分隊進攻。殲斃五六百名。官軍以次進剿。該逆復由雨花臺南門悉眾出撲。殲殪甚多。並於我軍進剿石子岡營之際。由聚寶門等處蜂擁來犯。張國樑當飭劉季三等將賊衝斷。雨花臺賊復出數股來援。周天培等躍馬直前。短兵相接。斃賊不計其數。水師總兵賴鎮海等亦上駛

至九洲洲等處。轟毀賊築望樓一座。礮隄兩座。斃賊無數。又將下關駛出賊划。會同參將黃彬舟師迎剿。燒毀擊沈共十餘隻。師船排泊江濱。已與陸路聯為一氣。所辦甚屬得手。仍著和春、張國樑等督飭諸軍迅圖攻克金陵。搗穴擒渠。以副殷望。○又諭勞崇光奏訪獲家丁撞騙自請議處等語。勞崇光於家丁宋荊藉案撞騙得贓。雖係自行查出。委員審辦。究有失察之咎。著交部議處。○諭軍機大

臣等。本日譚廷襄等奏俄夷投遞公文。並將啖味啡三夷公文進呈一摺。該夷等投遞譚廷襄文書。經軍機大臣拆閱。皆係求轉遞大學士裕誠照會。並不知該督已到天津。其照會裕誠文內。均請欽派大臣前往會議。而俄味之意。皆欲從中調處和釋。自可因其所請設法羈縻。前諭崇綸等接見該夷。但不可同時相見。須有先後次第。俄夷與中國和好多年。自宜先行接晤。待以賓禮。諭以啖味兩夷

占踞廣東省城。劫我大臣。無理太甚。大皇帝念係葉名琛辦理不善。將其革職。另派大臣前往查辦。可謂至公至明。貴使臣來意。欲從中調處。儻於中國體面無傷。未始不可從權代奏。懇乞恩施。若伊等不知愧悔。尚有無理干求。我等不能代奏。即奏亦不能應允。至味酋並未助惡。亦可假以詞色。將啖夷無理之處。令其評論是非。儻其為啖夷說合。亦告以如與中國體面無傷。尚可代奏。其味酋於咸

豐四年。曾助官兵在上海勦賊。經巡撫入奏。蒙恩嘉獎。今大皇帝念其從前恭順。上年廣東之事。又非其起意。不過不該助惡。如其自知愧悔。尚可曲加寬恕。但須以後不助啖夷為害。仍與通商如舊。至啖夷於前年即在廣東搆兵。實為首惡。所燒商民房屋。幾至萬家。現在廣東百姓。齊心忿恨。若仍在廣東通商。日後必至受虧。應如何調處。日久相安。必須由廣東大臣辦理。看其若何答復。再行酌量。

措詞。惟日內崇綸等。是否與該夷接見。如尚未見面。則於十六日之前。即可差人告以所遞文書。裕誠已奏聞奉旨。因譚廷襄在近處閱兵。添派來津。與崇綸等一同相見。設或崇綸等已與夷酋相見。而該夷即投文請另派大臣。仍望回音。亦可告以添派譚廷襄同見。惟中國體制。凡事皆須請旨遵行。不能便宜行事。因崇綸等本係欽差大員。遇事原可商辦。不過因俄國堅請。而譚廷襄位分較尊。故

令前來會議。至該夷所請尚無眉目。茲據軍機大臣等將思慮所及。酌擬各條。請朕閱定。發交該督等存之於心。以便相機應對。儻該夷未說到此。萬勿先提。此外非理要求。在所難免。全在臨時斟酌。酌理設法開導。此時難以懸擬。一切情形。隨時馳奏。仍嚴密防範。毋稍大意。所有該夷投遞裕誠文書。著鈔給閱看。所投譚廷襄公文。一併發給閱看。將此由四百里密諭譚廷襄。崇綸。烏爾棍。泰並傳諭。

直隸布政使錢所和知之。○江南河道總督庚長奏。運道無滯。得旨。汝與諸臣宜妥議定章。視汝急於復舊。恐為屬吏所蒙。茲值支絀之時。斷不能如當日河員沾潤也。○實授譚廷襄直隸總督。○予江南江甯陣亡把總李光明。祭葬世職。○庚寅。諭內閣。英桂奏。截留漕糧。分別運解折色。並懇暫緩籌補運京一摺。河南省應解勝保及福濟軍營截留漕糧。暨截撥安徽。及該省災區放賑漕米。均著准其援照成案。變價折解。以免稽遲。其截留勝保等軍營漕糧七萬石。並著准其暫緩籌補。○又諭。福濟奏。將壩釐捐。請歸軍營等語。安徽盱眙縣。將壩釐捐。前經邵燦。庚長奏。請為該處防堵經費。現在江北一帶。漸次肅清。此項釐捐。准其改歸安徽。由福濟委員接辦。以助廬州軍餉。○又諭。福濟。鄭魁士奏。進攻和州。連獲勝仗。旋即克復州城。一摺。賊匪占踞安徽和州。並於河村鋪等處。分剽營壘。抗拒

官兵。本月初一日。參將錫昌等。分路進擣。殲斃執旗賊酋一名。又追殺百餘名。斬首多級。次日。官軍進圍河村鋪。副將惠成等。揮兵急攻。逆眾敗退入巢。副將鮑雲翥。由烏衣帶勇趕到。會攻和州。該州陳麒麟。徧集鄉團。協助聲勢。初三日。鮑雲翥等。奮勇過濠。督兵分圍賊營。縱火大舉。逆眾潰竄。時城內之賊。傾巢出救。我軍乘勝迎勦。即由河村南面直追進城。分門襲入。共斃賊二千餘名。當將州城克復。此次官軍。以少勝多。攻奪要隘。勦辦尚屬得手。仍著福濟等。督飭將弁。迅將和州東北。烏江。芝蔴河等處賊營。一律掃除。再行進攻巢縣。以清腹地。所有出力員弁。著該撫擇尤請獎。候朕施恩。○又諭。蔣蔚遠奏。都勻府城失守一摺。賊由麻哈州城竄撲。都勻府城。該府城自前年收復後。居民復業者尚少。此次賊勢猖獗。遂於正月二十九日。復為賊陷。著蔣蔚遠。即飛咨蔣玉龍。督帶兵勇進勦。

迅將該城克復。所有文武各員下落並著查明具奏。○諭軍機大臣等。英桂奏。額屬逆擒。竄踞鹿邑地方。馳赴陳州堵剿一摺。逆擒尹老賊等。聚至萬餘。由太和境內竄踞鹿邑。張胖店等處。築圩拒守。亟應趕緊撲滅。以免蔓延。英桂現帶兵勇不足四千。新調陝甘官兵。又分赴勝保軍營一千名。尚恐兵力單弱。未能迅殄賊氛。勝保於固始解圍後。已進剿六安。李孟羣亦由豫赴皖。六安兵力較厚。現在

歸陳一帶。情形緊要。著勝保酌度緩急。派撥兵勇。交英桂調遣。務將此股擒匪。盡數掃除。以保完善之區。至英桂奏請調吉林黑龍江馬隊餘丁各二百名。並調佐領綽倫保等各員。該省餘丁。現在無可抽撥。礙難再調。既無馬隊。即無需管帶之員。著毋庸議。惟該撫因馬賊甚多。需用馬隊。仍著與勝保酌量通融。伊興額等。已攻破百善站賊圩。所帶馬隊。如何分撥。亦可酌調。以資攻剿。再本日據福濟

奏。上年豫省漕糧折價解廬。每石銀一兩四錢。此次據河南藩司瑛榮稟報。每石折銀一兩二錢五分。英桂奏。每石折銀一兩二錢五分。係援照上屆成案。何以與福濟所奏不符。著英桂即飭該藩司詳細查明。毋令屬員蒙混。以多報少。致有侵蝕等弊。將此由六百里各諭令知之。○又諭福濟等奏攻克和州。請飭德興阿派兵堵扼一摺。和州為北岸上游要地。既經攻克。自當扼要設防。該撫因兵力

不敷分布。請飭該大臣選派鎮將。統帶勁旅五六千名。會同守禦。原為斷絕賊援之計。惟江浦雖經克復。而九汴洲一帶。賊匪尚多。昨因和春大營。分兵赴援浙東。恐東壩等處空虛。已諭德興阿酌撥兵勇二三千名。交和春等布置。能否調撥若干名。尚未據德興阿等覆奏。未必有五六千名之眾。能抽赴和州。德興阿現在埽蕩九汴洲一帶。餘匪即著節節進剿。並飭舟師上駛。當可與惠成等所帶之

兵聯絡聲勢。毋庸另議調撥。昨已明降諭旨。派湖北提督德安會同福濟辦理軍務。鄭魁士已調往和春軍營。協同勦匪。壽春鎮總兵令福濟派員署理。廬州兵勇即交德安統帶矣。德安行抵廬州。即著鄭魁士交卸。前往金陵。福濟當與德安同心協力。共籌勦賊之策。前此福濟撤回墨爾根。及呼倫貝爾兵四十名。咨奕山等如數挑補。所費整裝銀至二千餘兩。以四十餘名之兵。於事未必有益。而

道里遙遠。所費不少。殊為非計。嗣後遇有老弱傷病之兵。為數過少。撤回後毋須補足。另片奏。豫漕折價。請飭英桂仍按每石一兩四錢撥解等語。已諭該撫查明覈辦。其蔣壩釐捐。已降旨歸安徽委員接辦。以助軍餉。將此由六百里各諭令知之。○以吏部左侍郎文清署鑲黃旗蒙古副都統。○以克復安徽和州城。賞副將鮑雲翥。巴圖魯名號。都司王士雄。花翎。予副將惠成。以總兵官用。餘升擢有

差。○予貴州麻哈州守城殉難已革提督佟攀梅。開復原官。並知州何鈺。祭葬世職。○辛卯諭內閣。崇恩奏請將承辦船礮貽誤之委員。革職查追一摺。山東登萊青道張鳳池。經崇恩委赴廣東。置造戰船礮位。並不小心防範。致被一再燒毀。迨經該撫勒令補造。遲至三年之久。仍未造齊。竟敢潛自回省。實屬荒謬。張鳳池著革職。仍將該員在廣東所借補造船價銀兩。勒限半年。如數追繳。並查明船

隻有無疏失。照例辦理。○又諭崇恩奏請將疏防盜案各員摘頂勒緝一摺。山東署蒙陰縣知縣張德霖。蒙陰縣千總韓保泰。滕縣知縣彭斗山。署滕縣把總陳作棟。於各該縣地方搶劫重案。計贓均已逾貫。既已疏防於前。事後又未能按名弋獲。實屬捕務廢弛。著一併摘去頂帶。勒限一個月。嚴緝贓盜。務獲究辦。儘逾限不獲。並查有抑勒諱飾情弊。即行從嚴叅辦。○諭軍機大臣等。譚廷襄等奏。俄

國公使普提雅廷於十二日已與崇綸等相見。並於十三日行文各該夷。察看動靜。再行約期相見。該夷等必欲進京。與京中大臣相見。其勢斷不能行。昨諭譚廷襄等。曉諭該夷。告以中國從無便宜行事之官。現在崇綸等。即是京中派出大員。有事可以代奏。諒崇綸等業已諭知俄夷。其添派譚廷襄一節。如尚未向該夷說及。即著毋庸宣露。僅崇綸等再與俄夷相見。該夷吐出實情。即可與之定議。

毋庸譚廷襄相見。更為妥善。崇綸等可告該夷云。所遞文書。業經裕誠具奏。奉旨已派崇綸等辦理。京中無人再來。即命崇綸等告知該使臣。有話面商。即行具奏。至俄夷欲令該國駐京喇嘛巴拉第等。前赴天津。其意不過欲傳述言語。可告以該國現有明常等二人。通曉中國言語。可毋須巴拉第等前往。如其必欲該喇嘛前往海口相見。俟奏聞後再令前來可也。另片所陳通商一節。昨所寄各條。

亦經料及。崇綸等當隨機應對。固不可拘泥。亦不可有意遷就。喫啡兩夷。較之俄味。固應區別。如其議有端倪。漸形就範。亦可稍假詞色。但接見之初。不可先自貶損。味喫啡三酋。崇綸等與相見後。問其如何來意。即著密速奏聞。將此由五百里密諭譚廷襄。崇綸。烏爾棍泰。並傳諭錢忻和知之。○又諭晏端書奏。賊匪竄陷江山縣城。現籌堵剿情形。各摺片。江西大股賊匪。分竄玉山。廣豐。又復全股直

趨江山。以致縣城失陷。該撫飛調江長貴等軍。復催提明安泰。李元度等各軍。一併赴衢。會剿。並飭署臬司段光清。駐劄嚴州。策應一切事宜。布置尚屬周妥。現在調赴江山一路之兵。不為不多。而玉山一帶。亦關緊要。據奏留防兵勇。僅有二千餘名。尚覺單薄。深恐我軍全力專注江山。而賊匪復乘虛竄入玉山。不可不通籌兼顧。以固藩籬。其派往江山之兵。計已將次到齊。既統歸周天受調度。即著

督飭在事文武奮力攻勦速克縣城。如果事機緊急必須該撫親往。所有省城防守事宜即交瑞昌督同文武官紳妥籌布置。瑞昌晏端書另奏請調乍浦滿洲兵四百名來省協防一摺著准其如數調往以資防守。將此由六百里諭令知之。○又諭前因賊竄廣豐浙防喫緊諭令福興催調李定太一軍前往並察度賊勢緩急親往堵勦復諭耆齡將續調江西官兵催令迅速赴援旋據耆齡奏稱已派奇兵等營及同知李元度之平江勇馳赴上游祥宇等營練勇前赴信郡並派參將劉芳貴等帶兵接防貴溪弋陽以便李元度等悉銳上援本日據晏端書奏浙兵於廣豐江山之間接戰不利江山縣城於本月初一日被賊攻陷現已飛咨福興催令李元度由玉山前赴衢州堵勦等語福興駐劄江西東路當賊匪由撫建上竄株守信郡以致賊眾竄擾河口鎮蔓及廣豐分犯閩浙厥咎甚重浙

省自江山以下無險可扼全省震動且浦城業已失陷處州等屬均須嚴防本省兵勇實屬不敷分撥此時李元度當已親赴上游亟應繞出賊前方可得力著福興耆齡飭令該同知統率平江勇及奇兵彰武等軍速由玉山前赴衢州會同浙省兵勇迎頭截擊務將該城克復毋令再有滋蔓江西如尚有可撥之兵即著耆齡迅速添調為李元度後路援應至賊匪既陷江山豈可再任後路之賊源源繼進著福興一面催調李定太各軍一面親督現有兵勇察度賊勢緊急之處實力截擊既以保衛信郡亦不致令全股賊眾悉行東竄儻再敢擁兵自衛觀望不前則此股賊匪之延蔓咎有攸歸斷不能倖邀寬貸也將此由六百里各諭令知之。○以江西賊匪竄擾江山浙江巡撫晏端書下部議處。○壬辰諭軍機大臣等昨因江山失守諭令福興等速調兵勇分投堵勦本日據福興奏沙溪賊

匪被擊敗退廣信。情形較鬆。現因衢州危急。由玉山退保衢州。昨諭福興等。飭令同知李元度統帶平江等兵勇。剋日赴衢。茲據奏稱。已飭李元度駐守玉山。並飭九江道沈葆楨。布置廣信。各軍相機堵剿。福興既親赴衢州。著即督飭援兵會同饒廷選等。以剿為防。務將江山縣城迅速克復。以免賊蹤滋蔓。昨據晏端書奏。現由各路調赴衢州之兵。已屬不少。茲有福興馳往救援。當可保浙省門戶。惟

此股賊匪分路竄撲。各軍全赴衢州。恐廣信玉山等處空虛。亦屬可慮。著福興妥為調度。勿致顧此失彼。另片奏。潮州鎮總兵壽山。逗遛不進。請飭查辦等語。昨據柏貴奏稱。先因潮州人心浮動。令該總兵暫緩啟程。嗣因署總兵懷塔布赴京。陛見。飭令壽山回任。所調之兵。未據奏派員統帶出省。是此項援兵。已成虛望。至壽山未回本任以前。因何日久逗遛。俟黃宗漢到粵。即當飭令查參辦理。將此

由六百里諭令知之。○予江西廣信陣亡遊擊賴高翔。把總陳蘭芳。蔡振武。祭葬世職。○癸巳諭內閣。寶璽等奏。擇地修蓋鑪座。請旨遵辦一摺。戶部寶泉局內。前因失火燒毀棚座。若仍補蓋席棚。不足以昭慎重。准其於該局附近地方。置買房屋。興工改造鑪房。以資鼓鑄。所需房價修費。即照所請。在於鐵錢局捐輸項下動支。按款報部覈銷。○諭軍機大臣等。御史來儀奏。匪徒擾害地方。請飭查拏

一摺。據稱直隸宣化府延慶州屬之曹官營等莊村。有本地土棍趙滿朝之子趙永安等。率領多人。各持火槍器械。至民人馮家鐸等家。搶掠糧米。並在村外砍伐樹株等語。宣化為畿疆近地。自宜一律肅清。若如所奏。奸民結黨持械。肆行搶掠。大為地方之害。若不急加懲辦。何以緝奸究而安閭閻。著譚廷襄即飭該管地方文武。趕緊查拏。將該御史指出各犯。悉數弋獲。毋任一名漏網。此等棍徒嘯

聚多人深恐釀成大患不得視為尋常劫案稍涉遷延原摺著鈔給閱看將此諭令知之○又諭前因江西賊匪圖竄浙省諭令王懿德派兵由崇安前進相機堵剿本日據王懿德等奏江西逆匪由鉛山等處竄擾閩境分撲崇安浦城軍情萬分緊急等語昨據晏端書奏浙之江山與閩之浦城已先後失守該督等發報時自係尚未知悉該省延建邵等屬土匪未能淨盡儻令逆匪勾結勦辦更形棘手該督等所派兵勇均係零星湊撥此股賊勢兇悍深恐不敷抵禦所有帶兵鎮將必須選派得力之員方能制勝江山及常玉山一帶已有江西安徽江南等處調兵援應福興亦赴衢州浙江門戶或尚可堅守前諭王懿德調兵赴援江西此時閩境兵力不敷恐難兼顧鄰省著俟浦城崇安賊氛稍靖即將此兩路兵勇分投出擊以勦為防毋庸另行調撥新任兩廣總督黃宗漢本由閩省取道

赴粵現值江山浦城失陷未知由何路繞至閩省粵東夷人尚未退出省城各營軍械多被搶劫前諭黃宗漢於過閩時酌調漳泉壯勇以壯聲威並調取軍械帶往廣東備用即著王懿德等俟黃宗漢到時即與酌量辦理將此由六百里諭令知之○兩江總督何桂清等奏浙東軍情喫緊恐掣動江南全局現籌接濟得旨卿等若是焦急視國如家稍紓朕憂○以內閣學士宋晉署戶部右侍郎兼管錢法堂事務○命科爾沁扎薩克斌圖郡王希拉巴咱爾在乾清門行走○甲午上詣安佑宮行禮○諭內閣王慶雲奏應行陛見之總兵請暫緩進京等語四川建昌鎮總兵占泰於會理州匪徒滋事一案稟報不符著即飭令進省俟該督將前案查詢明確再令啟程進京重慶鎮總兵阜陞現在綦南帶兵防勦著俟防堵事畢或接替有人再行奏請陛

見○諭軍機大臣等譚廷襄等奏接見俄夷情形並譯呈該夷投遞公文一摺朕詳加披覽除所請進京等語已由譚廷襄等據理駁斥外其分界一節自咸豐四年起吉林等處各派委員前往守候而該國屢次遷延約期不至迨該國派出木哩斐岳幅在黑龍江往來行駛又不肯秉公查勘是以日久尚無定議並非中國不為勘定現在普提雅廷既不回黑龍江而木哩斐岳幅又有啟程前來之信昨已諭知奕山一俟到來即與會勘可見中國於此事亦甚願早為了結如果該國一秉公道不待曉曉懇請自能妥為查勘今普提雅廷既不經管此事其所遞文內分定地界之處亦只能諭知奕山與木哩斐岳幅查看此時不能懸擬也至海口通商一節前此寄諭及該督密奏皆已計及於此將來自必以此為歸宿此時味啖咈三夷皆未見端倪不便憑空允准可告以爾國通商本止恰克

圖一處大皇帝格外恩施又加伊犁塔爾巴哈台兩處較之從前已屬優厚此次既為啖咈說合而來諒必有把握現在該二國尚無成說不便先為請加海口通商俟將該二國來意講明並無非理干求悔過回帆了結廣東之事是爾此來實於中國有益彼時奏請海口通商大皇帝必能歡喜允准現在各夷火輪船駛入海口不遵好言攔阻本應開礮轟擊皆因爾國有說合好意留此情面使爾國不至為難也至喇嘛巴拉第及學生哈喇坡斐擦啟在理藩院具呈欲至海口相見已由該衙門派員護送前往至兩國事有兩國大臣面議該喇嘛等回京毋令與聞其事方與體制相合至文內述及塔爾巴哈台一節告以伊犁將軍本已為之查辦該國商人舍之而去是以案尚未結其留存貨物中國現尚為之看管此事起釁根由因爾國殺害挖金之人積怨激成並非中國有不是之處其

黑龍江民人居住。並非始自今日。豈能移於江右。至閭吞屯等處。皆中國地面。近年俄國。人來蓋屋居住。中國因與爾國多年相好。未肯驅逐。屢次行文爾國。未見秉公查辦。此時在津。但議在津之事。其餘原可次第辦理。但不得不與爾言明也。至接見三夷。當先令味夷來見。嘉其不助噶嘓之忱。看其所求何事。妥為開導。其噶嘓二夷。可令俄夷告以如係誠心悔過。許其帶來同見。察其情詞。再行隨

時密奏。將此由五百里密諭譚廷襄。崇給烏爾棍奏。並傳諭錢所和知之。○直隸總督譚廷襄奏。謝實授恩。得旨。俟防務辦竣。卿可來京。陛見。○以勒辦四川石砭廳等處土匪。出力賞同知孫家醇。知州朱百城。花翎把總龍安邦等。藍翎。餘升敘有差。○以前任廣東陽江鎮總兵官曾逢年。為山東登州鎮總兵官。○再展京師內城六門外。煮賑一月。○乙未。諭內閣。戶部奏。遵議監督短收稅銀一摺。前

任右翼監督玉明。短收稅銀。應得降二級調用處分。著加恩寬免。其短收銀五千八百四十八兩零。著玉明全數賠繳。按照定例。予限三年全完。至右翼稅銀。應照該部奏案。以半銀半票徵收。嗣後不准以收錢易銀。致多折耗為詞。以杜趨避。而重課款。○又諭李鈞奏。河工初次捐輸。各官生。懇恩飭部查照原奏。議獎一摺。蘭陽大工。初次捐輸。全收鈔票。在部議未定章程以前。已收捐項。自未便按名

發還。致滋紛擾。所有該河督奏請獎勵各官。生。仍著戶部查照原奏。迅速議覆。發給執照。以昭激勸。其自奉到部文以後。收捐之數。著照該部新定章程辦理。○諭軍機大臣等。李孟羣奏。商固續有竄匪。現攻金家寨一摺。固始解圍後。仍有續至匪黨。欲圖竄擾。雖經李孟羣分撥官兵。連獲勝仗。而金家寨尚被盤踞。自應先將此股擊散。該藩司因兵糧無措。暫駐固始籌辦。兼因賊匪初退。防守未固。藉

資彈壓。俟英桂派兵前往接替。李孟羣著即折回六安。協同勝保。督飭袁懷忠等進兵。早拔孤城。所有出力保衛地方之團練人等。准其俟豫境肅清。專案請獎。以示激勵。○賞乾清門行走科爾沁扎薩克斌圖郡王希拉巴咱爾。三眼花翎。○予河南陣亡都司向家聲等。於固始縣總建忠義祠。布政使李孟羣所部死事弁勇等。一併附祀。○丙申。

上御勤政殿聽政。○諭內閣。晏端書奏請酌留

漕米等語。浙江現在辦理防勦事宜。兵勇需餉較多。著准其在本年海運漕糧。截留八萬石。俟來年如數籌補搭運。此次姑允其請。斷不准續請截留。以重倉儲。○諭軍機大臣等。譚廷襄等奏體察夷情。反覆不定。請旨將所求之事。先行斟酌一摺。譚廷襄等因暎夷十八日未曾來見。派員向俄夷探問。據云暎夷等所求止有二事等語。譚廷襄等本約今日訂期。見暎咈味夷。未知光景如何。諒必難與

理論。惟有仍告俄夷云。暎夷等在粵占據省城。劫擄大臣。行同叛逆。原不值與之講話。惟因俄國同來。從中說合。是以暫緩用兵。並准其與欽差接見。此即中國懷柔遠人。至大至公之意。現在廣東省城尚未交還。葉總督尚未送回。豈有不加之罪。反與加恩之理。若暎咈二國自行前來。直可置之不理。亦不令其安然停泊海口。此時俄國既肯從中說合。亦須在中國面上下得去。方能兩全。若偏聽暎

咈一面之詞。而於中國不便。亦礙難辦理。即如通商一節。道光年間。立定萬年和約。原止五口。今欲於五口之外。另添交易地方。即是不遵舊約。中國自議和以來。十餘年從未有背約之事。今暎夷等已背約用兵。又欲將通商之地。另議增加。從前萬年和約。皆是虛設。何能取信於中國。此事斷毋庸議。俄國既為好而來。只可就五口貿易之中。有近來辦理不善之處。酌量更改。如暎夷照會所云。各貨

運至內地除納稅外有勒索規賄者若有其事中國必當查禁其因年來價值頓減欲議減稅之處亦在情理之中但有減必有增方為公道未可有減無增只圖自利此中辦法必須通商海口方能知悉此間不能懸擬惟五口總匯向在廣東一切稅則皆由廣東原定此時該省城池尚被占踞中國豈能酌量加恩亦不便先允其請惟有煩俄國大臣將此意告知暎夷勸其回粵一面交還城池送

還葉總督廣東民人消其怨恨該二國不患受虧即大皇帝加恩亦屬有詞至天主教亦係從前議定載在和約或越界或遠入內地聽憑中國官查拏解送近口領事官收管我中國惟恪守舊章數年來遇有傳教夷人俱經解回交該國領事官收領從無陵虐情事今因廣東匪徒馬子農在廣西西林縣犯案懲辦暎夷疑為該國傳教之馬神巫致生嫌隙如果不信亦惟有請旨再飭新任總督東

公查明豈能因彼一面之詞遂謂中國殘忍即如該二國據去葉督此時伊國公使登岸我國何難報仇因中國以信義待人不作此等無理之事以上各節譚廷襄等可告知俄夷令其轉告暎夷等夷看其如何回覆再行酌辦通商一事為該夷等命意所在俄夷此來既貌為恭順即可乘勢羈縻所請海口通商許以廣東大局定後必能代為奏請邀恩惟在海口通商一切事宜與各國相同亦須

同到廣東辦理必先有旨諭知新任欽差總督也譚廷襄等辦理此事必須平心靜氣與之理論此時牢籠俄夷使暎夷不至決裂俄夷因望通商自當出力將來歸宿總在夷稅上使之獲利不至虛望而歸此雖有損於我然較之添設海口漫無限制所謂兩害相形則取其輕該督等當默喻也上年十二月該夷等所遞裕誠公文及裕誠覆何桂清等咨文並寄信奏摺各件均著鈔給閱看將此由

五百里密諭譚廷襄。崇綸烏爾棍泰。並傳諭直隸布政使錢忻和知之。○又諭福興奏。馳抵衢郡。擊退撲城賊匪。並晏端書奏。衢州獲勝情形。各一摺。江山之賊。糾合玉山。廣豐。各股匪。趨撲衢州。數至鉅萬。經饒廷選等先期布置。激勵民團。福興復親至督勦。稍挫兇鋒。衢郡為浙東門戶。得此勝仗。當有轉機。惟匪勢尚屬猖獗。據該撫奏。該逆於初七日夜間。復偷築營壘。二三十座。必得盡數攻毀。方可

進復江山縣城。福興所部援軍。已有六千餘名。加以三衢防勇。省城續調官兵。及周天受。明安泰等軍。為數約二萬有餘。足資掃蕩。所有金陵。江西。兩路官軍。著歸福興調度。徽州。浙江。兩路官軍。著歸周天受調度。該將軍等。迅即併力會勦。先清附近賊壘。即日乘勝攻克。江邑。再圖進剿。其常山。玉山等處。著仍遵前旨。分兵防堵。不可專顧一路。至界連浦城之處。州所屬龍泉等縣。前經晏端書檄留赴

衢防守之處。標兵一百名。並抽調金溫兩營兵。著該撫嚴飭該地方官。力防內竄。江山之賊。亦恐由間道窺伺金華。余萬清所募鄉勇。當能得力。即飭會合民團。扼守要隘。將此由六百里各諭令知之。○以正白旗漢軍副都統載崇。詹事府詹事文祥。光祿寺卿龐鍾璣。為內閣學士。兼禮部侍郎銜。太常寺少卿。察杭阿。為太常寺卿。○以赴防退縮。浙江衢州鎮遊擊楊國正。革職。逮問。道員薛輔清。守備瞿先仲。知縣徐兆森。革職。○賞湖南省補行壬子乙卯兩科鄉試。年老諸生羅樹等七人。舉人副榜有差。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十八

實錄卷之二百四十八

奏

下

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百四十九

臣等謹將前次奉旨交部議處各員開列於後

大學士管理戶部三庫事務加四級隨帶加五級紀錄十二次

大學士管理戶部三庫事務加四級隨帶加五級紀錄十二次

大學士管理戶部三庫事務加四級隨帶加五級紀錄十二次

大學士管理戶部三庫事務加四級隨帶加五級紀錄十二次

敕修

咸豐八年戊午三月丁酉

實錄卷之二百四十九

下

上詣清夏齋問

如皇貴太妃安○諭內閣前因副都統倫恭挑

缺不公派僧格林沁文彩秉公查訊並將該

副都統暫行革職茲據僧格林沁等訊明援

案定擬具奏倫恭身任大員輒聽信家人央

求將未中箭之阿凌阿挑補馬甲實屬徇私

妄為僅予革職不足蔽辜著發往盛京效力

贖罪副參領松明既知阿凌阿未經中箭仍

敢在倫恭前保舉亦屬有意徇私業經革職

著不准其開復。○山海關監督清醇奏遵撥關稅二千兩以資官兵防費得旨。歷屆成案防費奏銷由何衙門覈辦汝可查明具奏。又奏。察哈爾官兵防費可否由應解部備撥米價內支發批准其暫行通撥。擄節支放。○戊戌頒給江蘇揚州

蔣王廟

御書扁額。白靈昭江。○諭軍機大臣等。譚廷襄等奏。探詢俄表。並接見咪夷情形一摺。俄

夷普提雅廷之言。既不可靠。自應向咪酋開導。看其如何轉圜。四年間。咪啖二夷。同至天津。即係崇綸等往與接晤。該國等在海口。欠交關稅。因匪徒滋事。商情苦累。曾經加恩豁免。又廣東茶稅。及民夷相爭二事。俱交葉名琛查案辦理。並諭葉名琛。告知該夷。辦此三條。即為十二年另議之款。此外不能再議。今據咪夷稱。舊約中尚有應行變通之處。未曾指出。何條著譚廷襄等。再向咪酋查問。其六

年分所遞國書。因閩浙總督。非辦理夷務之欽差。是以未收。原令其至廣東投遞。茲據稱。葉名琛准其投遞。但不與見面。故爾未投。此係爾國自行中止。今既到津。譚廷襄等。即是欽差。可准其投遞。代奏。並令譯出漢字。以便識認。至普提雅廷。本係局外。所言既不足恃。若咪夷尚近情理。即可略加獎勵。使其從中說合。告以從前十二年另議之說。原止小有變通。並非大加更改。如果近情。必能代奏。但

海口通商。各國所同。現在啖佛二國。占踞廣東城池。尚未退出。署總督柏貴。雖有先行開港之議。而人心疑畏。商賈未能雲集。加以啖夷焚燒民房。以至民心懷恨。鄉團時思報仇。爾國雖未助啖夷。而貿易不通。已大受其累。必得將廣東之事。速為了結。方能奏懇變通辦法。各國皆有利益矣。至呈遞國書。後大皇帝現在嘉獎爾國。必有復諭。如此曉諭。看其如何對答。再行相機辦理。至俄咪兩夷。既稱

向喚咈評理。俄夷亦當有回音。察其情詞。再行奏聞。候旨可也。將此由五百里密諭譚廷襄。崇綸。烏爾棍。泰。並傳諭錢忻和知之。○庚子。諭內閣。樂斌奏。請將延誤公事之廳縣。並玩視地方之遊擊。分別懲辦等語。甘肅循化同知韓賜麟。於撒拉回民馬主麻等控案。稽至數月。並未訊斷。實屬任意遲延。碾伯縣知縣謝玉潤。委赴循化查辦韓沖等滋事之案。具稟後不候批示。輒行回任。韓賜麟。謝玉潤。

均著交部分別議處。署循化營參將升補延綏鎮標中營遊擊呂祥。任聽匪徒多人在城逗遛。以致滋事。拒捕幾成巨案。實屬玩視地方。且年老多病。難期振作。著即革職。以示懲儆。○又諭。樂斌奏。循化廳屬撤回滋事派兵查辦完竣一摺。甘肅循化廳屬街子工撒拉回民韓朵四。因族人韓沖等在城涉訟滋事。被拏。輒敢起意糾搶。煽惑多人。焚毀橋道。實屬目無法紀。現經官兵勦辦。已將罪應擬斬。

之韓朵四。並為從之韓木酒。及在城拒捕之韓沖等。一並格斃。餘俱悔過投誠。地方一律肅清。辦理尚為妥協。西甯道崇保。捐廉歸補經費。著該部查明該員子弟。給與獎敘。○諭軍機大臣等。譚廷襄等奏。夷務未有定議。請恩威並用一摺。所稱傳諭各口岸封貨閉關。並責令兩廣總督速克省城等語。自係制夷一法。然此時海運在途。激之生變。黃宗漢尚未到粵。柏貴已受夷人挾制。不能自出。主見。

若虛張聲勢。而不能見諸施行。轉被該夷窺破。愈增桀驁。喚咈兩酋。既不肯來。亦不必再與訂約。仍由俄咪兩夷。轉為傳說。告以此兩國背約無禮。本不值與之相見。所以訂期接晤者。原看俄咪兩國面上。今既兩次爽期。來與不來。聽其自便。昨已奏奉諭旨。必須該兩國將廣東省城交還。真心悔過。方能逐款定議。大皇帝諭令限期。於四月底繳還廣東省城。如逾期不還。一交五月。當即興兵攻打省。

城該兩國在城夷兵必遭殺戮毋貽後悔現
在大皇帝意旨以啖夷係首惡之人况燒毀
商民房屋百姓忿恨將來廣東一口必不准
其貿易啖夷雖亦助惡念其從前在上海曾
經助勦逆匪如其退出省城尚可稍從寬恕
然不交還廣東省城又不送回葉名琛除舉
兵攻城之外仍令五口絕啖啖兩國通商如
將廣東事速行了結不獨啖夷本可稍從寬
恕即啖夷廣東貿易本大臣亦必為之代奏

懇恩也至減稅一事與中國有損無益大皇
帝因啖國恭順既未允其加增海口故於五
口稅課之中使其受益若論啖啖現尚據城
何顏再來乞恩惟大皇帝既加恩於啖國將
來各國均霑即啖啖二國悔過通商之後亦
事同一律不待重言至於應減之稅為數若
干此處不能懸擬須由廣東酌定惟說明之
後必不食言有俄啖二國為證至啖啖二國
能否如期將廣東事了結亦須俄啖二國中

間作保則此事大略已定各國即可回帆俟
該三國定議之日即可奏請俄國通商之事
以便同往廣東與欽差黃總督議定章程也
夷情狡譎委員之說豈足為憑如果啖啖兩
酋親來即與之面議否則仍令俄啖兩酋來
覲令其轉述究係大臣之言可以取信毋庸
令委員僕僕往來傳話也現議減稅一節雖
有損於中國然與其多開海口夷勢更覺鴟
張不如以守定成約為詞不加口岸所以准

其增減課稅以示羈縻雖云有減必須有增
而夷情多貪亦必減多增少正無慮其獲利
微也俄夷傳述啖夷所請各條雖經委員多
未允准然究非欽差之言今命軍機大臣逐
條擬出答覆之詞以便該督等臨時駁斥與
前次寄諭亦大略相符也現在沙船雲集該
夷由滬北來沿途尚無逆迹該督等切不可
因兵勇足恃先啟兵端天津固不難制勝設
其竄擾他處恐非天津可比該督等務當通

籌全局妥為操縱至味夷國書前已有旨准其呈遞諒譚廷襄等必已接到遵辦矣將此由五百里諭知譚廷襄崇綸烏爾根泰並傳諭錢忻和知之○兩江總督何桂清等奏浙江軍情喫緊餉源梗阻得旨浙西情形料可無虞惟賊數太眾勦除實難朕與卿等只有敬祈

天佑盡人事以待轉圜也○辛丑諭內閣英隆奏公用款項不敷請將養贍銀兩仍歸本款

支領一摺熱河圍場二處應領孤獨養贍錢糧歷年均由公用項下提款墊放茲據奏稱公用應放款目繁多不敷墊撥所有此項墊發養贍銀二十四百兩著准其仍歸本款均由藩庫支領○又諭李孟羣奏擊退金家寨賊匪商城全境肅清一摺金家寨賊匪與續竄商城之土鎮寨賊黨互相勾結李孟羣派令守備楊光澤等分路進剿該逆兩面拒敵袁懷忠派令守備楊忠等繞出賊後團總湯

學銖等起集團勇扼要堵截該逆驚慌乘霧越嶺逃竄知縣戴鴻經等率勇追擊統計殺賊一千餘名生擒七十餘名此股賊匪由英山羅田竄至商城經李孟羣派兵勦辦該逆窮蹙逃竄斬馘甚多辦理尚為妥速所有在事出力員弁兵勇准其擇尤保奏○諭軍機大臣等譚廷襄等奏喚咈兩酋投遞照會並譯呈俄酋來文各摺片均已覽悉俄酋所請兩條如黑龍江分界一節前已諭知譚廷襄

等轉諭該酋已欽派奕山在彼相待今普提雅廷欲遣人回黑龍江送信繪圖定議儘可允准但告以從前節次耽延皆因爾國不守往年興安嶺分界成議強欲移我江左居民於右岸以致日久無成今爾既肯繪圖定議但能一秉公道彼處大臣斷無不從公勘辦之理惟由旱路走恰克圖豫備槍礮一層當妥為阻止一則由內地行走中間經過蒙古地方彼處人多愚直恐其別生枝節一則槍

礮等項無須代為備辦。中國從不與各國海外爭鋒。軍器亦尚可恃。彼肯從中說合。即見和好之誼。無庸更助兵械。總令其仍由海道行走。較之旱路回國。轉形穩速。至通商一節。前令俟各國定議後。再為奏請。譚廷襄等既欲乘此牢籠。不妨即為允准。告以業經奏准。惟喫啡咪三國。請添口岸。均未准行。爾若驟添五口。則合之恰克圖等三口。已成八處。設他國藉口要求。無可折服。現在大皇帝諭旨。

准爾於五口之中。選擇兩口。其道遠而貿易無多者。自可不必。此非中國吝惜。當能體諒。此意看其擇定何處。即行奏聞。如必以為未足。即三口亦尚可允許。即作為譚廷襄等格外乞恩。使知欽差大臣並非不能了事也。至喫啡所投之文。悖謬可惡。昨諭令告知俄咪。轉諭該夷。勒限繳還廣東省城。如逾限不交。即一面封關。一面興兵。諒譚廷襄等接到後。當即告知俄咪。轉向述知。如喫啡兩酋藉此。

作轉圜之計。則便宜行事之說。亦未必再提。如必欲回文。可先告俄咪。囑為轉達。再行文覆之。告以從前者英等在廣東。曾奉

先朝諭旨。許其便宜行事。或因道路遙遠。往返需時。然者英等仍事事具奏。並非專擅施行。中國既無此官銜。以後廣東歷任欽差大臣。亦無便宜行事之稱。何以仍能辦事。即如咸豐四年。崇綸奉派赴津。與喫啡咪二使相見。何嘗有便宜行事之名。且而豁免欠稅等條。皆

能為之入奏。仰邀允准。何以於此次欽差。心存藐視。所有應辦事宜。已託俄咪二國轉說。既不來見。亦毋庸勉強。此處本非通商口岸。向來議事。原在廣東。爾等違約興兵。本屬無理。因俄咪兩國代為說合。大皇帝度量如天。特命大臣一併接見。實屬格外之恩。今爾等不知好意。輒敢心存輕視。本大臣即據實入奏。任爾仍往廣東聽候查辦。毋貽後悔。至譚廷襄等。慮其乘潮闖入內河。如仍止遊駛於

我無傷設或先開槍礮則我之回擊為有詞務使釁端勿自我開諒彼知我有備必不敢狡焉思逞也將此由五百里諭知譚廷襄崇綸烏爾棍泰並傳諭錢忻和知之○壬寅諭內閣四月初四日

常雩大祀朕因體疾尚未如常恐升降拜跪不足以照誠敬著派恭親王奕訢恭代行禮初一日初二日在禁城內齋宿初三日在壇內齋宿此次大祀朕雖未能親詣仍於初一

日進宮在養心殿敬謹致齋以嚴對越○又諭西凌阿奏請將庫存銀兩帶往軍營備用一摺所有察哈爾庫存捐輸生息等項銀兩著准其帶往軍營以備要需此項用款數目並動支過路費等項銀兩均著造冊報銷以歸覈實○諭軍機大臣等譚廷襄等奏夷務似有轉機將酌擬辦理各條分別開單請旨一摺前因譚廷襄等將俄夷轉述啡夷所請各款開單呈覽業將減稅一節尚屬可行其

餘各條均應議駁諭令該督等遵照辦理此時俄酋因巴拉第等可以見面深為感激並因該督等正言相責頗知惺愧願為勸諭啡各夷並求將所議之事分別准駁勿再遲延是夷情頗有轉機自應乘勢利導詳閱單開各條內啡夷所求諸款著譚廷襄等仍遵前旨辦理其啖夷各款除償付軍需經費及夷人詣京遊歷各省兩條業經該督等議駁其賠補焚燒既未准啡夷所請啖夷事同一例應毋庸議至所稱准進粵城一條從前和約內載有十二年後量為變通之語原許屆期斟酌因民情不服該夷自行退阻此時果能交還廣東省城則將來該酋回粵當諭令新任督臣酌量情形辦理其五口外請添口岸一條五口通商載在和約若因其暗中業已交易輒許增添殊恐將來漫無限制且此條於啡夷未經議准自未便於啖夷復為允許惟增減貨物稅則一條既允啡夷所請啖

夷應一律辦理其傳教夷人之在內地犯法者送交各口領事查辦載在和約亦應永遠遵照著譚廷襄等即將分別准駁之處與以照覆咪酋國書既已准其呈遞餘如有所懇請著與啖啡兩夷一體辦理至俄夷所請勘定界址及五口通商兩款該督等接奉昨日諭旨後諒已妥為照覆此時啖啡兩夷雖可冀就範圍仍應令俄咪兩酋設法開解以免別生枝節該督等諒能悉心酌辦也將此由

五百里諭知譚廷襄崇綸烏爾棍泰並傳諭錢忻和知之○又諭本日據譚廷襄等奏夷務似有轉機將啖啡兩夷所請事宜開單請旨業已分別准駁諭令該督等即與照覆茲復據譚廷襄等奏二十四日寄信諭旨已經奉到體察夷情未易操縱並將咪夷所求各款原文呈覽等語咪夷通商事宜原與各國相同茲閱所請各條未免另生枝節惟此時欲籌操縱之方不得不量予採擇如添設貿

易港口一條五口通商載在和約永遠遵行是以前諭不准議添始有減稅之說今該督等不能拒絕復據該夷所求入奏豈能邀准必不得已於閩粵兩省附近通商海口之地酌加小口各一處亦須諭知該兩省督撫查勘妥協方能辦理此外概毋庸議又請計噸納鈔一條據稱該國丈量船身以四十尺為一噸他國則以五十尺為一噸故該夷所納船鈔較重天朝撫馭外夷一視同仁該國納

鈔較重自可許其酌減以歸一律仍聽候飭令兩廣總督查明通飭五口一體遵行其所請建立塔表等事並無成例應毋庸議又中國民人傳習天主教不為非者本為例所不禁亦毋庸議至如彼處大臣駐劄京師及文移等直達禮部內閣等條向來無此體制屢經諭知該督等不能准行矣其賠償銀兩一條該國被劫被焚船貨等物均應於失事之時遵照和約所載辦理為日既久豈能逐款

清理况如前年被暎夷放火所燒貨物豈能向中國清理亦應駁斥至傾鑄銀餅一條中國向用紋銀銀餅本非所重禁止鴉片煙及騙誘民人出口兩條均係地方官應辦之事亦無俟該夷聲請以上就該夷各款分別准駁即著譚廷襄等與以照覆並將此係格外加恩之處詳加開導所有添設口岸一層將來查辦准行後暎咈兩夷准其一律通商不准另請他口其前此允准增減稅則各國均當覈辦况味夷恭順自應照辦以符和約內一體均霑利益之語種種通融加惠即係和約內所謂十二年後變通之事該夷所稱諸條酌議以後再將條約內應修各款修正之處實屬過事要求該督等惟當據理駁斥仍遵前旨要約四月內完結廣東之事不得逾約俄夷既肯為我用所請五口通商之處著不必再與計較即准其與各國一體貿易惟既屢次加恩所有黑龍江查勘界址一層必

當秉公查辦前諭亦經詳述該督等務與普提雅廷言明從此益敦和好儻味暎咈等再有要求之處必當正言拒絕不得任其無厭之請是為至要將此由六百里諭知譚廷襄崇綸烏爾棍泰並傳諭錢忻和知之○又諭穆克德訥柏貴奏遵覆夷務情形請先許通商一摺暎夷此次稱兵犯順占踞省會據劫督臣情殊可惡即使絕其貿易亦不為過惟念此事由於葉名琛辦理不善業已降旨將其革職儻該夷自知悔悟退出省城則我朝寬大之恩尚可恕其既往該夷以貿易為本若必不准通商致令貨物壅滯生計蕭條亦殊非柔懷遠人之道既據柏貴等奏該夷籲請通商自應乘勢利導暫行允許以示羈縻現在俄味暎咈等國船隻均集天津節據譚廷襄等奏報委員接見情形並各該酋投遞照會暎咈兩國尚形桀驁而俄味則情詞恭順且欲從中為暎咈好言說合似無須聲罪

致討其建館抽釐各節統俟黃宗漢到粵時斟酌辦理另片奏請於粵海關稅餉項下酌撥銀三十萬兩充作軍需等語著准其就近陸續提支以資防剿將此由六百里諭令知之○又諭邵燦等奏進攻圩賊獲勝徐宿情形喫重請飭德興阿撥兵援剿一摺捻首趙皓善等踞圩抗拒互為犄角經伊興額等連日攻剿斃賊甚多該匪受創之後意圖報復糾合賊眾在宿州附近一帶肆行搶掠並分

股竄擾徐州之接家橋及靈壁縣屬時村等處自應趕緊撲滅以靖地方惟德興阿現在攻擊九洑州等處賊匪正當喫緊之際又因江南大營分兵援應浙東已由該大臣抽撥兵勇二千名前赴江南助剿是江北存營兵勇為數無多斷難再行調撥著邵燦等酌度情形如宿州西境賊情稍鬆即飭伊興額史榮椿帶兵東剿本日據英桂奏鹿邑竄匪業經剿散現飭德楞額統帶所部駐劄皖境交

界處所會同朱連泰不分畛域相機攻剿等語此時徐州等處賊勢狃自當先其所急著英桂即飭德楞額朱連泰迅撥兵勇與徐州官軍互相聯絡合力進剿務須淨掃賊氛毋令滋蔓將此由六百里各諭令知之○以廣東靈山縣城被賊竄陷革知府郭椿壽職責令留營會剿予陣亡知縣胡國達訓導司徒晉巡檢徐師銘州判銜柴長齡知府銜江顯瀾祭葬世職幕友許榕身等旌卹如例○

予廣東高要縣陣亡把總馮建辰外委吳熊光倪鳳祥羅文佐周得勝祭葬世職○癸卯山東巡撫崇恩奏兗州鎮總兵官富新現辦軍務懇請暫緩陞見得旨著暫緩來京俟地方一律肅清再行奏請○以河南沈邱縣紳民捐貲團練永廣學額三名○改鑄浙江餘杭縣知縣印信從巡撫晏端書請也○甲辰諭軍機大臣等福興奏連日獲勝並防守各路情形一摺逆匪竄撲衝城於東西南三面

分布賊營。意圖圍困。雖經福興督飭各軍。於東北兩路連獲勝仗。而附城一帶。賊勢尚多。江山之賊。復分股擾及常山。該處如何設備。開化玉山。亦當兼顧。現在周天受。江長貴。均已馳抵衢州。明安泰一軍。亦計日可到。該將軍復調參將劉芳貴所帶兵勇千餘人赴衢。兵力已厚。郡城可保無虞。惟賊匪尚踞近城地方。連次勝仗。總未遠退。仍屬可慮。必當奮力攻剿。進克江山。以免旁竄。周天受。江長貴。

久歷戎行。當此賊勢披猖。必能痛加勦洗。饒廷選防守三衢。是其專責。前此退劄玉山。不能力遏賊鋒。若再不知奮勉。自問當得何罪。明安泰帶兵赴浙。聞其道過常州。領餉幾至釀成事端。著福興傳諭該總兵。將所帶兵勇嚴加約束。以肅戎行。福興等布置定妥。即著分投攻剿。以保浙疆。而全大局。毋得曠日持久。致有疏虞。自干重咎。將此由六百里諭知福興。並傳諭總兵周天受。江長貴。明安泰。饒

廷選知之。○軍機大臣彭蘊章等會同戶部議奏。東河鈔票酌改錢鈔成數得旨。依議。河工撥款。既加實銀一成。自應撙節支放。究其本。惟在地方官實收民鈔一面。開設官號。認真辦理。則河工放款。或可稍增成數。不致折耗過甚。該河督巡撫。勿徒坐享其成。不肯獨任其難。迅速妥籌補救之方。懷之。○補鑄河南鄧州知州印信。從巡撫英桂請也。○予浙江衢州陣亡外委鄭宜勇祭葬加等。世職如

例。○再展五城災賑一月。○乙巳諭內閣。前據慶英等奏。審擬阿奇木伯克等棄城逃避。業經刑部覈議。將葉爾羌五品阿奇木伯克邁買底里。英吉沙爾四品阿奇木伯克阿那雅特。革去伯克。發附近充軍。已降旨准行矣。茲據扎拉芬奏。該伯克等。責在專管回莊。並無分轄營汛。究與守土者有間。懇請法外施仁等語。該伯克等棄城逃避。咎有應得。該部係按律定擬。姑念其並無營汛之責。因一

時力難抵禦。暫避賊鋒。尚可量從末減。邁買底里。阿那雅特。業經革去伯克。均著加恩。免其治罪。○諭軍機大臣等。譚廷襄奏俄酋反覆。並二次接見。咪酋情形一摺。俄夷所求各款。已允其五口通商。乃該夷於分界一層。又欲以黑龍江烏蘇哩河。綏芬河為界。不肯遵興安嶺舊約。輒稱他國之事。從此不管。實屬要求無厭。其情可惡。若太涉遷就。恐益啟驕心。譚廷襄等擬少緩再為理論。所見甚是。惟

從前以禮貌相待。今若遽置不理。恐其挑唆。哄嚇。咪三酋不肯受我羈縻。如日內俄夷或遣人探詢。或別有可乘之機。可告以大皇帝准令五口通商。恩意極優。儻此時因查勘地界。忽有異議。本大臣礙難入奏。查中國會典原以興安嶺為界。至烏蘇哩河。綏芬河。我等不知其地。並不知其界址。難以懸斷。此事兩國已議論三年。尚未辦了。原須查勘明白。非一言所能說定。黑龍江現有欽派大臣專辦。

此事貴國自應仍到黑龍江查勘辦理。如此曉諭該夷。或先往粵東辦理通商事務。其分界一事。另屬他人。仍可由奕山等查辦。不致目前過激。又肆鴟張。是在該督等體察酌量辦理也。至咪夷復來接見。該督等尚未遽允。其增添口岸。辦理亦有次第。現約二十九日再商。俟接見該酋後。再將情形具奏。咪夷國書。即諭令進呈。聽候答覆。將此由五百里密諭譚廷襄。崇綸。烏爾棍泰。並傳諭錢忻和。知

之。○又諭。何桂清奏。衢州賊勢蔓延。江浙餉源堵塞。請飭浙省迅速籌畫一摺。據稱竄擾衢州之賊。日聚日多。並探報常山失守。開化縣之華埠鎮。已有賊蹤。又有從浦城。江山。分竄遂昌之謠。情形萬分喫緊。雖昨據福興奏。衢城連獲勝仗。已飭該將軍等布置定妥。即行分投攻剿。而賊勢既分。要隘又多。兼恐所調兵勇。未必盡能得力。現在常山。開化等處。是否各有準備。晏端書務當悉心調度。毋有

疏虞至蘇省所需兵餉已屬浩繁再令協濟
浙省勢難久恃著晏端書督同司道通籌全
局於錢糧等款迅速催提以資接濟其杭嘉
湖甯紹數府完善之區應如何設法勸捐或
捐借並行亦著該撫督飭地方官會同紳董
妥為籌辦俾餉糈有著不至專恃鄰省遷延
貽誤至江南功在垂成兵力固難再分然衛
防設有鬆勁東南大局攸關已諭和春等萬
一浙中緊急只可再撥勁旅赴援保浙省即
以保江南著該撫酌度情形咨商辦理將此
由六百里諭令知之○又諭何桂清奏衢州
賊勢蔓延江浙餉源堵塞一摺衢州竄逆屢
勦未退江山未復探聞常山復失並有分擾
遂昌之語此次賊勢甚眾周天受等力扼東
北福興督飭饒廷選守禦府城能否擊退尚
無把握江南正在圍攻金陵前已分撥明安
泰一軍赴衛援應自難再撥惟浙省應防要
隘甚多一有疏虞則賊黨順流而下不獨杭

嘉湖各郡無險可守即蘇常亦朝發夕至東
南大局將不可問設或衢州兵勇不敷堵截
事在緊急著和春等再派得力鎮將酌帶勁
旅救援保浙省即以保江南腹地務當權其
緩急通籌辦理為要至金陵賊勢漸衰現在
官軍合圍布置已周著和春等激勵將士迅
速攻取拔此堅城則餘賊聞風膽落並可分
兵籌勦他處實深盼切何桂清奏請飭浙撫
自籌軍餉不得專恃江南協濟等語已諭晏
端書設法措置於完善各郡捐借並行以資
接濟何桂清仍當不分畛域維持全局是為
至要將此由六百里各諭令知之

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百四十九

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十

監修、現職、宣統元年撰起、唐注、宣太子太保上書唐師傳文淵閣閣事翰林院掌院學士稽察欽奉上諭事件、度國史館、現職、百武、英、於、

大略云管理兵部事務加十三級紀錄十四次^注貴領蒙^本戴^官經^理軍^務太^子太^保工^部閹^領閹^事武^英殿^總管^教習^庶吉士^體仁^閣

大學士管理戶部三庫事務管理刑部重該加二十三級紀錄十六次臣周祖鴻鑒職官太仆寺保管理內務府事務對引之臣王極大度

欽此
旗漢滿洲都統戶部尚書管理三庫事務加四級隨帶加五級紀錄十二次

臣 曾奏鑲黃散官巡理管引徒散教習濟文瑞達一等房冠誥

建國史館總纂官正莊親王都統禮部尚書管理太常寺鴻臚寺事務加二級軍功加四級隨徵加八級紀錄五次臣倭什輝布等奉

敕修

咸豐八年○戊午○夏四月○丙午朔○享

太廟遣惇郡王奕諒恭代行禮○

上還宮○諭軍機大臣等○昨據譚廷襄奏○俄夷不遵興安嶺分界舊約○欲另以烏蘇哩河綏芬河為界等語○當經諭知譚廷襄○告以興安嶺分界載在會典○其烏蘇哩河綏芬河此間無從知其界址○難以懸斷○黑龍江現有欽派大臣○仍應到彼查勘○諒譚廷襄等當已妥為曉諭○該夷既稱已行文伊國辦理○其所稱木拉幅葉幅○自即係木哩斐岳幅○覽奕山等前

奏似分界一事。已歸木酋經理。本日已諭知奕山。如其真心查辦。即與秉公會勘。僕肆意侵占。亦祇能隨時防範。普提雅廷之意。既以分界為重。務當曉以此事斷不能在津議定。實緣道遠無可懸揣。至未分界址之地。止有烏特河一處。上年給該夷文內。亦經允其查辦。其現在所稱各河。必在黑龍江方能查知。如果該酋所言有理。奕山亦必不強駁。若不論情理。則天朝疆土。豈容尺寸與人。即如該夷地界。肯令他人侵占乎。至進京之說。亦未必是其本心。不過因從前曾有進京之人。欲借此誣我廢棄和約。不知雍正九年議定章程。皆為該國貿易人來京而設。並無使臣進京之例。况皆由張家口陸路而來。亦無由天津前來之事。何得謂我廢棄和約。該國通商向止恰克圖一處。道光三十年。已增伊犁塔爾巴哈台兩處。今因該夷前來說合。一番好意。復許其海口通商。此皆從前條約所無。今

反責中國廢棄條約。其優待於條約之外者。豈不知耶。我中國以仁義待人。從無失信之事。諒該夷亦無可置喙。喫啡船隻雖多。天津地勢民力。皆有可恃。不必慮其恫喝。咪夷言既近理。著接見後。察其情形。妥為駕馭。若俄夷能就範。則可用俄以制喫啡。如咪勝於俄。又不妨舍俄而用咪。此中操縱。該督等諒能洞曉機宜。經權互用。妥為籌辦。將此由五百里密諭譚廷襄。崇綸。烏爾棍泰。並傳諭錢忻和知之。○又諭。前因俄囉斯知照理藩院文。有木哩斐岳幅。由額爾口城。赴黑龍江。松花江之語。諭令奕山遵照前章諭旨。會同查勘地界。現在普提雅廷。因為喫啡二夷。說合廣東犯順之事。同來天津。俄夷欲在廣東等處海口通商。已命譚廷襄許之。惟地界一事。必得秉公辦理。方為妥協。茲據譚廷襄等奏。俄夷欲以烏蘇哩河。綏芬河為界。不以興安嶺為界。其意實欲占我海濱地面。並聲言業已

行文伊國辦理其情殊屬可惡。今譚廷襄告以地界一事。現派大臣在黑龍江會同查勘。天津不能知悉情形。難以懸斷。但恐木哩斐岳幅到後。在彼處侵擾。以圖遂其所求。自應密加防範。現在喫啡咪三國船隻尚在天津。喫啡二夷在廣東犯順。占踞省城。此次情詞尚形桀驁。俄國既願從中說合。特命譚廷襄等。以禮相待。並允其海口通商。原屬格外加恩。惟該夷貪得無厭。又於地界一節。言語反

覆。儻木哩斐岳幅前來會勘。奕山當查照從前界碑。與之剖辯。不可遷就了事。致開後患。至晉提雅廷所稱之烏蘇哩河。綏芬河。距興安嶺遠近若干。是否從前未定之界。確切查明。詳晰具奏。將此由五百里密諭知之。○雲貴總督吳振械等奏。貴州軍務未竣。請將本年鄉試停止。展限舉行。從之。○以貴州軍營火藥不敷。命湖南巡撫駱秉章。迅撥火藥二萬斤。火繩二萬盤。解往應用。○丁未諭內閣

和春奏。逆匪被圍出撲。節經痛剿。獲勝一摺。金陵賊巢。經官兵圍剿。三月初二等日。南門一帶。突出悍匪撲營。張國樑派戴文英等迎截。周天培等抄擊。李若珠等督戰。斃賊無數。餘皆奔潰。七橋甕又出賊數千。我軍三面兜圍。該逆四竄潛匿。戴文英追剿。直抵外濠。燒毀更樓數座。斃賊千餘名。砍取首級百餘顆。我軍復設伏誘賊。李若珠等從間道直薄賊巢。張國樑督隊迎擊。直薄南門。斃賊無算。雨

花臺。印子山。出賊五六千。我軍四面兜殺。該逆抵死抗拒。戴文英槍斃黃衣騎馬賊二名。張國樑親督王浚等抄截。水西門又出援賊二千餘。蔡其榮等夾擊。共計斃賊二千餘名。砍取首級三百餘顆。奪獲刀械旂幟甚多。此次痛剿逆巢。大獲勝仗。該逆潛伏不敢復出。著和春等。乘此聲威。督飭將弁。迅拔堅城。盡殲醜類。以慰盼望。○又諭。和春奏都司遇救得生。請查銷卹典等語。陝西西鄉營都司魯

開元前在桐城勦匪受傷。安徽巡撫福濟以陣亡奏請議卹。現在該員已赴江南大營投到。自稱遇救得甦。雖查無捏飾。惟離營日久。究有不合。魯開元著撤銷卹典。即行革職。仍留原營帶兵勦賊。以觀後效。○諭軍機大臣等。福濟奏和合喫緊。請飭德興阿迅派勁旅。進剿烏江等處。並請飭勝保。袁甲三。准令黃元吉。帶兵赴臨淮防堵等語。前因和州須江北兵堵扼。已據德興阿奏稱浦口情形緊急。不能分兵前往。惟現在姥下河賊眾。欲撲和城。西梁山竄匪四五千。又分踞南義張公橋各處。勢甚猖獗。雖經福濟派兵交塔思哈帶赴和合。會同惠成等堵勦。而兵力尚形單薄。仍著德興阿體察情形。如九洑洲一帶賊營。已漸次削平。可以撥兵進剿烏江。芝麻河等處。即可與惠成等會勦。儻現在兵力實無可分。仍俟埽蕩九洑洲後。節節進剿。一面飭令舟師上駛。聯絡聲勢。以期得手。至臨淮為

南北咽喉。糧餉要道。現有從六安竄回之捻首張澄等。糾眾數萬。攻破王莊等處。占踞朱家莊。距臨淮僅四十里。情形萬分喫緊。自道員黃元吉一軍調赴六安。該處僅存壽州兵百餘名。連福濟所派參將尹善廷等。帶往兵勇統計不滿千名。難敷攻勦。現在六安一帶。勝保所帶兵勇萬餘。袁甲三又幫同籌辦。兵力已厚。黃元吉有地方之責。所部兵勇著勝保等。即飭該道帶赴臨淮防勦。以便與伊興額等前後夾擊。肅清北路。將此由六百里各諭令知之。○又諭晏端書奏。衢州續獲勝仗。並近日軍務情形一摺。前因逆匪於衢州分布賊營。意圖圍困。並分投擾及常山。曾諭令福興分投防勦。以保浙疆。現在衢州官兵。雖屢次獲勝。而賊勢未衰。內犯之路處處可虞。福興兵力已厚。若祇知保守衢州。不思杜其旁竄之路。必至貽誤大局。晏端書以廣信。玉山。節節空虛。常山開化二縣業已隔絕。前次

諭旨早經慮及。此時福興。惟當趕緊將東北兩路布置周妥。與周天受、饒廷選等督率兵勇節節進剿。使該逆不至蔓延。克復江山。再圖進兵。福興俟衢州賊勢稍退。仍當繞道回防玉山。廣信等處。方為妥善。石逆已至衢州。撫建之賊傾巢而出。前諭者齡酌調劉長佑等跟蹤追剿。未據覆奏。現在撫建既已空虛。大有可乘之機。者齡如有兵可撥。即著疾趨撫建。攻其不備。即或一時未能攻克。亦可牽

制賊勢。使不敢深入浙疆。本日據王懿德奏。浦城失後。政和、松溪復失。建甯大勢可危。閩浙交界處所。賊勢猖狂。石逆又素稱驍悍。未可因小勝而恃為無患。福興所調江西兵者。齡何以屢催罔應。豈不知浙省為東南大局所關耶。前諭江南、江西兩路官軍歸福興調度。徽州、浙江兩路官軍歸周天受調度。福興如往江西。所有江南撥來兵勇。即歸周天受調遣。江西續到兵勇。著福興商同晏端書酌

量布置。務須統籌全局。毋稍大意。和春續撥參將和順等帶勇千餘名。晏端書令其暫在嚴州駐劄。仍當隨時察看情形。相機調度。不可以敢戰之兵徒為防守之用。其金華一路該撫仍飭余萬清督練嚴防。毋許疏懈。將此由六百里各諭令知之。○江南道御史孟傳金奏。我朝建有圓明園。列聖相承。於此勤求政務。非以侈遊觀也。但今昔時勢不同。伏願

皇上憫時事之艱難。勿以故事而不為變通。得旨。在宮在園。原無二致。若心耽逸樂。何地不可。朕兢兢素志。在廷諸臣諒當共悉。該御史身列諫垣。為日不久。或有不能體驗之處。況京師人心每易浮動。稍有改常。必流言四起。其餘識見拘執之處。亦不足與辯。○予江蘇安徽陣亡守備戴顯文。錢國恩。千總楊興發。把總華君弼。外委劉文學。王鴻才。祭葬世職。○戊申。諭內閣。勝保奏。註銷升階。代弟贖罪。

等語。勝保之弟廉保。因案遣戍。本屬無可減免。惟念勝保帶兵勦賊。宣力戎行。伊母年高。無人侍奉。廉保著免其發遣。勝保前經奉旨。以都統過缺題奏之處。並著毋庸註銷。用示朕眷念勤勞。施恩格外至意。○諭軍機大臣等。譚廷襄等奏。體察夷情。現籌撫馭一摺。並片奏。俄夷欲由陸路赴黑龍江。復代各夷要請進京等語。俄夷以現無船隻。水路難行為詞。顯係知我意在速了。故為迫促之語。分界一事。已越數年。該夷日久耽延。何此時忽行急切。現已加恩准其在海口通商。則通商自為先務。彼處之事。現有木哩斐岳幅經理。該夷若能寄信伊國。秉公勘辦。固為妥善。否則不必與聞。竟將通商事宜。赴各海口妥為料理。得需利益。亦不負天朝加惠之意。分界一事。查勘需時。恐其耽誤通商。可將此意告知普酋。竟不必派人親往。至外國人進京。皆係朝貢陪臣。若通商各國。原因獲利起見。近年

海口事宜。均在廣東定議。即康熙年間。與俄夷會議互市。亦均在邊界定議。從無在京商辦之例。該夷來京。無論人數多寡。中國有何畏懼。實因與體制不合。上年普酋請許來京。尚且因接待禮節。向無章程。令其停止。何況喫啡兩夷。稱兵犯順。尤非恭順之國可比。此次准其接見大臣。已屬格外。豈能再准進京。現在減稅增口。大皇帝優待外國。已盡其道。普酋若不能說合。只可聽喫啡回文。如不講道理。中國亦不以禮待。譚廷襄等亦已盡其力量。不能再辦矣。僕喫啡等以獲利無多。更有奢望。總告以不能再行奏請。其權總在廣東。即如減稅一事。可多可少。非天津所能定議。總須與廣東新任欽差商議也。咪喇堅欲遞國書。前已准其呈進。此次必欲見有上諭。方肯呈遞。著譚廷襄等。告以天朝體制。凡非朝貢之國。偶有國書往來。均有定式。從不加傲慢。況今咪國。彼以禮來。我以禮往。儘可

無庸疑惑。譚廷襄等可摘錄此數語以示該夷。告以奉到諭旨可也。總之夷人要求斷無饜足。上次到津即係開列多條。迨酌允一二事亦即回帆。此次情形雖屬不同而詳細章程豈能在津定議。即如稅則輕重貨物貴賤非各海口不能知。廣東福建添設小口亦必須到彼察看地方始能指定何處。不過天津已許之事。天朝斷不食言。其詳細節目尚待外省商定而大局決無變更。譚廷襄等歷承

指授機宜諒不致受其恐嚇。稍露畏怯之情。被該夷窺破愈肆誅求也。將此由五百里密諭譚廷襄。崇綸烏爾棍泰並傳諭錢忻和知之。○又諭本日據伊興額等奏擒匪蔓擾勢愈猖獗請撥重兵勦辦並據勝保奏該營兵勇未能再行撥赴北路並請飭李孟羣速赴六安各等語。前因徐宿情形喫重德興阿等存營兵勇無多難於調撥諭令英桂即飭德楞額朱連泰迅撥兵勇與徐州官軍聯絡進

勦現在擒首任乾劉添幅等竄擾靈宿等處進逼徐州復有擒首韓攘子等由六安固始陸續竄回以致蒙亳懷宿四五百里之內遍地皆賊。穎鳳伏莽復思蠢動伊興額等所帶兵勇不敷勦辦惟此時江北官兵既難分撥勝保進攻六安正當喫緊且遠在南路其勢亦難兼顧。惟鹿邑竄匪業已擊散河南邊防較鬆著英桂即將前調陝甘兵二千名內酌撥一千名另於豫省營兵及英桂軍營兵內酌

酌調一二千名派得力將弁帶赴徐宿協勦以資得力。袁甲三幫辦三省勦匪事宜於該處情形熟悉著即酌帶兵勇馳赴徐宿統轄調度毋任再有蔓延。擒首李兆受家屬經勝保拏獲並未加害該匪感恩乞降如果出於至誠則設法籠絡俾得效用亦屬權宜之計。惟究恐狼子野心仍不可過於信任或致墮其術中現在商固肅清六安攻勦喫緊著李孟羣即統所部剋日前往六安隨同勝保進

勦母稍延緩。將此由六百里諭知英桂。勝保。袁甲三。並傳諭伊興額。史榮椿。李孟羣知之。○又諭邵燦。庚長。奏擒匪竄越徐境。添調兵勇堵勦一摺。徐宿一帶軍情喫緊。本日已諭知英桂。撥兵助勦。復諭令袁甲三帶兵馳赴徐宿。統轄調度。邵燦等因伊興額。史榮椿兩軍皆在賊後。派委副將鶴齡等帶兵前往。睢甯援應所辦甚妥。但兵力較少。仍恐不敷抵禦。河南兵勇到營。亦尚需時。務須飭令該員

等實力堵勦。一面催提河南官兵星速前進。山東相距較近。本日已諭知崇恩。派兵防守邊界。偵知北竄。即飭越境會勦。至請撥餉需。亦諭令山東。山西解銀接濟。此項餉銀未到以前。仍著邵燦等設法源源接濟。或有可以那墊之款。先行撥解。即於撥款到後歸還。俾毋貽誤。將此由六百里諭令知之。○又諭伊興額等奏匪勢猖獗。請添兵進勦。並飭山東。山西按月各撥銀一萬兩濟餉一摺。皖省六

安州擒匪。竄擾宿州之大店驛時村。及靈壁五河泗州一帶。勢甚鴟張。本日已諭英桂等分撥官兵前往會勦。儻餉需不濟。必至貽誤事機。著崇恩常績各就該省情形酌量撥解。即不能按月接濟。著各先行籌撥銀數萬兩。迅速派員解赴徐州糧臺。交伊興額軍營應用。毋稍遲延。至山東江蘇境界毗連。本日又據邵燦等奏。擒匪繞過徐州。擾及東路。甚為喫緊。崇恩前派遊擊保德帶兗州兵五百名。前赴徐州助勦。此時自未便調回。並著酌派弁兵先行駐劄交界地面。偵探賊蹤。如將北竄。即飭出省會勦。毋令蔓延入境。將此由六百里各諭令知之。○直隸總督譚廷襄等奏。俄夷欲由陸路赴黑龍江。並各夷仍請追京。可否准行。得旨。卿等知其一。未知其二。俄夷之由旱路實欲窺伺喀爾喀。以遂其將來蠶食之謀。喫拂之請。隔數年或有要事進京一次。迥非昔時可比。言似近情。心實叵測。蓋昔

時住京洋人。因學算法。操縱由我。無慮為患。今則來去自伊。貪得無厭。若祇顧了局。終有隱憂。况既准進京。則粵省欽差為贅疣。非但不似葉名琛之激烈貽殃。求似耆英之目前遷就。尚不能也。○河南巡撫英桂因病請假。以布政使瑛啟暫署巡撫。並接辦防勦事宜。○以克復湖北德安。隨府州城。並防守襄陽出力。免升任按察使羅遵殿等處分。○以勦辦安徽宿州賊匪出力。賞勇目黃凌雲花翎。

外委趙典涵等。並升敘有差。○以江蘇籌防濟餉出力。予前任侍郎潘曾瑩等。加銜升敘有差。○己酉常雩祀。

天於
○圓丘遣恭親王奕訢恭代行禮。

上幸圓明園。○安徽布政使李孟羣奏。軍餉支絀。請飭部議解。並擬繞道赴廬。先行到任。與撫臣合盤計畫。得旨。昨已令汝隨同勝保。進攻六安。著仍遵前旨。迅速啟程。毋稍遲延。所

請協餉之處。著戶部速議具奏。此摺隱約其辭。想部勇已譁譟難禁。曷不即行據實具奏。

○庚戌諭內閣。吳振棫奏。勦辦威甯土匪。迭獲勝仗。首逆被殲一摺。貴州威甯州匪徒李廣沅聚眾滋事。經吳振棫督飭總兵常山等勦辦。於威甯州得著地方。斃匪二百餘名。生擒宋長潰等。該匪竄至鎮雄之彝良。戈魁。毛坪。雙山等處。兵練迭次兜勦。復斃匪三百餘名。生擒蔣大五等。匪眾回竄威甯。被兵練於楊柳樹地方。將首匪李廣沅殲斃。餘黨悉數解散。仍著督飭該地方文武。將逃散零匪。按勒淨盡。毋留餘孽。○又諭。吳振棫奏。回匪攻陷府城。現籌勦辦一摺。雲南大理回匪蔡七二等。率黨數千人。攻撲順甯府城。署知府吳人彥。委令署順甯縣知縣汪萼。帶練防堵。該匪分股攻撲營盤。另股直撲郡城。勾結城中回匪內應。城池失陷。該督已咨文祥。督飭永昌右甸文武。就近應援。並飭汪萼。揀派土司。

夷練會同攻勦著即迅速克復郡城無住員
竭久踞○諭軍機大臣等譚廷襄等奏夷情
遽難就撫一摺該夷堅請進京不能允准之
處已於初三日寄諭並批摺內詳細指示該
督等尚未接奉又為此奏未免過涉驚惶現
在喫啡兩夷尚無回文其肆意要求之款正
未可知自應待其回覆然後斟酌奏辦譚廷
襄等屢以允其進京為請直似此事一准其
餘遂可不煩講論豈知進京之請半由俄夷
因不允所請特借喫啡為要挾究之喫啡所
重者在利未必全重此事亦當分別觀之此
時俄味均未允准何況喫啡且看其回文如
何如必以實情不能上達為憂再可告以此
條遠慮尚在他時若論目前之事必須到廣
東商辦設或日後廣東有不辦之事尚有福
建兩江總督浙江巡撫皆可請為代奏不至
再有阻隔其議自寢然亦須觀喫啡回文如
果堅執再以此言作為出路不必先行諭知

也至謂增口岸賠損累皆從前已有之事從
前所以認賠者因中國燒其煙土二千箱此
次則該夷自行縱火燒我民房彼在應賠之
列俄味兩國均在天津自有公論中國認賠
實屬無名至口岸自通商以來十餘年未嘗
議增今已准其酌加二處該督等何得謂以
近年辦法敷衍了事耶歷次寄諭至詳且盡
譚廷襄等但當悉心體會不可急遽圖成其
減稅增口二事須與言明俟廣東事了結後
方能辦理至欲拒以兵力亦經疊次示諭如
果該夷先開槍礮斷無不行還擊之理若我
先用武則彼更有所藉口必至肆其鴟張愈
難了結沿海各省何處非朕之疆宇豈能不
通籌全局該督等慎勿輕聽帶兵將士之言
意在邀功而不思後患也將此由五百里密
諭譚廷襄崇綸烏爾棍奏並傳諭錢忻和知
之○又諭德興阿等奏派兵馳援和州並州
城已被賊匪竄陷現在整隊前進各等語和

州既復之後。賊蹤出沒。又復竄入其城北香泉集。又城東北黃泥壩地方。均有賊匪。副將惠成。營盤被困。業經德興阿派成明等。分帶馬步隊三千名。馳往救援。並添派馬隊一百餘名。步隊八百餘名。由鞠殿華親督前往。加以和州現有之兵勇三千餘名。兵力已不為薄。此時計已雲集城下。自可以勦散圍營之賊。會同惠成。鮑雲翥等。相機攻復州城。江北兵祇有萬餘。現在九洑洲攻勦。正在喫緊。前

已撥兵二千名。赴江南大營。嗣又撥兵六百餘名。往援徐宿。此次因和州毗連江浦。撥兵策應。斷不能久留守禦。況廬營月餉。多於江北。兵力較厚。福濟等豈能專恃鄰省援師。而擁重兵以自衛。著即撥兵迅赴和州援應。俟克復後。鞠殿華等撤兵回至江浦。即著福濟等派兵守禦和州。毋得再蹈從前覆轍。將此由六百里各諭令知之。○雲貴總督吳振械奏雲南軍務未竣。請停本年鄉試。併入下科

舉行從之。○以克復雲南姚州城。並攻克紅巖賊壘出力。賞道員宋延春。知府侯晟。同知張同壽。總兵官福陞。花翎通判胡廷良等。藍翎。餘加銜升敘有差。○以勦辦貴州威甯土匪出力。賞知縣葉如松。遊擊富呢雅杭阿。花翎。千總鄭宗厚等。藍翎。餘升敘有差。○予雲南順甯府殉難署知府吳人彥。祭葬世職。署知縣汪莖妻王氏等。旌卹如例。○辛亥。諭內閣。玉明。劉崑泰。河道工程一摺。

永陵河道工程。挑挖完竣。著派原估之盛京將軍慶祺。盛京工部侍郎麟興。覈實驗收。仍著該將軍等。每年察看情形。如有歲修之處。准其作正開銷。歸於年終會奏。以期鞏固。○諭軍機大臣等。福興奏。衢州勦賊情形。並晏端書奏。常山開化被擾。現籌分路進兵。各一摺。福興專辦江西東路軍務。不能力攻撫建。致賊眾傾巢內犯。分擾浙疆。現在賊蹤擾及龍游。已在衢州之下。雖擊回遂昌。而旁竄金華。

處州皆可直達省城。福興擁重兵於衢州城外。而下游扼勤之兵。僅止三千餘名。是又蹈從前株守信郡。不顧廣豐之故轍。本日已命周天受督辦浙江防勤事宜。會同晏端書通籌全局。分投布置。衢州守禦事宜。現有饒廷選。繆梓。壽辦。而常開一帶。尚屬空虛。李元度一軍。在玉山駐劄。勝負未有消息。且已在常山之外。恐其兵力較單。未能進剿。著福興即將原帶官兵五千餘名。酌留一半。交周天受

調遣。其餘一半。即親自統帶。回駐玉山。以杜續來之賊。並著就近勤辦。常山賊匪。儻再有貽誤。自問當得何罪。周天受既經統領全軍。事權歸一。即應擇要布置。會同晏端書。妥為調度。無稍疏虞。衢州存兵尚屬不少。即責成饒廷選。嚴加防守。相機出剿。以清浙境。將此由六百里各諭令知之。○又諭本日據德興阿等奏。援勤和州之兵。大獲勝仗。俘斬數千。兇鋒少挫。惟賊又分股攻撲全椒。滁州亦為

震動。情形十分緊迫。兵勇不敷分布。請飭皖省迅籌堵剿等語。賊眾分撲全椒。已越和州而北。設有疏虞。勢將蔓延北路。所關非細。著福濟等。迅即派兵馳往全滁一帶截擊。保護全椒。遏其北竄。再於全和要隘。駐兵扼守。以固藩籬。毋得稍有貽誤。至此股賊眾。係由蕪湖渡江。會合巢縣。無為州之賊。從含山竄入和州。分犯全椒。徧地賊蹤。毫無攔阻。總由福濟株守廬州。按兵不動。為日既久。以致養癰

貽患。此時若再不能力扼要衝。任賊長驅北犯。自問當得何罪。德興阿江北防勤喫緊。鞠殿華等已勤除和州賊匪。自應帶兵回至江浦。儻聞全滁緊急。仍著撥兵協剿。將此由六百里各諭令知之。○賞署福建漳州鎮總兵官周天受。提督銜。督辦浙江防勤事宜。○壬子。諭軍機大臣等。黃宗漢奏。探訪夷船欲赴天津。請勿加峻拒一摺。所奏與近日辦理情形。適相符合。該夷自二月三十日起。陸續駛

到火輪船二十九隻。艇船三隻。均在海口停泊。間有小船駛入。攔江沙內。尚不滋事。亦不騷擾。海運船隻。現派譚廷襄。崇綸。烏爾棍泰。馳往大沽。與之接見。妥為開導。復派國瑞。珠勒亨。富勒敦。泰。酌帶京兵。前往暗地設防。備而不用。疊據譚廷襄等奏報。俄咪兩夷。均來接見。啖啖夷酋。則僅有照會來往。俄夷所要求者。一為黑龍江分界。一為請准五口通商。咪夷所要求者。二條。以索賠平日損失貨物。

請添浙江。福建。廣東口岸。欲補遞前年福建所遞國書三款。為大宗。其餘皆係枝葉。因其情詞尚屬恭順。且啖啖桀驁未馴。俄咪欲從中說合。正可用以轉圜。是以始雖與之辯論。旋亦酌允數條。俄夷所請分界。許其往黑龍江查勘。五口通商。准與啖夷等一律辦理。咪夷所遞國書。已准其呈進。並准其廣東。福建附近大口處所。各添小口一處。又欲減該國貨船噸鈔。皆准令回廣東酌議。詳細章程。至

啖夷所開十條。皆由俄夷轉述。其索賠兵費一條。欲於內地江河貿易一條。廣行天主教。給與照票。任其行走一條。派員進京一條。多與啖夷來文相同。已令譚廷襄等。據理拒絕。惟酌減稅則一條。啖啖與咪皆有是請。尚可量准。亦令譚廷襄諭知。令其回粵聽候酌議。至啖夷於廣西西林縣一案。猶嘵嘵不已。此則不過將來再費一番查辦。無足重輕。以上各條。自歷次理諭後。啖啖兩夷。尚無覆音。咪

夷亦尚未滿志。而其藉口於必欲進京。即俄夷亦隨聲附和。兵船停泊。無非虛聲恫喝之意。該夷志在獲利。而所欲無厭。且俟其如何答覆。再作計較。斷不能使暢然滿志。惟有許其大略。仍以廣東為歸宿。俟有定議。再行諭知。該督也。廣東已與開市。而夷人尚踞城中。穆克德訥。柏貴。均為所挾持。奏報及寄信。諭旨。大約皆須該夷過目。不但不成事體。且控制機宜。無從下手。甚至與夷酋聯銜出示。尤

不足服粵民之心。黃宗漢到粵後。斷不可入省城。其穆克德訥。柏貴等。應如何設法。令勿與夷人為伍。然後可以辦事。前已諭譚廷襄等。與奕訢要約。令其於四月內退出廣東省城。如逾限不肯繳還。即調兵攻剿。絕其貿易。亦尚未據回覆。然省城尚有夷兵踞守。何得先議通商。柏貴為夷挾制。辦理毫無把握。此時若不動兵。則城中夷目。斷不肯去。若與動兵。又與天津現辦情形不合。只可先行懾以

虛聲。再籌辦法。前據駱秉章奏。紳士團練。非經官司諭令。不敢舉行。必俟新總督到粵。為之主持。現在夷人不敢陵虐百姓。實畏粵民强悍。又據羅惇衍等奏。已招募東莞等縣。及三元里等鄉。並佛山九十六鄉練勇。密為防備。而聲勢尚孤。未可舉動等語。是粵東民情可恃。現在雖不舉兵。尚足以自衛。儻該夷遵諭回帆。繳城候議。自可息兵。如因不遂其求。遽啟戎心。不得不與用武。候旨遵辦可也。再

潮州鎮總兵壽山。於上年九月間。即經葉名琛奏派。令帶兵二千名。赴援廣信。至本年二月間。始據柏貴奏。令暫緩啟程。其間相距四月。何以遷延不進。據福興奏。該總兵始則以籌給口糧為詞。繼又屢請改道。舍近圖遠。著黃宗漢查明該總兵。於未經柏貴奏留之先。何以屢次託詞延宕。即行據實奏。毋稍徇隱。至廉州府屬靈山縣。現在失守。西北兩江土匪。尚肆縱橫。肇慶府城。復有廣西艇匪。

順流窺伺。粵東各屬。匪蹤徧地。黃宗漢到後。即當迅籌布置。次第廓清。務使內患悉平。然後夷務可期就緒。將此由五百里密諭知之。○又諭黃宗漢奏。閩省自行使鐵錢。錢賤糧貴。貧民困苦。三月中南臺一帶。因海防廳辦理團練。未洽輿情。激成眾怒。勢甚洶洶。相率以錢法糧價為詞。入城至前。尚書廖鴻荃家。嚷鬧。旋至督署。經將軍東純等。懸牌許以搭用銅錢。並倡捐糧石。半賑半糶。始各散去等。

語此等愚民固為飢寒所迫而動輒聚眾挾制官長其風亦斷不可長閩省外寇未平何堪內患更作著王懿德等察看情形如該民人等已安靜如常即可憫其阨窮不必繩之以法如再挾制把持即將為首一二人嚴拏懲辦以儆效尤至此事既經該民人等歷控各衙門何不早為變通籌畫而海防同知因辦團激變亦當加以叅辦再此次江西逆匪竄擾閩疆前據奏報浦城松溪政和等縣先

後被匪攻陷建陽麻沙等處均有土匪滋擾經該督等飭臬司保泰等赴建郡調度並派員分投勦擊嗣後各該處辦理如何現在該匪竄撲浙疆常山開化相繼失守杭州頗為緊急所有閩省失陷各縣曾否克復建郡能否保守著將現辦情形迅速馳奏將此由五百里諭令知之○癸丑諭內閣西安將軍福興前在江南失陷營盤業經革職留任拔去花翎此次督兵防勦又復遷延貽誤著即革

職仍暫行留任帶兵勦賊以觀後效○諭軍機大臣等譚廷襄奏代進味夷國書一摺該夷所遞漢字夷字國書各一件以修好問安為詞欲派其國全權大臣駐劄京師與俄夷之意相同礙難允准現既准其呈進自應賜函答覆用示羈縻若夷酋詢問回函日期告以大皇帝嘉爾前在粵東未曾助逆數日內必當修書褒答不必吐露他詞如該夷詢及進京一節譚廷襄等即當如前答俄夷之語

告以天朝體制凡外國人許其進京者皆係朝貢陪臣若味喇哩既是與國款待之禮例所不載既無章程可仿即恐禮貌未周轉傷和好之誼此事恐難允准其增口減稅業經有旨但須嘆唏局定方能均霑利益閱所進國書內該國王竟自稱朕實屬夜郎自大不覺可笑該夷前曾鈔錄國書給譚廷襄等看其詞語是否相符茲將漢字夷書鈔給該督等覈對惟夷書兩件均未蓋用伊主國璽僅

於漢字內墨寫國璽二字。此次回函亦未便用寶以示相當。至唎咈各酋時至俄船見面。俄酋亦時往海外通信。其為串通一氣已無疑。譚廷襄等不再催問。所見尚協機宜。如咪夷以遞書為名。轉換說合。亦可探詢各夷情狀。藉作轉圜。將此由五百里密諭譚廷襄。崇綸。烏爾棍泰。並傳諭直隸布政使錢忻和知之。○又諭勝保。袁甲三。擊賊連勝。攻破賊巢。請仍飭英桂。撥兵助剿一摺。六安逆匪。

於州城西南分股盤踞。經勝保等督軍攻剿。殲賊甚多。並踏平賊圩十座。其河東一帶亦經官軍堵剿獲勝。現已移營進逼城下。務當晝夜環攻。迅圖克復。所請飭令豫省撥兵。前因伊興額奏。捻匪蔓擾。不敷勦辦。已諭令英桂。將前調陝甘兵二千名內酌撥一千名。赴徐宿協剿。尚餘陝甘兵一千名。即著勝保催赴六安。以資攻剿。另片奏。粵夷竄踞麻城。楚兵均在東西南三面。北路空虛。恐該夷由此。

竄突。已諭知官文等。各圍兜剿。現在邱聯恩已帶兵馳赴光商。勝保仍當迅咨該總兵。扼要堵截。毋任竄擾豫疆。至徐宿捻匪勢甚猖獗。袁甲三於該處情形素本熟悉。著即遵照前旨。酌帶兵勇。馳赴徐宿。統轄調度。毋稍遲延。本日又據德興阿奏。和含賊匪於三月二十八日竄撲全椒。該縣失守。滁州亦即被陷。翁同書。鞠殿華已帶兵追剿。本日並諭福濟等。迅速分兵助剿矣。該處清流關為南北咽喉。前此賊匪北竄。即由滁州入豫。現在臨淮有黃元吉等帶兵會攻五河。著勝保添撥兵勇。即由臨淮進扼滁州後路。以杜北竄。將此由六百里諭令知之。○又諭。前據官文等奏。粵逆竄陷麻城。該大臣等調派水陸官軍前往攻剿。本日據勝保等奏。賊踞麻城。楚兵進剿。在東西南三面。惟北路空虛。恐該逆北竄等語。麻城與豫省光商一帶節節毗連。該處甫經被擾。若該逆乘虛北竄。又被蹂躪。李孟。

竄突。已諭知官文等。各圍兜剿。現在邱聯恩已帶兵馳赴光商。勝保仍當迅咨該總兵。扼要堵截。毋任竄擾豫疆。至徐宿捻匪勢甚猖獗。袁甲三於該處情形素本熟悉。著即遵照前旨。酌帶兵勇。馳赴徐宿。統轄調度。毋稍遲延。本日又據德興阿奏。和含賊匪於三月二十八日竄撲全椒。該縣失守。滁州亦即被陷。翁同書。鞠殿華已帶兵追剿。本日並諭福濟等。迅速分兵助剿矣。該處清流關為南北咽喉。前此賊匪北竄。即由滁州入豫。現在臨淮有黃元吉等帶兵會攻五河。著勝保添撥兵勇。即由臨淮進扼滁州後路。以杜北竄。將此由六百里諭令知之。○又諭。前據官文等奏。粵逆竄陷麻城。該大臣等調派水陸官軍前往攻剿。本日據勝保等奏。賊踞麻城。楚兵進剿。在東西南三面。惟北路空虛。恐該逆北竄等語。麻城與豫省光商一帶節節毗連。該處甫經被擾。若該逆乘虛北竄。又被蹂躪。李孟。

羣即赴六安。惟卹聯恩。赴光州防堵。所帶兵勇。為數無多。官文等現調水陸馬步各軍分道進剿。自應四面兜圍。為就地殲除之計。克復麻城後。如有旁竄餘匪。務即跟蹤追剿。杜其北趨。將此由六百里各諭令知之。○又諭。本日據德興阿等奏。和州含山賊匪撲陷全椒縣。即有騎馬大股賊匪竄至滁州。尋亦被陷等語。現在賊踞滁州城內。來安等處情形喫緊。並有窺伺六合之意。連日烏衣東葛西

實錄卷一百一

三

葛及附近六合之張家崗。來安之各鄉鎮均。有賊蹤。若不乘勢殲除。不特來安六合可慮。並恐清淮一帶震動。前次賊匪北竄。即由清流關入豫。於大局殊有關係。現在翁同書鞠殿華已帶兵追剿。著福濟迅速派兵繞出滁州後路。併力翦除。毋令深入。貽誤事機。本日已諭勝保酌派兵勇。由臨淮一帶會扼滁州後路。惟該處距滁州較遠。黃元吉因五河失陷。帶兵會剿。恐兵力不敷。仍著福濟會同德

興阿等迅圖克復。以杜北竄。將此由六百里各諭令知之。○賞前任江甯將軍托明阿三等侍衛。赴密雲副都統勝保軍營。隨同剿賊。○甲寅。諭軍機大臣等。本日卯刻譚廷襄等奏。夷船聯絡並進。復投遞逆文。即料該夷欲行肆擾。尚冀其虛聲恫喝。乃午刻該督等馳奏。逆夷開礮攻擊礮臺。雖經擊壞夷船四隻。詎該夷船聯絡直上。闖入內河。轟傷兵勇。礮臺被占。覽奏實深憤懣。現派托明阿馳往天津。會同該督布置一切。該員久歷戎行。可資臂助。該督等所調兵八九千人。並有馬隊分創新河新城等處。此時逆氛猖獗。礮臺後路及天津前路水陸一帶。均宜節節嚴防。著嚴飭提督張殿元。副將達年。扼要堵禦。一經得手。即設法攻奪礮臺。毋令久踞。崇綸烏爾棍泰向至津郡。即督率團練。激勵民心。實力防守。漕船停泊內河甚多。尤應妥為彈壓。毋令擾亂。譚廷襄現令錢忻和沿途設法沈船阻

實錄卷一百一

三

其上駛。若於海河上游築壩束水。或決口旁洩。使下流水勢淺阻。則逆夷輪船不能上竄。著譚廷襄等酌量妥辦。屢據該督等奏。軍威尚壯。不期一戰而潰。殊出意外。譚廷襄自請治罪之處。著俟查明失利情形。具奏後再降諭旨。將此由六百里加緊密諭譚廷襄。崇綸。烏爾棍泰。並傳諭錢忻和知之。○命科爾沁親王僧格林沁酌帶兵勇赴通州一帶防堵。○賞三等侍衛托明阿頭等侍衛馳赴天津。會同直隸總督譚廷襄辦理夷務。○調熱河察哈爾綏遠城官兵各一千名。密雲官兵五百名。馳赴通州防堵。○調察哈爾備用馬二千匹。迅解南苑牧放。並令另選馬二千匹備調。○乙卯諭內閣。阿凌阿奏。理事同知不候清查。託故出口。請飭查辦等語。張家口理事同知富綸。於清查該廳倉庫。不候查覈。託故奉委查地。擅自出口。迨屢經飭催。始將倉庫冊檔呈出。並未親身赴口。似此不遵查覈。難

保無侵蝕情弊。著譚廷襄督飭口北道福厚。調取該員帶同倉庫冊檔認真查覈。如有虧短情弊。即著據實參辦。○諭軍機大臣等。前據黃宗漢奏。夷船欲赴天津。請勿峻拒。當將夷船到津後。辦理情形詳細寄諭矣。詎料喫啡兩夷。於初八日投文。欲將礮臺交伊經管。並至天津。未及回文。已即開礮。我兵失利。礮臺旋被占踞。狂悖已極。前令譚廷襄等要約該夷。於四月內退出廣東省城。仍可相安無事。若不交出。五月中必當攻打省城。該夷城內兵丁。必致受傷。該夷並無回復。又在天津犯順。原應攻打廣東省城。以示懲創。惟一經用兵。彼必駛往他處。肆其報復。設被另占一處。更多掣肘。祇可暫緩進攻。且看俄味二夷。日內有無投文說合之事。再作計議。該督仍候旨遵行。至粵東已與通商。是否如前暢旺。抑或民人尚多疑畏。貿易較稀。柏貴等在城。能否與黃宗漢相見。該督能否設法援救出

城使不受吧噶禮等挾制柏貴既信伍崇曜之言准與開市通商又任聽該夷駛至天津肆其兇惡實屬毫無把握此時柏貴有無挽回補救之方以贖前愆並著黃宗漢傳旨諭令知之現在各海口業已通諭嚴防而廣東香港為該夷巢穴夷船紛集並恐天津與彼攻勦復在粵東肆其滋擾著黃宗漢聯絡紳民如意嚴防是為至要將此由六百里密諭知之○又諭昨據譚廷襄等馳奏逆夷船隻

聞入天津海口轟傷兵勇將礮臺占踞等語。嗾二夷在粵東犯順復敢駛至天津要求無厭俄味二夷托說合為名以濟其要求之念業經譚廷襄等委曲理論並有酌量加恩之處而嗾二夷未遂其欲突肆猖獗情殊可惡該夷既敢在天津猖獗所有奉天山東江蘇閩浙各省海口難保不肆意侵犯著各該將軍督撫等隨時偵探於水陸各要隘不動聲色嚴密設防總須於夷船未到之先有

備無患。是為至要。將此由六百里密諭慶祺。何桂清。趙德轍。王懿德。慶端。晏端書。崇恩。知之。○又諭。前據何桂清等奏。探明天津海口之北。有塘兒灣。大清河。小清河等口。天津之南。有大山利津等口。海運米船。設有阻滯。即可就便收泊。再行剝運。並據崇恩奏。夷船北來。意甚叵測。如有續到漕船。飭令輓入偏僻海口。暫行停泊守護。俟探明天津情形。或仍催前進。或設法起運。各等語。現在喫咈兩夷船隻。業經駛入天津海口。官軍接仗失利。礮臺被占。此時海運米石。已入口者。不過五十餘萬石。此外均在放洋。尚未到口。著譚廷襄。崇恩。各飭所屬查察。已進天津近處小口者。即著文彩等。相度情形。由內河設法剝運。赴通。其在山東境內小口收泊者。著崇恩飭屬酌量地方。或囤積倉廩。陸續由運河運至通州。或俟探明天津事定。再令由海前進。並飭沿海文武。查有米船北駛者。即令輓入偏僻

海口一體停泊相機妥辦以免貽誤將此由
六百里各諭令知之○又諭前因六安攻勦
喫緊諭令李孟羣剋日前往隨同勝保進剿
茲據李孟羣奏留兵駐守商城以待川餉等
語六安擒匪因守州城西南一路空虛勝保
節次催調該藩司進剿以圖規復城垣嚴防
旁竄現在邱聯恩移劄白雀園商城南界已
派都司楊光澤駐劄路口即著就近歸邱聯
恩調遣以固豫境邊防李孟羣著仍遵前旨

書錄

奏

即帶所部兵勇剋日前赴六安協同勝保勦
辦現在兵勇無多所帶口糧即可就地設法
籌措以利軍行不得以待餉為詞遷延貽誤
○命於順天通州設立糧臺濟科爾沁親王
僧格林沁軍營需餉○以都察院左都御史
瑞常署禮部尚書理藩院尚書肅順兼署工
部尚書○以恭親王奕訢署鑲黃旗漢軍都
統御前大臣景壽署鑲藍旗滿洲都統理藩
院右侍郎愛仁署正紅旗蒙古副都統正白

旗蒙古副都統載岱署正紅旗漢軍副都統
鑲紅旗蒙古副都統基溥署正藍旗護軍統
領○以甘肅鎮迪道祥裕為按察使

書錄

奏

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十

廷襄等奏礮臺失事情形並俄味二夷仍願
說合懇准羈縻等語逆夷於初八日闖近北
礮臺轉身先擊南礮臺使兩礮臺皆不得力
復開放砮礮以致遊擊沙春元等陣亡兵勇
潰散礮臺被占提督張殿元副將達年皆在
海口當夷船闖進之時曾否接仗何員首先
潰敗著譚廷襄查明叅奏現在該提督等帶
兵劄營何處國瑞等所帶馬隊進劄新城一
帶何以不趕緊接應京兵有無受傷京營礮

Signature

在通州以南駐劄。取其距津不遠。距京亦近。設有緊要。原可馳往援應。此時大沽一帶兵勇。為數尚屬不少。且本有京兵在內。全在布置得宜。方有把握。托明阿即日。到津可與商酌。即國瑞等亦當會商布置也。該督等前給。英佛兩夷照會。著鈔錄呈覽。將此由六百里密諭譚廷襄。崇綸。烏爾棍。泰並傳諭錢忻和知之。○又諭前據德興阿等奏。和合賊匪竄陷全滁。翁同書。鞠殿華。帶兵追剿。當諭福濟

派兵繞出滁州後路堵剿。本日該撫等奏。和全失陷。請添兵催餉一摺。並片奏請調撥馬隊等語。滁州為南北咽喉。清流臨淮均屬要隘。務須及早攻克。全滁方免北竄之慮。福濟株守廬州。並不兼顧。致有此失。現在德興阿等已分兵追剿。著福濟即遵前旨。撥兵會剿。毋得再有貽誤。五河業已收復。黃元吉所帶兵勇。亦可由臨淮兼顧。清流德安甫到。即趕往東路堵剿。而廬州一帶賊氛尚近。鄭魁士

著准其暫留廬城。會同福濟商辦軍務。俟德安回廬。再行交卸。李孟羣一軍。本令赴勝保大營。會攻六安。現在廬州剿辦喫緊。著勝保等即飭該藩司。帶現存固始兵勇。迅赴廬州。所有該藩司前派往六安之盧又熊等各營兵勇。仍留勝保軍營調遣。俟六安克復。再行酌撥前往廬州。至德興阿軍營馬隊。歷次因病遣撤。並無二千名之多。現在翁同書等分剿全滁。即須應用。無可分撥。著毋庸議。將此

由六百里諭知勝保。袁甲三。福濟。德安。鄭魁士。並傳諭安徽布政使李孟羣知之。○以福建拏辦會匪出力。予候補知縣張燾等升敘有差。○以督辦防務調度無方。革直隸總督譚廷襄職。拔花翎。仍留任。○以安徽和全。椒二州縣城被賊竄陷。巡撫福濟下部議處。○以安徽和州。含山。剿賊失利。遊擊吉昌等降補有差。○以福建福州府辦團不善。革同知黃琨望職。總督王懿德等。嚴議處。摘頂有

差○以本年鄉試考試應開列試差人員於正大光明殿○命鑲白旗滿洲副都統熙拉布署管保定等五處官兵事○予安徽陣亡守備張春發徐士璵訓導沈廣策祭葬世職○丁巳諭軍機大臣等昨據譚廷襄等奏咪俄二夷仍願說合當諭知該督等除遣使進京及在內地傳教兩事斷難允准外其餘利之所在尚可斟酌辦理且看俄咪轉述如何再行奏聞本日據該督奏稱戰守兩難仍宜用撫已派員往俄咪探詢等語想日內必有回覆此時崇綸即欲赴京一切機宜俟崇綸到後再行指示該督即遵照昨奉諭旨妥為布置俟俄咪轉述有信即行奏聞該督現駐葛沽與昨所諭前敵築營之旨尚屬相符本日復諭知僧格林沁一俟密雲官兵行抵通州即飭馳赴天津歸托明阿統帶著即相度地勢劄營以資防禦該夷探測水勢均係舢板自非如輪船之迅疾當可易於阻止且恐

此項測水之船復有俄咪在內則轉圜之說仍屬空言尤應督飭提鎮嚴為防禦勿使再有深入將此由六百里密諭譚廷襄托明阿烏爾根泰並傳諭錢忻和知之○又諭前因啖咈兩夷在天津要挾尚有俄咪兩夷說合諭令黃宗漢將攻打廣東省城之事暫緩舉行原恐一經用兵則沿海地方必有夷船尋仇報復而與天津現辦情形事出兩歧也本日據羅惇衍等奏移劄花縣激勵紳團並密籌布置各情形粵東士民敵愾同仇忠義可用當該夷攻城之時地方大吏不能借以為力轉行阻止原屬坐失事機現在天津雖仍議羈縻廣東則係紳民義憤與官兵暫緩攻打之意本不相妨且使該夷知眾怒難犯而將來官為轉圜亦可使之知畏知感前令譚廷襄等告知該夷限四月內繳還廣東省城一交五月即興兵攻打並絕啖咈二夷沿海貿易業已寄知黃宗漢該督行抵粵境定與

羅惇衍等會謀此事。如該侍郎等業已舉行。該督到時。務當多調兵勇。嚴以自衛。防其報復。如尚未舉行。亦須與羅惇衍等密商。操必勝之權。然後舉發。使該夷兇鋒稍挫。然後地方官出為調停。較易就範。省城夷人無多。自不難於驅逐。香港為該夷資貨所聚。兵船精悍。恐急切難圖。即使毀其巢穴。而將來肆意索賠。更難了局。著該侍郎等於克復省城後。作為進攻香港之勢。然後黃宗漢出而調停。保全其貨物。將來該夷還粵。既畏紳民仍感該督。庶可恩威並示。京師距粵東遙遠。文報遲延。其中操縱機宜。著黃宗漢與羅惇衍等密計施行可也。現在哄傳二夷在天津。因要求不遂。已於初八日先開大礮。奪我礮臺。雖未深入。仍用俄味二夷為說。合以肆其要求。但其所欲無厭。故天津羈縻亦未有把握耳。另片奏江國霖等媚夷情形。深為可恨。柏貴種種畏葸。毫無振作。惟係巡撫大員。將來事

定之後。朕自有權衡。至藩司以下。皆黃宗漢屬員。即可隨時懲辦。著將江國霖先行撤任。一面派員署理。一面據實嚴參。蔡振武署事本不合例。亦著一併撤參。已革道員俞文詔。以寄寓革員。冒用翎頂。甚至造作蜚語。通同夷人。情尤可惡。著黃宗漢即行查拏。從重懲辦。伍崇曜。潘仕成。及潘斯濂。葉炳華等。均係著名紳富。著該督等即飭捐貲助餉。以為士民之倡。將此由六百里各密諭知之。○又諭譚廷襄奏夷船倏忽內駛。籌防緊要。仍請酌撥京兵。星夜來津等語。現在京兵已難再調。惟察哈爾三四起兵一千名。本日據西凌阿奏。已派員馳赴永平等處截回通州。此項官兵抵通後。並著僧格林沁等。簡派得力之員管帶。飭令前赴天津。聽候譚廷襄托明阿調遣。僧格林沁等駐劄通州。原以保衛京師。設津郡事機緊急。必須親自前進。亦祇宜於楊村蔡村等處擇要駐劄。庶於京師相距不遠。

而於津郡呼應亦靈。至官兵調赴津郡。僧格林沁等軍營兵力太單。所有直隸通永等鎮官兵相距尚近。即著酌量調撥。以資防守。將此密諭知之。○又諭本日早間。因譚廷襄昨有請調京兵之奏。特命僧格林沁等侯密雲兵到通州時。即飭赴天津。頃又據譚廷襄等來報。據稱沿河兵勇萬難阻遏。仍請添調京兵。復諭知僧格林沁等侯察哈爾官兵到通。再派員管帶赴津。一併歸托明阿分撥布置。

矣。惟此二項官兵。一時未能到齊。國瑞珠勒亨富勒敦泰所帶馬步隊京兵。本有二千。何以不聞接仗。亦不見其扼守何處要隘。現在僧格林沁所帶京兵。原為京師保障。豈能盡赴天津。若如所請。則國瑞等所帶皆不足恃。豈有如此辦法。此項京兵。即有傷亡。為數當尚不少。加以張殿元達年。皆有本標之兵。何至如此。一日數驚。張皇無措。托明阿久歷戎行。素稱勇敢。此時當已抵津。即著妥籌調度。

該夷現雖乘船駛進。而陸路亦應嚴防。若以步兵練勇防河路。而以馬隊防陸路。布置更為周密。富勒敦泰等業已降旨革職。即國瑞珠勒亨一同退卻。亦難辭咎。若再不力為防禦。或致別有疏失。自問當得何罪。前譚廷襄屢次奏報。總言兵勇聲勢甚壯。迨一經潰敗。即毫無籌畫。事前既無布置。今又如此怙怯。即使再添精兵。何能有益。著即與托明阿國瑞珠勒亨等妥速籌辦。務使郡城得保無虞。

方可徐圖議撫。若再有貽誤致失機宜。朕惟執法懲治。不能寬貸也。將此由六百里密諭。譚廷襄崇綸烏爾棍泰。托明阿國瑞珠勒亨富勒敦泰。並傳諭錢忻和知之。○兩江總督何桂清等奏。江甯省城未復。本科文武鄉試請展緩舉行。從之。○以辦理江蘇江北糧臺及萬福橋軍營出力。賞知府許如駿。師榮光。朱金城。同知姚丙吉。倪楨。知州馬傳和。花翎。餘加銜升敘有差。○以克復安徽婺源縣城。

賞在籍郎中江暉直隸州知州張慶安參將胡定國遊擊蔣廷選黃熊飛都司葉憲忠花翎知府俞德基等藍翎餘升敘有差○以直隸天津礮臺失守革副都統富勒敦泰提督張殿元總兵官達年副將德魁職仍留營督帶兵勇○予江蘇陣亡知縣葉松年祭葬世職○撥密雲兵五百名赴天津防守○戊午諭內閣何桂清奏豫籌淮南引鹽銷路請派員前赴湖北察看等語候補鹽運使前任湖

北督糧道金安清現在赴部引見著該部查明該員是否到部即飭前往湖北由荆襄宜昌一帶馳赴漢口察看情形就近稟請該省督撫酌定章程奏明辦理○諭軍機大臣等前因吏船駛入海口礮臺被占諭令文彩等將未經進口沙船妥籌辦理並諭崇恩查明山東各海口收泊米船設法起運本日據文彩等奏稱江蘇鈕隆盛沙船一隻於十一日進口被夷人將船擄去搶去漕米九百餘石

據該沙船耆民稱北上時見有沙衛米船數百隻在山東石島俚島一帶停泊未敢前進著崇恩即派妥員分赴各口查明停泊米船共有若干應如何囤積倉廩陸續由運河運至通州或俟天津事定再行由海前進妥籌辦理並先飭令各海口文武將停泊各船設法保護無令稍有疏失後來船隻並著知照勿令徑赴天津其直隸各小口有無沙船停泊著譚廷襄飭屬詳查應如何設法運通即

著文彩妥為籌辦現在崇綸會同譚廷襄辦理夷務海運事宜係文彩專司著仍駐津城俟查驗米石完竣再行來京至未到米船如均在山東境內天津無可查驗俟東省議定章程後應否飭令江浙糧道前往山東各海口盤交米石之處並著文彩譚廷襄崇綸崇恩屆時酌辦將此由五百里各諭令知之○漕運總督邵燦等奏銅山昨甯捻匪回巢淮南賊燄復熾現抽調兵勇扼要嚴防得旨蔣

壩之防最為緊要雖兵勇未免單薄然須慎固藩籬以保北路○庚申諭軍機大臣等前因譚廷襄等屢次奏請添調京兵節經飭令僧格林沁等將密雲兵五百名察哈爾三四起兵一千名調赴天津本日復據譚廷襄等奏該夷大小火輪船七隻帶舢板多隻直入內河經該督等沈船下石堵塞不料夷船乘潮而上仍復開通居民遷徙兵勇潰散扼守北河及分布近城地面之兵為數無多現在

導水旁洩以涸其船各等語覽奏實深憤懣業經諭令譚廷襄等設法抵禦並於津郡以北一帶水路偵察嚴防以資補救夷船恃強直入內河兵勇懾其虛聲紛紛潰散幾至逼近津郡不知該夷雖船堅礮利為數究屬無多且係入我重地豈遂無制伏之法兵家因地制宜或囊沙遏流或沈石阻船或決隄洩水總在用我之長攻彼所短使其伎倆無所施方為得計譚廷襄等於守禦已無把握僧

格林沁久於行陣著即相度地勢默運機宜於天津以北密為防備聞武清縣之王家務天津縣之筐兒港兩處引河皆可歸入甯河縣之蘆臺入海由此洩水即可使夷船不能再行前進並著妥籌辦理至現在兵勇數既無多前調之兵一時未能到齊恐尚不敷調派如需添調京兵之處並著僧格林沁等酌量奏調以資防守將此諭令知之○又諭譚廷襄等奏夷船駛入內河並呈遞俄夷來文

各摺片覽奏殊堪憤懣該夷先啓兵端狂悖至此以情理而論直不能再與說合惟有斥回廣東與之一決所以仍俟俄味回信者因念天津為近畿重地姑與轉圜以為緩兵之計乃俄夷來文仍執進京為說又欲在天津府城會議設令該夷恃強占踞豈不蹈廣東覆轍此皆萬不能行之事該督等所稱仍示羈縻究竟如何辦法豈事事允准遂為羈縻之法耶至沈船阻水原須節節設備斷非一

二處所能阻隔。且兩岸必須有兵防守。庶使該夷拔船起碇之時。岸上即可轟擊。今覽該督所奏。似止單層一道。岸上又無兵勇。致有此失。殊堪痛恨。據稱將北運河隄決口洩水。能否使夷船涸淺。不至深入。至分布兵勇於近城一帶。固係防其內犯。然自近城至海口百餘里。豈遂置之不顧。任聽該夷勾結奸匪。要脅良民。私通貿易。日久相安。豈不以大沽為香港。而以天津為廣州。將來何能驅之使

去。該督等於夷務辦理月餘。毫無把握。這事機決裂。又不能遠守。而節節退避。設竟闖入城中。該督等又將作何收拾耶。京營官兵。惟國瑞所帶。未被衝散。則珠勒亨所帶。自必亦已退敗。著即查明。據實具奏。本日據許乃普奏。懸賞募勇。襲擊夷船。是否可辦。著將原摺鈔給該督等閱看。如可採擇。亦足懾該夷之膽。其另片所稱稽察奸民。安插水手。並廉兆綸奏。招集水手。編為義勇。各等語。如海運船

隻尚未出口。則照此辦法。亦可潛消隱患。廉兆綸所稱。辦團紳士。費陰章。鄉望未孚之處。著譚廷襄另擇素洽輿論之人。專司團練。以期得力。原摺片均著鈔給閱看。將此由六百里密諭譚廷襄。烏爾棍泰。托明阿。並傳諭錢忻和知之。○又諭英桂奏。擒匪逼近歸陳派兵堵剿。並瑛榮暫緩出省。一摺。額毫擒匪。四出竄擾。現經豫省堵擊。竄往東南。而匪蹤飄忽。難保不復行窺伺。歸陳兩郡防務。實為喫

緊。雖經英桂派令德楞額。趙書升等前赴太和。勦辦。並令遴派兵勇。駐劄毫境。策應。惟並無大員督率。深恐呼應不靈。致有貽誤。現當上忙開徵。督催固屬緊要。惟此係署任藩司專責。且英桂雖在請假。於省中一切事宜。仍可擇要調度。著該撫等斟酌情形。如軍務喫緊。即著瑛榮出省。赴歸陳一帶督剿。至蒙亳等處匪勢蔓延。既經該撫派令德楞額等往剿。即著嚴飭該總管等。迅速前進。會同江皖

官軍實力兜擊毋許遷延株守致誤事機將此由六百里諭令知之○以廢弛營伍革河南都司瑞林等職○辛酉諭內閣前因國瑞奏朝審案內胡大誘拐薛兒嚇偏成姦一案擬罪未協交軍機大臣速議具奏並因刑部未傳質證難成信讞復派翁心存瑞常秉公查覈茲據翁心存等奏稱詳細研鞫該犯於拐後偏姦一節堅不承認惟質之眾供已無疑義仍照原擬罪名定擬請旨定奪等語胡

大一犯著仍照刑部原擬入於情實即行處絞○又諭理藩院代奏察罕達爾罕呼圖克圖呈請住京一摺察罕達爾罕呼圖克圖呈請情願住京實屬出於至誠即著照所請准其住京在喇經等差使上妥為學習○諭軍機大臣等譚廷襄等奏夷船直抵津關一摺據稱十四日逆夷火輪船直抵津關在後之船亦相聯而進並未上岸滋擾該督等令府縣往見該夷請另派大臣前往共議等語逆

夷駛抵津關逼近郡城猖獗已極惟請另派大臣前往商議未必非自願轉圜現在天津設備全不足恃若再拒之必至荼毒小民本日已明降諭旨派大學士桂良吏部尚書花沙納前往查辦譚廷襄等接奉此旨即可宣示該夷告以大皇帝特派大學士尚書前來相見即可毋庸進京惟二十日以前恐不能到須少遲一二日必來會晤也天津人煙輻輳若令其在城內見面恐居民惶惑海口為

逆夷占踞桂良等亦未便前往可於離城二三十里擇地相見須陳兵防衛不可大意該夷既云先派之大臣可不再見譚廷襄等即毋庸與之接見至委員人等往來其間情形熟悉仍可隨同桂良等前往夷船既逼近郡城該處人心難免驚慌譚廷襄務當親督地方官妥為安撫以固民心仍須設法防其上駛毋得以有欽派大臣遂可卸責也懍之慎之將此由六百里密諭譚廷襄烏爾根泰托

明阿並傳諭錢所和知之○又諭本日據何桂清會同和春等奏浙東賊勢蔓延瀝陳渙散情形一摺朕前閱晏端書所奏常山開化連被賊擾即知福興統兵不能得力特加周天受提督銜督辦浙江防勦事務各路援浙之師均歸調度並諭福興將原帶官兵五千餘名酌留一半交周天受調遣其餘一半仍由該將軍督帶回駐玉山就近勦辦常山賊匪既授周天受以統領全軍之責呼應較靈即可由該總兵體察何路賊情緊急派兵往援福興雖援應衢州尚有微勞惟前此擁兵不戰致令賊匪蔓延業經革職暫留本任以示薄懲現在遂安告急並有失陷處州之信昨已據和春奏派周天培帶兵一千名前往應援此時援兵將次雲集合計兵勇已有二萬餘人如調度得宜足敷防勦至蘇杭脅齒相依和春已屢次添兵兼顧何桂清於餉糈亦能不分畛域通籌大局浙省軍務諒可望

有起色也將此由五百里諭令知之○命大學士桂良吏部尚書花沙納馳往天津查辦事件○壬戌

孝端文皇后忌辰遣官祭

昭陵○諭內閣官文等奏九江克復逆匪盡數殲除一摺粵逆占踞九江負隅久拒自湖口攻克以後官文等添募勁旅挖濠合圍並分水師十餘營駐守北面江岸賊援遂絕本年二三月間李續賓等督勇開挖地道晝夜攻擊轟塌城垣數次本月初六等日水陸各軍分攻北門及東南一帶將弁等以梯登城用火轟塌一百餘丈伏勇城中內外衝殺殲賊淨盡並將偽貞天侯林啓榮偽元戎李興隆各賊目寸磔梟示共斃賊一萬六千名九江府城即於初七日克復其逃竄之賊亦經官軍概行截殺並無一名漏網勦辦實屬奮勇在事出力員弁兵勇著官文等查明擇尤請獎候朕施恩○諭軍機大臣等御史何璟

奏請嚴防奸宄等語。京師人煙稠密。宵小最易潛蹤。現在米價增昂。饑民甚眾。竊盜日多。夷船近在天津。不免訛言四起。該御史請藉行保甲。隱寓團防。自係嚴詰奸宄。鎮定人心之意。著順天府五城嚴飭所屬地段實力舉。行。勿令吏役騷擾。至外城各門守官。著步軍統領衙門。五城等留心稽察。遇有外來形跡可疑之人。隨時嚴詰。或每門添派員弁輪流幫查。以昭嚴密。勿得視為具文。將此各諭令

知之。○又諭僧格林沁。瑞麟奏抵通布置情形。並請調黑龍江等處官兵一摺。僧格林沁等於通州東關外。運河兩岸。創營布置水陸兩路。因所帶兵力尚單。擬豫為備調。黑龍江吉林兩處官兵。已諭令景淳奕山各調五百名。其哲里木盟。昭烏達盟蒙古兵各一千名。已諭理藩院咨調。但天時漸熱。恐於水土不服。已令暫駐熱河矣。昨派桂良。花沙納前往天津籌辦夷務。能否理諭。尚未可定。設該夷

另換小船。由運河北駛。我之礮力足以禦之。著僧格林沁等在沿河一帶節節設防。托明阿現在楊村駐劄。並有珠勒亨馬步隊正可聯絡堵截。以固藩籬。譚廷襄毫無布置。天津兵勇已不足恃。所稱北河橫淺。業已決口洩水。層層阻滯。著僧格林沁等悉心體察。不可有名無實。其通州負米人夫為數甚多。著嚴飭地方官妥為彈壓。毋令滋事。將此密諭知之。○又諭昨因譚廷襄等奏請已派桂良。花

沙納馳往天津籌辦夷務矣。茲復據奏稱夷船窺伺北河。迅宜堵截等語。逆夷反覆無常。以直入北河為挾制之具。該河水勢向多淺阻。最易設防。該督等所稱決口洩水等事。必須實力督辦。務令層層阻隔。方有把握。斷不可仍前玩泄。致干重罪。桂良等約於二十一日到津。能否即與該夷說妥。尚難豫定。該督等仍當稽察奸宄。鎮定人心。以資捍衛。再聞夷船內有長髮潮勇為之嚮導。該夷來自廣

東上海難保無此等匪徒與之勾結並著該督等於沿途密查防範毋令潛入郡城將此由五百里密諭譚廷襄烏爾棍泰托明阿並傳諭錢忻和知之○又諭寄諭湖廣總督官文等粵逆占踞九江久未攻克經楊載福等督兵不分晝夜水陸環攻並開挖地道轟塌城垣將弁兵勇均各奮力先登將堅城克復勦辦深堪嘉尚此時除分兵留守九江外楊載福李續賓等統領得勝之師分道東征應先往何處著即乘此聲威安速籌辦現在和春等圍攻金陵屢獲勝仗尚屬得手惟因浙西告警江南疊次撥兵至衢州助勦鄧紹良一軍亦因賊匪欲內竄東壩高淳一帶防勦兼施兵力實形單薄九江兵勇共有若干如可分兵援應他處即著抽撥二三千名派委得力將備帶赴鄧紹良軍營聽候該提督調遣既可防守甯國等處內竄之路設或浙中喫緊亦可調往援勦楊載福等水師仍當迅

速東下節節掃除即可與江南師船聯絡一氣一旦金陵克復太平蕪湖一帶竄匪必多此時先為肅清日後易於勦辦李續賓已加巡撫銜出境後准其專摺奏事將此由六百里諭令知之○調黑龍江吉林兵各五百名來京聽調哲里木盟昭烏達盟蒙古兵各一千名暫駐熱河聽調○以克復江西九江府城加湖廣總督官文湖北巡撫胡林翼太子少保浙江布政使李續賓巡撫銜按察使銜道員彭玉麟布政使銜副將李濟清總兵銜賞李續賓並福建提督楊載福黃馬褂副將李續燾雷風雲巴圖魯名號知縣蕭積仰守備鄒玉堂胡鎮南何昌登花翎從九品毛有銘等藍翎餘加銜升敘有差予陣亡都司朱春堂劉正南千總謝芝輝葉定海尹得榮把總蕭楚勝譚占秋陳仕炳李續佳毛汀泗李林盛外委鄧榮堂李光耿王功義舒才錦黃澤和祭葬世職○予江西吉安府殉節按察

使周玉衡建立專祠。予恩慶炎暨家丁魏璜等。一併附祀並賞其嗣祖父母。本生祖父母。父母。二品封典。○癸亥諭內閣德興阿奏官兵進剿來安縣城克復一摺。皖匪竄陷來安經翁同書於四月初七日飭穆克登額等帶隊進剿。踹毀南門外賊壘一座。斬俘不可勝計。初八日分三路進剿。直撲城根。鄧鳳林等立梯登城。魁霖等焚燒城門。馬步兵勇四面圍攻。該逆抵死抗拒。賊援紛至。東北門出賊二三千名。經鄧鳳林等分堵。斃賊多名。富明阿等迎截。賊屍徧野。紛紛敗竄。官兵追殺二十餘里。斃賊無數。翁同書督隊乘勝進攻。該逆開礮拒禦。我軍乘勢下城。遂啓南門。兵勇繼進。內外夾擊。共殺賊二三千名。生擒長髮悍賊二百餘名。立將來安縣城克復。救出難民一千餘名。此次進剿來安。乘勝急攻。迅拔縣城。殲賊淨盡。辦理甚為妥速。在事出力文武員弁等。著准其擇尤。併案奏請獎勵。○諭

軍機大臣等。戶部奏近來糧價又復驟長。鐵制錢亦漸有壅閼之象。必有奸商蟠結牟利情弊。亟宜豫遏其萌。請飭嚴密稽查等語。糧價錢法。食用攸關。豈容奸商把持盤踞。任意低昂。著順天府。五城。各飭所屬。嚴密訪查。如有糧店錢行。或高擡價值。阻撓圓法之人。即行拏究。以示懲儆。毋庸張貼告示。使民間不至先行訛傳。轉滋惶惑。將此各諭令知之。○又諭譚廷襄等奏。夷船窺伺北河。因水淺退回一摺。喫夷小火輪船一隻。行至北河王家莊。即被淺阻。漸漸退回。諒該夷不敢遽行北駛。桂良。花沙納。不日抵津。與該夷會晤。惟初次接辦。於其中曲折。尚恐未能深悉。著崇綸。隨同接見。以便將從前辦理。准駁之處。隨時申說。不為該夷所蒙混。至相見時。應照會該夷。將夷船退出。或十數里。或數里。方可與之會議。所稱奸民煽惑。此時雖未便輕動。該督仍督率地方官。妥為彈壓。僅有土匪滋事。即

行從嚴懲辦。商人張錦文辦理城關練勇。既能得力。著即責成該商認真經理。將此由五百里密諭譚廷襄、崇綸、烏爾棍泰。並傳諭錢忻和知之。○又諭勝保、袁甲三奏攻剿六安逆匪。屢次克捷。請飭英桂迅即派兵助剿。一摺。前因六安兵力尚單。諭令英桂將前調陝甘兵二千名內酌撥一千名赴徐宿協剿。尚餘一千名。即著勝保催赴六安。嗣據英桂奏陝甘後起官兵一千名尚未到齊。因六安緊

急。擬即派赴勝保軍營。是此項官兵日內計可馳抵六安。勝保等即可以資攻剿。其撥往徐宿之陝甘兵一千名。是否堪以調歸六安。著英桂等酌量情形辦理。現在六安勦匪疊次獲勝。功在垂成。自應厚集官兵。迅圖克復。本日已諭知官文。即令李續賓統領九江得勝之師。先赴六安。勝保等得此勁旅。兵力已厚。務當迅克州城。所奏山西兵一千名。可留交朱連泰會合豫省官兵辦理。太和一帶餘

擒自可保固豫疆。英桂等仍當遵照前旨。如歸陳情形喫緊。瑛瑛即出省督剿。毋任捻匪分竄。至袁甲三前已諭令馳赴徐宿一帶。臨淮等處。已諭勝保添兵前往。並著嚴飭黃元吉等竭力防剿。由臨淮兼顧清流。毋稍疏虞。將此由六百里各諭令知之。○又諭福濟奏滙陳苦衷。自請嚴議。並片請飭德興阿等速撥馬隊及李孟羣全軍赴廬援應等語。本日復據德興阿奏。皖營撥兵未到。請飭該撫催

令速赴全滁等語。福濟株守廬州。不能出奇制勝。牽制賊勢。致令全滁等處相繼失陷。雖因地處當衝。兵單賊眾。而一籌莫展。咎實難辭。乃累次陳奏軍情。總以各路統兵大臣未肯協助為詞。如果他處兵力有餘。自宜分撥應援。即如六安被陷。勝保、李孟羣等越境進攻。和金吉急。翁同書、鞠殿華移師往剿。以及都興阿之進取宿太。皆係皖省地方。並不稍分畛域。該撫但知責備他人。自問豈無愧耶。

前因該撫奏請已諭李孟羣迅赴廬州軍營
昨因官文等奏楚軍克復九江府城復諭李
續賓等即日東征先同勝保克復六安再往
廬州等處相度情形先其所急次第攻剿本
日復據德興阿奏翁同書攻克來安縣城勝
保等奏圍攻六安大獲勝仗福濟果能與德
安鄭魁士李孟羣同心勦力勿徒專顧一隅
可期漸有起色至來安克復後鞠殿華等復
於初四日在滁州以少勝多現在塔思哈攻

勦全椒亦獲勝仗著飛飭該員會同江北之
兵兩省合剿以杜北竄勿再延玩干咎將此
由六百里諭令知之○又諭官文等奏九江
克復已諭令楊載福李續賓等統領得勝之
師分道東征應先往何處即行妥速籌辦本
日據勝保等奏現在攻取六安屢次克捷功
已垂成惟官兵僅有二千餘名不敷攻剿附
近賊船尚有數百竄突堪虞所調豫省官兵
又因歸陳防堵不能即時前往須厚集兵力

方可迅復州城福濟亦以廬州兵力不敷奏
請添兵著李續賓即帶九江得勝之師先行
馳赴六安會同勝保奮力圍攻俟六安克復
再赴廬州一帶相度情形先其所急次第攻
剿該藩司奮勇過人乘此聲威諒必能所向
成功其宿太一路賊匪並著都興阿迅速掃
除毋令蔓延將此由六百里各諭令知之○
廣東巡撫柏貴奏軍務未平貢院疏舍尚須
修造本年文武鄉試俟善後完竣奏請開科

從之○以刑部尚書麟魁兼署禮部尚書○
以惇郡王奕誼署鑲白旗滿洲都統正白旗
領侍衛內大臣德木楚克扎布署鑲藍旗漢
軍都統○以江蘇紳士郎中銜郁松年捐輸
上海善後經費永廣松江府文武學額各十
名上海縣文學十名武學九名並賞郁松年
鹽運使銜○以河南固始解圍賞防禦常海
卓立布委防禦烏章阿巴圖魯名號參將恆
德雙興斌陞防禦春喜等花翎七品軍功馬

起蘭等藍翎餘加銜升敘有差○以克復安徽來安縣城候補侍郎翁同書下部優敘賞副都統富明阿頭品頂帶協領常壽巴圖魯名號守備王家幹花翎餘加銜升敘有差○以天津馬隊退散革正黃旗護軍統領珠勒亨職仍留任○甲子諭內閣前據御史來儀奏參奉天海城縣知縣鮑師釗貪污不職各情當交慶祺嚴參懲辦茲據該將軍等訪查鮑師釗在典史任內赴廟行禮至下馬牌未

曾下馬失察家人私受商船飯錢且於本城紳商為其母祝壽餽送禮物輒行收受實屬不知檢束鮑師釗著即革職以示懲儆○諭軍機大臣等昨據譚廷襄奏嘆夷小火輪船至北河王家莊即被淺阻漸漸退回是該夷此時不敢遽行北駛仍應於水陸兩路節節設備以免疏虞據軍機章京焦佑瀛呈稱北運河岸楊村有壩一道南運河岸靜海縣以上亦有壩一道若啓放洩水則天津海河來

源已斷可使夷船閘淺等語北運河一帶瑞麟已前往查看其南運河是否可以照辦著僧格林沁即派妥員會同該地方官查明辦理原呈著鈔給閱看將此諭令知之○又諭伊興額史榮椿奏捻逆分竄徐境請飭催援兵添調勁旅一摺並請令傅振邦來徐等語徐州為北路門戶捻匪分擾蕭礪闖入豐沛勢甚猖獗恐由舊黃河北岸直趨徐城伊興額史榮椿兵力不敷自應酌撥會剿前諭袁

甲三帶兵赴徐宿一帶當此軍務喫緊著即迅速前往勿稍遲延傅振邦前在徐州屢著戰功現在江南駐守灣沚著和春張國樑飭令該總兵酌帶兵勇千名迅赴徐州應援其灣沚要地另派得力大員駐守毋少疏忽至伊興額等請調吉林黑龍江馬隊現在各路軍營皆無可分撥其四川川北建昌官兵道途遙遠更恐緩不濟急均毋庸議惟前諭英桂撥陝甘兵一千名又令在河南各營內酌

撥一二千名前往徐宿何以至今尚未前往昨據勝保奏調陝甘兵當諭英桂等酌辦現在徐州賊勢鴟張著英桂瑛榮即飭此項陝甘兵一千名仍赴徐州毋庸調往勝保軍營此外豫省尚有可撥之兵並著就近酌量調往以資協剿至山東與徐州接壤前據崇恩奏嶧縣鄆城等處添派防兵自千名至六七百名不等著崇恩酌抽此項防兵即飭得力將弁管帶出境交伊興額調遣以厚兵力伊

興額史榮椿先就現有兵力妥籌布置袁甲三及河南山東援兵到徐諒必迅速也將此由六百里各諭令知之○又諭前因扎拉芬奏奏請於伊犁等處舉行茶稅豫為華商貼補夷圍貨物地步已諭令照議辦理准其分年貼補茲據該將軍奏稱上年督徵茶稅著有成效每年貼補之資業已稍有著落惟該夷來文意存要挾以營務處前給臣蘇勒官回文已允其賠償並有派出兵隊之語微寓

恐嚇扎拉芬奏現已妥為咨覆俟該夷官入卡會議時再以情理開導所籌甚為妥協著該將軍即行相機辦理將來以茶稅為華商貼補或不致另生枝節一面仍飭卡倫弁兵嚴密防範毋稍疏虞至所呈該夷來咨及咨覆文件已飭理藩院行知該國薩納特衙門查照矣將此諭令知之○又諭據倭什琿布奏躡獲鉛鑛現籌招商試挖請飭傳諭蒙古人等不得攔阻致誤採挖一摺據稱都蘭哈

喇地方查有鑛錫係前任都統賡福等曾經試採後因工本不敷奏請封禁現在鉛苗旺盛經該都統委員招商帶同民夫前往試行採挖設廠鎔鍊惟該處與烏里雅蘇台及科布多蒙古地界毗連山中小路分歧難保不滋生事端著慶如麟翔傳諭該蒙古人等不得攔阻致誤開採並著倭什琿布嚴飭該委員等妥為彈壓毋令夫匠人等濶入蒙古境內致滋擾累將此各諭令知之○予河南勦

匪陣亡外委王青山。祭葬世職。建立專祠。武生馬永清優卹。同時被害知縣胡燕清妻常氏暨子女。並幕友潘芷香。分別旌卹如例。○調察哈爾續撥官兵一千名。赴科爾沁親王僧格林沁軍營。聽候調遣。○乙丑諭軍機大臣等。前因夷船駛抵津關。復圖窺伺北河。節經諭令譚廷襄等將決口洩水等事。迅籌安辦。並諭僧格林沁等。悉心體察。於運河兩岸節節設防。以資堵截。本日復據修撰張之萬

奏。北運河自津郡而上。為西沽。再上為桃花口。蒲口。楊村。而楊村市鎮較大。為剝船停泊之所。易啓夷情窺伺。請飭帶兵大臣統籌形勢。先據要隘。即於楊村以下。擇河流曲折處。或下木椿。或用囊沙。層層堵塞。即以我精銳之師列營屯守。該夷斷不敢舍舟登陸。各等語。夷船現欲汴流北駛。以為挾制。雖其小火輪船於王家莊阻淺退回。而當此夏令雨多。河流恐其復旺。必得層層阻隔。使不得乘

潮而上。方免意外之虞。著僧格林沁。瑞麟體察情形。妥籌辦理。至前諭於王家務窪兒港兩處引河洩水。聞居民恐田地被淹。多不樂從。該處河流本有入海故道。即昨日焦佑瀛所呈各河口。皆係減水引河。原於民田無礙。但恐任意開放。浸及民田。轉致民間惶惑。著僧格林沁等。妥籌啓放。毋拂輿情。將此密諭知之。○又諭。本日據譚廷襄等奏。夷船退回三岔河待撫。惟探聞該夷船內暗帶潮勇。且有步隊。近日海外又有續到之船。該夷復因望海樓有空屋數間。堅欲暫住。禁阻不聽。情形實為叵測。請嚴防陸路北竄。茲復據譚廷襄等奏稱。四國夷酋投遞公文。以現聞欽差來津。如果有全權。便宜行事。或准或駁。皆可定議。否則伊等仍須進京。水路難行。必改陸路。儻有人攔阻。必行抵禦。各等語。現在諭令桂良等接見該夷。俟如非不情之請。即可量為斟酌辦理。惟逆夷要求多款。勢難悉如所

請一有不遂其欲竟恐豕突狼奔由陸來犯現派伊勒東阿統領京兵九百名前赴通州著僧格林沁等速即查明何處為天津赴通水陸必由之路俟伊勒東阿到營即飭帶兵駐劄作為前敵至僧格林沁營盤似宜酌量移至後路八里橋一帶相度要隘駐守該夷設竟來犯即著督飭將士截擊該親王在後調度仍宜格外慎重不可輕於一試致損國威現在京中已派惠親王怡親王載垣鄭親王瑞華辦理城內一切防堵事宜僧格林沁如有緊要情形即可飛咨商辦將此密諭知之○又諭早間譚廷襄等奏夷船退至三岔河靜候欽差會議旋復據呈遞四國來文以欽差大臣必須有全權便宜行事銜名如從前者英者方可會議否則仍欲進京竟由陸路行走儻有人攔阻即行抵禦等語其狂悖無理深堪髮指現在既派桂良花沙納前往定議與譚廷襄在大沽接見時已不相同彼

時夷船尚在海口亦未開仗尚冀以理折其驕心今則要挾愈甚益肆披猖惟有先釋其疑再與理論另發去寄諭一道即照道光年間寄著英伊里布款式繕寫其中略有更易儻各夷索閱即將此旨示之告以既有此旨豈尚不能便宜行事但非理相干之事必難允准者本大臣亦即便宜回覆並非事事皆准方為便宜全權也該夷人眾船多或恐不遂所欲肆行要挾尤不可以不防當接見之時譚廷襄務飭帶兵各大員嚴為防護盛陳兵衛以備不虞儻稍不留意致有意外之變譚廷襄一誤再誤罪無可逃即國瑞珠勒亨富勒敦泰防護不力亦必重治其罪陸路防堵事宜已諭僧格林沁等妥辦矣將此由六百里各密諭知之○又諭前因各國有懇求事件譚廷襄等辦理不善特派桂良花沙納馳往天津安籌商辦惟據各該國照會尚以桂良等不能作主為疑著桂良花沙納劉切

開導。如果事在情理。真心戢兵。但於中國無傷者。定可允准。不必更生疑慮。桂良等經朕特簡。務須慎持國體。默察人情。除非禮相干各款外。有應行便宜行事之處。即著從權辦理。勉之。將此諭令知之。○又諭前因楚軍攻克九江。諭令李續賓統領得勝之師。馳赴六安會剿。其宿太一路賊匪。即令都興阿統兵勦辦。本日據官文等奏九江湖口等處由鄂省分兵防守。李續賓擬酌帶兵勇渡江。先清皖北。再議皖南。並於九江設立糧臺。轉運軍火等語。所籌進剿機宜。與前降諭旨相符。其以九江為扼要。更屬切中形勢。即照所議辦理。惟九江道沈葆楨久在廣信。深得民心。現在江西賊匪竄入浙境。廣信郡城正當喫重。沈葆楨尚未可調回本任。所有九江設立糧臺。著官文、胡林翼另派廉幹大員。妥為經理。至楚兵深入皖境。米糧軍火必須地方官員隨同照料。呼應較靈。即著福濟派員繞道分

赴都興阿、李續賓行營。設立隨營支應局。會同楚省委員辦理。其糧餉等項。恐皖省無從措辦。仍著由湖北籌撥接濟。至各州縣克復以後。自難處處留兵防守。著即責成福濟慎選賢良安輯難民。辦理團練。自行保衛。儻有竄匪。即由皖兵策應。方可以次肅清。福濟務當振刷精神。悉心籌畫。以期相與有成。將此由六百里各諭令知之。○又諭福興奏衢城連日獲勝情形。並晏端書奏處州失陷。現籌堵扼各一摺。前因常山失守。玉山聲息難通。福興專顧衢州。恐與江西隔絕。特命該將軍將原帶之兵酌分一半回駐玉山。並派周天受督辦浙江軍務。今覽福興及晏端書奏報。似皆未接奉前旨。而軍情旦夕變遷。處州既陷。周天受已遠赴東路。福興在衢尚能疊獲勝仗。著即暫留該郡。俟東路賊情稍鬆。周天受力能兼顧全軍。該將軍再赴玉山。賊既闖入處州。金華喫重。又有龍游防堵。兵分力單。

深恐難資禦侮。桃花嶺為由處州下竄要隘。明安泰既由此前進。即著嚴扼此路。俾賊眾不能竄出金華。然後周天受親統全軍分路進剿。可期得手。衢州雖獲勝仗。而江常兩路匪徒源源踵至。著該將軍督飭饒廷選等奮勇進剿。漸次廓清。該撫所調甯防勇一千二百名。並江南撥來周天培所帶兵勇一千餘名。指日到浙。江西所撥兵勇一千餘名。亦當調到。兵力實已不少。總須布置得宜。方能兼

顧。周天受膺此重任。著與晏端書統籌大局。以保全浙。將此由六百里各諭令知之。○又諭官文等奏請飭四川等省協濟軍需等語。湖北省進剿江皖賊匪。派出兵勇約有五萬餘人。月費軍餉為數不貲。現在九江郡城業已克復。李續賓等即日移師東下。越境追剿。埽蕩皖省南北兩岸賊蹤。正資得力。餉需尤不可缺。四川。山西。陝西。每月協濟湖北軍餉銀各五萬兩。據官文等奏本年惟山西解到

一萬兩。陝西解到二萬兩。四川解到三萬兩。欠解尚多。難資挹注。自係實在情形。著王慶雲。恒福。曾望顏查明各該省應解湖北軍餉。迅速陸續籌撥。解赴湖北。以濟要需。將此由五百里各諭令知之。○革職留任直隸總督譚廷襄等奏。夷船退回三岔河待撫。因天熱暫駐望海樓空屋。得旨。住房實豫為通商地步。不聞居民有起而阻之者。人心若此。可勝浩歎。又奏請嚴防陸路北竄。臣誓與津存亡。

得旨。汝節制全省。豈止守一津郡。若如是自誓。實為有負委任。如大局何。不料汝竟有此想。乖謬已極。○派八旗護軍營兵八百名。左右翼兵各五十名。交正白旗護軍統領伊勒東阿統帶。前往通州。聽候科爾沁親王僧格林沁調遣。○予湖北陣亡副將張文煥。都司謝國俊。胡達。千總熊世定。李子珍。把總許國泰。杜志立。朱瑞。武黃梅。素外委李承祿。周楚德。祭葬。世職。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十一

中華書局影印

四十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十二
欽修
咸豐八年戊午四月丙寅諭軍機大臣等現
在天津海口有瑛咭喇等國夷人占踞礮臺
小火輪船行抵王家莊地方因水淺不能前
進聲言欲由陸路進京已派大學士桂良等
前往查辦並令僧格林沁駐劄通州一帶扼
要堵截近畿地面均經布置防守惟恐該夷
一經登岸必致任意竄突馬蘭泰甯兩鎮為
陵寢重地必應慎密設防且恐有附近土匪乘
機竊發著綿森載齡會同載華端秀載容載
葆等督率兵丁加意嚴防認真巡緝毋令奸

究涸跡。不得稍涉疏懈。將此各諭令知之。○又諭僧格林沁。瑞麟奏。遵覆運河水陸設備情形一摺。所稱河壩高於水面之處。自未便宣洩。其平家灘等處。即著照議辦理。德州泗女寺。及東昌城外之攔水壩。亦著照所請。妥為籌辦。本日據朱鳳標等奏。將衛河西河之水。一律宣洩。海河即可立涸。可制夷船使不能退等語。著將原片鈔給僧格林沁等閱看。悉心酌辦。現在水路之防。以洩水為要著。而

陸路之防。尤應嚴密。所有珠勒亨等所帶馬步各隊。凡在天津迤北者。統歸僧格林沁節制調遣。至現在需兵甚急。所有後調之察哈爾兵一千名。仍聽其來京。毋庸截留口外。將此密諭知之。○又諭。昨據官文等奏。九江克復。擬令李續賓帶兵先清皖北。再議皖南。當經諭令李續賓先赴六安。本日據朱鳳標。許乃普。沈兆霖奏。浙省軍情緊急。請飭李續賓到任。即可辦理軍務等語。浙江省。自江西賊

匪由廣豐竄入後。連陷江山。常山。開化。處州等郡邑。圍攻衢州。上游各府。悉行震動。現在福興。周天受等帶兵分剿。兵力本尚不足。李續賓本任浙江藩司。新克九江。聲威頗壯。著官文。都興阿。胡林翼。將皖北一路進剿事宜。應派何員接辦。熟為籌酌。即飭李續賓簡帶所部精兵。迅速赴浙。其應否由南昌饒信。直抵常山。抑或由蘇入浙。路尚可通。並著李續賓酌量遵行。將此由六百里諭令知之。○頒

給科爾沁親王僧格林沁。欽差大臣關防。督辦軍務。○賞已革工部員外郎耆英。侍郎銜。辦理夷務。○命兵部侍郎王茂蔭。內閣學士宋晉。疊五城御史。辦理京城團防事宜。○以鄭親王瑞華。為步軍統領。○調正白旗滿洲副都統文清。為鑲白旗滿洲副都統。鑲白旗滿洲副都統熙拉布。為正白旗滿洲副都統。鑲紅旗漢軍副都統連成。為正白旗漢軍副都統。正白旗漢軍副都統戴崇。為鑲紅旗漢

軍副都統○以散秩大臣穆隆阿○委散秩大臣文謙○署鑲黃旗蒙古副都統○署刑部左侍郎文祥○都察院左副都御史書元○署鑲黃旗漢軍副都統○內閣學士雙福○署正黃旗滿洲副都統○太常寺卿察抗阿○署正黃旗蒙古副都統○通政使司通政使奎章○正黃旗滿洲參領平瑞○署正紅旗蒙古副都統○頭等侍衛福鈴○正黃旗漢軍參領景紋○署正紅旗漢軍副都統○鑲紅旗滿洲參領博銘○署正藍旗滿洲副都統○鑾儀衛冠軍軍使奕貴○署正藍旗蒙古副都統○鑲黃旗滿洲參領文永○署正藍旗漢軍副都統○散秩大臣德鑑○署鑲藍旗漢軍副都統○正藍旗蒙古副都統托雲○署正白旗護軍統領○正黃旗護軍統領載堪○署管寶坻等四處官兵事○令署密雲副都統哈福那○署宣化鎮總兵官烏忠阿○挑選精兵○親帶來京○聽候調遣○丁卯○諭軍機大臣等○桂良○花沙納○於十九日啟程○二十一日可以抵津○當已

會同崇綸○接見四國夷酋○俄咪是否仍理前說○啖佛兩酋有何籲請○想該大學士等○定將詳細情形奏報在途矣○昨降諭旨○賞着英侍郎銜○辦理夷務○因道光年間○與啖夷訂立和約等事○均係該員經手○故此仍令前往辦理○桂良等可令委員傳知該夷酋等○並密探夷情若何○至該夷要求各款○一時自難說定○可告以俟者○英到津後○再為酌辦○咪酋前進國書內○僅有墨匡寫國璽兩字○未用該國之璽○未知何故○此係崇綸經手之事○可於見咪酋時問之○將此密諭知之○又諭○昨降旨○派着英前往天津○辦理夷務○所有文武委員○即著於直隸地方營汛內○調派委用○一切奏報文移○即借用直隸總督關防○以資便捷○所有議撫事宜○專歸着英辦理○譚廷襄毋庸會辦○將此由四百里密諭知之○令惠親王○怡親王○載垣○鄭親王○瑞華○軍機大臣○吏部○石侍郎○穆蔭○工部○左侍郎○杜翰○專辦京城各旗營巡

防事宜。○戊辰諭內閣。勝保。袁甲三奏。官軍克復州城。並追剿餘匪一摺。逆匪踞六安州城。經勝保等督兵圍攻。本月十一日。該逆出撲官軍新營。勝保親督穆騰阿等。各率馬步兵勇。分路抄截。繞至鳳凰橋。尚家廟一帶。迎斬悍賊百餘名。賊眾敗逃。次日。該逆又擁大股搶過河西。分撲鳳凰橋。新集等處營盤。副將王鳳祥等。分督兵勇。開礮轟擊。賊眾潰走。官軍分途追殺。賊屍枕藉。另股接應之賊。亦

經官軍擊退。乘勢趕殺。四五百名。其撲擾河東營盤之賊。均經袁甲三督飭兵勇。擊斃甚多。十二日夜間。參將賽沙布等。繞抵六安。搶過城濠。爭豎雲梯而上。在城內應之許原如。楊邦本等。將城門大啟。兵勇一擁而入。賊匪亡命分竄。未經逃脫之賊。經官兵沿街撿殺三千餘名。救出難民二千餘人。立將州城克復。餘賊擁船下竄。經兵勇兩岸截殺無數。並擊沈賊船一百餘隻。斃賊二千餘名。淹斃不

計其數。生擒張樂行之叔張玉明。龔得之姪龔玉。及其戚黨多名。追剿亦屬得手。在事出力員弁紳練。著勝保等擇尤保奏。候朕施恩。○諭軍機大臣等。本日據侍講許彭壽奏。夷人專恃火器。廣東百姓與夷人陸路接仗。每先開挖濠溝。使該夷技無可施等語。著將原片鈔給僧格林沁。瑞麟。閱看。即著該大臣等體察地勢情形。密為豫備。將此密諭知之。○又諭。本日據侍講許彭壽奏。聞人傳說。廣東

紳士督率義勇。大舉勦夷。連獲勝仗。現在天津海口。漢夷船隻。已退回二隻等語。此事出自傳聞。未知確否。該夷斷不肯揚言。即桂良等亦未便詢問。惟有密加察訪。觀其動靜。以證此事之有無。如果該夷因廣東受創。即有去志。必不願在此多延時日。桂良。花沙納。可與議定大概。使該夷迅回粵東。聽候辦理。亦屬迎機利導之法。俟接見後。若何情形。再行馳奏。將此由六百里密諭知之。○又諭。勝保。

袁甲三奏。攻克六安。現籌迎勦一摺。六安既經克復。餘孽未盡殲除。亟應盡力進勦。以淨根株。勝保等所帶兵勇。將勦復他處。勢難為一州一縣留守。李孟羣已有旨令其前往廬州。恐不能赴六安布置。前經諭知福濟。各州縣克復以後。令其慎選賢良。安輯難民。辦理團練。自行保衛。此時該州知州茅念勛既屬得力。著即咨明福濟。令其經理。儻有借資兵力之處。亦須以皖兵為主。而以客兵策應。皖省州縣旋得旋失。視為故常。皆因州縣不得其人。殊堪痛恨。此次六安州城。勝保等既以全力克之。豈可再有疏失。前有旨令袁甲三赴徐宿一帶督勦。茲據奏六安餘匪未淨。暫難分身。著准其暫緩啟程。會同勝保追勦一俟竄匪肅清。仍當遵旨前往。勝保所稱相機南下。是否先行進勦舒桐。現在九江得勝官兵已分路東下。先清皖北。勝保等正可會合夾攻。次第克復也。將此由六百里諭令知之。

○又諭崇恩奏截留米船。籌議起卸等語。山東收口米船。前已催令開行。嗣因接奉諭旨。復經崇恩飛飭沿途文武。分別截留起卸。此時或不致全數出境。其在後米船。為數尚多。現在籌議起卸一切章程。該省均無案據。著文彩等。即飭江浙兩省糧道。即日由陸路前往山東。由崇恩飭赴海口。會同山東派出委員。分別驗收。刻下抵津米船。未經起卸者。急切尚難運通。文彩著仍暫駐天津。毋庸回京。將此由五百里諭令知之。○添派吏部尚書周祖培。刑部尚書趙光。工部尚書許乃普。會辦五城團防事宜。○調暫駐熱河哲里木盟昭烏達盟蒙古兵各一千名。迅速來京聽候調遣。○以克復安徽六安州城。賞副都統明慶。頭品頂帶都司黃得魁。巴圖魯名號。予陣亡協領楚勒剛阿。祭葬世職。如副都統例。佐領亮志。祭葬世職。如遊擊例。○己巳諭內閣。理藩院代奏章嘉呼圖克圖之呼畢勒罕。請

旨進京瞻觀天顏一摺。章嘉呼圖克圖之呼畢勒罕呈請進京。實屬出於至誠。即著照所請。准其進京瞻觀。○又諭德興阿奏官軍攻克烏江賊巢。大獲全勝一摺。本月十五日。烏江賊匪糾和州賊匪徑撲石磧橋。記名副都統海全協領烏爾恭額等帶兵奮擊。追至烏江。記名總兵英貴帶領步隊由高旺馳至。該逆分股排列。海全直擣中堅。官軍四面兜裹。殲殺殆盡。義勇首先薄壘。火光四起。諸壘悉

下。河南賊匪復出二千餘名。分排南岸。我軍過河直撲賊壘。居民幫同殺賊。岸南各壘亦登時俱毀。其由小徑奔赴和州者。經官軍追至赤泥壩地方。盡力殲除。海全馳突賊中。手刃尤多。共計殲賊三千餘名。賊目多名生擒。五百餘名。斬獲首級七百餘顆。烏江賊壘一律踏平。勦辦甚屬得手。出力員弁兵勇著德興阿彙案會保。候朕施恩。○諭軍機大臣等。僧格林沁奏籌防陸路及運河宣洩事宜一

摺。僧格林沁劉營通州東關外運河兩岸。既與八里橋相去不遠。自毋庸移動。采育地方既為進京要路。即飭伊勒東阿帶兵嚴防。楊村係水陸最要之地。托明阿在彼駐劄。所有原帶官兵及國瑞所帶之兵。均歸併楊村。飭令妥為布置。所有弁兵。即著嚴加約束。毋許滋擾居民。據英隆奏熱河兵丁僅存千餘名。現派兵五百名。分三起前進。此項官兵抵通後。著僧格林沁等酌量布置。至啟壩洩水。必

須相度地勢。體察民情。方為有益無損。山東泗水寺等處。應派大員前往查勘。崇綸現隨桂良等開導逆夷。著烏爾棍泰馳赴山東。並諭崇恩派委妥員會同查勘。總須與民田無礙。方可議及拆壩。不可強拂輿情。至青縣之興濟城。滄州之捷地鎮。本係南運河減水壩。如可設法宣洩。即飭國瑞悉心籌辦。將此密諭知之。○又諭前因譚廷襄奏以守一律郡自誓。當於摺內嚴切批示。並諭該督飭令帶

兵大員嚴密防範。茲聞三岔河口所泊大火輪夷船。即係十九日由紅橋退回之船。時有夷匪登岸閒遊。並於望海樓、海佛寺、閱海寺修造工作。本地之人皆為所用。將成夷館。天津城內鋪戶居民。已大半遷徙。僅知縣典史在署居住。並無官兵防守。民勇亦不知散居何處。渙散情形。聞之實深憤懣。譚廷襄現尚留任。責無旁貸。若任令居民為夷所用。必至津郡被其占踞。與廣州情形一轍。該督等亦將為夷人所制。豈不寒心。譚廷襄失事於前。朕不即加嚴譴。此時有何補救。當與地方文武激發天良。密計圖維。以冀挽回大局。將此由六百里密諭知之。○又諭前據官文等奏。遵挑荊州駐防旗兵。訓練馬隊。以資攻剿。所辦甚好。本日復據德興阿奏。於滿營馬隊外。挑選膽壯馬匹。分派綠營習練。臨陣頗資得力等語。馬隊一項。如果訓練有方。雖不及吉林黑龍江之勁銳。而於攻剿亦大有裨益。現

在各路用兵。紛紛請撥吉林黑龍江馬隊。該二省存兵。實已無可再調。業經諭令德興阿。再行挑選馬兵。勤加訓練。多多益善。因思軍營馬隊不敷。均可照此辦理。既免徵調之煩。兼可漸增勁旅。著官文、都興阿、勝保、袁甲三、福濟、德安、伊興額、史榮椿等。各就所部兵勇中。挑派精壯兵丁。操練馬隊。以期得力。將此由六百里各諭令知之。○又諭。現在江北剿辦逆匪。正當喫緊之際。各路督剿馬隊不敷。應用著樂斌於陝甘督提二標下。挑選馬隊二百名。派委得力將弁。並軍裝器械。迅速管帶啟程。前往德興阿軍營。聽候調遣。毋稍遲延。並著樂斌酌量情形。如能於二百名外。多為添撥。更足以資攻剿。將此由六百里諭令知之。○福建臺灣鎮總兵官邵連科奏。巡閱南北兩路水陸營伍。得旨。海外重地。戎政最為緊要。毋因校閱甫竣。稍涉疏忽。仍應時加防範。以期靖謐。○以頭等侍衛托明阿為直

隸提督。已革提督張殿元留營差遣。○以攻克安徽烏江賊巢。賞記名副都統海全頭品頂帶。協領烏爾恭額。以副都統用。協領舒通額。副都統銜。記名總兵官英貴。協領富明阿。巴圖魯名號。都司劉潤。花翎。餘加銜升敘有差。○以安徽麻埠勦匪出力。賞直隸州知州伍成功。都司余清安。守備李鴻鈞等。花翎。知縣何明等。藍翎。餘加銜升敘有差。○以隨同克復安徽六安州城。予參將盧又熊。以副將選用。○以河南固始解圍。賞參將曾秉忠。都司陳添潤。劉光福。巴圖魯名號。知州劉毅。委佐領阿習達。守備楊光澤。唐萬清。黃國安。高武三。劉萬高。謝人貴。黎立功等。花翎。州同張晉潤等。藍翎。餘加銜升敘有差。○庚午。諭軍機大臣等。桂良。花沙納。奏。劉津後。知照各夷。分日相見。於二十三日。與英首領。爾啞。會晤。該酋將伊國王所給敕書。關防相示。桂良等。告以中國查辦事件。向無敕書關防。該酋願

懷疑慮。並未說及要求之事。桂良等。擬託俄夷代為開導。惟俄夷前來說合。實為自請通商地步。迨允其通商。又稱英。俄二夷。必欲進京。如果不允。伊即不管此事。是俄夷已遂其所求。全不足恃。若仍託該夷說合。恐徒勞無益。咪夷與英。俄同在海口通商。已閱多年。此次在津。與譚廷襄等接見。尚無狂悖情形。桂良等。若向其理論。或能勸英。俄息事。俟二十日接見後。體察情形。酌量辦理。昨派耆英。辦理夷務。原因從前定立和約。皆其一人經理。且在粵多年。於各國情形。熟悉。冀有把握。茲據恭親王奕訢奏。請旨飭下耆英。務須責該夷。滋擾粵東。及撲犯津門之舉。先折其氣。而後俯順其情。不可一味示弱。致蹈從前覆轍等語。所奏不為無見者。英此次經朕棄瑕錄用。訓諭諄詳。深望其實心任事。消弭切近之患。以贖前愆。諒耆英必當感恩思奮。此時如接見英。俄二夷。先責其在粵何故背約。與

兵。及到天津。既為說合而來。不當先行開戰。闖入內河。從前所定萬年和約。不料今日至於如此。耆英既原辦之人。自可與之正言講理。折其驕慢之氣。然後設法羈縻。庶可尊國體而戢戎心。若將萬不可行之事。代為乞恩。耆英具有天良。當不致為他人所逆料。朕既起用耆英。畀以重任。不得不剴切指示。冀其仰體朕心也。懍之慎之。將此由六百里密諭知之。○又諭。譚廷襄奏。夷情稍定。已退出船

二隻。並辦理防護情形。該督現既擇游民之強者。作為勇目。務當妥為約束。毋令民夷雜處。致滋勾結。並懍遵昨日諭旨。密計圖維。毋得以仍在議撫。防範稍形鬆懈。現在夷船雖不能遽行上駛。聞帶有潮勇。及閩廣匪徒。難保不由陸路窺伺。所有帶兵各大員。必得勇敢出眾。方足以資表率。據光祿寺少卿焦祐瀛奏。開州協副將田在田。前在山東督練殺賊。頗能得力。堪為前敵。著該督即飭該員迅

赴通州。交僧格林沁聽候差遣。所奏將國瑞原帶馬隊五百名。並續撥內火器營兵五百名。仍留津郡之處。著仍與僧格林沁咨商辦理。如楊村一帶。必須此項官兵鎮守。天津尚多綠營兵丁。堪資防堵。仍當調回兼顧。為要。將此由六百里密諭知之。○又諭。據侍郎萬青藜奏。九江收復後。宜於北岸擇要設縣守禦。一摺。據稱九江府濱臨大江北岸。與湖北黃梅縣錯壤。該縣地勢遼闊。有三十六陸鎮。

三十六水鎮。號稱難治。若割黃梅縣近江之地。上自龍坪之西。下至梅家洲之東。各迤北數十里。擇形勝處所。另設一縣。歸九江府統屬。其武弁水師。均歸九江鎮標管轄。如此扼要嚴防。庶於北岸可資守禦。郡城可保無虞。著何桂清。耆齡。官文。胡林翼。按照該侍郎所奏。遴派妥員。前往詳細踏看。體察情形。妥議具奏。將此各諭令知之。○調察哈爾備用馬二千匹解京。○緩徵河南陳留。杞。鄆陵。鄭榮

澤。禹。臨。漳。新。鄉。延。津。河。內。修。武。武。陟。溫。原。武。
偃。師。鞏。沈。邱。太。康。扶。溝。許。長。葛。濬。固。始。商。邱。
永。城。鹿。邑。虞。城。夏。邑。柘。城。甯。陵。睢。濟。源。安。陽。
湯。陰。內。黃。滑。淇。項。城。中。牟。蒙。陽。汜。水。涉。汲。洛。
陽。密。尉。氏。祥。符。蘭。儀。封。邱。考。城。孟。津。陽。武。通。
許。五。十。三。州。縣。被。水。村。莊。新。舊。額。賦。有。差。○
辛。未。諭。內。閣。蔣。蔚。遠。奏。官。軍。進。攻。獨。山。州。城。
大。獲。勝。仗。生。擒。首。逆。一。摺。二。月。十。七。日。貴。州。
大。股。賊。匪。由。中。安。等。處。竄。攻。獨。山。州。城。署。知。

州。侯。雲。沂。調。兵。集。團。開。城。夾。擊。賊。始。紛。紛。奔。
潰。我。軍。乘。勝。追。殺。伏。練。齊。起。四。面。兜。圍。殲。擒。
賊。匪。殆。盡。陣。斬。賊。首。二。名。殲。斃。賊。目。一。百。餘。
名。夥。賊。三。千。餘。名。生。擒。著。名。首。逆。沈。大。六。一。
名。偽。將。軍。等。四。十。二。名。就。地。正。法。另。股。賊。匪。
盤。踞。州。屬。卡。榜。擺。旁。一。帶。復。被。團。勇。擊。敗。勒。
辦。尚。屬。得。手。出。力。員。弁。紳。團。著。擇。尤。保。奏。毋。
許。冒。濫。○諭。軍。機。大。臣。等。現。在。托。明。阿。帶。兵。
駐。劉。楊。村。該。處。為。由。津。至。京。水。陸。最。要。之。地。

著。瑞。麟。前。往。查。看。托。明。阿。如。何。布。置。如。有。備。
豫。未。周。之。處。著。會。同。商。辦。以。為。僧。格。林。沁。前。
路。屏。蔽。現。在。惠。親。王。等。奏。明。於。京。師。城。外。分。
劉。十。二。營。尚。無。總。統。大。員。瑞。麟。俟。布。置。楊。村。
一。帶。前。路。妥。協。後。即。著。來。京。總。統。各。營。事。務。
並。著。僧。格。林。沁。傳。旨。咨。調。西。凌。阿。前。赴。通。州。
幫。同。僧。格。林。沁。統。帶。官。兵。其。山。海。關。察。哈。爾。
官。兵。即。著。僧。格。林。沁。另。行。派。員。前。往。管。帶。將。
此。諭。令。知。之。○又。諭。桂。良。花。沙。納。奏。英。夷。聲。

言。必。須。允。其。進。京。方。能。在。津。議。事。另。片。奏。俄。
夷。願。向。各。夷。說。合。俟。議。定。後。再。行。進。京。瞻。仰。
並。無。他。意。等。語。桂。良。花。沙。納。與。各。夷。接。見。後。
可。先。將。所。求。條。款。應。准。應。駁。先。為。知。照。該。夷。
等。能。否。聽。從。尚。未。可。定。此。時。俄。夷。既。許。議。定。
後。進。京。瞻。仰。可。告。以。速。將。各。條。定。議。妥。協。並。
將。兵。船。退。至。攔。江。沙。外。然。後。再。議。進。京。之。事。
中。國。以。誠。信。待。人。亦。斷。無。別。意。惟。各。國。向。無。
進。京。之。例。此。次。應。行。禮。節。亦。須。彼。此。商。定。按。

照中國禮節。至各夷進京。中國民人亦必驚疑。更須先為曉諭。不能臨時猝辦。再進京之請。皆俄夷從中播弄。喫啣咪皆重利。從前並無此說。者英諒已馳抵天津。即可往見喫啣咪三國。將所求之事。妥為酌定。如桂良。花沙納所許。該夷猶未滿意。著者英再行允准幾條。或者該夷因者英於夷務情形熟悉。可消弭進京之請。則更穩妥。此時桂良等作為第一次准駁。留者英在後。以為完全此事之人。

津郡情形甚屬危急。不得不通融辦理也。將此由六百里密諭知之。○又諭。本日有人奏。訪聞達年駐守大沽礮臺。夷船開礮。該署鎮及副將都司首先逃避。直抵天津府城。致令兵勇同時潰散。逆夷直達三汊河口。該處兵民同聲忿恨等語。著譚廷襄確切查明達年逃避情形。並該副將都司等是否同逃。一併據實奏。將此諭令知之。○又諭。何桂清奏。浙江軍情緊急。請飭和春督辦江南浙江軍

務一摺。浙江賊勢東趨。處州既陷。逆發益張。先後由金陵大營撥去兵勇五千餘名。徽甯兩處援兵亦已逾萬。前經降旨令總兵周天受督辦浙江防剿事宜。該員現在嚴守金華。恐難兼顧。江蘇浙江唇齒相依。設有疏虞。有礙大局。和春圍攻金陵。布置已屬周妥。著即馳赴浙江。督辦江南浙江兩省軍務。總兵周天受著幫辦浙江軍務。所有江南安徽江西援浙各軍均歸該大臣節制。以一事權。前命李續賓帶九江得勝之師赴浙援剿。亦著歸和春調度。和春赴浙後。所有江南軍務即著張國樞。許乃釗暫行會辦。俟浙江軍務辦有就緒。即可責成周天受專辦。和春仍馳回金陵。該大臣聲威久著。現在竄浙之賊乘其巢穴未固。分飭各路帶兵大員一鼓殲除。以保東南大局。朕有厚望焉。將此由六百里各諭令知之。○又諭。前因伊興額等奏徐州喫緊。曾飭崇恩酌抽郟嶧防兵赴徐協剿。本日據

崇恩奏。逆捻窺伺東境。業已越過徐城。東省邊防緊急。不能撥兵赴徐。並請飭徐州大軍。會合兜剿等語。據稱。捻匪劉狗等。率黨數千。竄擾碭山。豐縣各處。大股又由徐州北面。至豐縣之趙莊。隋家集等處。蔓延八九十里。築圍劉寨。四出搶掠。又有逆眾千餘。竄赴單縣之馬良集地方。並有馬賊二百餘人。意圖過河。雖經東省兵勇。斃匪多名。崇恩已派副將郝上庠等。前往堵剿。惟捻勢鴟張。北竄堪虞。

東省兵力尚單。必須大軍合力兜擊。著伊興額。史榮椿。迅速統兵繞出賊前。會合山東官兵。併力兜剿。毋稍遲延。至此股捻匪。本由六安竄出。現在六安業經克復。著勝保迅即撥兵。赴豐沛一帶接應。袁甲三前本疊降諭旨。令赴徐宿一帶督剿。此時東境告警。仍著袁甲三剋日馳往。督兵會合兜剿。以杜北竄。將此由六百里各諭令知之。○又諭。前因徐州賊勢甚熾。諭令英桂等。撥陝甘兵一千名。馳

赴徐州。並諭豫省如尚有可撥之兵。即就近酌量調往。以資協剿。本日據崇恩奏。逆捻業已越過徐城。東省邊防甚急。雖經崇恩令郝上庠等。前往堵剿。惟兵力尚單。必須鄰省撥兵合剿。且捻眾既在豐縣等處劉營。一經過河。非北犯東省。即直赴歸德。現在歸陳情形。想尚不十分喫緊。著英桂等。即飭德楞額督兵馳赴豐沛一帶。會合伊興額。史榮椿等。併力兜擊。務將此股捻匪。迅速埽除。以杜北竄。

即以固豫省藩籬。是為至要。將此由六百里諭令知之。○又諭。蔣玉龍奏。滙陳黔省軍務情形。請飭鄰省撥兵濟餉一摺。貴州苗教各匪。蔓延鎮遠。黎平。都勻。麻哈。思南。各府州。以及近省各州縣。分踞險要。出沒無常。分兵防剿。兵力已形單薄。加以協餉不敷。餉項口糧。積欠不少。剿辦更形棘手。著王慶雲。籌撥餉糈。迅速解黔。或能分撥兵練。相機助剿。更為得力。並著駱秉章。酌調兵勇赴黔。會合蔣玉

龍所帶川兵。逐節進勦。以清全黔伏莽。即以固川楚藩羅。是為至要。將此由六百里各諭令知之。○以勦辦貴州獨山賊匪出力。賞知州侯雲沂。千總薛占超。花翎千總梁獻廷等。藍翎餘升敘有差。○以直隸天津海口失事。革張灣營都司奇車布等職。仍留營效力。○展京師內城六門外煮賑三月。○壬申。以擅離防所。貽誤餉糈。革浙江嘉興協副將林策勳。代理福建汀州府知府雷瑞光職。○癸酉。

諭軍機大臣等。本日據桂良。花沙納奏。接見各夷。及現辦情形。所請頒給欽差大臣關防。業已飭部鑄造。該夷酋如果前來探詢。可告以業經奏請。如果允准。不日自可頒到。至咪夷前進國書。本日已將答覆覆書。由驛發去。桂良等於奉到後。即可傳知該公使。令其祇領。俾得回國覆命。惟聞近日各該夷。有騎馬入天津郡城之事。並據前日桂良等奏。該夷輪船圍偈津郡城下。槍礮迅利。各等語。是津

郡情形。非常緊迫。現雖以議撫為羈縻。而該夷反覆靡常。難保不忽然生變。聞津民業已集團。人數不少。如果聯絡一氣。自可收眾志成城之效。此事示便明白。出示曉諭。譚廷襄惟當密諭張錦文等。令其設法糾集團勇。暗中嚴密布置。以備不虞。不可冀倖撫局將成。稍涉大意。將此由六百里密諭知之。○甲戌。孝慎成皇后忌辰。遣官祭

慕陵。○諭軍機大臣等。本日據桂良等奏。該夷所求條款。連日派員面議。分別准駁。而該夷情形。似非全准不可等語。該夷要求各款內。如鎮江。漢口。各處通商。並由江通海各處。任憑伊國隨時往來。要緊地方。由伊國設領事官。懲辦不法之徒等語。直欲以中國地方。聽伊出入。所請斷屬難行。現已諭知耆英。正言駁斥。另行設法羈縻。惟該夷以此款為最要。一經拒絕。其決裂實在意中。此時調撥各兵。漸可齊集。著僧格林沁。相度要隘。妥速布置。

不可遲緩。天津府城危在旦夕。該大臣諒亦探有消息。官軍挫敗以後。戰守兩難。惟有激勵民團。尚可冀其出力。保衛府城。僧格林沁如聞該夷內犯之信。或派委幹員。或頒發告示。激勵鄉團。以助兵力。現聞楊村通州等處官兵。因食物昂貴。頗形苦累。當此防勦喫緊之際。若聽其飢疲。兵丁何能出力。所得口分。應如何酌量加增。俾得宿飽。並著該大臣迅速覈計。傳諭糧臺辦理。續調密雲兵五百名。

由署副都統哈福那親帶來京。已令其歸僧格林沁調度。現應派往何處駐劄。即著量為派撥。將此密諭知之。○又諭。前經密諭桂良。花沙納。先與各該夷定議。作為第一次准駁。如未滿所欲。再由耆英酌量添允數條。以為完全此事之人。諒已接閱。本日據桂良等奏。夷人欲在江路通商。並自持執照在內地往來。於要緊地方設領事官等語。此事若經允許。遺害無窮。萬無准理。即進京一節。亦總宜

設法消弭。耆英到津。尚未與該夷會晤。自可定期與之接見。耆英係原定和約之人。與桂良。花沙納。同是欽差。即日頒給關防。一體鈐用。應如何從權辦理之處。著耆英不必拘定。與桂良等會商。即親向該夷開導。於所請各條內。酌量添允數條。將江路通商。及遊行內地兩事。設法杜絕。以免決裂。至該夷情狀。耆英素所深悉。天津逼近京畿。情形危急。不得不從權計議。惟如前二事之斷難允准者。該

夷必欲堅執。是本無議和之心。耆英不妨與該夷說破。看其有無轉機。再行酌量通融籌辦。至何事可行。何事不可行。耆英必有把握。朕亦不為遙制也。將此由六百里密諭知之。○又諭。寄諭兼管順天府府尹張祥河等。齊承彥奏請飭舉行團練。以備堵禦一摺。天津夷船停泊城下。且聞船內藏有閩粵匪徒。儻所求不遂。必致肆意衝突。由津至通各州縣地方。民情強固。足資捍禦。然必得地方官善

為倡率。始足鼓舞民情。著該兼尹等。即飭武清。東安。通州等。各州縣。曉諭居民。實行團練。以保衛身家。儻州縣中有不能勝任者。即令派委幹員。協同辦理。或令各舉公正紳士。聯絡民心。更為得力。再聞通州等處。糧食昂貴。派防官兵。購食艱難。已諭知僧格林沁。訪察情形。酌增口糧。以示體恤。著該兼尹等。傳知管理糧臺之員。一體遵辦。毋令缺望。將此諭令知之。○又諭。前因徐州捻逆。分擾蕭。碭。闌。

入豐沛。當諭英桂。迅撥陝甘兵一千名。前赴徐州助剿。本日據英桂等奏稱。豫省存營兵。為數無多。陝甘官兵。現赴歸德防剿。難於調撥。其後起陝甘兵一千名。業已派赴勝保軍營。請飭調赴徐州等語。現在六安州城。業經克復。徐宿逆燄。鴟張萬分緊急。自應亟速援應。著勝保。即將前項陝甘兵一千名。交袁甲三統帶。前赴徐州。至豫省歸陳情形。雖形喫重。而徐州毗連豫界。尤應不分畛域。以剿為

防。著英桂等。即飭朱連泰。迅速帶兵前進。會同伊興額等。合力剿辦。如歸陳情形稍緩。仍飭將弁。探明賊蹤。出境堵截。不得專顧本境。致令蔓延。將此由六百里各諭令知之。○又諭。福興奏。衢州軍務情形。並請催江西援軍。及酌留兵勇。協守玉山。廣信一摺。衢州賊匪。蔓延東南兩路。因連日大雨。官軍未能進剿。所有李定太一軍。昨據耆齡奏稱。該總兵已於四月初一日。拔營前進。俟行抵玉山。即將

駐劄該處之長左等營練勇。一併統帶赴浙。此項官軍。除已由福興檄令酌留一千名。歸沈葆楨等調遣。其餘兵勇。為數不少。本日已諭知耆齡。催令迅速前進。浙省軍務。昨已諭令和春前往督辦。福興本擬俟衢州解圍後。馳往玉山。但現在江西兵勇。尚屬不少。福建自連陷浦城。松谿。政和後。近復攻破光澤。竄擾邵武。兵力較單。不敷剿辦。著福興俟衢州解圍後。即將原帶官兵五千名內。分出二千

五百名。親自統帶。赴浦城一帶。相機進剿。以分賊勢。而靖嚴疆。將此由六百里諭令知之。○又諭。前因廣東潮州鎮總兵壽山。赴援江西。逗遛不進。降旨令黃宗漢查明奏。本日據王懿德等奏。閩省軍情緊急。請仍飭壽山領兵二千名。由捷徑馳赴汀邵一帶。會剿等語。壽山原帶之兵。據柏貴奏。因夷務緊要。令其暫緩啟程。夷氛遠在省城。非留兵本鎮所能控制。而閩粵毗連。軍情緊急。著黃宗漢即飭該總兵。將原派兵勇二千名。迅速帶赴汀州一帶。會合閩兵堵剿。不得再有延宕。如敢仍蹈前轍。即行據實嚴奏。至夷船尚在天津。要求無厭。迄無定議。自奪我礮臺。更形桀驁。因天津逼近京畿。大局攸關。另派桂良等。前往羈縻。以期息事。粵東民團義舉。未見奏聞。如尚未舉動。亦須斟酌而行。諒該督必能知悉也。將此由六百里諭令知之。○又諭。本日據王懿德。慶端奏。閩省軍情緊急。籌辦大概

情形。各摺片。江西逆匪。竄陷浦城。政和。松谿。後。復陷光澤。並有竄入邵武之信。建甯逆氛。四逼。該督等調派精兵。馳赴延平防剿。以固省垣門戶。並催令速克政和等三城。以免為賊牽掣。所籌均尚妥協。江長貴因甯國軍情喫緊。業經調撥赴援。周天受調度全浙軍務。現在會同明安泰。力扼金華。斷難派令赴閩。惟福興帶赴衢州兵。本有五千。前有旨。令其將一半歸周天受調度。一半由福興統帶。回玉山駐劄。嗣因衢州一路。周天受未能兼顧。令其暫緩啟程。本日已諭知福興。俟衢州解圍後。即帶所部兵二千五百名。馳赴閩省助剿。該督等。惟當嚴飭在事文武。先就現有兵力。實力堵剿。將失陷各城。次第克復。毋得專待援兵。致滋貽誤。將此由六百里諭令知之。○又諭。前據耆齡奏。派總兵李定太。率同參將文瑞等。帶兵勇四千餘名。赴援浙江。行抵玉山後。再添帶長左等營練勇。合力進剿。本

日據福興奏。已飭李定太酌留新衛勇。及兆
字營一千兵勇。駐劄廣信。而飭催李定太全
軍。速赴衢州等語。李定太已於四月初一日。
拔營啟程。據晏端書奏報。亦稱不日可到。惟
衢州無須多兵。此外浙江需兵之處。尚屬不
少。自應酌量分布。昨已諭令和春兼督江浙
兩省軍務。著耆齡即飭李定太一軍。迅速前
進。飛咨和春調度為要。將此由六百里諭令
知之。○河南巡撫英桂等奏。睢州民人聚眾
抗糧。現飭查辦得旨。因何起意抗糧。尤應迅
速查明具奏。不准稍有隱飾。○命盛京將軍
慶祺。選兵二千名備調。

實錄卷五十三

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十二

實錄卷五十三

三

奏遵查失事總兵各員一摺。署天津鎮總兵副將達年。督同署副將德魁駐守礮臺。不能督率兵勇認真抵禦。以致礮臺失陷。實屬畏葸無能。達年。德魁均著革職奪問。交譚廷襄嚴行審訊。按律懲辦。已革提督張殿元。如何失事。都司訥勒和。尚無下落。著譚廷襄一併查明具奏。○諭軍機大臣等。前因譚廷襄奏請將國瑞所帶馬步兵一千名留津防守。諭令與僧格林沁咨商。如楊村必須此項官

兵仍須調回兼顧。本日復據奏稱津郡兵力過單。仍請將前項官兵准留津郡等語。津郡防守於馬隊不甚相宜。設或由陸北竄。恐追趕無及。不如在前堵截。較為得力。著譚廷襄仍將國瑞所帶馬步兵一千名移劉楊村。交僧格林沁分撥布置。其天津應添防兵著該督於直隸附近各營內酌量抽調以補一千名之數。將此由五百里諭令知之。○又諭現因夷船來至天津。京師辦理防堵需用較繁。所有四川山東山西河南陝西應解京餉著王慶雲崇恩恆福英桂瑛榮曾望顏各按部撥銀數。督飭各該藩司迅速籌撥派委妥員陸續解京。毋許延誤。將此由五百里各諭令知之。○以故土爾扈特扎薩克郡王多諾羅布多爾濟子頭等台吉靈扎洞魯布襲爵。○丙子諭內閣。官文等奏皖賊竄入黃安攻勦獲勝一摺。皖省賊匪由河南光山等處竄入黃安。李續宜隨同舒保帶領兵勇前往援應。

賊眾蜂擁來撲。官軍齊出奮擊。斬馘二百餘名。舒保督同副將趙克彰等分路抄擊。賊眾大敗。官軍追至城下。踏毀賊壘五座。斬擒無算。著即督飭將弁迅速進攻。克復城池。毋稍遲緩。○諭軍機大臣等。前因朱鳳標等奏浙省軍情緊急。請飭李續賓到任。辦理軍務。當經諭令官文等將皖北一路事宜另籌派員接辦。即飭李續賓帶所部精兵赴浙。本日據官文等奏賊竄黃安。撥兵援剿。獲勝一摺。楚

北麻城尚未合圍。黃安又陷。李續賓一軍現已取道黃陂。會同舒保夾攻。擬收復黃安後。并力麻城。再行分撥肅清皖豫。惟浙省自處州失陷後。賊勢日熾。上游各府悉行震動。福興一軍專顧衢州。周天受明安泰兩軍力扼金華。兵力尚覺單薄。浙省軍情更屬緊急。迫著官文等酌量情形。通籌大局。如黃安麻城楚省兵力足敷剿辦。即仍遵前旨。迅飭李續賓簡帶所部精兵馳赴浙江。以資援剿。將此由

六百里諭令知之。○又諭樂斌奏縷陳番務情形。請飭西甯辦事大臣等詳查籌辦一摺。甘肅西甯口外野番為患。樂斌到任以後。派令署西甯府知府那遜阿古拉派兵勦捕。隨有剛咱等族野番情願投誠。求將河北地方賞給住牧。保護蒙古邊民。各旗蒙古亦願將青海迪南戈壁地方暫行借給住牧。似此權宜辦理。原期相安無事。惟野番貪殘成性。移至河北後。或不免欺陵蒙古。滋生事端。更恐

河南各番相率效尤。懇求遷徙。自宜慎之。於始以安蒙古生計。此事著樂斌督辦。即不能親身前往。務須派委明幹大員。隨同圖伽布督飭西甯鎮道確切查明。通盤籌畫。應如何定立界址。設法鈴束。以杜侵越。及不准再有番族過河。以期日久相安之處。妥議章程具奏。不得遷就目前。致滋後患。將此諭令知之。○又諭前據桂良等奏。噶夷欲在江路通商。並欲與內地任意往來。當以後患無窮。未經

允准並因耆英尚未與該夷會晤令其親向
開導設法杜絕本日復據奏稱喫啡兩酋託
故不與耆英相見而夷使李泰國仍將前兩
事立偏應允是其有意要挾專擇我萬不能
允之事故肆刁難其實無非貪利耆英既已
接奉同是欽差之旨昨日發去關防諒亦公
同接受可即宣示該夷以釋其不能便宜行
事之疑並耆桂良花沙納先行拒絕於該夷
續請各事概勿輕允然後耆英出為轉圜則

該夷自當深信耆英不敢推託前諭桂良等
准於五口之外酌添兩小口今既要求無厭
即耆耆英酌許閩粵地方一大口如仍未滿
所欲或再許一大口亦可總須在閩粵地方
不得擅許內江地面耆英素悉夷情當知其
利之所在如與中國無甚傷礙另有可令該
夷獲利之處儘可酌量餉之以免他患如桂
良等去時所交條款內有咪夷所求五六十
萬未曾允准如必懇求即照從前上海免稅

之例俟廣東開市後酌免按月稅銀此條可
以餉咪夷其喫啡有無類此款項尚屬有名
者亦不妨酌許若大有礙於中華者仍不能
允准也俄夷欲請裕誠攜帶伊國喇嘛學生
赴津其意不過因裕誠係大學士今桂良官
職與裕誠同而又係欽差如有要言即可與
桂良說知自不必裕誠前往其喇嘛學生人
等日內即當派員送往天津桂良等可即以
此意覆之將此由六百里密諭知之○以勦

辦浙江洋匪出力賞都司郭林一等藍翎餘
升敘有差○以皖南勦辦團練出力暫緩已
革參將管榮聲遣戍准留營○以湖北黃安
縣城被賊竄陷革知縣林基職摘同知何忠
駿頂帶均留營○改鑄陝西靖邊縣知縣印
信從巡撫曾望顏請也○予浙江陣亡把總
徐丙祥等祭葬世職○丁丑

孝誠仁皇后忌辰遣官祭
景陵○諭內閣曾望顏奏查明誤被揭叅之知

縣請旨開復原官一摺陝西前署鳳翔縣知縣封錫蒲經該撫以隱匿命案奏奉當降旨照部議革職茲據曾望顏奏查明封錫蒲於劉常服毒身死一案因查傳屍親未到即行卸事委非隱匿漏交封錫蒲著准其開復知縣留於陝西補用前任鳳翔府知府王炳勳並不查明率行揭叅業經另案革職仍著交部議處鳳翔縣知縣馬綸篤於誤揭後即行查明據實檢舉著照例免其議處○又諭勝

保等奏叅署遊擊私回壽州等語署壽春鎮中營遊擊都司劉國標經勝保派令帶隊馳赴懷遠截擊擒匪竟敢私回壽州實屬怙怯無能劉國標著即行革職仍暫留本任隨同勦賊儻再不知愧奮即著從嚴叅辦○諭軍機大臣等勝保袁甲三奏追勦餘匪暫駐正陽控扼一摺前因徐宿捻勢猖獗諭令袁甲三馳往勦辦並因清流關為南北咽喉諭令勝保添撥兵勇由臨淮進扼滁州後路茲據

該副都統等奏袁甲三俟南路大局稍定即赴徐宿勝保暫駐正陽控制長淮等語現在六安餘匪繞道東趨擄掠鹽船竄赴懷遠已有穆騰額前往追勦當能盡數殲除勝保務當南堵逆黨北絕捻蹤毋令互相勾結仍須察看何路喫重即往勦辦其清流一路亦須設法策應至徐宿為北竄要衝袁甲三仍遵前旨即帶兵勇前進以顧北路徐州兵力甚單袁甲三所統馬隊及自練馬勇不敷調撥

德楞額現有馬隊數百名在陳防堵俟袁甲三赴徐時即可調撥應用其勝保軍營之陝甘兵一千名能交袁甲三帶往徐州則兵力較厚該處賊氛甚熾深恐闖入山東境內須及早撲滅或偪令南趨方為穩妥將此由六百里諭令知之○又諭前因倭什琿布奏都蘭哈喇鑛錐鉛苗旺盛招商試採曾諭慶如麟翔傳諭蒙古人等不得攔阻並諭倭什琿布嚴飭委員彈壓毋令夫匠人等滋擾本日

據麟翔奏招商開採人數愈多。占地愈廣。蒙古漢民雜處。恐致滋事等語。該處鉛廠係在蒙古游牧境內。封禁有年。該都統前往試行採挖。雖為藉充經費起見。亦須權衡利弊。不致滋生事端。方為妥善。著倭什琿布詳加察訪。如果有利無害。即著嚴飭委員約束民夫開採。一面會同慶如麟翔議定界限。毋得滋擾蒙古。僅獲利甚微。又與蒙古游牧地方有礙。或查出委員等有影射蒙混情弊。即著撤

回。仍將該處廠地封禁。將此各諭令知之。○以河南固始守城出力。賞三品卿銜王廷蘭。以三品京堂候補都司潘羅成。守備劉玉奇。巴圖魯名號。知府倪元灝。守備吳峻基。易正宇等。花翎千總鄧富貴等。藍翎並升敘有差。○以陝軍會勦襄樊竄匪出力。賞副將龍澤厚。巴圖魯名號。閻丕敏。興貴。加總兵銜。道員常瀚。都司李鳳山。花翎千總李蘊和等。藍翎餘升敘有差。○戊寅諭內閣福濟等奏擊退

臨淮捻賊協同克復六安來安。並擒匪竄撲懷遠。現籌堵剿一摺。安徽粵捻各匪竄撲桃鎮。經鄭魁士會同舒城縣知縣甘文瀾等克復。該逆敗回六安。復經知州茅念劬等會合攻擊。克復州城。現復竄陷懷遠。著即飭帶兵司道聯絡紳團勦捕。毋令蔓延。○又諭常山奏懇請派赴軍營一摺。熱河圍場總管常山願赴軍營效力。即著分帶蒙古兩盟官兵。前往僧格林沁軍營。其總管印信。即著翼長和

純護理。○諭軍機大臣等。福濟等奏擊退臨淮桃鎮捻賊協同克復六安來安。並擒匪撲陷懷遠一摺。該撫身任地方。督辦軍務。未可以北竄要路。全委他人。本日復據和春奏。請飭鄭魁士。迅回江南軍營等語。德安早已抵皖。現在江南帶兵大員明安泰等先後赴浙援剿。著鄭魁士即日馳赴江南軍營。聽候調遣。毋稍遲延。將此由六百里諭令知之。○又諭據福濟奏。飭撥皖餉均屬無著。並兩淮截

留抵餉。又劃解南河鈔本。請旨飭催趕解等語。現在粵捻各匪竄擾廬州。官軍分投勦辦。餉項必須應手。著何桂清崇恩恆福曾望顏各將應解之款。按月如數撥解。其兩淮截留撥抵陝西欠皖協餉。及淮南徵課。並著庚長飭令全數解廬。毋庸劃解南河鈔本。其四川月撥李孟羣一軍三萬兩。及河南省協款。亦著王慶雲瑛蔭源籌解。以重軍需。將此由五百里各諭令知之。○又諭前因著英素悉

夷情。特降旨發去欽差關防。與桂良。花沙納。公同接受。一體鈐用。親向該夷開導。以冀轉圜。茲據桂良等奏。著英自到津後。哄嚇兩夷。不與相見。深懷疑貳。請飭回京等語。著英係原定和約之人。於該夷一切情形。素所深悉。經朕此次專瑕錄用。畀以欽差重任。專辦夷務。已有旨。毋庸事事會同桂良等辦理。至各夷所請各條內。定議准駁。總期於中國無礙者。酌量允行。現在桂良等雖同是欽差。而於

夷情一切。未若著英熟悉。何以忽有代奏回京之請。著英並未列銜。是何意見。究竟此事。著英若何辦理。著即通籌具奏。將此由六百里密諭知之。○又諭桂良等奏。領到關防。並陳現辦情形一摺。哄夷嗜利逞強。專擇萬不能允之事。故肆刁難。桂良等遽為所懾。竟將內地通商游歷各省兩節。允俟軍務完竣後酌辦。輕為許諾。但顧目前。必貽無窮後患。即兵費推交廣東。進京約俟再議。雖屬萬不得

已。姑為羈縻之計。惟日後不能踐言。轉致失信於該夷。釁端復起。前據桂良等鈔呈何桂清書函。所稱折服夷人。當示以誠信。擇其可允者允之。其必不能允者。即正言拒絕。不可游移。桂良等惟當將添口減稅各條。與之以利。若必事事皆准。何用大臣會議耶。本日據奕山奏。已會同夷酋木哩斐岳幅。將烏蘇里河至海口等處分界通商事宜。合約定議。桂良等即可藉此一事。告知俄酋。諒伊必早有

所聞。惟中國與爾國。二百年相好。故能如此優厚。至啖拂二國。現踞廣東。斷難盡如所請。而李泰國等。情形兇悍。恐一旦決裂。枉費爾等說合好意。啖拂二酋。來至天津。本應置之不理。皆因俄國前來說合。聲言並無惡意。是以前未與用武。不料該二國先開大礮。直逼天津府城。迄今未有定議。今俄國已准五口通商。又在黑龍江定約。諸事皆定。理應為中國出力。向啖拂二國講理。杜其不情之請。速了

此事。方能對得住中國。若再不能挽回。我三人不能辦理。即日回京。現有僧格林沁帶兵在後。聽其辦理。但兵端一開。不能再議撫局。不但各國均無所益。即爾公使為好之本心。亦難剖白矣。如此曉諭。看其如何轉圜。再行酌辦。將此由六百里密諭知之。○又諭。前因俄夷於地界一節。言語反覆。曾諭知奕山。與木哩斐岳幅會勘時。當查照從前界碑。與之剖辯。不可遷就了事。茲據該將軍奏。會晤夷

酋。酌議地界。該夷酋所請黑龍江左岸舊居屯戶之外。所餘空曠地方。給與該夷安靜存居。並江中准其行走等情。奕山因恐起釁。並因與屯戶生計。尚無妨礙。業已悉行允許。自係從權辦理。限於時勢不得已也。惟該處既給與俄夷。又恐民夷雜處。致滋事端。奕山當妥為彈壓。毋稍大意。其松花江烏蘇里綏芬等河。界屬吉林。距興安嶺遠近。奕山不能懸揣。即著景瀉迅速查明。如亦係空曠地方。自

可與黑龍江一律辦理。儻該處本有居人。一旦為夷占踞。與我國屯丁耕作。均有妨礙。景瀉當咨明奕山。仍應與該酋據理剖辯。不可一概允許。又滋後患。至該夷所請於黑龍江通商之事。即著奕山體察情形。妥籌條約。一面仍嚴密防範。設法駕馭。毋令該夷既遂所欲。更肆要求無厭也。將此由五百里各密諭知之。○又諭。前據羅惇衍等奏。進劄花縣激勵紳團。密籌克復省城。並片陳江國霖等媚

夷各情。均經諭令黃宗漢與該侍郎等密商舉動。並將該藩司等懲辦。計該大臣當已行抵粵省。所有調兵集餉。輯民攘夷各事宜。想能遵照諭旨。妥為辦理。廣東文武各官。受夷挾制。殊堪痛恨。本擬俟黃宗漢查參懲辦。乃本日據江國霖奏。竟以籌勦西江軍務為名。擅自出省。該藩司於夷人入城。失去庫項。谷已難辭。復敢抽身遠出。置夷務於不顧。更出情理之外。已降旨將江國霖革職。交黃宗漢

審訊。其廣東布政使著畢承昭補授。畢承昭本係黃宗漢隨帶之員。現已擢任藩司。籌備餉需等事。即著責成督辦。江國霖素性貪巧。曾據羅惇衍等奏。首鼠兩端。每月朔日。率各官與夷人會面。受其約束。曾到花縣求緩攻城。並有恐獲罪於夷。不回省城等語。此次藉詞勦匪。居心已可概見。黃宗漢務當嚴切審訊。毋令遁飾。其前諭撤參之署臬司蔡振武。及等問之革道俞文詔。並著按照所參嚴

辦。敵船到津。攻奪礮臺後。倭酋要求。多不可准。撫局未易定議。廣東團練。現辦情形。若何著該督隨時馳奏。以慰廑念。將此由五百里密諭知之。○以洋務未定。託詞勦賊出省。革署廣東巡撫布政使江國霖職。以前任安徽布政使畢承昭。為廣東布政使。○以協同克復安徽五河。來安縣城。予在籍道員吳棠。獎敘。○以拏獲山東曹州府屬捻匪。予知府李德增等。升敘有差。○予金陵陣亡外委田連

升。祭葬世職。○展緩安徽霍邱。毫。蒙城南陵。涇五州縣被擾地方舊欠額賦。○加展五城。煮賑三箇月。○己卯內閣欽奉

硃諭。著英經朕毒瑕錄用。委任辦理洋務。乃畏蒞無能。大局未定。不候旨擅自回京。不惟辜負朕恩。亦無顏以對天下。實屬自速其死。著僧格林沁派員將著英鎖扭押解來京。交巡防王大臣軍機大臣會同宗人府刑部嚴訊具奏。此次朕用著英原出於不得已。冀其有

成雖經惠親王等保奏實係操縱自朕無先見之明愧惡殊深惟王等襄贊無方若不予以薄懲曷以洽服眾議惠親王著毋庸管理中正殿

雍和宮事務載垣端華均著開領侍衛內大臣缺與惠親王一併交宗人府議處彭蘊章相後穆蔭杜翰均著交部議處○諭軍機大臣等據惠親王等參奏著英擅自回京並呈遞信函覽奏實深詫異著英本係獲罪之員前

因惠親王等奏請派赴天津辦理夷務朕念伊尚悉夷情寬其既往棄瑕錄用令與桂良花沙納妥籌商辦伊應感發天良力圖報效即使逆夷狡獪猝難開導亦須悉心籌畫昨桂良花沙納代伊奏請回京未曾允准乃竟不候諭旨先自由津回至通州閱伊所致僧格林沁信函畏葸無能不顧大局置身事外殊深痛恨已有硃諭令僧格林沁派員將耆英鎖扭押解來京交巡防王大臣等嚴訊矣

該大臣接奉此旨務將耆英派員押解啟程現在撫局未定難保該夷不肆狂悖更起兵端自應先機籌備防勒之策方不致倉猝失據該大臣駐劄通州距津甚近務當隨時偵探作速布置至駐劄山海關之察哈爾兵一千名本日已諭令前赴通州並諭慶祺迅調盛京兵一千名飭交王明統帶往山海關防堵以臻嚴密將此密諭知之○又諭前因通州需兵防堵疊諭吉林黑龍江將軍各調兵

五百名迅速來京本日據承志奏吉林官兵業已分作兩起即日啟程其黑龍江官兵諒奕山接奉諭旨亦即迅調來京著慶祺飛飭沿途催提兩處官兵剋日馳赴通州聽候僧格林沁調遣毋稍延緩至山海關駐劄之察哈爾兵一千名亦著該副都統飭令迅赴僧格林沁軍營山海關地方緊要著慶祺迅調盛京官兵一千名交協領管帶飭令前往交王明統率如該侍郎尚未行抵該處即將此

項官兵交定福暫行管帶。至前調哲里木盟蒙古兵一千名。並著慶祺就近飭催迅速啟程進京。聽候僧格林沁調遣。將此由六百里加緊各諭令知之。○又諭所有前調昭烏達盟蒙古兵一千名。著英隆飛飭啟程進京聽候調遣。毋庸俟該盟長會齊。致有耽延。其哲里木盟蒙古兵一千名。已諭慶祺就近飭催矣。將此由六百里加緊諭令知之。○山西巡撫恆福奏。回任日期得旨。晉省尚稱完善。一

切弭盜安民。皆須認真嚴辦。不可徒託空言。○調鑲白旗蒙古都統常清。為熱河都統。熱河都統英隆。為鑲白旗蒙古都統。○以克復江西萬安等縣城。並圍攻吉安出力。賞參將遮克敦布。守備黃開亮。巴圖魯名號。知府趙煥聯。同知曾國荃。都司張勝祿。李祥和。李舒蔭。曾得勝。劉光明。倪長詰。守備陶茂林。趙福元。羅逢元等。花翎。道庫大使劉燧基等。藍翎。並升敘有差。予陣亡把總吳雲升。蔣得勝。盧

為貴。外委潘得喜。龍應潮。吳世高。劉正太。祭葬如等。世職如例。○庚辰。湖南巡撫駱秉章奏。滙陳籌餉情形。一在釐剔錢糧宿弊。以恤農。而輸將較前踴躍。一在杜絕釐金擾累。以通商。而抽收較為實際。得旨。汝久任封疆。所陳皆歷練有據之論。洵非以耳為目者。比。○以恭親王奕訢管

雍和宮事。○以惇郡王奕誼為正黃旗領侍衛內大臣。肅親王華豐。為鑲黃旗領侍衛內大

臣。○命御前大臣景壽。毋庸進圓明園班。代裕誠進領侍衛內大臣班。○以勦辦江北。大劉莊等處賊匪。賞總兵官安勇。總管忠額。巴圖魯名號。守備傅璋等。花翎。副都統富春等。升敘有差。○改鑄湖南鹽法道關防。從巡撫駱秉章請也。○辛巳。諭軍機大臣等。僧格林沁奏。遵籌布置各情形。一摺。所籌挑挖引河。修城安礮。宣化綏遠。密雲等兵。分駐運河東西兩岸。及采育等處。一切布置。均屬周密。其

遵議酌增兵丁口分章程。即著照所議辦理。托明阿統帶官兵駐劄楊村。聞珠勒亨一軍獨駐河東。恐非要地。應移駐何處。與各軍聯絡。著僧格林沁體察情形。妥為調度。不可以有用之兵。置之無用之地。所請飭各部院堂官派員赴各州縣辦理團練事宜。已諭巡防王大臣行知各衙門辦理矣。將此諭令知之。○又諭。前因夷人所求內地通商游歷。及進京一節。雖經桂良等許以緩圖。仍恐貽後日

之患。令其囑俄使轉圜。本日據桂良等奏。滬陳現辦情形一摺。據稱明知和議既成。必有從而議其後者。然不敢因此而不顧大局。因思兵費一節。原屬無理。惟前許其到粵公論。此時若已許之。毋庸另議。至內地通商及進京二事。皆不可行。桂良等已知照該夷。未知如何回覆。據奏。英夷現感桂良等優待之意。疑慮稍釋。桀驁亦稍遜於前。該大臣等既令委員詳細開導。復託俄夷婉轉關說。如有轉

機固好。儻必無挽回之術。亦祇可就桂良等所議辦理。不至目前決裂。但此外或尚有不可行之事。續肆要求。墮其術中。更無把握。必須定議後。即退兵船。並不別生枝節。方可與之定議。准其將詳細章程馳奏。現聞夷人已占有踞村莊之事。防其欲久駐天津。不可不豫為計及。再據宋晉片奏。噶吧李泰國。可隱餌以利。各等語。著桂良等妥籌酌量辦理。原片著鈔給閱看。將此由六百里諭令知之。○

考試應開列試差滿漢二品以下京堂各官。於圓明園上書房。○添派禮部尚書瑞麟。辦理巡防事宜。○以江蘇徐州辦理軍需出力。賞知縣胡容本等。升敘有差。○壬午。廣西巡撫勞崇光奏。廣西軍務未竣。請將本年戊午科鄉試。展限辦理。下部知之。○以休致直隸通永鎮總兵官李志和。留於直隸總督譚廷襄軍營差遣。○以廣西昭平臨桂等處。勦匪出力。賞勇目王雲文。藍翎。同知蔣澤春等。升

敘有差。予柳州殉難道員孫蒙知府志曾。知縣倪韶書。陣亡守備陽勝元。千總潘正萬。龍光臨。把總羅廣源。祭葬世職。○癸未。

上詣

大高殿行禮。○還宮。○諭軍機大臣等。托雲保奏甯夏官兵困苦情形。請飭陝甘總督迅發餉銀一摺。甯夏滿洲營餉銀。向由甘肅藩庫按季支領。自餉銀折減後。不能如期領到。官兵枵腹堪虞。其應支馬乾銀兩。自上年夏季

起。至今分文未支。更形拮据。雖經該將軍借款接濟。而庫款久懸。亦須歸楚。所有陝甘省欠發甯夏滿洲營。本年春季並現屆夏季餉銀。米折馬乾銀兩。及上年夏秋冬三季馬乾等項。著樂斌即照折減章程。一併迅速支發。毋稍遲延。嗣後官兵俸餉米折馬乾等項。務當按季支發。毋許拖欠。以恤兵力。將此由四百里諭令知之。○又諭前因浙省軍情緊急。諭令官文等。即飭李續賓迅速赴浙。茲據該

大臣等奏。稱自黃安失守。德安。安陸。襄陽。各郡縣均已戒嚴。李續賓於九江克復之後。督兵上援黃安。俟賊匪撲滅。再當圍剿麻城。皖省賊勢已並趨英。靈。宿。太等處。應以都興阿。李續賓。節節掃蕩。若令該藩司赴浙。則楚豫皖三省空虛等語。所奏自係實在情形。浙江處州被陷。各隘均屬喫緊。先後由和春等派總兵周天受。明安。泰。周天培等。馳往援剿。並令和春。督辦江浙兩省軍務。前赴浙江統率

諸軍。該省兵力已厚。諒可無虞。竄突。李續賓現在黃安。勦賊即著毋庸赴浙。該大臣等。以皖省形勢。為賊所必爭。擬各路肅清。以全力注於皖北。係通籌全局起見。著官文。都興阿。胡林翼。即相度機宜。妥籌辦理可也。將此由六百里諭令知之。○又諭寄諭密雲副都統勝保等。伊興額。史榮椿奏。追剿擒匪。直至蒙城。現仍回顧宿徐。請催援軍一摺。此次擒匪由六安逃出。攻陷懷遠。圍及蒙城。伊興額等

孤軍不能解圍。且自宿州澮河以南至臨淮以北。徧地賊圩。聚黨約十餘萬之多。勝保堵遏南路。而賊勢已悉眾北趨。徐宿為緊要門戶。雖前據和春等奏。已調傅振邦帶兵一千餘名。計日當可馳至。兵力尚嫌單弱。屢經諭令袁甲三帶兵勇前進。以顧北路。兼諭勝保將陝甘兵一千名。交袁甲三帶往徐州。現在賊蹤甚張。著即飛速拔隊啟程。毋再延誤。勝保暫駐正陽。即可為袁甲三後路策應。至山

東省金鄉單縣賊蹤已遁。所有嶧鄒等處防兵。仍著崇恩飭將弁管帶出境。交伊興額等調遣。伊興額等片奏。請飭撥察哈爾馬五百匹等語。該處馬匹。因天津辦理夷務。調解來京。俟夷務辦竣。當即挑赴伊興額等軍營應用。將此由六百里各諭令知之。○又諭。前因江西需餉甚殷。經部議准於山西陝西二省。每月各先儘協撥餉銀三萬兩。以資接濟。茲據耆齡奏。疊次咨催。僅據山西省解到銀一

萬六千餘兩。陝西省解到銀二萬兩。請飭催趕解等語。現在江西軍務。日有起色。餉項如能應手。即可迅就肅清。著恆福曾望顏各將應解協餉銀三萬兩。按月如數撥解。以濟要需。將此由五百里各諭令知之。○以擊退江西貴溪縣竄匪出力。賞同知胡蓋南守備彭大壽任祖文花翎知縣郭式源等。藍翎並知縣彭斯舉等。升敘有差。○以四川犍為等處經理鹽釐出力。予總商羅方來等。獎敘加銜

有差○

上以夏至祭

地於

方澤。自是日始齋戒三日。○甲申。諭內閣。扎拉

芬奏。奏葉爾羌添派換防官兵。請仍由烏魯

木齊改撥一摺。葉爾羌換防官兵。內舊有烏

魯木齊滿洲營兵三百名。於咸豐五年。變通

兵制。案內裁撤。今該處換防。既議將綠營官

兵裁減。所需滿洲營兵。著仍由烏魯木齊改

撥三百名前往換防。毋庸由伊犁派撥。以符舊章而資得力。○諭軍機大臣等。桂良花沙納奏。暎夷將次就範。現擬從權辦理一摺。暎夷所求各條。種種皆貽後患。如內地通商一節。原議軍務完竣再辦。而該夷即欲於鎮江先立馬頭。可見步步進占。所求無厭。現在該夷滋擾海口。海運已難踴辦。勢不能不改由河運。若復任其盤踞鎮江。則河運亦難辦理。實為大患。可明白曉諭。告以鎮江地方連年

皆遭兵火。民情尚未安帖。亦無殷實商人在彼。若驟立馬頭。置棧積貨。不但不能銷售。且難保無爭奪口舌之事。設或彼此不能相安。轉致有傷和好。是以必須軍務完竣方可定議。並非託故遲延。又如遊歷各省州縣一節。雖議明持照前往。儻與民人口角鬪毆。或迷失傷亡。中國地廣人多。不能查察。須先與之言明。方免日後又費唇舌。至進京一節。他國所議。但言有事進京。而暎夷必欲在京久駐。

且自居欽差名目。其窒礙之處。尤不勝言。當告以有事進京。既經允許。則遇有大事。儘可來京面訴。何必留人遠駐京師。若必欲駐京。則俄夷成例具在。但能派學生留駐。不能有欽差名目。須改中國衣冠。聽中國約束。專命學習技藝。不得與聞公事。於爾國亦無大益。況各口通商。各有督撫。嗣後若有要事。不拘何處。皆可由本省督撫代為轉奏。不必向廣東欽差理論。自不至有蒙蔽之處。即與駐京

同其便捷。以上各層。均可聽其自擇。桂良等已託俄夷代為轉圜。無論如何為難。必須將此事阻止。俄夷既感激出力。其好勝之心。當可激發。即與之言。爾國多年和好。尚止學生在京。從無欽差駐京之事。今暎夷尚未交還廣東。如何先議入城。豈不轉在俄國之上。託其從中設法。即不能罷進京之議。亦須俟廣東事了。再行詳細議定。如何禮節。彼此允協。方能定約。至天津海口。斷不可許其往來。將

來定議進京。亦止能自上海起由內地北來。中國派官護送。一切供應。均由中國辦理。不必令其自備資斧。以後或三年一次。或五年一次來京。不必年年跋涉。如能借俄夷轉圜。其先來京城看定寓所。及在天津租賃房屋之處。俱毋庸議。至鎮江設立馬頭。於漕運有礙一層。不必向俄夷實告也。俄夷欲送槍礮。既出真心。可告以送來之時。必當收受。將來亦必以禮相酬。正可藉此籠絡。示以不疑。以

清實錄

卷一百一十五

冀為我所用。不可露中國急需此項之意。致啟輕視之心。其欲令人來教導技藝。躡看礦苗。均著婉言回覆為要。將此由六百里密諭知之。○以克勤郡王慶惠署鑲白旗蒙古都統。○以福建邵武府城被匪竄陷。革道員趙印川職。仍留任。知府匡開益。參將顧飛熊。革職留營。知縣朱汝讓。張青筒。革職。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百五十三

清實錄

卷一百一十五

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十四

監外總辦官題定日講起居注官太子太保上書房總辦文淵閣總辦新林院掌院學士稽察欽奉諭旨件件屬實欽此

大學士管理兵部事務加十三級紀錄十四次戶部總辦官欽奉諭旨件件屬實欽此

大學士管理戶部事務加十三級紀錄十六次戶部總辦官欽奉諭旨件件屬實欽此

鑲藍旗滿洲副都統戶部尚書管理刑部事務加四級紀錄十二次戶部總辦官欽奉諭旨件件屬實欽此

鑲黃旗蒙古副都統戶部尚書管理工部事務加四級紀錄十二次戶部總辦官欽奉諭旨件件屬實欽此

敕修

咸豐八年戊午五月乙酉巡防王大臣惠親

王等奏連日審訊耆英供稱英夷包藏禍心
恐害撫局並有面陳事件是以於桂良花沙
納代為具奏後即行進京並呈耆英親供三
件得旨著恭親王奕訢淳郡王奕諒會同大
學士六部九卿秉公定擬具奏耆英所具供
並摺發交爾等同閱○丙戌夏至祭

地於

方澤遣肅親王華豐恭代行禮

上幸圓明園○諭軍機大臣等桂良花沙納奏

密陳英俄兩夷議論條約情形一摺英夷所
求內江通商一節該大臣等已許南京一處
現在逆匪占踞金陵官軍克復之後地方凋
敝一切善後事宜非兩三年不能妥辦須俟
辦妥後方能議立馬頭此事與英夷所求鎮
江同一窒礙該大臣等務當明白開導以免
臨時饒舌內地遊行一節該夷無非意在傳
教但中國民情不一肯否習教不能相強儻
將傳教之人暗中殘害或迷失傷亡中國地

廣人眾不能紛紛代為查辦此層須向該夷
先為說定以免將來因此啟釁至派員進京
看定房屋留數人居住辦事一條該夷留人
在京無事可辦海口通商事宜仍須由各督
撫察看地勢民情京中礙難懸斷若照俄夷
成例其隨從人等須改中國衣冠遵中國制
度不得與聞公事於該夷有何裨益此事仍
須囑俄夷向英夷詳言阻止方為妥善
其賠償兵費數目至二百萬雖屬無理原不

足計較。惟廣東關稅五年之中。能否扣出此數。況尚有啖咪二國。恐為數不敷。必須俟廣東大局定後。方能覈算。桂良等若先行畫押。將來事有難行。反謂中國失信。又恐其復有要求。伊于胡底。若能借俄夷之力。挽回該大臣等。亦須示以誠信。以見不輕定約。為定約後事。必能行。其尚無把握者。不敢漫然應允。並非推諉也。另片奏。俄夷遣人赴恰克圖。已諭譚廷襄。派員護送至張家口。並諭慶昫。派

員接送至恰克圖矣。將此由六百里密諭知之。○又諭桂良。花沙納奏。俄夷欲派人由驛往恰克圖送信。懇請代奏等語。據稱現在前往祇有二人。其自天津啟程。由張家口庫倫徑往恰克圖。由驛行走。係向來學生行走故道。未便過為阻止。著譚廷襄遴派熟悉夷情之幹練旗員。伴送該夷。由通州。昌平州。一帶至張家口後。著慶昫揀選通曉蒙古言語之幹員。接續護送至恰克圖。沿途密飭委員。暗

中察看夷情。妥為防護。將此各密諭知之。○以兵部右侍郎徐樹銘。為福建鄉試正考官。翰林院編修浦安。為副考官。○以江蘇句容縣團練出力。賞知縣趙廷銘。花翎。縣丞汪汝桂等。藍翎。並升敘有差。○丁亥。遣官祭關帝廟。○巡防王大臣等。欽奉

硃諭。著巡防王大臣。軍機大臣。與今日條陳之周祖培等。並謂難許內江之宋晉應阻駐京之萬青藜從長和衷商議。惟期計及久長。不可只顧目前。朕意戰甚易。戰後防患難。撫雖定局。防患尤難。然則惟戰而已。曰不然。許內江禍尚緩。從容設備。暫示羈縻。不如撫。准夷酋之偽欽差駐京。動受挾制。戰撫兩難。貽患無窮。不如戰。兩害相形。則取其輕。惟審時度勢。應戰則戰。此時尚未到應戰之時耳。再恭親王所奏。頗有可採擇之處。著一併面議。○諭軍機大臣等。本日據英桂。瑛。榮。秦。亳州。勦擒獲勝。豫省兵難抽撥。並據福濟。德安。奏。臨

淮猝陷。通籌大局各一摺。前因徐宿喫緊。疊諭袁甲三。迅速帶兵前往。現在豐沛蕭碭屬境股匪亦退。徐郡情形較前稍鬆。而臨淮為南北要衝。被賊失陷。不但南達滁全。恐捻匪與粵逆勾結。即清江盱眙沿湖一帶均已偏近。勝保等克復六安後。即宜分兵兼顧各路。此時袁甲三毋庸赴徐。著督帶兵勇馳赴臨淮等處扼截。並著勝保察看何處賊情緊急。即往何路攻勦。福濟請飭李續賓統兵繞赴

舒廬。都興阿。楊載福督帶水師由南西北等語。九江現雖克復。李續賓因湖北黃安麻城告警。尚須移師節節往勦。未能他調。都興阿等亦須留勦宿太等處。不能徑赴皖北。福濟已派勇馳赴定遠。並由德安抽兵五千名。交總兵塔思哈帶往。著即責令相機扼勦。勿使臨淮之匪與滁賊勾通。以護餉道。仍不得專恃援兵。毫無布置。致干咎戾。至徐州匪蹤業已肅清。而懷蒙賊氛未挫。日內傳振邦諒已

到徐。即著與伊興額。史榮椿督兵追勦。並與袁甲三併力夾攻。以期盡殲醜類。並著英桂。瑛榮。飭令德楞額。朱連泰兩軍。由鹿邑亳州確探賊蹤。以勦為防。不得株守一隅。致有貽誤。將此由六百里各諭令知之。○以服闋侍郎李維翰署兵部右侍郎。○以鑲黃旗滿洲參領富泰署鑲紅旗滿洲副都統。○以兵部右侍郎春佑署京營左翼總兵。○戊子。諭內閣。大學士公裕誠。植品醇正。辦事勤能。器量

淵深。老成練達。由廕生侍衛嘉慶年間。即在乾清門行走。疊蒙

皇考宣宗成皇帝擢至正卿。供職內廷。緣事降調。復任都統將軍。朕御極之初。內用尚書。晉秩綸扉。仍兼總管內務府大臣。管理部院旗營事務。數歷中外。懋著勤勞。前以微疴給假調治。方冀漸次就痊。正資倚畀。茲聞在園寓溘逝。悼惜殊深。著賞給陀羅經被。派恭親王奕訢帶領侍衛十員。即日前往奠醊。加恩晉

贈太保。照大學士例賜卹。准其入城治喪。並賞給銀一千兩。由內交出。本月二十二日。朕親臨賜奠。任內一切處分。悉予開復。應得卹典。該衙門察例具奏。用示朕眷念耆臣至意。尋予祭葬。謚文端。○又諭曾望顏奏。請將捕蝗不力之印委各員。分別懲處一摺。陝西藍田縣知縣李夢荷。著華陰縣知縣畢慶言。於各該地方。蝻子萌生。並不親往認真督捕。以致長翅蔓延。實屬玩泄。委員張守嶠等。分赴

各處。並不實力督催撲除。亦屬玩忽。李夢荷。畢慶言。均著革職。暫行留任。委員候補知縣張守嶠。陳崇善。候補未入流單灃。候補典史方邦基。均著摘去頂帶。勒令將有蝻處所。速即撲滅淨盡。署襄城縣知縣劉欽弼。於該縣屬高臺寺等處。小蝻蠕動。待委員查到時。始行會票撲捕。實屬辦理遲延。劉欽弼。著一併摘去頂帶。責令上緊捕挖收買。儻仍不知奮勉。再行嚴叅。以懲怠玩。○諭軍機大臣等。桂

良。花沙納奏。事機萬分緊迫。請旨定奪一摺。前因暎夷欲駐京師。曾諭令桂良等。告以遇有要事。儘可來京面訴。不必留人遠駐京師。或照俄夷成例。但派學生留駐。不能有欽差名目。須改中國衣冠。遵中國制度。不得與聞公事。仍須俟廣東了事。再行詳細議定禮節。將來由內地北來。由中國派官護送。一切供應。不必令其自備資斧。或三年一次。或五年一次來京。是暎夷進京一層。並非概行拒絕。

如果桂良等。明白開導。該夷得此體面。何至謂我徒事耽延。俄夷來文。謂將進京內江兩事。已代說明。詢之暎夷。乃云並無其事。此中情節。或俄夷未曾轉達。或暎夷故為狡賴。均未可知。該夷所求鎮江馬頭。與甌夷之金陵。桂良等皆許其軍務告竣。再可定議。原不過為緩兵之計。他時尚費周章。若進京一節。亦須如其所請。是桂良花沙納籌辦夷務。毫無主見。惟一味畏蕙。竟未將初十日寄諭細心

體會。噶夷照會謂我徒事遷延。若再無定說。惟帶兵北竄等語。究竟何者已定。何者未定。豈桂良等尚未分晰告知耶。連日據王大臣科道條奏。僉以該夷駐京及內江通商。萬不可准。桂良等豈不知貽患將來。惟應照初十日寄諭妥為籌辦。使該夷知非全行拒絕。又非概允該夷所請。如此羈縻。或可不致決裂。其噶夷所請。或萬不能阻止。亦只可仿照辦理。儻該夷定欲派欽差來京。建樓久住。當告

以此事斷難允准。我等若擅自允許。大皇帝必將我等從重治罪。所許各條。亦只好均歸罷議。應如何辦理之處。聽噶夷兩酋照覆一面告知俄味兩夷。令其將內河船隻及早退出。免致打仗時誤受損傷。並飛咨僧格林沁。妥速籌備。似此決絕言之。看其如何動靜。若竟用武。只可與之決戰。儻其顧惜桂良等所許利益已屬不少。必轉託俄味二夷出來說合。彼時再行酌辦。庶不致全為挾制。貽害無

窮。將此由六百里密諭知之。○又諭前因噶夷等夷要求各款。內有在京久住一節。曾諭桂良等。此層必須阻止。即不能罷議。亦須俟廣東了事。再行議定。本日據桂良等奏。噶夷又來照會。謂若再無定說。即行帶兵北竄。並天津情形。萬分緊迫等語。已諭桂良等再行剴切曉諭。如該夷堅執不允。撫局自必決裂。勢須與之用武。著僧格林沁。迅即妥籌準備。現在托明阿。駐劄楊村。兵力尚單。著即飭西

凌阿。統帶勁兵。迅赴楊村。或另派得力將弁。帶兵前往。務當早為布置。以備不虞。毋稍遲誤。將此由五百里密諭知之。○又諭連日噶夷兩夷要求各款。以內江通商。與派員住京兩條。為最難允准之事。疊據桂良等奏。請遵行。曾諭以京師重地。不能蓋立夷館。夷樓。須俟將來退還廣東省城。准照俄夷成例。但能派學生留住。不能有欽差名目。以重體制。而立防閑。至噶夷請立鎮江馬頭。既未允准。而

桂良等又許拂夷在金陵通商約俟軍務完竣再議並未一概拒絕乃本日閱桂良等所奏謂夷性急迫不能姑待所給照會再有再無定議即日帶兵北竄等語朕懷柔遠人不惜寬大以示羈縻若該夷仍肆逞強豈能聽其藐視中華要求無厭茲已復諭桂良花沙納再囑俄味二酋與為開導若竟難以口舌理論必須用武天津兵勇尚多民團亦甚可用著譚廷襄飭令帶兵將弁嚴密布置天津迤

北毋令該夷竄逸一面激勵紳民急籌攻戰之策方不致臨事倉皇特不可先行舉動當靜以待之該督前因礮臺失事僅予薄懲儻再不知愧奮徒以撫事委之桂良等及至交兵又蹈前轍辜負朕恩必加重譴惟事機貴密不可洩漏以致謀畫未成反滋他變將此由六百里密諭知之○調鑲黃旗蒙古都統惇郡王奕諱為正黃旗滿洲都統以密雲副都統勝保為鑲黃旗蒙古都統未到任前以

豫親王義道署理以正藍旗蒙古都統麟魁署鑲紅旗漢軍都統○己丑諭內閣滿慶奏審明由川解藏之夷犯喇嘛取供定擬並查實上年奏辦之第穆喇嘛先後情形一摺所有假冒第穆之喇嘛既經在川出痘身故應毋庸議其由藏同行之喇嘛箕噶諾從二名即照所擬遞至打箭爐發交原牧土司第巴等具結收領永不許出外滋事嗣後如有假冒第穆名號之番僧一經發覺即著就地從

重懲辦以警愚蒙至前輩第穆呼圖克圖著有勞績現在第穆已在薩喀地方病故仍遵前旨准其轉世以順眾情○諭軍機大臣等和春奏遵旨赴浙江督辦及現在患病等語浙江軍務緊要亟需和春前往督辦惟據奏現在患病急切竟難就道自應安心調理一俟病痊即馳赴浙江妥為調度該大臣現已傳檄浙江即日前往督辦有此先聲賊勢或可稍戢周天受擬先勦永康武義追出縉雲

仍扼桃花嶺險隘。以固金紹之防。布置尚為妥協。著即督飭該總兵迅速籌辦。李續賓現因黃安麻城告警。未能赴浙。李定太。李元度兩軍。由江西進剿。即可與周天受聲勢聯絡。為兩路夾攻之計。該大臣病痊赴浙時。金陵圍勦事宜。即交張國樑一手經理。迅圖克復。江南大營兵勇。多調往他處。現募新勇八千餘人。但未經戰陣。恐糜餉無益。兼恐有來歷不明之人。潛跡其中。務須慎加查察。為要。鄭

魁士前已諭福濟等。令其馳赴江南矣。將此由六百里諭令知之。○又諭德興阿等奏。浦營等處各路布置情形。並全滁逆眾糾合捻匪。急圖攻剿一摺。據稱九洲洲一帶。近日為水所阻。洲賊堅閉不出。我軍亦不能前往。惟賊匪曾駕小船前來窺探。仍當派兵堵截。加意慎防。以便相機渡剿。其石碛橋嚴防西路。並小店一軍。扼要控守。及防堵滁賊竄突情形。布置均尚周密。至捻眾由含山懷遠分竄

全椒。滁州勢甚猖獗。亟應連兵合剿。廬營兵單不敷分撥。本日已諭勝保酌量情形。調兵會剿。但臨淮懷遠尚勞兵力。能否即赴全滁。尚難豫料。德興阿等仍當撥兵兼顧。方為妥善。僕六合一帶告警。即著翁同書帶兵堵剿。毋令逆匪內竄。將此由六百里諭令知之。○又諭勝保袁甲三奏。通籌南北各路軍情一摺。並片陳李兆受納款輸誠。擬親往受降。圖復舒桐。請旨遵行等語。勝保擬以大軍屯駐

正陽。以精兵間道進搗舒桐。兼籌力扼臨淮。但臨淮關已報失陷。而英桂等奏。徐州現無賊蹤。是以十三日寄諭。令袁甲三毋庸赴徐。改赴臨淮截剿。并令勝保察看賊勢。何路緊急。即往何路攻剿。此時臨淮懷遠相繼失守。勝保自應先剿北路。暫緩南征。袁甲三當已即赴臨淮。勝保亦應親統各軍。或會剿臨淮。或北攻懷遠。與袁甲三之師相為策應。徐州現無賊蹤。則伊興額。史榮椿所帶各軍。亦可

酌量調度。併力兜擊。本日據德興阿等奏。全
淞賊匪。勢甚猖獗。皖省兵單。不敷調撥。德興
阿等。自攻克來安後。已分兵駐守來安。兵力
亦難再分。全淞為北路藩籬。勝保督辦三省
勦匪事務。並著統籌全局。應調何路兵勇。會
攻全淞。其先後緩急。著斟酌辦理。其正陽要
隘。仍須留兵防守。毋令再為賊擾。至逆首李
兆受。黨與甚多。受降未必可恃。如果出於真
誠。著勝保即飭令攻取舒桐。以立功給獎。舒

桐機會。固不可失。而南北輕重。亦要權衡。諒
勝保等。必能妥籌迅辦。以副委任。將此由六
百里諭令知之。○又諭。前因夷船駛入天津
海口。當令崇恩。飭沿海文武。查有海運米船
北駛者。輒入偏僻海口停泊。相機妥辦。茲據
崇恩奏。請將海運漕糧。改歸奉天籌辦。並請
飭籌漕米。在船停泊。抑或起卸等語。山東海
口。惟利津蒲台兩處。可達通州。但口岸較小。
不能多泊船隻。米石亦難多收。奉天牛莊西

錦州等處。存儲糧石。截卸較為省便。既據何
桂清咨稱。飭催各糧船徑赴牛莊等處。業已
陸續開行。自應由奉天驗收。著派倭仁前往
牛莊督辦。是否將漕米起卸囤積倉廩。抑或
仍令在船暫行停泊。俟天津事定。再由海道
至津。並著慶祺。景霖。飭屬防護。妥籌辦理。毋
致薰蒸微變。是為至要。將此由五百里諭令
知之。○以正黃旗滿洲都統惇郡王奕誥。署
正紅旗蒙古都統。都察院左都御史瑞常。署

正白旗滿洲都統。○予江南江甯陣亡都司
朱永才。守備張有光。外委譚尚誥。祭葬。世職。
○庚寅。諭內閣。吳振棣。桑春榮。張亮基。奏。回
民就撫。省城解嚴一摺。雲南省回民。因與漢
民構怨。糾集多人。於省城外四面屯聚。經吳
振棣等疊次推誠曉諭。並派員傳集漢回人
等。悉心開導。均各輸服。並據回人出具永不
滋事甘結。其屯聚省城外之回民二萬餘人。
咸已解散。地方肅清。辦理尚屬妥協。經此次

議撫以後。漢回民人可期日久相安。惟回人之良善者。既已畏法解散。其桀驁不馴者。仍當示以兵威。以昭公允。○諭軍機大臣等。本日據桂良等奏。該夷自定條約五十六款。一字不令更易。並添出在津居住一層。俄夷既不足恃。咪夷又欲開船。照此情形。豈非有心決裂。志不在和。桂良等已令該夷幫辦筆墨之華人。從中挽回。儻如所擬。該夷進京。於一年之後。不稱欽差名目。或照俄囉斯學生之

例。其鎮江通商。俟軍務完竣再辦。天津不至居住。則撫局即可定見。事已至此。尚有何靳惜。必欲該大學士等為難。但恐并此不能。則其勢不得不用武。昨十四日寄信諭旨。令將何款已允。何款難允。分晰告知該夷。使該夷知我於所請各款。並非全行拒絕。自可漸就範圍。該夷所謂五十六款。一字不可更易者。恐尚係傳說之人。於中把持。果能分晰開導。何至如此堅執。桂良等所稱天津居住一節。

或可易以他處。但當易與閩廣等省。距京較遠之處。若如奉天牛莊。及山海關等處。則與天津無異。仍不可行。本日已密諭譚廷襄。密伏練勇。隨地布置。一面抵禦該夷。一面即為保護桂良等之用。如其事機決裂。桂良等即當設法抽身。萬不可輕蹈虎口。致傷國體。桂良花沙納。譚廷襄聲氣。必須聯絡。勿至臨期貽誤事機。至俄咪兩國條約。既稱已定。即可先行具奏。以備印證。將此由六百里密諭知

之。○又諭。昨因桂良花沙納奏。夷人催給照會。有再無定議。即日帶兵北竄之語。當諭譚廷襄密籌布置。激勵紳民。急籌攻戰矣。本日復據桂良花沙納奏。咪拂兩夷自定條約五十六款。不令一字更易。其進京及內江通商。天津居住各節。因所求太奢。未能定議。俄夷言不足恃。咪夷稱欲開船。均屬通同一氣。現託該夷幫辦筆墨之中華人。設法挽回。如或不能就範。亦只可聽其決裂。各等語。該夷要

求各節。如能照桂良等所擬酌減定議。則大局仍當以議撫為主。惟夷性驕悍。恐竟不從。則兵端立起。譚廷襄務當督飭帶兵將弁及團勇人等。嚴為之備。其河西務一帶。為北竄必經之路。當節節設伏。以備攻擊。至大沽海口之勇。即可設法調回。以截該夷後路。使之進退失據。並著豫伏兵勇。將桂良花沙納等救護。毋得稍有疏虞。即或事機不至決裂。而該夷等屢次擾累居民。四出窺探。亦當密飭

團勇設法禁止。使其稍知忌憚。是為至要。將此由六百里密諭知之。○以恭親王奕訢為閱兵大臣。○以御前大臣景壽為正白旗領侍衛內大臣。○命協辦大學士翁心存充上書房總師傅。○命協辦大學士柏葰為國史館總裁官。○以兵部左侍郎穆蔭管光祿寺事。○以烏槍營翼長博崇武為密雲副都統。○以招撫雲南回民出力。賞道員汪之旭等。花翎知縣鄭文修等。藍翎。予道員濮詒孫等。

升敘開復有差。○辛卯諭內閣。譚廷襄奏商販運津糧石。懇請免稅等語。天津地方糧少價昂。亟應招商販運。俾資民食。著照所請。所有商販由海運津米糧。著自本年夏季起。至秋季止。一體免稅。以廣招徠。○又諭。廖鴻荃奏。鄉民滋事。據實滙陳一摺。福建省城設立永豐官錢局。經理未能妥洽。以致民情疾苦。本年三月間。突有鄉民千百。擁至廖鴻荃家。將財物搶掠一空。該省錢局委員牟利舞弊。

前已諭令東純等。確切嚴辦。廖鴻荃以在籍耆紳。猝遭橫逆。殊堪眷念。著賞銀五百兩。由福建藩庫發給祇領。並著該地方官時加存問。以示體恤。○諭軍機大臣等。僧格林沁奏。請飭調投誠義勇赴營協助等語。僧格林沁現在帶兵駐劄通州。防禦天津。夷人竄突。必得熟悉行陣兵將。赴營差委。藉資禦敵。著官文。德興阿。即飭勇目詹起綸。劉正發。蔡連修等。帶領精銳義勇。速赴通州軍營。聽候差遣。

並著勝保英桂飭令現在該省軍營之京營參將龍汝元。遼擊何建龍迅速赴通帶勇以資得力。將此由六百里各諭令知之。○又諭前因羅惇衍等奏進剿花縣。激勵紳團密籌克復省城。諭令黃宗漢於行抵粵省後與該紳士等密商舉動。使該夷痛受懲創。然後官為轉圜。本日復據羅惇衍等奏逆夷自踞城後驕橫日甚。出城侵犯鄉村。該紳士等調派各路團勇迎擊。先斬其兵總吐噠哈一名。並

於三寶墟地方殺斃夷目二名。夷兵一百餘名。受傷五六十名。夷兵敗退。乘夜全數入城。等語。粵東紳民此次稍抒義憤。使該夷略受懲創。殊堪嘉尚。已諭令該侍郎等乘此聲威。再接再厲。勿因官員在城稍存顧忌之心。黃宗漢自三月十五日由閩啟程。何以遲至四月二十八日尚未抵粵。中途有無阻隔。未見奏報。該督此時諒已到省。如已與羅惇衍等會同舉動。固無庸議。如尚未與聞。亦不可阻

遏民團。但將攻擊夷人之事。令羅惇衍等專辦。而該督作為局外調停。庶可使夷人窮而就撫。知畏益以知感也。現在俄味二夷在天津已有成說。啖咈二夷要求無厭。殊難駕馭。若得粵東民團齊心痛勦。亦足挫其驕橫之氣。至前諭參辦媚夷不職各員。諒已遵照辦理。此次羅惇衍等摺內所指候補知府史樸。妒功忌能。並布政使銜伍崇曜通夷牟利各節。著該督於到省後詢明羅惇衍等。一併詳

查奏。將此由六百里密諭知之。○又諭羅惇衍等奏夷人出城滋擾。迎擊獲勝。並懇陳省城情形。請旨遵辦一摺。該夷四出滋擾。業經與之接仗。兵端既起。勢不能再有顧惜。前此諭令勿遽舉動。原恐黃宗漢一時未能到粵。該紳等聲勢尚孤。今據奏稱。請以遏抑夷人之事責成該紳等。而以轉圜之權歸之黃宗漢。所見甚是。黃宗漢何以日久未到。殊不可解。該侍郎等即當激勵團練。乘其公憤。實

力攻勦不必因城中尚有官吏致存投鼠忌器之心。能將夷人逐出。將來轉圜之事。黃宗漢自能斟酌辦理。其出力之戶部主事陳桂籍。千總鄧安邦。俟立功後。隨時密保。該侍郎等雖係奉旨辦團。而勦夷之舉。仍當以民心義憤為詞。不可自露帶勇打仗之名。免致將來指名報復。又增饒舌。摺內所參媚夷及債事各官。除江國霖業經革職。交黃宗漢訊辦外。其餘各員劣蹟。著俟黃宗漢到後詳細告

知聽候查辦。將此由六百里密諭知之。○又諭慶昫奏遵旨籌辦派員護送俄夷一摺。並密陳該夷由驛行走。恐有疏虞等語。此次俄夷由張家口回恰克圖。必須熟悉夷情之員伴送。據慶昫奏稱擬派員外郎福申。驍騎校伊什貢布。沿途護送。可期得力。惟伊什貢布現在通州軍營。著西凌阿即飭該員速回張家口聽候慶昫派委。至慶昫所稱該夷由天津至張家口各路先被窺識。口外草地與驛

站。復被履看。恐將來水陸兩路多所牽掣。所慮亦不為無見。惟該夷僅止二人。且由驛行走。業已應許。難於更改。著慶昫於該夷抵口後。飭令護送各員嚴密防範。催趨前進。不令沿途逗遛。得肆窺探。以免意外之虞。將此由五百里各諭令知之。○調福建福甯鎮總兵官陳應運為南澳鎮水師總兵官。以前任浙江乍浦協副將池建功為福建福甯鎮總兵官。○以江蘇捐輸軍餉永廣高郵州學額五

名。實應縣二名。○以廣東在籍知府李仲良捐輸軍餉永廣從化縣學額一名。○壬辰諭內閣。官文等奏。官軍連克縣城。越境追勦一摺。皖匪竄踞湖北麻城。另股竄入黃安。經布政使李續賓馳抵黃安督勦。四面環攻。大股賊匪出撲。伏兵齊起。槍礮如雷。馬隊縱橫衝截。生擒一百餘名。殲斃偽丞相。偽先鋒。偽檢點。指揮。司馬等數十名。乘夜逃竄。跟追三十餘里。殺賊無算。遂將縣城克復。麻城之賊亦

於初四日夜間。不戰而遁。道員李續宜。副將鮑超。率馬步隊。日夜窮追。勦辦甚屬妥速。著李續賓等。乘勝追勦。節節掃蕩。以期肅清皖豫。○又諭。王懿德等。奏官軍勦匪獲勝。克復縣城一摺。江西逆匪。竄踞福建光澤縣城。經護理參將顧飛熊。副將賈開泰等。督率員弁兵勇。訂期圍勦。都司武明良。由南門督勇先登。斃賊一百餘名。已革署參將禧祿。由西門進攻。斃賊百餘名。其西南賊匪。被兵勇殺斃無數。將縣城克復。其竄踞邵武之賊。亦經顧飛熊督兵馳往攻勦。殲斃甚眾。勦辦尚為得手。著該督等。督飭將弁。乘勝進兵。規復邵武府城。盡殲醜類。○又諭。江國霖奏。勦辦廣西匪徒。克復梧州一摺。廣西匪徒。竄踞梧州府城。匪船數百隻。圍竄東境。廣東提督崑壽。督帶師船陸勇。於三月初旬。沂流迎勦。已革梧州府知府陳瑞芝等。自募潮勇。分起前進。三月十七日。水師先於德慶州河面接仗。獲勝。

副將衛佐邦等。繞道迎擊。二十。至四月十一等日。封川各屬文武。分投堵勦。屢有新擒。將該匪江口礮臺焚毀。並攻破白田村。杜學嶺等處匪巢。杜其牽掣。水陸大兵。遂由封川前進。斃賊一千餘名。匪猶抵死抗拒。官軍揚帆直上。礮無虛發。匪艇破碎。漂流悉被奪獲。梧州羣賊。棄臺而走。十八日寅刻。遂將府城克復。著崑壽。即飭水陸將弁。會合廣西兵勇。將柳潯各屬匪徒。一律掃平。毋留餘孽。所有出力文武員弁紳士。著黃宗漢查明保奏。候朕施恩。陣亡兵勇。著查明請卹。○諭軍機大臣等。本日據江國霖奏。克復廣西梧州。並請提關稅三十萬兩充餉各摺片。此次克復梧州府城。昨據羅惇衍等奏。江國霖任用史樸。幾至誤事。全賴提督崑壽。已革知府陳瑞芝等。水陸並進。得以成功。即據江國霖本日所報。亦多係崑壽調度。而該革員輒以督辦籌畫自居。顯係攘功掩罪。所有出力人員。已明

降諭旨。令黃宗漢查明保奏。著即嚴覈功罪。分別獎懲。其應請卹之兵勇。及從前葉名琛未經查覆之文武下落。均著黃宗漢速查具奏。至應需兵餉。前據柏貴奏撥。業經准動銀三十萬兩。昨羅惇衍奏。復與紳士黃樂之等。勸捐銀十八萬兩。以濟西餉。業已將次繳齊。此次江國霖續請之三十萬兩。應否如數動撥。並著黃宗漢酌量動用。固不可使西餉缺乏。亦不得任聽濫支。至梧州克復後。柳州潯

州等處。尚有匪踞。蔣益澧所部湘勇已抵廣西。想湖南所備戰船。亦可陸續駛到。著勞崇光。即飭該員督同將弁。迅由柳州。象州。一帶節節掃蕩。直抵潯州。與廣東援師會合夾擊。以期肅清邊圉。該撫務當乘此機會。迅圖進剿。毋失事機。將此由六百里各諭令知之。○又諭。官文。胡林翼奏。請飭調江西下游之師。就近援剿浙江等語。浙省自處州失守。衢州東門外營盤復陷。賊由縉雲竄入永康武義。

并從間道窺伺諸暨。軍情實屬緊急。李續賓克復黃安。麻城。已帶兵追剿潛太賊。匪不能赴援浙江。惟據官文等探聞。江西建昌亦已收復。祇有吉安一府未復。現有曾國荃。劉鴻翱等軍。足數剿辦。蕭啟江所帶之勇。均久經戰陣。其張運蘭。王開化。劉芳貴等。所部勇丁。亦多精銳。統計各軍不下萬餘。且距浙省程途較近。著者齡。即飭蕭啟江。張運蘭。王開化。劉芳貴等。各率所部兵勇。就近由祁門。甯國。

一路兼程前進。馳援杭州。繞出賊前。竭力堵剿。石逆現踞常山。其鋒甚銳。該撫務飭該將弁等。並力攻剿。殲厥渠魁。是為至要。將此由六百里諭令知之。○又諭。前因安徽臨淮關被陷。諭令袁甲三毋庸赴徐。即帶兵勇馳赴臨淮。本日據奏。現由鹿邑赴徐。是前次諭旨尚未接到。此時捻匪勢在北趨。自應先其所急。以固北路藩籬。袁甲三諒已遵旨折赴臨淮。即著督帶兵勇。迅速進攻。並隨時知照勝。

保會合夾擊其陝甘兵一千名。仍著袁甲三調赴該營。擇要駐劄。另片奏請飭鄭魁士速赴徐宿協勦等語。鄭魁士因江南帶兵大員多撥往浙江。業經和春調往江南。不能改赴臨淮。此時徐州已無賊蹤。如伊興額、史榮椿各軍均可酌量調撥。以資策應。總以收復臨淮為第一要著。袁甲三務當與勝保悉心籌畫。毋誤事機。將此由六百里諭令知之。○又諭內閣侍讀學士王金鎔奏天津夷務現在

議撫。撫議成則沿海通商地方宜杜其聯絡。匪類為患。不成則勦亦宜防其於敗衄之餘。突往他處報復等語。英、佛等夷在津堅請江面通商。經桂良等允以軍務完竣再行商辦。該夷復請於鎮江先立馬頭。亦尚未允許。但其蓄心欲入長江。殊為叵測。至所請他款亦多窒礙難行。一旦決裂。必致用武。上海夷船輻輳。貨物所聚。該夷有所顧惜。或不致於竄擾。惟聯絡匪類。陰圖占踞。詭謀亦在意中。著

何桂清、趙德轍飭屬體察情形。除商人有交易事件不能不聽其往來。此外軍民人等應如何嚴密防範。絕其勾結。即著妥定章程辦理。前次夷人投遞照會。據趙德轍奏擬往崑山相見。而該夷已由泖湖徑赴蘇州。聞黃浦江船戶人等類皆閩廣匪徒。結黨盤踞。夷人之敢於直入內地。未必非若輩為之導引。著何桂清等豫為曉諭。此後夷人有投遞文書求見官長等事。務於上海守候。由該道等指

示程途。毋許自行闖入內地。至黃浦江內渡船亦應豫為曉諭。加之約束。消患未萌。其長江入海之處。以圖山關、鷺鼻嘴為鎖鑰。從前伊里布曾有沈石以拒夷船之計。未行而鎮江失事。並著派員查勘情形。能否密為布置。以免臨事周章。又彼時上海失守。於崑山內河沈船下石。以防夷船內竄。是否可以仿行。並著斟酌辦理。將此由五百里諭令知之。○又諭桂良、沙納奏呈遞俄味兩夷條約。並

歷陳喫啡所請不得不從權允准一摺。桂良等所稱以後但當卧薪嘗膽力圖補救。豈知和約已定如何補救。即自請治罪。何補於事耶。俄咪條約內均有進京一條。皆無久住京城之說。喫啡兩夷豈能偏准桂良等既言不妨權允。亦當與之約定。來時祇准帶人若干。到京後祇准暫住若干時。一切跪拜禮節悉遵中國制度。不得攜帶眷屬。如咪夷條約內所載每年不得逾一次。到京不得耽延。或由

陸路或由海路。不得駕駛兵船進天津海口。小事不得援引輕請。從人不得過二十名。上京時先行知照禮部。公館自由中國豫備。喫夷若能照此。亦自可允。若必欲住京。則前此業經諭及必須更易中國衣冠。諒該夷亦所不願。其人數時日及禮節事宜。總須照咪夷約定載入條款。方可允准。至鎮江通商。原許其軍務完竣後商辦。喫夷所請之金陵。現為賊踞。不能即議通商。鎮江亦未便先立馬頭。

仍許其俟長江一律肅清。各路軍務告竣。再行定議。天津一處該夷必欲以登州牛莊相易。牛莊究近京畿。且為東三省貨物總匯。惟登州尚可酌辦。但須載明只准貨船來往。不得於岸上建立夷樓。不得攜帶器械。駕坐兵船。以上三條如其照議。即可將條約呈進。該夷原約既不肯更改。即作為中國所添條款。與之更約。彼所要請我已准至數十條。我國所定不過三條。豈能拒絕。閱俄國清字照會。

有住京及行駛內河已為阻止之語。何以桂良等仍以為請。恐係李泰國輩從中播弄。囑諭與中國人彼此語言文字均不通曉。遂至任其所為。俄使既有此語。即可託其踐言以破此疑義。況該使臣方以不能力阻喫啡為抱歉。只此三條。又非更改已成之款。必當代為妥議。另寄信諭旨一道。即宣示俄使可也。將此由六百里密諭知之。○又諭桂良等奏俄國使臣呈遞照會一摺。閱所遞文內深

以不能力阻嘆咈為抱歉。具見和好之心。據稱不患道遠。仍欲遣人前來教習技藝。修造礮臺等事。該使臣既有備送槍礮。代為轉圜之美意。朕已嘉其恭順。實非他國可比。惟既受其器械。已見惻怛。若再令其遠勞跋涉。為中國出力。非所以示懷柔。可告以毋庸派員前來。即致送槍礮一節。大皇帝已深為嘉許。若必肯出力。則再向嘆咈將此次三條代為說合。較之派員教演槍礮。修理礮臺。尤深嘉

悅。該使臣感激果出至誠。自當再向嘆咈說合。將此三條令其議定。至所請即發回文之處。俟擬定後再當封發也。將此諭令知之。○以肅親王華豐署正黃旗蒙古都統。○賞廣東省補行乙卯科鄉試年老諸生容斐如等三人。舉人副榜有差。○以克復湖北黃安麻城縣城。開復同知何忠駿頂帶。予陣亡千總陳定發。把總黃東海。賀福堂。外委龍長銀。廖鵬程。劉芳林。周有亮。唐雲華。李正和。蕭意揚。

殷洪發。蔡葬加等世職如例。披甲富明。阿優卹。○癸巳內閣欽奉

硃諭。前據惠親王等奏。請將耆英照軍法從事。因命解京嚴訊。嗣訊具供詞。復令恭親王奕訢等。秉公定擬。茲據奏稱。耆英不候諭旨。糊塗冒昧。酌擬為絞監候。朝審時入於情實。所擬尚無不協。惟其聲敘獲咎之由。殊非誅心之論。不得不明白宣示。耆英以負罪之員。復加擢用。原冀其收效桑榆。於事有濟。況該員陞辭時。面奏力任其難。看奴才造化。若何似非昧良昏憤者。且於四月二十七日抵津後。即有寄諭。令其不必與桂良等附合。稍涉拘泥。俾其自展謨謀。作為第二步辦法。朕用耆英。不可謂不專。保全之恩。不可謂不厚。及桂良等奏。請令該員回京。朕料耆英斷無不知之理。尚恐稍掣其肘。寄諭仍留津自酌辦法。耆英苟有天良。能無汗流浹背乎。詎該員拜摺後。即擅自回京。藉稱面陳機要。試問果有

面陳。曷不單銜密奏。又云難於形諸筆墨。何以接奉留津之旨。又匆匆具摺。試問摺供之外。尚有何機要乎。屢次瑣瀆。不過為一首領計。況該員供摺內。非盡無可採之語。未深悉底蘊者。尚覺情輕法重。不知所說辦法。朕與諸臣早經議及。況出諸他人。則可。出諸者英之口。則不可。何則。蓋者英乃局中人。既有所見。自可施為。豈有同辦一事。不能補救於事前。徒有成說於事後。若謂該夷所忌。懲辦正

墮詭謀。蓋者英藉茲自白。乃心不徒盡滌前愆。且欲誘過於人。居心尤不可問。自料擅離差次。議止罷斥。正遂其身謀。優游於家。久蒙知遇。忍出此耶。且跡其心匪特此也。同桂良。花沙納。商允。照會。相對泣於窗下。朝不知夕死。不聞其恪遵前旨。另設良圖。迨去津時。與花沙納云。恐此去人心惶惑。作為因差暫離津郡。抵通接奉寄諭。又不聞趕緊折回。抽身惟恐不速。等朕旨於弁髦。處處巧詐。有意欺

罔。即立與駢誅。百喙奚辭。惟惠親王等原奏。未免過重。即肅順所奏。仍擬正法。亦未為是。朕之交議。正因其罪重。欲廷臣衡情酌斷。暴白於眾。若仍予正法。何必解京。又何必定擬。且謂其苟延歲月。儻以病亡。獲保首領。比擬更屬不倫。此乃盜案內斷語。難妄加諸者英。朕數日詳酌。欲貸其一死。實不可得。即照奕訢等所擬。朝審時。必予勾決。尤覺不忍棄之於市。不得已思盡情法兩全之道。著派左宗

正仁壽。左宗人綿勳。刑部尚書麟魁。迅即前往宗人府空室。令者英看朕硃諭。傳旨令伊自盡。以示朕飭紀加恩之至意。○諭內閣。著齡奏。官軍進勦建昌逆匪。獲勝。收復郡城。一摺。逆匪占踞建昌府城。即選道張運蘭等督兵攻勦。適南豐敗匪糾眾回竄。經守城官軍勦洗淨盡。張運蘭等得一意進攻。四月初九等日。於磁圭赤家山地方。分勦獲勝。官軍節節進逼。賊眾於新豐地方死拒。二十三日。被

勦潰敗。城內出援之賊。復被擊散。官軍於二十四日收復郡城。前後殺賊無算。在事員弁等著有微勞。自應量予鼓勵。由江西派出員弁著耆齡查明保奏。由湖南派往員弁著駱秉章查明保奏。另片奏東鄉踞城之賊。被候補知縣黃振成屢次擊敗。於四月二十三日克復縣城等語。所有在事出力員弁。並耆齡查明保奏。諭軍機大臣等。俄夷欲備送槍礮。曾經降旨准其收受。其欲令人來教導技藝。躡看礦苗。本月初十日諭令桂良等。婉言回覆。乃昨日桂良等片奏。俄夷遣使來言。仍以教習槍礮之事。必須允准。且該夷清字文內。有欲派員進京。繪出礮臺式樣。並指引修築等語。其初十日所奉諭旨。桂良等曾否告知該夷。此次接到該夷來文。曾否答復。如何措詞。著即迅速具奏。將此由六百里密諭知之。○以收復江西建昌府城。予知州黃秉珍等升敘有差。玉山陣亡監生顏祿泳等。賞

卹如例。○甲午。諭內閣。禮部尚書銜前任禮部侍郎杜堦。品行端方。學問醇粹。嘉慶年間。由翰林洊升內閣學士。蒙皇考宣宗成皇帝擢任侍郎。出典文衡。服官三十餘年。持躬清正。辦事勤慎。引疾後復蒙御賜扁額。並因重赴鹿鳴筵宴。賞給頭品頂帶。加太子太保銜。以示光榮。朕御極之初。復親頒宸翰。賞賚優加。伊子追贈大學士杜受田。前在上書房輔導朕躬。深資匡弼。嗣於江蘇差次病故。復推思其父晉秩尚書。賞食全俸。洎壽登九袞。晉加太傅銜。賞戴花翎。以示優禮。方冀克享期頤。用作熙朝人瑞。茲聞溘逝。悼惜殊深。著賞給陀羅經。被派貝勒載治。即日帶領侍衛十員。前往奠醊。加恩晉贈大學士。即照大學士例賜卹。並賞給廣儲司銀一千兩。經理喪事。本月二十三日。朕親臨賜奠。伊曾孫杜庭珪。杜庭璆。著吏部查明。俟及歲時帶領引見。候朕施恩。應得卹

典該衙門察例具奏。用示朕篤念耆臣優加恩眷之至意。尋奏上。予祭葬。諡文端。諭軍機大臣等。英桂奏楚匪闖入光商。並豫軍不能分撥一摺。昨據官文等奏。湖北官兵連次克復黃安麻城。李續賓已移得勝之師前往商城地界越境追剿。光商一帶自應添兵夾擊。以防北竄。英桂等現將駐劄鹿邑之馬步兵勇撥往救援。並將陝西官兵一千名及羅山練勇七百名均撥歸邱聯恩調遣。著即飭

令該鎮合力堵剿。並飭該地方官召集團勇協同勦辦。務將竄匪悉數殲除。毋令滋蔓。至懷蒙擒匪回竄雒河。朱連泰一軍著仍駐亳州防剿。徐州境內已無匪蹤。前經諭令袁甲三攻勦臨淮。其歸陳所屬堵禦未容稍懈。鹿邑存營之兵尚有二千名。著該撫等嚴密布置。毋稍大意。將此由六百里諭令知之。○又諭。前因羅惇衍等奏。夷人出城侵犯鄉村。團勇迎擊獲勝。當諭令黃宗漢不可阻遏民團。

祇可作為局外調停。本日據朱鳳標、匡源沈兆霖奏稱。粵民業經開仗。讐隙已成。請飭羅惇衍等一意進攻。並將出力勇目速行保奏。等情。所奏各情與前諭羅惇衍等兵端既起。不能再有顧惜。適相符合。但朱鳳標等尚未知天津撫局已定。現在英、佛二夷業已與桂良、花沙納議定條約。夷船已陸續開行。廣東省城已許退還。似無須再加攻擊。未知黃宗漢到粵後。羅惇衍等辦理如何。儻業已進攻

省城。或經克復。或雖未克復。而民心激於公憤。其勢不能歇手。只可仍聽進攻。不必阻止。若尚未攻城。或該夷守禦嚴密。攻城難操勝算。即著毋庸進攻。俟該夷退出交還。免致於就撫後更生枝節。著該督與該侍郎等熟商妥辦。其有夷人闖入村莊肆行搶掠者。仍由民團勦捕。不可加之阻抑。以順輿情。柏貴現在告假。已明降諭旨。令畢承昭署理廣東巡撫矣。朱鳳標等摺著鈔給閱看。各國所定條

約。俟桂良奏齊後。再行錄寄。將此由六百里密諭知之。○又諭。據都察院奏。江蘇捐職從九品賀慶昇。以土豪徐嶠。仗義父為徐州道。勾匪何廷元。並徐勳等。在高塘溝集為首。結捻搶掠。屢次將伊家焚搶。伊與祖母李氏被執。伊祖母旋即自盡。伊叔祖賀彥清。被毆斃命。解屍焚燒。州縣並不查拏。審訊等詞。赴該衙門呈控。此案據該職員稱。被焚搶五次。連斃二命。牽涉淮徐道王夢齡。為土豪徐嶠義

父。延不訊究。是否該職員捏詞聳聽。抑係徐嶠指官蒙混。虛實均應徹底根究。著邵燦。庚辰提集人證卷宗。秉公嚴訊確情。查明王夢齡有無為徐嶠義父情事。據實具奏。以期無枉無縱。原摺著鈔給閱看。將此諭令知之。○以病痊工部右侍郎廉兆綸。為戶部右侍郎。兼管錢法堂事務。命會同倉場侍郎李鴻。辦理通州驗收海運米石事宜。○以內閣學士龐鍾璐。署工部左侍郎。宋晉署工部右侍郎。

兼管錢法堂事務。○廣東巡撫柏貴。因病賞假。以布政使畢承昭署巡撫。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百五十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十五

監獄或官廳每日議定官大十次上書及應辦各事新設監獄學士指察各案上書事件處國史館編纂官書

大學士管理刑部事務加十三級紀錄十四次自當校學士總管官題定請旨奉天件又領開關開書或刑部職官教習等書體公開

大學士管理戶部三庫事務加十三級紀錄十六次自周垣塔總管官大少件內務府事務刑部事務刑部事務刑部事務

欽差大臣巡視各處戶部事務加十三級紀錄十二次自當校學士總管官題定請旨奉天件又領開關開書或刑部職官教習等書體公開

通國史館總纂官正監撰修官各部院衙門事務加十三級紀錄十二次自當校學士總管官題定請旨奉天件又領開關開書或刑部職官教習等書體公開

教修

咸豐八年戊午五月乙未諭內閣者齡奏參

通判規避差使一摺江西開復通判王宇英
前署武甯縣事交卸後並不赴省輒以候算
龍南縣任內交代為詞旋即呈請告病不候
委驗擅赴廣東實屬任性自由藉詞規避王
宇英著即革職以示懲儆仍著廣東督撫將
該員押解江西清理歷任交代如有虧那從
嚴叅辦○諭軍機大臣等前因江西賊匪竄
入浙江之常山開化圍逼衢州府城疊由江
南徽州等處調撥援師馳往救援恐官軍無

所統屬特加漳州鎮總兵周天受提督銜督
辦浙江防勦事宜嗣因處州失守並攻陷金
華所屬之永康武義二縣恐周天受資望較
淺未能統率眾軍復諭和春前往督辦茲據
和春奏現在患病未痊刻難就道東南大局
攸關必須聲威素著之大員督率各軍方能
措置裕如曾國藩開缺回籍計將服闋現在
江西撫建均經克復只餘吉安一府有曾國
荃劉騰鶴等兵勇足敷勦辦前諭者齡飭令

蕭啟江張運蘭王開化等馳援浙江該員等
皆係曾國藩舊部所帶丁得曾國藩調遣
可期得力本日已諭令曾國藩馳驛前往浙
江辦理軍務著賂秉章即傳旨令該侍郎速
赴江西督率蕭啟江等星馳赴援浙境與周
天受等各軍力圖埽蕩該侍郎前此墨經從
戎不辭勞瘁朕所深悉現當浙省軍務喫緊
之時諒能仰體朕意毋負委任何日啟程並
著迅速奏聞以慰廑念將此由六百里各諭

令知之○又諭桂良花沙納奏各夷條約已定遵旨覆奏一摺。英、俄兩夷條約內前命囑俄夷挽回之處已不能行。覽奏徒增憤懣。至俄夷欲派人修理礮臺、教演槍礮。前諭桂良等阻止。原係體恤該國。並非有猜疑之意。今該夷既謂只派十人或五人前來為數不多。尚可允准。著桂良等即備文照會該夷。准其酌派數人前來教演槍礮。修築礮臺。並加嘉獎。以堅其和好之心。所稱各國公使均須各

同本國。究竟該夷起碇時言明先往何處。桂良等前奏有在上海議定稅則之語。該夷等曾否約定何時往議。現在英、俄兩夷船隻是否離大沽海口已遠。即著桂良等偵探明確。密速奏聞。英、俄兩夷條款業經議定。何以遲遲未奏。並著即日鈔錄進呈。毋許延緩。將此由六百里密諭知之。○江西巡撫耆齡奏軍務紛繁。省城防守緊要。本年文武鄉試未能舉行。下部知之。○命前任兵部侍郎曾國

藩馳赴浙江辦理軍務。○以前任廣西布政使胡興仁為甘肅布政使。○以江西勸捐助餉出力。賞在籍翰林院檢討夏廷桀等升銜。優敘道員萬啟琛。按察使銜。○以甘肅勸捐出力。賞同知李燕林等升敘有差。○予江西進賢東鄉都昌等縣陣亡縣丞尹世堂訓導李夢梅主簿曾廣厦陳濬典史何鏡清從九品胡德璋千總全拔把總鄒飛虎外委黃魁鼎等五十員祭葬。世職六品軍功錢景韜等賞卹如例。○丙申。

上詣

覺生寺拈香。○臨故大學士裕誠第賜奠。○還宮。○諭內閣大學士裕誠溘逝。業經降旨優加賜卹。本日朕親臨賜奠。見其遺孤幼穉。殊深愴感。因思裕誠人品醇正。數歷中外。奉職勤能。著加恩入祀賢良祠。伊子堃林俟及歲時由該旗帶領引見。以示朕眷念舊臣恩施優渥至意。○閩浙總督王懿德等奏軍務

喫緊本年戊午科文武鄉試請展限兩月舉行下部知之○以翰林院編修尋鑾煒為湖南鄉試正考官杜瑞聯為副考官侍講學士李德儀為四川鄉試正考官內閣侍讀豫師為副考官○丁酉

孝恭仁皇后忌辰遣官祭

景陵○

上臨故尚書銜前任禮部侍郎杜堦第賜奠○

幸圓明園○諭內閣贈大學士太傅禮部尚

書銜前任禮部侍郎杜堦溘逝業經降旨優加賜卹本日朕親臨賜奠推恩舊學愴感於懷因念杜堦植品端方學有根柢從公夙夜克勵清勤著加恩入祀賢良祠將來靈柩回籍時派員子綿勳前往祖奠目送並著沿途地方官妥為照料護送以示朕眷念耆臣施恩優渥至意○諭軍機大臣等前因桂良等呈遞俄味兩國條約未將喫啡兩國條約呈遞疊經諭令速奏本日始據桂良等鈔錄呈

覽各國條約經桂良等面議蓋用關防豈尚有不准之理茲據桂良等奏稱各國欲以奉到硃批為信所有該大臣等前奏俄味二國條約並本日所奏喫啡二國條約朕均批依議二字發交桂良花沙納閱看著即將此旨宣示各國照此辦理從此長敦和好永息兵端共體朕柔懷遠人之至意將此由六百里諭令知之○以都察院左副都御史富廉署鑲紅旗蒙古副都統○改鑄河南許州直隸州知州印信從巡撫英桂請也○戊戌諭軍機大臣等勝保奏進駐懷遠派兵赴鳳陽一帶勦賊獲勝一摺並統籌全局請專責成等語前因臨淮失陷疊諭袁甲三前往該處督勦茲據勝保奏六安等處已無須李孟羣兼顧請飭令前赴臨淮助勦自係為力遏北竄起見著勝保福濟即飭該藩司前赴該處幫同袁甲三勦辦該藩司現已赴廬著即由定遠一帶繞道前往毋稍遲緩此時徐宿軍情

較緩伊興額史榮椿兩軍均歸勝保調度其攻勦情形亦由勝保袁甲三會同奏報儻徐宿有警仍由伊興額等專摺奏聞以期迅速而免貽誤勝保現駐懷遠於南北軍情自可統籌兼顧設賊勢竟欲北犯即著繞道蒙宿力行堵遏以全大局光商竄匪已有湖北兵勇追勦其洪澤湖等處並著庚長添派兵勇嚴防以杜捻逆東竄之路至勝保所請帶兵北上之處奮勇可嘉已於該都統密奏內批

獎此時天津夷務已就平靜勝保著毋庸北來惟當將皖豫捻粵各匪迅速勦辦肅清以副朕望將此由六百里諭知勝保袁甲三庚長福濟伊興額史榮椿並傳諭李孟羣知之○鑲黃旗蒙古都統勝保奏請幫同僧格林沁辦理夷務得旨爾謀猷國事之心深堪嘉尚朕覽甚悅惟現在夷務將竣毋庸照爾所請行另有寄爾諭旨○命吏部左侍郎匡源內閣學士署刑部左侍郎文祥在軍機大臣

上學習行走○廣西巡撫勞崇光奏報收復平南縣城得旨嘉獎○以廣西臨桂勦賊出力予都司蕭榮芳以參將用○予安徽六安等處陣亡知府銜舒津縣丞嚴銘防禦卓立布驍騎校王盛銘李雲祭葬世職○己亥諭內閣張之萬著授鍾郡王奕詒讀○又諭有人奏知州聲名平常請飭查辦一摺據稱直隸易州知州李同文性耽安逸不理公事私設班房牽連無辜並飭令商民私斷鐵錢上

年飛蝗為患該州反令社書約地各具無灾甘結且有科派鋪戶居民懸額頌揚及令眷屬入廟登城等事州牧為親民之官似此匿灾苛派擾累民間必應嚴行懲辦李同文著即撤任交譚廷襄提省訊究如果屬實即著嚴行叅辦以儆官邪○又諭晏端書奏請展緩鄉試一摺本年戊午科浙江鄉試因該省現辦軍務不能依限舉行著准其展至咸豐九年特開一科補行文武鄉試○又諭晏端

書奏招商運米請給照免稅等語。浙江省米價昂貴。經該撫飭商購買。並咨閩廣江南等省一體招徠。給照販運。所有持照運米各商。經由水陸關口。准其暫免納稅。俟軍務稍平。即行停止。○又諭晏端書奏。後起未免漕糧。懇恩仍准截留等語。浙江軍需緊要。所有該撫前請截留之漕糧九萬餘石。著仍准其截留變價。以濟軍餉。○諭軍機大臣等。前因桂良等奏將各夷條約。懇請殊批。以釋懷疑。已

批示發給。茲據桂良等奏。業經接奉宣示。該夷惟咪夷已經起碇回國。英佛夷尚有兵丁登岸。及占踞民房廟宇之事。且昨日英夷開船六隻。往下行走。探聞並非出口。後又有續到小火輪船一隻。各等語。該二國條約已定。復經批諭著桂良等宣示該夷。庶即起碇出口。何以船隻去來靡定。又有登岸占踞之事。不知意欲何為。情殊巨測。著譚廷襄密飭兵弁嚴加防衛。並飭李志和李麟遇等整齊練

勇以備不虞。本日御史何璟奏夷船逗遛不行。恐以和約怠我軍心。而行其詭計。宜飭天津府知府石贊清知縣尹珮瑤等暗團民練相機而應等語。所奏不為無見。並著譚廷襄酌量情形妥籌辦理。將此由六百里密諭知之。○又諭前於四月初七初十等日。將夷船到天津後大概情形。及該夷占踞大沽礮臺。未能即時用武各情節。先後寄知黃宗漢矣。嗣因羅惇衍等奏。夷人出擾村鎮。練勇迎擊。

於四月二十二等日。連次獲勝。復經兩次諭知黃宗漢。大意總在勿阻民團義憤。而官為轉圜。使夷人畏民感官。方可措手。現在天津議撫已有端倪。自大沽礮臺被占。後夷船直偪天津城下。密通京畿。勢難用武。已經桂良花沙納將所請各條議准。業已用印畫押。彼此互換。其勢難於翻悔。英夷約內索賠兵費四百萬。英夷約內索賠兵費二百萬。分年由廣東關稅內扣抵扣完之後。再行交還廣東。

省城是黃宗漢本日所奏。該夷搭橋築臺。欲為長久之計。未必無因。且該夷所築礮臺。能使十里內外。不能駐足。此時羅惇衍恐急切未能攻城。著黃宗漢懍遵前旨。如團練力可制勝。萬全無失。則聽其進攻。不必阻遏。儻勝負尚未可知。則不可輕於一試。設有疏失。轉令夷人窺破。從此用民勦夷之說。亦不足懾伏夷人。況黃宗漢所帶兵勇無多。必須蓄民團之威。以為局外調停之助。若並此不足恃。

則黃宗漢愈無把握。此係慎重機宜。並非過民義憤。黃宗漢與羅惇衍等。妥密商辦可也。將此由六百里密諭知之。○以湖北蘄州勦賊出力。賞守備李東山等升擢有差。○緩何南碓山。西平。舞陽三縣。被擾地方。舊欠額賦。○庚子。諭內閣。恆福奏。體察營制。請停營員改駐一摺。山西孟壽營遊擊。前議改駐平定州。茲據該撫體察情形。審度地勢。查明孟縣地方偏僻。北接長城。必得專駐參遊大員。方

足以資控制。且距平定州九十里。亦尚易於策應。所有孟壽一營。仍著駐劄孟縣。實為適中扼要之區。毋庸更改舊制。○諭軍機大臣等。本日據福濟奏。鳳陽府縣城池失陷。塔思哈帶兵二千。現駐定遠。黃元吉等收集潰勇。擬劄紅心驛。能否堵遏。尚未可知。等語。捻匪先踞臨淮。後陷鳳陽。勢成犄角。勝保現既行抵壽州。已派兵前赴懷遠。距鳳陽不過數十里。袁甲三如已抵臨淮。距鳳陽亦止數十里。捻匪既經攻陷府城。勢已燎原。不可不先其所急。勝保係督勦三省捻匪大員。凡勦辦捻匪各軍。屢次降旨。統歸該都統會同袁甲三調度。尚何慮其呼應不靈。著即迅籌進勦。速克兩城。不特匪蹤北竄。亟應堵遏。即東竄之路。亦應迎頭兜截。福濟所派麟瑞等各軍。在臨鳳一帶者。均著勝保就近調度。分路夾擊。以期得力。萬不可專顧西路。致賊東趨。至麟瑞本歸福濟節制。李孟羣係本省藩司。均應

聽福濟調度傳振邦一軍已准留於甯國軍營並未前赴徐州洪澤湖等處已有旨令庾長添派兵勇扼要嚴防矣將此由六百里各諭令知之○湖北巡撫胡林翼奏修理試院未竣請將本年湖北文鄉試展至九月武鄉試展至次年三月舉行下部知之○以克復江南江浦來安兩城賞總兵官成明提督銜協領博奇以副都統用參將馬國陞守備余承恩已圖魯名號知州黃涇祥包良訓張富

年佐領隆山都司李廷邦等花翎勇目蔡長年等藍翎餘升敘有差○以安徽鳳陽府城被賊竄陷道員黃元吉參將吳秀下部嚴議革知府蕭榮綬知縣李萃職戴罪效力○以安徽全椒縣城被賊竄陷革知府蔣翰英職留營效力○予安徽桃鎮陣亡典史周士達千總張一鵬把總劉萬福祭葬世職○辛丑諭軍機大臣等前據黃宗漢奏傳聞該夷向民間搜索軍器並有擄掠等情民團曾與打

仗乃本日桂良等奏各夷因和約已成漸次起碇一二日內各船俱可退盡惟夷酋來晤提及廣東之事請桂良等同京奏明如在粵喫虧仍須帶兵來津並哱夷呈遞照會稱聞黃宗漢在省城內外出示令百姓勦滅番兵該民人遇外國獨行兵丁即時斃命是否總督所為或有假冒其名招灾攬禍等語著黃宗漢就近照會粵省夷酋告以大皇帝已允爾和好我等斷無與爾構兵之理廣州鄉團

人數眾多聞與爾國兵丁尋讎爭鬪或假冒本大臣之名出示本大臣無從知悉爾國但當約束兵丁勿擾民間自可相安無事不致受虧使該夷知起釁在彼報復在民與官無涉庶不致於議和之後別生枝節也將此由六百里密諭知之○予安徽東流陣亡守備謝新有千總梁宏太外委郁德雲祭葬加等世職如例○癸卯諭內閣和潤奏請將消弭重案捏造供詞之廳員撤任歸案質訊一摺

奉天金州廳海防同知育瀉。於旗婦徐范氏。因姦毆死孫成子藏屍滅蹟重案。並未究出。該犯婦謀殺本夫。及養媳等情。任意消弭。殊出情理之外。育瀉著先行撤任。歸案質訊。如查有賄屬別情。再行從嚴叅辦。○諭軍機大臣等。官文奏。楚軍水陸東征籌策調度一摺。湖北官兵克復九江黃安麻城。軍威已壯。自應水陸乘勝進剿。皖豫先清江北。為直搗金陵之計。官文所籌各條。尚屬周妥。九江地勢

扼要。官文等已撥兵五千駐守。江西兵勇多赴浙境追剿竄匪。能否抽兵五千同守九江之處。著官文等知照者齡籌辦。楊載福師船下駛。會合蕪湖紅單船後。亦即知照和春德興阿。飭令帶兵之員。與楊載福和衷商辦。江北一帶全淦和州之賊。急欲應援金陵。德興阿已飭各營勦辦矣。捻匪回竄懷遠。臨淮鳳陽先後失守。勝保現駐懷遠。袁甲三亦折赴臨淮。亟應迅圖克復。節節南逼。李續賓由中

路進攻。都興阿由宿太進兵。楊載福直攻安慶。皖北之賊。當可次第肅清。所有楚軍馬步水師應需糧餉。仍由官文等豫籌撥解。至運送糧餉軍火等項。著何桂清。福濟。英桂。瑛榮。先期派員攜帶經費。探明大軍進止分段設站。隨時轉運。以利進行。至所撥楚軍餉項。收支各數。在皖者咨送皖省。在豫者咨送豫省。入蘇境則咨蘇省。各該督撫即飭承辦之員。仍照湖北章程銷算。以便稽查。而免輻輳。楚軍進剿皖豫。水陸各軍。即責成都興阿。李續賓。楊載福統制。他省帶兵大員。不得調歸統轄。以一事權。而期得力。現在皖豫兩省賊勢蔓延。官文等分飭諸軍。水陸並進。實為全局關鍵。勝保。袁甲三。務與都興阿。李續賓同心協力。迅殄逆氛。以收師克在和之效。將此由六百里各諭令知之。○又諭。前因奉天牛莊沒溝營等口岸。停泊海運漕船。當經降旨。准將該船攜帶二成貨物。即在該處銷售。免稅。

現在天津夷船將次退竣著文彩崇綸確切探明如各夷船盡數開行海口肅清即著飛咨慶祺倭仁等仍令原船由海道迅赴天津交米由文彩等驗收蘇省委員即可毋庸前往牛莊以歸簡便將此由五百里各諭令知之○又諭晏端書奏賊竄壽昌派兵攻剿一摺壽昌為金衢嚴三郡咽喉重地現被逆匪竄擾情形甚為喫緊雖經周天受調派各軍分路堵剿而蘭谿之小畝嶺等處已有賊蹤

周天培一軍行抵蘭谿務當先清該處之賊庶可即赴壽昌會剿其李定太一軍經和春責成督辦衢州防剿據奏現抵遂安著就近將壽昌之賊先行剿除現在和春患病是否即可就痊如尚未能即日赴浙著將援軍遙為調度其各路要隘應行防範並著晏端書妥為布置周天受督攻武義業已得手即可乘勝進剿以杜下竄至福興由衢至遂安既在途次探知賊蹤內犯並不暫駐壽昌以示

聲威實屬畏蕙無能其往返幾及兩旬是否故意耽延著和春確查奏奏毋稍徇隱將此由六百里各諭令知之○浙江巡撫晏端書奏餘杭剿匪出力人員請加獎勵得旨葉瑩等既係本身應為之事况已寬免處分何得再請獎敘未免有意見好○以勦辦浙江餘杭土匪出力賞守備田慶槐花翎遊擊沈鎮揚等藍翎遊擊楊金榜等升敘有差○緩察木多呼圖克圖等年班例貢○甲辰諭內閣

前因夷船闖入大沽海口礮臺被占當將署天津鎮總兵達年署大沽協副將德魁革職拏問直隸提督張殿元副都統富勒敦泰均革職留營護軍統領珠勒亨革職留任以示懲儆所有達年德魁張殿元等著譚廷襄仍遵前旨審訊查明分別具奏其珠勒亨富勒敦泰二員僅予革職留任留營尚恐不足蔽辜侍郎國瑞所帶京兵雖未衝散亦未能前進應援並著僧格林沁分別查明奏奏○諭

軍機大臣等本日據巡防王大臣等奏。撫局已定。酌撤京兵。並擬查看海口情形一摺。現在天津夷船全數退出內河。前經派出駐劄八里橋官兵。自應先行裁撤。通州以東各營。暫令照舊駐劄。各處調到官兵。將次抵京。亦可分別調度。其由天津至海口一帶。即豫為防範。嚴密布置。著僧格林沁即行來京。面授機宜。所有通州各營。著派西凌阿照看。將此密諭知之。○又諭桂良。花沙納奏夷船

全數開出內河一摺。喫呷兩夷船隻已全數開出內河。俄夷亦經起碇。自必先後放洋。桂良。花沙納著俟各夷船全行放洋後。即來京覆命。其被官兵擊壞夷船。該夷尚在修理。即著譚廷襄在津防範可也。將此由六百里密諭知之。○命甘肅布政使胡興仁馳赴浙江。會同前任兵部侍郎曾國藩辦理軍務。○予直隸天津防夷陣亡遊擊沙春元都司陳毅。千總常榮魁恩榮外委趙國璧。石振岡護軍

校班金布。增錦驍騎校蔡昌年祭葬世職。○予湖北華陽鎮陣亡守備戴洪亮外委郭得雲祭葬加等世職如例。○豁免湖北武昌咸甯嘉魚蒲圻崇陽通城興國大冶通山黃岡蘄水蘄黃梅廣濟十四州縣被旱被擾地方舊欠額賦及雜項錢糧。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百五十五

後復陷鳳陽勢已燎原自應先其所急以杜該逆北犯李孟羣既須赴廬州與福濟會商機宜著即啟程前往不得以守候川餉致涉遲延到廬後與福濟商定行止或仍赴臨淮或援應滁全均以遏該逆北竄之路俟北路稍定再圖舒桐其時湖北官軍當亦可以東下兩路夾攻不難埽除巢穴也將此由六百里各諭令知之○又諭袁甲三奏淮北賊勢蔓延請飭總兵大員帶兵助剿等語江南徐

州鎮總兵傅振邦前經和春遵旨飭令帶兵一千名赴徐進剿嗣因徐州軍務稍鬆復經和春奏明仍令折回灣沚現在淮北一帶賊眾兵單伊興額又因接仗受傷恐急切不能帶隊當此軍情喫緊之際必得勇敢大員前往督率勦辦方可得力著和春等即飭傅振邦酌帶兵勇迅速前赴徐州毋稍延緩其鄧紹良軍營防勦事務即著和春另派大員幫同辦理將此由六百里諭令知之○又諭前

因彭蘊章等奏會議海運米石分成改歸河運諭令有漕各督撫各就地方情形籌畫要辦本日據李鈞崇恩奏東省運河形勢及運糧商船繞湖繞坡行走處所均已委員詳細勘明並繪圖貼說呈覽所籌辦法尚屬周妥惟此次所議係指分成河運而言若以全漕盡歸河運則為數較多是否能照此辦法亦無窒礙並著該河督等詳細籌商迅速具奏至新漕起運總在春間河道應修各工亟應

於夏秋之交先事綢繆遲至冬令即恐冰凍難於興辦該河督等所稱淤墊工段及漫塌處所即著擇要次第施工毋致臨時趕辦致有草率將此各諭令知之○以安徽薛家湖勦賊受傷賞副都統伊興額頭品頂帶○予安徽陣亡守備凌祥益千總曹德勝祭葬世職如都司例○丙午諭內閣前因曾望顏奏請將捕蝗不力之知縣等懲處當經降旨將陝西藍田縣知縣李夢荷署華陰縣知縣畢

賡言革職暫行留任茲據吏部奏稱數與定例不符請旨遵行等語李夢荷畢賡言均著照例革職等因以為玩視民瘼者戒嗣後各省督撫務須悉依定例不准稍涉於寬○諭軍機大臣等昨命甘肅布政使胡興仁馳驛前往浙江會同曾國藩辦理軍務本日據胡興仁奏伊堂弟候選守備胡景陶曾在廣西隨同該藩司訓練鄉勇屢經打仗請飭令前往浙江藉資差委等語著駱秉章即飭該守

備胡景陶酌帶鄉勇數十人隨曾國藩赴浙如曾國藩業已啟程即著飭令徑赴浙江交胡興仁差遣將此由五百里諭令知之○又諭前據桂良等奏英俄夷船全數開出內河俄夷亦經起碇當經諭令俟各夷船全數放洋後桂良等即來京覆命現在內河既無夷船其上岸修理之船一經竣事亦可放洋既有譚廷襄在津防範桂良等可以毋庸守候著即迅速來京覆命可也將此由六百里諭

令知之○以黑龍江總管格綱額為墨爾根城副都統○以伊犁徵收茶稅出力賞守備王重祿花翎章京國仁等藍翎餘升敘有差○丁未諭內閣和春奏請將帶兵遲延之都司革職並將提督議處等語貴州儘先都司游應龍經和春飭令帶兵隨同提督德安赴廬州助剿乃任聽兵丁等抗違軍令遲至兩月延不就道實屬庸懦無能著即革職仍留營隨剿以觀後效湖北提督德安於舊部弁

兵既經指調並不嚴催啟程亦屬統率無方著交部議處○又諭圖伽布奏噶勒丹希呼圖呼圖克圖之呼畢勒罕呈請轉奏來京瞻仰天顏請旨一摺噶勒丹希呼圖呼圖克圖之呼畢勒罕呈請進京瞻仰朕顏實屬至誠著照所請准其進京陛見○諭軍機大臣等前因僧格林沁奏請飭調投誠義勇赴營協助當經諭令官文德興阿即飭勇目詹起綸劉正發蔡連修等帶領義勇赴通州軍營聽

候調遣。現在天津夷船已退。所謂各路之兵。俱可陸續酌撤。所有前調之勇目。詹起綸等三名。均著仍留各該大臣軍營差遣。毋庸帶勇前赴通州。將此由五百里各諭令知之。○又諭。前調哲里木盟官兵。曾諭令慶祺就近催令赴京。其昭烏達盟官兵。亦諭令英隆飛飭催趨。並准總管常山。分帶赴京。現在天津夷船已陸續退出海口。所有前調官兵。自應暫緩前進。以示體恤。哲里木盟官兵。如尚未進關。即著於關外駐劄。如已入山海關。即飛飭折回。暫劄關外。其昭烏達盟官兵。即著於熱河哨內駐劄。常山亦毋庸來京。留於該處彈壓。俟續有諭旨。再行分別遵辦。將此由六百里各諭令知之。○又諭。王明等奏。探有夷船停泊海口一摺。天津夷務。經桂良等與各夷首面議條約。撫局暫定。現在駛往山海關石河口之夷船二隻。如果駛入海口。著王明定福。派人問明。係何國船隻。可告以山海關

非辦夷務之地。該侍郎等亦非辦夷務之人。令其速行退去。仍一面督飭弁兵嚴密防範。不准沿海奸民有勾結接濟等事。令該夷人留戀不去。亦不得稍涉輕率。致肇釁端。將此由六百里諭令知之。○以京口副都統魁玉兼署江甯將軍。○貸福建陸路提標五營泉州城守營兵丁穀價銀。○戊申。諭內閣。刑部奏。審明刃傷庶母之職官。可否納贖一摺。此案已革御史聯泰。因持刀恐嚇繼子熙常。致將上前勸阻之庶母皮氏刃傷。該部擬以發往新疆充當苦差。並聲明年逾七十。律得納贖。惟係已革御史。請旨遵行。聯泰著准其照例納贖。仍交該旗嚴行管束。毋令滋事。○又諭。張祥河等奏。審明革職知縣諱盜濫刑各情。按律定擬一摺。此案已革固安縣知縣席伊炳。於境內鋪戶被劫。輒敢任聽典史王彥彬把總趙起。商明改報竊案。經事主李世德具控。輾轉邀人說合。已屬藐法。迨李世德以

宿娼犯案復令因案在押之捕役前往捕拏
咎責斃命藉端洩忿種種乖謬業經審訊明
確席伊炳著從重發往新疆效力贖罪王彥
彬趙起業已革職著毋庸議其聽從說合之
已革河營把總劉濟堂並非策轄准其開復
把總仍交兵部察議○又諭曾望顏奏知縣
被叅後仍復不知振作請革任拏問一摺陝
西藍田縣知縣李夢荷昨因吏部奏原叅處
分與定例不符業經降旨革職拏問茲據曾

望顏奏稱該革員於被叅後並不將境內蝗
蝻認真撲捕且將鄰境賣蝗民人遽行枷責
並扣留委員查覈稟件代為捏詞稟報種種
荒謬殊出情理之外李夢荷著交曾望顏親
提嚴訊將該革員應得罪名加等定擬具奏
○諭軍機大臣等王明奏前次調取保定駐
防擡槍四十桿並槍兵八十名旗幟兵二十
名防禦一員驍騎校二員委驍騎校四員前
赴山海關迄今半月之久尚未據該城守尉

覆報啟程日期請旨飭催等語該城守尉郭
勒敏於王明調取擡槍及官兵等何以日久
未報啟程著譚廷襄查明具奏至山海關原
駐官兵及近調盛京官兵為數不少無須另
調著譚廷襄即飭郭勒敏將王明調取之擡
槍等件酌撥官兵解往山海關交割都統定
福收存備用該官兵等仍回保定駐防毋庸
留於山海關將此由六百里各諭令知之○
命禮部尚書瑞麟馳往天津查辦事件○己

酉諭內閣御史李希邵奏請飭查江西省被
賊州縣懇恩蠲免錢糧一摺各直省偶遇偏
災一經該督撫奏到朕必立沛恩施其被兵
滋擾地方亦屢次加恩將應徵錢糧等項蠲
免以恤民艱江西各府州縣被賊竄擾已閱
數年小民蕩析離居深堪憫惻現在九江撫
州建昌等府先後克復地方漸次肅清惟念
兵燹之後民困未蘇著該撫迅速查明被擾
各州縣應徵錢糧奏請分別蠲免用副朕軫

念民依至意○諭軍機大臣等前因逆匪竄擾浙江特命和春兼辦江浙兩省軍務後因和春患病未能即日赴浙降旨令曾國藩馳往浙江辦理軍務矣茲據駱秉章奏擬分撥楚軍援浙並請飭曾國藩統率前往與前降諭旨適相符合據奏現在援江各軍多係曾國藩舊部如該侍郎統帶赴浙必能將士一心並慮及勇餉一項江西既不能籌浙江能否供應尚難豫揣擬由湖南每月籌解銀二

萬兩作為援浙勇餉實能統籌大局不分畛域著即照辦惟湖南一省既能兼顧浙江湖北省亦當竭力籌畫著官文胡林翼按月籌解餉銀二萬兩專供曾國藩一軍之用該侍郎兵力既精餉需又足必當迅速奏功已定何日啟程即著駱秉章傳旨令該侍郎即行馳奏將此由六百里各諭令知之○又諭現在各夷通商條約已定夷船均已起碇出天津海口據桂良等奏英夷條約內開立約之

後請欽派戶部大員赴上海會同英員商定稅則後該夷復遣李泰國來求商定稅則可否即派江蘇巡撫趙德轍督同臬司現署上海道薛煥查辦等語因思此次夷務章程係桂良等與該夷面定自應一手經理本日已明降諭旨令桂良花沙納基溥明善馳驛前往江蘇會同何桂清妥議通商稅則事宜矣該督接奉此旨即揀派熟悉夷務之員屆時前赴上海聽候桂良等差遣該夷如先到江

蘇該督即先行照會俟桂良等到後會議可也會議明發旨一道鈔錄附寄以便宣示該夷俾靜候欽差勿致另生枝節再此次商定稅則係夷務一大轉關何桂清務須倍加慎密不但嚴緝暗遞消息之漢奸為要即京員或有信函尤不可稍為搖惑議論多而實際少惟靜候內定辦法方能於大局有益也將此由六百里密諭知之○戶部奏兩江總督何桂清請將上海洋貨義捐給予議敘恐有

違禁物件在內。未便覈准得旨。往返駁查。必致以後報捐之人心懷觀望。著准其照海疆章程。給予獎敘。況既據奏稱係洋貨。自無違禁之物。尤不值一查。○命大學士桂良。吏部尚書花沙納。工部右侍郎基溥。武備院卿明善。馳往江蘇。會議通商稅則事宜。○命盛京將軍慶祺來京。以禮部侍郎王明。署盛京將軍。以山海關副都統定福。統帶山海關防堵官兵。○改鑄甘肅洮州廳土司指揮僉事印。

奉 上 諭

上

信。從總督樂斌請也。○以克復江西撫州。臨江二府城。賞道員劉子瀉布政使銜。同知康國器。守備黃忠。梁萬貴。彭維玉等。花翎。把總丁應龍等。藍翎。餘升敘有差。○以湖南援軍克復江西撫州。建昌二府。暨南豐等縣城。賞同知胡兼善。都司劉松山。王開信。朱紹輝等。花翎。餘升敘有差。予陣亡守備彭家斌。把總舒進堂。外委何啟耀。羅逢春。祭葬世職。○以湖南援軍克復江西臨江府城。賞都司鄧在

富楊虎臣。蕭孚泗。守備王高來。黃仁。遺蕭慶高。毛治祺。朱桂秋。楊巖寶。彭定勝。李忠楷等。花翎。把總李榮忠等。藍翎。餘升敘有差。予陣亡守備黃鵬飛。千總田興科。把總楚玉林。外委陳大運。縣丞賈啟祺。從九品趙敦虞等。祭葬世職。增生周守愚。附生鄧從愚。監生陳經明等。祭葬世職。如從九品例。軍功李顯仁。武生劉耀南等。祭葬世職。如外委例。○庚戌。諭軍機大臣等。昨因各夷和約已成。降旨令桂

良。花沙納。基溥。明善。攜帶欽差關防。馳驛前往江蘇。會同何桂清。妥議通商稅則事宜。著黃宗漢。飭令廣東紳士布政使銜伍崇曜。前任鹽運使潘仕成。即日前赴上海。聽候桂良等差遣委用。將此由六百里密諭黃宗漢。並傳諭粵海關監督恆祺知之。○以勦辦福建臺灣匪徒出力。賞副將曾玉明。巴圖魯名號。副將黃進平。參將夏汝賢。遊擊王國忠。守備韓錦標。同知丁曰健。鄭元杰。花翎。把總游紹

芳等藍翎餘升敘有差○予直隸天津陣亡千總劉英魁把總李鑄藍翎長富廣祭葬世職○辛亥諭軍機大臣等前據官文奏楚軍水陸東征進剿皖豫先清江北茲據福濟奏稱探聞李兆受大股竄併滁州攻撲清流關請飭李續賓迅速來皖等語捻首李兆受冒據勝保奏稱有投誠之意何以復攻清流關欲與臨淮鳳陽巨捻勾結北竄福濟所派參將尹善廷一軍現在被圍甚急總兵嵩瑞等

帶兵援剿尚恐不敷分布袁甲三因徐州喫緊未能前赴臨淮若令該逆勾結鳳陽等處捻匪則勝保一軍亦形單弱此時皖北情形萬分緊急著李續賓迅速前進即由舒城廬江圍繞而南使捻匪粵逆不能勾結並著官文胡林翼飭令舒保督帶馬隊隨同進剿仍隨時查看皖豫兩省情形相機策應總期節節南逼毋令北竄將此由六百里諭令知之○又諭據福濟奏探聞捻逆李兆受大股竄

併滁州攻撲清流關欲與臨淮鳳陽巨捻勾結北竄等語該逆李兆受前經勝保等奏業已遞稟乞降曾諭令設法籠絡俾得效用茲福濟探聞之說未知是否訛傳抑係確實此輩狼子野心反覆原在意中勝保如能相機駕馭俾仍悔悟投誠更屬妥善特不可墮其術中至清流關一帶參將尹善廷帶兵扼守現在被圍甚急雖經福濟飭令總兵嵩瑞副將惠成帶兵前往會合塔思哈等援剿兵力

尚形單薄袁甲三現因徐州緊要未能即赴臨淮著勝保察看情形力籌策應以杜該逆北竄之路本日已諭令李續賓由舒城廬江圍繞而南以期合力勦辦勝保現駐懷遠著即悉心調度並遵照前旨將鳳陽懷遠兩城迅速攻克袁甲三由徐州自北而南與勝保會合毋令匪眾更肆蔓延將此由六百里各諭令知之○又諭蔣霽遠奏餉項支絀懇請添撥一摺貴州都勻思南等處賊氛未靖帶

兵各員分路進剿。鎮遠黎平兩府及獨山荔
 波各州縣處處防剿。需餉甚鉅。雖山陝四川
 等省尚有未解銀二十一萬餘兩。但積欠過
 多。解到後亦不敷分撥。著王慶雲恆福曾望
 顏再行各籌銀五萬兩。同前未解之項陸續
 分起解往貴州。其湖南欠解貴州協餉亦著
 駱秉章速籌銀三萬兩。就近解交鎮遠黎平
 兩府以濟急需。將此由六百里各諭令知之。
 ○予貴州陣亡知州錢元善祭葬世職。○蠲
 免貴州都勻鎮遠黎平安順四府平越獨山
 麻哈黃平都勻清平鎮遠施秉永從開泰餘
 慶荔波龍里貴定永甯普定十六州縣及清
 江下江歸化三通判錦屏鄉縣丞所屬被擾
 地方額賦有差。○壬子
 上幸同樂園。賜王以下文武大臣蒙古王貝勒
 等食。○命陝甘總督樂斌撥銀二萬四千七
 百九十二兩解往塔爾巴哈台備咸豐九年
 經費。○癸丑。

萬壽節遣官祭
 太廟後殿○遣官祭
 福陵
 昭陵
 昭西陵
 孝陵
 孝東陵
 景陵
 泰陵
 泰東陵
 裕陵
 昌陵
 昌西陵
 慕陵
 慕東陵○遣官祭
 孝德皇后殯宮○遣官祭
 顯佑宮
 東嶽廟

城隍廟○

上詣

安佑宮行禮○御正大光明殿王以下文武大臣官員蒙古王貝勒等行慶賀禮○幸同樂園賜王以下文武大臣蒙古王貝勒等食○諭內閣王懿德等奏請將紀律不嚴之提督並退縮縱勇之守備分別革訊一摺福建土匪由歸化竄擾沙縣守備胡廷陞力阻武弁翁漢章等開放槍礮以致翁漢章等陣亡胡

廷陞當即退走所帶各勇並未開槍擊賊且有與賊匪飲酒情事暫革提督鍾寶三當賊匪竄擾不允發兵並任令兵勇縱城逃避實屬玩誤鍾寶三前因勦匪遷延業經降旨革職胡廷陞著一併革職均交王懿德等嚴行審訊按律懲辦胡廷陞如有通賊情事著即行正法以肅軍令代理沙縣知縣黃開先未能妥為撫輯並於土匪竄入之時輒行避匿殊為荒謬著一併提省質訊按律定擬具奏

○諭軍機大臣等王懿德等奏福建軍情緊急請飭調兵援剿一摺據稱浦城松溪政和等縣被賊踞守邵武逆匪勾結土匪時圖下竄建甯縣城失守賊援踵至情形萬分喫緊江西浙江毗連該省自應不分畛域實力兜剿張運蘭蕭啟江各軍前已諭令赴浙助剿現在別無可調之兵福興由玉山至衢州屢失事機本日已有旨令其來京另候簡用所有該將軍帶往玉山兵勇著即交耆齡會同

周天受酌派得力將領統帶馳赴浦城等處援剿將失守各屬力圖攻克不可稍有遲延致誤事機將此由六百里各諭令知之○又諭本日據楊能格奏江北糧臺用款支絀請飭催各省欠解協餉以濟急需等語現在江北一帶賊氛尚熾一切調兵募勇軍裝器械需費甚多全賴外省協濟之款以資應用著瑛榮崇恩曾望顏各將應解江北協餉按月設法寬為籌濟毋誤要需至山西近日撥解

京餉以及各省協餉為數已屬不少。惟江北需餉甚急。仍著恆福督飭藩司酌量撥解。將此由五百里各諭令知之。○又諭前經諭令文彩等探明夷船盡數開行。即咨明慶祺等。仍令海運原船前赴天津交米。由文彩等驗收。委員即可毋庸前赴牛莊。以歸簡易。本日據譚廷襄奏江蘇省沙船一隻於六月初三日進口。餘船自可陸續駛至。並據倭仁春查驗漕糧現在情形。擬令漕船暫行停泊。並請

飭江浙糧道赴奉天覈議章程各等語。現在天津夷船業已掃數回帆。該侍郎所稱擬在沒溝營等地方起卸露囤。並飭令糧道赴奉天之處。可毋庸議。著慶祺倭仁飭令停泊牛莊米船。迅速駛赴天津。並著崇恩查明山東各海島如有停泊漕船。一併飭令駛赴天津。知照文彩崇綸驗收。以省起卸而節糜費。將此由五百里各諭令知之。○命西安將軍福興來京。○命雲南巡撫桑春榮來京。以五品

頂帶已革山東巡撫張亮基為雲南巡撫。○調福建陸路提督楊載福為水師提督。以汀州鎮總兵官張廣信為陸路提督。前任哈密幫辦大臣豫祺著福建汀州鎮總兵官。○以雲南回匪圍撲省城防剿出力。賞參將福兆巴圖魯名號。知府三壽同知王同春提舉繆闓。遊擊德瑞。守備車國才。劉國乾等。花翎知縣丁逢吉等。藍翎餘升敘有差。○甲寅諭內閣。勞崇先奏紳士集團克復州城等語。廣西

象州於咸豐六年四月間被潯州艇匪闖入。經該撫飭令辦團紳士候補知縣韋任元等。集團攻剿。本年四月該紳等先將城外賊巢攻破。以孤其勢。隨復督練進剿。殺賊數百名。生擒五十六名。奪獲礮械無算。當將州城克復。該紳等義勇可嘉。著該撫擇其尤為出力者。奏請獎敘。以示鼓勵。○以直隸提督托明阿為西安將軍。未到任前。仍以鑲紅旗漢軍都統劉鈺署理。直隸大名鎮總兵官史榮椿

為提督未到任前以西安將軍托明阿署理直隸大沽協副將毛三元為大名鎮總兵官○以勦辦廣西北流土匪出力予知縣鄒德瀄以同知直隸州升補○以克復廣西柳州府城賞道員蔣益澧布政使銜守備劉樹元花翎餘升敘有差○予陣亡守備張維德張洪勝祭葬世職加等○乙卯諭內閣惠親王等奏樂部官員遲誤差使請分別懲處一摺本月初九日告祭

奉先殿協律郎王真銓署丞李永銳均各到遲以致亞獻之時始行作樂實屬玩誤王真銓李永銳均著交部嚴加議處兼管之司員慶陞富勒洪阿明康春祥均著交部察議至是日致祭係派惇郡王奕誼行禮曾於召見時問及何以未將遲誤之處面奏著交宗人府議處○又諭工部奏捐修各工請飭遵例報銷一摺各直省修辦工程例應造具工料銀兩細數清冊報部覈銷近年以來地方勸捐

修理及借墊庫項再令民間攤徵歸款各工或請造冊報銷或請免其造報辦理未能盡一且所捐銀錢有經各該督撫奏請給予獎敘者即與動用正款無異豈可漫無稽察致滋冒濫嗣後除銀數在五百兩以下工程無關緊要及數在五百兩以上而係民間捐修並不邀請議敘亦未借用官項者均免其造報其餘士民出貲捐修奏請獎敘地方官勸辦請獎並給予實在官階以及例應民修之

河道隄岸橋座等工有關田廬保障先行借動官項仍由民間攤徵還款或商民竈戶借動官項分年攤捐歸款者均著一體造冊報部覈銷予以保固限期以符定例如各該督撫有違例奏請者即著該部奏請議處○改鑄湖北撫標右營遊擊關防從總督官文請也○以勦辦安徽太湖賊匪出力賞守備唐啟虞李德彥夏全勝花翎餘升敘有差○賞湖北勦賊受傷都司胡友亮全俸○丙辰諭

軍機大臣等。前於四月二十九日。有旨諭知福興。令其俟衢州解圍後。即帶所部兵二千五百名。馳赴浦城一帶。進剿閩省之賊。迄今月餘。何以尚未接到。昨復寄諭該將軍。令其來京。另候簡用。其所帶兵勇。即交周天受會同者齡。酌派得力將弁統帶。馳赴閩省援剿。該將軍本日奏報。既未遵旨赴閩。又復督戰受傷。著即啟程回京。不必再留衢州。周天受接奉昨降諭旨。應派何員帶兵赴閩。或聽者

齡酌派。或就近與晏端書商派。以期迅速。並著妥議具奏。壽昌賊匪已退竄上方。李定太帶兵素稱得力。今福興所帶兵勇。既派赴閩省。恐衢州兵力稍單。著晏端書即飭該總兵。俟壽昌匪徒剿除後。酌量情形。先其所急。或馳赴衢州。與饒廷選等。殲除城外賊壘。再圖克復失陷各縣。使賊蹤不致續來。則下游剿辦亦易得手。晏端書周天受等。當通籌緩急。分投剿辦。毋致顧此失彼。貽誤事機。將此由

六百里各諭令知之。○丁巳諭內閣。奕誼等奏。參領私扣兵餉。請旨懲辦一摺。正紅旗蒙古印務參領瑞森。私扣兵餉共二千八百餘吊之多。迨經該署都統等先後查詢。始行呈出帳目。聲稱墊款辦公。開銷諸多浮冒。呈出旗庫底帳。亦有不應作正開銷之處。且有囑託參領德英額。向奕誼跪求情願休致等情。實屬藉端弊混。任意妄為。瑞森著即革職。交惠親王。鄭親王。瑞華。提同應訊人證。按照單

開各款。逐數查訊。明確定擬具奏。其同辦團防。未能攔阻之副參領瑞明。代為囑託之德英額。並失察之歷任都統。副都統。均著俟定案時。聲明請旨。○又諭。巡防王大臣奏。請將糧臺用過銀錢款目。飭部覈銷一摺。巡防糧臺支發各項業經分款造冊。著照惠親王等所議。咨部查覈。並著將用騰銀錢派員照數繳還部庫。以清款項。所有巡防糧臺著即裁撤。各旗營巡防及五城團防著一併裁撤。○

又諭晏端書奏總兵統師攻復壽昌縣城現赴衢州會剿一摺壽昌逆匪竄入蘭谿之界子嶺總兵李定太自遂安馳抵湯溪將沿路賊卡盡行燒毀進逼壽昌東門外七里亭五月二十八日調派兵勇分路夾擊直抵賊巢沿途斬獲無數當將縣城克復李定太現已就近馳赴衢州會剿著即乘此聲威痛加剿洗迅解城圍毋稍遲誤衢州鎮總兵饒廷選所轄地方連失三城不能進圖規復實屬因循貽誤著即革職仍戴罪留營以觀後效○諭軍機大臣等德興阿奏福濟辦理安徽軍務不事攻剿恐致貽誤請飭翁同書前往安徽勦辦並鈔錄德安信函呈覽一摺福濟徒知株守日久無功已降旨令其來京另候簡用並授翁同書為安徽巡撫督辦軍務矣翁同書接奉此旨即酌帶官兵馳赴新任務須力圖整頓俾皖省軍務日有起色方為不負委任德興阿軍營辦理文案需人著即揀選

妥實可靠之員接手辦理為要此時金陵尚未克復江北之防不容稍懈若克復九洑洲後該大臣移營赴皖恐該逆乘虛北竄實於大局有關現在李續賓已由楚赴皖埽蕩皖北賊匪都興阿亦由宿太前來廬州一帶攻剿可期得力德興阿請帶兵前往安徽之處著毋庸議此次鞠殿華攻剿全椒身受重傷實屬奮勇可嘉著發去如意拔毒散四料交該總兵祇領將此由六百里諭令知之○欽

差大臣德興阿奏鞠殿華進剿全椒賊匪受傷甚重得旨具見伊之奮勇軫念殊深然大將者身先士卒之中尤應加以慎重以副朕委用之恩○以鑲黃旗滿洲副都統載堪署鑲白旗漢軍副都統○革安徽巡撫福濟頭品頂帶太子少保命來京以候補侍郎翁同書為安徽巡撫督辦軍務○調江西九江鎮總兵官李定太為浙江衢州鎮總兵官以湖北竹山協副將普承堯為江西九江鎮總

兵官○改鑄河南滎陽縣知縣印信從巡撫英桂請也○加給八旗賑米三月○戊午諭內閣○曾望顏奏遵查知縣才具官聲據實保奏一摺○前因王茂蔭奏保陝西華陰縣知縣倪印垣等循聲素著諭令該撫確查保奏茲據奏稱同知銜現任臨潼縣知縣倪印垣前任華陰縣時保甲團練著有成效咸豐三年山西河南警報頻聞該縣士民恃以無恐現在臨潼縣力求整頓親為勸導該縣士民漸

奏

上

還淳樸並將華陰士民開具實在政績繕單呈覽實屬潔已愛民實心任事倪印垣著送部引見○又諭曾望顏奏恭捕蝗不力之知州請先行摘去頂帶等語陝西華州知州陳煦於所屬地方蝻子萌生一月之久撲挖尚未淨盡以致長翅飛騰僅予摘頂不足蔽辜陳煦著即革職拏問以為玩視民瘼者戒○又諭駱秉章奏恭庸劣不職之州縣請分別懲辦一摺湖南准補善化縣知縣李昌瑞才

欠開展准補湘潭縣知縣張嗣康辦事遲緩均著開缺俟有湖南簡缺知縣酌量改補○茶陵州知州李光第心粗氣莽事多妄為著即革職寶慶府通判喜英庸碌無能不勝外任著飭令回旗交吏部帶領引見○湘陰縣知縣袁慧業性耽安逸辦事疏慵候補知縣褚汝梅人本平庸兼有習氣升用知縣黃宗哲居心狠鄙不堪造就均著勒令休致以肅吏治○諭軍機大臣等現在夷船全數退回所有

奏

上

前調之哲里木昭烏達兩盟官兵各一千名是否應留何處兵一千名以備調用抑或全擬撤回著僧格林沁酌量奏明所有應撤官兵尚須酌給獎賞再前據伊興額奏請飭調察哈爾馬五百匹等語曾諭該副都統俟天津夷務辦竣再行挑撥並著僧格林沁察看情形能否於察哈爾調京馬匹內酌撥三四百匹赴伊興額軍營之處一併具奏將此諭令知之○改鑄江西雩都縣知縣印信從巡

撫者齡請也○以直隸天津防守出力賞守備張振熊花翎職員梁超猷藍翎餘升獎有差○以安徽潁州府防勦出力賞知縣劉夢松侯樞臣遊擊武金花翎教諭戴漢翔等藍翎餘升敘有差○已未諭內閣前因李鈞奏實鈔現無出路河工經費請全撥實銀一摺當交戶部速議具奏茲據該部奏稱河工用項近年均以鈔八銀二搭放因本年春間該河督奏稱用項不敷已酌議撥給實鈔六成

實銀四成

請飭該

河督仍遵前次奏案辦理等語所奏自為撙節經費起見惟念運河修工緊要鈔票既難疏通著再加實銀一成嗣後撥給運河經費實銀實鈔即著各半搭放該河督務當力裁冗費毋得再行濫請至道庫欠發各廳之款係早經辦過工程自應仍照前定章程發給以杜牽混○又諭勝保奏驛遞遲延請旨飭查等語據稱該都統奏報摺件自本年四月

後因直隸涿州改道紆折行走以致遲延著直隸總督迅飭該地方各驛站遇有該都統摺報等件仍由直隸河南按站遞送毋再改道耽延並著兵部將涿州知州查取職名交部照例議處以肅郵政○蘇州織造文燧奏大運銀款短少請飭撥給得旨該部衙門通盤籌畫能否酌減數目足敷支用則所節省亦於該省軍餉有益並著戶部速議籌款具奏○以署鑲紅旗滿洲副都統富春署鑲白

旗漢軍副都統

賞已革兩廣總督徐廣縉

五品頂帶赴勝保軍營隨同辦理軍務○以安徽懷遠勦賊出力擢副將龍澤厚張得勝以總兵官升用○以勦辦安徽擒匪出力賞委驍騎校佟陞巴圖魯名號知府李榮遊擊保德守備陳士英李萬年朱英張學曾宋慶張廷秀等花翎護軍巴彥等藍翎餘升敘有差○蠲緩福建浦城松溪政和邵武光澤順昌崇安建陽歸仁武平泰甯建甯將樂南平

莆田晉江南安惠安沙尤溪永安平和詔安
仙遊龍溪南靖永春德化甯洋邵軍馬巷三
十一廳州縣暨仁壽麻沙羅溪峽陽四縣丞
所屬被擾地方新舊額賦有差

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十六

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百五十七

監外通考經筵官議起居注官太子太保上書左總師傅文淵閣領閣事翰林院掌院學士預祭儀衛上書事件及國史館進修官等職
大學士管理兵部事務加十三級紀錄十四次
大學士管理戶部三庫事務管理刑部事務加二十三級紀錄十六次
周鼎瑞總兵官太子少保管理內庭書房事務對引九日軍機大臣
領蓋蘇洲都統戶部尚書管理三庫事務加五級紀錄十二次
寶承總管經筵講官弘德殿教習并文誥進書房總講
過問文館總教習正監講官主都統禮部尚書管理太常寺禮部事務加二級紀錄加四級紀錄加八級紀錄主文臣保什雅爾等奉
敕修

咸豐八年戊午六月庚申諭內閣前任戶部

尚書孫瑞珍持躬謹慎學問優長由翰林入

直上書房蒙

皇考宣宗成皇帝。疊加簡任。擢至正卿。朕御極之初。調任戶部尚書。籌畫度支。克盡厥職。任勞任怨。不為習氣所染。前因患病。准其開缺。調理。方冀長承恩澤。永享遐齡。茲聞溘逝。悼惜殊深。著賞給陀羅經被。派繼善帶領侍衛十員。即日前往奠輟。加恩贈太子太保銜。照尚書例賜卹。任內一切處分。悉予開復。應得

卹典該衙門察例具奏伊子翰林院編修孫毓汶著賞給翰林院侍讀銜伊孫監生孫桐孫樟均著賞給舉人准其一體會試用示朕篤眷耆臣至意尋奏上予祭葬諡文定○又諭僧格林沁奏遵旨查參天津失事大員一摺革職留任護軍統領珠勒亨馬隊傷亡營盤不整刑部侍郎國瑞雖營盤未動惟未能上前援應各有應得之咎珠勒亨國瑞著文部分別嚴加議處已革副都統富勒敦奏統帶京營職位駐劄北岸竟將職位營盤全行失陷著即拏問同已革提督張殿元總兵達年副將德魁一併押解來京交惠親王載垣端華會同刑部嚴行審訊按律定擬具奏直隸總督譚廷襄有統轄綠營之責據奏兵力足恃布置皆妥乃一經開仗即失職臺實屬督率無方並據僧格林沁查取國瑞等供是日該督坐轎奔走尤為惟怯無能大負委任譚廷襄著即革任來京聽候查辦○又諭海

樸奏請試行權布以裕經費一摺阿克蘇商販布疋著准其仿照喀什噶爾分別徵稅即歸併該處茶畜稅局辦理俟辦有成效再行具奏○戶部奏黑龍江借墊俸裝銀兩請由該處籌還得旨該將軍已向商借墊爾部飭令籌款發還果有款可籌何須借墊空言搪塞毫無辦法况歸還無期失信於商後有征調何以騰挪雖整裝銀兩與熱河吉林兩處未能畫一而不能因噎廢食猶須酌量撥給或未能如數亦可著另行速議具奏○以故貝子奕格子二等侍衛載敦降襲奉恩鎮國公○以盛京將軍慶祺為直隸總督未到任前以禮部尚書瑞麟署理○實授王明盛京將軍○浙江學政周玉麒請假省親允之命都察院左副都御史張錫庚提督浙江學政○以辦理阿克蘇糧臺出力賞阿奇木伯克阿密特雙眼花翎巴吉格爾伯克哈色木花翎餘升敘有差○辛酉諭內閣恆福奏籌款

津貼公費一摺。山西太原駐防滿洲營。並撫標左右暨太原三營兵丁。挑選馬匹。練習馬上排槍。所挑馬匹。自應加添餵養。以期得力。著照所請。准其由餘贍息銀項下。籌動銀一千兩。發交各該營作為津貼。毋庸扣減三成。以裨實用。仍令按年將用過銀數。分晰造冊。由司覈轉咨部報銷。以昭覈實。○又諭。新襲科爾沁公布彥圖古魯克齊。伊父郎葛淋沁。前在軍營著有勞績。布彥圖古魯克齊。著加

恩挑在乾清門行走。○諭軍機大臣等。福興奏槍傷未痊。懇請賞假調治一摺。前已有旨。諭令福興來京。既據奏稱傷難速愈。著不必拘定日期。俟傷痕平復。即行來京。其所帶兵勇。前已屢次諭令周天受會同耆齡。或商同晏端書酌派得力將弁。帶赴閩省。援應浦城等處。茲據福興奏稱。總兵李定本已抵衢州。兵勇當已足數攻剿。而閩省匪勢猖獗。此項兵勇如業經晏端書周天受等派赴福建。仍

著催令速進。不得專顧衢防。致閩省無兵援救。賊匪更加蔓延也。將此由六百里各諭令知之。○山西巡撫恆福奏。擬撤茅津渡東陽關等處防兵。得旨。所請擇尤酌獎。姑允所請。不過稍有勞績。至優可以優敘。不准擅請補缺加銜。以示限制。○轉禮部右侍郎愛仁。為左侍郎。以內閣學士文祥。為禮部右侍郎。○以察哈爾正黃旗總管約遜。為正紅旗漢軍副都統。未到任前。仍以頭等侍衛福鈴署理。

調正藍旗漢軍副都統伊勒東阿。為正藍旗滿洲副都統。以散秩大臣穆隆阿。為正藍旗漢軍副都統。散秩大臣廣科。署鑲黃旗蒙古副都統。鑲紅旗蒙古副都統基溥。為鑲白旗護軍統領。○以內閣學士載崇。為鑾儀衛鑾儀使。○以正紅旗漢軍副都統增慶。管保定等五處官兵事。○壬戌。諭內閣。前任登州鎮總兵王鵬年。箭射無力。著降補副將。發往廣東。交黃宗漢差遣委用。○又諭。英桂等奏請

將不能約束兵民滋事各員摘頂撤任等語。河南荆子關試辦捐釐甫經設局即有兵丁唆令婦女及窮民藉端滋鬧署荆子關副將文志未能約束署浙川廳同知蕭厚均不能彈壓禁止又未能查拏匪犯均屬庸懦無能著一併摘去頂帶即行撤任責令嚴拏滋事兵丁人等務獲究辦並著該撫查明該員等如有縱容滋鬧情弊即著嚴叅懲辦○又諭哈福那奏病難速痊懇恩賞假暫回熱河調

治等語署密雲副都統哈福那本應於交卸署篆後來京候補乃因新任副都統博崇武到任在即輒稱忽患時疾感發舊症懇請給假回本旗調治實屬自耽安逸有意取巧哈福那著降為協領即以熱河協領補用○諭軍機大臣等英桂等奏擊勦亳州股匪獲勝並豫營馬步不能分撥一摺永城擒匪擊退後英桂等調派山西官兵一千名前往扼守並因亳州兵力較單復派遊擊承惠等兵協

同朱連泰堵剿聲勢尚為聯絡惟豫營兵勇既據聲稱不過三千名分駐永亳鹿三處所存馬隊堪以進仗者不過一百餘名所有袁甲三請調陝西官兵一千名並商撥馬隊助剿之處著毋庸議並著將不能分撥情形咨覆袁甲三辦理鹿毫為歸陳屏蔽該撫當嚴飭伊興額朱連泰等實力勦洗分投掃蕩毋令賊匪再有蔓延至前調之京營參將龍汝元遊擊何建鼐現因天津辦防緊要仍著該

撫遵照前旨飭令迅赴僧格林沁軍營以資差委又片奏河南候補道周煦徵現辦軍需報銷局務驟難更易生手著准其留於河南其勝保軍營糧臺並著英桂等知照該都統即令候補道賈臻就近督辦將此由六百里諭令知之○又諭福興奏衢州賊匪竄遁城圍已解一摺該逆麇聚郡城東南上月二十七日因官軍疊次進攻賊膽頗寒遂於初五日丑刻率眾宵遁據福興奏稱已令李定

太等分從東南兩路跟蹤追擊。現在處州府城及縉雲等縣。尚未克復。儻令此股竄匪得與會合。則賊氛益熾。勦辦愈難措手。著晏端書周天受。即飭李定太等。探明此股逆賊。現竄何處。迅速督飭大隊。實力追剿。不得任其與處州等匪聯絡。並須嚴杜常山等處匪徒。續行下竄。以免蔓延。至衢州雖已解嚴。仍應防匪蹤回竄。並著晏端書等。飭令該地方文武。嚴密防守。毋稍疏懈。將此由六百里各諭令知之。○河南巡撫英桂奏。逃犯張掄沅改名投營。保舉守備。復藉差回籍。拒捕傷差。請革職提訊。得旨。此等兇犯。留之無益。何不批飭正法。汝等外省習氣。豫存化事之見。無怪乎疲玩因循。竟如痼疾。○命河南巡撫英桂。來京陛見。○予直隸布政使錢忻和休致。以前任江甯布政使文煜。為直隸布政使。○癸亥。諭內閣。有人奏。知縣玩視民瘼。請飭查辦等語。據稱江蘇署婁縣知縣倪應晉。終日飲

酒。不理民事。與主簿邱中。時常聚飲。甚至醉後濫用非刑。於鄉民楊景升一案。未經審訊。明確遽行杖斃。州縣為親民之官。似此酗酒濫刑。玩視民命。亟應嚴行查辦。以飭官常。倪應晉著即撤任。交何桂清。趙德轅。嚴切查究。據實參辦。○又諭。御史蘇仲山奏。請飭加山東省中額學額一摺。據稱各省捐輸。比年以來。俱奏請加廣中額學額。山東省歷次勸捐。不下百餘萬。至今仍未奏請等語。著崇恩迅速查明。因何遲延。奏明辦理。至該御史籍隸山東。請加本省中額學額。跡涉乞恩。且於科場年分。條陳科場事務。亦屬不合。著交部議處。○又諭。御史鄒煥杰奏。團防已撤。請仍留民更一摺。京師五城各街道。設立巡更。原為緝匪安良起見。前據周祖培等奏。裁撤團防。仍留民間巡更。已准所請。茲據該御史奏。請飭五城毋庸裁撤更棚。所有五城現辦民更。均准其照舊安設。仍由民間自行經理。如有

胥役抑勒捐貲。以致滋生事端者。著五城御史隨時稽查。嚴行懲辦。○諭軍機大臣等。昨因英桂等奏。亳州剿匪獲勝。諭令該撫卽飭伊興額等。將此股匪眾速行掃蕩。本日據袁甲三奏稱。徐境擒匪。漸就肅清。卽日進攻宿南賊匪。惟北路自亳州以至靈璧。賊圩林立。朱連泰兵力過單。不敷剿辦。請飭令德楞額。與朱連泰合為一軍。將毫境擒巢。迅速掃除等語。亳州等處匪勢甚熾。非痛加剿洗。深虞延蔓。德楞額現駐鹿邑。藉杜該匪竄入豫境。惟遠防不如近剿。著英桂、瑛、榮卽飭該員統領所部赴毫。與朱連泰兵勇聯絡聲勢。協力攻剿。務使毫境肅清。卽以保固歸陳門戶。不得株守鹿邑。致以有用之兵。置之無用之地。至袁甲三片奏。伊興額所調察哈爾馬匹。請仍留北路。以備緩急。毋庸飭赴徐州等語。察哈爾解京馬匹。現據僧格林沁查明。可以勻撥四百匹解往。惟時值暑熱。須俟八月初間。

起解。一俟解到以後。著袁甲三卽撥交伊興額軍營應用。以資得力。將此由六百里各諭令知之。○又諭袁甲三奏。徐州兵勇日增。餉糈匱乏。請仍飭鄰省按月撥解一摺。徐州軍餉。前經諭令崇恩常績各先籌銀數萬兩。協濟。乃據稱奉旨後。僅據山西解到銀三萬兩。山東並未知照數目。亦無起解信息。現除徐營原存兵勇外。又添有亳州正陽等營兵勇。約共一萬餘名。月需餉銀七萬餘兩。其亳州正陽等營兵勇。雖就近歸併徐州支應。亦仍須由河南撥銀協濟。徐屬屢遭兵燹。進款愈絀。而該郡軍情甚緊。亟應寬為籌備。以固北路藩籬。著崇恩、恆福每月各撥餉二萬兩。並著英桂、瑛、榮按月協濟銀二萬兩。均自本年六月為始。解交徐州糧臺應用。卽或不能按月如數接濟。務各先行籌撥銀數萬兩解往。以濟急需。將此由五百里各諭令知之。○以鎮國公載敦為散秩大臣。○以湖北援軍克。

復江西九江府城。賞總兵官顏朝斌。提督銜副將文明。總兵銜副將李長林。參將何紹彩。巴圖魯名號總兵官訥欽。知府劉齊銜。同知李宗淩。恩泰。蔣凝學。馮伯麟。馬雲達。知州黃世熙。防禦鳳寬。富明保。佛保。廣成。達凌阿。常順。德貴。成順。遊擊李白衮。高興發。王俊宇。任星元。都司楊起益。李續遠。胡暉堂。成立。福周。萬倬。康必勝。賴由海。王東華。曹泗美。成章。鑒。守備魏添應等。花翎。驍騎校溫善等。藍翎。餘加銜升敘有差。○賞天津截撤蒙古哲里木。昭烏達。兩盟官兵二千名銀幣。○甲子。諭內閣。崇恩奏。請將臨差規避之守備革職一摺。山東壽張營守備馬錫侯。經該撫派委帶兵出境。乃遷延日久。輒以患病。諉卸。實屬藉詞取巧。馬錫侯著即革職。以為臨差規避者戒。仍著該撫飭令該員。將經手糧餉。交代清楚。即赴軍營戴罪自效。○又諭晏端書奏。衢州官軍屢次獲勝。府城解圍一摺。衢州圍撲城。

垣之賊。經道員繆梓等。約會進攻。福興從沙灣一路督兵進剿。總兵李定太。復由壽昌統帶全隊。行抵衢城。六月初四日。先以大隊攻其東路。將賊營十一座。一律焚毀。餘匪四散奔竄。府城解圍。其竄踞武義縣城之賊。經周天培。從壽昌督兵回剿。於六月初八日。將縣城克復。剿辦尚為得手。著晏端書。周天受。嚴飭各路鎮將。跟蹤追剿。分投掃蕩。將失陷各城。次第克復。毋令蔓延。所有在事出力員弁。

兵勇。著有微勞。准其擇尤保奏。毋許冒濫。○諭軍機大臣等。勝保奏。進剿懷鳳賊匪。連獲勝仗。並通籌緩急情形。力攻懷遠一摺。逆匪竄踞懷鳳。勢成犄角。儻令日久負隅。則剿辦愈難措手。惟張翼兩逆。俱在懷城。則首惡窩巢。尤應亟為拔去。勝保現在移營新城口。著即由該處進攻懷遠。再圖鳳陽。務須迅掃逆氛。毋任再有滋蔓。昨據袁甲三奏。稱徐屬漸就肅清。即日進駐宿州。並擬派令馬隊。與練。

總苗沛霖會哨。以通南北聲息。是該都統由南進逼。袁甲三一軍。亦即自北而南。既成合圍之勢。自無虞該匪再有竄逸。該都統等諒能聯絡聲勢。悉心辦理也。將此由六百里諭令知之。○又諭。前因夷船闖入大沽海口。帶兵各員。退縮債事。已明降諭旨。將管帶京兵之富勒敦泰等。並管帶綠營兵之張殿元等。分別革拏嚴訊。惟此次駐劄海口。兵數不少。尚有譚廷襄派出辦理營務之文武大員。自係同時逃散。著瑞麟確切查明。當礮臺失事之時。海口帶兵各員。文自道府。武自參遊以下。均係何人。其隨同逃退者。係屬何員。即行據實奏參。候旨查辦。將此諭令知之。○以都察院左副都御史程庭桂。署戶部右侍郎。兼管錢法堂事務。○宗人府右宗人奕興。因病請解任。允之。○以四川防勦楚匪出力。賞知府錫惠。副將成興。遊擊鄒鸞章。都司方定中。花翎千總況倫福等。藍翎餘升敘有差。○以

安徽南陵勦賊出力。開復降革遊擊蔣錫光。胡鳳鳴處分。○乙丑。諭內閣。兵部奏遵議天津失事大員處分一摺。革職留任護軍統領珠勒亨。著照部議。即行革任。刑部左侍郎宗室國瑞。著照部議。降四級調用。不准抵銷。珠勒亨。國瑞。均著發往僧格林沁軍營。聽候差遣委用。○又諭。給事中包煒奏。請整頓京營積弊一摺。京城巡捕五營。專司緝捕。額設兵丁。豈容隱缺浮冒。若如該給事中所奏。竟有包攬署差名目。積成錮弊。必應嚴切究辦。著步軍統領端華等。查明據實具奏。○諭軍機大臣等。吳振棣。張亮基。奏宣威。曲靖勦辦回匪各情。據稱。東路業經就撫。即南路各寨。亦均陸續投誠。勦辦日有起色。張亮基已簡授雲南巡撫。現患目疾。賞假兩月。在任調理。惟回務甫有端倪。如假期限內。即已痊愈。即著銷假辦事。本日諭令徐之銘。護理滇撫篆務。著該督等。傳諭該臬司。駐劄宣威。以為後路

策應。至桑春榮前因咨請該督代奏開缺。諭令來京另候簡用。茲據奏病勢日重。難期速痊。著即飭令來京。將此由六百里諭知吳振械。張亮基。並傳諭徐之銘知之。○以散秩大臣輔國公載岱為宗人府右宗人。○調理藩院右侍郎靈桂為刑部左侍郎。以都察院左副都御史書元為理藩院右侍郎。○以鑲黃旗滿洲副都統載堪為正黃旗護軍統領。鑲黃旗漢軍副都統穆克登額為正藍旗護軍

統領。未到任前。以鑲藍旗蒙古副都統德勒格爾署理。○以雲南按察使徐之銘暫護巡撫。○以雲南勦辦回匪出力。賞按察使徐之銘布政使銜。花翎。道員賈洪詔。按察使銜。道員姚錫華。參將麟志。守備何自清等。花翎。知縣程祥棟等。藍翎。餘升敘有差。予陣亡從九品張鼎申。芝耀。千總張國彬。外委周倫。楊占。○祭葬世職。○予雲南闔門殉節知府鄧國煊。祭葬世職。於蒙化廳建立專祠。家屬幕友

家丁三十三名。口一併附祀。並予陣亡知府李嗣元。知州潘仲輯。吳景蘇。布政司經歷崔鼎彝。府經歷萬應濂。道庫大使孫所。從九品龔黼。參將楊遵。守備劉沛然。千總董文。把總何正春。外委李存德。雲騎尉楊兆培。傷亡都司門國安等。祭葬世職。武舉李虎臣。武生楊經。賞卹如例。○免湖北江夏。漢陽。二縣六年蘆課雜稅銀兩。○丙寅。諭軍機大臣等。前因擒匪竄踞臨淮鳳陽。北路緊要。傳諭李孟羣。

與福濟商酌。或仍赴臨淮。或援應滁全。俟北路稍定。再圖舒桐。茲據該藩司奏稱。南路霍潛一帶。賊蹤出沒無常。現已約集馬步各兵。赴霍山合剿。並派副將盧又熊。分攻舒城。已接仗數次等語。擒匪竄踞懷遠鳳陽。勢成犄角。勝保督兵先攻懷遠。袁甲三亦進駐宿州。此時情形。是否尚須李孟羣前往協剿。該藩司現在分攻霍山舒城。意在肅清南路。翁同書已補授安徽巡撫。南北兩路均宜統籌兼

顧著與勝保悉心商酌如懷鳳緊要仍傳諭該藩司馳往協剿歸勝保節制其霍山舒城之賊亦須派員接辦毋令該匪窺伺六安為廬州正陽後路之患方為妥善將此由六百里諭知勝保翁同書並傳諭安徽布政使李孟羣知之○又諭李孟羣奏請留馬隊協剿等語據稱營總訥依琿阿所帶馬隊自湖北越境追剿已抵李孟羣軍營現在湖北邊境肅清東征之師業已分路並進著官文都興

阿胡林翼飭令該營總帶隊協同該藩司進剿毋庸由張家塋折回庶馬步相輔而行剿辦較為得力其馬乾鹽折口糧即照楚省支發章程由湖北糧臺給領將此由六百里各諭令知之○調鑲藍旗漢軍副都統春佑為正黃旗滿洲副都統鑲白旗蒙古副都統景康為鑲紅旗滿洲副都統以散秩大臣繼善為鑲藍旗漢軍副都統頭等侍衛福齡為鑲白旗蒙古副都統正藍旗滿洲參領雙祿署

正紅旗漢軍副都統○以鑲藍旗護軍統領德全管寶坻等四處官兵事○命山西大同鎮總兵官鞠殿華開缺以提督候補調雲南臨元鎮總兵官慶德為山西大同鎮總兵官以湖北施南協副將栗襄為雲南臨元鎮總兵官○以翰林院侍講學士潘祖蔭為陝甘鄉試正考官修撰翁同龢為副考官○以江蘇常州鎮江二府團練防堵出力賞知縣倪寶璜等藍翎餘升敘有差予傷亡職員馮茂林曹福魁將迎法監生徐慕清祭葬世職如外委例民人周俊大奏亦喜賞卹如例○丁卯遣官祭

火神廟○諭內閣著齡奏參它捕蝗蝻不力之知縣一摺江西代理都昌縣事候補府經歷胡承湖於它捕蝗蝻重務僅委佐雜等官辦理並不親歷各鄉督辦以致該縣地方蝻孽尚多實屬玩視民瘼僅予革職不足蔽辜胡承湖著革職拏問交耆齡審明定擬具奏

署進賢縣事委用知縣巴光謨。它掘蝻子。不能得法。雖經該撫等嚴飭。即親歷各鄉捕它。收買。尚知愧奮。而遺孽仍未盡除。僅請摘去頂帶。亦未足以示懲。巴光謨著即革職。仍留於該地方勒限接捕。儻敢仍前怠玩。再行嚴參懲辦。○諭軍機大臣等。王懿德慶端奏。統兵大員。勒匪陣亡。現籌援勦一摺。前據該督等奏。福建軍情緊急。請飭張運蘭蕭啟江。各軍赴援。當因張運蘭等已調往浙江。諭令福

興將所帶兵勇二千五百名。交者齡會同周天受酌派得力將領。帶赴浦城等處。協同攻勦。現在浦城政和各路尚未克復。趙印川復因堵禦麻沙逆匪。力戰陣亡。不特建陽危急。即建甯府城亦甚喫緊。而浙省衢城解圍。本日復據何桂清奏。探聞常山開化江山等縣均已克復。則浙省情形稍鬆。自應分兵策應。閩省福興即日來京。其所留兵勇是否已赴閩境。著王懿德等飛咨晏端書周天受等務

即催提迅往浦城等處。與閩兵兩路夾擊。庶可漸次掃除。如果江山已復。則衢防不必多兵。李定太所帶兵勇亦可酌撥前往閩境。協同攻勦。趙印川帶兵素稱得力。遽因軍挫陣亡。殊堪憫惜。著將被害情形查明請卹。王懿德現因患病賞假兩月調理。惟軍情緊急。所有調度機宜。仍著慶端與該督隨時商辦。以期早靖賊氛。再據惠親王等遵議御史吳焯奏。臺灣皮船前經姚瑩達洪阿用以制夷。現

在此項皮船是否堪用。閩省有無製造之人。著王懿德慶端查明具奏。將此由六百里諭令知之。○又諭本日據王懿德等奏。趙印川在麻沙力戰陣亡。建陽危急。建甯府城賊氛逼近等語。閩省將寡兵單。且與浙江江西接壤。江西撫建各屬漸就肅清。其敗竄之賊勢必闖入閩境。現據何桂清奏。探聞江山常山開化三縣先後克復。周天培一軍復攻克武義永康二縣。金華紹興解嚴。是浙江軍情已

鬆所有福興兵勇著晏端書耆齡周天受等迅即派員統帶赴閩毋再延緩李定太一軍疊經克捷衢州與浦城相距甚近能令該總兵由江山移勦浦城與閩兵夾擊當可得力著晏端書周天受就近妥籌調撥此外江西各軍如可酌調並著耆齡察看情形毋分畛域調往協勦將此由六百里各諭令知之○又諭何桂清奏喫咪睇三酋駛回上海並喫夷呈遞照會一摺前派桂良等前往江蘇會同何桂清妥議通商稅則事宜茲據該督奏稱六月初二等日喫咪睇三酋駛回上海照會桂良等公文內有耽延時日復行北上之語自係該夷酋尚未見欽派桂良等前往江蘇之旨現在何桂清已將前旨照會各夷該夷自必靜候惟桂良等馳往江蘇尚需時日該督須豫飭薛煥曉諭該夷告以時值溽暑欽差由陸路前來未能剋期此時爾等若赴天津該處已無辦事之人無可商酌自應在

滬等候一俟欽差到蘇即可會辦如此好言羈縻勿令遽行北駛仍密探該夷動靜隨時馳奏將此由六百里密諭知之○又諭扎拉芬奏奏續接俄夷來咨察其詞意漸已就範相機妥籌辦理一摺俄酋普提雅廷本年天津海口所求五口通商業已允准其獲利甚厚又俄酋木哩斐岳幅至黑龍江勘地業經奕山如其所請與以空曠之地該夷甚為感激普酋曾於天津許備槍礮由該國送來此次來文並不執議賠償僅以查看貨物商議完事為詞總為中國優待之故可即派委員與之議結毋庸再加辯駁諒彼必無啟釁之心惟天津黑龍江之事亦不必與之明言至調兵示威原可不必著照該將軍所議相機控馭咨照明誼妥辦可也該將軍四月所奏該夷咨文當即諭理藩院行知薩納特衙門矣將此由五百里諭令知之○又諭本日據何桂清奏喫咪睇三夷酋駛回上海因未

奉到諭旨。仍欲北上。何桂清已將前派桂良等。前往江蘇諭旨。照會各夷。諒該夷自必靜候。惟桂良等到蘇。尚需時日。設該夷復行來津探問。著瑞麟。告以欽差業經啟程南去。此地無可商辦之人。勸其回至上海。會同議事。一面嚴密防範。應修礮臺。雖趕辦不及。其沿海一帶陸路。及海河寬處。應如何安礮設兵。妥為籌防之處。著迅速辦理。將此密諭知之。○湖北布政使馬秀儒。因病解任。以按察使羅遵殿。為布政使。荆宜施道莊受祺。為按察使。○以陝西捐輸軍餉。再永廣鄉試中額四名。涇陽三原二縣學額各七名。大荔縣六名。渭南縣五名。朝邑韓城郃陽三縣各三名。蒲城縣二名。咸甯岐山。藍屋三水。四縣各一名。○以克復江西武甯縣城。賞知縣柯芬等。藍翎。餘升敘有差。予陣亡把總林得春。祭葬。世職六品軍功。葉莊文。徐邦達。賞卹如例。○予福建建陽陣亡副將吉祥。千總陳景揚。外委

沈裴榮。陳得彪。祭葬。世職。○予江西瑞州陣亡知縣楊毓藻。從九品劉泰歲。守備李玉田。把總劉東上。外委劉清元等。祭葬。世職。幕友童鑑。及主事匡汝諧。母龔氏等。旌卹如例。○戊辰。

上詣清夏齋。問。

如皇貴太妃安。○諭內閣。慶祺奏。請試墾檇櫓廢林。以充經費一摺。盛京檇櫓正林。樹株繁盛。每年採取貢差。足敷周轉。其廢林十二處。除已有樹株。責令林頭林丁。照舊培養外。所有無樹閒荒三千六百餘畝。著照所請。分別等則。試墾三年。自咸豐十一年起。按照等則。一律徵租。作為宮殿黏補之需。每年造冊。咨報總管內務府覈銷。其餘錢文。作為津貼丁力。○諭軍機大臣等。瑞麟奏。籌款修築營盤。設法捐輸。並先借撥藩庫銀兩等語。天津防堵事宜。昨經諭令該署督。趕緊辦理。若專待捐款。恐緩不濟急。著准其在藩庫。先撥銀三

萬兩墊用。惟工用尚多。即軍械及鉛丸火藥等需。亦恐不少。該省藩運各庫。能否再行墊撥。著瑞麟即飭藩運兩司。酌量籌畫。儘庫款不敷。即著奏請部撥庫銀數萬兩。以濟急需。俟續捐得有成數。再行撥還部庫。如此一轉移間。所有應辦事宜。不至遲緩。至捐輸各員。准其俟繳齊銀款。奏請獎敘。該署督先就現有款項。相度地勢。擇要興工。妥速辦理。將此諭令知之。○以福建巡撫慶端。暫署閩浙總

督。布政使瑞璜護巡撫。○己巳

上御勤政殿聽政。○諭內閣。戶部奏。查覈江南糧臺支銷數目。請旨遵行一摺。江南糧臺支放銀數。溢於成案。前因大軍直薄金陵。指日可以得手。降旨暫從優厚。若日久遷延。仍應覈減。以節糜費。現據何桂清奏。金陵賊勢窮蹙。即日可圖克復。所有目前兵餉。即著仍遵前旨覈銷。其四年閏七月部定章程。以後至七年未奉諭旨以前。報銷冊籍。仍著按照銀

米兼支章程覈算。以符定例。如有浮冒含混情弊。即著該部查明經手之員。責令賠繳。○又諭。前因晏端書奏。浙江軍務。總統需員。當降旨將周天受賞加提督銜。督辦浙江防剿事宜。茲據張芾奏稱。周天受調度乖方。縱兵騷擾。在湯溪蘭谿等處。沿途焚掠。並有擅殺鄉團。指為通賊情事。似此漫無紀律。本應從嚴懲辦。姑念武義永康次第收復。該員尚有微勞。著從寬先行革去提督銜。毋庸總統浙

江軍務。仍責令帶兵勦賊。以觀後效。張芾曾經奏保。周天受赴浙援剿。既經自行檢舉。並著交部議處。現在金衢嚴各屬失陷地方。均已先後克復。儻有不肖兵勇。於賊去之後。借端挾括財物。甚至焚毀城市村莊。帶兵將弁。不能約束者。一經參奏。朕必按律嚴懲。決不寬貸。將此通諭知之。○又諭。晏端書奏。查明失守各郡縣文職正印各員。請分別懲辦一摺。江西逆匪竄入浙江江山常山開化遂昌。

松陽處州。縉雲。永康。武義。雲和。宣平。壽昌。各府縣該地方各員。並不嬰城固守。以致失事。據該撫所請。分別革職。革留免議。均尚不足蔽辜。署遂昌縣事鄭崇暄。署宣平縣事唐汝芝。永康縣知縣丁承壽。署壽昌縣事程炳謙。江山縣知縣余以增。候選同知代理常山縣事李鵬揚。署武義縣事閻朝貴。署開化縣事湯世銓。均著即行革職。署縉雲縣事周士英。署雲和縣事伍承吉。均著革職。拏問。交晏端書提省審訊。按律定擬具奏。麗水縣知縣顧泰。先期出城逃避。至今尚無下落。著嚴拏務獲。即行正法。署處州府事候補知府鄭麓聞。警出城。著革職。拏問。交該撫訊明。如係先期逃避。著即一併正法。以昭炯戒。至失守所屬地方之溫處道俞樹鳳。金衢嚴道繆梓。署金華府事嘉興府知府李祥麟。衢州府知府訥勒恆額。嚴州府知府恩福。均著革職。留任。所請繆梓等四員。免議之處。著不准行。○又諭。

晏端書奏。官軍連克縣城一摺。逆匪竄踞浙江武義等縣。周天受調派各軍。分路抄擊。將賊卡一律焚毀。六月初七日。周天培親督諸軍。直逼城根。王恩榮等攻南門。榮陞等攻西門。初八日子時。即將武義縣城克復。救出難民二千餘人。永康賊匪。經和春派令副將陳開選。一軍會剿。連焚賊壘三座。殲斃數百名。縣城於初八日午時克復。救出難民一千餘人。至衢州解圍以後。李定太等。即派知縣丁峻等。進攻常山。副將陶茂森等。進攻江山。侯選道李元度。亦由屏風關進兵。會攻常山。江山縣城。亦即收復。開化之賊。經總兵秦如虎。督令已革遊擊夏寶慶等進攻。賊眾聞風潛逃。當即收復縣城。此股賊匪分踞各縣。經官軍分投剿辦。數日之內。連復五城。辦理尚為妥速。所有在事出力員弁兵勇。著晏端書擇尤酌保。毋許冒濫。○又諭。自軍興以來。諭令各省紳士督率勸捐。原為集貲助餉。即以保

衛鄉間全在督辦之員。以身倡率。則地方紳富。自知觀感。前任江南河道總督潘錫恩。以在籍大員。奉旨督辦捐務團防。並辦理糧臺。宜如何激發天良。維持大局。茲據張芾奏稱。該員坐擁厚貲。心存慳吝。聞警則先期逃避。近更託病藏匿。以致甯國各屬。皆藉口於涇縣。涇縣各戶。復藉口於該員。實屬喪心昧良。大員委任。潘錫恩著即革職。仍著何桂清飭令督辦勸捐事宜。以觀後效。儻再遷延推諉。

漠不關心。即著該督嚴參治罪。○諭軍機大臣等。張芾奏。總統大員。不能勝任。請飭查辦一摺。並請將守城出力。及防守貽誤各員。分別賞罰等語。總兵周天受。經朕特加提督銜。總統浙江軍務。應如何力圖報稱。若如張芾所稱。該總兵自樟樹潭三次獲勝。遽行驕恣。種種貽誤。並縱容所部兵丁。肆行搶掠。又於庸懦失機之已革遊擊楊國正。未能嚴行叅辦。實屬大員委任。除本日已降旨。將周天受

革去提督銜。已革遊擊楊國正。先已有旨。拏問。交晏端書嚴審治罪。外。至該總兵於全旺餘嶺等處。如何疏於堵剿。以致賊蹤蔓延。處州縉雲。其進攻武義永康。如何遷延。何以指金華鄉團為通賊。遽行捕殺。至數十名之多。何以兵勇到處殺掠。毫無聞見。其於楊國正。是否有心袒護。均著和春。何桂清。確切查明。嚴行叅辦。至參將胡定國。赴援廣豐。守禦出力。遊擊田應科等。派防開化。網巾街。肆行滋

擾。賊至即潰。各情。並著查明具奏。分別懲獎。又張芾奏。在籍河督潘錫恩。慳吝性成。首先抗捐。以致紳富效尤。並藉口老病。於辦團等事。避匿不出。請責令倡捐餉銀數十萬兩。並將糧臺遺失餉械。責令賠償等語。本日已明降諭旨。將潘錫恩革職。並令何桂清飭令該革員督辦勸捐事宜。至該革員係奉旨督辦團防。總辦糧臺之員。六年三月間。賊陷甯國。團練星散。餉米軍械。悉行遺失。豈能辭咎。儻

能毀家紓難。即捐餉銀數十萬兩。以贖前愆。尚可寬其既往。如敢仍前鄙吝。致微甯各戶。皆有所藉口。貽誤捐輸大局。即著何桂清。將該革員從前遺失餉械。分晰查明。責令悉數賠償。並將如何治罪之處。定擬請旨。毋稍寬縱。張芾摺片三件。著鈔給和春。何桂清。分別閱看。將此由六百里各諭令知之。○又諭。張芾奏。已革遊擊縱兵擾民。統兵大員袒護。保留各等語。據稱。已革遊擊楊國正。在江山一

帶搶掠鋪戶。奸擄婦女。與團丁互鬪。以致縣城失事。明安泰路出龍游。兵多淫掠。周天受兵過湯溪。占房焚屋。金華鄉團。以兵勇奪牛。赴營具控。周天受輒行捕殺數十人。指為通賊。並欲將楊國正。保留錄用等語。楊國正先經晏端書。以帶兵退避。奏。並未將其擾民激變之處。聲敘。迨經奉有諭旨。革職拏問。何以任其逗遛軍營。到處騷擾。龍游湯溪。距省較近。晏端書豈無聞見。何以不聞參劾。總由

平日意存見好。以致帶兵將領。任聽兵勇擾害地方。毫無顧忌。著晏端書。仍遵前旨。即行提省嚴審。並將縱兵殃民各情。一併嚴切根究。此等滋事兵勇。該撫一有所聞。即當嚴飭將弁。正法數人。以儆其餘。如有袒護之員。即行從嚴參劾。自然畏法斂跡。不至相率效尤。此時自無從逐一根查。嗣後該撫如聞各營。再有不遵軍律。騷擾鄉民者。即派大員持令前往。會同帶兵之員。將滋事兵勇。以軍法從

事。毋得一味姑容。自干重咎。將此由六百里諭令知之。○命浙江衢州鎮總兵官李定太。幫辦欽差大臣和春軍務。總辦浙江勦匪事宜。○以通政使司副使成琦。為詹事府詹事。候補三品京堂許乃釗。為先祿寺卿。○予浙江松陽等縣殉難知縣張士超。教諭徐清翰。景采臣。宋紹周。州同潘學元。祭葬世職。貢生詹沂等十三名。口。旌卹如例。○庚午。諭軍機大臣等。前因夷人急候欽差往議稅則。曾密

諭何桂清。告以時值溽暑。欽差由陸路前來。未能剋期。仍用好言羈縻。令其在滬等候。勿任北駛。惟桂良等。自京啟程。沿途尚有查辦事件。未能即時到滬。誠恐各該夷迫不及待。別生枝節。著何桂清。即派按察使留署蘇松太道薛煥。與各該夷清查歷年夷稅。自五口通商以後。上海關每年共交若干。廣州等四口共交若干。令各該夷覈實報出。俟桂良等到後。再行覈辦。如該夷問及因何清查緣由。

可告以大皇帝知爾等近年稅銀多有喫虧之處。是以清查明晰。將來不至爾等再有賠累。該臬司既為夷人所服。即責令妥為羈縻。俾得從容等候。勿令該夷再行北駛。將此由五百里密諭知之。○辛未。諭內閣。侍講銜翰林院編修鍾啟峽。編修張洵。均著在上書房行走。鍾啟峽著照料惇郡王奕諒讀書。○又諭。曾望顏奏。請將任信丁役需索之知縣革職審辦一摺。陝西省試辦抽釐。該管知縣自

應按照章程。妥為抽收。豈容丁役人等藉端訛索。茲據該撫奏稱。興平縣知縣王弼。於該縣辦理釐務。並不認真稽察。任聽門丁差役於定章之外。加倍抽收。實屬擾累商民。王弼著即革職。交該撫提同丁役人等。嚴行審訊。如查有營私分肥情弊。再行嚴參懲辦。○又諭。曾望顏奏。參撲捕蝗蝻不力之知縣。請摘頂示懲等語。陝西卸署石泉縣知縣王榮。現任石泉縣知縣韓鈞。經該撫飭令會同撲捕

蝗蝻。乃月餘之後。委員往查。仍未淨盡。且有飛入鄰境之處。撲捕實屬不力。僅予摘頂。不足蔽辜。王榮。韓鈞。均著革職。交該撫嚴行審訊。定擬具奏。以為玩視民瘼者戒。○諭軍機大臣等。和春等奏。傳振邦現駐灣沚。未能前赴徐州等語。徐州捻匪。雖經袁甲三等擊退。而宿毫一帶。匪勢鴟張。必得幹勇大員前往督剿。署徐州鎮總兵史榮椿。已簡放直隸提督。即應前赴新任。傳振邦著仍遵前旨。

酌帶兵勇。即回徐州本任。會同伊興額等督兵進剿。毋稍遲緩。所有灣沚堵剿事宜。著和春。何桂清。會商。另派得力大員。駐劄該處。幫同鄧紹良。妥為辦理。將此由六百里各諭令知之。○又諭。據駱秉章奏。胡興仁未經戰陣。所請隨帶伊弟胡景陶。及募勇帶往浙江之處。可否停止等語。前降旨。令新授甘肅布政使胡興仁。馳往浙江。會同曾國藩。辦理軍務。該藩司到浙後。朕尚有任用之處。原非專為辦理軍務起見。連日據何桂清。晏端書。和春等奏報。浙省衢州城圍已解。所有失陷各縣城。亦均次第克復。現止處州尚為賊踞。温州亦有賊蹤。曾國藩到浙後。定能迅速掃蕩。原可不藉胡興仁。為之襄辦。至該藩司之弟守備胡景陶。既據該撫奏稱。並非軍營出色之員。即著令其毋庸前往浙江。所有募勇數十人。酌帶赴浙之處。亦毋庸議。將此由五百里諭令知之。○又諭。據瑞麟奏。遵旨速籌防範。

已咨商僧格林沁。酌撥勁旅二千名備調。並由通州各營內。撥大小礮位二十尊赴津等語。夷船有仍欲來津之說。想不過虛聲恫喝。即使果來探聽消息。瑞麟惟當好言開導。原無須多兵耀武。惟有備無患。自應豫為籌畫。所需兵丁礮位。著僧格林沁。酌量調撥應用。至礮臺營壘。均應次第修築。雙港地方。既為扼要。即著先行辦理。其餘各工。亦可陸續興辦。毋稍遲緩。將此各密諭知之。○又諭。德勒

克多爾濟等奏。俄羅斯署理固畢爾那托爾斐耶多羅斐志咨文內稱。請停止驛站。供給盤費。羊隻之處。請旨斥駁一摺。俄羅斯固畢爾那托爾。呈請停止兩國使臣往來驛站。供給盤費。羊隻。實與舊例不符。著德勒克多爾濟等。咨覆時。即稱。本貝子業經奏奉大皇帝諭旨。中外相交。一切事宜。均有定例。不可率行更易。一旦停止供給物件。亦非柔遠之意。況驛站羊隻物件。所費無幾。亦無苦累之處。

等因。曉諭知之。○辦理浙江軍務前任兵部侍郎曾國藩奏報啟程日期。擬由水路至九江登陸。遙抵河口大營。得旨。汝此次奉命即行。足徵關心大局。忠勇可尚。俟抵營後。迅將如何布置進剿機宜。由驛馳奏可也。○以廣東三江口協副將張玉良為甘肅巴里坤鎮總兵官。○以克復江南秣陵關及東壩防勦出力。賞佐領保金參將唐國棟。遊擊張汝琳。都司羅光第。余正華。蘇如松。李兆霖。玉興。守

備吳三元等。花翎。委防禦舒德等。藍翎。餘升敘有差。○以湖南援軍克復廣西平樂府城。賞守備左光藻。劉清亮等。花翎。外委劉貴五等。藍翎。餘升敘有差。予陣亡守備蔣益慈。祭葬世職。○予浙江軍營病故總兵官明安泰。祭葬卹廕。○予江南江甯陣亡外委黎定勝。祭葬世職。○壬申。諭內閣。已革直隸總督譚廷襄。防堵海口。不能實力抵禦。以致礮臺失陷。夷船駛入內河。前據僧格林沁查奏。業經

降旨。飭令來京聽候查辦。著派惠親王。載垣。端華。會同刑部。訊明失事退避各情。按律定擬具奏。○又諭。晏端書奏。官軍收復縉雲。宣平縣城一摺。浙江永康武義餘匪。分竄縉雲。宣平。周天受派令副將陳開選等。分路進剿。陳開選督同遊擊吳再升。移師進逼縉雲。沿途焚燒賊壘。擒斬逆匪。不可數計。於六月初九日。將縣城收復。總兵周天培。督攻宣平。親率諸軍。四面兜圍。斃賊無算。於六月初十日。

收復城池。浙江被陷各縣。次第攻克。著李定太。督率將弁。進攻處州等處。迅圖克復。毋稍遲延。所有此次出力員弁兵勇。准其彙案請獎。○賞刑部員外郎段承實。五品卿銜。命馳往上海幫辦稅則事宜。○以援剿江西廣豐出力。賞參將胡定國。副將銜。○癸酉。諭內閣。理藩院奏。輪應年班之內外各扎薩克蒙古汗王。貝勒。貝子。公。台吉。額駙等。如何來京之處。請旨一摺。該蒙古汗王等。或捐輸駝馬銀

五

九九九

2024-01-11

太廟遣惇郡王奕諒恭代行禮 諭軍機大臣
等奕山等奏俄夷狡執字約漸致蔓延現議
派員查辦一摺黑龍江左岸舊居屯戶之外
空曠地方許俄夷存住並江中准其行走已
非興安嶺舊界奕山前此悉行允許並未辯
駁辦理本覺太易因限於時勢從權允許乃
該夷闖越黑河口欲由松花江西上夷字內
又寫烏蘇里河至海為中國與該國同管之
地肆意侵占漫無限制並在烏蘇里右岸圖

勒密山向西安設礮臺並欲在河內上下左右岸至牯牛河一帶蓋房修道其心尤為叵測該將軍等現派副都統富隆額圖欽帶同佐領三隆親赴綏芬烏蘇里等處履勘著奕山景瀄即飭該副都統等細心體察除黑龍江左岸業經奕山允許難以更改其吉林地方景瀄尚待查勘本不在奕山允許之列當與俄夷以何處為界即著該將軍等據理曉諭儻該夷酋有心狡賴即著嚴行拒絕毋庸

先行請旨徒勞往返致稽時日勘定後再行繪圖貼說詳細奏聞該夷此次駛赴天津業已許其海口通商並經奕山將黑龍江左岸准其居住往來即吉林各處未能盡如其欲在我已屬有詞在彼諒未必因此啟釁也將此由五百里各密諭知之 吏部奏遵議御史蘇仲山違例條奏山東加廣中額學額處分擬降二級留任得旨推廣捐輸加學額中額係朕旨在前原非該員有意乞恩惟鄉試

在即因科場年分亟欲速查所謂跡涉乞恩者在是蘇仲山著改為降一級留任不准抵銷 調任盛京將軍慶祺等奏製造防夷火藥完竣得旨現造火藥既係加工自應藥珠勻圓然放猛烈可遇便送數兩至軍機處備覽 以服閣侍郎潘曾瑩署工部左侍郎 乙亥諭軍機大臣等勝保奏請飭英桂將前調陝西官兵速令赴營等語英桂所帶兵勇為數無多分駐永毫鹿三處以防歸陳各路 袁甲三曾調陝西官兵一千名業經英桂詳細具奏不能分撥所有勝保奏請飭調之處著毋庸議惟現在懷遠鳳陽捻勢鴟張勝保軍營兵勇實有應接不暇之勢臨淮一帶必須有統兵大員與勝保聲勢聯絡合力攻勦方為妥善袁甲三前奏徐屬漸就肅清即日進駐宿州即著統帶官軍節節前進與勝保會合毋稍延誤史榮椿已補授直隸提督應令前赴新任已諭和春飭令傅振邦酌帶兵

勇即回徐州本任所有該處餘擒即可責成該總兵與伊興額防勒袁甲三如能進剿臨淮扼守東路則盱眙天長等處不致喫重而勝保亦得專力攻勦懷遠規取鳳陽不令該匪久踞復有蔓延其李兆受投誠一節著勝保察其誠偽酌量辦理將此由六百里各諭令知之 又諭前因浙江江山等縣已先後克復福建賊氛日熾諭令晏端書周天受等迅即派員將福興所有兵勇帶赴閩省援勦尚未據該撫等覆奏現已改派李定太總統浙江諸軍如福興原帶兵勇尚未赴閩著晏端書會同李定太即派得力大員統帶前往毋再延緩閩省帶兵之道員趙印川最為得力茲已陣亡情形甚為喫重必得浙兵趕緊前往與閩軍會合夾擊勿令賊勢蔓延所有赴閩之兵是否應由仙霞嶺至浦城抑由處州至政和松溪等處著晏端書李定太酌度情形相機辦理至李定太既膺總統之任自

應分投策應不當株守衢州饒廷選雖因失事革職究係久歷行陣堪以留防衛城毋稍疏懈將此由六百里各諭令知之 以安徽布政使李孟羣暫署巡撫 改鑄湖北提標左營遊擊關防從總督官文請也 以山西捐輸軍餉再永廣鄉試中額二名 以江蘇捐輸軍餉永廣銅山縣學額二名宿遷縣一名 以勦辦江南全椒江浦等處賊匪出力賞都司田際泰守備賈有奇知州周鎮防禦色勒等花翎前鋒德永等藍翎餘升敘有差以率眾投誠賞江南江浦難民樊家臣六品翎頂入營效力 予安徽陣亡都司韓魁把總徐萬開祭葬世職額外外委劉長清賞卹如例 予江西陣亡把總戴榮華外委賴有榮祭葬世職 丙子諭軍機大臣等前因截撤蒙古官兵照例令造具員名清冊由京頒發賞件其哲里木盟賞件由山海關給發昭烏達盟賞件由熱河給發諭令常清定福

屆時派員齎往茲據定福奏稱哲里木盟官兵或尚在熱河圍場駐劄或已回游牧若由山海關派員齎往勢必歧誤請一併發交熱河齎往散給等語所有哲里木昭烏達兩盟員名兵數即著常清咨照該帶兵官造具清冊咨報軍機處以便頒發賞件統交常清派員前往散給將此諭令知之 以工部右侍郎景廉順天府府尹梁同新監臨順天鄉試以烏什防堵出力賞伯克阿拉布敦花翎

餘升敘有差 丁丑諭內閣軍機大臣會同兵部等衙門奏遵議法福禮等條陳回疆善後事宜一摺喀什噶爾地處極邊自參贊大臣移劄葉爾羌後該城領隊大臣例不能專發奏報設有緩急轉達需時自應量為變通以資彈壓著照所議喀什噶爾領隊大臣著改為辦事大臣所有本城應咨事件仍與幫辦領隊大臣之換防總兵聯銜咨呈參贊大臣查覈遇有邊警准其專摺馳奏其行文各

城悉用咨行與東四城一律仍歸葉爾羌參贊大臣統轄以符定制至該城六品以下伯克以別城人員補授每多不洽輿情亦著准其專補本城人員其阿斯圖阿爾吐什莊五品阿奇木伯克著改為四品並准於該處回城內復設回兵七百名將舊給完銅回子地一萬四千畝給與以充糧餉仍舊設管轄回兵四品伯克二員以專責成所有昌巴爾山銅廠即行永遠封禁仍照議徵收布稅以抵

銅廠稅課嗣後該大臣等務當詳慎舉劾嚴密巡查勤練兵丁妥籌經費以期變通經久永靖邊隅 又諭晏端書奏克復處州府城一摺自縉雲宣平克復後各路悍賊盡竄處州周天培等由縉雲進攻處州六月十三日先將桃花嶺之賊擊退即由荆坑出嶺移營直偪郡城周天受復調瞿先仲等軍進劄永康復知照溫處道俞樹風等軍從海口進攻並密令勇士潛伏城中縱火十五日夜見城

中火起即分隊而進斬獲甚多逆眾亂竄出城奔往松陽一路遂於十六日克復府城勦辦尚為得手著晏端書李定太嚴飭在事將弁將逃竄各匪分路埽蕩務令浙境一律肅清毋稍延緩又諭慶端奏請將在籍紳士帶往軍營等語福建在籍御史鄭元璧候選員外郎楊叔懌浙江候補同知郭式昌均著准其帶往延平軍營隨同該署督辦理防勦事務又諭慶端奏出力鄉團請准隨時酌

保等語自軍興以來疊經降旨凡有鄉團民勇保衛鄉閭殺賊立功者准各省督撫奏請優獎近年各路帶兵大臣及督撫等陸續奏請獎勵均經立沛恩施即如福建省上年被賊竄擾各屬團勇戰守出力經王懿德保奏業經給予獎敘特恐其中不無遺漏之人除此次慶端等補行請獎外如尚有漏未請獎之員著即查明補給獎勵至現在建甯一帶賊蹤逼近該紳民等有能團練殺賊保衛地

方者著該署督隨時奏獎毋稍稽延並即出示曉諭俾紳民人等同心敵愾以收眾志成城之效諭軍機大臣等浙江處州府城已復而松陽雲和等處尚未肅清江山遂昌各路須防回竄且恐其竄入溫郡與閩省賊匪通連尤難收拾晏端書惟當會同李定太嚴飭各軍分路截勦肅清浙境不可專顧一處致令再有延蔓至福興所部兵在衢州者尚有二千五百名屢諭晏端書等派員管帶赴

閩援勦現在建陽又陷建郡危急而本日據晏端書奏此項官兵已飭回駐玉山暫歸李元度管領或留江西或援閩省仍由江西巡撫酌辦如周天受接奉諭旨業已派員統帶赴閩應毋庸議等語閩省需兵甚急著者齡迅即查明福興原帶兵勇如果尚未赴閩即派得力大員統帶前往毋再延緩再據福興奏傷重未能赴閩請飭先派一軍赴浦城一帶與處州得勝之師夾擊或即令防守江山

之兵就近進攻浦城以勦為防稍分賊勢各等語並著晏端書會同李定太酌量情形相機辦理將此由六百里各諭令知之 又諭據慶端等奏閩省上游賊勢鴟張兵力單薄請添調楚省官兵一摺福建省頻年用兵已成積疲之勢近日江西竄往之賊愈見蔓延得力大員如趙印川等又復先後陣亡誠非生力勁軍不能制勝該署督指調之副將銜參將石清吉遊擊張萬祿守備田聯升及其

所部兵勇是否現在湖北著官文胡林翼查明該員等儘可抽撥即飭該員等各帶勁旅迅速赴閩交慶端調度毋稍遲延將此由六百里諭令知之 又諭慶端奏賊勢猖獗出省督勦並請調楚兵楚餉各摺片建陽縣城失守建甯危急該署督既經親往延平督勦自當迅籌進取先杜其分竄之路方能力固藩籬現在浙江處州已報克復前調福興所帶現在衢州之官兵二千五百名飭令赴援

閩省業經晏端書飭令先回玉山本日已諭知耆齡與李定太就近商派得力將弁統帶赴閩儘能由浦城一路轉戰而前即可與閩兵前後夾擊該署督所帶兵勇無多前調之漳州雲霄等兵即著飛催務當嚴明賞罰統帶得人不可任其延玩所請調湖北官兵並參將石清吉等已有旨諭令官文胡林翼酌量派撥其所請餉銀湖北省現在供支東征水陸各軍每月尚須鄰省協撥勢不能分解

二十萬兩之多已令戶部速籌有著之款指省撥解協濟矣建陽縣文武下落並著查明具奏將此由六百里諭令知之 兵部左侍郎王茂蔭因病解任以署刑部右侍郎萬青藜為兵部左侍郎調署兵部右侍郎李維翰署刑部右侍郎命服閩刑部尚書陳孚恩以頭品頂帶署兵部右侍郎 以福建建甯辦理善後並團練出力賞知府劉翊宸及圍首生員江鑑心等加銜升敘有差 予福建陣

亡外委姜開泰祭葬世職廩生陳金鋒增生
陳雋聲團首陳世輝團勇邱宗松等並建安
縣知縣何鎮之親屬陸錫齡曹福疇家丁張
禧賞卹如例陸錫齡曹福疇並附祀何鎮之
專祠 戊寅諭內閣朕聞近京各州縣地方
均有蝗蝻蠕動若不亟籌撲捕必致為害農
田著順天府府尹直隸總督各飭所屬查有
蝗蝻滋長之處即行設法撲捕勿令長翅飛
騰致傷禾稼儻該地方官不能認真辦理或
任意玩視即著從嚴叅辦各大吏若不嚴飭
屬員置之不問甚至故為徇隱朕必將各大
吏加等懲處不貸 免喀什噶爾被匪滋擾
屯戶回戶未完新舊額賦並升科糧石已
卯諭軍機大臣等前因夷人在天津議定和
約有索賠兵費扣完後再行歸還廣東省城
之語已諭知黃宗漢如團練力可制勝不必
阻遏僥勝負尚未可知不可輕於一試並照
會該夷使知構兵之故與官無涉諒黃宗漢

當已知照羅惇衍等妥籌操縱本日據羅惇
衍等奏六月十一日進攻省城因該夷防守
甚嚴不能得手是攻城之舉尚未能操必勝
之權僥倖傷損士民轉使該夷有所藉口亦
未為計出萬全該侍郎等所稱夷人焚燒房
屋捉殺無辜毀拆石坊如仍前肆擾民間而
紳團合力與戰原係義憤不能禁止若挑釁
生事有意與之為難在我未能必勝而在彼
轉得有詞亦當暫事緩兵以顧沿海大局惟

各鄉團練糾集非易若聽其渙散不特夷人
無所忌憚即勦辦土匪籌畫地方公事黃宗
漢失其所恃亦恐難於措手仍當與羅惇衍
等聯絡激勵使敵愾之心不至因而生懈方
為妥善黃宗漢行抵惠州距羅惇衍等發報
之時已經逾月何以至今並無奏報著將該
省夷務並各路土匪情形及疊次諭查各件
詳細速奏毋得任意延閣又蹈從前故轍再
前據徐澤醇奏廣東駐防紀世材精於鑄造

火器曾著有鑄造火器等書著該督查明如
果現在省城即行飭令來京以資差委將此
由六百里各密諭知之 以直隸通州協副
將湯蘇署天津鎮總兵官 庚辰諭內閣崇
恩奏審擬在籍知府與汛弁爭毆互控一摺
此案已革知府王者政辦理團練並不和衷
商酌輒因細故毆辱汛弁殊屬任意妄為已
革外委葛鴻章會商公事出言謬妄姜文英
喝兵幫護致令王者政被毆受傷均屬有玷
官箴王者政葛鴻章姜文英俱已革職著無
庸議王者政如續查有狂妄無知武斷鄉曲
等情著該撫再行從嚴叅辦勿稍顧忌以警
刁風 以山東蘭山縣匪徒滋事摘知縣劉
錦堂頂帶革千總王壽椿把總楊安貞職均
留任予陣亡縣丞姚鳳長祭葬世職 緩徵
山東德平蒲臺堂邑博平沂水曹六縣並東
昌衛被風被雹被旱被丹屯莊新舊額賦有
差 辛巳諭內閣僧格林沁奏請派員督辦

椿料等語天津現辦要工所需椿木甚殷著
派順天府府尹梁同新前往通州一帶沿河
督飭地方採辦毋誤要需其西南兩路廳同
知採辦不力業經僧格林沁咨行順天府摘
去頂帶如再玩延著嚴叅懲辦 諭軍機大
臣等僧格林沁西凌阿奏催辦礮臺營壘擬
移營雙港一摺現在購辦椿木解赴天津修
整礮臺營壘並搬運礮位辦理漸有就緒惟
該夷船是否再來不能豫定該大臣可先赴
天津查看雙港營壘礮臺布置周妥後可仍
回通州駐劄不必常駐天津如有應行辦理
之處不難隨時前往總以通州後路為要如
夷船到津仍由瑞麟妥為開導僧格林沁赴
津後通州營壘礮位即交副都統克興阿暫
為照料應調官兵即照所擬辦理再前任漕
運總督李湘芬曾在僧格林沁軍營其人是
否堪以調赴軍營藉資驅策著查明具奏將
此諭令知之 又諭現在天津修造礮臺需

用牛皮包裹以避火攻據僧格林沁奏張家口購買皮張較易著慶昫即飭該監督崇連趕緊購辦牛皮一千張迅即派員解赴天津以應要需將此諭知慶昫並傳諭張家口監督崇連知之 以右春坊右贊善邵亨豫為河南鄉試正考官翰林院編修洪昌燕為副考官太常寺少卿鄭敦謹為山東鄉試正考官吏部郎中葉廷杰為副考官翰林院編修彭瑞毓為山西鄉試正考官呂朝瑞為副考

官 壬午

孝靜康慈皇后三周年忌辰遣官祭

慕東陵 諭內閣前因張芾奏周天受在浙江調度乖方縱兵騷擾當經降旨將該總兵革去提督銜毋庸總統浙江軍務茲據晏端書奏周天受帶兵援浙以來並無遷延貽誤並另片奏松陽縣城亦經克復等語周天受被參各款雖據該撫奏係傳聞異詞然其在全華湯溪致令兵民互相鬪殺亦不得謂無

罪惟念該員疊次收復各城著有勞績仍責令奮勉圖功俟浙江全境肅清後著和春據實保奏候朕施恩 又諭曾望顏奏陝西省州縣於竊盜各案必令事主出具是竊非強是搶非劫各甘結請旨永遠革除等語各省州縣諱盜為竊定例綦嚴何以陝西省州縣於事主呈報之初賊犯未獲即責令出具並非強劫各結豫為諱匿地步此風斷不可長著曾望顏嚴飭各州縣即將前項甘結永遠

革除儻狃於積習不知悔改即著照諱盜例從嚴叅辦以示懲儆 又諭恆福奏三河口鹽務總局請仍用委員辦理一摺陝西省行銷河東鹽引前經王慶雲派委候補府經歷衛啟傳駐劄陝西華陰縣屬之三河口專司其事奏請給予運判銜並聲明試辦一年後應設何官再行議奏茲據恆福奏稱該委員試辦以來費省事集商販相安足以裕課便民著即毋庸另議設官嗣後該局鹽務准其

即用委員辦理並定為三年一換以專責成
此次該委員衛啟傳在局二年著有成效著
准其再留一年如果始終奮勉再行奏請獎
勵以後接辦之員報滿時果能出力即查照
蒲灘章程酌量請獎如有玩忽誤公之員即
著隨時撤叅以重疆務而示勸懲 又諭前
據李鈞崇恩奏豫籌明年分成河運事宜當
經降旨以全漕河運能否照辦諭令籌商具
奏茲據奏稱籌款挑河設法趲運並將應修

各工擇要估辦著照所議即飭藩運二司將
挑河例價津貼銀兩趕緊籌備支發以免臨
時遲誤李鈞等即飭該地方官認真挑挖務
使河身一律深通輓運無阻並將應辦各工
需用錢糧撙節估計先行具奏毋許任聽屬
員藉端浮冒以重帑項而歸覈實 又諭李
鈞奏請添撥秋汛防險銀兩一摺豫省黃河
秋汛較重所有防險銀兩亟應添撥以濟工
用著准其循照酌減之數添撥銀十萬兩由

捐輸項下劃抵不敷之數由司籌款找給該
河督即飭該道撙節支放認真稽查毋任稍
有虛糜 諭軍機大臣等本日據晏端書奏
衢州尚有福興所帶兵勇擬令副將張騰蛟
統領隨同饒廷選從江山赴浦城等語浙省
賊氛雖已漸次掃蕩而衢州玉山等要隘尚
須留兵防守以杜賊匪回竄李定太已派副
將陶茂森等剴營大竿嶺並派九江等營各
兵以為後路衢州當可無虞饒廷選已開復

總兵著即帶漳兵漳勇福勇馳往浦城等處
援剿其玉山兵勇除留防外並著耆齡酌撥
派員統帶赴閩助剿現在浙江已克松陽餘
匪竄往龍泉著周天受即由龍泉取道進剿
毋令匪勢蔓延其松陽克復情形仍著該撫
查明具奏將此由六百里各諭令知之 以
詹事府詹事成琦充日講起居注官 以浙
江衛嚴各屬肅清復已革總兵官饒廷選職
癸未

孝懿仁皇后忌辰遣官祭

景陵○諭內閣戶部奏遵議鳳陽關短徵稅銀可否寬免追賠請旨遵行一摺所有安徽鳳陽關咸豐八年短徵稅銀前署廬鳳道金光勛業經陣亡加恩免其追賠其黃元吉任內應賠之項著加恩減免九成其餘一成銀兩仍著照數賠繳以示區別○諭軍機大臣等本日據和春何桂清等奏浙省軍務將竣請飭曾國藩將援浙之師改道援閩一摺所籌

甚合機宜福建地勢西接江西北鄰浙江若令賊勢蔓延所關非淺已諭曾國藩迅由鉛山直擣崇安著晏端書迅飭饒廷選帶漳福各兵勇馳往浦城等處援勦其周天培所帶援浙兵勇內並著挑選精銳三千餘名由龍泉一帶赴閩與饒廷選會擣浦城慶端現已出省近駐延平督辦著該署督飛飭在建甯帶兵之保泰等迅速上勦為三路夾攻之計周天培一軍業據和春等奏稱由江蘇月撥

銀二萬兩解往該總兵軍營援兵未到之時

慶端仍當就本省兵力督飭在事文武實力堵勦毋許延緩再據福興奏所帶援浙一軍衛圍已解其出力各員弁請由晏端書彙覈請獎等語著該撫確查擇尤保奏毋稍冒濫將此由六百里各諭令知之○又諭前因浙江軍務緊急諭令曾國藩赴浙勦辦現在衢州業已解圍處州等府縣亦相繼克復境內餘匪不難剋日肅清惟閩省浦城崇安建陽松溪政和等處賊勢蔓延亟應趕緊勦辦曾國藩業已奏報啟程著即以援浙之師由江西鉛山直擣崇安相機進勦迅將閩省各匪一律掃除毋稍延誤曾國藩赴閩援勦所需軍餉著官文等仍遵前旨由湖南北按月籌銀各二萬兩解赴曾國藩軍營以資接濟將此由六百里各諭令知之○以內閣學士雙福署吏部右侍郎兵部右侍郎春佑署管光祿寺事○以正藍旗蒙古副都統托雲署鑲

藍旗護軍統領散秩大臣載崇署京營右翼總兵 以江西貴溪防勦出力賞副將張騰蛟總兵銜遊擊馮日坤巴圖魯名號都司汪安邦守備賴廷芳防禦色靈阿格本泰等花翎縣丞郝聯薇等藍翎餘升敘有差 甲申以勦辦福建土匪出力賞防禦長慶等藍翎在籍御史陳慶鏞等升敘有差 乙酉皇后千秋節宮內行禮如儀停止筵宴及在外公主福晉命婦進內行禮 諭內閣慶端等

奏鄉試未能舉行請再展緩一摺本年福建鄉試前因該省辦理軍務展緩兩月察看具奏茲據該署督等奏稱軍務未竣恐屆時仍難舉行所有福建省鄉試著准其展至咸豐九年秋間特開一科補行戊午科文武鄉試 又諭楊載福奏官軍進攻從陽等處獲勝並分兵收復建德縣城各摺片六月十一日楊載福統帶官兵駛過安慶派令王明山等進攻從陽將所有賊船焚毀淨盡斃賊甚多

十二日楊載福親督官軍進攻大通何瑞祥等登岸攻擊賊眾力不能支棄壘奔竄都司宋美富派令哨弁王金楷等帶領舢板與投誠商民張大忠合攻建德縣城將兩岸竹筏燒毀無餘官軍水陸夾攻該匪等乘夜出城逃逸當將縣城收復其進攻銅陵從揚陣亡之儘先都司李洪勝外委盛大發汪山友劉升泰著交部從優議卹 諭軍機大臣等袁甲三奏進勦宿南賊匪獲勝並請調豫省官兵助勦各一摺宿南賊匪疊被官軍攻勦得勝湖溝集以南復經招集團練添築民圩九處與南路官軍聲息已通現伊興額由西南路進勦滕家勝等進扼固鎮等處並派兵分勦南平孫疇等處游匪自應乘此聲威迅速前進著一面飛催豫兵一面就現有各軍督飭勦辦並諭知本處紳民悉心開導為勦撫兼施之計務將宿南一帶剋日肅清以便會攻懷鳳不得以等候豫兵轉形株守至總兵

傳振邦已諭知和春等仍令赴徐一俟該鎮到後史榮椿著即來京無再遲緩將此由六百里諭令知之又諭本日據袁甲三奏兵勇不敷分布請飭調陝兵一千名迅赴該營協剿一摺此項陝西官兵屢經勝保袁甲三奏調據英桂覆稱分駐毫鹿防剿歸陳不能分撥現在袁甲三已進兵宿南自宿州至懷遠道路已通即可與勝保會合惟自滄河以南五百餘里賊蹤分竄兵勇不敷分布自應亟籌添調著瑛榮酌量情形如鹿邑等處賊情亦緊即於本省防兵內挑選一千名前往該處接替所有陝西兵一千名著即飭令迅赴袁甲三軍營以資攻剿至鹿毫一帶防堵需人該署撫即飭邱聯恩酌帶本鎮官兵馳往以勦為防如邱聯恩另有防剿之處不能前往朱連泰現在亳州堪資防守並飭與袁甲三聯絡聲勢俾得迅速前進埽蕩擒氛毋稍延緩將此由六百里諭令知之○命兵部

右侍郎徐樹銘提督福建學政以翰林院侍講許彭壽為湖北鄉試正考官編修俞奎垣為副考官丙戌諭內閣惠親王等會同刑部奏遵旨訊明天津海口失事各員分別按律定擬一摺已革直隸提督張殿元署天津鎮總兵達年護理大沽協副將遊擊德魁經譚廷襄派令分守大沽南北岸礮臺已革副都統富勒敦泰於于家堡安營為張殿元等後路援應當夷人開礮之時雖均極力抵禦擊傷夷船四隻轟斃夷兵多名惟礮位礮臺均經失陷實屬咎無可辭富勒敦泰張殿元達年德魁均依擬應斬著監候秋後處決已革直隸總督譚廷襄訊無畏葸退避情事惟調度無方亦難辭咎著發往軍臺效力贖罪另片奏署直隸總督瑞麟單開隨營文員應否議處請飭吏部辦理等語海口在事武職各員均已叅辦所有隨營文職永定河道崇厚等著吏部分別議處又諭前據花沙

納等會同刑部奏審明已革順天府府尹張起鵬承辦糧臺濫支各款當經降旨俟戶部工部將原封文冊及續交帳目查覈明確有無浮冒侵蝕再行定擬罪名茲據花沙納等會同刑部奏稱據戶工二部將該革員經手糧臺正雜各款會算完結尚無侵蝕入己情弊惟究補帳目情節較重應加等科罪等語此案革員張起鵬辦理糧臺於通判龔國瑞捐輸鑄礮並未聲敘錢數糧臺餘存軍物並不奏明作抵又違例濫支鹽糧馬乾及各員行住車價並車馬津貼銀兩均未照定例辦理已有應得之咎且呈出帳目因有違例之處逐款改補意存規避實屬有心蒙混張起鵬著即照所擬發往軍臺效力贖罪仍暫行監禁勒限兩箇月將應賠款項完繳清結再行起解其查封完縣房產著准其作抵○又諭吏部奏遵議山西巡撫恆福等請停增附捐教一摺據稱捐例變通原屬權宜之計請

俟軍務告竣再行停止等語教職有考課士子之責增附生捐教前經停止嗣因戶部奏請暫為變通究不足以示矜式所有增貢附貢報捐教職一條仍著停止以重學校而勵真才又諭吏部奏道府處分與例不符聲明請旨一摺浙江道府各員失守所屬州縣城池前經晏端書奏請分別革留免議降旨將該員等一併革職留任茲據該部查明與例尚不相符聲明請旨所有浙江溫處道俞樹風金衢嚴道繆梓均著仍遵前旨革職留任署金華府事嘉興府知府李祥麟衢州府知府訥勒恆額嚴州府知府恩福均著革職仍留軍營效力又諭都察院奏江蘇文生耿尚友以知縣那用賑款挾嫌擅責等詞赴該衙門呈控據稱江蘇沐陽縣於上年春間勸捐賑錢一萬一千餘串郝知縣聽信門丁田慶庫書邱文若盡行那用復縱令蠹書胡開泰差役張學等各處勒捐錢四五千串俱

飽私囊經耿尚友控發復將該生簇擁到縣
濫責洩忿等情如果屬實侵吞賑款法所難
容亟應從嚴懲辦以儆官邪著交何桂清親
提人證卷宗秉公嚴訊確情按律定擬具奏
諭軍機大臣等本日據勝保奏軍務緊要
馬隊得力請飭於綏遠城察哈爾各挑選四
五百名來營等語綏遠城兵在通州者已有
一千恐難再調其所需察哈爾馬隊尚可酌
量分撥著僧格林沁於現存通州之一千名
內分撥五百名派員管帶前赴勝保軍營以
資得力至伊興額前請撥察哈爾馬五百匹
據僧格林沁覆奏可以勻撥四百匹因天氣
炎暑暫停起解現在勝保軍營亦尚缺馬此
項馬匹著即隨同此起馬隊一併解交勝保
俾與伊興額均勻撥用津郡防務緊要如果
存兵尚形單弱並著僧格林沁酌量情形飛
咨察哈爾都統再行挑選馬隊五百名赴通
補足原數將此諭令知之 又諭勝保奏親

赴鳳臨扼賊東竄並請飭袁甲三進扼淮河
北岸一摺昨據袁甲三奏稱由宿州至懷遠
道路已通已有旨諭令迅速前進會攻懷鳳
矣勝保因懷遠賊勢漸蹙恐其被偏東竄欲
親赴鳳臨一帶督率布置並就近將李兆受
一股相機招撫自係為全淮大局起見除招
撫李兆受一節已於另片內批示其由鳳陽
東竄之路即著勝保前往布置臨淮水路既
有賊船下駛尤應實力堵禦以固清江門戶

袁甲三接奉前旨諒亦剋日進兵著即與勝
保合兵會勦務由淮河北岸節節進攻使該
匪不至南趨定遠東擾盱眙以免日久延蔓
將此由六百里各諭令知之 鑲黃旗蒙古
都統勝保奏招降李兆受輸誠納款得旨招
降李兆受一事固應示以坦白尤須倍加防
範 予安徽陣亡千總劉正富趙易升嵩林
把總金雲升外委周萬發祭葬世職附貢生
程希賢等賞卹如例 丁亥諭軍機大臣等

扎拉芬泰奏派員前赴塔城與俄夷會議並錄該夷原咨呈覽一摺俄夷貨園一事本年四月間已由理藩院行文薩納特衙門此時當必遞到嗣於六月二十三日復寄諭該將軍即行派員與議毋庸過於辯駁想亦經奉到矣俄夷此次來咨雖仍以勘領存貨為辭而要求賠償固屬意中之事扎拉芬泰業已派令協領哈布齊賢等前往會議自應將此案速為完結著即知照明誼並飭該協領等

實錄卷二五八

七

於會晤該夷使時務須情諭理曉妥為開導其現存夷貨價值若干即與公同估計此外被焚貨物儘該夷必欲賠償著即照所議飭商分年賠補以示羈縻而免枝節該夷因五口通商等事尚知感激或不致有過分要求難於措手至此後通商有無另議及修理夷園等事均著一併妥議隨時奏明辦理將此諭令知之以刑部尚書麟魁兼署吏部尚書以克勤郡王慶惠署正白旗滿洲都統鄭

親王端華署鑲藍旗漢軍都統以候補三品京堂王庭蘭為貴州按察使以攻勦貴州平越等處賊匪出力賞孝廉方正王崇植花翎守備龍雲化等藍翎餘升敘有差○予貴州軍營病故按察使福連祭葬卹廕○戊子中元節

上詣

安佑宮行禮遣官祭

永陵

實錄卷二五八

七

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵 遣官祭

孝德皇后殯宮 遣官祭

端慧皇太子園寢 諭軍機大臣等庚辰奏

防勦經費不敷請飭於鹽課項下撥解銀兩

等語臨淮賊船勢將下竄該河督現於洪湖

上游添派兵勇以防為勦月需口糧軍火約

實錄卷之六

五

一萬數千兩除淮北每月可以提銀五千兩

外尚未及半亟應再為籌撥著何桂清飭令

兩淮運司再於淮南北鹽課項下每月撥解

銀五千兩以充軍餉將此由五百里諭令知

之 又諭前有旨諭知瑛榮令將留防鹿邑

之陝西兵一千名派赴袁甲三軍營另調本

省防兵一千名往鹿邑接替並令酌派邱聯

恩前赴鹿毫一帶協勦仍令朱連泰與袁甲

三互相聯絡本日據英桂瑛榮奏歸毫等處

勦匪情形據稱已派遊擊承惠帶兵勇千名

前往會同朱連泰防勦鹿毫兩營軍威已壯

其永城等處復有山西官兵協同防勦是豫

境雖間有賊蹤多係零星小股現在鳳臨懷

宿匪勢披猖幾欲沿淮下竄其情形倍形喫

緊著瑛榮仍遵前旨速將陝西兵一千名派

赴袁甲三軍營毋再截留致誤清淮全局仍

再抽撥本省防兵一千名前往以補陝兵之

數至邱聯恩前在光商等處防堵此時楚豫

實錄卷之六

五

邊界業已肅清該總兵是否尚在該處若令

移赴歸毫交界堪資得力並著瑛榮飭令酌

帶本鎮官兵即行前往該總兵到後朱連泰

即可接應袁甲三俾得迅速前進即邱聯恩

不克分身亦當飭知朱連泰與淮北各軍聲

勢聯絡毋任隔絕將此由六百里諭令知之

以浙江處州等處防勦出力復道員俞樹

風職免副將福昇處分○以勦辦安徽阜陽

教匪出力賞遊擊巴揚阿巴圖魯名號道員

陸嶼遊擊惠芳羅仲保都司杜芸守備王萬
年羅景燾竇萬祿佐領那蘇巴圖等花翎馬
甲德隆阿等藍翎餘升敘有差

實錄卷一百五十五

三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百五十八

一〇一六

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百五十九

此修職官經是日議起居注。太子太保上書。乞歸傳又湖廣伯聞事翰林院。學士曾公代奉。上謝事件。處國史館。修職官武英殿。

大學堂管理兵部事務加十三級紀錄十四次
臣查積案未覈裁官竊疑該官不才太優大瀾開銷留軍武英殿總裁官兼督庶吉士體仁閣

大學管理戶部三庫事務管理刑部舊格加二十三級紀錄十六次臣周祖蔭題藏官太子少保管理內閣書庫事務封引大臣軍機大臣

鑲藍旗滿洲都統戶部尚書管理三庫事務加四級隨帶加五級紀錄十二次

遼陽史館總纂官正藍旗蒙古都統薩那斯管理太常寺鴻臚寺事務加二級軍功加四級隨帶加八級紀錄五次臣倭什璉等奉

敕修

咸豐八年戊午七月己丑月食。諭內閣。杭

年春未去九

州織造慶連奏關稅不敷抵撥請旨辦理等語現在運務緊要所有該關新季稅銀著俟趕辦七年運務完竣後再行撥濟籌防局○諭軍機大臣等羅惇衍等奏遵旨聽督臣議撫俟夷務平定請移練勇防勦西北兩江並片奏西江股匪竄至封川各等語羅惇衍等接奉兩次諭旨已傳諭各營不復進攻惟該夷淫掠焚燒依然如故並欲盡勦東北兩路村莊如果肆意騷擾自應激勵團練竭力保

護毋令人心解體至通商雖有定議而該夷一時未即將省城交出著羅惇衍等先與黃宗漢籌商將各團分撥西北兩江助剿毋令坐糜兵餉羅惇衍等擬將木刻關防夷務二字改為團練即著屆時改刻毋庸明降諭旨至西江股匪於梧州收復後竄至封川開建德慶高要廣甯四會六縣交界地方賊勢蔓延亟宜趕緊撲滅何以未據黃宗漢奏報現在粵省夷務固應妥為籌辦而西江匪徒出

沒無常係地方緊要事件該督惟當督飭在事文武迅速勦捕並將現辦情形隨時具奏毋得仍蹈前轍遲延貽誤將此由六百里各密諭知之○又諭僧格林沁奏遵旨籌撥官兵馬匹一摺察哈爾兵丁既於南方水土不宜所有勝保軍營需用官兵著照所請先將在津屯劄之綏遠城馬隊內咨令托明阿勻撥五百名並令揀選三百名配用驢壯馬匹先行派員管帶啟程其餘二百名俟領到南

苑馬匹再行前進至僧格林沁請在南苑捐輸馬內挑選八百匹交綏遠城領馬官兵管解分交勝保伊興額兩路軍營各四百匹之處已諭令上駟院迅速挑選矣僧格林沁現已移營赴津如果兵力不敷著即奏請調撥將此諭令知之○山西太原鎮總兵官瑞格因病解任以直隸開州協副將田在田為山西太原鎮總兵官○庚寅諭內閣吏部奏遵議江蘇司道各員處分一摺江蘇按察使現任

江蘇巡撫趙德轅現署江甯布政使淮海道梁佐中按察使現任江甯布政使楊能格丁憂江甯鹽巡道蕭時鰲休致前署江甯布政使何俊於咸豐六年所屬溧水等縣失守均有應得處分惟該員等籌濟餉需趕辦軍火整頓團練功過尚足相抵所有應得降調處分均著加恩寬免○又諭上年書元黃贊湯奏查驗剝船請責令承管州縣按歲修整當經降旨令山東巡撫將發商生息銀兩飭催

除例撥外添撥積欠銀二三萬兩以資修費。茲據崇恩奏稱東綱疲累商力竭蹶積欠難完請免添撥等語東綱連年被災商情疲累自係實在情形所有添撥積欠銀兩著准其暫緩籌辦以示體恤惟修整剝船每歲藉資利運著該撫督飭運司將每年例撥之款嚴催報解以濟修理之用。又諭文清李維翰奏承修要工領項不敷懇請變通辦理一摺在京各項工程自上年戶部奏定章程均照原估全數給發官票一半其一半每兩折給制錢二千歷經遵辦並無例外增加此次該侍郎等承修順天貢院房座號舍等工輒以物料昂貴為詞請將一半官票每兩改給制錢二千殊不足以昭畫一且京城工作尚多必至紛紛效尤漫無限制此項工程仍著文清等督飭司員撙節動用覈實辦理毋得妄議增加致滋浮冒所請著不准行○諭軍機大臣等前諭何桂清派臬司薛煥與各夷清

查歷年夷稅俟桂良等到後再行覈辦茲據何桂清奏稱薛煥密稟上海歷年徵收稅數有冊可稽其餘各口非常駐香港之夷酋不知底細其由天津折回上海各酋非經管稅務之人未必遵赴各口清查回報該督已札飭該臬司督同委員與該夷領事先將零星細款分晰進口出口比較舊例逐條查議彙造草冊俟欽差到後即可會商定議等語各口夷稅既未便令該夷前往清查致生疑慮自可先將零星細款逐條查議以為羈縻之計現在明善等已於十一日出京桂良花沙納定於十九日啟程該督惟當飭令薛煥曉諭夷酋令其靜候欽差會同商辦不但勿令北駛並不可令其駛往他處致有稽延其如何辦理之法仍俟桂良等到蘇與該督妥籌可也將此由六百里密諭知之又諭恩慶奏裏塘夷匪滋事土司喇嘛挾憤撤站現籌安撫一摺裏塘喇嘛因爭充副堪布一缺糾

約夷眾搶掠本與台站無涉該土司喇嘛何得遽行撤站以至道途梗阻現經王慶雲疊次派員前往開導自當令其迅速安站以弭釁端惟該處距川較遠王慶雲所派委員仍當聽候恩慶調度先宜剴切曉諭總以疏通道路無誤行程為要該土司喇嘛如敢抗拒不遵再行調撥官兵以資彈壓未可遽示兵威以致激成事變將此由五百里各諭令知之○補鑄直隸樂城隆平獻三縣知縣印信

從前任總督譚廷襄請也○以湖北紳民團練出力永廣漢川縣文武學額各二名○辛卯諭內閣瑞麟奏請截留銅斤鼓鑄礮位等語通州鑄礮局需用銅斤所有浙江運至天津之洋銅九萬餘斤著准其全行截留以濟要需○壬辰諭內閣周天受奏浙江軍務將次完竣擬即帶兵前往福建助勦等語著福建漳州鎮總兵周天受著加恩賞還提督銜即著馳往福建與周天培饒廷選張騰蛟等分

路進勦俟前任侍郎曾國藩到後即歸曾國藩調度又諭載垣等奏軍營挑補礮手恐有情弊請旨飭查一摺據稱鑲白旗漢軍三兩礮手出缺察哈爾都統西凌阿不挑本旗應補之人另將鑲黃旗礮手李雯挑補其李雯所出二兩礮手之缺又不於礮手子弟內挑補竟以閒散寶榮挑補均與定例不符嗣經載垣等節次咨駁據西凌阿覆稱以李雯演礮有準寶榮熟習演礮為詞及行查該旗

寶榮實並未學習礮手情節顯屬不符且出缺後指名調取到營即行挑補尤屬可疑著西凌阿明白回奏又諭文彩奏剝船虧短米石請將經紀船戶併交刑部審訊一摺海運剝船虧短米石前經降旨令李蒞查明船戶經紀一併送交刑部審訊當據李蒞覆奏將船戶十四名請交刑部其經紀則稱訊未舞弊應毋庸議經紀承運承交是其專責船戶皆歸查察既有偷漏該經紀即難辭咎况

津通運米向有句串勒索等弊該侍郎所稱
訊未舞弊之處著再行明白回奏又諭文
彩奏運通虧短米石請仍令經紀賠交五成
一摺通州剝船虧短米石前經驗米大臣會
同倉場侍郎奏定責令剝船經紀各賠五成
原以重倉儲而防弊竇本年海運未到以前
該侍郎等即請將經紀應賠之項減去三成
實與奏定章程不符所有本年運通虧短米
石著仍照上屆除剝船應賠一半照數追繳
外其餘一半仍著經紀賠繳以專責成○諭
軍機大臣等前因張芾奏叅周天受等帶兵
有遷延滋擾各情當將該總兵革去提督銜
毋庸總統浙江軍務諭和春何桂清確切查
辦嗣據晏端書奏周天受被叅各款傳聞異
詞惟在金華湯溪實有兵民互鬪之事念其
疊次收復各城降旨俟全浙肅清著和春據
實保奏本日據該總兵奏添兵入閩助剿俟
龍泉克復即親督各軍進攻浦城此次周天

受督兵著有勞績業經降旨賞還提督銜飭
令帶兵援閩俟曾國藩到閩後歸該侍郎調
度矣至張芾所叅周天受前在全旺餘嶺等
處是否疏於堵剿及誣殺金華鄉團於揚國
正庸懦失機有無袒護並田應科等在開化
肆擾賊至即潰各情仍著和春何桂清查明
據實具奏毋稍容隱將此由六百里各諭令
知之○癸巳諭內閣和春奏金陵水陸官軍
連日攻擣賊營獲勝並上游水師埽蕩逆壘
情形一摺金陵長圍築成賊匪情急思逞水營
官軍先後在雙牖口等處江面擊沈來往賊
船六隻奪獲二十餘隻斃賊無算賊復於壽
德州潛築營壘並調集逆黨分守太平神策
各門和春派總兵李若珠等會督水陸官兵
並進焚毀賊卡四座逆匪羣向下關遁去七
月初八日賊眾大股欲撲長圍張國樞即傳
令南北各營分攻太平金川各門殲斃黃衣
賊酋二名勢遂大潰其上游李德麟師船於

六月十一日進勦泥汙河賊巢將逆壘二座木卡四座全行踏毀斬馘二百餘級生擒偽檢點等四十三名訊明正法逆賊經此次痛勦勢已窮蹙仍著和春督飭水陸鎮將迅速攻克盡殲醜類毋稍稽延又諭和春奏浙江軍務平定請旨可否毋庸赴浙等語浙江被陷郡縣現經周天受等督兵先後克復全境漸就肅清和春著毋庸前赴浙江總兵李定太前令幫辦和春軍務此時與周天受等

會勦竄閩各匪著統歸曾國藩調度曾國藩未到以前即歸慶端調度又諭官文奏撫臣丁憂據請代奏並以軍務緊要請照軍營例改為署理各等語湖北巡撫胡林翼自邀簡任以來時閱四載於吏治兵事均能實力講求現雖閩境肅清而大軍水陸東下進止機宜尚待調度籌備餉糈亦關緊要該撫現丁母憂著照軍營例穿孝百日加恩賞銀四百兩即由湖北藩庫給發俾經理喪事所有

湖北巡撫印務著官文暫行兼署胡林翼俟百日後仍著署理巡撫如扶柩回籍再行賞假兩箇月俟軍務完竣准其補行終制以遂其孝思以辦理四川東團練出力賞在籍翰林院編修張正椿等升敘有差予金陵陣亡外委陳榮標周永順祭葬世職○甲午諭內閣著齡奏查明誤報殉難人員請飭更正等語前據江西巡撫文俊奏稱賊竄義甯州白沙嶺地方生員丁簡雲打仗陣亡並

據侍郎曾國藩等奏吉安府城失守廬陵縣訓導吳襟浩在城殉難均經降旨飭部議卹茲據著齡查明白沙嶺賊陣亡係生員丁桂林誤報丁簡雲訓導吳襟浩先經赴鄉勸辦團練府城失守時並未殉難該二員前請議卹之案著一併撤銷生員丁桂林著交部照例議卹至吳襟浩委辦團練當府城被圍未能設法救援著即革職以示懲儆○諭軍機大臣等載華等奏松樹蟲生捕拏漸就減

少一摺

陵寢重地培植樹株倍宜慎重本年五月以來雨澤稀少以致圍牆以內松樹生蟲雖經載華等揀派員弁督飭兵役實力捕捉日來漸見減少但恐遺孽未淨仍復滋生著嚴飭兵役認真捕拏務令埽除淨盡不得稍有疏懈其被齧樹株雖雨後萌芽青葱如舊究竟損傷若干並著查明具奏將此諭令知之○乙未頒福建泉州府

關帝廟

御書匾額曰乾坤正氣以都察院左都御史瑞常充經筵講官禮部右侍郎文祥刑部左侍郎靈桂內閣學士雙福署經筵講官以協辦大學士戶部尚書柏後充文淵閣領閣事丙申諭軍機大臣等本日據李孟羣奏賊匪圍撲廬州情形危急請催李續賓等迅速赴援旋據翁同書奏廬州兵潰賊匪入城各等語廬營將驕兵憤實為可恨已頒給勝

保欽差大臣關防並令翁同書幫辦軍務以重事權翁同書由定遠前進不日當可抵廬著即嚴督各路兵勇力圖克復如有鎮將不遵約束兵勇執行譁潰者即行從嚴叅劾按律重懲使咸知儆畏不至仍蹈故轍李續賓一軍據官文奏已行入皖境水陸東下但由潛太一路直攻安慶係沿江進剿恐其攻剿愈急賊愈北趨現已諭知官文令其知照都興阿李續賓酌分勁旅由舒桐一帶赴援廬州力扼賊匪上竄之路惟楚軍繞越需時即勝保督兵懷遠亦未能剋日抵廬著翁同書咨商德興阿先行酌撥馬步官兵前往協剿俟勝保全軍到廬或楚軍趕到再行酌量撥回勝保在滁州招撫李兆受後仍擬回攻懷遠著於布置停妥後俟袁甲三馳抵懷遠或亦至鳳陽即將三省會剿事宜交袁甲三督辦勝保即進攻廬州不准避難就易惟袁甲三究係文員尚須武職得力大員幫辦並著

勝保袁甲三會同商定一員奏明請旨。至李兆受納款投誠既經勝保傳旨賞給頂翎但其舉事尚未定期若先行降旨洩漏事機恐未遂投誠先為粵逆加害是以待其獻城舉事即行破格獎賞勝保可將此意密諭知悉俾無疑貳至滁州城內既有偽國宗楊逆盤踞何以任聽委員出入而李兆受出城迎降楊逆竟若罔聞究竟有無奸偽仍當隨時體察不可稍存大意李孟羣已革職留營著即飭令收拾潰兵力圖自效將此由六百里加緊各諭令知之○又諭本日據李孟羣奏廬郡危急請飭楚軍改道援剿並據翁同書奏行抵定遠據報廬州失守各一摺廬郡為皖省腹地南北要衝舒桐聚匪尚以萬計均圖窺伺廬郡既失恐大局不堪設想現在楚軍水陸馬步數萬悉由太湖安慶進攻賊必北竄著官文即行知照李續賓都興阿等先其所急改道赴援廬州俾李孟羣亦得收集潰兵

會圖克復兼扼賊匪北趨如或不能全數赴援亦當酌撥勁旅前往助攻毋稍延誤至沿江一帶亦關緊要楊載福師船尚在黃石磯駐劄亟盼李續賓等陸路馬步到後會擣蕪湖並著官文知照李續賓等酌留兵勇會同廓清江面毋致顧此失彼將此由六百里加緊諭令知之○又諭前因廬州需餉諭令何桂清等將前撥餉銀速行籌解本日據李孟羣奏饑軍數萬枵腹荷戈調遣不動情形萬分危殆並據翁同書奏稱廬州於本月十五日業已失守等語前撥皖北軍餉各省多未解到現值廬州失守攻剿機宜尤形喫緊未容以餉項支絀致滋貽誤所有前撥江蘇省按月解皖餉銀二萬兩著何桂清按月如數撥解俾得源源接濟其前撥之山東省銀四五萬兩及河南省協款並著崇恩瑛榮於各該省無論何款項下速即如數措撥派委妥員解皖無再遲緩將此由六百里各諭令知

之 欽差大臣僧格林沁等奏查勘雙港大沽等處工程分別布置得旨覽奏各情俱悉現擬礮臺做法可繪圖呈覽 鑲黃旗蒙古都統勝保奏候補道賈臻現辦營務未能兼管隨營糧臺請令候補同知顏懷忠管理得旨糧臺之事總在統帥督其成激勵撫循不能判而為二汝與英桂各以氣相爭何識見之褊小若是 命鑲黃旗蒙古都統勝保為欽差大臣督辦安徽軍務安徽巡撫翁同書

幫辦軍務太僕寺卿袁甲三督辦三省剿匪事宜 命翰林院編修楊泗孫黃鉦在南書房行走 以勦辦安徽鳳陽臨淮等處賊匪出力賞協領薩薩布巴圖魯名號驍騎校富通阿等花翎 以甘肅循化廳回民縛獻賊犯出力賞總約馬復源五品頂帶藍翎○以勦捕陝西商雒等處賊匪及防堵出力賞按察使蔡宗茂同知張兆蓉遊擊施鵬守備馬兆麒花翎千總李長榮等藍翎餘升敘有差

以收復湖北麻城黃安縣城免道員文輝知府許賡藻處分 以安徽廬州府城被賊竄陷革署巡撫李孟羣職留營效力○丁酉諭內閣慶端奏建陽光澤二縣城先後克復並順昌城圍已解一摺據稱江右逆匪復竄建陽本年六月間業經聯甲擊敗收復縣城圍攻順昌之賊亦經我軍屢次擊退保固危城斃匪五百餘名生擒二十餘名著該署督即飭帶兵文武員弁將竄逃各匪迅速剿除

以次收復政和等縣毋令蔓延另片奏請將署建陽縣知縣楊治生革職拏問等語楊治生失陷城池罪無可逭著即行革職拏交該署督訊明辦理如查有聞警潛逃情事再行從嚴懲辦 又諭前因御史賀壽慈奏已革河南署南陽府知府顧嘉衡案久懸請飭該撫查覆當經諭令英桂將該革員被控勒捐滋擾等情迅速奏結茲據查明顧嘉衡審斷案件率多徇徇並有報銷勇糧任意浮冒

尚無侵吞入已情弊業經革職著毋庸議其收支勇糧等項除提用各屬捐輸等銀及以銀易錢盈餘銀五萬七千餘兩准其報銷外下餘應找銀三萬三千餘兩即著責令該革員照數賠補以杜侵漁○諭軍機大臣等慶端奏甯化失守請飭催調廣東援兵一摺前因王懿德等奏閩省軍情緊急曾諭黃宗漢飭令壽山統帶兵勇二千名赴汀州一帶協剿已閱三月未據覆奏現在閩省延建邵等

處賊氛日熾汀屬之甯化縣復於五月二十五日失陷本省無兵可撥著黃宗漢等仍飭該總兵帶領前調兵二千名迅赴汀州若壽山一時未能出省即著另派得力鎮將帶兵前往會同福建官兵迅圖克復甯化縣城毋稍延誤將此由六百里諭令知之○惠親王等會奏刑部議覆御史鄒煥杰奏請分別私銷大錢罪名一摺查私銷各項銅鐵廢錢竟予免罪不足以示懲儆請於私銷制錢為首

斬決為從絞決本例上酌減一等為首者發邊遠充軍為從者杖一百流三千里從之○命署湖北提督訥欽回鄖陽鎮總兵官任以貴州安義鎮總兵官顏朝斌署湖北提督○以玩視軍務革福建署參將普超職○以剿捕河南捻匪出力賞知府樊琨等花翎知州程庭鏡等藍翎餘升敘有差予河南陣亡知縣錢應昇典史徐大威祭葬世職予直隸永年縣殉難紳民雲騎尉宋廣心等建立

總祠 戊戌

仁宗睿皇帝忌辰遣官祭

昌陵

上詣

安佑宮行禮○諭軍機大臣等德興阿奏浦營防剿喫緊一摺此時金陵賊勢窮蹙恐圖外竄和含全滁一帶亦恐捻匪與逆眾勾結為竄撲北路之計著德興阿與鞠殿華嚴密布置毋稍鬆懈將此由六百里諭令知之○又

諭德興阿奏浦營防勦喫緊請飭撥馬隊來營一摺。現在金陵賊巢未克。江北防勦喫緊。德興阿軍營馬隊祇一千七百餘名。不敷分布。自應酌量添調。以資截勦。此時天津防務較緩。著僧格林沁於所帶馬隊內。挑選三四百名。並著瑞麟托明阿於直隸提標內酌撥馬隊二百名。馳赴德興阿軍營聽候調遣。所請另撥馬二百五十匹。即由南苑捐輸馬內撥給。俟僧格林沁等所派馬隊官兵赴南苑領取帶往浦口。可也將此諭令知之。○己亥山東巡撫崇恩奏派沂州協副將郝上庠勦辦郟城等處幅匪。得旨該匪叛逆昭然。並有許多火器。若不認真勦捕。淨盡殊為可慮。斷不准徂於粉飾積習。將就含混了事。○改定湖北漕務章程。一有漕州縣數減。向日浮收之數。分別折價。所有由單串票樣米差費等類。概行革除。一折收北漕。照部定每石一兩三錢之數。共正耗銀二十一萬四千餘兩。並

津貼幫丁兌費銀六萬八千餘兩。均解交糧道庫暫行提充軍餉。一各州縣折解南糧。每石酌定一兩五錢。共應解銀二十萬六千五百餘兩。除支發滿漢各營兵食外。尚餘銀八九萬兩。存留藩庫備災緩撥補之用。一漕南水脚及隨漕等項銀兩。現因漕船停運。均解交道庫報撥。並暫濟兵餉。一糧道以下各官漕規及各衙門書吏雜費。概行裁革。一漕南折價。民間輸將自易。毋許各州縣稍有帶欠。至將來運河修復。仍設法辦解。本色應令隨時體察情形。覈辦從巡撫胡林翼請也。○以紳民捐輸軍餉。永廣福建臺灣府鄉試中額二名。學額九名。粵籍二名。彰化縣三名。臺灣鳳山嘉義淡水四廳縣各二名。噶瑪蘭廳一名。湖北鄉試中額三名。四川鄉試中額五名。綿竹縣學額四名。綿州三名。德陽縣二名。華陽漢江北定遠廣安岳池宜賓富順南谿萬遂甯中江蓬谿安岳蓬渠大竹眉印瀘仁壽

羅江二十二州縣各一名。庚子諭內閣。前經選定萬年吉地。於平安峪地方。為時已久。自應擇吉興工。著派怡親王載垣。鄭親王端華。大學士彭蘊章。協辦大學士尚書柏葰。尚書瑞麟。全慶。侍郎基溥。敬謹辦理。又諭御史朱文江奏。楚省辦理善後。宜嚴禁官役擾累一摺。據稱楚省三遭兵燹。民生凋敝異常。小民輾轉還鄉。仍復流離失所。甚至吏胥藉端勒索。將民間屋宇地基。拆毀霸占。地方官不加禁止。復轉令民房繳契。蓋印為勒稅營私之計。如果屬實。大干法紀。亟應嚴行禁止。著官文通飭所屬。凡民間產業。概行給還。如契約遺失。查明補給。如有官役勒索霸產情弊。立即嚴叅懲辦。以示朕奠安災黎之至意。又諭李鴻章奏。剝船虧短米石。僅令船戶賠繳五成。於倉儲有弊。無利及明白回奏。訊明經紀。並未舞弊。各一摺。著派全慶前往通州會同廉兆綸。查明據實具奏。諭軍機大臣

等。本日御史朱文江奏。潞鹽暢銷。宜暫加添印票等語。據稱近日豫省。淮鹽阻隔。向食淮鹽地方。現多改食潞鹽。陝州會興鎮。為商販總匯。可以暫加印票。試行辦理。著恆福詳查是否可行。應如何責成河東道督飭試辦。妥議章程。俾將來仍可各復舊額之處。一併據實具奏。原片著鈔給閱看。將此諭令知之。又諭勝保奏。粵逆竄踞廬州。軍情緊急。懇將前調馬隊。迅賜催撥一摺。本日已諭令僧格林沁。飭催前往矣。廬州軍營兵勇。本不為單。乃賊至即潰。以至省城失陷。是其平時漫無紀律。已可概見。本日復據翁同書奏。謀報賊眾數萬。欲撲梁園。店埠亦為賊踞。逆勢猖獗已極。急應設法堵剿。勝保屢次奏報。總以事權不一為詞。昨已授為欽差大臣。督辦安徽全省軍務。所有皖境各軍。均歸節制。勝保膺茲重任。責無旁貸。前諭俟袁甲三馳抵懷遠。或至鳳陽後。勝保即進攻廬州。著飛咨袁甲

三。迅速前進接辦三省會勘事宜。該大臣亦即調撥兵勇分路布置。毋令蔓延。北犯勝保兵勇未到以前。翁同書仍遵前旨。咨令李續賓。迅派兵勇。由舒桐一帶赴援。並咨商德興阿。先撥馬步兵。赴皖協剿。毋致延誤。至李孟羣業經革職留營。著勝保。翁同書責令該革員奮力攻剿。以贖前愆。其所帶之勇。既係無業游民。不能得力。著即認真裁汰。若慮遣散後盡歸於賊。試思此等烏合之眾。不難即時擊散。若留於軍營。必致得力兵勇。為其牽累。著勝保。翁同書力加整頓。分別撤留。以節糜費。將此由六百里各諭令知之。○又諭勝保奏。皖省軍情喫緊。請催調馬隊官兵前往助剿一摺。現在安徽廬州失守。皖北軍情萬分緊急。必須添調馬隊以資攻剿。著僧格林沁。遵照前後諭旨。迅即派往。並多備餘馬。交該官兵帶往。毋稍遲誤。將此諭令知之。○又諭翁同書奏。亟需幹員妥辦糧臺。請飭何桂

清。派員前往等語。此次廬郡失守。店埠亦已被陷。廬營及附近各營兵勇。俱已潰散。現授勝保為欽差大臣。翁同書幫辦軍務。並飭部撥餉以充兵食。該省署藩司張光第。據該撫奏稱。並無應變治劇之才。自應另派大員前往經理。著何桂清即於江蘇司道中。遴派明幹之員。迅即前往廬州。總理糧臺事務。以專責成。將此由五百里諭令知之。○又諭胡興仁奏。馳抵浙江。辦理堵剿一摺。現在浙江軍務漸就肅清。閩省賊勢蔓延。已諭曾國藩以援浙之師。由江西鉛山直搗崇安。相機追剿。胡興仁業經補授巡撫。地方是其專責。著毋庸會辦。曾國藩軍務。該撫惟當力求整頓。於收復各郡縣善後事宜。妥為布置。並調兵籌餉。援剿閩疆。毋負委任。將此由五百里諭令知之。○命浙江巡撫晏端書來京。以甘肅布政使胡興仁為浙江巡撫。調陝西布政使林揚祖為甘肅布政使。以前任浙江布政使慶

廉為陝西布政使以勦捕直隸順德廣平	匪徒出力賞道員董醇花翎餘升敘有差	以安徽廬州府城被賊竄陷革知府馬新貽	職仍留任予陣亡總兵官蕭開甲知府伍成	功祭葬世職辛丑諭內閣慶英固慶奏請	飭陝甘速撥經費一摺葉爾羌軍餉銀兩撥	借支放官兵鹽菜現在所存無幾著陝甘總	督迅速撥解其各省欠解之款為數尚多並	著分別咨催趕緊解運以資接濟以江蘇	揚州辦團出力賞知府劉兆璜花翎州同張	杏林等藍翎餘升敘有差以安徽徽州防	勦出力復已革參將文芳職予河南淮甯	縣遇賊被戕知縣保瀉祭葬世職並於遇害	地方建立專祠壬寅	上詣	大高殿行禮還宮以浙江全境肅清賞候	補三品京堂張芾花翎總兵官周天培提督	銜餘升敘有差
------------------	------------------	-------------------	-------------------	------------------	-------------------	-------------------	-------------------	------------------	-------------------	------------------	------------------	-------------------	----------	----	------------------	-------------------	--------

大清文宗協天翊運執中垂謨懋德振武聖孝	淵恭端仁寬敏顯皇帝實錄卷之二百五十九																		
--------------------	--------------------	--	--	--	--	--	--	--	--	--	--	--	--	--	--	--	--	--	--

以易簡也旨深哉。夫參天地之謂人。人也者。所以通天地之心也。顧德不崇。無以立久道。而成之體業不廣。無以擴大德。曰生之用。非易簡之意也。惟因易知而有親。則綿綿延延。萬年之命基之。由易從而有功。則蕩蕩巍巍。天下之人仰之。可久可大。非賢者而能若是乎。於是通神明之德。而悠久法乎天。定天下之業。而廣大象乎地。默而成之。不言而信。成乎德行。則鼓之舞之。莫神於此矣。舉而措之。

天下之民。謂之事業。則形上形下盡該於此矣。然則天地之盛德大業。卽陰陽下民之理。而君子之進德修業。皆旦明上帝之心。所以然者。則以我之易簡。與乾坤同原故也。人不窮理盡性。以至命哉。禮成。

上幸文淵閣。賜講官及聽講諸臣茶。復賜宴於

本仁殿。幸圓明園。遣官祭

文昌帝君廟。○頌

殊論。今歲秋仲朔。舉行經筵之典。四書論題。凡

為天下國家有九經。所以行之者一也。南齋翰林所擬御論。殊未發明。與旨爰親加改定。以期驗諸力行也。是日早在弘德殿理事。恭讀案頭。

高宗聖製經筵御論冊。方知乾隆辛酉春亦用是題。

大聖人貫始貫終。至誠無間。發乎文者。皆傳心之要道也。予小子豈能窺測萬一哉。雖此次御論與

聖製默相符合。方惕思肯構之無違。又豈敢自詡哉。因命侍郎沈兆霖恭錄成帙。首書

聖製文。次則朕之御論。南齋原稿並附錄焉。○

諭內閣。前因載垣等奏軍營挑補職手恐有情弊。請旨飭查。當交西凌阿明白回奏。茲據該都統奏稱。鑲黃旗漢軍副參領隆春。於呈請挑缺之時。率稱寶榮熟習演礮。並未將甫經到營聲明。迨經節次查詢。始稱出缺之後。指名調營挑補。實屬有意蒙混。隆春著交部

嚴加議處。又諭瑞麟奏請將隨同守城之監犯免罪並將知縣及道府等分別議處一摺本年四月夷船駛入內河逼近天津府城該縣尹佩璿將監犯六十七名提交紳士管帶協同兵勇守城均能出力著照所請所有未定罪名人犯劉鳳鳴等五名情節較重著於獲案後訊明酌量減免其餘尋常人犯均著免罪免緝至撤任天津縣知縣尹佩璿並不先將監犯安置妥協遽行釋放究屬冒昧

著與失察之天津府知府石贊清天津道英毓一併交部分別議處。又諭晏端書奏請將帶勇滋事之參將革職嚴訊等語四川綏甯營儘先參將李培基在徽州府調養傷病輒敢帶同勇丁私入尼菴內用刀行兇生員江澳監生吳孝先浙江委員趙永銓均被毆戳受傷實屬大干法紀李培基著拔去花翎撤銷副將銜先行革職歸案嚴行審辦張芾辦理微防未能約束亦難辭咎並著交部議

處。諭軍機大臣等瑞麟奏請復設水師以重海防並酌籌增餉各摺片天津海口原設水師於道光元年六年先後將水師總兵及水師營裁撤現值海氛未靖自應亟籌復設以重防務本日已諭知黃宗漢慶端等於閩廣兩省抽調大號戰船艇船各二隻備齊器械派員管帶來津以備操演其瑞麟請設水師二千名與馬步官兵共成三千名除將原額抵補外共添兵一千三百餘名及添蓋兵

房等事均著照議辦理惟直隸提督移至大沽海口一節從前立法酌量通省形勢安設提鎮以資彈壓自有深意今專為防夷起見於形勢有無窒礙著僧格林沁會同慶祺籌酌或將天津鎮總兵加提督銜准其專摺奏事而提督仍駐古北口以符舊制著妥議具奏至添設水師以後每年增餉十餘萬兩現在添建兵房營署及置備器械等項復需銀十餘萬兩據瑞麟奏請將長蘆鹽引每斤減

價制錢二文。除京引照常減價外。餘擬仍復舊價。併將緝私巡費。復歸官辦。及閩廣商船。准其在大直沽地方起卸。每年捐交剝價錢數萬串。並勸辦抽釐等事。均為協濟餉需起見。既稱商情悅服。自可無礙施行。並著酌定章程具奏。將此諭令知之。○又諭瑞麟奏。籌辦海防善後。請於閩廣抽調戰艇各船一摺。天津現籌復設水師。以備不虞。所需添調各船。自應及早籌備。著慶端瑞璜黃宗漢畢承

昭於各該省抽調大號戰船艇船各二隻。配帶礮械。酌派熟諳海洋將弁各二員。精健水兵各四十名。管駕迅速赴津。以資調遣。將此由五百里各諭令知之。○戶部奏清查五字完欠帳目。分別催追得旨。依議辦理。雖未能徹底根究。但可作此完局。尚屬可行。若必逐款清查該五字私帳。徒興大獄。無裨大局。惟以後豫籌民鋪防制之法。務須慎益加慎。不可為後人作俑。他日艱於補救也。○江南河

道總督庚長奏。勦辦東匪獲勝。請將帶勇各員。擇尤彙獎。得旨。似此追勦。微有斬獲。即思保舉殊覺不值。俟一律肅清。根株盡淨。方准擇尤酌獎。○以鑲紅旗蒙古副都統舒精阿。署奉甯鎮總兵官。○改鑄浙江石門縣知縣印信。從前巡撫晏端書請也。○予浙江陣亡都司秦坤千總李新官。把總李從興。外委陳孝馬金光。朱耀明。從九品戴大川。安徽陣亡把總徐正南。祭葬世職。甲辰。遣官祭黑龍

潭

昭靈沛澤龍王之神。玉泉山

惠濟慈佑靈濩龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。遣官祭圓明園

惠濟祠

河神廟。○諭內閣。慶端奏官軍聯丁。連日克復二縣城池一摺。福建松溪。政和二縣。被逆

竄踞六月二十八九等日候選知府陳維漢等激勵兵勇進攻松溪該逆出城抵禦均被擊敗兵勇四面圍攻登陴進城斃賊三百餘人賊勢窮蹙向東門逃逸我軍窮追十餘里復殺賊四百餘人當將縣城克復又二十六七等日遊擊袁良政和縣知縣楊國榮督率兵勇攻勦政和逆匪設伏誘賊引至山後各軍一齊殺出該逆潰亂退入城中我軍乘勝進攻燒毀賊營十餘座政和縣城亦於七月

初一日克復勦辦尚屬得力著即督飭文武乘勝追捕毋留餘孽所有此次打仗出力員弁兵勇聯甲人等准該署督擇尤請獎毋許冒濫諭軍機大臣等前經選擇平安峪吉地現擬諏吉興工惟該處後山有無廟宇或廟已拆毀尚留基址其地距誌椿處所遠近若干著載華等詳細履勘即行覆奏將此諭令知之○又諭江西敬諭彭定瀾通曉堪輿前曾隨同陸應穀相度吉地茲據彭蘊章面

奏該員現係安徽候補知縣在張芾軍營效力著何桂清即行咨照張芾飭令彭定瀾迅速來京將此諭令知之○又諭本日據都察院奏四川彭水縣民人彭新開以縣役聚眾強擄斃命棄屍等詞赴該衙門具控據供縣民廖美連因體長龍鱗殊瘕陰蓄逆謀集聚逃亡糾結丁役併私造礮械船隻藉充團首為名私通外匪因彭新開未與合團將伊子廩生彭志倉截擒勒贖迨伊母妻等赴縣喊控復被廖美連黨汙辱並糾領千人搶劫團內二百餘家伊姪媳丁氏張氏彭貴等六人不知下落又用礮打死伊姪彭德喜等四人棄屍河內種種情狀不法已極如果屬實亟應徹底根究以安善良著王慶雲提集人證卷宗嚴拏務獲究辦毋任聚眾滋事致滋後患將此諭令知之○又諭勝保奏店埠染圍相繼失陷定遠危急並翁同書奏兵勇潰散情形及飭潰勇歸隊各摺片覽奏實深憤懣

髮捻各逆紛擾皖北自廬州失陷南路粵匪與鳳懷捻匪相去愈近惟恃定遠一城為之間隔設再有疏虞則賊勢蔓延何堪設想勝保經朕授為欽差大臣專辦皖省軍務翁同書身任巡撫現派幫辦均屬責無旁貸勝保自聞梁園失陷已於懷遠各營撥兵三千餘名分布殷家澗等處以杜該匪等南北勾結兼為定遠後路聲援並飭穆騰阿率領馬隊由定遠迎擊懷遠攻勦事宜暫令徐廣縉督

同龍澤厚等輪流進攻不使坐失機會其東西兩路復飛咨袁甲三等隨時偵探賊情設法進逼所籌均尚周密惟賊勢鴟張非速將廬州克復恐難遏其北竄此時勝保已移營鳳南一帶著即督飭將士實力進剿與翁同書和衷共濟將失陷地方速圖克復翁同書所請餉需已諭令和春何桂清德興阿於江南北糧臺各撥銀二三萬兩即日解往接濟其所請調鄭魁士赴皖之處亦已諭令和春

斟酌調派矣至李孟羣潰勇已由翁同書督令赴六安歸隊軍中法令宜嚴非獨潰勇無可姑息即將弁中有畏葸不前致誤事機者亦當執法從事庶使稍知儆懼該撫既知皖省兵將疲玩積習務宜力圖振作毋負委任李孟羣逃往六安置廬州於不顧即治以軍法亦不為過姑念其平日尚屬勇往業經革職留營仍著勝保翁同書調遣如有玩誤即著嚴叅治罪至此次店埠梁園相繼失守其

帶兵各員有無臨陣退縮情事並著勝保等查明叅奏將此由六百里各諭令知之○又諭本日據勝保翁同書馳奏皖省軍情緊急請飭速撥餉銀接濟各一摺皖省自廬州失守後店埠梁園相繼報陷定遠危急糧臺罄洗雖前經部撥餉銀恐一時未能即到著和春何桂清德興阿於江南北糧臺項下先行就近各籌撥銀數萬兩派員迅速解交翁同書軍營以資接濟毋稍延誤至皖省現少帶

兵大員鄭魁士本係壽春鎮總兵自調往江南後現在紫荊山帶兵防勦如該處情形不至十分喫緊或另有接替之人卽著和春飭令鄭魁士酌帶兵勇馳回皖省一面由驛具奏將此由六百里諭令知之○又諭僧格林沁奏請調察哈爾馬匹等語前據慶昫奏稱該處捐輸項下賸馬無多已將駁回更換並已報捐輸尚未送到各項馬匹咨行轉催現在南苑牧放馬匹屢次調撥臙壯者亦少著

該署都統卽在太僕寺牧羣並捐輸馬匹內挑選臙壯馬八百匹迅速派員解京交南苑牧放以備調用俟將來捐輸馬匹解齊仍如數撥還太僕寺牧羣毋令短少○鑲黃旗蒙古都統勝保奏店埠梁園相繼失陷撥兵赴定遠堵勦得旨覽奏曷勝憤懣汝能不分畛域力任其難殊堪嘉尚現已授汝為欽差大臣諒汝必能無負委用分朕之憂○刑部右侍郎李清鳳因病解任以通政使司通政使

黃贊湯為刑部右侍郎○以陝西宜君營參將鮑超為湖南綏靖鎮總兵官前任浙江衢州鎮總兵官饒廷選為江西南贛鎮總兵官○命河南河北鎮總兵官樂善已革總兵官柏山開復主事王式言赴安徽軍營交欽差大臣勝保差委○以安徽軍營失律革總兵官扎隆武嵩瑞吉順職吉順仍留營效力降副將鮑雲翥為參將○以福建調兵遲延革護總兵官梁翼之職仍留任○乙巳諭軍機

大臣等前因袁甲三軍營需餉諭令崇恩等籌撥接濟本日據袁甲三奏稱自奉撥以後山西山東稱有批解之款尚未收到河南則未聞報解該軍營所收徐屬錢糧及釐捐等項不敷放款十分之二必須山東等省按月如數撥解方可支持等語徐宿等處匪勢甚熾袁甲三督兵勦辦所稱需餉急迫均屬實情山東河南兩省與徐宿壤地毗連自應就近協濟著崇恩瑛榮遵照前旨將奉撥餉銀

速行撥解。即不能按月籌措。總須源源接濟。毋任餉缺兵飢。致賊匪愈形延蔓。山西省奉撥之款較多。惟該營需餉孔亟。不能不量為協撥。著恆福於業經批解外。仍設法籌撥。陸續解往。將此由五百里各諭令知之。○調署工部左侍郎潘曾瑩。署禮部左侍郎。署兵部右侍郎陳孚恩。署左侍郎。署刑部右侍郎李維翰。署兵部右侍郎。○命兵部左侍郎萬青藜提督順天學政。禮部左侍郎孫葆元提督

江蘇學政。右春坊右贊善邵亨豫提督安徽學政。翰林院編修俞奎垣提督湖北學政。太常寺少卿鄭敦謹提督山東學政。翰林院編修彭瑞毓提督山西學政。修撰翁同龢提督陝甘學政。侍講學士李德儀提督四川學政。編修陳亮疇提督雲南學政。編修黃圖南提督貴州學政。浙江學政張錫庚。福建學政徐樹銘。江西學政單懋謙。河南學政李鴻藻。湖南學政胡瑞瀾。廣東學政殷壽彭。廣西學政

李載熙奉天府府丞兼學政梁敬事俱留任。以截剿安徽懷遠鳳陽捻匪獲勝。賞驍騎校德祥台祥等花翎餘升敘有差。○予安徽陣亡參領奇永千總張鎮標領催台斐音祭葬世職。丙午諭軍機大臣等文彩等奏停泊海口商船請飭催北上等語。據稱海運未到商船尚有八十餘隻之多。其船戶多籍隸山東。深恐任意耽延。有誤海洋風信。著崇恩嚴飭沿海文武員弁查明境內各海島。如有

停泊米船飭令趕緊起碇。馳赴天津驗收。如查無八十餘隻之多。即著轉咨江浙各督撫於沿海一帶催趲北上。以免貽誤。而重漕運。將此由五百里諭令知之。又諭德興阿奏撥解餉銀軍械接濟皖軍。請催撥馬隊速赴浦口助剿。並李兆受投誠尚未可信。各等語。前因廬州失陷。諭令江南北糧臺各撥餉銀解往。茲據德興阿奏稱已飭楊能格籌解餉銀協濟。並撥軍械以備應用。所請調撥馬隊

因馬匹短少不能多撥已據僧格林沁奏稱抽調吉林馬隊二百五十名派佐領博勒合圖統帶於八月初一日啟程又調直隸提標馬隊官兵二百名亦即行南下此項馬隊共四百五十名自可陸續到浦至李兆受投誠一節當勝保奏到時朕即以滁州城內尚有楊逆踞守何以於李兆受往來大營密約投誠毫無知覺恐其尚有詭詐諭令勝保嚴密防維不可大意此時李兆受既仍在烏衣等

處督戰又移文來安縣營自稱必不騷擾一到即回似欲懈我軍心其投誠尚不可信著德興阿鞠殿華嚴諭該處文武員弁如滁全匪眾果敢前來撲擾即當認真剿擊毋為所惑致中其奸計至該匪等欲由水口窺伺六合情形喫緊著德興阿等督飭將士實力堵截毋任滁和逆匪得與南路勾通是為至要將此由六百里諭令知之丁未祭先師孔子遣協辦大學士柏葰行禮○諭內

閣給事中常通等奏五城飯廠懇恩展限一摺現在糧價尚未平減貧民餬口仍艱所有五城飯廠著加恩再展至九月十五日以資接濟仍著該給事中等督飭司坊官役妥為經理以恤窮黎諭軍機大臣等前因貴州需餉孔亟當諭四川山西陝西各籌銀五萬兩湖南籌銀三萬兩分起解往以濟急需茲據蔣霽遠奏軍務喫緊請飭催各該省撥款解黔等語粵匪竄入黔境黎平告急各路軍

務亦形緊迫必得添募練丁接濟餉糈以顧全黔大局著王慶雲恆福曾望顏仍遵前旨各籌銀五萬兩迅速撥解並著駱秉章仍速籌銀三萬兩徑解黎平等處以資防剿毋誤事機將此由六百里各諭令知之以貴州威甯州剿匪出力賞土目安域臣等藍翎餘升敘有差以失守貴州婺川縣城旋即克復革署知縣阮文藻職仍留任戊申祭大社

大稷遣恭親王奕訢恭代行禮○諭內閣桑春榮奏應辦事件懇恩展限一摺現在雲南省軍務漸經就緒該督及護撫已到省城所有地方應辦事件如錢糧奏銷秋審案牘均關緊要自應逐件清釐未便再事遲延著吳振棫等飭屬造報照例分晰奏咨以重公務而免積壓○諭軍機大臣等前諭何桂清飭令薛煥曉諭夷酋令其靜候欽差會同商辦現在明善等計已馳抵江蘇桂良花沙納亦將

次趕到所有夷務自應遵照內定辦法未可擅出己見儻於地方有窒礙之處不妨與桂良等悉心籌議稍加變通大致不可更改不得以現議辦法恐致軍餉短絀為詞須知辦成後各口稅課足以相抵毋庸過慮至前派臬司薛煥清查夷稅如果該員熟悉夷情辦理妥善卽飭令認真經理以專責成儻其辦法未合或不甚得力卽著該督先與明善段承實密商辦法毋庸令該員與聞將此由六

百里密諭知之以協辦大學士戶部尚書柏蔭為順天鄉試正考官兵部尚書朱鳳標署戶部右侍郎程庭桂為副考官以兵部尚書全慶兼署戶部尚書都察院左都御史朱嶠署兵部尚書工部左侍郎杜翰兼署戶部右侍郎兼管錢法堂事務以御前大臣德木楚克扎布署正黃旗漢軍都統○以歸誠效力賞雲南回子掌教頭人馬德新四品頂帶以勦辦雲南儻塘等處回匪出力賞

同知李定南等花翎知縣張嘉樹等藍翎餘升敘有差予陣亡把總陳開用外委黃朝貴張瀚祭葬世職○以收復雲南鄧川州城並勦辦迤西回匪出力賞都司張正泰巴圖魯名號都司范成章土司罕恩沛等花翎府經歷鄭錫彤等藍翎餘升敘有差予陣亡額外委唐自順祭葬世職如把總例○庚戌遣官祭關帝廟諭內閣監臨景廉等奏恭承辦鄉

試卷遲延並御史徵麟等奏名冊又有舛錯各一摺順天府治中蔣大鏞糧馬通判蕭鼎禧承辦鄉試試卷已屬遲延名冊復有舛錯實屬玩忽均著交部議處○又諭全慶廉兆綸奏遵查剝船經紀賠繳成數意見不同各一摺向來由津承運到通虧短米石於道光二十八年五月間疊奉

諭旨剝船起卸米石如稍有折耗即照前案責令經紀剝船各半分賠剝船如有使水虧短等弊係由經紀拿獲即著剝船獨賠與經紀無涉一船了一船之案其餘各船仍照舊章責令經紀船戶各半分賠等因

聖訓煌煌立法極為平允自應永遠欽遵倉場侍郎崇綸李藩於本年二月間奏請改定新章殊屬非是嗣後著仍照舊章妥辦以歸畫一而免紛更至現在通州驗收米石已有十分之七前二十起應賠銀米著仍照新章分別追繳自此次奉旨之日為始即改歸舊例

覈辦其現在承運經紀查明尚無通同舞弊情事至船戶所供經紀斛手人等有需索錢文等事著將該船戶解送刑部如訊有經紀舞弊無論在津在通一併指名咨提嚴訊懲辦○又諭翁同書奏參擅提釐捐之參將請革職等語參將于昌麟於皖軍需餉緊急之時擅將蔣壩釐捐二千串提作勇糧致誤急需實出情理之外于昌麟著即革職等因勒交所提錢文如有玩延貽誤事機即著從嚴懲治○諭軍機大臣等何桂清奏夷酋急欲回國請飭催欽差兼程赴蘇一摺據稱英酋本欲起碇回國經何桂清發給照會告以欽差業經啟程該酋始肯在上海靜候其咪唏二酋仍欲暫赴香港本月初旬即須起碇又經薛煥與之再三要約已據應允八月內准回上海等語現在桂良花沙納計已馳抵清江著即兼程前進無稍遲緩該大臣接奉此旨先行知照何桂清業已迅速前行以

便該督卽知照該酋安心聽候。本日已諭何桂清於明善段承實到後先令密籌辦法。桂良等一到卽可會商酌辦也。將此由六百里密諭知之。○又諭何桂清奏請飭催桂良等兼程來蘇一摺。各夷因桂良等尚無到蘇消息。以急欲返棹為詞。現經設法開導。喚酋允在上海暫候。咪啡二酋暫赴香港。約定八月內准回上海。夷情現尚馴順。仍著諭令聽候辦理。現在明善段承實計已將次抵蘇。何桂

清卽可與該員等密商辦法。毋庸候桂良花沙納到後再行議辦。本日諭令桂良等兼程赴蘇。一面知照該督飭令該夷俾安心靜候。至現議辦法。明善等到後該督自必知悉。辦成後利權不至盡歸夷人。可毋庸總總過慮也。將此由六百里諭令知之。○又諭翁同書奏餉道將絕。定遠危急情形一摺。廬城全椒之賊欲向張橋掠糧。雖已退回梁園。而土匪蜂起。深慮與逆賊相應。且定遠遙對清流關。

東通滁城。北達臨淮。西南悉通廬郡。有四面受敵之勢。若餉道被斷。外無援師。大局不堪設想。勝保已移營鳳南一帶。著卽統領各軍迅速前進。與翁同書妥籌堵剿。毋令定遠再有疏虞。現在翁同書兵餉既斷。又無軍械。何能進兵卻敵。本日據何桂清奏已酌撥軍餉。由德興阿撥兵護送。未知何日解到。並著勝保就近通融辦理。至李兆受納款投誠。前據勝保奏到。朕卽疑滁州城內有偽國宗楊逆

盤踞。何以李兆受出城迎降。及委員出入城中。楊逆竟若罔聞。其中恐有詭計。昨聞滁賊有占踞烏衣。擾及東西葛及由水口圖窺六合之信。並聞李兆受親在烏衣等處督戰。既有投誠之言。復有抗拒之事。是其居心叵測。欲令官兵漫無設備。墮其詭謀。勝保久歷行間。或有成算。然仍宜密加防範。未可深信不疑。致有意外之患。將此由六百里加緊各諭令知之。○又諭李定太奏擊退浦城竄匪。援

勦玉山等處獲勝並片奏玉山解圍各情形
此次浦城匪徒竄入江山念八都卽經升用
副將陶茂森分路進殺收復各隘江山龍泉
兩路援師亦經該總兵分飭前進江常開三
邑派撥兵勇協同堵剿布置均屬周妥玉山
現已解圍竄逃各匪卽著飭令副將朱承先
等由婺源德興跟蹤追剿以杜該逆分竄之
路援閩之師既經副將張騰蛟總兵周天培
饒廷選等兩面進剿直擣浦城諒不難卽日

實錄卷二百六

三

殄除江常各處回竄堪虞該總兵仍應駐劄
該處策應諸軍以固浙省門戶毋庸親往浦
城反致疏於防堵其婺源一路仍咨會張芾
一體嚴防毋令紛擾為要將此由六百里諭
令知之○命倉場侍郎李菴開缺以侍郎候
補調戶部右侍郎廉兆綸為倉場侍郎工部
右侍郎劉崐為戶部右侍郎兼管錢法堂事
務以內閣學士宋晉為工部右侍郎兼管錢
法堂事務○蠲緩廣西被賊滋擾之馬平雒

容柳城懷遠來賓象容岑溪桂平平南貴武
宣橫永淳脩仁靈川興安永甯恭城蒼梧藤
宣化新甯崇善左養利永康甯明融羅城宜
山賓上林臨桂永福平樂永安荔浦昭平懷
集遷江北流西十二州縣及萬承太平安平
龍英田五土州白山興隆定羅那馬四土司
上年新舊額賦有差○辛亥

太宗文皇帝忌辰遣官祭

昭陵○諭內閣有鳳王慶雲奏匪徒滋事反獄

實錄卷二百六

三

勦捕完竣並請將該管文武及出力各員分
別叅保一摺四川會理州匪徒羅升等因私
售廠銅被官罰賠輒敢糾約多人結盟搶掠
拒捕官兵經署甯遠府知府祥慶建昌中營
遊擊德茂帶兵往勦節次獲勝陣斬匪首餘
黨悉數殲擒其在監之犯猶復起意脫逃拒
傷兵役實屬罪大惡極現經按名拏獲依律
斬梟正法地方一律肅清辦理尚為妥協署
會理州知州彰明縣知縣王錫之於私售廠

銅之案。違例科罰。致肇釁端。著交部嚴加議處。署會川營參將懷遠營都司花連布。當匪徒勾結之初。黨與無多。不能即時撲滅。著以守備降補。以示懲儆。其勦辦此案出力員弁。准其擇尤酌保數員。毋許冒濫。○貝子載華等奏。遵查平安峪後工。現無廟宇。得旨。承修吉地工程。王大臣復勘具奏。○以署泰甯鎮總兵官舒精阿署總管內務府大臣。○壬子上詣

實錄卷三

三

安佑宮行禮。○諭內閣。曾望顏奏。知府賢能出眾。據實保奏一摺。陝西西安府知府沈壽嵩。據該撫奏稱。該員自蒞任以來。時閱三載。於弭盜安民。考覈屬吏等事。無不任勞任怨。實心經理。似此廉明公正。卓著賢能。亟應據實保奏等語。沈壽嵩著送部引見。再降諭旨。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十

實錄卷三

三

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十一

照得該部官銀近日清起居住官太子太保上書學魏師傳文淵閣閣學瀚翰林院掌院學士稽察欽奉上諭事件及國史館總纂官或英

大學士管理兵部事務加十三級銜。第十四次，賞捐書不題爲官經蘇漢宮太子太傅文淵閣領閣事武英殿總纂官著原吉士體仁閣

大學士管理戶部三庫事務管理刑部事務加二十三級紀錄十六次臣周祖培總老官太子少保管理內務府事務對引大臣軍機大臣

軍藍旗滿洲都統戶部尚書管理三庫事務加四級隨帶加五級紀錄十二次臣寶參總武官總兵漢官領班教習清文讀進士書房總纂

連國史館總纂官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣任什璘布等奉

敕修

咸豐八年戊午八月癸丑

太祖高皇帝忌辰遣官祭

福陵○諭內閣順天府府丞蔣達奏因病出闈。自請嚴議。并叅府尹委官護庇抗違各情。覽奏實堪詫異。府丞提調鄉闈。是其專責。如果委員人等呼應不靈。自當與監臨和衷商權。實力整頓。即意見不合。亦何妨專摺具奏。乃竟自稱患病。負氣出闈。實屬謬妄糊塗。蔣達著交部嚴加議處。順天府府丞著毛昶熙暫行署理。接辦鄉試提調事務。內場監試御史

著改派李培祐去。其李培祐巡察甄門差使。著都察院堂官酌派一員接辦。至蔣達奏參梁同新護庇屬員及治中蔣大鏞辦理草率。通判蕭鼎禧并不照例入場。使其同黨盤踞兩所。營私肥己。大興宛平兩縣知縣偷減供給。各委員等遇事疲玩各情。與監臨景廉副都統載鶯監試志文等所奏亦大致相同。著派瑞常會同載鶯寶馨逐款查明據實參奏。梁同新於鄉闈要務不知認真辦理任用非人以致諸事廢弛有心徇庇著先行交部議處。景廉於順天所屬各員並非統轄。惟既充監臨亦難辭咎。并著交部議處。又諭前因張芾奏參周天受等遷延袒護各款當諭令和春何桂清查辦。茲據查明覆奏除總兵周天受業經賞還提督銜。遊擊楊國正已革職。拏問外所有浙江提標前營遊擊田應科。平陽右營都司蕭傳科於派委開化馬金街防堵遇賊衝潰僅予摘去頂帶不足示懲。田應

科肅傳科均著革職留營效力以肅軍律○又諭官文奏領款無從覈銷請飭原領之員自行造報等語已革西安副都統常亮前在湖北糧臺支領鹽糧等銀一萬九千兩至今未據造報既據官文奏稱無案可查即著該旗傳訊該革員在湖北領款作何支銷并前在山東省曾否支過銀兩有無短欠據實呈明即由該旗代奏再降諭旨又諭官文奏湖南省墊發兵餉請即作正開銷免由湖北

籌還等語湖南省歷次墊發湖北凱撤官兵並李孟羣廣勇欠找銀兩本應由湖北籌解歸還惟因水陸大軍東下需餉較鉅且曾國藩軍營餉糈尚須湖北協濟一時難於歸款所有墊發兵勇餉銀七千三百九十餘兩著照所請即由湖南省作正開銷無庸湖北籌還以清款項○諭軍機大臣等御史來儀奏請飭嚴查鹽務積弊一摺據稱長蘆積欠向係按引攤交每年應徵銀十數萬兩風聞該

商等任意拖欠皆由商人張日高同夥謝鷺湄把持射利以致眾商效尤張日高承辦薊州遵化等處鹽課既不呈交積省餘利又不包交全課虧交庫款不下三十餘萬之多張日高業已身故謝鷺湄影射充商仍行接辦現已限滿經戶部飭催額課竟敢抗違且各報捐職官難保無虧那情弊等語長蘆鹽務疲玩日久如有商人舞弊營私欠交課款亟應徹底根究以清釐政著慶祺松齡按照所

奏各情確切查明據實具奏原摺著鈔給閱看將此諭知慶祺並傳諭松齡知之○又諭袁甲三奏賊匪圖竄北路請添兵助剿等語據稱懷遠等處賊匪大半回竄盤踞濉溪口一帶意圖北竄勝保全軍現須南援廬州北路步隊僅止五千馬隊亦止百餘而賊眾至三四萬賊馬至二三千匹之多請於湖北留防各兵或都興阿李續賓兩軍分撥馬步四千五百人北來助剿此時徐宿一路賊眾兵單

設有疏虞則該逆長驅北犯所關非淺著官文即行酌量情形能否於防兵內分撥若干派員管帶馳往袁甲三軍營協同勦辦至李續賓一軍前令由舒桐一路赴援廬州原為南北夾攻起見今逆匪大股回竄北路藩籬尤為喫重能否分撥馬步隊以一軍繞道北上一軍仍攻南路並著官文酌度調派務宜南北兼籌先其所急毋誤事機將此由六百里諭令知之又諭本日據袁甲三奏賊圖

北犯官軍先勝後挫請調各兵應援並庚長奏擬派傅振邦赴浮山堵剿瑛榮奏請由皖省接辦勝保糧臺各摺片此次捻匪糾約各路賊援傾巢出撲經副都統伊興額於鐵佛寺等處極力堵剿先勝後挫退守蕭縣自因眾寡不敵非由該副都統畏葸所致著照袁甲三所請免其懲處惟賊眾聚至數萬濉溪口營盤復為賊踞北路情形萬分喫緊袁甲三現已將陝西兵撥交伊興額調遣著即飭

令該副都統相機堵截務須痛加勦洗嚴遏北竄勿任再有延蔓庚長所請派令傅振邦馳赴浮山合剿該處係通清江要路惟距徐州較遠傅振邦能否帶兵前往駐劄著袁甲三斟酌情形妥為調度並知照庚長可也至袁甲三請調馬隊官兵吉林等處馬隊未便再撥前撥綏遠城馬隊五百名往勝保軍營現在勝保專辦南路軍務據袁甲三奏淮南田塍交錯馬隊難於施展此項馬隊自可分

赴北路以期得力其如何分撥之處即著勝保袁甲三會同商辦務以布置得宜先其所急為要至瑛榮所稱勝保行營糧臺請由皖省派員接辦其餉項仍由豫省協濟等語此時勝保軍營雖距豫省較遠而糧餉仍由豫協濟是否必須另派承辦之員著勝保翁同書酌量情形咨照瑛榮知悉至現在勝保雖已與翁同書謀面而仍即回去相距尚在百里之外袁甲三為徐賊牽掣一時未能赴鳳

陽懷遠等處恐南北兩路未能兼顧甚為可慮前命勝保袁甲三遴選武職大員幫同袁甲三統兵勦捕尚未據奏擬派何人著即商定具奏俾北路勦匪事宜得有把握勝保即可前往南路與翁同書援勦廬州漸圖進取毋得日久遷延致負委任將此由六百里各諭令知之 又諭袁甲三奏請調蘭山勦匪原起官兵回徐協勦等語山東蘭山匪徒滋事曾由徐州調派曹克兩鎮官兵由署副將

郝上庠管帶前往勦捕甚為得力現在伊興額先勝後敗退守蕭縣據探大股匪徒均在岳家集聲言即日由臨渙至灰古堆渡河恐其直犯宿城張逆亦仍在盤踞是北路甚為喫重而東匪業已肅清亟應移緩就急派兵出境兼以自固藩籬著崇恩即將蘭山勦匪原起官兵派赴徐州交袁甲三調遣藉資堵剿一俟徐州情形稍鬆即可酌量撤回將此由五百里諭令知之 又諭翁同書奏請飭

催山西陝西按期撥解餉銀等語山西陝西二省協撥安徽軍餉向係每月各二萬兩茲據該撫奏稱七月中陝西並未報解山西僅解一萬二千兩皖省自廬州失守之後糧臺一空軍情萬分喫緊著恒福曾望顏仍各按月籌撥銀二萬兩派委妥員如期解赴翁同書軍營以應急需將此由五百里各諭令知之 欽差大臣江南提督和春奏金陵窮寇外撲勦辦獲勝得旨現在逆援未絕尤應嚴

防旁竄能不使其逸出再分勦援賊自不難堵穴擒渠矣 幫辦軍務安徽巡撫翁同書奏逆匪注意定遠現在勦行團練防護分堵情形得旨鄉團非募勇可比以助官軍之威恐其臨時一潰受累不淺總應飭鄉團居前以禦官兵接應抄襲以壯其膽庶有把握朕看汝大敗之後布置或有未周殊為可慮 署河南巡撫瑛榮奏湖北棗陽土匪竄擾豫境撥兵勦辦得旨不准專顧豫境以鄰為壑

迅即出境迎擊趕緊撲滅勿使嘯聚愈多勦
辦愈難予安徽陣亡參將胡會龍遊擊余
應彪都司閃雲泰祭葬世職甲寅予江西
陣亡把總易金榜外委董茂盛祭葬世職○
乙卯

上詣

安佑宮行禮諭軍機大臣等翁同書奏賊撲
藕塘馬隊失利池河及定遠縣城危急一摺
前因賊倡定遠當即諭令勝保統領各軍迅

速前進妥籌堵勦現在賊眾數萬由界牌直
撲藕塘穆騰阿帶領馬隊迎擊已獲勝仗卒
因眾寡不敵失利退卻該大臣曾于初四日
派馬步八百餘名接應何以復行折回僅留
馬隊百餘名亦折回紅心驛所寄翁同書函
信云初五日必到定遠復竟日不到何以遲
延若此粵匪與捻匪意在勾結一氣現在愈
倡愈近惟恃定遠一城為之間隔設有疏虞
則賊勢益張勦辦更形棘手勝保現為欽差

大臣勦辦皖匪是其專責既距翁同書軍營
僅四五十里著即親率各軍馳往截勦毋得
再事延誤致干咎戾李孟羣係革職留營之
員應責令簡練兵勇由六安進援定遠冀可
稍贖前愆翁同書仍督同現有兵勇實力防
勦其池河以北明光鎮為餉道文報要路關
繫尤重著勝保翁同書迅籌布置過賊北竄
毋許疏懈將此由六百里加緊各諭令知之
以克復廣西慶遠府城道員蔣益澧以按

察使簡用賞知府潘家馥巴圖魯名號遊擊
劉文彬都司賀常林守備熊建益花翎餘升
敘有差追贈廣西梧州殉難學政沈炳垣
內閣學士兼禮部侍郎銜子祭葬世職謚文
節縣丞丁瑞書巡檢王世鏞典史王錫惠祭
葬世職出城遇害縣丞楊湘巡檢王協和典
史張象吉賞卹有差予廣西賓州上林北
流殉難知州蕭煊知縣楊培堃翟景禧在籍
知縣梁宗敏訓導梁縉禧都司葉上雄祭葬

世職生員張家玉等賞卹如例。予廣西融縣陣亡守備劉茂盛把總周光普縣丞吳守清祭葬。世職加等文童馮望齡祭葬。世職如從九品例。丙辰諭軍機大臣等。昨因翁同書奏賊撲藕塘馬隊失利。諭令勝保親率各軍馳往截剿。本日據勝保奏先撥馬步精兵馳援定遠。俟布置北路妥協。再赴廬州等語。現在賊踞藕塘。定遠萬分危急。該大臣所派官兵何以甫至輒回。翁同書所帶兵勇挫敗之餘。軍火器械一切不全。定遠若失。即勝保一軍亦有兩面受敵之勢。自應先其所急。該大臣縱未能移營前進。亦應派得力援兵前往協剿。毋許延誤。現在鳳懷賊匪屢經受創。其勢漸衰。著袁甲三迅速前進。接辦鳳懷剿匪事務。以便勝保交卸啟程。其徐州剿捻事宜。應否交伊興額統率之處。即由袁甲三酌量辦理。將此由六百里各諭令知之。又諭和春晏端書奏周天受援師克復浦城一摺。

閩省松溪政和等處現無賊蹤。周天受一軍又經克復浦城。自應確探所往。繞出賊前。遏其深入。閩中之路。惟玉山敗匪前已竄往德興婺源。近又退至七都球取道華埠。撲我營盤。李定太業已親赴常山督剿。著胡興仁即飭該總兵於常開一帶迅珍逆氛。其遂安壽昌各路亦應堵其窺伺。並知照張芾飭令徽防文武嚴密防剿。毋許竄入。周天受亦須兼顧浙江至崇安之賊竄出岑陽關。現在鉛山河口處處戒嚴。石逆又有竄往建甯為回竄撫建之計。是江西軍情亦形喫重。曾國藩已於七月二十一日行抵江西省城。其前部蕭啟江之兵已至廣信。著耆齡飛咨曾國藩飭令該道亟籌堵剿。該侍郎迅即前進。探明賊勢趨向何處。即往策應。是為至要。將此由六百里各諭令知之。又諭勝保奏皖省軍情緊要。請飭撥四川湖南官兵等語。安徽自廬州再失後。店埠梁園等處相繼告陷。定遠危

急該處勇多兵少。亟應裁勇添兵以資得力。四川湖南兩省兵力素健。著王慶雲賂秉彜。悉心籌畫。如存營兵力尚敷。調遣即著各挑選精銳一千五百名。配帶軍裝糧餉。撥赴鳳陽一帶。交勝保翁同書調遣。即使該省兵力不敷。亦應酌量調撥。勿得稍存膜視。將此由六百里各諭令知之。○又諭勝保奏。晚省軍情喫緊。必須添兵勦辦。請飭河南省將陝兵一千名。並原防鹿邑之馬隊二百餘名。撥往助勦等語。現在皖省懷鳳各處賊勢蔓延。定遠又甚危急。勝保督兵兼顧。不敷分撥。鄰省自當協助兵力。惟前據瑛榮奏。陝西官兵業已抽調六百名赴袁甲三軍營。所存僅四百名。著該署撫即將此項官兵調赴勝保軍營。以資攻勦。至豫省防務亦甚緊要。著於南北兩鎮中酌量抽調以補陝兵之數。其原防鹿邑之營總蘇克金所帶馬隊二百餘名。著一併飭赴勝保軍營。即於由京新調之馬隊官

兵內截留二百名防堵鹿邑。如此量為轉移。先其所急。庶無顧此失彼之虞。將此由六百里諭令知之。○以翰林院侍讀學士畢道遠為內閣學士兼禮部侍郎銜。丁巳諭軍機大臣等。前因廬州失守。諭令官文知照李續賓都興阿等分兵赴援。本日據官文奏。通籌大局。兵力難分一摺。擬俟太湖攻克。乘勢掃蕩舒桐。再行趨赴廬州。會圖克復。並以俟吉安得手後。撤回劉騰鶴一軍代防湖口。彭澤。然後調留防各兵。併交李續賓統帶。始能分兵沿江以會揚載福之師。復因都興阿馬隊不及千名。方議由宿松進勦。遽難抽調。所籌雖係實在情形。俱恐緩不濟急。現在店埠梁園藕塘一帶。均為賊踞。定遠縣城萬分危急。翁同書挫敗之餘。軍械全失。即勝保拔營前進。仍慮兵力較單。恐難遏賊北竄。該大臣既稱應援淮北。如兵力不敷。擬由楚省另行籌募。於勦捻機宜。堪資補救。著即早為籌募。並

撥本省營兵共合二三千名即派得力大員統帶徑赴廬州定遠等處以為勝保等策應並帶軍火器械酌帶糧餉前往著官文即行妥籌辦理仍飭李續賓迅克太湖即未能速克舒桐儻能與勝保等謀面會商兩路夾攻更為得力李續賓一軍係官文派出原不必歸勝保調遣而既經會同協勦仍當不分畛域都興阿一軍尚在宿松能否兼顧北路著官文酌量調度此時鳳陽定遠等處賊眾兵

單若但攻南路恐驅賊北竄勝保袁甲三力難抵禦該大臣務當統籌大局使皖省危急情形早有轉機是為至要將此由六百里諭令知之戊午諭內閣前因官文奏湖北紳民於捐餉外自備口糧團練防勦懇請再行加廣文武鄉試中額當交該部速議具奏茲據禮兵二部會奏該省捐助軍餉業經准加鄉試定額三名此次所請因募勇防勦再行加廣中額之處銀數既無可稽額數何從覈

定所有該省紳民應如何酌予獎勵以昭激勸著該督秉公酌覈另議辦理己未秋分夕

月於西郊遣莊親王奕仁行禮諭內閣慶瑞奏官軍攻勦克復甯化縣城一摺福建甯化縣城被賊占踞前代理汀州府知府雷瑞光等分三路進攻賊眾嬰城死守代理甯化縣知縣劉潤田挑選壯勇假稱匪黨前往援應賺開南門雷瑞光亦即督同文武員弁由下

東等門攻入賊匪被殲無算於七月初六日將縣城收復所有在事出力及被害官兵等著慶端查明分別奏請獎卹該匪現竄中沙等處並著飭令各該地方文武實力防勦毋任延蔓諭軍機大臣等袁甲三奏擒匪竄擾豐縣擬即往北路督勦一摺該匪由濰溪口合股竄突先撲蕭縣旋復窺伺徐州經兵勇擊退又西撲豐縣竄入縣城其奔突情形實為剽疾豐縣與山東接壤若徒事尾追恐

該逆四路蔓延轉致驅之北竄。傳振邦已先抵蕭縣。即可由東面進勦袁甲三。既擬親往督勦。著即督飭北路各屬實力堵扼。總須遏賊北面之衝。勿令闖入東境。方不致成巨患。副都統伊興額向來勦匪尚能勇往。何以退守蕭縣之後。坐視擒匪狂竄。不堵不追。致令豐縣失陷。實屬遷延貽誤。著革職暫留軍營戴罪自效。所有迷失步隊。即飭傳振邦重加整頓。並連馬隊均歸統帶。以資攻勦。至袁甲

三馳赴豐沛。其淮南勦匪各軍鞭長莫及。准其暫交徐廣縉統馭相機攻克懷遠。以分賊勢。俟豐沛一路匪蹤稍遠。袁甲三仍當折回鳳臨。以資統率。另片奏山東曹兗兩鎮官兵請均歸調遣等語。山東防兵為北路屏蔽。勢難遠出。現當事機緊急。亦當不分畛域。以勦為防。著袁甲三酌量情形。如有應調該二鎮官兵之處。即一面札調。一面知照崇恩。不必俟商議定妥。致延時日。至所調之兵止可於

山東江南交界地方兜圍合勦。不可調往遠處。致令本省空虛。勝保駐軍懷定之間。自應速援南路。而北路賊蹤紛竄。袁甲三又不能即赴鳳臨。若專交徐廣縉勦辦。恐未可恃。前諭令會保武職幫辦大員。仍著妥商速奏。俾得分投勦辦。各專責成。方不致彼此牽制。坐失事機。也將此由六百里各諭令知之。○又諭本日據袁甲三奏擒匪竄擾豐縣。請飭將山東省曹兗各鎮兵悉歸調遣。一摺。豐縣接壤

山東。現被賊擾。東省應力加防堵。著崇恩酌派官兵相機布置。毋使該匪闖入東境。至徐宿兵力尚嫌單弱。袁甲三請調山東附近之兵合力兜拏。著崇恩即行飭知曹兗各鎮將弁一經袁甲三行文調取。即須迅速赴調。不必俟本省飭知。有需時日。致誤事機。至所調之兵亦經諭知袁甲三。總於東省邊境處所協同兜拏。以勦為防。彼此均得兼顧。斷不致將東省之兵調往遠處。反致本省空虛也。

將此由六百里諭令知之。庚申遣官祭昭忠祠。諭內閣吏部奏遵議鄉闈提調監臨處分一摺。順天府府丞蔣達提調鄉闈擅自出場著照部議。即行革職。監臨景廉著照部議降一級留任。准其抵銷。順天府府尹梁同新應得處分著俟瑞常等查明具奏時再降諭旨。諭軍機大臣等僧格林沁等奏趕築礮臺情形。請派督臣會同辦理一摺。雙港礮臺營壘據稱即可竣工。其大沽海口礮臺地盤業已打起。惟急須木料應用。而商人居奇。杉木殊不易得。該大臣等請派督臣會辦。自為呼應。較靈起見。所有天津修築礮臺等事宜。即著慶祺會同僧格林沁瑞麟辦理。時序已屆秋分。轉瞬即交冬令。各項要工均應趕緊修築。並著僧格林沁等實力督催。毋稍遲誤。將此諭令知之。又諭羅惇衍等奏裁併壯勇以節經費一摺。所籌俱是。現在夷人仍踞省城。既不與官紳為難。亦祇可暫與相安。

其民夷仇殺之案無關大局者。仍當毋庸與聞。但使該夷有所顧忌。自不至四出肆擾。至東路練勇。既因經費不敷。而西北兩江又無須移撥。自應酌量裁併。以節虛糜。該侍郎等於布置停妥後。即分赴各屬督催捐項。其留勇地方。仍當妥為彈壓。固不可令其尋仇啟釁。亦不可因督率無人。漸生懈弛。俟省城局面稍定。再行斟酌辦理。其已繳捐項各紳民著准其即行奏獎。收支數目仍著先將大概總數查明報部。以備覈銷。將此由六百里密諭知之。又諭有人奏廣東捐升道員蔡振武熟悉夷情。現當辦理夷務。需人之際。著該督即飭該員來京。交吏部帶領引見。毋稍遲緩。將此由六百里諭令知之。順天府以宗室鄉試中額請得旨。取中四名。命翁牛特扎薩克都楞郡王布爾納巴達喇在乾清門行走。○辛酉諭內閣。特克慎奏請飭催欠撥經費一摺。所有甘肅省欠撥庫車咸豐七年

經費銀兩。著樂斌迅速籌解。以資接濟。至每年豫調銀兩。並著按期撥解。毋誤要需。○諭軍機大臣等。前據僧格林沁奏。遵派吉林馬隊二百五十名。直隸提標兵二百名。赴德興阿軍營。均已先後啟程南下。本日據崇恩奏。捻首蘇添幅。率領大股。攻陷豐縣。闖入山東。單縣被圍。緊急金鄉魚臺。賊蹤徧地。勢甚猖獗。東省為北路藩籬。非厚集兵力。恐難抵禦。所有前調往江北之官兵四百五十名。現有

都司韓文蘭等帶兵五十名。在京領馬。尚未啟程。所有前站官兵。諒尚在山東境內。著僧格林沁。托明阿。飛咨飭令。該帶兵官就近截留山東。交巡撫崇恩調遣。現復諭知袁甲三。將山東派赴徐州兵一千餘名。均交史榮椿統帶。回至東省會剿。俟該提督到山東後。前項截留官兵。即併歸統帶。其領解備用餘馬。已諭崇恩派員先行解赴浦口矣。天津現存官兵數不甚多。夷務尚未大定。未便調出。著

慶祺。托明阿。於直隸各鎮協內。挑選精銳官兵一千名。或千數百名。交新授太原鎮總兵田在田統帶。即行馳赴山東。協同史榮椿。剿辦田在田。即著毋庸來京。陛見。本日慶祺奏。元城縣有匪徒聚眾劫官一案。大名鎮兵。自應留資彈壓。毋庸調出。此等匪徒。雖不過為抗糧滋事。而當鄰境賊蹤。逼近尤宜及早查辦。以免釀成巨患。著慶祺責成該道聯捷。將兇犯迅速捕拏。毋任漏網。將此由五百里諭

令知之。又諭勝保等奏糧臺餉需。請仍由豫籌解。並所撥官兵餉項。他省不得截留等語。前因瑛榮奏勝保行營糧臺。請由皖省接辦。當經諭令勝保等斟酌情形。咨照瑛榮辦理。茲據勝保等奏。稱皖省殘破之餘。庫藏罄洗。奉撥餉銀。均未解到。請飭河南省照舊籌撥。以免萬餘兵勇懸釜待炊。所奏均屬實情。所有勝保糧臺餉需。著仍由河南軍需局照舊籌撥。俟兩三月後。各省餉項解到。定有章

程再由皖省接辦。即著勝保將現奉諭旨。咨明瑛榮遵辦。至各路調撥兵勇。均屬迫於待用。而軍情旦夕不同。亦不免有已奉諭旨。復行改調之處。勝保所請飭下各路統兵大員。遇有該營請調官兵。均不准擅行截留在該大臣專辦一路。故有此請。而全局情形。則不能無移緩就急。未可稍存拘泥也。所有懷鳳臨各路兵勇。該大臣既請加徐廣縉卿銜。暫留統帶。遇有緩急。仍須隨時策應。勿致南下。

以後北路轉有疏失。是為至要。將此由六百里諭令知之。○又諭本日據崇恩奏報逆匪由豐縣闖入山東。單縣被圍。金鄉魚臺匪蹤徧地。是該匪北趨之勢。已等燎原。不能不先其所急。速籌堵遏。所有節次調往徐州之山東官兵一千一百五十名。已諭知袁甲三。悉數撥回。直隸提督史榮椿本應北上。即將此項官兵。令其統帶。繞出賊前。迎頭截擊。仍恐兵力不敷。復將天津派赴浦口之吉林馬隊

二百五十名直隸提標兵二百名一併截留山東。現在直隸官兵陸續可入東境。如吉林馬隊已經出境。即著崇恩飛飭截回。統交該撫調遣。俟史榮椿到後。即併歸該提督統帶。以資攻剿。又諭慶祺挑選直隸精兵一千名。交田在田管帶。馳往東省協剿。該總兵籍隸曹州。曾在本省勦匪。當可得力。該撫現已出關。著即親往督勦。總宜向南迎擊。萬不可成尾追之勢。驅令北趨。其毗連河南之考城等

處。並著飛咨瑛榮派兵堵擊。能將該匪截回徐州。然後徐圖埽蕩。方於北路大局不致有礙。至元城土匪聚眾劫官。已諭慶祺飭屬嚴拏。並著崇恩飭知交界各屬一體兜捕。蘭山餘匪亦著迅速搜勦淨盡。以免勾結為患。其截留調往浦口官兵內有備用餘馬二百五十匹。著該撫派員先行解往德興阿軍營。俟山東勦辦事竣。再將截留官兵飭令前往可也。將此由六百里諭令知之。又諭本日據

崇恩奏皖逆竄擾東境請將節次調往徐州之山東官兵撤回一摺徐州節次調去山東官兵一千一百五十名係屬赴援鄰境以勦為防今該匪闖入東境亟應移緩就急以遏其北犯之勢著袁甲三迅將前項官兵即交史榮椿管帶啟程馳往東省繞出賊前迎頭截擊不可成尾追之勢驅賊北來袁甲三現已馳赴北路布置或分兵繞出賊前遏其北犯或派令傅振邦等速克豐縣擣其巢穴總

須通籌緩急相機辦理毋得專顧徐州一隅貽誤大局現在袁甲三須防北路即可將懷鳳勦匪事宜暫交徐廣縉辦理並與勝保籌商一切也將此由六百里諭令知之○賞已革兩廣總督徐廣縉四品卿銜隨同太僕寺卿袁甲三辦理安徽勦匪事宜○賞乾清門行走翁牛特扎薩克都楞郡王布爾那巴達喇三眼花翎○以安徽定遠勦賊獲勝賞副都統穆騰阿頭品頂帶佐領善慶驍騎校花

尚阿巴圖魯名號以辦理庫車軍需出力賞章京訥勒亨額花翎都司何朝貴等藍翎餘升敘有差○壬戌諭內閣前據官文奏已革副都統常亮在湖北支領餉銀無憑造銷當令該旗傳訊該革員據實呈報茲據惠親王等奏常亮前在湖北河南陸續領銀一萬九千兩皆由營總分領其在直隸山東有無欠找之項均不知情等語此項官兵現既改歸麟瑞統帶所有該革員呈開之委營總薩凌阿台斐音阿富和關福托克通阿那爾胡善色爾古善七員是否均在該副都統營內著勝保翁同書就近飭知麟瑞傳詢各該員將所領銀數分晰收支數目呈明具奏○調河南巡撫英桂為山西巡撫山西巡撫恒福為河南巡撫

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十一

實錄卷二百六十一

三十一

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十二

奏修
咸豐八年戊午八月癸亥諭內閣翁同書奏
皖北籌餉維艱請分撥皖南州縣錢糧等語
現在皖北餉需緊要著准其將廣德州並建
平縣地漕正雜款項儘數解歸皖北以資接
濟其甯池徽太四府地漕仍照舊歸皖南軍
營動用○又諭翁同書奏舉行團練請旨鼓
勵一摺安徽省被賊竄擾為日已久受禍最
深總由地方官不能實力舉行團練所致茲
據該撫奏稱委員督辦壽州定遠合肥等屬
團練旬日之間遠近響應廬州和州竊據之

賊累出焚掠。多被團勇擊回。其由界牌竄至藕塘池河地方者。亦畏民團協力守護。未敢進。偏定遠縣城。並據各鄉團練與賊接仗。斬獲長髮首級。及生擒賊黨。奪獲烏槍旗幟器械。解送軍營者不少。實屬深明大義。踴躍同仇。殊堪嘉尚。著翁同書認真督辦。協同官軍出力堵剿。所有該地方官委員董事。以及練總人等。如果始終奮勉。殺賊立功。准由該撫擇尤保奏。候朕施恩。以示鼓勵。○諭軍機大

臣等。前因山東單縣被圍緊急。諭令僧格林沁等。將前次調赴江北官兵截留。交山東省調遣。本日據崇恩奏。疊次剿匪獲勝。單縣業已解圍。又據德興阿奏。近有皖逆數萬。撲及江浦。勢甚危急等語。所有吉林馬隊。及直隸提標官兵。著毋庸截留山東。仍著飛咨飭令迅赴德興阿軍營。以資攻剿。至前諭慶祺。托明阿。於直隸各鎮協內。挑選官兵一千名。或千餘名。前赴山東之處。現在已可無需。著於

挑選後。即令在本汛聽候備調。毋庸即赴山東。並著飭知田在田。仍遵前旨來京陛見。將此由五百里諭令知之。○又諭德興阿奏。皖逆撲及浦營。後路危急情形。一摺。水師進攻九洑州賊壘。續獲勝仗。乃滁州之賊。占踞三畧。竄至來安。李秀成。陳玉成。各賊全股東犯。粵捻勾結。眾各數萬。珠龍橋失守。該逆由烏衣直撲浦口。占踞東西葛地方。賊勢猖獗。勒殿華督兵深入。身受矛傷。朕心殊為繫念。亟

宜整頓各軍。嚴密堵截。該大臣現調安勇。由石磧橋帶官兵二千餘名。回守小店。尚恐兵力不敷。和春所撥援兵。計已渡江。賊黨雖多。其中裹脅不少。如能連挫兇鋒。其勢亦易解散。一面督水師認真防剿。毋令水口之賊。窺伺東路。至李兆受投誠。尚難深信。該大臣俟江南援兵到日。仍可分兵扼守來安。防賊詭計。是為至要。將此由六百里諭令知之。○又諭崇恩奏。剿匪獲勝。單縣解圍一摺。此次賊

匪圍撲單縣該地方文武率同團練以少勝多立解城圍其竄擾金鄉魚臺各匪亦經兵勇民團擊退東境軍情稍鬆所有直隸調兵赴援之處業經諭令停止其由天津派赴浦口之吉林及直隸提標馬隊兵丁亦著崇恩毋庸截留即飭迅赴德興阿軍營可也現在大股賊黨尚在豐沛一帶崇恩前調本省各兵仍應派往防守俟徐州調回官兵入境後方可將他處調兵酌撤此次單縣等處勒退

賊匪鄉團之力居多著該撫先行擇尤保奏以資鼓勵黃良楷素得民心著留於單縣金鄉一帶督率鄉團隨時防剿毋稍疏懈至徐州調回各兵入境後仍當以勒為防賊至則出境邀擊以遏其北趨之勢不可株守邊界置之無用之地將此由五百里諭令知之○予安徽廬州殉難知州王應奎祭葬世職○乙丑

世宗憲皇帝忌辰遣官祭

泰陵○

上詣

安佑宮行禮○諭內閣胡興仁奏請舉行浙江鄉試一摺前因浙江省衢州府等處地方被賊竄擾經晏端書奏請將該省本年鄉試展限一年辦理茲據該撫胡興仁奏稱全境肅清多士志切觀光所有浙江省本年戊午科鄉試著准其於十月舉行○又諭文彩崇綸奏江浙兩省海運米石驗收完竣一摺文彩

崇綸著即回京此後抵津之尾船米石即著責成天津道認真驗收報部○諭軍機大臣等本日據明善段承實奏行抵常州籌議辦理情形所有全免稅課一節俟開導之後看該夷光景若何再作轉圜等語所籌尚未妥協此次桂良等前赴上海應照原定辦法俾各夷感服若僅能消弭一二事則該夷仍要賠償兵費廣東省城必不即時退出况待該夷堅執不允然後再以免稅為轉圜則該夷

必以我為背約。愈多藉口。此時須將全免稅課一層明白宣示。使知中國待以寬大之恩。此後該夷獲利無窮。無須再赴天津伸訴冤抑。所許各項。自可全行罷議。此為一勞永逸之計。若如明善等所擬辦法。即使該夷目前應允。日後必來饒舌。終無了局。至既全免夷稅。則廣東兵費。自不應再向中國索賠。占路省城。亦應即時退出。其查辦短收稅課一節。因從前徵多報少。以致夷人藉口訴冤。今既免其稅課。亦無慮該夷聞知。如查有冒收中飽之弊。並未入於國帑。無從索還。桂良等總應恪遵原議。妥為辦理。前經諭知何桂清。如於地方情形有礙。亦只可稍為變通。而大局不可更改。仍當遵辦為要。將此由六百里密諭桂良。花沙納。何桂清。並傳諭明善。段承實知之。○又諭袁甲三奏收復豐縣。追剿餘賊。並請飭東豫各撫嚴防邊界等語。豐縣雖已收復。賊匪仍竄曹單一帶。前據崇恩奏單縣

解圍。本日又據瑛榮奏。探聞曹縣於十五日失守。逆蹤西竄。豫境睢蘭考虞等處情形喫緊。山東河南毗連江皖處所。均須擇要設防。已諭崇恩親自出省督飭地方文武堵剿。並諭瑛榮加意防範矣。所有徐州節次調去山東兵一千一百五十名。仍著袁甲三交史榮椿管帶。馳赴東省助剿。袁甲三現擬將北路趕緊布置。即親督諸軍併力南剿。雖有未遑兼顧之勢。其西北一路。勢太空虛。仍須與傅振邦妥籌督辦。以期面面扼截。不至竄越肆擾。其毗連豫境之區。現有博崇武等跟蹤追擊。惟河南兵力甚單。著飭令聯絡鄉團。悉力截剿。勿令再向北竄。將此由六百里諭令知之。○又諭本日據瑛榮奏。探聞山東曹縣已於本月十五日失守。賊勢甚屬猖獗。如果確實。東省仍形喫緊。崇恩應即帶兵出境攻剿。並嚴飭各路防兵認真追擊。遏賊北趨。斷不可株守本境。稍形疏懈。其徐州調回之山東

官兵一千一百五十名。入境後即可會同本地兵團。將曹軍一帶賊擒。悉數殲除。毋令蔓延。至吉林等馬隊。本日又據德興阿奏。催該撫仍當遵照前旨。飭令迅赴浦口軍營可也。將此由六百里諭令知之。○又諭瑛榮奏。存營額兵無多。請留省堵剿等語。逆擒竄擾曹單。意圖西竄。豫境開歸兩屬。逼近賊氛。堵剿喫緊。存營額兵無多。再難抽調。自係實在情形。所有前諭調赴勝保軍營之陝西兵四百

名。營總蘇克金所帶馬隊二百餘名。均准其留於本省堵剿。毋庸調出。至所請飭令總兵楊昌泗。赴豫調遣。本日已諭知曾望顏。即飭該總兵帶兵馳往河南。交瑛榮調遣。此項官兵到後。該署撫即可分撥布置。以遏逆氛。並可酌量將勝保前調兵丁撥往。以資攻剿。將此由六百里諭令知之。○又諭瑛榮奏。防剿需人。請飭調帶兵大員等語。現在逆擒竄近豫疆。該省帶兵鎮將。不敷分布。著曾望顏。即

飭延綏鎮總兵楊昌泗。酌帶兵一千名。或數百名。並備軍械糧餉。馳往河南。交瑛榮調遣。該撫務須飭令該總兵挑選得力官兵。趨程前進。毋稍遲誤。將此由六百里諭令知之。○以驗收海運漕糧完竣。尚書文彩侍郎崇綸。下部優敘。道員英毓等。升敘有差。○予江蘇豐縣殉難千總王九齡。外委張大慶。教諭高青選。祭葬世職。○予江蘇江浦縣陣亡佐領圖倫特依。海慶防禦依朗。阿德成。驍騎校喜

祿。凌布爾烏。興隆泰。遊擊田際泰。守備朱麟閣。許殿華。張勝武。千總彭維賢。把總孫保廷。周連魁。尹希閔。董兆慶。外委孫玉麒。金士龍。陳文池。劉永泰。祭葬世職。○丙寅。諭內閣。此次恭送

皇祖仁宗睿皇帝聖容。

皇考宣宗成皇帝實錄。

聖訓。並尊藏。

玉牒。

冊

寶前赴盛京。除綠營官兵照舊例派出外。護軍統領前已派出春佑。仍著酌派章京護軍校帶領護軍二十名。由京城恭送至山海關。再行回京。並派盛京副都統承志。禮部侍郎文俊。帶同該處派出官兵。先期啟程。迎至山海關。敬謹送至盛京。以昭慎重。王明等仍照舊例出郊跪接。不必遠迎。至派出乾清門侍衛。一切應得之項。著照大門侍衛一體給與。護

軍營官兵計日應得路費銀兩馬匹等項。著照行圍官兵之例給與。至此次隨往之官員兵丁夫役人等。著慶惠綿勳春佑妥為約束。毋許稍有擾累。其按站住宿處所。官員等如有令地方官豫備公館。需索供應者。該王貝子等據實奏。並將該地方官一併叅處。事竣後。並飭令同日進城。毋許逗遛。

冊

寶回京之日。仍著慶惠沿途彈壓。一體辦理。以

昭嚴肅。○諭軍機大臣等。載華等奏。松蟲尚未淨盡。擬加添兵役。撥拏一摺。據稱自七月二十日起。一月未見雨澤。風水圍牆內。松蟲漸熾。甫拏復生。人力難勝。擬於蟲王廟叩禱等語。該處既有蟲王廟三楹。素昭靈爽。自應一面虔祈。一面竭盡人力。添派差役。擇蟲齧較重樹株。上緊撥拏。務將松蟲捕捉淨盡。毋留餘孽。至蟲王廟何時起建。並無案卷可據。未知崇祀何人。現供神像如何服飾。著載華

等查明具奏。將此諭令知之。○又諭。昨因瑛榮奏。探聞山東曹縣有失守之信。諭令崇恩出省督剿。本日據該撫奏。賊擾武城。旋即收復。曹縣被陷。擬調青州馬隊親赴督辦等語。曹縣本有兵勇設防。何以遽被賊匪竄入。河南邊境既有團練十餘萬。阬截河干。必得東省兵力趕往兜剿。方可迅殄逆氛。杜其北犯。昨諭崇恩。仍飭黃良楷在單縣金鄉等處督率鄉團防堵。該撫未到之先。能否將曹縣竄

匪即時撲滅。現在崇恩既帶馬隊出省。著先就現有兵力。率屬堵剿。一面飛催史榮椿所帶徐州調回官兵。迅速赴援。入境後會同勦辦。毋令久踞縣城。致滋延蔓。至賊蹤已入東境。與前在豐縣情形不同。此時袁甲三自應派兵追剿至山東地界。未必再調曹克等處官兵出境。儻賊匪盡行回竄。東境已可無虞。彼時袁甲三欲調防兵就近協剿。仍須聽其札調。不得區分畛域。坐誤事機。將此由六百

里諭令知之。○丁卯諭內閣。兵部等衙門奏遵旨分別議處一摺。此案正紅旗副參領瑞明。於已革參領瑞森擅扣兵餉。歸完墊款。未能攔阻。實屬知情徇隱。參領德英。額於惇郡王奕諒欲行參奏。輒為瑞森跪求。均屬咎無可辭。除瑞森業經革職外。瑞明著降一級調用。德英額著降三級調用。均不准其抵銷。所有歷任都統。副都統。應得罰俸處分。均著准其抵銷。署都統惇郡王奕諒。於查明後即行

奏。署都統都察院左都御史瑞常。正在查訊間。旋即調署。所有失察處分。均著加恩寬免。○伊犁參贊大臣法福禮等奏。議准浩罕通商。以綏夷情。而完善後。得旨。辦理尚屬得體。○以辦理新疆糧臺出力。賞頭等侍衛阿克蘇辦事大臣海樓。副都統銜。○以辦理喀什噶爾善後出力。賞佐領色普珍。泰色稜額。伯克庫圖魯克。二品頂帶。回子托古達。胡完薩。依提。訥斯爾。花翎。餘升敘有差。○予江西

九江府勦賊傷廢千總賀質彬。把總黃品山。在籍全俸。○予湖北疊次勦賊傷亡都司王隆祥。千總楊世澤。把總胡兆蘭。外委謝存才等。祭葬世職。○戊辰諭內閣。曾國藩等奏。湖口九江建立祠宇。請飭地方官春秋致祭。一摺。著照所請。所有江西湖口石鐘山上建立水師昭忠祠。九江府城建立塔齊布祠。現在將次工竣。即著各該地方官。照各府昭忠祠之例。春秋致祭。以褒忠節。○又諭。曾國藩等

奏捐建忠義總祠請飭地方官致祭一摺。湖南省自咸豐二年長沙解圍後。經侍郎曾國藩等督率湘勇先後勦賊數年以來死事官紳忠節昭著。現經該侍郎等於湘鄉地方捐貲倡建忠義總祠。著准其照各府昭忠祠之例。由地方官春秋致祭。至已故布政使銜浙江甯紹台道羅澤南。贈布政使銜記名道員王鑫。補用直隸州知州劉騰鴻。前經降旨分別建立專祠。著於本縣各建一祠。以昭忠盡。

○諭軍機大臣等。勝保奏新調馬隊請分撥協勦等語。該大臣現擬將懷鳳一帶布置停妥。即行督兵南下。自為南北兼顧。惟因察哈爾馬隊為袁甲三奏請截留。另片縷陳。力言捻逆情形。南重於北。未免猶各存意見。該大臣既統全皖軍務。應如何分撥兵勇。不妨徑行派撥。即袁甲三有全數截留之奏。亦可酌度緩急。和衷商調。況捻匪大股已越徐州而北。擾及山東。袁甲三所稱北路喫緊。亦未可

厚非。該大臣既擬將此項馬隊以二百名暫留淮北。以三百名調赴南路。即著照所請分撥。此外馬步各軍應如何布置。總宜與袁甲三商榷。分別緩急。酌量調撥。為要。至廬州大股賊匪。昨據德興阿奏。已陸續東犯。其由梁園等處竄撲來安江浦者。不下數萬。則廬城賊眾必已空虛。勝保亟宜統兵前進。掩其不備。若能速克廬州。亦足牽制南路之賊。不使四出北犯。袁甲三未能即赴臨鳳。定遠以北。

誠不免空虛。該大臣現已留兵該處。並奏令徐廣縉暫行督率。俟徐境賊勢稍鬆。袁甲三仍當回顧淮南。該大臣布置妥協。即當迅速南征。毋再遲延。李兆受所遞各件。有乞賞銀一萬兩之語。未知勝保能否應其所求。設或不能。有無反覆。此時仍應飭令來安等處嚴防。並催李兆受迅速舉事。果能著有成效。方可自明心跡。該大臣亦不致因此久稽進勦也。將此由六百里諭令知之。○又諭前因山

東單縣解圍。諭令慶祺將前備調官兵。飭令在本省候調。並因元城縣匪徒滋事。諭令慶祺速為查辦。本日據崇恩奏曹縣業已克復。匪蹤四散。所謂直隸官兵。無須前往。或令屯劉元城等語。元城縣匪徒趙金聲抗糧滋事。劫去知縣。該督諒已遵照前旨。迅速查辦。儻該匪趙金聲尚未就獲。該縣知縣尚無下落。匪徒等實有聚眾謀叛情形。自應速籌殲滅。著慶祺即將前飭候調之兵。派往元城相機剿辦。無任日久蔓延。如匪首業已就擒。無須用兵。該督即飭前調官兵。仍在本汛候調。毋庸前赴元城。將此諭令知之。又諭崇恩奏官軍克復曹縣賊勢渙散。擬即親往督剿。一摺。曹縣賊匪因官軍四集。被殲甚眾。突從南門竄出。該縣城池雖已收復。而匪蹤四散。紛擾堪虞。崇恩即日帶兵往剿。所有由徐州調回之山東兵。諒史榮椿計日亦可帶到。該省民團可用。無需客兵。該撫即飭黃良楷等督

同地方員弁。分投追剿。務須迅掃賊氛。勿令北竄。至所稱土匪四起。亦甚可慮。地方官若能妥為駕馭。原可化莠為良。並著密飭各屬。一面嚴查奸宄。戢暴安良。一面責成團總。將失業之徒。招為團練。責令協同守禦。俾就鈴束。庶不致為賊匪勾結。又添黨與也。將此由六百里諭令知之。○又諭勝保奏豫省解運火藥。不敷應用。請飭山東陝西兩省各撥二萬斤。即解安徽軍營等語。皖省自廬郡失陷。軍火一空。亟應設法接濟。著曾望顏於陝省存儲火藥內。速撥二萬斤。配齊鉛丸火繩。派委妥員。剋日解赴安徽軍營應用。山東省現有捻匪竄擾。亦正需用火藥。恐未能籌撥。本日據恆福奏。因皖省咨取火藥。已派委文武員弁。陸續解運。著即飭該委員等速為解往。並湊足二萬斤之數。以免缺乏。至恆福奏稱該省庫儲軍械數千件。現在派員查驗修理。一面飛咨安徽。如果需用。即當解往。所籌甚

好。皖省正需軍械。即著恆福將堪用器械檢齊。派員迅速解皖。俾資攻剿。將此由五百里各諭令知之。○以江西玉山縣勦賊出力。賞道員李元度。按察使銜。巴圖魯名號。予陣亡把總李傳綸。龔茂發。張應龍。外委龔拱綸。八品職銜李家純。祭葬世職。監生黃查。賞卹如例。○撥山西汾陽縣倉穀三千石。運赴平遙縣收存備賑。從巡撫恆福請也。○己巳。諭內閣。瑞常等奏遵旨查明鄉闈辦理不善各情。

請分別審訊議處一摺。此案順天府大興。宛平二縣。辦理鄉闈供給。任意草率。既據查明。有發價折扣情事。猶復供詞歧異。顯有需索抑勒情弊。所有該二縣經手家丁吏役。著交刑部查傳嚴行審訊。大興縣知縣賀廷馨。宛平縣知縣毛慶麟。應得處分。俟刑部訊明後。照例覈辦。糧馬通判蕭鼎禱。既有胞弟應試。例應迴避。乃託病告假。不肯入場。實屬取巧規避。著先行交部議處。其有無營私肥己等

弊。著俟刑部訊明後。照例辦理。委員李光瀾。李建中。催辦遲延。試用府經歷潘瀉臨期不到。治中蔣大鏞。辦理卷冊錯亂。均著交部議處。委員蕭履中等。著吏部查取職名。一併議處。順天府府尹梁同新。身任監臨。總司場務。於派委各員。既不能詳慎於先。以致疲玩草率。種種延誤。甚至於規避不到之員。均未指名叅辦。尤屬有心徇庇。梁同新著照吏部原議。降三級調用。以示懲儆。○大學士桂良等

奏行抵常州。會商大概辦法。得旨。卿等陛辭時。朕諭卿等為一勞永逸之計。若逐款與較。何異授該夷以柄。曉瀆不休。況抵償兵費一節。全括於免稅之中。此時初入手。即作此下策。徒令該夷氣驕意得。反似有所畏忌。勉強而然。何其見不能定。心總易搖。朕殊為過慮。恐一浪未息。一浪又興。後此作何了局。惟望卿等斷不可於初定辦法之外。另籌省事之法。破除情面。勿恤人言。方不致自干咎戾。無

裨大局。○江西巡撫耆齡奏八年分上忙丁耗錢糧請展緩造報得旨著照所請展至本年九月惟不許俟五六年奏銷具題後辦理以期早清款項各歸各案勿許含混○以病痊太常寺卿吳鼎昌為順天府府尹○予浙江常山縣殉難教諭汪世鍾祭葬世職妻陸氏等旌卹如例○予江西陣亡府經歷張翔千總吳正邦外委談心廣祭葬世職○免江蘇橫浦浦東袁浦青村下砂頭下砂二

三六場竈地舊欠額賦並蠲七年十分之一○庚午諭軍機大臣等前據德興阿奏報皖逆大股撲犯浦口冀援金陵本日據和春奏浦口大營已於本月二十日失守德興阿扶病督兵衝出重圍退保六合等語金陵圍勦功在垂成逆援踵至堵禦為難此時浦口一失局勢又恐中變究竟員弁兵勇損失若干德興阿現赴六合能否整頓軍威力圖控扼和春先後派出之官兵五千名已陸續渡江

自應合力會剿務使六合以東不致再有疏失方可徐圖恢復本日復諭知胡興仁將江南援浙之兵酌量調回以便赴援江北和春亦得布置以固金陵並著德興阿收集潰兵力籌堵剿仍飭沿江水師截住洲賊勿使勾連陸路此時賊勢猖獗非得勁旅相援難期得力已諭知官文於楊載福李續賓水陸各軍中酌量令其分道東下進攻以牽賊勢至金陵一日不克各路援賊亦有日多之勢和

春等早稱功在垂成乃蹉跎至此不獨銳氣漸消即餉糈亦屬不繼著和春張國樞激勵將士迅克金陵即少有竄逸亦不難分路勦辦終勝頓兵城下坐令逆黨生心也將此由六百里各諭令知之○又諭本日據和春奏滁全大股賊眾攻撲江浦浦口六合圖援金陵浦口各營全被焚毀德興阿退至謝家店扼守六合並據稱蕪太賊壘日增揚言即日內犯東壩高瀍以解金陵之圍閩省回竄之

賊已由德興婺源將入甯太歸併金陵。舒桐廬巢各路下竄之賊。復不可勝計。賊勢甚為猖獗。金陵正當圍攻喫緊之時。設有疏虞。所關非細。自非有生力勁軍。難資堵截。著官文酌量情形。即將李續賓分出之兵。會同楊載福師船。攻勦廬州安慶。直達蕪湖等處。以牽賊勢。使逆眾不敢東竄。實於江南北兩營。均屬有益。至都興阿一軍。尚在宿松。其能否分撥赴援之處。並著官文酌量調度。將此由六

百里諭令知之。又諭和春奏浦口官軍失利。已飛咨胡興仁。調回援浙之師。徑赴六合。並探聞閩省回竄之賊。已直至東流。建德將越徽池。以入甯太各等語。江北大股賊匪。直撲東路。德興阿等迎擊不利。以致浦口失守。和春已由江南軍營撥兵五千。往援江北。而閩省竄匪。復將由甯太以援金陵。賊勢披猖。兵力不敷。於大局殊有關繫。現在浙江防務稍鬆。所有江南援浙各軍。著胡興仁酌量情

形。即行飭回。令赴六合。以資援剿。至浙省防務。未容疏懈。仍著該撫會商李定太等。實力堵剿。不得稍存玩視。將此由六百里諭令知之。又諭袁甲三奏擒匪被剿。回竄老巢。現擬移營南剿一摺。據稱該逆自曹單敗竄。繞道歸德。奔回蒙亳老巢。惟北路匪蹤。是否淨盡。山東境內。有無餘孽。袁甲三既令傅振邦進剿。雖溪並回駐宿南。兼顧南北。著即認真追剿。總期就地埽除。勿使再有延蔓。至所請

添兵添將。以期迅速埽除。自係實在情形。惟現在滁廬大股逆匪。分竄東路浦口大營。已於二十日失陷。和春營中。已撥兵五千名渡江赴援。是江南江北。兵力均形支絀。一時斷難抽撥。俟江北大勢稍鬆。金陵兵力充足。再行酌量分撥。此時袁甲三應迅赴淮南。力擣首逆巢穴。能將懷鳳各城克復。則勝保留於該處之兵。即可就近商撥。為北路之用。方是正辦。湖北官軍。前雖有旨令其酌分數千。繞

赴北路。尚未據官文覆奏。現在沿江一帶。攻
勦正關緊要。能否前來。尚未可定。若各路軍
營。抽撥馬隊。則尤勢所不能。綏遠城馬隊。前
已允勝保所請。以二百留於徐營。以三百隨
該大臣南下。仍著遵照分撥。其請調郝上庠。
並仍留山東官兵。亦經諭令崇恩酌量。如東
境實已肅清。自可照議辦理。勝保軍營需兵。
亦甚緊急。山東邊境防堵。亦未可稍疏。如有
應留應調之處。總應與勝保崇恩互相商榷。

以期彼此有益。未可各出己見。徒滋爭執。無
益事機。歸德各屬團練。既據聲稱截勦得力。
著准其擇尤彙保。以示鼓勵。將此由六百里
諭令知之。○又諭本日據袁甲三奏。擒匪偏
回老巢。東省防務已鬆。請留赴徐官兵。並暫
令郝上庠前往差遣各等語。現在捻眾均已
南趨。仍回老巢。袁甲三亦回駐宿營。力籌南
剿。是東省軍情已鬆。所有徐州前調山東官
兵一千一百五十名。據奏除傷亡外。失迷逃

散四五百名。尚未收集。著崇恩酌量情形。如
果東省已無賊蹤。即將此項官兵。仍留徐州
軍營調遣。至副將郝上庠。袁甲三因帶兵現
乏大員。仍請旨飭調。能否派往之處。並著崇
恩酌量辦理。將此由五百里諭令知之。○又
諭瑛榮奏。擒匪被擊回竄。現飭官軍追勦一
摺。曹單等處竄匪。意圖西竄豫疆。疊經考城
商邱甯陵虞城各文武。督率兵勇堵勦獲勝。
該匪已向東南竄去。惟此股賊匪人數眾多。

由徐境竄擾東豫。雖均即時擊退。而該匪等。
並未大受懲創。亟應四面攻圍。以免紛竄。所
有營總蘇克金等各軍。據瑛榮奏稱。已飭跟
蹤追勦。著即嚴飭該營總等。統率兵勇。迅速
前進。務與袁甲三及山東省派出各軍。實力
圍剿。盡殲醜類。不得以賊匪業已出境。徒事
株守。致滋貽誤。將此由六百里諭令知之。○
前任浙江巡撫晏端書奏。各屬徵解錢糧。請
免開列比較。得旨。戶部察覈具奏。不准任其

蒙混以啟騰那之漸○以禮部右侍郎文祥兼署戶部右侍郎兼管錢法堂事務○以正藍旗漢軍副都統穆隆阿署正紅旗滿洲副都統○以戶部右侍郎寶鋆為浙江鄉試正考官翰林院檢討馬佩瑤為副考官○辛未遣官祭賢良祠○諭內閣前因湖北巡撫胡林翼丁伊母憂當降旨令其穿孝百日後仍署巡撫俟軍務完竣補行守制茲據胡林翼奏扶柩回籍懇請終制並官文奏屆期仍令

署理巡撫印務各一摺現在楚境雖已肅清而逆氛未靖大軍水陸東下運籌機宜儲備糧餉以及地方善後邊防各事宜均關緊要胡林翼熟習情形實心任事當此時勢多艱正臣子力圖報效之日未可拘泥恆情致誤事機胡林翼著仍遵前旨於假滿後署理湖北巡撫印務俟軍務完竣准其補行終制以遂其孝思○又諭著齡奏克復吉安府城大概情形一摺江西省自瑞臨撫建等府城克

復後吉安賊匪仍復負隅七月二十一等日曾國荃等四面環攻城內之賊屢次出撲均經水陸各軍擊退八月初十日趙煥聯等會攻北門遮克敦布自水東進攻南街是夜賊用大礮小划乘急流衝下曾國荃遮克敦布等各戰船併力迎擊焚奪無遺十五日夜遂將府城克復吉安被陷已久此次著齡督飭各路兵勇迅速奏功辦理尚為得手竄逃餘匪仍著四面追剿毋令再有蔓延所有詳細

情形即查明具奏其出力文武員弁並著擇尤酌保候朕施恩○諭軍機大臣等前因明善等奏全免稅課一節俟開導該夷後再為宣布等語當諭令桂良花沙納何桂清等仍遵原議辦理昨據桂良等會同何桂清奏會商大概情形復詳細批示諒該大臣等接奉後必能遵照辦理不至固執已見本日何桂清奏稱利柄必應收回稅則不可輕免等語在該督身任地方為國家惜此帑金是以不

肯遽免夷稅。然所籌究為目前起見。並非一勞永逸之計。况若照密諭辦法。止能五口通商。一切干求。悉歸罷議。該夷又何能盡收利柄。若但挽回一二件。其餘仍須另議稅則。豈能保其事事允從耶。前寄諭旨及硃批。已極詳盡。無可再論。何桂清受朕厚恩。斷不至別有他意。特恐屬員慮及免稅後無可沾潤。因而設詞清惑。亦事所必有。該督當力特定見。勿恤人言。至於地方情形。或有窒礙。曾諭令

稍為變通。亦須將窒礙之處。詳細陳明。不可自出己見。致妨大局。另摺奏總理廬州糧臺委員。已咨商翁同書聽候酌調等語。現在皖省軍務已歸勝保督辦。所有總理糧臺之員。勝保與翁同書當合而為一。毋庸另派前往。將此由六百里密諭知之。○又諭明誼奏遣官與俄夷使臣會議。已定大局情形一摺。此次該夷不肯即領貨物。意在索賄。經委員等許以興修房屋。令華商賠補。復再三設法。分

年以茶抵補。始得減省成數。該夷業已應允。所議均尚妥協。著明誼即行照辦。並令委員等趕緊與立合同條約。所有應付茶箱。即行付給。俾夷使可早日離卡。勿致別生枝節。並著英薩武隆額於巡查卡倫之便。妥為彈壓。毋令民夷於貿易時。復滋事端。將此諭令知之。○又諭慶瑞奏建郡堵剿情形。並請飭曾國藩由河口入閩等語。曾國藩奉命督兵援閩。昨已據奏。於八月初八日行抵河口。擬由

鉛山入分水關。直擣崇安。諒能確探賊蹤。相機截擊。現在松溪。政和縣境肅清。其竄併浦城之匪。亦經周天培等進攻得手。收復城池。惟浦崇竄匪。現撲建郡。情形甚為猖獗。該省兵力不敷。恃有由浙調援之師。得顧北路。若曾國藩所統勁旅。由崇安入關扼剿。會合閩浙兩省兵勇。當可四面聚殲。著該侍郎迅速前進。督飭張運蘭各軍。掃蕩逆氛。毋稍延誤。其杉關等處隘口。亦即飛咨耆齡令該省將

備杜其回竄之路以臻周妥將此由六百里諭令知之○辦理江北糧臺江甯布政使楊能格奏浦營退守六合揚州情形危急咨會總兵官毛三元扼守要隘得旨觀汝咨會毛三元嚴截兵勇想汝此時必以護餉為詞出城登舟何膽怯若是大員尚如此慌張無怪乎居民紛徙保護軍械糧餉豈無委員可派六合後路汝應幫同駐守將官協力防堵勿得稍存膜視○以防勦福建甯竄匪不力

革署總兵官林向榮職仍留任都司奎齡革職逮問遊擊戴慶吳守備邱壽昌劉朝清同知顧清濂等均革職留營效力○以克復湖北麻城黃安二縣城賞副將楊得武巴圖魯名號三等侍衛忠齡頭等侍衛在大門上行走同知學潤都司張明漢守備萬鳳書防禦雙壽等花翎知縣盛典等藍翎餘升敘有差○壬申諭內閣王明奏復勘河道酌擬辦理一摺

永陵草倉河身初經挑挖沙土鬆浮亟應妥為修理所有添釘木椿編列笆障各事宜著照所議於明年三四月間敬謹籌款辦理其小橋以東河道並著於明春挑挖疏通一律釘椿編笆以臻妥善另片奏察看

福陵引河請毋庸挑挖等語

福陵引河既據該將軍查係水流故道恐挑挖後引動渾河大溜直衝西北即著毋庸挑挖以循舊制○又諭王明奏

永陵地面請添設堆房派兵駐守等語

永陵北面地方空闊稽察難周著照所請添設堆房四處酌派官兵常川駐守並原設堆撥四處分段梭巡即令八旗防禦每旗二員按月輪流值班並派左右翼長互相稽查責成該總管隨時查察以昭慎重至所稱照山周圍紅椿年久失修即著派員敬謹查勘妥為修補並將酌定章程具奏○又諭何桂清等奏請將關稅暫增額外盈餘銀兩儘收儘解

一摺前經何桂清等奏江海關稅每年於正額盈餘外約可加增額外盈餘銀十二萬兩撥充軍餉不作永遠定額茲據奏稱此項額外盈餘自七年六月起至本年五月底止一年期滿共收銀十萬餘兩數與奏明約定數目計有短絀委因地方用兵貨乏來源路多阻滯尚非稽徵不力此項額外盈餘銀兩著准其儘收儘解以昭覈實○又諭鑲黃旗漢軍奏查明已故大學士裕誠承繼伊弟頭等

侍衛裕祥之子堃林為嗣僅據裕祥在旗呈明並未報部有案裕誠長子慶林之妻薩爾吐克氏守節二十餘年例應立繼始符定制援照部覆請旨辦理等語薩爾吐克氏係裕誠長媳守節有年著准其將伊夫堂弟乾清門二等侍衛岳林之子克昌承繼為嗣即為裕誠長孫堃林業經為裕誠穿孝仍著承繼為裕誠之次子並遵前旨俟及歲時由該旗帶領引見至將來承襲裕誠一等公爵著以

克昌擬正堃林擬陪奏明請旨諭軍機大臣等朕於六月間召見興京城守尉額圖琿據奏奉天木植頗多曾諭令該員留心採辦以備萬年吉地工程之用近聞該處木植多係灰松不能耐久並據慶祺奏該員等因感京修理工程在邊外山場找獲松樹二千餘株揀選樑柱大木僅二十餘件餘皆不堪工用所有前諭額圖琿採辦木植之處著毋庸議將此諭令王明知之○又諭據德興阿奏

浦營軍潰自請從重治罪並鞠殿華奏督兵大臣病勢沉重各一摺披閱實深焦灼浦口既已失利悍賊全趨北岸六合以東萬分危急速宜收拾潰兵先扼六合力保儀揚再圖攻復浦口城池支撐大局馮子材等赴援之軍皆屬精銳和春又添兵二千名過江協剿著德興阿等妥為調度復振軍聲此時德興阿病勢頗重深恐精力不支著鞠殿華善為保護並著與德興阿商酌在該營鎮將中擇

其謀勇兼長。堪勝幫辦者。奏保一員。候旨簡派。如德興阿病情沉重。精神暫亂。即著勒殿華。遴員保奏。至江浦孤城。是否尚能固守。浦口潰散各員。如何下落。傷亡弁兵若干。著一併查明具奏。將此由六百里加緊各諭令知之。○以太常寺卿察杭阿。為內閣學士。兼禮部侍郎銜。兼管太常寺事務。○以江南浦口軍營失利。拔欽差大臣德興阿。花翎。與幫辦軍務提督勒殿華。均革職留任。

大清文宗協天

運執中

垂謨懋德振武聖孝
淵恭端仁寬敏顯皇帝實錄卷之二百六十二

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十三
是時德興阿病勢危急。奏保一員。候旨簡派。如德興阿病情沉重。精神暫亂。即著勒殿華。遴員保奏。至江浦孤城。是否尚能固守。浦口潰散各員。如何下落。傷亡弁兵若干。著一併查明具奏。將此由六百里加緊各諭令知之。○以太常寺卿察杭阿。為內閣學士。兼禮部侍郎銜。兼管太常寺事務。○以江南浦口軍營失利。拔欽差大臣德興阿。花翎。與幫辦軍務提督勒殿華。均革職留任。

敬修

咸豐八年戊午九月癸酉朔諭內閣恭親王
奕訢第一子著命名載澂○又諭前因浙江
衢州告警張芾飭周天受等開道馳援迨全
境肅清降旨將張芾賞戴花翎茲據奏稱墨
經從戎惟當力圖報稱且周天受被劾之款
猶奉旨查辦未敢濫竊寵榮益增罪戾請將
前賞花翎撤銷等語此次張芾分兵援浙著
有成效即周天受亦經賞還提督銜朕權衡
賞罰功罪分明所有張芾前賞花翎著毋庸
撤銷○諭軍機大臣等勝保奏留兵防勦懷

鳳並拔營南勦赴滁受撫請飭袁甲三等專顧北路各摺片所籌尚合機宜定遠池河該大臣均已派員帶兵前往其懷遠逼近賊壘酌留龍澤厚等督兵駐劄遊擊唐玉輝等堵勒鳳陽之賊勝保已拔隊南征與翁同書會商攻復廬州懷鳳各軍仍由該大臣兼顧袁甲三等專顧徐宿捻匪以固北路藩籬至李兆受投誠一事果能獻出滁城於皖北軍務有益况現在浦口失守羣賊東趨德興阿軍營退守六合情形甚為喫重勝保此行可諭令李兆受乘此多事之秋勦賊立功必膺重賞看其能否即獻滁城並為勝保前驅誠心效順現在徐州竄匪已入豫東二省雖經圍勇擊退而匪蹤奔突靡常實有防不勝防之患勝保既責成徐廣縉調度懷鳳軍務並仍自行兼顧袁甲三等力竭除徐宿捻匪毋煩南顧更屬得力勝保與袁甲三雖各專責成仍能統籌緩急不分畛域所謂師克在和朕

實有厚望焉將此由六百里各諭令知之○又諭張芾奏皖南軍情緊急請飭調統兵大員回防協勦一摺福建賊匪回竄江西復由德興東犯皖南浮梁之賊亦屢圖內犯婺祁密通賊氛徽防萬分喫重該處專恃總兵江長貴一人調度恐有顧此失彼之虞總兵周天受久在皖南情形熟悉著胡興仁即飭該總兵統率所部兵勇回徽防剿惟閩省建郡亦當攻勦喫緊之時著即飛咨曾國藩慶瑞飭令李定太饒廷選迅速勦辦毋稍鬆懈將此由六百里諭令知之○又諭黃宗漢奏新安縣地方因喫夷張貼偽示練勇擊傷夷兵該夷輒攻入縣城經兵勇擊退等語夷人與練勇構釁正可藉此激勵民心俾該夷知所敬畏斷不可官為阻遏署知縣王壽仁失守城池著查明參奏疏脫監犯及傷亡兵勇並著查明分別辦理另摺奏大局已形決裂辦理尚無把握一摺該大臣囑令紳士伍崇曜

等向該夷說合據云非交現銀一半其餘認利分年扣完不能出城是該夷占踞省城藉此挾制斷非口舌所能爭勝現在桂良花沙納已抵上海俟與該夷會晤再定辦法此摺已鈔寄桂良等閱看矣至西江北江及靈山等處不下二十餘州縣土匪滋擾著即督飭帶兵各員趕緊攻剿內地安謐庶可專辦夷務所需軍餉尤須設法籌辦毋使缺乏以後辦理情形仍著隨時馳奏以慰廑念將此由

六百里密諭知之○又諭扎拉芬奏會議夷案業有就緒一摺此次俄夷使臣行抵塔爾巴哈台會議情形昨已據明誼詳細陳奏所許興修房屋令華商貼補並以茶抵補各款均尚妥協已諭明誼即行照辦並令速立合同條約以免另生枝節茲據扎拉芬奏奏所存夷貨須俟該城傳集夷商勘估再定抵茶價值等語亦著照辦即可將此案迅速議結至伊犁與該夷通商之處亦應妥為彈壓

勿令別滋事端其餘未盡事宜並著該將軍與明誼妥協籌議以靖邊防將此諭令知之○署閩浙總督慶端奏援軍克復福建浦城縣城報聞○以湖南紳民捐輸軍餉永廣瀏陽縣學額六名湘陰清泉新甯三縣各五名醴陵縣四名益陽攸祁陽三縣各三名甯鄉巴陵平江衡陽衡山沅陵辰溪武陵龍陽九縣各二名湘鄉安化茶陵耒陽邵陽武岡新化溆浦桃源芷江麻陽保靖龍山會同石門○

慈利永定十七州縣各一名○以克復安徽太湖縣城副都統多隆阿總兵官鮑超下部議敘賞守備易德榮主俊秀花翎餘升擢加銜有差予陣亡遊擊鄒祥杰都司胡鎮南守備唐克舉蕭新勝張朝武李發益黃星輝李得勝雷洪貴千總吳廷春把總聶秀峰外委陳國洪等祭葬世職加等馬甲德貴等賞卹如例○甲戌諭軍機大臣等德興阿浦口失利收拾潰軍力扼六合東路甚為喫重本日

據楊能格奏。親赴邵伯。截留潰軍。搬運糧臺。雖賊蹤未遽竄至揚城。而人心不免震動。恐其紛紛遷徙。必致土匪乘機竊發。自啟亂萌。何桂清現赴蘇州。會辦夷務。著即派明幹大員。馳赴揚州。會同藩司楊能格。督飭該府縣。在城彈壓。使居民安堵。以靖內患。此時德興阿既未能分兵保護揚郡。和春又遠在江南。何桂清於常鎮一帶。如有可撥之兵。即著酌撥赴揚。以資防守。並著邵燦。庚長。於河漕兩

標內。撥兵前往。協同守禦。糧臺銀米。已移至邵伯。著楊能格加意防護。並趕緊製備軍裝。火藥器械等項。接濟德興阿軍營。毋誤要需。將此由六百里諭知何桂清。邵燦。庚長。並傳諭江甯布政使楊能格知之。○浙江巡撫胡興仁奏請。浙省武闈鄉試。展至明年二月舉行。下部知之。○乙亥。諭內閣。曹澍鍾奏。藩庫支絀情形。並交代久未結報等語。廣西藩庫自咸豐三年奏銷以後。歷任藩司新舊交代。

並未造冊結報。雖因徵解各款。隨撥軍需。動用庫款無多。但恐閱時既久。稽覈愈難。著勞崇光督飭該藩司。將未經奏銷各款次第造冊報部覈辦。如各州縣有已徵未解。並浮冒開銷。以及徵多報少等弊。即著從嚴叅辦。以免積壓。而慎鈎稽。○諭軍機大臣等。前因浦口失利。東路危急。疊經諭令德興阿等嚴扼六合。力保儀揚。猶冀和春派往之援兵五千名。攻勦得力。重振軍威。不意本日德興阿奏

報。江南官兵。竟至三次挫衄。僅餘二三百名。管帶渡江馬隊潰敗。六合孤危。覽奏曷勝憤悶。據奏。請簡派和春。張國樑一人。渡江援勦。此時金陵逆黨。時圖衝撲。正恐功敗垂成。該大臣等未必能分身北渡。已諭令再於南岸撥精兵二千。迅速赴援。並諭知勝保。翁同書。令提督德安。挑帶官兵。前往六合協勦。本日復據何桂清奏。已調上海火輪船八江助勦。並將浙江撤回之西安馬隊三百名。催赴江

北前派去吉林。及直隸提標馬隊共四百五十名。諒已趕到。著德興阿、鞠殿華一面催提各路援兵。一面將收集各兵。即交成明統帶。會同溫紹原、羅玉斌等。現有兵勇並富明阿。招回馬隊。實力堵剿。務期力保六合。以為儀揚屏蔽。若該縣未能固守。則江北大局。不可收拾。清淮一路。均難安枕。該大臣等。雖抱病受傷。仍當勉力督率。不可稍形鬆勁。摺內所稱南兵二千。接仗失利。是否和春等續派馬

騰霄所帶之兵。其最後添派孔朝彪所帶之二千名。自應得。即江浦存兵二千七八百名。既已全師而出。併入六合。亦著飭令協同攻剿。以厚兵力。昨經諭令保奏之武職大員。該大臣等。如商定有人。即迅速具奏。一面先令統率各軍。俟德安到營。會同督剿。毋誤事機。將此由六百里諭令知之。○又諭。昨據和春奏。探聞江北援兵潰敗。復派兵勇二千名。赴援。本日據德興阿奏。六合賊勢萬分猖獗。

江南援軍與之接仗。三次退敗。收集殘兵。已由馮子材管帶過江。六合孤城危急。請分派和春、張國樑一人渡江援救等語。現在德興阿患病。鞠殿華受傷未愈。而賊鋒方張。六合設有疏虞。則揚城亦屬可慮。實於大局有關。和春、張國樑。固勒金陵。正當喫緊。自未能分身前往。惟浦營兵勇。悉已潰散。德興阿等。幾無一旅之師。亟應厚集援兵。方足以資堵禦。現已諭勝保。飭令德安統兵前往援應。所有

江南派去援兵五千名。數不為少。何以一戰即潰。此時收集殘敗。僅得二三百名。業已渡江南去。止有續派遊擊孔朝彪所帶兵二千名。恐不敷援剿。著和春等。再於大營抽撥勁旅二千名。剋日渡江。合成四千之數。派得力鎮將統帶前往。以保六合。冀可重振軍威。再據何桂清奏。稱聞賊撲六合。已飭令上海商捐火輪船八江助剿。當此危急之秋。得此可助水師之力。著該督即飭該船迅駛入江。並

著和春等妥為調遣以壯南北兩岸聲勢將此由六百里各諭令知之○又諭德興阿奏官軍潰敗六合危急請速籌援救一摺逆賊攻撲六合德興阿等接仗失利江南兩次派援兵勇亦皆潰敗德興阿等現已退保儀徵設使六合再有挫失則儀揚震動大局可危本日已諭令和春等再行續撥精兵赴援並諭何桂清令上海商捐火輪船入江助剿惟賊勢過於披猖而德興阿病重鞠殿華受傷

未愈兼恐調度一切需人相助因思德安一軍本由江南赴皖該提督老成歷練堪資臂助著勝保翁同書即令德安統帶勁旅馳往六合救援並助德興阿等調度毋稍遲緩至李兆受獻滁立功一節並著勝保劉切曉諭許以重賞令其速即歸正使賊眾自亂亦足以挫其兇鋒將此由六百里諭令知之○補鑄福建光澤崇安二縣知縣印信從巡撫慶端請也○以籌辦湖南軍務出力賞在籍郎

中左宗棠四品卿銜○以克復江西吉安府城賞副將劉培元總兵銜道員趙煥聯按察使銜並伊父母三品封典遊擊彭定太守備周惠堂花翎同知曾國荃等升擢加銜有差○以勦辦湖南澧州石門等處匪徒出力賞知府吳經邦花翎餘加銜升擢有差○以河南省城等處勦賊出力復已革都司雍恰布職並賞藍翎予陣亡協領德隆阿祭葬世職○以臨敵退避革江南六合帶兵護軍統領

穆克登額職留營效力○予江南浦口六合陣亡副都統雙城堡總管台斐音保協領烏爾恭額佐領都隆阿永慶忠額林棟委叅領特克什肯德春德興額格明阿叅將文哲璉遊擊秦兆泰匡國棟守備馬銘勳王富來孔澤把總宋萬春祭葬世職○釋遣戍軍臺已革河南河北鎮總兵官崇安發往河南軍營差委○丙子諭軍機大臣等前因勝保軍營需用馬隊諭令袁甲三於綏遠城馬隊到營

後以二百名留於徐營其餘三百名即飭赴勝保軍營本日據勝保奏現在駐兵池河適當逆匪北竄之衝兵力實形單薄請催前調馬隊馬匹速即前往等語所有發遣城馬隊三百名著袁甲三遵照前旨即行如數撥往勝保軍營聽調並帶所撥馬匹一併催令迅速進行毋許延誤至袁甲三軍營幫辦之員據勝保奏傳振邦史榮椿均可勝任已降旨令傳振邦幫同袁甲三辦理勒匪事宜矣將

此由六百里諭令知之○又諭勝保奏統籌南北大局請豫籌堵剿一摺所陳賊勢軍情不為無見此時南路情形自以江浦等處為最重該大臣所稱先復滁州應援東路然後併力廬郡節節進兵固係先其所急但該大臣督師懷定之交正以嚴扼捻逆勾連之路未必遂能親往赴援昨已諭知該大臣等令提督德安統兵前赴六合救援並助德興阿調度即為應援東路之師著勝保翁同書即

遵前旨速為調撥至潛太一路昨據都興阿等奏已進克太湖自可漸規舒桐惟都興阿與李續賓馬步各軍相為輔翼勢難抽撤一軍分路進剿前諭官文的分楚軍數千繞赴北路至今未據覆奏俟其覆奏到時再當察看布置擒匪之由徐宿北竄者已經山東河南兵勇沿途截剿回竄賴毫老巢山東被陷之曹縣城武均經克復豫境亦無匪蹤所稱請飭僧格林沁撥兵駐劄大名曹州已可無

須且此時夷務尚未大定天津防兵亦難遽撤該大臣既統皖北全軍惟當與翁同書和衷協力專意進剿未可以兵單餉絀為詞坐令久稽時日將此由六百里諭令知之○熱河都統常清奏熱河道庫款支絀園內河道可否暫緩興修得旨現在雜款項下究有若干何以該道所詳暨汝所奏均無數目顯係各分彼此不以公務為重著聲明另奏來候朕酌度○命江南徐州鎮總兵官傳振邦幫

同太僕寺卿袁甲三辦理勦匪事宜○以堵
勦安徽廬州賊匪不力革副都統麟瑞職仍
留任○丁丑以

東陵蟲王廟壘著靈爽○命改為五神祠頌

御書扁額曰吉雲永護○諭軍機大臣等官文

奏調兵募勇前赴徐宿助勦一摺據稱都興

阿李續賓馬步各軍仍應由南路進攻潛舒

步步進逼惟北路空虛現已派遊擊張萬祿

為頭起糧道唐訓方為二起共帶兵勇四千

二百名前赴袁甲三軍營助勦並調普承堯

等軍由九江候調等語所籌均屬周密北路

匪眾由豐沛撲擾東豫復回蒙亳賊勢鴟張

尚未知竄撲何處袁甲三兵力單薄著官文

飭令唐訓方等各統所部迅速前進相機助

勦勿以調募需時稍稽進發至定遠情形亦

極危急都興阿等或能即抵舒城自可與勝

保等就近會商並著官文咨令妥為籌辦至

普承堯一軍如可由英霍赴援更足以分賊

勢並著斟酌調派將此由六百里諭令知之

○又諭據勝保奏稱徐廣繪現患中風懷遠

一軍統率無令請飭袁甲三趕緊前進或派

員幫辦等語已諭知瑛榮飭令新授貴州按

察使王庭蘭馳赴懷遠代徐廣繪帶兵勦匪

該員現在來京陛見途中接到行知自可趕

緊折回其未到以前著勝保即飭龍澤厚暫

行統率實力攻勦袁甲三自東豫擒匪回竄

亳州後即奏明移營前進仍赴宿州當此懷

鳳勦匪喫緊之時宿州相距不遠自應力籌

兼顧未可牽綴一處致令淮南淮北聲息不

通勝保昨奏請飭李續賓由英霍進兵規取

舒桐本日據官文奏報李續賓等軍未能分

路抽撥仍應由潛山舒桐步步進逼與勝保

大軍南北夾擊至江西吉安現已克復擬調

回兩軍以劉騰鶴一軍扼劄九江抵回李續

賓舊部兵勇以普承堯一軍派由英霍一帶

進援定遠所籌均合機宜勝保將懷鳳一帶

布置妥協督兵南下自可與楚軍會合不虞兵力之單也至前調楚軍赴援徐宿本日據官文奏報已派遊擊張萬祿帶兵一千二百名由襄入豫派唐訓方帶原部一千名並派募二千名作為二起一併赴援淮北惟此項兵勇調到需時袁甲三當就現有兵勇力圖埽蕩毋誤事機將此由六百里各諭令知之○又諭前因九江郡城克復李續賓等即日移師東下諭令王慶雲等將各該省應解湖

北軍餉查明迅速籌解本日復據官文奏楚省分道東征各軍暨江西普承堯等水陸各軍並月撥曾國藩援閩之師需餉甚鉅倍於往時而各省協撥楚省之餉解數寥寥請飭協濟等語楚省需餉甚殷雖不至如皖省之支絀然以一省兼顧江皖等省派出兵勇不少則軍食浩繁斷難獨力支持亟應速籌協濟著王慶雲恆福曾望顏仍遵前旨將各該省每月協撥楚北餉銀源源接濟俾東下各

軍毋致乏餉以利進行將此由五百里各諭令知之○山東巡撫崇恩奏出省督辦土匪勒撫兼施得旨土匪滋事雖不比捻逆猖獗然稍涉鬆勁必致釀成巨患除隨時認真勒捕外尤在各屬妥辦團練選公正紳耆素符鄉望者以督之自能弭患於未形惟不可漫無稽考官不過問俾守望之義舉徒為劣紳肥囊之具以抗糧改差聚而難散其魚肉鄉曲有甚于土匪更不可不防著查看情形妥

為布置能否一齊舉行之處勘明密奏不准先播風聲致不法之輩有所藉口○戊寅諭軍機大臣等德興阿等自退保儀徵後未據續有奏報本日據楊能格奏儀徵已于八月二十八日失守揚郡萬分危急現在函商鞠殿華前赴萬福橋調度等語當此賊勢猖獗德興阿等自應以力保揚州為要務本日已諭知胡興仁將浙江調回之總兵周天培一軍飭令徑赴揚州藉資防剿必須揚州得保

無虞乃可徐圖克復儀徵等處。德興阿等收集潰兵。現有若干。是否能成一軍。亟應先行扼定險要。以為立腳之地。前經諭令和春。續撥官兵二千名。合之孔朝彪所帶共成四千。各赴援六合。本日復諭令胡興仁將甯國軍營添募之勇二千名。一併派往六合攻剿。德興阿等退保儀揚。不能兼顧六合。而該縣城堅地險。團勇足恃。斷不可聽其失陷。此時各路援兵能解六合之圍。則挽回尚有可望。前

調德安赴江北。原為協助德興阿等調度起見。今相隔已遠。已諭令德安徑赴六合援剿矣。總兵毛三元前在三汊河駐劄。係屬揚州下游。該員素稱善戰。諒此軍尚無潰敗情事。德興阿自應調赴前敵。以遏兇鋒。較之收集潰兵。當為得力。其糧臺軍火。既經楊能格奏稱。分移裏下河一帶。著即添造軍械。妥為保護。以資接濟。將此由六百里加緊諭知德興阿。鞠殿華。並傳諭楊能格知之。○又諭勝保。

翁同書奏。江北大局決裂。派兵馳赴天長扼剿。並以後路有警。勝保未能親赴。來安截擊。各等語。江北自浦口失守後。德興阿等退保儀徵。本日疊據邵際。庾長。楊能格等奏報。儀徵。天長。相繼失守。揚州危急。勝保等諒已續經探悉。該大臣等。急須攻復廬州。仍應兼顧懷鳳。於東路攻剿。自覺鞭長莫及。現既派馬隊馳赴天長。亦足以分賊勢。惟此時六合一縣被圍日久。溫紹原素得民心。尚能嬰城固

守。但使此城得保無虞。則規復儀徵等處。尚易措手。所有勝保等派出之莫爾賚阿馬隊。著即飭令迅速統帶啟程。前往六合援剿。前因德興阿病重。鞠殿華受傷。諭令傳知德安。帶兵前赴浦口。幫同德興阿等調度一切。此時德興阿等遠駐儀徵。未能與之會合。德安著即帶兵迅速前赴六合。會同莫爾賚阿所帶馬隊力解城圍。總須于有賊之處認真擊剿。毋許觀望不前。致滋貽誤。勝保另片奏袁

甲三奏報豐縣收復日期與該大臣所聞不符。豐縣賊匪據袁甲三奏稱。因聞官兵大至。棄城逃遁。於初十日將縣城收復。既據勝保奏。收復日期不符。已諭令袁甲三明白覆奏。矣。值此時事多艱。該大臣等共辦一事。惟應和衷共濟。以期稍舒朕憂。不得以小嫌細故。動輒爭執。致誤緊要機宜。將此由六百里諭令知之。○又諭。前因浦口大營失陷。南岸援兵先後潰敗。當經諭令和春添派官兵二千名。連前派孔朝彪所帶官兵合成四千名。前往救援。本日據該大臣奏。江北危迫情形。未見續派援兵。自係尚未接奉前旨。現在天長儀徵相繼失守。江北各屬已有勒不勝勒之勢。德興阿。鞠殿華現擬扼劉萬福橋。祇能力顧揚州。勢不能再援六合。而六合堅城中峙。經溫紹原等激勵練勇。保守數年。一旦有失。則民心愈怯。賊匪益無忌憚。本日復據胡興仁奏。稱甯國軍營現募勇二千名。咨明鄭魁

士。選派將弁帶赴六合。並由浙江籌撥餉銀一萬兩解往等語。鄭魁士能否親往。此項新募之勇。能否得力。均未可定。必須有官兵為之領率。始能有濟。著和春仍遵前旨。速撥官兵二千名。協同此項勇丁。徑赴六合。務使危城得保。然後可徐圖進剿。此時惟有上保六合。下顧揚州。為要緊關鍵。浙江調回之周天培一軍。已諭令胡興仁飭令徑赴揚州。隨同德興阿等進剿。以為圖復儀徵之計。該大臣即飭知鄭魁士。無論是否親往。總以速援六合為要。至江北失事以後。金陵賊援益眾。雖屢經擊退。仍當實力堵剿。不可稍存大意。將此由六百里加緊諭令知之。○又諭。本日據邵燦。庚長奏。清淮防剿喫重。軍餉支絀。請飭東省迅速撥兵助餉。各一摺。臨淮之賊既思下竄。浦營失陷後。六合被圍。天長儀徵相繼失守。該處距蔣壩高寶甚近。防不勝防。邵燦派副將鶴齡等帶兵擇要設防。扼守淮安舊

城並庚長所等團練勸捐等事布置均尚周妥。清淮為北路咽喉。關繫至重。亟須以重兵堵剿。方免震動全局。山東自擒匪竄回老巢後。餘匪業已肅清。且距清江較近。著崇恩迅撥精兵一二十名。派得力將弁管帶馳赴清江。交邵燦等酌量調遣。以固北路藩籬。毋稍延緩。至清江軍餉。萬分支絀。添兵必須籌餉。並著崇恩迅速撥銀五六萬兩。委員解赴清江。以濟要需。將此由六百里各諭令知之。○

又諭胡興仁奏飛調援浙兵勇赴六合助剿一摺。援浙之周天培一軍。據稱業由該撫咨催由福建馳赴六合助剿。惟由建陽折回道。路較遠。恐其緩不濟急。現在天長儀徵亦相繼失陷。揚州萬分危急。該處為北路屏蔽。並無重兵扼守。著胡興仁即飛咨周天培帶領兵勇徑赴揚州助剿。先將郡城保護。然後再圖攻復儀徵。至所稱鄧紹良鄧魁士招募生力勇二千名前赴六合。因恐新募之勇未經

戰陣。本日已諭知和春。令其添派官兵同往。鄭魁士能否親往。並諭和春酌辦。如能將甯營舊勇調赴。而以新勇留于甯營。尤能得力。即著咨商鄧紹良等。妥速辦理。其由浙省籌銀一萬兩之處。並著該撫迅速解往。交鄭魁士給發。以資接濟。周天培兵勇口糧。到揚後恐有不繼。並著該撫寬為籌備。攜帶前往。毋令缺乏。將此由六百里諭令知之。○內務府奏現在庫款支絀。地安門樓房工程可否令

欠交關稅之郎中文勳等認修。得旨著派全慶肅順迅速詳勘具奏。所估錢糧未免過多。斷不准為欠員捐少報多。冀圖多免成數地步。○直隸總督慶祺奏永定河秋汛安瀾報聞。○以辦理江南實應等處團練出力。賞同知劉瑜花翎。○予江南江甯陣亡千總郭俊旁祀總胡光啟祭葬世職。○予安徽東流陣亡千總王永發張占元歐陽春祀總鄧春廷。○外委郭仁鳳瞿文德鄧義和季良才祭葬世

職○已卯諭軍機大臣等前因桂良等奏會
商夷務大概辦法並何桂清奏免稅開禁均
于夷酋無涉等語已于各摺片內嚴切批示
並諭知何桂清當力持定見即或稍為變通
亦須將窒礙之處詳細陳明不可自出己見
桂良等接奉批諭自當確遵初定辦法乃本
日據惠親王等呈遞桂良等所致信函竟云
免稅無裨大局弛禁之說亦屬無裨其駐京
一節已有端倪入江一節頗難挽回惟有不
准其將內地貨物即在內地販運該夷無利
可圖其念可息等語朕披覽之下深為詫異
何桂清以關稅接濟軍餉為慮雖屬可原然
業經接奉寄諭殊批諄諄告誡已不應再有
異議況桂良等奉命而出宜如何恪遵諭旨
力籌辦法乃尚未與夷酋會晤意已游移是
何意見且免稅即有窒礙亦應條分縷晰詳
細陳明請旨何得遽改辦法况既准其入江
安能禁其將內地貨物在內地販運桂良等

前在天津濫允該夷要求至有今日補救之
事若再苟且了事不為一勞永逸之計日後
夷患疊起即將桂良等從重治罪於國事何
補至免稅一節據云夷商所樂而夷酋並不
知感既有益於夷商豈有夷酋不樂之理此
次在天津請戶部堂官前往上海議定稅則
豈非夷酋之意况此時欲收華商之稅原以
補償所免夷稅若如桂良等所擬辦法又何
必規此小利而冒不韙之名後患仍屬無窮
彼時悔之無及著桂良等再行悉心妥籌如
欲另議辦法能否一勞永逸日後保無夷患
苟非確有把握朕亦斷難俯允仍當恪遵原
議並細譯疊次批示祇可稍為變通不可更
改大局並不准如前在天津擅自應許僅以
從重治罪四字為塞責地步○將此由六
百里諭知桂良花沙納何桂清並傳諭明善
段承實知之○添設黑龍江馬甲一千名從
署河南巡撫瑛榮請也○撥山海關稅銀一

萬五千兩充直隸防兵經費○庚辰諭內閣前因天津修築礮臺經欽差大臣僧格林沁等飭令順天直隸各州縣採辦樹株以供椿柵各用茲據御史孟傳金奏各屬採辦樹株騷擾過甚並有倡勒科派挖墳墓傾圮房屋諸弊礮臺之設本以衛民若如該御史所奏官吏藉端生事因公濟私轉以病民殊失綏靖閭閻之道著僧格林沁慶祺等嚴行查察如有委員及文武員弁借採辦為名刁難

抑勒擾累地方者即著從嚴叅辦其民間呈控有案者即為理直毋得徇隱屬員致妨民業○諭軍機大臣等德興阿奏收集潰兵移劄五臺山一摺天長儀徵相繼失陷此時維持北路大局自以力保揚城為要現在收集潰散兵勇三千餘名暫令休息俟揚城一帶布置定妥仍當激勵兵勇恢復儀徵等縣為進取之計不得株守揚州致逆賊知我虛怯更肆鴟張六合孤城被困雖溫紹原素得民

心暫堪固守若日久無援亦恐力竭失陷本日據德興阿奏和春調回此項援師有六千餘名之多著即飛咨和春知照周天培等帶兵各員分半救援六合分半馳赴揚州協同德興阿攻剿兩處兼顧不致疏虞將此由六百里諭令知之○又諭翁同書奏募兵不能得力請飭直隸省挑選精兵一千名赴皖聽調等語現在皖省南北兩路賊捻俱熾自應汰除疲兵添益勁旅以資攻剿惟山東曹單

等處甫經解圍而土匪蜂起尚煩兵力埽蕩昨因清淮告警命調山東兵一二千名前赴江蘇尚未知能否如數撥往直隸與山東交界地方亦須防範所有正定大名鎮標各兵斷不能遠赴皖省轉致北地空虛前據官文奏李續賓等軍仍由潛山舒桐步步進逼當可與勝保大軍會合又江西吉安業已克復普承堯一軍亦由英霍一帶進援定遠皖省得此兩路官兵當可分投勦辦此外各路現

俱無兵可撥至所請飭催山東省地丁銀兩及山陝月撥餉銀已諭知各該撫趕緊籌解矣將此由六百里諭令知之○又諭據翁同書奏寇氛日熾餉需不繼請飭催軍餉等語現在安徽南路賊勢披猖北路捻匪充斥分兵防堵籌餉維艱自係實在情形著崇恩速將部撥地丁銀五萬如數趕解並著恆福曾望顏仍按月籌撥銀二萬兩解至翁同書軍營以濟要需毋稍遲誤將此由五百里各諭令知之○又諭曾國藩奏請飭四川協解餉銀等語曾國藩援閩之師駐劄江西弋陽攻克安仁兵勇雲集除湖南湖北江西每月各協濟餉銀外尚不敷銀二萬餘兩現擬由瀘溪入雲際關進勦延邵該省餉項支絀無款可籌著王慶雲按月協解餉銀二萬兩由蜀江運至湖北轉解該侍郎軍營江西全省肅清數月後如可就近籌濟即可毋庸續解將此由六百里各諭令知之○又諭前調赴通

州駐劄之察哈爾官兵經僧格林沁挑留一千名其餘一千名同屯駐南苑之察哈爾兵一千撤回歸伍著慶昫仍將此項撤回兵二千名備齊軍械馬匹駐劄張家口外聽候調遣將此諭令知之○閩浙總督慶端奏收復建陽縣城報聞○以署兵部左侍郎陳孚恩署禮部尚書兵部尚書朱鳳標兼署工部尚書理藩院右侍郎書元署戶部右侍郎兼管錢法堂事務兵部左侍郎載堪兼署禮部右侍郎光祿寺卿載肅署兵部右侍郎通政使司通政使奎章署工部左侍郎○以成郡王載銳署正白旗滿洲都統正藍旗滿洲副都統伊勒東阿署右翼前鋒統領正白旗蒙古副都統載代署鑲黃旗護軍統領鑲藍旗漢軍副都統繼善署鑲紅旗護軍統領鑲白旗蒙古副都統福齡署鑲黃旗滿洲副都統正白旗漢軍副都統連成暫署鑲黃旗漢軍副都統正白旗滿洲副都統文清二等侍衛廣

林均署正黃旗滿洲副都統○以理藩院尚書肅順為繙譯鄉試正考官翰林院侍讀學士清安為副考官○以克復江西安仁縣城賞道員張運蘭已圖魯名號餘升擢有差予陣亡知縣劉本傑千總周玉田祭葬世職○辛巳諭內閣滿慶奏查明噶阿齊圖呼圖克圖堪以辦理工上事務一摺前世達賴喇嘛涅槃後噶阿齊圖呼圖克圖辦理工上事務甚屬妥協著照所請商上事務著噶阿齊圖呼圖克圖敬謹辦理現在達賴喇嘛之呼畢勒罕尚未及歲著該呼圖克圖留心照管○又諭官文等奏官兵克復潛山縣城攻破石簪賊壘分兵進剿一摺逆匪屯聚潛山縣城及懷甯縣屬之石簪鎮地方都興阿李續賓分路進剿副將趙克彰等進至縣城北門外之彭法山該逆蜂擁來撲副將何紹彩等左右抄出署知縣胡履坦率團練相助各營乘勢攻壘計破七座殲賊共二千餘名

該逆乘夜遁去克復縣城翼長多隆阿等進圍石簪該逆見大兵紛至悉力抵禦總兵鮑超力攻雷公埠拋擲火器各勇奮呼而入盡斃賊多隆阿亦攻破上石簪西北賊壘殲除殆盡勒辦尚屬得手著都興阿等即聯絡水師進攻安慶並力擣桐城迅殄賊氛○諭軍機大臣等玉明等奏夷船駛入河口旋即退去嚴加防範一摺據稱奉天沒溝營河口八月二十七日有艇船停泊一隻載有夷人

多名詢係往朝鮮貿易阻風進口業經玉明等飭令防守尉及知縣等督帶兵勇防堵不令該夷登岸並調蓋州官兵馳赴該處相機協防現在該夷船隻業已駛去辦理尚屬妥協惟該夷停泊時既上桅瞭望難保不窺伺地方虛實以後儘再有夷船進口仍著玉明等派員善為開導毋啟釁端並嚴禁接濟食物令其迅速駛回一面仍添備官兵並飭沿海地方員弁實力嚴防毋稍鬆懈將此諭令

知之○又諭勝保等奏南北軍情並緊分籌堵剿一摺現在皖省南路逆蹤方張北路捻氛復熾加以東面天長既失盱眙為我軍通餉之路不容再有疏虞該大臣業派保英等帶兵會合莫爾賚阿馬隊赴天長迎頭截剿並經翁同書添派兵勇飭副將惠成帶赴明光鎮扼剿此時總宜力護餉道勿令阻梗並嚴堵懷遠免令蔓延勝保等兵力雖難兼顧惟須探明有賊之處向前迎擊龍澤厚一軍

在渦河挫敗本應將該總兵及帶兵各員弁治以應得之罪姑念潰軍由于缺餉免予懲辦著勝保等飭其勉圖後效以贖前愆僅再不知愧奮即著從嚴叅辦將此由六百里諭令知之○調任河南巡撫恆福奏請陞見得旨著毋庸來見迅赴豫撫新任抵省後將地方一切情形及防堵機宜詳細具奏○以署禮部左侍郎潘曾瑩為工部左侍郎都察院左副都御史程庭樑署禮部左侍郎○賞工

部左侍郎杜翰戶部右侍郎杜翹銀四百兩辦理伊母喪事○予安徽潛山陣亡把總熊士正外委周興文張得金劉寶賢祭葬世職○壬午遣官祭

都城隍之神○諭軍機大臣等明誼奏俄夷互換文憑照舊通商一摺塔爾巴哈台焚燒夷園一案經明誼等疊次開導用茶箱貼補分年賠償現已互換文憑通商和好辦理尚為妥協所有一切籌備貼補各事宜並所定條約即著照議辦理令該夷即速帶兵離卡以安民心至伊犁委員哈布齊賢等熟悉夷性隨同辦理此案已閱數年尚屬著有微勞著明誼咨會扎拉芬奏酌量保奏候朕施恩將此諭令知之○又諭本日據德興阿奏賊陷揚州退扼萬福橋又據楊能格奏兵勇潰散江北益加危急各摺片覽奏實堪憤懣德興阿收集潰兵移剿五臺山方冀其重振軍威力圖儀徵等處為進取之計乃天長之賊

直奔揚州初三日攻破郡城據楊能格奏報
情形縱火之賊數止七八十人而各路兵勇
望風潰散是德興阿自浦營失陷之後已不
能成軍現在退守邵伯揚州南路已屬空虛
深恐賊匪渡江而高郵又有賊蹤設再有疏
虞北路亦不堪設想德興阿現尚患病鞠殿
華受傷未愈本日已降旨令總兵毛三元幫
辦軍務該總兵即協同德興阿加意整頓申
明軍律扼軍設防以遏賊匪北竄為要現已

諭勝保撥兵徑赴揚州以助德興阿等兵力
復命和春帶兵駐劄鎮江派兵北渡為攻取
揚州地步所有調回援浙之周天培所帶官
兵仍諭和春分半救援六合分半攻取揚州
俟該官兵到後即由和春調度或親自督帶
過江攻勦揚州屆時德興阿等務當會合夾
攻以圖恢復楊能格現在裏下河所有該處
糧臺著妥為保護勿許疏失將此由六百里
加緊諭知德興阿鞠殿華毛三元並傳諭楊

能格知之○又諭本日據德興阿奏揚州失
陷退劄邵伯埭另股賊匪又向高郵竄撲各
情不圖江北各軍挫敗至此覽奏曷勝憤懣
已降旨令毛三元幫辦德興阿軍務仍責令
該大臣等力扼北竄俟援軍到齊即圖進取
惟軍心渙散賊蹤愈張德興阿等退守邵伯
已在揚州北路而南路無兵扼守恐該逆復
擾瓜州即鎮江亦屬可危金山峙立江心尤
為扼要之地雖據德興阿前奏瓜州有副將

鞠耀乾督帶師船駐守並有和春所謂黃彬
師船駐泊鎮江恐尚不足以資遏截萬一瓜
鎮有失則前功盡棄實屬不堪設想著和春
暫將金陵攻勦事宜交張國樞妥為調度該
大臣即酌帶官兵前赴鎮江駐劄就近調遣
水營戰艦嚴扼金山並另派勁兵渡江駐劄
瓜州勿令揚城逆賊南竄俟由浙調回之周
天培各軍到後即照前諭分撥一半救援六
合其餘一半和春即可督帶渡江攻復揚州

此外另諭勝保撥兵赴揚。以助德興阿等保守北路。屆時即可為南北合攻之計。何桂清前赴蘇州會辦夷務。現在賊勢猖獗。急應折回常州。藉資彈壓。俟和春渡江。即著該督移劉鎮江。以資控馭。至揚州失陷。在城文武如何下落。並著查明具奏。將此由六百里各諭令知之。○又諭。前因清淮防剿喫重。諭令崇恩撥兵一二千名。派赴清江。交邵燦等調遣。本日據德興阿奏。揚州府城已被天長逆匪

攻陷。另股又撲向高郵。儻該州有失。則邵伯前後皆賊。清淮道路隔斷。賊可直竄清江。關入東省等語。現在德興阿駐劄邵伯。所集潰兵。節節退避。邵伯以西之陳家溝等處地方。亦有賊蹤。清江相距不遠。情形愈增喫緊。必須重兵堵剿。以杜北竄。所有山東派赴清江之兵。如尚未啟程。著崇恩迅派得力將弁。管帶飛速前往。以便邵燦等趕緊布置。援應高郵一帶。如兵力尚屬不敷。即著邵燦。康長。與

袁甲三。伊興額等。函商如徐州兵可以分撥。即當先其所急。派赴清江。協同防剿。儻徐州亦形喫緊。自可毋庸勉強。邵燦等惟當撥兵擇要設防。為高郵邵伯後路策應。並嚴扼清淮。以固北路藩籬。將此由六百里加緊各諭令知之。○又諭。勝保等前以儀徵天長相繼失陷。分派莫爾賚阿馬隊馳往攻剿。當以六合孤危。諭令赴援。昨又據勝保等奏。續派保英等帶兵前赴天長截剿。翁同書亦添派兵

勇。飭副將惠成帶赴明光鎮。扼劉原以力護盱眙餉道。並救援東路。起見。本日據德興阿奏。揚州已於初三日失守。德興阿退劄邵伯。而高郵迤西及邵伯之陳家溝等處。均有賊蹤。北路情形更形喫緊。該處收集潰兵。見賊即逃。斷不足恃。著勝保等即飭前派各兵。繞至揚州萬福橋一帶。以助德興阿兵力。至南路空虛。現命和春帶兵馳往鎮江。扼要調度。俟援浙各兵調回。即可與勝保派往之兵南

北合勒現在勝保等既無暇攻勒廬州惟有酌分兵力以助揚州亦於大局有益至六合孤城存亡未卜仍著德安馳往援救和春所撥兵勇到後兵力亦不為單薄並著勝保就近調度將此由六百里加緊諭令知之○命協辦大學士柏俊為大學士官兵部事協辦大學士翁心存為大學士官戶部事官文以湖廣總督協辦大學士周祖培以吏部尚書協辦大學士○調禮部尚書瑞麟為戶部尚書未到任前以工部尚書文彩兼署理藩院尚書肅順為禮部尚書並管理藩院事兵部尚書朱鳳標為戶部尚書以刑部尚書趙光兼署工部尚書署禮部尚書陳孚恩為兵部尚書仍兼署禮部尚書都察院左都御史瑞常為理藩院尚書馬蘭鎮總兵官綿森為都察院左都御史調署兵部右侍郎李維翰署兵部左侍郎以前任宗人府府丞梁瀚署兵部右侍郎○以哈密辦事大臣存誠為馬蘭

鎮總兵官兼管內務府大臣賞二等侍衛多慧頭等侍衛為哈密辦事大臣○命直隸大名鎮總兵官毛三元幫辦欽差大臣德興阿軍務○以江蘇揚州府城被賊竄陷革欽差大臣德興阿騎都尉世職拔總兵官鞠殿華花翎

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百六十三

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百六十四

宣統元年正月十五日清廷奉旨太子太傅上書禮部傳文淵閣閣事翰林院掌院學士楊家駟奉旨諭旨傳文淵閣閣事

宣統元年正月十五日清廷奉旨太子太傅上書禮部傳文淵閣閣事翰林院掌院學士楊家駟奉旨諭旨傳文淵閣閣事

宣統元年正月十五日清廷奉旨太子太傅上書禮部傳文淵閣閣事翰林院掌院學士楊家駟奉旨諭旨傳文淵閣閣事

宣統元年正月十五日清廷奉旨太子太傅上書禮部傳文淵閣閣事翰林院掌院學士楊家駟奉旨諭旨傳文淵閣閣事

宣統元年正月十五日清廷奉旨太子太傅上書禮部傳文淵閣閣事翰林院掌院學士楊家駟奉旨諭旨傳文淵閣閣事

教修

咸豐八年戊午九月癸未

上詣

大高殿行禮○還宮○詣乾清宮東暖閣○

仁宗睿皇帝聖容前行禮○諭軍機大臣等○八

月間擒匪由豐縣竄擾東省曹單等處均因

民團協力得以即時擊退該匪由東竄豫復

以團練整齊退回蒙亳是辦理團練以助兵

力之不足實屬著有成效此時皖北賊氛延

蔓儀徵天長揚州各郡縣相繼失守高寶均

已震動北路籌防極關緊要亦未能遽議徵

調致滋擾累惟有聯絡民心使之固結不解

則內匪無由竊發即外匪無可窺伺直隸省

南路各屬與山東河南兩省在在毗連尤應

未雨綢繆以期有備無患著慶祺督飭所屬

文武商同各該地方公正紳士將應行團練

各事宜實力籌辦毋得有名無實儻地方官

有陽奉陰違不肯認真勸辦或藉端騷擾以

致民人解體者即著從嚴參奏其能盡心勸

諭及紳民人等實能捐貲出力者准其隨時

保奏並著妥速舉行不得稍涉延緩將此諭

令知之○又諭昨因德興阿奏揚州失守清

淮喫重諭令邵燦庚長函商袁甲三等酌撥

徐州兵勇協力防剿本日據趙德輟奏請添

調精兵防賊南竄鎮江北竄淮揚等語自係

未知揚州失事之信現在鎮江一路已諭令

和春親往調度並派兵渡江攻取揚州諒該

大臣等接奉諭旨自能妥籌布置以遏南竄

惟清淮一帶實屬空虛各路帶兵大員均有

鞭長莫及之勢。清江淮安北路要衝。即該漕督等之責。所有漕河兩標官兵。及清江所募練勇。急應挑選精銳。擇要布置。近防不如遠。勤。總期力扼高郵邵伯。庶清淮可保無虞。至揚州兵力。尚嫌單薄。昨諭勝保。仍飭德安往援六合。而令派往天長之保英等。所帶兵勇。繞赴萬福橋。助德興阿等防剿。其浙江調回之周天培等軍。約六千餘名。亦令分半赴援六合。以一半助攻揚州。但恐緩不濟急。著袁

甲三傳諭傅振邦。即行選帶精兵。馳往邵伯一帶。力扼要衝。與鞠殿華。毛三元等協力進攻。迅圖規復。前諭調山東兵一二千名。馳赴清江。本日已諭崇恩。迅速派往。即歸傅振邦統帶。至徐州剿匪。應須武職大員。即著袁甲三於得力將領中。酌派一員。督率進剿。毋任遲延。將此由六百里各諭令知之。○以鑲紅旗滿洲副都統景廉。署正紅旗滿洲副都統。○以湖北蘄州等處剿賊出力。賞都司陳道

富守備宋長生。陳道念。楊芳桂。胡在位。曾鎮國。陳新泰等。花翎。千總。劉金田等。藍翎。餘升擢加銜有差。○甲申。以恭送

孝賢純皇后

孝儀純皇后

仁宗睿皇帝

孝淑睿皇后

孝和睿皇后

宣宗成皇帝

孝穆成皇后

孝慎成皇后

孝全成皇后

冊

寶

仁宗睿皇帝聖容

宣宗成皇帝實錄

聖訓。遵藏盛京。

上詣

太廟行禮畢詣東華門外

彩棚前行禮○遣官祭

歷代帝王廟○諭軍機大臣等。本日據桂良等奏。會商辦理情形一摺。所稱夷情詭譎。未可輕議條約。免稅不過夷商感恩。欲其罷棄全約。勢必不行等語。辦理錯謬。已於摺內批示矣。此次桂良等前往上海。與該夷會議。原欲為一勞永逸之計。前經疊次諭令遵照內定辦法。本月初七日復嚴切寄諭。桂良等接

奉歷次諭旨。自當激發天良。力圖補救。若仍毫無把握。不過希圖塞責。自問當得何罪。該夷條約。以派員駐京。內江通商。及內地遊行。賠繳兵費。始退還廣東省城。四項最為中國之害。桂良等能將此四項一概消弭。朕亦尚可曲從。若僅挽回一二件。其餘不可行之事。仍然貽患無窮。斷難允准。何桂清受朕厚恩。亦當與桂良等公同籌議。計出萬全。豈可專聽屬吏之言。自貽罪戾。至該夷照會內稱。新

安縣開礮傷人之事。前據黃宗漢奏。該縣因喚夷攻入縣城。旋為練勇擊退。並非兵勇先行啟釁。更非官與為難。羅惇衍等三人係特命辦理團練。彈壓土匪。自天津議和後。已諭該侍郎等約束練勇。勿令與夷人尋釁。儻該夷無故赴各鄉滋擾。致動百姓公忿。該紳等勢難禁止。嗣後但當各不相犯。方能永全和好。著將此意照會該夷。勿令藉口。將此由六百里密諭桂良。花沙納。何桂清。並傳諭明善。

段承實知之。○欽差大學士桂良等奏。會同兩江總督何桂清。商辦夷務情形。得旨。即使照該督之意辦結。問該督能以首領保之。是該督真有把握。朕亦無不欣允。○乙酉。上幸地安門外。詣

土地廟拈香。○御安定門外帳幄。閱兩翼八旗槍操。○幸圓明園。○諭軍機大臣等。崇恩奏。克曹二鎮官兵。未能聽袁甲三調遣等語。所稱山東省兵力本單。設再聽袁甲三調遣。

則事權不一。本省防剿愈難措手。自屬實在情形。所有兗曹二鎮官兵。設遇有袁甲三咨調之處。仍著崇恩斟酌辦理。不得遽行出境。轉致該省腹地空虛。將此由五百里諭令知之。○以山東單縣剿匪出力。賞知縣程繩武花翎。府經歷王光綬等藍翎。餘升擢有差。予陣亡教諭趙介福典史徐泰千總樊咨岳祭葬世職。○以兩翼八旗槍標認真。予前鋒統領熙拉布等議敘。賞翼長隊長章京暨弁兵等。綢疋銀兩有差。○丙戌諭軍機大臣等。前因揚州失陷。諭令勝保派兵前往德興阿軍營助剿。本日據和春奏江北軍情緊急。張國樑親統大兵六千餘名渡江勦辦。德興阿等收集潰兵。已不能自振。得此重兵相助。尚可克復揚城。茲據勝保等奏東西兩路擊賊獲勝。但兵力不敷。軍情仍屬危急。天長逆匪直撲盱眙。經營總莫爾賡阿等截擊敗回。設盱眙再有疏失。則清淮亦屬可虞。該大臣派莫

爾賡阿駐劄天長盱眙之間。即飭該營總速行進剿。籌復天長。至前命勝保撥兵繞往揚州。如道路難通。兵少未能深入。則揚州既有張國樑重兵前往。勝保等又須兼顧定遠。未可偏重東路。即以莫爾賡阿一軍進剿東路。毋庸再行分兵赴揚。前調湖南四川官兵。現據王慶雲奏已遵撥一千名。派副將成興統帶。於九月初二日啟程。湖南省尚未奏到。至六合孤城被圍日久。浙中調回周天培等所帶兵勇。深恐緩不濟急。前諭勝保等派令德安統兵往援。即著飭令迅速前進。實力援應。不得稍涉遲誤。袁甲三現駐宿南。務與勝保等和衷共濟。南北夾擊。以免拾匪再圖北犯。前諭飭令傅振邦前赴清淮。並令崇恩撥兵一二千名。交該總兵統帶助剿。此時天長賊匪圖撲竄寶應。是邵伯後路已不免有賊蹤。清淮萬分危急。著袁甲三即飭傅振邦迅速前進迎頭截擊。勿使賊氛蔓延。所撥山東官

兵並著飛催應調。母任遲誤。並著迎提未到馬隊馬匹。母任逗遛。將此由六百里各諭令知之。○又諭和春奏。續派重兵赴援江北一摺。覽奏深合機宜。現在揚州已失。德興阿退駐邵伯。收集潰兵。不足四千。勢難復振。得張國樑親督重兵前往援剿。揚州可望克復。此時張國樑進兵。由江南北渡。該逆自不能徑撲南岸。而浦口儀徵通江之路。正復不少。總以金山為扼要。該大臣前調黃彬。李新明師

船分泊鎮江。及石埠橋。其金山要隘。尤須有水師扼守。以為大江鎖鑰。南岸鎮江亦宜妥為布置。至六合被圍已久。若待張國樑克復揚州儀徵。再往援救。恐其力已不支。浙江調回之兵。又緩不濟急。鄭魁士既不能遽離灣汊。其所募之勇。或另派得力將領統帶赴援六合。亦可稍資策應。前命勝保。派德安帶兵救援六合。但恐安徽所撥兵力較單。此時江南大營屢次分兵。賊勢方張。該大臣等務當

通籌兼顧。毋稍疏虞。將此由六百里加緊諭令知之。○以陝甘督標中軍副將龍澤厚。為甘肅肅州鎮總兵官。○丁亥。諭軍機大臣等。本日據桂良等奏。夷務辦理棘手。非將黃宗漢撤任。並撤羅惇衍等之權。必致決裂等語。桂良等未抵上海。即將內定辦法。擅擬更改。已屬大負委任。業經嚴切批示。並疊次寄諭。乃甫經到滬。一切尚未會議。即已別生枝節。若必盡遂該夷之欲。則是中國黜陟之權。外

夷得而操之。尚復何所底止。惟桂良等既有另片奏黃宗漢之語。業經告知夷人。是以另發寄諭。將黃宗漢等所辦原委。及羅惇衍等現已停兵之處。示明。使夷人聞之。知桂良等並非誑語。以安其心。而示之信。至會議辦法。總須恪遵九月十二日諭旨。將派員駐京。內江通商。及內地遊行。賠償兵費。始還廣東省城四項。全行消弭。方可曲從所請。若如所奏。只將第一要事消弭。並於稅務中。將賠款

按年攤還。令其交還廣東省城。其餘各事。從緩想法。是仍然貽患無窮。斷不能允。桂良等既已擅允於前。又不能挽回於後。轉於前議之外。別起波瀾。何桂清身受重恩。於特命會辦之件。輒執一己之見。苟且了事。甚至有不可忍言。不敢言等語。試思利害所在。有何不可詳陳。而為此隱約之詞耶。如再不能悉心妥籌。將四項要件挽回。朕亦別無他諭。桂良等自問當得何罪。將此由六百里密諭桂良。花

沙納何桂清。並傳諭明善。段承實知之。○又諭袁甲三。奏軍情緊急。請飭催各省月撥餉銀等語。前因袁甲三糧臺缺餉。諭令山東等省。自本年六月為始。每月各撥銀二萬兩。茲據奏。河南省按月認解銀二萬兩。山東省僅解過一萬兩。現在各營口糧欠發已久。兵勇饑寒交迫。難免鼓譟之虞。情形實為緊急。山西省已解過銀二萬兩。其山東河南兩省。迄未能按期報解。未免貽誤事機。著崇恩。瑛。榮。

仍遵前旨。責成各該藩司。每月各撥銀二萬兩。解交徐州糧臺。以應急需。毋令缺乏。將此由五百里各諭令知之。○又諭據袁甲三奏。傳振邦奉調行抵濰溪。遇賊失利。現飭整頓隊伍。占定濰溪。再圖進剿等語。揚州失守以後。天長賊匪。東窺寶應。清淮一帶。情形實屬危急。昨據和春奏。張國樑業已統兵渡江。並恐南路得手。逆眾益圖北竄。著袁甲三遵照前旨。即飭傳振邦統領所部。剋日馳赴清淮。

相機迎剿。毋令賊匪得以北犯。所調山東官兵。並著催提迅速前進。至濰溪地方。亦關緊要。即著袁甲三另派得力之員。帶兵防堵。一俟淮揚軍務得有轉機。即可令傳振邦仍回徐州助剿。將此由六百里諭令知之。○命甘肅西甯鎮總兵官成明。幫辦欽差大臣德興阿軍務。○以勦捕雲南鎮雄土匪出力。賞守備張鍾祥等藍翎。參將彭陽春等。升擢有差。○戊子。諭軍機大臣等。王懿德奏。帶兵前赴。

延平。督辦防勦一摺。王懿德前因患病。給假調理。茲以病體稍痊。即於八月二十日。由省啟程。前赴延平督辦軍務。具見急公恤。覽奏欣慰。本日據慶端奏。崇安克復以後。邵武賊勢。極為窮蹙。即著該督激勵弁兵。迅籌攻克。俾全省均就肅清。至省城亦關緊要。王懿德行抵延平。接印後。慶端即著回省。周天培一軍。因江北儀揚失陷。六合被圍。疊經和春等奏。請調回援應。業經諭令速行調往。並著

王懿德飭令該總兵統率所部。迅速啟程。馳往江蘇。聽候和春。張國樑調撥。毋許遲誤。將此由六百里諭令知之。○又諭。前因懷鳳軍情喫緊。徐廣縉猝患中風。因念貴州臬司王庭蘭在籍辦團。尚為得力。曾經勝保等保奏。是以令其暫緩陞見。折赴懷遠。統率徐廣縉所帶各軍。茲據瑛榮奏。稱王庭蘭身體多病。辦理軍務。恐非所長。難資捍禦。各等語。惟該員接奉瑛榮行知。計已折回懷遠軍營。仍著

勝保就近飭令該員暫時統帶。並加察看。如果不能勝任。即著另擇膽略素優堪勝此任者。酌保一人。迅速具奏。王庭蘭俟接替有人。即著來京陞見。將此由五百里諭令知之。○以內閣學士察杭阿。兼正黃旗蒙古副都統。○予福建崇安縣禦賊殉難知縣莫自逸。祭葬世職。如知府例。並於原籍及死事地方。建立專祠。○予湖北陣亡防禦根倫。守備成貴。千總訥蘇肯。科卜托利。把總哈卜奇賢。祭葬

世職。○己丑。命西安將軍托明阿。來京陞見。○以克復福建武平縣城。暨防守永定縣城出力。予知縣陳汝枚。葉鏡江等。升敘有差。○以懦怯無能。革甯古塔副都統富春職。○緩徵陝西吳堡縣被雹村莊本年額賦。賑貧民一月口糧。○庚寅。以蝗不為災。頒湖南劉猛將軍廟

御書扁額。曰嘉穀蒙庥。○諭內閣。胡興仁奏。請將畏縮取巧之副將及藉端訛詐之都司。從

嚴懲辦等語。浙江署處州鎮總兵金華協副將福昇。藉防堵龍泉西路為名。先行離郡。以致兵散民空。處州失守。實屬取巧。著先行革職。仍飭令隨營差遣。以觀後效。署永康縣都司華金聲。既不能保守地方。於收復後。又任意派兵。以訪緝為名。誣扳富戶。致拂民情。著革職拏問。提省訊辦。以儆官邪。○諭軍機大臣等。楊能格奏軍營放餉。仍應造冊按名放給。以杜虛糜等語。據稱。此次大營屢潰之後。兵勇逃散傷亡。為數不少。德興阿令放全餉。隨後再行造冊。自因軍心未定。不得不從權辦理。嗣後著德興阿等。通飭各營。仍須循照舊章。將現存兵勇名數。覈實開報。以防弊混。而節虛糜。現在張國樑已統帶重兵渡江。援勦該大臣等。務當嚴飭將弁。會合南軍。圖復揚州。以贖前愆。前派總兵毛三元。成明。幫辦軍務。該總兵等。即與鞠殿華。幫同德興阿。申明紀律。重整軍威。以遏賊匪北竄為要。至楊

能格所請。在淮關稅課再撥銀十萬兩。著准其知照淮關監督。照數動撥。毋誤餉需。所請飭催山東。山西。河南。陝西等省。欠解餉銀。已諭知各該撫。源源接濟矣。將此由六百里諭知德興阿。鞠殿華。成明。毛三元。並傳諭楊能格知之。○又諭。勝保奏。德興阿自浦口失事以後。節節退避。請飭實力前創。抑或另派重臣等語。此次德興阿堵勒不力。以致兵勇潰散。儀揚等處相繼失守。一敗塗地。實所不料。因念德興阿患病。鞠殿華受傷。故僅予薄懲。責令其收集潰兵。迅圖克復。復派總兵毛三元。成明。幫辦軍務。昨據德興阿等奏稱。張國樑親督重兵。渡江赴援。已抵萬福橋。現已豫派兵勇。隨同南岸官軍。進勦邵伯等處。亦連次擊賊獲勝。該匪尚未北竄。勝保因儀揚失守。馳抵盱眙。力籌扼勦。實屬不分畛域。深合機宜。此時東路有張國樑等勦辦。一經得手。該逆勢必回竄。自應扼要堵勒。未便深入。致

西北空虛。盱眙密通天長。該大臣業經派兵攻擊。若能迅拔天長。則亦可孤六合。儀揚之賊勢。惟鳳臨擒匪。尚未剿除。廬州亦未收復。賊蹤紛竄。存在堪虞。如俞同書一軍。堪資禦侮。則勝保自應仍駐盱眙。以壯聲威。而籌攻剿。設或定遠等處。情形緊急。該大臣仍當折回策應。未可偏重東路。致有疏虞。將此由六百里諭令知之。○又諭。前因江北糧臺用款支絀。當諭河南。山東。陝西。各將應解江北協餉。按月籌濟。山西亦酌量撥解。以濟急需。茲據楊能格奏。餉源日絀。各省欠解尚多。請飭催撥解等語。現在浦口揚州先後失陷。行營軍火一空。用款日繁。而餉源日絀。支應益難。自係實在情形。著崇恩。恆福。瑛。榮。曾望顏。各將欠解江北糧臺協餉。趕緊籌解。以資接濟。毋誤要需。將此由五百里各諭令知之。○以黑龍江齊齊哈爾參領富明阿。為甯古塔副都統。○以湖南捕蝗出力。予知縣周玉衡等。

升敘有差。○以福建漳州等處辦團出力。予通判張善驥等升敘有差。○壬辰。諭內閣。前據晏端書奏。以各屬被擾。請將七年分徵收地丁錢糧完欠數目。並漕白錢糧。均免其開列比較。當併交戶部查覈具奏。茲據該部奏稱。本年三月。浙省被擾。已在下忙截數之後。該省欠數過多。已難辭催徵不力之咎。即因各屬被擾。不能催完。亦當分別辦理。該撫遽將全省新舊兩賦。均請毋庸比較分數。既為藩司開脫。處分地步。尤恐各屬恃無考覈。紛紛侵移。流弊更多。著胡興仁。迅即查明七年分徵收地丁錢糧。本年三月以後。奏銷截止以前。已未被擾各郡縣。未完數目。分晰開單。比較上三年完欠數目。速行具奏。並將本年舊賦及四五六等年帶徵舊賦。一併開列比較。隨摺補報。以杜蒙混。至浙省漕白錢糧。雖因衢州等六府屬被賊滋擾。准予展緩。而實在應徵及完欠數目。仍當確切查明。同未經

展緩地方開列比較。何得概免比較。致與成案不符。並著胡興仁。將七年起運漕白錢糧。奏銷截止以前。分別已未被擾州縣。緩徵及完欠數目。比較上三年完欠分數具奏。其本年應徵帶徵錢糧。一併開列。以昭覈實。而免侵那。○又諭。前據李鈞等奏。運河挑工。請全用實銀。以資趕辦。當交戶部議奏。茲據奏稱。東省運河工需。例價已有五成實銀。其津貼之款。如動七年前商息。照例銀鈔搭放。各該廳果能覈實支發。毫無侵蝕。必可有贏無絀。何得仍以不敷為詞。率請全用實銀。李鈞等所奏。著毋庸議。至現在運道梗阻。來年是否分成河運。尚在未定。並著該河督將辦理河運。擬挑淤墊之處。暫停挑辦。以節糜費。○又諭。官文等奏。克復桐城一摺。官軍自攻克潛山縣城。及石簪賊壘之後。李續賓督軍進攻桐城。九月初一。等日。派令副將趙克彰等。各營先後繼進。至城外五里墩。賊眾萬餘。分

路來撲。官軍分投衝擊。立斃悍賊多名。生擒賊目劉清桂等。二十三名。初四日。賊復由西門出撲。趙克彰等整隊迎擊。賊分大股潛出。包抄李續賓親率後隊。各營突前迎勦。賊大驚潰。兵勇奮力衝殺。斃賊二千餘名。官軍遂薄城下。乘夜進攻。賊遂開門分竄。趙克彰等。伏兵齊起。前後夾擊。殺賊無算。當於初七日。收復縣城。安徽桐城縣地方險要。被賊盤踞數年。此次進攻克復。迅速辦理。尚屬得手。仍

著官文。飭令李續賓等督率各軍。以次進克舒城等處。埽蕩逆氛。○改鑄湖南祁陽縣知縣印信。從巡撫駱秉章請也。○以克復安徽桐城縣城。賞副將朱希廣。巴圖魯名號。都司饒萬福。花翎。副將趙克彰。以總兵官用。餘升擢有差。子陣亡。把總賀宏勝。外委彭福清。夏鵬程。祭葬。世職加等。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十四

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十五

教修

咸豐八年戊午九月癸巳諭軍機大臣等胡

興仁奏請於饒郡駐劄重兵以重三省邊防
等語。饒州為皖南浙江福建等省邊防重地。
現在福建省邵武一城尚為賊踞九龍山亦
時有土匪滋擾皖南一帶之東流建德為賊
蹤出沒之所。若以重兵扼劄饒州則皖南可
資策應。而於三省邊防均有裨益。現在江西
省吉安府城已復。全境均已肅清。惟據曾國
藩奏景德鎮尚有賊蹤。正宜移撥官兵擇要
扼劄。杜三省之竄越。即以固江西之藩籬。著

者齡酌量選派得力將弁統帶重兵前赴饒州駐劄以資防守將此由五百里諭令知之

○甲午

上御勤政殿聽政○諭內閣德興阿奏南北兩軍會同攻克揚州府城一摺逆匪竄踞揚城後屢由西北山焚掠並於黃珏橋等處出沒無常圖犯邵伯經張國樑由南岸督帶大兵渡江九月十四日夜間密諭各營挑選勇隊進攻東南兩門逆匪擁眾出撲我軍勇氣百

倍轟斃逆匪無數匪即敗退遊擊馮觀勝黃靖等帶領兵勇分路殺至各門突有騎馬悍賊由北門擁出張國樑揮令兵勇飛馬迎擊並施放檣礮連環繼進轟斃黃袍賊首五名賊隊驚亂張國樑揮令四路馬步各官軍一齊搶進鞠殿華成明富明阿等相繼追擊逆賊自相踐踏賊屍枕藉殺斃淹斃轟斃不計其數遂於九月十五日將府城克復此次賊踞揚城旬餘即行克復勦辦尚為迅速所有

在事出力人員著准其會同張國樑擇尤保奏○又諭勝保翁同書奏截勦北竄粵匪大獲勝仗一摺逆賊竄踞天長意圖北竄分股約二萬人於十二日直撲三河集經派防蔣壩道員赫特赫訥帶勇堵禦未能過河適勝保派援之副都統麟瑞等督兵馳至高橋遇賊接仗殺賊多名逆眾猶思竄渡並糾合各村匪徒肆行焚掠官軍於十三日復加痛剿蔣壩防兵亦極力轟擊賊匪大敗奔潰勝保

復督帶親軍抵三河集該逆遂悉數南遁先後殲匪五百餘名被轟斃者不計其數三河集地方業已肅清辦理尚屬得手所有在事出力員弁兵勇著勝保俟追勦竄匪淨盡彙請獎勵其蔣壩防堵出力人員並著邵燦庚長查明保奏○又諭扎拉芬奏查明回莊起釁原委請將辦理不善各員分別懲辦等語上年喀什噶爾回眾滋事既因銅廠交課苦累聚眾抗差經前任領隊大臣巴哈善派

委驍騎校巴彥察滾章京佛爾果布疊次往勘輒聽回眾飾詞草率稟覆實屬顛預巴彥察滾佛爾果布均著照議革職佛爾果布於派辦善後尚能得力著仍留該城當差以觀後效前任領隊大臣巴哈善撫防總兵伊綿阿前經降旨革職留任著俟八年無過方准開復葉爾羌參贊大臣慶英到任未久幫辦大臣固慶本無統轄之責前署領隊大臣阿克達春未經辦理銅廠均著加恩免議英吉沙爾領隊大臣烏勒欣泰雖查無畏蕙重情究屬疏於防範著交部照例議處撤任阿奇木伯克愛瑪特失守回城罪有應得念其平日尚屬急公亦無苛派陵虐情事著免其斥革以昭平允諭軍機大臣等本日據德興阿等奏揚州府城業於十五日克復張國樑帶兵由儀徵前往六合並稱高寶一帶時有賊匪由湖東犯各等語並據勝保等奏截剿天長北竄粵匪大獲勝仗逆眾悉數南遁一

摺天長竄匪直撲三河集意圖北犯經勝保督飭弁兵擊退辦理極為得手惟該逆被剿南遁設由湖內竄撲高郵寶應則清淮仍形喫重必應將天長縣城速為克復庶賊眾無由東犯即可杜其北竄現在張國樑親赴六合於儀揚等處尚可兼顧至天長地近盱眙即著勝保乘此聲威將該處賊匪痛加攻剿速復縣城無任逆賊久踞提督德安一軍據該大臣奏稱業經啟程並著飭令迅速前赴六合會同張國樑速解城圍至懷遠軍務馬頭城等處業已肅清徐廣縉病勢較減著即飭令該員會同龍澤厚妥籌攻剿並須嚴密布置毋得再有疏虞將此由六百里諭令知之○又諭本日據德興阿奏高郵寶應沿湖均有賊船恐其東竄清淮並據勝保奏賊匪竄聚三河集經蔣壩兵勇會同官軍截剿獲勝已令德興阿酌撥揚營兵勇前赴高郵一帶協同堵剿矣現在德興阿收集兵勇尚有

萬餘揚州府城業已克復張國樑已赴援六合勝保亦進攻天長自應以清淮一路為最要著邵燦等督飭在事員弁實力堵剿務使賊蹤不能過湖北路方有把握如不敷調度即飛咨德興阿將諭撥之兵迅速派撥以厚兵力傅振邦是否已抵清江前調山東官兵據崇恩奏已派兵四百名派勇六百名兼程前進儻該總兵帶兵到浦可令其暫留助剿俟逆氛漸遠再行折回徐州將此由六百里

各諭令知之○又諭慶端奏請留帶兵總兵以資鎮守等語福建漳州鎮總兵周天受雲南鶴麗鎮總兵周天培此次帶兵援閩克復各城戰功懋著該撫請留該總兵等在閩坐鎮自係為保障地方起見惟周天受一軍因皖南緊急經張芾調回防勦昨據胡興仁奏該總兵現在籌攻婺源周天培一軍因江北軍務喫緊業經飛調該總兵回至江蘇現在揚州雖已克復而浦口天長儀徵尚淪於賊

需兵甚急未便遲留現在閩省邵郡克復全境已漸肅清並有饒廷選張騰蛟林向榮等員堪資差遣已不乏人即著王懿德等妥為調度俟徽郡軍務稍鬆再令周天受回漳州鎮本任可也將此由六百里諭令知之○又諭扎拉芬奏請飭前任阿奇木伯克赴阿克蘇聽候諭旨等語前任喀什噶爾阿奇木伯克愛瑪特失守回城本日據扎拉芬奏等奏請將該員革去伯克仍留世職原屬咎有

應得因念愛瑪特平日尚知急公業經降旨從寬免其革去伯克惟據扎拉芬奏稱訪聞逆黨因恨愛瑪特疊次首告計圖報復該員既無經手未竣及交代未清等事自不必令其久處喀城以致別起釁端著裕瑞即飭愛瑪特前赴阿克蘇伊子任所將此諭令知之○署閩浙總督慶端奏報攻克邵武府城福建地方一律肅清得旨嘉獎下部議敘○河東河道總督李鈞奏報秋汛安瀾命詣

河神廟祀謝○以前任安徽巡撫福濟翰林院侍讀學士宜振為內閣學士兼禮部侍郎銜詹事府詹事成琦為都察院左副都御史大理寺少卿殷兆鏞為詹事府詹事○以克復江西吉安崇仁宜黃府縣各城賞總兵官普承堯提督銜知州俞昌會守備周惠堂等花翎兵勇盧勝發等藍翎餘加銜升敘有差予陣亡知縣韓彤文傳培峯府經歷譚汝楫千總李昌堯陳吉昌把總張其祥李瑞清外委王生義曹金品伍澤鈞等祭葬世職舉人黃秩滋張受勤武舉紀鳳翔幕友施淦賞卹如例○以克復福建浦城松溪政和崇安四縣城賞副將郭啟舉巴圖魯名號員外郎陳紳漢遊擊袁良都司周天孚文龍得守備劉兆選梁光宗謝太茂李正清楊敬業等花翎知府韓純禧等藍翎復副將林向榮職餘加銜升敘有差○以防守福建建甯延平二府城並克復建陽縣城按察使保泰下部優敘

賞知府莊煥文按察使銜章琮花翎知縣趙人成等藍翎餘加銜升敘有差○以運送伊犁軍糧出力賞伊什罕伯克買孜木雜特花翎餘升敘有差○以辦理阿克蘇軍需文案出力予員外郎國燭等升敘有差○乙未諭內閣刑部奏酌擬因瘋斃命罪名請改歸畫一等語向來因瘋連斃人命案犯係平人非一家二命者俱擬絞監候入於情實而致斃期功尊長尊屬一命另斃平人一命者向援服制之例夾籤聲請雖絞斬輕重不同而一句一免殊不平允至連斃三命內有期功尊長尊屬一命者亦俱援服制之例夾籤更覺寬縱著照該部所請嗣後此項人犯除連殺平人非一家三命或一家二命者仍照例入於情實致斃服制一命復另斃平人一命者仍照例夾籤聲請外所有因瘋致斃平人非一家二命之犯著改入緩決辦理以昭畫一而示持平其致斃期功尊長尊屬一命另斃

平人二命之犯無論是否一家俱著按律擬斬立決毋庸夾籤聲請以重人命其本年秋審案內張懷一犯即著改入緩決辦理○諭軍機大臣等本日周天受謝恩摺內有據晏端書函稱開化失守因即督兵由江山取道攔剿等語逆匪由閩回竄華埠喫緊曾經晏端書奏報嗣據李定太奏稱浙省現稱安謐已咨會周天受由江山進攻婺源是開化失守一事想係晏端書傳聞之誤衢州各屬多

與徽郡接壤而距浙江省城較遠此後軍情著張芾就近探明隨時奏報昨據慶端奏閩省失陷各城雖已克復而盜匪充斥武備亟應講求請留周天受周天培在閩坐鎮當諭以周天培仍應飭赴江蘇未能留閩如徽州軍情稍鬆可令周天受前赴漳州本任此時該總兵攻勦婺源如已得手能否飭往閩中以資鎮守著張芾斟酌情形妥籌辦理將此由六百里諭知張芾並傳諭周天受知之○

以安徽按察使張光第為布政使丁憂按察使恩錫署安徽按察使○予安徽安慶陣亡把總楊太和外委謝光富張登朝祭葬世職加等○予安徽廬州陣亡守備鄧超勝徐德勝王定國林開泰千總吳泰利把總楊得興外委胡昌信佐領常壽驍騎校豁隆武縣丞王松林等祭葬世職貢生程永祥文生張瀛監生梁超然馬甲定升等賞卹如例○丙申諭內閣朕聞各省辦理捐輸多有抑勒賄縱

情弊該管上司每於本任地方官外多派候補人員前往各屬名為勸諭捐輸實則藉端擾累甚至陵虐捐生婪索供給種種弊端多由此起向來州縣徵解錢糧原有委員督催之事至捐輸既非正項可比又無一定數目該委員等未能深知本地民情多一人干預即多一層煩擾實屬無益有損嗣後各省辦理捐輸著該督撫專責本任州縣會同該地方公正紳耆妥為勸導儻有不肖官紳苛派

把持營私舞弊。一經查出。即行從嚴叅辦。概不准任意添派委員。致滋流弊。將此通諭知之。○又諭魁玉奏請將虧短米折銀兩之佐領革職監追一摺。京口佐領瑞靈承辦米折銀兩。並不認真催解。積欠數至逾萬。並濫用銀一千九百餘兩。前經和春派員訊明。勒限賠繳。逾限半年。完不足數。實屬膽玩。瑞靈著即行革職監追。歷任掌理右司關防協領等官。未能隨時覺察。著查取職名。交部議處。○

諭軍機大臣等。各省軍營需用馬隊。盛京吉林黑龍江等處。均已無可調撥。前據瑛榮奏請於黑龍江添設餘丁。已照部議准其添設一千名。原以備緩急不時之用。朕聞各該處向多獵戶。平日練習馬上槍箭。專以打牲為業。其膽氣素壯。若招募隨征。必當可用。著玉明景瀟奕山各就地方情形酌量察看。該獵戶等如果技藝嫺熟。情願充當兵丁。即著擇其乘騎便捷槍箭有準者。挑募若干。作為餘

丁。隨時訓練。既可以備本地邊防。兼可以資他省調撥之用。若此項人等專以打牲為業。生計攸關。不願應募遠行。並著據實具奏。毋庸勉強。將此各諭令知之。○又諭昨因揚州克復。德興阿收集兵勇。已有萬餘。諭令邵燦庚長。如兵力不敷。即於揚營分撥。並諭該漕督等。儘傳振邦帶兵來浦。即暫留助剿。俟逆氛稍遠。再回徐州。本日據袁甲三奏。徐營將領乏人。傳振邦未能抽身。現在揚州已復。江北軍務稍有轉機。該總兵仍留徐宿。尚屬可行。所有山東調赴清江之兵勇一千名。係定順桂林管帶。現據邵燦等奏。睢甯宿遷捻氛復熾。擬令此項兵勇先往該處剿匪。自係移緩就急。即著邵燦等妥為調度。儘西路匪蹤已遠。而清淮尚形喫緊。再行調赴清江協同防剿。如兩路均已稍鬆。則山東本省兵力亦尚不敷。此項兵勇仍著飭回本省。不得調往他處。袁甲三請調西甯鎮兵。甘省現無可撥。

已諭知官文飭催前調唐訓方張萬祿等所帶兵勇迅赴宿州矣將此由六百里各諭令知之○又諭前據官文奏遵旨派令遊擊張萬祿帶兵一千糧道唐訓方帶勇三千繞道馳赴袁甲三軍營協同勦辦本日據袁甲三奏捻匪分路北擾雖擊敗回竄而各路喫緊兵力甚單不敷防剿附近各省又屬無可抽調需兵情形實為緊迫著官文迅即飭令張萬祿唐訓方統帶前項兵勇星馳前進繞赴

袁甲三軍營以資助剿張萬祿如現在他處一時未能即往即著將派令張萬祿管帶之鄖陽鎮兵一千名併交唐訓方管帶馳往該處協同勦辦毋稍延緩將此由六百里諭令知之○又諭袁甲三奏捻匪勢益猖獗恐其率眾西趨請飭豫省嚴密布置等語前據瑛奏奏毫東匪徒與蒙宿懷鳳各股聯絡意圖西竄飭令弁兵認真堵剿是豫省邊防業經該撫籌及惟現據袁甲三奏稱山套地方輜

糧極多自被焚掠以後賊勢益熾凡附近徐宿居民均有散給旗幟偪脅入黨之事是匪勢實形猖獗袁甲三兵力惟能嚴扼北路設匪徒悉眾西趨則歸陳均形喫重著瑛即飭前經派出之趙書升蘇克金等於東路各要隘嚴密扼守毋任完善之區復遭蹂躪仍須以勦為防隨時探明賊蹤相機進擊不得株守一隅致賊匪肆行撲擾至該撫前請飭總兵楊昌泗赴豫已據曾望顏奏稱咨令該

總兵酌帶精兵一千名或數百名剋日啟程惟到豫恐尚須時日並著瑛一面催提一面仍就現有弁兵妥為調撥毋稍貽誤將此由五百里諭令知之○又諭有人奏山西署絳州知州李汝霖辦理捐輸多方徇私並將上戶高書升業師甯柱斥革後因高書升餽送壽禮始行開復又將毛履亨鎖押四月之久串囑接署知州戈濟榮掌責衛秀峰又得受王思議等賄賂或聽其少捐或免其捐輸

復串囑捐生文修梓將伊捐項盡入私囊又將捐生曹晉廷等於州試時逐出不准考試拘傳孀婦權重俊之妻派差看押勒令捐銀各等語辦理勸捐原非得已似此抑勒賄縱擾累地衣殊堪痛恨著英桂按照所參各情逐款認真確查從嚴參辦毋稍徇隱並查上年絳州捐輸銀數該知州是否如數解司有無侵蝕一併據實具奏原摺著鈔給閱看將此諭令知之○太僕寺卿袁甲三奏通籌江

北大局請添派大員督帶重兵扼要駐劄以固北路藩籬得旨汝思此時有何大員可派不過欲將東豫邊防盡歸汝調遣必致各撫臣紛紛請旨朕總握大局實不能為爾等排解也汝自樞廷存歷京堂軍營數載一切居心之處朕已深悉○以克復貴州永從縣城並勦辦鎮遠銅仁等處苗教各匪出力賞知府黃培杰同知周夔平知州多文都司張福震朱占元守備劉文明花翎知縣饒以爵等

藍翎復參將閔雲職同知吳登甲等并擢加銜有差○丁酉諭內閣德興阿奏官軍收復儀徵縣城一摺提督張國樑克復揚州後即督率各軍拔營前進成明富明阿毛三元先後馳抵儀徵縣屬茅家橋地方該逆聞風驚懼東北兩門賊壘全撤入城張國樑飭令總兵李若珠等率領兵勇由東門北門直入並親督大隊繼進該逆望見我軍旗幟紛紛逃竄各軍奮力疾追乘勝擁入斃賊數百名轟

斃淹斃賊匪甚多奪獲槍礮器械無算救出難民千餘名遂於十七日將儀徵縣城收復張國樑援勦江北所向克捷實屬奮勇可嘉著即乘勝將六合等處賊匪一律掃除迅速奏功待膺懋賞○諭軍機大臣等前因天長竄匪直撲三河集經勝保截勦大獲勝仗曾諭該大臣乘勝進攻速復縣城本日德興阿奏張國樑等於十七日攻克儀徵現圖力解六合城圍及布置高郵湖面情形一摺張國

樑於十五日克復揚州。十七日即復儀徵。賊匪望風披靡。不難立解六合之圍。惟天長一縣。悍賊麇聚其中。勝保昨在三河獲勝。幸有蔣壩防兵夾擊。不令竄至清淮。今勝保自必遵旨進攻天長。惟兵力尚單。著通籌酌調。以期迅速奏功。至克復後。敗竄之賊。如遁入洪澤湖中。則清淮以下。必受其害。邵燦、庚長等所派兵勇。雖曾獲勝。而為數不多。該大臣務當撥兵進剿。勿令天長逆匪由湖東趨。是為

要著。將此由六百里諭令知之。以防勒福。建延平、順昌、沙縣等處賊匪出力。賞道員揭垂奎同知李鼎遊擊郭什春、黃禮鈐守備陳金臺曾濤在籍員外郎楊叔懌等花翎。同知廣裕等藍翎。參將惠壽等升敘加銜復官。有差。予江南浦口陣亡參將陳昇遊擊鄭邦俊守備瞿廷豹同知孔繼錄宣維祁知縣梁星煌布政司經歷瞿廣善從九品韓潮王克仁。沈自新祭葬世職。○戊戌諭軍機大臣等

本日據勝保奏。據六合潰勇傳說。縣城失陷。溫紹原尚無下落等語。覽奏實深憤懣。張國樑於十七日收復儀徵。即可力解六合之圍。乃據勝保傳聞。該縣於十八日寅刻失守。其時大兵自尚未趕到。候補道溫紹原守城數載。保全甚大。茲以力竭被陷。著德興阿等即查明該員如何下落。並確查失守情形。詳細具奏。儀揚雖經克復。而六合被陷。與天長江浦之賊勢成聯絡。於江北大局頗有關繫。張

國樑諒已督兵進剿。著即乘賊蹤未定。奮力攻擊。迅拔堅城。本日據胡興仁奏。周天培已赴延平。副將朱承先等管帶兵勇一千七百餘名。徑赴揚州。副將陶茂森等所帶湖南兵勇一千二百名。亦日內可到。著德興阿等俟此項兵勇到揚。即行飭赴張國樑軍營。以厚兵力。德興阿、鞠殿華仍當嚴扼揚城。及邵伯要隘。毋令賊縱北竄。將此由六百里各諭令知之。○又諭胡興仁奏賊竄婺源。延擾祁門。

石埭攻勦疊勝一摺。此次竄賊先由華埠窺伺婺源。方經官軍擊退。遽有另股從德興撲陷縣城。其竄踞景德鎮之賊。分擾祁門。不能逞志。遂復合青陽悍賊糾竄石埭。疊犯崇覺寺。黃土嶺等處。賴張芾先期布置。江長貴策應迅速。不至內犯。祁門練勇。太平民團。復能用命助勦。俾祁石兩防得就肅清。惟婺源尚為賊踞。據胡興仁奏。周天受現自閩浙率得勝之師。於本月初二日回徽。與張芾面商防

勦機宜。於青陽祁門黟縣一帶。均各添兵助防。周天受亦已督率親軍。由上溪口前進。著胡興仁張芾迅飭各軍。一面迅圖克復婺源。毋令久踞。一面嚴防該匪回竄祁門石埭等處。以期全境均臻靜謐。將此由六百里各諭令知之。○命大學士柏葰稽察欽奉上諭事件處。○以順天府府尹吳鼎昌充順天武鄉試監臨。○以江南提督和春為江甯將軍。調湖南提督張國樑為江南提督。以福建漳州

鎮總兵官周天受署湖南提督。前任浙江衢州鎮總兵官富勒興阿。為福建漳州鎮總兵官。○調江甯將軍都興阿。為荊州將軍。未到任前。以荊州左翼副都統載增署理。○以山西遼州等處團防出力。予知府鈴祥陳蘭第等獎敘。加銜有差。○以託病規避。革湖北提督德安巴圖魯名號。拔花翎。○予故荊州將軍綿洵祭葬。諡莊武。賞銀三百兩治喪。○己亥。

孝慈高皇后忌辰。遣官祭。

福陵。○諭軍機大臣等。昨據勝保奏。六合失守。當諭張國樑督兵進攻。本日據德興阿奏。接准張國樑函稱。十九日帶兵馳往陳板橋。十八日六合縣城。已被地雷轟陷。並稱溧水縣城。亦於是日失守。已帶兵渡江南去等語。張國樑援勦江北。連克儀揚。滿擬迅解六合之圍。而該城於大兵未到之先。業經被陷。該提督因溧水失守。折回南岸。自係先其所急。溧

水偏近高淳。東壩及鎮江一帶處處可虞。和春張國樑務當體察賊情。妥為布置。此時江南江北賊勢鴟張。情形俱屬喫緊。張國樑留兵二三千名。協防北岸。尚恐不敷。攻剿胡興仁。前奏副將朱承先等管帶之兵勇一千七百餘名。副將陶茂森等所帶湖南兵勇一千二百名。曾諭德興阿。飭赴張國樑軍營。現在該提督已赴江南。此項兵勇仍令馳赴揚州。由德興阿派員管帶。與張國樑留下之兵同攻六合。毋庸截留。並已諭知德興阿矣。將此由六百里加緊諭令知之。○又諭自張國樑帶兵渡江。連克儀揚。方冀即解六合城圍。昨據勝保奏六合潰勇傳說。縣城失陷。曾諭德興阿等確查情形具奏。本日該大臣奏六合不守。兵民所供略同。並有溧水復陷。張國樑已渡江南去各情。覽奏更深憤懣。六合孤城困守日久。德興阿等潰師不振。節節退守。未曾撥兵救援。及至張國樑趕到。勢已無及。今

張國樑既因南岸緊急。馳回應援。並酌留兵勇二三千名。協守北岸。總兵成明既隨同張國樑往援六合。即當督同兵勇。會合張國樑留下之兵。進攻六合。何以德興阿轉令帶隊回揚。勝保因天長被賊竄踞。親赴盱眙扼截。曾於三河集等處。剿敗蔣壩竄匪。昨已飭令迅擄天長。以顧北路。並據奏已派德安帶兵援六合矣。德興阿等挫敗後。株守邵伯。今復調回成明。又欲將張國樑所留兵二三千名防守瓜州。置六合於不問。實屬一籌莫展。昨據胡興仁奏。周天培遠在延平。未能即到。已派朱承先等帶兵勇一千七百餘名到杭。即日前赴揚州。其陶茂森等所帶兵勇一千二百名。亦日內可到。此項兵勇。本諭德興阿。飭赴張國樑軍營。今該提督已回至江南。所有朱承先等兵勇到揚。著德興阿等仍令成明帶往六合。與張國樑所留兵勇會合。將六合逆匪迅速剿除。以圖克復。稍贖前愆。如揚州

兵力尚單。可將成明前次帶往之兵。酌留一半。交德興阿布置。毛三元現在萬福橋。六關兩處。往來防禦。即可責令兼顧瓜州。若瓜揚等處。再有疏虞。恐德興阿等不能當此重咎。至南岸鎮江等處。已諭和春調度設防矣。將此由六百里加緊諭令知之。○庚子。

上詣

大高殿行禮。○還宮。○予江西東鄉縣殉難生員徐炳童生艾釗暨婦女李黃氏等旌卹如

例。○

上以孟冬時享

太廟。自是日始齋戒三日。○辛丑。

孝敬憲皇后忌辰。遣官祭

泰陵。○諭內閣。御史富稼奏請飭查水關鐵柵

一摺。據稱。正陽門東城水關鐵柵損壞。水關

洞開。殊不足以昭慎密。著步軍統領衙門查

明。將擅行開毀鐵柵人犯。嚴拏訊辦。並將各

城水關鐵柵。有無損壞情事。一併查明。迅速

具奏。○諭軍機大臣等。昨因張國樑帶兵渡江南去。諭令德興阿。仍飭成明會合張國樑所留兵勇。進攻六合。原因儀揚甫經收復。必須前路有兵截剿。庶可杜其紛竄。若但知遠避邵伯。一籌莫展。不知振作。則賊勢方張。何處不可竄越。現在鞠殿華駐守揚州。成明帶兵。會同張國樑留下之兵。進攻前路。使賊不敢再向東竄。則儀揚可保。加以浙江撥回朱承先等所帶兵勇二千九百名。如果振刷精神。申明紀律。未嘗不可轉敗為功。以贖前愆。儻仍毫無布置。則六合大股賊匪。必至仍擾儀揚。德興阿等自問當得何罪。至天長一路。雖有勝保督兵進剿。西北甘泉山一帶。地接天長。亦應嚴防竄匪。鞠殿華成明毛三元。均係幫辦大員。亦應力圖振作。儻布置未周。再有疏失。朕惟有執法從事。將德興阿等重治其罪。懍之慎之。將此由六百里加緊諭令知之。○又諭。前據勝保奏。即由盱眙進攻天長。

當經諭令嚴防該匪竄入洪澤湖中以保揚州後路諒該大臣必能遵旨籌辦昨據德興阿等奏溧水失守張國樑已帶兵渡江僅留兵二三千名協守北岸已諭德興阿等仍令成明帶兵會同張國樑留下之兵進攻六合矣惟德興阿自遭挫敗不能振作雖經撥兵分扼各隘而潰敗之兵恐不足恃現在揚州後路如清淮高寶均屬空虛儻天長賊匪由湖東趨必至蹂躪腹地雖有邵燦庚長派防兵勇亦恐力難堵遏勝保既攻克天長務須趨賊仍歸來路勿令由湖竄擾高寶清淮等處方可維持北岸大局著勝保妥籌兼顧並將攻剿情形迅速馳奏以慰廑念將此由六百里加緊諭令知之○以江蘇溧水縣城被賊竄陷革湖北宜昌鎮總兵官虎嵩林職永不敘用○壬寅諭內閣前因京師物價昂貴八旗兵丁生計維艱降旨於兵餉鐵制錢二成外加放一成至五月以後暫停搭放現在

節屆冬令物價未平恐八旗兵丁未免尚形拮据據惠親王等查明鐵錢局鼓鑄錢文新陳相接尚堪敷用著加恩自十月起至十二月止每月仍加放鐵制錢一成以示體恤○又諭前據扎拉芬泰等奏前任喀什噶爾領隊大臣文元於議給回子地畝未經開墾又未將該伯克等呈報之件據實究辦是否委員謊稟請旨查詢當經降旨令文元明白回奏茲據惇郡王奕誼等代奏據稱議給地畝因時值嚴寒未及開墾伯克愛瑪特呈報回子抗糧等事當派章京勒爾津等查辦取具回子連名甘結不敢滋事似無謊稟情弊等語回奏各情尚屬有因惟該回子於具結後旋即聚眾滋事雖在該員開缺之後究未能先事豫防文元著交部議處○諭軍機大臣等僧格林沁慶祺奏遵議提督改駐海口並酌擬加價抽釐等章程開單呈覽一摺直隸提督駐劄處所未容遽議更張而海口復設

水師極資整理。據僧格林沁等請令該提督於每年二月改駐大沽。至十月仍回古北口。自可於營務海防兩有裨益。惟現在時令已交十月。而海口善後事宜尚未告蒧。該提督自不能遠離津郡。著俟督辦礮臺等工完竣。再行奏請。來年即照所定章程按期來往。俾資兼顧。至所議鹽斤加價及設局抽釐各事宜。均著照議辦理。其添設將弁等事。仍著勘議明確。隨時具奏。將此諭令知之。○又諭寄

諭盛京將軍玉明。有人奏盛京內務府鑲黃旗驍騎校王際德擇富戶充當百總。勒索貢差壯丁折色銀兩。將戴宏毅囚禁陵虐。並與領催商安等狼狽為奸。羅致民財。遇弁兵缺出。及文武考試。均非情賄不行。物議沸騰。各等語。盛京內務府三旗額設壯丁。原為採辦方物之用。應交差項。俱有定例。若如所奏。該驍騎校苛派丁差。擅作威福。尚復成何事體。王際德著暫行解任。交玉明會同盛京刑部

提集領催商安等。按照摺內指參各款。逐層研訊。據實參奏。毋稍徇隱。原摺著鈔給閱看。將此諭令知之。○又諭。現在興辦萬年吉地工程。需用細絲黃松木植。荒料長四丈徑四尺者。其餘自長一丈至三丈者。均合應用。此項木植。現擬於熱河園場以外。多倫諾爾等處。躡躡。著慶祺即飭該地方官。詳細履勘。該處山林所產黃松。何處最為茂盛。即將山場地段迅速具奏。將來採辦時。著派委口北道

或宣化府知府。親往彈壓。稽查隱匿需索之弊。現在承辦王大臣等。擬差派商人前往採訪。恐該商人抵該處後。或有胥吏訛索情事。並飭令該地方官嚴行禁止。毋使商人裹足不前。是為至要。將此諭令知之。○以記名總兵官李續壽為湖北宜昌鎮總兵官。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十五

平康米

—

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十六

茲修總裁官照題目講起居法官太子太保上書卷總師傳文淵閣領閣事翰林院掌院學士稽察欽奉上諭事件及周文館總纂官吳其鳳

大學宮官理於部事務加十三級紀錄十四次。戶曹積善奉總裁官題議請官太子太傅文淵閣領閣事武英殿總裁官教習庶吉士性仁聞

大學管理戶部三庫事務管理刑部事務加二十三級紀錄十六次。周祖培總巡官太子少保管理內繕書房事務特引大臣軍機大臣

隸蘇州滿洲部城戶部尚書管理三庫事務加四級隨帶加五級紀錄十二次
臣寶榮現職官履謹請官弘臨殿敕旨清大補連上書房總纂

通國史館總纂官正藍旗蒙古都統拉那吉管理太倉寺鴻臚寺事務加二級單功加四級隨帶加八級紀錄五次臣倭什璉等奉

敕修

咸豐八年戊午冬十月癸卯朔享

太廟。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。

昌西陵。

慕陵。

慕東陵。○遣官祭

孝德皇后殯宮。○遣官祭

端慧皇太子園寢。○頒咸豐九年時憲書。○

諭內閣。德興阿奏。司道大員。遷延搖惑。請旨革職一摺。據稱江甯藩司楊能格。聞浦口師潰後。即從揚州開船。復由邵伯至裏下河。屢次遷移。以致居民搬徙。紛紛失所。又將軍火器械遺棄灣頭等處。實屬遇事慌張。心存畏葸。淮揚道郭沛霖。逃避出城。已有應得之咎。又妄稟官軍潰退。搖惑人心。尤屬可惡。楊能格著即革職。暫行留任。郭沛霖著先行革職。均交邵燦。度長。將德興阿所叅各款。確切查

明。據實叅奏。○又諭。胡興仁奏。甯海縣土匪戕官踞城。旋經撲滅。克復縣城一摺。浙江甯海縣地方。土匪聚眾滋事。闖入縣城。署知縣鄒全節。抵禦被戕。經署提督阿麟保等。派撥兵勇。會同紳團。奮勇迎勦。槍礮齊施。殺斃匪黨多人。該匪潰圍逃遁。又經甯波府知府張玉藻。堵截殺斃七十八人。追殺被逐落水死者。不計其數。當將縣城克復。辦理尚為妥速。在事出力文武紳團。著胡興仁擇尤保奏。候朕施恩。毋許冒濫。○予浙江甯海陣亡知縣鄒全節。祭葬世職。○甲辰。上幸圓明園。○諭軍機大臣等。桂良等奏。滬陳夷情。並辦理棘手情形一摺。總以夷人不肯罷棄條約為言。在該夷自不肯輕罷前議。原欲桂良等竭力設法。以圖補救。乃屢次奏報。於內定辦法。業已置之不論。而此次摺內。竟併駐京一節。亦有不能挽回之勢。然則朕派桂良等前往上海。又命何桂清會同商辦。豈

真專為稅則計耶。桂良等接奉疊次嚴諭。既知惶悚。尚非全無天良。不過希圖了事。不知目前兵端。固不可開。將來後患。豈可不慮。所謂以該夷之財。制該夷之命。不過徒託空言。豈能確有把握。總須將前諭四事。盡力挽回。即不能照內定辦法。亦可勉從所請。若徒事作難。必欲邀朕允許。然後將就了局。一奏塞責。試思桂良等。在津濫許該夷所求之事。據奏原思。日後挽回。若至今仍無補救。不獨無

顏對朕。其何以對天下。何桂清身任封圻。持命會辦要事。而堅執已見。竟於國計無裨。桂良等隨同附和。牢不可破。清夜捫心。亦當自愧。前據奏稱。該夷李泰國尚肯為我出力。何以此時並未見其相助說合。即前在天津所覓內綫黃姓諸人。桂良等所恃為轉圜者。何奏報中未見提及。如果似此情形。桂良等亦何所恃而輕許於前耶。至該夷欲赴漢口。尤須力為阻止。此時沿江賊船充斥。若夷船誤

被損傷。中國豈能任咎。若因夷船經過。而我水師停兵相讓。設或賊船跟蹤直上。豈不攪我長江大局。該夷既真心和好。豈有不可理諭。著桂良等。剴切止之。為要。疊次批示之後。本已無可再諭。朕不惜諄諄告戒。尚冀桂良等盡一分心力。即為天下消一分禍害。桂良等受恩深重。身在局中。責有攸歸。朕不能再為曲諒也。將此由六百里密諭桂良。花沙納。何

桂清。並傳諭明善。段承實。知之。○又諭。本日據勝保奏。懷遠逆匪。時圖出撲。請派大員赴潁。專司勦辦。或令楚軍赴正陽關。扼勦等語。懷遠搶匪。疊經官軍擊敗。仍思竄撲馬頭城。洛河街一帶。並圖竄撲壽州。勝保現須規復天長。以固東路大局。其勢自難兼顧。勦擒事宜。本係袁甲三督辦。俟唐訓方等所帶湖北兵勇四千名到徐宿一帶。即著與傅振邦。會同辦理。徐宿勦匪事宜。袁甲三即行酌帶所

部兵勇折回潁州正陽關一帶。妥籌防勦。以杜匪眾沿淮上竄。並可與翁同書聯絡聲勢。東西夾擊。本日據德安奏。業已行抵邵伯。惟該處並無兵勇可歸統帶。久留無益。著勝保即將該提督調回盱眙。令其隨同該大臣進勦。勝保所請籌撥餉需。已諭令何桂清庚長於海關鹽課項下。籌撥銀四五萬兩。並諭瑛榮將應解餉需。改道由清江等處解往矣。將此由六百里諭知勝保。翁同書。袁甲三。並傳

諭傳振邦知之。○又諭勝保奏餉需匱乏。請飭迅速籌撥。並改道運解各等語。勝保軍營餉需。前因皖省經費支絀。仍令由豫省派員辦理。隨時接濟。自勝保督兵南下。懷遠匪眾兩次撲擾馬頭城。遂致西路餉道梗阻。現雖經翁同書通融接濟。而杯水車薪。無濟於事。當此勦辦正在得手之時。豈容以餉需不繼。貽誤大局。著何桂清。庚長。即於海關鹽課項下。籌撥銀四五萬兩。委員迅速解赴勝保軍

營。以濟急需。毋稍遲緩。現在勝保由盱眙進攻天長。並著瑛榮嗣後籌解勝保軍餉。改道由徐州清江盱眙一路前進。以免延誤。將此由五百里各諭令知之。○以楚軍克復安徽舒城縣城。總兵官李續燾下部優敘。賞參將黃勝日謝永祜巴圖魯名號。均以副將用。餘升敘有差。予陣亡外委鄧益勝。楊熊。祭葬。世職。文童蔣益深。祭葬。世職。如從九品例。乙巳諭內閣。前據勝保奏。擒首李兆受。請獻滁城。

歸誠效順。當經准其免罪。並允所請。賞給三品頂帶花翎。俟立有戰功。再行保奏。茲據勝保奏。稱大兵進攻天長。李兆受分眾駐守來安。甚為出力。旋復伏兵內應。克復天長。並赴滁州。率所部丁壯歸順。自願進襲全椒。以圖報效。實能輸誠歸正。奮勇立功。自應先給官階。以示嘉獎。李兆受著更名李世忠。以參將即行補用。如續有勞績。再由勝保奏請獎。勵其部下出力頭目。著該大臣查明覈實。奏請

恩施。此後各路軍營。遇有被陷賊中。棄邪歸正者。果能立功自贖。克復城池。亦當一體施恩。以昭激勸。○諭軍機大臣等。勝保奏。官軍克復天長。並李世忠投誠出力各摺。均已明降諭旨。照所請獎勵矣。另片奏。稱懷遠擒匪。復撲馬頭城。徐廣縉等兵勇失散。與翁同書奏報懷遠擒逆。於十八日攻撲壽州。焚掠數十里。情形相同。翁同書因有賊匪竄撲定遠之信。已將派往廬州之兵。撤回定遠。並函致

勝保。撥兵援應。是尚未知龍澤厚一軍。已有挫失。現在天長已復。勝保即日折回西路。定遠當可無虞。其攻撲壽州之匪。據翁同書又稱。已向懷遠退去。其出沒靡常。尤應嚴加防範。著勝保於折回後。與翁同書妥籌堵剿。並查明徐廣縉。龍澤厚。所帶兵勇。退至何處。有無潰散情形。至楚軍已克舒城。進攻三河。相距廬州不遠。南北夾擊之機。亦不可失。李世忠既有攻襲全椒之舉。則由和州無為而下。

皆可責令設法攻拔。各該處城賊。與李世忠素相熟習者。自復不少。或設法內應。或以次進攻。但須官軍為之協助。亦未可任其獨往獨來。自成一隊也。勝保請撥江北步隊一千名。駐守天長。已諭知德興阿撥往。至該處馬隊。恐難分撥。翁同書所請酌派師船。駐泊裕溪口等處。除諭知和春。令吳全美。李德麟。分撥布置外。楊載福水師。現在圖攻安慶。蹤跡無定。如能攻剿得手。自可通融兼顧。此時尚

難抽撥。東壩應防之處。亦諭知何桂清。趙德輿。派員嚴密盤查矣。將此由六百里各諭令知之。○又諭。本日據勝保奏。請於江北軍營撥兵前赴天長。並據德興阿奏。請撥陝甘兵助剿各等語。天長賊匪。業經勝保攻剿。將縣城克復。惟因懷遠擒匪。時圖竄撲。勝保尚須親往督剿。未能久駐。該處已派遊擊保英。留兵駐守。但兵力尚單。請飭德興阿速撥步隊一千名。前赴天長。會同防守。另撥馬隊二三

百名赴勝保軍營等語。德興阿收集馬步兵為數不少。但恐馬隊無多。著即酌撥步隊一千名。派員管帶。即日前往天長。會同勝保所派遊擊保善。駐劄天長。以資防剿。至德興阿所請於陝安鎮標內挑撥精兵二三千名。赴揚調遣。現在陝甘官兵出征者多。未能再調。况屬緩不濟急。惟有浙江調回之副將朱承先等。兵勇一千七百餘名。並陶茂森等。兵勇一千一百名。即日可到揚州。此項兵勇。准

歸德興阿酌留調遣。並速籌克復六合江浦等處。以贖愆尤。所稱謀報溧水克復。咨商和春撥兵之處。如果溧水已克。江南軍營尚有餘力。亦自可分兵相助。已諭令和春等量為酌派矣。將此由六百里諭令知之。○又諭本日據翁同書奏。皖賊欲圖下竄。請飭嚴防等語。皖省巢湖水師戰艇。素稱得力。自廬城失陷。此項船隻被燬無存。現在賊踞巢縣廬州。其裕溪口。鍼魚背等處。均係出江要路。該處

並無重兵扼守。著和春即飭總兵吳全美。李德麟酌派師船。駐泊該處。以資扼守。而重江防。至東壩為下竄要隘。蘇郡係財賦之區。該賊垂涎已久。據稱賊匪於太平府之金柱關。設卡抽釐。直達東壩。深恐東壩委員。但顧抽釐。不知盤詰奸宄。並據勝保奏稱。探知賊匪已在無為州之運漕等處。擄取民船千餘隻。先用千人雜髮。扮作商賈。由西梁山徑赴太平關。直抵東壩。偷犯蘇州各等語。似此情形。

不可不嚴為之備。著何桂清趙德轍。迅即選派公正道府大員。駐守東壩。認真盤詰。如有商船形跡可疑。暗藏軍器者。立即拏獲訊究。以塞亂源。蘇州府城人煙稠密。恐有奸徒潛跡其中。並著該督撫派委幹員。於省城及許墅關等處。認真稽查。毋令賊匪潛蹤。再據德興阿奏江北須添兵勦辦。已咨和春再撥精兵二三千名。俟周天培一軍到齊。再行撥回等語。現在溧水如已克復。南岸兵力有餘。即

可移緩就急。並著和春酌量辦理。將此由六百里各諭令知之。○又諭。本日據蔣霽遠奏。鎮遠府城失守。並兵單餉缺情形一摺。貴州鎮遠府城失事。據稱。究由兵丁缺餉潰散。現在賊勢鴟張。韓超一軍進剿。尚形單薄。而各營積欠已久。所到協餉無多。實屬異常緊迫。湖南貴州。唇齒相依。著駱秉章就近添調在防官兵。派員管帶。迅速赴黔。協同該省官兵助剿。以壯聲勢。其隨營軍餉。及從前奉撥未

解各款。並著寬為籌備。一併帶往。以資接濟。將此由六百里諭令知之。○以詹事府詹事殷兆鏞。充日講起居注官。○以克復安徽天長縣城。予副將慶瑞。以總兵官用。賞道員賈臻。二品頂帶。知縣汪景度等。花翎。從九品蘇殿華等。藍翎。餘升敘有差。○追予江南六合陣亡總兵官羅玉斌。提督銜。道員溫紹原。布政使銜。知縣李守誠。知府銜。並祭葬世職。建立專祠。○丙午。

上御洞明堂。句到新疆貴州福建湖南奉天情實罪犯停決。貴州斬犯一人。福建斬犯一人。湖南斬犯六人。奉天斬犯二人。餘三十八人。予句。○諭內閣。王明奏遵旨修補紅椿。並酌辦章程一摺。

永陵照山周圍紅椿。斲朽既經。該將軍派員敬謹查勘。著即飭令該委員等。先期採辦木植。俟明歲春融。如數裁補。並按月輪派防禦一員。會同該界官常川稽查。如遇有樵採等犯。

即行查拏。究辦。並飭興京城守尉通判。按季親往巡視。加結呈報。仍著該將軍隨時派委妥員。嚴密查察。如有扶同徇隱情弊。一併從嚴叅辦。其馬爾墩嶺原設紅椿。並著一體補栽。以符舊制。○又諭。王明奏請添設堆房等語。昭陵原設堆房四處。間隔稍遠。稽查恐難周密。著照所請。再行添設堆房四處。輪派官兵巡守。以昭慎重。○又諭。王明奏盜風未靖。請設法嚴緝一摺。盛京地方。每有騎馬持械結夥。

游行之人緝捕各員。往往因訪查未確。不敢驟行拏獲。以致盜風日熾。著王明嚴飭各該旗民地方官。隨處躡訪。如遇有騎馬持械三五成羣。形跡可疑者。無論有無搶劫情事。即行盤獲解省究訊。如訊無劫竊確據。即著隨時開釋。俾免拖累。儻查有賊證明確。實係盜賊。即照例送交盛京刑部。嚴行懲辦。以靖地方而安良善。○欽差大臣大學士桂良等奏報上海軍情緊急。夷性難馴。現在商辦情形。

得旨。該督既可離滬。王有齡何不能離。明係該員事事把持。總恐他人收效。况該督司此次辦理夷務。獨存成見。不准他人入手。殊屬膽大。桂良等甘為其指使。更不可解。况此摺鋪敘粵捻各逆情形。於夷務不過寥寥數語。又未能將節經訓諭之四屬。逐款籌辦。該督此次任意之所願為。一發莫遏。是亦視朕旨若弁髦。罪有浮於耆英者。○以直隸通州協副將湯蘇為宣化鎮總兵官。○旌表守正捐

軀山東汶上縣民張汝立妻靳氏。○丁未諭內閣。崇恩奏。前任臬司。在途患病懇請回旗等語。丁憂安徽按察使恩錫。百日孝滿。本係回省辦理糧臺。現仍簡署安徽按察使。既據崇恩查明該員患病屬實。著准其暫行回京就醫。毋庸開缺。仍著該旗都統等察看。一俟病痊。即行飭令赴任。毋許逗遛。○以阿克蘇辦事大臣海樸為鑲紅旗蒙古副都統。○實授舒精阿泰甯鎮總兵官。兼總管內務府大臣。○貴

州威甯鎮總兵官懷塔布。因病解任。以江西撫標中軍參將遮克敦布為貴州威甯鎮總兵官。○以攻克安徽黃池等處出力署提督周天受總兵官傅振邦下部優敘。賞都司田宗興劉仁福巴圖魯名號。遊擊陳玉喜石玉龍守備周世興劉仁祿盛世忠等。花翎從九品沈琦等。藍翎餘升擢有差。○以河南角子山勦匪出力總兵官邱聯恩下部優敘。賞守備謝榮升花翎。把總李象安等藍翎。餘升擢

有差○以葉爾羌製造礮械出力予守備田
豐等升敘有差○以蒙功冒賞革浙江帶勇
都司曾得勝職並逮問○予江西玉山等處
陣亡知縣劉福林湯世銓縣丞諸壽山參將
胡定國守備龐大文千總馬潤卿把總吳正
標周全龍許廷燦外委林啟泰吳大福祭葬
世職○賞故和闐伯克薩木薩克長子木沙
五品頂帶花翎世襲罔替並豁免應交糧賦
○緩徵陝西清澗府谷神木三縣被雹被旱

村莊舊欠額賦賑給清澗縣貧民一月口糧
○豁免葉爾羌被擾地方額徵布匹○戊申
上詣

安佑宮行禮○以正黃旗蒙古副都統察杭阿
署正白旗滿洲副都統鑲紅旗滿洲參領博
銘署鑲紅旗蒙古副都統○以鑲紅旗滿洲
副都統愛仁暫署管保定等五處官兵事護
軍統領春佑署左翼前鋒統領○展緩山西
洪洞縣被擾地方舊欠額賦○己酉頒

硃諭御史孟傳金奏中式舉人平齡硃墨不符

物議沸騰請特行覆試一摺著派載垣端華
全慶陳孚恩認真查辦不准稍涉迴護並將
摺內所指各情可傳集同考官一併訊辦○
諭內閣翁同書奏訪聞徽甯等府愚民傳習
花會請飭嚴禁一摺據稱徽甯等府近來傳
習花會棚廠林立刀矛雜陳局賭輸贏土豪
惡棍因而漁利猾吏奸胥為之隱庇愚民墮
其術中敗產傾家甚至釀成命案大為風俗

人心之害業經該撫嚴飭查拏出示禁止惟
皖南地方距省較遠該撫稽察難周並恐浙
江壤地毗連不免沾染惡習著張芾胡興仁
通飭各府縣一體嚴禁實力訪拏並責令地
保舉報如有劣紳包庇惡棍把持及地保等
通同容隱一併從重治罪該地方官如敢視
為具文別經發覺即著從嚴叅劾以挽澆風
○諭軍機大臣等前因楊能格奏大營軍潰
德興阿令放全餉曾諭該大臣等嗣後仍照

舊章覈實開報茲據楊能格奏各營清冊至
今仍未造報等語軍營領餉必先按實在名
冊以杜虛糜德興阿潰退之後兵勇傷亡甚
多名數必不足額何得任意濫支昨因德興
阿奏參楊能格節節退避各款當諭令邵燦
庚長確切查參如楊能格不勝糧臺之任著
即撤回另派梁佐中就近暫行辦理糧臺事
務本日覽楊能格奏因被德興阿參奏噉噉
置辦實屬奸巧著邵燦等即將楊能格撤回
迅飭梁佐中前往暫辦糧臺事務一面咨照
何桂清速員接辦其德興阿所參楊能格各
款仍著該漕督等查明具奏至兵勇清冊餉
項攸關德興阿業經獲咎不得任聽營員仍
照從前兵數領餉致滋弊混將此由五百里
諭知德興阿邵燦庚長並傳諭署江甯布政
使淮海道梁佐中知之○又諭翁同書奏請
派員赴皖總辦糧臺等語安徽辦理糧臺之
署臬司恩錫昨據崇恩奏該員在途患病懇請

回旗已降旨准其暫行回京就醫一俟病痊
即行赴任不准逗遛如該員回京後一時不
能就痊恐耽延時日此時著翁同書即於皖
省道府中遴派一員暫行辦理糧臺事務以
專責成至所奏部撥蘇省江海關銀十萬兩
請飭部改撥之處已交戶部另行籌撥矣將
此由六百里諭令知之○又諭官文奏遣撤
馬隊官兵請准照數選換並請派撥西丹赴
楚一摺吉林黑龍江馬隊官兵自調撥楚北
以來屢立戰功惟經節年傷亡遣撤存數無
多現在進剿皖豫各匪正資得力所有此次
遣撤傷病官兵一百零六員名著景瀉英山
即照數選換精壯迅速飭赴湖北毋稍遲誤
至請調兩省西丹並著該將軍等體察情形
如尚可調撥即著各派一二百名配齊軍裝
器械揀員管帶一併前赴湖北交官文調遣
以資攻剿將此由五百里各諭令知之○以
理藩院尚書瑞常署步軍統領○以江西新

城縣截擊福建竄匪出力。予道員劉長佑獎敘。陣亡千總許其錫。把總王大廷。唐柄興。黃恆山。李才盛。祭葬世職。○庚戌。諭內閣。御史富稼奏。請飭嚴禁錢市。賣空買空一摺。據稱錢市舊規。各持現銀現錢。互相交易。近日市間。多有憑空言買賣之人。並各官號影射買銀之弊。故銀價日昂。百物因之騰貴。小民生計愈艱。大為閭閻之害。著順天府五城。迅即出示嚴禁。如查有空言買賣銀錢者。立即嚴

拏。照刑部新定章程懲辦。失察官員。照例議處。並將代保之經紀。一併嚴懲。以儆奸商。而平市價。○又諭。德興阿奏。招集諸軍。奮勇進攻。擬嚴定章程。以示勸懲一摺。江北一軍。自浦口潰敗後。儀揚相繼失陷。馬步各軍。節次退縮。深堪痛恨。現在揚州儀徵。先後收復。天長亦已攻克。而六合尚為賊踞。若不嚴定章程。使各員弁。知所勸懲。愧憤圖功。其何以奮勇勦賊。迅速廓清。各省軍營。出缺。向儘軍營

人員拔補。原以殺賊立功。用昭激勸。此次浦營潰敗。各將弁戰死行間。紛紛開缺。而畏賊全軀之輩。轉得唾手遷官。殊不足以昭公允。除德興阿另請拔補數員外。所出協領以下。至驍騎校。副將以下。至都司。守備各缺。均著咨明直省將軍。督撫。提鎮。令各歸本營。按班序補。俟續有戰績。再復軍營拔補之例。以昭激勸。至兵勇之奮勉。全恃將領之倡率。若將領見賊先退。各員弁兵勇。必更望風而靡。嗣

後旗營。自參領協領以下。綠營。自副將以下。遇有臨陣退縮者。該統兵大臣。一面奏明。一面即於軍前正法。副都統總兵以上。奏請嚴加治罪。其遇賊逡巡。情節稍輕者。亦著將累次保案。分別奏請撤銷。以肅軍令。至兵丁防勦數年。受傷患病。難期得力。自應將隨營最久之兵。分別抽撤歸伍。仍由原營換調精壯。補足原額。庶不至以疲乏充數。軍營文案委員。暨隨營糧臺委員。履險相隨。准其從優保

奏。其後路總辦糧臺委員止可與團練捐釐諸員分別請獎。不得過優。以杜僥倖。至所奏隨營出力文員。向來止准免補本班一次。未免阻其上進。應請准予免補兩次之處。著該部議奏。經此次嚴定章程之後。該大臣務當策勵將士。奮勉圖功。以贖前愆。而觀後效。○諭軍機大臣等。前據德興阿奏。江北須添兵勦辦。諭和春等察看。如溧水已克。南岸兵力有餘。酌量移緩就急。本日德興阿奏稱。周天

培援軍未到。請旨飭催。並前次張國樑所留兵二千六百名。懇勿調回江南等語。自為厚集兵力。圖攻六合之計。惟溧水是否克復。尚未據該大臣等奏報。南岸軍情。亦關緊要。除張國樑留下之兵。仍著留防江北。毋庸調回外。其德興阿續向和春咨調之兵。著和春等酌量情形辦理。由浙調回之朱承先等所帶兵勇。現聞赴援溧水。俟克復後。即行飭赴江北。將來周天培全軍到齊。亦即統交德興阿

調遣。俾得由儀揚前進。會同攻復六合縣城。將此由六百里諭令知之。○以怡親王載垣署正紅旗漢軍都統。理藩院尚書瑞常署正藍旗滿洲都統。都察院左都御史綿森署鑲藍旗漢軍都統。○辛亥。諭軍機大臣等。夷務辦法。自桂良到上海後。朕於奏報內業經疊次批示。本已無可再諭。本日據何桂清奏。回抵常州。復將夷務棘手情形。縷晰陳奏。當此時事艱難。該大臣等受朕深恩。諒不敢竟昧

天良。希圖遷就了事。但權衡時勢。不但派員駐京。必須極力挽回。即內江通商。及內地游行。賠繳兵費。退還廣東省城各要件。貽害甚大。均不可不設法阻止。桂良等專辦夷務。固屬無可卸責。即何桂清身任地方大吏。受此委任。亦當力圖補救。所有辦法。著仍遵前旨。將此四事。婉為轉圜。與其稱兵於日後。不如消患於目前。現議稅則。該夷必有利益可沾。即可從此措手。不至即行決裂。四事若有轉

圖其餘即照天津及上海現定各款辦理。該夷若誠心永遠和好。則去此四件。必能長保無事也。至該夷之意。本欲移欵差於上海。如果說定時四事消弭。桂良等即可允其將欵差移至上海。專辦通商事務。以後各國。如有商辦之事。即在上海商辦。廣東仍照舊通商。俟該夷退出省城後。由兩廣總督妥定章程。不致民夷爭鬪。儻諸事定議後。夷船再至天津。即為背約。不能如今年相待。但此時大局

未定。切不可早為宣露。桂良等當存之於心。屆時再與宣說。如該夷回帆時。不與說明。轉瞬來春。夷船復至天津。惟桂良等是問。至何桂清奏稱。各處游行。雖不能禁止。亦當嚴定章程。以資約束。但恐既許游行。即無從限制。此時朕既肯毋庸拘泥。內定辦法。該大臣等必當各矢忠誠。竭力挽回。為國計民生豫籌久遠之策。諒桂良等亦必能仰體朕心也。將此由六百里密諭桂良。花沙納。何桂清並傳

諭明善段承實知之。○又諭王懿德奏。總兵周天培。在閩攻勦喫緊。不能赴援江北。咨商曾國藩派兵往援一摺。已於摺內嚴切批示矣。周天培一軍。本係江南派援浙江。由浙赴閩援剿。雖據奏。該總兵在閩勦匪得力。現於麻溪橋等處扼要設防。正在與賊相持。未便移調他往。惟現在江北情形。較之閩省更為喫重。雖儀徵揚州。業經收復。而六合尚為賊踞。該處並無勁旅應援。急盼周天培協剿。豈

容閩省久留。至曾國藩統領官軍。前據該侍郎奏報。已於九月初九日。馳抵建昌。即由杉關入閩等語。計此時已抵閩境。著曾國藩於所部兵勇內。酌分一軍。馳赴洋口順昌等處。會同閩兵勦匪。周天培即可交替。迅速趕赴揚州。德興阿軍營。聽候調遣。毋再延誤。將此由六百里各諭令知之。○壬子。諭內閣。崇恩奏。遵查才能出眾人員。據實保奏一摺。前因王茂蔭奏保山東單縣知縣盧朝安等。循聲

素著。諭令該撫確查保奏。茲據奏稱。現任濟甯直隸州知州盧朝安。前在單縣署任。兩次截勦逆匪。出乃本年擒匪竄擾山東邊境。該員帶領民團出境迎勦。金鄉魚臺二縣賴以保全。皆由該員平日恩信及民人皆用命。實係才能出眾。堪膺保薦。盧朝安著先行交軍機處記名。遇有山東知府缺出。請旨簡放。仍著送部引見。○諭軍機大臣等。崇恩奏擊退嶧縣竄匪。並咨調赴徐兵勇回勦等語。此次逆匪由蕭縣竄犯嶧縣。兵勇失利。致被闖入邊境。經黃良楷帶勇擊勦獲勝。該匪現已漸退。惟現在豐沛尚有賊蹤。與河南會匪勾結。曹單金鄉情形亦屬喫緊。匪蹤飄忽靡常。難保不復來窺伺。山東境內兵力空虛。除曹單練勇素稱得力外。其餘各縣恐未能一律整齊。著崇恩於附近江南河南邊境各州縣。選派公正紳士會同地方文武實力舉行團練。以助兵力。遇有緊急有備無患。至前由山東

調赴清江兵勇一千名。據該撫奏稱。現已截回兵四百名。自係因防勦本境起見。惟本日據袁甲三奏。臨鳳賊匪復竄陷五河縣城。該處距浮山盱眙蔣壩甚近。是清淮情形仍未稍鬆。著該撫酌量情形。如東境賊氛稍定。而清淮尚須防勦。即仍將前項截回之兵飭赴清江交邵燦庚長等酌撥布置。以資得力。此次黃良楷接仗獲勝情形。並著查明詳細具奏。將此由五百里諭令知之。○予安徽陣亡參將常瑞。王祿。營總鄂勒哲依驍騎校富新。守備李殿元。千總耿超。把總高俊彪。外委張鳳祥等。祭葬世職。

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百六十六

寶錄卷三十三

五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百六十七

皇隆德元年三月日講起歷法作太子太保上書帝博學天淵閣領閣事翰林院掌院學士皆蒙欽奉上海事件定國史館總纂官吳

大學士官職部官錄卷之十三 職銓十四次 官秩臺不總載官題題錄官太子太傅文淵閣領閣學武英殿題載官秩留及言官性仁閣

大學士官拜戶部三章書格管理刑部事務加二十三級紀錄十六次臣周福培謹奏
太子少保管理內繕書房事務對引大臣軍機大臣

鎮監鎮州縣城戶部高子管理三庫事務加四級隨帶加五照照錄十二次。戶部鑾儀衛官經筵講官外德殿教習文治達士書房選讀

遷國史館修官正監陳家吉都統經部尚書管理太常寺鴻臚寺事務加二級軍功加四級隨帶加八級紀錄五次臣 保什堪布等奉

又修

咸豐八年戊午十月癸丑諭內閣據克勤郡

王慶惠貝子綿勳等奏恭送

仁宗睿皇帝聖容

宣宗成皇帝實錄

聖訓前赴盛京供奉尊藏禮成欽惟我

皇祖仁宗睿皇帝大烈昭垂

耿光遠被

乾坤法象萬禩瞻型我

皇考宣宗成皇帝繼體重熙

綏猷建極

功文巍煥久道化成

寶錄

聖訓卷冊閱富億載揚輝茲者

上儀慶舉同莅陪都周道兼旬暄和應序禮成之時風清日麗景象光昌並值

冊

寶

玉牒同時尊虔仰惟

在天默佑吉事有祥朕披覽奏章實深敬慰所

有派往護從之王大臣官員等祇肅隨行恪

恭將事允宜特加恩敘克勤郡王慶惠貝子

綿勳尚書徐澤醇許乃普侍郎德全文祥及

乾清門侍衛大門侍衛暨派出隨往之提調

纂修收掌及執事各官並恭送

冊

寶

玉牒隨往執事各員均著交部議敘其由京恭送至山海關之護軍統領春佑直隸道員副

將等自關外迎護之侍郎文倭副都統承志府尹景霖接送隨護之副都統定福侍順希拉布並關內外承辦棚座橋道各員著查明一併交部分別量予議敘派出沿途護送滿漢官員兵丁著查明食俸官員咨部議敘食餉兵丁每人賞給半月錢糧以示朕錫類推恩有加無已至意○以戶部右侍郎劉崐為順天武鄉試正考官內閣學士畢道遠為副考官○予江南浦口殉難知縣汪應相縣丞

王如泉訓導范建初從九品蔣須燮余應元方學儀未入流張晴明張守仁把總劉坤祭葬世職○甲寅以河南彰德等處防勦出力賞知府德材花翎餘升敘加銜有差○乙卯諭軍機大臣等前據僧格林沁奏稱提督改駐海口及加價抽釐等章程當經分別諭令遵辦並令將添設將弁等事勘議明確具奏現尚未據奏到而招募水師尚待操練亟應將所添將弁議定章程使各有統屬庶新募

之眾可稱勁旅。且時令即屆沍寒。建蓋兵房。以資棲止。尤為緊要。著僧格林沁、瑞麟、慶祺將現募水兵。已得若干。將弁應如何添設。及蓋造兵房。置造軍裝器械。現在如何辦理。據實具奏。迅速籌辦。毋稍遲誤。將此諭令知之。○又諭。前據扎拉芬奏。奏回疆善後未盡事宜。各條當交原議之軍機大臣會同該部議奏。茲據分別奏覆。已照所請依議行矣。惟所稱回莊偶有逆萌。即責成伯克據實稟報一節。固為消患未萌。有所專責起見。但伯克與回眾素相親習。不免有平時恩怨。設或戕害復讐。以輕報重。亦應防其流弊。總在各城大臣。潔己奉公。於所轄伯克毫無需索。則伯克自能畏法。不至苛派回眾。而回眾生計漸裕。自不至激成事端。即有不肖伯克藉端擾累。加以叅劾。亦必帖然共服。若徒寄耳目於伯克。尚非正本清源之道。著該將軍通行南路各城大臣。一體懍遵。務當正己率屬。力挽從

前積習。以杜亂萌。遇有密告之件。仍當默為查察。不可輕於偏聽。至籌給空地。令安集延貿易人。徙居城外一節。本係扎拉芬奏函致法福禮欲如所議辦理。此次該將軍摺內。即稱派員勸諭。該夷堅執不從。致有買房給費之議。尚須夷情允協。出於樂從。徐為舉行等語。仍著該將軍等隨時體察。妥為籌辦。未可操之過急。別開釁端。至刪除各項差使。但當去其已甚。如銅廠重累。業已允其停止。此外瑣屑細務。無關生計者。自當各仍其舊。未可因噎廢食。徒事紛更。並著該將軍等通行各城體察。嚴辦。將此各諭令知之。○又諭。有人奏山西祁縣知縣張汝清信用書吏郭相嵐。張海舉人馬化蛟設局勸捐。包納糧稅。民間完糧每銀一兩。收至制錢二千二百文。概令折錢交納。各戶勸捐。先索規費。不滿其欲。即任意勒派押追。北左地方附近五六村莊。近年地不產鹽。該處鹽課歸入地丁。按戶勻

攤辦有成案該縣並不遵照於按畝收糧之外仍向各鹽戶比追鹽課以充私橐各等語州縣為親民之官當此各省賊氛未靖亟宜寓撫字於催科以培養元氣若如所奏書吏包納錢糧浮收糧價已干例禁至鹽課係已豁之款既攤入地丁復敢重徵尤屬大干法紀著英桂按照所奏各節詳細查明嚴行懲辦以肅官方而蘇民困原摺著鈔給閱看將此諭令知之○以江西按察使惲光宸為布

政使調廣西按察使翟誥為江西按察使○丙辰

上御洞明堂旬到四川省情實罪犯停決斬犯三人絞犯一人餘六十人予○以

神靈顯應頌河南固始縣

關帝廟

御書扁額曰赫聲濯靈○諭內閣載容等奏請飭催補解銀兩等語直隸應解廣恩庫銀兩係備祭品補換樹株及養贍錢糧等項要需

向於五六月間解交著該督即飭藩司將本年應解銀兩趕緊全數籌撥毋再延宕○又諭本日旬到四川省服制情實斬犯鄧几瑀一名招冊內稱該犯因賣挨連祖墳田地被伊大功兄鄧菴瑀查知斥說非是該犯分辯鄧菴瑀攜尖刀捏住刀管用木柄向毆該犯接住木柄求饒鄧菴瑀用力拉奪不期刀管鬆脫刀尖向內鄧菴瑀奪回勢猛致自戳傷左脇殞命各情經大學士九卿等議以情實

聲明傷由奪刀自戳尚非有心干犯等語此案鄧菴瑀手攜尖刀豈肯授人以柄乃稱捏住刀管用木柄向毆且為鄧几瑀接住則刀柄在鄧几瑀之手何以既稱刀管鬆脫又稱鄧菴瑀奪回勢猛自行戳傷情節甚屬支離難保非該犯有心向戳事後裝點避重就輕服制攸關必應詳細覆鞫以成信讞著王慶雲親提人證嚴訊確情如鄧几瑀實係有心致死大功兄鄧菴瑀即一面奏聞一面將鄧

凡瑀處斬毋庸歸入明年秋審辦理以昭覈實。諭軍機大臣等瑛榮奏探報擒匪分竄請飭直隸山東撥兵進駐豐沛堵剿一摺據稱北路擒匪由蕭縣黃家口竄至豐東沛西欲往曹單濟甯南路擒匪全行起竄張龔兩逆欲分趨正陽壽州會合各股窺伺潁上等處徑趨周家口再向西北竄擾壽州現在戒嚴等語逆擒分股竄擾勢甚猖獗豐沛為北路要隘萬一北竄則山東之曹單河南之歸

陳各屬蹂躪堪虞惟直隸距徐州較遠現亦無兵可撥山東嶧縣已有賊蹤崇恩業經截回調赴清江兵勇四百名防守本境是該省兵力亦難遠調當此賊匪奔突靡常惟有激勵團練力守邊境著慶祺崇恩懍遵前旨實力舉行毋得視為具文至歸陳等屬防剿喫緊著瑛榮就現有兵力分投堵截一面知照袁甲三嚴飭朱連泰蘇克金等痛加勦洗毋令紛紛四竄前據官文奏派遊擊張萬祿道

員唐訓方帶兵勇四千二百名前赴袁甲三軍營已催令迅速前進此項兵勇諒即日可到徐宿一帶著瑛榮知照袁甲三妥為調度兼助豫省兵力是為至要將此由五百里各諭令知之○丁巳諭內閣僧格林沁自通州前往天津辦理海口雙港礮臺並續建礮臺營牆等項工程現已一律完竣念其數月以來勤勞聿著著賞給御用巡幸袍一件巡幸褂一件即交伊子布彥訥謨祜齋往天津交

僧格林沁祇領以示嘉獎其所帶兵丁並著酌加更調俾資休息○又諭工部奏遵旨查議南河另案工程銀數一摺咸豐七年南河比較六年多用銀四萬八千餘兩比較四年多用銀十三萬餘兩當此經費支絀之時似此逐年遞增伊于胡底前經該部議駁茲據該河督奏稱實因水漲工險以致銀數增多委係實用在工無可再減此次姑准所請即照單開銀數題銷嗣後該河督務當認真釐

剔加意搏節不惟不准再有加增並不准將上年銀數援以為例以杜浮冒而重工需○諭軍機大臣等本科順天中式舉人平齡案內要證靳祥係柏後家人現隨柏後之姪分發甘肅知府鍾璵於本月初一日出京著曾望顏即飭所屬地方官沿途截拏迅速押解來京審訊毋令脫逃將此諭令知之○又諭僧格林沁等奏修理雙港海口等處礮臺營牆一律完竣酌撤防兵繪圖呈覽一摺僧格林沁在大沽海口及雙港地方修築礮臺安設營壘並置木筏以扼海口要隘各項工程已於本月十二日一律告竣該大臣辦理海防已逾數月夙夜辛勤自應暫行回京以節勞勩所有操練水師建蓋兵房等事即交瑞麟慶祺妥為辦理礮臺分設礮位著即飭副將烏忠阿等帶宣化鎮官兵一千名協同大沽協官兵小心守護至所調吉林黑龍江察哈爾等處官兵程途遙遠未便令其歸伍此

次回京後應在何處駐劄著僧格林沁籌議具奏將此諭令知之○浙江巡撫胡興仁奏浙省助餉局移設撫署得旨局既移設撫署尤應認真稽查俾捐生毫無浮費方好若徒增剝削洵非循名責實之道○以天津海口辦防出力賞六品頂帶前任漕運總督李湘芬四品頂帶已革護軍統領珠勒亨五品頂帶以辦理海防得力直隸宣化鎮總兵官湯蘇仍留天津鎮署任○以營務廢弛署直隸通永鎮總兵官黃起鵬下部嚴議○戊午以已革副都統富勒敦奏直隸提督張殿元署天津鎮總兵官達年護理大沽協副將德魁發往新疆效力贖罪○己未諭內閣德興阿奏請將私售米糧之副將革職並自請議處等語據稱邵伯軍營乏食副將鄧鳳林稟稱河西民房囤積無主之米二三百石恐為賊據經德興阿飭令將米分給兵勇查明米主給價乃該副將擅自專弁將米運蘇售賣

並給予路票實屬膽大妄為鄧鳳林著即革職拏問交何桂清提同人證嚴行訊辦外委李開武著一併斥革並訊明姦帶婦女情事盡法懲治以肅軍令德興阿失於覺察著交部議處○又諭李培祐奏請將官荒地畝編放一摺直隸靜海縣有官荒無糧黑地一千餘頃曾經民人郭殿元呈請升科由部覈給執照今郭殿元業經病故此項地畝無人納糧著內務府派員前往會同該縣調取卷冊

清查明確逐畝編放承領以重國課而杜侵漁○諭軍機大臣等德興阿奏官軍創營儀徵擊賊獲勝及未能撥兵前赴天長一摺逆匪占踞六合亟應迅拔堅城總兵成明已抵儀徵西門外二十里鋪環創營壘自可力圖進攻六合德興阿雖尚患病不可久居邵伯致懈軍心本日據何桂清奏報初七日已克復溧水東壩一帶情形已鬆副將朱承先等各兵已諭和春等飭赴江北此項兵勇皆係

勁旅渡江後即令會合成明等攻勦六合不可令其前赴天長作為防守之兵至天長甫經收復勝保留下之兵尚屬單薄著德興阿於所統各軍內挑選精銳會同駐劄以資扼守如此量為調遣方合防勦機宜德興阿鞠殿華連失各城其罪甚重因念德興阿病體纏綿鞠殿華身受重傷是以未加嚴譴若再不知振作未能迅克六合俾江北大局仍復舊觀必當執法懲治毋謂寬典可以倖邀也

懔之將此由六百里諭令知之○又諭前因德興阿奏江北須派兵勦辦諭令和春等俟克復溧水後將調回之朱承先等所帶兵勇飭赴江北本日據何桂清奏溧水縣城業經總兵戴文英等於本月初七日督兵克復著和春即飭朱承先等帶兵馳赴德興阿軍營會同江北派兵攻克六合毋稍遲延德興阿等一敗塗地幾至不能復振實所不料殊堪痛恨現在責令奮勉立功若能會同江南援

軍攻克六合。使江北大局重複舊觀。尚可補救。惟收集潰兵。恐未能得力。和春營中。如有可調之兵。仍著酌量情形。隨時分撥應援。至江南溧水既復。東壩高淳等處。已可解嚴。該大臣等。即當趁此聲威。設法進攻金陵。是為至要。將此由六百里諭令知之。○又諭。前因懷遠擒匪。圖竄壽州等處。當諭令袁甲三。俟湖北兵勇到後。即交傅振邦。勦辦徐宿擒匪。並令袁甲三。酌帶所部兵勇。折回潁州正陽一帶防勦。原以清淮緊急。而北路亦形喫重。必俟楚兵到後。布置妥協。方可分兵前赴正陽。並非輕議移師。置徐宿於不顧也。本日據袁甲三奏。擒匪力圖北趨。北路軍情喫重。驟難馳赴正陽等語。似係誤會。前次寄諭。現在西路擒匪猖熾。欲圖徑犯清淮正陽一帶。兵力單弱。設該逆沿淮上犯。其患何可勝言。提督德安年力就衰。未能獨當一面。已革藩司李孟羣。現駐壽州以南。該處地當衝要。亦難

回軍堵截。况該革員華而不實。甚不可靠。現在湖北兵勇業已啟程。不日可抵徐宿。此項兵勇到後。袁甲三即妥為布置。令與傅振邦會同勦擊。進逼賊巢。以期盡殄醜類。袁甲三即酌帶所部兵勇。馳赴正陽。扼要堵勦。袁甲三未到以前。仍著勝保。翁同書。籌畫兼顧。以資控制。江南已克復溧水。浙江撤回兵勇。即可赴援江北。已諭德興阿。撥兵會同進攻六合。另派官兵。會同勝保留下之兵。扼守天長矣。將此由六百里諭令勝保。翁同書。袁甲三。並傳諭傅振邦知之。○又諭。主懿德奏。拔洋口逆巢。收復泰甯縣城。並籌攻順昌各情。一摺。洋口逆巢。及謝屯等處。賊壘業經周天培督軍一律蕩平。即當乘勝進攻順昌。而泰甯雖經收復。連界之將樂等縣。尚多踞匪。福建賊眾兵單。須藉客兵之力。惟周天培一軍。因江北急盼。助勦曾國藩。前往交替。實未便久留閩境。今該侍郎已由杉關入閩。務當

探賊所向節節掃蕩現在順昌尚未攻克或由曾國藩分兵往剿或由王懿德派令張騰蛟等馳往剿辦俾周天培得以交卸啟程是為至要順昌被陷文武如何下落並著該督查明具奏代理泰甯縣知縣萬燾雖於失守復自行克復亦著查明分別叅辦將此由六百里各諭令知之○又諭有人奏河南候補知縣張紹英被叅後委赴舞陽剿辦擒匪所帶兵勇不過二三十名浮冒口糧至數百名之多擒匪各處搶掠畏匿不出迨官兵擊退後該員始帶勇赴尹家集等處意欲攫取各社團練經費聲言民房須一律燒毀團長恐懼多以賄免勇目盛全等拏獲擒首該員詐言代稟官為已功開復原官並將歷年團練出力拏獲擒首曹太元等之生員劉恕行誣為通匪鎖押在監刑逼至斃以致團練解體各等語現在粵擒各匪紛竄堪虞正須激勵鄉團自相保衛協助官軍似此貪劣委員實為

廣東通志

十六

閭閻之害著瑛榮按照所叅各款確切查明嚴叅懲辦毋稍徇隱原片著鈔給閱看將此諭令知之○陝西巡撫曾望顏奏請將迴避遊幕省分知縣單寶書暫留陝省辦理防堵局文案得旨局務並非軍務著不准暫留○庚申諭內閣吏部奏叢議失事各員處分與例不符請旨遵行等語江西署金谿縣知縣鄧國恩代理安仁縣事贛縣縣丞范維璜於賊匪竄陷縣城後隨同收復經耆齡奏請革職留任降旨允准茲據該部覈與成案不符鄧國恩范維璜均著照例革職係署事之員准其仍帶革職處分暫留署任○諭軍機大臣等駱秉章奏請飭裁汰李孟羣部勇並請將所保員弁察看等語李孟羣所部各勇自廬州失事以後疊經勝保翁同書奏稱截留潰散裁汰疲羸惟該革員部將張得勝等復派撥保縣丞張侍廷從九品楊濱前赴湖南招募遊勇並未持有文札經駱秉章於盤獲

廣東通志

十七

後嚴禁遊民應募且訪聞張侍廷等有誑騙錢財捐派幫辦百長情事是李孟羣信任匪人濫行招募其部下各勇斷難得力已可概見前據翁同書奏該革員現駐壽州以南協勦懷遠竄匪著勝保翁同書即行飭令將潰散各勇嚴加裁汰毋令再致債事帶勇員升中如查有冒銷勇糧捏報勝仗等情即著嚴行查辦至李孟羣歷次保舉文武員弁如張侍廷楊濱之庸劣者恐復不少並著勝保等

嚴密訪查分別叅革毋稍徇縱將此由五百里諭令知之○辛酉諭軍機大臣等桂良等奏稅則議定夷性漸馴一摺覽奏實堪痛恨喫夷輪船豈容輕令內駛桂良等輒自允許猶言示以不疑朕若力持定見必欲責令阻止但恐桂良等既已允許力不能阻祇可聽其一行若回滬後又欲隨意往來或他國效尤跟蹤前往斷不能再聽其便至鹽斤在內地本各有界限豆石亦奉天等處貿易大宗

原當定以限制其游歷內地特執照為稽查焉能周徧係屬最下之策朕此時不再加駁斥不過恐桂良等力有不能至於決裂耳並非謂其可以勉從也駐京一節在該夷不過因廣東道遠恐下情不能上達前次寄諭准其將欽差移至上海正可以此為詞罷其駐京之議若仍准其隨時來往豈能日久相安並著俟該夷回帆時與之言明若至天津我兵即先開礮使其有所顧忌不至再逞詭謀

實錄卷五十七

十九

其廣東省城退出則該處民人不致與該夷為難並可開船貿易實屬彼此有益該夷回來欲議此事即著曲為開導俾有轉機凡此數端皆非無可措詞總在桂良等激發天良力任其難能罷去一事即免一事之貽害若徒以釜底抽薪為詞而實則於事毫無補救桂良等其何顏以對朕耶將此由六百里密諭桂良花沙納何桂清並傳諭明善段承實知之又諭前因德興阿奏請添兵勦賊諭

令和春等酌量情形辦理其朱承先陶茂森等所帶兵勇則俟溧水克復後飭赴江北本日據和春奏溧水業已克復惟銅井江甯鎮等處援賊尚多兵力現難抽派並據張國樑奏朱承先等兵勇俟西路賊氛埽蕩即當飭赴揚州各等語現在江北浦六兩城尚淪於賊儀揚一帶兵力空虛需兵甚為緊迫江南則溧水已復情形稍鬆所有朱承先等兵勇著和春等酌量如可先其所急即著飭赴江

軍機處

三

北軍營聽候德興阿調遣以資攻剿至德興阿續請添調之兵現在南岸兵力既非有餘即可毋庸議調將此由六百里諭令知之○欽差大臣和春等奏官軍攻拔紅藍埠賊巢克復溧水並迎剿西路江甯鎮援賊獲勝得旨此次獲勝殊覺痛快皆由爾等和衷故也以署鑲白旗漢軍副都統富泰為正黃旗漢軍副都統○鑲紅旗漢軍副都統阿彥春因病解任以理藩院右侍郎書元為鑲紅旗

漢軍副都統○命烏魯木齊都統倭什璉布葉爾羌參贊大臣慶英科布多參贊大臣麟翔伊犂領隊大臣卓明阿回京以西甯辦事大臣圖伽布為烏魯木齊都統賞內閣學士福濟副都統銜為西甯辦事大臣喀什噶爾辦事大臣裕瑞副都統銜為葉爾羌參贊大臣葉爾羌幫辦大臣固慶頭等侍衛為喀什噶爾辦事大臣以塔爾巴哈台領隊大臣英蘊為葉爾羌幫辦大臣賞記名副都統博勒果蘇副都統銜為塔爾巴哈台領隊大臣烏什幫辦大臣達綬副都統銜為科布多參贊大臣已革京口副都統文藝藍翎侍衛為烏什幫辦大臣乾清門三等侍衛慶壽二等侍衛為伊犂領隊大臣○予江南溧水陣亡同知祝錫勳通判張汝平知縣周硯銘縣丞楊文明從九品李中榮守備許得成千總梁世澤把總張文升王朝棟外委王登榜張文斗梁仕珍祭葬世職○壬戌諭內閣總管內務

軍機處

三

府奏莊頭挖欠錢糧請飭查辦並請飭催各州縣冊報各等語會計司錢糧衙門所屬新舊莊頭應交錢糧歷年挖欠至四十餘萬兩之多率皆藉詞宕延屢催罔應若不認真查辦必至重虧國帑著直隸總督順天府府尹迅即揀派道府大員會同內務府司員親往各州縣按照會計司錢糧衙門新編莊頭及革退莊頭牌取地址據實詳查分別覈辦以重國課至新編莊頭冊報未齊及並未冊報

實錄卷二百七

三

各州縣著一併派員查明嚴催造報毋任遲延又諭僧格林沁奏請將馬隊官兵口分全放實銀等語天津雙港屯劉吉林黑龍江察哈爾馬隊官兵現屆冬令馬匹無地牧放豆草價昂頗形苦累自係實在情形加恩著照所請所有現駐天津之吉林黑龍江察哈爾馬隊官兵月支口分准其全放實銀以示體恤又諭勝保奏皖省軍務較繁請添派大員幫辦等語巡撫銜浙江布政使李續賓

統帶楚軍已入皖境克復舒桐等縣所向成功即日與勝保翁同書會合正宜南北夾攻殲除羣醜李續賓著幫同勝保督辦安徽軍務又諭勝保奏投誠人眾分別留營遣散請量為安置等語候補參將李世忠所部投誠人眾除經勝保挑選精壯分營隨勦外其餘應行遣散者為數尚多現經造冊遣回原籍自應妥為安置著各該督撫查照咨冊飭令地方官隨時查驗聽其安靜謀生凡投誠

實錄卷二百七

三

以前曾犯之案概予銷除毋庸追究並曉諭居民從前讐怨悉歸消釋如到籍後別有不安本分情事再行按律懲辦此外各路軍營如有悔罪投誠率眾來歸者亦當一體赦宥咸與維新以資觀感又諭據勝保奏稱本年九月二十六日由兵部遞回夾板一副至本月初八日始行奉到請將驛遞遲延之知縣嚴議等語著兵部查明沿途驛站係在何處稽延即將該管州縣嚴行叅辦以肅郵政

又諭樂斌奏請將甯夏蒙古地方行銷內地土鹽抽收商稅一摺甘肅甯夏蒙古地方向產土鹽各處商民往運轉販並未徵收稅課茲據樂斌委員查明並酌擬章程抽收商稅聲明無礙正課並不累蒙古生計即著照所擬章程辦理仍著該督隨時查察以期經久無弊其查辦各員俟抽收有效准其酌量保奏至此項土鹽行銷內地向無例禁明文與失察私販者有間所有歷任各官均著免

實錄卷百二十七

五

其查議諭軍機大臣等前據官文奏因吉安克復派令普承堯一軍由英霍進援定遠其赴援淮北之軍亦經諭令該大臣如張萬祿不能即往即將所帶之兵併交唐訓方管帶馳往助剿本日據勝保等奏鳳臨懷遠捻匪東西竄突張樂行糾眾竄踞五河欲撲盱眙請飭袁甲三前往勦辦等語袁甲三因徐宿喫緊兵力不敷專待唐訓方一軍助剿即勝保軍營亦亟盼普承堯一軍相助著官文

迅即查明普承堯唐訓方各軍現在行抵何處飭令飛速前進分赴勝保袁甲三等軍營聽候調遣毋稍稽延將此由六百里諭令知之以訓練精勤賞署甘肅督標中軍參將成瑞花翎以堵剿不力革甘肅肅州鎮總兵官龍澤厚等職留營效力予安徽懷鳳陣亡參將賽沙布都司金泰同祭葬世職加等

實錄卷百二十七

五

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百六十七

攻克福建順昌縣城免通判陳松鶴疏防上
洋失守處分○予福建浦城陣亡殉難知州
韓湛知縣劉芳雲外委仲榮芳宋萬明楊春
魁祭葬世職五品軍功楊占魁貢生劉芳聖
及婦女韓高氏等旌卹如例○鑄給山西大
同鎮懷仁城陽和城兩營改設守備各條記
從前巡撫恆福請也○甲子補鑄福建武平
縣知縣印信從巡撫瑞璜請也○蠲免福建
甯化縣暨泉上嵐下岐陽各縣丞所屬被兵

地方新舊額賦 乙丑

上御洞明堂句到山東山西察哈爾情實罪犯
停決山東省斬犯二人山西省斬犯二人餘
六十七人予句○諭內閣載容等奏兵役支
食米折銀兩請將米石自本年冬季關領並
請飭易州知州輓解今冬米石一摺
西陵旗綠各營兵役等既將米折銀兩支食所
有本年春夏秋三季米石著即存倉作為明
年兵糈並著直隸總督飭催易州將今冬米

石即行輓運以濟兵食另片奏易州知州積
壓兵米餉銀請飭查辦等語該州知州既稱
本年應截收粟米船隻已輓入直境何難速
運到倉竟以尚未運抵白溝河為詞難保無
積壓那用之弊著直隸總督查明據實嚴叅
至秋季下半季並冬季月餉稅米折價暨每
季制錢等項如未撥發即飭藩司趕緊籌撥
以資接濟○又諭前據駱秉章奏請獎勵捕
蝗各員當經降旨將署邵陽縣知縣周玉衡

等五員給予升進升銜及儘先補用其署祁
陽縣知縣劉達善等並前任長沙府知府補
用道倉景恬等均交部從優議敘茲據吏部
奏稱撲捕蝗蝻係地方應為之事定例議敘
祇准加級今劉達善及倉景恬等十四員均
議給予加一級再從優給予紀錄二次至所
保周玉衡等五員未免過優等語周玉衡賴
史直耿維中顏培鼎李逢春五員均著從優
給予加二級紀錄二次所有前得捕蝗獎敘

著即撤銷○又諭趙德輟奏委員署理知縣各缺等語江蘇署嘉定縣知縣李本榮署青浦縣知縣陳慶長現當啟徵下忙錢糧辦理新漕喫緊之際是否該員等才不勝任原奏並未聲敘何以飭令回省另候差委其吳江縣一缺既係何際運正任何又委令署理青浦縣事是吳江一缺又須委員署理矣似此無端更調實缺人員轉為署事難保無避難就易為人擇缺之弊其因何必當更調之處

著趙德輟明白回奏尋奏接署縣缺實係遴委幹員藉資整頓並無避難就易情弊得旨著吏部察外官調署過多有無處分之例詳細具奏○諭軍機大臣等吳振械張亮基奏滇省需餉緊急請飭催各省欠解餉銀一摺據稱四川山西陝西等省奉撥協滇餉銀除陸續解到並匯兌外四川欠解銀三萬九千八百兩山西欠解銀四萬八千兩陝西欠解銀十一萬三千一百兩現在滇省各營兵餉

欠發太多本省又無款可籌著王慶雲英桂曾望顏各將該省欠解滇餉迅即籌撥派員趕緊解滇以濟急需無稍遲誤將此由五百里各諭令知之○又諭吳振械等奏請停鑄大錢一摺鼓鑄當十大錢與制錢配成搭放原冀省銅而利用滇省兵餉廠本等項既據該督撫體察情形實形壅滯自應隨時變通著准其收回大錢改鑄制錢其請將制錢銅斤酌減之處並照所議辦理另摺奏稱需餉

緊急等語除廣東現難籌撥外已諭令四川山陝各督撫趕緊籌解以資接濟矣將此諭令知之○以貴州永安協副將特克慎為雲南普洱鎮總兵官以拏獲雲南練匪及辦理回務出力賞知縣鄭文修花翎武舉馬銘功知縣劉渠等藍翎餘升擢有差以辦理江南糧臺出力賞通判閔春濤知府銜花翎○予雲南陣亡殉難知州濟爾哈椿知縣毛玉成荆洵誠金耀遠府經歷盧敵縣丞周世

督訓導丁啟昌從九品汪汝驤遊擊懷唐阿
千總黃長清把總王開魁外委張超等祭葬
世職舉人孟光增生卜洲及婦女丁黃氏等
旌卹如例○丙寅諭軍機大臣等景瀉奏查
辦喀爾喀界址詳陳勘斷情形並請迴避覆
勘一摺喀爾喀王旗界與巴爾虎壤地相接
前因查辦各員有改圖諸弊致喀爾喀眾心
不服爭控本年春間經景瀉親往履勘因胡
拉特山現有喀爾喀王祖塋擬請將山之西

南介在疑似之封堆裁撤另於山之東北改
設胡拉特卡倫一處據奏與巴爾虎地界並
無虧損業經各具甘結自可永息爭端所有
會勘之處著景瀉毋庸迴避即照前此勘斷
情形先行會同夾山商辦俟明春德勒克多
爾濟派員到後會同定議該將軍等惟當秉
公勘斷以杜弊端為要將此各諭令知之○
又諭前因李續賓援軍到皖連拔舒桐方冀
直搗廬州俾皖省軍情漸有起色本日據都

興阿奏該藩司深入失利現尚未知下落賊
匪趨過舒城桐城危急逆首陳玉成欲抄繞
楚軍後路以解安慶城圍即該將軍等亦有
腹背受敵之勢已截回唐訓方等兵先行赴
援並請飭定遠各軍進剿以圖牽制賊勢李
續賓一軍所向無前不料遭此挫折聞之殊
為憤懣勝保等方盼楚兵到廬會合進剿今
廬州賊勢方張恐驟難進兵惟有杜其紛竄
俟唐訓方等軍到後再圖會攻其六安一路

應如何防其竄越著勝保翁同書通籌布置
至五河被陷前據勝保奏請飭令袁甲三移
師剿辦本日據袁甲三奏已派滕家勝帶兵
前往攻剿該捻於初六日遁回懷鳳惟城廂
內外盡成焦土官兵不能屯紮已飭滕家勝
等扼要分剿聯絡鄉團以資防守所恐五河
以下直達清淮袁甲三鞭長莫及著勝保翁
同書籌商堵禦之方並知照河漕兩省分飭
兵勇協力防剿為要將此由六百里諭令知

之○又諭本日據都興阿奏李續賓分軍援廬失利桐城危急請飭各軍進剿等語逆匪大股由和州江浦上竄欲解安慶城圍李續賓一軍被圍失利都興阿現飛調各軍救援桐城逆眾麇聚於舒廬與六合賊匪連為一氣此時速攻六合可分賊勢著德興阿即飭成明等奮勇進攻以贖前愆毋再遷延觀望坐誤事機德興阿以統兵大臣僻處邵伯並不敢前往揚州何論儀徵六合現在彈章紛至若再毫無振作朕惟執法從事勿謂寬典可倖邀也懍之將此由六百里諭令知之○又諭都興阿奏李續賓分軍援廬深入失利現在辦理情形並請飭東北兩路進剿各等語覽奏實深憤懣李續賓克復潛山桐城後由舒城直搗三河力援廬州不意援賊大至官營全失賊眾已過舒城都興阿現在圍攻安慶官軍腹背受敵亟宜力籌攻剿以遏賊衝該將軍業經飭令糧道唐訓方將赴援徐

宿之兵由英霍轉回潛山力援桐城並咨官文派舒保帶馬隊由武昌馳赴下游調度尚屬周妥本日已寄諭官文照辦矣刻下賊勢披猖意在救援安慶該將軍務飭多隆阿鮑超圍偪安慶一面令趙克彰扼守桐城並迅飭李續宜唐訓方剋期往援毋令稍有疏失楊載福水師由樅陽繞進內湖即可聯絡聲勢以固楚軍全局該逆大股由和州江浦上竄東路六合北路定遠各軍自應乘虛進剿已諭令勝保翁同書德興阿等併力進攻矣李續賓下落及失利情形著即查明具奏將此由六百里諭令知之○又諭都興阿奏李續賓分軍援廬深入失利請截留兵勇回援潛桐一摺據稱浙江布政使李續賓克復潛桐後由舒城直搗三河旋據探報援賊大至官營全失李續賓不知下落賊匪已過舒城情形危迫請調道員唐訓方一軍回援桐城等語覽奏實堪憤懣李續賓進攻三河欲赴

廬州以期與北路官軍會合不意援賊大至深入失利桐城距三河舒城僅百餘里為官軍後路設有疏失上接楚境在在堪虞湖北糧道唐訓方兵勇前據官文奏業已調募齊全分起繞赴袁甲三大營助剿現在官兵失利舒城復陷逼近桐城自應先其所急著官文即飛飭唐訓方兵勇趕緊由英霍轉回潛山力援桐城並飭候補道李續宜趕赴桐城統帶各營並催調各路援軍派副都統舒保

管帶馬隊由武昌馳赴下游援應以期軍威復振力拔堅城該大臣惟當統籌大局肅清皖逆即以保固楚疆將此由六百里諭令知之以湖南捐輸軍餉永廣岳州府學額九名平江縣六名以勦毀安徽濬北龍亢等處賊墟並守蒙城出力賞都司孫之友知縣張汝梅巴圖魯名號知府張學醇知州俞澍守備王清泰邵徵祥等花翎外委苗景聞藍翎餘升擢加銜有差予江西玉山陣亡巡

檢安常祭葬世職 丁卯以辦理喀喇沙爾糧臺出力賞賚回京京穆克德恩布等藍翎餘升敘有差 戊辰

上御洞明堂句到直隸熱河情實罪犯停決直隸絞犯一人熱河斬犯一人餘四十三人予句 頒

硃諭本年鄉試主考同考各官荒謬已極覆勘試卷應訊辦查議者竟有五十本之多該考官等朕聞其中亦尚有不取昧良者除同考

官有無情賄逐案查訊外其正考官柏後著先行革職聽候傳訊副考官朱鳳標程庭桂均著暫行解任聽候查辦至此案頭緒紛繁著欽派王大臣等毋得含混了事認真研鞠按例從嚴懲辦 諭內閣克勤郡王慶惠等奏恭請

玉冊回京尊藏事竣並請將禮工二部隨往司員懇恩准予保奏等語前因慶惠等奏恭送仁宗睿皇帝聖容

宣宗成皇帝實錄

聖訓前赴盛京尊藏禮成並

冊

寶

玉牒同時敬謹尊度業將護送執事各員交部議敘惟念此次四案併行一切禮儀俱臻妥協該員等沿途照料倍著辛勤所有禮工二部執事人員著加恩再行交部議敘又諭崇恩奏查明失守各縣監犯無存等語山東

城武曹縣縣城本年被匪竄陷在監人犯均查無下落著該撫飭屬嚴拏務獲其城武縣新事情實人犯王大漢業予免勾此外已勾及緩決各犯著刑部查明俟拏獲後覈議罪名具奏○諭軍機大臣等前據常清奏駐劄熱河哨內之哲里木昭烏達兩盟官兵援照成案每日每盟放米十倉石麪七千斤其進口俸賞行裝於減半之中再行減半馬匹駝隻由該旗量力籌備等語惟所稱俸賞行裝

若照全分放給每名該銀若干減半該銀若干著即行查明分晰具奏至馬匹駝隻現當冬令草枯若久令該旗籌備恐滋苦累並著常清籌款折放乾銀俾資餵養該部統前奏俸賞等項已於道庫礦課雜稅等款內豫備此項銀兩須調取時始行支給此時能否先行移作馬乾之用並著酌覈具奏將此諭令知之○以克勤郡王慶惠為正黃旗漢軍都統以協辦大學士吏部尚書周祖培兼署

戶部尚書以直隸大沽協副將李志和署通永鎮總兵官以疏防賊竄山東臺韓二莊暫革都司閃福職摘守備龔鉢頂帶責令戴罪自效○予山東城武縣勦賊傷亡知縣彭鳳翽祭葬世職蠲緩山東濟甯章邱鄒平禹城長清肥城平陰惠民青城陽信蒲臺定陶鉅野鄆城朝城堂邑博平茌平邱夏津金鄉嘉祥魚臺臨清歷城長山齊河濟陽德平平原濱利津汶上聊城清平莘冠館陶高

唐恩武城海豐臨淄博興高苑濰新城臨邑
陵德樂陵商河曲阜甯陽鄒泗水滕嶧觀城
滋陽霑化莒益都樂安臨朐荷澤濮范陽穀
壽張齊東東阿東平七十三州縣並德州東
昌臨清濟甯東平五衛被水被旱被蟲被雹
被風被丹村莊新舊額賦有差○己已
上詣

安佑宮行禮○諭軍機大臣等前據都興阿奏
李續賓進攻三河失利當經諭令官文飭令

唐訓方等由英霍往援桐城並派李續宜舒
保等帶馬步隊速赴下游援應本日據官文
奏李續賓失利情形與都興阿所奏大畧相
同李續宜舒保唐訓方等軍均已派令赴援
與前旨亦相符合並擬將已到武昌之湖南
兵一千五百名留駐蘄州四川兵一千名到
鄂後令赴六安暫駐所籌均尚周妥李續賓
於失挫後據稱業已突出重圍急應速籌援
救以冀重振軍威並著官文嚴飭李續宜舒

保等探明李續賓實在駐劄何處星速馳援
兼程前進毋許遷延貽誤至勝保軍營自李
世忠投誠後雖滁全可無兼顧而兵力實形
單薄所有湖南四川兵二千五百名一俟西
路軍情稍鬆即著全數馳赴勝保軍營候調
至唐訓方阿達春兵勇著照該大臣所擬俟
大局布置稍定即令前赴袁甲三軍營調遣
其普承堯劉騰鶴兩軍欠餉已諭令耆齡迅
即籌給俾得即赴潯城將此由六百里諭令

知之○又諭前因吉安克復據官文奏請以
普承堯劉騰鶴二軍調赴九江而以李續賓
留防兵勇撤回赴皖本日據官文奏李續賓
克復潛桐後由舒城直擣三河因援賊眾多
全軍失利亟須添兵馳援各等語普承堯劉
騰鶴二軍現在餉項欠缺未能即赴九江著
耆齡將所欠餉項無論多寡設法籌措解往
給發俾得迅速啟程俟行抵九江即可由官
文飭令李續賓所留兵勇前赴桐城援應毋

稍延緩將此由六百里諭令知之○以內閣學士畢道遠署禮部左侍郎○庚午上詣

大高殿

壽皇殿行禮○還宮○諭軍機大臣等○何桂清奏徽甯二府軍餉現由浙江每月解濟銀六萬兩○徽甯池太道每月自行籌措銀三萬兩協濟近來池太南陵賊勢方張勒辦十分喫緊每月約需餉銀十二三萬兩而浙省月解

之款尚多延欠○即徽州餉銀解往者亦屬寥寥○請飭浙江巡撫查照舊章接濟等語○徽甯為浙省屏蔽距抗嘉湖三府尤為切近亟應寬為籌備以固藩籬著胡興仁於每月應解徽甯餉銀六萬兩外再行每月籌撥銀二三萬兩仍由浙江委員經理按月如數撥解其徽甯道協濟之按月三萬兩仍不得短少俾得合成十二三萬兩之數以維大局毋許推諉將此由五百里諭令知之○辛未諭內閣

惠親王近年籌畫軍務夙夜趨公著加恩在紫禁城內乘坐四人轎以節勞勩用示朕敬長酬庸至意○又諭怡親王載垣科爾沁親王僧格林沁內外宣勤勦勞懋著均著加恩在紫禁城內乘坐二人椅轎以示優眷○諭軍機大臣等○翁同書奏粵捻交乘定遠萬分危急一摺○逆賊廣聚廬州經翁同書派遊擊馬昇平等帶兵進剿雖接仗獲勝仍未能挫其兇鋒若令四出竄撲則東西兩路軍營均將不可支拄勝保現在堵剿懷遠捻匪惟全皖軍情該大臣均應統籌兼顧此時定遠大營兵勇悉已調空情形實屬危急應如何抽撥精銳亟籌應援之處著勝保會同翁同書悉心斟酌實力堵剿勿令廬逆遽得撲出以免疏虞○前調赴皖之湖南四川官兵據官文奏因李續賓三河失利已留現到武昌之湖南兵一千五百名駐劄蘄州其四川兵一千名亦擬令暫駐六安當諭以俟西路軍情稍

鬆即將此兩軍催令速赴勝保軍營聽調。即著勝保翁同書確行偵探如西南一帶道路稍通即將此項川楚官兵催提到營酌量調撥以厚兵力。將此由六百里各諭令知之。○又諭前因江北軍情喫緊疊經諭令王懿德將周天培一軍迅速調回援應並於該督請留該總兵摺內明白批示矣。本日復據王懿德奏沂屬軍情緊急周天培正由順昌將樂進剿已調副將張騰蛟等兵勇馳回金陵候

平定奉天

平

曾國藩入閩再令周天培馳回等語。周天培一軍本由江南調往援浙斷難久留閩省。現在江北江浦六合未復儀揚空虛急盼此軍前來助剿著俟曾國藩入閩即飭該總兵統率所部迅速馳回江蘇交和春調度。曾國藩現雖暫駐建昌不日即可到閩所有汀州連城甯化等匪及江西瑞金石城應需分防之處即著責成併力兼籌認真堵剿至王懿德所稱咨照曾國藩酌派勁旅一併赴援江北

之處如果周天培張騰蛟兩軍先後前赴江蘇曾國藩即無庸再行派兵赴援將此由六百里各諭令知之。命莊親王奕仁在御前大臣上學習行走。賞吏部左侍郎匡源禮部左侍郎文祥都察院左都御史綿森刑部左侍郎齊承彥理藩院右侍郎書元在紫禁城騎馬。以貴州防守省城及貴定等處帶勇剿匪出力賞同知沈西序知縣吳德容守備吳現龍包廷樑等花翎知縣石虎臣等藍翎予在籍翰林院編修丁寶楨以知府用餘升擢有差。○予安徽廬州五河亳州等處陣亡都司何泗霖守備王大綸由觀龍千總曾文品把總曹正春外委王占魁雲騎尉李從龍知縣狄融巡檢寶爾畿等祭葬世職武生常寅等賞卹如例

平定奉天

平

昌由霍山進發。赴援淮北之唐訓方。阿達春兵勇亦由太湖一路直趨相城。業已諭令該大臣飭令各路援軍兼程前進。此時相城萬分危急。都興阿兵力甚單。該大臣務遵前旨。飛催李續宜舒保等迅速往援。其湖南四川新到之兵。如可前進。著一併催令赴援。毋稍遷延。致滋貽誤。將此由六百里各諭令知之。○又諭現在徐州一帶捻匪分股竄擾。勢甚披猖。萬一北竄。則東豫交界之處甚為喫緊。

直隸本省無兵可撥。山東兵力亦單。亟應另撥勁旅以遏匪蹤。著慶祺西凌阿即將駐劄天津之吉林兵二百五十名。黑龍江兵五百名。察哈爾兵一千名。派協領關保管帶馳赴徐州一帶。交袁甲三調遣。前有旨令關保來京引見。著飭該協領迅即啟程。俟引見回津後。即帶兵分起南行。西凌阿俟官兵啟程後。著即回察哈爾本任。毋庸來京。陞見。所有此次派往徐州之官兵軍裝銀兩。著慶祺迅籌

豫備。並咨令沿途支應。毋令缺乏。將此諭令知之。○兩江總督何桂清等奏請江浙新漕仍由海運從之。○癸酉諭軍機大臣等。德興阿奏江北兵單。請飭黑龍江迅撥馬步兵丁等語。現在黑龍江官兵在德興阿軍營止二百餘人。不能成隊。著奕山挑選餘丁一百名。前赴揚州軍營應用。毋稍遲誤。又據奏江北將領傷亡病撤者甚多。請調黑龍江得力各員前往等語。所有黑龍江協領富陞阿。四品

官托克托布。佐領額哲通額。富平阿。蘇楞額。著奕山酌調數員。派赴江北。交德興阿軍營差遣。將此由五百里諭令知之。○又諭德興阿奏揚營兵丁傷病甚多。請飭抽調陝甘督標兵八百名。河州鎮標。循化保安起台堡各營兵六百名。固原提標兵六百名。漢中鎮屬兵八百名。直隸大名。正定。兩營兵各四百名。以資攻剿。又據奏稱將領乏人。查有陝甘署總兵副將郭相忠。署副將成瑞。遊擊趙秉鑑。

署參將張敬都司王禮陳應春署守備朱子俊均係英勇著名堪資管帶併馬匹疲瘦難期得力請調撥甘州孳生馬廠馬五百匹各等語江北軍情緊要急須攻復六合由東而西進取江浦以復舊觀該大臣所統兵將累年征戰傷亡疲病居多自應照數換補以期得力惟直隸為京畿羽衛屢經徵調營伍空虛未必再能多撥著慶祺於大名正定兩營內酌抽精銳合成四百名飭赴江北軍營陝

甘亦係邊陲要地不能悉如該大臣所請著樂斌體察情形於所屬各標營湊撥兵一千名其所指調各該員弁能否酌調前往江北並著該督酌量辦理至孳生馬匹如能調撥三四百匹亦著飭赴德興阿軍營毋稍遲緩將此由六百里各諭令知之○又諭德興阿奏官軍進攻六合獲勝並請調直隸等處官兵各摺片總兵成明督兵進攻六合於猴子鋪孟家店一帶擊焚賊卡擒斬多名即可乘

勝進攻殄茲醜類德興阿現已移營五臺山扼要駐劄著即督飭各軍節節進逼務將六合江浦迅圖克復毋再遷延現在江南東自江甯鎮北至采石磯百餘里一律肅清是南岸勦辦正在得手若該逆窮極思竄則北岸防勦情形愈為喫重德興阿兵勇潰散之後馬步僅止八千且多傷病自應量為抽換惟直隸陝甘黑龍江官兵未能照數調撥致本地空虛本日已諭慶祺飭調直隸官兵四百

名樂斌酌調陝甘官兵一千名英山調黑龍江餘丁一百名馳赴該大臣軍營聽候調遣至請調將領馬匹除伊犁鎮總兵常善道途遙遠毋庸調派外其協領富陞阿等已諭奕山樂斌酌量派往其甘州孳生馬匹亦諭該督酌撥三四百匹迅赴揚營矣至朱永先等兵勇前曾諭令和春酌量飭赴江北並令將張國樞留下之兵毋庸調回德興阿惟當力圖振作親督各軍自東而西將六合江浦之

賊次第埽除。並嚴扼該匪紛竄之路。是為至要。將此由六百里諭令知之。又諭。現在江南大營。剿賊喫緊。需用火藥火繩鉛子。為數甚多。江蘇軍需局。趕造不及。自應亟籌協濟。藉資攻剿。著慶祺、崇恩、英桂、曹望顏各於該省各協濟火藥四萬斤。直隸山東仍按照火藥斤數各配。擡礮鳥鎗子火繩七成。山西陝西亦按照火藥斤數各配火繩七成。並著各飭加工製造。派員迅解江南軍營。沿途毋受潮滯。以資應用。將此由五百里各諭令知之。

（兩廣總督黃宗漢奏。夷氛逼近。鹽課短絀。懇請奏銷展限。允之。）○以江南紅藍埠堵禦不力。革遊擊馬騰超。博勒莊武守備周峻書。吳朝清。千總劉登元。把總李月恆。職仍隨營效力。○予江南浦口陣亡遊擊馬騰霄。都司滕代貴。侯昌文。守備陳輝雄。徐太平。葉雲漢。千總黃連元。陳發揚。正泰。把總許榮升。外委陳昭勝等。祭葬世職。○予江南六合陣亡參

將苟蘭芬。都司夏定邦。李春芳。馬興。守備俞承恩。王家幹。海亮。蘭福。馬培基。祭葬世職。道員溫紹原。妻王氏。子輔材。媳陳氏。旌卹如例。併附祀溫紹原專祠。○緩徵廣西及貴州古州。被擾各埠引餉雜稅有差。○甲戌遣官祭先賢之神。○諭軍機大臣等。前因賊撲桐城。都興阿兵力不支。疊經諭令官文。即飭李續宜等赴援。本日據官文奏。桐城兵潰。都興阿前後受敵。已令由石牌宿松一路撤退。請飭曾國藩赴楚督剿。並請飭撫臣胡林翼。即赴署任等語。福建順昌將樂汀州等處賊眾肆擾。軍情緊急。曾國藩本擬由杉關入閩。因軍士染患疾疫。至三千人之多。以致未能前進。尚駐建昌。現在閩省待援孔亟。而兵勇患病。更未便令其跋涉長途。繞赴楚北。統計楚省派出官兵。及截留湖南四川兩軍。為數已不少。普承堯即抵九江。李續賓所留兵勇。亦可更換抽撥。著官文催令李續宜等。星速前

進力扼潛太。以衛楚疆。此外兵勇酌量布置。仍會合都興阿官兵相機進剿。不得以盼望援師轉涉延誤。胡林翼辦理軍務洞悉機宜。現值軍務緊急。該撫業已葬親事畢。著即馳赴署任。協同官文籌辦軍務。毋得過涉拘牽。致有貽誤。將此由六百里各諭令知之。○又諭勝保奏。擒眾圍撲劉府圖襲殷澗。該大臣躬親督戰跟追。並請飭令袁甲三或唐訓方專辦懷遠擒匪各等語。現在粵捻紛竄。勝保

難於兼顧。自係實情。惟唐訓方等尚在潛太。袁甲三為徐宿匪徒牽掣。一時未必能即赴懷遠。此外更無可簡派之人。仍著勝保統籌兼顧。俟楚北布置稍定。都興阿李續宜等援應桐城扼守要隘。不至竄入楚境。則官文截留之湖南四川兵即可次第前來。唐訓方等所帶兵勇亦可前赴徐宿。其時袁甲三自能前赴懷遠。與該大臣相助為理。至所謂馬隊馬匹除已由袁甲三營分撥外。其後起未到

者。前據該大臣奏稱專弁迎提。何以至今尚未趕到。著即查明逗遛何處。嚴催前進。毋任耽延。將此由六百里諭令知之。○又諭曾國藩奏官軍分道入閩。並陳現辦情形一摺。據稱現派張運蘭一軍向杉關進剿。蕭啓江一軍向廣昌進剿。吳國佐一軍赴南豐等處。擇要駐紮。均分起拔營前進。辦理情形朕亦不為遙制。該侍郎惟當督飭將士相機剿辦。探知何處有賊。即由何處進剿。以期迅殲醜類。

現在福建大股賊匪併注汀州。俟順昌將樂賊匪剿除淨盡。即著曾國藩督率後隊會合張運蘭等所帶各軍進剿汀州甯化各匪。毋稍延緩。至建昌等屬。疾疫流行。各營兵勇現多染病。著該侍郎妥為拊恤。俾得迅速調治。無誤軍行。將此由五百里諭令知之。○又諭前因江北軍情喫緊。周天培一時未能赴援。王懿德先派副將張騰蛟帶兵勇二千五百名馳往援應。當經諭令將周天培張騰蛟兩

軍一併飭赴江南交和春調遣本日據胡興仁奏衛防緊要周天培已率所部由閩啟程張騰蛟一軍即日可到衢州擬請暫留歸李定太調遣等語現在江北浦口六合未復江南截剿各路援賊正須厚集兵力浙省全境業已肅清情形較為鬆緩不宜以有用之兵置之防守之地所有張騰蛟一軍著該撫於到衛後仍催令趕緊前進速赴江南軍營歸和春調遣其白沙關應設防兵著胡興仁會

同張芾另行籌撥將此由五百里諭令知之○又諭勝保奏攻剿喫緊請仍截漕充餉等語勝保軍營餉需向由豫省籌解近因潁壽一帶餉道阻滯撥款未能源源接濟又聞河南庫款亦形支絀當此攻剿喫緊之際必得豫為籌備准其於豫省本年起運漕糧內截留五六萬石解往接濟漕糧為天庾正供本不應輕議截留惟勝保軍營需餉甚急此項糧米著恆福查照成案酌量截留或酌解銀

兩或銀米各半隨時變通辦理以裕軍食將此由五百里諭令知之○前署直隸總督瑞麟等奏酌擬撥添海口將弁並募水師足數緣由得旨明歲海防仍責成僧格林沁督辦此摺著僧格林沁察覈具奏○以防守江西廣豐玉山二縣城出力賞知府劉汝璆同知彭斯舉黎獻都司彭侍善守備熊應文童梅華等花翎餘升敘有差○以安徽祁門涇太等處剿賊出力並攻毀陵陽賊巢賞總兵官

江長貴提督銜遊擊袁國祥已圖魯名號餘升敘有差○蠲緩浙江江山常山開化縉雲松陽遂昌龍泉雲和宣平永康武義壽昌西安景甯慶元麗水龍游青田東陽湯溪淳安遂安仙居金華蘭谿義烏浦江建德桐廬分水三十縣被擾地方新舊額賦有差○乙亥諭軍機大臣等袁甲三奏徐州疊被兵燹無可再籌餉需山東省登萊青三府屬海口為商船湊集之所請舉辦抽釐協濟各路軍餉

等語軍營需餉浩繁山東省於奉撥餉項未能源源撥解自應亟為籌畫該省紳富不乏急公慕義之人著崇恩察度情形揀派公正紳耆會同地方官勸諭捐輸至登萊青三府屬海口商船資本較鉅如能舉辦抽釐不無裨益其小本貿易一概不准抽收自可不致有拂輿情並著崇恩飭屬查覈妥議具奏惟餉需不繼借資民力原屬萬不得已之舉該撫務須妥為籌辦以期有益餉需不致徒增

擾累聞吏胥中飽之端將此諭令知之○又諭僧格林沁奏察覈海口情形請豫調官兵一摺現在津沽海口各礮臺一律修造完竣明歲必須添調官兵前往以資防守著景瀄奕山於吉林黑龍江兩處各挑撥馬隊精兵一千名配齊軍裝器械於本年十二月啟程俟明年二月初間必須行抵天津歸僧格林沁調遣毋稍延緩將此各諭令知之○又諭昨據瑞麟慶祺奏酌擬撥添海口將弁並招

募水師足數各情當交僧格林沁察覈具奏本日據覆稱該大臣所擬請裁移添設之將弁各缺均甚妥協其原設及新募之兵足資守衛業經降旨依議辦理矣惟據稱海口地方遼闊尚須添調官兵以資防守所謂調之吉林黑龍江蒙古兩盟及察哈爾等處馬隊兵五千名均於二月初間可到合之僧格林沁另帶京旗官兵二千名共有七千之數津郡現辦釐捐及鹽斤復價猶恐不敷應用除

飭戶部豫為籌備外並著慶祺先期籌備以免臨時缺乏將此諭令知之○協辦大學士湖廣總督官文奏報荆江三汛安瀾萬城大隄防護穩固報聞○陝西按察使蔡宗茂因病解任以前任甘肅按察使明緒署陝西按察使○新設直隸天津海口前右營遊擊一員以葛沽營遊擊改駐前左營都司一員以鞏華城都司改駐中左營都司一員以三河營都司改駐改大沽協左營都司為中右營

都司右營都司。為後右營都司。海口營守備。為後左營守備。從前署總督瑞麟等請也。蠲緩直隸。開東明。長垣。武清。甯河。蠡。東。鹿。安。天津。青。靜。海。滄。南。皮。鹽。山。無。極。大。名。南。樂。清。豐。永。年。邯。鄲。肥。鄉。廣。平。雞。澤。豐。潤。新。河。武。邑。衡水。隆。平。甯。晉。饒。陽。高。陽。成。安。曲。周。南。宮。深。澤。三。十。五。州。縣。被。水。被。旱。被。風。被。雹。災。區。新。舊。額。賦。有。差。並。分。別。賑。給。貧。民。口。糧。蠲。緩。湖。北。黃。梅。廣。濟。羅。田。三。縣。被。擾。地。方。舊。欠。漕。

糧。丙子諭軍機大臣等。瑛。奏。擒。匪。猖。獗。現。咨。唐。訓。方。等。兵。勇。取。道。汝。陳。隨。勒。隨。進。等。語。大。股。擒。匪。竄。至。扶。溝。太。康。一。帶。焚。掠。數。至。萬。餘。瑛。因。豫。省。兵。力。過。單。咨。商。官。文。飭。唐。訓。方。等。改。由。光。州。取。道。汝。陳。前。往。徐。宿。僅。豫。境。匪。蹤。尚。熾。即。擬。令。會。同。豫。軍。進。剿。為。豫。防。竄。越。之。計。惟。此。項。兵。勇。前。因。李。續。賓。全。軍。挫。失。桐。城。不。支。經。官。文。飭。由。太。湖。一。路。直。趨。桐。城。急。切。不。能。他。調。恆。福。計。已。到。省。著。就。本。省。

兵力嚴飭地方官弁。悉力堵剿。如旁竄路多。著該撫擇其要隘。親往駐劄。調度。楊昌泗。邱。聯。恩。等。各。軍。探。賊。所。向。杜。其。紛。竄。勿。得。專。待。外。兵。致。滋。貽。誤。將。此。由。六。百。里。諭。令。知。之。予。河。南。柘。城。陣。亡。同。知。馮。景。祭。葬。世。職。如。知。府。例。七。品。委。官。祿。旺。從。九。品。施。汝。讓。祭。葬。世。職。丁。丑。諭。內。閣。陳。孚。恩。奏。派。審。案。內。牽。涉。伊。子。自。請。迴。避。嚴。議。並。請。將。伊。子。革。職。一。摺。據。稱。審。訊。平。齡。案。內。副。考。官。程。庭。桂。之。子。程。

炳。采。供。稱。陳。孚。恩。之。子。陳。景。彥。有。交。伊。條。子。之。事。經。陳。孚。恩。嚴。詰。伊。子。屬。實。刑。部。候。補。員。外。郎。陳。景。彥。著。即。革。職。歸。案。辦。理。陳。孚。恩。並。不。知。情。著。改。為。交。部。議。處。此。案。關。涉。陳。景。彥。之。處。陳。孚。恩。著。照。例。迴。避。餘。仍。秉。公。會。審。毋。庸。迴。避。全。案。又。諭。戶。部。奏。請。將。未。能。設。法。疏。通。鐵。錢。率。行。出。示。之。知。縣。議。處。一。摺。山。西。平。定。州。設。立。寶。泉。分。局。鼓。鑄。鐵。制。錢。與。銅。錢。一。律。行。使。商。民。久。已。相。安。乃。孟。縣。知。縣。李。昌。

熾以紳士稟請分成搭用。不思善為開導。設法疏通。並不申詳上司聽候籌辦。輒敢率行出示。不得盡用鐵錢。以致鋪戶相戒。不敢收售鐵錢。實屬辦理不善。李昌熾著交部議處。以示懲儆。並著山西巡撫通飭所屬徧行曉諭。凡州縣徵收錢糧。及商民交易。務須照舊銅錢鐵錢一體行使。儻有拘分成數。或竟不用鐵錢者。均照新定阻撓鑄務章程懲辦。至各省地方。無論是否設鑪鼓鑄鐵錢。凡有鐵

錢行用之處。在官徵收錢糧。與商民交易。均應與銅錢一律行使。不得歧視。其地方州縣。如有勒令分成。致境內鐵制錢阻格不通者。即著指明嚴參。照阻撓新章辦理。以重國法。○諭軍機大臣等。戶部奏據山西寶泉分局監督隋藏珠等呈稱。平定州等處銀價忽長。訪係直隸奸商將運鐵錢數十萬串。來州買銀。約定九十月銀錢兩交。遂致銀價驟長。請飭直隸山西督撫查禁等語。現在各處鼓鑄

鐵制錢。原期無分畛域流通利用。乃該奸商等竟敢豫立期約。越境販運。致開買空賣空之弊。現在該州銀價昂貴。不特小民生計艱難。錢法亦因之敝壞。實屬大干例禁。著屢祺飭查所屬。毋令此等奸商出境私販。並著英桂飭令平定州出示查禁。一面訪拏懲辦。以重國法。而利民用。將此各諭。令知之。○以辦理天津海防出力。予副都統增慶等獎敘有差。戊寅

上御懋勤殿。句到朝審情實罪犯。停決絞犯一人。餘三人予勾。○諭內閣。本年各直省辦理秋審人犯。經刑部由緩決改情實者。四川六起。山東五起。該督撫並該臬司於秋讞重犯未能詳慎覈擬。著交部查明。分別議處。嗣後各將軍府尹督撫等。務當督同所屬。遵照定例酌覈案情。悉心究擬。固不可失之刻覈。亦不可惑於救生不救死之說。意存寬厚。故從輕減總期執法持平。無枉無縱。用副朕明慎

用刑至意將此通諭知之○禮部尚書徐澤醇因病續假以都察院左都御史朱嶧署禮部尚書○以河南虎牢關老捷坡二處辦防出力賞知府樊琨鹽運使銜知縣孔慶鈺等藍翎並各升敘有差○已卯諭內閣禮部尚書徐澤醇人品端謹辦事老成由進士籤分吏部疊蒙

皇考宣宗成皇帝恩遇簡放外任洊擢封疆朕念其宣力有年特以禮部尚書內召服官中

外典試禮闈均能勤慎宣勞克稱厥職茲以出差盛京感受微疾甫經兩次賞假方冀調理速痊遽聞溘逝軫惜殊深著賞給陀羅經被派貝子奕劻帶領侍衛十員即日前往奠醊加恩照尚書例賜卹任內一切處分悉予開復應得卹典該衙門察例具奏伊子候選知府現任山東同知徐彬著俟服闋後以山東知府補用伊孫監生徐承煊著賞給舉人一體會試以示朕篤念耆臣至意尋予祭葬

諡恭勤 又諭慶昫奏請將藉詞稟報之營總等官暫行摘頂示懲一摺察哈爾右翼四旗營總僧格塔爾濟等現應操練備調官兵乃率以時屆嚴寒兵丁缺少帳房冬衣等語稟報殊屬不合營總僧格塔爾濟普尊扎普副營總拉什棟魯普阿玉什扎普等四員均著暫行摘去頂帶以示薄懲至該兵丁等遠道從軍時屆沍寒宜加體恤著慶昫先行妥為曉諭並查明久發錢糧數目陸續支領均

勻放給以恤兵艱而備徵調○諭軍機大臣等有人奏奉天府屬之鐵嶺縣知縣塔清阿於該縣民人姚富臨與王敦太錢財涉訟之案聽受戶書楊達行賄縱容家丁王姓書役趙繼芳帶領債戶赴姚富臨當舖內搶擄衣飾銀錢糧石並將鋪夥楊盛林責打斃命姚富臨之母赴訴被押班館案經京控咨交查辦而王敦太賄買承德縣知縣肇麟銀六百兩通判巴克坦銀一千兩竟不傳訊各等語

州縣枉法行私濫斃人命。及承審官得受賄賂。懸案不辦。均屬大干法紀。有玷官箴。亟應徹底根究。著王明、倭仁景霖按照所參各節。提集人證卷宗。秉公嚴訊。按律懲辦。以儆官邪。而成信讞。原摺著鈔給閱看。將此諭令知之。○又諭。有人奏。吉林長春兩廳。燒鍋津貼。濫票每年額交課錢十萬八千吊。嗣因局員增課八萬一千吊。該商等力不能支。紛紛歇業。復經奏歸原額。而該商等仍因無力完繳。

從前額外欠款。於去歲全行關閉。而十萬八千吊之原額。竟無著落。等語。燒鍋津貼稅課攸關。如因催追欠款。轉致額課無著。不如酌量免其補交。使該商等仍復舊業。於課款不致全虧。著景瀄體察情形。即行查明。妥為辦理。原片著鈔給閱看。將此諭令知之。○又諭。都興阿奏。撤圍安慶。迎勦上犯賊匪。連獲勝仗一摺。桐城兵潰。以後安慶各營。腹背受敵。經都興阿設法撤赴潛太一路。並率同多隆

阿等。於黃泥港等處迎勦。疊獲勝仗。斃賊三千餘名。又於王家畝等處。踏毀賊營三十餘座。斃賊三千餘名。生擒五百餘名。惟上犯賊匪。取至數萬。蔓延潛太等處。勢甚猖獗。都興阿現扼宿松。兵力較單。著官文即飭前派赴援之舒保、李續宜、普承堯等馬步各隊。迅速前進。以剿為防。不准令其蔓延。及楚疆。致勦辦復須費手。至唐訓方一軍。現駐陳德園地方。北路需兵。亦甚緊急。一俟舒保等與都興阿

會合。軍情稍定。即遵前旨。仍著該員帶兵。速赴袁甲三軍營。聽候調遣。將此由六百里各諭令知之。○惠親王等奏。請將監督德泰等。再留一任。以資熟手。得旨。戶工兩局監督。若有經手未完事件。奏留者。是否酌留數月。抑係率請再留一任。並鐵錢局有無奏留成案。摺內亦未聲敘。著查明具奏。又奏。與侍郎書元意見不合。據實奏聞。批。書元有無意見。不合之處。著明白回奏。尋署戶部右侍郎書元

奏以未見其人無由出考並無意見不合之處得旨書元告與文鏞達明之語該二員曾否稟明若隱匿不言即將該二員叅辦該侍郎自署任以來並未赴局一次摺內各語亦不免過激○實授朱嶧禮部尚書○蠲免貴州都勻鎮遠黎平石阡思南獨山麻哈清平黃平施秉水從開泰平越餘慶甯安印江荔波安化婺川龍泉龍里貴定威甯二十三府州縣被擾地方額賦有差○庚辰諭軍機大

臣等鄧紹良奏賊眾兵單甯防危急一摺大股逆眾數萬人內犯黃池等處孤山壩鴉山兩防營盤兵本不多近因糧缺饑疲均被逆賊衝潰雖經鄧紹良將突圍兵勇及方村石碓撤退之師派赴紅楊樹方山西河一帶踞河築壘而賊匪已將犯入宣城南陵又復告警甯防危急深為可慮本日已諭令胡興仁設法籌措軍餉按月十二三萬之數趕緊解赴甯國軍營矣黃池灣江為皖南屏蔽江浙

門戶必須厚集兵勇堵其紛竄昨據和春奏抽撥各營勁旅五千派戴文英統帶取道高淳前往應援著即飛飭該總兵迅速啟程此外有無可撥之兵該大臣等務當不分畛域移緩就急妥籌布置鄧紹良務當撫循士卒毋令軍心渙散至閩省折回之兵勇二千五百名因張騰蛟患病派遊擊馮日坤等管帶本日據胡興仁奏因甯防兵單飭令先赴甯國聽候鄧紹良調遣計已兼程趕至鄧紹良

得此一軍相助亦足稍振軍聲其周天培帶兵已抵衢州該撫擬令改由甯國行走惟江南現亦需兵已諭胡興仁令周天培仍赴和春軍營到時或留江南或撥往揚州由該大臣等酌量辦理可也將此由六百里諭知和春張國樞許乃鈞並傳諭鄧紹良知之○又諭本日據鄧紹良奏兵勇缺餉賊眾分撲孤山壩鴉山各營於十月二十三等日先後潰失並有因索餉譁鬧之事是鄧紹良所部一

軍其勢已成。渙散必須由浙起。緊籌撥兵餉。庶可固結軍心。著胡興仁即遵前旨設法籌措。務按每月十二三萬兩之數源源解赴徽甯軍營。毋得藉詞耽延。致有貽誤。至胡興仁奏稱甯防喫緊。將由福建折回之兵勇二千五百名飭赴甯國。聽候鄧紹良調遣。此項兵勇著即催令馮日坤等統帶迅速前進。其總兵周天培現已行抵衢州。俟到杭後仍著馳赴江南大營聽候和春調遣。將此由六百里諭令知之。○又諭前因李續賓三河失利。相城危急。當諭官文飛飭唐訓方轉回潛山力援桐城。俟大局布置稍定再令赴袁甲三軍營調遣。茲據勝保等奏袁甲三為北路餘擒牽掣。請飭唐訓方由六安正陽一路進剿。攻勦懷遠等語。唐訓方一軍昨據都興阿奏已撤轉張家塢扼守陳德園一帶以固楚疆。業經諭令官文等俟楚北軍務稍定即飭仍赴徐宿未便朝令暮改。致無所適從。其懷遠一

帶現無專辦之人。著該大臣等仍遵前旨分籌兼顧。其湖南四川兵二千五百名本係勝保所調現在湖北防堵。業經諭令官文俟該省軍情稍定即行飭赴勝保軍營。著該大臣就近催提以資攻剿。至所請吉林黑龍江補額兵丁該二省外調已多未知能否如數撥給。已諭該將軍等酌量辦理矣。將此由六百里諭令知之。○又諭勝保奏馬隊不敷調遣請添補缺額等語。勝保軍營所有吉林官兵遣撤及病故陣亡陣迷者共二百二十二名黑龍江遣撤及病故陣亡官兵共一百二十七名所餘馬隊不能成軍現當粵捻各匪交乘之際勦辦甚屬喫緊請照數添調足額惟該二省馬隊官兵屢經徵調能否挑補足額殊難懸揣著景淳奕山各於該省正兵餘丁閒散三項中酌量挑選配齊軍裝器械飭赴安徽定遠軍營毋稍遲誤將此由五百里各諭令知之。○又諭恆福奏擒匪滋擾陳州府

屬並周家口地方。經官兵擊退。現飭各帶兵官進剿一摺。捻逆孫葵心等。大股竄撲陳郡所屬地方。前經瑛奏聞。當即寄諭該撫。到省後。即就本省兵勇。嚴飭各軍。悉力防剿。如紛竄路多。該撫即當擇要親往駐剿。妥為調度。並諭知唐訓方一軍。現因皖省舒桐楚軍新挫。由太湖一路進剿。急切不能他調。勢難望其改道。與豫軍合力堵擊。茲據奏稱。捻匪分股回竄。歸德直撲郡城。經在城文武兵勇

擊退。向西南竄逸。一由扶溝太康一帶。竄入周家口。亦因官兵追剿。不敢停留。往來奔竄。逆蹤鴟張。並未大加懲創。其分由各路竄走者。究竟擾及何處地方。亟應嚴飭各路文武。及帶兵各員。星馳進剿。周家口通判王可愚。於該匪竄至。雖據稟報。督率勇練迎擊。旋因匪股大至。眾寡不敵。被竄入街。有無臨事退避情形。著該撫查明具奏。此外營汛各官。並著查明。叅處總兵楊昌泗。已到豫省。據稱患

疾。暫留省城調治。有無畏怯情弊。亦著查明據實具奏。其裴家橋聚匪。經練勇擊敗。即應乘勢埽除淨盡。該撫甫經抵任。於豫省軍情。務須詳細諮籌。分飭營總蘇克金。遊擊汪長清等。兵勇與傳振邦等軍。探明賊蹤。會同擊剿。毋稍疏失。是為至要。將此由五百里諭令知之。以吏部右侍郎張祥河。為都察院左都御史。調兵部左侍郎萬青藜。為吏部右侍郎。仍留直隸學政任。轉兵部右侍郎徐樹銘。為左侍郎。仍留福建學政任。以署兵部左侍郎李維翰。為兵部右侍郎。通政使司通政使。梁瀚。署吏部右侍郎。內閣學士畢道遠。署兵部左侍郎。內閣學士袁希祖。署禮部左侍郎。以安徽南陵等處剿匪獲勝。復已革遊擊田應科。都司蕭傳科職。以浙江衢州華埠帶勇畏葸取巧。革知縣梁鵬職。並逮問。辛巳諭軍機大臣等。據廖鴻荃奏。福建省永豐官局前因提用局票過多。局夥倚恃委員護

茫買空賣空致民間不復信用局票物價日昂奸徒鼓煽致有三月閒闔入督署之事及鐵錢室礙議復銅錢以二成錢票一成現錢搭放市肆未見分文多被奸民運赴省外銷售近因彌補票本設局勸捐怨聲載道將來此項捐資若復那移別用更何以爲清釐官局之資一朝潰裂患不勝言等語該省設立官局原期酌盈劑虛便民利用若任令委員盤踞奸夥營私不思力加整頓必至官民交

困王懿德現在出省督兵所有該局倚勢作奸之委員著派東純會同慶端嚴叅懲辦局夥奸民從中漁利者一併嚴懲以除積弊至錢票與現錢分成搭放該省銅錢本不敷用不准奸民外運私銷日久自堪補救其勸捐一節原屬不得已之舉亦須俯順輿情不得抑勒苛派致滋怨讎該將軍巡撫務當通盤籌畫剔弊釐奸嚴定章程飭屬妥辦以資周轉而裕民生將此諭令知之○壬午諭內閣

惠親王等奏遵查奏留監督成案一摺鐵錢局監督德泰高鎮前經惠親王等奏請留局當經諭令查明有無成案具奏茲據查照戶工兩局成案聲明請旨德泰高鎮均著准其再留二年以資熟手○諭軍機大臣等前因官文奏胡林翼葬親事畢當經諭令該署撫即赴湖北署任籌辦軍務本日據都興阿奏扼勒上犯賊匪兵力單薄勢恐難支請飭胡林翼駐劄黃梅督辦等語都興阿撤安慶之圍馳赴宿松後賊隊大至雖經連次擊退而援兵未到情形萬分危急胡林翼前在湖北調度各軍悉合機宜此時該署撫諒已到省即著前往黃梅一帶駐劄將撥兵籌餉各事宜妥為督辦至都興阿身任將軍且係幫辦軍務除所部各營外其餘兵勇亦應聽其調度所有舒保李續宜等馬步各軍早經官文派出赴援何以日久不至即著該將軍速行催提前赴宿太一路協力攻剿儻有耽延不

進以致貽誤機宜者即著從嚴叅奏將此由六百里各諭令知之○又諭駱秉章奏楚軍失利聞賊漸遠請飭曾國藩移師援皖一摺李續賓一軍進攻三河全軍失陷至今尚無下落都興阿圍攻安慶之師亦經撤回宿松一帶皖北賊勢鴟張楚省邊防喫緊諒曾國藩亦必有探報此時聞省之賊已南趨漳泉距江西漸遠若照駱秉章所請令該侍郎移師赴皖而留蕭啟江所部四千餘人防守江

曾集奏言完

手

西亦未始非權衡緩急之計惟曾國藩所部各軍多染疾疫前奏尚須休息且景德鎮尚有大股逆匪隨勦隨進亦非計日可到著曾國藩豫為籌度如果聞省賊匪本省兵勇足資勦辦而江西邊境防勦有人自以赴援皖省尤為緊要不但廬州省城可收南北夾攻之效即上竄湖北之路亦可藉資堵扼儻因汀州甯化等處尚須兵力一時不能移軍或須俟景德股匪殲除再回楚北亦著斟酌具

奏將此由六百里諭令知之○又諭前因江北軍情緊要疊經寄諭和春等於溧水克復後即飭朱承先一軍渡江赴援嗣據覆稱因鄭魁士撥赴水陽地方並分守高淳東壩各要隘正在喫重俟防務稍鬆即飭渡江等語本日據德興阿奏協攻六合兵力單薄朱承先一軍不能遽到實深焦急等語六合賊勢鴟張亟應迅速進兵即朱承先等一時未能遽到該大臣亦豈能專待此軍株守揚州不

曾集奏言完

手

思振作據稱鞠殿華等已帶兵馳赴儀徵六合交界該大臣統轄全軍正當親督重兵移營進勦為鞠殿華後路聲援現在揚州郡城已留毛三元及安勇等兵勇分列足資堵禦該大臣惟當迅速拔營前進督飭成明等兵持六合迅圖恢復以贖前愆不得專待南岸援軍致誤事機將此由六百里諭令知之○賞休致副都統明慶全俸○癸未諭內閣朕自上年秋間染患嚴疾一載以來

郊壇大典未能躬詣每抱歉忱本年冬至

園丘大祀業經降旨親詣行禮茲據惠親王等

合詞具奏以朕體雖愈步履尚未如常登降

拜跪恐多勉強籲請仍暫緩親詣揆諸朕心

實有難安該王大臣等於召見時再三籲懇

因念

大禮攸關設有愆儀轉不足以昭誠敬不得已

勉從所請所有本年冬至

大祀著派恭親王奕訢恭代行禮並著在禁城

實錄卷二百六十九

三十三

內齋宿先期一日詣

壇內齋宿朕仍在宮內敬謹致齋十八日親詣

大高殿行禮以嚴對越○江西道御史鄂楚奏

請查辦保甲以防盜竊得旨該衙門查照認

真辦理 甲申

聖祖仁皇帝忌辰遣官祭

景陵

上詣

壽皇殿行禮○諭內閣前因惠親王等奏鐵錢

局奏留監督署戶部石侍郎書元不畫奏彙

並有於彙面批寫之處當令書元明白回奏

並派載垣僧格林沁查辦茲據查明奏稱監

督德泰文鏞既因書元面加申飭並有奏留

監督不能畫彙及辦理不可太繁之語該員

等輒因書元語多牽混竟未將此意回明惠

親王等各堂殊屬非是書元署任將及兩月

竟未到局於奏留監督一事自稱例不出考

其謂局員蒙混既未能指出該員等劣蹟又

實錄卷二百六十九

三十三

不自向惠親王等面商殊非和衷辦公之道

署戶部石侍郎書元鐵錢局監督刑部員外

郎德泰郎中文鏞均著交部分別議處○又

諭現在俄羅斯國遣使來京商辦事務著派

禮部尚書管理理藩院事務肅順理藩院尚

書瑞常會同辦理○又諭前據英桂等奏來

河南林縣脫逃遣犯張掄沅改名投效得官

輒敢因差潛回原籍私設公案責打鄉約拒

捕傷差當降旨令英桂等訊明正法茲據瑛

奏奏審明定擬即將該犯照光棍為首例斬決軍營投效之人不盡知其來歷但能奮勉立功原不究其既往若如此等兇徒滋擾地方目無法紀豈得因其曾有軍功曲從寬貸嗣後各直省遇有藉差回籍倚官滋事不受地方官約束者無論曾在軍營出力得有保舉人員該將軍督撫一體嚴拏查訊明確按律嚴辦以儆效尤將此通諭知之○諭軍機大臣等常清奏遵查蒙古官兵俸賞行裝銀數並籌給馬乾銀兩一摺所有駐劄熱河哨內之哲里木昭烏達兩盟官兵進口時俸賞等銀若照部議於減半之中再行減半放給未免不敷應用著常清屆時按照定例全分銀兩減半放給以示體恤其馬乾銀兩既可將俸賞等銀先行移用著按減四給六成數再加一成發給七成覈實支放另片奏總管常山呈請帶兵等語所有兩盟官兵調取進口時仍著該總管分帶前進以資得力將此

諭令知之又諭前曾諭令慶祺西凌阿將駐劄天津之吉林兵二百五十名黑龍江兵五百名察哈爾兵一千名派協領關保帶赴徐州一帶交袁甲三調遣關係業經來京引見本日已諭該協領回津統帶此項官兵分起南下官兵啟程後西凌阿即遵前章回察哈爾本任所有前諭慶昫挑選備調之察哈爾官兵二千名著西凌阿即於此項官兵內挑選年力精壯技藝嫺熟者一千名由該都

統於明年正月帶赴天津駐劄挑賸之一千名著即飭令各歸游牧將此諭令知之○以湖南永州鎮總兵官樊燮署提督雲南臨元鎮總兵官栗襄署湖南永州鎮總兵官○以河南豐次勦擒出力總兵官朱連泰下部優敘賞遊擊承惠巴圖魯名疏防禦台斐音阿等花翎前鋒祿彭等藍翎餘升敘加銜有差以河南光州等處擒獲擒匪多名予縣丞達德以知縣用並賞藍翎○以河南勦擒不

力革佐領法明驍騎校善凌職善凌遣戍新疆。乙酉諭內閣勞崇光奏馬平縣通賊村莊分別勦撫竣事一摺廣西馬平縣一都地方莠民接濟賊糧隨同滋擾本年六月糾約潯州艇匪上竄。蔣益澧克復慶遠府城後督勇回至柳州與朱孫詒傳集紳團並派參將蔣益恭等帶勇分路駐劄七月二十四日至八月初五等日先後斃賊二千餘名從賊之老閩隴各村莊全行平毀生擒及緝獲各犯就地正法被脅各匪均自投來歸辦理尚為妥協該處通賊村莊業經勦捕殲其兇悍所有悔罪投誠之眾本係脅從均著寬其既往予以自新並飭地方官妥為安撫仍嚴緝在逃各匪犯按名弋獲以靖閭閻。命鄭親王端華在內廷行走。成都將軍有鳳因病解任以四川總督王慶雲兼署成都將軍。以江南太湖營副將李成謀為福建漳州鎮總兵官以浙軍援閩克復浦城順昌等城予

總兵官周天培以提督用。以福建甯化縣城被賊竄陷革總兵官富勒興阿知府馬壽祺知縣周懋均劉潤田蔣麟昌職。以廣西懷集縣城被賊竄陷革知縣楊天澤守備高日現千總吳連陞職仍責令隨營效力予陣亡千總邱綸章祭葬世職。予廣西賀縣守城殉難知縣王康濟教授龍克家都司何瀛祭葬世職龍克家子舉人紹衡等賞卹加等。予廣西馬平縣陣亡參將謝年豐祭葬世職加等。追予廣西梧州殉難學政沈炳垣總兵官蔣福長建立專祠載入祀典。蠲緩湖南武陵龍陽沅江澧安鄉湘陰巴陵臨湘華容九州縣並岳州衛被水災區新舊額賦丙戌諭內閣恆福奏官軍追勦皖捻大獲勝仗豫境肅清一摺安徽捻匪竄撲河南周家口北岸之爬子街焚掠經參將承惠等督帶兵勇會合團勇夾攻匪眾敗退官軍分投追殺至薛家灣瓦罐等處斃匪三四百名救

出難民一百餘口。賊匪東竄。傳振邦、袁保恒等督帶馬步各隊馳往會剿。斃匪三百餘名。適委參領滿堂等馬隊星馳趕到。協同追殺四十餘里。救出被裹難民二千餘口。又總兵邱聯恩帶兵追賊至皖境高王廟地方。截殺賊匪二百餘名。救出難民四百餘口。此股捻匪竄擾豫境。擄掠經官軍痛加剿戮。將輜重盡行奪回。實足以快人心而寒賊膽。現在豫境肅清。著恆福嚴飭帶兵各官。扼要密防。勿

令匪蹤闖入。所有出力文武員弁兵勇著會同袁甲三擇尤保奏。諭軍機大臣等。扎拉芬奏。貼補俄商茶斤。請由歸化城。豫為採買等語。塔爾巴哈台燒毀俄夷貿易圈子一案。經扎拉芬奏等議定。以武彝茶五千五百箱貼補被燒夷貨。本年十月間先付二千五百箱。據該將軍等奏。已於徵存茶稅內發價置備。給發該夷清楚。其咸豐九十兩年每年應給武彝茶各一千五百箱。據稱口外茶價

日昂。茶稅盈絀無定。誠恐屆時購辦不及。轉滋口實。歸化城為茶商總匯之區。若由該處官為採買。即在山西久解甘餉內動款給像。較有把握等語。此項茶斤以現在塔爾巴哈台茶價而論。計需銀五萬四千餘兩。山西省積欠甘餉尚有一百三十餘萬。其中應解伊犁之項數亦不少。若由歸化城就近購茶運解。塔爾巴哈台而於該省久解甘餉內照數扣抵。實屬一舉兩得。著成凱、英桂各派委員

照依該將軍等咨送茶樣陸續採買足數。由臺驛遞塔爾巴哈台交收。或分作兩年運解。或於明年一併購運。均著酌量辦理。但每年所需一千五百箱。總不得逾十月之期。以免延誤。並不得微變短少。致令別生枝節。所需運腳即以解餉運費作抵。亦無庸另行籌款。也將此各諭令知之。又諭。據翁同書奏。廬營馬隊缺少。擬就地採買。而經費無從籌措。江蘇許豐閣本有應撥皖省之款。請措銀一

萬五千兩。作為買馬之費。專案報銷等語。行軍以馬隊為最利。該撫請將綠營兵丁配給馬匹。自為勦賊便利起見。如果撥給此項約計可增馬千餘匹。於攻勦大有裨益。著何桂清即於許豐關稅課項下酌提銀一萬五千兩。迅速解赴翁同書軍營。以資應用。如因現值籌辦大運存款竭蹶。即著於江蘇省別項提撥。俟稅課收有盈餘。再行歸款。將此由五百里諭令知之。○又諭。恆福奏督勦皖捻各

軍擬責成總兵邱聯恩統帶一摺。皖省捻匪雖經敗竄回巢。而賊情詭譎。難保不復萌窺伺。亟應嚴密堵剿。以免延蔓。該撫統轄全省軍務。責無旁貸。惟據稱政務殷繁。必應居中調度。庶無廢弛。何路邊防喫緊。即往何處策應。亦不致顧此失彼。所有駐劄歸陳等處官兵著照所請。悉歸南陽鎮總兵邱聯恩統帶。扼要嚴防。毋任逆捻再得闖入豫境。仍與袁甲三傳振邦朱連泰各軍聯絡聲勢。相機進

勦。以冀悉殲醜類。軍情變幻靡常。遇有緊要機宜。該鎮務應悉心策畫。不必事事咨商。該撫轉致遲延貽誤。至總管德楞額積勞成疾。業已撤回原營。所請飭令黑龍江將軍另派總管一員赴豫之處。昨撥黑龍江馬隊五百名。前赴袁甲三軍營。約於日內啟程。著恆福咨商袁甲三。即於此項帶兵官內酌派一員。前赴河南管帶馬隊。以免另行飭調。轉稽時日。將此由五百里諭令知之。○喀喇沙爾辦

事大臣奎棟因病辭任。賞前吐魯番領隊大臣興泰頭等侍衛。為喀喇沙爾辦事大臣。○以河南甄橋地方勦擒獲勝。予總兵官傅振邦以提督用。賞翰林院編修袁保恆。已圖魯名號。予河南歸德等處陣亡縣丞余宗沅。防禦榮連。千總申六。典祀總馮扶清。外委張載揚。左明文。祭葬世職。追予陣亡同知馮景於歸德地方建立專祠。縣丞余宗沅從九品施汝讓一併附祀。○

園丘自是日始齋戒三日。

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百六十九

寶錄卷之百六十九

四

清實錄 咸豐八年十一月下

監修藏書經籍日講起居注官太子太保上書房總師傅文淵閣領閣事翰林院掌院學士稽察欽奉上諭事件處周史館總纂官戴世

大學士管理兵部事務加十三級紀錄十四次賞積勞奉總裁官經筵講官太子太傅文淵閣總閣學士武英殿總裁官教習庚子士體仁閣

大學堂管理戶部三庫事務管理刑部事務加二十三級紀錄十六次。周祖蔭武官太子少保管理內務府庶務引大臣董機大臣

環監旗滿洲都統戶部尚書管理三庫事務加四級隨帶加五級紀錄十二次
其父寶麟職官是廷議官弘祿祿著清文海達上書奏請

建國史館編定官正藍旗蒙古都統禮部尚書管理太常寺鴻臚寺事務加二級軍功加四級隨帶加八級紀錄五次臣倭什琿布等奉

救修

咸豐八年戊午十一月丁亥諭軍機大臣等

桂良等奏夷務關繫重大。請旨遵辦。一摺。桂良等疊次陳奏辦理情形。業經剴切訓示。總以阻其進京。停其江路通商。並將遊行內地。罷議。及早歸還廣東省城。四事為最要。桂良等果肯竭力轉圜。何至徘徊兩月有餘。又復奏請訓示。前次准將欽差移至上海。原為阻其進京。及赴天津之計。若仍准其隨時進京。則進京之後。如何驅遣。豈不與駐京無異。又何必改欽差於上海。且何必派桂良等前往。

挽回耶。總之進京一節。萬不能允。內江通商。必須消弭。其餘兩事。亦當設法妥辦。桂良等既擬在上海互換條約。即著迅速定議。將此四事挽回。議定之後。速行奏聞。並將條約進呈。閱後。即令桂良等在上海互換。勿令該夷北來。恐該夷詭計。故延時日。待至明春。仍然北駛。前次諭旨內。已言明再至天津。我兵必先開礮。儻桂良等不便向該酋面說。可令委員等。向夷官透露此意。告以天津已有準備。

若再前往。必啟兵端。彼時一經開仗。即上海等處。必當斷其通商。並可傳播他國夷商。使之聞知。各國恐被連累。必有從中勸阻者。至桂良等派辦夷務。挽回條約。是其專責。設或事至決裂。必須用兵。斷不能歸罪於議事之人。若不能阻其進京。以致夷船復至天津。則無論動兵與否。朕惟桂良等是問。將此由六百里密諭桂良。花沙納。何桂清。並傳諭明善。段承實。知之。○又諭袁甲三。奏請飭各省挑

選官兵馬匹。來營補額等語。袁甲三所統直隸。山東。河南各營官兵。從征日久。缺額甚多。幾至不能成隊。其馬匹亦多倒斃遺失。現在各營馬兵。有馬者不及十分之一。當此攻剿喫緊之際。亟應挑補足額。以壯軍威。據奏業已造冊咨照補送。著慶祺。崇恩。恒福。即按照袁甲三所送清冊。督飭各原營。將應補兵丁馬匹。認真挑選。配齊器械。揀派得力之遊擊都司等官管帶。統限本年十二月內。一律馳

抵袁甲三軍營。以厚兵力。毋許藉詞耽延。及以老弱充數。將此由五百里各諭令知之。○又諭袁甲三。奏軍營缺額官兵馬匹。請飭各原營挑補等語。已諭令直隸。山東。河南各督撫。速照咨開數目。挑選派員解往矣。前因徐宿需兵。將駐劄天津之吉林兵二百五十名。黑龍江兵五百名。察哈爾兵一千名。派協領關保。統帶前往助剿。此項官兵。均係馬隊。可期得力。日內已由津啟程。即日可到徐州。著

袁甲三於該官兵到後妥為調度務將北路擒匪迅速殲除毋任再有滋蔓昨據恒福奏總管德楞額因病飭回原營黑龍江馬隊無人管帶已諭令咨商袁甲三於新到黑龍江帶兵官內酌派一員赴豫以免另行飭調即著袁甲三於該官兵到後速行派往將此由六百里諭令知之○太僕寺卿袁甲三奏援勒獲勝豫境肅清營員請獎得旨汝子保恒奮勇衝鋒甚屬可嘉○革職留任貴州巡撫

蔣霸遠奏發遣知縣彭瀾呈繳臺費可否留營效力得旨該部查議速奏若無案可引斷不可因一人致發此端尋兵部覆奏應照奏定章程連閏計算按三十七箇月呈繳臺費再行具奏從之○以浙江拏獲滋事首匪賞道員段光清花翎○戊子諭軍機大臣等前據玉明等奏沒溝營河口有夷船停泊經該將軍飭令防守尉等督帶兵勇防堵不令登岸夷船旋即駛去當諭令如再有夷船進口

仍派員善為開導並嚴禁接濟現在天津海口經僧格林沁等添築礮臺營壘業已工竣布置周密該夷明歲春融難保不由上海一帶北駛如果至牛莊貿易通商自可設法羈縻儻肆其先狡登岸騷擾不可不豫為防範其金州錦州沿海各口亦須一體嚴防沒溝營既經該夷窺伺應如何加意布置以備不虞海口要隘固宜扼守口內陸地亦應密為設防毋稍疏懈著玉明希拉布侍順體察各

海口情形妥為籌畫具奏將此各諭令知之○尋奏遵飭金州錦州各海口居民嚴斷接濟貿易並拏奸細以杜洩跡旬串報聞○以協濟黑龍江官兵馬匹羊隻科爾沁親王僧格林沁等下理藩院分別獎敘○以克復江西撫州府城崇仁東鄉金谿三縣城賞守備傅承雲王炳朱仁杰等花翎千總王安邦等藍翎遊擊李逢春等升敘加銜有差予陣亡千總張桂林府經歷樊俊榮葬世職○以江西

瑞金縣城被賊竄陷革知縣章澍把總尹士寅職戴罪效力予安徽花涼亭陣亡佐領穆精阿委防禦恩科祭葬世職披甲凌春賞卹加等己丑冬至祀

天於

圜丘遣恭親王奕訢恭代行禮

上詣

大高殿行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵遣官祭

孝德皇后殯宮遣官祭

端慧皇太子園寢停次日朝賀庚寅諭

內閣倭什琿布奏秋審造冊錯誤請飭更正

並請將自行檢舉之同知免議等語烏魯木

齊上年秋審案內丁碌一犯業已勾決吐魯

番同知英貴辦理本年秋審冊籍未能細心

檢查仍將該犯造入冊內雖經該同知自行

檢舉究於秋讞大典未能詳慎英貴仍著交

部議處其造冊錯誤之處著該部查明更正

諭軍機大臣等崇恩奏逆匪闖入東境調

兵剿辦連獲勝仗一摺皖省逆匪窺伺東境

闖入曹單等屬地方雖經該撫調派兵勇接

仗獲勝賊已南竄惟該逆人數眾多並未大

受懲創難保不復行肆擾著崇恩即飭各帶

兵官探明賊蹤所向實力追剿並激勵鄉團會同堵禦毋任匪眾得以回竄儻事機較緊即著該撫親督馬步各軍出省防剿將此由五百里諭令知之○又諭前因徐宿需兵諭令將駐劄天津之吉林黑龍江察哈爾等處官兵共一千七百五十名交協領關保統帶前往助剿本日據崇恩奏賊匪攻撲東省邊境單縣兵勇接仗失利嘉祥鉅野亦有賊蹤大股屯踞金鄉經黃良楷等帶兵擊退餘賊

向南敗竄各等語現在關保帶兵由天津前赴徐宿道出山東經行之地恐有賊蹤著西凌阿傳諭關保於行抵東境時即須豫為戒備齊隊前進其軍火器械必須隨身攜帶以便遇賊即剿毋許參差落後致令為賊所乘如關保業已啟程即著西凌阿飛咨沿途知照以免疏失將此諭知西凌阿並傳諭關保知之○賞護軍參領承保實善頭等侍衛在乾清門行走○辛卯諭內閣官文奏劣員巧

於干進請旨勒休一摺湖北前署鍾祥縣知縣馬效良因操守不謹性情浮躁經官文等甄別奏參革職乃該員旋赴李孟羣軍營辦理霍山團練僅及年餘即保升直隸州知州實屬巧於干進馬效良著即勒令休致永不敘用以肅功令○諭軍機大臣等前因鄧紹良奏兵勇缺餉勢已渙散當經諭令胡興仁將甯國餉銀按月如數籌解本日據胡興仁奏浙省籌餉支絀現惟盡力措解請飭令兩

江總督嚴飭皖南道鄧瀛兵濟時艱等語浙江省協濟徽甯軍餉從前原尚寬裕自粵匪竄擾衢處等屬浙省自籌防剿經費諸形支絀尚屬實情惟據鄧紹良奏稱甯防官軍因缺乏餉需以致孤山壩等處營盤相繼失陷皖南所屬各郡邑除徽州一府由張芾自行籌辦外池太兩府尚未收復廣建兩州縣錢漕復為翁同書提用祇有甯國所屬六縣每月籌銀三萬兩尚屬勉強勢難再加甯郡為

浙省藩籬該撫必當統籌大局豈可稍分畛域致有貽誤著胡興仁遵照前旨於每月應解六萬兩外仍按月再行籌撥銀二三萬兩與徽甯道月措三萬兩湊成每月十二三萬兩之數俾該處官兵不致因缺餉滋事甚至潰散至舊欠口糧為數較多原難一時補解祇可陸續補苴務當源源協濟不得以籌措艱難稍涉推諉將此由五百里諭令知之○以收復湖北麻城黃安二縣城免兼轄副將

書紳處分○予安徽孤山壩陣亡遊擊曹興隆鄭上駟五品軍功田有藩祭葬世職○予浙江殉難遊擊德善保妻抗噶臺氏家丁徐萬保旌卹如例○壬辰諭內閣廓爾喀王前因備兵協同勦賊誠惻之至恭順報效當經賞給貂褂蟒袍等件茲據謝恩進表殊屬可嘉著加恩由內交出紅寶石頂二品頂花翎交滿慶轉分該王蘇熱達熱果噶爾瑪薩哈噶箕藏格巴都爾等戴用以示鼓勵○諭軍

機大臣等前因勝保軍營兵力單薄諭令官文將截留之湖南四川官兵二千五百名俟西路稍鬆仍令馳赴勝保軍營茲據勝保奏稱南北賊眾每一竄突動輒數萬該大臣現在定遠四面皆賊兵力止有此數請飭官文將川楚官兵催令赴營等語勝保以重軍固守定遠扼制南北賊衝並兼顧東西兩路當此粵捻各匪勢甚猖獗兵力不敷防剿自係實在情形楚北防守事宜官文已布置周備

著即體察近日軍情即飭川楚官兵迅速前赴勝保軍營以資助剿其普承堯一軍已到九江如有人接替並著飭令一併迅赴勝保軍營先其所急以顧大局將此由六百里諭令知之○又諭勝保等奏籌辦南北粵捻各匪情形請飭催川楚各兵助剿一摺皖省南路自舒桐連陷廬州賊勢益張北路復有捻匪猖獗自非添調勁旅未易兼顧官文暫留之湖南兵一千五百名四川兵一千名皆因

李續賓新挫不得已移緩就急其普承堯一軍亦派往九江巡防已屢諭官文查看楚省軍情稍鬆即飭催川楚各軍赴皖本日復寄諭飭令與普承堯所帶兵迅即赴皖矣至綏遠城馬隊曾據袁甲三奏將後起二百名撥赴勝保軍營而勝保止收到一百名其餘在何處逗遛有無迷失著即查明具奏現在復派關保由天津帶吉林黑龍江察哈爾兵一千七百五十名赴袁甲三徐宿軍營以杜北

竄此項官兵到徐宿後著勝保咨商袁甲三將截留之頭起綏遠城兵三百名調赴皖營助剿其吉林黑龍江缺額兵丁甫經諭景瀉等挑補尚未覆奏遠道何能速到況為數亦屬無多勝保等稍待數日湖北大隊必可到營彼時分投布置較易為力也該大臣又以豫省喫重請調索文帶精兵一二千名並多帶甘省馬隊馳赴汴梁堵剿甘肅為西陲重地近來野番出沒無常該提督控制頗為得

力且陝甘各鎮在軍營者居多未便調索文赴豫至陝甘兵力實已空虛河南前調陝甘官兵已不能湊足一千之數現在楊昌泗帶往昨據德興阿奏請撥兵曾諭樂斌酌調現未覆奏能否調撥尚未可知勢難再調歸陳等處捻匪經傅振邦袁保恒前往夾擊大獲勝仗全境肅清恒福到後又奏派邱聯恩總統各兵共六千名居中策應設或賊蹤偏近開封恒福自有調度此時勝保原難兼顧也

將此由六百里諭令知之○以堵剿安徽鳳陽等處竄匪出力復已革道員黃元吉職○癸巳以克復安徽六安州城予副將王鳳祥以總兵官用賞協領常陞都司丁長清王新桂守備徐鸞牛允恭同知李安中等花翎訓導陳清寶等藍翎餘如銜升敘有差○甲午諭軍機大臣等有人奏州縣吞蝕捐項請飭查辦一摺據稱四川省榮縣知縣傅翼奉委抽收鹽釐侵蝕銀錢十四萬有奇經委員鄧

姓往查。輒勒令糧戶等出具並無吞蝕甘結。以致居民思變。鄧都縣知縣吳錦銓於捐餉多所侵扣。賄令郎鑑等將捐輸原簿銷燬。致無稽考。拏獲牾官重犯彭姓。得賄銀三千兩。即予釋放。縱容差役石三蠻勾通鹽梟漁利。於王孀婦搶劫姦污重案。肆行勒索。以致該婦自盡。復主使伊官親貨賣私鹽。署涪州知州凌樹棠勒索團練照費錢兩萬串。勒捐勒匪役費銀三萬餘兩。盡入私囊。縱容幕友周

繼曾等索詐貢生余友甲錢一千餘串。並為其弟凌樹人鑽營。署理富順縣缺。凌樹人到富順縣任後。即患癱病。信任門丁李二。向商號索賄數百金。復縱差役周龍等訛索劉大錢文。將劉大槍傷斃命。該員並不申理等語。各直省勸諭捐輸協濟軍餉。原屬不得已之舉。豈容劣員視為利藪。肆行侵吞勒索。致令民不聊生。其搶劫重案。勒賄釀命。冤抑莫伸。幕友丁役人等。縱令騷擾。均屬大干法紀。著

有鳳王慶雲按照所叅各情。明查暗訪。悉心訊究。如果屬實。即行從嚴叅辦。不得稍涉瞻徇。以重民命而肅法紀。原摺並單均著鈔給閱看。將此諭令知之。乙未諭內閣。都察院奏順天民人康作新以主僕商謀撞騙等詞。赴該衙門具控。據稱都察院筆帖式文雲舫夥同家人張五並崔良弼許辦莊地減租。先後騙去銀錢等情。案關職官詐贓。必應嚴行究辦。至呈內所控之文雲舫是否即係都察

院筆帖式文英著該衙門查明。解交刑部查傳。應訊人證審明。辦理。尋刑部奏審明商謀撞騙之文雲舫即文英。按律應銷除本身旗檔革去筆帖式。從重發往新疆效力贖罪。崔良弼擬杖一百。徒三年。張五業已病故。應毋庸議。從之。諭軍機大臣等。王慶雲奏委員協勸黔匪陣亡。並籌防本境情形一摺。貴州思南府匪徒窺伺川疆。經派防苗秀之即補同知直隸州李漸鴻越舊廳同知凌樹棠等。

波河協剿均。以力竭陣亡。旋經副將鄒鸞章等帶兵馳至。匪眾未敢過河。該督已調派重慶鎮等官兵。馳往協同堵禦。惟黔省逆匪勢正猖獗。西秀邊防。彌形喫重。現調官兵。是否足敷堵剿。著王慶雲就現在情形。悉心酌度。如須添派兵勇。以壯聲威。即著速為調派。毋令該匪闖入完善之區。至在防將吏。是否得力。或應派大員統率。並著妥籌辦理。四川兵力可用。餉需亦尚堪籌撥。如能相機進剿。埽

除黔匪。即以鞏固川防。未容株守邊疆。稍分畛域。李漸鴻。凌樹棠等陣亡情形。即著查明請卹。將此由五百里諭令知之。以故貝子奕緒子載遷。降襲奉恩鎮國公。故奉國將軍載茂子溥沅。降襲奉恩將軍。以烏魯木齊都統倭什琿布。為甯夏將軍。哈密辦事大臣慶著署烏魯木齊都統。陝西延綏鎮總兵官楊昌泗。因病解任。以督標中軍副將郭相忠署延綏鎮總兵官。以四川酉陽等處防

堵出力。賞知縣王麟飛藍翎。丙申。諭軍機大臣等。昨據胡興仁奏。戴文英營盤被匪燒毀數座。兵勇間有潰散。鄧紹良大營亦被圍困。本日復據和春等奏。戴文英所部兵勇。全行潰散。鄧紹良營盤五座被圍。聲息不通。等語。賊勢猖獗。甯國軍情萬分迫切。此時急須先解鄧紹良之圍。一面保衛郡城。以維大局。鄭魁士既因舊傷復發。不能前往。周天培諒已馳抵甯國。該大臣等即飭悉力應援。鄧紹

良灣沚營盤。與朱承先。馮日坤等會同攻剿。冀得轉危為安。以杜該逆內竄之路。俟灣黃一帶情形稍鬆。再調周天培等前赴金陵。至高淳東壩。均屬蘇常要道。現有鄭魁士。魯占鰲鎮守。當可無虞。仍著和春等隨時相機調度。務保腹地。勿令蔓延。並查明戴文英下落具奏。將此由六百里諭令知之。又諭。崇恩奏調兵集勇出省剿匪一摺。捻逆蘇添幅等。闖入東境。前據崇恩奏稱官軍獲勝。賊已南

竄茲復蔓延鄆鉅一帶。窺伺濟甯。雖經擊退。而捻蹤飄忽無常。尚未痛加懲創。該撫現在調集馬步兵勇。親往督剿。惟兵力尚單。必當激勵鄉團。藉資捍衛。以收众志成城之效。所有協領關保帶領吉林等處官兵一千七百五十名。現入山東境內。前因東境現有賊蹤。諭令該撫卽飭該協領攜帶器械。整隊前進。今東省捻勢被猖。著崇恩催提關保一軍。暫留調遣。為移緩就急之計。如捻氛已遠。卽飭

關保帶兵馳赴袁甲三軍營。勿令久稽。將此由五百里諭令知之。○直隸總督慶祺奏。製造軍器之員。可否將發遣已革提督張殿元。暫留趕辦。得旨。准其暫留數月。仍行起解。不准率請免戍。更不准藉捐造為由。蓋海防最關緊要。免其棄市。已屬恩施格外。以玩視防務。革江西都司李超羣守備鮑尊德職。○予江南水陽陣亡千總羅東福外委楊森雲祭葬世職。○丁酉。諭內閣。內閣奏。副本被竊。

請飭查拏一摺。本月初八日。內閣副本庫有它損窗櫺形跡。查看失去陳年副本數件。禁城之內。理宜嚴肅。豈容宵小肆行偷竊。著護軍統領嚴飭查拏竊犯。務獲懲辦。是日值班官兵防守未能嚴密。著一併查明奏。○又諭慶昀奏總管等被訐。供多疑竇。牽涉厯任都統等家人得贓。請交部訊辦。並因奏稿已定。該原告等復呈請息訟。摺片各一件。此案察哈爾牛羊羣委固山達翰克濟爾噶勒等。

呈控總管副總管更改舊章。把持行私。牽涉厯任都統副都統家人。並京城通事書吏人等得贓各款。經慶昀提訊。供詞前後不符。恐有不實不盡。且既經該署都統擬定奏稿。何以復自稱愧悔。請將前呈撤銷。息訟。顯有恃符情弊。著派靈桂成琦馳驛前往察哈爾。秉公查辦。以成信讞。所有隨帶司員著一併馳驛。○諭軍機大臣等。昨據和春奏鄧紹良大營被圍。當諭令周天培已抵甯國。卽飭悉力

應援。本日據胡興仁奏探聞鄧紹良於本月十二日接仗陣亡等語。覽奏實深憤懣。甯國為江浙門戶。鄧紹良一軍既已敗潰。恐朱承先馮日坤等兵勇不敷堵剿。周天培諒已馳抵甯國。如果鄧紹良陣亡屬實。著和春等一面馳奏一面傳旨將周天培署理浙江提督。令其督辦甯國軍務。迅將此股逆匪痛加剿洗。毋令蔓延。鄧紹良陣亡情形俟奏到時再行降旨賜卹。甯國郡城是否尚保無虞。著該

大臣等迅速撥兵救援。將此由六百里諭令知之。○又諭德興阿奏擬俟築定營壘移攻六合及纓陳需餉情形各等語。已寄諭英桂。照舊按月籌撥銀三萬兩。解赴江北軍營。並准該大臣所請。諭令何桂清將江北各屬本年漕糧變價。同應徵漕項銀兩一併照舊充餉。並設法籌濟軍餉矣。六合增營之地。經該大臣親往察看。此時朱承先周天培各軍均因甯國緊要不能移動。即著就所募新勇並

現有兵力迅速拔營前進。督飭成明等共搗六合。若俟營壘築定始行進兵。稽延時日。徒誤事機。德興阿等債軍失利不加嚴譴。正望其建功贖罪。儻再節節耽延。豈能當此重咎耶。將此由六百里諭令知之。又諭德興阿奏留防江北兵勇計需月餉甚多。及請將漕糧變價解充軍餉等語。江南留防江北兵勇二千六百餘名。按照南岸餉數發給。計江北糧臺月餉須添萬餘兩之多。實恐不敷支應。

著何桂清設法籌款接濟。其本年江北各屬漕糧並著該督按照舊章變價。同應徵漕項銀兩一併解歸江北糧臺充餉。免撥他用。以濟要需。將此由六百里諭令知之。又諭袁甲三奏通籌剿匪全局。請飭東豫合力會剿一摺。張宮等逆聚踞懷鳳。以達蒙亳。橫亘千餘里。徧地賊圩。來往自由。四路可通。袁甲三所統兵勇本不甚多。加以留防各處。愈分愈單。豫東兩省雖各有防兵。而零星分布。無險

可扼。現在勦擒各軍。東馳西應。奔命不遑。不過應敵之兵。不能制賊死命。一經紛竄。兵力又為牽掣。於勤務全局。仍無把握。崇恩已派濟東道黃良楷督辦曹濟一帶防堵。恒福已調撥兵勇。責成邱聯恩扼要防守。籌防之地。距賊巢不過數十里及百餘里不等。若能同時並進。逼近賊圩。必可得手。著恒福集成兵勇七八千人。統交邱聯恩格綑額等督帶。力圖埽蕩。昨據崇恩奏賊窺濟甯。已親帶兵勇。

平定縣志

五

由濟甯西南一帶相機勦辦。前奏金鄉等處匪徒業經擊退。何以又復北趨。是否有土匪從中勾結。以致逆焰復張。著崇恩於防邊兵勇內。照豫省之數籌撥。添派武職大員會同黃良楷統帶。由鄆鉅一帶節節進逼。所有東豫兵勇均著進至永毫一帶與袁甲三合搗賊圩。以期埽穴擒渠。共殄醜類。第兵勇出境會剿。而本境亦不得不嚴加防守。仍須各就地方情形斟酌辦理。其吉林等處馬隊官兵。

路過山東暫准崇恩截留調遣。俟追勦出境即歸袁甲三軍營。毋得久留。將此由六百里各諭令知之。○又諭本日據袁甲三奏北竄股匪經官兵追勦獲勝。並通籌勦匪全局。請飭山東河南兵勇。趁此得力馬隊迅速會勦。各一摺。北竄股匪乘虛奔突。因知東北一帶各鄉團布置嚴防。繞竄東境之金嘉一路。昨據崇恩奏擒逆蘇添幅等。闖入東境。蔓延鄆鉅一帶。窺伺濟甯。已諭令催提關係一軍暫

平定縣志

五

留調遣。如捻氛已遠。即飭赴袁甲三軍營。勿令久稽。現在捻勢披猖。濟甯為東境要衝。尤宜力杜其北竄之路。著袁甲三先就現有兵勇扼要截擊。勿令蔓延東省。所有河南山東兵勇本日已諭知恒福崇恩各就本境防兵派員統帶以勦為防。不得區分畛域。致令賊勢蔓延。著袁甲三即會同河南山東各撫派出各軍併力進剿。迅速埽蕩賊圩。搗其巢穴。以保北路完善之區。將此由六百里諭令知

之。又諭本日據德興阿奏江北糧臺每月山西協濟銀三萬兩。歷經如數解給。兵餉得以不致缺乏。乃近來兩次每月祇解銀一萬二千兩。當此兵勇進剿。支發緊要倍常。設有缺誤。所關非細。自係實在情形。英桂到任以來。於各省軍餉應解之款。自應竭力籌濟。著照舊將山西省每月協濟江北軍餉銀三萬兩。按月如數籌解江北糧臺。毋誤要需。將此由五百里諭令知之。○戊戌。

上詣

壽安宮西所問

如皇貴太妃安。○諭內閣。前據胡興仁奏。官卷中額不敷。請於廣額內加中一名。當交禮部察覈具奏。茲據奏稱。該撫所請覈與例意不符等語。浙江省本科應試官生。僅止二十五名。以每二十名取中一名覈計。其零數尚不及半。所缺之額。例應以民卷補中。且該省所加中額五名。均係永遠定額。若撥入官卷。加

中。恐此後相沿。竟為官卷定額。殊覺過優。儻各省紛紛援案。聲請不足以示限制。惟浙江省現已揭曉。如已由官卷加中。其中式舉人著毋庸扣除。嗣後不得援以為例。此後捐輸軍餉。加廣中額省分。亦不得援照辦理。所有違例奏請之浙江巡撫胡興仁。並該省正考官寶鑒。副考官馬珮瑤。均著交部議處。○己亥。諭軍機大臣等。朕聞張亮基初抵雲南。駐兵曲靖。連次勒辦回匪。屢獲勝仗。回眾頗知

畏懼。嗣因吳振斌誤信回人之言。堅請該撫進省。張亮基遂撤曲靖之兵。輕騎赴任。甫經抵省。回匪即將張亮基之姪殺害。迨張亮基入城後。回人四處看守。出入均難自主。一切文報均須回人拆看。始能發遞。該回匪等復於省城之外。築一小城。抽稅所收稅銀。半月歸官。半月歸回人自用。以致居民遷徙。商賈裹足。省城貿易鋪戶。盡屬回人。米糧食物。價加數倍。此等情形。雖係傳聞未確。而吳振斌

等奉日六百里奏報。並未敘及張亮基之姪被害一事。恐其受制於回人。不便入奏。此時若令張亮基查奏。亦恐事機漏洩。轉致生變。著王慶雲即選派精細幹員。改裝易服。前往雲南省城。面見張亮基。密訪確情。據實具奏。如果此事屬實。則張亮基等已有不能施展之勢。惟有仍借川省兵力。以為援應。或以助勦。迤西為名。酌派川兵。駐劄宣威。曲靖等處。俾張亮基等緩急有恃。庶可漸有轉機。並著

王慶雲一面馳奏。一面斟酌妥辦。毋致貽誤。將此由五百里諭令知之。○又諭景瀄等奏。遵撥官兵。分赴安徽軍營。及天津防所。請撥給馬匹。以備乘騎。各一摺。安徽軍營內。吉林官兵。間多傷病。現經景瀄等。挑派官兵。西丹共二百二十二名。前赴安徽軍營。補足缺額。並派委官員。管帶同往。於十二月初一日啟程。其天津海口。添調之吉林官兵。並據景瀄等奏。稱已挑派一千名。遵員管帶。分起於十

二月二十八等日啟程。著王明待順於大凌河牧羣內。挑選驍壯馬匹。俟安徽天津所調官兵行抵該處。按照人數。寬為籌備。發給乘騎。以利遄行。該將軍等務須先期豫備。毋致臨時短缺。貽誤。將此諭令知之。○雲貴總督吳振棫。因病解任。以雲南巡撫張亮基。為總督。按察使徐之銘。為巡撫。糧儲道姚錫華。為按察使。以江南蔣壩浮山等處。扼勒竄匪出力。賞道員朱善。張副將鶴齡。都司德馨。已

圖魯名號。知府梁寶森。知州顧思堯。周力城等。花翎。知州沈家祿等。藍翎。道員赫特赫訥等。并敘加銜有差。○頒江南武家墩都天廟。御書扁額曰。顯忠佑順。顯王廟。御書扁額曰。毅烈綏疆。蔣壩耿公廟。御書扁額曰。宣武靖寇。○蠲緩伊犁惠遠城被水被旱災區。額賦有差。○庚子。諭內閣。潘曾瑩奏。平齡案內。牽涉伊子。自請嚴議一摺。據稱平齡案內。程炳采。供稱潘曾瑩之子潘祖

同有代送條子之事。潘曾瑩嚴詰伊子屬實。翰林院庶吉士潘祖同著即革職歸案辦理。潘曾瑩著改為交部議處。又諭曾望顏奏遵旨審明捕蝗辦理乖謬之知縣加等定擬。一摺陝西已革藍田縣知縣李夢荷於境內蝗螻督捕遲延。並枷責賣蝗鄉民已屬任性濫刑。且將委員稟件私行扣留。又捏詞妄訐。種種荒謬殊出情理之外。茲據該撫奏稱遵旨嚴訊定擬具奏。亟應嚴加懲辦以昭炯戒。

李夢荷著從重發往軍臺效力贖罪。諭軍機大臣等有人奏風聞廣東府縣性情貪暴。聲名狼籍請嚴飭查辦一摺。據署肇慶府知府史樸平素陵侮長吏魚肉縉紳。並勒捐勒索。納賄不辦枉殺之案。所帶兵勇浮開侵冒。又聞警告病種種取巧候補知府沈葆頤奉委防夷。規避往佛山勸捐。又訛索殷富之家將紳士李姓等羈押勒捐。並將捐銀三萬餘兩之當商止給所捐一半獎敘順德縣知

縣李潤因傳捐生未至鎖其家屬縱容門丁積贓私捐職官等弊並與前江村司巡檢沈駿選賄賂公行沈駿選又不給巡船口糧私吞入橐候補知縣朱用孚係長隨之子朦捐佐雜於勸捐受贓數萬並與把總蘇海偷賣絲茶等物屯積洋米居奇抑勒升用知府壽祺前在番禺縣任內多諱盜為竊養癰貽患又知縣華廷傑程承訓皆以培克為能陵虐紳民署連州知州張崇恪復有隱匿軍餉激

變壯勇情事府縣皆親民之官似此貪暴橫行實屬目無法紀大為地方之害著黃宗漢按照所奏各款逐一訪查從嚴叅辦無稍徇隱原摺著鈔給閱看將此由四百里諭令知之。又諭前因胡興仁奏探聞鄧紹良於十二日接仗陣亡諭令和春等如周天培已抵甯國鄧紹良陣亡屬實傳旨將周天培署理浙江提督令其督辦甯國軍務本日據和春奏鄧紹良與戴文英先後陣亡現籌堵禦甯

郡暨高瀆等處布置情形已降旨將該提鎮從優議卹矣該大臣因甯防緊要另片奏請以鄭魁士補授浙江提督即責令督辦皖南軍務該總兵骸疾漸愈曾在甯郡會辦防剿深為軍民悅服若派令督辦自能得力周天培一軍現留高瀆駐劄該處亦為腹地扼要之區該大臣等接奉廷寄曾否傳旨將周天培署理浙江提督如尚未宣露即著迅速馳奏候旨將鄭魁士簡放浙江提督並令在甯

奏奉聖旨

字

國接辦軍務其壽春鎮並通永鎮總兵兩缺統俟奏到時降旨簡放至溧水東壩等處均為蘇常門戶並著該大臣等督飭防守之鎮將等加意堵禦毋稍大意將此由六百里諭令知之○予安徽甯國陣亡提督鄧紹良祭葬世職建立專祠謚忠武總兵官戴文英祭葬世職建立專祠○豁免山東臨清州殉難知州張積功家屬應賠被劫庫存銀兩○辛丑諭內閣王懿德等奏琉球貢船尚未進口

籌議辦理等語本年琉球貢船到閩後著王懿德等察看情形如未能依限進京即飭官伴人等照例安插館驛守候表文方物存儲司庫俟各處道路疏通再行派撥文武各員伴送赴京以示體恤○以貴州黎平解圍予參將田興恕以副將用○以貴州黃平州汛被賊竄陷革都司張福震職並逮問予殉難知州杜琢章祭葬世職妾史氏暨二女旌表如例

奏奉聖旨

字

大清文宗協天翊運執中垂謨懋德振武聖孝淵恭端仁寬敏顯皇帝實錄卷之二百七十

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十一

奏修繕武備總局日講起居注官太子太傅上書奏修繕武備總局奏請將該局所屬各處房屋修繕完竣等因奉旨著照所請欽此

大學士管理兵部事務加十三級記敘十四次自寶麟奏請將該局所屬各處房屋修繕完竣等因奉旨著照所請欽此

大學士管理戶部事務加二十三級記敘十六次自周馥奏請將該局所屬各處房屋修繕完竣等因奉旨著照所請欽此

銀錢總局總辦戶部尚書管理三庫事務加四級記敘十二次自寶麟奏請將該局所屬各處房屋修繕完竣等因奉旨著照所請欽此

達爾扎雅總辦蒙古事務加二級記敘八次自寶麟奏請將該局所屬各處房屋修繕完竣等因奉旨著照所請欽此

款修

咸豐八年戊午十二月壬寅朔諭內閣保恆

等奏布魯特俾病故援案請將所遺頂翎賞給伊子一摺烏什卡外奇里克愛曼布魯特俾伯巴克前因軍務出力賞換三品頂帶現經病故據保恆等查明伊子吉米爾於游牧事務尚屬明白援案請旨伯巴克所遺三品頂帶花翎著加恩賞給伊子吉米爾戴用以資彈壓諭軍機大臣等松齡奏請飭督臣委員會辦木植一摺萬年吉地現在將次興工所需木植自應趕緊採辦惟據稱近年糧

船停止河運南木短絀天津廠存木植尺寸稍大者因海口設防均已購用恐商賈聞風居奇若由直隸總督委員會同採辦呼應較靈其價銀仍由該鹽政籌墊各等語自係為慎重要工起見著慶祺即飭天津通永二道會同該鹽政妥為採辦所需款項即著於鹽關各庫籌墊以期迅速至海口礮臺木料尚有餘賸並著慶祺查明丈尺件數咨報工部並辦理工程處如果合式即由直隸先行委

員徑解工程處查收以節糜費將此諭知慶祺並傳諭長蘆鹽政松齡知之欽此又諭前次飭調之哲里木昭烏達兩盟官兵朕聞現已行抵熱河哨內所有統帶此項官兵之扎費特貝勒拉木棍布扎布本年係屬年班著常清傳旨仍照例來京展覲所帶官兵交常山妥為彈壓俟來年正月分起行走由順義縣徑赴通州務於三十日以前到齊拉木棍布扎布屆期先至通州守候統帶前往天津至

該官兵等器械如有不齊即著由通州散給其馬匹恐多疲乏已諭令理藩院查明錫林郭勒孳生馬匹數目以備調撥乘騎將此諭令知之○以福建臺灣道裕鐸為按察使○以勦辦河南捻匪出力聞復協領蘇克金革職處分○予河南軍營病故總兵官楊昌泗祭葬卹廕如提督例○賞八旗及綠營兵丁半月錢糧○癸卯諭軍機大臣等有人奏浙江餘姚縣屬有土棍黃春生倡議煽惑鄉民出祖止交七成私造斛樣分給各鄉一律行使疊次糾眾鬧閘縣屬勒令出示該縣崔姓含糊勸散新任知縣賈姓到任復糾眾入署毀裂該縣衣冠多方窘辱偪令出示並勒石縣堂該縣畏懼依從隱匿不報由此益無忌憚聚眾數萬執持刀械在各鄉設局拷索富戶勒捐銀錢聲言製造槍礮以資團練稍不遂意即肆焚掠殷實之家半遭其害等語刁民糾眾抗租劫持官長且製造刀械勒索槍

掠實屬形同叛逆地方官隱忍姑容必至釀成巨患著胡興仁迅派明幹大員馳往設法散其脅從擒其首惡立置重典以儆兇頑而安良善如果該匪等聚眾太多必須帶兵前往方足以資彈壓所有被偪之前任知縣崔姓及現任知縣賈姓並著該撫一併查明嚴行叅辦以為地方官庸懦釀患者戒將此由四百里諭令知之○鑲白旗蒙古都統英隆因年老休致以理藩院尚書瑞常兼鑲白旗蒙古都統命翰林院編修郭嵩燾在南書房行走○補鑄安徽按察使廬州府知府合肥五河二縣知縣印信壽春鎮總兵官關防從巡撫翁同書請也○以安徽含山集團勒匪出力賞知州宋德謙等藍翎餘升敘有差以安徽懷遠縣城被賊竄陷革署知縣鄒筍職並逮問○甲辰諭內閣載增奏旗營勸捐請旨遵辦等語湖北荊州旗營本無地方之責嗣後勸捐接濟軍餉著載增等仍照舊

章派員會同地方官紳妥為勸諭如有不肖官吏藉端勒索即著從嚴叅辦○禮部以明年元旦禮儀議得旨照例行禮停止筵宴其在外公主福晉命婦進內行禮並著停止○以山東防兵堵剿竄匪不力革都司蘇泰職仍留防差遣○予福建陣亡道員趙印川祭葬世職加等○乙巳諭內閣周祖培等奏覆勘各省試卷應議太多開單呈覽一摺並請將應查各卷交各省查明等語本年山東河

南山西陝甘鄉試中式各卷原勘官籤出應議者業經周祖培等覆加磨勘將應議免議分別黏籤進呈即著禮部照例辦理其河南各卷完補至四十卷之多顯有情弊掄才大典豈容違例將試卷任意更改著該撫嚴切訊明據實具奏其山東第十五名賈元濤山西第五十六名劉元鑑河南第三十五名部自樞等卷或筆跡不符或完補洗改俱干例禁並著各該撫一併確查具奏所有應查各

卷著交兵部由驛遞送各省查明後仍將各卷咨送禮部覈辦○又諭宋晉奏查勘明陵事竣一摺順天府屬昌平州明代十三陵經該侍郎編歷詳查實城殿宇等項舊工均尚完固其牆垣紅灰瓦片間有脫落之處應由霸昌道陸續黏補惟樹株未能茂盛著責成各陵戶加意培護並著該地方官隨時稽察嚴禁採樵以示朕加禮前朝至意○喀什噶爾辦事大臣裕瑞等奏遵籌推廣稅課擬添

設茶葉雜貨等稅得旨試辦一年有效再行抵經費之用惟應時時嚴查不准徵多報少以杜弊端○以江南江甯城守營副將慶文為河南歸德鎮總兵官○改河南選缺南汝光道為調缺加兵備銜升歸德營為歸德鎮設總兵官一員駐府城左右營遊擊都司各一員中軍守備二員千總四員把總六員經制外委四員額外外委八員馬兵五百八十名步兵一千一百二十名撥原設歸德營參

將及弁兵駐商邱永城適中之會亭驛與方城營陳州營均隸新鎮又設信陽州副將一員撥光州都司於信陽作為中軍再設都司一員分管左右營添設千總一員經制外委一員額外外委二員設光州營遊擊一員均仍隸南陽鎮所添兵丁由鎮標各營抽撥移河北鎮之開封營改隸撫標並增新設各營俸餉營房馬匹從軍機大臣彭蘊章等議也

丙午以通政使司通政使奎章署刑部左

侍郎以克復安徽天長縣城賞協領克蒙額參領成祿驍騎校得春披甲訥蒙阿巴圖魯名號知府顏懷忠李義鈞防禦阿克達布遊擊得元守備向顯彰間進升等花翎千總李德英等藍翎餘升敘有差以安徽管帶馬隊出力賞佐領富勒德恩布頭品頂帶餘升敘有差以陝西監造軍火出力賞同知毛翰花翎喀爾喀扎薩克郡王托克托呼圖魯輔國公銜二等台吉巴寶多爾濟於養

心門內瞻覲 丁未

孝惠章皇后忌辰遣官祭

孝東陵諭內閣禮部議覆江蘇巡撫趙德轍等題請以宋儒陸秀夫從祀

文廟一摺宋丞相陸秀夫精研理學品誼端純立朝後事君盡禮雖當軍旅之時猶日書大學章句進講及其成仁取義大節凜然亮節孤忠光昭史冊宜膺茂典俾列宮牆陸秀夫著照該部所議從祀

文廟位在文天祥之次以獎忠義而激懦頑

諭軍機大臣等前因甯國軍情緊急令和春等傳旨將周天培署理浙江提督督辦甯國軍務嗣又據和春等奏請以鄭魁士補授浙江提督督辦皖南軍務復經諭令該大臣等接奉前此廷寄如果尚未宣露即著迅速馳奏候旨將鄭魁士簡放令其接辦本日復據張芾以鄧紹良陣亡後甯國軍無統率已飭江長貴赴婺源接防而調周天受帶隊馳

往甯國並請飭該提督總統甯防諸軍各等語著和春等仍遵前旨如尚未傳諭周天培署理提督即著於周天培鄭魁士二員中酌量選擇一員迅速馳奏候旨簡放如有馳奏在途即毋庸再議更張周天受既由婺源帶兵前來即可留於甯國由和春酌量調撥以資攻勦至此次鄧紹良陣亡所有帶兵潰散各員著和春等查明嚴叅懲辦以肅軍律將此由六百里諭令知之○又諭據桂良等奏

喫苗將回上海請將條約先行進呈一摺前據桂良等將條約進呈原令其挽回四事定議之後即行呈閱茲據奏請擬將兩次條約先行專弁費呈著照所請准其先將天津原約及規定稅則條款進呈俟挽回四事另立專條進呈後候朕酌奪如可准行一併用寶發回交桂良等與該夷互換據奏該夷雖不長駐京師而其隨時進京尚未杜絕即內江通商遊行內地及歸還廣東省城三事如何

辦法摺內並未切實聲明其上海應派欽差亦須俟一切定議後再行簡放此時夷船尚未回滬究竟逗遛何處恐桂良等為其所愚稽延時日一交春令該夷又潛赴天津前經疊次諭知如果該夷北來我兵必先開礮條約內既未定有天津口岸即非該夷應到之地我若用兵並非理曲桂良等曾否將此言透露儻不便向額爾琿面說或令委員道達或由他國轉傳使之聞知均無不可總之既

有欽差改駐上海之議則進京一層不但長駐不能允准即隨時往來亦可不必上海道路非廣東可比何事不可上達該夷必執前議是誠何心桂良等不能開導亦豈得謂心力已盡此時桂良等惟有設法阻止能議到如何分際即行奏聞不准空言敷衍致誤事機儻徒事因循致令該夷仍赴天津則前諭已明桂良等恐不能當此重咎也將此由六百里密諭桂良花沙納何桂清並傳諭明善

段承寶知之。戊申諭軍機大臣等據玉明承志奏奉天水師營戰船不敷巡緝請飭催閩浙二省造送新船並辦解修船物料等語。閩浙二省應造新船並修船物料屢經該將軍等咨催僅據送到第四號戰船一隻。其閩省應造八號新船一隻。浙省應造二號九號新船二隻。並應解頭三五六七十號六隻修船物料均未解到現在巡洋之船駕駛著王懿德慶端胡興仁。迅將應送新船並修船物料妥為備辦務於來年春夏之間全數解送該營俾資巡緝毋得稍有遲誤。以重海防。將此由五百里各諭令知之。又諭恆福奏袁甲三攻勒喫緊需兵甚殷豫省難於抽撥請飭陝西省撥兵前往助勒等語。袁甲三所統河南各兵從征日久缺額甚多。豫省原應挑補派往以厚兵力。惟歸陳一帶防勒現甚喫緊該撫已撥補四成。此外再難抽撥。自係實情。且徐宿軍營所需援兵前已將駐劄天津

之吉林黑龍江察哈爾兵共一千七百五十名派協領關保管帶馳赴徐州一帶交袁甲三調遣。計此時亦將次可到該撫即可知照。袁甲三飭往迎提以資攻勒。至陝西雖屬安堵。然該省官兵在軍營者居多。河南前調陝甘官兵已不能湊足一千之數。是陝西兵力亦未見充裕。該撫所請於陝省撥兵赴徐宿之處著勿庸議。並著知會袁甲三可也。將此由五百里諭令知之。補行七年軍政盛京將軍所屬卓異官五員才力不及官四員罷。輟官七員年老官十三員有疾官一員分別議敘處分如例。己酉諭內閣胡興仁奏勒辦台州土匪首犯就擒地方肅清一摺。浙江甯海縣匪徒林大廣等聚眾踞城經甯波府知府張玉藻等帶兵克復縣城後該匪復竄踞臨海甯波交界地方。九月二十八日糾匪三千餘人直撲台州府城署知府吳端甫等會同文武官紳率領民團斃匪數百生擒二

十七名正法該匪敗退次日復撲府城又被我軍擊退生擒三十餘人訊係匪黨尚有二千餘人聚白蓮寺等處經候補知府蔭德泰會同已革遊擊楊國正等分道攻擊於十月初八日將白蓮寺等賊巢盡行焚毀生擒賊首盧雨傑等三十餘名斃匪不計其數該逆潰敗後又竄踞甯海之鐵場等處復經官軍殺斃二百餘名生擒一百五十餘名正法二十四日各將士攻毀鐵場賊巢餘匪竄踞南

溪賴舉十一月初十日官軍分道進攻復將賴舉賊巢燒毀共斃匪三百餘人生擒一百三十餘人並將首犯林大廣生擒正法此次勦辦台州土匪兩月間一律肅清尚為迅速在事官紳弁兵俱屬奮勇出力著胡興仁擇尤保舉以示獎勵（諭軍機大臣等）王懿德奏請飭曾國藩暫緩移師留張運蘭一軍保衛閩境一摺曾國藩援浙之師前因所部兵勇多染疾疫暫駐建昌調度徐圖拔隊繼進

嗣值李續賓全軍失利皖北賊勢猖獗經駱秉章奏請飭令該侍郎移師援皖留蕭啟江所帶四千餘人防守江西當經諭令曾國藩僅因汀州等處尚須兵力江西景德鎮大股匪徒尚未殲盡未能即日由楚入皖令其斟酌情形具奏茲據王懿德奏按曾國藩咨稱擬率即選道張運蘭等軍赴楚勦辦該督以閩省賊熾兵單連城尚被占踞接壤之饒州甯都等府州紛紛告警專賴曾國藩大軍鎮

定邊陲其前部張運蘭一軍已抵邵武轄境正資協勦未可撤回所奏亦係實情著曾國藩通籌大局如閩省賊匪猶賴援軍即將張運蘭一軍暫留攻勦與王懿德會商辦理至湖北防堵現已周備惟皖南北粵捻麇聚有需兵力而江西地方如尚有大股賊匪該侍郎亦難舍近而圖遠仍著斟酌調度可也將此由六百里各諭令知之以直隸天津海防出力予清河道升任順天府府尹董醇等

加銜升敘有差。以克復福建順昌縣城並守禦將樂縣城出力賞守備陳立昌巴圖魯名號知縣馬樞輝守備曾雲山蕭勇等花翎千總林士魁等藍翎餘升敘有差。科爾沁卓哩克圖親王巴圖等四人喀喇沁扎薩克都楞郡王色伯克多爾濟巴林扎薩克郡王那木濟勒旺楚克教漢郡王布彥德勒格呼固魯克齊於養心門內瞻覲。庚戌諭內閣。端華等奏正藍旗支放甲米不堪食用並倉

場侍郎崇綸等查倉御史范承典奏倉米微變各一摺。本月初五日舊太倉開放正藍旗滿洲甲米查看廩內米石微變不堪食用經該都統等赴倉查驗所闔盛字廩內米色黝爛竟至二萬餘石之多顯係花戶使水舞弊實堪痛恨舊太倉花戶王瑞著即拏解刑部嚴行審訊所有微變米石責成花戶等照數賠補監督錫純高鐸於該倉米石潮溼並不督飭花戶認真挑晾亦難辭咎均著摘去頂

帶一併先行交部議處並著倉場侍郎查明如有徇縱情弊再行從嚴參辦至該旗應領甲米應如何另行支放之處著戶部查照辦理。又諭御史李培祐奏江蘇命婦閨門殉節請飭查旌卹一摺據稱前任內閣學士葉覲儀之母蔡氏年已九十當六合縣城被匪攻陷時蔡氏率領孫媳洪氏孫女翠姑珍姑義姑曾孫和官並僕婦人等投水而死其孫附生葉珏從九品葉玉成充當團練董事率

勇巷戰殺斃逆匪多人力竭被執不屈遇害一門忠義洵堪憫惻著該督撫將蔡氏等殉節情形確切查明奏請旌卹以湖北水師收復安徽東流建德等縣城賞副將萬化林李朝斌巴圖魯名號遊擊楊政謨楊占鼐陳明雲都司廖德茂黎定忠劉添麒孫月棟胡振英庚光東守備彭大光等花翎軍功蕭雲月等藍翎餘加銜升敘有差。辛亥諭內閣。海樸奏酌定茶布稅額一摺阿克蘇茶布各

稅前經奏明試辦現在已有成效酌定稅額
每年茶稅徵錢六千串布稅徵錢三千串可
抵該處官兵鹽菜經費著該大臣即照現定
章程妥為經理以濟兵食又諭前據御史
李培祐奏秦山西署絳州直隸州知州李汝
霖等辦理捐輸肆行徇私並有得受賄賂等
情當交英桂查明具奏茲據該撫奏稱山西
平陽等府州勸捐係升任巡撫王慶雲奏明
辦理絳州即今署知州李汝霖等承辦該員

任內勸諭捐輸數與原奏及捐簿相符共銀
七萬八千餘兩業已全數解司其被參各款
現據委員密查並無抑勒賄縱侵蝕情弊及
將生員甯柱斥革鎖押毛履亨不准曹晉廷
等應試拘傳孀婦權楊氏之事戈濟榮接任
後將衛秀峰之弟衛青峰戒飭實因其推緩
捐項日久不交恐各捐生觀望不前之故事
屬因公尚無不合李汝霖戈濟榮被參各款
既據英桂逐款確查均無其事著毋庸議

以山西解州紳民捐輸軍餉永廣學額一名
免閩海關監督福州將軍東純應賠閩海
短徵稅銀一萬六千四百餘兩蠲減江蘇
上元江甯溧水高淳江浦六合儀徵豐句容
江都甘泉沛銅山蕭睢甯陽山丹陽金壇溧
陽長洲元和吳吳江震澤常熟昭文崑山新
陽太湖華亭奉賢婁金山上海南匯青浦川
沙武進陽湖無錫金匱江陰宜興荆溪靖江
太倉鎮洋嘉定寶山崇明五十廳州縣及蘇

州太倉鎮海金山鎮江揚州徐州七衛被兵
被風地方本年新賦有差壬子

孝和睿皇后忌辰遣官祭

昌西陵諭內閣崇恩奏請加副將升銜俾資
控制等語山東沂州協副將郝上庠現在派
辦該省防務著賞加總兵銜以資控制而專
責成又諭曾望顏奏查明府倉糧石虧短
請將撤任知府暨經營之照磨從嚴究辦一
摺前因陝西榆林縣有被控丁役侵吞倉糧

私索規費一案當將該縣知縣張調革職榆林府知府何鯤撤任交曾望顏嚴行審訊茲據查明榆林府之廣有倉每當收納倉糧該府照磨鄧用元任意抑勒額外浮收並有私賣圖利情弊以致虧短倉糧三千五百餘石之多實屬膽玩該府何鯤在任年久毫無覺察顯有通同舞弊情事何鯤鄧用元著一併革職拏問交該撫提同丁書人等嚴行審訊按律究辦該員等任所貲財著即查抄原籍家產一併查封備抵又諭駱秉章奏武職大員難期勝任等語該撫前在湖北巡撫任內知現署永州鎮總兵雲南臨元鎮總兵東襄於應辦營務一味支飾毫無實際監造軍械亦多作偽現在永州一鎮營務廢弛急須整頓該員斷難勝任著官文查明奏再降諭旨又諭駱秉章奏武職大員乘坐肩輿私役弁兵請先行交部嚴議一摺湖南永州鎮總兵樊燮違例乘坐肩輿本年陞見出省

私帶弁兵至三十餘名之多護送同行其眷屬寄寓省城復派外委李士珍等籍差進省照料家務聞該撫嚴查始行回營永州鎮毗連兩廣現當賊氛未靖邊防緊要之時該總兵以專閫大員玩視軍務希便私圖實屬膽玩樊燮著交部嚴加議處即行開缺其署內差役冒領兵糧攤派養廉蓋造房屋並演戲賞耗開銷公項各劣蹟仍著駱秉章查明奏以肅官方該員所署湖南提督印務並著官文另行派員署理又諭德興阿奏請將議卹各員飭部撤銷等語候選知縣梁星煌候選布政司經歷瞿廣善前經德興阿奏稱該員等受傷遇害當經降旨交部議卹茲據查明該員等於浦營失利時身受重傷均各投水遇救得生因患病回營稍遲委驗傷痕屬實梁星煌瞿廣善著准其以原官留營差委前將該員等交部議卹之處著即撤銷又諭德興阿奏請將淮海二屬錢糧漕米仍

歸江北糧臺等語。著照所請。所有淮海二屬錢糧漕米。准其統歸江北糧臺充餉。以濟要需。其餘屬地糧銀。未先儘徐州軍營提解。俾無貽誤。諭軍機大臣等。現在俄羅斯國派夷酋丕業羅幅斯奇來京。互換和約。據該夷送到條約文底。與該大臣等。前在天津所給該夷條約。清文有互異之處。以致該夷藉口。欲請更改字句。未能互換。該大臣等在津所定俄夷條約。清文二件。漢文一件。並俄文一件。均已帶赴上海。著桂良等。接奉此旨。即檢齊由六百里馳遞。呈並將清文二件。以何件為準。其因何歧異之處。詳細籤出。毋稍含混。此係密諭之件。不得令他國聞知。為要。將此由六百里密諭桂良。花沙納。並傳諭明善。段承實知之。又諭曾望顏。奏陝西庫款拮据。擬將各營九年春李官兵俸餉。並豫備等項銀兩。暨省城滿漢各營。豫備接濟一半銀兩。暫緩至來年春李。應俟庫收有款。再行發

給。並請飭令西安將軍及陝西提鎮各營。安為約束。自因無款可籌。不得已而為此變通之舉。惟該兵丁等。當差苦累。情已可憫。若竟緩至春末。誠恐藉端生事。著曾望顏咨會該管將軍提鎮等官。轉飭所屬將暫緩發給之故。妥為曉諭。以安兵心。一俟庫項稍有收存。即行補放。不必緩至春末。以示體恤。將此諭令知之。調湖南按察使毓科為江西按察使。江西按察使翟誥為湖南按察使。以候補副將周寬世為湖南永州鎮總兵官。以克復江西撫州。建昌二府城。崇仁樂安宜黃。南豐四縣城。賞都司崔大光。已圖魯名。號。遊擊翟國彥。都司徐志近。江忠朝。文恆久。何本高。守備戴盛寬等。花翎把總黎仁義等。藍翎餘加銜升敘有差。予陣亡把總蕭田得。外委甘昌發。黃齊芳等。祭葬世職。以楚軍援勦貴州賊匪出力。賞參將田宗蕃。已圖魯名。號。餘加銜升敘有差。○癸丑

孝德皇后忌辰遣官祭

殯宮○諭內閣曾璧光著授醇郡王奕環讀○

又諭勝保奏請將帶兵遲玩各員弁分別革懲等語○管帶綏遠城後起官兵佐領吉慶○防禦安詳沿途耽延○閱四月之久始抵勝保軍營○實屬任意遲玩○該員等業經袁甲三奏交部嚴議○均著即行革職○留營效力○以觀後效○已革藍翎驍騎校善福○管帶馬匹沿途逗遛○提催罔應○馬匹倒斃甚多○且在鹿邑縣地

方有需索川資情事○著該大臣俟善福到營後○確切查明從嚴懲辦○諭軍機大臣等據官文奏夷船過八里江閘淺將大火輪船二隻退泊九江○欲俟來春發水時前進其小火輪船二隻已開行下駛等語○夷船以下游閘淺為名○欲在潯江久泊○誠恐別有詭譎○未便任令羈留○現在上海辦理稅則條款業已議有頭緒○此時俟夷酋回滬○即可將四事挽回○況前此桂良等許其入江○本約二十日內即

回○若任其停泊上游○難保無窺探虛實及勾通內匪等弊○著桂良等諭知該夷即令輪船下駛出江○至該夷船行至焦山即有閘淺之事○今在八里江復行淺阻○正可曉以利害○阻其入江之請○現在江路尚未肅清○該夷入江固屬冒險○即日後並無阻梗○設遇閘淺江中匪徒出沒○恐損失貨物亦多○未便如能借此止其入江○豈不甚善○著桂良等設法辦理○為要○將此由六百里密諭桂良○花沙納何桂清

並傳諭明善○段承實知之○又諭本日據官文奏夷船灣泊九江○請飭江西派員彈壓設法護送出江等語○夷船停泊九江○是否實因水淺阻閘○抑係有意逗遛○藉此銷售貨物○恐羈留日久○與本地民人交涉致生事端○著者齡迅即遴派幹員詳細查明○妥為彈壓○並察看水勢○將該夷船設法運行護送出江○毋令久延○將此由六百里密諭知之○又諭勝保等奏遵籌皖省大局需兵甚亟○請飭催撥馬

隊官兵一摺皖省南路廬州賊勢颯張北路復有捻匪層聚自應添派勁旅以杜其北竄之路本日據官文奏四川官兵該省並未截留即日東下湖南兵一千五百名亦已到營惟普承堯一軍留防九江未能赴援勝保軍營兵數已不為少其所調吉林黑龍江補額兵丁亦已據報啟程至關保所帶之吉林黑龍江察哈爾兵一千七百五十名前赴徐宿原為嚴防北路而設昨據崇恩奏請截留黑龍江官兵五百名駐劄韓莊暫為東境邊防之助其餘吉林官兵二百五十名察哈爾官兵一千名已催令關保管帶前赴袁甲三軍營現據勝保等奏需兵甚亟馬隊無從籌措著即咨商袁甲三於吉林察哈爾馬隊內酌撥二三百名歸勝保調遣其餘仍須嚴防北路不得再行調撥勝保前兩次保舉軍營出力人員至一千餘名之多其中文員不少據單開勞績亦俱稱其隨同勒賊未免失諸冒

濫嗣後務當覈實酌保以昭激勸毋得沾染外閒惡習市恩邀譽致開倖進之門將此由六百里各諭令知之○以安徽捻匪隨同李世忠獻城投誠賞頭目朱元興蔣立功陳廣俊李昭雲李明富董占品張茂元江如霖倪文藻花翎勇目朱得勝等藍翎並官職有差以河南安徽辦團出力賞守備劉蘭馨孝廉方正王世溥等花翎知縣柳增秀等藍翎餘升敘有差以安徽婺源營盤被陷降副將王夢麟為遊擊革外委金鐘鳴等職○予安徽陣亡驍騎校雙德祭葬世職予浙江陣亡布政司理問杜燁祭葬世職甲寅上御乾清門聽政以通政使司通政使梁瀚為都察院左副都御史予廣東陣亡知府張承諫卹同歐兆卿府經歷許鈞巡檢張世謙從九品譚明新楊聯捷陳居柳教諭銜陳之聖都司銜潘兆元千總銜梁祥雲祭葬世職貢生陳居剛勇目梁祖福等賞卹如例○

展長蘆疲商滯銷停引復額限期五年（乙卯諭內閣前因載垣等奏平齡案內訊出前任刑部侍郎李清鳳有送給程庭桂條子之事當令江蘇督撫取具確供具奏茲據何桂清等訊明李清鳳之子李旦華假托父名私送條子並有代同籍貢生王景麟致送條子之事工部郎中李旦華著即革職由該督撫派員解京歸案辦理貢生王景麟據奏尚未回籍著步軍統領衙門查傳到案一併訊辦

李清鳳著交部議處○諭軍機大臣等前據王懿德奏張運蘭援閩之師已抵邵武轄境請飭暫緩移動以衛閩疆當經諭令曾國藩王懿德通籌全局如閩省尚賴援師即將此軍留於該省勒辦本日據曾國藩奏景德鎮官軍接仗失利情形緊急已調張運蘭回建昌即日令其拔營前赴景德鎮與劉于涪會同辦理各等語景德鎮之賊如果竄犯廣信湖口等處恐其掣動江西全局閩省現止連

城尚有餘匪為數無多勒辦當不難得手該侍郎以援閩之師折回移勒即責成張運蘭將景德鎮一帶之賊會同劉于涪實力勦洗毋令擾及饒州湖口等處以固江右邊防惟閩省兵力單薄如果江西省軍務已有就緒而閩省賊蹤未能淨盡仍著該侍郎妥籌兼顧毋令再有蔓延將此由六百里諭令知之○又諭前因袁甲三奏請飭東豫會勦捻匪當經諭令崇恩恆福各派兵勇進至永毫一帶會合袁甲三直搗賊圩旋據崇恩奏稱容俟遴派大員湊集兵勇後再行專摺奏報並據恆福奏稱已令卽聯恩整飭防兵候調惟供以官軍深入以後賊眾鋌而走險或分股旁趨或冒死北竄為慮本日復據袁甲三奏捻匪被擊遁回於本月初四日復行出巢經傳振邦派兵截勦奔回臨溪並於初二至初六等日經知州苗沛霖督勇進勦在滄河南北岸接仗疊次獲勝惟探聞各捻首會商定

於來年正月初開合夥出竄亟應乘賊未動速圖倡勦請催東豫兵勇迅即前進等語捻逆人數眾多附近地方無可擄掠必思竄擾完善之區自應先發制人免致臨時無措袁甲三所稱令河南兵勇由亳州而東山東兵勇由永城而南傳振邦一軍由宿州西南同時並進之處雖係通籌大局力遏逆氛然兩省兵勇進剿太深更應防其繞越致落後著該京卿所奏不過為將來紛竄先占地步可

書錄奉旨

元

以諉過於人袁甲三向來是已非人著崇恩恒福會商袁甲三酌量分投進兵袁甲三亦即移營永城居中策應著袁甲三先就現有兵勇務須直搗賊巢盡殲醜類毋任分竄至東豫邊防緊要未可因兵勇同時進剿轉令匪眾乘虛闖入該兩省防堵事宜係派郝上庠邱聯恩督率山東鄉團可用河南亦須聯絡各鄉團練以助兵力而衛身家著崇恩恒福將各要隘嚴密布置即行發兵會剿毋再

遲延山東截留之黑龍江官兵五百名皆係勁旅未便令其駐守韓莊此時派兵會剿著崇恩即將此項馬隊供進兵之用以資得力將此由六百里各諭令知之以故三等男成齡子慶善襲爵以河南勦捻出力賞練總趙鵬飛藍翎賞順天等省鄉試年老諸生崔丹華等五十三人舉人副榜有差○緩江蘇山陽阜甯清河桃源鹽城高郵泰東臺江都興化寶應銅山沛陽山邱宿遷睢甯海

書錄奉旨

三

沐陽贛榆泰興長洲元和吳吳江震澤常熟昭文崑山新陽華亭奉賢婁金山青浦江陰宜興荆溪丹陽金壇溧陽太倉鎮洋四十三州縣被旱被水歉收地畝漕糧並折色銀兩有差○丙辰以安徽壽春鎮總兵官鄭魁士為浙江提督督辦甯國軍務湖南岳州參將熊天喜署安徽壽春鎮總兵官廣東羅定協副將劉李三為直隸通永鎮總兵官○以援剿皖南賊匪不力參將姚爵階等革職摘頂

及前任監督汪潤等八員均著先行交部照例議處仍責令分賠勒限完交。歷任倉場侍郎均著交部議處。現任侍郎崇綸廉兆綸會同查出著改為交部察議。所有單開動缺銀數並歷任監督應分賠銀兩及追繳經紀車戶書吏商人等賠項又另摺奏籌議補救章程四條著戶部一併詳細覈議具奏。○又諭給事中鳳寶等奏張家口應添季簿藉端推諉請旨懲辦一摺張家口新增貨稅係部議

奏准纂入則例之案自應照例另請季簿以憑覈對經鳳寶等屢次移催該監督竟以並無疏漏亦無牽混無須另請季簿等詞藉端推諉殊非慎重課稅之道前任張家口監督崇連著交部照例議處並著新任監督崇筠遵照各關之例另請季簿與戶部商填簿一律辦理毋許再有稽延。○諭軍機大臣等本日據都興阿奏移營進規太湖分路布置情形一摺復據奏稱現患嚴疾請賞假調理已

降旨賞假一箇月矣。蓮花塘楓香驛餘賊退至太湖等處分茅嶺之賊退至石牌增壘抗拒另股復由潛山趨天堂五河皆可上犯英霍該將軍現派各軍責成記名副都統多隆阿統帶移營前進並由官文檄調九江防兵移劉黃梅飭令李續宜添調四營前往下游兵力亦不為單薄。惟都興阿告假在營調理雖有多隆阿為前敵而後路尚無大員總統調度胡林翼到省後已馳往黃州著即申明

紀律調度各軍仍以多隆阿為前敵督飭李續宜等體察情形節節進剿胡林翼應否督兵前進著與官文會商辦理。儻因兵力不敷即著官文酌量調派為進兵圖皖之計不致遲誤事機是為至要。將此由六百里各諭令知之。○以故三等公祿豐子和瑞二等子庚音布孫志和二等男瑞麟子德志襲爵。○以刑部尚書麟魁充翰林院掌院學士。○予故山西大甯縣知縣王格正浙江常山縣知縣

李盤四川巴縣知縣區拔熙湖北武昌府知府
多山湖南道州知州葉桂江蘇寶應縣主簿孔
傳坤入祀名宦祠從總督王慶雲巡撫恆福晏
端書胡林翼駱秉章趙德轍請也○予江蘇故
舉人潘德輿入祀鄉賢祠從巡撫趙德轍請也
○旌表守正捐軀河南許州民女李五妮○緩
甘肅河甯夏甯朔狄道渭源靖遠隴西靜甯隆
德甯正甯靈中衛平羅浮崇信靈台鎮原十八
廳州縣新舊錢糧草束○戊午諭軍機大臣等

王慶雲奏四川省撥解京外各餉為數甚鉅請
續辦按糧津貼以資接濟一摺川省歷年籌解
京外各餉數至六百餘萬兩節經該督奏請辦
理按糧津貼源源接濟閭閻踴躍輸將實堪嘉
尚現值各路軍務未平該省密邇滇黔防勦經
費所需甚鉅據王慶雲奏請於咸豐九年再行
勸諭紳民續辦按糧津貼實屬萬不得已之舉
第恐不肖吏胥藉端擾累著該督嚴飭所屬查
明舊章遴選公正紳耆妥為經理不准假手胥

吏致滋弊端其上中下戶之分儻該地方官
高下其手蒙混侵蝕及有徵多報少等弊即
著從嚴叅辦毋稍姑容庶於借資民力之中
仍寓體恤民艱之意將此由四百里諭令知
之○又諭前因天津海防周密恐明歲春融
夷船由上海北駛或擾及牛莊並沿海各口
當經諭令玉明等體察各海口情形妥籌具
奏現已將及一月尚未據該將軍等覆奏副
都統增慶熟悉該處海口情形業經降旨派
令前往惟增慶到尚需時而該將軍接奉前
旨已久所有牛莊沒溝營等處及金州錦州
各海口應如何嚴密設防以杜該夷窺伺之
處自應得有端緒即著先行馳奏以便豫籌
布置俟增慶到時再加履勘可也將此諭令
知之○又諭現在天津海口業經僧格林沁
添築礮臺營壘以資守禦其沿海各口岸何
處應行設防尚須周歷履勘方能布置周密
著慶祺傳旨諭知史榮椿會同格綢額即由

天津馳赴山海關將沿海一帶口岸及扼要地方詳加履勘查明後史榮椿即折回大沽海口格綳額即在山海關駐劄俟防兵到關歸其統帶並派署天津鎮總兵湯蘇大沽協副將龍汝元將由天津至山東海豐一帶沿途海口各要隘一體詳查明確所有兩路查勘情形均由慶祺繪圖貼說詳細具奏將此諭知慶祺並諭史榮椿格綳額傳諭湯蘇等知之○命正紅旗漢軍副都統增慶馳往奉

天查辦事件○以浙師援救江西廣豐出力賞把總楊正有等藍翎餘加銜升敘有差○以安徽軍營防勦得力復已革陝西河州鎮總兵官吉順職○以訊辦西藏番案出力賞遊擊沐恩花翎以副將升用○以勦匪遷延革江西南贛鎮總兵官饒廷選職○緩徵直隸元城深武強三州縣被水被旱被雹村莊新舊糧租倉穀○扎賚特扎薩克郡王銜貝勒拉木棍布扎布於養心門內瞻覲○己未

諭內閣前因德興阿奏參江甯布政使楊能格遇事慌張畏葸信任委員候補直隸州知州于昌遂把持諸務遺棄糧臺軍火淮揚道郭沛霖逃避出城安稟軍情當將楊能格革職暫行留任郭沛霖先行革職所參各情交邵燦庾長確查奏參茲據邵燦等遵旨詳查據實覆奏楊能格於浦營兵潰儀徵揚州相繼失守節次將糧臺移赴五臺山等處致與大營時或不能相顧雖為保護餉督軍火起

見舉動未免輕率其兵勇所獲火箭噴筒查係工匠製造尚未呈交之物硝磺鐵屑亦本係留存西寺供應萬福橋募勇支用並非糧臺遺棄惟以軍火要需輒因倉卒之中不能兼顧亦難辭咎楊能格著即革任以示懲儆郭沛霖於賊至揚州登陴守禦旋被練勇擁護出城復將回揚官兵誤為潰退以致稟報失實該員係專辦揚州善後與尋常兼轄地方者不同業已革職其應得罪名著刑部覈

擬具奏至委員于昌遂黃文涵及此外各委員有無把持貽誤並聲名狼籍等情仍著德興阿查明據實具奏○又諭官文等奏查明統兵藩司陣亡實蹟懇請優卹一摺覽奏不覺隕涕巡撫銜浙江布政使李續賓當賊匪圍撲長沙之時首倡團練屢建奇功嗣後赴援江西調回湖南旋隨曾國藩東下克復武漢凡江西湖北湖南等省攻克巨壘堅城該藩司無不親歷行間身先將士通計七年之

間先後克復四十餘城大小六百餘戰以少勝眾所向無前一時諸將之中無與倫比本年七月赴援安徽甫逾月連克潛太舒桐朕以其謀勇素優威望眾著特命幫辦安徽軍務方冀其肅清皖北淨埽狂氛特膺懋賞乃因進圖廬郡先勦三河苦戰旬餘殺賊逾萬江浦六合廬江逆黨大股來援以五千兵勇當十餘萬之賊將士傷亡從容赴義其忠勇義烈之氣雖死猶生實深悼惜李續賓著

加恩追贈總督卹卹即照總督陣亡例賜卹入祀昭忠祠任內一切處分悉予開復應得卹典該衙門察例具奏伊父李登勝著賞給光祿大夫封典並賞銀五百兩由湖南藩庫給發伊子李光名李光合均著賞給舉人一體會試仍於服闋後交吏部帶領引見並著於湖北江西安徽及湖南湘鄉本籍各建專祠以示朕褒卹蓋臣至意尋予祭葬世職諡忠武諭軍機大臣等有人奏張家口總稅書王

式如稅書閻琇森段培魯任吉安杜昭淑及稅役王玉田等通同舞弊勒增稅銀凡由口納稅過關者仍照口票重徵稅銀名曰調劑並捏稱軍需浩繁出有告示一切貨物例應稅錢者改收實銀例應稅銀者額外多增一二錢不等稍有不遂即看守強偏無錢交納者勒將貨物作質放行以致布匹米糧牲畜及一切雜貨堆積關外南北商賈裹足不前各等語盡吏把持稅務擾累商民實屬大干

法紀張家口地近京畿於稅課亦甚有關繫
著慶祺迅派妥員前往該處將王式如等及
稅役王玉田等按名查拏到案審訊從嚴懲
辦此外如有包攬納稅及侵漁肥己之人並
著詳悉根究嚴辦該監督崇筠是否知情故
縱何以毫無覺察並著查明參奏以除積蠹
而重稅則將此諭令知之○賞江蘇淮海道
梁佐中三品頂帶為江甯布政使○以浙江
按察使徐宗幹為布政使甯紹台道段光清

為按察使○以記名陸路總兵官張得勝為
湖北宜昌鎮總兵官○以安徽三河等處軍
營失事革湖北宜昌鎮總兵官李續燾等職
並逮問○予安徽陣亡道員孫守信副將李
存漢雷風雲李集賢參將彭志德彭友勝蕭
意文周福高趙友村遊擊朱恢三等十三員
都司王繼龍等二十員守備王啟興等三十
八員同知何忠駿等六員知縣以下王揆一
等二十二員千總以下蕭長青等二百四十

二員名贈銜祭葬世職加等分別入祀本籍
忠義祠附祀李續賓專祠○蠲緩浙江杜瀆
海沙錢清黃巖橫浦浦東六場被風被潮竈
地新舊額賦有差○庚申

上詣

大高殿祈雪壇行禮○遣恭親王奕訢詣

宣仁廟醇郡王奕譞詣

凝和廟鄭親王端華詣

昭顯廟惠親王綿愉詣

時應宮拈香○諭內閣前因慶昀奏察哈爾
牛羊羣總管等被訐牽涉歷任都統等家人
得贓並因奏稟已定原告等呈請息訟顯有
情弊特派靈桂成琦前往查辦茲據靈桂等
奏現訊大概情形該原告委固山達翰克濟
爾噶勒等所供該總管扎克都爾副總管貢
格呢瑪始不承認及起獲帳簿與鋪夥陳萬
榮質對始據供認送給都統副都統家人銀
兩及攢扣烏拉等價並布施等項銀兩屬實

察哈爾牛羊羣總管扎克都爾副總管貢格
呢瑪均著先行解任交靈桂成琦徹底根究
務得確情按律懲辦以成信讞現署馬蘭鎮
總兵穆隆阿據扎克都爾供有收受皮襖銀
兩等語著穆隆阿明白回奏○盛京將軍王
明等奏敬謹查勘

永陵應修各工情形估需工料銀兩可否派員
承修抑照向章由盛京將軍工部侍郎督修
得旨工部查照向章如何辦理并將此次因

何不照定例抑原係雙請之處一併回奏○
緩徵江蘇長洲元和吳吳汧震澤常熟昭文
崑山新陽華亭奉賢婁金山青浦江陰宜興
荆溪丹陽金壇溧陽山陽阜甯清河桃源安
東鹽城高郵泰東臺江都興化寶應銅山沛
碭山邵宿遷睢甯太倉鎮洋海沭陽贛榆通
泰興如皋海門甘泉蕭上海南匯川沙武進
陽湖嘉定寶山五十六廳州縣暨蘇州太倉
鎮海淮安大河揚州徐州八衛被水被旱地

畝新舊額賦有差並免被兵之丹徒縣全境
本年新賦○緩徵江蘇富安安豐伍佑梁垛
東臺何垛丁谿草堰劉莊新興廟灣中正板
浦臨興十四場被潮被水竈地新舊折價錢
糧有差○蠲緩浙江富陽餘杭新城臨海黃
巖太平龍遊建德遂安桐廬仁和錢塘海甯
臨安於潛昌化嘉興秀水嘉善海鹽平湖石
門桐鄉歸安烏程長興德清武康安吉孝豐
慈谿奉化山陰會稽蕭山諸暨餘姚上虞新

昌岬天台仙居金華蘭谿東陽義烏浦江湯
谿淳安分水青田五十一州縣被水被旱被
風災區暨杭嚴嘉湖台州三衛屯坐地畝本
年額賦有差○科爾沁親王僧格林沁等引
章嘉呼圖克圖入覲於養心殿東暖閣召見
賜茶○辛酉諭內閣黃宗漢奏特參聲名平
常之署知府請旨革職一摺廣東署高州府
事虎門同知袁銘泰自署府篆以來辦理地
方公事未能整躬率屬物議沸騰輿情不洽

著即革職仍著該督撫查明如有貪劣實據並經手未完事件另行分別叅辦○又諭黃宗漢奏甄別水陸營員一摺廣東廣海寨水師遊擊歐清在署平海營參將任內性耽遊蕩有玷官箴著即革職碣石水師鎮標中軍遊擊沙中玉陽江水師鎮標中軍遊擊梁得祿年老多病難期振作均著勒令休致南雄協副將王德圖利營私兵心不服署三江協副將揀發副將松壽昏憤糊塗信任家丁均

著革職南韶連鎮中軍遊擊周文福性耽遊玩訓練不勤惟年力尚壯著降為守備留於廣東酌量補用以肅戎政○又諭倭什琿布奏請按月發錢養贍獨一摺烏魯木齊滿洲營八旗鰥寡孤獨向由各官鋪息銀內分給幫貼養贍近因各項息銀停扣散放無資加恩准其將實迪局鼓鑄大錢按月照數給發暫准作正開銷俾無告窮民得資餬口俟各項利銀扣還仍按舊章辦理○補鑄江西

廬陵崇仁二縣知縣印信永甯縣儒學條記從巡撫耆齡請也○以廣東團練出力賞都司羅福安花翎舉人馮冠賢等升敘有差○緩吉林三姓被水被旱地方新舊銀穀有差○壬戌諭軍機大臣等樂斌奏甘餉緊要請飭迅速籌撥一摺甘肅內地及新疆各城每年餉需共計四百餘萬皆賴外省協撥自各省欠解甘餉愈多撥解口外亦遞年減少據稱本年山西省僅解銀七萬兩陝西省僅解

銀八萬五千兩河南省僅解銀一萬七千五百兩鈔錢一萬五千串山東省僅解銀一萬兩若非河東道解到銀四十五萬兩其勢早已不支現在新疆各城空乏已久待餉迫切甘省藩庫籌墊已盡若再遲延不特口外俸餉無從撥解即內地亦難以支持自應迅速籌撥著崇恩英桂恆福曾望顏迅飭藩司鹽道破除畛域之見即將欠解甘餉項下竭力設法籌措各先湊解銀十萬兩委員迅速解

赴甘肅藩庫交納其餘欠項並著隨時酌撥
協濟以顧西陲大局毋稍延緩將此由五百
里各諭令知之○又諭王明等奏遵旨籌備
海防情形並繪圖貼說呈覽一摺該省沒溝
營海口與三汊河一水相通地關緊要經王
明等於該處水陸兩路籌議安礮設伏章程
挑兵五百名於明春派往駐劄另挑兵一千
名操練備調並設法斷絕漢奸勸諭商民力
行團練所籌尚屬詳密惟尚須親行相度該

將軍擬於明春開河以前往勘未免較遲前
因增慶熟悉奉天海口情形令其馳驛前往
約計開正可到即著王明會同前赴沒溝營
及各海口詳加履勘務使事事周妥有備無
患至布置一切非有地方官親臨督辦恐呼
應不靈並著景霖會同該將軍前往以期辦
理妥速所築礮臺總須工料堅實勿任稍有
草率另片奏擡槍不敷應用現有人呈請捐
造等語著准其捐貲製造俟呈繳後演放有

準即由該將軍等覈計銀數奏請獎勵將此
諭令知之○又諭奕山等奏遵查綏芬烏蘇
里地界並俄夷具字要挾情形一摺據稱綏
芬至三姓交界寬廣千餘里並無與俄夷接
壤之處烏蘇里河自北而南相距一千四百
餘里距興安嶺甚遠亦無接壤俄夷處所是
該二處不特原定分界甚遙且近接三姓甯
古塔等處實已深入內地據該將軍等查明
未便允許自應正言拒絕該夷要求黑龍江

左岸居住奕山遽爾允准已屬權宜此次無
厭之求著該將軍等妥為開導諭以各處准
添海口皆係大皇帝格外天恩原因兩國和
好多年是以所請各事但有可以從權者無
不曲為允准此後自應益加和好方為正辦
若肆意侵占擾我邊疆貽鼠地方是有意違
背和議中國斷難再讓況該夷在三姓地方
攪擾街坊觸怒軍民若日久占居必至積怨
成仇羣起為難雖天朝法令森嚴亦不能以

非理之事。強制百姓。彼時有傷交誼。大非彼國之利。如該夷使聽受開導。不復以綏芬烏蘇里為請。即可與之議准界址。切實訂定。除所議之外。永不准肆行竄越。如其堅執不遵。即著將該夷狡執情形。詳細具奏。當由理藩院行文該國薩納特衙門。與之理論。奕山等亦可行知。木哩斐岳幅據理執辯。曉以利害。勿任各夷官從中播弄。事關重大。固不宜過於激烈。致啟釁端。亦斷不可一味軟弱。總宜

詞嚴義正。中其隱微。庶可漸戢驕心。歸於馴服。將此由四百里各密諭知之。○以克復江西建昌永豐府縣城。賞都司陳玉和黃日勝等花翎。把總廖永興等藍翎。餘加銜升敘有差。○予四川陣亡同知凌樹棠直隸州知州李漸鴻。把總梁克峙。外委張維綬。祭葬世職。○予江西陣亡外委方明玉等祭葬世職。○癸亥諭內閣。朕體自入冬以來一切照常。惟右足尚覺無力。茲屆歲暮。祭之期。若勉行

全禮。恐登降拜跪。偶有愆儀。不足以昭嚴格。本月二十九日。

太廟。祭著派恭親王奕訢。恭代行禮。是日致祭之先。朕仍親詣。

太廟。行三跪九拜禮。以伸誠敬。○補鑄江西富田司巡檢印信。從巡撫耆齡請也。○以安徽太和縣勦匪出力。賞知縣侯樞臣花翎。以同知升用。○以安徽軍營出力。予知州周鎮等升敘有差。○以河南軍營出力。予道員戴鸞

翔等升敘有差。○以山東辦理糧臺出力。予知府董步雲等升敘有差。○以帶隊遲延。及挑兵不慎。河南駐防佐領春海等革職議處有差。○予閩門殉難江西富田司巡檢張偉祭葬世職。○蠲緩山東嶧城武單曹濱五州縣被水被賊村莊新舊額賦有差。○甲子。上御撫辰殿大幄次。賜蒙古王貝勒及外藩使臣等宴。賞賚有差。○諭內閣。戶部錢法堂奏局庫被盜。請嚴飭查拏一摺。戶部寶泉局庫

為收儲銅錫錢文重地。本月二十日夜。突有賊匪多人。越牆進局。明火執刀。嚇禁盜取銅錫多件。實屬警不畏法。著步軍統領衙門。順天府五城一體嚴拏賊。務獲歸案。審辦實。泉局中廠大使治泰。疏於防範。著先行交部議處。仍將失去銅錫查明。是否正項。著落賠補。該局監督亦有失察之咎。著查取職名。一併交部議處。在局值宿更夫等。如查有勾串情弊。即行送部究辦。至該局添設堆撥未久。巡邏官兵等。何以漫無覺察。並著步軍統領衙門嚴參懲辦。○又諭步軍統領衙門。奏佐領呈訴刑部司員刑偏無辜。並牽涉刑部堂官授意陷害一摺。鑲白旗蒙古世襲佐領哈豐阿。呈控領催額林布。勾串騎都尉雙祿。扣留軍餉半價錢文。由該旗咨送刑部訊辦。乃該部司員。不照原文究辦。刑偏勒供。並有司員聲稱。係刑部侍郎孟保授意。令將瑞林供出等語。虛實均應徹底根究。著派文彩。穆蔭

提集人證。審明具奏。○又諭勝保。翁同書。奏已革總兵留營差委等語。已革總兵扎隆武。前因規避革職。永不敘用。茲據勝保等奏。查明該革員患病屬實。現已就痊。情願投營效力。自贖前愆。扎隆武著准其留營差委。以觀後效。如果奮勉立功。著勝保等酌覈奏明。量予錄用。儻再不知振作。著即據實嚴參。以示懲儆。○諭軍機大臣等。據崇恩奏。籌議會勘事宜。欲緩俟明春二三月間。再為合勘之舉。覽奏各情。固為慎重起見。惟捻蹤出沒靡常。既據袁甲三奏。探有正月出巢之語。則東豫兩省連界處所。仍須嚴防窺伺。不宜輕進。致有疏虞。亦不可遷延。反落後著。本日袁甲三奏。稱逆捻復糾集數萬眾。圍偏苗沛霖營盤。其不肯久伏巢中。已可概見。崇恩現擬募勇三千名。交黃良楷訓練。並抽撥官兵一千名。合成一旅。派總兵富新會同統帶。即當飭令該鎮道帶兵出境。與袁甲三等馬步兵勇。及

恒福派出之總兵邱聯恩等相機合剿不可太遲致令蔓延其本境留防兵勇既與民團聯絡一氣即可責成督辦防務之郝上庠妥為控制則前有進剿之師而後路亦臻嚴密矣將此由五百里諭令知之○閩浙總督王懿德奏道員司徒緒代父措交賠項請留閩濟餉得旨所繳賠款准將鐵錢留閩作為軍需之用仍造報其實銀著報部候撥不准以業已動用一語搪塞○以克復江蘇揚州府

城賞遊擊王萬釗都司張寅守備詹起綸巴圖魯名號直隸州知州朱履恆梁園棟防禦台冲阿守備李貴等花翎驍騎校依鏗額等藍翎餘升敘有差○以招勇助剿賞還江蘇揚州府知府方長澤頂帶○以安徽勦擒出力賞副將慶瑞巴圖魯名號協領善慶等升敘有差○以安徽團練勦匪出力賞知州苗沛霖巴圖魯名號把總苗景閣苗天慶苗希年花翎從九品陳冠羣等藍翎餘升敘有差

蠲緩浙江富陽餘杭新城仁和錢塘海甯臨安於潛昌化嘉興秀水嘉善海鹽平湖石門桐鄉歸安烏程長興德清武康安吉二十二州縣杭嚴嘉湖台州三衛被水被旱被風地畝新舊漕糧有差○乙丑命禮部尚書肅順為正使內閣學士察杭阿為副使持節齎冊封

佟佳氏為

祺嬪冊文曰朕惟依椒掖以襄勤端惟淑德

啟芝函而錫命渥沛榮施象服允宜龍章聿

賁爾佟佳氏秉心維粹率禮無違彤管流徽

夙著女宗之望紫庭備位爰資婦職之修茲

冊封爾為祺嬪爾其備著芳規矢恪恭於罔

懈式膺茂典歌福履之永綏欽哉○命禮部

尚書朱崑為正使內閣學士宜振為副使持

節齎冊晉封

玫貴人徐佳氏為

玫嬪冊文曰朕惟坤元翊治還資襄贊之人

與命揚休用美柔嘉之德芬流鳴瑞典茂錫
鏐爾玫貴人徐佳氏敬慎持躬謙冲蘊性應
四星而列耀華選先膺教九御以宣勤芳型
克樹是用晉封爾為玫嬪申之冊命爾其含
和履善益昭雅度於珩璜集祉延禧永荷殊
恩於綸綍欽哉○諭軍機大臣等保恆達綬
奏請飭催甘省欠解烏什經費銀兩等語據
稱甘肅司庫欠解烏什七八兩年經費銀兩
本年收到上年司庫撥解銀二千兩此後屢
催未解嗣經戶部議覆飭令陝甘總督無論
何款先行撥解銀數千兩迄今仍未解到烏
什需餉甚殷現屆冬令各該官兵月支鹽菜
等項銀兩尤須隨時接濟乃自七年秋季至
本年冬季新舊欠解至二十箇月之多官兵
實形拮据著樂斌將司庫欠解烏什七年經
費銀一萬二千四百餘兩無論何款迅速籌
撥起解毋再遲延其欠解八年經費銀二萬
一千八百餘兩並應解九年經費銀兩並著

該督陸續籌款源源接濟以資兵食而重邊
防將此由五百里諭令知之○又諭前據景
淳等奏查綏芬烏蘇里均不與俄夷接壤未
便允許當諭令該將軍等正言拒絕矣綏芬
烏蘇里兩處既與俄夷地界毫不毗連且係
採捕漫珠之地當時即應據理拒絕何以副
都統吉拉明阿輒許木哩斐岳幅於冰泮時
馳往查明再立界牌至所稱原立字約十四
條內尚有三事未妥均未據奕山奏明其木
哩斐岳幅來文內有二年後差學生到俄國
學藝之語更不知從何而來奕山前次遽將
黑龍江左岸允許該夷雖係限於時勢究竟
辦理輕率且以烏蘇里河亦可比照海口等
處辦理致該夷肆意要求甚至在三姓地方
滋擾居民景淳因綏芬烏蘇里均係內地關
繫綦重設法拒絕自是正辦著仍遵前旨據
理剖辯毋得遷就了事致貽後患所立字約
十四條及吉拉明阿輒許該夷赴烏蘇里口

會勘地界有無含混應許之處著該將軍等查明具奏至俄夷來使丕業羅幅斯奇到京後並未聲言欲辦何事該夷來文有即照該來使商議之言派員前赴興安鄂末尤不可解亦應一併諭知該夷為要將此由四百里各密諭知之○以禮部尚書朱學工部尚書文彩充經筵講官刑部尚書麟魁充文淵閣領閣事○以直隸永定河防汛出力予同知王仲蘭等升敘有差○丙寅

孝莊文皇后忌辰遣官祭

昭西陵○諭內閣此次中卷疵謬閱薦之同考官鄒石麟著照部議先行降一級調用俟案定時應得之咎由欽派王大臣定擬取中之副考官朱鳳標著照部議罰俸一年再罰俸九箇月應貼不貼之受卷官賈鐸著照部議罰俸一年均不准抵銷○又諭戶部奏遵議沈兆霖等奏通濟庫動缺銀兩分賠追繳並籌議補救章程四條所議均屬周妥嗣後倉

場侍郎著照戶部三庫之例加兼通濟庫事務銜其通濟庫印鑰由該侍郎佩帶遇有放款由坐糧廳呈請該侍郎親臨監放僅該監督敢擅自開放除責令賠補外仍著從嚴叅處至先漕銀兩准其暫籌別款勻攤發給腳價惟應籌何款勻攤及何款可以裁減著倉場侍郎妥速籌畫具奏此後經紀等如實係不敷辦運不得已豫借長支准由倉場侍郎奏明辦理惟每年借支銀數仍不得過一萬

兩以示限制並於奏銷冊內將借支若干實存若干分別註明儻有不符即將該坐糧廳監督嚴加議處該侍郎等亦一併議處○又諭前據工部奏請派大臣承修永陵各工當經派出宋晉和潤承修嗣據盛京將軍玉明等奏銀數在萬兩以內向由該將軍暨盛京工部侍郎督率司員興修與工部所奏不符復經諭令查明回奏茲據工部查明定例及歷屆成案並無萬兩以內由該將

軍等自行派員承修明文所有此項工程仍著宋晉和潤敬謹承修即按照玉明所估銀七千八百八十三兩之數覈實動用至前任將軍慶祺原估冊報該部覈算何以需銀一萬一千七百七十餘兩之多並著玉明等查明具奏○又諭前因德勒克多爾濟等奏叅扎薩克郡王托克托瑚圖魯不候諭旨啟程進京當交理藩院查明具奏現在該郡王業已抵京經理藩院查取親供具奏托克托瑚

圖魯應否來京朝覲自應由庫倫辦事大臣酌定具奏奉有諭旨始能進京乃因日久未接飭知並不呈催亦不呈請部示輒即交印啟程實屬任意著交理藩院議處庫倫辦事大臣德勒克多爾濟色克通額並未將業經具奏請旨之處先行劄覆迨該郡王啟程有期始行文阻止亦有不合著一併交部察議○又諭前據靈桂成琦奏查辦察哈爾總管等被訐案件大概情形當將察哈爾牛羊羣

總管扎克都爾副總管貢格呢瑪先行解任並令署馬蘭鎮總兵穆隆阿將收受皮襖銀兩之處明白回奏本日據靈桂等奏業已逐款訊明按律定擬扎克都爾等收受馬價銀兩訊明屬實雖非由弁兵名下科斂輒敢於領到俸餉扣還即與監守自盜無異解任總管扎克都爾副總管貢格呢瑪均著照擬即行革職准徒五年仍勒限一年追繳完贓儻能限內全完准其免罪副總管薩米迪等聽

受扎克都爾等主使勒扣錢糧均有應得之咎除固山達額色爾古楞業已病故外副總管薩米迪固山達額勒桑達爾窄依達木扎勒多爾濟扎普吉里克章桑噶勒桑翼長巴圖那遜均著即行革職佐領何布登額驍騎校玉山依仁阿貴春於都統副都統家人需索銀兩聽從傳話亦有不合均著交部照例議處翰克濟爾噶勒等所控各情訊非虛誣惟以屬下控告長官此風亦不可長委固山

達翰克濟爾噶勒額外委固山達弼里克圖
布呢雅阿里雅諾木圖護軍校鄂呢音那木
濟勒色楞達米林扎普特木爾牧長桑魯普
圖們喇什奇黨喇什。拉什諾爾布。綢素克多
爾濟奇。巴克扎普。達瓦津。巴布彥圖。章桑濟
克濟特。克普沙爾滿。綢素克。巴勒卓爾。鄂爾
西什。拉什津。巴達瓦德沁。占巴勒。車林奇莫
特色楞鄂呢。巴圖均著飭回游牧。仍於一年
之內。停其升轉。以示薄懲。其失察屬員。私扣

錢糧及家人需索之前。署都統穆隆阿。現任
都統西凌阿。副都統慶昫。均著交部議處。總
管巴彥濟爾噶勒。於交審事件。未能悉心研
究。並著交部議處。穆隆阿。收受皮襖銀兩。應
得處分。俟回奏到日。再降諭旨。○又諭。靈桂
等奏請飭籌察哈爾辦公銀兩等語。察哈爾
辦公銀兩。向由兩淮生息銀內動支。此項銀
兩。久未解到。應如何另行籌款辦公。俾兵丁
得以相安。著該都統副都統等。妥議章程具

奏。其查羣遞送馬匹。及烏拉租價等名目。著
一概革除。該都統等。仍當嚴禁家人需索等
弊。毋得日久視為具文。○又諭。曾望顏奏。請
將稟報仇殺命案含糊之知州。並查覆不實
之道府。分別嚴議。議處一摺。陝西甯羌州民
人李廷幅。因挾嫌報復。糾眾持械。殺斃賽洪
茂等十六命。情罪重大。知州劉應祥。並不據
實訊辦。率以賽洪茂等。招集。斃匪。被鄉保人
等往拏。拒捕格斃等辭。含糊稟報。於挾嫌仇

殺。賄囑頂兇等情。並未訊出。實屬辦理草率。
甯羌州知州劉應祥。著即撤任。先行交部嚴
加議處。陝安道白維清。漢中府知府畢至。明
知該州稟報未確。經該撫疊次飭查。並不將
該州含糊稟報各情。據實揭參。亦難辭咎。著
一併交部議處。仍著該撫。提集人證卷宗。徹
底根究。按律懲辦。○戶部奏。四川夔關監督
羅升。稽短徵銀十一萬三千八百兩零。今遵
章程。於限內先後完繳銀一萬五千兩。可否

寬免成數得旨著寬免二萬兩此係因該員家教不嚴致伊孫身罹重罪故減數寬免○以江西新城縣紳士捐輸軍餉永廣學額一名○以山東紳團堵剿竄匪出力賞知州趙康侯花翎知縣魏篤等藍翎餘加銜升敘有差予陣亡知縣王迺常訓導宋中孚劉溥同知銜康士鼐千總銜孔廣彝等祭葬世職文生姚體休等二十六名賞卹如例○以雲南安撫回民出力賞知縣普惠花翎以同知直隸州知州升用○以雲南勦辦回匪出力賞都司羅忠孝花翎舉人李景春等藍翎餘加銜升敘有差予陣亡外委張福吉戴金亮祭葬世職○以聞警潛逃革雲南署黑鹽井提舉羅樹勳署祿勸縣知縣吳增祿職並逮問○以捐貲助勦被害予雲南耿馬土司罕恩澤賞卹如例○免雲南思茅甯洱二廳縣被水各猛應徵銀米○丁卯諭內閣本日據桂良等陳奏英法各國咨文各件內有偽造廷寄諭旨

一道據稱係英國人得自廣東者披覽深為詫異中國自來撫馭各國一秉大公從無設計暗害之事自葉名琛失事後命黃宗漢為兩廣總督接受欽差大臣關防原以保守疆土即侍郎羅惇衍等激於義憤練勇自衛亦紳士應辦之事迨桂良等在天津和議已成黃宗漢專辦本地軍務羅惇衍等亦遵旨專辦土匪並無與英法二國交兵之舉該國現雖尚未交還廣東省城但能約束兵丁不擾居民自可相安無事乃有偽造廷寄令羅惇衍等與該二國為難以致英法疑慮著黃宗漢嚴拏偽造之人盡法懲辦使各國皆知我中國辦事光明正大一經定議盡釋嫌疑造言生事之人無從煽惑至上海現辦通商事宜與廣東相距較遠著即授兩江總督何桂清為欽差大臣辦理各國事務所有欽差大臣關防著黃宗漢派員賁交何桂清祇領接辦○諭軍機大臣等恆福奏變通豫省釐定

章程。以免紛擾。一摺。河南省釐捐於陝州等處設局抽收。半年以來。共收銀六千餘兩。為數無多。茲據恆福奏。量為變通辦理。自係為體恤商民起見。著照所請。嗣後豫省釐捐。著專收水菸藥材茶葉三大宗。其餘如綢布皮貨等。一概不必抽收。並將陝州荆子關等局及沿河各卡。委員丁役等。悉行裁撤。其抽釐事務。即歸各該地方官經理。仍准於抽款內酌留一成之半。以資辦公。儻各該地方官或

有辦理不善。及失察書役人等滋擾情事。即著從嚴叅辦。試行一年。如果實有成效。准俟軍務完竣後停止。儻因商賈稀少。收數有限。即著奏請停撤。將此諭令知之。○又諭。本日據桂良等奏。辦理夷務情形。並因嘆夷將廣東鈔來寄信諭旨一道。送該大臣等閱看。該大臣繕錄呈閱。查歷來辦理夷務諭旨內。並無此件。實深詫異。夷人占踞廣東省城。曾派羅惇衍等。辦團籌勦。迨桂良等於天津議立

和約以後。並未令羅惇衍等再行勦辦。羅惇衍等亦曾將選派練勇。派赴西北兩路。助勦土匪。餘悉遣散歸農等情。奏報是該侍郎等必無再與夷人為難之事。此件偽造諭旨。於現辦情形未符。而聯絡團練民與為仇。不必官與為敵等語。則與從前寄羅惇衍等諭旨相近。此必有奸人探聽消息。任意捏造。簸弄是非。實堪痛恨。此件著鈔給黃宗漢閱看。即著該督將偽造之人。嚴拏務獲。盡法懲辦。毋

任漏網。將此由六百里密諭知之。○又諭。桂良等奏。先進前後條約。並陳現辦情形。一摺。桂良等於挽回四事。僅止略得大概。並未切實斷定。若駐京一節。僅能阻其長駐。而仍許其隨時往來。儻竟此往彼來。長行不斷。亦與長駐何異。據桂良等奏。能將條約議定。在外互換。則進京之念自息。昨已許其在上海互換。則進京一節。自可因勢利導。何至不可商量。即內江通商一層。該夷船既節節阻淺。即

可以此為詞。使其知難而退。摺內游移其詞。既稱若能拒絕。固屬全美。又稱即或改換面目。亦是辦法。其為尚無把握。已可概見。至遊行內地一節。條約內雖京都不在此例。而附近各地方。如順天直隸各屬。該夷必將指為約內所無。亦屬漫無限制。廣東官紳團練。本為助剿土匪。並非專為夷務而設。況天津議和以後。屢據羅惇衍等奏報。遣散已多。其間有損傷夷兵之處。均係夷兵出城騷擾所致。

如其早還省城。自不致有此事。該夷既有畏忌廣東紳民之意。正可從此措辭。使其翻然悔悟。以上各情。皆屬緊要。黃仲奮既為桂良所深信。此時該員已到上海。即可責成著力。逐件挽回。能消弭一事。即少受一事之貽害。仍著竭力籌畫。勿因條約業已進呈。遂謂可以塞責。至前次帶赴上海各條約。除三國均已言定。即在上海互換外。俄夷既無人在滬。所有該國條約。自應暫留京師。俟隨後發交。

庫倫辦事大臣交該國薩納特衙門互換可也。將此由六百里密諭桂良。花沙納並傳諭明善。段成實知之。○江蘇巡撫趙德轍因病解任。以布政使徐有壬為巡撫。○賞前任江蘇按察使查文經。道銜。接辦江南糧臺事務。○予廣西陣亡都司陳智慧千總謝義勝。郭美才。潘先志。喻得玉。把總李餘慶。蕭廷南。祭葬世職。○緩徵湖北江夏。漢川。天門。江陵。公安。石首。監利。松滋。漢陽。黃陂。鍾祥。京山。應城。嘉魚。沔陽。孝感。潛江。枝江。荊門。十九州縣武昌等衛被水村莊新舊額賦有差。上以歲暮給祭。

太廟自是日始齋戒三日。○戊辰諭軍機大臣等。據恆福奏豫省會剿擒匪存營馬隊無多。請飭黑龍江將軍選撥精兵來營助剿等語。逆捻糾眾紛擾豫軍三路會剿存營馬隊本屬無多。間有傷病疲乏。現在堵剿正當喫緊。必須精勁馬隊方資得力。前據奕山奏遵旨。

添設餘丁。由黑龍江城等處共揀派旗丁一千名。作為餘丁。隨時訓練。以備調撥。著即在此項餘丁內。挑選技藝嫺熟者。或二百五十名。或三百名。遴委得力將弁管帶。前赴河南軍營。交恆福調遣。以資防勦。將此諭令知之。○以不能約束散勇。革河南千總李煥然職。並逮問。○緩徵直隸武清甯河。蠡。東。鹿。安。高。陽。天津。青。靜。海。滄。南。皮。鹽。山。無。極。元。城。大名。南。樂。清。豐。永。年。邯。鄲。成。安。肥。鄉。曲。周。廣。平。雞。

澤。豐。潤。南。宮。新。河。武。邑。衡。水。隆。平。甯。晉。深。武。強。饒。陽。深。澤。三。十。五。州。縣。被。水。被。旱。被。雹。地。方。舊。欠。糧。租。米。石。加。賞。東。明。長。垣。二。縣。貧。民。口。糧。有。差。○蠲。緩。河。南。商。邱。甯。陵。鹿。邑。虞。城。柘。城。固。始。夏。邑。考。城。睢。祥。符。陳。留。杞。尉。氏。鄆。陵。中。牟。蘭。儀。鄭。滎。澤。汜。水。禹。安。陽。湯。陰。臨。漳。武。安。涉。內。黃。汲。新。鄉。輝。獲。嘉。延。津。滑。濬。封。邱。河。內。濟。源。修。武。武。陟。孟。溫。原。武。洛。陽。偃。師。鞏。孟。津。淮。甯。西。華。沈。邱。太。康。扶。溝。許。臨。潁。襄。城。

鄆城長葛光山息商城南陽鄧六十一州縣被水被旱被賊村莊新舊額賦有差○己巳以歲暮給祭遣官祭

太廟中殿

後殿陝甘學政翁同龢因病解任命翰林院

編修景其濬提督陝甘學政○以稽查東河

渡口出力予通判鄒梁直隸州知州用○庚

午

上詣

太廟行禮遣恭親王奕訢恭代行祫祭禮○遣

官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵

昌西陵

慕陵

慕東陵○遣官祭

孝德皇后殯宮○遣官祭

端慧皇太子園寢○遣官祭

聖訓

甲

太歲之神○諭軍機大臣等桂良等奏遵旨呈進俄夷條約並將歧異之處黏籤開單呈覽一摺詳閱單內所開歧異之處均屬有因從前既經普提雅廷斟酌看定始行畫押則該夷此次狡賴顯係恃無質證桂良現今在津與是明同議之叅領張廷岳先行回京當俟該員到時與之辯證自必無從狡執如其仍欲任意更改即不與之互換原議本有一年之說即俟上海事竣再與理論亦不為遲

至另片所奏必須撤去黃宗漢嘆夷始能帖服試思中國大臣豈能視外夷之喜怒為黜陟况欽差大臣關防已改授何桂清則海口通商事宜已與黃宗漢無涉至各省督撫辦理地方公事該夷豈能干預著桂良等向夷酋剴切曉諭前因廣東有偽造寄諭之事已明降諭旨桂良等接奉後諒已付該夷閱看其挽回事宜著仍遵前旨竭力籌辦毋得別生枝節將此由六百里密諭桂良花沙納並

聖訓

甲

傳諭明善段承實知之○又諭前因飭調之哲里木昭烏達兩盟官兵需用馬匹諭令理藩院咨行錫林郭勒將孳生馬匹內揀選二千匹於來年正月十五日以前送至熱河哨內地牧廠以備官兵騎用茲據該都統奏稱錫林郭勒距圍場較遠前調馬匹勢難如期到哨等語兩盟官兵已定於正月初四等日啟程著常清派員迎提前調馬匹務令趕緊到哨以備乘騎如到哨在官兵已經啟程之

後著即派員將馬匹分起徑解通州軍營以免貽誤將此通諭知之○又諭前因海口辦防諭令吉林黑龍江各調兵一千名均於年內啟程並令格綢額會同史榮椿於查看海口要隘後格綢額即留於山海關所有吉林兵一千名約計即可抵關著定福格綢額傳知該帶兵官將所帶官兵即在山海關駐劄其黑龍江官兵以五百名防守昌黎縣海口五百名防守樂亭縣海口並著格綢額相度要隘飭令該帶兵官分投前來駐劄此項官兵均歸格綢額統帶務當嚴明約束毋許滋生事端其支應一切已諭知慶祺飭屬豫備矣將此諭令知之○命戶部尚書瑞麟為大學士管禮部事○調禮部尚書肅順為戶部尚書刑部尚書麟魁為禮部尚書仍兼署吏部尚書理藩院尚書瑞常為刑部尚書以吏部右侍郎穆蔭為理藩院尚書仍兼京營右翼總兵調禮部右侍郎文祥為吏部右侍郎

光緒二十一年

甲子

以內閣學士文惠為禮部右侍郎○以正藍旗蒙古副都統托雲為鑲藍旗護軍統領○調正白旗蒙古副都統載岱為鑲白旗滿洲副都統以頭等侍衛成保為正白旗蒙古副都統○朝鮮國使臣李根友等三人於午門外瞻覲○辛未諭內閣袁甲三奏藩司玩視軍餉請旨交部議處一摺山西省應解袁甲三軍營餉銀積欠至十一萬兩雖係該省趕解京餉並各省撥餉較多惟軍營攻勦喫緊總應源源接濟俾無貽誤著英桂即飭該藩司將所欠餉銀十一萬兩趕緊於正二兩月內如數起解毋許再遲至該藩司常續於奉撥要款屢催不解是否有心延宕並著該撫查明具奏再降諭旨○命大學士瑞麟兼管太常寺鴻臚寺事○賞豫親王義道三眼花翎命與大學士桂良吏部尚書花沙納禮部尚書麟魁均為內大臣○是年旌表孝子江蘇等省譚文甯等五十名孝友浙江等省毛

光緒二十一年

甲子

蕃八等四十六名。義士浙江黃槐一名。義夫安徽等省。明子從等二名。孝女江蘇等省。黃雙喜女安順等三十九口。烈女江蘇等省。王氏等三十口。烈婦順天等省。范雲霄妻張氏等一百六十六口。貞烈婦浙江張氏一口。孝婦江蘇等省。陳杏林妻徐氏等三十九口。貞婦江蘇等省。徐曾三聘妻張氏等四口。孝烈女江蘇許氏一口。孝貞烈婦女江蘇金顧氏等十六口。江蘇志載貞孝節烈婦女魏氏等二千三百二十二口。守節合例宗室奕俊妻那拉氏等二十三口。滿洲希勒蒙阿妻富察氏等一百六十口。蒙古奇世泰妻趙氏等六十五口。漢軍焦文龍妻王氏等四十七口。內務府長祥妻楊氏等十六口。各省駐防。明順妻邱氏等一百七十五口。奉天等省。曲維藩妻劉氏等六千二百三十三口。夫亡殉節。江蘇等省。劉開文聘妻吳氏等二十六口。未婚守志。順天等省。張見龍聘妻張氏等一百五


口。百歲壽民婦四川等省。傳世貴等十八口。五世同堂安徽等省。職員金章文等十六家。均給銀建坊如例。○一產三男山東等省。魏興等四家。○會計天下民數除直隸江蘇安徽福建廣西雲南未經冊報穀數除直隸江蘇安徽福建湖北湖南廣東廣西雲南貴州未經冊報外。奉天等省通共大小男婦二萬九千三百八十八萬七千五百二名。口存倉米穀一千一百四十一萬五千一百四十

八石二斗八升四合九勺

大清文宗協天翊運執中垂謨懋德振武聖孝
淵恭端仁寬敏顯皇帝實錄卷之二百七十二

實錄卷之二百七十二

四十六



統一書號:11018·1355—43

定 價: 57.00 元